

**REVERENDI ...
FULGENTII CUNILIATI
... CATECHISTA IN
PULPITO SECUNDUM
ORDINEM...**

Fulgenzio Cuniliati, Josè Maria
Fonseca de Evora, ...





REVERENDI PATRIS FRATRIS
FULGENTII CUNILIATI
SACRI ORDINIS PRÆDICATORUM, CONGREGATIONIS
B. JACOBI SALOMONII, S. THEOLOGIÆ PROFESSORIS
CATECHISTA IN PULPITO

secundum ordinem Catechismi CONCILII TRIDENTINI
(qui reliquorum omnium facile regula est)

PER
SERMONES FAMILIARES

SS. SCRIPTURÆ TESTIMONIIS, SS. PATRUM AUCTORITATIBUS

ET
SOLIDÆ MORALIS THEOLOGIÆ PRÆCEPTIS NIXOS

FIDELIBUS,

QUID

POTISSIMUM ET CREDERE ET FACERE PRO SALUTE

ÆTERNA OBTINENDA DEBEANT,
proponens.



O P U S

TUM FIDELIUM CUIVIS, TUM MAXIME PAROCHIS
PERUTILE

ITALICA PRIMUM LINGUA VULGATUM

N U N C

POST SECUNDAM EDITIONEM VENETAM LATINITATE DONATUM.

Declaratio sermonum tuorum illuminat, & intellectum dat parvulis. Psalm. 118.

AUGUSTÆ VINDELICORUM.

M DCC LXXI.

Sumptibus FRATRUM VEITH Bibliopolarum.

Superiorum Permissu.



VIRGINI MAXIMÆ
MARIÆ

Genitrici

Incarnatæ Sapientiæ

Patris Aeterni.

Quamvis multæ sint, Regina augustissima! causæ, quæ me incitarunt, ut ad excelsum, in quo resides, thronum hoc meum Opus deponerem; una tamen eaque admodum specialis menti occurrit meæ, quæ me ad id faciendum quodammodo adigere videbatur. Incitabat me equidem incomparabilis benignitas tua, quacum alia mea scripta excipere & quacum in conscribendis aliis mihi adesse dignata es: Incitabant innumera eaque eximia beneficia, quæ mihi a Deo pro tua misericordia impetrasti: Incitabat ardens, quo flagro, tui patrocinii mihi magis magisque conciliandi studium: Incitabat denique firma, quam pectore meo alo, spes, me in maternas ac piissimas manus tuas animam meam exhalaturum, ut illa, tanquam ad te pertinens, tremendo Filii tui tribunali oblata æternam,

aqua appellari non potest, sententiam audiat. Hæc me, O Virgo maxima ! incitabant causæ, dabatque unaquæque harum fiduciam, id, quod ausurus essem, venia nequaquam cariturum esse : Verum enimvero ubi animo occurrit, te, O sancta DEI Genitrix ! primam omnium amore plenissimum Catechistæ mysteriorum novæ legis munus exercuisse (Ut verum fatear) omni propemodum metu, ne nimis cujusdam audaciæ arguerer, deposito tibi hunc meum Catechismum sacrare constitui. Tu profecto, alma Virgo ! tu prima pastores, ad colendum natum ex te Salvatorem ab Angelo invitatos, altitudinem gesti mysteriorum, quod sine mysterio Unitatis DEI in Personarum Trinitate apte convenienterque explicari non potest, docuisti : nimirum secundam in Trinitate Personam (Filium Patris æterni) singulari Spiritus sancti, qui est Persona Trinitatis tertia, operatione carnem naturamque humanam ex tuis purissimis visceribus suscepisse ; quo eodem mysterio tum Personæ divinæ in Christo Jesu una cum duabus distinctis perfectis naturis (divina & humana) identitas, tum admirabilis virginitas excelsissimæ veræque maternitati divinæ in te prodigiose juncta continetur. Tu certe Magos, stellæ ope ad Filii tui adorationem evocatos, memorata mysteria docuisti ; qua re factum, ut tum hi tum illi, tuis sacris institutionibus illustrati, veritatum a te propositarum & explanatarum lumen suis oris intulerint. Tu certe S. Lucæ Evangelistæ tot alia mysteria accurate adeo retulisti, mysteria colloquii cum Archangelo habiti : visitationis Elisabeth : exultationis Joannis Baptistæ in matris utero : verborum Cognatæ a te dictorum : soluti linguæ vinculi in Zacharia & cantici ab ipso tempore illo prolati : item alterius cantici a
te

te compositi, quod gemmæ ad instar reliqua inter carmina sacra refulget: duplicis adventus, Pastorum & Magorum: circumcisionis Christi: purificationis tuæ: cantici Simeonis ac vaticiniorum ab illo de oblato sibi pusione editorum, & omnium reliquarum circumstantiarum infantiae ac pueritiae Salvatoris. Quis nisi tu, O Virgo sancta! memorato Evangelistæ hæc omnia exposuisti? Atque ista de causâ merito nos idem S. Lucas sæpius admonuit, conservasse te augustissimo corde tuo mysteria hæc omnia obsequuturam motibus Spiritus sancti, ubi te ille ad eorundem manifestationem directurus esset (a) *Maria autem conservabat omnia hæc conferens in corde. . . Et Mater ejus conservabat omnia verba hæc in corde suo.* Tibi itaque, O sublimis Regina! tibi jure meritissimo debetur hæc gloria, quod Catechistarum novæ legis prototypon primumque exemplar extiteris; ut non asseram, quod tamen accidisse verosimilius puto: scilicet te primis Neophytis Apostolorum prædicatione conversis, te ceu vivens miraculum (Matrem veram, at simul Virginem intactam) videre cupientibus, suavissimo ore tuo documenta prompsisse; ut non cum S. Ambrosio, fervo nomini tuo devotissimo, tibi tuisque domesticis institutionibus id acceptum referam, quod S. Joannes Evangelista de divinitate JESU tam alta atque sublimia scripserit: *Tradita est Maria Joanni Evangelistæ. . . Unde non miror, præ ceteris locutum mysteria divina, cui præstaret* (b) *Aula cælestium sacramentorum.* Hæc cogitatio, O MARIA! nimirum te talem fuisse; etsi metum obortum, ne hoc præsens Opus ex zelosi & amore pleni ministerii, cujus Exemplar te primum constituisti, ratione atque argumento conscriptum tibi offerendo nimium audax viderer, minuerit:

tamen, quod idem Scriptum ab Prototypo multum discrepare bene cognoscerem, non omnino sustulit; donec is tandem sola & secura maternæ ac summæ benignitatis tuæ consideratione ablatum est: benignitatis tuæ (inquam) quæ, dum cordis obsequium & sincerum offerentis studium spectat, Operis vitia curare non solet. Tibi, O Virgo! hunc librum meum dicatum volui, antequam ad eum componendum aggressus sum: Tibi illum componens sæpius commendavi: Et, si una ex parte confiteri debeo, me auxilii tui manifesta indicia habuisse: parte ex altera (Quod meum dedecus est) fateri cogor, me eodem auxilio uti, ut par erat, neglexisse. Utcunque sit, ecce! jacet ad pedes throni tui, O excellens Regina! Opus hoc meum; immo præ aliis rebus cunctis jacet supplex Auctor indignus, humiliter te obtestans: Impetres efficacissima intercessione tua tum mihi tum omnibus hos sermones lectionis gratiam DEI, ut firmiter credamus perpetuoque exerceamus, quæ iisdem comprehenduntur; eumque in finem, quicquid Operi huic ad summam utilitatem deest, suppleas, ut tum ego tum ipsi vitam omnibus status nostri officiis respondentem ducendo digni reddamur, quibus te laudare, te amare, te frui per secula seculorum detur.

Amen.



LECTORI

LECTORI.

EX titulo Operis, Lector amatissime! pro tua prudentia cognosces, ad quos hi Sermones catechetici dirigantur, & (quod consequitur) qualia sint argumenta, quæ in illis pertractantur. Quoniam ad populum fidelem diriguntur, præsupponunt populum Catholicum, atque ob eam rem in illis materiæ controversæ adversus hæreticos & alios incredulos directe non tractantur; de quibus tum multi laudabiliter utiliterque scripserunt, tum etiam ante paucos annos in *Conversationibus litterariis Clotildis Wandstol nobilis femina* (*) actum fuit: Nihilominus in aliquibus Sermonibus de controversis capitibus, nimirum cum argumento explanando cohærentibus, sobrie & eatenus solum differitur, quatenus inde populus fidelis in Fide Catholica confirmari fortius potest.

Ex eodem titulo intelliges, hos Sermones non ad meram, simplicem nudamque institutionem comparatos esse, sed enim cum doctrina vim persuadendi conjunctam habere debere. Eum in finem argumentis, figuris aliisque utendum modis fuit, qui eo conducere queunt, ut tum vitiorum fuga tum virtutum exercitium ab Auditoribus decernatur.

Advertes præterea, Lector! Catechistam ad populum fidelem dicere: videlicet ad personas ut plurimum rudes, illiteratas, simplices, quales maxime ad audientia doctrinæ christianæ rudimenta confluere solent. Etenim personæ doctæ institutiones catecheticas frequentare haud consueverunt; cum non solum ea, quæ in catechesibus afferri solent, sed multo plura scire debeant: quæ etiam, si qua eis difficultas de istis materiis incidit, illius enodationem in libris classicis, talia fusa tractantibus, quærunt; Insunt tamen Operi huic nonnulla, quæ etiam ipsis proficua esse possunt. Ex hoc inferes, Lector! stylum horum Sermonum planum, dilucidum facilemque esse, & materias, quæ ibi tractantur, rationibus, similitudinibus, comparisonibus variisque figuris facientibus, ut res proposita, quoad ejus fieri potest, sub oculos (Ut sic dicam) cadat, exponi debere; quam dicendi rationem S. Joannes Chrysostomus semper servavit, maxime in suis ad *Populum Antiochenum* homiliis, ut easdem captui rudium aut parum videntium Lectorum accommodaret; qua eadem ego quoque usus sum, maxime in explicatione aliquot Attributorum Dei, quam consulto suscepi; quod scirem, deplorandam illorum ignorantiam in multis,

(*) *Le Conversazioni letterarie di Madamigella Clotilde Wandstol nobile Fiamminga convertita dal Calvinismo alla Catholica Romana Fede, da essa tenute sui punti principali della Religione naturale e rivelata.* Tom. II. in Venezia, 1750.

tis, etiam haud popularis ordinis, hominibus obtinere, qui cum ea, quæ ad proprium commodum atinent, & modos temporalium fortunarum augendarum longe acutissimos plane docti sint; contra Deum suum parum norunt.

Hinc nihil miraberis, me sæpius prolixos Textus in medium asferre; Primum quidem, quia (Ut ipse nosti) alia ratio servanda scribenti ut legatur, alia scribenti ut audiat: Posterior adducere in medium Textus, qui audiantur, & (quod consequens est) haud longos asferre debet, ne animis audientium fastidium moveat: Priori contra potestas cumulatæque libertas est excurrendi, quantum materia propoſita & ſcriptionis ſuſceptæ vis poſtulat; cum mens, ſi quidem idioma callet, oculorum ſubſidio munita parum fatigetur. Deinde vero hoc feci, ut ſi quis rebus hoc libro perſcriptis ad concionem Fidelium uti vellet, poſſet ex longis Textibus ea mutuari, quæ ad compoſitionis ſuæ rationem magis faciunt.

In certis materijs lubricis neque tam longus fui, neque in eas tam alte deſcendi, quantum tum oporari ipſe tum forſitan materia propoſita exigebat: Cogitabam quippe mecum, fieri facile poſſe, ut hic Catechiſmus meus in perſonarum omnis ſexus, ætatis, ordinis (videlicet & monacharum, & puellarum, & adoleſcentum) manus incidat: eaque re adigi me ſentiebam, ut ſuper his materijs ſobrie & ea tantum ſcriberem, quæ ad horum ſclerum reos illuſtrandos neceſſaria eſſent, nec aliorum aut innocentia nocerent aut infirmitatem in laqueos inducerent. Simili modo in quadam alia materia brevior fui, ne perſonarum in certis vitæ conditionibus poſitarum vitia nonnulla, de quibus illæ ab aliquibus ne ſuſpectæ quidem habentur, pateſcerent.

Hæc ſunt, Lector chariſſime! quæ te de præſenti Opere monere opportunum duxi: quod, uti reliqua mea Scripta omnia, non ſolum iudicio benediſſæ Matris noſtræ S. Eccleſiæ Catholico-Romanæ, immotæ veritatis Columnæ, ſed etiam cenſuræ cujuſvis doctioris & ſapientioris viri ſubjicio: in quo ſi quid grati, boni, proficuique inveneris, Deo boni omnis largitori & Mariæ, quæ illud impetravit, patrocinio gratias age: Quidquid autem vitioſi in illo ineſt (Multa autem ineſſe ſentio) mihi adſcribe; cum hoc ſolum de meo ſit; Neque hoc meum de me ipſo teſtimonium officiōſæ affectationis arguas, ſed pro Fidei veritate habeas velim. Deum itaque pro me exores rogo atque obteſtor, ut, cum me ſua miſericordia ad varia Opera in Proximi bonum elucubranda commoverit atque adjuvarit, etiam hoc gratiæ mihi concedere propitijs velit, ut in numero eorum agricolarum ſim, quos (**) Paulus indicavit; nimirum ut ego fructus exilium laborum meorum primus capiam: *Laborantem agricolam primum oportet de fructibus percipere.* Deus tibi divina ſua gratia perpetuo adſit!

A P P R O-

(**) 2. *Timoth.* 2.



APPROBATIO CENSORIS EPISCOPALIS.

Cum in præsentī Opere, sub inscriptione: *Catechista in pulpito &c.* omnia ea, quæ pro obtinenda salute sempiterna homo & credere & facere debet, per Sermones familiares, secundum ordinem Catechismi Concilii Tridentini, a P. F. FULGENTIO CUNILIATI, S. Ordinis Prædicatorum, non minus erudite quam perspicue exponantur; atque Opus istud, quod post secundam editionem Venetam latinitate donatum fuit, universis Fidelibus, tum maxime animarum pastoribus utilissimum esse queat; neque bonis moribus, aut orthodoxæ fidei principiis in aliquo repugnet: dignissimum censetur illud, ut sub approbatione & commendatione Curiae Episcopalis typis in lucem publicam prodeat. Augustæ Vindelicorum, die 24. Jul. 1770.

JOSEPHUS HERZ,

S. Theol. Licent. Revmi ac Sermi
Elect. & Archiepisc. Trevir.
nec non Episc. August. Consil.
Eccl. Visitat. Gen. Consistor.
Assess. ac Librorum Censor.

XX

INDEX

INDEX SERMONUM.

PARS PRIMA

De Symbolo Apostolorum.

Sermo	Pag.
I. P ræliminaris: De magno veræ Fidei dono, & quam male eidem mortales respondeant	1
II. Præliminaris: De causis, quæ Fidem christianam prudenter evidentem, que credibilem reddunt	6
III. De verbis Symboli: <i>Credo in Deum; & quodnam potissimum vitium mortalium animos ad amittendam fidem in Deum præparet</i>	12
IV. De verbis Symboli: <i>Patrem omnipotentem. Explicatur mysterium SS. Trinitatis, itemque attributa Immenstatitis, Aeternitatis & Immutabilitatis</i>	18
V. De Bonitate, Pulchritudine & Amabilitate Dei unius ac trini	23
VI. De Misericordia Dei tri-unius	30
VII. De Abusu Misericordiæ divinæ, cujus reos se faciunt, qui peccare pergunt &c. deque irritata in hujusmodi Justitia divina	36
VIII. De Omnipotentia Dei	42
IX. De Providentia Dei, deque distributione bonorum & malorum temporalium	47
X. De Errore Justorum, qui in angustiis suis providentiæ divinæ diffidentes modis peccaminosis sibi consulere tentant	53
XI. De verbis Symboli: <i>Et in Jesum Christum &c.</i> Ostenditur gravitas peccati mortalis: Veritates catholicæ de Persona Jesu Christi explicantur & culpæ mortalis execrabilitas latius proponitur	59
XII. De verbis Symboli: <i>Natus ex Maria Virgine.</i> Agitur de persona Mariæ Matris Christi Jesu, & de prima hujus maternitatis sequela, sanctitate nimirum B. Virginis	65
XIII. Agitur iterum de persona Mariæ, scilicet de ejusdem dignitate atque auctoritate	71
<i>SALUTATIO ANGELICA pia meditatione digesta</i>	77
<i>Antiphona: SALVE REGINA, pia meditatione digesta</i>	79
XIV. De verbis Symboli: <i>Passus sub Pontio Pilato &c.</i> Varia consideratio eorum, quæ Christus in anima sanctissima passus est, instituitur	82
XV. Agitur de modo fructum ex passione Christi capiendi	88
XVI. De verbis Symboli: <i>Descendit ad inferos, tertia die resurrexit &c.</i> De Descensione Christi ad inferos, & ejusdem gloriosa Resurrectione	93
XVII. De verbis Symboli: <i>Ascendit &c.</i> De Ascensione Christi	99
XVIII. De verbis Symboli: <i>Inde venturus est &c.</i> Agitur de Judicio particulari	104
XIX. Agitur de Judicio universali	110

Sermo	Pag.
XX. De verbis Symboli: <i>Credo in Spiritum sanctum. Agitur de Persona, & donis Spiritus sancti</i>	116
XXI. De verbis Symboli: <i>Sanctam Ecclesiam catholicam</i>	123
XXII. Agitur de sanctitate Ecclesiæ catholicæ, & de gravi injuria, quam Catholici male viventes multoque magis personæ ecclesiasticæ mali exempli Religioni sanctæ inferunt	129
XXIII. De verbis Symboli: <i>Sanctorum Communionem</i>	135
XXIV. Agitur de Communione Sanctorum Purgatorii	141
XXV. De verbis Symboli: <i>Remissionem peccatorum</i>	147
XXVI. De verbis Symboli: <i>Carnis resurrectionem</i>	154
XXVII. De verbis Symboli: <i>Vitam æternam. Agitur de Beatitudine corporis</i>	161
XXVIII. Agitur de Beatitudine animæ	167
XXIX. Agitur de Vita infelici Damnatorum	173
XXX. Agitur de Bivio duplicis æternitatis, felicitis & infelicitis	180

PARS SECUNDA

De sanctis Sacramentis.

XXXI. Explicantur ea omnia, quæ ad Sacramenta in genere pertinent	187
XXXII. De Sacramento BAPTISMI	194
XXXIII. De eodem Sacramento	202
XXXIV. De Sacramento CONFIRMATIONIS, & repellendo respectu humano	208
XXXV. De Sacramento EUCHARISTIÆ, & de amore Christi, quem in hoc Sacramento ostendit	215
XXXVI. De Eucharistia, quatenus sacrificium est	222
XXXVII. De dispositionibus ad dignam Eucharistiæ sumptionem requisitis	230
XXXVIII. Quid post susceptam Eucharistiam agendum sit, & quam vitæ rationem servare debeat is, qui quotidie aut sæpius per hebdomadam ad eam accedit?	237
XXXIX. De mirandis Sacramenti Eucharistiæ fructibus	243
XL. De Sacramento POENITENTIÆ, & quid Poenitens facere debeat, ut illud digne suscipiat?	249
XLI. Agitur denuo de obligationibus Poenitentis	258
XLII. De officiis Confessarii	264
XLIII. De fructibus bonæ Confessionis	272
XLIV. De Sacramentis UNCTIONIS-EXTREMÆ & ORDINIS	278
XLV. De Sacramento MATRIMONII	286

De Præceptis Decalogi.

	Pag.
Sermo	
XLVI. De I. Decalogi præcepto: De obligatione actuum Fidei, Spei & Charitatis	295
XLVII. De Charitate Proximo debita generatim & speciatim de Operibus <i>misericordiæ spiritualis</i>	303
XLVIII. De Charitate Proximi per Opera misericordiæ corporalis manifestata	311
XLIX. De Oratione	318
L. De Oratione Dominica	325
<i>ORATIO DOMINICA pia meditatione digesta</i>	334
LI. De II. Decalogi præcepto: De non jurando in vanum	337
LII. De III. Decalogi præcepto: De sanctificatione Sabbathi	345
LIII. De IV. Decalogi præcepto: De obligationibus parentum erga filios	353
LIV. De bono Exemplo, quod præbere parentes proli suæ debent	362
LV. De Obligationibus filiorum erga parentes	372
LVI. De V. Decalogi præcepto: De Occisione vitæ naturalis Proximi &c.	382
LVII. De Occisione vitæ civilis Proximi, quæ est fama	390
LVIII. De Occisione vitæ supernaturalis Proximi, videlicet de Scandalo <i>verborum</i>	398
LIX. De Scandalo actionum, præsertim de Scandalo spectaculorum, ve- <i>ritium &c.</i>	405
LX. De VI. Decalogi præcepto: De Luxuria	413
LXI. De VII. Decalogi præcepto: De Furto	420
XLII. De VIII. Decalogi præcepto: De duobus modis Proximo nocendi hoc <i>præcepto prohibitis, scilicet de Mendacio & Adulatione</i>	428
XLIII. De IX. Decalogi præcepto: De expellendis Cogitationibus impuris, deque <i>Oculis custodiendis a contuitu objectorum & lectione perniciosorum li-</i> <i>brorum</i>	435
LXIV. De X. Decalogi præcepto: De non Deliderando bona aliena cum damno <i>Proximi</i>	442

De Præceptis Ecclesiæ sanctæ.

LXV. De Præcepto IJUNII	-	-	-	-	448
LXVI. De Præcepto CONFESSIONIS ANNUÆ	-	-	-	-	455
LXVII. De Præcepto COMMUNIONIS PASCHALIS	-	-	-	-	462
LXVIII. De Præcepto DECIMARUM	-	-	-	-	468



PARS L



PARS PRIMA DE SYMBOLO APOSTOLORUM.

SERMO I. PRÆLIMINARIS.

De magno veræ Fidei dono, & quam male eidem mortales respondeant.



Cum unicuique, doctrinæ christi-
næ elementa tradenti, hoc pro-
positum sit, ut vel auditorum
suorum mentes illustret verita-
tum ad salutem æternam obti-
nendam necessarium cognitio-

ne illas imbuendo; vel ut Fidelium animos
ad easdem veritates opere ipso fideliter com-
plendas accendat: cumque inter veritates
ad intellectum pertinentes principem sibi lo-
cum veritates Fidei sanctæ vendicent, ob id
primo quidem, quid vera Fides sit, exponere,
Auditores dilectissimi! necessum esse videtur.

Itaque Fides donum gratuitum est, a Deo
gratiæ infusum, quo adjuvante illa omnes ve-
ritates a Deo Ecclesiæ revelatas, & ab Eccle-
sia ad credendum propositas firmiter tenet.
Appellatur donum Dei ex effato S. Joannis,
dicentis: *Hoc est opus Dei, ut credatis* (a) item-
que S. Pauli apertissimum in modum decla-
rantis. Fidem, quippe merum donum Dei,
humanis viribus nequaquam obtineri: *Gratia*

P. Cunctiati Catechisia.

estis salvati per Fidem, & hoc non ex vobis; Dei enim donum est. (b) Dixi præterea, hoc dono &
hac Fidei virtute adjuvante omnes veritates
omniaque mysteria a Deo Ecclesiæ revelata
& ab Ecclesia proposita firmiter credi; quod
ut melius intelligatis, sciatis velim, mysteria
credita necessaria ferme omnia sacris Scriptu-
ris comprehendendi. Dixi: *ferme omnia*; nam
sunt nonnulla, quæ Traditione continentur.
Dicetis: Quid sibi vult vox ista, *Traditio*? Re-
pono, nomine Traditionis denotari veritatem
aliquam in sacris literis non conscriptam, sed
a Christo Apostolis, ab Apostolis deinde succes-
soribus suis, ab his demum posteris orete-
nus expositam, eaque ratione ad nos usque deri-
vatam; quæ quancquam a successoribus Apo-
stolorum literis mandata fuerit, tamen a Chris-
to Apostolis, ab his vero successoribus orete-
nus tradita fuit, ut deinceps ad omnes Fide-
les in finem mundi usque transfunderetur;
atque ob id Traditio, sive verbum Divinum vo-
cale nuncupatur, habetque eandem cum scri-

A

pto

(a) Joan. 1. 6. (b) Ephes. 2.

pto & librorum sacrorum scriptoribus revelato Dei verbo veri certique rationem. Jam hæc veritates omnes, quas ipsas per decursum operis explanabimus, objectum & materiam sanctæ Fidei constituunt.

Ut autem cognoscatis, quam apposite dixerim: Fidei materias a Deo revelatas, & ab Ecclesia sancta ad credendum propositas esse; animadvertatis velim, varias de Scripturis sacris, quibus veritates a Deo revelatæ (quarum modo memini) continentur, difficiles quæstiones in medium asserri posse; ac primo quidem de libris ipsis, scilicet: Quinam revera, & quot sint, in quibus memoratæ veritates comprehendantur? longi etenim temporis, quod ex eo, quo hi libri a sanctis primævis scriptoribus spiritu Dei afflatis exarati fuere, ad nostram usque ætatem fluxit, decursu facile S. Scripturæ detrimenti quidquam accipere potuerunt sive quoad librorum numerum sive quoad horum apographa, quorum innumera confecta fuerunt; quæ cum inter se discrepent, multis necessarie ambiguitatibus mens suspenditur humana, dubitatque, tum quot plane libri tum quæ eorundem legitima exemplaria sint? Præterea cum dicendi genus, a Deo in illis libris adhibitum, sublimè maxime acmysticum, & sensu multiplex sit varieque accipi possit; nova, eccel dubitatio exoritur, quinam sit legitimus sensus, quo accipi S. Scripturæ debeant? Jam horum dubiorum, tam quoad libros quam quoad verum eorundem sensum, certa securaque discussio cuius (putatis) erit? Anne Privati cuiusque? Neutiquam: Ipsi namque facile intelligitis, pro maxima, quæ est, cogitationum humanarum varietate tot religiones quot capita, easque inter se contrarias extituras esse: id quod non sine vehementissimo doloris sensu nostris ipsi oculis cernimus; Etenim ex hoc maxime, quod Privatus quisque legitimum sese librorum sacrorum iudicem eorundemque interpretationem certum atque authenticum facere voluit, omnes hæreses, quotquot a primis post Christum natum seculis ad nostra usque tempora plurimis dogmatibus inter se contra-

rias orbis vidit, originem habuerunt; dum veritatem incorruptam a suis partibus stare, pro se quisque contenderet, quæ tamen, (ut quivis facile videt) inter duo sibi repugnantia esse non potest: Sic (ut exemplis agam) verum esse nequit: sacros veteris Testamenti libros numero quadraginta quinque esse, & non esse: libros novi Testamenti viginti tres esse, & non esse: verum obscurorum locorum sensum hunc esse, simulque alium ab hoc longe diversum. Facile igitur quivis, nisi mentis expers sit, intelligit, nullius esse Privati, de hujuscemodi difficultatibus decidere.

At, cum librorum sacrorum & veri eorum sensus iudicium ad neminem Privatum pertinere possit, ad quamdam profecto congregationem pertineat oportet. Jam quænam ista congregatio? Hæc quæ sit, melius nulla alia ex re, quam ex verbis Christi cognoscere nos licet, Christi (inquam) qui eam nobis in illo Evangelii capitulo ostendit, in quo de peccantis correctione fraterna loquens, postquam modum rationemque fratrem peccantem apte corrigendi tradidisset, in hæc verba concludit: *Quod si non audierit eos, dic Ecclesiæ; si autem Ecclesiam non audierit, sit tibi sicut Ethnicus & Publicanus.* (c) Itaque, cum Christus velit, ut, qui Ecclesiam non audierit, in numero Infidelium & Paganorum habeatur; dubio procul Ecclesia erit ministra a Christo eo constituta, ut audiatur de illis, quæ ipse credenda revelavit. Hinc locutione significantissima usus S. Augustinus dixit: *Ego Evangelio non crederem, nisi me catholica Ecclesia commoveret auctoritas* (d)

Ex his intelligitis (puto) Auditores charissimi! quare dicatur: Veritates creditu necessarias esse eas, quas Deus revelavit & Ecclesia credendas proponit; namque sine hac legitima ministra, quæ & quot sint memoratæ veritates, certo cognoscere non possumus. Ex hoc autem inferri debet, causam seu motivum credendi Fidei veritates esse verbum Dei, aut revelationem Dei Ecclesiæ factam; Ecclesiam deinde medi-

(c) *Matth. 18.* (d) *Lib. contra epist. Manich. c. 5.*

medium esse a Deo destinatum, per quod eae veritates, quas illa per revelationem divinam accepit, nobis proponuntur & applicantur. Ob eam rem idem dicere nos debemus, quod admirabilis ille parvulus, cujus Historia ecclesiastica meminit, tyranno reposuit, qui cum interrogaretur, quid demum de causa veritatis legis christianae & in primis Divinitatem Jesu Christi constanter adeo profiteretur, sapientissima quadam cum simplicitate egregium hoc tyranno responsum dedit: *Quia ita dixit mihi mater.* Cumque tyrannus subdidisset: *Et quis matri tuae dixit?* Sapiens ille puer respondit: *Et matri Deus.* Hoc ipsum (inquam) nos, aptius quidem magisque ex ratione, dicamus: Credo, *quia ita dixit mihi mater,* scilicet Ecclesia, & matri Deus; nam nisi id prius Deus Ecclesiae revelasset, illa istud mihi ad credendum neutiquam proponeret. Haec autem vera Ecclesia sola nostra Catholica Romana est, id quod suo loco, nimirum in articulo (*sanctam Ecclesiam*) aperiam ac confirmabo.

Jam vero hoc Fidei sanctae donum (quod, uti dixi, in eo consistit, ut omnes veritates a Deo Ecclesiae revelatas & ab Ecclesia ad credendum propositas credamus) cum purum putumque Dei donum sit, promereri a nullo potest, adeo ut, quamvis quis mentem a plurimarum naturalium scientiarum cognitione instructissimam aut cor ad honestatem naturalem propensissimum habeat, tamen hoc Fidei donum aut comparari solis humanis viribus, aut consequi meritis ullis nequeat; sed usque merum donum, infinitae misericordiae Dei sit, qui illud cum nullo debeat, istis demum concedere solet, qui se eo non indignos reddunt. Sic in Scripturis sacris Deus declaravit, & praeter loca hujus sermonis initio a me laudata, in Evangelio Christus edixit: *Nemo potest venire ad me* ipsa seu effective, scilicet vera cum Fide, *nisi Pater, qui misit me, traxerit eum; Et nisi fuerit ei datum a Patre* (e) *meo, ut ad me veniat, adeo ut solae humanae vires, gratia divina desti-*

tutae, plane inhabiles sint, non solum eo, ut ad veram Fidem perveniant, sed eo quoque, ut vel levissima illius initia ponant, aut primam illius amplectendae voluntatem concipiant. Sic Concilium Arausicum II. a Papa Bonifacio II. confirmatum, atque adversus haereticos Semipelagianos ab Ecclesia catholica universa adoptatum *canone III. V. VI. & VII.* qui omnes de Fide agunt maxime vero *canone V.* monet: *Si quis, sicut augmentum, ita etiam initium Fidei ipsumque credulitatis affectum, quo in eum credimus, non per gratiae donum . . . sed naturaliter nobis inesse dicit, apostolicis dogmatibus adversarius probatur.* Ob eam rem magnus eruditusque S. Augustini Discipulus S. Fulgentius, sensa excellentis magistri sui sequens, ait: *Nunquam redire potest ovis errans, nisi fuerit boni pastoris inquisitione praeventa, Et humeris reportata.* Propterea pastor bonus venit quærere Et salvam facere ovem perditam, quae pastorem suum quærere non potest, priusquam ab eo quærat; sed a quærente praeventur, ut quærat: pastor autem frustra eam quæreret, si quæstia pastorem ipsa quærere non posset; sed hoc ei quærentis pastoris humeris donat, ut etiam ipsa quærendi pastoris habeat voluntatem. Quæritur autem, ut quærat; quando illuminatur, ut credat. (f) Ecce aurea sancti Doctoris verba!

Haec autem Fides (quæ, ut dixi, purum merumque Dei donum est, quod ab ipso solo concedi & sola humana industria absque speciali Numinis gratia & beneficentia obtineri numquam potest) usque adeo ad æternam salutem necessaria est, ut hæc absque illa adipisci plane atque omnino nequeat. Sic Apostolus canone, ab ipso sancto Spiritu condito, declaravit: *Sine Fide impossibile est placere Deo.* (g) & Galatis in hæc verba scribit: *Scientes, quod non justificatur homo . . . nisi per Fidem Jesu Christi.* (h) Quid quod ante Paulum Christus ipse pronuntiavit: *Qui non credit, ac si diceret: Qui Fidem non habet, jam judicatus est ad perditionem, quia non credit in nomine unigeniti Filii Dei.* (i) Id ipsum sa-

A 2

cra

(e) Joan. 6. (f) Lib. de Incor., & Grat. c. 22.

(g) Hebr. 11.

(h) Galat. 2.

(i) Joan. 3.

cræ Patrum turba omnis una voce docet. Unde jure meritissimo SS. Concilium Tridentinum (k) Fidem principium salutis æternæ, fundamentum & radicem omnis justificationis nuncupavit: *Fides est humanæ salutis initium, fundamentum & radix omnis justificationis.* Manet ergo, donum Fidei ad salutem æternam omnino necessarium esse.

Percurramus modo mentis nostræ oculis, Dilectissimi! mundum universum, & videamus, quot sint nationes, in quibus vera Fides regnat: quot sint populi, quibus grande adeo ac necessarium donum concessum est! Videbimus certe, quod, quamvis per omnes gentes tum veros Fideles reperire sit tum milia sacros, qui vitæ quoque suæ periculo Fidem veram inducere allaborant (ob quam ipsam rem Ecclesia catholica dicitur atque universalis) tamen nationes Fidei sanctæ dono carentes iis, quæ veram fidem tenent, numero quam longissime antecedant. Quot, eheu! gentes etiamnum tetra idololatriæ caligine circumfusæ? Quot superstitionis Mahometis dogmatibus excæcatæ jacent? Quot denique, quæ, tametsi nomen christianum jactent, quippe per sacras Baptismatis undas regeneratæ; tamen varias sibi que mutuo repugnantes hæreses animo obfirmato tenent, adeo ut numerosissimæ multitudini huic collata eorum, qui veræ Fidei privilegium consecuti sunt, congregatio pusillus ille grex sit a Christo in Evangelio indicatus, & repetita ejusdem Servatoris vaticinia usque comprobentur, dicentis: *Multos esse vocatos, paucos vero electos.* Itaque ii, qui vera Fide duce salutem adipisci queunt (si cum illa innumerabili multitudine, cui, quod indignam se vera Fide reddiderit, certissimo æternum pereundum est, comparentur) multo pauciores existunt & (quod sequitur) infinitæ bonitati, misericordiæ, ac beneficentiæ Dei æternum obnoxii sunt, tam necessario ad salutem sempiternam obtinendam devincti dono.

At paucorum horum in numero, Auditores charissimi, an non nos quoque posito

cernimus? An non in tanto privilegio donatis nos quoque sumus, quin (uti superius demonstravi) privilegio & præelectioni huic ullum meritum nostrum præcedere poterit? An non in fortunatissimo illo gregi constitimus, qui duce vera Fide facili negotio (liquidem voluerit) ad salutem pervenire adjuvante Dei gratia potest? Ita, Charissimi! ita profecto est. Nos, nos sumus, qui Dei infinitæ maiestati debemus plurimum, Dei (inquam) qui sola sua puraque misericordia tot aliorum, qui sine vera Fide decedentes æternum perierunt, numero nos eximere, dignatus est.

Jam vero quantæ ingratitudinis vel fuit vel foret, si, cum beneficentissimo Deo huic gratos nos memoresque (quovis saltem die de tam insigni beneficio grates agendo) præbere debuissimus, contra mortales eidem injurias rependissimus, aut rependeremus; si consistentes ex Fide, tot pravæ actiones ab illo prohiberi, easdem tamen (non dicam quandoque) sed in singulis adeo dies admitteremus; si consistentes ex Fide, omnem ad illo impudiciam vetari, tamen immundorum animalium instar luxuriæ sordibus nos immergeremus; si consistentes ex Fide, prohiberi ab illo contumeliosam quæque in sanctum & adorabile nomen suum dicta, illud tamen & blasphemias & superfluis juramentis, (at quid dico superfluis) juramentis in nomen Dei, Christi, Angelorum, sacratissimæque Virginis, in Crucem Domini ad singula fere verba editis proficereremus, nil, (quippe execrabili consuetudine abrepti) nil, inquam, animam advertentes, verumne an falsum, justumne an injustum sit, quod jurejurando firmamus; si (ut paucis complectar omnia) consistentes ex fide, omnes actiones Decalogi præceptis comprehensas ab illo immoderate ac constanter inhiberi, easdem tamen nos impudentissimi, ingratiissimi quam sepius absque ulla aut saltem exigua verecundia patraremus: Nonne hoc idem foret, ac illud ipsum donum, quod Domi-

nus

(k) Sess. VI. c. 8.

mus ex mera sua infinita misericordia nobis amantissime concessit, in ejus contumeliam injuriamque convertere?

Atque ut melius cognoscatis, quantam execrabilitatem injuriæ Deo illatæ habeant, si solius doni veræ Fidei, ab illo nobis concessi, ratio habeatur; singite, quæso! exercitum viginti millium hominum, quos injustus adversus se seditionis reos Rex legimus, armis primum exutos, omnes inter-
necione delere eaque ratione exemplum in perdis statuere, sed mutata paulo post (ut erat misericordia plenus) sententia quinque millia eorum in vivis servare constituit, quibus, ne a copiis ad interficiendos reliquos perduelles missis vita spoliarentur; torquein proprium dedit, quo insigniti necem effugerent, vivique relinquerentur, interea dum ipsis inspectantibus ceteri ad unum omnes ultrice ferro haurirentur. Quantæ, putatis, magnitudinis, facta his quinque millibus gratia foret? Quam fe illi Regi suo misericordissimo devinctos atque obstrictos crederent? Quam firmam voluntatem, fidos se Regi tali toto vite suæ tempore præbendi, conciperent? Sic certe de illis sentire nos oportet, nisi credere volumus, eos cor belluinum sub humano pectore gessisse. Ponite rursus, hæc quinque, tanta gratia tantoque privilegio impertita hominum millia sordidi lucri causa, scortis suis satisfaciendi studio aut effraeni divitiarum parandarum cupiditate stimolata regalis palatii, data opportunitate invadendi atque expilandi, animum ac voluntatem suscepisse, ornatosque eodem, quod in signum acceperant, vitæ ac salutis vindice monili regem ipsum tota cum familia jugulasse. Quid, quæso! de tam tragico facinore cogitatis? Dicetis: Chimericum quid narras, Pater charissime! cui immorari haud juvat. Recte dicitis: At volo plane, sciam hoc tanquam verum ponatis, atque ob id ex vobis quero, quid de illo sentiat. Quid, amabo! de ejusmodi hominibus cogitatis? Quam in eos sententiam (siquidem poenas tanti sceleris ab illis reportendi arbitrium penes vos esset) ferretis?

Existimatisne, esse paria portentosæ adeo ingratitudinis pro meritis puniendæ supplicia? Hem! nocentis sæminæ, lucri, licentiæ gratia tam beneficium, tam bonum vitæ spoliare dominum, idque pendente de collo saluari torque!

Ah! non est, Dilectissimi! non est chimææ similis, quam vobis modo proposui, imago; sed in singulos dies re factisque firmatur &, quod in Rege terrestri chimæricum deputari potest, reapse in hujus rerum universitatis Monarchiam fit? Nonne per originariam perfidiam genus humanum omne vitam æternam in perpetuum amisit? Istud quidem Fides docet: Nonne adultos, quo salutem æternam obtineant, credere ex Fide catholica in Christum oportet? Hoc superius demonstravi: Nonne mortales cuncti veræ Fidei obtinendæ jure omni carent? Ita profecto est: Nonne (quod consequitur) veræ Fidei donum insignis ille torques est, datus a Deo, ut habentem (siquidem ipse voluerit) a generali omnium non habentium clade immunem faciat? Sic omnino se res habet: Nonne torque hoc carentium multitudo (si cum iis, qui eundem acceperunt, componatur) quasi viginti millia, millibus quinque collata, sunt? Ah! utinam errarem! Nonne vos, Auditores mei! ita, vos & ego in eorum numero sumus, quos torque hoc Deus donavit? Hoc profite-
mur; Et post hæc dicere audeamus, imaginem a me adumbratam chimericum quid referre? Nonne advertitis divinum illustris adeo donatoris Majestatem cor illud belluinum nos gessavimus, quod in Regem suum militibus illis eximie habitis esse plane non potuisse putabamus. Scimus sane, omne peccatum mortale offensam esse ejusmodi, quæ (quantum in ipsa est) ad Dei destructionem tendit, dum eodem, quantum quidem fieri potest, characterein suis ultimi (Deo plane singularem ac proprium) rapit. Scimus præterea, omne perjurium, omnem impudicitiam, omnem aliam gravem præceptorum Dei & Ecclesiæ, quæ credimus, violationem peccatum esse lethale; & tamen quot horum, cheu! post acce-

ptam istarum veritatum omnium fidem communissimus; Quoties nomine Dei, nomine Christi, nomine Virginis sanctissimæ, illis ipsis Evangelii (verbo) illo ipso Decalogo, quem ex Fide profitemur, Deum mortaliter offendendo abusi sumus, & pendente de collo torque illo, quocum fieri omnino non potuisse credebamus, ut milites illi privilegiarii de Rege benefactore suo interficiendo conjurarent: nos, portenta ingratitude, vitam Dei torquem hunc misericordissime donantis attentavimus? Quam merito jure ille dicere de nobis, quod in Osea, potest: *Ego erudiui eos per Fidem & confortavi brachia eorum* (1) hoc dono; ipsi autem, ipsi cogitaverunt in me malitiam. Quid vobis videtur, Dilectissimi! Quid ad hæc sentitis? Verane an falsa narro?

Nimis, cheu! vera sunt, Deus amantissime! nimis vera, quæ narro: At nunquid in posterum hæc eadem faciemus? Nequaquam, Deus meus! nequaquam auxiliante tua divina gratia, quam ex toto animo, de-

(1) Osee. 7.

(m) Enarr. in Psalm. 30.

missequè invocamus. Quin potius memores insignis beneficii veræ catholicæ Fidei, quo nos infinita bonitas & misericordia tua imperavit, unusquisque nostrum una cum Augustino poenitente confitemur, non videre nos meritum ullum, cujus causa nos, innumeris aliis prælatos præelectosque, maxime necessario ad salutem æternam veræ Fidei privilegio donaveris: *Non enim ullum video meritum, quo de universa impietate generis humani me potissimum (m) elegisti ad salutem, atque ob eam rem præteritis ingratitude totum animo execrantes, deque iis ob amorem tui ex intimo corde dolentes nunquam in posterum offendere te decernimus, immo potius una saltem per diem vice de insigni & tam necessario, nobis concessio, veræ Fidei dono grates tibi animo propensissimo agere cum Apostolo satagemus: Gratias agentes Deo Patri, qui dignos nos fecit in partem sortis Sanctorum in lumine, qui eripuit nos de potestate tenebrarum & transtulit in regnum Filii dilectionis suæ.*

(n) Coloss. 1.

SERMO II. PRÆLIMINARIS.

De causis, quæ Fidem christianam prudenter evidenterque credibilem reddunt,

Cum in præcedenti sermone de pretioso & inestimabili sanctæ Fidei dono, quo adjuvante omnes veritates a Deo Ecclesiæ revelatas & ab Ecclesia ad credendum propositas firmiter tenere debemus, verba fecerim; cumque Fides hæc ad altissima maximeque obscura mysteria pertineat, quæ naturalibus clarisque argumentis, quippe longissime supra rationem humanam posita, comprobari nequeunt: fors ea cogitatio vestros, Dilectissimi! animos subit, Fidem nostram nimis credulitatis & exiguæ cautionis argui posse, quasi a prudentia, quæ omnes virtutum actus regere debet, destitutam. Verum nequaquam in hanc rationem sancta & verissima Fides nostra, comparata est; nam, tametsi illa ejusmodi mysteria propo-

nat, quæ a nobis (utpote viatoribus) intelligi nullo modo possunt: ut ex ipsa horum professione in hoc quidem seculari magna merita colligamus, in cœlesti vero patria premium incomparabile obtineamus, in eo maxime positum, quod eadem mysteria clare perspicere deque iis gavisuri simus; tamen Deus nobis in hac etiam vita tanta tamque valida argumenta præbere voluit, quibus, quamquam dictorum mysteriorum veritas clare evidenterque non manifestetur, istud tamen apertissimum maximeque perspicuum sit, digna illa oppido esse, quæ posthabita venerabili, qua involvantur, obscuritate firmiter credantur. Ob eam rem de iisdem mysteriorum ad Deum loquens Rex mentis illuminatissimæ David prophete

lice

tice edixit : *Testimonia tua credibilia facta sunt nimis* (a) Quapropter tum vestrae tum meae Fidei confirmandae gratia in hoc sermone de praecipuis argumentis agere constitui, quibus clarum atque evidens redditur, sanctam nostram christianam catholicam Fidem ac Religionem dignam esse, quae ab omnibus acceptetur atque amplectatur; ut hac ratione tum incredulo cuilibet omnis sufficiens ac gravis de non amplexata Fide excusatio pracludatur, tum nos ad agendas Deo quotidie de data grates vehementius impellamur.

Primum horum argumentorum a Prophetiis, quas Deus multis ante, quam Jesus Christus Religionem christianam conditurus apparuit, seculis a sacris Vatibus edi voluit, ducitur : cujus argumenti vim ac robur invitum ut cognoscatis, exponere opus est, quid sit prophetia. Igitur prophetia, quantum quidem ad propositum nostrum attinet, est certa eventus alicujus futuri (qui ex causis sive necessario aut (si mavultis) essentialiter contingentibus sive omnino liberis pendet) praedictio; quae praedictio eo illustrior est, quo longius in futura tempora memoratus eventus removetur, aut quo magis is ex libertate humana pendet. Ex his continuo intelligitis, certam talis eventus praedictionem ab alio, praeterquam divino, lumine proficisci non posse; cum res omnes (nobis quidem praeteritae, praesentes, futurae) in Dei aeternitate nullam mutationem accipiant, adeo ut nemo, praeter Deum, certa atque infallibili ratione scire queat, quid centum aut quingentis aut mille annis post nostram aetatem de aliqua persona, tum temporis exitura, futurum sit (quantum quidem ad actiones illius liberas, & consilia ab illa libere capienda attinet) quae si a Prophetarum quodam multo ante tempore certo praedicta & successu temporis re factoque comprobata illerint, necessarii colligi debet, Prophetam illum ex lumine a solo aeterno Deo menti infuso locutum fuisse.

Jam vero illud nostis, Charissimi ! non unum solum sed omnes universim Testamenti veteris Prophetas de persona Filii Dei incarnati, de Fide illius ac Religione multis ante seculis, quam haec gesta sunt, infallibili quadam cum certitudine verba secisse, idque distincte adeo atque enucleate, ut non solum illius, non solum tot tantarumque gentium, quae Fidem illius amplexuræ essent, actiones liberas, sed minutissima alia quoque, quae adversus ejus personam gesta sunt (uti carnifices vestimenta ejus divisuros, missuros sortem in vestem ejus inconsutilem) aliasque similes singulares circumstantias praenuntiarint, quarum veritatem eventus cumulatissime atque exactissime comprobavit; id quod adversus Fidei christianae hostes a Patribus ecclesiae cunctis, aliisque viris sapientissimis confirmatum fuit. Colligamus modo: Si lumen propheticum non nisi a solo Deo provenire potest; & si vaticinia de Religione christiana omnia rei eventus examullim comprobavit, necessario affirmari debet : hanc ipsam esse Religionem Deo acceptam & ab illo praelectam. Hoc argumento quivis incredulus, sit licet paganus, convincitur; cum quilibet, nisi amens sit, facile videat, certam futurorum longeque remotorum, ex solo libero arbitrio humano penditum eventuum praedictionem eorumque omnibus suis partibus accuratissimam impletionem ex nulla alia re, quam lumine fluere potuisse, accepto a summo humanarum deliberationum omnium arbitro, qui ipse nemo alius, praeterquam Deus, est. Ob eam rem S. Hieronymus jure optimo dixit : *Consistentur arioli, Et omnis scientia secularis litteraturae, praescientiam futurorum* (b) *non esse hominum sed Dei; ex quo probatur, Prophetas Dei spiritu locutos, quia futura cecinerunt.*

Dicit aliquis acutiore praeditus ingenio, argumentum hoc adversus Judaeos, qui memoratorum Prophetarum vaticinia admittunt ac venerantur; non item adversus Mahometanos & Gentiles facere posse, quippe qui memo-

(a) Psal. 92

(b) Comment. in Danie.

memoratas prophetias (tamquam confictas & primum post, quam res in illis prædictæ evenissent, a Christianis conscriptas) rejiciunt. Fuit hæc, o Chære! ipsissimum responsum Gentilium, primævis sanctis Patribus Religionis christianæ defensoribus oppositum, verum ab ipsis fortissime confutatum, post quos qua ratione idipsum ingeniose non minus quam nervose S. Augustinus refellebat, percipite: *De prophetia continemus, inquit, contradicentes Paganos; Quis est Christus, dicit Paganus; Cui respondemus: Quem prænuntiaverunt Prophetæ. Et ille: Qui Prophetæ? Recitamus Isaiam, Danielem, Jeremiam, alios sanctos Prophetas, qui, si eis Davidem addimus, numerum octo & decem implent; dicimus, quoniam longe ante illam venerint, quanto tempore adventum ejus præcesserint . . . Et ille: Qui sunt hi Prophetæ? Nos respondemus: Qui & prædixerunt ea, quæ fieri videmus. Et ille: Vos, inquit, vobis ista fluxistis, (belle admodum cum objectione supra posita hæc conveniunt) vidistis ea fieri, & quasi ventura prædicta essent, in libris, quibus voluistis, conscripsistis. Hæc sibi sanctus Doctor objicit; jam qua ratione objecta, diluat, attendite: Hic contra inimicos Paganos, ait, occurrit nobis aliorum testimonium inimicorum (Judæorum scilicet) Proferimus codices a Judæis & respondemus: Nempe & vos & illi Fidei nostræ estis inimici . . . Codex Isaia proferatur a Judæis; Videmus, si non ibi lego . . . Alius proferatur, Psalms appropriat; Etiam inde . . . Sic in reliquis Prophetis fiat, & patebit, non nos hos libros fluxisse, sed enim eos a temporibus ipsis Prophetarum (nimirum multis ante Christi adventum seculis) a Judaica gente, in qua memorati Prophetæ floruerunt, assertatos fuisse. Erubescet itaque unus (Paganus) inimicus, quia codicem nostrum ministrat alius (Judæus) inimicus: Ecce! (in hæc verba inexpugnabilem responsum suam S. Augustinus finit) Ecce! de codicibus, prolati ab uno inimico, alterum vici. Ecce! sic ego affirmare audeo, bis ipsis enervata cadunt, quæ*

mibi objecta sunt. Non sunt conficti a Christianis libri, quibus prophetiæ de Christo ejusque Religione olim editæ, jam ex toto eventu ipso comprobantur, continentur: Non sunt conficti; cum a gente Judaica, quæ christianam Religionem & multis seculis antecessit & ejusdem hostis implacabilis existit, conservati fuerint: Non sunt conficti, sed enim veritatem Religionis christianæ insuperabili argumento stabiliunt: Quin immo esset in his prophetiis, unde Judæi ipsi illustrarentur, sin minus sua eos perfidia excæcasset. At de hoc inferius dicemus, cum gentis Judaicæ dispersio validum argumentum præbeat, quo evidens Religiois christianæ credibilitas confirmatur.

Secundum argumentum, quo Deus Fidem & Religionem christianam certam atque authenticam facit, in miraculis, quæ Deus ad eandem comprobendam operatur, positum est: Atque ut etiam hujus insuperabilis argumenti vim sentiat, necessarium videtur monere vos, quod miracula (cum eventus portentosi sint omnem naturæ, & cunctarum creaturarum, a Deo conditarum vim superantes) nulla alia, ut consequens est, quam sola divina virtute patrari queant: Et quamquam Virgo sacratissima, Sanctique omnes operari miracula vulgo dicantur, accipi tamen istud vero ac catholico sensu debet, quatenus scilicet instrumenta sunt, quibus ad operanda miracula Deus utitur, nimirum ob eorum merita intercessionemque; cum de reliquo miracula sola divina omnipotenti virtute perpetrentur. Veritas hæc ab universa Theologorum multitudine admittitur, nititurque ipsa miraculi essentia & quidditate. Sciendum præterea, fieri nulla plane ratione posse, ut Deus (cum suprema & infinita veritas per essentiam sit) falsitatem quandam comprobet; quandoquidem hoc, utpote res mala, infinitæ ejus bonitati ac veracitati repugnat: unde confidenter S. Paulus scripsit: *Impossibile est mentiri* (c) *Deum*. His, tanquam evidenter veris, in antecessum positis neces-

ario

fario conficitur, quod, si quam doctrinam Deus manifestis & indubitatis miraculis confirmat, ea omnino veritati consentanea sit. Jam vero quot quantisque miraculis Deus vitam & doctrinam Jesu Christi (scilicet Fidei & Religionem christianam) approbavit? Næ, qui Evangelium, Acta Apostolorum, ecclesiasticam quinque potissimum primorum sæculorum Historiam perlegere voluerit, innumera certissima, manifestissima, extra omnem controversiæ aleam posita prodigia facile deprehendet, quæ (utpote vulgarissima planeque verissima) ne ferocissimi quidem Fidei & Religionis christianæ hostes in dubium revocare ausi sunt; cum mortuos illos, vi sanctissimi nominis Jesu ad vitam revocatos, suis ipsi oculis inter vivos denuo agere; cum euergumenos illos, vi ejusdem nominis a dæmone liberatos: cum quovis morborum genere laborantes, vi omnipotentis hujus nominis momento temporis sanitati redditos, ipsi viderint; unde jam non liquet eis dicere: non evenisse res istas manifestissimas, quas suis ipsi oculis usurpant. Ob eam rationem Tertullianus vetustissimus Fidei nostræ Apologus merito Judæos in hæc verba castigavit: *Hæc opera operatum (d) Christum nec vos distemini.* Eapropter perdidit in eo esugium sibi quæsierunt, si dicerent: opera ista vi dæmoniorum patrata esse; qua responsione & ignorantiam & nequitiam suam apertissime prodiderunt; nam cum ab universa Seraphinorum multitudine ne unum quidem miraculum patrari possit, nisi eis virtus hæc ab Omnipotente concedatur: multo minus unum solum miraculum omnis dæmonum exercitus unitis viribus patrare poterit, dæmonum (inquam) rebellium, quos æterno Deus odio persequitur; ob quod in ævum non fiet, ut ille hostibus suis usque adeo indignis vim patrandi miracula concedat.

Cum Deus memoratis miraculis Fidei ac Religionis christianæ veritatem comprobavit; certe pro veritate Fidei ac Religionis catholicæ adversus sectas hæreticas omnes confirmanda eadem patrare institit. Profecto quot ille vera miracula in nostra catholi-

P. Cuncti Catholici.

ca Ecclesia operatur, quibus omnibus evincitur, eam esse vineam ab ipso electam: eam esse charam ovile, quod tanquam pastor regit: eam esse sponsam, quam amore ardentissimo complectitur. Non ego hoc loco de quibusvis promiscue miraculis, quæ narrari vobis contigerit (Multa in his deprehenduntur, quæ mera mendacia sunt aut quæ vel ab hereticis, ut levem incautorum Catholicorum credulitatem ludibrio exponant vel ab ipsis Catholicis, at his perditissimis, conficta vulgataque fuerunt, ut ex improvida Fidelium simplicitate oblationis aliquid capiant) sed enim de iis miraculis dico, quæ Ecclesia severis exactisque inquisitionibus discussit, quales in personis vita sanctis requiruntur, priusquam Beatorum & Sanctorum albo inscribuntur, & supra reliquos votis Fidelium colendi collocantur. Hæc & his similia, ab Ecclesia excussa atque approbata, miracula hæc (inquam) sunt, quæ non solum prædentem dubitationem nullam admittunt, sed etiam morali certitudine, quæ haberi in præsentī vita potest, omni exornantur, quippe (ut dixi) modis quibusvis diligentissimis, exquisitissimis ac severissimis, omnem prudentem erroris suspicionem excludentibus, indagata. Jam hujus generis miraculorum quot millia sancta nostra Religio numerat, quibus nova in singulos annos accedunt? Contra sectæ hæreticæ eisdem omnino carent, nisi forte miraculis annumerare illud libeat, quod Lutherò (teste Friderico Stapphilo, Lutherano primum, postea ad Ecclesiæ Romanæ gremium reverso, in *Responsione contra Jacobum Schmidelinum pag. 404.*) accidit: Species facti hæc. Misna Wittebergam puella quædam obfessa a dæmone ad Lutherum deducta fuit, ab eo liberanda, cumque ille in ecclesiæ parochialis sacrario exorcizandi initium fecisset, dæmon adjurationes illius deridens fores sacrarii firmiter adeo clausit, ut Lutherus exterritus, cum fugere vellet, egredi nulla ratione posset: cumque nequidem per fenestram, quippe cancellis fersis munitam,

B

exitus

(d) *Lib. contra Jud. c. 9.*

exitus pateret, bipennem a custode sacrarii per cancellorum foramen intromitti opus fuit, qua armatus ego, ait Staphylus, namque corporis viribus pollebam omnium maxime, fores discindere aggressus sum; *Interea vero visu admirandem erat, ut Lutherus angoribus correptus sursum deorsum curfilarit, & inflar ovis parturientis huc illicque se inverterit.* Hæc sunt miracula, quæ Lutheranis de antesignano suo referre licet; nec graviora sunt, quæ de duce suo Calvinistæ narrent, prout Hieronymus Bolfceus Calvinus æqualis ejusque discipulus postea vero Ecclesiæ Romanæ filius in *Vita Calvini cap. 13.* exponit, dum ait: Virum quemdam, Brulæum nomine, una cum conjugē Ostuno Genevam ad Calvinum se contulisse, ut cum eo de eleemosyna recipienda transigeret: Calvinus & daturum & continuaturum se promittit ea tamen conditione, ut Brulæus mortuum fingeret: se a conjugē falsoscientē lūsus in auxilium vocatum adfore, precesque quasi pro mortuo fufurum: tum vero ipse ad imperium suum vocemque vivus ac sanus exurgeret. Sic de nefanda ac sacrilega fraude cum inter eos convenisset, & dies constituta illuxisset, rem exequi agrediuntur, jamque pro simulato mortuo Calvinus precibus fufis alta voce coram frequenti hominum ad hoc spectaculum confluentium multitudine Brulæum vivum ac sanum consurgere jubet. Ille nihil omnino movetur: Repetit imperia Calvinus: Brulæus, uti antea, innotus jacet; cum uxor illius verita, ne, qui initio mortuum se simulasset, jam Numine pœnas scelesti facinoris exigente vitam re ipsa amisisset, admonens se mariti corpori sæpiusque illud concutiens, tandem virum iusto Dei judicio vita spoliatum deprehendit. Quis mente comprehendat, quibus illa ululatibus astra seriverit, aut quibus Calvinum impostorem probris lacerarit? Gesta sunt hæc re verissima, ait Bolfceus, quidquid oblatrent Calvinistæ, dum uxorem, mentis expertem, deliramenta locutam fuisse contendunt: *Negent autem hoc, in hæc verba finit, quantum velint Calvini mancipia; exploratum & cogni-*

tum satis fuit, veritasque rei satis probata, immo per ipsam uxorem confirmata, quæ nihil minus erat quam mente capta, ut quæ nihil loqueretur absolum, neque quod a ratione alienum esset. Hac de causâ Erasmus Roterodamus vir multæ quidem eruditionis sed Religionis obscuræ de cunctis suæ ætatis Protestantibus libere pronuntiavit, ne eo quidem illos valuisse unquam, ut claudicantem sanarent equum: *In quibus nec sunt . . . miracula, ut qui ne claudum quidem equum sanare queant.* Quapropter concludere juvat dicereque: Si divina Majestas sanctam nostram catholicam Romanam Fidem certis, manifestis, evidentibus miraculis & comprobavit & comprobare non cessat, benedicamus, laudemus, impensioresque gratias Deo in dies agamus, quod ex infinita sua misericordia in illius gremio nasci nos educarique voluerit.

Verum, ut reliqua argumenta silentio præteream, ad illud exponendum aggrediar, quo præ aliis evidentius probatur, Religionem catholicam potissimum esse Religionem illam, quam Deus præelegit, & singulari præsidio tuetur. Consistit argumentum hoc in modo admirabili, quo Deus sanctam Religionem nostram & condere & propagare voluit. Nemo omnium ignorat, mundo universo, priusquam sancta Fides nostra promulgata est, idololatriam dominantam esse, & abs cunctis hujus terrarum orbis incolis in simulacris suis dæmonia adorata fuisse (Unam Judæorum gentem excipimus, quæ si cum reliquis cunctis conferatur, quasi duo ad mille, se habet). Itaque idololatriam principes seculi omnes & sequebantur & tutabantur: idololatriam ubique diffusam omnes profitebantur. Hinc mysteria, quæ tum temporis credebantur, omnia depravato appetitui humano mire congruebant: Hinc leges morales, quæ observabantur, licentiæ omni indulgebant: Hinc gentes omnes in cujusvis generis (præcipue impudicitia) scelera præcípites ruebant; cum vitiis ipsis idola, quæ adorabantur, dignitatem auctoritatemque conciliassent: Hinc falsarum divinitatum solennia execrandis facinoribus celebrabantur, cum, quo

quo scelestiora fuere Numina, eo majori veneratione colerentur, eoque graviores imitandi se necessitatem adoratoribus suis imponerent: Præterea præmia, quæ Gentilitas aseculis suis proposuit, in bonis sub sensum cadentibus & corruptæ naturæ congruentibus consistebant. Contra sancta Fides nostra mysteria altissima & humanam rationem multum superantia credenda proponit; leges vero imponit, quibus caro edomatur, mens a divitiis avellitur, superbia deprimitur (verbo) omnes inordinati appetitus crucifiguntur; præmia autem promittit futura, quæ quamquam æstimari pro dignitate non queant æternumque duratura sint, tamen solius fidei lumine noscuntur. Accedit, sanctam hanc legem non solum Gentilitatis legem recta petiisse, sed etiam tum omnia cæremonialia tum multa legalia præcepta, quæ gens Judæorum profitebatur, abolevisse (Nam præcepta moralia, quippe ex jure naturæ fluentia, antiquari non possunt) adeo quidem, ut lex ista ac Fides cum mundo universo nationibusque universis contendere voluisse videatur. Ex his insuperabilis difficultas facile apparet, ob quam quis credat, sanctam Fidem nostram non solum non dissandi ac propagari sed nequidem mundo proponi potuisse.

Jam si animus ad alia capita, quæ talis tantaque mutatio, in mundum invehenda, postulasse videtur, advertamus; magis magisque apparebit, fieri haud potuisse, ut incæptum hoc felicem exitum nancisceretur. Etenim quinam erant in mundo Fidei hujus ac legis protectores? Nullus sane; cum principes seculi omnes (uti dixi) idololatricæ quidem, Judæi vero rituum suorum cæremonialium & judicialium studiosissimi fuerint. Quinam erant ministri, quorum ope Fides hæc atque lex publicari & disseminari debuit? Erant soli discipuli Jesu Christi: viri genere ignobiles: homines nulla eruditione, facultatibus nullis: destituti omnibus eloquentiæ præstigiis: nulla factione, sectatoribus nullis polientes: spoliati (ut verbo dicam) omnibus subsidiis, quæ humana prudentia intam arduo & moraliter impossibili negotio exegisset. Quæ de re necessario in-

feritur, Fidem christianam, quandoquidem optatissimos & fortunatissimos eventus, quos nostris oculis cernimus, habuerit, unice ab omnipotente Deo defensam atque ob id pro vera, sola, sancta agnoscendam esse; cum fieri nullo modo possit, ut Deus aut errori aut falsitati aut iniquitati patrocinetur.

Certe quamprimum Apostoli pleni Spiritu sancto, a Jesu ipsis promisso, e cœnaculo egressi fuerant, Fidemque hanc ac legem mundo annunciare occeperant; statim una ex parte Judaismus, ex altera Gentilitas (mundus nimirum universus) ad arma concurrunt, ut duodecim illos (si Matthiam in locum Judæ subrogatum annumeramus) inerimes, abjectos, inopes, pannosos & (quod ad corporalia attinet) miseros præcones exterminaret: Neque per aliquod solum tempus sed per tria circiter consequentia secula Fidem hanc mundus est infectatus, ad eam penitus destruendam omnino humanæ potentia & modis quibusvis non validissimis solum sed etiam crudelissimis, quos imperialis gentilis potentiæ effusus ac brutus furor excogitare quivit, usus: Ex quo martyria illa maxime immania provenere, per quæ innumerabiles præne homines (keroici Fidei hujus & legis defensores) quædam quasi viva potentiæ infinitæ Dei monumenta ac testimonia effecta sunt. Dei (inquam) qui eosdem in tuenda hac Fide plane admirabiles fecit (Unde & millia millium in cœlum empyreum demigrarant) usque adeo, ut hujus Fidei promulgatores ac propagatores inde ab Apostolorum temporibus nullis armis, nisi constantia & patientia invicta: nullius, nisi Dei solius, patrocinio: nulla arte, nisi servidis precibus, nulla politice, nisi simplicitate christiana istud omnipotente Deo auxiliante & miraculorum plane stupendorum vi assiste uti sint, ut celeberrimos oratores philosophosque convicerint: dedicata falsis divinitatibus templa everterint: idola ipsa dissecerint: factum Imperatorum deprefferint: in reglis diadematis sanctæ Crucis signum statuerint (verbo) ad legem Fidemque suam mundum universum traduxerint, & super-

sitionis omnis sentinam, Romam urbem, in visibili Ecclesiæ christianæ capitis regiam sedemque converterint.

Quis posthæc, nisi perfidia excæcatus, inficias ibit, hujus Fidei propagationem opus divinæ potentiae esse (si ad ea, quæ dixi, attendere voluerit: nimirum illam non humano solum præsidio omni caruisse, sed etiam subito exortam per tercentos ferme annos a quavis humana potestate exagitatam fuisse) eamque esse, quod sequitur, acceptam Numini Religionem. Merito ergo vobis, Auditores charissimi! mihi que dixero, quod Apostolus Paulus Corinthiis scripsit: *Videte fratres! videte vocationem (e) vestram; Videamus O mei! consideremus mirabilem vocationem, qua ad sanctam Fidem vocati sumus; Quia non multi sapientes secundum carnem, non multi potentes, non multi nobiles, a Deo ad illam propagandam electi fuere; sed quæ stulta sunt mundi, quos insipientes humana deputat prudentia, elegit Deus, ut confundat sapientes: & infirma mundi elegit*

(e) 1. Corinth. 1. (f) D. Calmet.

Deus, ut confundat fortia: & ignobilia mundi & contemptibilia elegit Deus, & quæ non sunt (scilicet eos, quos mundus nihili fecit, ac si omnino non essent) ut ea, quæ sunt, nimirum orbis Dominatores, sterneret atque destrueret; ut non gloriatur omnis caro, ut mirandæ hujus propagationis eventus nulli humanæ potentiae sed soli dexteræ Dei adscribatur. Ex ipso autem vos estis in Christo Jesu, quoniam nos pura sua ineraque misericordia Jesu Christo Fidei ope conjunxit. Unde eruditus quidam sensus literalis interpret (f) concludit: Unus igitur Deus & mera misericordia vos ex tot aliorum grege vocavit & elegit: uni illi gratias immortales & agere & habere vos decet; eoquod estis in Jesu Christo, & in ejus Ecclesiâ recensimini. Sit itaque, Fideles dilectissimi! sit hoc nostræ in Deum gratitudinis testimonium, ut una saltem in dies singulos vice propensissimas gratias eidem agamus, quod nos sublimi maxime maximeque necessario sanctæ Fidei suæ dono impertiri dignatus sit.

SERMO III.

De Symbolo Fidei, primisque illius verbis: CREDO IN DEUM; & quodnam possimum vitium mortalium animos ad amittendam fidem in Deum præparet?

Fert communis SS. Patrum sententia, Fidei Symbolum, compositum ab Apostolis breve quoddam veritatum, a Fidelium quoque credendarum, summarium esse: Illud ab Apostolis non scripto sed ore divulgatum (prout S. Hieronymus (a) monet: *Symbolum Fidei & spei nostræ ab Apostolis traditum non scribitur in charta sed in tabulis cordis*) memoræque mandatum a Fidelibus fuit, qui consequenter id sibi mutuo alter alteri tradiderunt; ob eam rem memoratum Symbolum usque adeo breve ac succosum esse deprehenditur: Hoc succedente tempore, postquam ab Apostolis ore tenus divulgatum fuit, primævi Fideles li-

teris mandaverunt, ut ab omni alteratione, quam vel temporum injuria vel hominum nequitia efficere potuisset, immune servaretur. Norunt omnes, hujus Symboli articulos duodecim, sive duodecim Fidei puncta esse, quæ vocabulo: *articulus*, aptissime nuncupantur; nam quemadmodum corpus humanum ex articulis mutuo coherentibus constat, ita & Symbolum (quasi quoddam corpus morale) ex variis doctrinæ punctis componitur, quæ articuli nomine, idque convenientissime ex omni tempore appellari consueverunt.

Primum Symboli verbum est: *Credo*, significatque assensum firmum, stabilem, omnis hæsi-

(a) *Epist. 61.*

hæitationis expertem, quo intellectum & iudicium nostrum illis veritatibus subjiciamus, quas rationis nostræ aciem omnem superare confitemur. Ob eam rationem non solum in codicibus sacris Spiritus sanctus sed SS. Patres quoque in suis institutionibus plane volunt, ut mens credula ab omni curiosa mysteriorum creditorum investigatione alienissima sit, cum Fidelium cuivis sufficere debeat, illa a Deo revelata (uti in primo sermone dixi) & ab Ecclesiâ proposita esse. Inter alias veteris Testamenti scripturas insignis est locus libri a Siracide scripti, vulgo *Ecclesiasticus* dicti: *Altiora te ne quaesieris, & fortiora te ne scrutatus fueris; sed, quæ præcepit (b) tibi Deus, illa cogita semper, & in pluribus operibus ejus non eris curiosus. Non enim est tibi necessarium, quæ abscondita sunt, videre oculis tuis. . . (nimirum rationis tuæ acie penetrare) Plurima super sensum hominum ostensa sunt tibi: multos quoque supplantavit suspicio illorum, & in vanitate detinuit sensus illorum. Et meretur oppido curiosa ac temeraria mysteriorum a divina Majestate reuelatorum investigatio hoc pœnæ genus, scilicet ut mortales fidem amittant, & eorumdem mysteriorum sublimitate opprimantur atque exerceantur, prout Salomon in libro *Proverbiorum* (c) monuit: *Qui scrutator est Majestatis, opprimeatur a gloria.**

Profecto edicite mihi: si quindecim aut viginti viri magna eruditione, sublimi ingenio, pietate incontaminata præditi de quorumquam pro vero narrarent rem aliquam suæ ætate gestam, & a se oculis usurpatam, adeo ut talium virorum testimonium omnem ulteriorem investigationem excluderet; num auderetis vos, etsi cogitatione assequi nequiretis, qua ratione res illa fieri potuerit, num auderetis (inquam) horum virorum planissimæ, seriæ, liberæque assertioni vos opponere eidemque certare: Imo nonne injuriam gravissimam illis viris fieri existimaretis, si quemquam de rei gestæ veritate obstrepentem audiretis: Nonne eundem nimis arrogantis increparetis? Sic in casu nostro fit, ait S. Ambrosius: si virorum gra-

vium de alio testimoniis fidem denegare aut contradicere non audemus, nonne summæ temeritatis erit, revelata a Deo de se mysteria non credere, seu (quod idem) illa curiose scrutari: *Quam indignum, ut humanis testimoniis, de alio, credamus; Dei oraculis, de se, non (d) credamus.* Longe itaque ab omni non solum incredulitate aut dubitatione sed omni quoque scrutatione atque audaci curiositate mens absit fidelis, & quanquam intellectus a ratione, utpote quæ ad tantam eniti altitudinem nequit, persuaderi convincique non possit, hoc tamen immote, hoc firmiter teneat: cum Deus sic dixerit, sic omnino atque certissime se rem habere. In mysteriis Fidei (Est hæc sententia S. Augustini) *tota ratio facti est potentia facientis; demus Deum aliquid posse, (hoc rationi maxime consentaneum) quod nos fatemur (e) investigari non posse;* nam quomodo infinita foret potentia, si illa a mente finita & angustissimis limitibus circumscripta, cujus generis mens nostra est, comprehendi posset?

Dicitur: *Credo in Deum.* Potest, Auditores mei! Deus considerari tanquam auctor omnium rerum naturalium (quales sunt, quæ sub sensus cadunt aut naturali ratiocinio assequuntur) & tanquam auctor rerum supernaturalium, quæ nec sensibus percipi nec solis humanæ rationis viribus attingi, quippe supra hanc posita, queunt. Deum, tanquam auctorem rerum naturalium, credunt indocti; nam theologicæ naturalis, quæ *Metaphysica* dicitur, periti possunt quidem animum promptum ad credendum in Deum, nisi de illo evidenter scirent, gerere; de cetero vero cum ipsis per demonstrationes, quas ab effectu & a posteriori vocant, evidens atque apertissimum sit esse Deum, illum jam non credunt, cum de eo evidenter sciant. Tanquam auctorem vero rerum supernaturalium, (qualia sunt mysteria gratiæ ac gloriæ) credere Deum omnes debent; cum mens creata nulla sit, quæ suis viribus alte adeo assurgere possit. Credimus itaque Deum, hoc est: credimus Deum tum naturæ tum gratiæ auctorem existere.

B 3

At

(b) *Eccli. 3.* (c) *cap. 25.* (d) *Lib. 1. de Abraham, cap. 3.* (e) *Epist. 137.*

At una simul credimus, hunc Deum unum solum esse, cum impossibile sit, plures Deos inter se distinctos esse posse; atque ob id in Symbolo primorum duorum Conciliorum generalium *Nicæni I. & Constantinopolitani I.* vox *Unus* addita fuit: *Credo in unum Deum.* Quæ veritas, præterquam quod pluribus SS. Scripturarum locis manifestetur (uti cap. 6. Deuteronomi: *Dominus Deus noster, Dominus unus est*, itemque cap. 32. *Videte, quod ego sim solus, & non sit alius Deus præter me*) præterquam, dico, quod his aliisque claris locis comprobetur, tantam insuper evidentiam habet, ut lumine mere naturali plane cognosci possit; quandoquidem fieri nequit, ut plures Dii inter se distincti existant: prout argumentis fortissimis naturalis theologia demonstrat, quibus ipsis celeberrimi Fidei christianæ defensores omnes Tertullianus, Arnobius, S. Iustinus martyr, Lactantius, Minucius Felix, S. Cyprrianus & reliqui ad Polytheismum confutandum cæcamque Gentilitatem, plures admittentem Deos, convincendam usi sunt. Ex multis rationibus, quæ de hac re afferri in medium possunt, aliquas solum vobis depromam, quarum præcipua communis notione ipsa, quam de ente Divino mens quævis concipit, nititur: scilicet Deum esse inter res maximas omnes summum. *Deum id definitio*, ait Tertullianus (f) *quod omnium conscientia agnoscit, esse summum Magnum*: S. Augustinus affirmat: *Deum . . . ab omnibus ita cogitari, ut aliquid, quo nihil melius sit*; Nam si esset ens aliquid illo melius, illum jam non Deum esse, evidens est. Ex hoc autem deducitur, illum unum solum esse debere: nam quoniam, qui Deus est, omnibus perfectionibus summus esse debet, si solus non est, summus esse non potest quippe carens illis perfectionibus, quæ in aliis reperiuntur: qui ipsi cum utpote Dii a nullo pendere debeant, ecce! perfectiones unius ab eo reliqui non acciperent, & (quod confessum sequitur) singulis eæ perfectiones desissent, quæ in reliquis invenirentur. Itaque Deus jam non, ille omni-

bus perfectionibus summus, erit; quod tamen entis divini communis notio exigit. Ob id Tertullianus loco citato ait: *Duo ergo summe magnæ quomodo consistent; cum hoc sit summum magnum, par non habere? Par autem non habere uni competit, in duobus esse non potest.* Explicare animi sensa exemplo sensibili juvat: Ponite corpus quoddam lumine lucidum; si summe lucidum est, necessario solum luminosum esse debet; nam si vel unum sit corpus aliud lucidum, a priori non pendens, lucem non a priori acceptam sed suam habens; ecce! jam nullum horum lucidorum corporum summa luce præditum dici potest, cum lux alterius alteri necessario desit. Ergo si Deus in omni genere perfectionum summus esse debet, etiam unus solus sit necesse est; nam si pares habet a se non pendentes, consequitur, eum jam non summum, jam non Deum esse; cum necessario parium suorum perfectionibus deficiat.

Neque hoc in loco animos vestros turbet, Auditores charissimi! etiam a nobis in Deo tres personas realiter inter se distinctas (Patrem, Filium, Spiritum sanctum) admitti; nam hac ratione ostenderetis, ignorare vos, quid credatis: Quandoquidem, dum vos & ego tres personas realiter distinctas credimus, ob id nequaquam tres Deos dicimus, sed omnes tres unum solum & unicum Deum in personis tribus constituentur: Mysterium, quod in se clare cognitum æternam nostram in cælis beatitudinem constituet, & a me suo loco ex Fidei atque Ecclesiæ sanctæ doctrina explicabitur.

Aliud inventum argumentum, quo Deum necessario unum esse debere probatur, Lactantius Firmianus nobis in hanc rationem suppeditat: Si plures Dii existerent realiter inter se distincti, deberent habere aliquid, quo inter se distinguerentur: hoc vero posito oriretur quæstio, quidnam illud, quo distinguuntur, sit, anne perfectum, an vero imperfectum quid? si perfectum quid; ergo eis perfectio aliqua desset; cum quivis illorum ea perfectione deficeret, quæ alterum

(f) Lib. 1. contra arcum. c. 3.

rum distinguit: Jam vero qua posthæc ratione hic, ille summe perfectus, erit, qualis quidem utpote verus Deus esse debet. Si imperfectum quid; qua ratione, quæso, imperfecto esse in Deo potest, qui, quemadmodum omni perfectione præditus, ita etiam omnis imperfectionis immunis esse debet: Ex hoc evidens sit, quod, quo plures Dii forent, eo minores illi forent; cum quivis illis perfectionibus, quibus reliqui ab ipso distinguerentur, careret: *Deorum igitur virtutes ac potestates infirmiores sint, necesse est (g) quia tantum singulis deerit, quantum in ceteris fuerit; ita quanto plures, tanto minores erunt.*

His unum adhuc, missis ceteris, argumentum adjicere juvat juxta cum allatis duobus evidens atque apertum. Cum Deus ens necessarium: ens, quod necessario existere debet: quin immo *Esse* ipsissimum sit, a quo reliqua entia cuncta esse suum accipiunt; quamprimum ex vero diceretur, eum superfluum esse, mox (credo) intelligeretis, etiam Dei nomine eundem indignum esse; nam cuius, amabo! Deus esset: si non esset, qui illo indigeret, qui ab illo necessario penderet? Jam vero Deorum pluralitas eorumdem non necessariam existentiam, imo superfluitatem evidenter demonstrat; Aut enim unus solus Deus totius rerum universitatis principatui sufficit aut non sufficit? Si non sufficit, non est verus Deus, quippe alterius ope egens; si autem eget, pendet ab alio, id quod & notioni, quam de Deo habemus, & ipsi essentiae Dei repugnat. Si vero sufficit, utique reliqui superflui sunt; & (quod sequitur) necessario non existunt; cum absque illis reliqua entia creata omnia produci gubernarique possint. Atque in hanc sententiam S. Edmundus (h) Cantuariensis Episcopus olim est argumentatus: *Si duo Dii essent, ex hoc sequeretur necessario, quod ambo Dii essent superflui, & diminuti simul & semel; nam primus foret superfluus, quia secundus sufficeret, aliter non esset Deus: Per eandem rationem esset secundus superfluus, cum primus esset solus sufficiens.*

Itaque Deus necessario unus solus esse debet.

Opponetis: Si rationes adeo evidentes extant, quibus plures deos esse plane non posse demonstratur, qua ratione fieri potuit, ut ante Christi adventum falsitatem usque adeo manifestam mundus propemodum universus adoptarit multosque deorum greges admiserit? Imo (si historiis fidem adhibemus) populi eoprolapsi sint, ut capris, serpentibus, aliisque longe vilioribus rebus cultum divinum exhibuerint, adeo, ut excepta sola gente Judaica reliquus orbis universus idolorum servitorem servierit? Quæritis ex me, Auditores dilectissimi! unde tanta cæcitas orta sit? Ortam existimo a morum corruptione, maximeque a flagitiis carnis. In hac sententia fuere tres gravissimi, & vetustissimi Doctores, qui in idololatriam calamum strinxerunt; Tertullianus ait: *Idololatria (i) Mæchiæ foror.* S. Athanasius (k) affirmat: *Prisci insipientes homines, ubi in carnis cupiditates demersi sunt, res aspectabiles deos esse sinnerunt.* S. Zeno, *Impudicitia (l) inquit, deos genuit & intulit mundo.* His ego addiderim, hoc maxime vitium, luxuriæ scilicet, inter alia ad Atheismum (istud erroris genus est idololatriæ contrarium videatur, tamen eidem æquale deprehenditur) viam sternere; nam cum ex sententia S. Thomæ voluptas carnalis plus aliis omnibus rationem intellectumque absorbeat, ubi frequenti usu regustata fuerit, ecce! jam miser intellectus proxime ad cæcitatem accessit; ecce! jam voluntas amore carnali (longe omnium puta vehementissimo) fascinata ad nullius rei præterquam execranda hujus voluptatis appetentiam inclinata languet. Hinc quid agit Fidelis, hujus semel vitii mancipium effectus, sciens esse Deum, qui carnis voluptatem prohibuit, eamque intra solos legitimos conjugii fines coegit; sciens esse Deum, cui ferali in hora tot carnalium flagitiorum ratio exactissima non sine præsentissimo æternæ damnationis discrimine reddenda: quid, inquam, agit homo, luxuriæ servus? Videns

mora-

(g) *Lib. 1. Divin. Instit. c. 3.*

(k) *Orat. contra Gentil. n. 18.*

(h) *In Spec. Eccl. c. 28.*

(l) *Lib. 1. Tract. 4.*

(i) *In Scorpiaeo.*

morali quadam impossibilitate hujus vitii deferendi premi se, immo illius jugum aggravari indies super se sentiens id fludet, qua ratione sibi in animum inducat: Aut Deum hunc non esse judicem, cui ratio actionum reddenda sit: Aut animam una cum corpore in morte interire; id quod ad ipsum Atheismum redit: Aut denique esse deos, qui cum omnes (alius alio plus minusve) luxuria insignes extiterint, imitatores quosque suos laudare, ad minimum reprehendere non debeant.

Atque ut ea, quæ modo dixi, fortissime comprobem; attendatis velim, hoc maxime Deum spectasse, cum populo Israelitico, veri Numinis cultori, sæminarum idolis servientium connubia gravissime interdixit, bene gnarus, quantam amor carnalis, utut licitus (cujus generis amor connubialis est) vim quantamque, corda ad personarum conjugaliter amatarum idololatriam pervertendi, efficaciam habeat: *Nec uxorem de filiabus (m) eorum accipies filius tuus . . . ne fornicari faciant filius tuus in domos suos.* Hæc sunt verba Dei, in quibus primo quidem annotari debet, tum in hoc tam in mille aliis S. Scripturæ locis idololatriam & apostasiam a vero Deo abominabili fornicationis nomine compellari; qua re ostenditur, arctissimam conjunctionem inter hæc duo mala (luxuriam nimirum & defectionem a vero Deo) intercedere; quippe quæ uno etiam & communi vocabulo designentur. Deinde vero illud quoque observari colligique debet: quod si amor carnalis (utcumque licitus) ubi nimium exarserit, Fideles usque adeo excæcare valet, multo facilius istud ab amore carnali illicito atque a luxuria efficiendum sit.

Habemus rei hujus documentum gravissimum in factis Salomonis, quod nec repeti pro dignitate nec considerari satis potest: Salomonis (inquam) viri sapientia divinitus insula donisque S. Spiritus pleni, & (quod consequi videtur) a tanto præceptio longissime remoti. Et tamen, heu! talis tantusque vir Scriptura sacra teste sæmi-

nas idololatræ ardentissimo amore prosequi cæpit: *Hic itaque conjugatus (n) est Salomon amore ardentissimo; pervertitque usque adeo carnalis hic amor cor illius, ut tergum Deo vero verterit: Et averterunt mulieres cor ejus, ut, heu casum horribilem! heu exemplum oppido flebile! heu argumentum inexpugnabile! ut jam tempora canis confusus ad idola sæminarum suarum adoranda, & thura habitantibus in illis demoniis adolenda aggressus sit: Cumque jam esset senex, depravatam est cor ejus per mulieres, ut sequeretur deos alienos . . . & elebat Asaphthem deam Sulumiorum, & Moloch idolum Ammonitarum . . . ædificavit sanam Chamo idolo Moloch . . . atque in hunc modum fecit universis uxoribus suis alienigenis.* Cur istud? Quia, ut notat sacer textus, quia prohibuerat Deus, ne Judæi sibi tales feminas connubio adjungerent; quandoquidem illæ (attendite energiam divini Scriptoris dictionem) quandoquidem illæ certo certius corda eorum ad idolorum cultum conversuræ essent: *Certissime enim averterunt corda vestra, ut sequamini deos eorum.* O casum, (repeto) o exemplum simul ac argumentum iuvicium! Salomon! vir talis, qualem vobis supra descripsi, utcumque senex a libidine usque adeo præceps abripitur, ut non obstante incomparabili sapientia sua, non obstantibus donis caelitus inditis, non obstante gratia, qua cumulatus fuerat, omni a Deo deficiens marmorea, cerea, ligneaque simulacra de genibus colerit; unde in incerto manet, utrum pœnitentia tactus resipuerit salutemque consecutus sit; quæ controversia adhuc sub judice est. Jam vero qui Salomone minor est & nihilominus carnalium voluptatum sordibus immergere sese pergit, nonne ex merito fidem amittet? Quod etsi nostra ætate carnis voluptatibus dediti ad adorandos deos, quippe quos nostræ ignorant oræ, animum non adjiciant; tamen exquirunt causas, quibus sibi persuadeant: vel nullum omnino Deum esse; vel animam una cum corpore interire.

Aut

Aut neget, si potest, homo carnalis (si quis talis in hoc pio & devoto auditorio est) neget, inquam, si potest, hanc esse ipsissimam illam tentationem, qua saepius tentatur secumque dubitat: *Quis novit, an vera sint, quæ de Deo & vita seculura præcones sacri virique religiosi venditant? . . . Quis novit, an post hanc vitam altera sit, qua speretur aut metatur? . . .* Dicat improbus, quoties de hisce capitibus sermones ferat, ut forte quid audiat, quod amplectatur & quo diros conscientiae morsus sedet: Dicat temerarius, quot libros pervolvat, ut forte in aliquo thesaurum inveniat, ex qua discat, nihil vel sperandum vel timendum esse: Dicat nequissimus, quot oborientibus dubiis, dum argumenta animæ interitum sibi persuadentia reperire nequit, quot (inquam) oborientibus dubiis meditatio inhaerescat, quibus ipsis fidem amittit; cum illud inconcussum maneat: *Dubius in fide, infidelis est.* Quod si ipse dicere renuit, ut ne se Atheum prodant, dicant ministri Sacramenti Pœnitentiæ; An non Pœnitentes suos inter illi, qui in dubia circa Fidem lapsi sunt, illos ipsi sint, qui in fordibus voluptatibus computruere, plenique & consummati omni amore carnali existunt.

Quæ cum ita sint, Auditores dilectissimi! cumque luxuriæ vitium præ reliquis omnibus fidei vestrae maxime insidietur; agite! excitate animos vestros ad anxiam illius quam longissime vitandi sollicitudinem; ut tum qui huius vitii immunes sunt, acrioribus odio illud prosequantur, tum qui eadem obnoxios sese sentiunt, ocyus respiciant: Id namque sciatis velim, fidem (*moraliter* loquendo) non amitti, nisi vitii alicujus amor, tanquam causa impellens, interveniat: Quis amabo! est mortalium, qui sine horrore dixerit: *Nolo credere*; Nemo plerumque. Hinc si qui ad id dicendum inducuntur, certe eo alia re mala, quam amant & quam cum propositis Fidei veritatibus conciliare non possunt, inducuntur; cumque inter alias res, quas Fides proponit, veritates de judicio divino ferale in hora subeundo: de animæ immortalitate:

P. Cæsarii Catechista.

de æternitate poenarum infernalium iis, qui non sincere prænitentes ex hac vita decedunt, destinatarum depravatæ naturæ humanæ plurimum dispendiant, eaque de causa cum amore, quo peccator in illam rem malam dicitur, conciliari modo nullo possint; ob id ad non credendum has veritates impius impellitur, ut harum fide molestissima solutus frui re mala, quam diligit, libere possit. Jam cum rerum malarum amor malus non nisi voluptate, quæ in amando res illas percipitur, nutriatur; conficitur, amatam rem malam tanto majorem vim ad eripiendam Fidem habituram esse, quanto majorem voluptatem obtulerit. Ratiocinium hoc clarum, evidens atque idoneum deputo. Jam autem edicite, an sit inter voluptates sensibiles alia major voluptate carnali? Nulla certe; nam, ut ait Philosophus, coheret cum necessitate conservationis speciei humanæ, quæ rerum naturalium omnium maxime necessaria est: ob quod idem philosophus sequentem canonem condidit: *Quæ sunt magis necessaria, sunt magis (o) delectabilia.* Hoc temporum omnium experientia confirmat: unde per antonomasiam *Voluptas carnalis* vocatur, epithetum, quod reliquis sensuum nostrorum objectis non tribuitur. Quæ de re si Fides non amittitur (animadvertite, si lubet, vim consecutionis) si Fides non amittitur nisi amore rei alicujus malæ, quæ cum Fidei veritatibus conciliari non potest, & si sensibilis rerum malarum amor non excitatur nisi voluptate, quæ ex illis percipitur; profecto voluptas carnalis (quippe omnibus aliis sensibus major) omnium itidem maxime Fidei veritatibus retia struet. Quæ si ita se habent, quivis nostrum, Auditores charissimi! omni cura fatagat, ut ne se peccato hoc contaminet, si purus est, aut ut confectum se ab illo purget, si impurus est; quod ut certo obtineamus, quatuor nobis præstanda sunt: Primo ad Deum humiliter & frequenti prece, quæ valida auxilia impetret, nobis consuegendum, secundo bona probaque Confessio docto ac pio ministro facienda; tertio

C

vitan-

vitandæ omnino occasiones illecebrosæ & refecanda objecta fascinantia; quarto frequentanda SS. Sacramenta ad modum, quem pius doctusque conscientiæ arbitrer præscripserit.

Hæc sin minus facimus, præsentī periculo, mille dubitationes inter a Fide simul ac æterna salute aberrandi, nos objicimus.



SERMO IV.

De verbis Symboli: PATREM OMNIPOTENTEM. Explicatur mysterium SS. Trinitatis, itemque attributa Immenfitatis, Æternitatis & Immutabilitatis.

Post verba Symboli: *Credo in Deum*, addimus *Patrem omnipotentem*. Nomen Patris, Deo attributum, duplici sensu intelligi potest; Primo namque accipi potest respectu nostri, creaturarum Dei intellectuum filiorumque adoptivorum: quemadmodum ipsemet in pluribus tum veteris tum novi Testamenti Scripturarum locis appellari benignissime voluit. Sic in libro Deuteronomii (a) habetur: *Nunquid non ipse est Pater tuus?* Et Malachias (b) ait: *Nunquid non Pater unus omnium nostrum?* In novo autem Testamento (Prætereo reliqua veteris Fœderis loca) inter alia multa oppido insigæ occurrit oraculum a Jesu Christo editum, quo alium quemquam, præ Patre nostro cælesti, compellari a nobis in hoc mundo Patris nomine vetat: *Patrem nolite vocare vobis* (c) *super terram; unus enim est. Pater vester, qui in cælis est.* At hunc sensum longius excutere in præsentī loco non juvat, in alio juvabit: Secundo Deus Patris nomine vocatur respectu alterius Filii ab ipso ex omni æternitate de mente sua generati, qui alio nomine *Verbum* dicitur. Jam hunc sensum exponere hoc loco aggredior.

Animadvertitis (credo) Auditores charissimi! mihi, cum Patris nomen nomen relativum sit & ad aliam Personam, tanquam Filium, respiciat, necessitatem imponi ad vos de altissimo & præcipuo fidei christianæ mysterio (nimirum de SS. Trinitate) verba faciendi: quod mysterium, tametsi clarissimis veteris quoque Testamenti Patribus revelatum fuerit (uti ex variis locis apparet, in

quibus modo Personarum in Deo pluralitas denotatur, modo Personæ suis nominibus, nunc Patris nunc Filii nunc Spiritus sancti, quasi nominibus Personarum distinctarum vocantur; & a Theologis christianis adversus Judæos atque Hæreticos nonnullos probatur) tamen plena & manifesta hujus maxime sublimis mysterii revelatio a Deo in legis Evangelicæ, cujus conditor Christus extitit, tempora rejecta fuit.

Itaque mysterium hoc in eo consistit, ut sciamus, esse in illo solo & unico Deo, de quo in superioribus sermonibus diximus, tres Personas realiter inter se distinctas, quin natura, essentia & substantia divina distinguatur sed enim unica atque indivisa permanens tres Personas includat, quarum prima Pater secunda Filius sive Verbum tertia Spiritus sanctus vocatur. Pater (a nemine procedens) habet id sibi proprium, ut sit Ingénitus, diciturque prima Persona, Verbum sive Filius ex intellectu Patris, Filio omnem suam ipsissimam indivisam essentiam divinam una cum omnibus perfectionibus divinis communicantis, procedit nomineque suo caracteristico Genitus vel Verbum vel Filius (quæ denominationes idem sibi volunt) vocatur atque ob id secunda dicitur Persona. Spiritus sanctus procedit ex voluntate Patris & Filii, non quasi duæ essent voluntates, absit! sed una eademque, qua Pater ac Filius se mutuo diligentes, tanquam terminum amoris hujus, Spiritum sanctum producunt, cui nomen caracteristicum est Procedens vel Spiratus ab ambobus, non qua-

(a) Cap. 32.

(b) Cap. 2.

(c) Matth. 23.

A duobus principiis sed quasi ab uno solo principio; cum in Patre & Filio una eademque voluntas sit; atque ob id Spiritus sanctus Persona tertia dicitur, cui a Patre & Filio omnis ipsissima unica & indivisa essentia divina una cum omnibus perfectionibus divinis communicatur. Hinc, quoniam eadem essentia & substantia Divina semper unica & indivisa permanet (etsi tota in omnibus his tribus divinis Personis, inter se realiter distinctis, tota realiter invenitur) sit, ut quamquam tres sint Personæ distinctæ, tamen unus solus & unicus Deus in tribus Personis, unus solus & unicus intellectus, una sola & unica voluntas, una sola, & unica omnipotentia, sapientia, immensitas, æternitas, bonitas, providentia, & ceteræ attributiones unicæ ac indivisæ omnesque integræ in quavis harum divinarum Personarum existant; quia in ipsis (ut dixi) invenitur unica & indivisa essentia divina, quæ omnium attributorum & perfectionum divinarum fons atque principium est.

Et quamquam secunda Persona ex intellectu Personæ primæ; tertia vero Persona ex voluntate duarum reliquarum (tanquam ab uno principio) procedant, ob id tamen nulla Persona aut anterior est aut posterior altera, absit; sed voces istæ: *Prima, Secunda, Tertia* nil aliud significant quam merum purumque ordinem processionum, quin ulla vel anterioritas vel præcedentia (ut aiunt) sive temporis sive durationis, sive dignitatis sive perfectionis alicujus intercedat; nam cum omnes tres Personæ unum idemque esse divinum habeant, perfectionibus cunctis sibi per omnia mutuo æquales sunt, immo omnes tres eandem perfectionem, absque ulla multiplicatione, in perfectionibus ipsis obtinent. Hinc etiam omnes tres Personæ, una cum eodem esse substantiali, eundem intellectum (ut superius monui) eandem voluntatem, eandem æternitatem, eandem infinitatem, eandem immensitatem, eandem immutabilitatem, eandem omnipotentiam, eandem bonitatem, eandem sapientiam, eandem providentiam (verbo) eandem unicam & indivisam per-

fectionem possident, quemadmodum unicum est & indivisum esse divinum substantiale, quod possident: Unde per Fidem confitemur, quod sit unus solus & verus Deus existens in tribus Personis inter se realiter distinctis. Dixi, *realiter distinctis*, cum fieri non possit, ut eadem Persona Pater sit simul ac Filius, Spirans sit simul ac Spiratus. Ob id tamen, quod Personæ inter se realiter distinguantur, existimetis nolim, unam extra aliam esse; nam quævis tota in reliquis duabus (scilicet totus Pater in Filio & Spiritu sancto, totus Filius in Patre & Spiritu sancto, totus Spiritus sanctus in Patre & Filio) est, prout Christus ipse pronuntiavit: *Ut cognoscatis & credatis*, (d) *quia Pater in me est, & ego in Patre.*

Hæc autem omnia sola fide tenenda sunt; cum ea nec capere mens humana nec rerum universitas tota similitudinem æquam, qua mysterium hoc explicetur, subministrare queat. Hæc in variis Evangelicis locis docuit Jesus Christus Filius Dei incarnatus, maxime vero in illo insigni loco, in quo de Baptismo administrando egit: *Baptizantes eos in nomine Patris & Filii & Spiritus sancti* (e) in quo dicens: *in nomine*, & non in *nominibus* identitatem atque unitatem essentiae perfectionisque offendit, & reliquis verbis Trinitatem realem Personarum earumdemque per omnia æqualitatem manifestavit. Hæc omni tempore docuere Apostoli, eosque inter S. Joannes in illo celebratissimo loco, frustra hæreticorum Socinianorum insidiis attentato, in quo ait: *Tres sunt, qui testimonium* (f) *dant in cælo Patris, Verbum & Spiritus sanctus; & hi tres unum sunt.* Hæc omnes omnium ætatum Patres sancti, etiam ii, qui ante Concilium Nicenum floruerunt, professi sunt. Hæc denique omni tempore Ecclesia catholica credidit docuitque.

Jan hunc Deum, Charissimi! quem adoramus, quem unum in substantia trinumque in Personis confitemur; cum sit perfectionis infinitæ (Quæ perfectio una eademque & ipsissima res est cum *Esse* & *Essentia* illius) infirmis mentibus nostris, quam ex multis

C 2

per-

(d) Joan. 10. (e) Matth. 28. (f) 1. Joan. 5.

perfectiōibus compositum, concipimus: non quod illas re ipsa multas esse iudicemus quippe credentes, Deum & perfectiōes illius ipsum simplicissimum esse divinum esse, sed quod universam Dei perfectiōem una comprehendere cogitatione nequeamus. Hinc quemadmodum is, qui magnum vas exquirit liquore plenum uno educere haustu nequit, illud forbillando exhaurit; ita & intellectus noster, cum perfectiōem divinam contemplari universam nullo modo valeat, illam per partes intuetur: In hunc modum immensitatem, aeternitatem, immutabilitatem, bonitatem, sapientiam, potentiam, providentiam, misericordiam, iustitiam &c. quamquam hæc omnes in Deo una eademque res sint, aliam ex alia animo concipimus, ut easdem non quidem pro dignitate sua sed enim pro viribus nostris admiremur, confiteamur, adoremus ac revereamur. Jam vero has Dei nostri unius in essentia, in personis trini perfectiōes omnes (quas *Attributa* vocare consueverunt) explanare breviter mihi sumo, exordium ab Immensitate ejus ducens.

Itaque Immensitas facit, ut Deus rebus cunctis præsens sit: Implet est cœlum ac terram, prout ipse in Jeremia (g) de se testatur: *Cœlum & terram ego impleo*, adeo ut rebus omnibus intime præsens existat, conservando eas per essentiam suam: cognoscendo ea, quæ in illis geruntur (ne occultissimis quidem cogitationibus ac voluntatibus exceptis) per præsentem suam cognitionem: operando in iis, quidquid vult, per potentiam suam. Hac de re Theologia catholica affirmat: Deum in omni ente omnique creatura esse per *essentiam*, *præsentiam*, & *potentiam*. Sumus itaque (velimus nolimus) semper præsentem Deo: semper ab ipso circumdati ac penetrati: semper in quavis nostrarum actionum, etiam intima atque occultissima, eidem aperti atque manifesti: semper illius potentiæ & operationi subditi. Ea propter Paulus ait: *Omnia nuda sunt (h) & aperta oculis ejus: iterumque: Non enim longe est ab unoquoque nostrum; in ipso (i)*

enim vicinus & movemur & sumus. Et magis minutim Ecclesiasticus (k) inquit: *Oculi Domini . . . sunt circumspicientes omnes vias hominum . . . & hominum corda intrantes in absconditas partes.* Quæ cum ita sint, Fratres! quo quæso! animo peccamus? Qui sit, ut Deum hunc in ipsis ejus oculis offendere audeamus? Quis sacratum Regis sui nomen verborum contumeliis ipso audiente onerat aut abutitur? Nemo certe: Et tamen Dei augustissimum nomen perjuris atque blasphemis eo audiente in singulos dies profcinditur. Quis actionem Principi suo injuriosam ipso inspectante perpetrare audet? Nemo certe: Et tamen a nobis Fidelibus suis Deus cujusvis generis peccatis in ipsis suis oculis, quos subterfugere nobis nunquam licet, offenditur. Ah! si, dum tentationes peccandi irruunt nobis cum animis nostris paucula hæc verba diceremus: *Deus me videt, & in hoc ipso temporis puncto vita privare me potest*, putatis, O mei! tam facile nos ad peccandum animum adjecturos fore? Hæc divinæ præsentis obliquo, teste Davide, potissimum in causa est, ob quam peccata tantopere multiplicantur: *Non est Deus in conspectu ejus: iniquitate sunt via illius in omni (l) tempore.* Hoc maxime scuto Susanna impurissimorum judicum violentas preces propulit, satius ducens, eorum vindicem iram experiri, quam obsecro amoris illorum obsecundare: *Melius est mihi obsequere incidere in manus (m) vestras, quam peccare in conspectu Domini.* Eundem in modum vos, O Fideles! si quando vel ab aliis vel a dæmone, vel concupiscentia vestra ad peccandum sollicitamini, cum animis vestris dicite: Quid? Egone peccem? Egone offendam Deum, qui me circumdat, qui me penetrat, qui me conuenit? Istud nequaquam, istud nunquam fiet; & invocantes eundem ex animo non cadetis: Pereant omnia potius, quam peccetur in conspectu Domini. Jam de Aeternitate Dei.

Aeternitas Dei significat, eundem semper & fuisse & fore: Nec habuit *Esse* sui Deus principium, nec finem habiturus est. Res clara

(g) cap. 23.

(h) Hebr. 4.

(i) Act. 17.

(k) cap. 22.

(l) Psal. 9.

(m) Daniel. 12.

clara est atque aperta; nam si Deus semper non fuisset, cœpisset esse, idque ab alio accepisset, cum *Nihil* ad existendum prodire sua virtute non possit, si non sit alius, qui eidem concedat esse: At hoc pacto jam non esset Deus. Debet ergo Deus semper fuisse, quin esse unquam cœperit; ob eam rem S. Joannes Evangelista phrasi significantissima Deum vocat eum: Qui erat, & qui est, & qui (n) venturus est; Rex Psaltes vero ait: *A sæculo & usque in (o) sæculum tu es Deus*; Et Tertullianus: *Quis alius aeternitatis status, quam semper fuisse & finem esse? & prerogativa nullius initii & nullius finis?* Hæc modo dixisse sufficiat; cum accommodatum ad morum præcepta sermonem de eternitate in alium locum reservem, quo postremum Symboli articulum explicabo. Transeamus ad Immutabilitatem Dei.

Immutabilitas Dei in eo consistit, quod ille semper idem sit, quin ei vel novi quidpiam accidere vel is deficere ullo modo possit: *Non est Deus quasi homo*, ait (p) jubente Domino Balaam, *ut mutetur*; Et de seipso apud Malachiam Prophetam testatur Deus: *Ego Dominus (q) & non mutator*. His mu'd' illi S. Scripturæ loci concinunt. Rei ratio in promptu est: Deus realiter in omnibus perfectionibus infinitus est; jam enti realiter infinito nihil novi aut accedere aut decesse quidquam potest, prout omnibus liquet: aliter non jam ens infinitum immo (quod sequitur) nec Deus esset. Hinc mutationes omnes, quæ in Deo fieri nobis videntur (uti quod in tempore hominem condiderit: quod peccatorem odio habeat eumque resipiscentem diligat denuo: quod in dies singulos tot animas creet, quot in uteris matris creaturæ humanæ formantur: multaque his similia, quæ nobis nova sunt, & quamdam etiam in Deo mutationem indicare videntur) Deo nequaquam nova sunt, quippe de quo in libro Sapientiæ (r) affirmatur, quod in se permanens suum innovat; quandoquidem per æternum suum & substantiale semperque præsens decretum ea, quæ nobis successu temporum evenire viden-

tur, omnia providit ordinavitque. Percipite (si lubet) quam erudite, quam acute phantasticum errorem hunc nostrum S. Augustinus (s) dispellat: *Maxime isti errant, qui mentem divinam omnino immutabilem, cujuslibet infinitatis eazum & innumera omnia sine cogitationis alteratione numerant, de sua humana, mutabili angustiaque metiuntur: Et sit illis quod ait Apostolus: Comparantes semetipsos semetipsis non intelligunt; nam quia illi, quidquid novi faciendum venit in mentem, novo consilio faciunt (mutabiles quippe mentes gerunt) profecto non Deum, quem cogitare non possunt, sed semetipsos cogitantes, non illum sed seipsos, nec illi sed sibi comparant. Nobis autem fas non est credere, aliter Deum affici, cum vacat; aliter, cum operatur, quia nos affici dicendus est, tanquam in ejus natura fiat aliquid, quod non ante fuerit Novit quiescens agere, & agens quiescere: Post ad opus novum, non novum sed sempiternum adhibere consilium, nec penitendo, quia prius cessaverat, capit facere, quod non fecerat: Sed & si prius cessavit, & posterius operatus est; . . . hoc præcul dubio, quod dicitur prius & posterius, in rebus prius non existentibus & posterius existentibus fuit; In illis autem non alteram creaturam altera subsequens mutavit aut abjektivit voluit, sed una eademque sempiterna & immutabili voluntate res, quas condidit, & ut prius non essent, egit, quamdiu non fuerunt, & ut posterius essent, quando esse cœperunt. Egregiam, dignamque S. Augustino sententiam! Hinc tituli omnes, qui, secundum angustum intellectum nostrum, noviter Deo accidunt (uti sunt Creator, Dominus, Amator, Iratus, Redemptor, Remunerator, Punitor) vere quidem eidem tribuntur, quia tamen in illo mutatio ulla sed eadem in creaturis ipsis, quarum respectu habito is memoratis nominibus vocatur, eveniat. Ita idem S. Augustinus: *Quamvis temporaliter de Deo incipiant dici, non tamen (t) i-si substantiæ Dei accedisse aliquid intelligatur, sed illi creaturæ, ad quam dicitur.**

Animadvertite, pergit idem S. Doctor, quot novæ res monetæ alicui, e. g. num-

C 3

(n) Apoc. 1. (o) Psalms 89. (p) Numer. 23. (q) cap. 3. (r) cap. 7.
(s) Lib. 11. de Civit. Dei, cap. 4. 10. 17. & Lib. 12. c. 17. (t) Lib. 5. de Trinit. c. 16.

mo aureo, accidunt, quin tamen novi quid ipsi realiter fiat: Modo nanque in solutionem expenditur; modo pignori datur; modo donatur dono; modo ostentationis gratia ab iis, qui inde gloriari voluerint, elocatur: Sunt hi totidem contractuum realium specieque inter se diversorum tituli: At in his omnibus anne sensibilis mutatio nummo accidit? Nequaquam, etsi tot diversorum, realium, sensibilibus & specificorum contractuum materia sit; nam cum hi tituli omnes relativi sint, nummus in se immutatus permanet: Nummus cum dicitur pretium, relative dicitur; nec tamen mutatus est, cum esse incipit pretium, neque cum dicitur pignus, & si quæ similia. Si ergo nummus potest nulli sui mutatione toties dici relative, ut neque cum incipit dici, neque cum desinit, aliquid in ejus natura vel forma, qua nummus est, mutationis sint; quanto facilius de incommutabili Dei substantia debemus accipere . . . ut quamvis temporaliter incipiat dici, non tamen ipsi substantiæ Dei accidisse aliquid intelligatur, sed illi creaturæ, ad quam dicitur. Digna profecto D. Augustino sensa!

Jam hoc divinum Attributum non quidem quoad physicum & naturale esse nostrum (de quo Jobus dicit, quod nunquam in eodem statu permanet) sed enim quoad morale aut (rectius ut dicam) supernaturale esse (scilicet quoad statum, quo nos in gratia divina firmos atque immobiles conservamus) participari a nobis potest, si in id debitam diligentiam auxiliante Numinis gratia adhibuerimus. Utinam felicissimus hic gratiæ status in nobis exoritur firmusque permaneat, nec ullo unquam tempore a nobis amittatur: Obtinetur autem, O mei! sancta hæc & desiderabilis immutabilitas (quæ in eo posita est, ut gratiam divinam is nunquam amittat, qui eandem possidere se sperat) tribus maxime remediis. Primum devota perpetuæque (nimirum continuo repetita) oratio est; dum iteratis vicibus; dum humili & fiduciæ pleno animo divinam bonitatem exoramus: dignetur nos in sua gratia conservare nobisque concedat, ut requisitam pro illa nunquam amittenda

diligentiam (quantum in nobis est) adhibeamus, petentes nobis insigne hoc beneficium toties, quoties Orationem Dominicam repetimus: *Et ne nos inducas in tentationem, sed libera nos a malo.* Secundum remedium (quo uti quam maxime, & quod opere complere debemus), in eo positum est, ut procul a periculis occasionibusque gratiæ divinæ amittendæ recedamus. Tertium denique remedium devota Sacramentorum Pœnitentiæ & Eucharistiæ frequentatio est. Primum remedium Oratio est a Christo nobis ad obtinendas quasvis animabus nostris necessarias gratias relictum, addito promissio facile centies in S. Evangelii expresse, exaudiendos nos fore, si debito modo oraverimus. Similiter fuga occasionum peccandi mille in locis S. Scripturæ & a cunctis SS. Patribus imperatur; cujus remedii adhibendi necessitatem nostra ipsi experientia comprobamus: Tum etenim maxime gratiam Dei perdidimus, cum illos ludos repetivimus; cum ad illam genialem personam de novo invisimus; cum illa theatra, illos cætus iterum obivimus (paucis) cum ad illa loca illasque personas rediimus, inter quas prius gratiam miseri amiseramus. Quapropter ne mutationem nobis usque adeo perniciosam subeamus (hoc est: ne ex amicis Dei heredibusque paradisi inimici Numinis & pœnarum infernalium rei efficiamur) necesse est, ut infirmitatem nostram ab illis occasionibus, periculis, personis ac locis, in quibus gratia divina exuti fuimus, longe removeamus. Mire fugam hæc devotus Sacramentorum adjuvat usus, quippe quæ a Jesu Christo, tanquam adjumenta fortissima nobis in gratia firme constanterque conservandis, relicta sunt; Ipsa namque Sacramenta, si bene recipiuntur, gratiam vel asserunt non habentibus vel augent habentibus; cum gratia primus Sacramentorum omnium effectus sit: Jam ad hanc conservandam memorata duo Pœnitentiæ & Eucharistiæ Sacramenta potissimum spectant: Pœnitentiæ, quidem; quia ea, quam Sacramentum hoc asserit, gratia id sibi proprium (ex S. Thomæ & Ecclesiæ magi-

sterio

sterio doctorum Theologorum omnium sententia) habet, ut animam adversus tentationes confirmet eidemque suis tribuat recipiendi a Deo auxilia ad resistendum illis necessaria, & (quod consequens est) animam in statu gratiæ immotam stabilemque conservet. Eucharistiæ vero; quia non solum memoratam gratiam in anima multum auget sed & supernaturalis in eadem alimentum genus quoddam relinquit, quo illa vegetatur, viresque ad currendam legis Christianæ viam accipit: quia animam ab omni peccato, maxime vero impuditiæ, magis magisque abhorrere facit: quia animæ rerum spiritualium ac divinarum amorem at-

que gustum ingenerat, atque in dies vehementius mundanarum voluptatum fastidium creat: quia (ut paucis dicam) animæ robur ad virtutes, quibus sanctificetur, acquirendas addit. Hac itaque ratione, O mei! Dei nostri optimi maximi immutabilitatem partecipate, ut vos nullo unquam tempore de statu divinæ gratiæ dimoveri permittatis; quam durante hac mortali vita in animabus nostris novis in dies incrementis auctam tandem in hora exitus nostri vita excipiat sempiterna: Hanc nobis omnibus ob infinitam misericordiam suam concedere Deus dignetur.

SERMO V.

De Bonitate, Pulchritudine & Amabilitate Dei unius ac trini.

Cum superiori sermone ad vos, Fideles dilectissimi! de nonnullis Attributis Dei nostri æterni in essentia unius trinique in personis verba fecerim, idem hodie argumentum (quippe Fidelibus, quotquot eundem Deum venerantur atque adorant, scitu dignissimum) persequi deque infinita illius bonitate dicere institui; quam ut facilius modo, quo fieri potest, optimo comprehendatis, varia vobis membratim exponam, ex quibus in unum quasi corpus collectis aliqualem Bonitatis divinæ imaginem atque ideam, utut minime æquam, cum animis vestris efformare valeatis.

Bonitas res est ejusmodi, quæ ab omnibus unice amatur; cum amor ferri in aliud quidquam, præterquam in solum Bonum, non possit, adeo ut etiam si voluntas nostra & amor ad res malas rapiatur, illas nos nunquam ut malas, sed enim quasi bonas nobis singamus: *Nemo potest diligere nisi bonum; nemo, tendens in malum, operatur.* Axioma hoc est philosophiæ naturalis, quod cuiusvis experientia ipsa evidens atque apertum reddit. Hinc quemadmodum solum Malum (sive id re ipsa malum sit sive tan-

tum esse videatur) fugam in nobis aversionemque excitat; ita solum Bonum (sive id re ipsa bonum sit sive tantum esse videatur) amorem, voluntatem inclinationemque in nobis progenerat.

Objiciet aliquis: Chare Pater! non solum Bonum sed Pulchrum quoque, idque forsitan Bono magis diligitur. Huic respondens quæro: Quid rei putas O fili! esse Pulchrum? Pulchrum nil aliud est profecto, quam Bonum nobis sensibilis apparens; de cetero Pulchrum & Bonum idem sunt aut (si mavis) pulchritudo est quidam quasi effulgens bonitatis radius, qui, ubi sensus nostros perstrinxerit, amorem intensivum aut (si placet) sensibilem in animis creat. Atque ut modo de bonitate & pulchritudine creata, ex qua subin ad incretam ascendamus, dicam; solemus bonitatis nomine complecti illas perfectiones, quas non tam oculis nostris cernimus, quam cum animis nostris æstimamus. Hinc bonam dicimus personam, quam velut plenam charitatis, castam, justam, temperantem, patientem, humilem, obedientem, honestam (paucis) iis virtutibus, quas facilius me-

te

te atque intellectu, quam oculis sensibusque haurimus, datam animis nostris representamus: Pulchram autem dicimus personam egregio corporis habitu, apta partium, ex quibus constat, & membrorum blandis coloribus (ceu radiis quibusdam) variatorum compositione præditam. Et hæc pulchritudo, quam habes atque angustus intellectus noster uti aliquid a bonitate distinctum concipit, re ipsa nil aliud est, quam bonitas & perfectio corpori quantitativo atque extenso conveniens. Attribuius igitur animo potius quam corpori bonitatem, dicentes, bonitatem esse potius perfectionem intellectualem ac spiritalem: Pulchritudinem autem adscribimus corpori tanquam perfectionem corporalem, quamvis re ipsa bonitas spiritalis sit animi pulchritudo, & pulchritudo corporis sit bonitas ejusdem: Atque ob id dicimus, a bonitate amorem appetitivum, a pulchritudine intensivum seu sensibilem procreari.

At vero in entibus sive personis mere spiritualibus non est, quod bonitatem a pulchritudine dividamus; nam cum ipse meri purique spiritus sint omnis qualitatis sensibilis expertes, quorum dignam ideam habere in hac valle lacrymarum non possumus; quia nihil in mentem nostram, nisi per sensum corporalium meatus, influit: ob id sit, ut si quam pulchritudinis personarum mere spiritualium (uti sunt Deus & Angeli) imaginem cum animis nostris effingere volumus, confestim aut sublimitate *esse* eorum, nostro *esse* multum superioris, opprimamur aut ideis sensibilibus, quæ solæ mentibus nostris insunt, decipiamur; cum aliam pulchritudinem (præterquam eam, quæ sub sensus cadit) concipere animis nostris nequeamus. Hinc pulchritudinem; e. g. Angelum alicujus, cogitare volentes alias quam sensibiles illius ideas formæ non possumus: fingimus scilicet nobis juvenem pulchro corporis habitu, oris egregio colore, nitescentem, alacrum, & si quæ sunt alia, etsi re ipsa pulchritudo illius nihil horum habeat.

Jam, Fideles dilectissimi! cum Deus no-

ster ens in omni perfectione infinitum sit, idem (quod sequitur) infinite bonus, infinite pulcher est: ut quamam Bonitate, quæ a Pulchritudine? Bonitate ac Pulchritudine longissime a captu nostro remota, cujus, fieri nullo unquam tempore potest, ut æquam ac dignam ideam formemus. Quid igitur juvat, dicetis, de re ejusmodi nobis loqui, quæ nec intelligere nec capere valemus? Dixi, O mei! nos Bonitatem ac Pulchritudinem Dei nostri pro dignitate & ex æquo intelligere atque capere non posse; Minime vero dixi: Illam a nobis capi intelligi ne aliquo saltem modo non posse; namque possumus adjuvante Dei gratia ad Bonitatis & Pulchritudinis divinæ cognitionem eadem ferre ratione pervenire, qua, (quotquot de Deo scripserunt) affectui sunt, ut illum vere realiterque (quantum satis est) intellexerint mentesque perceperant, & eundem cognoverint amaverintque, prout ille in merito nobis imperavit.

Quin amicum probe advertite, quæso, O mei! nam utinque maxime sublime sit argumentum, tamen illud (si Superis placeat) apertissime tractabo, advertite (inquam) animos atque edicite, quisquamne illorum, qui in hoc mundo de Deo scripserunt aut disseruerunt, ex eo scripsit aut disseruit, quod Deum, prout in se est, viderit? Minime profecto: Et tamen omnes SS. Patres atque una cum ipsis Ecclesia sancta de Deo tot tantæque nobis narrant, & ut vera credere jacent. Quæ igitur via id sunt consecuti, ut Deum & intellexerint & de illo disputarint? Via certe effectuum ab ipso Deo productorum, via creaturarum, quas omnes solus ipse eduxit. Sic fecit docuitque S. Paulus: *Invisibilia enim Dei a creatura mundi, per ea, quæ facta sunt, intellecta conspiciuntur, sempiterna (a) quoque ejus virtus ac divinitas.* Et ante Paulum auctor libri *Sapientia* (b) dixit: *Si (homines) civitatem & opera eorum (rerum creaturarum) mirati sunt, intelligant ob illis, quoniam, qui hæc fecit, fortior est illis; a magnitudine enim speciei (creaturarum) cognoscibiliter poterit creator horum videri. Eo-*

ce,

ce, O mei! viam certam, securam, compendiariam, quā uti ad essentiam divinam ita reliquas Dei nostri perfectiones (& hodie quidem ad infinitam illius Bonitatem ac Pulchritudinem) vobis explanandas aggredi me licet.

At quoniam Deus non solum auctor est rerum naturalium, ex quibus solo naturali lumine, quin Fidei lumen accedere debeat: Bonitas & Pulchritudo illius, tanquam naturalis auctoris hujus universitatis, cognosci potest (Hac ratione eundem veri philosophi omnes & cognoverunt & cognoscunt) sed rerum quoque supernaturalium, rerum luminem naturale superantium, scilicet mysteriorum gratiæ & gloriæ, auctor est, & ut talis solo Fidei lumine cognosci potest; idcirco primum de Bonitate & Pulchritudine Dei, tanquam auctoris rerum naturalium; deinde tanquam auctoris gratiæ & gloriæ dicam.

Itaque ad cognitionem Bonitatis & Pulchritudinis Dei, tanquam auctoris naturæ, solo naturali lumine ascendere volentibus nobis haud alia via patet, quam ut animos nostros ad considerandam bonitatem ac pulchritudinem, quæ in omnibus hujus universitatis creaturis apparet, convertamus. Cernimus in quovis ente productō & creatura quavis propriam bonitatem ac pulchritudinem pro ratione *esse earum*: Scimus præterea certissime ex demonstratione naturali, omnes perfectiones, quas creaturæ pollicent, a prima quadam causā eisdem esse concessas, quæ causā solus Deus est. Jam hæc creaturarum bonitas ac pulchritudo a Deo ipsis eum in finem impertita, ut exinde mentes mortalium ad divinæ perfectionis cognitionem contemplationemque affluerent, quam miros effectus in humanis peccato originali corruptis affectionibus edat, videmus; siquidem hæc bonitas ac pulchritudo nonnunquam mortalium mentes, quas ad Deum convertere deberet, ab eodem multum averit, tamque vehementem animorum ad se rapiendorum vim habet, ut mortales pro consequendo, quod in creaturis advertunt, Bono ac Pulchro facultates, sanitatem honorem, famam, quævis alia

P. Cunctiati Catechista.

naturalia civiliaque bona disperdant, immo eo etiam prolabantur, ut præ mentis delirio vita se solient aut ad insaniam adacti sensum rationemque amittant. Jam vero bonitatem & pulchritudinem creaturarum naturalem, quæ unquam extitit & quæ ad seculi finem usque exitura est, omnem in unum aggregetis, imminensinque hunc perfectionum creaturarum cumulum Bonitati & Pulchritudini Dei (auctoris earundem) conferatis velim: Quanti illas cum hac compositas pendi debere putatis? Percipite, Charissimi! supputationem Isaïæ Prophetæ, percipite oraculum a Deo ipsi inspiratum, a Deo (inquam) qui verum non dicere non potest: *Omnes gentes, una cum perfectionibus suis cunctis & amabilitate omni, quasi non sint (c) sic sunt coram eo, & quasi nihilum & inane reputatae sunt ei.* Dicine minus quid potest? Nihil sunt. En rei hujus apertam naturalemque rationem! Omnis hic bonitatis & pulchritudinum cumulus denique cumulus finitus est, cumulus fines suos ac terminos habens: at Bonitas & Pulchritudo Dei (etiāsi ut auctor mere naturalis consideretur) Bonitas est & Pulchritudo infinita, quippe Dei infiniti: Præterea finiti (ut monet philosophia naturalis) *ad infinitum nulla est proportio.* Ob eam causam ingens hic bonitatis & pulchritudinis finitæ cumulus, *quasi non sit, sic est coram eo, & quasi nihilum & inane reputatum est ei.* Quapropter si bonitas ac pulchritudo creata, non jam in cumulum coacta sed unius etiam creaturæ, tantas illecebras habet; quanto amore infinita illa Bonitas & Pulchritudo digna sit, cum animis vestris existimate.

Attamen scire debetis, O mei! infinitam hanc bonitatem ac pulchritudinem Dei (considerati ut mere naturalis auctoris) si pulchritudini ejusdem (considerati ut auctoris supernaturalis) componatur, quodam quasi modo evanescere atque extingui: Et hic potissimum O mei! mens humana id sibi necessitatis imponi sentit, ut se demittat, ut opprimi se tantis fulgoribus, neque se nisi Fidei lumine adjutam & iis solum, quæ idem

D

Deus

(c) Isaïa 40.

Deus de supernaturali sua Bonitate ac Pulchritudine revelare perque Ecclesiam suam manifestare nobis dignatus est, nixam pertingere ad summam illam pulchritudinem contemplandam posse fateatur. Complectar paucis hoc in loco, quæ aliis, suisque in locis, fufius denuo exponere debeo.

Deum, ut auctorem supernaturalem, considerare vos jubens id volo, ut eundem (tanquam auctorem redemptionis, gratiæ, gloriæ Sacramentorum, omniumque Fidei mysteriorum nobis revelatorum & ab Ecclesia propositorum) consideretis. O Bonitas & Pulchritudo Dei mei exelsi! Quid de te dicere valeo? . . . Ergone te fiteam? Nequaquam: Dicam, dicam tremens, Deus meus! modicum, id, quod potero, & quemadmodum ex effectibus a te tanquam auctore naturali productis infinitam tuam perfectionem cognovimus; ita eandem ex effectibus a te tanquam auctore supernaturali productis explicare, modoque, quo fieri a me potest, optimo eam conspiciendam Auditoribus meis præbere contendam.

Primus infinitæ hujus Bonitatis effectus, O mei! redemptio extitit generis humani: Potuisset redemptionem hanc Deus plurimis modis efficere. Jam autem fingite, Deum innumerabilibus angelicorum Spirituum catervis injungere voluisse, ut quilibet eorum, quod convenientissimum crederet, efficiendæ redemptionis hujus remedium proponeret: Anne putatis, eisdem remedium illud, quod infinite bonus Deus revera præelegerat, in mentem unquam venturum fuisse? Haud dubie quidem unus Angelus hoc remedium, alter aliud, omnes remedia tam sublimibus Intelligentiis non indigna proposuissent; At quisnam illorum (putatis) eo processisset, dixissetque: Tu, infinitæ æternæque majestatis Deus! Tu, Verbum Patris, secunda augustissimæ Trinitatis Persona, Creator nostrum omnium totiusque universitatis! Tu ad assumendam ope S. Spiritus carnem humanam, ab ipso perido Adamo progerminatam, descende, ut hac ratione verus Deus versusque

homo evadas; Tu virginis te gremio include; Tu in stabulo omnium egenus nascere; Tu vitam durissimam, & ærumnis refertam per quinque fire lustra ducito; Posthæc onerari te infamia, opprobriis, contumeliis, injuriis, spinis, colaphis, flagellorum ictibus sputisque, ac infelici tandem ex arbore quasi mortalium omnium nequissimum suspendi finito . . . Quis unquam in animum sibi inducat, ulli beatorum Spirituum hoc consilii genus occurrurum fuisse? Ah! talem Bonitatis infinitæ excessum cogitare mens nulla potuit creata: ob eam rem altissimum hoc mysterium Paulus sapientissime *Sacramentum absconditum a seculis in Deo* (d) vocat; cum illud venire in mentem soli infinitæ bonitatis Deo, qui idem operari dignatus est, potuerit. Quis est, qui a Rege terrestri de perfidi subditi alicujus recuperandi modo ad consilium adhibitus tibi induceret animum, dicere eidem Regi: Tu rex augustissime! tu tibi bardocullum injice; tu ad classem multis periculis obnoxiam triginta pluresque annos nauticis fatigandus laboribus perge; tu compelli te in servitutem, percuti, onerari maledictis, cædi alapis, tundi verberibus, male tractari & tanquam vita indignum furtivæ dari sine . . . Quis est, qui animum inducat, Regi hæc terrestri dicere? Nemo profecto, nisi insanus. Jam si non obstante hac contraria mortalium omnium persuasionem memoratus Rex nimia bonitate sua impulsus ultro nobis diceret: Ego mea sponte ac voluntate in gratiam perfidiosi subditi hæc omnia præstabo; quem mortalium admiratione animique stupore non corripiendum, quem non externandum fore putatis? At sic, O mei! sic profecto unicus, infinitus & æternus Deus noster sua sponte omnium nostrum (perfidorum subditorum suorum) in gratiam facere voluit, ut nobis infinitam Bonitatem suam significaret: Sic revera fecit: Sic nos constanti atque immobili fide credimus. En primum infinitæ Bonitatis supernaturalis Dei nostri argumentum!

Sed persequi propositum juvat: Non satis

(d) *Ephes. 3.*

tis habuit Deus noster fecisse se fratrem nostrum, dum nostram humanitatem personam sibi univit; non satis habuit, fecisse se redemptorem nostrum, dum inter atrocissimos cruciatu mortem ignominiosissimam oppetiit: sed insuper permanere nobiscum ad seculi finem usque voluit: *Ecce vobiscum sum usque (e) ad consummationem seculi*; Verba sunt hæc Servatoris, quæ vobis quoque dicta esse facile videtis. Jam ut novum hoc infinitæ bonitatis supernaturalis documentum nobis daret, quid, amabo! fecit? Proh miraculum! proh excessum! proh incomprehensibiles bonitatis divinæ artes! Invenit viam soli suæ infinitæ sapientiæ notam, soli infinitæ charitati suæ excogitavit: Et fuit via hæc, quod se personaliter, vere, realiter ac substantialiter præsentem nobis in augustissimo Eucharistiæ Sacramento fecit, primum quidem ut facile innumeris totidemque per diem vicibus nostri in gratiam ut victimam offerretur, quoties per diem Missarum sacrificia peraguntur: deinde vero ut se omni tempore realiter præsentem nostris in templis haberemus, nacti opportunitatem cum illo pro libitu nostro conversandi: denique ut possemus, O Deus! O bonitatis portentum! ut possemus eundem singulis etiam diebus servata ab iis, quorum obedire est, obedientia debita in viscera nostra, in pectora, in corda nostra recipere. Quid in his vobis, O Dilectissimi! quid, quæso! videtur? Num de Bonitate infinita majus quid cogitari potest? Num, edicite mihi! cogitari majus quid potest? . . . Liceat mihi itaque, liceat cum S. Joanne Chrysostomo (f) a quo, quidquid hoc est considerationis, omne sum mutuatus, exclamare: *Neque enim illi satis fuit, hominem fieri, colaphis cædi & crucifigi; verum & semetipsum nobis committeret, & non solum tantum, verum & ipsa re nos suum efficit corpus.* Pergamus porro.

Nequaquam eo sibi infinita hæc supernaturalis Bonitas satisfecit, quod se fratrem, redemptorem, cibum nostrum se erit; vult præterea ipse, cælesti in gloria clare visus

pleneque perceptus, merces nostra in omne ævum esse: *Ego, ego ero (g) merces tua magna nimis*: Et hac de re quid dicere unquam potero? . . . Nihil aliud certe vel ego vel alius quiscunque demum dixerit, quam nos in illa gloria Deum possessuros, cognituros, fruituros esse non per velamen, non per ænigma, non per umbram; sed clarissime, plenissime omnique cum securitate illum nunquam amittendi, adeo ut nihil futurum sit, quod ultra desideremus (quippe in ipso omnem felicitatem, omnem voluptatem, omne delectamentum inamissibile habituri) immo sic nos Deum possessuros, ut optatissimæ & felicissimæ illum amandi, illo fruendi necessitati obnoxii futuri simus, quin ab hac fruitione, ab amore hoc desistere nos unquam liceat. Jam hoc in loco quas comparationes quæve exempla invenire poterit, O mei! quæ non a re ipsa infinito quodam spatio distent; immo indigna sint, quæ in medium proferantur? Putatisne forsitan, me voluptates omnes, quæ in hoc seculo a quinque corporis nostri sensibus percipiuntur, unum congestas in cumulum vestros ante oculos positurum esse? Ponite, per me licet: At hæc eadem cujusvis generis animantibus communes nobiscum sunt. Putatisne, me vobis honores omnes, quos in hac miseriarum valle principes seculi dispensare solent, propositurum? Proponite, per me licet: At hi ipsi, præterquam quod umbratiles mereque scenici sint, insuper a tot reprobris communiter obtinentur. Putatisne, me vestris oculis omnes omnino felicitates terrenas, quarum fructio in hac vita nobis conceditur, obiecturum? Objicite, per me licet: At versantur illæ omnes in objectis limitatis, corruptibilibus: At sunt fugaces & satiandis mortalium mentibus impares, & ab inimicis Dei ut plurimum percipiuntur. Ah! quidquid mundus hic noster habet, ne id omne levissimam quidem umbram illius gloriæ exhibere unquam poterit, in qua Deus Beatis semetipsum communicat atque infundit eo consilio, ut ipsis cognoscendum præbeat, quantum sua, ad

D 2

ca-

(e) *Matth. 28.* (f) *Homil. 60. ad popul.*(g) *Genes. 25.*

caros amicos fortunandos incumbens Bonitas possit. Quapropter ex eo ipso, quod mundi delicias (nirre aliquin ad trahendos mortalium animos idoneas) ut plurimum ab ejusmodi hominibus percipi videamus, qui hostes sunt Dei omnique ævo infernali in carcere erunt; ex hoc ipso (inquam) colligamus, quantæ esse deliciae debeant, quas Deus in cælo communicaturus est iis, quibus ut dilectissimis perpetuisque amicis suis beneficium se se præbere voluerit.

Juvat hoc unum vos isto in loco monere, quod D. Thomas doctus a Fide sancta & ratione theologica persuasus pronunciavit, cui quoque non Theologorum solum turba omnis sed & Fidelium congregatio universa consensit, scilicet: unam gratiam sanctificantem unius hominis iusti pretio suo, valore, bonitate ac pulchritudine sua omnem perfectionem naturalem hujus totius rerum universitatis, in unum cumulum aggregatam, multum superare: *Bonum gratiæ unius (h) majus est, quam bonum naturæ totius universi*; Nam gratia sanctificans, cum sit participatio essentiae Dei auctoris supernaturalis, est ordinis multo nobilioris omni ordine naturali: Et quemadmodum (secundum sanæ philosophiæ placitum) ordo viventis, utut mere vegetativi, omnem ordinem non viventium; ordo deinde viventis sensitivi omnem ordinem & non viventium & solum vegetativorum; ordo denique viventis intellectualis omnem ordinem & eorum, qui solum Esse habent & eorum, qui vita vegetativa, & eorum qui vita sensitiva vivunt, superat; ita vivens vita divina ac supernaturali omnem ordinem entium naturalium & (quod sequitur) ordinem totius hujus universitatis (quæ harmonicus omnium entium naturalium complexus quidam est) superat. In cuius rei confirmationem cum aliquando Jesus Christus amata a se Catharinæ Senensis pulchritudinem animæ gratia fruentis, utut adhucdum viatricis & (quod consequens est) multis etiamnum imperfectionibus inquinatæ, videndam præbere dignatus esset; ita virginem sanctam

hoc spectaculum rapuit mentisque a sensu abstraxit, ut postea affirmarit, non esse quemquam mortaliem, qui tantam perfectionem ac pulchritudinem exprimere verbis aut assequi dicendo queat. His itaque positis liceat, O mei! sic argumentari: Si perfectio & pulchritudo gratiæ unius animæ iustæ, utut nondum ab omni imperfectione immunis, totius mundi hujus & quæ in illo sunt, creaturarum omnium pulchritudinem excedit; quanta erit perfectio ac pulchritudo gratiæ omnium Mentium beatarum jam nullius imperfectionis labe sordescens? . . . Quanta erit pulchritudo gratiæ cunctorum ordinum angelicorum spirituum? Quanta erit pulchritudo gratiæ animæ excelsissimæ Virginis Deiparæ? Quanta erit pulchritudo gratiæ animæ incomparabilis Jesu Christi? . . . Quis hæc expendere omnia aut cogitare secum poterit? Jam vero has pulchritudines perfectionesque omnes propemodum immensas clare videre quanti gaudii, quantæ voluptatis, quantæ lætitiæ futurum esse putatis? Et tamen, Amatissimi! omnis hic non comparabilis, non comprehensibilis cumulus, quem vobis lucusque per gradus suos exposui, si perfectioni ac pulchritudini divinitatis componatur, minor est pulchritudine lucernæ cum pulchritudine solis collatæ, quia *finito ad infinitum nulla est proportio*. Atque ob id in harum finitarum perfectionum visione solummodo accessoria & accidentalis beatitudo animæ beatæ continetur; cum de cetero essentialis felicitas & id, quod *esse* Beati re ipsa constituit, in clara visione fruitioneque sempiterna perfectionis ac pulchritudinis essentiae Dei tri-unius posita sint.

Repetamus modo quam brevissime, quæ hucusque dixi, videamusque, utram me Dominus adjuverit, ut infinitam Dei nostri maximi bonitatem, pulchritudinem, amabilitatemque aliquo modo capiendam vobis darem.

Non potest in hac vita cognosci Deus, nisi ex effectibus suis: Ex effectibus illius tanquam auctoris naturalis inferimus, esse

eun-

eundem optimum, pulcherrimum, amabilissimum; nam cum nulla creata bonitas, pulchritudo, amabilitas esse possit, quæ non ab ipso (tanquam sola prima causa) processerit, necessario affirmamus, quod, cum tantam perfectionem, pulchritudinem, amabilitatem in omnibus entibus naturalibus deprehendamus, infinite major esse debeat Bonitas ac Pulchritudo Dei nostri optimi maximi, etsi solum ut auctor naturalis (quod dixi) consideretur: immo præ hac illam priorem nihil esse, quippe quæ finita usque permanet; cum hæc posterior realiter atque essentialiter infinita sit.

Ab ordine deinde naturali ad supernaturalem eadem via (nimirum effectuum Dei supernaturalium) ascendere parantes in tantam subito admirationem rapimur, ut eunti eo nisi duce fide immota non queamus; namque Dominus supernaturalem perfectionem, bonitatem atque amabilitatem suam haud per alios effectus, quam per semetipsum modis variis nobis communicatum, cognoscendam dat: dum nimirum in Incarnatione fratrem se nostrum sociumque; in Redemptione pretium se nostrum ac Redemptorem; in Eucharistia cibum se nostrum supernaturalem modo quodam intimo & amoris pleno; in cœlesti denique Gloria premium sese nostrum æternum fecit: Unde S. Thomas Aquinas phrasibus ingenio suo oppido dignis usus omnes hosce incomprehendendos amabilitatis infinitæ Dei effectus hymni illius (quem Poetæ christiani, quotquot fuerunt, sunt eruntque, omnes admirati sunt, admirantur, atque admirabuntur) strophæ conclusit: *Se nascens dedit socium, convescens in edulium, se moriens in pretium, se regnans dat in præmium.*

Jam vero, O mei! cum Deum tam amabilem habemus, illumque ut talem firma fide rationeque certissima confiteamur; quo, quæso! rubore suffundi debemus, quod eidem totum amorem nostrum non consecremus, sed & per sæpe in eum usque adeo negligentes simus, ut dies, hebdomadæ, menses nobis (immo permultis anni integri) abeant, quin unum amoris actum erga eum

eliciamus? (At quid dico: Negligentes simus) Dicam verius; atque utinam in multis mortalium vera non essent, quæ dico! In illis (puto) qui amorem suum ad corruptiles creaturas, ad marcescentes formas, ad bestiales voluptates, paucis: ad fugacia hujus mundi bona in contumeliam, in injuriam offensionemque ejusdem amabilissimi Dei adiciunt, adeo ut cum Deum rebus ceteris omnibus præferre præque illis amare deberent, eundem non sine gravi offensa cuilibet illicito lucro, vindictæ, malevolentiae, quibusvis affectionum æstibus, quin immo, vah cæcitatem humanam! immo per sæpe voluptatibus, quas feræ bestiae nobiscum communes habent, postponant. Atque utinam, Deus meus! hunc in modum ab illis solum tractareris, qui te ex culpabili cæcitate aut omnino non cognoscunt, aut minus probe cognoscentes eam tui notitiam, quam nos ex inæstimabili nobis concessio Fidei dono habemus, non habent: Grande hoc equidem malum foret, at nondum maximum; quod certe de nobis affirmari potest: scilicet te nefandum in hunc modum etiam a nobis haberi; a nobis, qui vero solidoque honori nobis ducimus, quod te cognoscamus, teque (qualis re ipsa es) infinite bonum, pulchrum perfectumque confiteamur: a nobis, qui in sola tui possessione nullaque alia in re nostram felicitatem positam esse profitemur: a nobis, qui quotidie Bonitatis tuæ infinitæ effectus in tot gratiæ auxiliis, in tot Sacramentis cernimus modisque longe tenerrimis experimur. Et quod nihilominus a nobis negligaris: oblivioni deris: offendaris modis, quos de se quisvis novit optime, innumeris: vilibusque creaturis, belluinis voluptatibus, indignis irarum æstibus, verbo, cuius affectioni pravæ posthabearis. Ob hoc ipsum, O mei! Dominus per os Jeremiæ prophetæ cœlos inclamat, ut obstupescant, portasque ejus, ut ad tantam prævaricationem desolentur: *Populus meus (i) mutavit gloriam suam, quæ in eo est, ut me amet atque agnoscat, in idolum; namque omnis creatura peccatori idolum sit: Obsupescite cali super*

D 3

(i) Jerem. 2.

per hoc & portæ ejus desolamini vehementer, dicit Dominus . . . me dereliquerunt fontem aquæ vivæ, & foderunt sibi cisternas dissipatas, quæ continebant non valent aquas. Populus meus, Fideles mei me repudiantes atque offendentes omnem amorem suum ad creaturas, quas per sepe idola sua appellare audent, converterunt: Hoc obstupescite cœli, ob hoc desolamini portæ ejus! . . . Ait anne sic usque fiet, o Deus amabilissime? Anne infinitam tuam Bonitatem ledere injuriis persilemus? . . . Quæ vobis mens, O mei! Anne infinitæ huic Bonitati & Amabilitati divinæ iras vestras, animi impetus affectionesque vestras præferre pergetis? Quis vestrum, O cari & devoti Auditores! sic sentiat? Nemo credo, quin immo persuasum mihi habeo, vos omnes (ne uno quidem excepto) mecum ad hunc infinitæ Bonitatis Deum supplici, humiliata compunctaque mente vos conversuros, dolentesque eidem dicturos fore: o Deus meus, Deus æternæ. Deus Bonitatis, Perfectionis & Amabilitatis immensæ! tibi ex hoc temporis puncto amo-

rem meum omnem, cor meum totum in sempiternum confecro; Atque ob id intimo animi sensu detestor, abominor, execror omnes meas præteritas peccaminosas affectiones, omnesque amoris mei abusus, quos in creaturis in gravem tui contumeliam feci, deque illis toto cordis affectu doleo atque compungor vultu in terram prostrato te, O amabilissime Deus! orans atque obtestans, ut ignoscas mihi mortali te in posterum peccato, adjuvante tua gratia, nunquam offendere firmiter proponenti: Atque ut certissimi hujus propositi mei pignus aliquod tibi offeram, utque exoptatam veniam remediis certioribus consequar, haud longius tempus fluere sinam, quin sincera, compuncta humilique Confessione conscientiam expiem: immo, ut in statu gratiæ tuæ me conservem, diem nullum abire permittam, quin uni saltem fidei & spei actui efficacem amoris erga te actum conjugam, dicens: *Dirigam te Domine, sortituro vita: Dominus firmamentum meum & (k) refugium meum & libera-or meus.*

(k) Psalm. 17.

SERMO VI.

De Misericordia Dei Tri-unius.

DE Attributo divino, O mei! quod, utpote miseriis nostris maxime necessarium, Deus noster optimus præ aliis omnibus elucere maxime respectu nostri creaturarum suarum voluit, ad vos disferere parans solito attentiores mihi aures commodetis rogo, quippe materiam ad nostras necessitates maxime spectantem tractaturo. Dixi priori sermone de infinita bonitate Dei; hodierno ejusmodi attributum explicare aggredior, quod ejusdem divinæ in nos bonitatis fructum proximum seu immedatum dixero: Quodnam illud putatis esse?

Non aliud certe, quam quod in singula momenta omnium Deum consentium ore celebratur, nimirum attributum infinitæ illius misericordiæ; de quo ipso dici a Rege propheta Dominus voluit, quod opera misericordiæ suæ (respectu ad creaturas habito) operibus reliquorum attributorum omnium antecellant: *Miserationes (a) ejus super omnia opera ejus.*

Misericordia, secundum generalem suam notionem, est quædam animi ad allevandas miseras alienas propensio: Hinc Doctor angelicus plane angelice pronuntiavit, vocem

Miseri-

(a) Psalm. 144.

Misericors idem sibi velle, ac *habens cor miserum* seu compatiens: *Misericors* dicitur quasi *habens miserum cor*; in quantum scilicet quis, ut addit idem S. Doctor, tangitur ac commovetur aliena miseria: *Quia scilicet* (b) *afficitur ex miseria alterius per tristitiam, ac si esset ejus propria miseria; & ex hoc sequitur, quod operetur ad deplendam miseriam alterius sicut miseriam propriam: & hic est misericordiae effectus*. Jam cum Deus noster aeternus sit infinitum centrum omnis Boni, idem (ut profequitur S. Thomas) centrum omnis felicitatis est, - atque ob id fieri non potest, ut alienae miseriae in ipso tristitiam pariant, quippe quæ cum felicitate infinita copulari nequit: Qua igitur ratione est in Deo misericordia? Est profectio & quidem infinita, uti reliquæ perfectiones omnes, quoad effectum, ait idem S. Thomas, in quantum nimirum Deus alienas misérias sublevar atque depellit quadam infinite majori cum promptitudine atque inclinatione, ac ea est, quam creaturarum cunctarum de aliena miseria dolentium tristitia universa excitare potest: *Tristari ergo de miseriis alterius non competit Deo; sed revellere miseriam alterius hoc maxime ei competit; ut per miseriam quemcumque defectum intelligamus*.

Jam hujus infinitæ erga misérias nostras misericordiae quam multa nobis quamque evidentialia indicia, O mei! Dominus præbuit? Omnia indicia, quæ superiori sermone vobis exposui, cum sint effluvium quoddam diffusioque bonitatis divinæ, una simul infinitæ misericordiae beneficia sunt: Hujus generis ineffabile Incarnationis mysterium est, quod Zacharias (c) pignus intimæ misericordiae Dei esse pronuntiavit: *Per visera misericordiae Dei nostri, in quibus visitavit nos oriens ex alto*. Hujus generis mysterium Passionis & Redemptionis dominicæ est, quod ab Isaia (d) opus magnæ, opus æternæ misericordiae appellatur: *In miserationibus magnis congregabo te . . in misericordia sempiterna misertus sum tui, dixit Redemptor tuus Dominus*. Hujus generis est mysterium Eucharistiæ, quod in memosynon micraculorum Dei misericordis ac miseratoris

Propheta David (e) vocat: *Memoriam fecit mirabilia suorum misericors & miserator Dominus, escam dedit inentibus se*. Hujus generis (ut paucis dicam) sunt omnia Sacramenta, omnia gratiæ dona, uti etiam omnia dona temporalia, corporalia, intellectuaria, et quæ omnia, quæ in singulos dies atque in momenta singula a Deo accipimus; nam cum Deus nihil nobis debeat, & de cetero, quidquid nobis largitur, ad miserationum nostrarum sive spiritualium sive corporalium allevationem dirigat, sequitur, id omne infinitæ misericordiae ejus effectum esse. Ob eam rem Propheta illuminatissimus, cum mundum universum oculis divino lumine purgatis circumspexisset, nil aliud videre potuit, quam mundum divina misericordia plenum: *Misericordia Domini (f) plena est terra*. Immo illum divinæ misericordiae effectibus ita refertum esse animadvertit, ut eosdem a cœlum usque perungere affirmavit, e contrario de effectibus justitiæ asserens, illos ad nubes ascendere: *Magnificata est usque ad calos misericordia (g) tua & veritas tua usque ad nubes*. Et significantius se exprimens ait: effectus misericordiae divinæ cœlorum altitudinem etiam superare, effectus justitiæ vero solam nubium altitudinem æquare: *Magna est super (h) calos misericordia tua, & usque ad nubes veritas tua, ut nobis ostenderet, probeque intelligendam daret, quod (cum hæc sint duæ viæ illæ, quibus nos, creaturas suas, Dominus regit: Universa viæ Domini (i) misericordia & veritas) quemadmodum altitudo a nubibus ad summa cæli convexa ascendendo, multo major est ea altitudine, quæ terram inter ac nubes interest: ita quoque effectus misericordiae divinæ respectu nostri effectibus justitiæ divinæ multo majores sint*.

Et quamvis quæ hucusque dixi, eo plus quam sufficere possent, ut hoc Attributum divinum, respectu nostri, aliquatenus capiamus, Dilectissimi! tamen, ut magis magisque cognoscatis, quam ad sublevandas misérias nostras propensus sit Dens noster misericordissimus, verba Pauli ad Hebræos (ea certe

(b) 1. p. 21. & 3.

(c) Luc. 1.

(d) cap. 54.

(e) Psalm. 110.

(f) Psalm. 32.

(g) Psalm. 56.

(h) Psalm. 107.

(i) Psalm. 24.

te nervosissima) perpendatis velim, ita tamen ut prius in memoriam paulo ante a me dicta revocetis: scilicet Deum nostrum ad sublevandum miseras nostras infinita quadam pronitate ferri, de cetero vero tristitiam ex ipsis concipere omnino non posse; quod affectio hæc cum infinita felicitate ejusdem sociari atque connecti nequeat. Ob eam rem Dominus nobis certissimum redditurus, sibi, quamquam tristitia hac (utpote Deus) affliti non possit, minime tamen memoratam nobis succurrendi atque auxiliandi voluntatem deesse, quid, anabò! fecit? Hominem se in incarnatione fecit ea inter alias de causa, ut in assumpta humanitate tristitiam hanc & hoc sensibilis commiserationis genus experiri posset, non quidem ut ad majorem se misericordiam excitaret: Nequaquam; sed ut memoratam tristitiam sublimi atque omnis imperfectionis immuni ratione experiundo nobis illam teneritudinem patefaceret, quacum sua misericordia nos respexit, quæ in assumpta humanitate huic etiam tristitiæ subjacere voluit, a qua sensibilis commiseratio atque sollicitudo creaturarum miseriis succurrendi generatur. Audiamus verba Pauli: *Unde debuit per omnia fratribus similari (adverte animos) ut* (k) *miseri coram fieret & fidelis pontifex ad Deum, ut reprogeretur delicta populi: In eo enim, in quo passus est ipse & tentatus, potens est & eis, qui tentantur, auxiliari.* O sublimes divinæ misericordiæ artes! Voluit, ait Paulus, nobis per omnes miseras (solo peccato & peccati effectibus exceptis) similis fieri, ut postquam illas in se experiundo ipse sensit, nos guarire, quantum hæc experientia ad misericordiam & sollicitudinem alius subveniendi animos commoveat, nobis magis magisque persuaderemus, eundem ad nos juvandos quam promptissimum esse, quippe ipsa misericordiarum nostrarum experientia eo inducitur. Percipite, quo sensu memoratum D. Pauli locum S. Bernardus (l) explicet: *Christus humanis voluit communicare miseriis, ut similiter passus atque tentatus misereri ac compati*

ipse disceret experimento; quo quidem experimento (non dico) ut sapientior efficeretur sed ut propiusque videretur: quatenus infirmi filii . . . suas illi infirmitates committere non dubitarent, qui sanare illos & posset ut Deus, & vellet ut proximus, & cognosceret ut eandem passus. Voluit itaque Deus maximus, cum potens sit ac pronus allevare miseras nostras, se insuper ad easdem sentiendas & ad iisdem per sensibilem miserationem compatiendum habilem reddere, ea re nos animaturus, ut nostris in necessitatibus ad se confugeremus, utpote ad eum, qui non sine benevolentissima commiseratione tristitiam expertus esset, quam illæ in animo misericordis amatoris creant.

Sed ut infinitam hanc misericordiam paulo enucleatius consideremus, prætermisissis innumeris effectibus, quibus illa sese prodit, unum seligamus, eumque præcipuum ac frequentissimum. Objectum misericordiæ miseria aliena est; ex quo sequitur, tanto magis elucere misericordiam, quanto major est miseria, quam levare illa aggreditur. At exploratum, O mei! majorem nobis miseriam accidere non posse quam peccatum: Hoc solum malum est, quod Deus odio habet; hoc malorum reliquorum omnium, principium & fuit & est; hoc homini detrimentum, omnium maximum (scilicet detrimentum beatitudinis æternæ) & calamitatem omnium gravissimam (damnationem scilicet sempiternam) affert. Omnia hæc de Fide sunt, certissima sunt nullique obnoxia dubio, mille S. Scripturæ locis nobis revelata. Jam utriusque homo in peccatum labitur, in odium incurrit Dei (m) *Uisus omnes, qui operantur iniquitatem* (n) *Altitudo odio habet peccatores* (o) *Osio sunt Deo impius & impietas ejus* (o) Sic sacræ affirmant Scripturæ) & cum a Deo jure odio habeatur utpote Creatorem suum, supremum Dominum suum, conservatorem, redemptorem, benefactorem suum offendere ausus, ob id dignus evadit, qui in barathrum infernale præcepit agatur in eo æternis urendus flammis, tantoque magis hoc

odio

(k) Hebr. 2.

(o) Sap. 14.

(l) Lib. de Grad. Humil. 4. 3.

(m) Psalm. 5.

(n) Eccli. 12.

odio divino, horribili hoc supplicio dignus efficitur, quanto magis peccatis peccata cumulavit.

Jam percipite, qua ut plurimum ratione infinita Dei tam graviter læsi misericordia cum reo, qualem modo descripsi, agat? Facit illa, ut Deus pacem eidem prior offerat; prior invitet, ut in gratiam secum redeat; prior eidem dicat: Revertere, & amplectar te. An dubia habetis, quæ dico, O mei! Væ vobis, si de iis dubitaretis; cum Fidei articulus sit, peccatorem revera ad Deum redire non posse, nisi sancta illius grata ac misericordia trahatur: Sic Christus diserte pronuntiavit: *Nemo potest venire ad me, nisi Pater (p) qui misit me, traxerit eum*: Et alibi: *Sine me nihil (q) potestis facere*. Sic S. Concilium Tridentinum canone ad Fidem spectante (r) definivit.

Atque ut melius intelligatis, quam stupenda sit hæc infinitæ misericordiæ Dei nostri demonstratio; ponite uxorem a digno marito ardentissime dilectam & continuus maximisque per vices favoribus, ceu manifestis amoris conjugalibus indicibus, cumulatam pluribus per procis prava affectione, cui initio non obstitit, impellente in prædam dedere, & ejusmodi quidem procis, qui acerrimi hostes viri sui optimi sint, eundemque capitali odio prosequantur: hanc autem uxoris maxime injuriosam perfidiam post aliquod temporis spatium viro innotescere: Quam acerbo, quæso! ac justo doloris sensu animum illius commovendum fore putatis? Et quamquam ille, quod bonus Christianus sit, id sibi non fumeret, ut perfidiam veneno conficiat aut aliam privatam (injustam ac prohibitam) ultionem ex ea petat, tamen quis dubitaverit, eundem viis legalibus usum fore, ut perpetuo divortio nequissimum a se repellat, eamque infamibus suis libidinibus imputrescere permittat? At si maritus a me memoratus tanta virtute esset, ut infelici statu miseræ desertæque conjugis tactus ad misericordiam ejus semet excitaret & absque ulius lucri caussa prior

P Cunctati Catholice.

eidem per prudentes arbitros significari curaret, se pristino eam statui reddere non designaturum; immo si invitam ac reluctantem ad reditum sollicitaret addito distincto promisso, se eam amanter excepturum esse: quid, quæso! diceretis? . . . Subridere mihi ad hanc hypothesin, utpote moraliter impossibilem, innuereque omnes videmini, talem virum chimæricum quid esse. At, O mei! non solum, quod posui factum, moraliter impossibile non est sed in singulos adeo dies fit, & sponsus ille, quem finxi, non chimæra est sed persona realis. Quin fidem vestram animate, faciamque, ut rem manibus palpetis: Edicite, quid aliud est anima gratia fruens respectu Dei, quam sponsa infinito quodam amore ab ipso dilecta? Hoc illam esse nobis Canticum Cantorum declarat, & clare Dominus hujusmodi animam per prophetam Oseam perpetuam sponfam suam (quantum in ipso est) esse pronuntiavit: *Sponsabo te mihi in (s) sempiternum*. Quid audet anima illa, dum uni pluribusve peccatis mortalibus consentit? In prædam utique sese daemonibus, perfidissimis & pertinacissimis Dei hostibus dat. Jam quid Deus noster maximus de perfidissima sponsa hac a se (divino sponso) tot favoribus, quot dona gratiam divinam comitari solent, cumulata quid, amabo! facit? Ah videte, O mei! utrum factum a me allegatum chimæricum quid an vero Fidei adeo nostræ articulus a Jeremia expressus, sit; & temperate (siquidem potestis) lacrymis: *Vulgo dicitur*, exclamat Dei nomine Propheta, *vulgo dicitur*: *Si dimiserit vir uxorem suam, & recesserit ab eo duxerit virum alterum, nunquid revertetur ad eam ultra? Nunquid non polluta & contaminata est mulier illa? Tu autem, perfida! fornicata es cum amatoribus multis; tamen revertere ad me, dicit Dominus, & ego suscipiam te*. Infelix, perfida omnem montem excelsum impudicitis polluit, & sub omni frondosa querquæ factorem adulteriorum suorum post se reliquit (sic profertur Propheta) *Abiit sibi in super omnem montem excelsum & sub omni ligno frondoso,*

E

E

(p) Joan. 6. (q) Joan. 15. (r) Sess. 6. can. 2. (s) Osee 2.

Et fornicata est ibi (t) Et dixi, cum fecisset hæc omnia: Ad me revertere! O Deum meum misericordissimum! . . . Quid jam vobis videtur, Auditores mihi longe charissimi! Chimericumne quid an vero Fidei articulus est, sic cum anima peccatrice, perfida & spiritualis adulterii rea Deum nostrum agere? . . . Jam vero quoties Deus sublimè hoc & se solo dignum misericordiæ opus, qua prior peccatorem ad respiciendum invitavit, quoties illud in singulos dies exercet? Certe toties, quot mortales in mundo se convertunt, & de statu peccati ad statum pænitiæ veræque contritionis transeunt.

Atque ut melius nimiam hanc misericordiam, quæ peccatores ad pænitiæ vocat, cognoscatis, problema aliquod vobis proponam, quod ex mente duorum maximorum, quibus Ecclesiæ gloriari licet, Theologorum (nimirum SS. Augustini & Thomæ) explicabo. Est autem problema sequens: Quanam re misericordia Dei sese magis ostendat, an creando animas in gratia ac iustas, an vero easdem, si peccaverint, iustificando? Primo equidem obtutu videri posset, quod (habito respectu ad donum illud magnum, quale gratia Dei est juncta donis omnibus Spiritus sancti, quæ illam sequuntur) hujus incomparabilis thesauri concessio animæ Esse incipienti, quin ullum meritum vel habeat vel habere possit, facta (videtur, inquam) quod hæc misericordiæ demonstratio respectu nostri multo major altera sit: Attamen contrariam sententiam citati a me gravissimi Theologi, quibus reliqui omnes consentiant, tenent penduntque, multo re vera majorem misericordiæ effectum animæ peccatricis justificationem esse; nam primo (quod ad gratiæ & reliqua, quæ gratiam comitari solent, dona attinet) eadem dona & animam iustam (in primo suo Esse ut iustam creatam) & eadem animam ex peccatrice, qualis fuit, iustificatam constituunt: atque in hoc beneficium æquale esse deprehenditur. Secundo, etsi vere affirmemus: animam in gra-

tia creatam nullum meritum habere; & anima peccatrix, quæ a Deo per pænitiæ iustificatur, non solum nullum meritum habet sed etiam peccatum contraxit originale demeriti omnis principium, sed etiam tot positiva personalia demerita asfert, quot peccata lethalia admisit: Hinc si talem animam Deus ad pænitiæ, cujus ope illa gratiam consequatur, vocat, ecce! confestim multo major divinæ misericordiæ in hanc animam, quam illam in gratia creatam, effusio apparet atque invenitur. Ita D. Augustinus, cui S. Thomas concinit: *Judicet, qui potest, utrum majus sit iustus creare, quam impius iustificare? Certe si æqualis sit utrumque potentia, hoc majoris (u) est misericordia.*

Quamquam a me hucusque dicta plusquam sufficere queant, ut infinitam Dei misericordiam aliquatenus comprehendatis, dicique ultra nihil posse videatur; tamen alia consideratio restat sacris similiter Scripturis nixa, quæ nos longius fert. Adverte animos: Non satis habet Deus, quod prior pacem peccatoribus proponat, prior eos invitet & ad se suaviter trahat; sed etiam invitationi & vocationi suæ, ac si eorumdem amicitia opus haberet, stupenda plane promissa addit: id quod nemo fecerit, nisi qui in amicitia alterius sua commoda posita esse adverterit, Et tamen Deus noster optimus maximus, qui nullius (quiscunque ille sit) vel indiguit vel indiget vel indigere unquam potest, peccatoribus, si ad se revertantur, promissa supra modum miranda facit; Percipite illa in unum quasi fasciculum redacta ex libro Deuteronomii (x) *Si audieris vocem Domini Dei tui . . . faciet te Dominus excelsoiorem cunctis gentibus, quæ versantur in terra: Venient super te benedictiones istæ . . . Benedixit tu in civitate & benedixit in agro: benedixit fructus ventris tui & fructus terræ tuæ, fructusque jumentorum tuorum, greges armentorum tuorum & caudæ ovium tuarum: benedixit horrea tua & benedixit reliquia tuæ.* Immo ut majora etiam significet Dominus, eloquentissimo quodam reticentiæ genere u-

sus

(t) Jerem. 2.
(2) cap. 28.

(u) S. August. Tract. 72. in Joannem, & S. Thomas 2. p. q. 43. art. 4.

fus peccatoribus per prophetam Malachiam dixit: *Convertimini & videbitis, qui sit inter iustum & impium, & inter servientem Deo & non servientem ei* (y) O mei! quantum sibi verba hæc Dei ex ore fluentia volunt! Si Rex aliquis multarum opum, potentiae maximæ, liberalitatis summæ diceret: Redite ad obsequium meum & videbitis, quid inter servientem mihi & odientem me, inter eum, qui se mihi subdit, & eum, qui hostium meorum partes sequitur, inter sit; nonne verbis istis nescio quæ præmia significaret iis præparata, qui se colerent. Sic fere Deus noster misericordissimus facit: Venite, peccatoribus dicit, *Convertimini & videbitis* vestris oculis, ipsimet dijudicabit, quid sit inter iustum & impium, inter servientem Deo & non servientem ei.

Et reliquit nobis Dominus rei hujus documentum in variis Evangelii locis, quibus, quantum gaudium ex peccatoris ad se reditu percipiat quantaque cum charitate eundem excepturus occurrat, significavit: Hujus generis est parabola tenerrima filii prodigi rescipiscitis: hujus generis parabola amoris plena ovis errantis, a pastore bono recuperatæ: hujus generis parabola drachinæ perditæ, a muliere inventæ, quibus omnibus Dei de peccatoris recuperatione lætitia, gaudium ac jubilatio figurate exprimuntur, adeo ut etiam pronuntiarit: *Gaudium erit in celo super uno peccatore penitentem agente, quam supra nonaginta novem iustis* (z) *qui non indigent penitentia*. Plurane dici a quoquam, qui peccatorum conversione etiam egeat, possent? Edicite, O mei! edicite!

Jam post has omnes solidissimas, verissimas atque catholicas considerationes a me

propositas, ut pro modulo nostro infinitam Dei misericordiam caperemus, fieri posse putatis, O mei! ut sint adhuc peccatores, qui reverti ad Deum detrectent: qui Fidei expressiones de nimia inæqualitate effectuum misericordiae divinae, si cum effectibus justitiae comparentur, a me allatas parum curent: qui eo nihil commoveantur, quod ipse Deus in assumpta humanitate sensibilem nobis commiserationem impendere voluerit: qui invitationibus, quibus eos infinita majestas Dei prior advocat, aures præbere renuant: qui ad promissa Dei (si mores in melius commutare voluerint) nihil animum advertant: qui (ut paucis dicam) charitatem & benevolentiam, quicum eos revertentes excepturum se Dominus pollicetur, aspernentur? . . An ejusmodi refractarios peccatores esse etiamnum posse arbitramini? Ah! Vereor, ne etiam meos inter Auditores plures existant, qui, cum hæc omnia perceperint, tamen immorari longius peccatis suis & in Dei offensionibus per aliquot saltem temporis spatium pergere in animum instituunt. . . Nequit tanta perfidia nisi duobus e fontibus oriri, sive quod se a misericordia illa summa repellendos esse metuant (Qui metus quam a ratione alienus, quam caecus, quam homine catholico, qui, quæ hucusque dixi, percepit, indignus sit, videris) sive quod eidem ipsi misericordiae praesidentes in explendis brutis suis affectionibus insistere longius velint dicentes: Tanto me tempore expectavit Dominus, expectabit aliquanto adhuc: quæ sententia heu! quam inhumana, ingrata, injuriosa & ad ejusdem misericordissimi Dei iram terribilem accendendam idonea est! Hoc sequenti sermone patebit.



SERMO VII.

De abusu misericordiæ divinæ, cujus reos se faciunt, qui peccare pergunt fro-
ti spe, fore, ut veniam scelerum suorum ab eadem misericordia consequantur;
deque irritata in hujusmodi justitia divina.

Quemadmodum Dei misericordia ani-
mabus bene aut saltem non omni-
no male dispositis esse excitamen-
to solet ad eandem multa cum fiducia con-
fugiendi, ut illa adjuvante, si quidem bonæ
sint, magis magisque in melius mores com-
mutent; si vero peccatrices, emendationis
adjumenta sibi expetant: ita quibusdam
male dispositis & peccatis suis expedit se
negligentibus animabus eadem misericordia
occasio fit, ut non sine enormi ejusdem mi-
sericordiæ abusu pessimaque illius fiducia
pravis suis in consuetudinibus perseverent,
dicentes cum impiis illis, de quibus pro-
pheta Amos (a) meminit: *Non venit super
nos malum.* Hos præsentî sermone impetere
institui, ut tum SS. Scripturarum auctori-
tate tum ipsa ratione persuasi cognoscant,
hanc certe esse planissimam ad perniciem
sempiternam viam.

Ante alia omnia advertatis velim, Di-
lectissimi! de eo hoc in loco agi, ut intelli-
gamus, quomodo Deus erga eos, quos po-
no, peccatores, affectus sit; quod cum cer-
to nisi ex ipsis verbis Altissimi cognosci non
possit, ob id necesse esse videtur, hinc po-
tissimum sermonem ordiri. Primus omni-
um Paulus Apostolus ejusmodi peccatoribus
se fe opponit, trahens post se fidissimum &
doctissimum interpretem suum S. Joannem
Chrysostomum: Ades dum, Apostolus ait,
quicumque ad Deum converti negligis, &
thesauris patientiæ ac longanimitatis divi-
næ confidens mores emendare differs! Ne-
scisne, ideo Deum sic tecum agere, ut tu
adeo seriam poenitentiam animum des? *An
divitis bonitatis ejus & patientiæ (b) &
longanimitatis contemnis? Ignoras, quoniam
benignitas Dei ad poenitentiam te adducit?*
Scias te duritia tua, dum victas manus da-

re patienti ac misericordi Domino contumax
renuis, & thesaurum bonitatis ejus con-
temptui habes, alium thesaurum (scilicet
thesaurum iræ) adversus temetipsum ac-
cumulare: *Secundum autem duritiam tuam &
impatientem cor thesaurizas tibi iram in die iræ.*
Audistis Paulum: audite & Chrysostomum:
*Postquam Paulus (ait magnus hic Doctor)
Dei patientiam laudavit & ostendit, ex ea
maximum lucrum cito attendentibus accedere
(hoc autem erat, peccantes ad poenitentiam
trahere) timorem auget: Sicut enim iis, qui
ejus patientia, ut par (c) est, usi fuerint,
caussa salutis est, ita contemnentibus & emen-
dationem procrastinantibus majus supplicium
affert.* Dicit, subiungit S. Doctor, dicit,
quod a peccatoribus vulgo dicitur: Est mi-
sericors Dominus; pollicetur tibi, quantum
libuerit, esse Deum patientem, esse beni-
gnum, nec poenas exigere. Hoc faciens
quid aliud quam supplicia auges: *Hoc
enim est, quod circumferitur, Deum benignum
& patientem poenas non repetere; cum autem
hoc dicis, nihil dicis aliud, quam quod suppli-
cium augeatur.* Dicat ille voluptuarius: Bo-
nus est Deus, expectabit adhuc paululum,
donec juvenilis ardor decrescat; *Theaurizas
tibi iram: supplicium tuum augeatur.* Dicat
ille fraudator creditorum suorum: Miseri-
cors est Dominus, dissolvam æs alienum,
postquam hoc vel illud consilium perfecero;
*Theaurizas tibi iram: supplicium tuum auge-
tur.* Dicat illa pessimæ frugis femina:
Benignus est Deus, aliquanto post amoribus
illis, illi amicitia, illi cætui valedicam;
*Theaurizas tibi iram: supplicium tuum auge-
tur.* Dicant illa peccatores excæcati, dicant:
Redibo ad frugem, revertar, deferam pec-
catum suo scilicet tempore, postquam huic
vel illi promisso meo fecero fatis, postquam
hæc

(a) Cap. 9. (b) Rom. 2. (c) Homil. 5. in Epist. ad Rom.

hæc, illa negotia ad exitum perduxero: Thesaurizatis vobis iram in die iræ: supplicium vestrum augetur. Vos ingratos, immemores benefactorum Dei, improbos! pergit S. Chrysostomus, *hanc benignitatem Deus exhibet, ut a peccatis te extimas, non ut peccata accumulas; si id non feceris, terribilior erit ultio . . . ideo ait: Thesaurizas tibi iram.* Ita profecto thesaurizas tibi iram eo fere modo, quo quis magnam solidorum summam conficere volens nummis nummos seponens accumulat: Sic & tu dum cælestes iras tibi reponis, tu (inquam) non Deus, adversus temetipsam indignationis divinæ thesaurum accumulas: *Vide, quam proprie verbis utatur: Thesaurizas, inquit, tibi iram, omnino repositam iram ostendens; & non iudicem, sed eum, qui iudicatur, illius esse causam: tibi, inquit, thesaurizas, non Deus tibi.* Quapropter in hæc verba S. Bernardus concludit: *Thesaurizas (d) tibi thesaurus iræ pro prorogatis thesauris misericordiæ, quos contemnis, & evacuas in te misericordiam Dei.*

Atque ut melius & distinctius videatis, qualiter Deus in hoc casu sese habeat, nimirum quod plane cogitet consutare vanam eorum fiduciam (verius dixero) præsumptionem, qui misericordia divina stulte confidentes peccare pergunt, pœnam immunitatem sibi a iustitia pollicentes; sciatis velim, Deum diserte revelasse, se res omnino sic ordinaturum, ut huiusmodi homines in ea ipsa supplicia incurrant, a quibus se exemptum iri crediderunt. Percipite notatu dignissimum locum Jeremiæ prophetæ Dei nomine loquentis, qui, postquam in vitia populi Israelitici (præsertim in impudicitias illius, adulteria aliæque scelera) investus esset, subiungit: *Et post hæc omnia dixerunt. . . . Neque venit super nos malum; gladium, qui nos occidat, & famem, quæ nos conficiat, non videbimus; Propheta in vanum (e) locuti fuerunt, & responsum non fuit eis.* Ecce casum vestro quam simillimum, O præsumptuosi peccatores, si qui adestis! Pergitis peccare, pergitis satisfacere afflictionibus vestris, & dicitis: Oh! non exi-

get pœnas misericors Deus: *Neque venit super nos malum. Clamant præcones verbi Dei, & raucefunt clamando, ne solam misericordiam sed & iustitiam spectetis; at ventis verba dant, non audiuntur: Prophetæ fuerunt in ventum locuti & responsum non fuit eis.* Nonne hic ipsissimus casus vester? Jam autem Dei responsum accipite: Sic isti quidem sentiunt, ait, at faciam ego, ut iisdem, quas se vitaturos sperabant, calamitatibus opprimantur: *Hæc ergo evenient eis; Hæc dicit Dominus: quia locuti estis verbum istud, ecce! ego do verba mea in ore tuo in ignem (quasi flammam voracem) & populum istum in ligna (arida) & vorabit eos.* Et quoniam dixerunt: Hostiles se gladios, quibus interficiantur, atque famem, quæ enecentur, declinaturos, ecce! ego adducam super vos gentem de longinquo . . . pharetra ejus quasi sepulchrum patens, & comedet (non solum) segretes tuos & panem tuum; devorabit (etiam) filios tuos & filias tuas; comedet gregem tuum & armenta tua; comedet vineam tuam & ficum tuam; & conteret urbes munitarum tuarum, in quibus tu habes fiduciam, gladio. Ecce! sperabant miseri illi, evasuros se gladium, & gladio ceciderunt; sperabant se vitaturos famem, & fame periverunt: *Hæc ergo evenient illis.* Sic & vos, O peccatores! qui misericordia Dei freti peccare pergitis, illam vobis impendendam esse creditis, & non impendetur: *Hæc ergo evenient illis.*

Percipite aliun quoque locum Isaïæ Prophetæ, qui tametsi allegoricus sit, non minus tamen terroris habet: *Audi hæc (O civitas) quæ habitat confidenter, quæ dicit in corde tuo: Ego sum, & non est præter me amplius: Non sededo vidua & ignorabo sterilitatem; Hem! ficcine in perfidia te tua amas? Venient tibi duo hæc (ipsa) subito in una die, sterilitas & viduitas lugendo malorum exercitu stipata: Univerfa venerunt (f) super te.* Quid ad hæc vos, O mei! . . . Sed ut alios Prophetas, quos citare possem, prætermittam, unum solum audite Prophetam Amos: *In gladio, ait, morientur omnes pec-*

E 3

cato-

(d) Serm. De tripl. miseria.

(e) Jerem. 5.

(f) Isaï. 47.

atores populi mei; At quoniam potissimum? li, qui dicunt: non appropinquabit (g) & non veniet super nos malum, non appropinquabunt, neque ruent in nos caelestis vindictae fulmina. Et quoniam sunt, Dilectissimi! qui talia ore ferunt? li haud dubie, qui de divina misericordia praesumunt, & emendationem morum in dies extrahunt, ut suas interim inordinatas cupiditates explere possint; His potissimum ait Dominus: In gladio cadent omnes peccatores populi mei, qui dicunt: non appropinquabit, & non veniet super nos malum. Jam his clarissimis & manifestis S. Scripturae locis quid oggeri potest? Anne fallax est & periculosa, an vero non (Edicite! quaeso) spes illorum, qui Superum misericordia freti peccare pergunt?

Quamvis adducta a me hucusque oracula divina plusquam sufficere existimem, ut cognoscatis, quo animo erga memoratos peccatores Deus sit (scilicet quod iisdem non jam impendere misericordiam sed per justitiam suam ulcisci eos pareat) tamen bona vestra cum venia aliud insuper essatum sacram in medium proferam, quod libro Ecclesiastici inferi Spiritus sanctus voluit. Audite, quaeso! quam accurate miseros hos ac flebiles in modum errabundos ille depinxerit, & quae eisdem eventura praenuntiavit: *Ne dixeris, O peccator! peccavi, & quid mihi accidit triste (Ecce! hoc maxime laudatis a me oraculis homines istius farinae obijciunt) Altissimus enim est potius redditor: De precipitatio (a te admisso nec castigato) peccato noli esse sine metu, neque adjicias (hoc ipsissimum faciunt ii, quos praesenti sermone exagito) peccatum super peccatum: Et ne dicas (En id ipsum, de quo hoc loco maxime agimus) Misericordia Domini magna est, multitudinis peccatorum meorum miserabitur; Misericordia enim & ira ab illo cito proxinant, & in peccatores respicit ira illius: Quapropter non tardes converti ad Dominum, & ne differas de die in diem; subito enim veniet ira illius, & in tempore vindictae disperdat te. Nonne haec ex-*

hortatio omnis, O mei! a Spiritu sancto dictata casum, quem nos posuimus, omnibus suis partibus continet? Nonne eadem admonitio peccatori de divina misericordia praesumentis atque ob id redire ad frugem tardanti metum incutere debet? Nonne hic S. Scripturae locus a Deo in peccatores praesumentes & de caelesti misericordia male confidentes consulto exaratus esse videtur? Nemo hoc, credo, inficias iverit. Jam vero an in relatis a me verbis vel unum est, quo innuatur, Deum eos toleraturum, qui misericordiae divinae praesidentes peccare pergunt? Istud ne una quidem syllaba proditur, sed enim ex parte omnino contraria eisdem dicitur: ne in misericordia Dei confidant: invigilare iram Numinis: ex improviso vindictam Superum erupturam: Ne ob hoc ipsum emendare se de die in diem differant. Jam autem quid de illis peccatoribus fiet, qui hac quam sibi perperam fingunt, misericordia male freti corrigere se in melius non solum de die in diem sed etiam de mense in mensem, de anno in annum differunt? Quid aliud sibi hi expectent, quam quod subito veniat ira illius, & in tempore vindictae disperdat eos Dominus? . . . Qua ratione stare fallacissima fiducia haec poterit, cum oracula verbi divini apertissime repugnantia habeamus?

Aut putatis, Deum haud jure atque merito eos confundere, qui de misericordia caelesti stulte praesumunt, ut laedere majestatem Dei pergant? Nunquid opus est Deo horum tolerare perfidiam, ut caelestis misericordia videatur atque elucescat: *Nunquid indiget Deus vestro mendacio*, ait Jobus, *ut pro illo (h) loquamini dolor?* Nunquid misericors esse non videbitur Dominus, nisi injurias, quas eidem praefiducia bonitatis ejus infertis, dissimulet? Nunquid misericors esse non existimabitur, nisi dolosa, quibus bonitatem ejus depradicatis, encomia fortunavit? Edicite mihi, ait S. Augustinus (i) quae major est misericordia, quam peccatores ad se cito redeuntem excipere & praeteritarum offensarum memo-

riam

(g) Lucas 9. (h) Job. 13. (i) Enarr. in Psalm. 19.

nam in omne ævum deponere: Nemo sibi multum de misericordia Dei blandiatur. . . Nunquid dicimus, non esse misericordem Deum? Quid misericordius eo, qui parit tantum peccatoribus, & qui in omnibus converſis ad ſe non curat præterita? Ac ſi diceret: Sunt Deo innumera teſtimonia, quæ infinitam eius miſericordiam indefinenter concelebrant; nam quidquid ille a primo creationis momento ad hoc uſque temporis punctum ſpeciei contulit humanæ, id omne a ſua miſericordia promanavit, cum nemini quidquam vel debuerit vel debeat vel etiam debere poſſit; At in hoc apparere maxime atque eluceſcit hæc ipſa miſericordia, dum peccatorem ad ſe animo contrito redeuntem tam amanter recipit; qua re ſplendiſſimum miſericordiæ genus contineri S. Auguſtinus pluribus in locis affirmat. Hiuc ſi Dominus tela vindictæ ſuæ in eos peccatores coruſcaverit, qui cæleſti miſericordia abutuntur, dum ſub ejuſdem miſericordia peccata peccatis adjiciunt, nunquid, putatis, miſericors eſſe ceſſabit? Nequaquam. Nam quiſquis Deum peccatis ignoſcere uſque voluerit, iſ tolli in illo a miſericordia juſtitiam vult: Sic enim diſſige miſericordem, ut cum eſſe velis veracem; non enim miſericordiæ poſſe illi cuſſerre juſtitiam. Jam vero ſi Deus in hoc ſeculo omni tempore miſericordia ſua uteretur, quandonam, obſecro! in illo ſuam proderet juſtitiam? Et cum miſericordiam, eamque oppido excelfam, peccatoribus corde pænitenti cito ad ſe revertentibus adhibeat, ſi eandem iis quoque, qui ſub umbra ejusdem miſericordiæ peccare pergunt, adhiberet, in quos demum juſtitiam exercitaturus eſſet? Non in priores, non in poſteriores: In quos igitur? Quapropter obſervari debet, S. Scripturam, dum miſericordiam Dei eſſert, ſimul manum Domini dextram juſtiæ plenam agnoſcere (*Juſtitia plena eſt* (k) *dextera tua*) eandemque provocare, ut omnes univerſim peccatores adoriatur: *Dextera tua inveniat omnes* (l) *qui te oderunt*. At ſi manus Domini,

cum peccatoribus cito ad frugem reverſis parcat; etiam peccare pergentes non corripet, quos demum apprehenſura eſſet? Ecce! qui nimirum ſibi de miſericordia Dei pollicentur, monet denuo S. Auguſtinus (m) cum animis ſuis Deum faciunt injuſtum: *Quoniam qui multum ſibi pollicetur de miſericordia Dei, ſurrepit in animum ipſus, ut faciat injuſtum Deum*. Lubetne hoc propius inſpicere, pergit S. Doctor, Accipite.

Quæ hæc, amabo! juſtitia foret, ſi quis contenderet, idem præmium eandemque mercedem Deum dare debere iis, qui in peccatis perſeverant & offendere Superos pergunt, quam illis largitur, qui ſibi ſerviunt atque obtemperant? Hæcine juſta & æquitati conſentiens diſtributio foret, O mei! . . . Quid, dicit aliquis non omnino rationis expers, Quid? Hoc rerum invertere ordinem: hoc Deum acceptatorem perſonarum facere: hoc alere ſibi injurias: hoc (verbo) patrocinari iniquitati foret: Et accipere merentem præmia, & pœnas luerum oportet. Jam quodnam præmium eos manet, qui Deo ſemper fideliterque obediunt aut ſi forte eundem offenderint, conſeſſim corde humili atque contrito veniam poſtulantes ad ejusdem ſervitium obedientiamque revertuntur; Scilicet hoc, quod peccatorum remiſſionem unaque cum illa animæ ſalutem conſequantur (Sic S. Scripturæ, ſic SS. Patres, ſic Eccleſia ſancta docet) Jam ſi Deus idem præmium iis largiretur, qui de miſericordia præſumentes offendere Numen ſuum pergunt, certe memoratæ a me inconſequentiæ ſequerentur; nam qua ratione jam verum eſſet: *Juſtitia plena eſt dextera tua* . . . Ecce validiſſimum S. Auguſtini argumentum! Et juſtum hoc erit, ut ibi te ponat perſeverare in peccatis, ubi poſiturus eſt illos (n) qui ceſſerunt a peccatis? Sic vis injuſtus eſſe, ut & Deum tecum facias injuſtum? Quid cogitas, O impœnitens! Quid vis ergo convertere Deum ad voluntatem tuam? Tu potius, uti debes, convertere ad voluntatem Dei, quæ in eo conſiſtit.

(k) *Pſalm. 47.* (l) *Pſalm. 20.* (m) *Enarr. in Pſalm. 60.* (n) *Ion. 2.*

fitit, ut ocyus poeniteas reliſſoque peccato ad ſanctæ legis ejus obſervantiam revertaris. *Tu convertere ad voluntatem Dei.*

Hic argumento novam eamque non minus nervoſam conſiderationem adjicit vetuſtiſſimus, acutiſſimus maximæque auctoriſſimis ſcriptis Tertullianus, inſiciens: Si Deus legis ſuæ violationes (eas præprimis, quæ per prætextum miſericordiæ ſuæ ſiunt) diſſimularet, nec in fraudulentos transgreſſores animadverteret, quomodo, obſecro! Zelum ſuum anxiamque ſollicitudinem, qua legem ſuam obſervari optat, oſtenderet? Ponite, Regem publicari legem aliquam juſſiſſe addito ſevero diſtrictoque præcepto, ut illa ab omnibus ſervetur, atroceſque pœnas in violatores conſtituiſſe, adeo ut ſummum, quodecreto ſuo obtemperari vult, deſiderium modis omnibus prodiderit: Jam ſi poſt hæc Rex, quem poſui, ita diſſimulante, ita (ut ſic dicam) frigide pro indole ſua benigniſſima fe gereret, ut certior factus eſſe quamplurimos, qui non ſolum occasione vel caſu dato & (ſi magis placet) *per accidens* legem latam inſringerent, ſed eſſe transgreſſores memoratæ ſanctionis perpetuos, & ob eam maxime cauſſam tales, quod regiæ patientiæ in ſe tolerandis præſtarent: quantum, amabo! ejusmodi violatores Principem obſtringerent, ut contra eos potiſſimum Zelum ſuum ſeriamque de legis ſuæ obſervantia voluntatem oſtendat, eaque re utique coactum ſe ſentiret Princeps, ut in illos exemplum ſtatuere ſevereque animadverteret. Iſtud ni faciat, anne aſſerui unquam potuerit, ineſſe revera Regis animo illam de obſervatione legis ſollicitudinem, quam in ejus promulgatione ſignificavit?

Redeamus modo ad propoſitum & Tertulliani argumentum nobis accommodemus: Deum ſanctiſſimum & ſapientiſſimum legiſlatorem infinito quodam ſtudio legis ſuæ obſervantiam appetere, tam certum atque exploratum eſt, quam certa Fides noſtra; quam certum, quod Deus, cum recti omnis origo ac ſons ſit, peccatum improbare omnino debeat: Cumque præcepta Decalogi

omnia legis naturalis (hoc eſt: legis ejus, quæ res natura ſua malas & actiones non ob id malas, quia prohibita ſunt, ſed ob id prohibitas, quia intrinſece malæ ſunt, interdicit) ſint, Deus non poteſt non habere infinitam quamdã ſollicitudinem, ut ne illæ perpetrentur, in cujus rei ſignificationem violatoribus non leviores quam infernales pœnas intentat. Præterea cognosci a Deo illos, qui memoratum in modum peccant tam certum, quam certum, quod is immenſam omnium creaturarum ſuarum cognitionem habeat: *Omnia nuda & aperta ſunt, oculis ejus.* Hinc fraudulentam eorum de ſua miſericordia fiduciam Deum cerne-re tam certum, quam certum, quod ſit Deus *ſerutans renes & ſorda.* Quapropter Deus (niſi eum, Deum legis ſuæ negligentem, dicere velimus) neceſſitatem ſibi im-poſitam ſentire debet, gravibus pœnis hos præſidentes & præſumptuos peccatores coer-cendi: *Si enim neque amicitur neque irascitur neque damnat neque vexat, quomodo illi diſciplinam (o) ratio conſiſtat?* Debet itaque Deus etiam ob id peccatores de ſua bonitate præſumentes conſutare atque punire, ut ſe juſtum ſanctæ legis ſuæ Zelatorem oſtendat.

Alioquin ſi Deus, pergit acutus pluri-mæque eruditionis argumentator noſter Ter-tullianus, alioquin ſi Deus videt per diſſimulationem ſuam peccatores indies peiores fieri, qua ratione dici poterit, eum Deum infinite bonum eſſe, cum ex illius bonitate homo ſibi ſumat in pejus indies labi: *Quis eſt iſte tam bonus Deus (p) ut homo ab illo malus fiat?* Bonus nec ſovere malum nec pa-trocinari eidem poteſt, præſertim ſi poteſtatem ac jus illud puniendi habeat. Qua de re cum bonus Deus, immo ſolus bonus (*Nemo bonus niſi ſolus Deus*) quin etiam ſolus optimus ſit, debet utique, ſi a fidu-cia ſuæ miſericordiæ ali malum videt, ejus-dem fiduciæ vanitatem ſutilitatemque oſten-dere, ſeveram juſtitiam ſuam adverſus il-lam exercendo.

Acta-

(10) Tertull. l. 1. contra Marc. c. 16.

(p) Loc. cit. c. 8.

Attamen videmus (hoc multi vestrum obijcere mihi videmini) attamen re vera videmus, quam plurimos peccatores a Deo tolerari, immo etiam fortunari & bonis temporalibus in longa beari tempora. Quomodo igitur allata argumenta stringunt? Adverte animos!

Est hæc ipsissima cogitatio, quæ Prophetam Jeremiam adeo olim occupavit, ut sequentes Deo querelas dirigere in animum induxerit: Justus quidem tu es, Domine! erisque semper, quascunque querelas, utut mea opinione justas, ad te effudero: *Justus quidem tu es, Domine! si disputem tecum; veruntamen justa loquar* (q) *ad te: Quare via peccatorum prosperaverit, quare bene est omnibus, qui pravaverantur & inique egunt? Indies bonis augentur temporariis; indes majorem eorum vim sibi colligunt: Plantasti eos & radicem miserunt; proficiunt & faciunt fructum.* Laudant te ob id labiis suis, & verbis prædicant bonitatem tuam; verum cor eorum, mens eorum multum alienata est a te: *Prope es tu ori eorum; & longe a renibus eorum.* At ego vitam afflictam, ærumnosam duco, et si cognoscas innocentiam meam & expertus sis, quam bonum sit cor meum: *Et tu Domine! nosti me & vidisti me & probasti cor meum tecum . . .* En ipsissimam objectionem vestram! Sed jam audite responsum. *Congrega eos quasi gregem ad victimam, & sanctifica (sacrifica) eos in die occisionis.* Hoc profecto, O mei! hoc pœnarum omnium pessima, si peccatores in præsentī vita prosperantur: hoc evidens documentum, eos in die vindictæ (scilicet ferali in hora) ad interitum reservari in modum gregis armentarii, qui ubi morti destinatur, nullo jam jugo, nullo labore premittitur sed liber per opima pascua errare permittitur, ut cæde sua læticiam clariores reddat: *Firma eos* (ait magnus eruditusque Cardinalis Hugo) *impingui in statu prosperitatis in diem occisionis, quo eos occides sicut animalia, quibus liberius indulgentur pascua, ut ad immolandum fiant* (r) *pinguiora.* Et Gregorius maximus doctissimusque Pontifex

P. Cunctis Catechista.

(q) Jerem. 12. (r) Hugo in Jerem. c. 12.

(u) Enarr. in Psalm. 72. (x) Irov. 1.

(s) inquit: *Injustus ad debitam mortem currens effrancis voluptatibus utitur; quia & vituli, qui mandandi sunt, in liberis pascuis relinquantur:* Unde Isaias eandem metaphoram atque allegoriam prosequens ait: *Gladus Domini repletus est sanguine.* Cujus? *Incrassatus est adipe de sanguine agnorum & hircorum & medullarum arietum* (t) *Stililat vindixirati Numinis gladius, stillat cruorem, cruorem scilicet harum incrassatarum, impinguatarum, exsaturatarum bestiarum.* Hinc reducta ad proprium sensum allegoria nostra S. Augustinus (u) concludit: *Intellexi, quare illi habent pacem & florent in terra; quia in morte eorum non est declinatio: id est, quia certa mors & æterna eis monet, quæ nec declinat ab eis nec ipsi declinare ab ea possunt.* Proh terribilem sententiam! Atque hoc ipsum, O mei! sentiunt omnes SS. Patres nixi formidando vaticinio Spiritus sancti: *Prosperitas stultorum* (peccatorum; etenim hi in libris sapientialibus quam sapissime stultorum nomine compellantur) *prosperitas stultorum* (x) *perdet eos;* namque mala operatio puniatur plane necesse est, si non in hoc sæculo, certe in futuro: Et est hoc validissimum inter alia argumentum, quo post hanc præsentem vitam esse aliam, evincitur. Itaque ne vos, O dilectissimi! vana de patientia & misericordia Numinis fiducia, multoque minus impiorum in hoc sæculo fortuna ac beatitudo seducant, ut vestram conversionem procrastinetis; sunt illi greges ad victimam: pascuntur, ut ad immolandum fiant pinguior: sunt vituli, qui mandandi sunt: sunt, quibus certa mors & æterna monet, nec declinare ab ea possunt; ut hac potissimum ratione jura justitiæ divinæ illæsa maneant, quæ si suum in hac vita non obtinuit, certe in altera repetet: atque ob eam rationem pœna hæc omnium maxime formidanda est. Quin igitur, Peccatores charissimi! si qui huic cætui miseri interestis, Dei in vobis tolerandis patientiam experti, quin cavete, ne abutendo misericordia cælesti thesaurum iræ divinæ vobis thesaurizetis, Dominumque tradere vos æternis iræ

sum

(s) Homil. 1. (t) Isai. 54.

sue effectibus in vita altera (ut sic dicam) compellatis. Tenete documentum, quod Spiritus sanctus Judithæ suggessit: Quoniam Deum erga nos patientem experimus, ob id ipsum nos ad eum confestim nulla mora, nulla dilatione interposita convertamur, cordèqne pœnitenti & lulis lacrymis veniam petamus: *Quia patiens Dominus est (y) in hoc ipso pœnitamus, & indulgentiam ejus suis lacrymis postulemus.* Immo, o Dominus

meus & Deus meus! immo dolemus ex toto corde, quod non, ut par erat, tua in nobis perferendis patientia usi simus: hoc dolemus, Deus meus, hujus rei veniam ex animo postulamus firmissime proponentes, ocyus animas nostras sincera, pœnitenti, integra culparumstrarum Confessione expiare, ut hac ratione ad te stabili conversione reversi Majestatem tuam nunquam amplius ostendamus. Amen.

(y) Judith 8.

SERMO VIII.

De Omnipotentia Dei.

Omnipotentia, de qua dicere hodie aggre-
dior, pro ipsa nominis etymologia nil aliud sibi vult, quam *omnia posse*: Omnipotens ergo dicitur is, qui omnia possibilia potest; Dixi: *Omnia possibilia*; nam ad impossibilia potentiam non esse ipsi facile videtis; Neque opponatis mihi: Videri, rem nullam esse posse, quæ respectu ad Deum habito impossibilis dici queat. Et enim si hoc in sensu debito dicitis, bene dicitis; male vero, si in sensu non debito dicitis: Bene dicitis, si id respectu potentiae seu virtutis divinæ dicitis, scilicet nullam rem Deo impossibilem esse; nam cum potentia illius infinita sit, nulla res est, ad quam se ea non extendat, modo res factibilis sit: Male dicitis, si id respectu rerum faciendarum dicitis, scilicet etiam ea a Deo fieri posse, quæ non factibilia & (quod sequitur) impossibilia sunt; nam hoc qui dixerit, Deum non jam omnipotentem sed enim chimæricum quid (uti S. Augustinus monet) facit. Hinc res nonnullæ fieri a Deo non possunt, quia sua natura in-factibiles sunt: Hujus generis sunt res omnes, quæ contradictionem involvunt, e. g. ut quis uno eodemque tempore, simul & semel, vivus sit ac mortuus; homo sit & non homo; exi-

stat & non existat, aliaque, quæ impossibilia esse & fieri a Deo non posse dicuntur non ob defectum potentiae, sed ob defectum termini ejusdem potentiae, qui fieri non potest; cum impossibile sit, ut quis vivus sit simul ac mortuus; homo & non homo; existens & non existens: Quæ res omnes cum chimæricæ sint, chimærica & non realis foret potentia, quæ talia posse fingeretur: *Tanta non potest, quæ, si posset, non esset* (a) *omnipotens*.

Sed neque alias res Deus potest, quas posse existentiae non convenit divinæ, & quæ de omnipotente vera esse nec debent nec possunt; cum is, qui eas posset, omnipotens esse non posset. Itaque Deus mori, meatiri, peccare, mutari, esse maior non potest, & quæ sunt similia; quandoquidem talia posse non jam effectus potentiae sed defectus ejusdem foret; nam posse, quod malum, vitiosum, imperfectum est, effectus est imbecillitatis, miseriæ, deficientis perfectionis, non autem effectus virtutis, potentiae, fortitudinis. Unde egregie S. Augustinus (b) pronunciavit: *Ne quis me temere dixisse arbitretur, aliquid omnipotentem non posse . . . Non enim potest justitia velle facere, quod injustum est; aut sapientia velle, quod stultum est; aut* *veri-*

(a) S. August. serm. 213. (b) Serm. 213.

veritas velle, quod falsum est. Unde admonemur, pergit idem S. Doctor, Deum omnipotentem . . . multa non posse (idque sine detrimento immo cum confirmatione omnipotentiae suae) Deus omnipotens non potest mori, non potest mutari, non potest falli, non potest miser fieri, non potest vinci: At per hoc non solum ostendit veritatem, omnipotentem esse, quod ista non possit, sed etiam cogit veritatem, omnipotentem non esse, qui haec possit. Nam (Ecce vobis solidissimum argumentum) nam quia Deus id est, quod esse vult, & quia aeternus, immutabilis, verax, beatus, insuperabilis esse vult, ob id talis & est: Quod si esse posset id, quod esse non vult, utique omnipotens non foret. Verum quia revera omnipotens est, quidquid vult, potest, & ob eam rationem nequit esse id, quod esse non vult; quapropter in Psalmis dicitur: Quaecumque voluit Deus, fecit in caelo & in terra, in mari & in omnibus abyssis: Volens enim est Deus, quidquid est; aeternus ergo & incommutabilis & verax & beatus & insuperabilis, volens, est. Si ergo potest esse, quod non vult, omnipotens non est: Est autem omnipotens; ergo quidquid vult, potest; & ideo, quod non vult, esse non potest, qui propterea dicitur omnipotens, quoniam, quidquid vult, potest, de quo & psalmus dicit: Omnia quaecumque voluit Dominus, fecit in caelo & in terra & in mari & in omnibus abyssis (c).

Quaeret aliquis ex me: qua de re Symbolum, cum Deus unus sit in essentia & trinus in Personis, omnipotentiam Deo Patri attribuat? Credo in unum Deum Patrem omnipotentem. Facilis ad ista responsio est; non enim Pater omnipotens vocatur, ac si in ipso solo omnipotentia residet; Nequaquam: cum & Filius & Spiritus sanctus omnipotentes sint, immo omnes tres Personae non tres omnipotentias sed unam eandemque omnipotentiam possideant, uti eandem essentiam & substantiam habent: Dicimus igitur Patrem omnipotentem per appropriationem quamdam respectu intellectus nostri, quemadmodum per eandem appropriationem Fi-

lius sapientiam, charitatem Spiritui sancto ascribimus, etsi eadem sapientia eademque charitas in omnibus tribus sit, uti eadem quoque omnipotentia & essentia est. Cur vero hisce appropriationibus utamur, percipite si lubet! Appropriamus five attribuimus omnipotentiam Patri; quod ab ipso, seu origine, reliquae duae Personae, scilicet Verbum ex intellectu & Spiritus sanctus ex voluntate Patris & Filii (uti alibi diximus) procedant: Pater autem anillo procedat. Sapientiam deinde tribuimus Filio utpote ex intellectu Patris procedenti; quamquam eadem sapientia, quam illi ascribimus, in Patre & Spiritu sancto sit. Charitatem denique Spiritui sancto assignamus, utpote ex voluntate reliquarum duarum Personarum procedenti; tamen illi eadem charitas, quam S. Spiritui attribuimus, in reliquis sit. Itaque quando Patrem dicimus creatorem, minime accipi a vobis eo sensu debet, ac si reliquae duae Personae non una creent, & in creando una operentur; cum in ipsis tribus una divina sit & agendi concordia & eadem operandi efficacia: Ita singulorum quoque in Trinitate opera Trinitas operatur, unicuique operanti cooperantibus duobus; conveniente in tribus agendi concordia, non in uno deficiente efficacia peragendi (d).

Jam vero etsi effectus hujus omnipotentiae numero careant, & in singula momenta a nobis experientia ipsa sentiantur; tamen illa in duabus maxime rebus apparet atque enitescit, primum in ordine naturali, dein in ordine supernaturali; nimirum si Deum (prout alibi diximus) tanquam auctorem naturalem & tanquam auctorem supernaturalem consideremus. Quod ad ordinem naturalem attinet; effectus, in quo maxime omnipotentia resplendet, creatio est hujus rerum universitatis; atque ob id in Symbolo voci Omnipotentem subditus Creatorem caeli & terrae. Creare significat educere aliquid e nihilo; id quod fieri non potest nisi imperante virtute quadam omnipotenti & soli Deo propria, quae ob id efficaciae esse infinitae debet, cum inter nihilum

F 2

lum

(c) Loc. cit. (d) S. August. serm. 71. de Verb. Dom.

lum & τὸ *Esse* infinitum quoddam interval-
lum interit, ita ut vel eo, ut exigua mu-
sca appareat atque e nihilo exeat, vis ejus-
modi requiratur, quæ solo imperio det τὸ
Esse ei rei, quæ *Esse* non habet & quæ,
priusquam id accipit, non exstitit. Hinc
Moyses, universitatis creationem in sacratis-
simo *Genesis* (e) libro exponens, phrasi pla-
ne divina, quæ sapientissimos gentilitatis
oratores hosque inter celeberrimum illum
Longinum stupore affecit, usus ait, dixisse
Deum *Fiat lux; & facta est lux; Fiat firmamentum; & factum est ita*. Et in hunc
modum narrationem suam sacer scriptor pro-
sequitur, cujus stylum maxime sublimem
imitatus Psalmista inquit: *Ipse dixit, & fa-
cta sunt: Ipse mandavit, & creata sunt* (f)
Jam vero, cum infinita Dei potentia vel mu-
sculæ unius productione prodatur; quanto
magis ex eo apparebit atque elucescet, quod
cælos cum omni ornatu suo; terram cum in-
numerabilibus, iisque genere ac specie in-
ter se maxime diversis, viventibus; mare
cum omni rerum in aquis viventium varie-
tate; hominem una cum anima intellectu-
ali; tot angelicorum Spirituum exercitus e
nihilo condiderit; quod cælos ordinari eo-
rumque motus certissimos definierit, quibus
dies, anni, menses computantur: quod ma-
ri terminos statuerit, ad quos allisi tume-
scentes illius fluctus evanescent, quin po-
sitas consilio Superum metas transgredi au-
deant: denique quod res omnes, ut paucis
dicam, quas cælum, quas terra, quas pon-
tus (verbo) quas hæc universitas tota ha-
bet, e nihilo produxerit? Hinc Symbolum
Nicænum apostolico adjecit: *Creatorem
cæli & terræ, visibilibus omnium & invisibi-*

lium.
Neque hoc in loco dicere id juvat,
quod malefano Hermogenis errore occæca-
ta ingenia dicunt, Hermogenis (inquam)
qui, quod infinitam omnipotentiae virtutem
concipere intellectu non potuerit, contende-
ritque plus non posse Deum, quam quod an-
gustissima & fallacissima mens humana ca-
pere possit, affirmavit: Deum omnia ex ma-

teria quadam sibi coætærna effecisse; Qui er-
ror, præterquam quod sapientium virorum
omnium risu exceptus sit, ab eruditissimis quo-
que Methaphysicis invictis evidentibusque
argumentis est exterminatus. Etenim com-
mentitia illa materia vel fuit a Deo creata
vel non fuit: Si a Deo creata, ecce creatio-
nem in eo, quod existerit: Si a Deo non
creata fuit nec ab ipso quoad esse suum pe-
pendit, en sublatam penitus divinitatem,
quæ pro sua notione quemadmodum non
pendere a quacunque demum re debet, ita
alia omnia sibi subjecta & a se pendencia
habere debet: Ob eam rem memorata ma-
teria Deus quidam aliter esset, distinctus ab
illo, quem adoramus; ex quo ipso plurali-
tas Deorum fluere, quam naturali repugna-
re lumini sermone tertio demonstravi. Ver-
um ineptias has iis relinquamus, qui eam-
dem impietate ducunt, & ut ad Atheismum
viam sibi pandant, nostris etiam temporibus
ex vetustate ac tenebris denuo eruant. Nos
humili, firma ac catholica fide id confitea-
mur, quod Concilium æcumenicum Late-
ranense IV. Innocentio III. sanctissimo doctis-
simoque Pontifice Ecclesiæ Dei regente ce-
lebratum canone primo professum est: *Unum
universorum principium, creator omnium visi-*
bilibus & invisibilibus, spiritualibus & corpo-
ralibus; quia sua omnipotenti virtute simul ab
initio temporis utramque de nihilo condidit crea-
turam spiritualem & corporalem, angelicam
videlicet & mundanam, ac deinde humanam
quasi communem, ex spiritu & corpore consi-
stitutam.

Sed transeamus ad alium effectum, in
quo omnipotentia Dei tanquam auctoris su-
pernaturalis egregie apparet. Quod si nunc ex
vobis sciscitarer, O mei! qualemnam effe-
ctum hunc esse putetis, haud vane auguror,
vos omnes aut ferme omnes quævis alia in
medium allaturos fore, præ illo quod jam
exponere vobis paro. Igitur sciatis velim,
hunc effectum in eo consistere, quod Deus
creaturarum intellectu præditarum, quarum
e numero etiam nos sumus, arbitrium libe-
rum gratiis suis infalibilibiter subiciat, idque
ita,

(e) cap. i.

(f) Psalm. 33.

ita, ut non solum libertatem ejusdem arbitrii nulla ratione lædat sed eandem magis magisque perficiat. Atque ut intelligatis, Dilectissimi! quam mirabilis in hoc ipso appareat omnipotentia divina, animadvertite, si lubet, alias creatas res omnes ita divinæ potentia subditas atque obnoxias esse, ut immutabilibus Dei ordinationibus necessario subjaceant; quæ subjectio tantum abest, ut ipsis injuriosa sit, ut potius multum ad majorem earundem perfectionem conferat: Atque ita illæ divinæ subjacent imperiis, ut etiam naturali sibi quæ propriæ inclinationi renuncient (si quando de adimplendis dispositionibus divinis agitur) & ad earundem promptam accuratamque obedientiam rapiantur: Hinc corpus grave, quod pro naturali conditione sua ad inferiora tendit, confestim in altum se effert, ut iussu expleat divina: & corpus leve, quod pro ratione insitæ sibi naturæ in altum fertur, ad inferiora descendit, ut primum memoratarum dispositionum divinarum impleto hoc postulari. Ob eam rem egregie S. Petrus Damianus (g) pronunciavit: *Ipsa quippe rerum natura habet naturam suam, Dei voluntatem; ut sicut illius leges quælibet creatæ conservant, sic illa, cum jubetur, sui juris oblita divinæ voluntati reverenter obediat.* Neque vero ob id, subdit S. Augustinus (h) dici potest, memoratas creaturas contra naturam suam operari, cum id eo faciant, ut omnipotenti divinæ voluntati pareant, in cujus obedientia harum facturarum omnium natura ipsa maxime posita est: *Quomodo est contra naturam, quod Dei sit voluntate; cum voluntas tanti utique creatoris condita rei cuiusque natura sit? Portentum ergo sit non contra naturam sed contra quam (nobis) nota est natura.*

Alit aliter cum creaturis intellectu & libertate præditis (Angelis nimirum & nobis) agit Deus, cum nostrum *Esse* hunc diversum agendi modum sibi maxime postulet: Quæ in loco credatis nolim, omnipotentiam, dum operandi modum in nobis, quippe liberis, variat, ob id in certo esse-

atum, quos vult, eventu ulla ratione variare. Nequaquam; immo in hoc ipso omnipotentia divina plurimum apparet, nimirum quod consilia sua certissime atque infallibiliter in exitum deducat (relinquens de cetero in illis contingentiam respectu nostræ voluntatis) dum facit, ut voluntas libera certo & infallibiliter operetur simulque plenissima cum libertate operetur; immo dum facit, ut, dum sub omnipotentis gratiæ influxu voluntas libera operatur, una ejusdem libertas perficiatur. Cum enim, ut ait S. Augustinus (i) *Deus sit præsciens voluntatis nostræ, cuius est præsciens, ipsa erit: Voluntas ergo erit, quia voluntatis est præsciens, nec voluntas esse poterit, si in potestate non erit: Non igitur per ejus præscientiam potestas mihi adimitur, quæ propterea mihi certius aderit, quia ille, cujus præscientia non fallitur, adfuturam mihi esse præscivit.* S. Augustino consentit S. Anselmus (k) Cantuariæ Archiepiscopus, dicens: *Quoniam quod vult Deus, non potest non esse; cum vult hominis voluntatem nulla cogi vel prohiberi necessitate ad volendum, tunc necesse est, voluntatem esse liberam, & esse quod vult.* Atque iterum S. Augustinus (l) pronunciat: *Voluntas libera tanto erit liberior, quanto sanior: tanto autem sanior, quanto divinæ misericordiæ gratiæque subiectior; libertas enim sine gratia non est libertas sed contumacia.* Hoc ipsum denique modo plane angelico S. Thomas explicat adjecto solido rei hujus argumento: *Cum enim aliqui (m) causa efficiens fuerit ad agendum, effectus consequitur causam, non tantum secundum id, quod fit, sed etiam secundum modum fieri vel essendi: Cum igitur voluntas divina sit efficacissima ad operandum, & voluntas humana huic divinæ omnipotentia (ut causa secunda causæ primæ) essentialiter subiecta sit, non solum sequitur, quod ea fiant, quæ Deus vult fieri, sed etiam quod eo modo fiant, quo Deus ea fieri vult. . . Omnis actio voluntatis, in quantum est actio, non solum est a voluntate ut immediate agente, sed a Deo ut a primo agente, qui vehementius inrumpit;*

F 3

Unde

(g) *Opusc. 36. c. 11.* (h) *Lib. 21. de Civit. Dei. c. 8.* (i) *Lib. de Grat. Christi. c. 4.*(k) *Libr. de Concord. præscient. & prædestinat. c. 3.* (l) *Epist. 177.* (m) *c. p. q. 9. art. 8.*

Unde (n) sicut voluntas potest immutari aeternum suum, ita & multo magis Deus. Accepit doctrinam hanc Doctor angelicus a S. Augustino, qui aperte declaravit: Sic enim (o) velle vel nolle in volentis aut nolentis est potestate, ut divinam voluntatem non impediat aut superet potestatem. Non est itaque dubitandum, pergit idem S. Augustinus, voluntati Dei, qui in caelo & in terra omnia, quaecumque voluit, fecit, humanas voluntates non posse resistere, quominus faciat id quod vult; quandoquidem etiam de ipsis hominum voluntatibus, quod vult, facit. Unde idem sanctus Ecclesiae Pater in haec verba (p) concludit: Habens sine dubio humanorum cordium, quo placet, inclinandum omnipotentissimam potestatem.

Jam vero quem fructum, O dilectissimi! ex fide omnipotentiae divinae, quam vobis hucusque exposui, capere nos oportet? Tametsi plures inde utilitates nobis parare queamus, tamen duas potissimum esse existimo, quae cum illa fide maxime coherent ac connectuntur. Prima est, ut magnam in in orationibus, quas Deo offerimus, fiduciam habeamus; nam cum superioribus sermonibus infinitam Dei misericordiam ad nos pro necessitatibus nostris ad se clamantes exaudiendos promptissimam vobis explicuerim, cumque modo eidem misericordiae omnipotentiam conjunctam esse consitemur, quatione in nobis orantibus locus diffidentiae relinquit ulla tempore possit, non video. Commovet Dominum infinita misericordia, ut nos adjuvare velit, omnipotentia obvias quas vis difficultates de medio tollit: hinc si vult Dominus, utpote misericors, omnia potest utpote omnipotens, omniaque eidem effectu facilia sunt, eja! firmiter speremus, fore, ut, quod pie, humiliter, constanter ab eo petiverimus, consequamur. Obteam rem sanctam Matrem Ecclesiam orationes, quas divinae Majestati offert, sere omnes Spiritu sancto auctore in haec verba ordiri audimus: Omnipotens & misericors Deus, ut, dum Dominum omnipotentiae & misericordiae suae memorem esse optat, ille Ecclesiae concedat ea, quae

postulat; cum solari nos & velit & possit.

Altera, quam ex fide omnipotentiae Dei percipere debemus, utilitas in quodam sancto & iustissimo timore consistit, qui nos retrahat, quo minus eundem offendamus; nam cum omnipotentia misericordiae juncta spes excitet, eadem iustitiae addita metum cere debet. . . . Quid, amabo! facit, quisquis peccat? Nonne sic cum omnipotente Deo agit, ac si is omnipotens (qualis tamen re ipsa est) non esset, nihilque mali nocentibus inferre posset. Ita profecto peccatores faciunt, non tam verbo quam opere teste Jobo dicentes Deo: Recede a nobis; Et quasi nihil facere possit Omnipotens (q) estimabant eum. Et quicumque sic cum Omnipotente juxta ac Iustissimo agit, nonne metuere debet, ne iustissimae vindictae ejus telis configatur. Ita profecto . . . ait idem Jobus: Videbunt oculi ejus in infirmitatem suam, & de furore (r) Omnipotentis bibet.

Igitur si quando, O mei! sive diabolica suggestionem sive mala animorum vestrorum propensione trahi vos ad aliquod peccatum mortale advertitis, dicite cum animis vestris: Quid? Deum meum omnipotentem lacessam ego? Deum, qui nutu uno vita privare me ipso in scelere; qui diabolorum legioni obsequendum me tradere; qui meis me spoliare facultatibus; qui derepente infernale in barathrum agere praecipitem me potest? . . . Et tamen nulla me calamitas hac in vita excipiat, num ad alteram vitam transiens effugere unquam potero manus ejus? . . . Sic equidem se sapiens ille Eleazarus gessit, de quo liber secundus Machabaeorum (s) meminit: Erat is inter primores Scribarum, vir per omnia venerabilis, qui a ministris Regis Antiochi incitatus, ut cibos sanctae lege prohibitos comederet, violentiis eorumdem constanter obstitit; quod advertentes nonnulli amicorum ejus facileque propitios, eundem renisus sui pae-nas capitali supplicio expensurum fore, iniquo in eum amore alii persuadere eidem, quonabantur, ut comedere se memoratos ci-

bos

(n) Quæst. 22. de Verit. a. 8.

(o) Libr. de Concept. & Crat. c. 14.

(p) Luc. cit.

(q) Job 22.

(r) Job. 21.

(s) 2. 6.

bos fingeret saltem, quo hac simulatione & ad speciem edictis regiis faceret satis seque imminenti morti subtraheret. Quibus ille plenus Spiritu sancto: Quid inquit, ego nonaginta annos natus & Scribæ dignitate insignis pessimi moris exemplum hoc junioribus præbeam, meque ob amore miseræ hujus maximeque fragilis vitæ violatorem sanctæ legis fingam? *Nam etsi* (quod mihi restat vitæ perbreve curriculum) *in presenti tempore simpliciter hominum eripiar* (adverte, quantum momentum consideratio omnipotentis divinæ habeat) *sed manus Omnipotentis nec vivus nec defunctus effugiam*: Hac senex optimus animatus fide martyrium atrox gloriose sustinuit. Sic & nos, O dilectissimi! sicuti ad offendendum Deum quocunque modo aut a quacunque demum persona sollicitamur, ad nos conversi nobis ipsis dicamus: Quid erit, si consenserò? Primum

lædo Dominum, qui non offensas sed enim totum plane amorem meum promeretur: Deinde post perceptam illam indignam voluptatem, post partum iniquum illud lucrum, post satiatis illas brutas libidines num effugere potero ejusdem omnipotentis Dei manus, quem offendere mihi sumpsi? Et cum Deum omnipotentem inimicum mihi habeam, num quietis, num tranquillitatis quidquam capere animo potero; cum me Deus ille eo ipso temporis puncto, quo peccato consentio, quo consensum expleo, statim post patratum delictum tollere e medio queat, adeo ut nec vivus nec mortuus omnipotentis hostis hujus manibus subtrahere memet possim? *Manum Omnipotentis nec vivus nec defunctus effugiam*. Non sic, non sic: Absit usque ut peccem; absit ut Dei omnipotentis odium atque offensionem in me concitem.

SERMO IX.

De Providentia Dei, deque distributione bonorum & malorum temporalium.

Cum Deus noster optimus maximus prima rerum omnium effatrix causa, quod superius explanavi, existat; eum inter (ut Deus ille, qualis est, reapse sit) & nos inter (ut creaturæ, quales sumus, simus) felix quædam necessitas intercedit faciens, ut nos invicem atque mutuo respiciamus; adeo ut & ipse (posito, quod nos subsistere velit) a respiciendo ac juvando nos cessare non possit: & nos (posito, quod subsistere debeamus) nostri conservationem non expectare ab eo non possimus. Oritur autem felix ista necessitas in Deo quidem ex eo, quod in se ipso essendi omnisque perfectionis, quæ in creaturis invenitur, principium contineat; in nobis vero ex nihilo, quod unum a nobis ipsis habemus, & ex eo, quod *Esse* nostri (uti consequens est) continuationem (quam alio vo-

cabulo *Conservationem* dicimus) atque ea, quæ hanc continuationem sequuntur, omnia a Deo expectemus. Hinc sublimi non minus quam succosa phrasi Deus ipse auctorem libri *Sapientiæ* (a) pronunciare fecit: *Quomodo autem posset aliquid permanere, nisi tu voluisses, aut, quod a te vocatum, non esset, conservaretur?*

Itaque cum a solo Deo conservatio procedat creaturarum omnium, quæ, ut primum vel uno temporis puncto vis divina conservatrix influens cessaret, mox in primævum nihilum suum redituræ essent; sequitur, Deum dum creaturas suas, ut sint, conservat, una eisdem pro ratione consiliorum, quæ de illis sua infinita sapientia formavit, providere. Quo in loco cum S. Thomas observetis velim, providentiam generali notatione acceptam nil aliud esse, quam
dire-

(a) c. ii.

directionem seu ordinationem rerum ad finem præstitutum: Ratio ordinandorum in finem proprie providentia est (b) atque ob id ille demum Princeps providentiam habere dicitur, qui res imperii sui ad tranquillitatis communis scopum ordinat: Cum autem tranquillitas communis sibi postulet, ut & boni præmia accipiant, & mali pœnas luant, idcirco Princeps, quem posui, non solum tum, cum probos præmiis sed etiam tum, cum improbos (ita exigente pacis communis ratione) suppliciis affecerit, providentiam exercebit; ex quo error ignoræ plebis apparet, quæ sub nomine providentiæ solas beneficas actiones accipere consuevit, & ob eam ipsam rem, dum aut bono desiderio privatur aut malum quoddam, quod culpis suis promeruit, sustinere cogitur, istam agendi rationem providentiæ nomine vocare non novit; cum tamen providentissimo consilio fiat, ut pœnæ exigantur sive bona desiderata negando sive mala formidata irrogando, quandoquidem etiam hoc ipsum ad communem pacem quam maxime conducit; nam quæ demum stabilis quies haberi posset, si ii, qui facinoribus suis communem turbant tranquillitatem, ab imperante nec reprimi nec castigari deberent?

Jam (ut ad Deum transeat oratio nostra) statuimus primum, inesse in Deo respectu creaturarum suarum & maxime respectu nostri exquisitissimam ac plane divinam quandam providentiam; quæ cum sit rerum ad finem congruum ordinatio (ut superius monui) nec alium finem sibi propositum habere Deus possit quam semetipsum, nimirum suam gloriam: ob eam rem providentia Dei in eo consistit, quod creaturas suas ad gloriæ suæ manifestationem dirigat: Omne bonum; ait S Thomas, quod est in rebus, a Deo creatum est: in rebus autem invenitur bonum, non solum quantum ad substantiam rerum sed etiam quantum ad ordinem earum in finem, & præcipue in finem ultimum, qui est bonitas divina. Hoc igitur bonum ordinis, in rebus creatis existens, a Deo crea-

tum est; cum autem Deus sit causa rerum per suum intellectum, & sic conjunctus sui effectus oportet rationem in ipso præexistere; necesse est, quod ratio ordinis rerum in finem in mente divina præexistat. . . . Ipsa igitur ratio ordinis rerum in finem providentia in Deo nominatur.

Neque in animos vestros inducatis id velim, quod alii ignorantia, alii impietate seducti affirmant: Deum respectu principalium quidem partium hujus universitatis & etiam respectu nostri creaturarum suarum intellectualium (quod ad præcipuas nostras actiones & consilia attinet) providentia sua uti; de reliquo eundem, ut res pro ratione sive instinctus, sive propensionis suæ fluant, permittere, quin ad eas (ut sic dicam) animum advertat, quin de illis cogitet, quin ullo eas modo dirigat: Addunt istiusmodi homines, infinitæ Dei majestati aut injuriosum aut molestum fore, res quasvis minimas attendere atque ordinare, suo scilicet modulo Deum maximum metientes. Non sic, O mei! Non sic: (Occlamat primum Fides, deinde & ratio) Non sic se res habet; quin contra creaturis etiam minimis providentiam suam Deus adhibet, & unamquamque facturam ad finem gloriæ suæ dirigit, illa iis modis utens, qui ad gloriam suam facere possunt. Etenim in divino Sapientia (c) libro præcise dicitur, Deum omnes omnino res (nulla excepta) providentiæ suæ ope gubernare: Tu autem, Pater, gubernas omnia providentia. Et David impulsu Spiritus sancti actus, (d) in hæc verba canit: Omnia a te expectant, ut des illis escam in tempore: Dante te illis colligent; aperiente te manum tuam omnia implebuntur bonitate. Oculi omnium in te sperant, Domine! & tu das escam illorum in tempore opportuno. Alibi dein ad singularia descendens ait, Deum esse, qui operit calum nubibus, & parat terræ pluviam: qui producit in montibus sanum & herbarum servituti hominum (e) qui dat juvenitis escam ipsorum & pullis corvorum invocantibus eam (f) Quid ad hæc vobis videtur, O Dilectissimi! An Dei

(b) 1. p. q. 22. mt. 1.
(f) Psalm. 146. v. 9.

(c) cap. 14.

(d) Psalm. 103.

(e) Psalm. 146. v. 8.

Dei de creaturis suis, utcumque minimis ac vilissimis, providentiam Scripturæ sacræ clarius atque apertius manifestare possent?

Verum Servatorem nostrum audire juvat, quæ ille ratione providentiam hanc, idque maxime data sibi quadam homines ad habendam in illa fiduciam animandi occasione, exprimat. In hæc autem verba loquitur: *Ideo dico vobis, ne solliciti (g) sitis anima vestra, quid manducetis, neque corpori vestro, quid induamini: Respicite volatilia cæli, quoniam non serunt neque metunt neque congregant in horrea, & Pater vester cælestis pascit illa; Nonne vos magis pluris estis illis? ac si dicere vellet: Si Deus curas suas eo etiam convertit, ut tot volucres cæli quotidie & quavis anni tempestate pascat, quin illæ reponere sibi alimenta in anni importuna tempora curent, id quod tot alia animantia, a providentia Dei eo stimolata, faciunt; nonne magis vestri curam geret, qui creaturæ estis maiestatem ejus, potentiam, benignitatem cognoscentes, tantumque volucres cæli omnes vestræ naturæ præstantia antecellit: Nonne vos magis pluris estis illis? Pergit dein idem Servator, dicens: *Et de vestimento quid solliciti estis? Considerate lilia agri, quomodo crescunt: non laborant neque nunt. Dico autem vobis, quoniam nec Salomon in omni gloria sua coopertus est, sicut unum ex istis. Si autem sænum agri, quod hodie est & cras in clibanum mittitur, Deus sic vestit, quanto magis vos, modicæ fidei? Jam toto hoc Filii Dei sermone nonne quædam plane peculiaris Numinis versus creaturas minimas providentia manifestatur? Quid enim, quæso! in viventibus sensitivis vilius avicula? Quid in viventibus vegetativis abjectius sœno? Attamen pro his quoque Christo teste Dei excubat providentia. Ubi vero de nobis, hominibus, loquitur Servator, ait: *Capilli capitis vestri apud Deum omnes numerati (h) sunt: Cæ illius de capite vestro (i) non peribit. Et hoc non sit, rerum vilissimarum ac minutissimarum curam providentiamque habere? Percepistis, quid Fides moneat: jam, quid ratio dicet, percipite.***

P. Cuniliati Catechista.

S. Thomas volens hanc, de providentia Dei in quavis re particulari, veritatem ratione ipsa confirmare, sequentem thesin statuit: *Neceesse est dicere (k) omnia divina providentia subiacere non in universali tantum sed etiam in singulari*, id quod sequenti argumento probat: Omne Agens intellectuale (si quidem prudenter agit) agit in ordine ad aliquem finem, prout in nobis ipsis fieri quotidie videmus; ex quo sequitur, quod tantum se extendat ordinatio effectuum in finem, quantum se extendit vis influens sive causalitas primi Agentis. Solum tum contingit, ut in operibus alicujus Agentis aliquid proveniat non ad finem ordinatum, cum effectus ille consequitur ab alia causa, quæ Agenti non subiacet; nam de cetero omnia, quæ Agenti subsunt, ab Agente ordinantur in finem præstitutum. Jam illud manet, Deum esse primam omnium causam: esse Agens, cujus influxum sentire, a quo pendere debet res quælibet in omnibus, quæ in illa inveniuntur; ex quo consequitur, fieri non posse, quin omnia, quæ in re quavis inveniuntur, a Deo ad finem, quem vult, scilicet ad gloriam suam dirigantur; atque ob id necesse est, ut quælibet creatura etiam quoad minima, quæ in illa reperiuntur, ad hunc finem a Deo ordinetur ac dirigatur; cum nulla sit res, utcumque minima, quæ a Deo non cognoscatur & (quod sequitur) ad finem gloriæ suæ non dirigatur, atque ob eam ipsam causam ad ordinem providentiæ non pertineat: Quapropter in hæc verba concludit S. Thomas: *Unde necesse est, omnia, quæ habent quocunque modo Esse, ordinata esse a Deo in finem . . . Cum ergo nihil aliud sit providentia Dei, quam ratio ordinis rerum in finem, necesse est, omnia, in quantum participant Esse, in tantum subdi providentiæ divinæ.*

Hoc ipsum sanctus Doctor egregia similitudine, quæ alterius argumenti instar esse debet, confirmat: Certum est, Deum omnes creaturas suas in hac rerum universitate eo fere modo spectare, quo perfectus consummatusque artifex artis suæ opus spectat.

G

Ob

(g) Matth. 6. (h) Luc. 12. (i) Luc. 20. (k) 1. part. quest. 22. art. 2.

Ob id Spiritus Sanctus affirmat, sapientiam Dei rerum omnium artificem esse: *Quis horum, quæ sunt, magis quam illa (1) est artifex.* Jam vero artifex numeris omnibus absolutus non solum præcipuas sed & minutissimas artificii sui atque operis partes ad finem constitutum ordinat; hinc non erit in illo opere loculamentum aut angulus, qui ad artis directionem non attineat: Tantoque majoris perfectionis esse artifex dicitur, quanto magis noverit reddere rationem cujusvis minutissimæ particulæ sui operis, & qua de causâ huic particulæ hunc vel illum situm dederit. An vero putatis esse artificem creatum, qui (in ordine ad suum opus) Deo (in ordine ad productionem hujus totius universitatis) componi possit? Nullus certe hujus generis existit. Igitur quæcunque in hac universitate invenire est, ea plane omnia ad divinæ providentiæ, quæ eadem artificiosissime fabricata est, directionem continent, habetque Deus cujusvis consequentis eventus sapientissimam juxta ac providentissimam causam: *Cognitio Dei comparatur ad res, sicut cognitio artis ad artificata, ideo necesse est, quod omnia supponantur suo ordini, sicut omnia artificata subdantur ordini artis.* Quapropter, Dilectissimi! cum plane omnia (re nulla excepta) a divina providentia gubernentur, eandem in omnibus, quæ vobis accidunt, rebus sive prosperis sive adversis Fidei spectare oculis, adorare, eidemque vos submittere assuescite firmiter tenentes, ab ipsa res omnes ad nostram utilitatem (ceu finem, quem spectat, immediatum) & ad gloriam suam (ceu finem ultimum, quem spectare necessario debet: finem, quo sanctior ac nobilior reperiri nequit) dirigi. Ne tentari animos vestros permittatis, eoque non intelligatis, quæ ratione hic vel ille eventus bene dirigi possit: Hoc namque, O mei! nil aliud foret, quam arroganter sese immittere velle in imperscrutabilia consilia Mentis illius infinitæ, quam (cum Mentem esse Dei, qui omnia scit, omnia videt, omnia potest totusque bonitas est, novimus) submissio adorare animo, nequaquam superbe

investigare debemus. Ob eam rem S. Joannes Damascenus (m) ait: *Solus Deus natura bonus ac sapiens est; quatenus igitur bonus providet (neque enim bonus est, qui non providet, nam & homines & bruta proli sua naturali quodam affectu propiciunt, & vituperatur, qui non prospicit) quatenus autem sapiens est, quæ sunt, optime procurat. Ac proinde nobis faciendum est, ut hæc attento animo considerantes omnia providentiæ opera suspiciamus, omnia laudemus, omnia citra ullam censuram comprobemus, quamlibet ea plerisque iniqua videantur, quod videlicet nec Dei providentiæ cognosci comprehendique possit, & nostra cogitationes & adiones & futura ipsi soli nota atque comperta sunt.*

Nunquid, amabo! consistimini ex Fide catholica, perfectiones Dei re ipsa infinitas esse? Hoc utique tenetis; Erit ergo & providentia Dei infinitæ cujusdam perfectionis. At si infinitæ perfectionis est, ratio exigit teste Nemescio (n) magno illo inter Christianos seculi quarti vel quinti philosopho, ut universa capi comprehendique a finita angustaque mente (cujus generis & nostra & creaturarum omnium in unum collectarum est) nequeat; nam si universa vel caperetur vel capi a finito intellectu posset, quæ ratione infinita foret? Itaque confiteri cogimur, nos nec posse nec debere capere omnes providentiæ cælestis vias ejusdemque de creaturis suis consilia. Multo minus est, quod illius agendi rationes, quæ angustissimo intellectui nostro ineptæ minusque accommodæ esse videntur, improbenus; immo vel maxime officii nostri est, easdem submissis animis revereri: confiteri, quod eas non capiamus, atque nihilofecius ut rectissimas, sapientissimas, accommodatissimasque suspicere, quippe rationes Dei providentiæ præditi infinita: *Si infinita est, nobis erit ignota; quamobrem par non est, nostram inscitiam ad rerum curæ ac providentiæ subversionem transferre.*

Ah Deus! Ita exclamantem vestrum aliquem audire mihi videor, Ah Deus! Veneror, adoro providentiam tuam, eidemque me subjicio; Verum vehementi error tentatione videns improbos secunda, probos contra ad-

versa

(1) Sapient. 8. (m) Lib. 2. de Fide orthodox. c. 29.

(n) Lib. de Philos. in append.

Opp. S. Greg. Niseni.

verſa fortuna uti; quandoquidem iniquitas juſtitiae praevallet, & impiis quidem malitia prodeſt ſua, piis innocentia nocere videtur.

Quæſtionem hanc ſermone ſeptimo attigimus atque diſſolvimus pro eo ut materia, quæ ibi tractabatur, poſtulabat. Cognofcite modo, qua ratione tentationem hanc veſtram, cum & vetus ſit & pervulgata ac communis, Patres ſancti præcipue autem Fidei chriſtianæ Apologiſtæ deſtruxerint, & (quoniam ad populum fidelem verba facio) percipite, ſi lubet, duas S. Ambroſii conſiderationes. Mementote, ait ſanctus hic Doctör, mementote propoſitæ a Chriſto parabolæ divitis epulonis: tripudiabat ſe in vita, utcunque peccator; contra Lazarus, juſtus, mille miſeriis conſtitabatur. Quid autem evenit? Hunc fatiſ ſanctum Angeli in ſinum Abrahamæ deportarunt; ille in inferno ſepultus eſt: Poſt obitum vero (o) utriusque, pauper erat in ſinu Abrahamæ requiem habens, dives in ſuppliciis. Ex quo, pergit idem S. Ambroſius, nonne evidens ſit, meritörum aut ſupplicia aut præmia poſt mortem manere? Nonne injuſte, nonne incongrue ageret, qui coronas ante conſiliſ ſinem diſtribueret? Nonne injuſtus eſt, qui ante dat præmiũ, quam certamen fuerit abſolutum? Nequaquam vita hæc præſens eſt, in qua bene actorum præmia ferantur, male actorum pendantur ſupplicia; ſed enim vita futura: Quid ergo alibi poſcis, quod alibi debet? Quid præpropere coronam exiſtis, antequam vineas? Eſt vita hæc arena certaminis, non præmii locus. Ponite, ait idem ſanctus Doctör, ponite ante oculos veſtros eos, qui ſedentes ſpectant & pugiles in arena concurrentes intuentur; Habent ſe illi commode, bene teguntur membra, jucunditatem cre præferunt; Quare iſtud? Quia ſpectatores, non athletas agunt. Jam ponite athletarum quendam eiſdem dicere: Eja! deſcendite una nobiſcum generoſo pulvere forſidandi! Quid ad hæc reſponſaros ſpectatores eſſe putatis? Sedemus hic, inquit, de veſtra fortitudine judicaturi: Vos ad extremum abſque nobis, ſi viceritis, gloriæ coronam referetis: Unguen-

tati ſpectare ſolent, non decertare: non ſolem, æſtus, pulverem imbresque perpeti. Dicant ergo & ipſi athletæ: Venite nobiſcum laborare; ſed reſpondebunt ſpectatores: Nos hic interim judicamus de vobis, vos autem ſine nobis coronæ, ſi viceritis, gloriam vindicabitis. Ita ſerme, ait idem S. Ambroſius, vita hæc præſens ſe habet: Iſti igitur, qui in deliciis, in luxuria, in rapinis, quæſtibus, honoribus, vitiis ſtudia ſua poſuerunt, ſpectatores magis ſunt quam præliatores. . . ſed exſolvent ſeram licet nequitia ſuæ penam. Horum requies in infernis, tu vero in cælis. In eandem ſententiam tanti Doctöris in Chriſto filius, putæ S. Auguſtinus (p) pronunciat: Placuit divinæ providentiæ præparare in poſterum bona juſtis, quibus non fruuntur injuſti, & mala injuſtis, quibus non eruciabuntur boni.

Opponet aliquis: Bene, dicis Pater! aſt interim impij bonis hujus vitæ fruuntur, juſti miſeriis premuntur. Ah Dilectiſſimi! advertite pauliſper animos, & quam in hoc ipſo adorabilis ſit Dei providentia cognofcetiſ. Edicite: Nonne vitæ Chriſti & totiſ ſancti Evangelij ſumma omnis eo reddit, ut nobis voluptatum, deliciarum atque amplitudinis mundanæ contemptus: & e contrario anxium, bona piis in futuro ſeculo promiſſa acquirendi, ſtudium atque ſollicitudo perſuadeatur? Hoc quavis ſerme pagina novum Teſtamentum monet: hoc vita Chriſti omnis prodiſ, qui quam parce, quam egene, quantas inter miſerias vixerit, nemo eſt, qui ignorat. Jam ſi divina providentia bonorum probitatem hujus vitæ proſperitatibus præmiaret, & improbitatem malorum hujus vitæ malis atque miſeriis caſtigaret; nonne obicem ipſa poneret perſuaſioni: multo ſcilicet majora eſſe tum præmia tum ſupplicia, quibus ſuo tempore & remuneretur virtus & impietas puniatur? Nonne ex hoc humana infirmitas occaſionem arriperet credendi, bona hujus vitæ vera bona, mala hujus vitæ vera mala eſſe; quare fieret, ut hæc pro viribus vitarentur; illa, cum contemni debeant, omni ſtudio quærerentur. Quapropter Dei providentia, ut cognofcendum det, neque vera bona neque vera mala eſſe

G 2

in

(o) S. Ambroſ. Lib. 1. de Offic. c. 15.

(p) Lib. 1. de Civit. Dei. c. 8.

in præfenti vita, alio uſa conſilio ordinavit, ut & multi juſtorum hujus vitæ miſeriis ſubjacerent & multi impiorum hujus vitæ proſperitate fruenterentur. Sic argumentatur (q) magnus ille Auguſtinus: *Iſta vero temporalia bona & mala utriusque voluit eſſe communia, ut nec bona cupidius appetantur, quæ mali quoque habere cernuntur; nec mala turpiter evitentur, quibus & boni plerumque afficiuntur. Nam, pergit idem S. Doctör, ſi nunc omne peccatum manifeſta pleſſeret pœna (miſeriis hujus vitæ) nihil ultimo judicio ſervari putaretur; rursus ſi nullum peccatum puniret aperte (in hoc ſeculo) divinitas, nulla eſſe providentia divina crederetur.*

His aliam conſiderationem a S. Joanne Chryſoſtomo propoſitam addo. Quis ignorat, O mei! quantis calamitatibus humana natura noſtra, pro nativa ſua conditione, poſt peccatum obnoxia ſit; atque ob id quid magis, quam miſerias, experiri homo debet, ſive is in ſe ipſo ſive reſpectu malitiæ alienæ ſpectetur. Quod ſi homo in ſe ſpectetur; nonne humorum ſibi invicem reſurgantium, ex quibus componitur, miſtura eundem vivam quandam mille infirmitatum ſentinam, multorum variorumque dolorum ſibiſemipſi architectum & jugem vitæ propriæ latronem facit? Si reſpectu alienæ malitiæ ſpectetur idem; nonne facultates, fama, honores, dignitates res ejusmodi ſunt, quas æmulatio, invidia, rapinæ & vindictæ ſtudio ſibi quam lubentiſſime vendicant. Qua de re, cum homini (utra ex parte ſpectetur) tam congenitum ſit variis miſeriis atque infirmitatibus ſubjici; nonne oportuit, ut providentia ante viventium oculis perpetua quædam exempla ſervaret, a quibus mortales diſcerent, qua ratione ſeſe gerere in occurrentibus miſeriis deberent; Atque ut omnes mortalium querelas occuparet eadem providentia & importuna eorum lamenta intra ipſas fauces ſuffocaret; nonne oportuit, hæc exempla vitæ inculpatæ eſſe, ut hac ratione calamitates, quibus illa a divina providentia exercenda eſſent, pro eo haberentur, quod revera ſunt, nimi-

rum pro crucibulo, in quo perfectio eorumdem probaretur, nequaquam pro juſto impietatis eorum ſupplicio. Oportuit itaque perſonas has juſtas & liquido juſtas eſſe, ut (quemadmodum monui) non ſupplicium judicaretur id, quod virtutis illorum tentatio fuit: ut omnes, ait S. Joannes Chryſoſtomus, in gravia incidentes ſufficientem conſolationem & mitigationem habeant in eis.

Et proſpecto quantum miſeriæ allevamentum capit ærumnoſus, ſi alios ſe meliores calamitatibus juxta ſecum premi videt: Et ſi homo bonæ ſrugis fuerit, quantum roboris ex eo ſibi parat, ſi miſerias, quibus & viri ſancti ſubjacuerunt & juſti jugiter ſubjacent, ſecum recogitat. Sapiens Seneca bona doctus philoſophia veritatem hanc ſolo naturali lumine adjuvante agnovit, quando ait: *Quare bonis viris accidant mala, cum ſit providentia?* reſpondetque ſibiſem in hæc verba: *ut etiam alios prius doceant.* Ob id ſubdit, neque paupertas poſteaquam illam Fabricius toleravit: neque exilium, poſteaquam id Rutilius tulit: neque venenum, poſteaquam illud Socrates hauſit: neque ignis, poſteaquam eum Mutius ſenſit: neque mortis inſidiæ, poſtquam eas Cato expertus eſt, malis accenſeri debent; concluditque in hæc verba: *Egeſtatem, labores, calamitates æternaque corporis incommoda inter mala non eſſe enumeranda; quare id? quod Cato ea pertulerit.* Quamobrem ſi pro ſapienti judicio unius Stoicorum miſeriarum a viris probis devoratarum exemplum ad confirmandos mortalium animos tantum pondus habet, ut illæ, quippe a tot illuſtribus viris præcipue vero a Catone toleratæ, malis annumerari non debeant; quid, amabo! nos, nos (inquam) quos Fides ſanctæ & philoſophia chriſtiana erudit, de iis ſtatueri oportet? Cum ſciamus, quantis uſque calamitatibus per temporum vices tot viri vere ſancti conſtitati fuerint; ſed quid dico Sancti? Cum ſciamus, eiſdem ipſum Dei Filium ſubjacuiſſe. Et ſi rationis lumen naturalisque philoſophia Stoicum illum commovit, ut hujus vitæ miſerias inter mala numerari non debere aſſer-

(q) *Loc. citato.*

firmarit, quod Cato eas pertulerit; num nos easdem inter mala computabimus ex Fide infallibili supernaturali scientes, quod Christus eas pertulerit?

Certe in hunc, O Dilectissimi (si quando justos in hoc seculo affligi a Deo videmus) in hunc Fidei desigere oculos, dice-reque nos oportet: Non sunt hæc vera mala, quod Christus ea pertulerit: Immo debet nos illius exemplum inducere, ut eadem pro veris bonis habeamus, per quæ regnum æternum acquirimus, per quæ ipse Servator in regnum cælorum, utut Dominus illius, voluit pervenire: Hæc oportuit Christum pati (r) & ita intrare in gloriam suam. Qua de re S. Petrus Apostolus fideles omnes monet: Hæc est enim vera gratia & insigne Dei beneficium, si propter Dei conscientiam (ut se servet in amicitia Dei) sustinet quis tristitias patienter injuste: Quæ est enim gloria, si peccantes & coluphizati sustentis? Sed si bene facientes patienter sustinetis, hæc est vera gratia apud Deum: In hoc enim maxime vocati estis ad Fidem, quia Christus passus est pro vobis (s) vobis relinquens exemplum, ut sequamini vestigia ejus. In eandem sententiam

Apostolus Paulus ait: Recogitate eum, qui talem sustinuit a peccatoribus adversus semetipsum contradictionem, ut ne fatigemini, animis vestris deficientes; nondum enim uique ad sanguinem resististis, prout ipse, adversus peccatum (t) repugnavit. Sic est, O mei! sic est; Quando affligi vos sentitis, primum quidem dicite: Sit benedicta providentia Dei, quæ me a peccatis meis purgare in hoc seculo dignatur: Quod si omnino infontes estis (ægre admodum sic se res habebit; cum unum solum peccatum mortale omnibus seculi hujus miseriis obnoxios nos facere queat) si omnino infontes estis, per-gite nihilominus laudes dicere providentiæ divinæ, tot Sanctorum immo Sancti Sanctorum (scilicet Christi Jesu) exemplo vosmetipsos animantes dicentesque cum animis vestris: In hoc maxime Fidem Christi profiteor: in hoc vocatus sum; quia Christus innocentissimus pati voluit, ut haberem exemplum, quo me excitem, cujus vestigia premam: quia Christus passus est pro me, mihi relinquens exemplum, ut sequar vestigia ejus: id quod & mihi & vobis concedere ipse velit, Amen.

(r) Luc. 24.

(s) 1. Petr. 2.

(t) Hebr. 12.

SERMO X.

De errore Justorum, qui in angustiis suis providentiæ cælesti dissidentes modis peccaminosis consulere sibi tentant.

Quanquam afflictiones, labores, angustiae ac tribulationes adjumenta quædam sint, quibus divina providentia & peccatores ad se conversos & justos infontes ad æternæ beatitudinis metam perducere consuevit (id quod Sanctorum ferme omnium historiæ produnt) tamen fieri, neque raro, solet, ut justificati aut just, cum se non exaudiri a Domino, ad quem pro obtinendo ærumnarum suarum auxilio confugiunt, vident; paulatim ab oratione, qua fortitudinem, patientiam perseverantiam-

que sibi impetrent, cessantes referre pedem, ac propositum a diabolo consilium (scilicet miseriarum levamen modis peccaminosis sibi parandi) animis agitare occipiant tandemque suggestioni hostili cedant necessitatibus suis temporariis (sive furando res alienas sive alias injustitias admittendo sive procorum amoribus se permittendo) consulentes, relictaque legis divinæ observantia ex offensis Numinis id auxilii expectantes, quod precibus ad Dominum suis obtinere (ut putant) nequiverunt. De impio hoc

G 3

juxta

juxta ac perniciosissimo errore die hodierna ad vos dicere, O mei! vobisque ostendere constitui, hoc genus consilii temporalem ut plurimum perniciem, æternamque ex morali quadam certitudine afferre; ut hac ratione tum justis ac pœnitentibus miseris temporalibus obnoxii (si qui horum auditorum meos inter existunt) fideles se Deo servant tum ii, qui, ut necessitatibus suis temporariis subvenirent, Superos offenderunt atque offendunt, perniciosissimum hoc consilium quamprimum abjiciant.

Ponamus igitur, personam quandam Deo adjuvante constanter in sancta gratia illius vivere & nihilominus multis calamitatibus atque ærumnis temporalibus subjacere, immo illis ob hoc maxime subjacere, ut fidem Deo servet, & ab illius offensione se abstinere; cum habeat aliquem, qui, si ipsa consentire peccato velit, quodvis auxilii genus polliceatur. Num quæso! in animum inducere unquam poteritis, Deum, hanc creaturæ fidelitatem cernentem, eidem opem suam denegaturum esse? Quales nos, amabo! nosmet præberemus ei, qui magnorum præmiorum spe ad gravem nobis injuriam inferendam stimulatus repudiata constanti animo conditione quavis in ea sententia perstaret, nolle se nobis ullo modo injurium esse, satiusque haberet, egeat atamen in fide atque amicitia nostra, quam ex injuriis nobis factis opipare ac splendide vivere. Si hæc (inquam) comperta & explorata haberemus, nobisque potestas illius nobis fidelissimæ personæ miseria & ærumnas allevandi foret, anne tam duro corde essemus, ut testata adeo fidelitate tantoque amicitie candore non moveremur: amicitie (inquam) quæ mediis consiliariis miseris quam per nostras offensas ad vitæ commoditates grassari mallet? Omnes, credo, una necum dicetis: Quin omni contentione huic tali seramus opem; Quin eundem ut amicum longe fidelissimum complectamur; Quin multis nosmetipfos commodis priveamus, ut tam constanti, tam suorum commodorum negligenti, tam probatæ charitati respondeamus: Et quisquis nostrum talem

se non gereret, nunquid dignus esset, qui humana societate ejectionis in sylvas & inhospita ferarum tesqua compelleretur, tigrides inter atque a'roces pantheras dies exacturus suos. Et post hæc, O mei! cogitare nobis liceat, hunc humanitatis sensum, quem nos versus amicum talem habituri essemus, in Deo non inesse? In Deo, qui amoris infiniti, quo amicos suos diligit, argumenta adeo evidentialia nobis reliquit: In Deo, qui tot tantisque malis modis tractari sese suspendique e cruce permisit, ut omni, quod accipere possemus, bono nos cumularet: In Deo, qui tot verbi sui divini oraculis fidem obstrinxit suam, se fideliter se amatuos sibi que exacte servituros nunquam derelicturum esse.

Prosequamur cœptam hypothesin. Quantam, amabo! injuriam eadem nobis persona faceret, si dissidens opi nostræ verensque, ut auxilia, quæ præstari sibi a nobis posse novit, præstare nos non vellemus, cederet tentationi & absque ulla ratione injurias, a quibus inferendis primitus abhorruit, subin inferre nobis sibi sumeret, adjungensque se partibus inimicorum nostrorum multum nos graviterque offendere pergeret? Profecto hæc nos injuria magis commotura esset, quam quævis alia, qua nos afficeret; Quid, diceremus; Quid? Irrationalis dissidentie causa (ne forte testatæ fidelitati suæ grato animo non responderemus) inducere animum, non meritis nos afficere injuriis! Quid? persuadere sibi, nos ea auxilia intermissuros, ad quæ serenda humanitatis & amicitie juribus obstringimur! Hinc ægre serentes, quod persona illa levem adeo mutæ amicitie fiduciam nobis habuerit, decreturos nos fore existimo, facere modis debitis, ut injuriæ hac re nobis illatæ gravitatem illa cognoscat. Jam vero nonne adeo graviozem putatis esse injuriam, quam justus ærumnis pressus Deo facit, siquando in calamitatibus suis temporariis cælesti dissidens auxilio tentationi cedit, peccatisque & offensionibus Numinis sese permittit, ut opem, quam a Deo se non

acce-

accepturum esse metuit, sibi paret. Proh injuriam longe atrocissimam!

Sunt hæc verissima, dicet aliquis, at quid agat bonæ frugis persona, quæ post preces ad Deum pro obtinendo in angustiis temporalibus auxilio suas non solum nihil allevamenti recipit, sed etiam in pejus rueres suas videt? Quæritis, quid persona hujusmodi agat? Subjiciat sese illa paternis Domini consiliis; recogitet peccata præeritis a se admissa temporibus, intelligatque non esse mitius satisfactionis, quam pro illis Deus exigit, genus quam ærumnas; cogitet, flagella temporalia certissimum quoddam pignus esse, nos a Deo in filiorum numerum adoptatum iri; cum sit Fidei axioma: *Flagellat omnem filium (a) quem recipit*: In cujus regni signum, ait S. Augustinus (b): *Et quoniam flagellat omnem filium, quem recipit, nec unco pepercit, in quo delictum non invenit*. Quæritis, quid persona hujusmodi agat? Cogitet, pergit S. Augustinus, certumque teneat, sibi constanter invocanti ad futurum Deum, si nullo alio, certe occulto auxilio; quod auxilii genus manifestæ antecellit opi: *Genus mei fensa*, ait idem S. Augustinus, latius pando. Ecce! tres pueri a Nabuchodonosore in fornacem ardentem conclusi & invocato Dei nomine prodigiosum in modum liberati sunt: Septem fratres Machabæi inter alia supplicia flammis ab Antiocho dati sunt, & ab atrocibus illis tormentis non liberavit eos Dominus. Utunque sit, tamen & hi & illi liberati sunt, illi quidem manifeste tum quoad animam tum quoad corpus, hi vero occulte quoad solam animam (quippe quibus Deus miram illam in lege majorum suorum constantiam est largitus) non autem quoad corpus (quippe quibus præmia æterna d sinarat) *Deus quorundam occulte (c) quorundam vero liberat publice, occulte sicut Machabæos, publice sicut tres pueros de camino ignis educens*. . . . Quid hic credimus fratres! nisi quia liberati sunt? sed *occulta fuit eorum liberatio. At vero tres pueros aperte de camino ignis liberavit: quia & corpus eorum erutum est, salus eorum publ-*

ca fuit; illi ergo sunt in occulto coronati, isti in aperto liberati: omnes tamen salvati. . . . *Est ergo liberatio occulta, est liberatio manifesta; liberatio occulta ad animam, liberatio manifesta etiam ad corpus pertinet; in occulto anima liberatur, in manifesto corpus*. Debet itaque iustus temporaliter afflictus & a Deo (ut ut oret) forte temporaliter non liberatus debet, inquam, occultæ liberationis genus illud firmiter expectare, hoc est: debet a Deo petere & firma cum fiducia expectare adjumenta patientiæ, resignationis, perseverantiæ, quibus ipsis anima in tormentis temporalis afflictionis posita limatur atque perficitur; id quod certe fiet, si Dominum humiliter fideliterque exorare non cessaverit. atque hac ratione, tametsi Dominus iustum confici miserii & absumi calamitatibus permittat (uti tormentis ac flammis consumi Machabæos & mille alios Sanctos permittit) permagnis tamen meritis animam ejus dabit, quorum ope ille ad altissimos gloriæ cælestis gradus in omnem æternitatem evehat; *Eritque occulta sua liberatio, quæ ad animam pertinet*, liberatio temporali liberatione tanto præstantior, quanto bono sanitatis aut facultatum terrestrium majus est bonum gloriæ sempiternæ.

Dixi: *A Deo forte temporaliter non liberatus*; nam quot iustis afflictis Dominus, postquam illos diuturna tribulatione ad eum perfectionis gradum, quem infinita sua providentia intenderat, extulit, etiam manifestam liberationem, liberationem quæ teste S. Augustino ad corpus pertinet, impendit? Divinæ hujus mutationis exempla innumera tum in sacris codicibus tum in historiæ ecclesiasticæ commentariis legere est. Nos unam Fidei historiam seligamus: Edicite, num quisquam unquam exstitit Jobo quoad temporalia afflictior? Atque ut plus ireretur miseria sua, de ipso felicitatis omnigenæ culmine, de ipso abundantia rerum omnium fastigio ad imam detrusus est necessitatem exutus facultatibus cunctis, spoliatus filiis suis, privatus sanitate & (quod longe acerbissimum est) derelictus ab omnibus

(a) Hebr. 12.

(b) Psalm. 136. Conc. 3.

(c) S. Aug. in Psalm. 68. Conc. 2.

bus derisuique abs uxore ipsa habitus: Et reliquit illum Deus in flebili hoc statu sat longo temporis spatio. Verum quid evenit? Ita ad extremum bonis temporalibus eum fortunavit Dominus, ut illi non solum, quæ prius habuerat, reddiderit sed etiam duplicato reddiderit; Et (cum illorum temporum divitiæ in eo consisterent, ut quis, præter agros & prædia, jumentorum variorumque animantium greges haberet) ob id Dominus quatuordecim ovium millia, sex camelorum millia, duo millia boum, & jumenta mille Jobo dedit fecitque, ut septem denuo filios filiasque tres formæ decore facile omnium principes & ingenti dote præditas fusciperet, concessitque ei insuper, ut alios centum quadraginta annos viveret videretque filios filiorum ad quartam generationem. Percipite verba sacri textus: *Dominus autem benedixit novissimis Job magis, quam principio ejus; & facta sunt ei quatuordecim millia ovium & sex millia camelorum & mille juga boum & mille asinae & fuerunt ei septem filii & tres filiae . . . non sunt autem inventæ mulieres speciosæ sicut filiae Job in universa terra, deditque eis pater suus hereditatem inter fratres earum: Vixit autem Job usque ad quartam (d) generationem.*

Jam quemadmodum secundum irrefragabile S. Scripturæ (e) testimonium Dominus mortalibus Jobum tanquam patientiæ exemplar proposuit, ita etiam vult, ut ad illius modum iusti & innocentes suis in miseris sese gerant; utentes scilicet integerrima subjectione erga providentiam Dei: utentes humilitate seque ob peccata sua multo majoribus malis dignos agnoscentes: utentes fiducia, sublevandos se esse, si id saluti animarum suarum magis conduxerit: utentes firma spe, resignationis se suæ præmia accepturos. Et quemadmodum magnum illum justum tanquam patientiæ exemplum propositum nobis habemus: ita eundem ceu documentum quoddam habemus, quo angustiarum, in quibus nos Dominus posuit, allevamentum ab ipso Domino expectare erudimur (dummodo nos patientiam, & sub-

jectam divinis consiliis voluntatem, uti ille, servaverimus) allevamentum, inquam quod innumeri viri prohi, magnis oppressi calamitatibus, receperunt; quorum multos ipsi forsitan novimus.

Bene est, respondentem quendam audire mihi videor, verum quid agat, qui patienti animo saltem seque divinis submittit consiliis, & tamen miseras suas, cum minui deberent, incrementum capere indies videt? Quid hic agere debeat, jam superius vobis exposui: Aut monentem me audire vultis forsitan vel saltem permittentem, ut peccaminosis conditionibus, a ministris dæmonis vobis oblatis, utamini; ut, quod tentatio vobis suggerit, Dei offendendi consilium sequamini: ut modis illicitis (a justitia & charitate certe lege divina prohibitis) consulatis vobis? At quodnam aliud a ratione alienius juxta atque sceleratius propositum venire in mentem vobis posse putatis? Nunquid tam certum, O mei! quam certa Fides, nullum boni genus accidere nobis, quod non e manibus Domini prosuat. Ita profecto est, adeo ut qui vel in dubio haberet, aliquid boni genus contingere nobis posse, quod non a Deo sed diabolo aut ministris ejus aut alia quavis creatura independentem (ut aiunt) a Deo proveniat, hæreticus immo polytheista esset & idololatra plures admittens Deos: Innumerus locis S. Scripturæ a me dicta confirmant: *Qui dat escam omni carni. Omnia a te expectant, ut des illis escam in tempore. In manu Domini prosperitas hominis. Vita & mors, paupertas & honestas a Deo sunt* (f) Itaque illud ipsum levamentum, illud ipsum commodum, illud ipsum lucrum, quod peccati ope consequi vos posse putatis, evenire vobis unice a Deo debet, quo non volente aut non permittente nemo plane sive in cælo sive in terra sive in inferno largiri vobis illud potest: Sunt hæc certa ex Fide. Jam sciscitari ex vobis placet, num illud levamentum Deus facilius vobis concessurus sit, si vestris in angustiis fidos vos morigerosque ei præbueritis, an vero si eundem offenda-

tis

(d) Job. 42.

(e) Tob. 2.

(f) Psalm. 135. Psalm. 130. Eccles. 10. & 11.

tis atque injuriis afficiatis? Num quæso! probabilis similisue vero existimatis, Deum exoptatum illud miseriarum allevamentum offensis suis potius quam vestra patientia ac subjectione venditurum fore? Quid, edicite quæso! vobis videtur? Atque ut sapientiori responso quæsitis occurrere possitis, percipite, quæ ulterius dicturus sum.

Rex Israelis Ochozias, cum de cancellis cænaculi sui præceps decidisset eoque ex lapsu affixus lecto jaceret, impatiens insoliti, qui sibi contigerat, casus eoque liberare se cupiens, cum adire Dominum debuisset, confugere ad idolum Accaronitarum satius duxit. Tendentibus, quos Rex ire jusserat, nuntiis ad sacrilegum delubrum illud Elias occurrit Propheta, qui rem omnem divina edoctus revelatione eosdem gradum sistere & sacrilego Ochoziæ consilio damnato Regi hæc suo nomine nunciatum reverti jussit: *Nunquid non est Deus in Israel, ad quem confugiatis, ut eatis ad consulendum Beelzebub Deum Accaron?* Quam ob rem hæc dicit Dominus: *De lectulo, super quem ascendisti, non descenderis sed morte morieris.* Et sic evenit: *Mortuus est* (g) *ergo juxta sermonem Domini, quem locutus est Elias, En! quale lucrum nobis ex eo proveniat, si temporarias miseras nostras solaturi remedia peccaminosa arripimus.*

Asa Rex Juda, cum a Baasa Rege Israelitum armis acriter appetere seque belli defendendi subsidii nudum cerneret, thesauros templi Deo sacros temerarius invasit illorumque magnam summam eo impendit, ut Benadadum Regem Syriæ ad infringendam, quam cum Baasa pepigerat, pacem induceret: *Protulit Asa aurum de thesauris domus Domini* (h) *misitque ad Regem Syriæ, dicens: Rupto fadere, quod habes cum Baasa, facias cum a me recedere.* Ecce injustum consilium, quod Asa necessitatibus suis temporabilibus subventurus arripuit: At quid inde evenit? Siste se coram illo Propheta Hannani Regemque increpans Dei nomine hæc denunciatur: *Quia habuisti fiduciam in Rege Syriæ, & non in Domino Deo tuo, P. Cuniliati Cathedra.*

idcirco evasit exercitus Regis Syriæ de manu tua: stulte igitur egisti; & propter hoc ex præfenti tempore adversum te bella consurgent. En alium iterum fructum ex eo, si peccaminosa remedia amplectimur! Verum, ut orationis vela contraham, percipite oraculum Numinis ab Osea Propheta adversus omnes universam animas editum, quæ, temporaria subsidia peccatis sibi empturæ, discedere a Deo instituunt.

Dicunt illæ: *Vadam post amatores meos, qui dant panem mihi & aquas meas, lanam meam & linum meum, oleum meum* (i) *& potum meum.* En propositum, quod eheu! sæpius tot pudicæ mulieres secundum litteram implent (Atque utinam non implerent) propositum, inquam, relinquendi sese in prædā iis, qui pudori suo insidiantur! At quid eveniet? Nequaquam (ait Dominus) nequaquam, quæ optat, consequetur; non habebit amatores: *Propter hoc ecce ego sepiam viam tuam, qua eos sequi cogitas, spinis & septem eam mæceria impenetrabili, & semitas suas non inveniet, & sequetur amatores suos & non apprehendet eos, & quæret eos, & non inveniet.*

Jam post percepta hæc divina oracula sciscitari ex vobis juvat, utrum (Cum sit Fidei veritas: omne bonum temporale, utut minimum, a Deo provenire debere) utrum vobis probabilius videatur, Deum subsidii vos temporalibus impertiturum fore, si gratiam illius deseratis peccatisque vos dedatis; an vero si fidos vos eadem in angustiis vestris servetis & peccaminosa consilia respicere strenue pergatis? . . . Quid ad hæc dicitis?

Audire dicentem mihi videor: Equidem Fides & ratio respondere nos cogunt, Deum nobis facilius necessaria subsidia largiturum, si fidem eadem servaverimus. Immo æquitas & ratio exigit, ut Dominus eadem nobis obtingere non permittat, si illa peccando parare nobis voluerimus; At mille facta contrarium docent. Illa, ex quo pudicitiam prostituit quæstumque corpore facit, omnibus fortunæ bonis abundat; cum prius re-

(g) 4. Reg. 1.

(h) 3. Reg. 15. & 2. Paralip. 16.

(i) Osea, 2.

rum omnium inopia languerit. Hic, ex quo jam nihil respicit & ad injusta negotia animum dedit, reperit, quo filias dotet, collocet filios, suæque familiæ provideat; cum illa prius etiam necessariis alimentis defecerit: Sic agi res multorum multarumque in dies videmus, qui per offensas Numinis ex mendicis bene aucti, ex egentibus divites evadunt.

Miserum te & infelicem, qui in hanc rationem loqueris! Quin attentas mihi aures præbe; & intelliges, quo leco ponenda sit prosperitas illa, quæ e peccato provenire putatur. Adverte probe animum: Cum sit caput Fidei (prout dixi) nullam bonum temporale quamquam exiguißimum ab ullo in tota hac rerum universitate, nisi a solo Deo rerum omnium auctore, nobis accidere posse; consequens est, bona temporalia a Deo offendentibus se concessa esse effectus aut misericordiæ aut justitiæ aut indignationis ejus, atque ob id illa vel ut beneficia vel ut præmia vel ut supplicia considerari debere: Jam si Numinis misericordia ista bona iis, quos pono, non concessit prius, quam Deum offenderunt; qua ratione dici potest, esse illa quædam misericordiæ celestis beneficia, pro injuriis acceptis concessa? Anne dici hoc sine blasphemia poterit? Nequaquam profecto; Ergo non sunt nova misericordiæ divinæ beneficia. Multo minus autem tanquam justitiæ divinæ præmia considerari possunt; Nam cum justitia Dei nihil præmio remuneret, quod sibi gratum non est & quod præmio remunerare non promittit, neque adstrui sine hæresi queat, eadem justitiæ gratum accidere peccatum eandemque de illo præmiando promississe; nulli certe in mentem venire potest, memoratam prosperitatem justitiæ præmiantis effectum esse. Nil aliud igitur reliquum est, quam ut dicamus, eam prosperitatem iræ celestis & justitiæ, non præmiantis sed vindicantis, supplicium esse. Hinc inficias non ivero, multis peccando rerum temporalium conditionem fortunatiorem obtingere; attamen etiam illud adjecero, hanc a Deo per-

missam meliorem fortunam quoddam longe maxime tremendi, quod his misere fortunatis accidat, supplicii genus esse. His etenim maxime Spiritus sanctus formidandum illud *Væ* dirigit, quando ait: *Væ his, qui perdididerunt sustinentiam & qui, ut aliquod auxilii acciperent, dereliquerunt vias rectas (k) & diverterunt in vias pravas.* Væ his! Nam istud, ait S. Gregorius Magnus (l) indicio est, hos in modum infirmorum, quorum salus desperatur, desideriis relictis suis & fortunato rerum suarum statu delusos peccatum non deserturos & impoenitentes mortem æternam obituros esse: *Nonnunquam bona terrena iustis subtrahita largo munere tribuuntur injustis, quia & desperatis agris medici, quidquid poposcerint, dari præcipiunt.* Horum felicitatem, ait S. Joannes Chrysostomus (m) plangamus, ceu manifestum atrocissimæ eorum damnationis æternæ argumentum: *Multos videmus & quidem scelestissimos bona corporis valetudine & prospera fortuna lascivientes: Nolimus propterea eos admirari sed deplorare potius; quod enim in hac vita nihil adversi patiuntur, majores in futura supplicii est argumentum.* Idem Patres reliqui tenent; at quid dico: Patres: Idem Deus ipse affirmat: *Et dimisi eos secundum desideria cordis eorum (n) ibunt in adinventionibus suis.* Væ itaque, *væ his, qui perdididerunt sustinentiam, & qui dereliquerunt vias rectas & diverterunt in vias pravas.* Pergitque Spiritus sanctus: *Quid facient, cum inspicere cæperit Dominus? Ac si diceret, uti Expositores omnes monent; Quid facient, cum Deus inquirere in vitam eorum, deque ea judicare inceperit: Quid facient? Utique expectare sibi debebunt divitis epulonis judicium; epulonis, qui improborum fortunatorum omnium exemplum est: qui sepultus est in inferno.* Quare id? Accipite causam: *Quia recepisti bona in vita tua; ita & hi, quia receperunt bona in vita sua peccando, Deum offendendo.* Hinc cum in præsentī vita justitiæ divinæ non fecerunt satis, oppido justum est, ut eidem in vita altera æternum faciant satis. Quapropter O Dilectissimi! si secundum legis divinæ normam viventes.

(k) *Ecl. 10.* (l) *Lih. 16, Moral. c. 11.*

(m) *Homil. 37. in Joan.*

(n) *Psal. 100.*

viventes affligimini, ne perdati, obsecro! ne perdati sustinentiam. Sustinete patienter, confugite ad Deum; cum moraliter certum habeatis, vos ab illo vel temporale (si animabus conducerit vestris) vel aliud spe-

cialia auxilium obtenturos esse, quod vestram patientiam confirmet vosque vitam hanc finientes in paradysum deducat. *Expedate itaque Dominum, viriliter agite, confortetur cor vestrum (o) & sustinete Dominum.*

(o) Psalm. 26.



SERMO XI.

De secundo articulo Symboli: ET IN JESUM CHRISUM DOMINUM NOSTRUM, QUI CONCEPTUS EST DE SPIRITU SANCTO. Ostenditur gravitas peccati mortalis: Veritates catholicæ de Persona Jesu Christi explicantur, & culpæ mortalis execrabilitas latius proponitur.

Secundus Symboli apostolici articulus fidem altissimi Incarnationis mysterii complectitur. Intelleximus sermone quarto, esse in Deo tres Personas realiter distinctas Patrem, Filium seu Verbum, & Spiritum sanctum. Jam cum genus humanum ob Adami, qui mortalium omnium caput extitit, peccatum e patria cælesti expulsum fuisset, liberare illud Trinitas sanctissima destinavit, ita tamen ut sibi integra, de injuria ab Adamo ejusque posteris cunctis accepta, satisfactio præstaretur; immo satisfactio, quæ non solum injuriam æquaret illatam sed omnia etiam peccata, quæ ab humanis creaturis patrari possent, superaret. At vero cum injuria, quæ Deo per unum solum peccatum mortale inferretur, infinita sit (Nam tanto gravior reputatur injuria, quanto major digniorque persona offensa existit: & cum Deus infinita majestate ac dignitate sit; videtis, peccatum mortale, quatenus est talis Dei offensa, offensam infinitam esse) eo, ut Deo huic graviter læso ex toto satisficeret, ad satisfactionem præstandam persona ejusmodi requirebatur, quæ dignitatis esset infinitæ; cumque talis persona in omnibus creaturis existentibus, futuris ac possibilibus reperiri non potuerit, ideo in altissimo & divinissimo consilio illo est constitutum, ut una divinarum Personarum ad-

æquatam hanc satisfactionem offerret. Quem admodum autem memorata satisfactio in humiliationibus, passionibus aliisque rebus, quæ cadere in Personas divinas (quippe divinas) non possunt, consistere debuit; ita placuit, ut una earum humana carne se vestiret & sibi personaliter humanitatem, hoc est: corpus animatum (uti nostrum est) sibi conjungeret, hocque induta humiliationes & passionnes illas omnes sustineret, quarum capax, in solo Esse divino manens, non fuisset. Hinc decretum est, ut Verbum seu Filius, secunda SS. Trinitatis Persona, humanitatem nostram assumeret, in illa viveret, pateretur ac moreretur, eaque ratione pro peccatis generis humani in totum faceret satis. Itaque dum in utero intemerato Virginis Mariæ ex purissimo ejusdem sanguine corpusculum ope Spiritus sancti formatur, eidemque anima rationalis infunditur: eodem temporis puncto Verbum æternum, secunda Persona, in uterum Matris sacratissimæ descendit, ut corpus illud sibi ipsi uniret; ex quo verus ille Deus-Homo extitit, quem Jesum Christum vocamus. Habetis modo summam Mysterii, quod progressu sermonis aliquo modo explanabitur: Sic Fides Ecclesiæ catholicæ, sacris Scripturis & revelatione divina iisdem contenta, nixa doceat.

H 2

Pri-

Primum itaque, O mei! omnes vivas fidei actum eliciamus, dicentes: Credo Deus meus! secundam SS. Trinitatis Personam, Filium seu Verbum dictam, de caelo descendere benignissime voluisse nostra se humanitate in utero Mariæ Virginis ope Spiritus sancti vestituram, ut a servitute peccati & diaboli nos omnes liberaret occlusasque paradisi portas referret.

Deinde in gratiarum actiones versus Deum nostrum æternum ac tri-unum effundamus omnes: Patrem quidem, quod tanto cum amore Filium suum divinum nobis Redemptorem dederit; Filium vero, quod tanta cum charitate venerit nos atrocissimis tormentis in libertatem asserturus: Spiritum denique sanctum, quod nostræ liberationis gratia ineffabile hoc mysterium in utero Virginis sacratissimæ operatus sit.

Tertio in consideranda portentosa peccati mortalis execrabilitate consulto immoremur dicamusque cum animis nostris: ergone peccatum mortale est peccatum illud, quod tantam Deo injuriam infert, ut nulla sit creatura vel existens vel futura vel possibilis, quæ dignam tanta injuria satisfactionem offerre queat. Immo si satisfactiones, quas creaturæ præsentis, futuræ ac possibiles cunctæ asserre possunt, omnes in unum colligerentur, nullo tamen modo ad constituendam adæquatam satisfactionem sufficerent, adeo ut pro plena hac satisfactione paranda unam divinorum Personarum descendere de caelo opus fuerit, quæ carne vestita passibili in conspectu læsæ majestatis sese humiliaret, dignata insuper innumeris laboribus, infamiis, pænis mortique ignominiosissimæ subiacere. Sic se omnino res habet.

Et profecto, O mei! anne probe intelligitis, quid audeat is, qui mortale peccatum admittit? Tentat ille, quantum in se est, Deum privare Esse suo, hoc est: privare eundem characterem finis ultimi, qui character infinitæ majestati Dei singularis maximeque proprius est; nam dum peccans deliberato imperia detrectat divina, ut sui animi affectionibus faciat satis, ecce vobis! sui affe-

ctus expletionem Deo præhabet, dumque hac ratione priores partes animo suo tribuit, semetipsum suamque cupiditatem pro ultimo sine ipsa re agnoscit, privans (quod sequitur) ex parte sua Deum characterem veri ultimi finis. Ita S. Thomas, & Theologorum, quotquot scripserunt atque scribent, turba omnis docet; Hinc dogma illud theologicum, e sacris litteris deductum: Quemvis peccantem mortaliter a Deo seu ultimo sine suo se avertere, convertereque ad suas cupidines tanquam ultimum suum finem: *Peccans mortaliter avertitur a Deo ultimo sine, & constituit ultimum finem in creatura.* Itaque cum tam portentosa sit atque horrenda peccati mortalis (quod, quantum in ipso est, destruere Deum tentat) execrabilitas, ut pro digna satisfactione Deo offerenda Personam divinam incarnari incarnatamque humiliari necesse fuerit: num, O mei! tam facile illud committendum esse, uti in singulos dies committitur, existimatis? Eheu! quot mortalium existunt, qui unius diei spatium facile viginti, centum peccata mortalia patrant per illa falsa aut absque ulla attentione prolata juraamenta: per obscænas illas cogitationes, quas in animum admittunt: per impudicas delectationes aut desideria impura: per obtutus & sermones inhonestos; quæ omnia permulti præ noxia consuetudine ne animadvertunt quidem: consuetudine (inquam) quæ peccatum non solum involuntarium non reddit, sed etiam certam eidem malitiam addit: *Quicumque peccat ex certo habitu (a) peccat ex certa malitia.* Jam quid de tot actionibus praver peccaminosis, quid de scandalosis familiaritatibus, de lascivis commerciis, quid de illicitis contractibus, rapinis, furtis, odiis atque illis vitiis dicam, quibus mundus catholicus inundatur? Et tamen quodvis horum peccatorum, pro habenda digna satisfactione, incarnationem unius Personarum divinarum sibi postulavit: Et nihilominus per ludum, per otium & (ut sic dicam) ridendo admittitur; quæ res in sacro Proverbiorum (b) libro non sine horrore notatur: *Quasi*

(a) 1. 2. quest. 78. n. 2. (b) cap. 10.

Quasi per risum stultus operatur scelus. Ah! cur nos per fidem agnoscetes injuriam infinitam, quam peccatum Deo nostro facit, cur nos (inquam) non decernimus illud nullo amplius tempore comittere, & exterminare monstrum hoc maxime horrendum?

Quivis gestorum in sacris Scripturis traditorum non omnino ignarus novit, quæ Semei contra Davidem Regem celebratissimum ausus sit. Cum David præfæctis militum stipatus civitatem Bahurim prætergrederetur, in occursum ejus egressus est Semei, homo privatus de stirpe Saul, qui Regem & comites ejus lapidibus impetens etiam probra acerbissima verbaque pungentissima adjecit, Davidem tyrannicum regni usurpatorem, hominem sanguinarium, scelestissimum atque ob id dignum alta voce appellans, quem Deus defectione filii Absalonis puniret: *Mittebat lapides contra David & contra universos servos Regis...* ita autem loquebatur Semei...

...Egredere, egredere vir sanguinum & vir Belial: reddidit tibi Dominus uniusvium sanguinem domus Israel (c) quoniam invasisti regnum pro eo, & dedit Dominus regnum in manu Absalon filii tui, & ecce premunt te mala tua, quoniam vir sanguinum es. Tam graves contumelias in Regem suum dignissimum jactas audiens Ducum quidam, Abisai nomine, justoque honoris regii vindicandi studio accensus ait: *Quare maledixit canis hic mortuus, stercus hoc & hominum vilissimus, Domino meo Regi? Vadam, curram & amputabo caput ejus.* Et meruisset hoc supplicii genus culpa tulissetque etiam, nisi Ducem Regis mansuetudo cohibuisset. Atque (ut verum dicam) nunquid justo Abisai zelo applauditis, O mei! Ita profecto; omnes respondere mihi videntur, Ita! bene nefarius iste regia auctoritate detruncatus jacuisset; nam quod non-tolerabilis audaciæ genus hoc est, Regem piissimum, fortissimum ac potentissimum nulla agente causa maledictis idque publice lacerare?

At quantum, O Dilectissimi! dignitatem Dei inter dignitatemque Davidis, vilitatem Semei respectu Davidis inter vilitatemque

nostram respectu Dei, injurias Semei adversus Davidem inter nostrasque in Deum injurias, irrationabilitatem injuriarum Semei in Davidem inter & irrationabilitatem injuriarum nostrarum in Deum; quantum (inquam) interesse putatis? Tantum interest, quantum infinitam inter & finitam dignitatem: vilem creaturam inter & Deum: infinitam inter & finitam injuriam: Deum benefactorem, a quo una cum Esse bonum, quod habemus, omne accepimus, inter & hominem (ut Regem) a quo Semei nihil acceperat, interest. Et nihilominus animos nostros atrocium conviciorum Davidi innocentem ingestorum auditio tantopere commovit, ut conveniens esse judicaverimus, regia sententia ense collum nefario Semei secari. Et post hæc non excitabimur, ut peccatis a nobis admissis caput demamus (Cum nostrum demere nobis haud fas sit) ductique pænitentia cum animis nostris dicamus: Quamobrem ego, respectu Dei sætidum cadavere villor tanta audacia fui, ut Dominum meum, Regem meum, Creatorem meum, Deum meum graviter offenderim: *Quare maledixit canis hic mortuus Domino meo Regi? Quare? Quid ille in me peccavit, ut mortales ei offensas rependam. Quare? Fors quia Esse mihi dedit: quia me conservat manumque tenet: Fors ob alia infinita tum naturalia tum supernaturalia beneficia, quibus me cumulavit? Quare ergo, Quare? Ah! Vadum & amputabo caput ejus.* Ita! Pereat, destruat exécrabile peccatum hoc, quod infinitam summi Domini & Dei mei bonitatem tantopere lædit: Et quoniam gladius, quo illud exterminetur, sola humilis, intima, sincera pænitentia dolorque de eo patrato verus est; ecce; Deus meus, nos omnes coram infinitæ majestatis tuæ oculis in faciem humi procumbentes omnia nostra peccata mortalia execramur, detestamur illaque admissis totis animis dolemus; quia per ea infinitam tuam bonitatem lesimus, offendimus ac sprevimus, & veniam illorum humili mente exposcimus fixum animo certissimumque habentes, nullum amplius pec-

H 3.

catum

(c) 2. Reg. 16.

catum lethale tua, quam iterum iterumque imploramus, adjuvante gratia perpetrare, summique beneficii loco hoc a te postulantes, ut mori nos potius quam peccata lethalia iterare permittas.

Jam ad explicandas, quas de Persona incarnati Filii Dei Fides proponit, veritates converti placet. Primum quidem statim initio sermonis hujus mysterium Incarnationis summatim exposuimus monuimusque, illud in eo consistere, quod Filius seu Verbum, secunda SS. Trinitatis Persona, in viscera Mariæ descendit ibique Personæ suæ nostram humanitatem ope Spiritus sancti conjunxit: Modo addere juvat, quod, quamquam tota sanctissima Trinitas in hoc mysterium conspirarit, illud tamen Spiritui sancto specialiter tribuatur; nam cum Spiritus sanctus essentialis amor sit divinarum Personarum, & mysterium Incarnationis opus sit maxime singularis Dei erga nos (creaturas suas) charitatis, idcirco illud Spiritui sancto assignatur: Hic corpus e Verbo assumptum ex purissimo Mariæ sanguine efformavit, in quo, organis instructo, anima rationalis creata est; ut hoc modo perfecta partibusque suis omnibus absoluta humanitas existeret, quæ ex corpore de carne ex Adamo progenerata formato & ex anima a Deo in illo procreata componitur: eodemque temporis puncto, quo in illo corpusculo anima in utero sacratissimo Mariæ creata fuit, de cælo Verbum est delapsum, ut illud animatum corpusculum divinæ suæ Personæ conjungeret, eaque re verum fieret: unam solam divinam Personam cum duabus naturis seu essentiis esse: scilicet Personam Verbi divini cum natura seu essentia divina, quæ cum ipso identificatur, & cum perfecta natura humana ex anima & corpore composita; Estque hæc Persona hujus Dei simul ac hominis Dominus noster Jesus Christus: Quemadmodum (ut aliqua, utut alienissima, similitudine utar) si cedro mali aurantii ramus inferatur, quamvis una arbor permanet, tamen ex vero dicitur, eandem fructus duarum diversarum naturarum (cedri nimirum & aurantii) ferre; ita secundum modum, quo mens no-

stra res concipit, Persona verbi, eadem ipsissima permanens, duas essentias seu naturas (divinam scilicet humanamque) complectitur, easque non confusas, non permixtas, uti fieri solet, si ex duabus diversis rebus tertia existit: Nequaquam; sed enim naturæ hæc duæ, inconfusæ interque se distinctæ permanentes, sic distinctæ in sola Persona Verbi ita uniuntur, uti duæ illæ inconfusæ & distinctæ species cedri atque aurantii in eodem trunco uniuntur. Multo minus cogitare fas est, vel naturam divinam in humanam vel naturam humanam in divinam transisse: Neutrumque; sed ambæ suum proprium verumque *Esse* (divina scilicet divinum, humana humanum) retinentes in unica Persona Jesu Christi veri Dei verique hominis subsistunt: Ex quibus sequitur, Jesum Christum (quatenus Deus est) reliquis duabus Personis divinis per omnia æqualem, & (quatenus homo est) eisdem inferiorem esse: Sequitur præterea, quod, cum naturæ hæc duæ (divina & humana) in Christo Jesu omnibus suis partibus perfectæ sint, quævis earundem potentias suas habeat, hoc est: quod natura divina intellectum divinum & voluntatem divinam, humana vero humanum intellectum & humanam habeat voluntatem, quippe quibus deficientibus perfecta non esset. Atque hac Fidei professione, quam Christus, quam Apostoli, quam Patres sancti, quam Ecclesia catholica perpetuo docuit, quælibet hæreses confutantur atque ridentur, quas adversus ineffabile hoc mysterium varii variis temporibus hæresiarum ore scelesto evenerunt.

Consequitur insuper, Christum, cum veram carnem humanam ab Adami stirpe descendente habuerit (quamquam eandem habere impatibilem, si voluisset, potuisset) tamen voluisse, ut ea, quamvis peccati originalis omnino expers, patibilis esset: Atque ob eam rem, cum Christus ab ipso primo, quo in utero Mariæ Virginis conceptus fuit, momento perfectissimum rationis usum habuerit (prout cum S. Thoma Theologi omnes docent) illo ipso quoque momento

mento passionis suæ initium fecit cum perfectissima cognitione novem mensium spatio illis uteri virginalis angustiiis conclusus permanens; & in hunc modum passionem suam totius vitæ suæ decursu, usque dum in cruce extremum spiritum reddidit, continuavit, dignatus vitam privatam, laboriosam, egentem, molestiis plenam tolerare ad tricesimum ætatis annum, quo ipso ad prædicandum sanctum Evangelium suum est aggressus, in cujus divulgatione quantos labores, curas, molestias exhauserit, quantas contumelias, probra, vexationes, injurias devoravit, quatuor Evangelistæ temporum illorum æquales hosque inter duo charissimi illius socii referunt; donec fine missionis suæ temporeque passionis appropinquante vitam suam durissimam horrendis illis, cruciatibus, quos iidem Evangelistæ descripserunt, & morte tunc temporis maxime infami (qualis erat cruci, quæ illis temporibus patibuli loco fuit, clavis affigi) consummavit, in qua cruce trium horarum spatio infandis doloribus defunctus nostrum in gratiam animam sanctissimam exhalavit, refixusque honorificam sepulturam accepit.

Hæc, Dilectissimi! summa mysterii Incarnationis, hæc summa vitæ & mortis Salvatoris nostri Jesu Christi, veri Dei verique hominis in una sola Persona subsistentis. Placeat modo ad ea, quæ superius dixi, reverti nimiamque peccati mortalis atrocitatem denuo expendere; quod cum ex iis, quæ primitus observavi, adeo execrabile vobis visum sit, multo magis abominabile vobis post hujus mysterii a me susceptam expositionem videri profecto debet. Nam quantum, quæso! ex eo portentosa peccati ingratitude crescit, quod adversus benefactorem adeo insignem committatur, adversus illum ipsum Deum (inquam) qui nostræ salutis causa, & ut nos ad se ex toto corde amandum magis adstringeret, pati morique in cruce dignatus est?

Juvat referre rem antiquitus gestam, subin argumentari. Popilius vir Romanus e consulari illa (ut credunt) familia de de-

licto aliquo postulatus vitæ ex senatusconsulto amittendæ discrimen præsentissimum subiverat: hujus defendendi negotium Tullius, ille Oratorum facile celeberrimus, in se suscipere decrevit, tamque valide, tam eloquenter causam ejus coram Senatu peroravit, ut augusto illo tribunali, vitæ gratiam facere Popilio, persuaserit. Verum ut varia rerum mundanarum vicissitudo, & quam instabilis sit mens humana & quam fluxa sit omnis vel infelicitas vel felicitas, semper ostendit; ita etiam aliquanto post hæc tempore contigit, famosissimum illum Tullium ab Antonio capitis damnari. Creditis, puto, idque haud temere, nullum exiturum fuisse, qui carnificis munus in virum tanta famæ celebritate præditum, virum optime meritum ac plane singularem exercere & sententiam usque adeo lugubrem exequi voluerit; a qua ipsa implenda cum quemvis alium tum maxime Popilium quam vehementissime abhorrere debuisset recte existimatis, Popilium (inquam) quippe qui vitam suam Tullio debebat: Ita profecto vobiscum cogitare vos credo. At (Vah ingratitude! plus quam belluinam) at ille ipse Popilius ad carnificium se accinxit vitamque Tullio ademit, Tullio, cujus eloquentia, cujus defensione ipse vivebat. Proh ingratitude! atque inhumanitatis monstrum! Quis est vos inter, O mei! qui hæc audiens non totis artubus obrigescat? Quod si alicui vestrum Tullii sacundia vita servata fuisset, num vel solam cogitationem Tullio vitam adimendi & detestabile carnificis munus in eum ultro occupandi animum hujus subituram fuisse putatis? Heu, Pater charissime! sic respondere omnes mihi videmini, heu! quid dicis? Cor belluinum gerat sub pectore est oportet, qui hoc vel cogitet.

Ah, O mei! hoc ipsum cor belluinum (Heu! quid talia exprobrare vobis cogor) hoc ipsum cor belluinum, quod erga Tullium gesturi non fuissetis, erga Christum multi vestrum gesserunt! Ita profecto, hoc cor belluinum erga benefactorem de vobis multo melius meritum, quam Tullius de Popilio

lio meruerat, vestrum multi gessistis. Edicite: Nonne Fidei articulus est. omne peccatum mortale (quantum in ipso est) Jesum de novo crucifigere vitæ privare? Nonne Fidei articulus, omne peccatum mortale (quantum in ipso est) spernere & inutiles reddere atrocissimos cruciatus omnes, quos Salvator eum in finem pertulit, ut vitam nobis acquireret sempiternam? Jam vero si, posteaquam ipse nobis a morte æterna liberandis & ut aditum nobis vitæ sempiternæ patefaceret, tanta toleravit, si (inquam) post hæc eum peccato mortali læsimus; nonne longe atrocius Popilio peccavimus, sive ad personam sive ad beneficium acceptum sive denique ad id, quot vicibus ingratitudo hæc iterata fuerit, respectus habeatur? . . . Et quæ comparatio Tullii ad Christum aut labores Tullii pro servando Popilio ad labores Jesu pro salvandis animabus nostris? Quæ comparatio mortis temporalis Popilio depulsæ ad mortem æternam nobis depulsam, aut vitæ paucorum annorum in hoc mundo transigendæ ad vitam sempiternam in paradiso vivendam? Et tamen si peccavimus, ademimus vitam (quantum in nobis situm fuit) liberatori nostro Christo, totiesque adimere aggressi sumus, quoties lethale peccatum iteravimus. Quid jam dicitis, O mei! quid ad hæc cogitatis? Nemo vestrum, si una Tullii ad Senatam oratione mortis imminentis periculum evassisset, nemo vestrum (inquam) voluptatis obsecræ, lucri injusti, perjurii, irarum ac vindictæ aut criminosæ oblationis gratia eundem Tullium vita privare sibi persuaderet; & Christum eadem privare mortaliter peccando vobis sumpsistis: Christum qui non diserta oratione una sed precibus, sed doloribus suis, sed famæ, honoris, sanguinis & vitæ suæ dispendio a sempiterna vos morte vindicavit? Proh ingratitudinem portentissimam! Proh inauditam feritatem! Jam olim per Prophetam Oseam (d) id jure conquestus est Dominus, aïens: *Ego redemi eos, & isti locuti sunt contra me mendacia, immo non solum mendacia, sed &*

*injustitias, perjuria, blasphemias, adulteria, fornicationes, quævis impuritatis aliaque mortalia scelera; & hæc omnia, donati beneficio redemptionis. Nonne potiori jure id Christus nobis exprobraret, quod Judæis saxa, ut eum lapidarent, arripientibus exprobravit: Multa bona opera ostendi (e) vobis ex Patre meo; propter quod eorum opus me lapidatis? Ita profecto, multo potiori jure hoc nobis Christus exprobrare poterit; tum namque passionem suam mortemque, quam paucis mensibus post pertulit, nondum subiverat: cum contra nos redempti sanguine illius & ob infinita ejusdemque sanguinis merita mille affecti beneficii eundem (quantum in nobis fuit) lapidavimus, male tractavimus atque occidimus; & hoc propter quod opus? Propter quod eorum, quæ in nostram utilitatem gessit; quandoquidem nil nisi beneficia ab eo accepimus? Propter quod opus? Forsitan quia nos statim post admissum peccatum vita spoliatis in infernum præcipites non eî it? aut quod pristina peccata resurgentes denuo ad sua Sacramenta admiserit? Propter quod opus? Forsitan quia etiamnum per me indignum munusculum vos excitat, ut ex animo resipiscentes eundem haud anipius offendere firmiter statuatis? Propter quod opus? Nunquid multi nostrum ob patrata & nondum confessa peccata fulmina infernique tormenta meremur; & tamen ille cum pernas insligere posset, ille inquam) ob hoc ipsum, quia nos redemit, ad pænitentiam & pacem secum renovandam nos inquit, & nimia bonitate actus eandem redemptionem, quæ eum in præsentî irritare adversus nos (quippe contemptui habita) deberet, eandem, inquam, redemptionem causam esse placationis vult; unde nos ad seriam pænitentiam vocet, data fide, nostra se scelera, ceu nebulam furentis Aquilonis impetu axagitatam & quasi nubem radorum solarium virtute disjectam, deleturum esse: Percipite, quomodo per Isaiam vos invitet: *Delevi ut nubem iniquitatem tuam (f) & quasi nebulam peccata tua: Revertere ad me. Percepistis in-**

(d) cap. 7.

(e) Joan. 10.

(f) Isai. 44.

vationem; percipite hujus & causam: *quoniam redemi te*. Ita, ait Redemptor Deus, redemisse te me movet, ut, cum ad pœnas repetendas excitari deberem, ad invitandum te impellar: *Revertere ad me, quoniam redemi te*. Ah, Deus meus suavissime! ecce revertimur, ecce revertimur ad pedes tuos tanta tua misericordia in ruborem acti, pœnitentes teque tot modis graviter offendisse totis animis dolentes: Detestamur serio ob amorem infinitæ tuæ bonitatis, quam modo super omnia diligimus,

omnia peccata nostra, de iisque toto ex corde meo dolemus fixum ratumque habentes, te adjuvante tua gratia, quam ut nobis largiaris, per merita sanctissimæ passionis tuæ oramus atque obtestamur, nunquam in posterum offendere: Et quoniam hoc cum animis nostris verissime, ut credimus, destinatum habemus, quamprimum pedibus unius ministris tuis advolvemur a peccatis nostris sacramentali absolutione liberandi, Amen.

SERMO XII.

De eodem Symboli articulo: NATUS EX MARIA VIRGINE. Agitur de personâ Mariæ, Matris Christi Jesu & de prima hujus maternitatis sequela, sanctitate nimirum beatæ Virginis.

Cum in explicatione mysterii incarnationis personæque Christi necessario de personâ Mariæ mentio inciderit; jam & Fides & pietas exigere videntur, ut reliquæ præclaræ Virginis sanctissimæ dotes exponantur. Itaque Maria Verbum seu Filium Dei castissimo utero suo eo ipso temporis puncto concepit, quo ope S. Spiritus ex purissimo Virginis sanguine animatum corpusculum efformatum fuit; quod corpus (ut superius monui) Verbum divinæ Personæ suæ conjunxit: Concepit autem Virgo sanctissima Verbum absque ulla intemperatæ suæ Virginitatis læsione (quippe creatura nulla sed enim Spiritu sancto agente) exactoque novem mensium spatio novo miraculo peperit absque ulla iterum Virginitatis suæ (etiam corporalis) violatione, absque ulla claustrî vaginalis fractione; Et postmodum perpetuo virgo permanens ad obitum usque intemeratissima. Hæc omnia Fides docet SS. Scripturarum & traditionis auctoritate nixa.

Præterea cum Maria hunc Deum hominem conceperit peperitque, consequitur, esse eam veram Matrem hujus Filii non solum.

P. Cuniliati Catechista.

lum ut hominis sed etiam ut Dei carne humana induti, eamque ob rem dici illam confiterique debere veram Matrem Dei incarnationi. Hoc iterum de Fide (ut ajunt) est, & in concilio generali Ephesino adversus impium Nestorium, qui singularem hanc veræ Matris Dei prærogativam Mariæ denegare repugnante ratione omni aggressus est, definitum fuit; Nam quemadmodum reliquæ matres re ipsa veræ matres sunt earum personarum, quas concipiunt pariuntque, tametsi animæ, quæ pars potior sobolis est, ab ipsis non generetur sed a Deo creetur; nihilominus veræ matres non solum corporis suæ proles sed personæ illius, quam pariunt, quoque ex corpore & anima compositæ dicuntur: ita etiam Maria, quanquam Personam divinam Jesu non generarit, nihilominus quia eandem in humana carne vere concepit peperitque, vera mater hujus Personæ conceptæ ac genitæ existit: Unde vera Mater Dei illius incarnationi, quem concepit peperitque, vocatur. Audite S. Thomam (a) *Concipi autem Et nosci personæ attribuitur secundum naturam illam, in qua concipitur: Cum igitur in ipso principio conceptionis fuerit humana natura assumpta*

sumpta

sumpta a divina Persona, consequens est, quod vere possit dici, Deum esse conceptum de Virgine; ex hoc autem dicitur aliqua mulier mater, quod eum concepit & genuit: unde consequens est, quod beata Virgo vere dicatur Mater Dei. Percepistis hucusque, quæ Fides sancta monet.

Ex his omnibus Patres sancti primo eminentissimam Virginis sanctitatem inferunt docentque Mariam pro reliquarum merarum creaturarum omnium sanctissima haberi debere; cumque sanctitas pro ratione graduum gratiæ sanctificantis major minore sit, statui debet, gratiam Mariæ omnium merarum creaturarum gratiam superare atque excedere. Hinc (b) S. Thomas Doctor rectissime res definiens, nihil exaggerans & effata sua exactissima iudicii theologici statera examinare solitus ait: *Maria super omnes, post Christum, habuit plenitudinem gratiæ.* Atque ut intelligatis, quibus rationibus adductus Doctor angelicus in hanc sententiam scripserit; satishabeatis velim, aliquot vetustissimorum Patrum & plurimis, quos citare liceret, testimonia percipere.

S. Methodius Tyri Episcopus longe doctissimus & insignis sub imperio Diocletiani Martyr in *sermone de Simeone & Anna*, legitimo suo opere, quod eidem viri longe eruditissimi (c) invictis argumentis asseruerunt, quidquid alii frivolis nixi rationibus obmurmurent, Mariam *celsiorem cunctis generationibus* vocat, quæ inter cuncta omnia tum visibilia tum invisibilia multis numeris honorabilior enituit.

S. Ephraem Syrus vir doctissimus, *Orbis magister* cognominatus, cujus scripta teste S. Hieronymo in Ecclesiis post S. Scripturas legebantur: cujus laudes SS. Gregorius Nyssenus, Amphilocheus & Joannes Chrysostomus prædicarunt, vir hic magnus ac singularis de sanctitate Mariæ sequentia monet: *Maria sanctior Cherubim* (d) *sanctior Seraphim & nulla comparatione ceteris omnibus supernis exercitiis gloriosior.* S. Gre-

gorius Neocæsariensis (e) scriptor Ephraemo vetustior seu (ut alii volunt) S. Proclus Episcopus Constantinopolitanus ejusdem cum S. Joanne Chrysostomo ævi ait: *Convenienter Angelus gratia plenam præsignificavit, quoniam cum ipsa gratia thesaurus reconditus erat.* Et alibi: *Omni humana creatura gloriosior, purior sanctiorque effecta est.* Vetus seculi V. scriptor (f) sub nomine S. Hieronymi notus docet: *Ceteris per partes gratia præstatur; Maria vero se tota simul insudit gratiæ plenitudo.* S. Ambrosius celeberrimus Episcopus juxta ac Doctor, *Bene*, inquit (g) *sola gratia plena dicitur, quæ sola gratiam, quam nulla alia promeruit, consecuta est.* S. Basilii (h) Seleuciensis ait: *Virgo universos Martyres tantum excedit, quantum sol reliqua astra.* S. Gregorius (i) Magnus docet: *Maria, ut ad conceptionem Verbi pertingeret, meritum verticem super omnes Angelorum choros usque ad solum divinitatis erexit.* Atque (ut reliquos prætermittam & eum, quem primò laudavi, postremum denuo citem) S. Thomas (k) ait: *Ille, quæ genuit Unigenitum a Patre, præ omnibus aliis majora gratia privilegia accepit.*

Et profecto si Maria in Annunciatione ab Angelo facta ex vero gratia plena a sacrosancta Trinitate appellata est, utique tum gratia plena fuit: Non est, cur hoc dubium habeatur. Jam vero quot quantaque argumenta habuit Maria, hanc primævam gratiæ plenitudinem toto vitæ suæ spatio nimium quantum augendi? Hoc ut probe intelligatis (Adverte, loqui me ad mentem S. Thomæ & Theologorum omnium) explicare vobis oportet, quomodo gratia animabus nostris infundatur & in iis crescat? Cum amare, secundum notionem a Philosopherum turba omni adoptatam, nil aliud sit quam bene velle (*Amare est velle Bonum*) consequitur, quod ille, qui vere & efficaciter amat, Objecto amato id, quod ipsi vult, Bonum conferat, præsertim si id conferre absque ullo incommodo potest; quod si hoc Bo-

(b) 3. p. q. 7. art. 10. & q. 27. art. 1.

(d) S. Ephr. de laud. Desparæ.

(g) Lib. 2. in Luc. c. 2.

(k) 3. p. q. 27. a. 1.

(c) Nat. Alex. Hist. eccl. IV. sec. c. 6. a. 1.

(e) Serm. 1. & 2. in Annunciat.

(h) Orat. de Annunciat.

(i) in Libr. 1. Reg. c. 1.

(f) Serm. de Assumpt.

Bonum Objecto amato non confert, vere dicimus, eum Objecto amato illud Bonum ex animo non velle. Præterea cum omne Bonum creaturis accedens a nullo alio (puta ceu causa prima) nisi a Deo provenire possit, necessario inferimus, omne Bonum creatum esse effectum efficacis amoris Dei, qui creaturam amans eidemque hoc vel illud Bonum efficaciter volens, dum vult, creaturæ confert: Ob hanc rem S. Thomas una cum Theologis cunctis ait: *Amor Dei est creator & infundens bonitatem in rebus*; qua in re istud discriminis intercedit, quod Deus (si ut auctor naturalis efficaciter amat) Bona naturalia (si vero ut auctor supernaturalis amat) Bona supernaturalia (& quo vehementius amat) eo maiorem gratiam largiatur. Jam vero fuit Iesus Filius Mariæ Deus verus; & cum Mariæ quoque Filius verus fuerit, credere fas est, eum caram sanctamque Matrem suam amore efficacissimo (non naturali solum sed & supernaturali, qui priori longe superior est) dilexisse. Itaque si Iesus verus Deus fuit Bonumque supernaturale efficaciter voluit Mariæ tanquam veræ Matri, dum voluit, eidem illud contulit. Hinc statuatur, qui potest, quantum per tot annorum spatia, quibus Christus Matri suæ convixit hoc eam amore jugiter magisque ac magis in dies complexus, quantum (inquam) Mariæ gratia (quæ ipsa gratia est Bonum supernaturale animæ amatæ a Deo volitum) excreverit? . . . Nonne post hæc, O mei! laudati SS. Patres, hujus rationis theologicæ quidem at vero evidentis lumen sectantes, merito jure affirmasse, vobis videtur, quod *Maria totius infudit gratia thesaurus, tota gratiæ plenitudo*; Nam cum Iesus Mariam plus creaturis omnibus dilexerit quippe veram suam Matrem, Matrem, cui totus amor Filii debebatur (Quippe qui amoris sui participem patrem quenquam temporalem, quem non habuit, facere haud debuit) statuatur, repeto, qui potest, vel ex hoc solo capite, quantum altitudinem gratia sanctitasque Mariæ triginta trium annorum decursu consecuta sit, quibus illa a Iesu ve-

ro Deo amore supernaturali jugiter inque dies magis ac magis amata fuit. Ob hanc rationem S. Bernardinus (1) exclamavit: *Soli Deo cognoscenda Mariæ gratia reservatur.*

Dixi: *Vel ex hoc solo capite*; scilicet si istud solum consideremus, quod gratia & sanctitas pro ratione amoris, quo Deus animam prosequitur, crescat. Jam etiam hoc expendere placet, quod memorata gratia ac sanctitas ex ipsis dispositionibus creverit, quibus Maria hanc accretionem adjuvit; quo in loco vos de novo monitos velim, me afferre, quæ S. Thomas in variis *Summae suæ theologicæ* locis docuit. Scire oportet, quod quemadmodum solus Deus gratiam & charitatem (hoc est: sanctum amorem suum, qui una eademque res cum gratia est & proprietates a gratia non separabilis) infundit animæ; ita solus eandem augeat maioremque reddat. Hoc autem ut faciat, postulat a nobis, ut ope sua adjuti actus amoris & charitatis erga se semper intensiores ferventioresque eliciamus, veluti dispositiones quasdam ad memoratam gratiæ augmentationem requisitas; quos actus si nos exercuerimus, ipse eodem temporis puncto charitatem, gratiam seu sanctitatem in anima illos actus producente augeat. Revocemus modo breviter, si habet, in mentem vehementissimas occasiones & impulsus fortissimos, quos Maria, ex quo Verbum incarnatum castissimis visceribus suis concepit, ad mortem suam pretiosissimam usque habuit, exercendi continuo ardentissimi in hunc Deum Filium suum amoris actus; atque inde concludamus: quod, si Maria, dum Verbum concepit, gratia plena fuit; superabundantia charitatis, gratiæ, sanctitatis in illa in singulos dies ultra omnem modum aucta sit.

Fingite, O Dilectissimi! cum animis vestris, quanta amoris vi, Maria prægnans in Deum incarnatum continuo rapta sit, dum moveri illum in utero suo sensit, dum cogitavit sibi in animo dictavit: Conclusum utero meo gesto Deum meum, mei quoque amore hominem & verum filium meum factum! fingite (inquam) in quos amoris

actus cor Mariæ amantissimum hac cogitatione, quæ ei continuo adfuit, abripi debuerit? Quod si nos miseri, miserabiles, frigidus (sicuti ad S. Synaxim accedimus & hunc Deum hominem nostris nos visceribus concludere cogitamus) temperare nobis, ut sic dicam, non possumus, quin in actus amoris erga eum erumpamus: Si viri sancti fæminæque sanctæ, quando eum in SS. Sacramento receperunt, ardentissimis amoribus in hac vita diffuxere, adeo ut multarum horarum spatio extra se rapti sensuum usu caruerint; quis, amabo, mente concipiet amoris æstus, quos Maria prægnans per integros novem menses, quibus Salvatore virginis utero suo tulit, persensit? Vah longissimam actuum amoris ultra, quam credi potest, servidi seriem! Vah continua ob hoc ipsum gratiæ, amoris & sanctitatis incrementa!

Ubi vero partus auspiciatissimum momentum advenit; ubi tenellulum Infantem suis suspexit oculis; ubi ulnis strinxit; ubi subblandientem sibi vidit; ubi lacte suo virgineo aluit; ubi tota puerili ætate adjovit, ah! quos ardores, quæ incendia, quos amoris impetus sensit. Proh! quantum Reges Magi, dum eum Infantem inviserunt: quantum Simeon, dum eum ulnis complexus est: quantum tot Sancti ac Sanctæ, dum eum inter visiones sibi concessas a Maria in manus acceperunt, animis exarsere suis? Et quis est, qui hos amoris igniculos cum æstibus Virginis matris componere audeat? Nemo certe, hinc exifimate (si lubet) quæ incrementa amor, sanctitas, gratia Mariæ toto infantis ac pueritiæ Christi tempore acceperit, quo eundem apud se suisque sub oculis habuit: quo eidem inservivit: quo eum nutritivæ & manuum suarum labore adjovit. . . . dum eum in re domestica obediendi sibi vidit; dum mutuis se blanditiis demulserat; dum Filius cum illa familiariter commuio egit. Explicet, qui potest, quos ignes, quæ incendia in his senserit Maria; Explicet ingentia, quibus per hæc sanctitas amorque Virginis auctus fuit, incrementa!

Postquam autem Filius hic suavissimus adolevit isque esse cæpit, qui in taberna suis ipse manibus laboraret sudoreque suo victum Matri quæreretur; quis explicando par est, quibus amoris affectibus ipsa accensa sit, dum illas cælorum & totius universitatis fornatrices ac creatrices manus maleos, ferras aliaque villa instrumenta tractare vidit, ut Matri alimenta pararent; quos labores cum Christus ad unum ætatis ferme tricesimum continuaret, quantum exinde charitatis ardentissimæ pabulum tanto temporis spatio Mariæ cor accepisse putatis? dum suis ipsa oculis tot actiones Dei hominis, non dicam amantissimo Mariæ pætori sed vel faxeo cordi liquefaciendo pares, conspexit; dum suis ipsa auribus ex divino ore verba illa, etiam filici (si ita loqui fas est) amoribus incendendo paria, haurit; dum, ut paucis dicam, ea cum familiaritate mutuo usi sunt, quæ talem Filium talemque Matrem deicit. Quod si miserim qui sumus, tali in convivio ac consuetudine magnis amoris ignibus exarsuros non fore nobis videmus; quanta demum cor Mariæ senserit & quæ novæ exin eaque incomprehendendæ sanctitatis ac gratiæ accessionis in illa factæ sint, cum animis vestris putate.

Hæc inter advenit tempus, quo Servator Matrem desereret Evangeliumque suum prædicatum iret. Cogitet, qui potest, quanta incrementa amor Matris ex hoc vulnere acceperit? Dimisit præfecto Filium quam lumentissime, quod ille & Pater ejus æternus sic voluit; at simul una Filius cor Matris secum abstulit vel potius illa eundem (quantum fieri potuit) secuta est, conciones illas divinas auditura; id quod nonnulla sancti Evangelii loca indicare videntur & sancti Patres confirmant: fuitque id Mariæ liberimum, teste S. Epiphanio (m) quem multi alii sequuntur, quippe quæ jam nulla sponso suo Josepho multo ante, quam Christus prædicare cæpisset, tempore satis functo assistendi necessitate premebatur. Itaque dum adhortationibus illis ipsa interfuit; dum stupa

(m) Hieron. 78. n. 20.

penda cujusvis generis miracula, a filio lumina nominis cum gloria patrata, cognovit; dum ea, quæ pertulit, famem, sitim, itinera, vigilias & alia, quæ sustinuit, ut ad Fidem populos excæcatos adduceret, intellexit; dum persecutiones in eum adornatas; calumnias ei impositas, opprobria in eum jacta aliosque nequitiae judicis impetus in eum factos accepit; quanta amoris jam congaudentis jam commiserantis vi cor Mariæ absumptum fuisse: quantis ex hoc ipso charitatis & sanctitatis incrementis auctum eandem fuisse existimatis? Denique ubi eum in horto gravi agonia conflictatum, ubi contumeliose in vincula coniectum, ubi ad tribunalia raptum, ubi ludibrio habitum, ubi inspectante magistratu alapa exceptum, ubi cæsum flagellis ac spinis coronatum audivit; ubi eas, quæ hæc comitatæ sunt & in Evangelio narrantur, irrisiones, probra, colaphos, verbera, & sputa in faciem ejus jacta cognovit; . . . ubi eundem Barrabbæ postpositum vidit audivitque; ubi immanes clamores, quibus furens populus eum in crucem agi postulat, auribus accepit; ubi eum cruce (supplicii, cui destinabatur, instrumento) onustum secuta est; ubi ictus, quibus infami fgebatur ligno, audivit; ubi suffixum infelici arbori & in aera sublevatum conspexit; ubi insultus, contumelias ac cavillationes inimicorum in filium sub cruce afflicta vidit audivitque; ubi eundem se ipsam Joanni commendare eaque ratione extremum in hac vita vale sibi dicere audivit; denique ubi illum post trium horarum acutissimas convulsiones benedictam reddere animam conspexit . . . Et hæc omnia non sine seria consideratione, pati Filium cuncta ista sui (Matris) maxime in gratiam & ut sibi (Matri) excellentem, qua cumulata fuit, sanctitatem atque incomparabilem æternæ gloriæ partem a se olim possidendam commereretur. Quis post hæc mente comprehendere unquam poterit, quantis accessibus charitas Mariæ in Filium & (quod consequens est) sanctitas ejusdem increverit? Aut quæ mens creata eniti eo poterit,

ut eandem pro dignitate concipiat? Non est, ait S. Bernardinus, non est creatura, quæ ad illam cognoscendam pertingere valeat sed *soli Deo cognoscenda Mariæ gratia reservatur.*

Neque credatis, O mei! in Christi morte sanctitatem ac charitatem Mariæ crescere delivisse; quin ipsa ab Objecto amato separatio personæ ardentem amantis pectus sancti amoris flammis magis magicque accendere consuevit. Hinc quanto cum amore videre redeuntem ab inferis Filium optavit Maria, quanto cum fervore eundem præstolata est? . . . At quantis diffluxit gaudiis, ubi eundem immortalitate ac gloria ineffabili donatum amplecti se, sæpiusque illo quadraginta dierum, qui ab ejus resurrectione ad ascensionem usque interfluxerunt, spatium ad se invisere vidit? Quantus, O Superi! apparitiones has omnes amoris jubilus, quam ardentis charitatis mutui æstus, quam teneræ blanditiæ, quæ promissa; & hinc quanta gratiæ & charitatis incrementa comitata sunt? ubi vero elapso quadraginta dierum spatium, post supremum tantoque filio ac matre tanta dignum Vale mutuo sibi non sine maximo amoris sensu dictum, ascendere eundem triumphantem in caelos suismet oculis vidit, quanta amantissimum Mariæ pectus & lætissimæ mæstitiæ & mæstissimæ lætitiæ vi emotum fuisse existimatis; cum totum cor totamque animam suam rapi (ut sic dicam) una cum Filio in illas superas sedes, simulque remanere se in hac lacrymarum valle sensit, ut ei placeret, qui remanionem hanc divinissima sua voluntate ordinarat. O amores! O raptus! O extases! O transformationes utut maxime sublimes nostroque intellectui omnino impenetrabiles! At O ingentia ob id ipsam in dies singulos sanctitatis & charitatis Marianæ incrementa! *Soli Deo cognoscenda Mariæ gratia reservatur.*

Pergamus hanc sanctitatem ex actibus ad eam disponentibus & a Maria exercitiis fufius deducere longaque ablit, O mei! ut vos orationis meæ fastidia capiant; cum ar-

gumentum propositum ejus generis sit, quod tractando satari nec possum nec etiam debere. Verum quid dicam, cum Maria, ut primum una cum Apostolis a monte Oliveti (admirabilis & gloriosi illius, quod paulo ante memoravi, mysterii theatro) reversa est, cœnaculo se includerit, ut ad promissi a Christo ascendente Spiritus sancti adventum sese studiosius præpararet. Certum manet, esse Spiritum sanctum substantialem & increatum amorem: Certum manet, præparat onem ad dona Spiritus sancti quam copiosissime recipienda aptissimam esse eam, quæ per actus amoris sit: Itaque etiam illud certum manebit, quod Maria ad hunc inauditum adventum ferventioribus amoris actibus se præparavit. Et quis hoc in loco Marianorum amoris actuum vehementiam mente concipere poterit? . . . Ubi vero Spiritus sanctus ipse advenit; quis gratiæ abundantiam, quam sanctissimæ illi animæ infudit, expendere valuerit? . . . Quod si gratiæ hujus plenitudinem Apostoli ostenderunt, quando de cœnaculo egressi magnalia Dei eum in modum prædicarunt, ut sancta quadam ebrietate correpti viderentur; quantam gratiæ plenitudinem Mariam accepisse putatis, tum quod ad eam recipiendam longe paratissima tum quod mater fuerit (Dum contra Apostoli solummodo discipuli fuerunt) Jesu illius, qui ipsis omnibus Spiritum sanctum de caelis est elargitus . . . Ita profecto, quis hanc plenitudinem comprehendere intellectu poterit? Ah! soli Deo cognoscenda Mariæ gratia reservatur.

Quin modicum adhuc tempus sustinet me, O mei! jam finem sermoni imponentem. Accedit his omnibus, quod ex primorum Fidelium consuetudine, quæ in libro *Actuum Apostolorum* notatur, Mariæ singulis diebus augustissimum Eucharistiæ mysterium participavit, eaque ratione illum ipsum Jesum, quem concepit, nutrit, & eduxit, visceribus suis exceperit. Jam in his Communionibus quæ nova charitatis & gratiæ incrementa anima hæc sanctissima non cepit? Novimus (Et commentarii de rebus ge-

stis Sanctorum referunt) quanta gratiæ abundantia in divinis cibi hujus perceptione Dominicis, Philippis Neriis, Ignatiis, Cajetanis aliisque sacra facientibus: quanta gratiæ abundantia Thereſiis, Catharinis & Senensibus & Florentinis, Rosis, Magdalenis de Pazzi totque aliis similibus, hoc potissimum adjumento tantam inter alios sanctitatem adeptis, infusa fuerit. Et Maria . . . Maria . . . quantam gratiarum copiam obtinere debuit, si incomparabilem illam mentis præparationem quam ad mensam dilectissimi Jesu sui attulit, consideremus. Præterea quantum charitatis & gratiæ augmentum Mariæ consecuta est, dum loca, in quibus Jesus passus est, visitavit (Remanſit enim una cum S. Joanne ad finem vitæ usque Hierosolymis, ut opinio probabilior cum viris doctissimis (n) & sanctis Epiphanio seniore, Andrea Cretensi ac Joanne Damasceno affirmat) mysteriaque ibidem gesta contemplata est? Quod si vita illius omnis jugis & continua quædam contemplatio fuit, adeo ut (o) teste S. Ambrosio brevis etiam, quem capiebat, somnus piæ meditationi locum fecerit (*Et tamen cum quiesceret Maria corpus, vigilaret animus, qui frequenter in somnis aut læta repetit, aut somno interrupta continuat*) quantum, putatis, Mariæ contemplationes suas, inque his amores & raptus suos protraxit; qua re factum, ut vita illius perpetua quædam amoris extasis fuerit: Cumque Mariæ hac vitæ genus ad extremum usque tenoris, quo Christo superstes fuit, punctum sit profecuta; jam reputet secum, qui potest, excelsissimam & imperceptibilem sublimitatem eminentissimæ sanctitatis, quam Mariæ etiam ex dispositionibus reſultat, quibus mentem suam adornavit. Hinc semper manet, quod soli Deo gratia Mariæ cognoscenda reservatur.

O Maria! Mariæ, quam jure merito Sanctissimam prædicant omnes, ad te una cum Auditoribus meis curâs conversus tuisque provocatus pedibus dicam: Quam merito, O Virgo! tibi ab Ecclesia Dei sancta pul-

chrum

(n) S. Epiphani. heres. 78. n. 11. S. Andr. Cretens. Homil. II. de Dormit. Dispara. S. Joan. Damasc. de Dormit. Dispara.

(o) Lib. 2. de Virg. c. 2, n. 1.

illud encomium adscribitur, quo olim mulierem fortem Spiritus extulit sanctus: *Mulier filia congregaverunt divites* (p) *tu supergressa es universas*. Nam si per filias animæ justæ ac sanctæ intelligi debent; de qua alia inter meras creaturas, nisi de te, O sanctissima mater nostra, dici ex vero poterit, quod sanctitate supergressa sit omnes. Ah! quantum de incomparabili sanctitate tua, O Maria! gaudemus omnes, simulque quantum illam cogitantes erubescimus! Tu a primo, quo esse crepisti, momento gratiam acceptam augere ad extremum vitæ tuæ sanctissimæ terminum studuisti: Nos, quam in sancto baptismo accepimus, gratiam, utrumque rationis usum consecuti sumus, peccata mortalia committendo atque iterum committendo cito perdidimus. Ah Maria! si (quod avertat Deus) nos inter existat aliquis, peccatorum divinæ gratiæ recta adversantium reus; ah! per illos gratiæ tibi concessos thesauros rogamus: im-

petra eidem lucis divinæ radium, quo illustrante summam status sui infelicitatem advertat, ut hac ratione ad poenitentiam commotus & dolore compunctus amissam denuo recuperet gratiam. Eos autem, qui hanc gratiam sincero dolore integraque Confessione recuperasse se credunt, potenti tua protectione custodi, ne eandem de novo amittant. Et cum gratia ut plurimum non amittatur nisi in illis mortalium peccatorum occasionibus, ob id te, O Virgo! per illam maximam, quam de gratia divina semper habuisti, existimationem obsecramus: succurre nobis, ne unquam nostra sponte in peccandi occasiones incurramus; ut hac ratione nunquam mortaliter peccemus, & divinam nobis servantes gratiam, eandem bonis adaugere operibus satagemus; quo nos quoque ad tuam incomparabilem sanctitatem, quæ sanctitatem omnium merarum creaturarum antecellit, æternum laudandum pertingere possimus, Amen.

(p) Prov. 31.

SERMO XIII.

Agitur iterum de persona Mariæ, scilicet de ejusdem dignitate atque auctoritate.

Cum superiori sermone singularem excellentiam sanctitatem Mariæ veræ matris Jesu Dei hominis laudibus extulerimus; modo devotio eidem a nobis debita haud permittere videtur, ut saltem duas dotes, quæ Matris divinæ summum gradum proxime ac recta consequuntur scilicet ejus eminentissimam dignitatem & auctoritatem potentissimam intactas relinquamus. Dixi, *saltem duas dotes*; nam si omnes expendere vellemus, ne multa quidem volumina (non dicam sermones) nobis sufficerent.

Volens itaque eminentissimæ dignitatis Mariæ notitiam dare; proponere vobis infallibile oraculum a Spiritu sancto in libro *Ecclesiastici* (a) editum debeo: *Deus enim*

honoravit patrem in filiis; quod idem sibi vult, ac si diceretur: Quanto majori laude dignæ sunt prolis dotes, tanto major ex illis gloria ad parentes redit; & quo sublimiores sunt, quibus filii florent, dignitates, eo clarior inde splendor ad genitores reflectitur eoque major satoribus existimatio apud alios paratur. Id quod experiundo quotidieprehendimus, cum majorem haberi honorem parentibus, si filius de populari ad nobilitatis ordinem ascenderit, videamus: & ipsimet maxima reverentia genitores (si filius eorum ad principatus fastigium provehatur) summa vero prosequi eosdem solemus, si filius ad regale solium elevatus ipsoque regii diadematis insigni exornatus fuerit.

Hinc

(a) cap. 2.

Hinc si dignitas Nobilis decem e. g. honoris radios parentibus impertitur; certe dignitas Principis centum. Regis mille largietur &c. His positis quaerere ex vobis juvat, ut veram aut persona aut dignitas dignitate vel persona divina sublimior reperiri possit? Neutiquam profecto. Itaque si hæc divina Persona eum in statum semet redigat, ut veram matrem habeat, a qua re ipsa concepta & genita sit (cum persona Persona divina sublimior nulla esse possit) affirmari oportet: majorem quoque dignitatem non esse in sæmina posse, quam quod hujus divinæ Personæ mater sit: Est autem mater hæc haud alia, quam Virgo nostra sanctissima maximeque venerabilis Maria. Ex hac theologica ratione S. Thomas insert (b) *Nulla major, dignitate Matris Dei.*

Verum quamvis dignitas hæc (quod summa sit in matre) nec augeri in se possit nec alia major inveniat; æstimabilior tamen ex circumstantiis effici potest. Quin bene advertite animos. Non est dubium, quod, si Persona divina non veram solum matrem sed verum quoque patrem in terris habuisset (utunque sublimis maxime permansisset dignitas matris) hoc tamen posito mater aliquem parem sibi immo etiam se quodammodo superiorem habuisset; nam dignitas memorata patri quoque (ceu causæ potiori) respectu prolis progeneratæ convenisset. Ast cum Maria mater fuerit & ea quidem mater, quæ sola absque ope patris terreni Personam illam divinam concepit peperitque; ecce! in ea sola incomprehendenda hæc dignitas residet, quin ultra creatura in illius partem veniat. Unde præterquam quod dignitas hæc summa sit, etiam Mariæ propria ac singularis est; atque ob id accenmode admodum S. Methodius antiquissimus juxta ac doctissimus (c) Tyri Episcopus & insignis sub imperio Diocletiani Martyr affirmavit: *Quamobrem etiam sola, quæ Deus fuit, cum Deo parturi meruisti, quæ sola Deum carne pepereris: ipsum, qui ex Dio Patre unigenitus & coæternus natus est.* O Maria vere & ut verbis Ecclesiæ piissimis

utar) vere omni laude dignissima, quia ex te ortus est Christus Deus noster. Nam tu sola (uti observat magnus ille & devotissimus servus tuus S. Bernardus) tu sola unum eundemque cum Patre æterno habuisti Filium, qui (quod ex divinitate, quam a Patre: & humanitate, quam a te accepit) constet, solum & unicum Jesum Christum constituit, totusque & Patris æterni & tuus totus est: *Ut de Patris Virginisque substantia unum Christum efficeret vel potius unus Christus fieret, qui etsi nec totus de Deo, nec totus de Virgine; totus tamen Dei, & totus Virginis esset (d) nec duo filii, sed unus utriusque filius.*

Quamvis, O mei! Mariæ dignitati, in maternitate Dei vera posita, superaddi jam nihil posse videatur; tamen eandem dignitatem S. Thomas epitheto quodam ornare voluit, quod ego proferre mihi haud sumere, si minus tanti tamque suis in scriptis accurati viri auctoritate fulcirit: Ausus est affirmare Scriptor iste sanctissimus, dignitatem Mariæ, utunque infinita absolute dici non possit, quod infinitas attributum sit soli substantiæ divinæ conveniens; tamen eandem in certo modo infinitam servato rigore theologico omni dici posse; Nam, ait S. Doctor, Persona (scilicet Filius hujus Matris verus) absque ullo dubio Persona infinita est; præterea maternitas Mariæ hanc Personam non solum ceu aliquem mere extrinsecum terminum hujus ejusdem maternitatis respicit (Quemadmodum servitus & subjectio nostra eundem Christum, tanquam supremum Dominum nostrum, respicit) sed respicit maternitas Mariæ Christum ceu verum filium, hoc est: ceu prolem ex visceribus illius editam, & ceu Personam consistentem ex divina humanaque naturis in utero Mariæ conjunctis, & ceu quosdam Marianæ ad hanc conjunctionem cooperationis effectus: Ex quibus fuit, quod, quemadmodum in sæmina hac dignitate major esse non possit, ita eadem dignitas certo quodam modo infinita evadat; quatenus certo modo infinitum dicitur in hoc determinato

(b) in Cap. 11. Matth.
Mittis est; n. 4.

(c) Orat. de Simone & Anna.

(d) Homi. 1. Super.

nato ordine id, cui in isto ordine majus quid addi nequit: Percipite verba S. Doctoris: *Ex hoc, quod Mater Dei est, habet quandam infinitam dignitatem ob bono infinito, quod est Deus; & ex hac parte non potest aliquid melius fieri, sicut non potest aliquid (e) melius esse Deo.*

Quin igitur (Ne vestram, O mei! devotionem longius morer, quo minus in piissimos erga magnam Dei Matrem affectus ob ejus incomparabilem dignitatem effundamini) quin dicite cum celebri illo seculi sexti Poeta christiano & piissimo Pictavorum Episcopo Venantio Fortunato (f) dicite Mariæ:

*O Virgo insignis, Mater pia, nobile semen,
Quam Deus implevit totius orbis ope.*

Quaque creatorem meruisti ventre tenere,

Et generare Deum concipiente fide.

Mundatura novo partu de crimine mundum,

Atque sacro satū progenitura Deum.

Et cum incomparanda Mariæ dignitas, immenso ferme meritum ejus thesauro nixa, illam super omnes beatorum Spirituum choros exaltarit; quis eandem, tanquam Reginam cæli ac terræ a SS. Trinitate constitutam, dubitet venerari: qualem eam sancta Mater Ecclesia innumeris divinorum Officiorum in locis alta voce compellat, præcipue dum eam in Lytaniis honori illius dedicatis ut Reginam Patriarcharum, Prophetarum, Apostolorum, Martyrum, Confessorum, Virginum (paucis) Sanctorum omnium invocat. Pergamus itaque & nos eodem carmine eodemque devotionis sensu, quo memoratus Venantius Fortunatus, salutare eandem:

Conderis in folio, felix Regina! superbo,

Et super asstrigeros erigis ora; olos.

Nobili nobilior circumfidente sina u,

Consulibus celsis celsior ipse; seles.

Sic juxta genitum Regem Regino jerennem

Ornata es partu, Mater quma, tuo.

— — — — —

Dans tibi large poli, cui tu domus arcta fuisti,

Ventris pro hospicio resti. lendo thronum.

P. Cunitati Catechista.

(e) 1. p. 925. art. 6.

(f) Lib. 1. poemat. 1. de Partu Virg.

(g) Orat. de Laud. Deipara.

(h) Serm. 2. de Dormit. B. V.

(i) Serm. 1. de Assumpt.

(k) Serm. de Deipara.

Jam vero si Maria vera Mater Dei, & (quod sequitur) universitatis Regina constituta est; quantam eidem auctoritatem ac potestatem divinum ejus Filium in creaturas, quarum supremum ipse est Dominus, concessisse putatis? Et quamvis Maria hac sua auctoritate tam ad ulciscendos impios quam justos beneficiis afficiendos uti possit; tamen persuasum vobis habeatis velim, eam (tum quod misericordiæ plena ipsa sit tum ut Jesu Christo se conformet, qui ut plurimum se in nos misericordissimum continuo demonstrat) eam, inquam, potestate sua nostri in gratiam quam lubentissime, nec nisi invite atque coacte ad poenas a nobis persæpe ninium quantum commiseritas exigendas uti. Quodnam inter maxima officia, edicite! quodnam esse solet charæ Matris, quæ a Rege jus ac potestatem in omnes subditos accepit, munus atque officium? Nonne istud maxime, ut Filium perfidiis, injuriis, inobedientis subjectorum irritatum placeat. Jam quoties, amabo! Mariæ intercessio manum offensi Filii, peccatores jam jam percussuri, cohibuit? Scatet hujus rei exemplis Ecclesiæ, ab ipso illius exordio ad nostra tempora usque, historia. Unde justo elogio S. Ephraem Syrus *Mariam pacem mundi* (g) Andreas Cretensis *propitiatorum commune* (h) S. Bernardus *propitiatorum universæ terræ* (i) una cum aliis pluribus compellarunt. Ob eam ipsam rationem vetustus Scriptor quidam in Operibus S. Athanasii (k) Mariam alloquens sic dicere sibi sumpsit: *Dicit te utpote Dei Matrem, Reginam, Dominam & Heram nostram . . . nostrum recordari adstantem illi, qui, nobis terribilis, tibi jucundus est omnesque tibi largitur gratias.*

Talia & nos sentientes confugere ad potentiam atque auctoritatem Mariæ oportet; cum in illa dignitas Reginæ pietatem Matris summam nequaquam excludat, quam inesse eidem, S. Augustinus evidenti hac ratione confirmat: Negari non potest, esse Mariam veram Matrem capitis nostri, quod est Christus Jesus; quomodo igitur non de-

K

bebit

bebit Mater quoque vocari membrorum, quæ capiti huic conjunguntur: quæ ab ipso reguntur: quæ corpus illud constituunt, cui caput hoc præest? Jam vero membra, corpus hoc formantia, nonne nos sumus, Fideles ejus? Immo, addit S. Doctor, nonne ardentissima charitate sua Maria in id & contulit semper & jugiter confert, ut huic corpori (catholicæ nimirum Ecclesiæ) membra, quæ adjungi debent, omnia adjungantur, quo hac ratione numerus verorum credentium augeatur, quos illa assiduus suis serventibusque precibus Fidei catholicæ quodammodo parit? Itaque non potest Maria non esse etiamnum Mater nostra: Percipite verba S. Doctoris (l) *Maria plane Mater membrorum ejus, quod sumus nos; quia cooperata est charitate, ut Fideles in Ecclesia nascerentur, quæ illius capitis membra sunt.* Idemque sentiens S. Anselmus Cantuariensis (m) Episcopus in hanc rationem Mariam non servide minus quam reverenter alloquitur: *Quid unquam dignius estimari potest, quam ut sis Mater eorum, quorum Christus dignatus est esse Frater?* Et profecto, nunquid eundem Paulus *Primogenitum in multis fratribus* (n) vocat: Immo nunquid ipse Fideles, fratres suos, appellare dignatus est? *Quandiu fecistis uni* (o) *ex his fratribus meis minimis, mihi fecistis?* Et reversus ab inferis nunquid Magdalenam Fidelibus resurrectionis suæ nuncium ferre his verbis jussit: *Va te au. em ad* (p) *fratres meos.* Quod si Christus frater noster est, & talem te alta voce profiteri benignissime voluit; cur nos Mariam, Reginam quidem nostram at simul etiam Matrem nostram, & vocare & venerari non audeamus? Repetamus cum S. Augustino: *Plane Mater membrorum ejus, quod sumus nos.*

Neque ea cogitatione animos tentari vestros finatis precor, ut Mariam in numero morosarum illarum & asperarum matrum habeatis, qui filius, officiorum suorum negligentibus, succurrere pigritantur aut miseria eorundem minus dolent. Non ea, ait Guaricus Abbas (q) non ea est Mariæ indoles; sed cum se Matrem nobis a Christo in cru-

ce expirante destitutam agnoscat, infatigabili quadam adjuvandi nos sollicitudine ob nimiam, qua cor ejus abundat, misericordiam agit: Porro beata Mater, quia se Matrem Christianorum agnoscit ratione ministerii: cura quoque se Matrem eis præstat affectu pietatis; neque enim duratur ad filios . . . cujus viscera nunquam desinunt fructum parturire pietatis. Et profecto si Apostolus Paulus Galatis scribens, pergit doctissimus ac venerabilis Abbas, testatur, se eos spirituales in modum de novo parturire, quin deficiat, donec in eis efformatam Christi imaginem conspiciat: *Filii mei! quos iterum parturio, donec formetur Christus in vobis* (r) quis est qui Mariæ minorem respectu nostrum (si liorum suorum) sollicitudinem adscribere audeat, quam Paulus pro filiis suis spiritualibus gessit? Nemo certe hoc dixerit, quisquis sanctitatem Mariæ ejusque in Ecclesiam, Filii sui sponfam, pietatem proficitur. Itaque si servus Christi, ait Guaricus (s) *filios suos iterum atque iterum parturit cura ac desiderio pietatis, donec formetur in eis Christus; quanto magis ipsa Mater Christi?*

Quæ cum ita sint, quo animo, O dilectissimi, quantaque cum fiducia invocare nostris in necessitatibus Mariam debemus, verba Ecclesiæ sanctæ eidem dirigentes: O Maria! *monstra te esse Matrem.* Monstra esse te Matrem illam amantissimam, qualis vera re es. Si tentationes, si cogitationes malæ, si praviæ aliorum sollicitationes, si immoderatarum affectionum impetus ad offendendum Filium, inque Filio Matrem lædendam inducere nos conantur; dicamus: Juva, O Mater! succurre, O Maria! Et illa fido invocata animo auxilium nobis obtinebit. Si ita exigente officii nostri ratione aut decori sine boni ordinis læsione haud omittendi gratia offerre nos non solitæ peccandi occasione cogimur; dicamus Mariæ: *Monstra te esse Matrem:* ecce! Eo, me illo confesso non mea sponte, non ex genio, non oblationis causa, nequaquam (nam tum temerarium foret, Mariam in auxilium vocare) sed moralis necessitate, a qua eximere me neque,

ada-

(l) Lib. de Virginit. c. 6. (m) Orat. 46.
(p) Joan. 20. (b) Serm. 1. de Assumpt.

(n) Rom. 8. (o) Matth. 23.
(r) Galat. 4. (s) Loc. cit.

adaſtus: Succurre ergo, Maria! ſuſtine me; & ſuſtinebit. Sic in omnibus aliis negotiis agite: *In periculis, in anguſtiis, in rebus dubiis Mariam cogita* (ita juvat vos cum S. Bernardo (t) adhortari) *Mariam invoca, non recedat ab ore, non recedat a corde; & ſentietis optatos devotionis veſtræ effectus.*

Pergamus ulterius. Nunquid proſpera quæque, O chariſſimi! auguramur clienti alicui, qui ad Regis tribunal Patronam atque Advocatam habet Matrem Reginam, adeo ut, præterquam quod ſubditus Regis ſit, ſpeciali inſuper privilegio fruatur regiam Matrem Patronam atque Advocatam habendi. Diceremus haud dubie, eum certam animo victoriam præcipere poſſe; nam cum Rex Matris ſuæ, ſupra quam credi poteſt, amans & ad obſequendum eidem quam propenſiſſimus ſit, dum illam interponere advocacionem ſuam videt, nullam eſſe gratiam arbitramur, quam illa clienti non obtineat, cliens vero (ſi modo conſequi dignus eſt) non conſequatur: Ita certe ſe res habet. Jam, ut vobis penitus perſuadeatis, Mariam eſſe noſtram Advocatam, ſolus Eccleſiæ ſanctæ ſenſu ſuſciperet debet, ſanctiſſimam Mariam titulo *Advocatæ* noſtræ alta voce condecorantiſ; Neque hoc juribus Chriſti derogat, quem S. Joannes Advocatum noſtrum appellat: *Advocatum habemus apud Patrem* (u) *Jeſum Chriſtum Jeſum*: Etenim Maria advocacionis ſuæ vim atque efficaciam omnem ex meritis Jeſu Chriſti accipit. Præterea conſcientia noſtra, dum nobis injurias Jeſu Chriſto principali Advocato noſtro illatas exprobat, ita quandoque phantaſiam noſtram perturbat, dum eundem (tanquam juſtum quoque ad pænas repetendas judicem) conſiderare nos facit, ut plus æquo exterriti accedere ad Chriſtum ipſum toties tamque graviter læſum non audeamus (quāquam primo loco ad hunc confugere, attamen dolentes ac contriti, deberemus) Hinc majeſtas divina in Chriſto reſpondens, ait S. Bernardus. haud probe a nobis accepta atque intellecta, dum mentem inordinato terrore complet, nos conſternat po-

tius quam confugere ad eundem movet. Atque ob eam rem Chriſtus ipſe, infirmitatis & debilitatis noſtræ commiſeratione tactus, quandam nobis apud ſe mediatorum mediatricem providit, quæ nihil, quod nos perterrelacere poſſet: nihil auſterum: nihil terribile haberet; ſed tota ſuavis eſſet & conſolationis ſuæ lac omnibus offerret: *Et quidem ſufficere poterat Chriſtus, ſiquidem & nunc omnis ſufficientia noſtra ex eo eſt. . . Fidelis ſane & præpotens mediator Dei & hominum homo Chriſtus Jeſus; ſed divinam in eo reverentur homines majeſtatem* (x) . . . *Non ſola illi cantatur miſericordia, cantatur pariter & judicium. . . . Quidni vereatur peccator accedere, ne quemadmodum ſuit cera a facie ignis, ſic pereat ipſe a facie Dei? . . . Opus eſt enim mediatore ad mediatorem ipſum, nec alter nobis utilior quam Maria. . . . Quid ad Mariam accedere trepidet humana fragilitas? Nihil auſerum in ea, nihil terribile: Tota ſuavis eſt, omnibus offerens lac. . . . Revolve, proſequitur ſanctus Doctor, revolve diligentius evangelicæ hiſtoriæ ſeriem univerſam & ſi quod ſignum vel levis indignationis occurrerit in Maria, de cetero ſuſpectam habeas & accedere verearis. Quod ſi (ut vere ſunt) plena magis omnia pietatis & gratiæ, plena manſuetudinis & miſericordiæ, quæ ad eam pertinent, inveneris; age gratias ei, qui talem tibi mediatricem benigniſſima miſeratione providit, in qua nihil poſſet eſſe ſuſpectum.*

Neque ſolus Bernardus Mariam ut talem agnovit (Ut ſorſitan aliquis & temerariis noſtrorum temporum homuncionibus dixerit) ſed, ut talem, Patres primi ordinis & proſtat Eccleſiæ atque inprimis S. Methodius Tyri Episcopuſ & Martyr, cujus gravillimam auctoritatem ſuperius collaudavi, Mariam eſt veneratus: Is poſt multa elogia, poſt gravillimas & ſacundiſſimas ſententias Mariæ directas, tandem ſe eidem commendans in hæc verba prorumpit: *Propterea te deprecamur* (y) *omnium præſantiſſimam maternique honoris ſiducia gloriantem, ut inſervientem noſtri memoriam Dei Mater ſanctiſſima habeas, noſtri* (inquam) *qui in te gloriamur*

K 2

(t) Homil. 2. Super: Miſſus eſt.

Aſſumpt.

(y) Serm. de Simon. & Anna.

(u) 1. Joan. 2.

(x) Serm. de Dom. infra Oct.

augu-

augustioribusque canticis perpetuo vixerem & nullis desitura temporibus tui memoriam celebramus. S. Me hodie divus consentit Ephraem (z) vir ea auctoritate atque existimatione, qualem vobis superiori sermone descripsi: Is, postquam longius laudes Mariæ celebrasset, multisque piissimis allocutionibus eam in auxilium advocasset, in una harum tandem sic se exprimit: *Per te reconciliati sumus Christo Deo nostro filio tuo dulcissimo: Tu peccatorum atque auxilio destitutorum unica Advocata atque adiutrix: Tu portus naufragantium tutissimus: Tu mundi solatium: Tu orphanorum susceptio: Tu captivorum redemptione atque liberatio Tu agrotantium exultatio majorumque consolatio, & omnium salus: Tu monachorum & solitariorum stabilimentum, & persecutorum: Tu Virginum gloria, corona & gaudium: Tu mundi lætitia, O Domina & Princeps atque Regina præstantissima . . . & dominarum Domina purissima atque castissima! Sub tuum præsidium confugimus, o sancta Dei Genitrix! sub alis pietatis & misericordiæ tuæ protege & custodi nos. Aufcultemus, rogo O mei! eidem sancto Patri adhuc paululum; nam gravius nihil, nihil magis pium, nihil proposito nostro accommodatius inveniri poterit: Miserere nostri, qui sceleribus atque delictis quamplurimis Creatorem Deum nostrum atque judicem universorum offendimus. Nobis non est alia (post Christum) quam in te fiducia, O Virgo sincerissima! ex ulnis squidem matris tibi, Domina nostra! dediti sumus miseri, tuique clientes appellatione. Igitur a maligno satanæ ad inferni portas abduci non sinas . . . Sub tua denique tutela & protectione toti sumus. Quare ad te unicam confugimus, crebrisque te lacrymis, O beatissima Mater! imploramus, tibi que precidimus suppliciter clamantes & deprecantes, ne dulcis Filius tuus Salvator noster & vitæ omnium dator ob plurima, quæ commisimus, scelera e medio tollat nos . . . aut sicut ficum sterilem nos excidat. Ceterum obsecramus, ut ad Christum securi pervenire possimus, aulasque illas Beatorum subire. His Patres posteriorum seculorum suffragantur, quorum omnium testimonia adducere in me-*

diu si velim, nullum dicendi finem faciam. Concludamus ergo: possidere Mariam dignitati suæ æqualem auctoritatem, quam a Deo in omnes subditos suos accepit eaque potissimum re manifestat, quod ad se recurrere tueatur.

Opportet hoc loco explicare, qua ratione confugere ad Mariam debeamus, ut auxilium ejus obtinere possimus. Sunt enim, qui præsidium ab ipsa sibi petunt: ut peccatores, at peccatores redire ad frugem & abstinere se ab offendendo Numine desiderantes sint; qui (quod istud negotii genus five ob inveteratas vitiorum consuetudines five ob varios, quibus ex morali necessitate implicantur, casus five ob debilitatem tentationibus facile cedentem oppido arduum esse sentiant) impetraturi necessaria gratiæ subsidia humiliter, frequenter magnaque cum fiducia Mariam invocant, ut sibi efficacissima sua protectione inpetra- re illa dignetur. Et hi quidem, si adjuvante Dei gratia diligentiam, quam possunt, omnem adhibent, si statum peccati ex animo abhorrent, si peccandi occasiones studiose devitant, si magna cum humilitate magnoque cum ardore ad Matrem misericordiæ confugiant, ejusdem patrocinium obtinebunt. Verum sunt alii peccatores, qui Mariam invocant, qui ejus in honorem ali- quod pium opus exercent haud animum ge- rentes deferendi peccata, haud secum illa amplius non committere statuentes; sed enim tacite pessimæ vitæ suæ rationem sub Marianæ protectionis auspicio prosequi parati; qui peccandi occasiones nec fugiunt nec declinant, Immo illis audacter occurrunt & eas quandoque ipsi quærent, deque patrocinio Mariæ confissi peccare parum aut nihil verentes pergunt, sibi cum animis suis dicentes: Jejuno die sabbathi; recito Rosarium; hoc, illud officium Mariæ offero; proteget me illa, ne me Deus sine prævia peccato- rum Confessione e medio tollat: Et sic divina judicia parum aut nihil reformidantes peccata peccatis augent. Non expectent si- bi hi tales Mariæ protectionem; neque enim illa lædentibus Filium faultricem præbere se
nec

(z) Orat. de Lmca. S. Despoze.

neceos juvare consuevit, qui sua advocazione freti continuare Filio injurias volunt. Obsequia fraudulento hoc animo (scilicet obtinendi impunitatem scelerum & interea affectus pravos explendi) Virgini oblata non sunt obsequia sed totidem injuriæ, quas Mariæ, miseri! inferitis; dum illam Patronam eorum, qui offendere Jesum amantissimum pergunt, creditis & similem Matri facitis, quæ munusculis inimicorum Filii sui capi se sineret eosque apud Filium defendere sibisumeret: Nequaquam istiusmodi peccatores protectionem sed enim indignationem Virginis sanctissimæ sibi expectent. Non sunt, O Maria! non sunt hujus farinæ mei hi devoti auditores: Fiantur quidem se Filium tuum teque in Filio offendisse; verum alii finem facere peccandi optant, alii jam fecerunt; sed nimium fragilitate sua retrahuntur: Alii nolunt peccatum, sed id impetrare a se ipsis nequeunt, ut peccandi occasiones refecent: alii & has refecerunt, at sentiunt mentes suas fastidio SS. Sacramen-

torum teneri; in quorum tamen frequentatione unicum remedium, quo ad bonum confirmantur, positum est: omnes denique peccatum noscunt: Omnes emendare se in melius aliquo modo desiderant: Non est hos inter unus & fraudulentis illis Peccatoribus de quibus paulo ante memini: Non fauricem te scelerum suorum sed potentissimam Patronam esse volunt, cujus efficax maternumque præsidium humiles petunt, ut miseris succurras, pusillanimes adjuves, instabilesque stabiliis. Tibi itaque verbis Ecclesiæ sanctæ a S. Fulgentio Episcopo (aa) acceptis dicam: O Maria! *Sancta Maria succurre miseris, juva pusillanimes, resove flebiles*, ut omnes respicientes, dolentes, confirmati magis magisque dignos nos tuo patrocínio reddamus, quo ipso nos continuo defendere digneris, donec illud eo nos perducatur, ubi Deo nostro tibi que in illo benedicere atque agere gratias: ubi Deum amare eoque frui nobis per infinita secula licebit. Amen.

(aa) Serm. 208. n. 11. inter Opp. S. August. t. 5.

SALUTATIO ANGELICA

Meditatione digesta.

Ave Maria, sit tibi Archangelus Gabriel, dum in altissimam divinæ majestatis contemplationem abiorpta divinis charissimatis fruereis ardentissimæque pro salute mundi Deo preces offerres, ut emitteret agnum dominatorem terre, qui ex virginis utero nasciturus humanam sobolem a captivitate demonis liberaret: tunc, inquam, salutationem audis angelicam: *Ave Maria*. Quis conjicere aut deprehendere valeat, quam tunc sentis tibi ob animum obverberantur summa prædium humilitate & ardentissima charitate æstuantem? Quanto cordis affectu supplicaveris, ut sanctissimæ virginis ecclesiæ inter omnes mulieres, que Deum conceptura pacitratque erat, tu tanquam ancilla vel omnium infima famulari posses, Deumque cumprimis cernere & adorare pro nobis infantem, & ita obsequi utrique, ut charitatis tue nova semper incantamenta nancisceris? Verum non ita, Virgo sanctissima! quandoquidem Deus, qui

quo magis sibi ipsi vitescunt, cum nemo te humilior existeret vel unquam esset futurus, nemo charitate ferventior, nemo præstantior paritate creatus a Deo vel aliquando creandus, Te præ omnibus elegit, cui annuncieret Angelus assumptionem non ad famulatum ipsius Dei genitricis sed ut ipsa vera Dei Mater efficereris; & ideo diceris

Gratia plena. Oh portentum vere divinum! Puella, que vix quindecim annos expleverat, dicitur & est *gratia plena*. At si ita lavit in te Anglus ille divinus, priusquam Dei Filium in sinum tuum susciperes, quoniam gratiæ incrementum te auctam arbitrabimur, dum carnem tuam & sanguinem, quo Deus homo fieret, ministrasti? dum novem decurru mensium totius gratiæ fontem in utero tuo virginali gestasti? dum in lucem edidisti? dum purissimo lacte potasti? dum sopore correptum in tuo gremio dormientem complexa es? dum oscula tibi inf. eorum & multifarie blandientem suspexisti? dum triginta annorum spatio illius intimæ fa-

milia-

K 3

miliaritate & colloquio seni concessum tibi est? dum omnia studiosissimæ Matris officia peramanter explesti? . . . Quibus gratia charismatibus auctam, dum Filio voluntatem Patris jamjam perfecturo mutuos inter amplexus ultimam Vale dixisti? dum flagellis, spinis, opprobriis affecto condoleris? dum e cruce pendenti constanter assisteres? dum extremum spiritum exhalantem intrueris? dum cruce depositum in tuas ulnas reciperes eiusque vulnera lacrymis rigares? . . . Quibus gratiæ donis cumulata, dum e mortuis redivivum rursus amplecti concessum est & calos ascendentem eminus intrueri? dum illum in calis regnantem exultatio & annuam interrupto mentis intuitu æstantisque cordis affectu contemplereris? dum illum in eucharistico Sacramento latentem vivissimam fide adorares atque in tuo pectore quotidie reconderes? dum tu ipsa elici charitatis incendio absumpta ad eundem ascenderes? Si igitur tribus lustris vix jam parcellis ab Angelo annuncians gratia plena; quoniam gratiæ cumulus, quoniam superfluens fons, omnium caliculorum mensuram longe transcendens, tibi adita fuerit, quæ jure ac merito diceris *mons in vertice montium*? Ita plane tot tantisque charismatibus per te eam credere cumulata, quantum decebat primogenitam: omnium creaturam ab æterno Patre adoptatam, quantum decebat veram Filii Dei Genitricem, nunciamque columbam & sponsam Spiritus sancti. Ex intuitu itaque præcordiorum meorum affectibus tibi congaudeo, O Maria! & tam ingentes gratiæ thesauri collatos esse sic gratulator, ac si mihi ipsi collati fuissent: Unum mihi supersci flagitandum, ut de excessu, in quo resides, throno me miserum peccatorem respicere ne designeris & catellum sub mensa distissima dominiæ de micis satiari copientem magis magisque tuo patrocinio foveas. Fac igitur, ut tuis imitando virtutes semper majora gratiæ incrementa promerear & Filium tuum ac Dominum meum æstanti amore diligam teque post ipsum ardentius & constantissime prosequar; omnia enim potes, quia

Dominus tecum, tecum ut Filius præ omnibus chara: tecum ut sponsa præ omnibus electa: & vix præstito assensu tecum ut vera Mater super omnes dilecta. *Dominus tecum*, O Virgo purissima! ut noviste cumulet donis; ut suum in te figat domicilium: ut luam ex te humanitatem assumat: ut ad dignitatem, quæ major esse non potest, te exollat. *Dominus tecum*, ut oblectetur in te, quæ es deliciarum hortus conclusus & fons signatus: ut suavissimo tuarum virtutum odore se recreet: ut in te, quæ es lilium convallium & flos campi iherusalem. *Dominus tecum*, O Virgo immaculata! per amoris vinculum indissolubile, per beneficentiæ effusionem incomparabilem, per donorum communicationem incomprehensibilem. *Dominus tecum*, O Virgo admiranda! illeclus humilitate tua singulari, tua purissima virginitate, sanctitate tua præstantissima. Eja, Mater dulcissima!

si *Dominus tecum* tam intima unione, tam peregrini admirabilis præsentia, fac quæso! per viscera misericordie tuæ, ut etiam sit Dominus mecum indignissimo famulo tuo. Hæu, Mater! tu scis, quoties illum a me ipso repulerim; tu sæpe impetrasti, ut iterum rediret in me: Utinam & modo addit; quod licet sperem, tamen ignoro. Si forte abisset, fac, O pietissima! ut sincera cordis contritione quamprimum revocem atque in æternum ab eo non dimoveam, immo fideliter obtemperando & ardentem diligendo artius cum illo conjungam, donec in callo regnatus perveniam ad te, quæ es

Benedicta in mulieribus. Benedicta terra tua, in qua plantavit arborem vitæ & de qua genuitavit immortalitatis fructus, in quo benedicta fuerunt omnes tribus terræ. Benedicta ab Angelis, quorum Regina ab æterno prædestinata fuisti: Benedicta a justis, quorum perfectissimum & incomparabile exemplar es præstituta: Benedicta a peccatoribus, quorum apud Filium effectus mediatrix es: Benedicta a me tuorum clientulorum miserrimo, qui te magis quam me ipsum diligere vellem atque purissimo tuo amore conglutinare.

Et benedictus fructus Ventris tui Jesus, qui se inextinguibiliter humiliando te ineffabiliter exaltavit, & cum in forma Dei esset, carnem ex te assumentem hypostaticam quadam unione (si ita loqui fas est) se tibi conjunxit: Benedictus ventris tui fructus, qui florem virginitatis tuæ nullatenus excavit sed candidiorem magisque redolentem effecit; fructus vere benedictus, quo tollitur humani generis maledictio: quo obstruitur perditionis abyssus: quo omnia restaurantur ad vitam: quo delectum est, quod adversus nos erat chrysoyrum decreti inimicitias solvendo in carne sua, faciendo utraque unum, Deum nempe & hominem in eadem hypostasi subsistentem. *Benedictus tandem fructus ventris tui*, qui me licet indignum tot cumulavit beneficiis Ecclesiæ suæ aggregando, tempus panitendi largiendo, ad institutum sanctum vocando, ad altaris ministerium assumendo, innumeris charismatibus irrigando. *Benedictus itaque fructus ventris tui*, erga me tantopere effusus te utique intercedente: Quare nunc etiam

Sancta Maria! Mater Dei ora pro nobis peccatoribus. Ora; quia sancta: cum enim creaturis omnibus sanctitate longe præcellas, majori potestate & gratia polles, & nos mileros majori benignitate complecteris. Ora; quia Maria: Quid enim significat hoc dulcissimum Mariæ nomen, nisi Dominam? Domina es: Ora pro servo licet in merito, ora pro indigente & culpam onere oppresso. Ora; quia Mater Dei: Quid enim tam congruum quam Matrem Redemptoris orare pro redemptis? Si Filius pro nobis eorum fuit, an te, Mater! patrociniū tuum deprecaberis? Quia Mater es Salvatoreis, omnia potes: quia advocata nostra, salutem te nostram velle non dubito, & quavis ego indi-

indignus sum, ut oculos misericordie tue in me convertas, nihilominus spero, ut servulum tuum ad te clamantem respicias. Ora igitur pro me, misericordie Mater! quem a teneris unguibus tuo patrocinio donasti; quem cura plane materna a tot periculis eruisti; quem plurimis magnisque beneficiis cumulasti; cui etiam, ut te diligere, impetrasti. *Ora pro nobis peccatoribus*; Justus enim, tametsi tuis precibus adjuvari maxime possit, non tamen æque indiget ac peccator. Et si Unigenitus tuus in mundum te venisse testatur, ut peccatores ad penitentiam vocaret, tu quoque pro me ceterisque peccatoribus tuas potissimum preces ad Deum effunde: Eos minime dedignaberis, sine quibus tanto Filio caruisses. *Esja igitur Sanctia Maria! ora pro nobis peccatoribus*, ora pro me omnium miserrimo, ut ex toto corde peccata mea deleam: ut de virtute in virtutem proficiam: ut Deum meum quam maxime diligam: ut tuo filiali & casto amore deprecemur.

Nunc, cum hoc in exilio miserrimus dego & in tot tantisque periculis versor: Fac, ut omnia mundi oblectamenta constanter despiciam, ut omnes carnis illecebras superem, ut demonum tentationes animose retundam, Ora, o benignissima Mater! ut passionibus cohibeam: ut corpus in servitutem redigam: ut oculos ceterosque sensus coerceam: ut instituti mei leges adimpleam. Ora, ut Deo placeat, semper enitar: ut illius gloriam omni studio promoveam: ut & tibi semper placere tuumque cultum pro viribus ampliare contendam: ut omnium in te coram accendere stagam, ut oculos in te mentis immobiliter figant, ut nostram in te spem (post Deum) omnes colloceamus. Ora igitur, ut hæc mihi omnia præstentur *Nunc*

Et in hora mortis nostræ, tunc scilicet, quando ab inimicis nostris graviore fluente invidia, viresque nostræ ad resistendum minus erunt idoneæ: Tunc itaque, ut pro me orare digneris, etiam atque etiam rogo, ut advertant retrorsum & confundantur, qui cogitant mihi mala: Tunc mihi obtine firmitatem fidei, vigorem spei, charitatis fervorem, ut anima mea finalis perseverantæ dono insula moriatur morte iustorum. Jam optime nosti, O Mater dulcissima! momentum illud esse, a

quo mea pendet æternitas; a quo salus æterna vel æterna damnatio: momentum, quo vel tecum perpetuo conjungar vel a te divider in æternum. Hæc, Maria! consolatio, jucunditas, fiducia & vita mea! Qui fieri poterit, ut me, quem semper dum viverem protulisti, in hora exitus mei deferat atque repellas: Me in seculo commorantem tuique vix memorem in chelentam tuam benignissime cooptasti; vincula mea dirupisti; in salutis semitam revocasti & (ut fatear quod sentio) te modo colere, te diligere, tibi famulari maxime concupisco, ita ut post Christum Jesum te vitam meam, te refugium atque solamen, te spem atque thesaurum, te denique paradisum meum ex animo reputem. Tunc igitur ad te anhelantem: te stidentem: tecum in calis inseparabiliter conjungi cupientem: te in perpetuum diligere, laudare & benedicere optantem, tunc (inquam) me misellum despicias? Quæ utilitas, O Maria! quod mihi tot & tanta contuleris, si descendero in corruptionem? Non ita, O Mater pietatis! non ita. Quin immo firmissime spero, te maternis misericordie visceribus efficacissimam opem mihi esse laturam atque illud potissimum impetraturam a Deo, ut peccata, quæ toto vitæ decursu commisi, serio efficaciterque detester atque altissima cordis contritione afficiar: ita ut Spiritus e corpore egrediens, a te inter ulas exceptus tuoque validissimo patrocinio munitus, Filio tuo judicandus offeratur. In manibus igitur tuis sortes mee, o Maria! Si mihi in tanto discrimine manum porrexeris, salvus ero; Sin autem: vereor, ne peream in æternum. At neque misericordia tua neque beneficia abs te mihi collata neque materna dilectio, quæ semper me exsecuta, patitur aut suspicari finit, te mihi in tanto periculo desuturam. At quia æquissimum est, ut pænas peccatis meis debitas, pro quibus nondum satisfecim, usque ad ultimum quadrantem in Purgatorio persolvam, ibi etiam fac, ut experiar dilectionis & patrocinii tui efficacitatem, obtinendo ut meritum tuorum oblatione, sacrificiorum ac indulgentiarum ope quamprimum inde Spiritus eripatur & ad sempiternam beatitudinem Dei visionem perveniat nec non ad suavissimos amplexus tuos, ut te semper possideam tuæque societate & præsentia perfruar in secula seculorum, Amen.

ANTIPHONA: SALVE REGINA

Meditatione digesta.

Salve Regina cæli & terræ, Angelorum & hominum! Salve Regina, æterni Patris, Filia dulcissimi, Dei Filii Mater summe dilecta, Spiritus sancti Sponsa charissimæ! Regina cæ-

li admirabilis, inferno terribilis, mundo venerabilis: cujus præsentia Calices lætificat, cujus protectio mortales relevet, cujus imperium dæmones terret! Regina, cujus pulchritudinem sol & luna miran-

miran-

mirantur, cni Angeli omnesque Calicula obsequuntur, cui nihil creatum aequari potest! Regina, cujus decorum calorum Rex concupiscit, cuius tantum deprecantur omnes divites plebis! Regina, cuius sanctorum me totum devoto, cuius amore deflagrare desidero, in cuius obsequium omnes accendere gestio! *Salve itaque Regina*

Mater misericordie, quam pro mundi salute peperisti, quam peccatoribus mihi que omnium misericordie toties impetrasti, quam cunctis ad te confugientibus spondidisti. *Mater misericordie!* O verba mihi dulciora super mel & favum! verba quae spem roborant, fiduciam adaugent! Quis in Matre tenerriam, in Matre misericordiam non speret? Quis ad illam non securus accedat? Mater es; suscipe filium ad te confugientem: Misericors es; suscipe miserum tua suffragia praestolantem. O Mater! O Misericors! Satis esset appellare Matrem, ut munus tibi a Filio demandatum omnes agnoscerent; Verum & misericors appellaris, ut ingenera cordis tui in misericordie propensio magis magisque pandatur. *Misericors* ab initio fuisti: Mater vero tunc maxime nobis effecta es; cum filio tuo sporis sanguinis iuxta crucem adpressisti, & angustiae possederunt te ut angustiae parturientis, deductoque fonte lacrymarum nos quodammodo peperisti. Quare etiam jure vocaris

Vita nostra; quia pretium vitae aeternae pro nobis erogandum ex te quodammodo Filius assumpsit, assumendo humanitatem ex te; quia victimam pro salute nostra immolantem tuo lacte purissimum nutritivisti eamque mira sollicitudine, industria, laboribus usque ad definitum sacrificii tempus fovisti, quia demum in te est omnis spes vitae & virtutis, ut quiescentes, inveniat vitam & hauriat salutem a Domina. *Salve* igitur *Vita nostra* amabilissima! cuius ope vivimus Deo, vivimus tibi, vivimus & nobis ipsis! *Vita!* per quam fides angetur, spes roboratur, caritas vegetatur; cuius auxilio progredimur de virtute in virtutem & angemur in virum perfectum. O Maria! O *vita nostra!* Anima mea tibi vixat omni diebus vita mea: tibi vivat mens mea de te jugiter cogitando: tibi vivat cor meum ad te jugiter adipiscendo; quis nihil ex creatis omnibus te ipsa praestantius, nihil amabilius, nihil sanctius: cuius fundamenta in montibus sanctis locata sunt, cuius portas diligit Deus super omnia tabernacula sua. Quid te pulchrius, quae in Canticis Cantecorum speciosa, decora, tota pulchra & in qua macula nulla est, jure a sponsa vocaris; quae ascendisti ut avertas conjugem, pulchra ut lana, electa ut sol; quae uno colorum innotum vulnerasti cor sponsi tui & uno crine colli tui enim tibi perpetuo devinxisti; quae tandem insigni alicui pulchritudine praesta, ut idem sponsus pra amore tuo languens & videre faciem & sonum vocis audire ardentissime exoptet. Tibi itaque vivat anima mea: ad te vigilet cor meum: in te mens mea conquiescat; Neque meus solum & anima, sed & omnes sensus mei: Vitae a cujusvis mulieris specie

abstinendo & ab omnibus vanitatibus saeculi sese averteudo, solum imaginis tuae devote aspectu: auditus mundi praefatos concitans abstinentio sine te tantummodo seculi oblectando, quibus Dei tui tuque laudes & merita concitantur: Olfactus ex varis floribus oribus ad te, quae es fragrantissimum lilium, mentem & animum excolendo, contrarie in odorem argutorum tuorum: Gustus lapidiorum scrucla respuendo, animaeque saturati solum exoptet suavissimo spiritu tuo dulciori super mel & favum: denique Tactus praescriptis ab instituto meo austeritatis operam dando, tuarum imaginum oculis & earumque sacris amplexibus sese sanctificando & ab omnibus mundi illecebris abstinento. Vivat igitur tibi, O Maria! semper & in omnibus anima mea, ita ut mihi dicere liceat: *Vivo ego jam non ego, vivit vero in me Maria; Mihi enim vivere Maria est & mori lucrum.* Tu pariter

Dulcedo, quae omnem sensum exsuperat; Quid namque in te est, O Maria! quod dulce non sit? Nomen, loquela, mores & vita, omnia demum, quae in te sunt, dulcedinem spirant. Quid dulcius hoc nomine, si Jesu nomen excipias? Nonne pie ac reverenter proleptum statim olum effusum in corde sentitur? Deservet ira, abscedit turbatio, redit serenitas: Resonet Maris nomen; & amaritudo dulcescit, mitigatur afflictio, tristitia evanescit. Quid te dulcis, Maria! quae ipsum dulcedinem fontem peperisti: ex qua Jesus indolem omnium dulcissimum atque mississimum habuisti? Si igitur Filius omnium dulcissimus, quisnam te dulcior, O vita & dulcedo mea! Quid etiam eloquio tuo dulcius? Nunc verba, quae abs te prolata in Evangelio leguntur, *dulcora super mel & favum?* Et (ut alia praeteream) nonne Canticum tuum omnem superat dulcedinem & omnem mundi huius suavitatem? Quid gestu tuo dulcius? si ve inuicem cum Gabriele tractantem, si ve Elisabeth invidentem eique humiliter intercurrentem, si ve cum pastoribus & magis de inestimabili mysterio discurrentem, si ve Fiuolum in templo offerentem, si ve domi educantem, si ve injuriis & tormentis affecto si ve in cruce pendenti compatientem, si ve cit redivivo gratulantem, si ve amoris incendio magis quam agriutudinis vi te ex hac vita migrantem, si ve animam dulcissimam inter amplexus efflantem, si ve corporaliter in caelum assumptam & ad Filii dexteram assidentem, si ve pro peccatoribus & me omnium vilissimum deprecantem: nonne omnia dulcedinem stillant animamque suavitate perfundunt? Nonne Spiritus tuus, O Maria! super mel dulcis & hereditas tua super mel & favum? Concedam itaque favum cum melle meo de te sapius cogitando, O Maria! Bibam vinum meum cum lacte meo de te sapius alloquendo, O dulcedo &

Spes nostra, cui neque potestas subveniendi defest neque voluntas. Quod mihi misero succurrere velis, omnia, quae in te sunt, iudamentum mihi maximum praebent; cum sis Mater misericordie: Quod

antem possis, quis ambigat? Anne quidpiam negabit Pater Filia omnium acceptissimæ, anne Filius Mater super omnes dilectæ, anne Spiritus sanctus unicus Sponsæ charissimæ? Nonne aliquo sensu & tu asserere potes: *Omnia dedit mihi Pater in manus: Nonne & Filio dicere: Tuamæ sunt: Nonne Spiritui Sancto: Ego dilecto meo & ad me conversio illius?* Si igitur omnia dedit tibi Pater in manus, omnia potes, adeoque in manu tua sunt mearum victoria passionum; in manu tua prostratio inimicorum meorum; in manu tua divino me amore succendere frigescentem, labantem erigere, devium revocare, omnibus ditare virtutibus ac me demum ad vitam æternam perducere: Cur hæc omnia per te obtinere non sperem, quia omnia potes? Igitur in manibus tuis sortes meæ, O Maria. Si Filio data est omnis potestas in celo & in terra, tibi quoque per illum concessa quodammodo est: Tuum igitur infinitum pretiosissimi Christi sanguinis ex te accepti valorem, tua passionis illius inhiæta merita, tuam omnium distributionem donorum fas est quodammodo appellare. Quæ cum ita sint, anne mihi timendum, ne in talium distributione donorum me licet indignum sis, Mater misericordie! præteritura? Minime sane; cum enim per te totæ tantæ hæcque receperim, licet immemor tui, cur & alia majora non sperem, si te ex corde rogavero, O Mater pietatis! In manibus itaque tuis sortes meæ, O Maria! Si demum ad te conversio ejus, videlicet Spiritus Sancti Sponsi tui; quid petere, quid optare poteris, quod non statim ille concedat? Sponsorum eadem voluntas est. Si itaque petas, ut mea mihi peccata dimittat licet plurima atque gravissima: ut templum sanctum suum me dignetur efficere: ut sua me virtute corroboret: ut exteriores sensus interioresque custodiat: ut moriar mihi ipsi ac totum Tibi & Sponsi tuo vivam; hæc statim omnia præstabit. In manibus igitur tuis, O Maria! sortes meæ; semper in te sperabo & adjiciam super omnem laudem tuam, quoniam tu, Domina! singulæriter in spe consultissimæ. Sperent igitur in te, qui noverunt nomen tuum, quoniam non derelinquis querentes te, Domina!

Ad te clamamus exules filii Eve, clamamus variis cruciati languoribus, magnis circumscripti periculis, innumeris gravati peccatis. Ad te (inquam) clamamus errantes & fluctuantes per hoc mare magnum & spatiosum manibus, pyratum incursum, ventorum impetu, scopulorum illisum, tempestatum fœvitæ, submerisionis periculo incessat r obnoxii.

Ad te suspiramus gementes & flentes in hac lacrymarum valle; quia Deum ex toto corde, ut par est, non diligimus: quia illius faciem nondum intueri valeamus. Gementes & flentes: quia & tibi, Domina nostra, servitium debitum non exhibemus; quia singularem celsitudinem tuam, admirabilem pulchritudinem tuam nondum cognoscere concessum est nec præsentia tua jucundissimè frui.

P. Cunctis Catechista.

Eja ergo Advocata nostra! ineffabili providentia nobis divinitus data, ut quod nobis immeritis Deus facile denegaret, tu nobis intercessione largiatur. Habemus quilem mediatorum Jesum Christum, ut appareat vultui Dei pro nobis; sed illum ingratitude nostra provocantes nostrisq; sceleribus iterum cruciigentes, potius iratum judicem quam advocatum interpellantem habere merito vereremur. Quare in quoque Advocata nostra divinitus constituta es, ut Filium, quem nos quotidie criminibus irritamus, tua mediacione placares eique ostendendo finem & ubera, labores ac merita tua obineas, ut ibi confringat potentias, arcum, scutum, gladium & bellum, & rugientem ante leonem nobis in missilium agnum convertas: Quapropter jure repetas, quæ de te mystice scripta leguntur: *Ubera mea sicut turris, ex quo facta sum coram eo quasi pacem reperiens. Eja! igitur Advocata nostra.*

Illos tuos misericordes oculos ad nos converte, qui & cordis duritiam emollunt & tenebras mentis illucent: illos (inquam) ad nos converte, O Maria! Solo tantum intuitu animum refoves, virtutem infersis, misericordiam confers; si enim respicias: & misereris. Sicut igitur nihil tibi facilis quam nos respicere, ita nobis nihil utilius quam respici a te. Affice in me ergo, & miserere mei: Illos tuos misericordes oculos ad me ita converte, ut eos nunquam a me posthac avertas; nam eorum aspectu recreor, pulchritudine oblector, suavitate erigor atque confirmor. Illos igitur tuos misericordes oculos ad me converte, O Maria!

Et Jesum benedictum fructum ventris tui nobis post hoc exilium offende, illum (inquam) qui est pax nostra: qui nos & sua passione redemit & carne vivifica enitrit & pretioso sanguine inebriat: qui virtute sua omnipotenti sustineat, merito infinito sanctificat, revelata facie in æternum debeat. Illum igitur, qui te Matrem, Reginam, Advocatam nostram constituit, Jesum benedictum fructum ventris tui nobis post hoc exilium offende, ut tandem aliquando divinitatem ejus, revelata facie & sicuti est, inuentes perpetua felicitate lætemur. Nobis, inquam, post hoc exilium offende non modo divinitatis essentiam sed & deificam humanitatem, quam ex purissimo tuo sanguine sumptam, O Virgo incomparabilis! corporeis hisce oculis post consummationem sæculi aspicere merear & possim illius sanctissimæ humanitatis fruitione donari, sicut etiam cor nostrum & caro nostra exultent in Deum vivum. Talis enim æquantus est humanitatis illius splendor & gloria, ut sol ipse & regione positus obtenebrescat, sidera venustatem amittant & aliorum Beatorum corpora, tametsi splendidissima, evadant sicut scintille quæ in arundinetis disciuntur solaribus radiis comparatæ. Tu autem video Jesum benedictum fructum ventris tui, te quoque videbo facie ad faciem, O Mater dilectissima! Quoniam vero tunc gaudio replebor, O suavis-

stissima calorum regina! O Mater Regis regum gloriosa! Quam ingenti tunc gaudio replebor, cum animam tuam incomparabilem & innumeris prælarillimisque dotibus insignitam indeclinenter aspicere datum erit; cum plurima beneficia, quæ amore plane materno me indiguissimum cumulasti, singulatim distincteq; cognovero; cum singularem illam, qua frueris, gloriam intuebor; cum corpus tuum virginæ & immaculatum & solo Christi corpore excepto omnium gloriosissimum sublato velamine datum fuerit intueri; cum oculis sole clariore, frontem maiestate simul & suavitate perfusam, faciem sanctitatis & pulchritudinis sedem contemplari liceuerit? Quanta demum iucunditate replebor, cum vocem tuam audire, sermones misere tecum, cordis mei tibi pandere ardorem, tuis castissimis amplexibus frui atque in te & propter te totum liquefieri mihi contigerit? Hen! deficit, O Maria! in salutare tuum anima mea, deficiunt in eloquium tuum sensus mei dicentes: Quando consolaberis me aspectu tuo? Propterea sunt mihi lacrymæ meæ panes dei ac nocte, dum dicitur mihi quotidie: Ubi est Domina tua, protectrix tua, consolatio tua, vita tua, sponsa tua?

Quemadmodum enim desiderat cervus ad fontes aquarum, ita desiderat ad te, Virgo, Dei genitrix! anima mea, ad te sitit fontem dulcedinis vivum, & spiritus meus morte impatiens elamitat: quando veniam & apparebo ante faciem tuam (excepto Filio tuo) unicam vitam & felicitatem meam. Quid namque, si Deum & Salvatorem excipias) mihi est in cælo & a te quid volui super terram, O amabilissima Mater mea & pars mea in æternum! Si tamen incolatum meum prolongare libuerit vitæ necisque Domino atque in corpore mortis hujus detineri adhuc animam meam, fac, O Maria cordis mei! ut interim ascensionem in corde meo disponam, utque de virtute in virtutem progrediar, donec perveniam ad videndum Deum deorum in Sion teque simul possidendum in cælis. Hoc autem ut securius assequar, fac, obsecro! ut anima mea Filio tuo tibique uice vivat & in hora exitus inscipiatur in manibus tuis, ut character dilectionis tuæ & Filii tui Salvatoris mei obsignata ante tribunal ejusdem Domini nostri Jesu Christi per te offeratur, O clemens, O pia, O dulcis Virgo Maria! Amen.

SERMO XIV.

In verba: PASSUS SUB PONTIO PILATO, CRUCIFIXUS, MORTUUS ET SEPULTUS.
Varia consideratio eorum, quæ Christus in anima sua sanctissima passus est, instituitur.

Sermone undecimo dolores a Jesu Christo, Deo-homine ex Virgine Maria nato, exantlatos summam quidem exposuimus; ast nec pietas nec gratitudo infinito Redemptionis beneficio debita permittere videntur, ut argumentum istud tam jejuna brevique explicatione tractasse contenti simus: Atque ob eam rem si non omnes, certe præcipuæ aliquot considerationes earum quas major pars Fidelium ignorat, pænarum institui debent. Sunt autem pænæ hæc illæ ipsæ, quas Christus in anima sua sanctissima sustinuit.

Fuit passio Jesu Christi Domini nostri multis ex causis ipsi optime cognitis acerbissima; harum aliæ præsentem fuere, aliæ futuræ; quas tanquam præsentem ob divinam quæ ei inerat, scientiam cognoscebat. Itaque passionem Christi afflictiones animi

longe acerbissimam effecere, quas ipse (ut plura nostri in gratiam pateretur) in se excitare voluit: Harum afflictionum prima causa fuit, quod gentem a Deo tantopere prædilectam, qualis Judæorum tum erat, ex qua ipse originem duxit & cujus salvandæ causa se potissimum venisse utpote patribus eorundem promissum, professus est: Non sum missus (a) nisi ad oves, quæ perierant, domus Israel; hanc ipsam (inquam) gentem passionis suæ administram esse viderit: quæ res supra modum benedictam illius sanctissimamque animam afflixit, & in Persona Christi a Rege Propheta prædicta fuit agente: Longe secisti notos meos a me, posuerunt me abominationem sibi (b) traditur sum & non egrediebar, oculi mei languerunt præ inopia. Et Daniel (c) ait: Et non erit ejus

(a) Matth. 15. (b) Psalm. 87. (c) cap. 9.

ejus populus, qui cum negaturus est. Jam fin-
gite vobis, quam acri dolore cor suum aman-
tissimum transfigi Christus fenserit, quando
furentis in se populi vociferationes atque ulu-
latus audivit: quando injur, probra, con-
tumelias sibi factas vidit: quando capi se,
flagellari, irrideri, conspui, cædi alapis, co-
ronari spinis seque fabulam populi & metam
mordacissimorum jocorum factum esse vidit:
quando se Barabbæ hominum, qui in vin-
culis erant, longe scelestissimi ab omnibus
atque alta omnium voce, postponi & Ju-
dæos divini sanguinis mire sitientes crebrius,
ut in crucem ageretur, postulare audivit.
Ah quam alto volvere actiones & voces
hæc omnes suavissimum Jesu Christi cor con-
foderunt!

Ponite patrem sex aut octo filios habentem in
educandis & pro status ratione instituendis li-
beris his suis nulli labori, diligentia nulli, nul-
lis sumptibus pepercisse eisque summum amo-
rem suum novis semper beneficiis significasse:
Natos contra pro pessima indole sua his
omnibus abutentes primum quidem nescio
quod patris fastidium inimique ab illo aver-
sionem cepisse, qua stimulati omnibus, qui-
bus possent, genitorem injuriis se affectu-
ros conjurant; subin vero hac aversione in
verum odium transeunte eo impietatis pro-
cessisse, ut patrem ad regium tribunal de
atroci læsæ majestatis crimine reum eger-
int; qua re factum, ut infortunatus ille pa-
ter falsis filiorum suorum testimoniis con-
fossus extremo supplicio ab ipsismet filiis ad-
versus parentem (tanquam pessimum sedu-
ctorem & totius imperii eversores) alta
voce postulato addictus sit. His positis ex
vobis quærere juvat, quanto animi mœore
miserandum hunc patrem conficiendum pu-
tatis, videntem male adeo ardentissimum
amorem suum compensari: videntem admi-
nistros mortis suæ esse eos ipsos filios, quo-
rum in gratiam tantos sumptus fecit, tan-
tum sudavit atque aluit, quos tantopere ada-
mavit? At quid creditis, O mei! Ecquis
plus dilexit, anne pater (quem finximus)
filios suos an vero Jesus Judæos suos? qui-

nam majora beneficia accipere, anne me-
morati filii abs patre suo an vero Judæi a
Christo? quisnam meriti sui magnitudinem
melius notam habuit, anne pater ille an ve-
ro Christus? quis portentosam ingratitude-
nem illam melius cognovit, anne citatus pa-
ter an vero Jesus? quæ denique gravior ex-
titit injuria, anne quam patri filii an vero
quas Judæi Christo intulerunt? Jam vero
si tanta foret afflictio patris illius (qualis
hactenus in orbe, quod scimus, nec extitit,
nec exiturus est) quantam animi afflictio-
nem Christum perpeffum esse existimatis?
Hanc is multo ante tempore pluribus sacra
Scripturæ locis indicavit: *Filii Matris meæ
pugnauerunt contra me, & iterum: Filios
enutrivit & exaltavi* (d) *ipsi autem spreverunt
me; Et per Jeremiam, qui longe exactissi-
ma Christi patientis imago atque exemplum
dici potest, significantius etiam inquit: Id-
circo ego (e) plorans & oculus meus dedu-
cens aquas . . . facti sunt filii mei perditii,
quoniam invaluit inimicus.* Ecce vobis pri-
mam afflictionis Christi causam!

Huic succedit altera, scilicet prævisa ca-
rorum discipulorum dispersio & sædissima
personæ suæ derelictio, dum illi Magistrum
suum inter hostium manus solum reliquerunt
& cum ad eum consolandum concurrere
debuissent, longè ab ipso recesserunt quasi
dedecori sibi ducentes, inter ejus discipulos
connumerari. Hanc quoque afflictionem Rex
Propheta pluribus vaticiniorum suorum lo-
cis significavit: *Extraneus factus sum fratri-
bus meis . . . Et sustinui (f) qui simul con-
tribularetur, & non fuit: & qui consolaretur,
& non inveni; Et alibi: Elongasti a me ami-
cum & proximum (g) & notos meos a mi-
seria.* Isaïas (h) vero ait: *Circumspecti;
& non erit auxiliator: quasi; & non fuit,
qui adjuvaret.* Jam quam acerba accidere
Christo hæc desertio & quantum reliquas
ejus afflictiones augere debuit? Testem hu-
jus rei ipsam experientiam appello: Si in-
cidente aliqua calamitate ab iis, quos in
numero fidelissimorum amicorum habuimus,
derelinqi nos videmus; quantam, quæso!

L 2

tristi-

(d) *Cont. 1. & Isai. 1.* (e) *Thren. 1. 16.*
(h) *cap. 63.*

(f) *Psal. 68.* (g) *Psal. 87.*

tristitiam hæc eorum perfidia nostris animis affert? Opponet aliquis: Nunquid Christus dilectissimam Matrem sibi semper fidissimam habuit? Habuit; Ast hoc ipsum una ex gravissimis afflictionis ejus causis extitit: Fidelitas sanctissimæ Matris fecit, ut Christo infidelitas discipulorum acerbior eveniret, cum Matrem discipulis comparans in hac plane prodigiosam fidem, constantiam ac charitatem: in illis vero stupendam infidelitatem, timiditatem atque vecordiam advertit; quippe qui, cum tot stupenda miracula suis viderent oculis, eorundem tamen immemores panico metu, ne forte Magistri auxilium deficeret, corda sua opprimi permiserunt.

Itaque Christus secum semper fidam sibi Matrem suam charissimam habuit: At quantum ex illius fidelitate solatii, tantum et tristitiæ ex ejus summis animi doloribuscepit. Nam cum ipsi Jesu incomparabilis Matris erga se charitas apertissima & perspectissima fuerit, simul summum commiserationis dolorem, quo anima Genetricis transfigebatur, vidit atque cognovit; quia illa omnium dolorum, quos Filius tulit, partem sibi vendicavit, eosdem cum Nato in anima patiendo. Hinc, ait vir ille maximus (cui, quo minus Patrum Ecclesiæ in numero colatur, nil præter ætatem deest) Ludovicus puta Gratenensis, hinc Christus, cum Mariam Virginem Matrem suam plus omnibus in cælo & terra existentibus creaturis dilexerit, ob hunc ipsum amorem afflictiones animi Matris suæ omnes quam vehementissime sensit: *Hic autem dolor tantus fuit (i) quantum erat amor, quo Matrem Virginem prosequabatur, quam citra Deum supra omnes creaturas; quæ sive in cælo sive in terra erant, diligebat.* Qua de re cum dolor de ærumnis alicujus personæ amore, quo eandem personam amplectimur, metiatur, cumque charitas Christi in Matrem incomprehendenda fuerit; dicendum omnino, incomprehendendam quoque fuisse afflictionem, quam Christus ob animi dolores a Matre se patiente exantlatos persensit: evasitque hac ratione amor reciprocus, quo se Mater ac Filius invicem arctissime complectebantur, mutux afflictionis

causâ atque minister. Exclamare hoc in loco cum gravissimo quodam, utut incerto, Scriptore inter opera S. Bernardi (k) juvat: *O dolores inexpressibiles! O ineffabilis reciprocatio amoris! Concluditque B. Amedeus Episcopus Laufanensis (l) Ergo abyssus abyssum invocante duæ dilectiones in unum convenerunt, Et ex duobus amoribus factus est unus . . . Et amoris magnitudo attulit fomentum passionis.* O Maria! sic piissimis Ecclesiæ sanctæ verbis te compellabo, O Maria! impetra hanc animæ meæ gratiam, ut dolores in mei gratiam a Jesu exantlatos persentiscam, quo hac ratione commotus amarissimis lacrymis funestissimo illo tempore a te profusus meas quoque addam: *Eja Mater! fons amoris! me sentire vim doloris fac, ut tecum lugeam.*

Alia eaque præcipua acerbarum, quas Christus in anima sua sanctissima passus est, afflictionum causâ tum nostra, O mei! tum totius mundi peccata extiterunt: Atque ut probe cognoscatis, quam magnus animæ Christi sanctissimæ ex hoc capite dolor accesserit; cum angelico Doctore S. Thoma observetis necesse est: Dolorem de peccatis oriri tum ex lumine quodam cælitus infuso, execrabilitatem peccati manifestante tum ex ardore charitatis seu amoris erga Deum infinite amabilem excitante in nobis dolorem & displicentiam, hanc infinitam Bonitatem offensam videndi; idque pro modulo charitatis, qua hanc Bonitatem diligimus. Jam cum nullum majoris sapientiæ lumen lumine illo, quo anima Christi præditâ fuit aut charitas charitate Christi in Deum ardentior vel extiterit vel existere possit, confectur: dolorem, quem de peccatis mundi Christus in anima sua sanctissima sensit, omnium creaturarum intellectum superasse: Et cum Christus ex oraculo Isaïæ (m) a Patre suo æterno alienis omnium nostrum peccatis oneratus fuerit (*Posuit in eo Dominus iniquitatem omnium, nostrum*) dici necesse est: dolorem Jesu Christi ex hoc capite quodam modo immensum extitisse. Percipite verba (n) angelici Doctoris: *Christus doluit pro peccatis omnium aliorum; qui dolor in Christo excessit omnem dolorem cuiuscunque Contriti: tum quia*

(i) Serm. 6. in Parasceve.

(k) Serm. de

(m) cap. 53.

(n) 3. p. q. 46. a. 4.

Lament. Virg.

(l) Hom. 5. de B. V.

ex majori sapientia & charitate processit, ex quibus dolor contritionis augetur: tum quia pro omnibus peccatis simul doluit secundum illud Isaia: Vere dolores nostror ipsi tulit. Jam cum ex ecclesiasticæ historiæ commentariis discamus, extitisse Pœnitentum nonnullos usque adeo dolore suorum peccatorum commotos, ut alius intra octo dierum spatium expirarit, prout refert S. Joannes (o) Climacus: alius ad pedes confessorii, qui fuit S. Vincentius Ferrerius (p) mortuus ceciderit: alii tantam lacrymarum vim effuderint, ut inde ora illorum rugis sœdatis fuerint, quales S. Ambrosius (q) novit: alii aliis prodigiosis modis compunctos sese senserint; expendat jam (qui potest) afflictionis, quam Christus in anima sua ob totius mundi adversus Deum admissa peccata passus est, magnitudinem. Neque obijciatis, Christum illa non admisisse: cum eadem pro infinita sua erga nos charitate in se suscepit; Nam vera perfectæ charitatis de peccatis ita dolet, ac si sua essent: dum ea tanquam offensas infinitæ Bonitatis, quam plus omnibus diligit, considerat. Ob eam rem viri sancti, ut innocentissimi, acerbissimos tamen animi dolores propter peccata a proximo in Deum patrata passi sunt, prout S. Paulus (r) S. Cyprianus (s) S. Augustinus, adversus Gaudentium Donatistam scribens, de se ipsi testantur: Et de S. Dominico referunt, quod peccatis & ærumnis humanis vehementer dis cruciabatur. Ergone igitur, O dilectissimi! & vestra & mea peccata benedictam amantissimi Redemptoris nostri animam tantopere afflixerunt? . . . Et hoc ipsum, O mei! nunquid vobis causa longe justissima esse debere videtur, ob quam eadem detestemur, obominemur, excremur ab iisque abstinere statuamus? Ita profecto, Deus meus! ita detestamur peccata omnia, deque iis ex totis animis etiam ob hoc (scilicet ob afflictionem, quam illa amantissimo cordi tuo tempore sanctissimæ passionis tuæ attulerunt) dolemus & ex hoc momento illa adjuvante tua gratia, quam toto corde invocamus, haud amplius committere decernimus; cum infelices illos inter

esse nequaquam velimus, quibus (sive quod emendare mores pessimos renuant sive emendationem nimium procrastinent) passio tua nihil ad salutem æternam profutura est: id quod alia & longe gravissima afflictionis tuæ extitit causa.

Ita est, O mei! Cognovit Christus propter infallibilem, quam habuit, rerum futurarum omnium præscientiam quam certissime acerbissimos dolores, quos, ut omnibus æternæ salutis aditum patefaceret, infinita cum charitate perfererat, innumeris animabus plane nihil profuturos esse; puta tot infidelibus, qui æstrani vivendi licentia impedituri essent, quo minus Fidei sanctæ, sine qua nulla salutis spes, lucem acciperent: tot Judæis, qui mira pervicacia excæcati in negando suo, tanquam Filii Dei, adventu (ut tot argumentis, quibus is perspicue evidenterque credibilis reddebatur, confirmato) perseveraturi essent: tot hæreticis, qui non secundum Ecclesiæ catholicæ, quæ sola est columna veritatis, dogmata sed secundum rationis suæ placita credituri essent: tot Catholicis, qui & sanctæ Fidei dono & tot salutis subministratis adjumentis abutentes æternæ salutis discrimen, ut inordinatas suas affectiones expleant, subituri essent: tot denique, pro Superos! tot Deo consecratis personis, quæ abutentes concessis sibi cælitus non salutis solum sed & sanctitatis auxiliis omnino specialibus (præcipue si frequentis usus SS. Eucharistiæ ratio habeatur) nihilominus ut male compositis animi affectibus faciant satis, in vitiis maxime execrandis obdurecentes vitæ se sacrilegæ mortique æternæ addicturæ essent. Hæc, heu! ingens animarum turba, quæ ex dirisissimis Servatoris cruciatibus nullam utilitatem perceptura esset, maximam animæ Christi patientis afflictionem creavit; de qua re per Isaïam (t) Prophetam diu ante Dominus conquestus est, dum sacer vates missum se esse declarans, ut oves perditas colligeret atque salvaret, in hæc lamenta prorupit: *Et ego dixi: In vacuum laboravi, sine casu & vane fortitudinem meam consumpsi,*

L 3

Ah

(o) De Penit. l. 1. c. 22. (p) In ejus vita.

(r) 2. Cor. xij. c. 11.

(s) Lib. de lapsis.

(q) Lib. 1. de Pecc. c. 16.

(t) cap. 49.

Ah! Infelicem me! pro multis frustra & quin propositum finem obtinerem, laboravi: Ah! ærumnas, cruciatus, dolores immo vitam meam in vanum profudi: *In vacuum laboravi &c.*

Affluebat Salomon omni terrene prosperitatis genere: At vel in hoc felici statu positus re quadam angebatur. Quænam illa, putatis, fuit? Percipite: Omnes industriæ nervos, labores omnes in id contulerat Princeps ille, ut regnum per omnia admirabile constitueret; verum cum ignoraret, quomodo post se filius regni hæres Roboamus illud administraturus esset, (nimirum anne bene divitiis illis immensis, illa immodica militarium copiarum vi, illa optime composita fundataque aula: an vero male usus esset) hac futurorum incertitudine ita affligebatur, ut præteritam industriam, laboresque & curas suas omnes detestatus atque execratus sit: *Detestatus sum omnem industriam meam* (u) *qua sub sole studiosissime laboravi* (Notate bene) *habitu:rus post me hæredem, quem ignoro, utrum sapiens an stultus futurus sit?* Et fuit profecto hæres Roboamus homo nullo ingenio, insipiens, regio diademate indignus. Quod si Salomoni vel istud solum (quod nesciret, quem laborum, curarum, & sollicitudinum a se adhibitarum usum Roboamus facturus esset) tanto mærore affecit, ut eandem (quod audivistis) detestari & (ut sic dicam) divitis devovere animum induxerit: quanto majori tristitiæ eundem se traditurum fuisse putatis, si (quod postea accidit) natum suum pessime illis omnibus usurum fore, certo præcivisset? Cernimus profecto quotidie, parentum nonnullos præ mærore interire, quod opes suas tantis a se laboribus partas a filiis inique pessumdari videant. Cogitet jam, qui potest, quanta Christi afflictio fuerit: Christi quam certissimo scientis, innumeras animas infinito passionum suarum pretio abufuras esse, passionum (inquam) quæ thesauris Salomonis omnibus longe præstant, nec ad temporalis regni fundationem sed enim ad regni cælestis acquisitionem pertinent? Cogi-

tet, qui potest, quanta Christi afflictio fuerit certissimo prævidentis, inastinabile sanguinis sui, inter dirissimos cruciatus tanta cum charitate prolusi, pretium a tot obstinatis, perfidis & (neglectis innumeris inspirationibus, vocationibus, invitationibus) in peccatorum suorum statu permanfuris animabus contemnendum, aspernandum atque conculcandum fore? Prædixit hoc de se Dominus per os Regis Prophetæ: *Verumtamen pretium meum cogitaverunt repellere* (x) *cucurri in siti.* Concupiscebam illos mihi conjugere, mihi unire (ut exponit S. Augustinus) at illi me pretiumque sanguinis mei repulerunt: *Illi interfeciebant* (y) *illi repellabant, & ego eos fugebam.* Tu repellis (si quis talis vos inter, Dilectissimi! existit) tu repellis, o homo in peccatis luxuriæ, in lascivis amoribus, in amicitis carnalibus infixe! qui tot conscientiæ reclamantis angores, tot Christi salutem tuam sitientis invitationes nihil curas: *Tu repellis pretium ejus.* Tu repellis (si quæ talis vos inter existit) tu repellis, o mulier! quæ ab amatoris lascivi, cuius impurum amorem evidentibus argumentis cognitum habes, usu ac consuetudine avellere te negligis, vitæ tenorem pessimum servans, fors etiam sacrilegiis sacrilegia addens: *Tu repellis gretium ejus.* Vos repellitis, O peccatores omnes! qui ære gravati alieno dissolvere illud (si quidem potestis) non studetis aut, debitam parcimoniam adhibendo, illi dissolvendo pares vos facere negligitis: Vos repellitis, O peccatores! qui in commerciis, in officiis, in negotiis vestris ea, quæ non licet, rapitis, retinetis, extorquetis, novas veteribus injustitiis adjicientes, quin certam male partorum restitutionem cum animis vestris unquam destituetis: Vos repellitis, O ministri altaris! qui, heu! qua cum conscientia ad sacra facienda accedatis & Christum recipiatis, ipsi optime nostis: Vos denique repellitis, O peccatores & peccatrices! qui, animos vestros lethalius culpis gravari cognoscentes, aut accusare vos de illis indies dissertis aut accusare vos de illis absque ulla subsequente emendatione

(id

(u) *Eccle. 1.* (x) *Psal. 61.* (y) *S. August. in Psal. 61.*

(idquod etiam deterius est) pergitis, & stabilis morum correctionis cogitatione omni deposita vitæ vestræ termino magis magisque appropinquatis, in quo sive ex improvviso sive per furiosam momentorum aut dierum aliquot morbum, sine ulla omnino Confessione aut cum Confessione multis numeris manca, vivorum & numero erepti ire in infernum præcipites vultis, infinitum æstimabile Redemptionis pretium a vobis repellentes. De his omnibus non sine maximo animi mæore Christus, cum pretium istud acerbissimis cruciatibus suis paraverit, ait: *Veruntamen pretium meum cogitaverunt repellere, cucurri in fuit.*

At forsitan credunt miseri isti, a Christo tam contumeliosam sanguinis sui effusi aspernationem dissimulatum iri, & infinitam Servatoris justitiam ab amore infinito, quo in Fideles suos fertur, ita exarmandam fore, ut nulla, quibus se ulciscatur, fulmina habitura sit. O insanam, stultam atque impiam cogitationem! Quin efficiet profecto Dominus, ut contemptores suos illud ipsum pretium, ille ipse in eorum redemptionem sparsus sanguis persecuturus, vindicaturus atque condemnaturus sit, & injuriæ huic sanguini ita contumaciter peccando factæ ab illo ipso sanguine æterno supplicio ulciscantur. Percipite asperissima, quibus se per Prophetam Ezechielem Dominus exprimit, verba, & ab animis vestris (siquidem potestis) metum ac consternationem arcete; *Propterea vivo ego, dicit Dominus, quoniam sanguini tradam te, & sanguis (2) persequetur te, & cum sanguinem oderis, sanguis persequetur te.* O calamitatem irremedicabilem!

O horribilem vindictam! O condemnationem inevitabilem! Heu! ille ipse sanguis, qui alioquin spei nostræ fundamentum est, ingratura contemptum nostrum judicaturus: heu! ille ipse sanguis, qui pretium regni cælestis est, ad æterna nos supplicia damnaturus est: *Propterea vivo ego &c.* Num vos inter, O charissimi Auditores! quenquam invenire est, qui terribili hoc tonitru non excitetur? Num vos inter est, qui in lascivis amoribus, scandalosis familiaritatibus & luxuriæ peccatis permanere: qui retinere bona aliena: qui in officio ac ministerio sui infidelitates & injustitias suas prosequi: qui fovere in eos, a quibus offensus est, odia: qui quotidiana sua ad aram sacrilegia continuare etiamnum cogitet? Num est vos inter aliquis, qui de divino illo sanguine confidens sibi cum animo suo dicat: In præsentem converti nolo; erit emendationis tempus? Quod si quis talis meos inter Auditores (quod quidem credere nolum) sit, is, cum tanti tonitru fragore non percellatur, fulmen miser expectet, quod eum aut repente aut furioso paucorum dierum vel horarum morbo de medio tollat: morbo, qui illi & tempus & mentem rapiat, quo minus bene confiteatur, eique ob perfidiam & criminofam pænitiæ dilationem magnorum, ad veram pænitentiam necessariorum, auxiliorum recipiendorum viam præcludat; Unde infelix merito æternum pereat: *Propterea vivo ego, dicit Dominus, quoniam sanguini tradam te, & sanguis persequetur te, & cum sanguinem oderis, sanguis persequetur te.* A tanto malo liberare nos omnes Dominus dignetur, Amen.



SER-

SERMO XV.

Agitur de modo, fructum ex passione Christi capiendi.

Postequam nonnullas animæ Christi patientis sanctissimæ pænas exposui, videri vobis, O mei! poterit, me jam ad ea, quæ Servator in corpore suo pertulit, enarranda descendere debere. Verum internos Christi dolores quod iia multis (ut dixi) aut ignorentur aut non considerentur, explicare opportunum judicavi; externos autem, quod longe notissimi sint & quod eorum pia devotaque descriptio sæpius, maxime vero quadragesimalis jejunii tempore audiatur (Quamvis argumenti gravitas mereatur, ut toto anno de illo disseratur) tamen ne plus iusto longior sim, silentio præterire & in hoc potius incumbere statui, ut arcanam, ex memorata passione magna commoda (quod quidem ad nos attinet) Dei gratia adminiculante percipiendi artem vobis prodam. Dixi: *quod ad nos attinet*; nam fructus ex eadem passione (quod ad Deum spectat) ortos neminem nostrum latent, novimusque illos fuisse redemptionem a peccati & diaboli servitute, regni caelestis universo generi humano occlusi refectionem, adjumenta & subsidia salutis æternæ omnia, Sacramenta cuncta efficaciam & virtutis ad nos sanctificandos plena, thesaurum meritum infinitum nobis relictum, per quæ a Deo omnia tum ad animam tum ad corpus (si inde animæ nostræ salus nullum detrimentum accipit) nobis necessaria petimus: Et quis demum nescit divinam illam passionem uberrimam esse remedium omnium, mala quæque tum arcentium tum curantium, aurisodinam; dommodo nos illa uti adjuvante divina gratia velimus. Quid igitur agendum nobis, ut benedicta ac sancta Domini passio nobis fructuosa evadat, aut quæ diligentia in id a nobis est adhibenda? Ecce! diligentia nostra in crebra illius recogitatio-

ne considerationeque versari debet; nam cum fructus Dominicæ passionis ex parte nostra in firmis bene agendi propositis consistat, fieri non potest, ut hæc proposita absque prævia aliqua ejusdem passionis consideratione concipiantur. Et profecto Servator gnarus, quantas utilitates pia passionis suæ recordatio haberet, curavit quam maxime, ut eadem nostros ob oculos quotidie poneretur. Dicitis: Qua id ratione? Hem! qua ratione, dicitis. Adverte animos, & invicto argumento vobis demonstrabo, Christum fecisse, ut passio sua nobis quotidie ante oculos esset.

Charitas, quacum commoda nostra Christus quarit, & sollicitudo maxima, qua nos benedictam suam passionem memoriæ infixam habere voluit, omnipotentiam ejus induxerunt, ut centies ac millies quovis die unum maximorum, quæ cogitari possunt, miraculorum operetur. Quodnam hoc miraculum? Consistit illud in eo, quod Christus millies in singulos dies passionem suam nostris in oculis renovari faciat. Qua istud ratione? Eh! qua ratione dicitis. Excita, o Jesu! ob tuam misericordiam fidem nostram eamque corrobora! Anne, O mei! Missæ sacrificio adesse consuevistis? Haud dubie id: At quid est Missa? Anne aliud, quam passionis dominicæ renovatio? Anne aliud, siquidem Fidei dogmata sequimur, quam passionis Christi representatio; at non mera, non victima carens, non mere commemorativa (prout nonnulli hæreticorum audacter affirmant) sed plena representatio eandem, quæ olim immolata fuit, victimam continens, & ob id verum ac reale sacrificium ipsius Jesu, Patri æterno factum: sacrificium unum atque idem cum illo, quod in monte Calvarie peractum fuit.

Nam

Nam ibi idemmet Jesus oblatus est: & hic idem Jesus principaliter se offert; ibi idem Jesus separationi pretiosi sanguinis sui a divino corpore subjacuit, atque ob id re ipsa mortuus est: & hic idem Jesus separationi sacramentali pretiosi sanguinis sui a divino corpore suo subjacet, ita ut vi verborum consecrationis in calice solus sanguis, in hostia solum corpus significetur. Et quauquam tam in hostia quam in calice totus Christus vivus ac gloriosus sit, quia talis jam nunc est; tamen vi verborum consecrationis in hoc solus sanguis, in illa solum corpus demonstratur: id quod est eundem expanguem & mortuum significare, adeo ut si Apostoli tribus illis diebus, quibus Servator mortuus extitit, priusquam ad vitam rediit, Missæ sacrificium celebrassent, re vera in hostia solum corpus cum divinitate absque anima ac sanguine, & in calice solus sanguis cum divinitate absque anima & corpore fuisset, quia Christus tum talis fuit; cum e contra in nostris sacrificiis totus atque integer Deus-homo tam in hostia quam in calice sit, quia ille non amplius moritur: id quod nihil obstat, quo minus sacramentaliter & consecrative per verborum significationem occidatur, dum super hostiam dicitur: *Hoc est corpus meum*, super calicem vero: *Hic est sanguis meus*; quibus verbis, etiam Christus re ipsa vivus sit, tamen mortuus esse significatur: Atque ob id Fides nos monet, Missam idem omnino sacrificium esse cum sacrificio crucis, quia eadem victima offertur, hac sola accidentali differentia interveniente, quod Christus ibi realiter occisus fuerit: hic sacramentaliter occidatur: *Una enim est*, ait Concilium Tridentinum (a) *eundemque hostia: idem nunc offerens sacrificium ministerio, qui se ipsum tunc in cruce obtulit, sed offerendi ratione diversa*. Jam hæc passionis & mortis Christi renovatio quoties in singulos dies nobis inspectantibus celebratur? Et quem in finem. O mei! nisi ut constant perpetuaque sit passionis hujus memoria: novit enim perbene Dominus, quantum illa animabus nostris proficua sit: ut ejus memoria (b) ait

P. Cunctis Catechista.

(a) Sess. 22. c. 2.

(b) loc. cit.

(c) 1. Cor. 1. 13.

(d) Sermon. 1. in 1. ad Cor. 1.

concilium Tridentinum, in finem usque seculi permaneret. Certe permagna sit oportet Christi sollicitudo, quacum passionem suam mentibus nostris impressam atque insculptam esse optat; quoniam eandem toties singulis diebus nostris in altaribus instaurat! Sit itaque hoc primum propositum nostrum: nos passionis dominicæ memoriam renovaturos, saltem tum cum Missæ sacrificio interfusimus; quandoquidem per Fidem scimus, esse illam verum sacrificium, in quo sanctissimæ Trinitati idem ille Jesus, qui in cruce oblatus fuit, offertur: & quemadmodum Jesus in monte Calvariae, Offerens simul atque Oblatio, fuit; ita eundem in Missa principalem esse, Offerentem se ipsum per manus sacerdotum simul atque Oblationem: Oblationem, quæ ab ipso Christo offerente & oblato omnem tum spirituales tum temporales (quæ salutis nostræ non officiant) gratias nobis obtinendi viam atque efficaciam accipit. Verum cum de sacrosancto Missæ sacrificio mihi alio in loco sermo faciendus sit, jam istud dixisse sufficiat: esse vobis hoc sacrificium excitamento, quo passionem Christi, quæ vestris in oculis renovatur, recogitare admonemini.

Miram effrenium animi motuum moderandorum ac sedandorum vim benedictæ passionis dominicæ consideratio præ aliis considerationibus cunctis habet. In quam rem acute ac profunde admodum S. Joannes Chrysostomus verba Pauli expendit, quibus gentium Doctor ad sedandos graves tumultus usus est, qui ex variis Corinthiorum factionibus extiterant, dum quivis illorum eam verbi divini præconem, a quo saniora edoctus fuerat, præferebat: & hic Apollinem, ille Paulum aut Petrum, alius alium sibi volebant. Huic malo occursurus Paulus ad eos epistolam dedit, in qua ait: Ut quid in factiones itis? Ut quid scindimini in partes: Numquid obsecro! Paulus (c) *crucifexus est pro vobis*? In quæ verba S. Chrysostomus (d) *Animadvertite ejus prudentiam, non enim dixit: Numquid mundum Paulus condidit? Numquid Paulus vos, ut ex nihilo, effecit? sed ut tantum*

M

quæ

quæ eximia erant Fidelium, & multæ benevolentis opera minuit, crucem scilicet . . . Nam Dei benignitatem & in homines amore in ostendit etiam mundi febricæ; maxime autem ad crucem demisso & dejecto. Pergit Chrysostomus, atque: observate, Et non dicit: Nunquid Paulus mortuus est pro vobis; sed nunquid Paulus crucifixus est pro vobis: in quo etiam mortis genus asserit, ut hac ratione vim majorem verbis adderet suis, & quo fideret Corinthiorum animos, mortem crucis a Christo exantlatam eis in memoriam reduceret. Tantæ efficacis esse memoriam passionis Christi Paulus judicavit: tantæ item apud nos erit, si eam sæpius & præcipue ubi æruminæ tum spiritales tum temporales incidunt, recolere studuerimus. Certe eorum, quæ Christus nostri causa pati dignatus est, recordatio invocationi opis divinæ juncta efficiet, ut afflictiones nostræ leviores fiant: ut tristitia ex eis orta minuatur: denique ut ad divinæ personis, de facultatibus, de rebus nostris omnibus consilia animos voluntatesque nostras conformemus.

Immo alius Apostolorum, S. Petrus, ita dedit meditationi dominicæ passionis Fideles esse cupit, ut illa ceu armatura quadam induantur, quæ ictus omnes, quibus quovis modo animæ nostræ vulnerari possunt, avertat. Sensa animi clarius pando: Poni te generosum militem a duce suo pectorali aut thorace & galea chalybea, quæ arma ensis nullus, lancea nulla, nullum ferramenti sive ad pungendum sive ad cædendum apti genus pervadere queat, donari: Quid, quæso! faciet miles ille? Certe arma hæc induet & eis toto belli tempore inagno suo cum commodo utetur, quippe ad omnia hostium tela quodammodo invulnerabilis effectus. Novit Apostolus, vitam hanc nostram jugem militiam esse: *Militia est vita hominis* (e) *super terram*; atque ob id nos continuo depugnare debere, primum quidem cum hostibus spiritualibus (mundo, carne ac diabolo) deinde cum aliis rebus mille, quæ nos continuo turbant & memoratis tribus hostibus viam paudent nos vehe-

mentius variis modis adoriendi; adeo ut armatura quadam nobis opus sit, quæ vitam supernatoralem animæ (gratiam scilicet) a lethalibus i ictibus, quibus serimur, defendat & simul (quod armatura corporalis efficere nequit) vires nobis ac robur ad resistendum subministret. Jam quænam, putatis, armatura hæc? Memoria, ait Petrus, & cogitatio passionis dominicæ: Hanc cogitationem familiarem vobis facite, O Fideles! & omnia hostium tela irrita cadent: *Christo igitur in carne passio* (f) *& vos eadem cogitatione armamini.* In quæ verbagivissimus memoratæ epistolæ interpres, qui sub nomine S. Thomæ circumfertur, ait: *Et bene dicit: Armamini; quia memoria dominicæ passionis contra insultus & tentationes diaboli munit* (g) *& roborat: Ut enim ait D. Bernardus, tanta est virtus crucis Christi, ut, si in mente fideliter habetur, nulla libido, nulla peccati prevalere possit invidia; sed continuo ad memoriam ejus totus peccati & mortis spiritualis fugatur exercitus.*

Hæc itaque, Amantissimi! hæc sit armatura vestra, hoc scutum, quo vos ab omni ictu in animas vestras intentando defendatis: *Hæc cogitatione armamini.* Si vos ira tentat, ut eum, a quo vos læsos fuisse creditis, ulciscamini: ut illius famam obscuritis: ut ejus promotionem impediatis: ut licita lucra eidem avertatis aut eum ex hoc illove ordine deturbetis, dicite cum animis vestris: Absit hoc a me, absit! Jesus meus tot tantasque injurias, probra, contumelias mei causa, immo vero a me quoque pertulit; & ego ejus in gratiam illam, quam accepisse puto, injuriam non condonabo: ego verbum illud de me prolatum non dissimulabo: ego, me præter fas postpositum esse, minus seram? Nequaquam sic agam: Omnem similitudinem Christo dono atque remitto: *Hæc cogitatione armamini.* Sivos ad obscenos amores five tentationes diabolicæ five aliorum artes five versutias five scandalosarum personarum invitationes extimulant, ita ut ad indigna prolabi prava concupiscentia velit, dicite: Egone voluptati operam dabo: egone peccato

(e) *Job. 7.* (f) *1. Petr. 4.* (g) *S. Thomas vel alius Scriptior super loc. citat.*

cato consentiam ac cedam : egone tam ex-
crandis modis corpus meum oblectem; cum
sciam, quam atroces pœnas Christus in corpore
suo innocentissimum sustinuerit? Absit
hoc a me! Faxint Superi, ne unquam for-
didas voluptates acerbis Christi doloribus
opponam; *Hac cogitatione armamini*. Deni-
que in omni peccandi occasione, in omni
tentatione, in omni Deum offendendi peri-
culo vestros animos ad dominicæ passionis
memoriam revocate; in illa enim, ceu ni-
tido crystallo, omne virtutum genus resplen-
dere advertetis & re vera id experiemini,
quod S. Augustinus in se expertus est :
Cum me pulsas, ait, aliqua turpis cogitatio,
recuro ad vulnera Christi; cum me premit caro
mea, recordatione vulnrum Domini mei resurgo;
cum Diabolus mihi parat insidias, fugio ad vi-
scera misericordiæ Domini mei, & recedit a
me; si ardor libidinis movet membra mea,
recordatione vulnerum Domini vestri Filii Dei
extinguitur (h) *In omnibus adversitatibus non*
invenio tam efficax remedium, quam vulnera
Christi: in illis dormio securus & requiesco in-
trepidus.

Hoc ipsum documentum, a S. Petro no-
bis datum, de novo Paulus phrasi significan-
tiori commendat aliam fortissimam rationem
adjiciens, quæ nos quaslibet incidentes ærum-
nas patienti animo ferre inducat : *Recogita-*
te, ait (i) eum, qui talem sustinuit a pecca-
toribus adversus semetipsum contradictionem, ut
ne fatigemini animis vestris deficientes. In qui-
bus verbis cum magno Ludovico Granaten-
si primum vox : *Recogitate*, consideranda est,
quæ idem sibi vult, ac si dixisset : non so-
lum quandoque passionem Christi cogitate,
sed eam animorum vestrorum oculis perpe-
tuo propositam habete : *Quibus vobis nos*
(k) ad laborum ac dolorum Christi magnitu-
dinem non semel atque iterum sed perpetuo con-
siderandum hortatur; hoc enim recogitandi verbo
significare voluit. Secundo consideranda
vox : *Eum*, quæ idem sonat (si gravis au-
toris sub S. Anselmi nomine noti expla-
nationem admittimus) ac si dixisset : *Eum,*
qualis ac quantus sit; nam si is, qui totius

universitatis Creator & Conservator est no-
stri nostræque salutis causa pati voluit, cum
nos illius causa, & ut merita ejus nobis
applicemus (quorum ope salutem æternam
revera consequamur) pati dedigemur? Ter-
tio considerandum, qui talem sustinuit con-
tradictionem : *Talem contradictionem, hoc est*
plagas, ait S. Joannes Chrysostomus, irri-
pciones, injurias, impropria, illusiones . . .
& non illa tantum (tempore passionis scilicet)
sed & alia, quæ circa omnem docentis
Christi vitam contigerunt. Hac ratione nos,
qui miseræ & peccatrices creaturæ sumus,
nos ipsi vero Deo comparantes ejusque tam
graves, tam ignominiosas atque atroces pœ-
nas nostris multo inferioribus afflictionibus,
calamitatibus, tentationibus componentes ad
patientiam, ad constantiam, ad æquanimi-
tatem in malis perferendis nosmetipsos ex-
citemus, ut fiat, quod Paulus vult : *Ne fa-*
tigemur, animis vestris deficientes.

Sed jam causam percipite, ob quam Paulus
vult, ut ne fatigemur, ut ne pati fasti-
diamus : *Nondum enim, ait, usque ad sangui-*
nem resististis, adversus peccatum repugnantes.
O gravem, o vere fortissimam causam! Ac
si diceret : Ecce! Jesus vestri causa tam diu-
turnas persecutiones, afflictiones, ignomi-
nias, pœnas ad mortem usque pertulit, quam
effuso pretiosissimo sanguine suo omni in cruci-
patibulo oppetiit : Et vos anne eo jam
processistis, ut res tantas illius causa, &
ut salutem ab ipso vobis promeritam con-
sequamini. passi sitis? Edicite, quæso! . . .
Hem ille tam multa pro vobis; & vos tam
pauca pro illo! Et posthæc stomachabimini,
O mei! lamentabimini, conquiremini in ærum-
nis vestris, in adversis, in tentationibus aliisque
rebus, quas accidere vobis Dominus vel vult
vel permittit eo unice, ut vos corrigat me-
lioresque efficiat : ut hoc honoris vobis lar-
giatur, vos ad salutem vestram, a se sangui-
nis suis dispendio vobis paratam, nonnihil
contulisse? Quid si salutem hanc vestram vi-
ta & sanguine vestro emeritis (uti tot glo-
riosissimi Martyres emerunt) quid vel hoc
foret, si cum iis, quæ Dominus pertulit

M 2

(habi-

(h) S. Aug. Manual. c. 12.

(i) Hier. 12.

(k) Lud. Granat. Conc. 1. de Passione.

(habita personæ & ærumnarum exantlatum ratione) componatur. Jam quanto magis hisce rebus vos subjicere nunc debetis, cum nondum eos processeritis: scilicet ut illius in gratiam & peccato resistendi causa vitam vestram amiseritis? *Nondum enim ad sanguinem usque resististis, adversus peccatum repugnantes.* Hæc considerare nos in variis afflictionibus (sive spirituales illæ sint sive temporales) positi, hæc reputare nobiscum, (nimirum, quanta Christus pro nobis passus sit) & cogitare debemus, nos (si animo ad divinam voluntatem accommodato atque constanti patimur) Christo sociari & nostræ salutis, cujus causa ille passus est, cooperari. Percipite præclarum facinus e S. Scriptura deproptum, cujus narratione finem hujus sermonis facio.

Cum Deo permittente adversus Davidem a filio Abfalone atrox rebellio conflatâ fuisset, in eas angustias David redactus est, ut, quo vitæ confuleret suæ, fugam arripere debuerit: Cogitate, O mei! quanta in hoc tragico casu afflictionum procella in calamitosum Davidem detonuerit. Utcunque sit, fugientem eum multi fidorum suorum bellicorum deferere noluerunt, se in casus omnes Regi sociantes: Fuit hos inter unus, Ethai nomine, quem cum conspexisset David, sic eum compellavit: Quo pergis? *Cur venis* (1) *nobiscum?* Ac si diceret: Nonne vides, quibus te periculis, quibus calamitatibus exponas? Revertere & rebus tuis consule: revertere & partibus Abfalonis, quem Regem proclamarunt, adjungere? *Revertere & habita cum Rege.* Immo & Gethæos tuos tecum reduc: *reduc tecum fratres tuos, & Dominus faciet tecum misericordiam . . . quia ostendisti gratiam & fidem.* Hæc audiens

Ethai intrepidus heroica cum fidelitate reposuit: *Vivit Dominus! Et vivit Dominus meus Rex, quoniam in quocunque loco fueris, Domine mi Rex! sive in morte sive in vita, ibi erit servus tuus.* Ah! Talia utinam sensa respectu Christi Auditorum meorum animis instillare atque imprimere possem. Vivat, dicant, imo vivat Dominus, quoniam, in quocunque statu tu fueris, Jesu! ibi & nos erimus: Tu toto vitæ tempore in ærumnis, in passionibus, in afflictionibus, in ignominiiis, in tormentis, in flagellis, in spinis, denique in crucis morte fuisti: ibi & nos erimus. Quod si talia adversum nos excitare ipsimet non audemus, (Uti Sancti tui omnes adversus se excitarunt) saltem voluntati tuæ concedemus & illis nos ærumnis haud gravate subjiciemus, quas in nos inmittere tibi placuerit: Miles ille aliam sibi, præterquam Regis sui Davidis, sortem esse noluit; & nos aliam ab illa, quam tu habuisti, o Rex, o Redemptor, o Deus noster! nobis velimus? *Vivit Dominus! quia in quocunque loco fueris, Domine mi Rex! sive in morte sive in vita, ibi erit servus tuus.* Ah! concede mihi hanc gratiam, o Jesu! ut benedictam passionem tuam sæpius, præcipue vero eo tempore iisque in calibus recogitem, qui me ad vitia & te offendendum inducere tentant. Abiit a me! ut, cum fidus tibi focius ac comes esse debeam, te ingratus offendam atque deseram: Immo fac, ut eorum, quæ pro me passus es, memor ego quoque pro vitanda tui offensione pati eligam, ut ad illum salutis statum pervenire merear, in quo posito mihi te semper amare, glorificari ac frui per infinita sæcula liceat, Amen.



(1) 2. Reg. 15.

SERMO XVI.

De descensione animæ Chrſti ad inferos & glorioſa Domini reſurrectione, in verba Symboli : DESCENDIT AD INFEROS TERTIA DIE RESURREXIT A MORTUIS.

POST mortem & ſepulturam amantiſſimi Redemptoris noſtri Jeſu Chriſti Symbolum apoſtolicum articulos de deſcenſu animæ Servatoris ſanctiſſimæ ad inferos ejusque glorioſo a morte ad vitam reditu nobis proponere pergit : *Deſcendit ad inferos, tertia die reſurrexit a mortuis.* Primum in deſcenſione Servatoris ad inferos mentis aciem figamus.

Sciendum itaque vobis, O mei ! vocabulo *infernus* in ſacris Literis ſignificari locum in terræ viſceribus ſitum : dividitur autem ille in varias manſiones &, ut ſic dicam, habitacula. In uno horum morabantur animæ juſtorum, qui immunes ab omni peccato perſonali omniſque pœnæ exſolvendæ debito ex hac vita migraverant ; & hoc dicebatur Limbus SS. Patrum abſque ullo reatu ſatis ſunctorum : Hæ vero animæ non ſolum nihil mali aut pœnæ ſuſtinebant, ſed & ſancto quodam gaudio exultabant, orto ex adventu Redemptoris generis humani expectatione ; a quo ex illo loco liberandi ad capeſſendum gloriæ bravium eidem comites ituri erant, cum ipſo æternum gaviliſſi. Alia ſubterranea manſio Purgatorium eſt, in quo animas eſſe noſtis juſtas illas & in gratia Dei deſunctas quidem, ſed quæ ſive quod de peccatis perpetratis & remiſſis plenam ſatisfactionem non præſtiterint ſive quod peccatorum venialium reæ ſint, ibi, donec divinæ juſtitie ex toto ſatiſfecerint, detinentur pœnasque atrociffimas multa cum reſignatione ſuſtinent (de quo, ſuo tempore atque ex propoſito, alio in loco dicemus) Hæ animæ ante Chriſti redemptionem, poſtquam debita ſua plene diſſolverant, ex Purgatorio in Limbum Patrum

translatæ fuerunt erantque exſpectantes & ipſæ redemptionem, ut cum Redemptore in paradifum aſcenderent : Nunc vero poſt perfectum redemptionis humanæ opus, poſtquam debita ſua exſolverunt, ſtatim in paradifum ſeruntur. Alia iterum ſubterranea manſio eſt manſio infantum, qui ex hac vita a peccati originalis labe non mundati migrant, quorum animæ, utut ſecundum probatiſſimam in Eccleſia opinionem pœnas nullas patientur, nunquam tamen in paradifum iotraturæ ſunt. Alia denique manſio ſubterranea eſt manſio, eheu ! quam illa terribilis, Deus meus ! animarum ob peccata mortalia perſonalia, de quibus, priusquam e vivis excederent, ſincere non doluerunt, damnatarum : Et hæc manſio a nobis proprie *infernus* nuncupatur, e quo nullus animabus reprobris reſcitus patebit unquam, & de quo ſuo loco ex propoſito agetur.

Poſtquam varios infernos ſeu loca ſubterranea diſtinximus (advertite, quæſo ! animos ; nam & ego quam clariſſime diſſeram & vos veritates illas, quas exponere paro, percipientes gaudio nequaquam carebitis) jam poni cum angelico Doctore S. Thoma debet : dici duobus modis poſſe, quod aliquis in loco quodam præſens ſit, ſive per effectum poteſtatis ſuæ ſive per ſuam realem præſentiam. Sic Regem in toto regno per effectus poteſtatis ſuæ præſentem eſſe dicimus, dum ſcilicet leges promulgat ; reos punnit : dignos remunerat : pauperes beneficiis allicit : oppreſſis ſuccurrit &c. Per realem vero præſentiam & perſonaliter idem Rex præſens eſſe dicitur in aula ſua vel in urbe, in qua reſidet : *Dupliciter (a) aliquid dicitur, eſſe alicubi: uno modo per effectum ſuum*

M 3

.... alio

(a) S. Thom. 3. p. q. 52. a. 2.

... alio modo per essentiam suam. In articulo igitur, in quo ex Fide profitemur, animam Christi essentissimo corpore suo egressam descendisse ad inferos, intelligitur, animam Christi quoad essentiam suam & substantialem praesentiam descendisse in infernum Patrum scilicet animarum iustarum, quae Servatorem expectabant ingentique gaudio perfundeantur, ubi in eundem locum sanctae animae Joannis Baptistae & Josephi, quorum ille praecursor, hic nutritus vixi jam in terris Redemptoris fuerant, delatae sunt: Credimus itaque ex Fide per articulum: *Descendit ad inferos*, animam Christi substantialiter & realiter in Limbum Sanctorum, & iustorum descendisse: *Per suam essentiam anima Christi (b) descendit solum ad locum inferni, in quo Jui i tuebantur*. Idque ex vaticinio Zachariae (c) Prophetae: *Tu autem in sanguine testamenti tui emisisti viros tuos de locu*. In reliquis vero infernos Christus descendit in eisque praesens fuit solum per potentiam suam: *Per suum effectum Christus in quolibet infernorum descendit*.

Adverto, vos quam avidissimos esse cognoscendi, quos effectus divina Servatoris anima in memoratis infernis ediderit; & ego istud hoc loco maxime paro, ut votis vestris ex incomparabilis Doctoris mei theologia satisfaciam. In inferno seu Limbo sanctitarum & iustarum animarum Christus, ait S. Doctor, lumen gloriae eidem infudit: *Sanctis autem Patribus ... lumen aeternae gloriae infudit (d) quo eisdem beatos esse dedit: Quod ut melius intelligatis, ponere debetis, Personam divinam Verbi, quemadmodum corpori Jesu in sepulchro unita mansit, ita & animae Jesu unitam fuisse; unde Christus tanquam verus Deus animas illas sanctas ac iustas subito gloriae lumine beatificavit. His addit Doctor angelicus, animam Christi in Limbo Patrum permansisse, donec divino suo corpori tertia die, qua illud suscitavit, se iterum conjunxit: Corpus ejus mansit in sepulchro per diem integram, & duas noctes ... unde etiam tunc, credendum est, animam ejus fuisse in inferno*. In inferno, quem

nos Purgatorium dicimus; illis vero, qui detinebantur in Purgatorio, spem gloriae consequenda dedit. In inferno reproborum; in inferno damnatorum habuit hunc effectum ... quod eos de sua incredulitate & malitia consultavit ... ad suam consultationem & confusionem. In inferno seu Limbo insantium: *pueri, qui cum solo peccato originali decesserant, nullo modo participes fuerant Fidei Christi; ergo non perceperunt fructum propitiationis Christi; nam omnes ii, qui salutem vel consecuti sunt vel consequuntur vel consecuturi sunt, non nisi per Fidem Christi salvantur*: Unde, ex quo Deus Redemptorem hunc se misurum in mundum promisit, omnes tam in naturali quam in scripta lege per Fidem hujus ejusdem venturi Redemptoris salvati sunt, de quo Apostolus (e) ait, quod eum Deus propitiorem per Fidem in sanguine ejus constituerit. Atque ob eam rem cum infantes illi nullo modo, neque per fidem parentum suorum (quo remedio in lege naturae peccatum originale tollebatur) neque per circumfessionem (quo remedio in lege Abrahamo a Deo data, postea scripta peccatum illud originale delebatur) neque per baptismum (quo remedio labea originaria in lege christiana eluitur) cum infantes illi, inquam, nullo modo Fidei in Christum vel videndum vel visum participes effecti fuerint; ob eam rem nullum fructum ex illius passione & (quod consequitur) nullum itidem effectum ex descensione animae Christi in memoratos infernos acceperunt. Haec sunt, quae de articulo: *Descendit ad inferos*, afferre vobisque exponere opportunitum judicavi.

Verum antequam ad articulum de gloriosa Domini resurrectione transeam, commodum esse iudico, aliquam considerationem circa descensionem ad inferos interponere atque observare, quod anima Christi, statim ac sanctum, benedictum ac crucifixum corpus suum reliquit, Limbum SS. Patrum sive animarum iustarum se expectantium mansionem petiverit, ut ostenderet, quam magni animas sibi amicas faciat. Quis est, qui dubitet, animam illam sanctissimam (si voluisset)

(b) S. Thom. loc. cit.

(c) cap. 9.

(d) S. Thom. loc. cit.

(e) Rom. 3.

set) alio morari in loco potuisse? Nemo profecto: At charitas incomprehendenda, qua Christus in animas iustas sibi que amicas & ab omni tum culpæ tum pænæ reatu ex toto puras fertur, haud sivit, ut vel uno solo momento consolari illas ac beatificare differret. Tanta nimirum, O dilectissimi! tanta est fidelitas amicitiae Dei erga amicos suos non hoc solum sed innumeris aliis factis comprobata, ex quibus manifesto desiderium illud apparet, quocum Dominus omnia Bona eisdem cupit, dummodo summo Bonorum (scilicet salutis eorum) non obstat: Cujus rei exemplis & sacra & ecclesiastica historia, in tot sanctorum Virorum tum veteris tum novi Testamenti vitis, fecit. Et tamen quam parvi hanc Dei amicitiam multi Fidelium pendunt? Est Fidei articulus, eam per peccatum amitti: Et! quanta, heu! cum facilitate peccatum ab innumeris mortalibus committitur atque iteratur? quanta cum facilitate juramenta eduntur, quin advertatur, verane an falsa dicantur, bonumne an malum grave sit, quod jurejurando firmatur? quanta cum facilitate ex impuris cogitationibus, ex impudicis obtutibus, ex ultionibus cum animo in Proximum machinatis voluptas captatur? quanta cum facilitate sive impudicarum sive Proximo damnosarum sive irreligiosarum, aliquo modo graviter malarum, actionum patrandarum desideria admittuntur? quanta cum facilitate sive in detrimentum samæ alienæ sive de rebus obscenis & scandalosis sive de argumentis Religioni, cultui Dei & Sanctorum perniciosis sermones miscuntur? quanta (ut paucis dicam) cum facilitate actiones graviter peccaminosae patrantur? Nostis istud unusquisque vestrum, & videtis quotidie & auditis, levissimam quamvis seu fortunæ amplificandæ seu capiendæ voluptatis seu iræ erumpendæ seu alterius rei minimæ occasionem eo sufficere; ut neglecta divina hac amicitia affectionum pravatum saturatio eligatur. Edicite, O charissimi! nec sine stupore immanem errorem ex Fide vel extincta vel oppido lan-

guenti natum ostendite! Anne tam parvi amicitia magni alicujus in hoc seculo viri aestimatur? Heu quanti labores subeuntur, quam dura servitus servitur, quot dona præbentur, quam amara tolerantur, ut ne illa amittatur? Et scimus, quam ea inconspicua, quam fallax, quam nobis per sepe etiam exitiosa sit. Præterea nemo mortaliū, utut maximus atque potentissimus sit, bonum ullum facere nobis potest, nisi prius a Deo ad illud nobis faciendum excitetur (Fides hoc docet) Et tamen amicitia Dei nihili reputatur: contra amicitia creaturæ immensis laboribus conservatur. Proh cæcitatem! proh perfidiam mentis humanæ! Detestemur, O mei! tam gravem errorem, statuamusque, nos, sin minus pro dignitate, saltem pro viribus nostris Dei amicitiam aestimaturos eique alia omnia posthabituos esse; & fortibus animis dicamus: Pereant omnia, dummodo Deus non amittatur.

Sed jam de Resurrectione Christi. Postquam corpus Redemptoris nostri Jesu Christi, quod divinitati semper unitum erat, sepulchro conditum fuit inque eo reliquas diei sextæ horas, & noctem illius diei totam, diemque ac noctem integram sabbathi ad ortum surgentis auroræ usque permansit (ut Scripturæ de resurrectione hac (f) loquentis testimonia & ipsius Servatoris verba: *Tertia die resurget* (g) impleantur) ecce! anima Christi sanctissima, comitatu omnium sanctarum animarum e Limbo post acceptam jam beatitudinem (uti diximus) prodeuntium septa, benedicto corpori suo se univit non jam squalenti, lacero verberibusque ac plagis deformi fed enim pulcherrimo ac glorioso, per hanc ipsam denuo unionem effectio: solis manuum, pedum, laterisque cicatricibus retentis; cujus rei causam inferius intelligetis. Surrexit itaque Servator summa claritate resplendens eaque corporali gloria circumfusus, quæ ipsi a primo conceptionis suæ in utero Mariæ momento debebat quidem, at quam ille reprimere voluit, ut nostri in gratiam pati atque

(f) *Osce. 6.* (g) *Math. 20.*

que emori posset: Surrexit propria virtute divinitatis suæ; id quod S. Scripturæ locis non repugnat, dicentibus: illum a Patre ad vitam revocatum fuisse. Nam cum eandem cum Patre divinitatem habeat, verissimum est, eum ab inferis propria virtute rediisse, quippe virtute ejus divinitatis, quam cum Patre & Spiritu sancto communem habet; Unde ipse de se dixit: *Sicut enim Pater habet vitam in semetipso (h) sic dedit & Filio habere vitam in semetipso . . . Sicut enim Pater suscitavit mortuos & vivificavit, sic & Filius, quos vult, vivificat.*

Jure merito Servator primitivè dormientium (i) & primogenitus ex mortuis (k) vocatur; nam, tametsi multi ante illum sive a Prophetis in veteri Testamento sive ab ipso Salvatore (uti Evangelium narrat) a mortuis suscitati fuerint, hi tamen omnes resurrexerunt, iterum morituri: Christus autem resurrexit, nunquam amplius moriturus: *Christus resurgens ex mortuis jam non moritur, mors illi (l) ultra non dominabitur.*

Jam vos omnes expectatione suspensi & avidi sciendi esse mihi videmini, cui primum præ aliis omnibus ita gloriosum sese Servator ostenderit; cum Evangelium S. Marci narret, eum primo Mariæ Magdalene apparuisse: *Surgens autem mane prima sabbathi (m) apparuit primo Mariæ Magdalene.* Adverto, in animis vestris nescio quam mirationem oriri, quod Servator sese Matri suæ dilectissimæ Mariæ non præ omnibus aliis videndum præbuerit, quippe quæ eum sine comparatione plus cæteris anavit omnibus; quæ ei fidem præ aliis omnibus servavit; quæ eidem plus omnibus condoluit; quæ eundem redeuntem ab inferis majori animi cum ardore præsolata est; quam denique Servator ipse multo plus reliquis omnibus diligebat. Verum consolamini, O mei! nam, etsi Evangelium non refert, tamen pie creditur, Servatorem Matri suæ charissimæ primo spectandum sese dedisse; ejus rei causæ gravissimæ hæc sunt. Prima est, quia Evangelium nullo in loco memorat, Serva-

torem Mariæ comparuisse; ex quo inferri deberet, Christum eidem non apparuisse, cum tamen tot aliis & semel quidem plus quam quingentis fratribus (teste Paulo) visus sit: Videtis itaque, silentium S. Scripturæ in hoc facto nos eo haudquaquam obstringere, ut contrarium non dicamus; quia Evangelium, cum tot aliis Christum visum fuisse narret, non addit, eundem Matri suæ dilectissimæ, quæ hac gratia reliquis omnibus dignior fuit, non visum fuisse; Ratio vero, ob quam Evangelistæ apparitionem Matri factam silentio prætermiserunt, eaque fortissima & prudentissima hæc est (advertite animos) Fuit Evangelistarum, maximum resurrectionis miraculum literis ad posteritatis fidem mandantium, munus, ejusmodi asserere testimonia, quæ apud eos, qui hujus resurrectionis historiam lecturi forent, omni exceptione majora essent: At quis non videt, quod Evangelistæ, si testem resurrectionis ipsam Christi a mortuis reversæ Matrem citassent, ejusmodi Personam citassent, quæ pro eo ut homines judicare solent, honoris Filii sui nimium studiosa extitisset & ejus testimonium apud lectores nullam vim atque auctoritatem habiturum fuisset. Ea re adacti Evangelistæ apparitionem Matri factam silentio involverunt tanquam rem ab instituto suo alienam, quippe qui id spectabant unice, ut memoratam resurrectionem firmam ratantque redderent: Atque ob id in nullo historiæ suæ sacræ loco hujus apparitionis faciunt mentionem, sed consilio longe prudentissimo alia personarum Christo sanguine non coherentium nec ita arte, uti Mater erat, eidem conjunctarum testimonia attulerunt; atque hac ratione Evangelistæ supponere maluerunt, quod Fideles omnes putaturi essent, Christum Matri primo immo etiam sæpius apparuisse, quam talia narrare. Ecce vobis causam, ob quam Evangelistæ de Matre tacent, a Magdalena vero testimoniorum citationem ordiuntur, cui inter illa testimonia primo videndum se Dominus obtulit. Præterea magnus Ecclesiæ Doctor S. Ambrosius (n) vos

sola-

(h) Joan. 5.
(m) Marc. 16.

(i) 1. Cor. 15.

(k) Coloss. 1.
(n) Lib. de Virg. c. 3. n. 14.

(l) Rom. 6.

solatar inquit: *Maria resurrectionem Domini & prima vidit & credidit: vidit & Maria Magdalena, quamvis autem & ista nutarit.* En Mariam Matrem a Maria Magdalena distinguit & illam (Matrem scilicet) *primam vidisse & credidisse*, hanc (Magdalenam) nonnihil *nutasse* affirmat. Ecce ut ex sententia magni hujus Doctoris, quem alii posteriorum temporum scriptores sequuntur, Maria Filium ab inferis redeuntem prima vidit, quamquam id Evangelistæ non memorent tanquam rem, quæ & ab instituto eorum vobis supra exposito abhorruit & ab ipsis præsupposita fuit.

Apparuit autem redux ab inferis Servator Magdalenæ, Discipulis aliisque permultis, ut extra omnem dubitationis aleam gloriosam suam poneret resurrectionem; quæ cum post adventum Spiritus sancti ab Apostolis Hierosolymis publice prædicabatur, nemo fuit, qui negare eandem ausus fuit: usque adeo manifestis argumentis tanti mysterii veritas nitetur.

Quadraginta vero dierum spatio Dominus cum Discipulis est conversatus, loquens cum eis de Ecclesia sua, uti S. Lucas (o) refert: *Per dies quadraginta apparetis eis & loquens de regno Dei, quæ verba: regno Dei;* in novo Testamento SS. Patrum turba de Ecclesia christiana accipit. His præcipue colloquiis, quæ Christus cum Discipulis habuit, Traditio divina sive *Verbum Dei orale* nititur, quod æque ac *Verbum Dei scriptum* Fidei nostræ regulam constituit; Nam veritates illas, quas ex Fide profitemur & quæ in S. Scripturis non reperiuntur, hac Traditione obstetricante cunctas accepimus, Traditione (inquam) quæ his colloquiis, a Christo e mortuis reduce cum Discipulis suis habitis, nititur. Hujus generis sunt sequentes Fidei veritates: quod Maria ad mortem suam pretiosissimam usque Virgo permanferit; quod sacra baptismatis unda ablueri insantes liceat; quod matrimonium Fidelium verum Sacramentum sit: quod extrema Unctio similiter verum Sacramentum sit, postea a S. Jacobo Apostolo in *Epistola canonica*

P. Cunctis autem Carachisla.

(o) Act. 1. 1. (p) Luc. 24. (q) 3. p. 2. art. 1. (r) Philpp. 2.

divulgatum; quod sit Purgatorium & animæ in eo detentæ vivorum adjuvari suffragiis possint; aliæque similia.

Jam cum Christus de se ipse testatus sit, quod oportebat Christum pati & resurgere (p) a mortuis; inter alias, quas de necessitate hujus resurrectionis S. Thomas refert, causas etiam sequens est, quam in nostram utilitatem expendere juvat: Nititur illa commendatione divinæ justitiæ, cujus est exaltare eos, qui se Dei causa humiliant: *Et quidem ad commendationem justitiæ divinæ (q) ad quam pertinet exaltare illos, qui se propter Deum humiliant.* Cumque Jesus ad crucis, quæ illis temporibus patibuli vice fuit, mortem usque sese humiliavit, ut ait Apostolus: *Humiliavit semetipsum. . . usque ad mortem crucis (r)* justum erat, eundem tam gloriosa resurrectione exaltari: *Quia igitur Christus . . . se humiliavit usque ad mortem crucis, oportebat, quod exaltaretur a Deo usque ad gloriosam resurrectionem.* Atque exaltatio quidem, O mei! omnibus placet, non item humiliatio; immo hæc a multis, quantum fieri potest, vitatur. Exercetur vero humiliatio tam erga Deum quam erga proximum: Et quamquam res haud valde difficilis esse videatur, eandem erga Deum exercere; cum quivis Fidelium sciat, omne, quod habemus, bonum nobis ab infinita illius misericordia provenisse & nos ex nobis nil nisi merum nihil & peccata (utpote nihili istius nostri effectus) habere: tamen in molestis quibusdam casibus, quos nobis evenire Deus permittit (uti si agros grando devastatur aut siccitas exurit aut aquarum eluviones corrumpunt) inque aliis temporariis calamitatibus persepe, cum humiliare nos & peccata demeritaque nostra respicere deberemus, irascimur, fremimus, lamentamur, quandoque etiam sanctum Dei nomen blasphemamus. Nequaquam hoc humiliare se est, sed enim de se ipso præsumere erigereque se in Deum, ac si ille nos, contra quam mereamur, tractaret. Hæc sunt, O charissimi! hæc sunt tempora; in quibus nobis ipsis dicamus: En! ob innumeras Deo illatas iniurias

jurias infernum millies promeruisti; nunc cum ille paternis hisce monitis & pœnis, inferno multum levioribus, excitare te vult, conquereris, lamentaris, infremis: Cur non potius ex vero corde pœnitens deprimensque te in humilitatem ais: Deus meus! pejora mereor, utpote infernum meritis: gratias tibi ago, quod, ut me ab illo eripias, paternis hisce iſtibus admonere digneris, quibus magna mea demerita mihi in memoriam reducens ad emendationem impellis: Sis benedictus; largire mihi patientiam, meam voluntatem tuæ conforma veroque de injuriis tibi factis dolore cor meum compunge. Cur non potius (inquam) corde contrito & humiliato ista proferimus Ah charissimi, sic facite & in vobis quoque sententiæ illius veritas comprobabitur: *Qui se humiliat, exaltabitur* (s) nam aut prosperabit vos Dominus aut tanta in patiendo pace ac patientia muniet, ut major inde exaltatio in futuro seculo ad vos reditura sit. Jam quod ad Proximum attinet; heu! quam multis difficile accidit, se erga illum humiliare: Nunquid verbum, nutus, sæpe nixa levibus argumentis suspicio sufficit, ut iris accendamus, ut debacchemur, ut vindictam spiremus & pœnas repossamus? Num hoc humiliare se, num hoc se ad exaltationem nobis ad extremum a Deo venturam parare est? Miseros nos! Quid hoc amabo! aliud est quam nova parare demerita, ob quæ Deus fastum, superbiam, ambitionem atque arrogantiam nostram castiget; ut & alterius oraculi a Christo editi veritas firmetur: *Qui se exaltat, humiliabitur*.

Postremo præteriri non-consideratum haud debet, ob quam causam resurgens a morte Servator in corpore suo gloriosissimo manuum, pedum & lateris cicatrices retinere voluerit testimonium perhibente Evangelio, quod Dominus se per has suis discipulis cognoscendum præbuerit: *Videte manus meas & pedes meos* (t) quia ego ipse sum & Thomam invitavit, ut digitos suos in foramina manuum & lateris inferret: *Infer*

digitum tuum huc & vide manus meas, & asfer manum tuam & mitte in latus (u) meum. Quam putaris, O mei! rei hujus causam extitisse? Haud alia, Charissimi! haud alia profecto fuit, quam infinita charitas, quæcum ille pro nobis passus est. Quemadmodum aliquis, qui magna cum charitate (sive patriæ in commodum sive personæ cuiusdam a se honeste & sat magna cum virtute adamatæ in gratiam) decertavit multaque in conflictu vulnera accepit, adeo ut obductæ eisdem cicatrices corpus insigniant; ipse in his gloriatur, in his sibi placet, has ceu triumphum sinceri amoris sui lubens gerit (Uti fidus ille miles, de quo Josephus Flavius (x) meminit, senatui se sistens solutis circumquaque vestibus desuo in patriam amore amanter gloriosus est, sparsas per totum corpus vulnerum cicatrices ostentans dicensque: *En signa amoris patriæ*) ita etiam amantissimus Jesus noster in corpore suo glorioso vulnerum cicatrices, ceu quædam iustitiæ suæ in nos charitatis testimonia, conservare perpetuo voluit, has jactat, his gaudet atque triumphat. Sic S. Thomas Ven. Bedæ sententiam secutus: *Ut perpetuum victoriæ suæ circumferat triumphum*. Unde Augustinus (y) eandem rectissimam sententiam ad optans ait: *Fortassis in illo regno in corporibus Martyrum videbimus vulnerum cicatrices, quas pro Christi amore pertulerunt* Retinuit itaque Christus, retinebuntque Martyres (uti & reliqui Sancti) insignia laborum, quos ille nostri causæ, hi illius causæ exantlarunt: Et nos, O amantissimi! quid hætenus Christi causæ toleratum, quid Christi causæ exantlatum ostendere possumus? . . . Quod ad me attinet, Deus meus! confiteor humili animo, me nil, præterquam peccata, miseria, perfidias & malam tot gratiarum in me collatarum reparationem ostendere posse; Quod si etiam adjuvante tua gratia tui causæ quidquam laboravi, tu nostri quantopere illud & puræ intentionis & servidi affectus defectu vitiatum fuerit. Sed quid mei Auditores suavissimi ostendere poterunt! Hoc quidem nescio; at unusquisque eorum novit, quid sua sibi

(s) Luc. 14.

(t) Luc. 24.

(u) Joam. 20.

(x) Lib. 2. de Beto Jud. c. 23.

(y) Lab. 22. de Cris. Dei.

sibi conscientia distet. Ego autem & (ut spero) ipsi una mecum toto corde dolentes veniam ingrati tudinum nostrarum a te Deus ! exposcimus tibi, per infinitum amorem, quo ductus cicatrices tuas tibi retinuisti, obtesta-

mur, ut auxilium nobis largiaris ita in posterum vivendi, ut & nos signa doloris nostri laborumque tui causa tolleratum stigmata tibi ostendere queamus, Amen.

SERMO XVII.

De Ascensione Christi, in verba Symboli : ET ASCENDIT IN CÆLUM, SEDET AD DEXTERAM PATRIS.

Post gloriosam Christi resurrectionem Symbolum admirabilem ejusdem ascensionem nobis credendam proponit : *Ascendit ad cælos, sedet ad dexteram Dei Patris omnipotentis.* Itaque Christus a mortuis reversus, posteaquam per dies quadraginta reliquis hominibus invisibilis, visibilis autem illis, quibus præbere se videndum voluit, extiterat, in cælum ascendit. Diceris illico : Quare morari quadraginta dierum spatio Dominus neque confestim in supera abire voluit ? Responsum ad hanc interrogationem peti ex sermone præcedenti debet : Voluit nimirum Dominus tanto tempore morari, primum quidem ut perspicua certaque resurrectionis suæ documenta daret, de qua initio quidam Angeli Mariæ (uti omnes quatuor Evangelistæ referunt) dein vero ii testati omnes sunt, qui eundem viderunt & cum illo ab inferis reverso conversati sunt ; hinc si Dominus confestim supernas sedes petiisset, hæc testimonia, quæ ad stabiliendam resurrectionis dominicæ fidem tantum conferunt, deficerent. Secundo, quia tum Pœnitentiæ (prout Evangelium claris verbis monet) tum alia quoque Sacramenta (uti præcedenti sermone docui) instituire & Apostolos aliis Fidei veritatibus imbuere voluit, quæ obstetricante Traditione ad nos manarunt, & a Christo quidem Apostolis ore tenus, ab Apostolis vero successu temporis suis Discipulis traditæ atque hac ratione a seculo in seculum ad nos usque derivatæ sunt. Itaque

postquam divina hæc sua consilia Dominus perfecerat, Apostolos suos cum Matre dilectissima multisque aliis Discipulis in monte Oliveti congregavit, in quo loco cum & se stitisset, post mutuas, quas mente concipere nequimus, salutationes extremumque Vale invicem sibi dictum, ipsi inspectantibus ingenti cum majestate elevari in aera cæpit, Discipulis defixos in eo oculos, quamdiu licuit, habentibus, donec illum lucidissimæ nubis interjectu e conspectu amiserunt : *Videntibus illis elevatus est (a) & nubes suscepit eum ab oculis eorum,* sicque in regnum suum immensa cum gloria comitantibus cunctis, quas e Limbo liberaverat, animabus ingressus inque illo eo modo est exceptus, quem per fidem credere quidem, nulla vero ratione vel comprehendere animis ; vel assequi verbis valemus, utpote qui Deo-homini mundi Redemptori debebatur.

Atque in hoc loco pro rudium institutione addi debet, Christum (quoad humanitatem assumptam) in cælos ascendisse ; cum de cetero (quoad divinitatem) ibi semper, neque solum in cælo sed ubique locorum fuerit, puta per immensitatem suam, quam superius sermone quarto exposui. Hinc cum Deus unus in essentia & trinus in Personis semper ubique sit, sequitur, quod, ubi essentia est, ibi & Personæ sint ; ob id Persona divina Verbi, quæ est Persona Christi, semper in omni loco una cum reliquis duabus & (quod consequitur) etiam in cæ-

lo in sinu Patris sui æterni est, tamen si & in hoc mundo in assumpta humanitate fuerit, ut pro nobis pateretur. Ex hac doctrina, quæ omnis de Fide est, concludere vobis licet, quam inepte nonnulli sacrorum Oratorum se expriment, scilicet de mysterio Incarnationis agentes multa cum emphasi dicunt, Verbum relicto Patris sinu (aut simili phrasi alia interposita) de cælo descendisse &c. mendacii Christum ipsum quasi arguentes, dicentem: *Pater in me est & ego (b) in Patre*. Hinc S. Thomas una cum Theologis omnibus concludit: *Constat (c) quod secundum humanitatem Christus ascendit*.

Verbis: *Ascendit ad cælum*, subiungit Symbolum: *Sedet ad dexteram Patris*; id quod de humanitate Christi accipi debet, tum quia divina illius Persona in terram, ut incarnaretur, veniens cælestes sedes nunquam reliquit; tum quia divinitas (utpote purus, immensus, infinitus Spiritus) nec dextram nec sinistram partem admittit: Indicat ergo phrasis: *sedet ad dexteram Patris*, humanitatem Christi multo ceteris beatis mentibus majorem gloriam (nimirum summam in cælo & in terra potestatem) possidere, quam ipse redux a mortuis Discipulis suis significavit, dicens: *Data est mihi omnis potestas in cælo (d) & in terra*. Unde S. Augustinus (e) *Ipsam dexteram intelligite potestatem, quam accepit ille homo susceptus a Deo*. Et S. Thomas (f) *Secundum gratiam habitalem, quæ abundantior est in Christo præ omnibus aliis creaturis in tantum, quod ipsa natura humana in Christo beatorum est ceteris creaturis & super omnes alias creaturas habens regiam & judicariam potestatem*. Quemadmodum, si quem honorare volumus, illum nobis a dextris esse jubemus offendentes hac ratione eam, quam illi habemus, existimationem atque honorem; ita sermo, ad significandam colatæ Christo (qua homini) gloriæ & potestatis plenitudinem, sedere ille ad dexteram Patris dicitur. Hæc sunt, quæ de hoc Symboli articulo vobis exponere opus esse dixi.

Jam in nostram utilitatem atque ædificationem considerationes aliquot insituere libet. Narrat S. Lucas (g) Mariam atque Apostolos, postquam gloriosam Christi ad cælos ascensionem oculis usurparant, Hierosolymam magna cum lætitia rediisse: *Et ipsi adorantes reversi sunt in Jerusalem cum gaudio magno*. Nostisne, O mei! unde in Discipulis magna hæc lætitia orta sit, quam non fortuito ac temere sed ex proposito S. Evangelista notat, Dicam id vobis, verbis Evangelii nixus: Sciatis itaque Christum ante mortem suam dixisse Apostolis, se eos relicturum quidem, at ut pararet eis locum in cælo: *Vado parare vobis locum (h)*. Hinc vobiscum cogitate, quantam lætitiâ Discipulis, postquam suis ipsi oculis Magistrum in cælos ascendere viderunt, promissionem illam (nimirum, quod vaderet paraturus gloriæ locum) in mentem reducentibus hæc Domini ascensio attulerit? Atque ob hanc causam in illis post admirandum adeo spectaculum Hierosolymam revertentibus magnum istud gaudium merito Evangelista annotavit: *Reversi sunt cum gaudio magno*. Sed & ad nos, O charissimi! gaudium hocce pertinet, si quidem agente Christi infinita misericordia per veram Fidem & S. Baptismatis Sacramentum membra ejus, quorum omnium caput ipse est, effecti sumus; Nam, uti multis in locis S. Augustinus observat, Jesus caput cum Membris suis nil aliud quam unum solum corpus mysticum & morale est: Atque ob id hujus lætitiæ ac spei (scilicet quod etiam nobis locum paraturus ascenderit) participes nos quoque esse & nobis quoque dictum putare ex vero possumus (*Vado parare vobis locum*) dummodo per bona opera dignos nos facimus, ut viva Christi membra simus. Hac de causa S. Hilarius Arelatenfis Episcopus (i) sapienter ait: *Totis fidei viribus nitamur, ut sicut Dominus noster nostrum cum corpore ad superna ascendit; ita nos quoque, membra ejus effecti, Caput nostrum officiosis desideriis ac bonorum studiis jam sequamur*. Ascendamus, pergit, post eum

(b) Joan. 10.

(c) 3. p. q. 17. a. 2.

(d) Matth. 28.

(e) Serm. de Symbol.

(f) 3. p. q. 58. a. 2.

(g) cap. 24.

(h) Joan. 14.

(i) Serm. de Ascens. Dom.

compunctione, benevolentia, concordia, charitate: ascendamus per ipsarum adminicula passionum. Quomodo autem post eum per passiones nostras possimus ascendere, si quis rogat? hoc utique possumus, si unusquisque nostrum subducere eas sibi sudeat, & eminentia dominantis animi super eas stare consuecat, ex ipsis sibi gradum construat, quo ad superiora ascendat: Sublimabit nos, si fuerit infra nos; de nostris etiam vitis scalam facimus, si vitia ista calcamus. Quid ad hæc vos, O dilectissimi! . . . Num sic nos gerimus, ut ad mansiones a Jesu in caelos ascendente nobis præparatas evolare possimus? Num sic vivimus, ut digni simus esse viva divini Capitis nostri membra. Cogitate, ait memoratus S. Hilarius, cogitate, quod cum Christo, id est humilitatis Magistro, non ascendit superbia, nec cum bovatibus ardore malitia, nec cum pacis amico discordia, nec cum filio virginis libido etque luxuria: Non ascendunt, non ascendunt vitia post virtutem nec peccata post justum. Ita est, O mei! Non ducunt ad Christum amores obscæni, lascivæ amicitiae, libidinis furores; sed enim ab illo abducunt: Non ducunt ad regnum Christi dona, sive iustitiae violandæ sive honestarum personarum seducendarum sive Proximi de ordine suo deturbandi sive lucrorum jure ei debitorum labefactandorum causa, vel data vel accepta; sed enim in infernum depriment: Non ducunt ad cælum discordiæ, malevolentia, detractationes, sermones obscæni, delectationes ex malis cogitationibus captæ, desideria quarumvis animo occurrentium rerum, juramenta per Dei, per Virginis sanctissimæ nomen, per Evangelium, per Crucem, per Sanctos ad quamvis fere periculum (Quin, quæ jurejurando firmentur, attendatur) prolata, non ducunt ad cælum; sed enim ad Tartara viam pandunt: Non ad gloriam, si creditoribus non satisfacimus (sicubi id fieri potest) aut si pares nos aëri alieno solvendo, debitam diligentiam adhibendo, facere negligimus: Non ad gloriam, si vitam cujusvis generis voluptatibus plane deditam sectamur, non ad gloriam ibimus cum Christo æternum habituri; sed in in-

(k) Rom. 8. (l) Matth. 16.

fernum descendemus cum dæmonum turba, quamdiu Deus erit, cruciandi: Non ascendunt peccata post virtutum parentem &c.

Quid igitur factu opus est, ut eo perveniamus, ubi Caput nostrum in secula regnat? Haud aliud quidquam, quam ut, tanquam membra Capite hoc digna, vivamus: caput & membra unum corpus constituunt: corpus ab una anima, ab uno spiritu regitur. Quapropter ut membra simus Capitis hujus, ab ipso Christi spiritu vivificari regique debemus: Quisquis spiritu Christi non animatur, non est vivum membrum Christi, non est Christi. Sic Apostolus Paulus pronuntiavit: *Qui non habet spiritum Christi, hic (k) non est ejus.* Jam quis est Spiritus Christi? Si de Christo (ut Deo) loqui placet; Spiritus Christi est ille ipse Spiritus, quem Pater habet, & qui ab utroque ceu uno solo principio (utpote una sola voluntate) procedit, estque is Spiritus sanctus tertia SS. Trinitatis Persona: Et hic est Sanctitas, Charitas, Bonum summum essentiale. Quod si deinde de Christo (ut Homine) loquimur, spiritus Christi est spiritus crucis, videlicet contemptus voluptatum, mundi, vanitatum, rerum non sanctarum omnium: Estque spiritus virtutis, recti & omnis, quæ cogitari potest, perfectionis. Ob eam rem Christus dixit: *Qui vult venire post me, ut perveniat eo, quo ego perveni, abneget semetipsum (l) & tollat crucem suam & sequatur me.* Hic, hic est spiritus Christi, quo animari debemus, ut membra efficiamur digna, quæ Christo in regno cælorum uniantur. Itaque Christi spiritu, O charissimi! Christi, inquam, spiritu (qui est spiritus sancti Evangelii ab eo prædicati, scilicet spiritus observantiæ diviuorum præceptorum, spiritus obedientiæ erga legem Numinis) imbuiere mentes nostras, eumque in finem modis omnibus peccata fugere mortalia &, hæc ut vitare queamus, occasiones eorum propiores (Nam proximæ ex se ipsis peccata sunt mortalia) relinquere perpetuo debemus. Hinc deserendi ludi illi, qui vos ad blasphemias, ad execrationes, ad gurgula atque eo iuducunt, ut facultates

N 3

vestras

vestras non sine injusto familiarum vestrarum, ex lusione vestra mille inter angustias languescientium, damno dilapidetis. Deferendæ visitationes illæ, illæ sæminarum servitutes, illæ conversationes, in quibus tot impuræ delectationes tum oculis atque cogitatione hauriuntur: tum persæpe desideria & actiones lascivæ aliæque impudicitie admittuntur. Deferendæ illæ hominum dissolutionum societates, quæ perpetuis sermonibus inhonestis & mille detractionibus anam præbent: in quibus pessimi isti non sine scelere millies gloriantur, se fecisse ac dixisse ejusmodi, quæ a peccati mortalis noxa minime aliena sunt. Deferenda illa commercia, illæ negotiationes atque officia, quæ continuis injustitiis, oppressionibus, clandestinis adversus Proximum consiliis, extortis muneribus & mille illicitis lucris causam dant. Deferendi heri illi, qui adjuvare sua facinora (scilicet fovere illegitima literarum commercia: nefanda facere lucra: adducere ad se personas, quæ adduci non deberent: violare Ecclesiæ præcepta) suadent. Deferendi procacissimi illi vestienti se modi atque illæ morum illecebræ, quibus tum viri ad sexcenta peccaminosæ complacentiæ peccata inducuntur tum scandala mille sæminis præbentur exemplum pessimum imitari volentibus quo plures sibi amassos comparent. Ut paucis omnia dicam; animari, divina auxiliante gratia, spiritu legis Dei (qui ipse spiritus Christi est) debemus; Quisquis secus agit, non est Christi; neque blandiatur sibi, se divino Capiti suo in gloria æterna jungendum fore: *Qui non habet spiritum Christi, hic non est ejus*. Itaque illo potissimum spiritu agi. O suavissimi! debemus, qui inordinatas reprimant animi affectiones: qui in rebus (saltem graviter peccaminosis) quoque corporis coercet sensus: qui voluntatem in desideriis divinæ legis præceptis repugnantibus frangit: qui multas oblationum (quæ utut ex felicitate sint; tamen ob id, quod peccati alicujus gravis vel proprii vel alieni incitamenta sint, graviter scandalosæ evadunt) interdicat.

Omnia hæc verbis illis significantur: *Abneget semetipsum & tollat crucem suam*. Qui hunc spiritum non habet, nec est nec erit Christi: *Qui non habet spiritum Christi, non est ejus*. Utinam hunc per merita pretiosi sanguinis sui & mihi & vobis, O suavissimi! concedere Jesus dignetur.

Superest alia consideratio de Christo ad Patris dexteram sedente a me instituenda: Oñert mihi illam denuo Paulus, scilicet quod Christi: (quatenus homo) ad dexteram Patris sedeat, ut pro nobis de cujusvis generis gratiis intercedat: *Est in dextera Dei (m) qui etiam interpellat pro nobis*. Et alibi ait: *Sempiternum habet sacerdotium . . . semper (n) vivens ad interpellandum pro nobis*. Atque iterum alio in loco: *Non in manifestis Sanctus Jesus introivit . . . sed in ipsum caelum (o) ut appareat vultui Dei pro nobis*. Immo S. Joannes Christum claris verbis nostrum apud Patrem Advocatum appellat: *Advocatum, halemus apud Patrem (p) Jesum Christum justum*, adeo ut Jesus Christus, cum (qua Deus) Creator ac Conservator noster (qua homo vero) Redemptor noster, Cibus noster ac continuus Benefactor sit, una simul & Advocatum pro nobis perpetuo agat: Advocatum tantum nostri studiosum, tantum partibus addictum nostris, quantum credere de Advocato fas est, qui pro clientibus suis vitam in patibulo fudit. At jam hoc in loco scire ex vobis velim, Auditores mei! qua speciali devotione Advocatus hic noster a maxima Fidelium parte colatur? Profecto si comitatem & morum elegantiam erga Advocatos bonorum temporalium adhiberi solitam contemplor; mirum quantum obstupesco considerans, horum in comparatione supremum illum maximeque necessarium Advocatum parum aut nihil omnino curari; Etenim hi, præterquam quod eis quavis in consultatione ample ac generose pecunia solvatur, persæpe ut familiam aliquam perdant aut litis male vel excogitatæ vel dolose tractatæ causæ, & muneribus & variis magnæ existimationis significationibus & modis, quibus nostri studiosi reddantur,

omni-

(m) Rom. 8. (n) Hebr. 7. (o) Hebr. 9. (p) 1. Joan. 2.

omnibus coluntur: Ille optimus, postquam nos famæ vitæque suæ dispendio redemit, non solum nullis specialibus obsequiis, nullis amoris significationibus honoratur: sed singulos in dies diversis modis & contemnitur & offenditur & læditur & male tractatur. Nunquid O mei! quivis ferme Christianus Advocatum aliquem apud Deum Sanctorum e numero sibi eligit, hic illum ille alium: hic plures, ille pauciores? Mariam autem omnes aut fere omnes Patronam implorant. Horum in obsequium unus has, alter illas devotiones exercet: Deus! longe abest, ut illa in feriam tertiam aut sabbati diem statuta jejunia solvantur. Et sunt hæc omnia tum bona tum laudabiliter exercentur: Oroque ac obtestor omnes & singulos, ut ista & præcipue specialem cultum Mariæ quam fidelissime retineant, Mariæ (inquam) in qua etiam ego omnem meam post Christum spem repositam habeo, cujus beneficia a me indignissimo accepta nec verbis nec scriptis deprædicare digne possim. At Christum, quis est, qui speciali devotione prosequatur & amore ductus aliquod peculiare homagii genus, aliquas distinctas preces ei offerat vel ejus causa speciale aliquod quavis aut hebdomada aut mense jejunium ferret? Pauci horum sunt, O mei! paucissimi. Atque (ut de me dicam) persæpe istud mihi contigisse profiteor, ut in ejusmodi Pænitentes inciderim, qui, cum nulli religioni sibi duxerint, sæpius per diem jurasse dicentes in conspectu Christi, per Christum, per Crucem, imo per sanguinem Christi similiaque; interrogati subin, num & per nomen Mariæ aut S. Antonii &c. jurarint, interrogati (inquam) responderint: Absit bone Deus! hæc ut dicam. Quid hoc rei, quæso! O charissimi! Ubi fides nostra? Quis est Christus, si Mariæ, si caelo universo componatur? Nunquid Sanctos immo & Mariam colere plus Christo oportet? . . . Vah! quis talia ore blasphemio proferat! . . . Quomodo ergo sit, ut cum tam anxiam curam adhibeamus, ne Sanctos lædamus, Christum Jesum immo & Deum, qui major Chri-

sto (quatenus is homo est) existit, offenderæ nihil reformidemus? Quomodo sit, ut cum studio tanto hanc illam devotionem, hoc illud sive quotidiani sive hebdomalis sive mensurui obsequii genus Mariæ aut Sanctis offeramus, ad Christum aut nunquam aut perraro confugiamus: Christi aut nunquam aut raro recordemur: Christum aut nunquam aut raro invocemus, nisi eo ut absque omni reverentia per ejus nomen juremus aut nomen illud omnino blasphememus. Nonne ex hac nervosissima ratione, quæ Fide ipsa nititur, cognoscitis, O mei! quam male vestra sibi devotio constet? Nolo, Charissimi! ut devotos vos Mariæ & Sanctis præbere intermitatis; immo ut his devoti sitis, vos obsecro atque obtestor: At Christo multo magis devotos vos esse exopto. Nonne Mariam iniquis vos oculis aspecturam, si amantissimum ejus Filium læditis: Nonne Sanctos indignaturos esse putatis, si Salvatorem eorum supremumque Dominum offenditis? Atque utinam non essent sexcenti, qui a plurimis mortalibus adversus Christum peccatis emendare sese nihil curant, illi quidem Mariæ, isti vero Sanctorum patrocinio confisi; ac si Maria & Sancti in hoc positi essent, ut pessimis illis patrocinarentur, qui horum quidem supremum Dominum, illius vero amantissimum Filium offendunt. Igitur si ex Fide constat, Christum esse Deum nostrum, Redemptorem nostrum, summum Dominum nostrum, Patrem nostrum, Benefactorem nostrum, Amicum nostrum, Fratrem nostrum (Hos titulos omnes respectu nostri adscribere ille sibi dignatus est) & si is insuper in caelum ascendit, ut Advocatus noster esset *semper vivens ad interpellandum pro nobis*: si (inquam) hæc omnia ex Fide constant, ipsum, O Mei! omnibus anteferte: ipsum, plus omnibus colere, plus omnibus conciliare vobis, plus omnibus exorare satagite. Hinc nulla vobis (si fieri potest) cessat dies, quin Ecclesiam, ubi in sacro tabernaculo ob amorem nostri vivus & re ipsa residet, frequentantes eundem revereamini offerentes ei actum fidei, spei,

chari-

charitatis, contritionis, gratiarum actionis & affectu plenissimæ commendationis, ut vos longe ab offensis suis remotos servet: feligentesque vobis pulchram aliquam & devotam orationem, eam illi quotidie dirigere statuite. In hunc finem ex multis pulcherrimis devotissimæ Anfelmii Cantuariensis Episcopi orationibus duas vobis propono easque breviores, ne, pro eo ut miseri homines sumus, fastidium subrepat.

„ I. Domine Deus meus! si feci, ut non „ essem servus tuus, nunquid facere potui, „ ut non essem effectus tuus? Si mihi puritatem meam adem, nunquid misericordiam tuam peremi? Si commis, unde me „ damnare potes, tu non amisisti, unde „ salvare soles. Verum est, Domine! quod „ conscientia mea meretur damnationem; „ sed misericordia tua superat omnem offensionem. Parce ergo mihi, Domine! „ quia non est impossibile tuæ potentiae nec „ indecens tuæ justitiæ nec insolitum tuæ „ clementiæ. Quid enim est Jesus, nisi

„ Salvator? Ergo, Jesu! qui me creasti, non „ me perimas; qui me redemisti, non me condemnes; qui me creasti tua bonitate, non „ pereat opus tuum mea iniquitate: Cognito „ scō ergo in me, quod tuum est, & absterge, quod meum est, Amen. „

„ II. Scio, Domine Jesu! scio & fateor, „ quod non sum dignus, quem tu diligas; „ sed certe tu non es indignus, quem ego „ diligam. Indignus quidem sum tibi servire; sed tu non es indignus servitio creaturæ tuæ. Da mihi ergo, Domine! unde tu es dignus, & ero dignus, unde „ sum indignus. Fac me, quomodo vis, „ a peccatis cessare, ut, quomodo debeo, „ tibi possim servire. Concede mihi per tuam piissimam misericordiam sic custodire, regere & finire vitam meam, ut in „ pace dormiam & requiescam in te. Præsta „ mihi, Domine! ut in fine recipiam animam „ mea somnum cum requie, requiem cum „ saturitate, saturitatem cum æternitate per „ viscera misericordiæ tuæ, Amen.

SERMO XVIII.

In verba: INDE VENTURUS EST JUDICARE VIVOS ET MORTUOS. Agitur de judicio particulari.

Post articulum de Ascensione Christi in cælum sanctum Fidei Symbolum articulum de ejusdem, vivos ac mortuos judicaturi, adventu proponit: *Inde venturur est judicare vivos & mortuos*. Profitemur hoc in loco, O suavissimi! ut facile videtis, adventum Christi in extrema mundi die, in qua creaturas omnes judicabit: Et quoniam de universali hoc judicio dicere ad vos sermone sequenti constitui, idcirco in hodierno de particulari potissimum judicio dicam: Quo in loco ad id attendere debetis, quod vos omnes satis scire persuasum habeo: scilicet unumquemque nostrum duplex Christi judicium subiturum esse: unum,

quod dicitur particulare; alterum, quod universale vocatur. A primo omnia pendent, nimirum bonus malusve secundi exitus: Quem salvari in primo feliciter contigerit, is non habet, quod in secundo sermidet.

Primum itaque, scilicet particulare, judicium eo ipso temporis puncto fit, quo anima corpus linquit; quæ Christo Judici sinitur, ut post discussam causam suam sententiam, a qua appellari non potest, accipiat: sententiam vel salutis æternæ nulla mora interposita (si iusta & ab omni reatu, etiam pænæ, libera fuerit) aut tum demum consequendæ (si in Purgatorio pœnas peccatis mortalibus venialibusque jam dimis-

dimissis seu venialibus etiam nondum condonatis debitas exsolverit) vel damnationis æternæ, si culpa lethali gravata ex hoc seculo migravit. Ex quibus cognoscitis, animam, cui in hoc primo iudicio salus obtigerit, in perpetuum salvari: contra eam, cui in hoc iudicio perditio obtigerit, in perpetuum perire: *Statutum est hominibus semel mori, post hoc autem* (ita Paulus (a) dogmaticè scriptum reliquit) *iudicium*. Dicetis forsitan: Ut quid ergo denuo in extrema mundi die universale iudicium instituetur? Responsum ad hoc quaesitum in diem crastinum, obsecro! expectate: Hodie de iudicio particulari, quippe quod maximi in rem nostram momenti est, agere me permittatis oro.

Itaque anima e corpore exiens, in ipso exitu Christo iudici suo, a quo appellari non potest, occurrit: Hic autem animæ iudicandæ omnes actiones (ne minima quidem exceptæ) & præprimis omnia peccata ob oculos mentis proponit eo modo eaque cum perspicuitate atque atque evidentiâ, quacum facere istud Deus omnipotens valet. Jam ponite, animam iudicandam esse innumeris illis, quas Christianos inter invenire est, similem: similem (inquam) innumeris illis, quippe quæ maximam sui in hac terra incolatus partem peccatorum mortalium rea duxit; quippe quæ post peractam Confessionem, post sumptam sacram Dapem mox sequenti aut aliquot diebus post ad priora scelera rediit, quin ab illis se unquam penitus correxerit atque ob hanc causam in postrema Confessione, priusquam ex hoc seculo migravit, eadem peccata indicanda habuerit, quæ plus minusve tantis temporum intervallis absque ulla omnino emendatione iterum iterumque confessa est: adeo ut postrema quod Confessio ejus generis fuerit, cujus præcedentes fuerunt.

Cogitate, obsecro! quam funestus accidere animæ huic primus iste occurfus debeat, quo coram Christo Iudice sistitur: Iudice, quem toties graviter offendit, toto-

P. Cuniliati Catechista.

que sere vitæ spatio capitalem hostem (nam talem se cuique peccati mortalis reo ille gerit) habuit. Ah occursum! Ah præsentiam! Ah primum aspectum! Videre Iudicem eum ipsum, quem omni libidini, omni voluptati, omni esrænatæ cupiditati postposuit! hujus in præsentia esse & iustas indignantis objurgationes audire debere!

Olim Dominus, Regem Judæ Sedeciam ob patrata scelera punire volens, Prophetam Jeremiam ad se vocatum ita est allocutus: *Vade & loquere ad Sedeciam Regem Juda: Incides in servitutum Regis Babylonis; Dices: Et tu non effugies de manu ejus, sed comprehensione capieris & (b) in manus ejus traderis: Et oculi tui oculos Regis Babylonis videbunt & os ejus cum ore tuo loquetur*. Vaticinium istud eventus cumulatissime firmavit: Captus quippe Sedecias & ad Regem Babylonis Nabuchodonosorem est adductus, qui locutus est cum eo (c) *iudicium*, hoc est, eum de injuriis & offensis, quas accepisse se ab illo contendebat, judicavit. Ah! quid jam de nobis, O suavissimi! fiet, ubi Jesum tanto tempore injuriose a nobis habitum contueri: ubi eundem nostras nobis de immensis beneficiis suis ingratitudines exprobrantem audire cogemur? *Oculi nostri oculos ejus videbunt & os ejus cum ore nostro loquetur*: Ubi eundem ipsas adeo occultissimas cogitationes nostras accuratissime discutientem audiemus? *Loquetur nobiscum iudicium*. Et si Dominus, grave malum Sedeciae in eo denuntiari, credidit, quod Regem inimicum contuturus & cum eo collocuturus esset; quanta, putatis! animæ afflictio erit, quæ plurimorum seculorum rea, quamprimum corpus deferit, convenire Jesum Christum debet? . . . Aut quæ est majestatis, indignationis atque furoris, quem Rex Babylonis in Regem Sedeciam ore prætulit, cum majestate, indignatione & furore illo comparatio, qui in facie Jesu Christi nostri post mortem iudicis adversus animas peccatrices nec (ut decebat) pœnitentia expiatis, mox ut e seculo

(a) Hebr. 9. (b) Jerem. 34. (c) 4. Reg. 25.

culo hoc migrarint, throno suo sistendas judicandasque apparebit? *Loquetur cum eis judicium . . .*

Quamprimum anima Judicis tribunali oblata fuerit, audiet distinctam, quam ille facturus est, enarrationem insignium beneficiorum omnium, quæ a se & vi sanguinis sui anima accepit: creationis, redemptionis, sanctæ fidei, spatii ad pœnitentiam toties concessi, tot luminum, inspirationum, monitionum, auxiliorum, correctionum, mortuum conscientiæ, calamitatum Proximi oculis usurpatarum, repentinarum alienarum mortuum, benefactorum temporalium ac pœnarium (paucis) viarum omnium, quibus Dominus ad animam lucrandam usus est, ut ne illa majestatem sui nominis offenderet, sed eandem amaret eidemque pro officii sui ratione serviret, quippe certa Dominum vel minimæ in mentem admixtæ cogitationis, verbi ore prolati minimi, actionis patrati vel omisæ minimæ rationem exacturum fore. Jam quid, heu! de nobis fiet, si nos Dominus beneficiis suis abusus: si sexcentorum peccatorum mortalium adversus se commissorum reos esse: si sanctam gratiam sanctamque amicitiam suam nihili nos fecisse: si omnia nobis amoris, plus se, fuisse: si nos totos animos divitiis, dignitatibus & voluptatibus obscœnis adjecisse deprehenderit? Quid, heu! de nobis fiet, si Dominus mentem nostram cujus peccaminosæ imagini, utut turpissimæ, perviam atque apertam: si intellectum nostrum ad omnem cogitationem malam suscipiendam promptum: si voluntatem nostram ad omnem a se prohibitum affectum proclivem fuisse invenerit? Quid, heu! de nobis fiet, si nos debitorum nostra negligentia non solutorum: si nos creditorum insolentis nostris fatigatorum: si munerum dolosa industria injuste extortorum: si lucrorum innumeris titulis illicitorum reos deprehenderit? Quid, heu! de nobis fiet, si nos Dominus maledictorum, detractionum, calumniarum in Proximum non retractatarum: si damnorum non compensatorum: si sermonum obscœnorum quam fre-

quentissime habitorum: si vestitus lascivi, procacis, ad libidinem excitantis: si scandalorum, seductionum, invitationum, provocationum quandoque etiam violentarum, ut alii in malum traherentur, reos invenerit? Quid, heu! de nobis fiet, si nos Dominus male perjurandi consuetudini deditos fuisse: si cum scandalo Proximi blasphemias vomuisse: si adoranda sanctæ Religionis capita ludibrio habuisse: si sacratissima maximeque veneratione mysteria derisisse cognosceret? Quid, heu! de nobis fiet, si nos Dominus Confessionum sive ob sacrilegam reticentiam sive ob excusationes haud veras sive ob doloris & efficacis propositi aliarumque requisitarum conditionum defectum male peractarum: si nos, proh Superi! Sacramentorum in statu peccati mortalium vel acceptorum vel ministratorum: si nos denique intellectus nihil minus, quam se, cogitantis: si memoriæ nihil minus, quam se, repetentis: si voluntatis nihil minus, quam se, appetentis: si cordis nulli rei minus, quam sibi dediti: si corporis nullius rei causâ minus, quam sui gratia, defatigati reos invenerit? In tali statu si nos deprehenderit, quid de nobis fiet, O suavissimi! quid fiet? . . . Quid? . . . *Reduc me in memoriam & judicemur simul.* (d) dicit, uti in spiritu audit Isaias Propheta: *Reduc me in memoriam*, scilicet ea, quæ tibi feci, & tunc judica: quid tu, quid ego mereamur. *Et judicemur simul.* Ego beneficia: Tu peccata; Ego gratias: Tu offensas; Ego auxilia: Tu injurias. *Judicemur simul.* Quid dicis, quid respondes? *Narra si quid habes*, prosequitur Propheta in persona sua, *ut justificeris*: affer, si quam habes, defensionem. Anne forsitan afferes consuetas tuas preces: illas masticatas, devoratas, luridas atque eum in modum recitatas preces, ut tam irreverenter, tam distrahente tamque indecenter ne bubulco quidem locutus fuisses? *Narra, si quid habes.* Anne adduces illa ex devotione suscepta jejunia eum unice in finem observata, ne te mea corripere justitia, & ut sine timore offendere me pergeres? *Narra, si quid habes.* Anne allegabis Communiones illas respec-

(d) *Isai. 43.*

Aus humani gratia, & ut ne aliis tepidior putareris vel ut occultos amores tuos velares, peractas? *Narra, si quid habes.* Anne laudabis eleemosynas obliqua ex intentione, non ut conversionis a me gratiam sed ut licentiam vitii altius te ingurgitandi acciperes, erogatas? . . . Ad hæc responde; hæc purga! *Narra, si quid habes, ut iustificeris* . . . Ah! quomodo fieri poterit, ut has vel similes atque alias iustas increpationes audientes ad iudicis oburgantis vocem pudore non confundamur & cum alio attonito Propheta exclamemus: *Confusio faciei meæ cooperuit me (e) a voce exprobrantis & obloquentis.*

Hæc sunt, O charissimi! quorum maxime rationem (pro eo ut nostro ævo vivitur) ab animabus Fidelium in iudicio particulari repetendam fore deputavi. Sunt quidem (ut verum fatear) multa alia inquisitionum genera, quæ hoc in loco addere possem; sed ea consulto prætermitto, ne hac de re nimis prolixus esse videar. Nam quis unquam cogitare ex æquo poterit, quæ & quanta in nobis Christus Iudex discutenda atque investiganda reperiet? Excutiet ille (ut paucis omnia dicam) unumquemque nostrum per omnes articulos & per obligationes eo pertinentes omnes, utut minutissimas: quid nobis, tanquam personis ratione præditis, tanquam personis christianis, tanquam personis huius vel illius conditionis, tanquam personis in hoc illo vitæ ordine positissimis convenerit? Quo in loco computetis vobiscum velim, quot quamque varia sint uniuscujusque nostrum pro varia vitæ ratione officia: scilicet quæ sint officia personarum alicujus primum ut rationalis, dein ut christianæ: postea ut e. g. nobilis, ut forensis, ut mercatricis, ut artificis &c. subin ut e. g. cælibis aut conjugatæ, ut principis aut subditæ, ut ecclesiasticæ aut regalaris. Sic Iudex supremus uniuscujusque nostrum, pro statuum ratione, cogitationes susceptas omnes, affectus in cor admisos omnes, omnia verba ore prolata omnesque actiones potentiis externis patratas discutiet. Neque hic subsistet; sed inquirat insuper in omnes omissiones earum rerum,

quas scire, cogitare, loqui ac operari debuissimus: Et hic quanta rerum vorago sese oculis objiciat nostris, ipsi cognoscitis. Exiget ergo rationem omnium momentorum, exquirens, quibus rebus illa dicaverimus: omnium obolorum, indagans, in quæ illos expenderimus: omnium aliorum bonorum temporalium, investigans, in quem usum illa adhibuerimus: Nam cognitionem infinitam, qualis Dei-hominis propria est, nihil fugitat, nihil latet, de quo creatura, quæ esse eum in finem accepit, ut tota ipsi viveret ejusque obsequio omnia ab eo accepta sacraret, rationem non reddat, utrum hoc re vera præstiterit.

Jam hæc omnis disquisitio, O charissimi post annos aliquot, & fortassis a multis post menses aut dies aliquot, certe aliquando omnibus nobis est subeunda. Atque ob id ex vobis sciscitari juvat, quid responsuri quidve allaturi simus? Dicebat olim & merito jure Jobus: *Vere scio, quod ita sit, & quod non iustificetur homo compositionibus Deo (f) Si voluerit contendere cum eo, non poterit respondere unum pro mille . . . Quantum ergo sum ego, ut respondeam ei? & loquar verbis meis cum eo: Qui etiamsi habuerim quidpiam iustum, non respondebo; sed meum Iudicem deprecabor.* Quod si in hanc sententiam magnus ille legis naturalis Sanctus locutus est atque hæc (quod ad suum iudicium spectabat) cum animo computavit suo; quid nos aut facere aut dicere, O mei! oportet, qui non solum a sanctitate Jobi longe absumus, sed & sexcentis peccatis onustam conscientiam habemus? Atque utinam non sic res multorum esset, quibus de triginta; quadraginta, sexaginta & pluribus etiam vitæ suæ annis dicere licet, se illos (paucis horis demptis) ferme totos in statu inimicitiae Dei, & reos culparum mortalium duxisse!

Jam quæ sententia expectari a Iudice debet eo tempore, quo ejusdem iustitia jus suum, quod toto vitæ huius tempore misericordiae cessaret, sibi repetitura est? quæ, proh Deus! sententia! Qualem vobis expectaretis, O mei! si hoc temporis puncto repentina sub-

lati morte in iudicium vocaremini? . . . Ah! vereor, ne multi vestrum dicturi sint: Væ mihi! Sententia, heu! prompta foret: æternæ maledictionis fulmine prostrandus essem. Et cur in negotio, in quo de æternitate vel fortunata vel infortunata agitur, rebus vestris male adeo prospicitis? Oh Pater! sic respondentes nonnullos audire mihi videor, prius confessuros nos, quam morte rapiendos esse confidimus. His repono: Quis vobis istud revelavit? Quot, qui se hac eadem spe lastarunt, absque Confessione mortui sunt æternumque perierunt? Quot vehementi correpti morbo confessi quidem sunt; at vix, quid facerent, scientes? Quot commodo confessi tempore invalidam debitoque serio dolore & proposito firmo destitutam Confessionem peregerunt? Quin advertite, O mei! animos vestros (Sunt, quæ dico, maximi momenti ad eos dedocendos omnes, qui peccaminosis suis libidinibus absorpti vivunt &, per spem peragendæ ante mortem bonæ Confessionis, evitatuos se particulare iudicium, quod ferali e lecto abire præcipites in infernum faciat, sibi blandiuntur.)

Advertite animos! Quæro ex vobis, quid de illis Confessionibus sentiat, quas peccatores identidem faciunt? Quin describere illas juvat! Imminet e. g. Paschalis solennitas, Natalis Domini aut Assumptio Virginis; Dicunt cum animis suis: Oportet consisti; excutiant taliter qualiter conscientias suas; legunt libellum aliquem, in quo præparationis ad Confessionem sic dictus actus (sunt multi horum librorum, qui animum, ut decet, ad Confessionem certe non præparant, quos ipse legi, & qui idonei non sunt; cum nullum formalis doloris actum exprimant) prolixè ponitur; libello lecto confessarium quæsituri eunt: Confessarium, si ve qui se primus obtulerit aut sæpe ejusmodi, qui parum vel aut nihil interrogant, monent, inculcant &c. Tum exponunt, quæ menti post perfunctoriam investigationem occurrerunt, accipiuntque Absolutionem; quando & longior ante Confessionem

examinatio instituenda & in ipsa Confessione plura interroganda & persæpe Absolutio differenda esset tum propter non reliquas peccandi proximas occasiones tum ob æs alienum ex negligentia non dissolutum tum ob recidivos in eadem peccata mortalia lapsus tum ob alias, quæ Absolutionis dilationem exigunt, causas: Jam, Absolutione donati, contenti & quieti vivunt seque Paradisum manibus prehensisse putant. De hujusmodi Confessionibus quid sentiat, rogo. Ah Pater! dicitis: Credimus, qui talem Confessionem fecit, eum Dei gratiam sibi reconciliasse: Siccine? Placet interrogare ulterius, num Confessiones peractæ omnes hujus generis fuerint? Ita, fuerit. Ego iterum quæro: Post has Confessiones omnes vices, tricesies, quadragesies, centies factas an hi ullum emendationis fructum tulerunt, anne vero priora fere semper peccata ad sacrum tribunal attulerunt: scilicet easdem lascivias, easdem execrationes, eosdem amores, eosdem sermones obscænos, easdem in malis cogitationibus delectationes, eosdem impudicos obtutus, easdem creditoribus satisfaciendi omissiones, easdem mali occasiones, easdem lasciva commercia atque amicitias easdem (verbo) easdem fere aut sæpe, majori etiam numero & speciei gravioris, culpas? Ita Pater! Jam, si vos tales Confessiones bonas validasque dicitis, ego contra cum omnibus SS. Patribus, qui hoc argumentum tractarunt, illas malas esse assero, quippe vero de Deo offenso dolore firmoque de Deo amplius haud offendendo proposito privatas. Sic (repeto) Patres omnes asserunt, quotquot de hac materia scripserunt: dum hujusmodi prænitentias alii fictas, alii mendaces, alii fraudulentas, alii nullas esse declararunt. Atque hoc nixi fundamento summi Pontifices Alexander VII. & Innocentius XI. eorum sententiam reprobraverunt, qui docebant: *non obligari peccatorem ad deferendam occasionem, in qua ut plurimum ad peccandum inducitur; atque iterum: posse absolvi, qui mortalis peccati consuetudine obstrictus est,* atque

atque ab id in eadem semper peccata relabitur. Nam si is fidem merito amittit, qui quatuor aut octo vicibus reitn graviores pollicetur, quin illam unquam efficiat; quæ ratione in re omnium gravissima (qualis est peccati mortalis derelictio) fides ei adhibeat, qui se nunquam a malo corripit. Repeto itaque, tales Confessiones sacrilegia potius quam Confessiones dici debere.

Verum concedamus, non omnino nullam aut plane sacrilegam talem Confessionem & saltem suspectam esse. Num cum tali Confessione mori velletis? Nequaquam certe. Jam posthæc ex vobis quæro, num quidquam magis periculosum sit, quam ut ne postremis quoque vitæ diebus talem Confessionem (si tamen gratiam confitendi Deus vobis concedat) faciatis; nam cum hunc in modum, scilicet cum exiguo sensu, cum ancipiti dolore, cum instabili proposito peragere Confessiones vestras assueveritis, quid fieri facilius potest, quam ut vestra postrema quoque Confessio ejusdem generis sit eisdemque consuetos ac usitatos characteres gerat? His addite, in fine vitæ & morbi magnitudinem & animi trædia & mentis de rebus externis sollicitudines ac perturbationes eo conferre plurimum, ut Confessio vestra ultima reliquis Confessionibus minus quieta, minus sedata minusque sensata reddatur. Et talem Confessionem secum ex hac vita asserens anima quod judicium quamve sententiam expectare poterit: quod, edicite obsecro, judicium, quam sententiam? Quid aliud, ita se gerere, O mei! quid aliud est, quam sempiternam salutem ancipiti fortunæ committere seque æternæ maledictionis periculo ultro offerre?

Quid igitur factu opus, ut irreparabilis hujus ruinæ securus nos (quantum id effici potest) reddamus? Dicam id vobis, & faxint Superi, ut opere exequamini, quod verbis moneo; Est enim admonitio Spiritus sancti: *Ante judicium para justitiam tibi*. . . . *Ante judicium (g) interroga te ipsum, excute, corrige & sic in conspectu Dei invenies*

propitiationem. Itaque ante alia omnia Confessionem debitis modis & (si opus fuerit) etiam generalem facite, sicubi ex recidivis in eademmet peccata lapsibus colligere potestis, præcedentes Confessiones vestras nullas atque irritas fuisse nullumque vel dolorem vel propositum verum vos habuisse. Sic ante judicium in statu gratiæ & justitiæ vos collocabitis: *Ante judicium parabitur justitiam vobis.* Hac Confessione peracta subsequentes Confessiones vestras (non moris aut consuetudinis hoc illo sacro tempore, hac illa in solennitate receptæ causâ, sed præcipue eo consilio, ut vos in gratia Dei stabiles servetis) cum serio sinceroque de offensa Dei infinita bonitate dolore, & firmo stabilique ac certissimo de illa graviter haud amplius offendenda proposito facere consuefcite (Requiruntur hæc omnia ad validam Confessionem, uti alio in loco fufius vos docebo) Deinde si de doloris vestri veritate firmitateque propositi vestri prudenter conficere vobis ex eo licuerit, quod occasiones, in quibus cecidistis, sugiatis: quod obligationes a pio doctoque confessorio impositas impleatis: quod a relapsu in eadem peccata vel ex toto vel ex maxima parte abstineatis; adeo ut quælibet Confessio fructum suum pariat, si non ut nunquam saltem ut notabiliter rarius cadatis, donec tandem haud amplius graviter vos peccare contingat aut si quandoque contingat, id casu extra ordinem ac fortuito fiat, bene erit: Sic *ante judicium interrogabitur vos ipso*, fietque, ut, vobis absque gravi peccato & in statu gratiæ divinæ vivere pergentibus, animæ lerali in momento ejusdem gratiæ consors mîgret, & judicium inveniat, quod vos paradiso destinet: *Et in conspectu Dei invenietis propitiationem.* Quod si fecus facitis maximamque vitæ partem in peccatis mortalibus aut sic vivitis, ut peccatis Confessio, Confessioni peccata succedant, quin unquam aut saltem parum admodum mores corrigatis: vestræ Confessiones, quæ dimittere culpas deberent, easdem etiam aggravabunt, fiet

que miseris vobis, ut postrema Confessio præ-
cedentibus similis sit vosque in iudicio parti-
culari æternæ damnationis sententiam re-
portetis.

SERMO XIX.

In eadem Symboli verba: INDE VENTURUS EST ETC. Agitur de iudicio uni-
versali.

Postquam de iudicio particulari ad vos dixi, O charissimi! restat, ut de iudicio universali, quod proposito Symboli articulo maxime profiteamur, disseram: *Inde venturus est iudicare vivos & mortuos.* Objiciet aliquis: quid opus est post particulare iudicium, in quo a Christo iudice inappellabilis sententia pronunciabitur, aliud universale institui, quo unice sententia pronuntiata confirmetur? Equidem, O mei! nulla hujus universalis iudicii faciendi inevitabilis necessitas existit; cum Deus res aliter (si voluisset) ordinare potuisset; Attamen sunt quædam rationes convenientiæ, ex quibus perspicuum sit, iuste, sancte summaque ratione hoc universale iudicium fieri, in quo creaturæ humanæ (quotquot fuerunt, sunt & erunt) omnes comparere cogentur, ut unaquæque omnis, quod in corpore ad animæ exitum usque gessit, vel boni vel mali rationem reddat; prout per os Pauli Apostoli Fides nos omnes monet: *Omnes nos manifestari oportet ante tribunal Christi, ut rescirat unusquisque propria corporis (a) prout gessit, sive bonum sive malum.* Et quoniam persusum habeo, vos has convenientiæ causas cognoscendi avidos esse, illas vobis ex S. Thoma, a quo eandem Catechismus Romanus est mutuatus, adducere non tam inutilis curiositatis explendæ quam fructus inde (ut spero) a vobis capiendi gratia constitui.

Prima iudicii universalis ratio hæc est, ut appareat sapientia infinita viarum Domini, quæ imbecillis mentibus nostris insolitæ atque incongruæ esse videntur; dum scilicet

bona temporalia inæquali adeo modo distributa esse: dum tot iustos contabescere miseris, contra tot impios prospera fortuna uti: dum probos esse contemptul, ambiciosos atque superbos exaltari: paucis, dum bonos affligi, malos prosperari videmus; quæ distributio, cum bona nostra omnia fortesque omnes in Dei manibus positas esse sciamus, bonis causam admirationis: malis scandalum: impiis blasphemiam præbet. Oportet itaque uti monet Catechismus Concilii Tridentini (b) Deum harum viarum, quas Fideles omnes (quotquot sunt atque erunt) eo magis adorare ac revereri debent, quo altius supra cæcæ mentis nostræ captum posita sunt, sapientiam, iustitiam ac providentiam omnibus palam ostendere, ut debitæ eidem laudes ab omnibus tribuantur omnesque dicant: *Omnia in sapientia fecisti.* En! ipsa memorati Catechismi verba: *Quoniam in adversis & secundis hominum rebus, quæ promiscue nonnunquam bonis & malis eveniunt, probandum erat, nihil non infinita Dei sapientia & iustitia geri & gubernari; par fuit . . . publico ac generali iudicio decerni, quo omnibus notoria & illustriora fierent, atque ut Deo iustitia & providentia laus ab omnibus tribueretur.* Atque de hoc argumento ego plura non dico, quoniam de eo in sermone nono ac decimo fuisse egi.

Secunda iudicii finalis causa est, ut creditæ infamiae vel honoris indebiti præiudicium, quocum multi ex hoc mundo migraverunt, tollatur. Accidit, neque id raro: quendam sive ob impositam iniuste calumniam sive ob delictum occultum aliorum maligni-

(a) 2. Corinth. 5.

(b) Part. 1. cap. 8. n. 4.

ignitate revelatum sive etiam morte ignominiosa carnificis publici manu illata ex hoc seculo discedere, auferentem secum communem existimationem personæ infamis ac dignæ, cujus nomen ad posterorum memoriam gravi contumeliæ nota insigniatur: Immo fit quandoque, ut nomen illius detestabilis memoriæ æternandæ gratia in rerum gestarum commentarios referatur & libris in lucem datis divulgetur; cum tamen aut innocentia calumniis impetiti aut verus fontis dolor (qui noxium Deo conciliat ejusque Filium adoptivum & regni cælestis hæredem constituit) eundem omni honore atque existimatione dignum faciant. Ita e contrario nonnulli in fama sive sanctitatis sive doctrinæ sive virtutis militaris aut alterius dotis alicujus, qua posteritati existimationem ac laudes consequantur, e vita migraverunt, quorum nomina in historiis prædicantur; cum tamen illi, sive quod abominabili hypocrisis dediti sive quod impotenti superbia excæcati fuerint sive quod nefandæ traditionis reos se fecerint sive quod impias & Religioni sanctæ perniciosas opiniones foverint aut alii ignominioso vitio addicti fuerint, atque ob id in Dei inimicitia & vixerint & obierint, perpetua notari ignominia mereantur. Jam ut quivis, qualis re vera fuit, talis & cognoscatur, judicium decerni finale quam convenientissimum fuit, in quo coram universo humano genere & iis, qui bonæ famæ detrimentum injuste accepissent, fieret satis: & ii, qui immerito honore crevissent, proderentur. *Cum fama sæpe laudatur, impii vero justitia laude proborum commendentur: divina justitia ratio postulat, ut pii dreptam injuria apud homines existimationem in publico universorum hominum conventu & judicio recuperent.* Ita loco citato laudatus Catechismus.

Ex quibus inferre debemus, hominem (si veri ratio habetur) in tantum solummodo existimatione dignum esse, in quantum talis coram Deo; & non in quantum talis in hominum opinione, erroribus obnoxia, est: erroribus, quos sexcentis tum in-

doles atque ingenium tum aliorum malignitas tum suspicio & rerum in partem iniquam acceptio tum anxia emulatione aut alia immoderata, & quæ nos perperam sentire faciat, affectio creant; id quod in dies singulos fieri videmus. Quapropter haud adeo anxie nobis laborandum, ut hominum existimationem, tot erroribus tantæ inconstantiae tantæque sententiarum varietati obnoxiam, nobis comparemus; sed in id curæ nostræ ac sollicitudines convertendæ sunt, ut Dei existimatione floreamus, cui placere tam facile quam hominibus placuisse difficile est; quandoquidem, ut Deo placeamus, cor sincerum & efficax eidem placere volendi desiderium gerere sufficit: In cujus rei signum Dominus efficacia operis boni desideria pro opere ipso accipit, si nos ab hujus executione vera impotentia præpediverit: *Præparationem cordis eorum audivit auris tua (c) Desiderium pauperum exaudivit Dominus.* Contra, ut hominibus placeamus, sola desideria nihil juvant, imò ne exquisitissimæ quidem assiduitates; quandoquidem id placere illis e mille circumstantiis, quæ perraro concurrunt, pendet; & si etiam concurrant, res exiguißima quæque eo sufficit, ut animos mutent & gratiam erga nos collectam amittant.

Tertia judicii finalis causa (ut alias leviores omittam) est qualitas nonnullarum actionum humanarum (sive malarum sive bonarum) quæ *actiones consequentiæ* vocantur, & quarum effectus ad finem mundi usque perdurabunt. Num e.g. dubium cuiquam esse potest, quin pictor, qui sacram magnæ pietatis sensus instillantem imaginem cum bona rectaque intentione depinxit (si salvatur ut in regni cælestis possessionem admittitur) novos gloriæ accidentalis gradus pro quovis pio actu, quem Fideles erga illam sanctam imaginem eliciunt, consequatur? Num cuiquam dubium esse potest, quin scriptori, qui recto consilio opus cultum Dei & profectum animarum adjuvans composuit ac publicavit, nova accidentalis gloria (si

in cælum ivit) ex omni illo fructu accedat, quem lectoris hujus operis capiant & ad finem mundi usque capturi sint? De hoc dubitare nobis certe non licet, quippe quos de eo certos omnis Theologorum turba reddit. Sic e contrario de pictore lascivo, de obsceno poeta, de scriptore scandaloso deque illis sentiantis omnibus velim, qui quoque modo monumenta ad peccatum inducentia post se reliquerunt: qui omnes (si damnantur) pro quolibet peccato propter ipsos admissio novas accidentales pœnas in inferno perferant. Quo in loco sciatis velim, hos tum gloriæ tum pœnarum gradus *accidentales* dici, non quod veniant transeantque; Nequaquam (nam semel cum venerint, æternum durant) sed quod gloriæ ac pœnæ essentiali (quarum hæc in privatione visionis Dei: illa in visione ac fruitione ejusdem consistit) superaddantur; de quo in ultimo Synboli articulo fufius dicam. Ex his, quæ hucusque attuli, convenientissimum esse cognoscitis, universale judicium institui; quandoquidem ad illius tempora usque effectus bonarum malarumve actionum plurimorum hominum duraturi sunt: *Cum vel ipsi hominibus mortuis* (En verba memorati Catechismi) *interdum superstites sint filii parentum imitatores: reliqui sint liberi ac discipuli, exemplorum, orationum, actionum amatores ac propugnatores, quibus rebus ipsorum mortuorum præmia & pœnas augeri necesse est; cum hæc vel utilitas vel salamitas ad plurimos pertinens non prius finem habitura sit, quam extremus veniat mundus dies: æquum erat, de universa hæc recte aut perperam sacrorum doctorumque ratione persectam quæstionem haberi; quod fieri non poterat, nisi sacro communi hominum judicio.*

Et hic quam ampla se mihi, O suavissimi! dicendi materies offerret, nisi hoc de argumento alio in loco, in quo de scandalo dicam, agendum esset? Nunc eos omnes, qui sive verbis sive actionibus suis posteritati monumenta ad peccatum excitantia, ad peccatum provocantia, ad peccatum trahentia, ad peccatum seducenda post se reliquerunt, secundum memorata Catechismi verba mo-

nuisse satis habeo, eos in illa terribili die apparituros esse, omnibus malis effectibus actionum suarum gravatos: atque ex illis judicandos fore, visuros longam atque perpetuam prave a se gestorum seriem & funestissimam scandalorum a se datorum propagationem. Atque ob eam rem memoratus Catechismus monet, ut parentes quoad exempla & doctrinas natis dandas: ut præceptores quoad alumnos suos, multoque magis parochi, virique ecclesiastici & regulares quoad eos, quibuscum vivunt: ut præfecti cujusvis generis quoad subditos suos: ut scriptores, typographi, bibliopolæ quoad libros a se vel componendos vel divulgandos: ut pictores, sculptores alique artifices quoad opera a se facienda sibi multum prospiciant: cum certi sint, fore, ut omnes actionum, verborum & operum suorum consecutiones in supremæ mundi die distincte videre debeant, vel magna præmia magnique solatium (si bonæ fuerint) vel graves pœnas multamque tristitiam ac confusionem (si malæ fuerint) inde relaturi: *His rebus ipsorum mortuorum præmia & pœnas augeri necesse est.*

Hæc sunt causæ præcipuæ ab Ecclesia nobis propositæ, ob quas (præter particulare) universale insuper judicium fiet.

In hoc judicio, ait Symbolum, judicabuntur vivi ac mortui: *Vivos & mortuos*; sub quibus verbis ut Augustinus (d) dicit, eos qui gratiæ vivunt atque eos, qui eidem mortui sunt, intelligere possumus: *Vivos justos, mortuos autem injustos.* Sensum tamen magis proprium si sequi velimus, mortui dicuntur, qui ante summam judicii diem obierunt, & vivi ii, quos tremenda illa dies vivos inveniet; qui tamen omnes (uti Fides docet) morituri sunt; prout de omni humana creatura Scripturæ sacræ pluribus locis affirmant. Morientur itaque omnes: Alii præ timore, dum horrida judicii prænuncia signa (de quibus paulo post dicam) videbunt: Alii ex malo naturali, quo corripientur: Omnes autem emittendis e cælo flammarum imbris occidentur atque devorabuntur: flammarum (inquam) quas judi-

(d) Enchirid. c. 55.

judicium antecessuras esse certissimum est, uti plurimi tum veteris tum novi Testamenti loci produnt; Veteris quidem: *Ignis ante ipsum præcedet*, ait David (e) *Ignis ante ipsum exardescet* & in circuitu ejus tempestas valida (f) *Advocabit cælum de sursum* & terram discernere populum suum. Dabo prodigia in cælo (g) ait Propheta Joel, & in terra sanguinem & ignem & vaporem fumi: sol convertetur in tenebras & luna in sanguinem, antequam veniat *Dies Domini magnus & horribilis*. Ecce Dominus in igne venit (h) ita Propheta Isaias . . . reddere in indignatione furorem suum & increpationem in flamma ignis; quia in igne Dominus judicabit & in gladio suo ad omnem carnem: His concinunt reliqui Prophetæ, quando de ista die, quæ per antonomasiam *Dies Dei*, *Dies Domini* dicitur, loquuntur. Quod ad novum Testamentum attinet: unus sufficiat ex epistola S. Petri desumptus locus: *Adveniat Dominus, sicut fur*; in quo cæli magno impetu transigent, elementa vero calore solventur, terra autem &, quæ in ipsa sunt, opera exurentur (i) *Cæli ardentes solventur & elementa ignis ardore tabescent*.

Priusquam devoratrices hæc flammæ torrentis instar desuper effunduntur, Christus ipse in Evangelio nobis denunciât, alia formidanda signa præcessura esse: *Sol obscurabitur* (k) *Luna non dabit lumen suum*: *Stellæ cadent de cælo & virtutes calorum commovebuntur*. Adeo ut homines præ nimio metu obrigescent: *Arescentibus hominibus* (l) *præ timore & expectatione, quæ supervenient universo orbi*. Quod si signa judicium præcedentia tantum terroris habitura sunt; quam infelix, quæso! atque infaustus impiis (nam iusti non habebunt, quod metuant) quam infaustus, inquam, erit impiis aspectus iudicis in lucida ac terribili nube, ceu throno quodam, magna cum potestate ac maiestate sedentis? Ita ipse de se testatur: *Videbunt Filium hominis venientem* (m) *in rubra cum potestate magna & maiestate*. O aspectum!

P. Cuniliati Catechista.

etum! O visionem reis, oheu! tristissimam maximeque funestam!

Revocate hic in memoriam id, quod in horto Gethsemani accidit, quando milites ac satellites ad Christum accesserunt eundem in vincula daturi. *Quem quæritis?* aiebat Servator. Illi, *Jesum Nazarenum*. *Ego sum*, reponebat Christus, & continuo his duabus vocibus ceu fulmine tacti retro in terram prociderunt. Heu! tantum milites illos mansuetissima Christi facies percudit, quando in vincula rapiebatur, dicentis: *Ego sum*: Et quid Deus meus! quid, oheu! de nobis fiet, si te elevatum in aere, densis vestum nubibus, Sanctorum & beatorum Spirituum (nam teste Isaias (n) *Dominus ad judicium venit cum senibus populi sui & principibus ejus*) sanctæ crucis vexillum (*Tunc apparebit signum* (o) *Filii hominis*) alte sublatum tenentium exercitibus stipatum cernemus? Quid erit, o Jesu! si te miram maiestatem vultu præferentem & severissima oris specie videbimus, ulturum in illa vindictæ & sævientis iustitiæ die acceptas a creaturis tuis injurias univasas? Duo verba: *Ego sum*, cum in vincula quærebaris, proferendum illam audacium petulantium, impudentissimorum carnificum catervam tantopere exteruisti; quid jam erit, si te dicentem audimus: *Ego sum* ille Deus-homo Redemptor, qui eo veni, ut a vobis creaturis meis a me emptis, ad me factis injuriarum omnium rationem deposcam? O aspectum! O vindictam!

Judicium sedet (ait Daniel) & libri (p) *aperiti sunt*. Libri hi (ut Viri docti exponunt) conscientiæ hominum sunt, ex quibus Judex, collecto in unum ante se humano genere universo, causarum discussionem ordietur. Discussio hæc, etsi verbaliter fieri posset; tamen, quod tempus multo longissimum exigeret, mentaliter fiet (ut SS. Augustinus & Thomas sentiunt) virtute potentiae divinæ, a qua omnium corda aperientur omnibusque certum lumen quoddam

P

(e) Psalms. 96.

(f) Psalms. 99.

(g) Joel. 2.

(h) Isai. 66.

(i) 2. Petri 3.

(k) Matth. 24.

(l) Luc. 21.

(m) Luc. 21.

(n) cap. 3.

(o) Matth. 24.

(p) Dan. 7.

dam infundetur, cujus vi quivis omnes si-
ve bonas siue malas a quolibet hominum
patratas actiones visurus est; unde cuius
omnes actus vel boni vel peccaminosi, ad
illud usque temporis punctum perpetrati,
manifesti fient: Ita S. Thomas (q) citans
S. Augustinum (r) *Augustinus dicit, quod
liber vite vir quædam est intelligenda divina,
qua fiet, ut cuique opera sua bona vel mala
ad memoriam revocentur & mentis intuitu mi-
ra celeritate cernantur, ut accuset vel excuset
scientia: atque ita simul & omnes homines
& Angeli judicentur. Sed si vocaliter discute-
rentur merita singulorum, non possent omnes &
singuli judicari in maximo tempore; ergo vide-
tur, quod illa discussio non erit vocalis. Videbit
itaque unusquisque tum suam ipsius tum reli-
quorum omnium conscientias; cujus rei causam
assert S. Thomas, dicens: divinam justi-
tiam in illa die omnibus evidenter apparere
debere; id quod fieri respectu uniuscujusque
non potest, nisi unusquisque merita & demerita
cujusvis agnoscat: In communi judicio oportet,
quod divina justitia omnibus evidenter appareat:
sententia autem condemnantis vel præmiantis justa
esse non potest, nisi secundum merita vel demerita
proferatur; ita oportet ad hoc, quod justa sen-
tentia appareat, quod omnibus sententiam co-
gnoscentibus merita innotescant. Neque ob id
credatis velim, peccata a Justificatis & Bea-
tis admitta, ubi reprobis innotuerint, ul-
lum justis pudorem allaturum esse: Nequaquam,
ait memoratus Doctor unaque cum illo Theo-
logi omnes; nam pænitentia & pænæ ad
ea expianda toleratæ Sanctos multo illu-
striores & honorabiliores efficiunt. Quem-
admodum nunc quoque (ut tot præju-
diciis agamur & sat exiguo lumine regamur)
neque Mariæ Magdalene vel Mariæ
Ægyptiacæ lasciviis neque trina Petri nega-
tione quidquam moverum scientes, hæc il-
los peccata auferentissima pænitentia eluisse:
idque multo magis tunc, cum præjudicia,
rectam & rerum æstimationem impediencia,
nulla futura sint & lumen divinum res actio-
nesque omnes suo de pretio spectari faciet:
Quibus accedit, quod, cum ad laudem mi-*

sericordiæ divinæ plurimum pertineat, libe-
rasse ab anterioribus peccatis suis justifica-
tos: hanc liberationem omnibus patefieri
oportet. Ita S. Doctor angelicus; quod
ipsum S. Paulus Apostolus declaravit, quan-
do Corinthiis in hæc verba scripsit: *Nolite
ante tempus judicare, quoadusque veniat Domi-
nus, qui & illuminabit abscondita tenebrarum
& manifestabit consilia cordium (s) & tunc
laus erit unicuique a Deo.*

Jam hoc in loco cum animis vestris co-
gitate, O mei! quantus impiorum pudor fu-
turus sit, dum omnia sua usque ad illud tem-
pus occulta nec debitis pænitentis expia-
ta peccata ab universo humano genere co-
gnosci intelligent: dum omnia illa menta-
lia probra audient, quibus ceu totidem sag-
gittis tum innumerabiles Justorum catervæ
tum ingens infeliciū sociorum turba eos
confodient; nam si in hoc seculo calamita-
tum socios habuisse dolorem aliquo modo
levat, tum certe illum levabit minime sed
& augebit ob capitale, quo se infelices
mutuo persequuntur, odium: Ah!
quam acerba ignominia fæminæ apud omnes
modestæ opinionione florescenti accederet, si
ejus admittæ lasciviæ in media civitate tu-
bæ sonitu ea præsentē publicarentur? Quan-
tum dedecus ille minister alicui honesti
alias viri famam gerens subiret, si eodem-
met modo perfidiæ illius, malæ artes at-
que extorsiones vulgarentur? Quantam in-
famiam ille prohibitæ laude commendatus
vir pateretur, si simili modo nefanda ejus
facinora proderentur? Quantam denique tur-
pitudinem vir ille ecclesiasticus, magnæ ce-
teroque pietatis exiftimationem ab omni-
bus habens, acciperet, si pari fere ra-
tione sacrilegia ejusdem & amoris obscœni
dispalescerent? Ego quidem sic existimo:
hos omnes mortem prius optaturos sibi,
quam talem, se adstantibus, publicationem
laturus fore; Et quæ hæc publicatio, si cum ea
componatur, quæ in auribus universi huma-
ni generis fieri illa tremenda in die debet,
in qua ultionum Dominus illuminabit abs-
condita tenebrarum & consilia cordium manifestabit.

Quod

(q) In Suppl. quæst. 88. art. 2.

(r) Lib. 20. de Civit. Dei.

(s) 1. Corinth. 4.

Quod si confusio impiorum ob hanc publicationem & probra ab omnibus in eos jacienda ingens atque incomprehensibilis futura est; qualis demum, O mei! erit, ubi ipse adeo Judex omnia beneficia collata, omnes gratias concessas, omnia Sacramenta eorum in gratiam instituta, omnia documenta præbita, omnem in eis ad pœnitentiam expectandis patientiam atque insuper omnes cruciatus infinita cum charitate eorum salutis causa toleratos eisdem objiciet? *Inimicis vulnera demonstraturus est sua* (ita pie S. Augustinus sentit) *ut convincens eos dicat: Ecce hominem, quem crucifixistis! Ecce Deum & hominem in quem credere nolulistis! Videtis vulnera, quæ inflixistis: agnoscitis latruncem, quod pupugistis; quoniam & per vos (t) & propter vos apertum est, nec tamen intrare voluistis.*

Quid ad hæc probra respondere scelerrati, quid objicere poterunt quippe jam de eo convicti, quod & inspirationes neglexerint & Sacramenta sponte omiserint & monita repudiarent & exempla bona contempserint & ipsas adeo castigationes irritas atque inutiles reddiderint? . . . Quid, obsecro! in sui excusationem adferre poterunt? . . . Hæc inter Angeli justos a noxiis separabunt: *Exibunt Angeli & separabunt* (u) *malos de medio justorum*, hisque ad dexteram, illis ad sinistram collocatis stabunt omnes justæ, inappellabilis & æternæ miro fragore intonandæ sententiæ expectatione suspensi: sententiæ, quæ in prius jam damnatis vel beatis primam illam in judicio particulari latam confirmabit; in iis vero, qui adventante judicii die vixerunt, obierunt & resurrexerunt, unica & sola erit. O sententiam! O definitionem! O separationem! Itaque Judex conversus ad eos, qui in dextera stabunt, voce mirum quantum sonora, læta, amabili: orisque specie benignissima, benevolentissima maximeque festiva, *Venite, inquit, Venite Benediciti Patris mei, possidete paratum vobis* (x) *regnum a constitutione mundi*: Quæ verba novo eoque imperceptibili gaudio & nova, quam mente asse-

qui in hac vita nequimus, lætitia Justorum corda; contra impios nova nec verbis explicanda tristitia afficiunt, videntes se a benedictionis consortio excludi, ut confestim maledictionis sempiternæ sententiam audiant. Cogitate hoc in loco laudum cantica, benedictiones atque actiones gratiarum a justis Deo suo Salvatore; Judici mente certe dirigendas, sin minus devotissimo lætissimoque clamore & viva voce id, quod olim (y) Rex Propheta, dicturi sunt: *Benedictus Dominus in æternum! Fiat, Fiat.*

Subin ad sinistram & ad reprobos conversus Arbiter supremus vultu, heu! quam severo, terribili, indignante, cujus imaginem miseriorum e mentibus nulla æternitas deletura est, *Discedite*, inquit, *Discedite malediciti*, indigni amoris mei, indigni passionum mearum, indigni fructuum sanguinis mei; indigni in ævum misericordiæ meæ! *Discedite miseri*, in quos, ceu scopum quandam, iræ & justitiæ meæ tela æternum desævient! *Discedite a me malediciti*, flammis infernalibus æternum sepeliendi: *Tunc dicet & his, qui a sinistris erunt: Discedite*, O verba! O fulmina! *discedite (z) a me malediciti in ignem æternum, qui paratus est diabolo & angelis ejus.* Ita, *discedite*, inquit omnes Justorum turmæ teste Propheta (aa) *ut faciant in eis judicium conscriptum; gloria hæc est omnibus Sanctis ejus.* *Discedite*, una omnes voce exclamabunt, *malediciti: Discedite*, parentes natis, nati parentibus: mariti uxoribus, uxores maritis dicent. *Discedite fratres fororibus, sorores fratribus: affines affinibus, noti notis, amici amicis* (verbo) *Justi cuncti reprobis cunctis dicent: Discedite malediciti in ignem æternum, nunquam in æternum ex eo exituri, quamdiu Deus erit.* Pronunciata autem sententia ibunt hi in *supplicium æternum, Justo autem in vitam æternam.* O separationem! O divisionem!

Ecce, O mei! maxime rudem atque impolitam judicii finalis imaginem! Veniet certe atque illucescet funestissima dies hæc, & quotquot hic adstant, ad unum omnes tremendo isti judicio interesse cogemur: Nos,

P 2

nos

(t) Serm. 2. de Symb. ad Catechum.
(y) Psalm. 22. (z) Matth. 13.

(u) Matth. 13.
(aa) Psalm. 149.

(x) Matth. 13.

nos nostris auribus tum illud *Venite benedicti* tum illud *Discedite maledicti* audiemus. Et quis est nostrum, O mei! qui sibi salutare illud *Venite benedicti* non optet? At si id optat, cur non & comparare studet? Ratio & modus vivendi via est, qua sive ad dexteram sive ad sinistram Judicis itur: Peccata, illicitæ voluptates, amores impuri, sermones obsceni, injustitiæ, rapinæ, odia, vindictæ, cujusvis cupiditatis expletio ad sinistram: Obedientia erga legem divinam, affectionum malarum compressio, sensuum corporalium domatio, pravarum inclinationum defraudatio, opera misericordiæ erga Proximum, conservatio justitiæ, concordia, pax (verbo)

vita ad christianismi & status munera exacta ad dexteram ducunt . . . Quam viam nos hactenus, O mei! trivimus? . . . Quapropter cum S. Augustino omnes moneo atque exhortor: *Si timemus futurum judicium, fratres! bene vivamus; Tempus misericordiæ nunc est: Tempus judicii tunc erit. Pœnitebit & tunc, sed frustra pœnitebit: modo pœniteat, cum fructus est pœnitendi* (bb) De præteritis itaque serio, intime atque constanter pœniteamus: In futurum novam vitæ rationem sequi statuamus frequenti, pio ac fructuoso Sacramentorum usui conjunctam; sine quo fieri moraliter vix potest, ut diu a peccatis mortalibus alieni simus.

(bb) Enarr. in Psalm. 49.

SERMO XX.

De Article: CREDO IN SPIRITUM SANCTUM.

Posteaquam Symbolum duarum divinarum Personarum Patris ac Filii & eorum, quæ ad Filium pertinent, fidem proposuit, ad tertiam SS. Trinitatis Personam, quæ Spiritus sanctus est, pergit: *Credo in Spiritum sanctum*; de quo cum in sermone quarto (quantum quidem ad erudiendos Fideles satis fuit) dixerim; ob id hoc in loco iis breviter expositis, quæ de memorata sanctissima Persona & creditu necessaria & scitu utilia sunt, subin de aliis ad hanc Personam divinam spectantibus & multum ad nostram utilitatem conferentibus rebus fusius agam.

Itaque Spiritus sanctus tertia est SS. Trinitatis Persona, a Patre & Filio realiter distincta, duabus reliquis per omnia æqualis; cum divinam unicam essentiam, quæ in ceteris duabus est, habeat: semperque unus solus Deus in tribus distinctis Personis existat. Spiritus sanctus verus est Deus, uti forma baptismi a Christo instituta prodit, in

qua Spiritus sanctus cum Patre & Filio æqualiter nominatur: *In nomine Patris & Filii & Spiritus sancti*; quo in loco vocabulo, *Nomine* identitas essentiae, reliquis verbis distinctio Personarum divinarum per omnia æqualium denotatur. Ita etiam S. Petrus Spiritum sanctum Deum esse in *Actibus Apostolorum* docet, ubi Ananiam ob dolum & mendacium prolatum exterrere jure volens dixit: *Anania! cur tentavit satanas cor tuum mentiri te Spiritui sancto? Non es mentitus hominibus (a) sed Deo.*

Spiritus sanctus a Patre Filioque procedit tanquam harum ambarum Personarum amor substantialis ac reciprocus, non quasi ex duobus principiis sed uno principio, quippe una sola voluntate; cum una sola natura divina in omnibus sit. Procedit a Patre, uti Christus in Evangelio affirmavit: *Spiritus Veritatis, qui a Patre (b) procedit*; quibus verbis, cum Spiritus sanctus Spiritus Veritatis (quæ est Christus Filius) dicatur, idem ab ipsa Verita-

(a) Act. 5. (b) Joan. 15.

Veritate procedere denotatur. Præterea quid aliud sibi illa Christi verba volunt, quando Apostolis Spiritum sanctum insufflando contulit (*Insufflavit & dixit: Accipite (c) Spiritum sanctum*) quam eundem a Filio quoque procedere? Neque enim eum conferret, nisi eundem & spiraret. Cur ergo non credamus, quod etiam de Filio procedat Spiritus (ait Augustinus) sanctus, cum Filii quoque ipse sit Spiritus? Si enim ab eo non procederet, non post resurrectionem suam se representans discipulis suis insufflasset dicens: *Accipite Spiritum sanctum*. Quid enim significavit illa insufflatio, nisi quod procedat Spiritus sanctus & de ipso (d) Nunquid præterea Christus clare dixit, quod Spiritus sanctus de suo accipiat? Ille me clarificabit, quia de meo accipiet (e) Nunquid idem subjungit? Omnia, quæcumque habet Pater, mea sunt; propterea dixi, quia de meo accipiet. Quæ omnia quid aliud produnt quam Filium habere eundem vim spirativam, quam Pater habet, & ab ipso quoque Spiritum sanctum procedere? Quamobrem loco citato S. Augustinus dicit: *A quo autem habet Filius, ut sit Deus (Est enim de Deo Deus) ab illo habet utique etiam, ut de illo procedat Spiritus sanctus; ac per hoc Spiritus sanctus, ut etiam de Filio procedat sicut procedit de Patre, ab ipso habet Patre.*

Ut veritas hæc clarius appareat, theologicam eamque fortissimam rationem in usum illorum, qui capaciori ingenio præditi sunt, ad jungere libet. Observarunt viri eruditi ex phrasæ novi Testamenti, vocem mitti idem significare ac vocem *procedere*; in hujus rei signum Pater nullibi missus legitur, utpote a nullo procedens: Filius vero missus legitur sed a solo Patre, nequaquam a sancto etiam Spiritu, quippe a solo Patre non a Spiritu sancto procedens. Spiritus denique sanctus a Patre & Filio missus legitur (*Quem ego mittam vobis (f) a Patre*) id quod significat, eundem a Patre & Filio procedere: Hinc nulla duarum reliquarum Personarum a Spiritu sancto missa legitur, quia ab illo nulla procedit.

Hæc sunt, quæ credi de Spiritu sancto

a nobis debent; pergamus modo (si lubet) ad explicanda alia quatuor capita, scilicet quæ sint dona Spiritus Sancti? qui fructus eorundem? quæ præparationes ad Spiritum sanctum obtinendum idoneæ? qui effectus illius? Dona Spiritus sancti, cum altissima maximeque sublimia sint, itidem explicatu difficillima sunt; disseram nihilominus de illis, quantum ad percipiendam convenientem eorum notitiam satis esse videbitur: quo in loco quidquid protulero, ex mente S. Thomæ protulisse me credatis velim. Dividuntur autem dona Spiritus sancti in duas classes; nam alia ad mentem, alia ad voluntatem attinent: ad mentem attentia sunt donum Sapientiæ, donum Intellectus, donum Consilii, donum Scientiæ: Ad voluntatem spectantia sunt donum Fortitudinis, donum Pietatis, donum Timoris Dei.

Sapientia est donum, per quod anima de rebus, tum Fidei tum naturalis luminis ope cognitis, judicat; at id ex causis altissimis (nimirum divinis) Ita e. g. castitas, quæ virtus moralis naturalis est, laudabilis atque desiderabilis esse reputatur: Jam si ob id laudabilis ac desiderabilis esse judicatur, quia hominem ad literarum studia aptiorem, innumerarum turbarum immunem, animi quietum facit, erit morale hoc judicium virtuosum quidem at naturale solum. Si deinde castitas ob id desiderabilis judicatur, quia illam Christus observavit: quia mentem ad accipienda lumina divina habiliorem & ad unionem cum Numine paratiorem reddit, judicium hoc a dono Sapientiæ oriatur.

Intellectus est donum, per quod mens nostra acuitur, ut sanctæ Fidei mysteria certa quadam cum claritate, subtilitate ac penetratione cognoscamus; quæ penetratio non jam a studiis aut a naturali ingenii acumine, sed ex quadam cognitione mentis, ad objecta divina in illis mysteriis proposita spectante, eorumque arcano gustu proficiunt.

Scientia est donum, per quod anima de rebus creatis bene judicat ex causis creatis,

P 3

(c) Jo. 14. 26. (d) Tract. 29. in Joann.

(e) Joann. 15.

(f) Joann. 15.

at illis ad honorem & gloriam Dei relatis: idque ob gustum, quem sentit, ipsius Dei non ob altissimas & divinas, dono Sapientiæ proprias, causas. Ita e. g. aliquis martyrii tolerationem laude dignum reputat; quod quia inde noviter ad Fidem conversis animi crescunt: En motivum seu causam naturalem, at illam ad honorem Dei relatum! Huic dono tres actus tribuuntur, nimirum ut opportunis aptisque argumentis Fidem defendamus: ut res vitandas & amplectendas discernamus: ut sciamus, sic creaturas inter conversari, ut conversatio nostra nullam reprehensionem admittat; ita tamen ut omnia ad Dei gloriam dirigantur.

Consilium est donum, per quod anima sibi consulit seque ad impletionem eorum ipsa dirigit, quæ ex donis Sapientiæ & Scientiæ ad bonorum æternorum acquisitionem & honoris divini amplificationem factu utilia esse cognovit: idque in actionibus tam de præcepto quam de consilio, five supererogatorie, ponendis. Hujus doni est, in rebus dubiis atque perplexis insolita ac inexpectata capere consilia, & certas mirabiles atque stupendas vitæ rationes amplecti; uti sanctorum Anachoretarum nonnulli fecerunt, qui in vastas incultasque sylvas sese abdiderunt tigrides inter atque leones habitaturi aut qui pluribus lustris in columnis nunquam inde descendentes vixerunt. Sunt hi impulsus sancti Spiritus, profecti a dono Consilii, quos tamen inconsulto ac temere sequi minime sed de illis (si fieri potest) doctorum ac piorum virorum consilia multum exquirere debemus: Et hæc sunt dona, quæ ad intellectum seu mentem spectant.

Inter dona ad voluntatem spectantia primum sibi locum donum Fortitudinis vendicat, per quod excitamur, ut pro gloria Dei propaganda in gravissima nosmet pericula etiam posthabitis humanæ prudentiæ regulis ingeramus. Sic de nonnullis sanctis Martyribus legitur, quod e lictorum manibus sese eripuerint, ut in medias flammās irent aut in unguēs furentium bestiarum sese conjicerent; aliaque similia plura narrantur: Qui certe insoliti impulsus a Spiritu sancto pro-

venisse tum ob effectus eorundem tum ob Ecclesiæ judicium creduntur, at tentari de cetero minime debent. Sed si impulsus isti a Spiritu sancto animam novis & inusitatis modis movente proficiuntur, ingerit idem ille S. Spiritus animæ quandam securitatem, qua illa certa redditur, se, si in hunc maxime modum agat, Deo voluptati fore & divinam gloriam augendam esse.

Donum Pietatis commovet animam, ut debitos honores primum quidem Deo tanquam Patri amantissimo, deinde Sanctis & iis, quæ ad Sanctos pertinent, rebus (uti sacris reliquiis, imaginibus &c.) exhibeat; dum in hisce exercitiis magnam spirituales suavitatem percipit, e qua in animabus hoc dono præditis illi devotionis impetus proveniunt, qui in honore Dei ac Sanctorum tum propugnando tum promovendo nescio quid insoliti habere deprehenduntur.

Quod ad donum Timoris spectat, una cum Theologis tres timores, quorum nullus virtutis laude caret, distinguere debetis, scilicet timorem fervilem, initialem & filialem. Primus (servilis scilicet) timet malum culpæ ob pœnam, qua illud castigatur, ita tamen ut timor pœnæ affectum culpæ tollat; nam si hunc non tolleret, & quis diceret: si nulla peccati pœna esset, peccarem; timor esset vitiosus, impius ac detestabilis. Secundus timor (initialis nimirum) timet malum peccati tum ob pœnam tum ob injuriam, quæ ex peccato Deo accedit; & hic timor priori melior est. Tertius (filialis scilicet) timet malum peccati unice, quia est offensa Dei Patris amore tantopere digni; & hic timor vere est donum sancti Spiritus, Atque hæc dixisse sufficiat, ut dona Spiritus sancti cognoscatis: quæ omnia animæ in Dei gratia constitutæ per modum habitus possident infusæ sibi, ut paratæ sint, quæ ad actiones & facta insolita divinæ gloriæ promovendæ idonea a Spiritu sancto facile citoque moveantur.

Jam fructus Spiritus sancti breviter exponendi veniunt. Horum duodecim sunt, totidemque a S. Paulo memorantur: Quo in loco cum S. Thoma, quem per omnia se-

quor,

quor, observare debetis, hos fructus non esse perfectiones habituales seu permanentes sed certos animæ motus actuales & transeuntes, qui ex virtutibus supernaturalibus in anima residentibus proveniunt, & ex quorum transeunte exercitio peculiaris supernaturalis voluptas animæ accedit.

Primus fructus est Charitas; neque hoc in loco virtus theologica charitatis denotatur sed actus ejusdem, qui animabus exercentibus illum spirituale gaudium confert plus minusve intensum pro eo, ut Deo concedere placuerit & pro ratione dispositionis, quæcum ipsæ hunc actum exercent.

Secundus fructus est Gaudium, consistitque in lætitia quadam animæ interna, quæ longis intervallis omnia naturalia gaudia, utut ex rebus & objectis licitis percipi solita, post se relinquit. Inter alias hujus gaudii causas S. Paulus firmam quoque consequendæ salutis æternæ spem recenset, quæ spes, dum gaudium illud excitat, cælestium gaudiorum partem aliquam in hac terra prægustare nos facit: Unde & Christus Apostolis suis dixit: *Gaudete (g) quia nomina vestra scripta sunt in cælis*. Et S. Paulus ad Romanos scribens ait: *Spe gaudentes (h) iterumque Deus autem spei repleat vos omni gaudio*, significans, hunc Gaudii fructum spe memorata niti.

Tertius fructus est Pax, illa scilicet interna pax animæ, quam bona conscientia ab omni gravi peccato libera creat; quæ pax omnem aliam pacem antecellit: Unde Paulus Pax, inquit (i) *quæ exuperat omnem sensum*; Tantoque major est voluptas ex hac pace nasci solita, quo purior a culpis etiam venialibus conscientia existit.

Quartus fructus est Patientia, qui tamen non est virtus moralis patientiæ, ad virtutem cardinalem Fortitudinis pertinens; sed actus ejusdem patientiæ, quatenus spirituali cuidam voluptati jungitur, quam animæ justæ in passionibus suis percipiunt: quæ voluptas adeo magna quandoque existit, ut animæ ipsæ doloribus obviæ eant; id quod

in vitis plurimorum Sanctorum legere est. Hæc patiendi voluptas provenit ex intenso in Deum amore; tantoque magis crescit, quanto vehementior amor est, quantoque acerbiores passionibus ipsæ sunt. Iste fructus Spiritus sancti in tot sanctis Martyribus mirabiliter eluxit, qui inter crudelissimis tormenta ob amorem in Christum, cujus causa patiebantur, gaudio miraque lætitia exultarunt.

Quintus fructus est Longanimitas, consistitque in certo quodam animæ sensu, quo illa firmatur ac roboratur, ut nec ærumnarum hujus seculi diuturnitate nec futurorum, quæ expectat, bonorum dilatione fatigetur sentiens, in his omnibus divinam adimpleri voluntatem. Ex quibus conficitur, hunc actum Longanimitatis fluere ex firma voluntatis ad divinum beneplacitum accomodatione, a qua & afflictionum prolixitudo & præmiorum dilatio suavis atque jucunda efficitur.

Sextus ac septimus fructus sunt Bonitas & Benignitas. Per Bonitatem sincerus voluntatis actus aliis beneficiendi; Per Benignitatem impletio hujus voluntatis, actu beneficium exhibendo, significatur; assertque tom primum tum secundum animæ magnum gaudium: dum scilicet & bonum aliis volumus atque optamus, & dum illud conferimus.

Octavus fructus est Mansuetudo, qui non est virtus mansuetudinis sed in quodam animæ sensu consistit, per quem illa adversus injurias ac contumelias placida & tranquilla efficitur, dum simul occulta quadam voluntate ex eo afficitur, quod se eodem fere modo, quo Redemptorem suum, tractari videt. Unde potius est actus virtutis Mansuetudinis qualificatus a dicta pace & exaltatus a dicta voluntate, quæ memorata Redemptoris consideratione nititur.

Nonus fructus est Fides, quæ non est virtus illa theologica sed enim transiens certitudo quædam firmissima solitamque certitudinem exuperans, quam animæ justæ itentidem jam circa hoc jam circa aliud Fi-

dei

dei mysterium percipiunt & in hos novæ certitudinis perceptione insolito gaudio perfruantur.

Postremi tres fructus sunt Modestia, Continentia, Castitas; qui itidem non consistunt in memoratis virtutibus moralibus sed in nova quadam qualificatione actuum earundem. Et quemadmodum secundum observationem S. Thomæ hi tres fructus eo pertinent, ut anima (quod ad certas affectiones sensibiles spectat) perfecta reddatur, scilicet per Modestiam in verbis & externis actionibus: per Continentiam in licitarum voluptatum carnalium privatione: per Castitatem denique in cujusvis impuræ voluptatis vitiatione; ita anima per fructum Modestiae in dicendi & agendi concinnitate ac moderatione spiritualem oblectationem capit, qua agente memoratæ Modestiae virtutis studio magis incenditur: per fructum Continentiae in voluntaria carnalium voluptatum utut licitarum (cujus generis conjugales sunt) privatione purissimum gaudium sentit, quo virtutis Continentiae amantior efficitur: per castitatis denique fructum insolita quadam lætitia perfunditur, videns se ab illis molestissimis voluptatibus, quæ hominem infra jumenta depriment, immunem. Et in his spiritualibus gaudiis cunctis inest aliqua relatio ad objecta & circumstantias supernaturales, nimirum ut per Modestiam nostræ bona exempla majorem Deo gloriam conciliemus, vel ut nos per Continentiam ad rerum divinarum contemplationem aptiores reddamus, vel ut nos per Castitatem Numini arctius arctiusque jungamus. Hæc de fructibus Spiritus sancti dixisse sufficiat.

Dicamus modo de præparationibus animi ad hæc dona & hos fructus percipiendos idoneis: Qua in re quid faciendum nobis sit, suo nos exemplo Maria unaque Apostoli docuerunt, ubi in cænaculum coivere ad Spiritus sancti a Christo promissi adventum se paraturi. Testatur de undecim Apostolis facer textus, quod erant omnes perseverantes unanimiter in oratione (k) cum mulieribus &

Maria Matre Jesu & fratribus ejus: ac si diceret, illos primum quidem unius animi fuisse: deinde orationi dedisse operam: tertio denique in oratione perseverasse. En triplicem ad obtinendum Spiritum sanctum præparationem, nimirum unanimitatem sive concordiam, orationem, perseverantiam in oratione. Itaque quisquis Spiritum sanctum cum donis & fructibus suis recipere in se possidere exoptat, cor charitatis vinculo cum Proximo conjunctum, cor unum cum Proximo habeat oportet; Qui tale non habet, is Spiritum sanctum nequaquam expectet: Tale autem non habet, qui vindictæ consilia animo versat: qui ob aliena bona invidia roditur: qui calamitatibus alienis gaudet: qui famæ alienæ facile detrahit Proximo calumnias imponendo ejusque actiones aut revelando aut augendo aut male interpretando: qui involvit, minuit, negat res veras, quæ in Proximi commodum cedere possent: qui Proximum injuste assiligit vim ei inferendo aut eum opprimendo aut solutionem debitorum procrastinando: qui delationes facit & discordias seminat: qui (paucis dicam) in caussa est, ut variis offensionibus atque fastidiis animi dividantur & ruptis concordiae vinculis corda mutuo odio & reciproca aversione repleantur. Hic certe Spiritum sanctum non recipiet, donec Proximo denuo concilietur & corde sincero atque ex animo in gratiam cum illo redeat: *Nos ergo, quibus Christus pacem relinquit & ait S. Augustinus* (l) *pacem suam nobis dat . . . ut concordēs simus, jungamus invicem corda & cor unum sursum habeamus . . . Sic dignum Spiritu sancto habitaculum efficiemur.* Quisquis igitur Spiritum sanctum sibi vult, pacem, unionem concordiamque cum Proximo corde suo fervet.

Secunda ad obtinendum Spiritum sanctum præparatio oratio est, at illa constans atque perpetua: *Erant perseverantes in oratione.* Nomine *Oratio constans*, non longa, non multarum horarum oratio denotatur sed enim oratio repetita, replicata, frequens, fervida, quin exorare pignat vel Spiriti-

(k) Act. 1. (l) Tract. 77. in Joann.

Spiritum sanctum, ut cordibus nostris illabatur, vel Christum, ut eundem nobis mitat: In eum finem aptissime quadrat ille pulcherrimus hymnus: *Veni Creator Spiritus, ut egregia illa in Missa solennitatis pentecostalis recitari solita sequentia: Veni sancte Spiritus & emitte calvus &c.* Dixi: *Oratio constans*; nam quando Deus promisit, se, si imploratus fuerit, nobis concessurum esse omnes ad salutem nostram necessarias gratias, quas inter gratia quoque Spiritus sancti (quæ ipsa est gratia Dei) numeratur; nequaquam simul promisit, se gratiam supplicibus suis confestim esse daturum. Ea propter inistere nos orationi oportet, certos, fore nos in illo temporis puncto, quod Deus ad nos gratia sua donandos æterno consilio constituit, exaudiendos: Et hac potissimum de causa fit, quod multi gratias, quas animabus suis petunt, non consequuntur; quia, postquam per aliquod temporis spatium votis astrâ pulsarunt, subin obrepente orationis fastidio deficiunt. Nequaquam sic nos agere sed perseverare in oratione oportet, donec subsidia, gratias & adjumenta spiritualia obtineamus. Hinc voluit Spiritus sanctus (m) ut nos Jacobus Apostolus moneret, quod *multum valet deprecatio iusti assidua*: Notate: *assidua*, continuata, non intermissa. Sed de oratione alio in loco, scilicet in sermone XLIX. ex proposito agitur.

Præter memoratas præparationes sunt aliæ, quas nobis Scriptura sacra proponit (scilicet sincera humilitas cordis, pænitentia, castitas) quas omnes si explicare aggrederer, nimium excursura esset oratio: quamobrem ad explanandos effectus Spiritus sancti convertor.

Effectus Spiritus sancti ii maxime sunt, quos Apostoli, ubi pleni sancto Spiritu e cenaculo egressi sunt, in se ostenderunt; dum confestim eloqui magnalia Dei cœperunt: *Cœperunt loqui* (n) *prout Spiritus sanctus dabat eloqui illis*; uti omnes, qui illos audiverunt, suo testimonio firmavere: *Nos audivimus eos loquentes magnalia Dei.*

P. Cuniliati Catechijia.

(m) Jac. 5.

(n) Act. 2.

Fluit ex hoc effectu alius, consistitque is in ardenti fortique Zelo causam Dei adversus pericula ac contradictiones quasvis propugnandi. Hinc Apostoli ex timidis & formidolosis, quales se in defensione Christi durante passione exhibuerant, fortes & ad mysteria, sanctitatem & magnitudinem illius divulgandas animosi effecti sunt, prout *Actuum* apostolicorum universa series prodit. Itaque cum hoc sit absque controversia ulla (quippe revelatione divina manifestatum) accepti Spiritus sancti indicium; heu! quam a paucis Spiritus sanctus receptus fuisse deprehenditur. Si sermones de Deo Deique magnalibus indicio sunt inhabitantis Spiritus sancti; certe sermones de mundo, de caducis hujus terræ rebus, de rebus pecaminosis (Apertius dicam) certe sermones obsceni, impudici, mali exempli pleni argumento erunt, longe ab his animabus Spiritum sanctum abesse. Et tamen, O charissimi quales, obscuro! dicite, nec sine lacrymis dicite, quales continuo a Fidelibus sermones audiuntur? Sermones aut damnosi Proximo aut injuriosi Deo aut bonis noxiis moribus: Quot nominis divini in vanum assumptiones: quot violationes famæ alienæ, & maxime quot impudicitiae, quot abominationes, quot (Date veniam, ut liberè dicam) quot spurcitiæ jam apertæ, jam testæ atque ob id nonnunquam perniciosiores, quia menti variarum cogitationum & tacitarum considerationum occasionem præbent, audiuntur? . . . Et talia nonne tum sacratæ Deo linguae in dies proferunt tum multi, qui corpus & sanguinem Christi quotidie accipiunt, scetenti ore effutunt? Ah! si hiceram adfarent, ego Leonis instar in eos insurgerem diceremque: Nonne manibus, prohi miseri! prehenditis scandalum, quod audientibus vos præbetis? Nonne videtis, quod tales sermones, tales verborum ambiguitates, tales (ut putatis) facetias, re autem vera talia scandala ex sacro ore vestro audivisse vix non meriti alicujus speciem huic infami loquelæ generi conciliet, dum vestro ore prolata audiuntur. Quo-

Q

modo

modo vir secularis aut fœmina aut virgo talia dicens, talia verba & ambiguitates proferens horrescat, dum similia a vobis quam frequentissime audiunt? . . . Quis illis persuadeat, peccata hæc esse & plerumque peccata tum ob materiam tum ob circumstantias mortalia, dum eadem a vobis proferri audiunt? Scitisne probe, quid oburgati a confessoribus reponant? Hoc se purgant, quod viros & ecclesiasticos & regulares noſcant, qui eodem sermonis genere utuntur, quin id sibi religioni ducere videantur. Ecce! sic licitum sibi putant: sic pro nihilo ducunt, uti loquela diaboli: uti hoc genere loquelæ scandaloso, genere loquelæ turpi, genere loquelæ, quod Auditores & admittere brutas complacentias & phantasiis atque imaginibus obscenis inhærere & insanius exardescere desiderii facit: Et tamen eheu! his sermonibus ceu sale quodam nostrorum temporum conversationes coniunguntur, his ceu spiritu quodam colloquia animantur, his ceu relaxatione quodam hominum coronæ ac cœtus recreantur, quin attendatur, adesse natos innocuos, fœminas honestas, virgines integras; dum libertas & loquendi licentia, quam sibi linguæ quotidiano Sanguinis dominici haustu madentes arrogant, vitio auctoritatem conciliat! Et in his personis Spiritum sanctum ejusque gratiam inhabitare quis credat? . . . Sentietis id profecto, miseri! in terribili iudicio, quod vos ferali in hora corripiet, quando ille, vestris pectoribus male adeo exceptus, Jesus & peccatorum ab aliis ob turpes sermones vestros patratum & scandalorum Proximo præbitorum rationem exactissimam repetet: scandalorum, dum alios detestabili exemplo vestro eo sermonis genere uti docuistis, quod & solenni castitatis, quo obstringimini, voto & ordini, in quo consistitis, ministrorum altaris & obligationi, qua, ut christianitatis lumina sitis, tenemini, maximopere repugnat. Sic in eos (inquam) inveheret, si qui horum coram adessent; sed quoniam confido, Auditores mihi esse a pessimorum horum ratione om-

nino averſos, idcirco opportunius esse duco, exhortari vos, O charissimi! ut hos loquendi modos in dies magis magisque cum animis vestris averſentini contraque de rebus divinis, de mysteriis augustissimæ Religionis nostræ, deque offensionum Numinis fugiendarum modis disserere gaudeatis. Hac certe ratione a tiora indicis Spiritus sancti templa efficiemini.

Secundus effectus (ad finem propero) secundus Spiritus sancti in Apostolorum animis effectus mira fuit fortitudo, qua Christi causam atque Religionem ita defenderunt, ut a proposito sine deterreri metu nullo potuerint; id quod universa *Aſtorum* apostolicorum a S. Luca conscriptorum series ostendit. Pari fere modo nos, etsi ob canonicas prohibitiones, cum necessariis doctrinæ subsidiis instructi omnes haud sumus, aggredi hæreticos & cum iis pugnare nec possumus nec debeamus; tamen illos oris licentiosos homines coarguere ac reprehendere possumus, qui, quod tranſalpinum librum aliquem legerint, in materiis Religionis exigua cum pietate versatos sese esse ostendere volunt &, ut eximii ingenii esse videantur, varias ineptias sive adversus mysteria ab Ecclesia proposita sive contra publicam bonorum Catholicorum pietatem deblaterandi libertatem sibi sumunt. Præterquam quod hos aliosque, qui adversus aliquam Fidei veritatem loquuntur, denunciare pœnis ecclesiasticis teneamur, ipsos insuper vultu proderere debemus, quod eorum sermones improbemus, sive corrugando frontem sive oculos demittendo sive aliis modis ostendendo, nos ejusmodi fastidire sermones, sive proponendo, quæ in contrarium catholica Ecclesia docet, immo si moraliter fieri potest, deserendo eorum societatem & impugnando (si eo scientia satis pollemus) falsitates illorum, ne inde alii audientes damnum accipiant. Ingentis certe calamitatis loco reponendum, O mei! quod nostris temporibus personæ multæ (quandoque etiam ecclesiasticæ) quæ se Catholicos esse profitentur: quod (inquam) hæc sententias pietati, cultui divino, non-

nunquam etiam revelatis veritatibus contrarias proferre audiantur, dum easdem vel derident vel varias difficultates, quibus simplicitas fidei in audientibus turbetur, contra obiectant. Sed de hoc alio in loco. Vos, O mei! improbate, redarguite & (si potestis) impugnate ista, taliumque hominum usum ac consuetudinem vitate, & (ut paucis omnia dicam) ubi de Fide, de Re-

ligione, de lege divina agitur, animos omni humano respectu superiores vobis sumite, ut nec metus nec fiducia creaturæ alicujus vos ad aliquid; quod Deo adversetur, vel faciendum vel dicendum vel sentiendum inducat. Sic grave admodum atque idoneum residens in anima vestra Spiritus sancti indicium habebitis, Amen.

SERMO XXI.

In verba Symboli: CREDO SANCTAM ECCLESIAM CATHOLICAM.

Post professionem & explicationem Fidei atque mysteriorum, ad tres divinas Personas attinentium, Symbolum sanctam catholicam Ecclesiam nobis credendam proponit: *Credo sanctam Ecclesiam catholicam.* Memini me primo sermone meo leviter attigisse necessitatem unius veræ Ecclesiæ, quæ sit competens iudex controversiarum, quæ circa credendas veritates (tam quoad libros sacros quam eorundem verum sensum) oboriri possunt. Patet facile omnibus, iudicium hoc privato cuique Fideli committi non posse, ne tot Religiones, quot capita, existant; id quod non sine lacrymis in sectis hæreticorum cernimus, in quibus unoquoque pro luminis, quod sibi a Deo impertitum esse contendit, ratione de mysteriis Fidei iudicante persepæ accidit, ut (non dicam, in eadem civitate sed etiam in eadem familia) articuli omnino contrarii credantur & Religiones sibi mutuo oppositæ teneantur: Ob eam causam superius demonstravi, iudicium hoc alicui congregationi attribui debere: congregationi non mera humana optione formatæ sed a Christo Jesu monstratæ. Hæc autem a Christo monstrata congregatio est Ecclesia sancta; id quod verba a Christo teste S. Matthæo (a) prolata ostendunt, scilicet ut reus frater salutaribus monitis cedere nolens Ecclesiæ denuncie-

tur: *Si eos non audierit, dic Ecclesiæ; si autem Ecclesiam non audierit, sit tibi sicut ethnicus & publicanus*, quibus verbis Christus significavit, pertinere ad Ecclesiam inappellabile de oborientibus difficultatibus iudicium; Unde S. Augustinus (b) libere pronuntiavit: *Ego Evangelio non crederem, nisi me catholica Ecclesia commoveret auctoritas.* Igitur rei cardo in eo vertitur, ut videamus, quænam sit Ecclesia illa, cui credere, cuiusque auctoritati concedere debeamus.

Ecclesia hæc, quæ in Evangelio multis parabolis (uti campi, aræ, montis, retis &c.) ostenditur, a S. Paulo autem sponsa Christi, columna & fundamentum veritatis appellatur, nostra maxime est catholica Romana Ecclesia, in cuius gremio infinita Dei misericordia agentæ nati & educati sumus. Longum foret, O mei! hoc in loco absurdas & referre & confutare ideas, quas sibi circa istum Fidei articulum nostrorum temporum hæretici finxerunt & pro libitu suo proque variis falsarum opiniorum suarum systematibus excogitarunt; quarum idearum confutatio etsi scitu etiam hoc in loco utilis foret, nihilominus rudiorum Fidelium ingeniis minus forsitan quadraret: Dicam tamen pauca, pro eo ut opportunus sese dicendi aditus mihi dabit.

Q 2

Primo

(a) Matth. 18.

(b) Lib. contr. Egest. Manich. 4. 5.

Primo itaque per Ecclesiam Christi intelligitur Congregatio Fidelium, quæ a suis pastoribus regitur & sub capitis visibilis, successoris S. Petri (qui est Romanus Pontifex) vicarii Christi præsidio unius Fidei professione conjungitur. Hæc est idea Ecclesiæ catholicæ; nam Ecclesia ista eadem esse semper debet: quoniam, ex quo cœpit, durare ad seculi finem usque debet secundum promissionem Christi: *Portæ (c) inferi non prævalerunt adversus eam*; iterumque (d) *Ecce ego vobiscum sum usque ad consummationem seculi*. Jam hæc maxime est nostra catholica Romana Ecclesia: En rei hujus argumentum clarum, evidens & quod (ut sic dicam) manibus palpari potest! Qualis, quæso! in ipso ortu suo fuit Ecclesia, quando e coenaculo Hierosolymitano plena Spiritus sancti egressa est? Fuit illa congregatio Credentium in Christum sub uno omnium capite S. Petro Apostolo, Christi vicario: Et pro eo ut Credentium crevit numerus, pro eo (inquam) S. Petrus cum reliquis Apostolis pastores creavit atque Episcopos, qui Fideles pascere semper sub præsidio Petri & cum subordinatione ipsorum pastorum ad Petrum, ceu caput; quamdiu quidem ille in vivis egit. Et quoniam Petrus vivere semper haud potuit Romæque regens sedem illam obiit, successor in ejus locum electus fuit eandem visibilis totius Ecclesiæ capitis prærogativas habens, ab omnibus pastoribus atque Episcopis pro successore Petri & Christi vicario habitus omnesque pastores sibi subordinatos habens: Sic itentidem, sic ab uno Pontifice ad alterum, usque ad Clementem XIV. hodie regnantem res gestæ. Est igitur Ecclesia nostra catholica Romana talis omnino, qualis suo in ortu fuit; cum eandem Fidei unitatem, eandem Sacramenta, eandem Fidelium ad pastores pastorumque ad summum Pontificem subordinationem semper servavit: Ergo hæc, & non sectæ reliquæ, est vera Christi Ecclesia. Num argumentum clarius, apertius aut evidentius quisquam poscat? Ob eam rem S. Augustinus (e) dixit: *Tenet me*

præter alia in Ecclesia, ab ipsa seclæ Petri Apostoli usque ad præsentem episcopatum, successio Sacerdotum.

Dixi: *Hæc Ecclesia est non sectæ reliquæ*. Omnes aliæ congregationes esse vera Ecclesia nequeunt: En hujus quoque rei clarum evidentemque rationem! Omnes illæ congregationes Ecclesia posteriores sunt; cum omnes conditæ fuerint ab hominibus, qui ab Ecclesia defecerunt seque ab illa separarunt, quia nec credere ea, quæ Ecclesia docet, nec capiti Ecclesiæ subjecti esse voluerunt. Ob eam rem hæ congregationes vera Ecclesia esse nunquam possunt; quæ res sic confirmatur: Vera Ecclesia semper extitisse debet; ergo & prima & ceteris antiquior esse debet; ergo omnes aliæ congregationes conditæ a personis, qui se ab hac Ecclesia sejunxerunt, posteriores sunt hac Ecclesia; ergo istæ vera Ecclesia esse non possunt, quia semper non fuerunt sed tum primum extiterunt, cum fundatores ab Ecclesia descivere id credere & tenere mordicus nolentes, quod Ecclesia credit ac tenet; ergo hæ congregationes Ecclesia posteriores sunt; ergo vera Ecclesia non sunt, quæ (utpote prima) fuisse semper debet. Quid, obsecro! facilius, clarius, fortius, palpabilius esse potest? Hinc maximus ille (f) Ecclesiæ doctor S. Hieronymus monuit: *Sicubi audieris eos, qui dicuntur Christi, non a Domino Jesu Christo sed a quodam alio nuncupari, ut puta Marcionitas, Valentinianos (Ad dam ego: Lutheranos, Calvinistas, Zwinglianos, Socinianos) scito non Ecclesiam Christi sed Antichristi esse synagogam; ex hoc enim ipso, quod postea instituti sunt, eos esse indicant, quos Apostolus prænuñtiavit attendentes spiritibus erroris (g) et doctrinis damnoiorum*.

Dicet aliquis, ingenii ruditate atque ignorantia actus: Bene est, Pater! at si, qui ab Ecclesia defecerunt, veritatem secum abstulissent & Ecclesiæ, a qua defecerunt, errorem reliquissent? Hoc, O mi ignare! fieri non potuit, quia prima vera Ecclesia ex promissione Christi errare non potuit, qui Fidem

Tuam

(c) Matth. 16.

(d) Matth. 28.

(e) Lib. cont. Epist. Fund. c. 4.

(f) Lxxi. co. vs

Luciferian.

(g) 1. Timoth. 4.

suam eidem his verbis obstrinxit: *Ecce ego vobiscum sum omnibus diebus*; qui eidem promisit: *Portæ inferi non prævalerunt adversus eam*; qui eidem prænuntiavit, quod a Spiritu sancto erudienda esset: *Docerit vos omnem veritatem*; qui eandem tanquam *columnam & firmamentum veritatis* deprædicari ab Apostolo voluit. Hæc itaque Ecclesia errare non potuit; ergo illos errare necesse est, qui se ab illa separarunt, ut doctrinas defenderent, quas Ecclesia non defendit sed repudiat. Quid adhæc respondetis, O mei! num evidentibus adeo argumentis solidi quid opponi potest?

At dicet alius non tam rudis tamque ignarus sed nonnihil eruditior & in postremorum hæreticorum systemate versatior, dicet (inquam) Pater! omnes hæc sectæ ab Ecclesia nostra, quæ ex hætenus adductis evidentibus argumentis vera negari non potest, divise ac separatæ obijciunt: se, ut nonnullos articulos nostris contrarios profiteantur, tamen Ecclesiæ incorporatas ob id esse; quod unitatem ac trinitatem Dei, mysteria incarnationis, mortis & resurrectionis Servatoris credant: quos articulos ob eam ipsam rem *fundamentales* appellant. Jam quoniam in his articulis cum Ecclesia nostra consentiunt, pertendunt se Ecclesiæ catholicæ Romanæ incorporatas esse; cum (his articulis exceptis) reliqui adiphori, hoc est arbitrarii, sint neque necessario credi eo debeant, ut quis de corpore Ecclesiæ catholicæ sit.

Fuit hæc, O mei! fuit hæc sententia (h) unius & Calvinistis, ejusque omnium, qui extiterunt, longe sagacissimi, cui postea moderni heretici omnes concinuerunt. Advertit ille, nullo unquam tempore probari posse, sectam Calvinistarum aut aliam ab Ecclesia nostra sejunctam quamlibet esse veram Christi Ecclesiam: itaque in eam cogitationem devenit, ut illas sectas omnes cum Ecclesia vera coherere contenderet; dummodo memoratos articulos unaque universalem resurrectionem, animæ immortalitatem præ-

miorumque & pænarum æternitatem profiterentur.

Verum hæc sententia infirma maxime est atque chimærica, quippe quæ nec ullo S. Scripturæ testimonio nec ulla antiquitatis auctoritate fulciatur, tamque nova sit, quam novus homo is fuit, qui eandem quasi somnians parturivit. Primo nullum hujus sententiæ vestigium sacris in Codicibus apparet diserte volentibus, ut Ecclesia in omnibus, quæ de Fide esse docet, absque restrictione, absque ulla articulorum distinctione audiat: *Si Ecclesiam non audierit*. Hinc eum eorum, quæ de Fide sunt, declarationum arbitrium plane penes neminem privatum sit sed soli Ecclesiæ conveniat;posito quod Ecclesia aliquem Fidei articulum declaret, is statim creditu necessarius evadit, adeo ut qui eundem credere renuit idque exterius prodit, hæreticum se & ab Ecclesia alienum faciat; sive dein circa memoratos articulos erraret sive non; dummodo definitioni Ecclesiæ resistat. Hic jam inde a primis temporibus constans fuit priscorum mos, ut ab Ecclesia catholica rejicerentur omnes ii, qui ejusdem de quibusvis articulis definitionibus (sive illæ ad memoratos articulos pertinerent sive non) obtemperare detrectarent. Percipite dictorum confirmationem, Vos inprimis! qui intelligentiores estis.

Inter primos, qui ab Ecclesia catholica per S. Victorem Pontificem & Concilium ab eo convocatum separati fuere, extiterunt Asiatici, dicti *Quartodecimani*; quod Pascha non nisi ipsa Martii luna quartadecima & non proxime insequenti Domnica celebrare vellent: Hæc secundo seculo gesta sunt; Et tamen memorati *Quartodecimani* de nullo ante recitatorum fundamentalium articulorum erraverunt. Aliud factum occurrit in Concilio Chartaginensi secundo a S. Cypriano doctissimo Episcopo juxta ac Martyre anno circiter 251. habito: & Antiocheno I. inchoato a S. Fabio Antiochenorum Episcopo atque a successore ejus S. Demetriano circa annum

(h) Fuit in D. JURIEU.

252. consummato, in quibus Conciliis ex Ecclesia Novatiani expulsi sunt, qui lapsi in peccatum veniam atque remissionem concedere noluerunt; sed neque hic error ad memoratos fundamentales articulos pertinet. Accedit Concilium Gangraense anno ferme 326. habitum & ab Ecclesia orientali ac occidentali adoptatum atque ob id a Dionysio Exiguo Canonum collectioni insertum, in quo Concilio *canone 17. ii*, qui *Agapis* interesse ex contemptu volebant *canone 12. ii*, qui usitatum illis temporibus vestitus modum quemdam, ceteroquin simplicem & honestum, damnabant: *canone 13. iii* sœminæ, quæ per speciem pietatis virili amictu utebantur: *canone 18. ii*, qui præ stulta devotione diebus dominicis jejunia agebant: denique *canone 19. ii*, qui jejunia ecclesiasticis constitutionibus imperata violabant, ab Ecclesia exclusi fuerunt: quo loco observetis velim, reliquos memorati Concilii canones ejusdem ferme argumenti esse; Et tamen errores hi omnes cum memoratis fundamentalibus articulis non pugnant. Adde Concilium XIII. vel XIV. Chartaginense, cui & S. Augustinus interfuit, circa annum 417. celebratum, quod similiter Græca & Latina Ecclesia admisit, in quo *canone 1. Ecclesiæ* catholicæ communione privati sunt ii, qui Adamum mortalem creatum &, tametsi non peccasset, moriturum fuisse affirmabant; Et tamen hic error ad articulos fundamentales non spectat. His accedit, in aliis Conciliis Africanis numero quindecim, quibus omnibus S. Augustinus adfuit, multos Canones in materia de gratia auxiliante adversus Pelagium & Cælestium conditos fuisse, uti & in Conciliis Arafricanis, quæ de eadem gratia egerunt: in quibus omnibus ab Ecclesia catholica rejecti fuerunt ii, qui de gratia variis modis errarunt; Quod ipsum argumentum a memoratis articulis fundamentalibus multum abhorret. Coronidis loco (ne nimium excurrat oratio) Concilium œcumenicum Constantinopolitanum II. anno ferme 553. celebratum adducere juvat, in quo *canone 1. ii*, qui affirmabant animas

rationales prius extitisse quam corpora, quibus illæ in pœnam delictorum in primævo statu admissorum conjungerentur: *canone 3. ii*, qui dicebant, homines in extrema die rotundos, non erectos (quales nunc sunt) a mortuis surrecturos esse: *canone 6. ii*, qui cælum ac stellas animatas esse contendebant, ab Ecclesia separati fuere; Et tamen errores hi omnes memoratis fundamentalibus articulis non adversantur. Patet ex his satis, antiquam Ecclesiæ catholicæ a Spiritu sancto doctrinæ consuetudinem fuisse, ejicere e gremio suo illos, qui non solum sæpius memoratos articulos fundamentales sed etiam quodvis aliud definitum Fidei caput oppugnarent.

An, O mei! modernorum Protestantium sententia vanitatis ac futilitatis convinci evidentius potest: qui, quod, sectas suas veram esse Ecclesiam, probari a se unquam posse desperarent, ad eam cogitationem descenderunt, ut se quoque de Ecclesiæ corpore esse contenderent; eoquod solos memoratos articulos crederent, tametsi alios impugnarent? Nunquid ex memoratis a me certissimis factis evidenter apparet, toti retrò antiquitati ignotam fuisse chimæricam hanc Ecclesiæ ideam, quam superiori primum seculo citatus a me Minister Calvinista & sætido cerebro suo eduxit; semperque pro certo habitum fuisse, quemvis membrum Ecclesiæ esse volentem, omnes omnino ab Ecclesia definitos Fidei articulos tenere debere? Quod si aliter esset, sequeretur, omnia retro secula vera Ecclesiæ catholicæ notione caruisse & immani errore doctores sanctos omnes ipsamque Ecclesiam deceptam fuisse; id quod nemo certe affirmarit nisi ii, qui chimæricam hanc ideam & excogitavit & sectantur.

Nos contra novimus, omnes etiam quinque priorum seculorum Viros sanctos, quos ipsi hæretici venerantur, eo, ut quis verus Fidelis sit, exegisse, ut is ab Ecclesia Romana catholica penderet ejusque communione frueretur. S. Irenæus (i) antiquissimus Episcopus, Doctor ac Martyr, de Ecclesia Romana loquens, ait; *Ad hanc enim Ecclesiam pro-*

pter

(i) Libr. 3. contra hæres. c. 3.

propter potiorē principatū necesse est omnem Ecclesiam convenire, hoc est: eos, qui undique sunt Fideles. Idipsum æque cum primo vetustus Episcopus, Doctor ac Martyr S. Cyprianus (k) tum aliis multis suorum operum locis tum in illo maxime inculcat, in quo ait: Super illum unum (Petrum) adificat Ecclesiam suam (Christus) & illi pascebas mandat oves suas; & quomodo Apostolis omnibus post resurrectionem parem potestatem tribuit (scilicet constituendi Ecclesias, instituendi Episcopos, scribendi libros canonicos) tamen, ut imitatem manifestaret, unam cathedram constituit & unitatis ejusdem originem ab uno incipientem sua auctoritate disposuit. . . . Primatus Petro datur, ut una Christi Ecclesia & cathedra una monstretur. Et in Epistola 55. Sedem Romanam vocat Ecclesiam principalem, unde unitas sacerdotalis exorta est. Et docuit exemplo suo sanctus hic Vir Ecclesiam Romanam, ut talem, revereri; dum durante gravi illa de rebaptizandis iis, qui ab hæreticis baptizati fuerant, controversia cum S. Stephano Pontifice habita nunquam in animum induxit, ut se a Sede Romana separaret. S. Cypriano consentit S. Optatus doctissimus juxta ac antiquissimus Milevitanorum Episcopus (l) qui, de Ecclesia Romana dicens, ait: In qua una Cathedra unitatis ab omnibus servatur . . . Ut jam schismaticus esset, qui contra singularem Cathedram alteram collocaret. Iisdem ferme verbis posteriorum temporum scriptores omnes tum Græci tum Latini sese exprimunt, quorum omnium testimonia secundum temporum seriem citabo, ut, cui libuerit, is eadem perlegere possit: Græci sunt, S. Hippolytus Martyr & Episcopus in *Oratione de consumptione mundi*: Origenes *Homilia 5. in Exodum & Homilia 17. in Lucam*: Eusebius Cæsareensis in libro 2. *Historiarum*, cap. 13. S. Athanasius in *Epistola ad Felicem*: S. Basilii magnus in *Proemio de judicio Dei*: S. Cyrillus Hierosolymitanus in *Cathechesi 11.* S. Ephraem Syrus in *Panoplia*, itemque in libro *de variis Tormentis inferni*: S. Gregorius Nazianzenus in *Oratione 7. & 26.* S.

Epiphanius senior in *Hæresi 51.* S. Joannes Chrysostomus in *Oratione 5. adversus Judæos & Homilia 32. in Mattheum & Homilia 87. in Joannem*: S. Cyrillus Alexandrinus in *Libro 10. in Joannem c. 12.* S. Ildorus Pelusiota in *Libro 1. epistolæ 142. & Libro II. epistola 99*: Theodoretus in *Caput 1. Epistolæ ad Galatas*: S. Basilii Seleuciensis in *Sermone 1. in Davidem & Sermone 4. in Davidem*: Concilium generale Calceconense, cui 630. Patres interfuerant, in *Actione 3.* Et hi omnes ad unum 451. usque floruerunt. Jam ad Patres Latinos transeamus, quos inter (quorum quidem opera habemus) vetustissimus est Tertullianus in *Libro de Præscriptionibus cap. 22.* S. Cyprianus ante memoratus in *Epistol. 40. 69. 70. 71.* S. Julius I. Papa in *Epistola ad Orientales*: S. Hilarius in *Psalmum 131*: S. Ambrosius in *Caput 24. Lucae & in Vita Satyri fratris*: S. Optatus denuo hic laudandus in *Libro contra Donatistas*: Prudentius in *Hymno de S. Laurentio*: S. Hieronymus in *Caput II. Epistolæ ad Galatas & Libro I. contra Jovinianum cap. 14. & Libro 1. contra Pelag. c. 4. & Epistola ad Damasum*: S. Augustinus in *Traçtatu 56. & 124. in Joannem & Libro II. de Baptismo cap. 1*: S. Innocentius I. Papa in *Epistola ad Viðricium*: S. Maximus Taurinensis in *Homilia 3. in Natali Apostolorum*: S. Petrus Chrysologus in *Sermone 107. & 154.* S. Leo magnus in *Sermone 3. in Anniversarium suæ assumptionis*: S. Gregorius Magnus in *Libro I. epistol. 24. & Libro III. epistol. 33.*: Et hi omnes ad annum 630. usque floruerunt. Hos autem reliqui omnes tum Græcæ tum Latine Ecclesiæ Scriptores sequuntur; qui, cum omnes Petrum & Successores ejus Caput Ecclesiæ esse affirmant, certe a me dicta confirmant: scilicet non aliam esse Ecclesiam Christi, quam catholicam Romanam.

Ob eam causam ipsa sola catholica (hoc est) universalis dicitur; quia non est regio, in qua suos illa operarios non habeat, qui inter continua vitæ discrimina disseminare veritates catholicas ovesque errabundas ad ovile

(k) *Libr. de Unit. Eccl.*

(l) *Libr. 2. contra Parmenianum.*

ovile Christi reducere conantur. Qui quidem catholica titulus Ecclesiae ab ipsa adeo fundatione convertit; quoniam Christus Apostolos praedicatum mittens eisdem injunxit, ut omnes gentes docerent: *Euntes docete omnes gentes* (m) *Prædicite Evangelium omni creaturae* (n) & S. Lucas (o) ait: *Operetur praevarium in nomine i. sui* (Christi) . . . *per omnes gentes*; & Iesus Apostolos suos ad extremas usque mundi oras misit: *Eritis mihi testes* . . . usque ad ultimum terræ. Jam hæc catholicitatis prærogativa cui alii congregationi, præterquam Ecclesiae nostrae Romanæ, convenit? Ita Patres sancti omnes testantur. Audivistis paulo ante S. Irenæum vetustissimum scriptorem affirmantem necesse esse, ut quisvis Fidelis ad Ecclesiam Romanam conveniat: ita ut verba illius hic repetere opus haud sit: Audite jam alios Scriptores ecclesiasticos ex ordine temporum. Tertullianus (p) ait: *Si Italiae adjaces, habes Romam, unde nobis quoque auctoritas præstet: Ista quam felix Ecclesia, cui totam doctrinam Apostoli (Petrus & Paulus) cum sanguine suo profuderunt.* Cyprianus (q) *Ecclesiam Romanam radicem esse ac matricem Ecclesiae catholicae* affirmat: Et Antoniano (r) scribens ait: *Scriptisti etiam, ut exemplum eorumdem literarum ad Cornelium transmitterem, ut sciret, te secum, id est: cum Ecclesia catholica communicare.* S. Cyrillus Hierosolymitanus (s) monet: *Neque id tantum quæros simpliciter, ubi sit Ecclesia sed ubi catholica Ecclesia; Hoc enim nomen proprium est sanctæ hujus & Matris omnium nostrum.* Sed ut ne longior sim, ceteris omnibus ommissis audite, quæ Augustinus (t) dicit: *Tenenda est nobis christiana Religio & ejus Ecclesiae communicatio, quæ catholica est & catholica nominatur non solum a suis, verum etiam ab omnibus inimicis: Velint, nolint etiam ipsi hæretici & schismatum alumni, quando non cum suis sed cum extraneis loquuntur, Ecclesiam nihil aliud, quam catholicam, vocant; non enim possunt intelligi, nisi hoc eam nomine discernant, quo ab universo orbe nuncupatur.* . . . Et alio in loco (u) ait:

Ipsam catholicæ nomen, quod non sine causa inter tam multas hæreses ipsa ipsa Ecclesia sola obtinuit, ut, cum omnes hæretici se catholicos dici velint, quarerint tamen peregrino alicui, ubi ad Catholicam conveniatur, nullus hæreticorum vel basilicam suam vel domum audeat ostendere. Ecce! periculum vobis feci, O mei! solam sanctam nostram Romanam Ecclesiam esse Ecclesiam catholicam, in quam credimus: Quapropter continuas infinitæ bonitati DEI grates agamus, quod nasci nos atque educari in illius gremio benigne concesserit: quod insigne beneficium, & debitis gratiarum actionibus compensare nunquam possumus, & tum demum (pro dignitate) cognoscemus, cum in paradiso æterna filieitatis hujus Fidei præmia recipimus.

Ex iis, quæ hucusque dixi, omnibus colligitur, catholicam Ecclesiam visibilem & omnibus intrare volentibus manifestam esse; nam, cum Christus oblinatos deserri Ecclesiae jubeat: *Dic Ecclesiae*; eam visibilem atque notam esse: cum Ecclesia loquatur & ex Christi præcepto audiri debeat: *Qui Ecclesiam non audierit, sit tibi sicut Ethnicus*; eandem visibilem ac manifestam esse oportet. Atque ob id Christum Ecclesiam civitatem supra montem positæ, quæ abscondi ab oculis humanis nequit, comparavit: *Non potest civitas abscondi (x) supra montem posita.* Hinc apposite S. Augustinus (y) *Nonne aperta est Ecclesia? nonne tenuit omnes gentes? . . . Ecce mons implens universam faciem terræ! Ecce civitas, de qua dictum est: Non potest civitas abscondi supra montem posita!*

Obijciat aliquis: Si Ecclesia creditur: *Credo sanctam Ecclesiam*, quomodo videtur? Non creduntur, quæ videntur; sed enim quæ non videntur. Huic repono: Ecclesia (uti SS. Patres & hos inter S. Gregorius Nazianzenus observant) est Compositum quoddam, constans ex corpore & anima. Corpus per hierarchiam ecclesiasticam & Fidelium ad pastores, pastorum ad caput visibile (pontificem scilicet Romanum) subordinata-

(m) Matth. 28. (n) Marc. 16. (o) Cap. 24. (p) Libr. de Prescript. c. 26.
(q) Epist. 16. ad Cornel. (r) Epist. 53. (s) Catech. 18. (t) Libr. de vera Relig.
6. 7. 11. 12. (u) Libr. contr. Ep. Fund. c. 4. (x) Matth. 13. (y) Tract. 1. in Ep. St. S. Juan.

dinationem, per externam cultus divini professionem, per Sacramentorum administrationem, per unanimum earundem veritatum confessionem (semper cum membrorum omnium ad caput, Romanum Pontificem, subordinatione) constituitur: Et hoc corpus, quatenus visibile est, non creditur sed videtur; atque hoc modo Ecclesia visibilis est. Anima vero Ecclesiae in sanctitate multorum ex membris illius, in donis gratiae & Spiritus sancti, quae in iustis viventibus resident

(brevibus) in supernaturalibus atque infusis perfectionibus, quibus Ecclesia sanctificatur, consistit: Et haec, quippe sub oculos non cadentia, creduntur; de quibus secundi sermone agemus. Igitur corpus Ecclesiae, quod pars materialis est, videtur, non creditur: anima vero, quae pars est formalis, creditur, non videtur. Et hoc credimus, quando dicimus: *Credo sanctam Ecclesiam catholicam*. Jam sanctitatem hanc in Ecclesia reperiri, cras intelligetis.

SERMO XXII.

De Sanctitate Ecclesiae catholicae, & de gravi injuria, quam Catholici male viventes multoque magis Personae ecclesiasticae mali exempli Religioni sanctae inferunt.

Cum quatuor characteres, quibus vera Christi Ecclesia a reliquis Sectis omnibus distinguitur, ii maxime sint, qui in Symbolo Constantinopolitano in Missa recitari solito memorantur, scilicet quod sit *Una, Sancta, Catholica, Apostolica*, quae praedicata de nulla alia congregatione, praeterquam de Ecclesia Romano-catholica, affirmari ex vero queunt; cumque illius unitatem, catholicitatem & apostolicitatem satis sufficienterque exposuerim (nimirum quod perfectam servet unitatem Fidei: quod catholica sit seu universalis, quia per orbem universum ministros suos Fidem eandem & profitentes & propagare conantes habet: quod sit apostolica suamque originem ab Apostolis trahat; id quod series Capitum visibilia, quae S. Petro servata tum Fidelium cunctorum tum reliquorum Pastorum ad haec Capita subordinatione identidem successerunt, prodit) jam istud restat, ut de characteribus sanctitatis, qui in Ecclesia juxta cum reliquis resplendet, immo reliquos complectitur atque confirmat, dicam.

Veram Christi Ecclesiam sanctam esse debere, inferunt ex Capite illius sanctissimo, quod est Christus Jesus teste S. Paulo (a) *Christus caput est Ecclesiae*, qui, tametsi Ec-

clesiae Vicarium suum (uti S. Petrum & post hunc successores ejus) tanquam Capita visibilia reliquerit; nihilominus non cessat esse Caput, cui (ut sequitur) corpus, quod est Ecclesia, pariter sanctum debetur. Idipsum praeterea ex passionibus a Christo toleratis inferunt, quippe quae eo spectabant, ut Ecclesia sancta esset: Hinc S. Paulus citato loco libere pronuntiavit, quod Christus *se ipsum tradidit pro ea, ut illam sanctificaret*.

Jam haec verae nostrae Christi Ecclesiae sanctitas in tribus potissimum elucet atque videtur: primo in sanctitate legum; secundo in sanctitate morum; tertio in miraculis, quibus ipsis priorum duorum articulorum sanctitas manifestatur. Quod ad primum caput (scilicet sanctitatem legum) pertinet; omnia praecepta Ecclesiae ad cultum DEI, ad carnis macerationem, ad pietatem in eos, quibus debetur, tendunt. Consultantur publicari ab Ecclesia Canones, quibus illa multas actiones ob solam mali speciem vel ob coherens peccati periculum prohibuit. Relucet praeterea sanctitas haec ex obligationibus, quas Ecclesia cum statu clericali conjunxit, quibus ille splendidior atque redemptior redditur: uti & jam ex Consiliorum evangelicorum, Operum misericordiae & Virtutum

tutum promotionem, quam Ecclesia cordi habet; cum nullas unquam doctrinas proposuerit nisi eas, quas Christus, quas Apostoli, quas SS. Patres, quibus magnum honorem habet, proposuerunt.

Colligamus ex his, (ad Ministros Sacramentorum & doctrinae moralis Studiosos mea se convertit oratio) colligamus, inquam, O mei! quantum splendori hujus sanctitatis (scilicet quae in doctrina pura ac sancta posita est) officiant scriptores illi, qui in suis Theologiis moralibus sententias doctrinam moralem evangelicam relaxantes sparserunt ac spargunt: sententias, quibus juris tum divini tum ecclesiastici obligationes extenuant variis distinctionibus, explicationibus, interpretationibus atque excusationibus curantes, ut licitas faciant actiones, quas Patres omni tempore damnarunt & Ecclesia semper improbavit; quare sit, ut haeretici, praecipue ii, qui certis veteres satisque expurgatas doctrinas affectantibus sectis dediti sunt, Catholicis exprobrent: irrepsisse in Ecclesiam Romanam axiomata praeis illis omnino contraria; doceri ex quibusdam male intellectis principis (uti sunt: *Melior conditio possidentis*; *Odia restringenda*; *Uti jure suo, aliaque similia*) doceri, inquam, licitas esse actiones ejusmodi, quas tum doct. ina purissima tum solidissima ratio tum auctoritas gravissima damnat; quoniam illae & a vero defleunt maxime & ad offensionem DEI violationemque vel castitatis vel justitiae vel charitatis proxime accedunt. Respondemus illis eundem, & merito: Aliud est, Ecclesiam tales doctrinas proponere; iterum aliud: Quosdam de Ecclesia eas proponere. Fuerunt illae equidem propositae & proponuntur ab aliquibus, qui sunt de Ecclesia, neutiquam vero ab Ecclesia, quae illas etiam reprobatur ac damnat; id quod innumerae propositiones damnatae addita insuper excommunicationis poena in illos, qui eas vel docent vel opere exsequuntur, declarant. Quae etiam si ita sint; nunquid tamen, O mei! inconveniens oppido est, praeponi ab Ecclesiae filiis doctrinas, quas Ecclesia ut

falsas, scandalosas, seducentes & pietati inimicas condemnavit? Nunquid propudiosum, legi quotidie tot alias doctrinas damnatis proximas, quae posthabitis gravissimis argumentis, quibus a vero alienissimae monstrantur, & disseminantur & opere complentur? Nonne honestius esset, doctrinas illas de nimio rigore, quam de nimia laxitate damnari? Immo vero honestius id fore judicaverim; cum Christus etiam dicat: *Quam angusta porta (b) Et arcta via est, quae ducit ad vitam.* Unde istud (damnari de nimio rigore) malum quidem esset, at non tam ignominiosum; cum contra, si nimia laxitate damnari, semper intolerabile esse videatur.

Sed de sanctitate morum agamus. Exstitit haec morum sanctitas semper in Ecclesia catholica Romana; cujus rei firmissimum argumentum canonizatio tot Sanctorum Sanctorumque successive facta praebet. Canonizatio ista (siquidem nescitis) tum demum fit, postquam in vitam mortuorum ac virtutes exactissima cum diligentia inquisitum est, deque gestis eorum severissimae discussiones institutae, adeo ut nemo prudens ac sapiens dubitandi locum habeat, quin illi tales sint, quales eos Ecclesia declarat. Canonizatio haec exstitit, existit atque ad finem temporum usque existit, cum plurimi semper sint, qui in Sanctorum album adscribantur; protrahitur autem illa in tantum, in quantum exquisitissima Ecclesiae, multum temporis sibi ad hujusmodi examinationes & processus postulantis, diligentia moram adscriptioni eorum ponit. Apparet praeterea haec Ecclesiae sanctitas in vita illibata, quam tot praecleari Viri ecclesiastici, tot Personae claustrales severis Institutis addictae, tot Virgines Deo in austerissimae disciplinae monasteriis sacratae, tot laicae utriusque sexus, exempli optimi vereque catholicae, Personae ducunt.

Neque hoc in loco scandala mihi quicquam obiectet, quae per vices data (etiam ab aliquibus memoratorum statuum) audiuntur. Sint data, per me licet; Quodnam inde damnum accedere sanctitati Ecclesiae

clesiæ & ceteris eorumdem ordinum viris probis poterit? Quid nocuit Angelorum cohortibus, quod tertia pars duce Lucifero in Deum rebellavit? Nihil profecto. Quid nocuit collegio apostolico, quod ex illis solummodo duodecim viris, utut Christi Jesu magisterio utentibus, tres in gravia scelera prolapsi sint, Petrus negando & perjurando: Judas tradendo: Thomas ad incredulitatem se obfirmando? Nihil profecto. Quid nocuit sanctis Fidei Confessoribus, quod multi eorum etiam post exantlata plura tormenta misere a Fide defecerint? Nihil profecto. Et quid, sanctitati ac probitati tot Virorum ecclesiasticorum: quid pœnitentiæ tot Personarum claustralium: quid intemeratæ tot Virginum pudicitia: quid tot Laicorum pietati, quid (inquam) nocere poterunt scandala ab aliquibus horum ordinum data? Nihil profecto. Debet equidem quisque funestos hujusmodi casus recogitans aut videns in humilitatem se deprimere: debet humanam miseriam inconstantiam; at amittere bonam de reliquis conceptam existimationem, at credere nullo modo debet, his casibus Ecclesiæ sanctitatem obscurari, quæ ob privatorum aliquot lapsus splendorem suum non perdit; cum tot alios virtutum christianarum luminibus coruscantes filios sicut gerat suo.

Itaque ad tertium caput (nimirum ad miracula, quibus gravissimum sanctitatis Ecclesiæ argumentum continetur) pergat oratio mea. Quo in loco ad multorum institutionem monere me vos secundum Theologorum omnium axioma oportet, verum miraculum ab alio, præterquam Deo solo, effici non posse; & tamen si miracula ut plurimum per invocationem Mariæ aut alterius Sancti aut per sacras eorum reliquias fiant; tamen neque Maria neque Sancti operantur miracula, sed Deus solus ad glorificandam Virginem illam sacratissimam aut Sanctum honorandum atque ob eorum intercessionem operatur. Hinc, quanquam Mariæ aut Sancti sint causæ morales, quæ per suum interventum Deum ad miraculi patratiōem movent; miraculum tamen effective & princi-

paliter a Deo solo patrat. Certum hoc & communi consensu a Doctis omnibus receptum, quorum argumenta, quoniam, si compendio exponuntur, captui illiteratorum accommodari nequeunt, hic in medium asserere nec loci nec temporis ratio permittit. Scire itaque sufficiat, verorum miraculorum auctorem unicum Deum esse, eo ut plurimum Sanctorum a nobis invocatorum intercessione permotum; qua de re sermone secundo diximus.

In eodem sermone monuimus, quod, cum fieri nullo modo possit, ut Deus falsitatem aliquam sua auctoritate confirmet, pariter impossibile sit, ut Deus ad falsitatem comprobendam miraculum faciat. Hinc si Deus ad rem aliquam confirmandam miraculum operatur, res illa vera esse necessario debet: Secus falsitatem confirmaret Deus, quod secundum Fidei oraculum a S. Paulo editum fieri nulla ratione potest: *Impossibile est (c) mentiri Deum*. Quapropter si Deus in confirmationem probitatis & sanctitatis alicujus personæ miraculum operatur, certo id argumentum est, illam personam Deo acceptam sanctamque esse.

His pro certissimis in antecessum positis, credatis, O mei! nolim, me omnia miracula a Deo in Ecclesia Romana ad eorum, quos illa nobis, ut Sanctos, colendos proponit, sanctitatem comprobandam effecta relaturum esse; nam istud facere si velim, non plures solum sermones sed ne plura quidem volumina sufficiant. Satis est ad propositum argumentum, monuisse vos, in nostra catholica Romana Ecclesia ad sanctitatem filiorum ejus confirmandam vera indies miracula patrari, quæ nemo prudens revocare in dubium possit; atque ex hoc concludatis velim, Ecclesiam illam in multis suorum membrorum sanctam Deoque amicam esse. Dixi: *Vera miracula*; neque enim in hoc loco de illis miraculis dico, quæ per invocationem Sanctorum patrata identidem narrantur; sed enim de iis dico, quæ per merita personarum, (quas post mortem Sanctis Ecclesia annumerat) adhuc viventi-

R 2

tium

tium aut etiam per invocationem earundem jam satis functorum patrata rigorosissimorum processuum ope colliguntur. Hæc sunt miracula illa, de quibus nemo prudens, nemo sapiens dubitare potest. Si nimirum summæ & exquisitissimæ diligentiae, quacum illa per rigorosissimos (ut dixi) processus deducuntur, rationem habeat. Nam si miracula hoc modo deducta ponere in dubio liceat, non erit deinceps res aut actio ulla, quæ credi prudenter in hoc seculo potest; cum major diligentia atque accuratio, quam qua memorata miracula deducuntur, cogitari nequeat.

Præterea neminem in Sanctorum numero Ecclesia reponit, quin vera miracula, per ejus intercessionem vel in vita vel maxime post mortem a Deo patrata, reperiat: Neque uno miraculo (quamvis vel hoc solum sufficeret) contenta est, sed plura exigit, ut plura habeat certa sanctitatis ejus documenta. Jam cum exploratum sit, in Ecclesia Romana per certa temporum spatia canonizari Sanctos, ob quorum merita Deus vera miracula operatus est atque operatur; certum quoque sit, esse in Ecclesia Romana personas vere sanctas, ob quas illa *Sancta* nominatur.

His addo: Frequentia miraculorum in congregatione aliqua est manifesto argumento, illam congregationem Deo acceptam esse; Nam si Deus in aliqua congregatione miracula in ejusdem gratiam atque honorem frequenter operatur, non relinquitur locus dubitandi, quin Deus illam congregationem amet, & quin illa congregatio Deo cara atque accepta sit. Jam (ut alia miracula, quæ quotannis in orbe catholico fiunt &, ut talia, ab Episcopis juris formalis longe maxime authenticis excipiuntur, omittam) unum adduxisse satis duco, illud nimirum sanguinis S. Januarii, quod Deus singulis annis in celeberrima civitate Neapoli ante oculos omnium eo consensum operatur: miraculum, quod ipsi docti hæretici negare jam non audent. Igitur si Deo complacet, miracula operari in Ecclesia catholica, signum manifestum est, quod ipsa sit Sponsa a Jesu

adoptata: quod sit sancta: quod in ipsa sola salus sit æterna, uti diluvio universali terrarum orbem inundante in sola Arca, (quæ figura est Ecclesiæ) fuit: & quod falsarum doctrinarum diluvio necessario submergendus sit, qui se in Ecclesiæ arcam non receperit.

Dicetis: Cum Ecclesia catholica sancta sit & ex corpore morali cunctorum Fidelium consistat, omnis Fidelis, qui Sanctus ac justus non est, ad Ecclesiam non pertinebit. Quæstioni huic reponens (advertite animos) dico, Ecclesiam hujus seculi vocari Ecclesiam militantem; quia cum hostibus animarum nostrarum depugnat: Ecclesiam vero seculi futuri triumphantem dici; quia victoriarum in hac vita reportatarum Triumphis æternum gaudet. Binæ hæ Ecclesiæ non sunt duæ distinctæ Ecclesiæ sed eadem Ecclesia sub eodem Capite Jesu Christo, quæ tamen duos habet status, primum vitæ viatricis: militantis: obnoxie miseriis, lapsibus, peccato; alterum vitæ gloriose, puræ, sanctæ, luminosæ: Est Ecclesia similis belliduci arcem oppugnant, qui, quamdiu obfessorem agit, in continuis laboribus, inter mille vulnerum, dolorum immo & mortis discrimina versatur; at si obsidioni supererit arcemque feliciter expugnarit, eandem gloriosus, a belli periculis securus atque triumphans ingreditur. Talis ferme est Ecclesia, scilicet congregatio Fidelium in hoc mundo militantium & Paradisi arcem expugnantium: Quamdiu in hac terra morantur, doloribus, periculis & inimicorum, arcis hujus celestis expugnationem impediunt, telis patent: hinc peccatis immo morti (a qua Deus nos omnes liberet) immo morti subjacent sempiternæ. Quod si hanc evaserint: si vulnera per peccatum accepta debita poenitentia sanarint: si periculis omnibus superfluites fuerint atque hac ratione paradisum feliciter acquisiverint; tum de statu certantium ac militantium ad statum in sempiterna secula triumphantium transeant: cum tamen nos iidem ipsi simus, qui hic in terris certamus, illic in coelis triumphamus: Atque ob eam rem Ecclesia, quamdiu militat, secundum

Patrum

Patrum cunctorum sententiam ex peccatoribus & iustis, ex reprobis & prædestinatis mixtim componitur: qualem illam Christus in parabolis de ea datis descripsit, parabolis nimirum aræ, quæ frumentum bonum & paleas flammis dignas continet; rebus, quæ pisces bonos juxta ac malos concludit; campi, in quo & fruges & zizania, quæ comburantur, nascuntur. Solum inter Patres Augustinum (d) adduxisse sufficiat: *Homo sum de Ecclesia Christi; palea, si malus: granum, si bonus. Et alibi de malis loquens: (e) Sunt tamen sicut paleæ in frumentis: isti enim esse in domo (nimirum ob acceptum baptismum) negare non possumus, dicente Apostolo: In eadem domo esse vasa in honorem & alia in contumeliam. Et alio in loco, in quo allatum a me sensum aræ, rebus & aræ Noachicæ confirmat, dicit (f) Veniant in mentem . . . & arca continens paleas & frumentum: & retia, in quibus inclusi sunt pisces boni & mali: & arca Noe, in qua & munda & immunda erant animalia; & videbis Ecclesiam interim hoc tempore usque ad ultimum judicii tempus non solum continere sanctos Laicos & sanctos ministros, sed insuper . . . homines in carnis voluptate gaudentes . . . superbos . . . curiosos . . . Hæc autem tria genera vitiorum (id est: voluptas carnis, superbia & curiositas) omnia peccata concludunt, quæ omnia genera peccatorum nunc bonis & sanctis mixta esse in Ecclesia videmus. Hinc quando Apostolus & post hunc Augustinus affirmat, Christum pro Ecclesia sua mortuum esse, ut eam immaculatam, rugæ & maculæ omnis expertem constitueret; istud non de Ecclesia militante in terris sed de illa in cælis glorificanda ac triumphatura accipi debet: Ubicumque commemoravi Ecclesiam non habentem maculam aut rugam, non sic accipiendum est, quasi jam sit, sed quæ preparatur, ut sit; quando apparebit etiam gloriosa. Nunc enim propter quardam ignorantias & infirmitates membrorum suorum (g) habet, unde quotidie dicat: Dimitte nobis debita nostra.*

Ex hucusque a me dictis colligamus, O mei! quantam injuriam & Christo & Ec-

clesiæ illi inferant Catholicorum, qui perditè vivunt & Infidelium potius quam Catholicorum mores sectantur: qui totos annos fluere sinunt, quin ad sacratissima Sacramenta accedant: qui leges & divinas & ecclesiasticas proterve violant: qui tota die nomen Dei, Christi, Evangelii, Mariæ & Sanctorum ore impio versant, ut iisdem ad quodvis juramentum abutantur: qui adulteriis thalamos alienos frædant: qui concubinis utuntur, mercedem alienam retinent (verbo) qui vitam Epicuræam, omni voluptatum genere refertam ducunt. Hi, hi sunt, qui ex effato S. Pauli hæreticos & reliquos infideles sanctitati Ecclesiæ nostræ detrachere faciunt. Audite zelantem Apostolum (h) *Qui alium doces, teipsum non doces; qui prædicas, non furandum, furaris; qui dicis, non mæchandum, mæcharis; qui abominaris idola, sacrilegium facis; qui in lege gloriaris, per prævaricationem legis Deum inhonoras; Nomen enim Dei per vos blasphematur inter gentes.*

Audite, O mei! audite, quibus phrasibus Christi & Ecclesiæ sanctitatem Infideles (qui extra Ecclesiam sunt) ob laxam Catholicorum vitam infamant: Audite (inquam) uti audiit gravis ille & eloquens Sacerdos ac medio fere seculo V. elegantissimus Scriptor Salvianus (i) *Cujus ergo criminis rei sint Christiani, ex hoc uno intelligi potest, quia Dei nomen infamant; Et cum Salvator noster ad nos quotidie clamet: Sic luceat lux vestra coram hominibus, ut videant opera vestra bona & glorificent Patrem vestrum, qui in cælis est; nos ita vivimus e contrario, ut filii hominum videant opera nostra mala & blasphement Patrem nostrum, qui in cælis est. Quæ cum ita sint, magna videlicet prærogativa de nomine christianitatis blandiri possumus, qui ita agimus ac vivimus, ut hoc ipsum, quod christianus populus esse dicimur, opprobrium Christi esse videamur. Nunquid de Chuniis (Hannis) dici potest: Ecce quales sunt, qui Christiani esse dicuntur? Ecce quæ faciunt, qui sunt Christi cultores? Nunquid propter Maurorum efferos mores lex sacrosancta culpatur? Nunquid Scytharum aut Gepidarum inhumanissimi*

R 3

(d) l. h. 3. contra Iul. Petilian. c. 22.

(g) l. 2. Retract. c. 28.

(h) Rom. 2.

(e) l. 7. de baptismo. c. 52.

(i) l. 4. de Gubern. Dei.

(f) In Psalm. 2.

ritus in maledictum atque in blasphemiam nomen Domini Salvatoris inducunt? Nunquid dici de ullis istorum potest? Ubi est lex catholica, quam credunt? . . . Evangelia legunt, & impudici sunt: Apostolos audiunt, & inebriantur: Christum sequuntur, & rajiunt: vitam improbam agunt, & probam legem habere se dicunt. Nunquid hæc de ulla istorum gentium dici queunt? Non utique; nam hæc non prostentur. At de nobis omnia ista dicuntur; in nobis Christus petitur opprobrium; in nobis patitur lex sancta maledictum; de nobis enim dicunt: Ecce quales sunt, qui Christum colunt: Falsum plane est illud, quod ajunt, se bona discere: falsum, quod jactant, se sancta legis præcepta retinere. Si enim bona discerent, boni essent: Talis prostrato Sæcra, quales scædatores . . . Apparet itaque & Prophetas, quos habent, impuritatem docere: Apostolos, quos legunt, nefaria sensisse: & Evangelia, quibus imbuuntur, hæc, quæ ipsi faciunt, prædicare: Postremo a Christianis sancta ficerent, si Christus sancta docuisset; nam quomodo bonus esse potuit magister, cuius discipulos tam dissolutos esse videmus: Ex ipso Christiani sunt; ipsum acdunt: ipsum legunt; promptum est omnibus, Christi intellere doctrinam. Vide, quid Christi ant agant, & evidenter de ipso Christo sciri potest, quid doceat.

Ecce, O mei! qualem scilicet honorem Christo, Ecclesiæ & sanctis eorum legibus apud illos, qui extra Ecclesiam sunt, asserant Christiani & Catholici vitam dissolutam ac profligatam publice agentes: Infamant Christum, Ecclesiam, legem sacrosanctam eorumque fidem atque auctoritatem convellunt;

qua re, heu! quantam in oculis Dei contrahunt culpam: culpam, quæ longe difficillime remittetur: Ex quo intelligi potest, quod nullum penitus majoris piaculi crimen est, quam blasphemandi causam gentibus dare. Ita concludit Salvianus dictaque sequentibus confirmat: Videte Davidem adulterii, quod hostibus Religionis suæ blasphemandi occasionem præbuisse, audire debuit: filiolum sibi natum citra ullam veniæ spem inorte rapiendum fore: Dominus quoque transfudit, reatum (k) tuum: Non morieris. Veruntamen quia blasphemare fecisti inimicos Domini, propter verbum hoc filius, qui natus est tibi, morte morietur. Hoc vaticinio auditio Rex David in suum se cubile recipiens, purpura & diademate depositis, sacco squalido indutus vitam parvuli multis lacrymis jejuniisque petebat: at frustra, Deo ut parvulus moveretur, omnino volente: Quia blasphemare fecerat inimicos Domini, sic rogans & obsecrans obtinere non potuit, ait Salvianus. Ah! quantæ calamitates Catholicos hujus ejusdem farinæ manent! . . . Dicit aliquis: Ergone nullum illis remedium superat? Superat utique, nimirum ut toto corde poeniteant vitæque suæ rationem publice immutent, ut sit, unde ob mores eorum probos bonumque exemplum spirantes Christus, Ecclesia & Religio catholica collaudetur. Secus si fecerint, paveant atque contremiscant.



(k) 2. Reg. 12.

SERMO XXIII.

In verba Symboli: SANCTORUM COMMUNIONEM.

Multa cum ratione articulo de Ecclesia sancta catholica Symbolum articulum de Sanctorum communione subiungit: *Sanctorum communionem*. Nam hic articulus (uti erudite Catechismus Tridentini Concilii observat) præcedentis quoddam quasi complementum est eumque clarius explicat; quandoquidem Ecclesia, quæ ab uno solo spiritu regitur, & in Fidei unitate mutuaque membrorum charitate consistit, omnibus illis, quos corpore suo (scilicet congregatione sua) complectitur, optat desideratque, ut bona sua eisdem, quantum ad id capaces sunt, communia sint.

Itaque per Sanctorum communionem credimus, bona Ecclesiæ omnibus in Ecclesia aggregatis communia esse, scilicet quod ea omnes pro sua capacitate participant. Hinc omnium Sacramentorum, quæ unionis hujus præcipua quasi vincula sunt: omnium meritum: omnium orationum & piarum actionum, quæ in Ecclesia fiunt: & maxime omnium sacrificiorum, quæ in singulos dies ingenti numero celebrantur, quivis Catholicorum (pro eo ut capax est) particeps sit.

Declarat hoc apertissima comparatione in variis suarum epistolarum locis Paulus Apostolus, uti in *Epistola ad Romanos*, cap. 12. iterum ad *Ephesios*, cap. 4. præcipue autem in *prima ad Corinthios*, cap. 12. in qua ait: *Sicut enim corpus unum est, & membra habet multa; omnia autem membra corporis cum sint multa, unum tamen corpus sunt: ita & Christus. Etenim in uno spiritu omnes nos in unum corpus baptizati sumus sive Judæi, sive Gentiles, sive servi, sive liberi; & omnes in uno spiritu potati sumus; nam & corpus non est unum membrum, sed multa. Si dixerit pes: Quoniam non sum manus, non sum de corpore; num ideo non est de corpore? Et si dixerit au-*

ris: Quoniam non sum oculus, non sum de corpore; num ideo non est de corpore? Si totum corpus oculus, ubi auditus? Si totum auditus, ubi odoratus? Nunc autem posuit Deus membra, unumquodque eorum in corpore, sicut voluit: Quod si essent omnia unum membrum, ubi corpus? Nunc autem multa quidem membra, unum autem corpus. Non potest autem oculus dicere manus: Opera tua non indigeo; aut iterum caput pedibus: Non estis mihi necessari. Sed multo magis, quæ videntur membra corporis infirmiora esse, necessaria sunt: & quæ putamus ignobiliora membra esse corporis, his honorem abundantiore circumdamus: & quæ inhonesta sunt nostra, abundantiore honestatem habent. Honesta autem nostra nullius egent; sed Deus temperavit corpus, ei, cui deerat, abundantiore tribuendo honorem, ut non sit schisma in corpore, sed idipsum pro invicem sollicita sint membra. Et si quid patitur unum membrum, compatiuntur omnia membra: sive gloriatur unum membrum, congaudent omnia membra. Vos autem estis corpus Christi (scilicet Ecclesia) & membra de membris (scilicet Capite) Et quosdam quidem posuit Deus in Ecclesia primum Apostolos, secundo Prophetas, tertio Doctores, deinde virtutes, exinde gratias curationum, opitulaciones, gubernationes, genera linguarum, interpretationes sermonum. Nunquid omnes Apostoli? nunquid omnes Prophetæ? nunquid omnes Doctores? nunquid omnes virtutes? nunquid omnes habent gratias curationum? nunquid omnes linguis loquuntur? nunquid omnes interpretantur? Emulamini autem charismata meliora. Hucusque verba Apostoli.

Præstantissima hac similitudine a Spiritu sancto, qui calamus Apostoli rexit, vobis proposita videtis (puto) articulum de Sanctorum communione per membrorum in eodem

dem corpore communionem explicatum. In corpore membra omnia de eodem spiritu vivunt: omnia tum sibi tum reliquis membris serviunt: omnia mutuo sibi succurrunt: omnia se mutuo adjuvant: uno gaudent omnia gaudent: uno patiente omnia una patiuntur, adeo ut & illis per gaudium omne bonum, per commiserationem malum omne commune reddatur. Ita quoque in mystico corpore Ecclesiae fit: Omnes de uno spiritu, per baptismum perque cetera Sacramenta, maxime per Eucharistiam (quae unionis & conunctionis Fidelium signum apertissimum est) accepto, vivimus: omnes sanctorum Sacramentorum fructus, communis orationes & merita privati cujusque participamus: omnes pro nobis invicem exoramus: omnes per misericordiae tum corporalis tum spiritualis opera mutuo nos juvamus. Neque unitati huic atque membrorum consociationi vel varietas vel inaequalitas officit: quoniam Caput & membra Capitis (Aures, Oculi, Lingua, Odoratus) scilicet Pontifices, Praelati, Pastores, omnis denique hierarchia ecclesiastica ad minorum membrorum illustrationem, institutionem atque custodiam attendunt: minora dein membra ad majorum defensionem, conservationem ac firmationem obedientia, subjectione & precibus suis conserunt; quoniam superiora membra inferiorum emendationi prospiciunt: inferiora superioribus interveniendo laborant: omnia autem (ut paucis dicam) fidem, spem, charitatem, religionem, Dei gratiam toti servare corpori quasi ex conspirato nituntur. Et quamvis in hoc ipso variis modis elaborent, omnia tamen eundem scopum sibi propositum habent, scilicet ut Ecclesia vitam gratiae vivat, quo postea ad vitam gloriae sempiternae vivendam & de statu militantis ad statum triumphantis in aeternum transire possit; uti Paulus concludit, Ephesiis scribens: *Donec occurramus omnes in unitatem fidei & agnitionis Filii Dei, in virum perfectum, in mensuram aeternae plenitudinis Christi.* Ecce. O mei! ex sensu omnium SS. Patrum explanatum articulum de Sanctorum communione,

Non est dubium, quin haecenus a me dicta iis, qui se singulari Dei beneficio summoque suo emolumento in gremio catholicae Romanae Ecclesiae positos vident, ingentem laetitiam allatura sint; verum aliam quoque veritatem proponere vobis cogor, quam si perciperitis, metu ac pavore animos vestros afficiendos esse existimo. Quenam membra, O mei! in partem memoratorum bonorum & thesaurorum spiritualium Ecclesiae communium venire putatis? Anne promiscue omnia: Ah nequaquam! Horum bonorum & meritum omnium partem viva solum (hoc est: gratia Dei fruente) membra accipient: Mortua vero (hoc est: culpae mortalis rea & gratiae divinae exfortia) membra memoratis meritis, quamdiu in eo statu permanent, privantur (Dixi, attendite! *Meritis*) idque eo fere modo (ut similitudine S. Pauli utar) quo manus malo apoplectico tentata nec sanata corpori adhæret quidem; at nullum vitalem influxum recipit & sensus & motus & omnis alterius boni, quod membra viventia recipiunt, expers. Ita secundum Scripturas sacras & omnium sanctorum Patrum doctrinam Catechismus Concilii Tridentini (a) dogmatice monet: *At vero tot tantisque muneribus & bonis divinitus collatis illi fruuntur, qui in charitate vitam christianam degunt, iustique & chari Deo sunt. Membra vero mortua, nimirum homines sceleribus obstricti & a Dei gratia alienati, hoc quidem bono non privantur, ut huius corporis membra esse desinant; sed cum sint mortua, fructum spirituale, qui ad iustos & pios homines pervenit, non percipiunt.* At haec ipsa consideratio nonne, O mei! conferre plurimum debet, ut peccator redire ad statum gratiae quamprimum cogitet; si scilicet sibi cum animo suo dicat: Non sum particeps alicujus meriti Ecclesiae catholicae! ad me non pervenit ex tot meritum, quae in Ecclesia quotidie effunduntur, thesauris lucrum spirituale ullum! . . . Et quare istud? Quia conscientiam a peccati mortalis labe non purgo: Et cum ceteri a Deo uti filii habeantur, ego pro capitali

(a) Part. 1. c. 10. n. 26.

tali hoste reputor! Hæc (inquam) consideratio nonne stimulare quam vehementissime omnes debet, ut per bonam Confessionem sese a peccatis mortalibus quamprimum liberent.

Dixi: peccatores meritorum & communium, quæ in Ecclesia a iustis comparantur, lucrorum participes haud fieri: qua tamen assertione nequaquam volo, eos nulum inde emolumentum accipere posse; immo aliquem inde fructum ad peccatores *per modum impetrationis* (cujus vim tum iustorum tum ipsorum peccatorum orationes ad obtinenda conversionis adjumenta habere queunt) redire posse statuo; quod ut ne ambigue sed clare intelligatis, quam maxime attentas aures mihi præbeatis rogo. Est de Fide, personarum iustarum opera bona atque orationes in Dei conspectu meriti rationem habere sive meritorias esse; quia ab animabus sanctificantem, omnis meriti coram Deo fontem atque principium, habent: Est itidem de Fide, personarum non-iustarum actiones bonas atque orationes nullam meriti rationem in Dei conspectu habere, quippe quæ gratia sanctificante, omnis (quod dixi) meriti principio ac radice, carent. Ex his concludet aliquis: Ergo peccatorem æque juverit nihil boni facere nihilque orare, quam orare bonumque facere, si faciendo nihil promeretur. Huic ex doctrina Theologorum omnium cum S. Thoma (Attendite denuo, obsecro!) respondeo: Aliud est asserere, peccatorem promereri non posse; iterum aliud est asserere, peccatorem impetrare non posse; Mereri apud Deum peccatorem non posse, de Fide est, quippe cum exosus Deo sit; id quod mille locis S. Scripturæ firmat: Impetrare vero apud Deum peccatorem non posse, blasphemum est; cum ille per bona opera & preces suas impetrare omnino possit. Duplex hæjus rei ratio, a S. Thoma allegata, hæc est: Mereri nititur justitia; hinc qui apud aliquem meretur, habet jus obtinendi præmium commeritum: Ob eam rem S. Paulus agebat: *Reposita est mihi corona justitiae*. P. Cuniliati Catechista.

justitiae, quam reddet mihi Dominus (b) *in illa die iustus Iudex*. Impetrare vero nullo operantis aut precantis jure, sed sola concedentis aut donantis misericordia nititur, adeo, ut quamvis ille nihil concedere velit, tamen jus nullum lædat; dum contra qui merenti concedere detrectat, jus merentis lædit: Atque ob hanc rationem preces & actiones bonæ peccatoris, quamvis meritoriae non sint, tamen esse impetratorias possunt; quia meritum (uti dixi) justitia: impetratio vero sola Dei misericordia nititur; unde si peccatorem Deus quasi ex merito supplicantis non exaudit, potest tamen eum ob suam infinitam misericordiam exaudire. Atque ob eam rem bonum ac consultum est, ut etiam peccatores orent & ad bona incumbant opera, quo sibi divinæ gratiæ auxillia parent: *Quamvis oratio peccatoris non sit meritoria*, ait S. Thomas (c) *potest tamen esse impetrativa; quia meritum innititur justitiae, sed impetratio gratiæ & misericordiae*. Id ipsum O mei! servata proportionem de communibus Ecclesiæ orationibus & operibus bonis respectu peccatorum intelligatis velim, qui (quippe Dei gratia privati) quamvis merita participare nequeant, tamen & impetrare & ob aliorum orationes bona per has impetrata participare, possunt: Apposite in hanc rem S. Augustinus (d) pronunciavit: *Cum merita nostra nos gravant, ne diligamur a Deo, relevari nos apud eum illorum meritis possumus, quos diligit*. Et loco citato Catechismus Concilii Tridentini: *Tametsi, cum & peccatores in Ecclesia sint, ad amissam gratiam vitamque recuperandam ab illis adjuvantur, qui spiritu vivunt, qui ipsi conversionis gratiam illis impetrare possunt*.

Hucusque de communione, quæ in Ecclesia militante ac viatrice nos Fideles inter intercedit, dixi; restat, ut de communione, quam cum Ecclesia beata ac triumphante habemus, disseram. Nostis (Neque enim ignorare potestis, quippe sermone præterito a me moniti) non esse duas distinctas Ecclesias sed enim Ecclesiam unam in duos divisam status; quoniam & Sancti in caelis &

S

nos,

(b) 2. Thimoth. 4.

(c) 22. Quest. 83. art. 16.

(d) Quest. 249. in Exod.

nos, in terris peregrinantes, unum idemque Caput, scilicet Christum, habemus ejus Vicarius (quod ad nos spectat) summus Pontifex est; cum Sancti in cœlis nullo vicario Christi indigeant, utpote Christo Deo-homine personaliter fruente. Atque hoc in loco, O suavissimi! quam ampla solatii materia animis sese obicit nostris; cum sciamus, nos etiam cum Sanctis Ecclesiæ triumphantis (quæ Paradisus est) communionem habere: cum sciamus, hos merita sua nobiscum communicare, quippe quæ Deo in nostrum auxilium offerunt: cum sciamus, hos intercessionem atque advocacionem suam ob zelum, quo salutem nostram cupiunt, longe benevolentissimum nobis præbere: cum sciamus, ad hos nostris in necessitatibus atque angustiis perferre nos absque ullo repulsæ ferendæ metu posse; dummodo ejusmodi res ab eis petamus, quæ salutis nostræ non adversantur. Nam quis dubium habeat, ait S. Thomas, quin petere alteri bona actus sit charitatis erga Proximum: Etquis ambigat, quin Sanctorum, quam in terris habuerunt, charitas, postquam in cœlum intrarunt, perfectior effecta sit? Hinc non superest dubitandi locus, quin Sancti, cum in terris ad ferendum nobis auxilium quam promptissimi fuerint, ad juvandos nos, si quidem in cœlis a nobis invocantur, quam paratissimi sint: ac memorata eos inter & nos intercedens communio firmo pede stet; in nobis versus eos quidem communio obsequiorum, fiducia, orationum: in illis versus nos vero communio applicationis meritorum suorum & suarum apud Deum supplicationum: Cum oratio (e) pro aliis facta ex charitate proveniat; quanto Sancti, qui sunt in patria, sunt perfectioris charitatis, tanto magis orant pro viatoribus, qui orationibus juvari possunt. His addere libet, quæ Hieronymus pronuntiavit (f) Si Apostoli & Martyres adhuc in corpore constituti, quando pro se adhuc debent esse solliciti, pro aliis orant; quanto magis post coronas, victorias & triumphos?

Immo persæpe Sancti, ne quidem invocati a nobis, nostram apud Deum causam

agunt; cujus rei argumentum ex Fide certum Liber II. Machabæorum nobis subministrat: in hoc legimus, Judam Macchabæum II. cum in eo esset, ut copias suas adversus formidabilem Nicanoris exercitum duceret, quo majores animos suis adderet, habitam a se visionem narrasse: *Erat autem visus hujusmodi: Oniam, qui fuerat summus sacerdos, virum bonum & benignum, verecundum visu, modestum moribus & eloquio decorum. & qui a puero in virtutibus exercitatus sit, manus protendentem orare pro omni populo Judæorum: Post hoc apparuisse & alium virum ætate & gloria mirabilem & magni decoris habitu dēdo circūcūm; respondentem vero Oniam dixisse: Hic est frater amator & populi Israel: hic est, qui multum orat pro populo & universa sancta civitate Jeremias propheta Dei: extendisse autem Jeremiam dexteram & dedisse (sibi) Judæ gladium aureum dicentem: Accipe sanctum gladium, munus a Deo, in quo desicias adversarios populi mei Israel (g).* Hac Judæ narratione magnopere animati & horum amborum Sanctorum intercessione sublevati milites hostes internecione ceciderunt.

Non est dubium, O mei! neque Oniam (quantum ex verbis sacris colligere licet) neque Jeremiam a Juda Macchabæo in auxilium vocatos fuisse; & tamen Sancti isti huic Ducl rebusque ejus bellicis tantopere studuerunt. Non est dubium, duas illas beatas animas tum temporis nondum in cœlis sed in limbo Patrum (uti sermone XVI. exposui) substituisse; & tamen intercessio eorum tam utilis ac fructuosa populo Israëlito fuit, ut illam præclarissimam victoriam reportarit. Itaque videte communionem, quam Sancti nobiscum in hoc exilio positis habent: Exorant communem Deum nostrum pro nobis etiam si a nobis non invocentur. Jam cogitate, quid postquam cœlum ingressi & a nobis humiliter constanterque invocati fuerint, pro perfecta, quam illi in Proximum habent, charitate & pro communionem, quam nos cum illis habemus, facturi sint?

Et si Sancti tanto studio curant, ut beneficia non immediate spiritualia (quale, a me memorata-

(e) 2. 2. Quest. 29. art. 10.

(f) Libr. contr. Vigilant.

(g) 2. Mach. 15.

memoratum, est) nobis impetrent: cogitate, quanto majori cum diligentia illi nobis de beneficiis ad animam & cultum Dei proxime spectantibus prospecturi sint? Beneficia temporalia per sæpe salutis nostræ efficiunt, atque ob id Sancti illa pro nobis non petunt; aut Dei gratiam & ejusdem ad resipiscendum, ad superandas tentationes, ad deserendum peccatum aliaque spiritualia negotia opem (quoniam hæc omnia Dei & animarum nostrarum emolumentum proxime spectant) impetrare nobis summa cum voluptate student: præcipue si a nobis invocati atque exorati fuerint. Et tamen tot Fideles inter (qui ad Sanctos confugunt, ut illi partes eorum apud Deum suscipiant) quot sunt, O mei! qui beneficia spiritualia sibi optant? Paucissimi profecto, quandoque ne unus quidem. Hic causæ suæ judicariæ victoriam, ille sobolem: hic felicem negotii exitum, ille mali sui curationem: hic dignitatem, ille optimam messem aut lautam vindemiam: hic salum navis adventum, ille las nuptias: iste amissæ sanitatis recuperationem (paucis) unus hoc, alter aliud, omnes beneficia temporalia deposcunt. Sunt hæc ejus generis beneficia, pro quibus obtinendis ad Sanctos confugere laudabile quidem est, sed quæ Sancti a Deo quandoque aut omnino non petunt nobis, quia ea petentium salutis nocitura fore in Essentia divina prævident: aut, si etiam petunt, non tam lubenter petunt, quantum beneficia alterius generis peterent. Quam pauci sunt in vulgo Catholicorum, qui sanctos Protectores suos de bonis gratiæ magna contentione orant? Quam pauci ardentem petunt, ut obtineant gratiam amicitias illas & personarum alterius sexus servitutem quibus in mille peccata trahuntur, abrumpendi: gratiam a peccato illo, in quod tam sæpe labuntur, se liberandi: gratiam negotiationi illi, in qua mille injustitias committunt, se subducendi: gratiam aversum, quem erga Proximum tanto temporis spatio gerunt, animum exuendi: gratiam ab illis lasciviis, ob quas se sacrilegis innumeris obstringunt, conscientiam purgandi:

gratiam denique illas scelerum, quibus in statu inimicorum Numinis retinentur, maculas detergendi? De his rebus quam pauci preces fundunt, de quibus tamen ah! quantæ cum voluptate Sancti Denm pro nobis sollicitarent? Quotusquisque, O mei! Sanctos precatur, ut sibi gratiam obtineant comprimendi affectionem illam inordinatam, resistendi illi insolenti tentationi, acquirendi virtutem illam, vivendi animo ab hujus fallacissimi mundi rebus alienato, implendi officia status sui, vivendi (Paucis dicam) ut Catholicum decet? Equidem Justi hæc orant; aut peccatores, nisi summa ad id necessitate adigantur, quam pauci heu! quam pauci ista petunt. Et tamen hæc sunt, quæ Sancti nobis optant, quæ summa cum voluptate nobis parant: præprimis si eum in finem a nobis sincere invocentur. Utamur itaque, O mei! utamur hæc sancta communione, quam jam nunc cum Beatis, in cælo positis, habemus: & eorum nobis opem cum fiducia in omni quidem necessitate sed maxime in spiritualibus necessitatibus imploremus, ne unquam Dei gratiam amittamus aut misere perditam statim nulla interposita mora denuo recuperemus.

Quod si tanta nos lætitia cumulare debet, quod etiam cum Civibus celestibus communionem habeamus; quanto magis exhilarare nos debet, quod cum ipsa Sanctorum Regina communicemus, cum Maria omnium longe sanctissima, benignissima, misericordissima, benevolentissima, amantissima, potentissima? Ita est, O mei! per communionem Sanctorum etiam cum Maria communicamus, idque sine ullo dubio; cum ipsa sit membrum Ecclesiæ triumphantis principale sub summo Capite Christo Filio ejus. Hæc communio continuis sese factis prodit; ex parte Mariæ quidem per cujusvis generis beneficia, quæ a Filio tanquam Mater nobis impetrat: ex parte nostra vero per cultum, quem Mariæ omnis Catholicus desert, adeo ut vix ullus filiorum Ecclesiæ catholice reperiatur, qui se Mariæ devotum non profiteatur suamque in eam reverentiam quod

tidiano testimonio non confirmet: Effetque signum oppido sinistrum, si quis Mariam aut nunquam cogitaret aut raro ejusdem patrocinium imploraret. Sed quoniam Auditores meos inter quenquam, tam a recto tramite aversum, esse haud crediderim; immo potius vos magnæ huic misericordiæ Regi-
næ veræque Judicis vestri æterni Genitrici addictos esse existimo; hinc ad vos animandos aggredi juvat, ut Mariam indies magis ac magis complectamini. colatis, ametis eamque cordibus vestris impressam penitus atque insculptam servetis; Unde ad eam tanquam Matrem misericordissimam in omnibus omnino, maxime in spiritualibus & ad animæ salutem spectantibus, necessitatibus vestris confugiatis, certum habentes, vos faciliorem, amantio-rem, efficacior-
em apud Deum intercessionem nullam habere posse. In hunc finem S. Anselmi celeberrimi Cantuariensis Episcopi orationem unam, ex multis longe pulcherrimis, quas Vir hic sanctus ad Reginam omnium Sanctorum direxit, hoc loco prolixè ponere decrevi; Est autem hæc: *O beatissima & sanctissima semper Virgo Maria! ecce, adfio macrens ante faciem pietatis tuæ & confundor nimis pro abominatibus peccatorum meorum. Ne a me quadri-*
duano mortuo, intolerabili satore jam pleno, faciem tuam avertas! Tu nosti, misericordissi-
ma Regina! quod ad hoc nata es, ut: per te nasceretur Jesus verus Deus & homo, de cuius pietate non despero, teque talem haberet Mat-
rem, quæ pro peccatoribus interveniens perse-
ctam obtineres eis salutem. Propterea, clemen-
tissima Regina & Domina! ne contempnas me,
sed memor fragilitatis humanæ annue, ne des-
perans fugiam sed expectem consolationem tu-
am, quam tunc evenire probabo, si ea, quæ sunt in me, incendia criminum & iniquitatum paulatim in me deficere tua virtute atque in-
tercessionum tuarum extingui in corde meo ac corpore persenserò. Habes orbis Apostolos, Pa-
triarchas, Prophetas, Martyres, Confessores,
Virgines bonos & optimos Adjutores, quos ego supplices orare concupisco; Tu vero, Domina!
omnibus illis, adiutoribus melior & excel-

*quia istis omnibus Dominæ es; & quod possint omnes isti tecum, tu sola potes sine illis omnibus. Quare hoc potes? Quia Mater es Salvatoris nostri, Sponsa Dei, Regina cæli & terræ. Te ergo requiro, ad te confugio, & ut me per omnia adjuves, suppliciter peto: Te tacente nullus orabit, nullus juvabit: Te orante omnes orabunt, omnes juvabunt. Millies centena hominum millia, Regina piissima! ad te clamant, & omnes salvantur: Et ego clamabo ad te & non auxiliabor? Forsitan non; quia illis omnibus sum peior & pessimus. Quid inde? Propterea non tacebo. Clamans igitur vociferor ad te: Egregia Virgo & piissima Domina! per-
ce mihi & exaudi me: Exaudi miserum & so-
lare macrentem, recollige errantem, resove des-
perantem: Sana in me, quæ conspiciat, vul-
nera per tuâ sanctâ medicaminâ, tollensque a me
sordida indumenta viridia & splendida porrige
vestimenta, quibus me renovatum repræsentes
silio tuo Domino nostro Jesu Christo: Ego mihi
contra diabolum turris fortitudinis, murus in-
expugnabilis, brachium defensionis; illum con-
tra me sævientem suscipe; & ne me viribus im-
becillum sua astutia confodiat, tu invincibiliter
repugna: Ille callidus est & fraudulentus, &
non metuit pugnare contra fortes, sed majores
vires inserit tentationis contra validos quam con-
tra infirmos. Tu tamen, cælestis auxiliatrix!
quæ nosti dolositates ejus; sic comminne robur
ejus, ut me nulla ipsius callida suggestio decipiat
tentando, sed cum nititur decipere, ipse confu-
sus ex tua virtute superatus discedat. & ego
missus tua defensione prolektus a tu: Filiiq; tui
laude nunquam quiescant. Fac, o felix Domi-
na & omni laude dignissima! ut ego famulus
tuus, qui in tota longevitate dierum meorum
miserabiliter per abrupta peccatorum corruï,
nunc in extremis postis diebus agoni peniten-
tiam pro peccatis meis: Obtine apud clementis-
simum Filium tuum, ut ultra non regnet iniqui-
tas in me sed virtus Divinitatis. Virtutum &
orationum copia me iustificet, mundet & mu-
niat, & per semitas justitiæ deducendo ad bo-
num perseverantia perducat & provehat. In
extremis quoque vitæ positum nulla me hebetet
oblivio, linguæ officium nullius passionis vitium
inve-*

impediat, expletoque dierum meorum numero atque perfecto in me Ecclesiam sancto ministerio merear suscipi ab angelo lucis & liberari ab

angelo mortis, ac perferri ante tribunal piissimæ Judicis, ubi per te, Domine! percipiam quiescentem pacis vitæ æternæ, Amen.

SERMO XXIV.

De Communione Sanctorum Purgatorii.

Cogitabitis forsitan, O mei! Sanctorum communionem solum ad Ecclesiam militantem ac triumphantem pertinere; at perperam id cogitatis, si aliam militantem Ecclesiam, præterquam eam, quæ in hac vita est, nullam esse putatis. Igitur cum alia insuper Ecclesia sit, quæ quamvis absque salutis perdendæ periculo atque ab interitu secunda militet; tamen inter atrocissimos cruciatus militat: (Monitos vos velim quoniam vereor, ne cogitationibus vestris erretis) quod in altero seculo præter triumphantem Ecclesiam alia sit Ecclesia purgans: nimirum Purgatorium, in quo animæ iustæ hac vita, quin pro admittis (ut quoad culpam remissis) aut etiam venialibus nondum remissis peccatis satisfecerint, defunctæ continentur, jam nunc, ut suo tempore Ecclesiæ triumphanti jungantur, destinatæ. Ex quibus sequitur, eas adhuc ad Ecclesiam militantem aliquo modo pertinere; ob id S. Thomas (a) ait: *Quoniam ad aliquid sunt in statu viae.* Dixi: *Aliquo modo;* nam si ad Ecclesiam militantem absolute attinerent, ecclesiasticæ ac pontificiæ jurisdictioni subjacerent; id quod a vero abhorret; nam quantum Pontifices concedant Indulgentias, quibus juvari illæ & minui earum poenæ possunt, tamen hoc non per modum absolutionis jurisdictionalis sed per modum suffragii seu oblationis divinæ iustitiæ oblatæ fit: cui iustitiæ liberum est hanc oblationem vel admittere vel rejicere. Dixi itaque, animas purgantes aliquo modo ad Ecclesiam militantem pertinere, quatenus bona nostra

mutuo inter nos communicamus, illæ quidem orationibus suis, sin minus aliter per interventum Angelorum suorum tutelarum, dona a Deo nobis impetrando: nos vero offerendo pro illis sacrificia, orationes & elemosynas, ut a poenis suis leventur aut liberentur. Itaque hodierno sermone de communionem, quam cum hac purgante Ecclesia habemus, agere statuo.

Et quoniam animos vestros quam vehementissime commovere desidero, ut cum benedictis & patientibus animabus illis suffragiis vestris communicetis, liceat mihi; O charissimis vobis, quales sint Purgatorii poenæ, modo (quod fieri a me potest) optimo ostendere. Est Purgatorium, uti Patres & Ecclesia nixa verbis S. Pauli (qui de defunctis, iustis quidem sed tamendebitis, divinæ iustitiæ persolvendis adhuc dum gravatis, loquens eos salvandos, sed per ignem, affirmat: *Ipse autem salvaverit* (b) *sic tamen quasi per ignem*) docent, est, inquam, Purgatorium tormentum ignis: Ita Origenes (c) vetustus & in iis, quæ bene scripsit, maximæ auctoritatis Scriptor, S. Cyprianus (d) Lactantius Firmianus (e) S. Gregorius Nyssenus (f) Aurelius Prudentius (g) multique alii clarissime affirmant. Instat omnium Augustinus sit, alienus (h) *Si quis forte agrum animæ suæ non excoluerit . . . post hanc vitam habebit vel ignem purgationis vel poenam æternam.* Sufficiat igitur dixisse: Purgatorium esse tormentum ignis, at ignis a divina iustitia accensi, qui ignem nostrum elementarem vi sua multum antecellit; ob eam rem idem S. Augustinus affirmat: Ignem hunc animabus

(a) Suppl. q. 71. art. 2. ad 3.

(b) 1. Corinth. 3.

(c) Homil. 12. in Jerem.

(d) Epist. 52. ad Antonian. (e) Lib. 7. Institut. (f) De Resurrect. (g) In Hamartigenia.

(h) Lib. 2. in Genesi contra Manich. c. 20. In Pfalm. 37.

bus purgantibus graviorem accidere cunctis hujus vitæ cruciatibus: *Et quia dicitur a S. Paulo salvus erit, contemnitur ille ignis. Ita plane: Quamvis salvi per ignem; gravior tamen erit ille ignis, quam quicquid potest homo pati in hac vita.* Subditque: *Nostis, quanta hic passi sunt mali, & pati possunt; tamen tanta potuerunt pati & boni.* Quid enim quique maleficus, latro, adulter, secleratus pertulit legibus, quod non pertulit Martyr in confessione Christi? Ita ergo, quæ hic sunt mala, multo faciliora sunt. *Gravior est ille ignis, quam quicquid potest homo pati in hac vita.*

Itaque cum animæ purgantes adeo horribili igne quasi demersæ jaceant, cujus veram ideam mentibus nostris in hac vita positi concipere nequimus, nisi eum tormentis nostris conjunctim sumptis comparemus & nihilominus his cunctis atrociorum esse credamus: num conveniens esse putatis, cum eas suffragiis, orationibus, eleemosynis ac sacrificiis nostris adjuvare possimus, id a nobis intermittere?

Et tamen hæc poena ignis, utut atrocissima, levis immo quam levissima est, si illi poenæ componatur, quam miseræ illæ animæ sustinent. Quamnam hanc esse putatis? Est dilatio gloriæ, beatitudinis, visionis ac fruitionis divinæ, qua animæ purgantes multo vehementius quam igne uruntur. Ah charissimi! si neque ego neque alius quisquam memoratam poenam ignis exponere vobis pro dignitate valemus; pariter certum habeatis velim, neque me neque alium quenquam mortalium dolorem illum atrocissimum, quem animabus hæc dilatio affert, ostendere vobis posse. Nunquid forsitan, O mei! ambitioforum & gloriæ (cum Amone illo cuncta pro nihilo reputante, sin minus coli atque observari sese a Mardocheo videret) appetentium omnium angores: nunquid omnium (cum Amnone ob Thamaris amorem febri correpto) amantium curas universas cum animis vestris cogitabitis? Athæc omnia vapores & graveolenti palude rejecti & sciuitillæ amoris indigni, suæ utilitati servientis, detestabilis

sunt. Nunquid Jacobi in expectanda Rachele sollicitudines: nunquid Josephi anxia Benjaminum & charum genitore amplectendi studia: nunquid Annæ de filio suo Tobia denuo videndo curas (Quæ omnia verbis significantissimis in sacro Codice exprimuntur) vobiscum computabitis? At hæc omnia dignam doloris ideam dare vobis haud poterunt, quem miseræ illæ animæ ex desiderio se cum Deo uniendi & dura illius æternum complectendix expectatione percipiunt. Dolor ex privatione boni alicujus, in hac terra votis ardentibus expetiti, oriri solitus ab amore gignitur, quo in illud bonum ferimur: bonum ut plurimum nobis perniciosum, certe caducum, finitum, fluxum, quod post sui consecutionem & aliquantilli temporis fruitionem ut plurimum sui fastidia creat ac nauseam movet; At dolor, quem ex privatione Dei sanctæ illæ animæ sentiunt, provenit a vera, sincera & altissima charitate, quæ sola est vera amicitia supernaturalis: provenit ex mora consequendi bonum infinitum, quale Deus est, qui semel possessus indes magis ac magis placet atque delectat, & tota æternitate possidentem se beatificare non cessat. Hinc dicendum omnino: hanc privationem tanto vehementius torquere animas, quanto charitas terreno amore omni major est, quantumque Dei consecutio terrenis bonis omnibus præstat. Jam cum inter duos hos amores, inter duas has privationes, inter duo hæc bona discrimen ingens atque infinitum intersit; computet, qui potest: comprehendat, qui potest: exponat qui potest vim doloris, quem ex hoc capite miseræ illæ animæ patiuntur.

Et quanquam hæc omnia ex Fide certo sciamus: quot nihilominus Christianos inter existunt, qui dies, menses, annos sic fluere sinunt, ut hisce animabus subvenire modis quibus possent, nihil plane curent; nam quis est, qui, si nulla alia re, saltem orationibus Deo oblatis adjuvare eas non possit? Sed plura etiam dicam: Quot sunt, qui inter mille oblationes, ludos, delectamenta persæpe peccaminosa vivunt, in emendis omnis generis

volu-

voluptatibus nulli sumptui parcentes & nescio qua irammani cum duritia atque inhumanitate, intereadum animæ propinquorum poenis memoratis conflitantur, eam pecuniam prodigentes, quæ modice sive in elemosynas sive in Missarum stipendia erogata poenas eorum aut levare aut tollere omnino posset.

Inhumanitas ista ad ferociam populorum Chanaan accedit. Adorabant hi inter alia idola simulacrum Melchon, cui teneros filios suos immolare consueverant; quod etiam Israelitas apostatas, dum in terra Chanaan fuerant, fecisse David Rex conqueritur: *Immolaverunt filios & filias suas demoniis . . . quos sacrificaverunt* (i) *sculptilibus Chanaan.* Jam modum percipite, quo scelesti Chanaanæi in horrendo hoc sacrificio usi sunt: Erat idolum conflatum ex ære, intus concavum, ita compactum, ut armarii instar & aperiri & claudi potuerit: Instante sacrificii hora circa simulacrum ignis permagnus accendebatur, donec illud totum candescebat: Posthæc aperto retrosum simulacri dorso natos vorax alvus excipiebat, quos prius redactos in cinerem quam mortuos dixeritis. Sed ut ne parentes miserorum clamoribus, quos apertum idoli os emittere potuisset, commoverentur, inhumani sacrificii stratagema quoddam excogitarunt & eodem, quo misellæ victimæ idoli alvo includebantur, puncto signum dari canentium multitudini curaverunt, ut instrumentis musicis suavem juxta ac streptuem harmoniam, quæ stridorem miserorum excederet, cernerent; atque hac ratione & parentibus ejulatus natorum audiendi facultatem & natis omnem auxilii rationem sustulerunt. Ita doctissimus Tostatus (k) Abulensis Episcopus: *Ut voces puerorum morientium non audirentur, in tympanis & aliis musicis instrumentis magnas voces reddebant.* Hoc exemplo ad vivum expressa eorum, quos paulo ante objugavi, Fidelium inhumanitas mihi esse videtur: Relinquant illi inclusas Purgatorio parentum, fratrum, propinquorum, amicorum suorum animas &, ac si memoriam

eorum delere e cordibus suis fatagerent, inter oblectationes, lusus, convivia, in theatris, in odeis interque cantica (atque utinam non inter mille peccata) vitam trahunt; intereadum amici, dum propinqui anima vociferari non cessat: *Miseremini mei, miseremini mei, saltem vos amici mei* (l) *quia manus Domini tetigit me.* At illi aures suas ad horum clamorem obturantes, multoque magis ad conscientie ammonitionis, ut obligationes & legata charitati suæ concredita præstent, latratum obsurdoscentes in omissionibus suis, inque voluptatibus vitæ dies ducunt. Unde de tali misera anima confirmatur id, quod de civitate Hierusalem Jeremias (m) pronuntiavit: *Plorans ploravit in nocte & lacryna ejus in maxillis ejus: Non est, qui consoletur eam ex omnibus charis ejus.*

Hucusque eorum, qui animabus purgantibus subvenire negligunt, inhumanitatem vobis ostendi; jam id restat, ut eorundem tum ingratitudinem portentosam tum atrocem injustitiam exponam. Ingratitudinem eorum; nunquid enim bona, quæ variis modis dilapidant, a propinquis suis acceperunt, ab his mille curis & laboribus & omnifaria diligentia eum in finem corrasa, ut hæredes pro ratione status sui haberent, unde viverent: filiæ autem, unde congruas nuptias nanciscerentur (paucis) unde posterius absque multis angustis vitam aut ex sufficienti aut etiam ex honesto agere possent securi periculorum, quæ paupertas post se trahere solet. Et ingrati isti, cum aliquam facultatem sibi relictarum partem in benefactorum suorum sublevationem impendere deberent, easdem mille inter oblectationes atque inter mille peccata universas prodigant atque effundunt, immemores eorum, a quibus tantis laboribus partas opes acceperunt. Prosæcto portentosam ingratitudinem!

Attendite, quæ dicturus sum: Et subin argumentabimur. Cum Alexander mortem instare sibi cerneret, testante *Libro I. Machabæorum* regna a se acquisita nobilibus amicis suis atque sociis divisit: *Decidit in lectum* &

(i) Psalm. 105.

(k) In Levit. c. 12. quest. 2.

(l) Job. 6. 20.

(m) Thren. c. 2.

*Et cognovit (n) quia moreretur, & vocavit pueros suos nobiles, qui secum erant nutriti a juventute, & divisit illi regnum suum. . . & mortuus est. Cogitabitis, O mei! & merito, hos tanto beneficio generose adeo affectos primum quidem id curavisse, ut insigni exequiarum pompa cadaver defuncti tumulo conderetur: deinde certatim sat egisse, ut tanti viri memoriam varia mausolæa servarent victorias illius longe præstantissimas insculptas habentia, quo hac ratione, dum mundus staret, omnes cognoscerent, Alexandrum intra breve duodecim annorum quibus regnavit, spatium fuisse populorum debellatorem, domitorem regnorum, terrorem exercituum. Nunquid hæc cogitatis? At percipite rem insolitam, de qua historici gravissimus (o) Aelianus testatur: Statim ut Alexander e vivis migravit, Nobiles illi de provinciis sibi ab Alexandro relictis contendere inter se cœperunt, tamque atrox inter eos controversia orta est, ut, dare humo cadaver Regis insignis benefactoris sui obliiti, triginta dierum spatio illud inhumatum relinquerint; donec tandem illud Ptolomæus perquisivit & Alexandriam Ægypti civitatem deportari iussit: *Dumque illi, qui circa eum erant, de regno inter se contenderent, sepultura expers fuit; Verum ille triginta diebus inhumatus relictus est: donec tandem Ptolomæus, si credere par est, corpus requisivit & studiose in urbem Alexandri, quæ in Ægypto est, deportavit. Quid vos ad ista, O mei! . . . Quid vobis de tam portentosa ingratitude videtur? Proh! tanti benefactoris usque adeo oblivisci, ut triginta dies corpus ejus inhumatum jaceat: id quod ne pauperrimis (ut idem Historicus addit) accidere solet, cum, natura ipsa instigante condere humo mortuum omnes curent: Cujus (sepulturæ) etiam pauperrimi natura communi postulante, ut eum, qui non amplius vivit, abscondamus, sompotes sunt. Et tamen id, quod ne egen-
tissimis quidem negatur, hoc Regi benefactori summo a clientibus suis negatum fuit. Ad hanc tantam hæredum Regis Macedonis ingratitudinem stupere vos omnes mihi vide-**

mini; Verum an huic ingratitudini comparari ingratitudo hæredum defuncti alicujus Catholici poterit, eidem in Purgatorio succurrere omittentium? Aliud est cadaver alicujus personæ; iterum aliud anima ejusdem: Aliud est sinere abire in putredinem cadaver inhumatum; iterum allud, animam in flammis purgantibus deferere. Quod si tantum vobis horrorem hæredum Alexandri ingratitudo incussit, quod cadaveri ejus honorem sepulturæ negarint; quanto magis commovere vos debet, si hæredes testatorum & benefactorum suorum animas adjuvare prætermittunt. Et si anterior illa ingratitudo portentosa haberi debet, hæc posterior certe execrabilis, & homine multoque magis Catholico indigna judicanda est.

Idque eo magis, quod ingratitudo hæc persæpe quoddam infamis forti & rapinæ tyrannicæ genus conjunctum habeat; nam quid est furtum (si S. Thomæ & Theologorum omnium definitionem sequimur) nisi *ablatio occultæ (p) rei alienæ invito Domino. Additur vox: Occulta, ut furtum a rapina distinguatur, quæ inspectante rei domino fit; unde S. Thomas subdit: Rapina autem (præter ablationem rei) quandam violentiam & coactionem importat. . . & vergit in quandam personæ ignominiam seu injuriam. Sciendum præterea, pro uno eodemque reputari, si quis furetur rem alienam, & si eam nolente Domino retineat, quando restituere illam potest: Deinere, ait loco citato S. Thomas, id quod alteri debetur, eandem rationem habet ac acceptio injusta. Jam si testator aliquis in mandatis relinquit, ut tot Missæ celebrentur: ut illæ pecuniæ in eleemosynam erogentur: ut illa vasa argentea Ecclesiæ, monasterio aut alii pio loco tradantur. (Et quæ sunt similia legata, merito Pia appellata) quid, quæso facit ille? Nonne sibi suæque animæ servat portionem ex bonis, quæ sua sunt & quæ in animæ suæ auxilium impendi vult. Quod si hæredes legata hæc non præstant: si imperatas Missas celebrari usque negligunt: si illas eleemosynas non dispensant (brevibus) si pia jussa non exequun-*

(n) 1. Maceh. 1.

(o) Lib. 12. Hist. c. 64.

(p) 1. 2. Quest. 66. a. 2.

quantur, cum exequi tamen illas possent, nisi tantam pecuniarum vim lufibus, oblationis & rebus haud necessariis prodigi confecerant: quid amabo! faciunt? Quid? Ah! Retinent rem alienam contra iustam domini voluntatem. Ergo furtum patrant & adversus eos patrant, a quibus residua hæreditate donati fuerunt: Furtum faciunt, at furtum a rapina crimine haud alienum; nam furantur scientibus, quod legata illa non præstentur: id quod idem est, ac si hæredes in oculis eorum furerentur. Et tali modo cum animabus illis agere, nonne infame latrocinium & rapina tyrannica sit? Ex his autem consequitur, quod miseræ illæ animæ, quæ per suorum legatorum executionem quam celerrime liberandæ essent, in illa atrocissima fornace remanere cogantur: Et quare istud? Quia sua, quia quæ sibi servarunt, obtinere non possunt; qua re fit, ut illæ suorum suffragiorum sibi servatorum effectibus carere debeant. Ita S. Thomas (q) *Quantum ad efficaciam suffragiorum, quæ ex opere operato vel ex opere operante exequentis, non consequitur fructum, antequam suffragia fiant.* Nonne posthæc, O suavissimi! animas illas sic delraudatas exclamare cum Jobo (r) posse, vobis videtur: *Quare persequimini me . . . Et carnibus meis saturamini?* Quare, O ingrati, latrones, raptores! me persequimini & carnibus meis (hoc est: facultatibus meis, quas mihi servavi) saturamini? Nonne hoc ipsum, O mei! animabus illis singularis & sævissimi tormenti instar esse putatis?

Fugite, propinquorum aliquem bene instructo navigio versus Orientem tendenti se committentem in piratas incidere, a quibus, navi post acrem pugnam capta, una cum reliquis itineris sociis Algerium in vincula ac servitutem trahatur: Cogitate eundem, cum & ipse amor suorum confidere, & suos solus tanti infortunii nuntius ad ejus redemptionem modis efficacissimis curandam commovere satis deberet; cogitate (inquam) eundem nihilominus, ut libertatem sibi certius pararet, manibus catenarum duro pondere

gravatis scribere propinquis tabulam solennis donationis bonorum suorum omnium, sola sibi duorum mille ducatorum summa, quippe quam in lytrum Barbari postularent, servata. Conturbari, O suavissimi! hac mea positione mihi videmini: ac si fieri posset, ut affines christiani liberationem miseri hujus absque prævia tali donatione parum curarent. Attamen rem ita esse date. Jam aliud subjungo: Fingite, propinquis illos donatione hac lætanter accepta, cum statim de propinqui sui dimissione agere cum hostibus deberent, voluptati operam dare incipere, nondonatas solum facultates sed & illam, quam pro sui sollicita redemptione miser sibi servarat, mille aureorum summam abligurientes. . . Pater! ita occlamantes audire vos mihi videor, talia cogitare haud fas: quomodo ista ab hominibus ratione præditis (ut de Christianis taceamus) fieri possunt? Sed permittite, obsecro! etiam hanc positionem vero consentaneam esse, & rogantis, ut vobis causæ hujus judicium sumatis, precibus annuite! Quo, quæso! supplicio propinquis hos sævæ ad o ingratitudinis reos, latrones, infames raptores ac tyrannos mactaretis? Oh! respondere mihi videmini, quid juvat cogitare supplicia in punishmentum delicti, quod patrari vix posse videtur? Ast concedite, rem (ut a me narrata est) esse, libereque dicendi copiam mihi facite! Nos, nos ista maxime tangunt. Qui istud? Aperiatur testamentum illud: Quis id scripsit? Pater meus: Maritus meus: Uxor mea: Frater meus: Patruus meus. . . Legatur ulterius: Constituo hæredem meorum facultatum omnium filium meum, maritum meum, nepotem meum. . . Hinc illi relinquo prædia mea in hoc, illo loco, has sedes. . . illa credita liquidata. . . illas numeratas pecunias. . . una cum rebus mobilibus cunctis & residua rationum mearum parte omni. Pergatur: Reservans animæ meæ, ut illis creditoribus statim solvatur; ut statim tot Missarum sacrificia fiant; dein ut quotannis hæc. . . summa pauperibus erogetur; ut hac. . . dote quotannis duæ puellæ in matrimonium locentur; ut

P. Cuniliati Catechista.

(q) Suppl. quæst. 71. a. 6. ad 4. (r) Cap. 19.

fua-

fundetur facellum, in quo decem annorum spatio quotidie Missa celebretur. . . . At legatur & dies, quo testamentum exaratum fuit: Unde venit? Quo anno, quo mense scriptum est? Ah: utinam, O Deus! hæc non interrogassem. Venit e Purgatorio; Quid, e Purgatorio? Ita, e Purgatorio: Scriptum est ante annos octo. Veneruntne in possessionem bonorum sibi relictorum hæredes memorati? Venerunt omnino. Feceruntne fatis prædictis obligationibus in utilitatem & liberationem animæ testatoris? Nondum fecerunt satis: aut saltem aliquot fluxere anni, quin fecerint satis: aut restat magna, quæ suppleatur, pars. Ah! Post hæc, O mei! quemnam magis deplorandum esse putatis, statumne miseri mancipii illius in urbe Algeria, an vero hujus infelicis animæ? Nonne hic lacrynis dignior? Quid servitutis Algericæ incommoda ad Purgatorii poenas? . . . Credebatis, quæ posui, impossibilia esse; negabatis fieri posse, ut ista fierent: Et hoc, quod majoris sævitiae, quod lacrymis dignius est, heu! quot hæredum faciunt! Noverunt istud probe confessarii. . . Intelligitisne, me jure crudelis hujus latrocinii judices vos fecisse? . . . Quod si dignum supplicium in propinquos mancipium, de quo dixi, negligentes non invenistis; num in eos reperiri ullum poterit, qui, opes sibi relictas mille modis disperdentes, miseras benefactorum suorum animas in illis atrocissimis cruciatibus relinquunt, quæ ob injustissimam hæredum etiam ea, quæ hæc in sui redemptionem sibi servarant, devorantium tyrannidem requiem sibi invenire non possunt? Dicit aliquis: Præstari legata non possunt. Immo & ego novi, præstari illa non posse, si animo per omnia indulgetur: si lauta suppellex instruitur: si palatia ampla conduntur, si splendida convivia celebrantur: si pompa ingens agitur: si longi famulantium greges post tergum trahuntur: si innumeri sonipedes aluntur: si muneribus, si ludendo pecuniæ profunduntur (paucis) si, ut ne peius quid dicam, si omnifarius luxus, cui nec Cræsi divitiæ suf-

ficerent, affectatur. In hunc modum si vivitur, novi & ego, præstari legata non posse; quandoquidem substantia omnis vix illi immoderate quamlibet pravam animi affectionem exsaturandi interque æquales se præ aliis ostentandi, cupiditati sufficit. At num hac excusatione inferni supplicia per infidelitatem, injustitiam & tyrannidem adversus defunctos commerita vitari a miseris vitari posse putatis? Nequaquam id. Sed quicunque se hac in re fontem cognoverit, primum quidem bona & doloris plena Confessione animam emundet: deinde vero, ut se obligationibus suis implendis idoneum reddat (si non habet, unde eas impleat) omnes superfluas & (si hoc non sufficit) omnes convenientes & (si neque hoc fuissecerit) omnes etiam necessarias expensas circumcidat; idque secundum regulas a Theologorum turba universa illis præscriptas, qui aliis quidquam debent, præprimis creditoribus in gravi necessitate constitutis, quales esse animas purgantes, (nostras eorum omnium, quæ nobis in sui auxilium reliquerunt, creditrices) nemo dubitaverit: de quibus regulis, ubi de septimo decalogi præcepto agemus, suo loco dicturi sumus; Et quisquis hac in re, quod sui officii est, non fecerit, ab ira Dei exterminandum se credat; Quod si Spiritus sanctus Apostolo Jacobo (s) dictavit: *Judicium sine misericordia illi, qui non fecit misericordiam*, quanto severius judicium sibi expectet, *neque misericordiam neque justitiam fecit*.

Coronidis loco sciscitari ex vobis juvat, utrum miseras ilas animas tam sevæ obligationi abs hæredibus datas id plurimum dolere, minus credatis, quod ipsæmet adhuc in vita pia illa opera non fecerint, quæ post mortem suam facienda aliis commiserunt? Quis hoc dubitet. Sapiamus itaque omnes alieno (ut ajunt) damno & pia illa opera, quæ post mortem nostram facienda aliis committere cogitamus, in vita adhuc constituti ipsi faciamus: At studeamus, ut illa in statu gratiæ a nobis sint, nam si in statu peccati mortalis fierent, omnem vim satisfactionis amitt-

amitterent, quod meritum satisfactionis sola gratia nitatur; unde in statu culpæ mortalis facta solam vim impetrationis habent, prout vobis sermone præterito exposui. Et sciatis velim, opera pia, si a nobis gratia Dei fruentibus in hac vita sunt, multo majoris pretii esse, quam si fieri illa post mortem nostram curamus; quia tunc illis major voluntatis affectus accedit, qui quo intensior est, eo majus est meritum satisfactionis; secundum regulam Theologorum cum S. Thoma dicentium: *In satisfactione magis attenditur affectus offerentis quam quantitas oblationis.* Et addit doctissimus Vincentius Bellavacensis (t) unam diem hujus vitæ piis operibus pro suorum peccatorum expiatione in gratia exactam æquare annum integrum in Purgatorio, ob memoratam majoris affectus & propensioris voluntatis, quacum agi-

mus, rationem: *Pana, qua poterat se excedere homo spatio unius diei, protenditur in Purgatorio spatio unius anni.* Itaque cum tantum emolumenti nobis accedat, si id, quod post mortem faciendum pro nobis aliis demandare volumus, id (inquam) ipsi divinæ gratiæ compotes in vita facimus; nonne summæ insanitiæ fuerit, hoc utilitatis genus neglexisse? Concludamus igitur, sequentes monitum Spiritus sancti dicentis: *Fili! si habes, bene fac tecum & Deo dignas oblationes offer (u) Memor esto, quia mors non tardat, & testamentum inferorum (pro altera vita) cogita, hoc est: Tu facias, quod aliis faciendum relinquis: quia demonstratum est tibi: testamentum enim hujus mundi morte morietur, hoc est: subjacet periculo neglectiois.*

(t) Spec. moral. (u) Eccli. 14.

SERMO XXV.

In verba Symboli: REMISSIONEM PECCATORUM.

Post communionem Sanctorum Symbolum *Remissionem peccatorum* proficitur. Credimus hoc articulo, esse in Ecclesia catholica dimittendi peccata potestatem; Et quoniam duo sunt genera peccatorum, unum originale alterum actuale seu personale: hinc proferimus, esse in Ecclesia potestatem dimittendi peccata duplicis hujus generis. Peccatum originale per Sacramentum Baptismi, peccatum actuale seu personale per Sacramentum poenitentiae remittitur. De peccato originali, quod per Baptismum dimittitur, cum de hoc Sacramento paulo post absolutam Symboli explicationem tractandum mihi sit, hoc loco monuisse me satis esto, quod in Symbolo credamus, esse in Ecclesia originalis peccati per sanctum Baptisma remittendi potestatem: Unde in

Symbolo Nicæno dicitur: *Confiteor unum Baptisma in remissionem peccatorum.* Confitemur præterea potestatem dimittendi actualia peccata per Sacramentum Poenitentiae, cujus potestatis exercitium nec fieri valide nec effectus illius valide percipi sine Baptismo potest; cum & potestas conferendi remissionem &abilitas eandem recipiendi Baptismo nitatur, prout suo loco explicabo.

Intelligitis, O mei! hanc dimittendi peccata potestatem a nullo alio, quam Deo omnipotente aut Jesu Christo Deo-homine, provenire posse; nam cum ipse per peccata ostendatur, evidens est, quod illa dimittere eorumque suo nomine dimittendorum potestatem alteri, cui placuerit, facere ipsius solius sit. Quemadmodum ad nullum alium,

nisi solum creditorem, debiti condonatio pertinet: ita quoque ad Deum solum, qui ob injuriam sibi per peccatum illatam creditor est, illius remittendi auctoritas ac potestas spectat.

Ex his sequitur, Sacerdotes & Ministros Sacramentorum, quibus peccatorum remissio confertur, meros esse ministros seu instrumenta potentiae Dei, qui eosdem assumere & dare eis facultatem atque auctoritatem dignatur producendi magnum illum effectum, qualis est facere, ut anima de statu peccati ad statum gratiae transeat & ex injusta iusta reddatur: Effectum, quem post SS. Augustinum & Thomam Theologi omnes ipsa mundi creatione majorem esse deputant, uti sermone sexto exposui: *Quod Augustini sententia confirmatur*, ait Catechismus Concilii Tridentini (a) *Mojus opus existimandum est, aliquem ex impio pium facere, quam calum & terram ex nihilo creare.*

Hinc mirum minime, tantam potestatem ante Christi adventum nulli unquam homini nec in Ecclesia legis naturalis nec in Ecclesia legis scriptae concessam fuisse: Et quamquam tot sancti Patriarchae ac Prophetæ donis & luminibus Dei pleni extiterint, tamen ulli eorum hanc potestatem collatam fuisse in sacris Scripturis haud legimus; quippe quæ servabatur Ecclesiae Christi Dei-hominis, qui Caput est Ecclesiae, ab eo (cum sanctissima ejus humanitas instrumentum sit divinitatis in personæ unitate conjunctum) in praeelectos ministros diffundenda. Hinc non immerito & ob hanc ipsam rationem S. Marcus Evangelista refert, quod, cum Christus, antequam paralyticum sanaret, eidem dixisset: *Fili! dimittuntur tibi peccata tua* (b) hoc audito Scribæ & Pharisei legis Doctores sibi cum animis suis dixerint: *Quid hic sic loquitur? Blasphemat: Quis potest dimittere peccata nisi solus Deus?* Quod cognoscens Christus cordium inspector leniterque eos increpans subjunxit: *Ut scitis, quia Filius hominis* (ita se ipsum cognominabat) *habet potestatem in terra dimittendi peccata, ait paralytico: Tibi dico, surge, tolle grabatum tu-*

um & vade in domum tuam, id quod infirmus continuò præstitit Ita quoque, cum Magdalenæ dixisset: *Remittuntur tibi peccata tua* (c) hæc, qui aderant, audientes intra se dixerunt: *Quis est hic, qui etiam peccata dimittit?* Ex quibus omnibus clarum fit, ad illa usque tempora dimittendi peccata potestatem in terris auditam non fuisse. Hanc autem potestatem postea Christus Petro ejusque successoribus celebratissimis illis verbis promisit, ut eadem ab ipso Petro iterum aliis conferretur: *Tibi dabo claves regni caelorum, & quodcumque ligaveris super terram, erit ligatum & in caelis* (d) *& quodcumque solveris super terram, erit solutum & in caelis.* Immo eandem potestatem omnibus simul Apostolis Christus pollicitus est, aiens: *Dico vobis* (e) *Quaecumque alligaveritis super terram, erunt ligata & in caelo: & quaecumque solveritis super terram, erunt soluta & in caelo.* Re ipsa vero potestatem hanc ipsis post resurrectionem suam augustis illis verbis contulit: *Accipite Spiritum sanctum; Quorum remiseritis peccata, remittuntur eis, & quorum retinueritis, retenta sunt;* Quæ verba, ex Traditione divina, legitimis Apostolorum successoribus & sacerdotibus valide ordinatis etiamnum applicata censentur: quibus deinde a legitimo Episcopo subditi absolvendi assignentur, in quos potestatem illam actu exerceant, prout aliis in locis dicetur.

Ex hac Christi circa remissionem peccatorum institutione Confessionis sacramentalis, si peragi potest (uti tum monui tum monebo) necessitas manifestò apparet; nam cum Christus pronunciarit remittenda esse in caelis peccata, quæ apostoli remissuri essent: & retinenda (nimirum non remittenda) esse, quæ ipsi retenturi essent, liquido ostenditur, exponenda & explicanda esse peccata ministro, qui illa dimittere vel retinere debet; nam qua ratione minister sciat, quæ peccata dimittenda vel retinenda sint, si illa a poenitente non manifestantur? Igitur aut dicendum, cujusdam luminis prophetici ope peccata a ministro distincte cognosci debere; id quod nec verum est (uti

(a) Part. 1. c. 11. n. 7.
p. 1.

(b) Marc. 2.

(c) Luc. 7.

(d) Matth. 16.

(e) Loc.

experientia demonstrat) nec asseri sine blasphemia potest: aut confitendum, peccata Pœnitentiæ ministro manifestari debere.

Neque ob id cogitēs velim, esse peccata, quæ remitti non possint: prout veterum hæreticorum nonnulli blasphemæ asseruerunt. Nequaquam istud; cum Christus nullum peccatum reservarit, quod auctoritate ecclesiastica dimitti nequeat, uti adducta a me S. Scripturæ Testimonia declarant; nam illa verba: *Quodcunque, Quæcunque, Quorum remiseritis peccata, remittuntur eis*, ejus generis sunt, quæ omnino nullam reservationem clare significant sed enim omnia delicta comprehendunt. Igitur vox: *Retinueritis* solum ad casus ab Ecclesia & Ecclesiæ Prælatīs certis de causis reservados vel potissimum ad dispositionem pœnitentum pertinet, qui, quod debitas dispositiones animi (de quibus suo loco agetur) non prodant, persæpe commenterentur, ut eis Absolutio & remissio peccatorum differatur aut etiam, si animos obfirmant &, quod deberent, deferere indociles detestant, omnino negetur.

Atque hoc in loco liceat mihi, O charissimi! nonnulla interponere, quæ a proposito haud omnino abhorrent. Injustas igitur querelas ii pœnitentes fundunt, qui ut se veros, duos atque imprudentes inculant quosdam Confessarios, qui, cum officium suum, pro eo ut par est, facere velint, coactos se vident, ut pœnitentibus Absolutionem & remissionem differant aut respective negent; quoniam illi ad hanc recipiendam haud parati sunt. Indispositos autem seu imparatos eos dico, qui postquam longum temporis spatium ab ultima Confessione fluere siverunt & præterea multis negotiis periculosis distringuntur, atque ob id multis varii generis peccatis lethalibus obstricti sunt, quam brevissimo aut nullo examine præmissa sese Pœnitentiæ ministro offerunt dicturi, quæ ipsis in mentem suapte venerunt, peccata, non sine præsentissimo periculo maximam peccatorum partem prætermittendi & hac ratione Confessionem haud integram atque ob gravem debiti examinis omissionem

dimidiatam faciendi: Quod comperiens doctus ac sapiens Confessarius, cum persuadere sibi nequeat, se examen tam longo (fors unus aut plurium annorum) spatio conveniens jam modo instituire posse, pœnitentem tempori opportuniori servat, monens eundem interim, ut in culpas suas accuratius inquirat eamque diligentiam adhibeat, quam in permagni momenti negotio adhiberet: qualem adhibendam esse Theologi uno ore affirmant. Et qui sic agit, anne rigoris, duritiæ, imprudentiæ argui dignus?

Indispositos eos dico, qui in proxima peccati mortalis occasione voluntaria vivunt, quam (si vellent) deferere et si nonnihil ægre possent & quam deserturos se alias polliciti sunt, quin tamen promissis suis steterint. His talibus si Confessarius dicat: Fili! prius huic occasione (quæ in se peccatum mortale jam est) renuncia & tunc veniens absolveris: ista si dicat, num dure, num severe ac imprudenter agere dicitur? . . . Immo aliter agere res est ab Ecclesia efflato Innocentii XI. sanctæ memoriæ improbata damnataque.

Indispositos eos dico, qui alicujus peccati mortalis consuetudine obstringuntur; sive dein falso aut quovis momento jurare: sive ex veneris, quæ vident vel sibi cum animis fingunt, objectis multoque magis ex peccatis carnis aut ex obscænis, quos assiduo ferunt, sermonibus delectationem frequentissime capere: sive parva & continua furta patrare: sive commercia literarum, amicitias, conversationesque fovere: sive personis alterius sexus assiduo ancillari & nescio quæ alia facere assueti sint, in quibus crebro delectationes, desideria fors etiam actus graviter peccaminosos admittunt & de quibus se absque ulla emendatione accusant. Unde prudenti doctoque confessario alia via non relinquitur, nisi ut Absolutionem differendo doloris eorum ac propositi periculum faciat. Et hoc severitati, duritiæ, imprudentiæ consentaneum sit? Cum aliter agere Confessarius ex præcepto Ecclesiæ nec debeat nec possit: Ecclesiæ, quæ vult, ut in hunc ma-

xime modum cum talibus poenitentibus agatur, & quæ memorati Innocentii XI. oraculo sententias contrarias reprobavit.

Indispositos eos dico, qui in ipsa Confessione nullo de injuriis Deo illatis dolore commoveri se ostendunt & quanquam nec toties relapsi sint, nec occasionebus proximis teneantur, nec examen vitiosum præmiserint; tamen & intimo de injuriis Deo factis dolore & seria peccatorum suorum detestatione & firmo amplius non peccandi proposito carere se produnt; dum peccata sua adeo indifferenter, adeo festivo eoque vultu confitentur, ut fabulam aut historiam potius narrare, quam ad pedes Christi scelera sua exponere videantur. Et quanquam pius ac sapiens Confessarius omni arte omnique studio utatur, ut hos poenitentes ad concipiendum serium dolorem firmiterque propositum inducat; tamen in vanum cecidisse omnia sentit neque persuadere sibi potest, eos rite dispositos esse. Hinc post debitas serias admonitiones tempus sibi sumit & Absolutionem procrastinat, ne forte sacrilegium faciat. Et hæc agendi ratio severitatis, duritiæ, inconsiderantiæ postuletur; cum tamen ita fieri Theologi omnes velint? . . . Num, quæso! imprudentiæ insinulatur Medicus, qui, ut infirmum melius sanet, eum de omnibus excessibus interrogat? . . . Num imprudentiæ arguitur Advocatus, qui, ut clientis causam melius defendat, exactam rerum quarumvis notitiam sibi petit? . . . Neutiquam istud: Immo laudantur, prædicantur magnique pendentur. Solus Confessarius, qui nullo proposito lucro (Medici & Advocati suas taxas habent) ex sola charitate ea, quæ muneris sui sunt, facit, ut morbum Proximi longe periculosissimum curet: ut causam Proximi longe gravissimam bene cadere faciat, solus (inquam) hic pro duro, pro inconsideranti, pro severo habetur. Proh cæcitate! Proh exiguum salutis æternæ curam!

Obloquentem aliquem audire mihi videor: Pater! alios Confessarios, qui Confessionem meam exceperunt, non tam diffici-

les inveni: Audiverunt illi, quæ exposui, patienter & absque tot interrogationibus aut quæstionculis, postquam finieram, me monuerunt, ut veniam a Deo exposcerem, impositaque poenitentia absolutum dimiserunt in pace. . . Tu dicis: illos te dimisisse in pace. . . Et ego tibi dico intrepidus: illos te dimisisse in bellum, immo dimisisse gravius vulneratum, quam eras veniens ad illos; quia dimiserunt cum novo sacrilegio ad priora peccata adjecto. Hoc ego intrepide affirmo, si e numero hucusque memoratorum poenitentum es. Habeas tibi, abiisse te, quin multa peccata indicaveris, quæ tibi vel culpabilis ignorantia vel discussionis negligentia occultavit. Abiisti absque remissionis effectu; quia sine debito dolore certoque proposito Confessionem peregristi: posito, quod eorum e genere sis, quos paulo ante indicavi. Atque ea, quæ hoc loco affirmo, quadraginta annorum, quibus sacrum Confessarii munus exerceo, usu atque experientia edoctus affirmo. Qua de re, O mei! non solum novi Confessarii, in quem incidistis, severitatem atque inconsiderantiam non incusate; sed etiam Deo grates ex animo agite, quod vos iudicare in ejusmodi Confessarium fecerit, qui memorata diligentia atque accuratione utatur suisque interrogationibus faciat, ut multa peccata a vobis nunquam exposita detegatis & præteritarum Confessionum vestrarum ex doloris defectu invaliditatem manibus (ut sic dicam) palpetis: aut qui Absolutionem vobis impertire detrectet, nisi prius illam occasionem deferatis: illa debita solvatis: ab illis vos peccatis corrigatis; cum id facturus vos sæpius promiseritis; nec tamen feceritis.

Quid, quæso! facere soletis, si vestrorum debitorum aliquis, qui solvendo par, post repetitas sollicitationes solutionem non fecerit: Quid quæso! facere soletis? Nunquid ab eo pignus debito æquale aut cautionem certam merito postulatis: Secus carcerem ei intentatis; Nunquid? . . . Jam si homo erga hominem jure sic agit, scilicet ut post ejus deprehensam infidelitatem promissis ejusdem fidem haud amplius adhibeat, sed cer-

ti quid sibi exigit; nonne eodem modo Vicarius Christi erga eum, qui Christi debitor est & qui, quæ impleturum se promissit atque adiuvante Dei gratia (si serio voluisset) facile impleturus fuisset, non implendo datam Christo fidem sæpius fessellit, gerere sese debet. Vos jure fidem negatis ei, qui in negotio temporali promissis suis sæpius defuit: Et Minister Christi vobis in negotio reliquorum omnium maximo (quale est negotium animæ & profanatio Sacramenti) data promissa fallentibus habeat fidem? . . . Jam quod pignus, quam cautionem Confessarius accipiat, nisi Absolutionem disserat, donec certa emendationis indicia habeat. Itaque non duritiæ, non severitatis, non imprudentiæ arguite Confessarium, qui officium suum facit; sed eorum potius Confessoriarum, qui aliter se gerunt, tum suas ipsorum tum vestras animas prodentes, ignorantiam & negligentiam (ut non dicam) indignitatem dolete.

Est itaque in Ecclesia peccatorum actualium seu personalium remissio, sed solum pro poenitentibus bene dispositis. *Hæc est, ait Fulgentius doctrina & sanctitate præstantissimus Episcopus (†) Hæc est inter Deum & hominem conditio, id est inter præcipientem Dominum servumque poscentem. Si, quod dico, custodieris, dabo, quod possis; Ego tibi præcipio conversionem; tu possis a me salutem: Si parueris præcepto, poteris beneficio. Sed necesse est, ut finire peccator ingemiscat, non ut quidam, qui pro iniquitatibus quidem suis in oratione gemunt, nec tamen ab iniqua operatione discedunt: Accusant humiliter in conspectu Dei peccata, quibus tenentur oppressi, & eadem peccata, quæ humilitate sermonis accusant, corde perverso contumaciter cumulant: Indulgentiam, quam lacrymiosis gemitibus poscunt, ipsi sibi pravis operibus adimunt: Medelam postulant a medico, & in perniciem suam subrogant adiutorem morbo; ac sic inaniter quærunt placare judicem, quem factis iniquis magis irritant ad furorem. Tales nunquam diluunt gemendo peccatum, quia non desunt peccare post gemitum.*

Quod autem in hac Fidei, circa remissionem quorumvis peccatorum in poenitentibus bene dispositis, veritate distincte considerari atque admirari debet, est infinita & ingens bonitas ac misericordia Dei nostri optimi, qui Jesu Christi meritis infinitis motus voluit, ut in animarum nostrarum salutem remedium adeo necessarium in Ecclesia esset, ex quo infinita ejus bonitas ac misericordia (ut dixi) mire elucescit. Atque ut hanc bonitatem modo, quo fieri potest, optimo comprehendatis, mecum observetis velim, in omni populo ac natione & ex omnium regnorum sanctionibus crimen læsæ-majestatis sive scelus, in personam vitamque Regis attentatum, delictum capitale & veniæ omnis sua natura expers esse nec ab ullo, nisi solo Rege ipso, condonari posse; quod veniæ beneficium delinquentibus, præprimis gregariis & plebeis subditis aut rarissimo aut nunquam obtigit. Quod si tali subdito Rex vitæ veniam vel una sola vice faceret, nonne hoc a mortalibus inter humanæ misericordiæ prodigia numeraretur; multoque magis, si perfido huic subdito Rex secundo tertiove ignosceret? Oh! dicetis, nequaquam fieri hoc a Regibus terræ consuevit; cum decissam sit: subdito vitæ Regis suæ insidianti & imperium perfide affectanti, absque ulla venia pereundum esse; prout usus & experientia quam maxime comprobant.

Ah! dicendo non sum, O mei! quantam eloquentiæ vim dari mihi jam nunc optem, ut vobis infinitam Dei nostri maximam bonitatem, misericordiam, clementiam (quantum fieri potest) quam minime inconcinne ostendam. Solus Deus est unicus, verus; essentialis omnium creaturarum suarum Monarcha; quia est verus Deus, creator, conservator, principium & finis earundem; in cujus comparatione omnes reliqui monarchæ nihilum sunt: Ipse solus habet jus necessarium, quo privare se non potest, ad id, ut super omnia diligatur & agnoscatur, ut ipsi præ omnibus aliis serviatur atque obediatur: Ipse solus præcipitare in infernum, ipse solus

(†) Lib. 1. de Remiss. pecc. c. 11.

lus hanc rerum universitatem, uti eam e nihilo eduxit, ita uno momento redigere in nihilum potest: Ipsius solius Esse atque imperium culpa mortalis (ut alibi diximus) invadit: Ipsi soli nos omnes, qui ejus subditi essentialiter sumus, obligationibus re ipsa inexpiabilibus obstringimur, adeo ut, etiamsi in illius servitio, obedientia, amore nos ipsos destrueremus, tamen partem obligationum nostrarum minimam impleveremus. Et tamen, O misericordiam! O bonitatem! Et tamen ipse solus lege perpetua sanxit: non ut ille, qui majestatem suam offenderet, Ratim æternum pereat, prout quam maxime commereretur; sed ut is ingratus, perfidus, brutus homo (si divinam majestatem offendisse ex animo charitate actus doluerit & in posterum haud amplius offendere certo statuerit) ab æterno & excelsio Monarcha suo peccatorum suorum veniam accipiat (at levia hæc sunt) pristinaque adeo amicitiae ejus gradum recuperet. Ita in mille S. Scripturæ locis sacrosancto oraculo Dominus sanxit. O Deum! O Monarcham! O bonitatem! O charitatem, clementiam, misericordiam! solo Deo vere dignam! Magna hæc sunt, O charissimi! ast majora restant. Quid majora? Immo vero majora. Hanc incomprehendendæ misericordiae legem non prima, non secunda, non tertia, qua perfidiosus subditus esse thronumque divinum aggressurus esset, vice (id quod tamen oppido stupendum foret) circumscriptis; sed eandem nullo certo numero, etiam nulla temporum aut lapsuum reservatione definitam promulgavit: *Si revertamini & quiescitis, salvi eritis.* Ita per Isaiam (g) Dominus. *Si impius egerit, penitentiam ab omnibus peccatis suis, quæ operatus est, & custodierit omnia præcepta mea & fecerit iustitiam & judicium, vita vivet & non morietur: Omnium iniquitatum, quas operatus est, non recordabor.* Ita per Ezechielem (h) Dominus & paulo post ait: *Cum avertit se impius ab impietate sua, quam operatus est, & fecerit judicium & iustitiam: in se animam suam vivificabit.* Nonne hoc est, remittere peccatum nulla limitatione, sive ad tempora sive ad numerum pec-

catorum, servata. Quid ad hæc vos, O mei! Quid de stupenda hac æterni Monarchæ nostri, solius & summi Dei nostri bonitate sentitis? . . . Fieri posse quidem, at nequaquam re vera fieri creditur, ut monarcha terrenus perduelli, imperium rapere volenti, vitæ gratiam faciat: Et nos ex Fide certo scimus, infinitum Monarcham nostrum Deumque æternum quodvis, in suam infinitam majestatem admissum, scelus quovis tempore condonare paratum esse, dummodo perduellis ex animo doleat. Ah Deus meus! credimus hoc atque confitemur, quia tu dixisti, & Ecclesia falli nescia nobis credendum proponit. Quod si istud non esset, quis tantam misericordiam suo animo persuadere posset? . . . Certe nemo in animum inducere potuisset, Deum infinitæ majestatis, potentiae ac beneficentiae creatorem culpas mortales nobis, mancipiis suis tantisque beneficiis a se affectis, dimittere promptum esse: culpas (inquam) mortales, quibus eandem ex parte nostra suo Esse essentiali finis ultimi privare audemus.

His addite, & magis magisque stupefice: Quid demum exigit Dominus, ut optatissima peccatorum remissione reum imperpetuat; nam ineffabilis misericordiae semper foret, etsi Deus pro obtinenda hac remissione, ad salutem æternam longe maxime necessaria, gravia postularet: etsi austeris multorum annorum jejunia, etsi quotidianas longasque corporis diverberationes, etsi partitis bonorum nostrorum maximæ in eleemosynas erogationem, etsi molestas ad celeberrima Sanctuaria peregrinationes, etsi multorum annorum humicubationes aliasque satisfactiones poenales exigeret, quibus caro corpusque, rebelles, in cujus gratiam peccata mortalia ut plurimum committuntur, per longa temporum spatia maceraretur: Etsi (inquam) pro concedenda memorata remissione omnia hæc postularet, nunquid nihilominus magnæ bonitatis ac misericordiae deputari deberet, quod Dominus dignatus esset remedia, utut dura, placandæ iræ suæ admittere? Ita profecto! Eo sepe modo, quo

a nobis

(g) Cap. 30.

(h) Cap. 18.

a nobis fortunatissimus crederetur perduellis subditus, cui post furcas mortesque atrocissimas delictis in monarchiam patris commiseritas fors daretur, vitam quovis alio pretio redimendi inque pristinam cum Rege amicitiam redeundi. Et cum talis terrestris Monarchæ bonitas ac misericordia ob id solum semper admiratione digna haberetur, quod remissionis, etsi ardue gravique pretio obtinendæ, tamen locum concedat; quanto magis imperceptibilis reputari deberet misericordia Dei ob id solum, quod nobis vilissimis verbis satisfactionem & remissionem, utut gravi pretio, parare concederet.

Et tamen, nolitis vos quoque, O mei! quid Deus postulet? O Deus, vere Deus infinitæ bonitatis! Postulat solummodo serium de læsa maiestate sua dolorem: postulat seriam admissorum peccatorum detestationem: postulat firmum amplius non peccandi propositum & levissimam illam peccata ministro suo aperienti incommodatam. Hoc pretio remissionem peccatorum, hoc pristinæ amicitie gratiam Deus vendit, injungens insuper ministro suo, ut non solum inviolatum silentium ipso vitæ discrimine neglecto servet sed etiam secundum notitias in Confessione acceptas nihil agat; Unde sic gerere sese Confessor debet, ac si illas non audivisset. Num minora, O mei! num minora Deus a nobis, vilissimis creaturis suis, graviter læsus exigere possit? O bonitatem! O dulcedinem! O charitatem Dei nostri maximi! Num exigere, quæso! ille minora posset, si nostri etiam indigeret? Edicite! . . . Jam quantum ex hoc Dei bonitas resplendet, quod tam pauca ab illis exigit, qui ab ipso omnibus modis pendunt?

Nihilominus plura adhuc sunt, quæ dicam. Diceris: Plurane dici possunt? Immo, attendite animos! His tam levibus conditionibus contentus est Dominus, ut peccatorum remissionem concedat, quamvis sciverit & infinita scientia sua agente præviderit, hac ipsa conditionum levitate, hac ipsa obtinendæ veniæ facilitate quamplurimos abufuros & ob eandem in peccata mortalia

P. Cuniliati Catechista.

(i) cap. 2. (k) pars 1. tit. 11. n. 11.

immodice ruituros esse; cum contra, si cunctis mortaliter peccanti terribilem mortis sententiam damnationemque sempiternam subeundam decrevisset. aut pauci aut nullus ad peccatum mortale patrandum animum adfecturi essent. Hanc suam prævisionem, hunc descriptæ hucusque bonitatis ac benignitatis suæ infinitæ abufum, abs humana nequitia faciendum, verbis libri Ecclesiasticis (i) a Spiritu sancto dictatis Dominus prodidit: *Quia non profertur cito contra malos sententia, abique illo timore filii hominum perpetrant mala.* Unde videtur, quod hæc ipsa ratio (scilicet quo injurias maiestati suæ inferendas præpediret) commovere Dominum debuisset, ut peccata vel omnino non vel saltem non facile, sed gravissimis maximeque arduis conditionibus dimitteret. Et tamen Dominus neglecto (ut sic dicam) immensæ maiestatis suæ honore remissionem concedere eamque & indefinite quoad vices, gravitatem ac numerum peccatorum & conditionibus tam facilibus concedere voluit. Proh infinitæ charitatis, benignitatis, clementiæ & misericordiæ Deum! Cogite Domine! collaudo ac benedicens non ego totoque corde exopto, ut Christiani omnes insigne adeo beneficium agnoscant, quo omnes universim immortales de illo tibi gratias reddant, uti Cathecismus Concilii Tridentini (k) monet: *Immortales gratias Deo agere.*

His omnibus non obstantibus sunt permulti Catholicorum, qui in implendis levissimis his multorum peccatorum suorum veniam consequendi conditionibus diabolo agente nescio quid difficultatis detegentes annos integros ducunt, quin confiteantur & dum augente indies formidinem diabolo exonerandæ conscientie rationem magis magisque difficilem sibi reddunt, æternæ damnationis aleam subeunt; quia obtinendæ veniæ magis magisque indignos se faciunt. Ah! horum siquis hic adstaret, non aliam in eum quam suavem illam reprehensionem adhiberem multis vestrum fortassis notam, quam Naamo servi adhibuerunt. Hic Eliseum Prophetam convenerat, ut a lepra mundaretur; Propheta eidem renun-

U

ciare

ciare servum suum jussit: Iret & septies in Jordane se ablueret, sic sanitatem carni redituram. Excandescens ad ista Naaman, tum quod minus honoris sibi ab Eliseo habitum fuisse crederet tum etiam quod indicatum remedium nimis incommodum esse judicaret, iter relegere acres iras animo versans coepit. At illum amanter compellantes servi, Pater! dixerunt, *si rem grandem dixisset tibi Propheta, certe facere debueras* (1) *quanto magis quia nunc dixit tibi: lavare & mundaberis*: cui consilio parens Naaman sanatus fuit. Hoc ipsum (inquam) misero tali, diabolico metu & phantasiis suis decepto, dicerem: Pater! Fili! Frater! Amice! si Deus, ut animam tuam a peccatis per remissionem mundet, rem difficilem, arduum, molestam, diuturnam a te exigeret; certe eam, facere, ut ne æternum perires, deberes: Si

rem grandem dixisset tibi, certe facere debueras. Et nunc, O charum Caput! quia tam paucā postulat (scilicet ut de peccatis tuis ex animo doleas culpasque tuas, ut, quæ retinendæ quæve remittendæ sint, sciatur, manifestes homini æque, ac tu ipse es, fragili, obligato insuper, ne illas unquam vel directæ vel indirecte prodas) renuis, detrahas . . . Num leviora exigi possunt? Quanto magis, quia dicit tibi: *Consistere & mundaberis*. Itaque ejicite ex animis vestris omnem humanum respectum, pudorem ac metum omnem: feligite vobis ministrum doctum, pium, prudentem: cessate offendere Deum tam bonum, tam misericordem, tam patientem tantoque vos tempore sustineantem, & *Remissionem peccatorum* in sancto ejus nomine obtineta.

(1) 4. Reg. 5.

SERMO XXVI.

In Verba Symboli: CREDO CARNIS RESURRECTIONEM.

Pergimus confiteri in Symbolo universalem mortuorum omnium resurrectionem in finalis judicii die omnipotentis Numinis virtute efficiendam: *Carnis resurrectionem*. Ac primum quidem virtute divina mortuos ad vitam revocari non solum posse sed & facillime posse, melius cognosci haud potest quam ex opere creationis; Nam cum Deus sua virtute hanc rerum universitatem totam e nihilo eduxerit: longe facilius esse videtur, partes alicujus compositi iterum in unum cogere, quæ easdem e nihilo procreare. Scimus præterea ex certa SS. Scripturarum fide, multos tum in veteri tum in novo Testamento ab inferis suscitatos fuisse: in veteri ab Elia & Eliseo (a) Prophetis multo celeberrimis, in

novo a (b) Christo & post ejusdem ascensionem ad cælos ab Apostolis vi sacratissimi ejus nominis: quod ut quis longe apertissime cognoscat, sacrorum Evangeliorum & Actorum apostolicorum libros inspexisse suffecerit. Scimus insuper, multos alios variorum Sanctorum tum viventium tum vita defunctorum precibus a mortuis revocatos fuisse: idque indubitato; cum testem talium suscitationum Ecclesiam habeamus, quæ post accuratissima desuper instituta examina easdem tanquam documenta eorum sanctitatis, ob quam publicam Fidelium venerationem mererentur, promulgavit. Itaque cum verissimum sit, multos mortuos privatim ad vitam excitatos fuisse, quæ difficultas obstare omnipotenti Dei virtuti poterit, quo minus

(a) 3. Reg. 17. & 4. Reg. 4.

(b) Matth. 9. Luc. 7. Joann. 11. Act. 9.

nus omnes universim mortuos redire ab inferis faciat?

Hanc Fidei veritatem Ecclesia (in quocunque illa statu spectetur) semper professæ est: & temporibus a nostra memoria quam remotissimis (uti erant tempora legis naturalis) inter alias revelatas veritates, quas perpetua Traditio firmavit, universalis mortuorum resurrectio pro certo credita fuit. Rei hujus testis ex omnibus, qui citari possunt, vetustissimus est Jobus, qui secundum chronologorum & interpretum doctissimorum computationem iis fere temporibus vixit, quibus Israeliticus populus in Ægypto morabatur, non ipse quidem Israelita sed Idumæus: at Fidelis & veræ Religionis elementis instructus, immo permagnus legis naturalis Sanctus. Hic talis ac tantus vir in libro sacro, qui ejus nomen in fronte præfert & secundum probatissimam opinionem Moysen auctorem habet, memoratam veritatem in hæc verba pronunciat: *Scio enim, quod redemptor meus vivit & in novissimo die de terra resurrecturus sum & in carne mea videbo Deum salvatorem meum; quem video ipse (c) & non alius, & oculi mei conspexerunt eum.* In novo deinde Testamento quamplurima occurrunt, quæ allegari possent, testimonia: Duo solum citale sufficiat, primum ex Evangelio S. Matthæi, in cujus Capite XXII. disputatio a Christo cum Sadducæis habita narratur, quæ tota ad hanc veritatem spectat: secundum ex Epistola I. S. Pauli ad Corinthios, in cujus Capite XV. memorata veritas ab Apostolo fuse demonstratur. Igitur nobis omnibus, O charissimi! in extrema mundi die a morte resurgendum est.

Verum hoc loco cum Catechismo Concilii Tridentini (d) bene observanda sunt verba, quibus articulus hic in Symbolo exprimitur. Dicitur: *Carnis resurrectionem*, ut intelligamus, in morte hominis solum corpus solumque carnem interire, animam immortalem manere: Nam docere voluerunt Apostoli, quod necessario ponendum est, animam esse immortalem; quare ne quis forte eam simul cum corpore interiisse, utrumque vero in vitam

revocari existimaret (Cum animam plurimis sacrarum Literarum locis immortalem esse plane constet) ob eam rem carnis tantum suscitandæ mentio in articulo facta est. Itaque cum discretis verbis corporis resurrectionem consisteamur, una simul tacite atque implicite animæ immortalitatem profiteamur; de qua (ut innuenera SS. Scripturarum loca a memorato Catechismo adducta silentio prætermittam) hoc unum dixisse satis sit: Haud alium esse SS. Scripturarum scopum quam salutem animæ æternam, quippe ad quam illæ ex toto diriguntur.

Nihilominus ut magnæ veritati huic, quam nostris temporibus Libertini ore audacissimo inter se mutuo impugnant, extrinsecum robur addam: rationibus philosophicis, quæ eandem veritatem ope luminis naturalis claram reddunt, omisiss, non injucundum vobis fore existimo, si patefecero: immortalitatem animæ inter eas veritates connumerari debere, quas non solum Ecclesia catholica & ii, qui finale judicium infernum ac Paradisum profitentur, credunt; sed omnes etiam philosophorum gentilium Sectæ & docti Pagani omnes confessi sunt, quos ad hanc veritatem profitendam non Scripturarum auctoritas, non Patrum (quippe quos illi non noverant) testimonia, sed sola naturalis rationis vis commovit. Tullius ille celeberrimus philosophus juxta atque orator (e) ait: *Permanere animos arbitramur consensu omnium nationum.* Seneca insignis itidem philosophus (f) proficitur: *Cum de animorum aternitate differimus, non leve momentum apud nos habet consensus hominum . . . utor hac persuasione publica.* En! ut celebratissimi hi duo Gentiles, veritatem de animorum immortalitate a mundo universo credi, asserunt. Sed nationes illustrissimas vetustissimasque in medium adducamus; De natione Chaldaica ipsisque Indis Pausanias (g) commemorat: *Chaldaeos & Indorum magos prodidisse novæ animas hominum esse immortales.* Inter Indos, refert Philostratus (h) Brachmannos doctrinæ & magisterii laude insignes Apollonio de hoc argumento sciscitanti respondisse:

U 2

Tene-

(c) Job. 19. (d) Part. 1. art. 12. n. 2.

(e) Libr. 4. Messen.

(h) De Vita Apollon. l. 3. c. 1.

(e) Libr. 1. Tuscul. quest.

(f) Epist. 117.

Tenere se id, quod a Pythagora didicissent, qui (ut paulo post videbimus) animam immortalem esse contendit: *Ad quos Iarces princeps inter eos idijum inquit, quod nobis Pythagoras, nos vero Aegyptiis tradidimus: Ex quo testimonio liquet, nationem quoque Aegyptiacam idem tenuisse, in qua vir longe maxime admirabilis Mercurius Trismegistus, loquens de humana natura a Deo producta, sic ait: Et idem (Deus) ex utraque natura immortalis & mortali unam faciebat naturam hominis, eundem partim immortalem partim mortalem faciens. Et in Asclepio ait: O Asclepi! omnis anima humana immortalis. De natione Graeca, quae ævo suo scientiarum humanarum omnium mater ac parens extitit, unum Platonis viri plane singularis testimonium (i) sufficiat, affirmantis, hanc de immortalitate animæ veritatem ab omnibus, ceu legem patriam, admissam fuisse: Reuera unumquemque nostrum, secundum animam, immortalem esse, ut lex patria continet. Et alibi ait: Myseria hæc de immortalitate animæ adamantinis rationibus probata sunt. Quod ad veteres Sapientes Latinae gentis attinet, de Phærecide, qui sectam Pythagoricam condidit & magister Pythagoræ extitit, Tullius ait (k) Phærecidis opinionem de animorum æternitate discipulus ejus Pythagoras maxime confirmavit. Quod si de veteribus Poetis, quos Theologorum instar Gentilitas habuit, quique ob id homines divini appellati fuere, loqui velimus, illi una omnes voce immortalitatem animæ, teste memorato Platone, asseruerunt: Tradunt præterea Pinderus & cæteri, quicumque Poetarum divini sunt homines, animam immortalem esse: Ita a Platone citatus Socrates. Verum ne nimis longe a proposito digrediar, percipite, quid Tullius tum ratione ipsa tum aliorum auctoritate convictus brevibus denuo dicat: Nec me solum ratio & disputatio impulit, ut ita crederem, sed nobilitas etiam summorum Philosophorum & auctoritas: Audieram Pythagoram Pythagoræque, incolas pæne nostros, qui essent Italici Philosophi quondam nominati, nunquam dubitasse, quin ex universa mente divina delibatos animos*

haberemus: Demonstrabantur mihi præterea, quæ Socrates supremo vitæ die de immortalitate animorum differuisset, is qui esset sapientissimus oraculo Apollinis judicatur. Quid multa? Sic mihi persuasi & sic sentio. Cum tanta sit celeritas, tanta memoria præteritorum futurorumque providentia, tot artes, tot inventa; non posse eam naturam, quæ eas res continet, esse mortalem. Divino igitur instinctu loquuti sunt, dicentes: sumam de immortalitate animorum esse vetustissimam, auctoritate prætorum seculorum confirmatam, a Patribus per continuum successionem, quemadmodum noticiam Dei, traditam. Quid dici, O mei! ultra poterit, ut patet, universum Sapientium numerum de animæ immortalitate consensisse. Date veniam, Charissimi! quod de proposito argumento nonnihil digressus sim: Non id temere sed consilio a me factum; primum quidem ut vestræ de gravissima veritate hac fidei arcem ceu quadam spinosa sepi circumdarem, cum negari nequeat, tentationes eandem infestare solitas hisce notiis longius arceri: deinde vero ut Libertinorum nostri ævi, quorum supra mentionem feci, petulantiam ignorantiamque confutarem, qui, si (non dicam sanctissimis Ecclesiæ Patribus) sed vel uni memoratorum Philosophorum comparentur, idem sunt ac pulices elephantum compositi; & qui ob id solum, ut absque ullo conscientiae stimulo turpibus brutisque voluptatibus sese immergere possint, omnibus modis animo suo, persuadere conantur: se animam mortalem jumentorum & porcorum instar habere, quos cum vivere perferant, etiam moriendo referre optant. At intelligent miseri isti, animam suam immortalem esse: quando eandem flammis infernalibus, quam diu Deus erit, citra ullum remedium exuri perferent.

Igitur anima, quæ durare semper debet (Attendite! Est hæc prima conveniens resurrectionis universalis ratio) cum sit pars principalis seu formalis naturam humanam componens, naturali quadam propensione in corpus (ceus consortium suum) fertur, adeo ut statu quasi violento uteretur, si corpori

(i) Lib. 10. de Legib. & Lib. 12. de Republ.

(k) Lib. 1. Tuscul. quest.

pori suo denuo unienda nunquam esset: Hinc conveniens est, eam corpori tandem de novo uniri. Ita S. Thomas eorum repudiandis opinionem, qui similem inclinationem corpori quoque in cineres resolutio inesse volunt; cuius rei hanc disparitatem assignat: *Anima separata a corpore manet in eadem natura* (1) *quam habebat, cum esset corpori unita; quod de corpore non contingit, quippe quod in varias vermium, terræ & similiarum rerum naturas abit. Igitur quemadmodum anima corpori unita naturalem illam infortunem habuit, ita eandem separata a corpore servat: atque ob eam rem nescio quam violentiam pateretur, si eidem consorti suo nunquam amplius jungeretur. Hoc perpetuitatis animæ argumento Christus ipse in disputatione, quam de resurrectione cum Sadduceis habuit, usus est; quod inconvenientem sit, animam a consorte suo, humanam naturam componente, æternum sejungi.*

Secunda resurrectionis ratio perfecta integraque hominis felicitate nititur, quam Christus Jesus eidem per benedictæ passionis suæ merita acquisivit: quippe qui beatitudinem sempiternamque felicitatem non soli animæ sed corpori quoque passionibus suis promeruit, neque unam solam hominis partem beare sed totum hominem felicem reddere voluit; quod cum fieri sine corporis resurrectione non queat, oppido dicendum: illud e cineribus suscitari debere. Hoc ipsum argumentum Paulus ad Corinthios scribens adduxit: *Si in (pro) hac vita tantum in Christo sperantes sumus (m) miserabiliores sumus omnibus hominibus; ac si diceret: Cum nos corpus hoc nostrum continere in officio: cum illud rebus longe gratissimis, ut nos legi divinæ fideles servemus, privare: cum illud ad varias, tum a Dei providentia immittendas tum ab improborum hominum nequitia inferendas ærumnas (pauca) ad tormenta, vexationes, martyria mortuosque sævissimas paratum habere debeamus; si non est fors & conditio melior, qua illud in futuro seculo potiat, ecce! misere-*

rum hoc corpus longe infelicissimum est præ tot aliis hominibus, qui corporibus suis obsecundant, qui ea mire sœvent, pascunt & ejusvis generis voluptatibus. (Dei etiam lege neglecta) demerguat. Hinc Tertullianus (n) vetustissimus & acutissimus scriptor ait: Quam insignum Deo, dimidium hominem redigere in salutem? . . . Diabolus vadicior in hominis injuriam intelligitur totum eum elidens: Deus infirmior renunciabitur non totum eum relevans?

Ex hoc tertia resurrectionis universalis ratio fluit, quæ divina justitia nititur. Nunquid corpus in constituendo hominem non solum sodalis est animæ sed etiam instrumentum & (ut sic dicam) minister operationum animæ, sive illæ bonæ sive malæ sint? Hoc perpetuus usus experientiaque confirmat. Jam si homo in ambabus sui partibus Deum aut colit aut offendit; nonne oportet, ut idem in ambabus sui partibus aut remuneretur aut castigetur? Ratiocinium hoc facile, naturale, evidens: At quomodo pars corporea hominis modo convenienti remunerari vel castigari poterit, nisi resurgat? Improbiorum corpora quomodo commeritis luent poenas, quin resurgant; quandoquidem in hac vita omnibus deliciis affluerunt? Proborum corpora quomodo miseriarum ob amorem Numinis & legis divinæ obedientiam toleratarum præmia accipient, quin resurgant; quandoquidem in hac vita perpetuis malis, angustis, macerationibus doloribusque subiacuerunt? Igitur ut & corpora improborum supplicia coadigna & corpora proborum condigna accipiant præmia, necesse est omnes resurgere. Ita S. Ambrosius (o) solita eloquentia utens: *Et hæc est series & causa justitiæ, ut quoniam corporis animique communis est actus, quia quæ animus cogitavit, corpus effecit, utrumque . . . aut pœnæ dedatur aut gloria reservetur. Nam propemodum absurdum videtur, ut cum animi legem lex carnis impugnet & mens plerumque, quod odit, hoc faciat (quando inhabitans in homine peccatum carnis operatur) animus subdatur injuriæ (id est, pœnæ) alienæ, reus culpæ; caro quiete*

(1) Suppl. q. 20. art. 9. ad 2.

(m) 1. Corinth. 15. 1. (n) Lib. de Resurrect. carn. c. 12.

(o) Lib. 2. de Fide Resurrect. n. 88.

potietur, auctor ærumæ: & solus atteratur, qui non solus erravit, aut solus gloriam referat, qui non solus gratia militavit.

Itaque, O suavissimi! si quando corpus vestrum inolescere incipit & immoderatis motibus suis ad veritas voluptates, quibus quinque ejus sensibus fiat satis, pertrahere vos tentat, comprimate illud, subjugate, negate, quæ petit. Custodite oculos vestros ab objectis castitatis exitiosis. Custodite aures vestras a cantionibus affectus minus puros cientibus, a sermonibus obscænis pudicitiam pestis in modum corruptentibus, a detractionibus justitiæ inimicis, a murmurationibus charitatem perimentibus. Custodite gustum ab intemperantiis vini ac gula sitate præcepta Ecclesiæ & sobrietatis christianæ leges violante. Custodite odorem ab oblectationibus, quas palam dicere non aulam. Custodite tactum a molliæ tot lasciviarum excitatrice: Paucis; Continete in officio corpus vestrum communem immemororum peccatorum auctorem, capiralem animæ vestræ hostem alios duos (mundum & diabolum) socios sibi habentem, propudioso carnis nomine compellari solitum. Dicite eidem, vos omnia in ejus æternam utilitatem facere, ut in resurrectione universali ipsum quoque partem sempiternæ gloriæ (quam sequentibus sermonibus exponemus) accipiat. Animate illud, ut omnia incommoda, infortunia, morbos, dolores & similes (quibus divina Providentia illud corripit) res lubenter sustineat, quo & ipsum in universali resurrectione in æternorum corporibus, legi rationis & divinæ & ecclesiasticæ morem gerentibus, præparatorum bonorum partem venire mereatur. Quod si resistat, poenas eidem æternas corporibus, memoratarum legum jugum excutientibus, destinatas minando intentate; nam corpus individuum animæ comes æternum esse debet, scilicet sive felix æternum sive æternum infelix.

Omnes itaque, O mei! *resurgemus*: Ita ex Fide cum S. Paulo (p) profitemur: Omnes *resurgemus*, probi juxta ac improbi:

Omniū nostrum hoc ipsissimum corpus resurget, quamcunque dilapidationem ossa illius atque exuvie perperisse fuerint: Ita Patres ex Fide omnes docent; solum Augustinum audiamus (q) *In quolibet pulverem cinerumque solvatur, in quolibet halitus aurasque dissugiat, in quolibet aliorum corporum substantiam vel in ipsa elementa vertatur, in quorumque animalium (uti tot Martyrum corpora) etiam hominum (anthropophagorum) cibum cæcat carnemque mutetur, illi anima humana puncto temporis redit, quæ illam prinitus, ut homo feret viveret crederet, animavit.*

Attamen non credatis velim, corpus vitia sua sive naturalia sive post nativitatem contracta, quæ illud moriens secum tulit, in resurrectione relaturum esse. Nequaquam: *Nec illud est consequens* (pergit idem S. Augustinus) *ut ideo diversa sit statura resurgentium singulorum, quia fuerat diversa viventium, aut macri cum eadem macce aut pinguis cum eadem pinguedine reviviscant. Sed si hoc est in consilio creatoris, ut effigie sua cuiusque proprietates & discernibiles similitudo servetur; in cateris autem corporis bonis æqualia cunctis reddatur: ita modificabitur illa in unoquoque materies, ut nec aliquid ex ea pereat & quod alicui defuerit, ille suppleat, qui etiam de nihilo potuit, quod voluit, operari.*

Et hæc corporum integritas, teste laudato magno Doctore, etiam in damnatis erit; nam cunctis eorum membris tormenta debentur: Unde eisdem membra sive a carnificibus in delictorum poenam rescissa sive aliis modis amissa, non quidem ad felicitatem sed ad majorem miseriam, redduntur: *Quod de improbis quoque verissime dicitur (r) etsi illorum culpa membra amputata fuerint; nam quo plura membra habebunt, tanto acerbiori dolorum cruciatu conscientur: quare illa membrorum restitutio non ad eorum felicitatem sed calamitatem ac miseriam est redundatura.* Id quod S. Thomas naturali ratione confirmat (s) *In damnatis non erit aliquid, quod sensum doloris in eis impediatur; sed ægrotudo (infirmas membri alicujus) impedit sensum doloris, in quantum per eam debilitantur organa sentiendi:*

(p) 1. Corinth. 15. (q) *Enchir. c. 26.*
(s) *Supp. quest. 48, art. 6.*

(r) *S. August. Lib. 22. de Civit. Dei c. 20.*

Et similiter defectus membri impediret, ne esset universalis dolor in corpore; Ergo sine istis defectibus damnati resurgent.

Jam, O charissimi! cum animis vestris diversissimos illos sequester inter maxime contrarios sensus reputate, quibuscum tum justæ Electorum tum reprobræ Damnatorum animæ corpora sua resumpturæ sunt. Primum reprobos spectemus & consideremus affectus, quibuscum animæ damnatæ corpora sua recipere cogentur: Quemadmodum animæ beatæ ingenti cum gaudio, amore, jubilo, oblectatione in sua corpora redituræ sunt; ita e contrario animæ damnatæ inapplicabili cum odio, aversione, resistentia atque mærore eisdem unientur; nam suspicient illæ corpora sua ceu præcipuos æternæ damnationis suæ ministros, quorum incompósitos motibus ut ipsæ miseræ facerent fatiis, in infernum præcipites abierunt, quin dolendi vel tempus vel voluntatem habuerint. Et hi tristitiæ atque odii motus nunquam cessabant sed enim tandiu durabant, quamdiu infernus erit; at hic erit, quamdiu Deus erit.

Atque ut poenam hanc, (scilicet quid sit, corpori tum exosa atque horribili inesse perpetuo debere) aliquo modo capiat. id cum animis vestris perpendite, quod Mezentius Christianorum sævissimus hostis excogitavit, ut eos diutius graviusque excarnificaret atque ad negandam Christi fidem permoveeret: Jussit effusus hic vir, corpus personæ, quam subdere martyrio cogitabat, cadaveri humano eum in modum conjungi ac colligari, ut vultus vultui, nares naribus, os ori, membra singula singulis membris responderent, ut sic ligatis inter se arctissime corporibus vivum corpus partim fœtore partim horrore partim sanie, certe inedia, lente atque paulatim conficeretur. Nunquid, O mei! hoc martyrii genus longe crudelissimum esse putatis? . . . Aut quis fastidium, aversionem, nauseam alicuius vivi, cui hoc mortis genere perimi obigit, cogitet? Ast persuasum vobis omnino habeatis velim, O mei! horrorem, nauseam, dolorem eorum, quot-

quot tormento huic (alioquin per gratiæ, quæ omnia vincit, auxilium extenuato) subjecti fuerunt, plane nihil esse, si horrori atque aversioni componatur, quæcum anima damnata maledicto corpori suo denuo jungenda est (corpori, quod fœtore, turpitudine, execrabilitate sua omnia totius mundi cadavera multum superat) atque ita jungenda est, ut illud in æternum amplius desertura hand sit? Hinc præter odium, quo Deum persequitur: præter odium, quo in Beatos fertur: præter odium, quo in dæmones tormentorum suorum ministros sævit: præter odium, quo reliquos damnatos execrat: præter odium, quod erga se ipsam alit: immani insuper odio in ipsum corpus suum tabescet, in corpus suum (inquam) quod tanquam sempiternæ miseriæ suæ caussam atque fermentum in æternum suspiciet. . . Ah! si infelici carni nostræ obsequi volentes cogitarem, quod, si ei vetita postulata negamus, illam ad æternæ felicitatis fruitionem præparemus: contra, si eadem obsecundamus, tum animam nostram tum carnem damnationi æternæ objiciamus & periculo, ut eadem caro a nobis odio rodente quidem at non corrodente æternum prosequatur: si hæc cogitarem, quanto facilius Dei adjuvante gratia improbræ carnis nostræ tentationes vinceremus. Facite istud in posterum, O suavissimi!

Sed ad animas Beatorum convertamur: Atque istæ, dicendo non sum, quanta cum lætitiâ quantoque cum jubilo corpora sua denuo amplexuræ sint, quippe quæ, ceu instrumenta quædam, ad æternam animarum salutem suam operam contulerunt (Corporum dotes gloriosas sequenti sermone exponam) Suspicient Martyres sancti corpora sua ceu suæ in Deum charitatis trophææ, cujus ob amorem se supplicii, æqualeis mortibusque atrocissimis prompto animo objecerunt: Suspicient illi acceptorum vulnerum cicatrices super aurum & lapides pretiosos radiaturas; quemadmodum etiam vulnerum in corpore Christi extantium cicatrices solem splendore superabunt: *Extabunt*, ait S. Augustinus (t) *in eorundem membrorum articulis*

(1) Lib. 22. de Civit. Dei c. 20.

ticulis gladii cicatrices resurgentes super omne aurum & lapidem pretiosum, velut & cicatrices vulnerum Christi. Suspicient animæ, quæ innocenter vixerunt, corpora sua tanquam fideles socios & vigiles suæ salutis custodes: dum illa quinque sensuum suorum severam mortificationem pertulerunt: dum vigiliis nocturnis, jejuniis aliisque macerationibus, sine quibus vita innocens ægre ducitur, se subdiderunt: Suspicient animæ Poenitentium corpora sua primo quidem veluti suæ salutis insidiantia, ut in peccaminosas voluptates prona ruerent; postea vero veluti poenas male actorum luere ultro volentia per justas illas vindictas, quas de ipsis (corporibus) animæ sumplerunt domando illa, frœnando, macerando & in debitorum; quæ eorum causa in conspectu divinæ justitiæ contraxerant, dissolutionem etiam licita negando: Omnes denique Electi non sine gaudio a nobis in hac vita haud capiendo teneris amplexibus stringent corpora sua ab illis in æternum non amplius separandi sed cum illis beatitudine, quamdiu Deus erit, duratura fruituri. Qualis autem ac quanta eorum Beatorum gloria futura sit, suo tempore dicetur: nunc ex oraculo S. Pauli didicisse sufficiat, illa proportionem servata variisque gradibus a Jesu Christo admodum sui sacratissimi Corporis reformanda esse: *Reformabit corpus humilitatis nostræ configuratum corpori claritatis suæ* (u) Oh gloriam! Oh felicitatem! Oh beatitudinem æternam!

Restat alia brevis consideratio, quam nobis circa hoc mysterium & ea, quæ hucusque dixi, S. Paulus suggerit: nimirum ne plus justo de morte amicorum nostrorum & eorum, quos charos habemus, doleamus cogitantes & sperantes, nos gratissimo, suavissimo, lætissimo eorum consortio aliquando fruituros esse, ab ipsis in æternum am-

plius non separandos: consortio eorum primum quidem spiritali, statim ut animæ nostræ & animæ eorum in Paradiso sibi occurrent; consortio dein corporali, quod in extrema judicii die inchoandum tota æternitate durabit, quando in regno cœlorum cum corpore simul ac anima erimus. Hinc Apostolus scripsit: *Nolumus vos ignorare de dormientibus (x) ut non contristemini, sicut & ceteri, qui spem non habent; quoniam si credimus, quod Jesus mortuus est, & resurrexit; ita & Deus eos, qui dormierunt per Jesum, adducet eum eo: Itaque consolamini invicem in verbis istis.* Hoc ipsum & mihi & vobis, O charissimi! iterum dico: Ecce! Moritur ille charus propinquus, amicus ille longe gratissimus: Hoc casu cor diducium eripi nobis videtur: dissuimus lacrymis: vulnere insanabili confodimur; At cur ista (De eo dolore dico, quem non sordidum lucrum sed veræ, christianæ, honestæ amicitie amor parit) cur ista? . . . Non id volo, ut non doleatis; immo ut dolorem vestrum modicis lacrymis exoneretis, permitto: at hoc veto, nimium ut affligamini sicut ii, qui spem non habent. Nec Ecclesiasticus (y) in tali casu vetat: *Fili! in mortuum producat lacrymas. . . & fac luctum secundum meritum ejus . . .* at uno alterove die, uno die vel duobus. Et post hæc consentit Apostolo, dicens: *Ne dederis in tristitiam cor tuum, sed repelle eam a te & memento novissimorum*, inter quæ resurrectionis quoque universalis dies numeratur. Plangamus itaque modice, permitto; sed consolemur nos spe firma, fore, ut brevi eos, quos amissimus, denuo videamus (Dixi: brevi; nam fugit vita hujus mundi) & sic videamus, ut ab eorum consortio, quippe unito cum consortio Christi Jesu, nunquam amplius avellendi simus. Itaque in hujusmodi casibus *consolamini invicem in verbis istis.*

SER-

(u) *Philipp. 3.*(x) *1. Thessal. 4.*(y) *Ecclesi. 7. 34.*

SERMO XXVII.

In ultima Symboli verba: VITAM ÆTERNAM. Agitur de Beatitudine corporis.

POST resurrectionem universalem in Symbolo vitam æternam postremo loco profitemur: *Et vitam æternam*, idque multum opportune; cum universalem mortuorum resurrectionem totius hominis (quoad ambas, e quibus constat, partes) æterna vel felicitas vel infelicitas consequatur. Igitur hoc postremo articulo alia post hanc vita, eaque æternum duratura, creditur: Et quemadmodum tum beata Electorum tum infortunatissima Damnatōrum vita, quæ ipsa mortis nomine dignior, durare æternum debet; ita hoc articulo ambarum æternarum vitarum harum tantopere inter se contrariarum professio continetur. Peregrinamur itaque, O mei! in hac vita, ad unam harum duarum æternarum vitarum ferali mortis in hora perventuri; Ita est, O suavissimi! Peregrinamur. Jam vero nostis omnes, eum, qui ex urbe Veneta in Orientem navigio suo pervenire vult, nequaquam in Occidentem vela vertere; quemadmodum is, qui in Occidentem ire cogitat, nequaquam in Orientem vela dat: Et eum, qui aliter faciat, magnæ nos infaniæ postularemus diceremusque, nunquam in Oriente appulsurum eum, qui versus Occidentem cursum dirigit; nec in Occidentem perventurum, qui versus Orientem iter tendit. Quod si de itinerantibus cunctis tale ferri judicium debet, idem ferri de iis omnibus, qui in æternitatem tendunt, dicique debebit: nunquam ad beatæ æternitatis metam perventurum, qui ad infelicem æternitatem iter facit; nec ad infortunatæ æternitatis terminum perventurum, qui beatæ æternitatis viam graditur. Jam vero si vita hæc præsens duorum horum itinerum, tam inter se diversorum, tempus est & actiones nostræ quidam quasi passus sunt, quibus itineramur: videamus pauli-
P. Censitati Catechista.

per, O mei! quodnam iter nostra vivendi ratione aggressi sumus. Via, quæ ad beatam æternitatem ducit, est observantia Legis Divinæ ecclesiasticæque: est observantia officiorum cujusvis statui convenientium, Via, qua ad infernum & æternitatem infelicem itur, est vita pro libitu ducta: est maiorum appetituum expletio: est animi in quasvis voluptates (nullo memoratarum legem respectu habito) effusio. Jam, O mei! quam harum viarum hæcenus ivimus, quod iter tetendimus? Cogitate, omne iter suum habere terminum: Cogitate, ad terminum non perveniri nisi viis ad eum ducentibus; atque de nobis id ipsum quoque, quod de itinerantibus monuimus, futurum nec nos ad terminum aliis viis, quam quæ ad eum ducunt, perventuros esse. Quod si autem Fidei caput manet, viam ad æternitatem beatam esse observantiam memoratarum legum, nunquam sine illa ad felicitatis sempiternæ portum appellemus: Et si verum est, viam ad infortunatam æternitatem hanc esse, si pravis animi affectionibus obsequimur: si cujusvis generis voluptates sectamur: si vitam quasi continuo in divinæ inimicitiae statu agimus: certe hac via incedentes ad infortunatæ æternitatis terminum citra ullum remedium perveniemus; cum a ratione alienum sit, ut in nobis falsum fiat ratiocinium tam justum, tam sponte fluens, scilicet: quod itineris terminus non obtineatur, si via contraria itur: & quod contraria via non solum ad metam non ducat, sed ab illo etiam abducatur. Igitur ut quivis suis, in hoc negotio omnium summo, rebus tempore consulat; quoniam articulus, ad quem explanandum aggressus sum, ita postulare videtur, ante oculos vestros utrumque hunc terminum, nimirum Regnum cælorum &
X

Infernum damnatorum, ponere conabor : Atque ut istud ordinate ac concinne fiat, regnum caelorum in gaudia corporis & in gaudia animi dividam, hodiernoque sermone de felicitate corporis dicam; cum ad capeffendum vel mutandum iter nulla res extimulare vehementius soleat, quam exacta notitia bonorum aut malorum, quæ in itineris termino nos consequentur & inevitabiliter consequentur, quin eorundem vitandorum copia aut facultas ulla futura sit.

Et quoniam die hesterno dotes corporis glorificati exponere omisi, ut de iis hodie dicerem; idcirco a beatitudine corporis (accessoria illa quidem, at tamen maxima oppidoque omnibus Christianorum laboribus ac studiis digna) exordium ducam, consequenti sermone de beatitudine animæ (essentia illa) acturus.

Priusquam autem corporum beatorum felicitatem per partes exponere aggrediar, date veniam, ut considerationem a S. Augustino olim allatam interponam, ex qua de Beatorum felicitate generatim statuatis. *Bona cogitate & considerate, Fratres!* ait, *quæ dat Deus peccatoribus* (suis in hoc mundo inimicis) *& hinc intelligite, quid servet in vita altera servis suis: Peccatoribus offendentibus & blasphemantibus eum quotidie dat calum & terram* (coeli deslivium terræque fecunditatem) *dat fontes, fructus, salutem, filios, copias, ubertatem; hæc omnia bona non dat nisi Deus. Jam qui talia peccatoribus* (Addam ego: qui talia Mahometanis, Chinesibus aliisque nomini suo inimicis gentibus omni terrenæ felicitatis genere affluentibus) *dat, quid eum putas servare fidelibus suis? Hocne de illo sentiendum est, quia talia malis dat, nihil servet bonis? Neutiquam: Immo vero servat non terram sed calum. Verum post generalem hanc momenti gravissimi considerationem ad dotes corporum beatorum particulatim explanandas transeamus.*

Quamprimum corpora, in unionem cum beatis animabus ab inferis suscitata, cum ipsis animabus conjuncta fuerint; statim ab animabus corporalis beatitudo in eadem ef-

fundetur. Quemadmodum autem gloria animæ (uti Fides docet) in omnibus haud æqualis sed gradibus gratiæ & charitatis, quibuscum anima Paradisum ingreßa est, congruens erit: ita & gloria corporis inæqualis erit. At sicut animæ beatæ quoad essentiam gloriæ, quæ in visione & fruitione Dei posita est, sibi invicem æquales & Solum quoad gradus minoris majorisve cognitionis divinæ inter se inæquales erunt: ita etiam nonnullæ dotes in corporibus beatificatis quoad substantiam æquales, quoad gradum inæquales erunt. Veritatem hanc Paulus indicavit, quando dixit: *Alia est claritas solis, alia claritas lunæ, alia claritas stellarum; stella enim a stella differt in claritate: sic & resurrectio mortuorum* (a).

Dotes corporibus beatificatis omnibus communes quatuor sunt, Impassibilitas, Claritas, Agilitas, Subtilitas. Exordium a prima ducamus: Impassibilitas dos est, cuius ope corpora beata impassibilia reddentur, ita ut jam a nulla amplius re lædi aut offendi ullo modo possint: Hinc non morbos, non dolores, non aliud incommodum ullum sive ab extrinseca sive ab intrinseca causa effici solitum amplius sentient. Sic Fides nos docet. Ob eam rem S. Joannes, hoc spiritu prævidens, in Apocalypsi (b) pronuntiavit: *Et absterget Deus omnem lacrymam ab oculis eorum, & mors ultra non erit, neque luctus neque clamor neque dolor erit ultra; quia prima abierunt.* Et Paulus (c) de corporibus beatis dicit: *Surget in incorruptione.* Vocatur autem dos hæc Impassibilitatis potius quam immortalitatis aut incorruptibilitatis nomine a Theologis; quia immortalitas (ut bene notat Catechismus Concilii Tridentini) etiam damnatorum corporibus convenit, quippe qui mortem anxie nimis quæsituri sed non inventuri sunt, prout de illis S. Joannes (d) affirmat: *Quærent... mortem, & mors fugiet ab eis:* Simili modo incorruptibilitas quoque corporum damnatorum certa manet, quippe quæ non obstantibus tormentis, quibus tota æternitate subiacebunt, omnibus agente mira divinæ iustitiæ virtute man-

quam

(a) 1. Corinth. 15.

(b) Cap. 21.

(c) 1. Corinth. 15,

(d) Apoc. 9.

quam corruptionem subitura sunt. Hinc de solis beatis corporibus Impassibilitas vere asferitur; cum e contrario damnatorum corpora cujusvis generis tormentis, doloribus atque molestiis obnoxia futura sint: Unde vivent miseri illi; at eo unice, ut incredibile cruciatus sustineant. Atque ob id S. Augustinus (e) damnatorum vitam mortem vivam potius quam vitam appellandam esse existimat; cum vera vita dici nequeat, nisi ea, in qua feliciter vivitur, nequaquam ea, quæ solis cruciatibus servatur: *Non est enim vera vita, nisi ubi feliciter vivitur: nec vera incorruptio, nisi ubi solus nullo dolore corrumpitur. Ubi autem infelix mori non finitur (ut ita dicam) mors ipsi non moritur, Et ubi dolor perpetuus non interimit sed affigit, ipsa corruptio non finitur.* Igitur corpora beata plane impassibilia erunt.

Altera corporum beatorum dos est claritas, qua solis ad instar teste Christo ipso splendescunt: *Tunc iusti fulgebunt (f) sicut sol in regno Patris eorum:* Cujus rei ut vobis exemplum, utut minus dignum, proponam; revocate in memoriam, quid Mosi & populo Israelitico acciderit, quando magnus hic Legislator post habitum cum Deo sermonem de monte descendit. Prætulit is in fronte tantam lucis ac splendoris vim, ut teste S. Scriptura intueri in (g) eum populus nequiverit. Quemadmodum nos solem aspicere volentes, nimio radiorum ejus fulgore lumina perstringente, aliorum convertere vultus cogimur, ne oculorum usum amittamus: ita nec potuerunt intendere Filii Israel (ut S. Paulus affirmat) in faciem Moysi propter gloriam vultus ejus (h), quæ tamen transitoria fuit, quæ evacuatur. Jam cogitate, quantam lucis vim corpora illa beata in cruciatuum a se toleratorum præmium evibratura sint? Et si breve cum Deo habitum colloquium tantum vultus Moysi splendorem attulit; quantam, quæso! corporibus beatis lucem a Deo per æternam conversationem suam conferendam esse putatis? Erit autem in hac dote inæqualitas pro inæqualitate meritorum; id quod superius va-

rio solis, lunæ, stellarumque fulgore monuit Paulus concludens: *Sic Et resurrectio mortuorum.* Refertur ad hanc dotem a sanctis Patribus mutua, quam Beati habituri sunt, affectuum & sensuum cordis cognitio; quæ cognitio cognitioni, quam in hoc seculo de se quisque habet, similis immo multo clarior erit: cum affectiones & præjudicia, quæ nobis in hoc seculo dominantur, persæpe non permittant, ut, qua revera indole simus, discernamus: ibi vero in patria cor, ab omni præjudicio immune, cunctis perspicuum ac visibile futurum sit: Ita S. Gregorius (i) *Isa eorum claritas vicissim sibi in alternis cordibus patet, Et cum uniuscujusque vultus attenditur, simul & conscientia penetratur. . . Ibi nempe uniuscujusque mentem ab alterius oculis membrorum corporalia non abscondet, sed patebit animus.* O felicitatem!

Tertia dos est Agilitas consistitque in eo, ut corpus, ubicunque anima voluerit, puncto temporis sit; quin mora ulla interponatur. Hinc in immensis illis Paradisi spatii Beatus etiam corpore-tenus ibi, ubi anima voluerit, uno temporis articulo erit. Dos hæc in Beatis omnibus æqualis est, eamque significavit Paulus, quando de resurrectione loquens dixit: *Seminatur in infirmitate, surget in virtute (k)* Hanc corporis beati dotem, ut nos animo concipere faceret S. Augustinus (l) in hæc verba locutus est: *Neque vero incredibile est, operationem Dei omnipotentissimam præstare posse animis perfecte beatis, ut . . . corpora, ubi volunt, ponant Et, quo volunt, agent situ motuque facillimo. An vero si hoc Angeli faciant Et qualibet animalia terrestria rapiant unde libet, constituantque ubi libet: aut eos sine labore non posse, aut onera sentire credendum est? Cur ergo Sanctorum perfectos Et beatos divino munere spiritus sine ulla difficultate posse ferre, quo voluerint, corpora sua non credamus? . . . Et cum, aliis gestantibus, onerosior sit famus Et validus quam exilis Et morbidus; ipse tamen ad suum corpus movendum atque portandum agilitor est, cum in bona valetudine plus habet molis quam cum in peste Et fame minimum roboris.* Tan-

X 2

tum

(e) Exchirid. c. 42.

(f) Matth. 13.

(g) Exod. 34.

(h) 2. Corinth. 3.

(i) Nova. l. 12. c. 27.

(k) 1. Corinth. 13.

(l) De Civit. Dei l. 23. c. 15.

tum valet in habendis etiam corporibus, quamvis adhuc corruptibilibus atque mortalibus, non quantitatis pondus sed temperationis modus. Et quis verbis explicet, quantum distet inter præsentem (quam dicimus) sanitatem & immortalitatem futuram? Jam huic S. Doctoris argumentum quanta vis accedit, si agilitatem cogitamus, quacum dæmones operantur paucissimis momentis res terrestres ex uno in alium locum transferentes; cuius rei testimonium ranæ in palatio Pharaonis protinus congregatæ præbent? Jam si in extraneis corporibus Spiritus hostis Dei ex virtute naturali, iusto Numinis iudicio sibi relicta, tantum valuit; nonne multo majora in corpore suo jam beatificato poterit Spiritus sanctificatus, qualis est anima iusti beati? Puncto igitur temporis per immensum illud regnum, ubicunque voluerimus, feremur, concludente in hæc verba S. Augustino (m) Certe, ubi volet spiritus, ibi protinus erit & corpus.

Quarta corporis beatificati dos est Subtilitas, quæ faciet, ut corpus ab imperio animæ omnino pendeat ejusque nutibus pareat. Hinc corpus non egebit sustentaculo, quippe nullo gravatum pondere: nec erit corpus extraneum ullum, quod corpori beatificato aditum, quocunque illud penetrare voluerit, occludere possit. Ob id observat S. Thomas, hanc subtilitatis dotem a virtute penetrandi denominari: *Nomen subtilitatis (n) a virtute penetrandi est assumptum*. Hinc S. Paulus corpus beatum *corpus spiritale* (o) vocat, non spiritum; nam manet corpus, sed corpus spiritualizatum. In eandem sententiam (p) S. Augustinus concludit: *Resurgent igitur Sanctorum corpora sine ullo vitio sine ulla deformitate sine ulla corruptione, onere, difficultate: in quibus tanta facilitas, quanta felicitas erit. Etiam hæc dos in omnibus equalis erit.*

Post has dotes omnes observare nos cum S. Thoma oportet, in Beatis nec infantiam nec senectutem fore, sed omnes in ætate florida ac perfecta apparituros, qualescunque prius, dum in hoc mundo egerunt, fue-

rint. Ita ex sententia SS. Patrum S. Thomas citans primo testimonium S. Pauli dicentis: *Donec occurramus omnes in virum perfectum, in menjuram (q) ætatis plenitudinis Christi*. (scilicet omnes in ætate Christi, quæ fuit annorum circiter triginta trium, futuros) subin vero hanc afferens rationem: *Homo resurget absque omni defectu humanæ naturæ; quia sicut Deus humanam naturam absque defectu instituit, ita sine defectu reparabit. Deficit autem humana natura dupliciter: uno modo, quia nondum ultimam perfectionem est consecuta; alio modo, quia jam ab ultima perfectione recessit: Et primo modo deficit in pueris; secundo modo deficit in senibus. Et ideo in utrisque reductur humana natura per resurrectionem ad statum ultimæ perfectionis, qui est in juvenili ætate, ad quam terminatur motus augmenti & a qua incipit motus decrementi (r)*

Ex iis, quæ hucusque dicta sunt, omnibus pulchritudo corporum beatorum, quæ numeris omnibus perfecta futura sunt, a nobis colligi debet: Et quemadmodum hæc corporis perfectiones ex beatitudine essentiali animæ beatæ fluunt; cum hanc variis gradibus discriminari certum sit, idcirco quoque certum est, etiam corporum pulchritudinem variis gradibus distingui. Jam cum nulla sit beatorum aut sublimior anima quam anima Christi, & post hanc anima Mariæ; cogitate vobiscum, O mei! quanta venustas in his duobus beatissimis corporibus gloriæ suæ possessione jam fruentibus (prout de primo ipsa Fides, de altero Traditio ecclesiastica secunda & certa docet) relucent? . . . Interim, O mei! si quando dæmon & prævæ affectiones nostræ nos, in objecta infirmitatem nostram formositate sua seducentia incidentes, ad vetitas complacentias admittendas inducere tentant, statim mentem in purissimam & innocentissimam Jesu ac Mariæ pulchritudinem intendamus, oculosque a creatis, terrenis, fluxis, inconstantibus & ex quovis levi incommodo marcescentibus formis avertentes, cum animis nostris dicamus: Quid sunt pulchritudines istæ, si pulchri-

(m) Lib. 22. de Civit. Dei. cap. 29.
(p) Enchirid. c. 41.

(q) Ephes. 4.

(n) Suppl. quest. 22. art. 1.

(o) 1. Corin. 15.

(r) S. Thom. Suppl. quest. 23. art. 2.

pulchritudini Jesu & Mariæ componantur? Sunt scintilla ignis terreni soli collata, multoque minus quid: Sunt venenum, quod inficere conscientiam tentat: Sunt latrones, qui spoliare nie Dei gratia volunt: Sunt incitamenta, quæ flammam relictu difficili accendere in animo parant: Sunt prædones, qui exuere me bonis temporalibus, qui tollere mentis tranquillitatem, qui necare animam, qui optatissimam sortem Jesu & Mariæ pulchritudine fruendi mihi in perpetuum rapere student. Hisce christianis, solidis verisque cogitationibus oculos, mentem, affectum avertamus & ad Christum atque Mariam convertamus.

Cogitabitis forsitan, O mei! me de corporis nostri in regno cælorum beatitudine, quæ dici possunt, omnia dixisse Fallimini: Restant adhuc, quæ dictis addam. Nam non corpus solum quoad suam (ut sic dicam) substantiam sed etiam quinque illius sensus beari debent: Verum cum hæc quinque sensuum beatificatio fieri nequeat, quin illi suum quis exercitium habeant; ob id S. Thomas hoc argumentum ex proposito tractans affirmat, quinque corporis sensus habituros, quo exerceantur. Hoc ratione solida ac metaphysica, quæ tamén Fide nititur, probat dicens: Evidens est, potentiam actui conjunctam perfectiorem esse, quam non conjunctam; Ita exempli gratia oculus, qui actu videt, est perfectior oculo, qui solum habet potentiam videndi & actu non videt: Ita gustus, qui actu gustat, est perfectior gustu, qui solum habet potentiam gustandi. At, cum in beatitudine sensus corporis summam perfectionem habere debeant, sequitur, eosdem semper actui suo conjunctos esse debere: Visus, ut semper videat: Auditus, ut semper audiat: Odoratus, ut semper odoret: Gustus, ut semper gustet: Tactus, ut semper sentiat. *Potentia conjuncta actui est perfectior, quam non conjuncta: Sed natura humana erit in Beatis in maxima perfectione; ergo ibi erunt omnes sensus in suo actu* (s) Idque alia æque valida ratione confirmat: Certum est, in da-

mnatis sensus corporis perpetuum exercitium habituros ad objecta omnino exosa & cruciantia; nam cum per exercitium sensuum suorum illi peccarint, jure fit, ut eorundem molestissimo exercitio puniantur: Igitur & in justis sensus corporis per exercitium beari ac delectari debent, si id in hac vita per mortificationem eorundem exercitium promeruerunt: *Corpus præmiabitur vel punietur propter merita vel demerita animæ; Ergo & omnes sensus præmiabuntur in beatis, & punientur in malis secundum delectationem & dolorem vel tristitiam, quæ in operatione sensus consistunt.* (t)

Dicit aliquis: Equidem intelligo, visui exercitium longe suavissimum fore; nam videbit cælorum, syderum planetarumque venustissimam speciem: videbit mansiones regni illius spatiosissimi, Civitatis Dei (Hoc dixisse sufficiat, cum Civitas illa dicendo exprimi satis non possit) quam quasi adumbrando in Apocalypsi S. Joannes (u) descripsit: videbit corporum beatorum, videbit Mariæ & Christi amcenissimas formas, in quarum omnium comparatione mundi sublanaris pulchritudo universa rudis lapillus, templo Salomonis collatus, multoque minus quid dici debet. Intelligo præterea, auditum suavissimis beatarum turmarum melodis atque carminibus in laudem Dei optimi maximi canendis demulcendum esse, quippe de quibus Rex Pfaltes pluribus in locis & laudatus S. Joannes in Apocalypsi sua memorat. Intelligo denique, odoratum fragrantissimis odoribus, quos glorificata exhalabunt corpora, & sustentis in vastissimo illo regno undique spirantibus reficiendum esse: Ast gustus & tactus quale exercitium habituri sint, non dispicio. Talia interroganti repono: Neque me scire, ad quæ præcise objecta duorum sensuum horum actus terminandi sint; de cætero cum allata a S. Doctore ratio revinci nequeat & necessitatem exercitii atque actus sensuum plane comprobet, quippe sine quo sensus plenam perfectionem non haberent: ob id cum memorato angelico Doctore dico: quod gustus actum suum habituros non sit, in quantum

X 3

est

(s) S. Thom. Suppl. quæst. 84. art. 4.

(t) Loc. cit.

(u) cap. 27.

est sensitivus alimenti, sed enim in quantum est judicativus saporum secundum humiditatem quandam, qua lingua humectabitur (uti in hac vita a saliva humectatur) quæ omni saporì æquivaleret: *Ibi erit gustus in actu (x) per immutationem linguæ ab aliqua humiditate adjuncta.* Neque est, quod huic assertio cum ratione opponatur; nam si testante sacra Scriptura Manna, quod Dominus populo Israelitico, populo duræ cervicis pluit, omne delectamentum in se habuit; nunquid forsitan nolet Deus, ut in Beatis gustus, quem ob sui amorem hi in hac vita tantopere mortificaverunt, suum exercitium idque oppido delectabile habeat? Similiter, quod ad tactum spectat, cum eodem angelico Doctore dico: quod corpora glorificata, cum impassibilitas omnem mutationem aut alterationem naturalem excludat, tantum alterationis spiritualis capacia futura sint, hoc est: quod qualitates tangibiles spirituali mentis perceptione distinguere poterit, prout Adamo in statu innocentie accideret, quem nec lædere gladius nec urere ignis poterat, quamvis horum sensum habuisset: *In corporibus gloriosis (y) a quibus Impassibilitas excludit naturalem immutationem, erit immutatio a qualitatibus tangibilibus spiritualis tantum; sicut etiam in corpore Adæ fuit, quod nec ignis urere, nec gladius scindere potuisset; Et tamen horum sensum (mentis penetratione) habuisset.*

Jam posthæc, O mei! edicite, si in gloria celesti haud aliæ res forent, quam quas hucusque descripsi (scilicet quod corpus modis, quibus dixi, impassibile, splendidissimum, maxime agile ac subtile accepturi: quod regnum multo amœnissimum, quale est regnum Dei ab ipso charis amicis suis servatum, possessuri: quod incomparandarum pulchritudinum aspectu fruituri: quod melodias & carmina imperceptibilia audituri: quod fragrantissimos odores hausturi: quod Paradisi saporibus gustaturi: quod qualitates suavissimas sensuri: quod sincerissima, ju-

cundissima blandissimaque innumerabilium Sanctorum, Mariæ ac Christi consuetudine usuri: & quod his omnibus in æternum fruituri simus:) si, inquam; hæc sola forent; nunquid hic tantus felicitatum, voluptatum ac deliciarum, quarum ne vestigium quidem in his terris habemus, cumulus omnia studia nostra ac curas omnes & amarorum quorumlibet in hac brevi ac misera vita occurrentium tolerantiam mereretur? Heus! quam anxio studio amissam requiramus saninitatem: quantis molestiis honores, dignitates aut lucra, quandoque brutas etiam voluptates veniamur? . . . Et in rebus tam magnis, quas memoravi, consequendis nihil commovemur; nihil sentimus, plane plumbei sumus. Milites Holofernis Juditha visa sibi invicem dixerunt: *Quis contemnat populum Hebræorum, qui tam decoras mulieres habet, ut non pro his merito pugnare contra eos debeamus.* O sensus hominibus bello exercitis, hominibus idololatris dignos: indignos vero mente fideli! At si isti, ut formarum corruptilium, lutearum, putrescentium & voluptatis, quam cum bestiis communem habemus, potirentur, omnem molestiam omniaque belli discrimina sibi certe subeunda esse putarunt; quanto majori cum ratione ea, quæ milites isti sibi, nos nobis cum animis nostris dicere debemus, ut æternas deliciarum, voluptatum, delectamentorum & gaudiorum inexplicabilem sedes corpori nostro obtineamus: *Quis contemnat &c.* Conemur itaque omnes in illas sedes pervenire; quandoquidem in hac vita corpori nostro tantopere studemus, persæpe etiam, ut eidem obtineamus, quo in infernum præceps detrudatur: Conemur (inquam) corpus nostrum beatum efficere. Verum ea, quæ hætenus dixi, umbra solum sunt magnæ illius picturæ, quæ de beatitudine animæ (essentiali illa) depingenda restat; quandoquidem hujus ipsius mera consequentia quædam & appendix est ea beatitudo, quam hucusque descripsi.

SER-

(x) S. Thomas loc. cit.

(y) L. c. cit.

SERMO XXVIII.

In eadem Symboli verba: CREDO VITAM ÆTERNAM. Agitur de beatitudine animæ.

Quod si me semper, O mei! necessariis ad Fidei veritates explicandas subsidiis nudum atque spoliatum arbitratum sum; tum certe hodie adigi me sentio, ut requisitis ad mentium beatarum felicitatem exponendam dotibus cunctis me plane destitutum esse profitear. Sentio me (inquam) ad ingenuam hanc confessionem sermoni meo præmittendam verbis S. Pauli, quæ de Fide sunt, adigi; quibus ille gentium Doctor testatur, quod *oculus non vidit nec auris audivit nec in cor hominis ascendit, quæ præparavit Deus iis, qui diligunt illum* (a) Quod si in hæc verba Paulus loquitur, qui speciali gratiæ omnino eximie privilegio ad visionem Dei & beatitudinis cælestis gustationem, utut transitoriam, elevatus fuit (prout ex illius verbis in alio loco occurrentibus Theologi omnes concludunt) quid, quæso! asserre ego in medium potero, cui non solum fontem hunc divinum degustare, sed vel seriis devotisque meditationibus attingere numquam licuit. Quid igitur faciam, ut, quod ad propositum sit, vobis exponam nec errem? Dicam, quia mecum statuerim: Doctorem Ecclesiæ in primis sanctum, illuminatum, eruditum, sublimem sequar S. Augustinum: Hujus vestigia, hujus sententias, quas variis præclarorum suorum operum locis perscriptas reliquit, tenendo efficere conabor, ut inexplicabilem animarum beatarum felicitatem quodam modo cognoscatis, quo omnes verum illius possidendæ desiderium concipiamus, omnique contentione eandem obtinere fatagamur.

Beatitudo a Theologis omnibus cum Boetio definitur: *Status omnium bonorum aggregatione perfectus*; id quod ante ipsos S. Augustinus (b) asseruit: *Beatitudo bonorum*

omnium summa & cumulus. Igitur si anima in beatitudine omnia bona possidere debet, nullum erit bonum, quod non possidebit; nec habebit amplius rei alicujus desiderium; cum desiderium haberi non possit, nisi ejus rei, quæ appetentem deficit. At in beatitudine nullum bonum deficiet; ergo nullum desiderium habere anima beata poterit. Neque fieri aliter potest teste (c) S. Augustino. Nam cum *beatitudo sit fructio Dei*; Deus autem sit *omnis boni bonum*: sit *bonum simplex*: immo *ipsum bonum*, quo *cuncta sunt bona*; necessario sequitur: quod, ubi Deus possideatur, ubi perfecta fructio illius obtinet, ibi nullum rei alterius desiderium existere possit. Jam si nos, subdit idem S. Doctor (d) *delectant bona ista, quæ appellantur bona*, cum tamen re ipsa non sint (*Omnia enim mutabilia non sunt per se bona*) *qualis erit contemplatio incommutabilis boni, æterni, semper eodem modo inæntis*: Quandoquidem ista, quæ dicuntur, bona nullo pacto nos delectarent, nisi essent bona: nec alio pacto essent bona, nisi ab illo essent, qui simpliciter bonus est. Validissimam hanc Augustini considerationem per capita repetamus. Non desideratur nisi bonum, sive dein tale sit sive tantum videatur; hinc ubi illud adeptum fuerit, gaudium de sui possessione asserit: Certum deinde est, bonum, quo delectamur, esse bonum tantum participatum, non primum bonum nec boni omnis originem. Jam si nos tantopere delectat bonum a primo bono, quod boni omnis fons & principium est, participatum; quantum ipsius primi boni, quod sua ex essentia bonum est, consecutio, fructio, possessio delectabit? Quis est, qui non videat, quod ubi hoc bonum (quod omnium existentium, possibilem ac cogitabilem bonorum bonum est)

(a) 1. Corinth. 2. (b) Enarr. in Psalm. 2. n. 21. (c) Enarr. in Psalm. 26. (d) Loc. cit.

est) semel obtinetur, jam nullum aliud bonum desiderandum restet; quoniam ipsa bonorum omnium plenitudo ac scaturigo possidetur. Jam hic est mentium beatarum status: *Honorum omnium summa & cumulus.*

Volens posthæc S. Augustinus ea, quæ anima beata possidet, singillatim exponere commoveri se ac perturbari fatetur, quippe sentiens impeni sibi necessitatē de ejusmodi rebus differendi, quæ supra mortalium intelligentiam altissime posita sunt. Atque ob id proficitur: *Facilius tibi potest dici, quid ibi non erit (e) O mei! vestigia hujus sancti Doctoris premens dicam: ibi non esse peccatum, nec miseriam, nec dolorem, nec tristitiam, nec afflictionem, nec laborem, nec molestationem, nec anxietatem, nec ærumnam, nec aliud incommodum ullum: ibi non erunt. Dicam: ibi non esse fau elicos, qui satientur non sitibundos, qui refocilleantur: non pauperes, qui adjuventur: non mæstos, qui recreentur: non errantes, qui corrigan- tur: ibi non nudos, qui vestiantur: Ibi non erunt. Concluditque S. Doctor: Quia ergo cessabunt simul miseriæ, cessabunt opera misericordiæ in illis fedibus (quamvis Sancti eadem versus nos intercessionibus suis misericordiæ plenius exerceant) Verbo: non erit ibi aliquod mali genus; quia ibi bonorum omnium summa & cumulus erit.*

Verum cum adverteret Augustinus, hac negativæ notitia auditores suos haud esse contentos (prout & mihi in vobis accidere video) ob id S. Doctor quæstionem, quam auditores ejus prioribus labris versare videbantur & vos quoque versare videmini, ipse sibi movit: *Quid ergo ibi agent animæ beatæ? Repono cum memorato S. Augustino: Nonne jam dixi (f) facilius me dicere, quod ibi non erit, quam quod ibi erit. Tamen, pergit, aliquod non impudenter dicam; quia de Scripturis aucto, quæ ibi erit actio nostra. Tota actio nostra (Ne subrideatis, O mei! nam, quæ Augustinus assert, e libro Apocalypsis mutuatus est) actio nostra Amen & Halleluja erit. Quid adhæc vos, O suavissimi? Quid dici-*

tis, Fratres! Nolite carnali cogitatione contristari; quia si forte aliquis vestrum steterit, & dixerit quotidie Amen & Halleluja, tadio marcescet & in ipsi vocibus dormitabit & tacere jam volet; & propterea putet sibi assernabilem vitam & non desiderabilem, dicentes vobis mexipis: Amen & Halleluja semper dicturi sumus; quis durabit? En! ut ea, quæ ad hæc forsitam obijciuntur eratis, ibi ipse objicere S. Doctor præoccupat; Sed & responsum illius accipite: Dicam ergo, si potero, quantum poterō; Non sonis transcurantibus dicemus Amen & Halleluja. Quid est enim Amen? Quid Halleluja? Amen, EST VERUM: Halleluja, LAUDATE DEUM. Quia ergo Deus & veritas incommutabilis sine detrimento sine augmento & semper permanens . . . tunc alio insatiabiliter affectu dicemus Verum est; Et cum hoc dicemus, Amen utique dicemus sed insatiabiliter satietate; quia enim non deerit aliquid, ideo satietas: quia vero illud, quod non deerit, semper delectabit, ideo quadam (si dici potest) insatiabiliter satietas erit. Quam ergo insatiabiliter satiaberis veritate, tam insatiabiliter veritate dicēs Amen. . . . Quia itaque sine aliquo fastidio & cum perpetua delectatione videbimus verum & certissima evidentia contuebimur, amore ipsius veritatis accensi & inhærentes ei, dulci ac casto amplexu eodemque incorpore, isti etiam voce laudabimus eum & dicemus Halleluja. Exultantes enim se ad parvalem laudem sagrantissima charitate invicem & in Deum, omnes cives illius civitatis dicent Halleluja, quia dicent Amen.

Hæc est, O mei! non minus ingeniosa quam vera meditatio S. Augustini, qua nobis sempiternam beatorum in Paradiso Animarum occupationem exponit; quæ (uti dixi) in eo consistit, ut mente dicant: *Verum est & Laudate Deum;* nam cum intellectus in Veritate infinita (quæ Deus est) defigatur: idque per lumen gloriæ, quod est vigor quidam a Deo in intellectus beatos omnes effusus; in quantum eundem per secula seculorum contemplantur, veritates nunquam exhaustiendas in eo detegunt; quæ veritates omnes cum non minus certæ quam eviden-

tes

(e) *Serm. 352. n. 28.*(f) *Loc. cit.*

tes futuræ sint, ob id dicere cogentur: *Verrum est; ergo Amen.* Et quoniam ex hac visione imperceptibile quoddam gaudium ac voluptas æterna ad affectum & voluntatem redundabit, ideo dicere cogentur: *Laudate Deum; ergo Halleluja.* O mentium beatarum felicitatem! Semper divinas veritates cum evidentiâ cognoscere & de iisdem semper cum amore, qualem hic in terris experiundo percipere haud licet, gaudere!

Quo autem e fonte ad beatas Elektorum animas perpetuum istud *Amen* atque *Halleluja*, quod illas teste Augustino infatigabiliter fatiat, derivetur, prodit S. Joannes Apostolus in prima sua epistola (g) quam pariter S. Augustinus interpretatus est. *Scimus ait, cum apparuerit, similes ei erimus; quia videbimus eum, sicuti est.* Post quæ S. Augustinus infert: *In tantum ergo videbimus, in quantum similes ei erimus . . . inde igitur videbimus, unde similes erimus.*

Ut vim deductionis hujus Augustinianæ comprehendatis, exponere vobis maximi & fidelissimi, quem post S. Fulgentium magnus hic Ecclesiæ Doctor habuit, discipuli scilicet S. Thomæ doctrinam necesse esse videtur. Advertite quæso! animos, & quantum potero, quam clarissime eandem vobis ob oculos ponam. Videmus, homines (præterquam quod homines ceteris hominibus similes sint) diversis insuper qualitatibus ornari: Ita non omnes Theologi aut Jurisperiti aut Medici aut Architecti sunt &c. Unde hoc? Quia non omnes memoratarum scientiarum aut artium species seu ideas mente comprehendunt. Hinc Theologus dicitur, qui ideas theologicas possidet: Jurisconsultus, qui legum ideas ac notitiam habet: Medicus, qui medicinæ species animo comprehendit: Architectus, qui regulas architectonicas callet: Peritus denique hujus aut illius artis, qui earum artium elementa ac præcepta novit. Ob eam rem isti non homines solum dicuntur; sed homines theologi, homines jurisconsulti, homines architecti &c. Ex his intelligitis, O charissimi! quod ideo, quas hi sibi acquisiverunt, eos

P. Cunctiati Catechista.

(g) cap. 3. (h) Part. 1. q. 12. art. 2.

(1) Suppl. q. 32. art. 1.

tales in hac scientia vel arte faciant: & quod ii, qui memoratis ideis destituuntur, tales non sint. Requiruntur ergo, ut quis talis vel talis sit, tales vel tales notitiæ procedentes ex ideis vel (ut alii dicunt) ex speciebus talis vel talis facultatis in animo collectis. Igitur Animæ quoque beatæ, ut beatæ sint & veritatum divinarum abyssum cognoscant, habebunt ideas altissimarum harum veritatum non quidem aliunde acquiras, sed certe a Deo solo mentibus earum infusas. Jam qualibus intellectum animarum beatarum ideis secundari putatis, ex quibus deinde altissimæ illæ & suavissimæ notitiæ oriuntur? Non per aliam ideam aut speciem intelligunt & mentaliter vident illæ, quam per ipsam Essentiam divinam, quæ se intellectui animæ beatæ immediate unit; cum teste S. Thoma fieri non possit, ut sit alia species aut idea creata potens adæquate repræsentare Essentiam Dei ab animabus beatissimis clare cognitam: *Non potest aliqua forma (h) creata esse similitudo repræsentans videnti Dei essentiam; id quod memoratus S. Doctor inexpugnabilibus argumentis confirmat, inter alia dicens: Videretur equidem in illa forma seu idea creata similitudo Essentiæ divinæ semper inadæquate repræsentata, non Essentiæ Dei in se; id quod tamen Scripturæ affirmant testante Paulo (i) Videbimus faciem ad faciem, & jam laudato S. Joanne (k) Videbimus sicuti est.* Hinc S. Thomas denuo concludit: *Unde dicere, Deum per similitudinem videri, est dicere, divinam Essentiam non videri; quod est erroneum. Dicendum ergo, quod ad videndum Dei Essentiam . . . requiritur lumen gloria . . . Non autem per aliquam similitudinem creatam videri potest Essentia divina.* Hinc manet, quod ipsa Essentia divina se intellectui beato, tanquam idea, uniat; quod ipsum idem S. Doctor alio in loco (l) docet: *Divina Essentia, cum sit actus purus, poterit esse forma, qua intellectus intelligit; & sic erit unio beatificans . . . In patria id ipsum per formam, quæ est Essentia sua, videbimus & conjungemur ei quasi uno.* Unde ait: quod, si mens

bea-

Y

(i) 1. Corinth. 12.

(k) 1. Epist. 1. 3.

beata, quæ Deum videt, aliquam Dei ideam a se formatam concipit, hæc non sit Deus sed aliquis effectus Dei: *Quicumque videntium Deum aliquid mente concipit, hoc non est Deus sed aliquis divinorum effectuum.* Tam firmiter sanctus hic Doctor tenet, in patria cœlesti non intelligi nec mentaliter videri Deum nisi per ipsam illius Essentiam intellectui nostro intime unitam.

Jam post expositam summi hujus Theologi doctrinam ad ea, quæ superius dicta sunt, revertamur: scilicet quod aliquis architectus sit talis ob ideam architecturæ, quam mente comprehensam habet: Theologus sit talis ob ideam Theologiæ: geometra sit talis ob ideam geometriæ. Hinc etiam mens animæ beatæ ob ideam ipsius Essentiæ divinæ sibi intime conjunctam divina dicenda est: Atque ita animæ beatæ in visione Dei divinæ redduntur. Etecce! illud S. Joannis: *Similes ei erimus*: Quare? *Quia videbimus eum, sicuti est*; cum non per aliam ideam quam per ideam ipsissimæ Essentiæ illius nobis unitæ visuri simus. En! quoque viam ac robur deductionis Augustinianæ illustratum: *In tantum ergo videbimus, in quantum similes ei erimus*; cum in mente nostra aliam ideam habituri non sinus quam ipsam Dei Essentiam; & sic inde videbimus, unde similes erimus, similes ei effecti; quia in nobis ipsam illius Essentiam habituri sumus unitam nobis, tanquam ideam ad cognoscendum eum.

Neque ob id cogitetis, pergit Augustinus, hanc similitudinem nos ei æquales facturam esse: Nequaquam; Nam solus ei æqualis est ille, qui ei similis; quia æqualis, scilicet Verbum: *Unicus similis nascendo, nos similes videndo; nos enim similes, non æquales; ille, quia æqualis, ideo similis* (m).

Ex his omnibus melius intelligetis, quæ superius de *Amen* seu *Verum est* diximus, & quod anima beata nunquam satianda sit dicendo: *Verum est*; nam cum in intellectu suo pro idea Essentiam divinam habitura sit, Essentiam: quæ evidentes veritates omnium revelatorum mysteriorum, omnium divino-

rum Attributionum, omnium rerum, quæ existunt, existent & existere numero infinito possunt, in se complectitur; habebit in perpetuum causam mentaliter dicendi: *Amen, Amen*; sive quod idem, *Verum est, Verum est*. Immo in hujus ideæ, quæ est Essentia divina, majori minorive penetratione consistit varius gloriæ essentialis gradus, quam animæ beatæ vario meritum, quibuscum in Paradisum intrant, gradui respondentem habituræ sunt.

Et quoniam cognitionem amor boni cogniti sequitur: quanto majus est bonum cognitum, tanto jugior est amor erga illud. Hinc cum bonum cognitum in visione Dei sit bonum infinitum (quod est ipse Deus) & quidem sit sine velamento, cum omni evidentia atque in se cognitum: ob id anima beata, quandoquidem amoris actu infiniti capax non est, certe omni, quo maxime poterit, amore & insatiabili quadam cum satietate illud amabit: uti Augustinus monuit. Ex hoc ipso autem nascetur in voluntate gaudium ejusmodi, quod in hac vita positi nec mente concipere nec verbis explicare valeamus; nam cum gaudium ex boni amati possessione oriri soleat eoque magis crescat, quo majus est bonum possessum & quo major est boni possessi haud amplius amittendi securitas: quandoquidem anima beata summum bonorum omnium, immo solum atque unicum bonum essentialia a se amatum possidet; & quidem possessione omnium, quæ fingi a nobis possunt, intima atque cum perfecta illud amplius non perdat securitate: cogitet, qui potest, quam ingens alicujus animæ beatæ gaudium futurum sit; quæ ob hanc maxime causam beata esse a S. Augustino agnoscitur: *Eo bono fruendo quisque beatus est, propter quod cetera vult habere; cum illud jam non propter aliud sed propter se ipsum diligatur*. Sic e. g. qui divitias propter honorem amat, non tam de divitiis gaudet quam de honore; cum divitias propter honorem, honorem autem propter honorem amet. Jam quem admodum anima beata Deum non propter aliud

aliud quid sed propter Deum ipsum amat; ita in illius possessione absolutissimo gaudio perfruitur: *Et ideo finis ibi dicitur; quia jam, quo excurrat & quo referatur, non invenitur: Ibi requies appetendi: Ibi fruendi securitas: ibi tranquillissimum gaudium optimæ voluntatis (n).*

Itaque cum gaudium animæ beatæ ab æterna possessione ejus boni, quod desiderandum extra se nihil relinquit quippe desiderabilia cuncta in se continens, oriatur: ob id Theologi S. Thomæ affectu inferunt, animas beatas ab actuali amore & laude Dei nunquam cessaturas esse; nam cum in Paradiso nullus errori ulli & (quod sequitur) nullus ulli voluntatis actui minus recto locus futurus sit: consequens est, animas beatas concipere haud posse, quod res bona sit cessare ab amore Dei; quandoquidem hic amor præcipue in illo statu actus plane suavissimus & jucundissimus est: Quemadmodum autem intellectus concipere non poterit, satius esse cessare a tali amore quam eundem continuare; ita nec voluntas, quæ ductum intellectus sequitur, ab illo amore cessabit. Hinc videbunt sese animæ beatæ dulcissima quadam necessitate eo compelli, ut Deum semper ament ac collaudent, quin ab hac iustissima ac suavissima laude & amore unquam cessent. Ob eam rem S. Augustinus (o) ait: *Securi ergo finis: Nos non satiabitis laus Dei, amor Dei. Si desicies ab amore, desicies a laude: Si autem amor sempiternus erit, quia insatiabilis pulchritudo erit; noli timere, ne non possis semper laudare, quem semper poteris amare.* Et alio in loco (p) ait: *Ne gotium nostrum ibi superis in sedibus quod erit? Laudare Deum, amare & laudare, laudare in amore & laudibus.* O vitam felicissimam verique beatam!

Dum hæc dissero, tacite obloquentem aliquem audire mihi videor: Voluntas Beatorum cessare ab amore Dei non potest, quia tam hanc cessationem boni judicare quam re ipsa cessare vitiosum esset; quoniam nulla rationabilis cessandi causa existit, quandoquidem actus hic est longe suavissimus & ju-

cundissimus: Igitur voluntas, cum ab amando cessare non possit, non jam libera erit. At hanc quoque objectionem tacite ab auditoribus suis sibi factam interceptit S. Augustinus respondens: *Nec ideo liberum arbitrium non habebunt, quia peccata eos delectare non poterunt: magis quippe erit liberum, a delectatione peccandi usque ad delectationem non peccandi indeclinabilem liberatum. . . Nam utique peccando nec pietatem nec felicitatem tenuimus. . . Certe Deus ipse nunquid, quia peccare non potest, ideo liberum arbitrium habere negandum est? Erit ergo illius civitatis & una in omnibus & inseparabilis in singulis voluntas libera & ab omni malo liberata & impleta omni bono, fruens indeficienter universorum aternitate gaudiorum (q).*

At hæc gloriæ diversitas (dicet aliquis) quam in se mutuo animæ beatæ videbunt, quomodo fieri potest, ut non in eo, qui minore claritate præditus, cupiditatem excitet majorem habendi, quam in altero deprehendat? Quisquis sic cogitat, vera perfectæ charitatis idea carere se oppido ostendit. Nunquid audistis, ait S. Augustinus (r) Deum in patria teste Paulo (s) omnia in omnibus futurum esse, & Deum teste S. Joanne (t) charitatem per essentiam esse. Jam hic Deus erit omnia in omnibus, ut, quoniam Deus charitas est, per charitatem fiat, ut quod habent singuli, commune sit omnibus: Sic enim quisque etiam ipse habet, cum amat in altero, quod ipse non habet. Non erit itaque invidia inparis claritatis, quoniam regnabit in omnibus unitas charitatis.

Hinc animæ beatæ perfectissima pace & quiete nunquam inturbanda fruentur. Consideretis hoc in loco, O mei! velim, pacem & quietem etiam in hac præsentī vitæ omnium humanarum actionum scopum ac metam esse: Et quamvis hæc quies a plurimis in iis non quæretur, in quibus inveniri potest (puta, in peccatis quæretur) tamen etiam illi, qui peccatum quærent, peccatum ob id quærent, quod in hoc pacem & quietem sibi inventuros se esse credant.

Y 2

(n) S. Aug. Epist. 118. n. 13.

(o) Enarr. in Psalm. 83.

(p) Enarr. in Psalm. 147.

(q) Lib. 22. de Civit. Dei c. 29. n. 3.

(r) Tract. 67. in Joan.

(s) 1. Corin. 15.

(t) 1. Epist. 4.

dant. - Rei hujus ratio evidens est: Motus durat, donec ad terminum pervenitur; hoc adepto motus cessat. Jam vita nostra continuus quidam motus est, qui non cessat, donec terminum suum teneat. Et quoniam improbi terminum querunt, qui pacem asferre nequit; ob id quietem nunquam inveniunt: Justi contra, dum terminum verum, qui pacem & quietem parit, querunt, eandem etiam inveniunt. Terminus iste in hac vita est gloria Dei, in qua sola quies vera ac pax in his terris invenitur, sed pax non dum numeris perfecta omnibus; quoniam adhuc continuo certandum. Hinc, dum Justii gratiam Dei habent, habent principium ac semen pacis perfectæ; nam, cum gratia sit semen gloriæ, sequitur: veram pacem ac omnibus modis absolutam quietem non nisi in gloria esse. Ob eam rem regnum illud cœlestē sæpe in Scripturis. *Jerusalem* (quod interpretatur *Viso pacis*) immo etiam *Pax* vocatur: *Posuit fines tuos Pacem* (u) Et Ecclesia ipsa, a Spiritu sancto docta, dum Paradisum defunctis precatur, nil nisi pacem eis optat: *Requiescant in pace*. Est igitur cœlum pax (ut cum S. Augustino loquar & levis hic sermo meus totus sublimibus idius sancti Doctoris sensibus acceptus referatur) immo ibi tota pax: *Posuit fines tuos pacem. Aurum tuum pax; argentum tuum pax; prædicia tua pax; vita tua pax; Deus tuus pax; quidquid desideras, pax tibi erit. Quia hic curum quod est, non potest tibi esse argentum; quod vinum est, non potest tibi esse panis; quod tibi lux est, non potest esse potus: Deus tuus totum tibi erit. . . Angustus non ibi patieris cum eo, cum quo totum possides. Totum habebis, totum & ille habebit; quia tu & ille unus eritis, quod & unum totum ille habebit, qui vos possidet. Fines cœlestis Jerusalem, pax. Posuit fines tuos (x) pacem. Ah beatissimam ac felicissimam Hierusalem cœlestem! Vere gloriosa dista sunt de te, Civitas Dei! Quis vestrum est, O mei! qui sibi ingredi in hanc perceptam utramque & corporis & animæ bea-*

tudinem, earum consequendarum desiderio non inflammetur? Nemo (credo) vere credentium: nemo fidelis existeret, qui non dicat: Vellem & ego intrare illuc; vellem & ego sorte hac beatissima uti. At num hoc, O mei! sufficit? Num sufficere dixisse: Utinam! Vellem! . . . Neutiquam hoc sufficit. Dicendum nobis: Volo plane; & hoc dicendum Dei adjuvante gratia cum firmo certoque proposito, ac subin id faciendum nobis, quod Christus se interroganti, quid pro vita æterna habenda facere deberet, reposuit: *Si vis* (Notate, non dixit: *Si veller*) *ad vitam ingredi (y) serva mandata*. Primum ergo animo stabili ac obfirmato dicite: *Volo*, fiatque verum, velles vos: *Si vis*. Et si vere volueritis, ecce! remedium a Christo Domino ac Rege gloriæ cœstis præscriptum, *Serva mandata*. Haud est via alia; nam, ut cum S. Augustino, ejus verbis hujus orationis meæ & initium & continuationis seriem feci, concludam, *Nemo potest idoneus fieri futuræ vitæ, qui non se ad illam modo exerceat* (z). In illa vita quid agitur? Utique audistis: Laudatur, amatur Deus. Et in hac vita quodnam est unicuique amoris divini signum? Prodidit id Christus: *Si diligitis me, mandata mea servate*. Hæc amoris in Deum signum, servatio mandatorum ejus: Hæc via, quæ ad terminum memoratum ducit. Ut autem ab hac via non desectamus, aliud in patria cœlesti usitatum exercitium requiritur, quod est laus Dei: scilicet oratio, eaque bene peracta, quam idem Servator maxime commendavit, adeo ut ab illa nunquam desistendum esse monuerit: *Oportet semper orare & nunquam deficere* (aa) Ecce! Hi sunt modi, quibus idonei vitæ futuræ efficitur; primo scilicet Amor Dei observationi sanctæ legis ejus conjunctus; quæ ipsa lex Proximum quoque diligere non jubet: deinde Laus Dei & Oratio pro obtinendis gratiæ subsidiis, quibus adjuti legem Dei servemus; nam *nemo potest idoneus fieri futuræ vitæ, qui non se ad illam modo exerceat*.

SER-

(u) Psalm. 127.
18 Psalm. 148.(x) Enarr. in Psalm. 26.
(aa) Luc. 18.

(y) Matth. 23.

(z) S. Aug. Enarr.

SERMO XXIX.

In eadem Symboli verba : CREDO VITAM ÆTERNAM. Agitur de vita infelici Damnatorum.

Mirabimini forsitan , O dilectissimi ! quod æternitatem felicitatis animarum beatarum obiter tantum ac quasi transeundo attigerim . Non casu sed multo consilio istud a me factum ; cum Symboli explicationem trigesimo sermone absolvere decreverim , in quo unice de æternitate tum felicitatis supernæ tum miseriæ infernalis differam . Igitur postquam felicitatem ab animabus beatis , hac vita defunctis , percipiendam pro virili parte explanavi ; restat ut exponam , quid post extremum mundi diem animæ non beatæ experturæ sint : ut hac ratione articulum de vita futura , quæ ingressu vel Paradisi vel inferni terminanda est , ea (qua par est) sermonis prolixitate expositam habeatis . Dixi : *Post extremum mundi diem* . Non quod ante illum aut animabus iustis locus intermedius (puta Purgatorium , de quo Sermone XXIV. in Ecclesia militante differui) nullus futurus sit ; aut quod animæ ex toto puræ non confestim in Paradisum admittantur ; aut quod animæ in statu peccati mortalis decedentes non statim in infernum præcipites abeant : sed enim quod (cum de iis , quæ post extremum diem futura sint , nimirum de vita æterna sive fortunata sive infortunata animarum corporibus suis denuo conjuncturum mihi dicendum sit) perfecta hæc corporis atque animæ vel infelicitas vel felicitas primum illam summam mundi diem , in qua nova illa conjunctio fieri debet , secutura sit .

Igitur post perceptam formidandam sententiam : *Discedite a me , maledicti !* ii damnatorum , qui in illa suprema mundi die mortui sunt , in infernum ibunt : ii vero , qui ibi prius fuerunt , illuc redibunt , omnes maledicta sua corpora trahentes & in illo car-

cere , dum Deus exsistat , cruciandi . Interim a poenis corporum damnatorum considerationem nostram ordiri juvat : Erunt corpora illa perosa Deo , quia innumerarum offensionum Numinis sui instrumenta fuerunt , adversus quæ ille justam ac debitam vindictam exercere parat . Sed priusquam ad ipsam poenæ sensus considerationem aggrediar ; permittite , ut aliquid , de quo perbene scitis , multum illud proposito argumento consentaneum memorem . Jobum recogitetis velim , virum semper justum & acceptum Deo ; primum quidem mortalium omnium longe beatissimum , bona valetudine , sano corpore , liberis , omni bonorum temporalium copia præditum , a Deo ipso (tanquam justum & simplicem & timentem Deum) prædicatum : at a diabolo ob hoc ipsum parvi æstimatum , quod omnibus temporalibus bonis beatus esset . Quapropter diabolus confutare volens Deus permisit eisdem , ut virum hunc in memoratis bonis cunctis assligeret , sola sanitate servata . Hac permissione accepta quid non experiri Jobum hostis pessimus fecit ? Fecit , ut Sabæi omnia , eaque plurima armenta illi custodibus occidis raperent : Fecit , ut cadentia de cælo fulmina innumeras pecudes una cum pastoribus flamma voraci absumerent : Fecit , ut paulo post Chaldæi greges camelorum invaderent eorumque custodes trucidarent . Vix hæc gesta erant , cum intrans alius nuntius Jobo retulit : filiis septem & filiabus tribus vescentibus in domo fratris primogeniti repente ventum tam vehementem irruisse & quatuor angulos domus adeo valide concussisse , ut illa concidens omnes ruinis suis sepelierit : Hinc Vir ille maximus uno quasi temporis puncto iis , quæ habuit , omnibus

spoliatum videre se debuit. Verum patientia, qua temporales casus Job pertulit, confusus diabolus petiit a Deo facultatem eundem etiam in corpore suo affligendi: qua accepta (Ita tamen ut vitam ei non adimeret) statim Viri sanctissimi corpus tam gravi infirmitate oppressit, ut ille a vertice capitis ad pedum talos usque quoddam quasi continuatum vulnus esset maximisque doloribus uretur. Hinc visitatum eum advenientes tres amici & horribile adeo spectaculum oculis usurpantes teste S. Scriptura ita obstupuerunt, ut contra eundem in sterquilino porrectum nec lecto aut mansione alia utentem septem diebus & septem noctibus in terra federint, quin verbum ore protulerint præ dolorum, quos Jobus sensit, acerbitate obmutescentes: *Videbant enim dolorem esse vehementem* (a) Atque hac ratione Vir sanctissimus ab omnibus contemptus, ab omnibus malam existimationem referens omnibus fastiditus jacuit. Nostisne, O mei! quem in finem permiserit Deus, ut diabolus iustum hunc tam acerbis plagis afficeret. Docet id duobus in locis S. Scriptura: Causa hæc fuit, ut mundo absolutum invictæ patientiæ exemplum resingeretur; id quod de se ipse Jobus Spiritu asslatus sancto dixit: *Exemplum sum coram eis* (b) & scriptor libri Tobiae confirmat, dicens permisisse Deum, ut oculorum usum Tobias amitteret: *Ut posteris exemplum daretur patientiæ ejus, sicut & sancti Job* (c)

Jam sic argumentari juvat. Si Deus eo solum, ut perfectum patientiæ exemplum haberetur, Jobi (innocentis, recti, amici dilectissimi) corpus acerbè adeo affligere diabolo permisit; quis, quæso! cogitare poterit, quanta eidem diabolo Dominus in damnatorum (capitalium maximeque invidiosorum hostium suorum) corpora permiserit, ut in ipsis justitiæ suæ documenta det? Omnes afflictiones adversus Jobum permissæ re ipsa (quod ad Deum spectat) sagittæ quædam amoris erant, decreveratque Dominus, eas non solum in hac vita (omnia, quibus Vir sanctus privatus fuerat, duplicando) sed in

regno quoque cœlesti excelsis gloriæ gradibus præmiare: At contra pœnæ corporum damnatorum totidem quasi tela erunt odii divini. Atque ob eam causam quis tormentorum, quibus miseræ illæ animæ subduntur, atrocitatem animo pro dignitate concipiet? Scimus ex Fide, Deum, siquidem aliquod suorum Attributorum manifestare cogitat, id stupendis plane modis præstare solere. Observate, O mei! solum Attributum Misericordiæ: Hæc Deum, ut Filium suum unigenitum in Fratrem, in Redemptorem nobis daret: hunc deinde induxit, ut se cibum adeo nostrum faceret. Jam cum sibi Dominus reservavit Justitiam suam infernali in carcere manifestare, quis, amabo! pœnas infelicibus illis corporibus præparatas mente comprehendat?

Prima corporum damnatorum pœna erit pœna ignis; prout nos Fides per os Christi docet, in Evangelio S. Marci (d) in uno eodemque sermone tertium affirmantis, esse in inferno ignem inextinguibilem: *Ite in gehennam in ignem inextinguibilem . . . ubi vermis non moritur & ignis non extinguitur . . . mitti in gehennam ignis inextinguibilis* (Prætereo alia loca varia, in quibus id ipsum Servator asseruit) Hinc S. Augustinus ad triplicem hanc Christi in uno capite juxta ac sermone assertionem attendens ait: *Non cum piguit, uno loco eadem verba iter dicere* (e) *Quem non terreat ipsa reptitio & illius pœnæ comminatio tam vehementis ore divino?* Neque in novo solum Testamento veritatem hanc revelatam mortalibus fuisse creditis, pergit S. Augustinus, sed in veteri etiam Testamento creditam fuisse tenere; id quod tum Prophetæ ferme omnes tum distincte Isaias & Jeremias prodiderunt: Unum *Ecclesiastici* (f) locum percipite iisdem verbis, quibus Christus usus est, per scriptum: *Vindicta carnis impii, ignis & vermis*. Itaque ex Fide certum manet, corpora damnatorum igne crucianda fore; at igne per omnia membra, per omnes musculos, per ima viscera serpente; at igne, qui per Dei virtutem omnipotentissimam (Ut phrasim S. Augustini

(a) Job. 2.
cap. 9. n. 1.

(b) Job. 17.
(f) cap. 7.

(c) Tob. 2.

(d) cap. 9.

(e) Lib. 21. de Civ. Dei.

gustini interponam) vim habebit urendi sine consumptione corpora illa infelicissima. Unde ardebunt illa, quin affumantur: & immanibus semper urentur doloribus, quin moriantur: *Insuper sine consumptione; in dolore sine morte per miraculum omnipotentissimi Creatoris; cui hoc esse impossibile qui negat, ignorat, a quo sit, quidquid in naturis omnibus miratur (g)*

Neque induci vos a diabolo permittite, ut credatis: Esse infernali in carcere ignem quidem, de quo Christus adeo disertis verbis affirmavit; at operationem ignis (scilicet ut urat, ut ardeant corpora illa) ibi non esse æternam. Nequaquam sic sentite, ait S. Augustinus (h) *Nonnulli seipso seducunt dicentes . . . quod ipse ignis æternus sit; combustio vera eorum, hoc est operatio ignis, non sit in eos æterna: cum & hoc prævident Dominus, tanquam Dominus, sententiam suam conclusit: Sic ibunt illi in combustionem æternam.*

Erit ergo in inferno ignis, isque urens, quin comburat: *Ignis inferni*, ait S. Joannes Chrysostomus (i) *quos semel apprehendit, perpetuo comburit nec unquam desistit; ideo inextinguibilis dicitur . . . Id vero quam sit horrendum, nullo unquam potest sermone declarari.* Nihilominus, ut sanctus hic Vir rei adeo tremendæ imaginem utut pertineam nobis daret, in hæc verba prosequitur: *A minimorum rerum experimento tenuem magnarum possumus capere conjecturam: Si quando fueris in balneo nimum effervescente, tunc de gehenna ignis cogita: Et si quando acriori fibre arseris, ad flammam illam mentem traducito; Nam si balneum & febris nos adeo cruciat & conturbant, cum in fluvium illum ignis incidimus, quo animo futurum sumus? Ita profecto; Cogita, Omollis ac delicate! qui omnifariis commoditatibus corpus tuum etiam cum læsione iustitiæ demulces &, dum in hyeme igni propius te admoves, cruraque ille tua apprehendere occupat, confestim recedis, cogita (inquam) cum illa ignis voragine totus demergeris, quo animo futurus sis? Cogita, O libidinose! qui cor tuum vetitis amoribus jugiter pacis &, ut corpus tuum in carnales voluptates ingurgites, va-*

le Sacramentis dixisti, quid in illis flammis medullas ossium exedentibus facturus sis: *Cogita, quo animo fuurus sis? Cogita, O femina corporis tui, ut videntibus te idolum abominationis fias, superstitiosa ac nimia cultrix! quæ calli dolores non sustines, quæ pulicis ictu aut linteaminum in lecto plicatura offenderis, cogita, quid factura sis, cum voraci illo igne undique cincta ac penetrata scandalorum tuorum & injusti amoris, amatorum tuorum uxoris rapti, pœnas dabis: cogita, quo animo futura sis? Cogitate denique, O peccatores! vos omnes, qui tot tantisque injuriis Deum afficitis, quo corpori vestro oblegamini: *cum in illum fluvium ignis incideritis, quo animo futuri sitis?**

Ignis hic erit tormentum generale omnium damnatorum, totiusque corporis & (quod sequitur) omnium sensuum corporis: Erit ignis in oculis, in auribus, in naribus, in ore, in cunctis visceribus & quavis minima corporis parte. Neque tamen cogitetis, ob hoc quinque corporis damnati sensibus jam nullas speciales pœnas fore, fluentes ex objectis sensui cuivis propriis; nam quemadmodum corpora beata, præter gloriam totius corporis, etiam beatitudinem quinque sensuum ipsi actui circa objecta jucundissima conjunctam in præmium, quod eosdem sensus ex amore Dei mortificaverunt, habitura sunt: ita ratio postulare omnino videtur, ut quinque sensus corporis damnati, cum ministri iniquitatum fuerint, speciales suas pœnas habeant; id quod fieri non potest nisi per actum ipsum circa objecta molestissima: cum lex a Deo in libro Sapientiæ (k) firmata hæc sit: *Per quæ peccat quis, per hæc & torquetur.*

Oculi videbunt dæmoniorum larvas, easque multo horribiliores illis, quas dæmones, si quando Deo permittente alicui in hac vita videndos se præbent, in aereis corporibus formare consueverunt: Et quamvis ignis ibi non reluceat, sed densissimis jungatur tenebris; tamen non impedit, quin damnati con-damnatorum horrendos vultus ac corpora, larvasque diabolicas videant: *Ne-*

(g) Lib. 21. de Civ. l. Di. c. 4.
(k) cap. 11.

(h) Lib. de Fide & Oper. n. 25.

(i) ad Theod. laps.

minem videbimus, ait S. Joannes Chrysostomus (1) præter cruciatuum consortes & inamnam solitudinem: quis narraverit terrores a tenebris illis injectos? . . . Quemadmodum ignis ille non consumit, ita neque lucet. Et S. Bernardus (m) Videbant horribiles demonum facies, tenebras palpabiles. S. Gregorius M. vero testatur (n) Quamvis illic ignis ad consolationem non luceat, tamen ut magis torqueat, ad aliquid lucet; nam sequaces quosque suos secum in tormento visuri sunt, quorum amore deliquerunt. Doctrinam hanc sancti Doctores isti a S. Scriptura mutuati sunt, de damnatis dicente: *Vident & venient super eum horribiles larvæ: omnes tenebræ absconditæ sunt in occultis ejus: devorabit eum ignis.* (o)

Aures inconditis clamoribus & ingenti desperatissimorum eiulatu obtundentur: Ita S. Scriptura (p) *Sonitus terroris semper in auribus ejus.* Et Isaias reprobatis calamitates eorum exprobrans atque cum felicitate Electorum comparans ait: *Eccæ servi mei laudabant præ exultatione cordis; & vos clamabitis præ dolore cordis & præ contritione spiritus ululabitis* (q)

Odoratus fordibus & fœtore intolerabili perpetuum cruciabitur. Ita laudatus Propheta: *Et erit pro suavi odore fœtor* (r) Hinc S. Bernardus loco citato ait: *Erit fœtor intolerabilis non minus ab illis inferis flammis, quam corporibus quovis tetro cadavere sententioribus excitandus.*

Gustus quantis, eheu! amaritudinibus & quam fastiditis saporibus torquebitur? Accedet perpetua ac canina flammæ, quæ damnatos cruciabit: & sitis rabida, quæ exurentur. Ita idem Isaias (s) *Eccæ servi mei comedent, & vos esurietis; ecce servi mei bibent, & vos sitietis.* Sufficiant, quæ de potu damnatis porrigendo sacri Codices testantur: *Fel & acicom vinum corum & venenum aspidum insensibile.* (t)

Tactus denique igne illo continuo excruciabatur, in quo & internos & externos do-

lores quosvis persentiret. Hinc S. Joannes Chrysostomus (u) *Perturbationem itaque nobis immisissam, resolutionem, stuporem illud solum tempus declarare possit; Multa quippe illic varique tormenta: cruciatuumque procella ingens undique immitteret in animam.*

Jam pergit idem S. Doctor, attendamus ad ea, quæ in hoc seculo evenire videmus: Si quis vinculis tenebrisque æternis cum homicidis mandatur toto reliquo vitæ spatio carceris incommodis ac squallore cruciandus; nonne is hoc solum supplicii genus morte ipsa gravius esse judicabit? Heu! toto vitæ tempore coerceri vinculis alligatum saxo, æternas pati tenebras & jugi carceris fœtore necari! Si enim cum quis hic in carcerem injectus fœtorem solum, & jacere in tenebris, & in vinculis esse cum homicidis quavis morte dicitur gravius (x) cogitate, quid sit, igne adeo ac flammis cum reprobis peccatoribus cunctis torqueri: Si enim tenebræ tantum affligunt animos nostros tantumque perturbant, quid erit, quando jam & cum tenebris dolores & tormenta combustionis & malorum omnium ingens procella irruerit?

Excipit hic Chrysostomus Augustinus (y) dicens: Si tantum tremis, O christiane, quando calumniis ab alio impetitus dandum te custodiæ esse formidas; quare tu te met, male vivendo, igni æterno objicis? Cogita, quomodo tremas (si tibi aliqui calumniant) ne mittaris in carcerem; & tu ipse contra te male vivis, ut mittaris in ignem? Contremis, conturbaris, pallescis . . . & dicis: *Concutior, mittor in carcerem: Timeatur carcer, & non timeatur gehenna exulatio.* Dignum hoc oppido, dignam consideratione! Ex his, prosequitur, quæ in hoc tempore homines timeant, conficiant, quæ timere debeant. Timeant enim carcerem, & non timeant gehennam: Timeant quæstionarios tortores, & non timeant infernales angelos: Timeant cruciatum temporalem, & non timeant æternam ignis æterni: Postremo timeant ad modicum mori, & non timeant æternum mori. Timeantur igitur, O mei! timeant-

(1) ad Theod. laps. lib. 1. n. 9.

(m) Serm. 42. de Divers. n. 6.

(n) In Job. lib. 9. n. 102.

(o) Job. 20.

(p) Job. 15.

(q) Isai. 65.

(r) Isai. 4.

(s) Isai. 65.

(t) Deut. 32.

(u) ad Theod. laps. lib. 1. c. 9.

(x) S. Jo. Chrysost. Hom. 1. in cap. 1. ad Hebr.

(y) Serm. 161. de Verb. Apost. n. 4.

meantur tormenta inferni; sed magis, Christo monente, timeatur Deus, qui nos gratia sua desitutos eisdem subducere potest: *Time te cum, qui potest & animam & corpus mittere in gehennam* (z). Et cum Deum ob tormenta, quæ in inferno corpus sustinere debebit, timere debeamus; multo magis id ipsum fieri a nobis debet ob supplicia, quæ ibi anima damnata tolerabit; nam hoc certum habeamus, O mei! velim, omnes cruciatus corporis quam levissimos esse, si cruciatibus animæ componantur: Illi etenim accidentales tantum sunt; hi autem poenam essentialem constituunt; quam ut vobis nihil exponere valeam, robor mihi ac spiritum dari a Christo oro atque opto.

Ex eo, quod anima nostra in hoc seculo a sensibus magnopere pendet, fit, ut poenis spiritualibus minus quam corporalibus moveamur; cum tamen ipsa ratio persuadeat, levem animæ poenam gravi corporis poena multo graviores esse debere; idque ob Subiectum patiens, quod est spirituale & quod (ut sequitur) ob suam perceptionem dolorem longe vehementius sentit quam corpus; nam omnis cruciatus corporis ab animæ perceptione oritur: quod ipsum si cognoscere velitis, excarnificate (quantum libuerit) corpus vivum, at attonitum & malo apoplectico stupefactum, per quod anima a perceptione impeditur: Illud corpus certe nihil sentiet. Ex quo conficitur, ipsos corporis dolores pro ratione perceptionis animæ aut parum aut nullo modo affligere.

Animæ damnatorum jam nunc ignis tormento subjacent: Certum hoc ex Fide. Quomodo autem istud fiat, quis capiet, ait S. Augustinus (a a) Fides docet, tam demones quam animas damnatas igne torqueri: *Ita in ignem æternum* (bb) *qui paratus est diabolo & angelis ejus.* Igitur *Unus utriusque ignis erit sicut Veritas dicit.* At quomodo eos torquetur? Reponit Augustinus: *Cur non dicamus, quoniam miris tamen veris modis etiam spiritus in ore eorum posse pœnam corporeis ignis affigi? Si enim spiritus* (animæ) *hominum, etiam si profecto incorporei, & nunc*

potuerint includi corporalibus membris & tunc poterunt corporum suorum vinculis alligari: Adhærebunt ergo demones, licet incorporei, ignibus cruciandi . . . sed, ut dixi, miris & ineffabilibus modis adhærendo accipientes ex ignibus pœnam. . . Quin & iste alius modus, quo corporibus adhæret spiritus & animalia sunt, omnino mirus est nec comprehendi ab homine potest; Et hoc, ipse homo est. Sustinent ergo jam nunc & animæ damnatæ & sustinebunt damnandæ ignis pœnam modis omnipotentis Deo cognitis (quos dicendo explicare non possumus) sentientque inde majus tormentum, quam corpora inde sensura sunt, quando summa mundi die animabus suis conjungentur. Atque hoc tormentum animam quoad suam (ut sic dicam) substantiam atque Esse in perpetuum cruciabit.

Torquebitur autem illa præterea a potentiis suis, Intellectu, Memoria, Voluntate. Intellectus quidem pœnarum a damnato æternum tolerandarum gravitatem cognoscens &, quam ille harum loco parare sibi potuisset, felicitatem expendens tristissimam hanc & pœnæ promeritæ & immensæ fortunæ neglectæ cogitationem animæ incessanter proponet, qua illa plus, quam credi potest, torquebitur. Cogitate, quanto animi dolore afficiendi essemus, si, cum floridissimi regni alicujus habenas capessere potuissemus, ea occasione prætermissa in obscurum migrare carcerem compelleremur, nunquam inde exituri sed enim madore ac fame ibi conficiendi: Et si hujus neglectæ felicitatis cogitatio nos ita occupatos haberet, ut illa expelli e mente nullo modo posset; quam vehementi ægritudine exedendos nos fore putatis? Sic tamen res damnatorum sunt, quorum intellectui perditæ gloriæ & amissæ in æternum visionis divinæ cogitatio indelebilis hæret tantamque poenam affert, ut ei comparari alia nulla possit: *Perire a regno Dei*, ait S. Augustinus (cc) *exulare a civitate Dei, & inani a vita Dei, a tam magna multitidine dulcedinis Dei . . . tam grandis est pœna, ut ei nulla possint tormenta, quæ novimus, comparari.*

Z

Hnc

(z) Math. 10.

(aa) Lib. 21. de Civit. Dei. c. 9. n. 2. & c. 10. p. 2.

(bb) Ad Math. 25.

(cc) Eusebius. 2. 29.

Hinc cognoscet anima damnata, sibi omnem Dei obtinendi viam rationemque æternum præclusam esse; Et hæc est, O mei! poena illa, quæ infernum vere infernum esse facit & poena *essentialis* appellatur; quæ damnatis tanto gravior accidit, quanto minus comprehendendi in hac vita potest: & idcirco ab iis, qui modicæ fidei sunt aut qui, etiam si credant, gratia Dei deficiunt, parum aut nihili æstimatur; cum tamen poenarum omnium summa ac maxima sit. Verum ut poenam hanc non quidem pro dignitate sed enim pro captu mentis nostræ æstimare discamus, ponenda a nobis res tam certa, quam certe Deus existit: scilicet, quod Deus solus sit nostrarum inclinationum centrum, quæ non nisi in ipso solo acquiescere unquam possunt; nam cum ipse solus sit verus ultimus finis, necessario consequitur, usque dum hic obtineatur, veram quietem inveniri nunquam posse. Hinc fit, ut naturalia etiam Entia, quando a centro suo abfunt; in statu violento sint: Tanta nimirum est inclinatio, ob id *innata* dicta, qua res quælibet ad centrum suum seu finem suum, cujus causa condita fuit, fertur. Jam cogitate, quam vehementem poenam sensura sit anima, quæ certa ratione cognoscit, se non solum abesse a suo centro sed quam longissime abesse, immo esse se in statu memorato suo centro directe contrario: anima, quæ certissimum ac persuasissimum habet, sibi jam nullam centri sui obtinendi copiam ullo unquam tempore fore? . . . Sed cum argumentum hoc, utut robustissimum, nimis subtile atque abstractum esse videatur, edicite, heus! quantum avarus, ambitiosus, lascivus cruciantur, si quando uno temporis articulo facultatibus honoribusque cunctis & vili illa tantopere adamata creatura privatos se vident? Scimus ex factis historicis, quod, sicubi studium atque inclinatio in has res nimium increverit, alii præ doloris magnitudine in morbum incidunt: alii præ nimia mentis ægitudine moriantur aut usum rationis amittant aut violentas sibimet ipsas manus inferant. Quare istud? quia

se iis rebus spoliatos vident, in quarum frustione ultimum finem suum constituerunt; nam manet certissimum Theologorum axioma illud Fide ipsa suffultum: nimirum quod quivis mortaliter peccans ponat ultimum finem suum in voluptate, quam quærit; atque ob id ipsum maxime peccat, quia (quantum in se est) Deo characterem ultimi finis rapit: Et qui in statu peccati mortalis est, finem suum ultimum in voluptatibus suis habitualiter repositum habet. Jam sic argumentari lubet: Si privatio ultimi finis falsi, chimerici, perniciosi tantam afflictionem conjunctam habet, ut morbus mortemque asserat, ut homines ad insaniam, ad sui interfectionem adigat: quos, amaro! dolores amissio Dei veri finis ultimi, ut talis, evidenter cogniti pariet? Iniquis illis, finem suum in creatura constitutibus, superat spes aut illius obtinendi aut inveniendæ alterius rei, in quo illum sibi statuunt. At damnati sine suo ultimo exciderunt, & æternum exciderunt omni spe illius recuperandi, omni facultate alterius voluptatis, in qua finem suum statuunt, unquam habendæ sublati. O privationem! O inexplicabile poenæ genus! Omni mentis vi atque inclinatione ad centrum suum rapi, omnique simul vehementia repelli, ne invenire illud ullo unquam tempore liceat! Gravem profecto poenam, animo suo hanc semper cogitationem clare, quam clarissime propositam habere: Perdidi Deum, unaque beatitudinem; quin vel redeundi ad illum vel hac perfructu di facultas unquam futura sit! Heu vexatricem cogitationem! Heu cogitationem credelem, at jugem atque continuam!

Intellectui sese junget Memoria, & ipsa pro sua parte animam damnatam cruciatura; dum eidem voluptates ex offensis divini Numinis perceptas, ob quas maxime illa horrendas inferni poenas sustinet æternumque sustinebit, ob oculos continuo ponet: *Ad poenam suam*, ait S. Gregorius M. *servatur ei* (dd) *Et cognitio Et memoria*. Hæc; hæc est maestissima operum peccaminorum menti damnatorum indelebiter inhæ-

(dd) *Homil. 49. m. 8.*

inhærentium socia; Neque, quantum etiam illi conantur, poterunt amarissimam hanc male actorum recordationem effugere: *Opera tenebrarum*, ait S. Bernardus (ee) *sequuntur illos, nec est quo se abscondant ab illis. Hic est vermis, qui non moritur, a Propheta memoratus, memoria præteritorum. In æternum enim necesse est cruciet, quod perperam te gessisse in æternum memineris; Experiri hoc, erit sateri veritatem vocis illius: Arguam te (ff) Et statuum contra faciem tuam. Hinc anima damnata, conscientia patratas iniquitates (solam damnationis causam) referente ac exprobrante, ululabit atque infremet non habitura, quo accusatorem hunc molestissimum peccata admissa distincte atque ordinatim exponentem obmutescere faciat: Et statuet eam contra faciem suam. Immo ut miseris major afflictio accedat, eisdem Memoria illicitas, quibus fructi sunt, voluptates eam in finem objiciet, ut in harum comparatione tormenta graviora evadant.*

Memini me legisse in Suetonio, Neronem illud hominis portentum & vitiorem omnium colluviem, ut glosiostatem suam foveret magis, liquorem exquisitissimum confici jussisse, quo sitim restingeret: cumque eundem suo nomine insignem reddere vellet, *Decostam Neronis* appellasse. Accidit post hæc, ut dejectus a solio imperiali & ad statum oppido infelicem redactus, cum die quadam per vastos agros vagabundus erraret, siti ardentissima ureretur, quin aqua, qua se recrearet, in promptu esset. Prospiciens autem de longe tuguriolum eo iter tendit experturus, si parum aquæ ibi reperiret, incidensque in villanum egentem sitim, qua cruciabatur, exposuit, qui: En! inquit, potum quem præstare tibi possum, lacunam aquæ putrescentis digito communfrans. Ad quæ Nero non tam hominem quam bestiam mugitu referens, memor liquoris delicatissimi, quo usus fuerat: *Hæc est*, ait, *Decosta Neronis*? & ne præ siti inkeriret, large hausit. Jam, O mei! jam in inferno Nero est: Nonne putatis, eundem

in illis atrocissimis flammis *Decosta* suæ recordari? Et si quando post finalem resurrectionem etiam corpore tenus ibi erit, nonne eundem in illa rabida, qua torboretur, siti & inter insuavissimas potiones, quas ei dæmones subministrabunt, *Decosta Neronis* memorem futurum esse, ut majus supplicium sentiat, putatis? Ita profecto est, O mei! Ita & erit de omnibus damnatis; cum Memoria impressas atque infixas penitus habitura sit præteritas a Deo veritas voluptates; quæ cum poenis contrariis & congruis castigandæ sint, cogitate, quantis doloribus damnati ex hoc vel illo tormento ac cruciatio afficiendi sint, vivam maledictarum voluptatum memoriam retinentes? *Quia enim multa invenit ad culpam* (gg) ait S. Gregorius M. *novis inventionibus cruciatur in pœna.*

Hinc Voluntas quoque, tertius ac intimus tortor, multifariis & molestissimis odiis animam damnatam rodet: Odio in se ipsam; quod, ut immoderatis cupiditatibus suis obsequeretur, semet in miseriæ tam horribilis quam ineluctabilis statum redegerit: Odio in amicos & amicas scelerum complices: Odio in eos, qui non monuerunt aut correxerunt; cum tamen facere id debuissent: Odio in dæmones sævissimos pœnarum administratos: Odio in Beatos, cui devorans invidia de gloria, quam illi possident, succedet: Odio denique, O Deus! Odio in Deum ipsum, justum æternumque vindicem injuriarum acceptarum, de quibus illa pœnitere neglexit. Jam cogitate, quanto mœrore Voluntas, quæ (præterquam quod ab immoderatis affectionibus cunctis, quarum quævis modis omnibus eam cruciat, disleratur ac discerpatur) tot insuper tamque acerbis odiis corrumpitur, quin erumpere in res exosas possit, inmo & ab iisdem ipsis pati cogatur, quanto (inquam) mœrore Voluntas talis corripienda sit? Non est, O suavissimi! non est mens humana, quæ hoc genus supplicii capere possit: *Quid enim iniquis voluntatibus*, ait S. Bernardus (hh) *tam contrarium & adversum, quam semper co-*

Z 2

n/ri

(ee) Lib. 5. de Con'd. c. 12.
(hh) Lib. 5. de Consid. c. 12.

(ff) Psalm. 49.

(gg) Lib. 15. in Job. c. 20. v. 22.

nari & impingere semper in frustra? . . Quid tam parvum, quam semper velle, quod nunquam erit? . . In æternum non obtinebit, quod vult, & quod non vult, in æternum nihilominus subsinebit.

En! Habetis rudem atque impolitam poenarum animæ damnatæ imaginem; nam de æternitate tum poenæ damnatarum tum felicitatis beatarum animarum sequenti sermone agere decrevi. Ponamus modo, O mei! memoratas a me & corporis & animæ poenas omnes solo decem mille annorum spatium duraturas esse: Nunquid convertere curas nostras omnes eo deberemus, ut easdem effugeremus? Sed quid aliud ad eas declinandas requiritur, quam ut a peccatis mortalibus abstinemus? . . Edicite, num aliud quid Deus exigit, quam ut ne se mortaliter offendatis?

(ii) *Serm. 42. de Divers. n. 6.*



SERMO XXX.

In eadem Symboli verba: CREDO VITAM ÆTERNAM. De Bivio duplicis æternitatis felicitis & infelicitis.

Explicationem Symboli ultimumque illius articulum non sine maximo, quo fieri a me potest, fructu finiturus dicere ad vos de duplici æternitate (fortunata animarum, quæ salvantur: infortunata animarum, quæ damnantur) in hunc postremum sermonem distuli. Faxint Superi, me ope eorum adjutum de proposito argumento eum in modum differere, ut æternitas mentibus vestris insculpta atque impressa remaneat. Hac re certe fiet, ut laborum, quos in huius exigui Operis (qualecunque demum illud est) compositione devoravi, metam obtineam; quæ haud alia est, quam ut damnationem æternam effugatis & salutem sempiternam adipiscamini.

Ac primo quidem (Ut verum fatear) ea me cogitatio multum commovit, dicendum mihi de æternitate esse: Sed pertur-

An minus, quæso! an minus exigere potest? Si insignis benefactor hoc solum a vobis peteret, ut ne se graviter offendatis, nunquid in hac petitione stupesceretis? Et petitionem, de qua in mortali benefactore stupesceretis, in Deo Benefactore nihil curatis? . . . eam æternæ vestræ salutis causa faciente, ne in damnationem æternam incurratis! O corda humana! O animos cæcos! . . . Itaque ut vos contineam, ne Deum offendatis, cum S. Bernardo finiam: *Vivens igitur (ii) in infernum descende: percurrere mentalibus oculis tormentorum officinas: fuge scelera & vitia, pro quibus scelerati homines & vitiosi perierunt: habet odio iniquitatem & dilige legem Domini & in tam formidolosus mundinis sac, sarcinam tuam, odium peccati. Amen.*

batum oppido recreavit Augustinus (a) quem percurrans in hæc verba incidi: *Quidquid vis, dicis de æternitate: Ideo, quidquid vis, dicis; quia, quidquid dixeris minus dicis: Sed ideo necesse est aliquid dicas, ut sit, unde cogites, quod non potest dici.* Igitur æternitas, secundum suam essentiam accepta, definitur a Theologis simultanea ac stabilis perfecta que vitæ interminabilis duratio: *Æternitas est interminabilis vitæ tota simul ac perfecta possessio*, atque ob id a S. Augustino *Vita Dei* appellatur; quoniam æternitas de aliis rebus, præterquam de Deo solo, verificari non potest; nam consistit æternitas in vita, quæ sicut nec finem acceptura est ita nec initium habuit, sed semper fuit; idque necessario. Nam, qui non est, esse incipere nequit, quin ei ab alio detur: jam si Deus semper non fuisset; cum non sit, qui esse

ei

(a) *Enarr. in Psalm. 60.*

ei dedisset, profecto neque ipse neque res alia unquam fuisset. Itaque si nos & res cæteræ, quæ existunt, omnes Esse habemus, quod a Deo profectum confitemur; & Deus Esse accipere ab alio non potuit (nam tunc jam ipse non esset Deus, sed enim ille, a quo Esse accepisset) necessario inferendum a nobis est: Deum necessario semper extitisse *ab æterno*, quia unquam esse inceptit; atque ob id illum essentialiter planeque æternum (hoc est sine principio, sine fine) esse.

Ex manifesto hoc evidentique ratiocinio statim colligitis, O mei! æternitatem, secundum hanc infinitam durationis extensionem, de Deo solo posse verificari; namque æternitas præter durationem infinitam (scilicet tam quod principium non habeat: id quod Theologi a *parte ante* vocant, tam quod finem habitura non sit: id quod Theologi a *parte post* dicunt) præter durationem infinitam, inquam, necessario etiam independentiam ab omni re postulat; ex quo comprobatur, quod, qui eo modo essentialiter æternus est, quo æternus est Deus, a re nulla in suo Esse pendeat, quamvis ab ipso res aliæ omnes pendeant. Interponere hæc volui, ne (si quis adesset philosophorum metaphysicorum) mihi obijciat: Entia permanentia etiam ex scholæ Thomisticæ placito cum Deo *ab æterno* existere potuisse; cui etsi (admissa hac hypothese) quoad durationem æqualia, tamen quoad independentiam inæqualia essent; nam a Deo usque adeo *ab æterno* Esse suum accepissent eo scire modo, ut acute observat S. Augustinus (b) quo, si pes quidam in pulvere *ab æterno* fuisset, vestigium ab illo impressum pedi coæternum quidem fuisset, sed tamen a pede pependisset: Si pes ex æternitate semper fuisset in pulvere, semper ei subisset vestigium, quod tamen vestigium nemo dubitaret a caleante factum, nec alterum altero prius esse, quamvis alterum ab altero factum esset: sic & mundus si semper fuisset semper existente, qui fecit; & tamen creatus fuisset. Hæc iis dicta sunt, qui ingenio tantum valent, ut memorata ob-

jicere sciant. Pergamus igitur & confiteamur, res omnes realiter esse incepte, neque esse rem ullam dicto modo æternam, scilicet sine principio.

Igitur cum æternitas in Gloria juxta ac Damnatione obtinere debeat, conficitur, illam accipi a *parte post* debere: scilicet quod finem solum habitura non sit. Et præterquam quod animæ immortalitas argumentis philosophicis comprobetur, multo majori insuper cum certitudine eandem Fides profitetur, innumeris tum veteris tum novi Testamenti locis suffulta. E veteri sunt: *Iusti autem in perpetuum vivent* (c) *In æternum exultabunt* (d) *Fulgebunt in perpetuis æternitates* (e) *Ibi homo in domum æterni ætis sue* (f) *Hæredi as eorum in æternum erit* (g) Et quæ sunt alia mille loca de viâ beata: Audiamus modo aliquot testimonia de vita infelici: *Tenebræ & palpatio facta sunt super speluncam usque in æternum* (h) *Ignem succendisti in furore meo, usque in æternum ardebit* (i) *Dabo vos in opprobrium sempiternum & in ignominiam æternam* (k) *Perditus eris in æternum* (l) *Qui dormiunt in terrâ pulvere, evigilabunt; alii in vitam æternam; alii in opprobrium, ut videant semper* (m) Et ut reliqua præteream, auscultemus Jobo roganti, ne iret ad terram tenebrosam & overtam mortis caliginē, ubi umbra mortis & nullus ordo sed sempiternus horror inhabitat (n) Novum dein Testamentum tam multa immortalitatis animæ habet testimonia, ut dici queat, quovis fere capite illa occurrere.

Itaque non interibimus unquam, O suavissimi, sed, utcumque mori debeamus, anima nunquam morietur; cum immortalis sit (ut Sermone XXVI. monui) & corpus in extrema mundi die suscitatum e cinere animæ conjugendum sit, ut nunquam amplius separentur; prout in eodem Sermone XXVI. demonstravi: Durabimus ergo in æternum, & dum Deus erit. At quam diversa quamque inter se contraria erit hominum post hanc vitam fors, quin post extremum diem status medius futurus sit) nam in illa die

Z 3

(b) Lib. 10. de Civit. Dei c. 31.

(c) Sapient. 5.

(d) Psalm. 5.

(e) Daniel. 12.

(f) Eccle. 12.

(g) Psalm. 36.

(h) Isaie 32.

(i) Jerem. 17.

(k) Jerem. 23.

(l) Deuter. 28.

(m) Daniel. 12.

(n) Job. 10.

die Purgatorium cessabit quam diversa (inquam) quamque contraria! Erit horum aut fors beatissima claræ cognitioni & fruitioni Dei & reliquis deliciis sanctis, quas Sermo XXVII. & XXVIII. exposui, conjuncta: aut fors pessima incomprehensibilium poenarum, quas præterito maxime sermone descripsi: At erit (quod cetera omnia superat) fors æterna, fors nunquam, nunquam, nunquam finienda. Atque hæc duorum istorum statuum æternitas beatis juxta ac damnatis animabus necessaria est; nam si æternitas hæc non esset, animæ beatæ jam non felices, nec animæ damnatæ jam infelices essent; nam felicitas, utut maxima, tamen si finem accipere aliquando debet, facit, ut eadem fruens anima fruitionis suæ terminum expectet; eaque ratione stabilem quietem illam, quæ ad beatitudinem requiritur, tollit: Et contra infelicitas, utut summa, quæ finienda est, tollit desperationem, qua damnatio potissimum completur atque perficitur.

Jam ut quodammodo intelligatis, quid sit æternitas, quid sit *Eniri-nunquam*, fingite mundi hujus maximi ingentem ambitum milio refertum esse & hujus unum unicum granum quovis millesimo anno ab avicula auferri: Expendite quot miliones & miliones annorum fluxuri essent, donec ille propemodum infinitus granorum numerus auferretur in auras & hac ratione mundi immensa spatia omni memorato milio vacua redderentur? Quis est tam peritus arithmetices, ut memoratos annorum miliones (nam essent quasi infiniti granorum miliones) computare possit, si unum solum granum quovis anno millesimo auferendum esset? Nunquid hæc annorum series erit menti humanæ non dinumerabilis? Ita profecto: Et tamen certissimum manet, hanc milii massam (quippe finitam) tandem aliquando post secula & secula, post miliones & miliones annorum ac seculorum evacuantem fore. Jam vero si hanc sententiam in damnatos Deus pronuntiaret, infernus jam non tanti horrores tantæque desperationis locus esset;

Dicerent enim infelices illi: Accipient aliquando finem poenæ. Verumenimvero certissimum atque exploratum manet, memoratos miliones seculorum fugituros & mundum universum dicto milio vacuandum esse, quin miseri illi suppliciorum suorum finem habituri sint: immo tunc pati de novo incipient; nam ubi nullus finis, ibi nova semper initia. Sic in contrarium de Beatis seutatis velim; Etenim si felicitas eorum post memoratos miliones & miliones seculorum finienda esset, certe beatitudo eorum tanta esse desineret; nam dicerent: Finietur felicitas nostra, & quamvis per innumerabilium seculorum spatia protrahenda sit, tamen finietur: Atque hac cogitatione quies illis & omnimoda pax, quæ perfectæ beatitudini propria est, eriperetur. Hinc quemadmodum æternitas seu *To Eniri-nunquam* in Beatis perpetuæ possessionis securitatem & gaudium omnimodum parit: ita Damnatis continuam desperationem asserit, qua devorantur, quin unquam consumantur. O æternitas, O æternitas!

Sed ut hoc *Æternum*, hoc *Semper*, hoc *Nunquam* aliis mentibus vestris imprimam atque inculpam, jam aliud quid ponamus. Estis, O auditores mei! qui hic adestis (quantum spero ac opto) sani bonaque valetudine: satis bene assidetis: multa commoditate utimini; Fingite modo Angelorum aliquem e cælo descendere missum a Deo, ejusque nomine & iusta jussione vobis denunciare: Nemini fas esto toto illo millionum & millionum seculorum spatio, quæ fugitura sunt, usque dum tanta vis milii, quanta implendo toto orbi par, modo ante a me dicto ab avicula evacuata fuerit, toto (inquam) hoc spatio nemini fas esto exire de templo aut movere se de loco aut corporis situm mutare. Heu! quale hoc nuncium foret, etsi illud peccatis nostris oppido meruissimus: peccatis, quibus poenæ infernalis, quæ multo gravior est, reos nos fecimus. Heu! Manere in Ecclesia debere, quin movere nos de sede, de subsellio: quin extendere brachia, consistere in pedes, aut circumferre caput:

caput: quia ullo movere nos modo liceat! ... Et hoc tamdiu, donec mundus milio confertus exinaniatur ab avicula, unum solum granum millesimo quovis anno ablatura! O cruciatum! O poenam! O tormentum! At estis sani, at bene & commode sedetis: Simus sani &c. Ast tanto temporis & seculorum menti humanæ innumerabilium spatio situm corporis mutare non posse! Ast sic per insuista propemodum annorum millia manere! Deus meus! Qualis hæc poena. . . . Sed substituite paulisper & mentes vestras ad dicenda attendite: Quanto gravior poena hæc foret, si toto hoc quasi infinito seculorum decursu omnes insuper ac continuos dolores cholicos, iliacos, nephriticos, podagricos, arthriticos, calculi & reliqua mala a morbis, quos quotidie videmus, effici solita cuncta tolerare deberetis? Heu! quæ ac quanta poena hæc foret. . . . Et tamen, (O æternitas inferni! si te mortales nossent) Et tamen hos ac reliquos atque etiam ignis dolores damnati sentiunt, qui hos omnes pro nihilo reputaturi essent, si poenarum ingenitas æternitas cum illa immensa millionum & millionum seculorum diuturnitate commutaretur; nam tum certum haberent, finem demum adfore: cum jam supplicia illorum nunquam, nunquam, nunquam finienda sint. O æternitas! O æternitas, si te mortales nossent!

Pergamus in coepta hypothesi: Edicite, O mei! quid non offerretis, ut a priori illa poena (scilicet toto illo innumerorum seculorum intervallo non exeundi de Ecclesia nec corporis situm mutandi) vos redimeretis: immo quid non offerretis, ut ne omni illo immenso temporis spatio acerbissimos, quos commemoravi, dolores illos perpeti cogere-mini? Edicite! Quid non eligeretis, ut pristinæ vos libertati redderetis & atrocissimos illos dolores omnes evitaretis? . . . Ego quidem sic existimo: vos vobiscum reputuros esse, quidquid in hoc seculo possidetis, id omne in recuperanda libertate ac dolorum vacatione obtinenda bene collocatum iri; & libenti animo vos cuncta dimissuros arbi-

tror, dummodo dictarum poenarum omnium immunitatem consequi vobis daretur, quæ, utut haud æternum, attamen imperceptibili temporis spatio, duraturæ essent.

Prosequamur nostram hypothesin, appositam illam oppido. Ponite Angelum hunc post denunciata, tam diuturni in Ecclesia arresti & immobilitatis in eadem, poenam similiter Dei nomine edicere: Quisquis subtrahere se huic poenæ cupit, has illasve actiones bonas facito; e. g. Viri, dum vivent, nunquam amplius in faciem femine: femine in faciem viri posthac deliberato non aspiciunto; Omnes semel per hebdomadam in pane & aqua jejuntanto; Omnes a proæreticis rerum peccaminosarum desideris ac complacentiis abstinento: Quicumque hæc non ferverint, ii memoratas poenas per dictos seculorum milliones incurrendi periculum subeunto. Jam ad vos convertor, O mei! atque ex vobis quero: primum quidem, utrum conditiones has pro dicta poena declinanda propositas acciperetis ac probaretis? deinde utrum post acceptas conditiones, ultro vos comminatam ab Angelo poenam incurrendi periculo objiceretis? . . . Quid ad ista reponitis? . . . Pater! respondere mihi videmini, quis tam amens sit ac stupidus, ut pro declinanda tam horribili poena adductas conditiones accipere nolit: De periculo vero ob neglectas conditiones eandemmet poenam incurrendi; quis tam insanus sit, ut illas conditiones, cum periculo in poenam tam horribilem incidenti, fervere detrectet?

Jam missa hypothesi hac omni ad ea, quæ de Fide sunt, revertamur, O mei! Non Angelus a Deo missus sed enim Deus ipse, non poenam (ut per tot seculorum milliones, qui tamen finem accepturi essent, immobiles maneamus) sed profecto poenam (ut tota, quanta est, æternitate ac sine fine inferni ignita voragine demersi jaceamus) denunciat. Hanc incomprehendendam poenam Deus omnibus mandatorum suorum violatoribus denunciat; eandem autem declinare volentibus hanc conditionem proponit,
ut

ut legem suam fideliter observent. Denunciat nimirum & proponit res ejusmodi, quæ omnes adjuvante sua divina gratia, (quam penitentibus daturum se promissit) facile complentur: quæ omnes cum ratione consentiunt: quæ omnes e decore sunt: quæ omnes honestos nos viros faciunt: quarum violatio violatores brutis similes reddit. Denunciat pariter idem Deus: eum, qui has non observat, præsentissimum periculum incurrere eundi in infernum, nunquam inde, nunquam exiturum. Certe mundus hic nillo vacuaretur, si quovis millesimo anno granum unicum ab avicula asportaretur: At hoc etiam vacuato, quisquis in inferno est, manere ibi debet; immo ibi esse semper incipiet, quia ibi æternum & semper esse debet, quin unquam exiturus sit. Et tamen, O Deus! & tamen reperire est permultos Fideles, qui propositam de Numinis lege observanda conditionem infringentes in præsentissimo infernale poenas incurrendi periculo continuo versantur; & nihilominus hilariter ac jucunde agunt, ac si Deus tremendam illam poenam non denunciasset: ac si ipsi in continuo eandem incurrendi periculo haud essent. Proh dignam lacrymis cæcitate! Habent quotidie ante oculos variorum mortis improvisæ genera: vident quotidie tot & tot hominum paucarum horarum aut dierum spatio vehementibus morbis vivorum e numero rapi. Hæc vident (inquam) & tamen, utut peccatorum mortalium rei, nihil curant, nihil recogitant; cum tamen inferni in faucibus hæreant. Ah! novi, novi eos fatua longioris vitæ & habendi ad prænitendum tui poris spe decipi atque ad peccata continuanda seduci: Sed percipite, quid æternitatis cogitatione exterritus S. Joannes Chrysostomus moneat (o)

Necesse est, ut moriamur & resurgamus omnino & judicemur ac puniamur: Immo hoc postremum, id est puniri, non omnino necesse est, si voluerimus: Mortis enim nostræ, resurrectionis etque judicii nos non sumus domini sed Dominus noster: Ad dandam autem penam an non nos sumus Domini? Hoc enim est ex cessabilibus, & si voluerimus, impossibile istud

faciemus; nam licet innumera deliquerimus, possibile tamen est, ut repareremur, quando adhuc hic sumus. Repareremur igitur nos ipsos: Et senex quidem recogitet, quod parvo post tempore hinc emigraturus sit . . . recogitet, quod possit in brevi hoc tempore hoc totum abluisse. Adolescens expendat, quam incerta mors, & quod sæpe adolescens ante senes mortui sunt . . . Unde Sapienter edmonet: Ne moreris converti ad Dominum; Periculum enim & metus est in differendo, salus vero certa atque secunda, si nulla sit dilatio. Neque dicas: Erit aliquando tempus, quando converti licebit: Verba enim hæc Deum volte exasperent. Currant, cum ipse infinita tibi secula promisit, tu in præsentivita laborare non vis, quæ parva & momentanea est; sed sic marcidus ac dissolutus agis, quasi hæc brevior aliquid quamdam inquiras? Quid! Nonne illæ quotidianæ comestiones, illæ mensæ, nonne illa sortita, nonne theatra illa, nonne divitiæ illæ id testantur? Quamdiu, quasi sint, illa amas? Quamdiu habes inexplibilem malitiæ concupiscentiam? Cogita bene, quoties scortatus es, toties condemnasti te ipsum; peccatum enim iis ea habet, ut mox atque patratum fuerit, divinus sententiam ferat Iudex. Siste igitur gradum, verte te in diversum: confitere Deo gratiam, quod non in mediis peccatis te abstulit . . . Multi . . . subito perierunt & ad manifestum judicium abierunt. Time, ne & tu patiaris, inexcusabilis! Sed, dices, multis iniquis dedit Deus privilegium, ut in ultima senectute confiterentur. Quid igitur? Nunquid & tibi dabit? Fortasse dabit, inquis: Cur dicis, Fortasse? contigit aliquoties. Cogita, quod de anima deliberas; proinde etiam de contrario cogita & dic: Quid autem, si non det? . . . Si autem semper cessas, ob hoc sæpe non accipies. Certe in bellum egressurus non dicis: Non est opus, ut de rebus meis dissonam, fortassis redibo; neque de nuptiis delibans dicis: Accipiam uxorem pauperem; multi enim & sic præter spem ditati sunt; neque domum extruens: Subjiciam fundamenta putrida; malitæ enim & sic consistere domus. De anima autem agens, apprehendis putrida dicens: Fortassis; Et sæpe evenit; Et contigit aliquando;

(o) *Hom. 22. in 2. Epist. ad Corinth.*

do; teque incertis tradis. Hic est sermo S. Joannis Chrysostomi, quo manifestum redditur, eos, qui talia dicunt, nec curare animam suam nec poenarum, quibus se miseri obijciunt, æternitatem comprehendere.

Et quamvis Viri hujus sancti magnique doctoris ratiocinatio aliis observationibus nequaquam indigeat, cum per se manifesta sit; tamen vosmetipsos veritatis hujus judices compello. Nunquid diceretis, patrem cordi habere natum, quem pro quovis animi impetu abripi se permittens submersionis periculo offerret? Nunquid diceretis, maritum amare uxorem, quam ægrotantem medicamentis fovere, esurientemve cibare negligeret? Nunquid diceretis, litis victoriam cordi esse ei, qui neque necessaria documenta exquirat: nec jurisperitorum consilia petat: nec quæ ad litem bene instituendam de jure requiruntur, agere vult? Neutiquam profecto. Contra libere diceretis: hunc genitorem videre filium suum submersum velle; hunc maritum uxoris mortem nihil curare; hunc clientem cadere causâ suâ velle. Jam, edicite, num aliter mortaliū plurimi & fors multi vestrum, Auditores charissimi! quod ad animas vestras & salutem æternam spectat, agitis? Edicite! Nunquid animas vestras pro qualibet peccaminosa voluptate damnationis periculo obijcitis? Nunquid easdem peccatorum mortalium ulceribus ex toto confitis ac languescetes per poenitentiam seriamque & doloris plenam Confessionem confanare negligitis? Nunquid, cum judicium Dei quovis momento vobis, quippe quovis momento morti obnoxii, immineat; tamen causam vestram apud inappellabile illud ac severissimum tribunal bene instituire nihil curatis, in præsentissimo versantes discrimine cadendi causâ illâ maximâ, in qua de æternitate, de *eo Nunquam amplius* deque eo agitur, ut semper, quamdiu Deus existet, summa vel felicitate fruamini vel miseria omnium maximam sentiat? . . . Quid hoc aliud, quam perpetuum et paradiso proserptionem sibi quasi ex proposito parare? Quid hoc aliud, quam

P. Cunctis Catechista.

de industria infernum emere? Proli *cogitate, quod de anima deliberatis*: quod de animabus vestris, de vobis totis deque eo agatur, ut aut beati tota æternitate aut tota æternitate miseri sitis: *Cogitate, quod de anima deliberatis.*

Immo (Repetam cum S. Joanne Chrysostomo) cogitate, Deum toties, quoties mortaliter peccavistis, in flagranti aut priusquam Confessionem pergissetis, tollere vos e vivis & præcipitare in infernum potuisse: quod cum factum non sit, quemadmodum infinitam illius erga vos misericordiam commendat, ita majorem vobis metum incutere debet, ne (sin minus confestim resipiscatis) talem illæ in vos adhibere misericordiam cesset tempusque poenitentiae neget; unde vos infernalibus flammis corripiamini: *Confite Deo gratiam, quod non in mediis peccatis te abstulit: multi subito perierunt; time, ne & tu hoc patiare, inexcusabilis!*

Atque ut inestimabile hoc beneficium cognoscatis ac confestim reverti ad Dominum in eumque vos statum, in quo & poenas æternas devitare & æternam consequi beatitudinem possitis, mox restituere decernatis; singite, quæso! Deum per absolutam suam potentiam damnatorum aliquem a poenis inferni liberare & huic eum seculo redere, ut in statu viatoris rebus suis prospicere possit, sive vita sancta Paradisum sibi promeriturum sive vita mala poenæ infernalis incurrendæ periculum de novo subiturum. Putatisne, O mei! hunc singulari adeo privilegio donatum ad pristina reditionum scelera, an vero vitam christiano vere dignam ducturum esse? Stupetis, ut video, in hac mea interrogatione: Hem! reponitis, quis dubitet, quin homo tan miro modo liberatus sancte acturus sit, ut ne unquam in illam æternam calamitatem recidat. Benedicitis, vobisque & ego assentior: Sed interrogare ulterius lubet. Quidnam majoris beneficii loco reponitis: an liberare aliquem ex inferno eo jam præcipitatum; an impedire, ne aliquis inferno dignus in infernum eat? Quodnam majus beneficium: an permittere, ut quis in vincula detur & datus eisdem ex-

Aa

fol-

solvatur; an vero imperdire, ne quis, vinculis oppido dignus, in illa omnino non conciciatur? . . . Et si qui, postquam in custodia missus est, ea liberatur, sic vivere debet, ut illam amplius non promereatur; Nunquid etiam is, qui eandem promeruit & in eam summo beneficio missus non est, sic emendare se in melius debet, ut commitorum vinculorum labem abstergat.

Et ecce! sic admodum se res nostræ habent: Quisquis mortaliter peccavit, toties æternas inferni pœnas conmeruit, quoties peccavit; At Deus ob infinitam suam misericordiam illum non condemnavit, pro eo ut iuste condemnare potuisset. Et hic talis misericordissime liberatus planeque admirabilis misericordiæ (quod in infernum detrusus haud sit) particeps factus non confestim expiari poenitendo reatus debeat, quibus damnationem sibi accivit? Deberet ille, ab inferno liberatus & huic seculo redditus, sic vivere, ut illuc nunquam rediret; & is, qui per summam misericordiam ab inferno servatus est, non sic vivere debeat, ut istius pœnæ reus haud amplius fiat? Eset dignus execratione ille ab inferno liberatus, si eam vivendi rationem denuo capesseret, qua novo damnationis periculo se exponeret; & dignus abominatione non sit servatus ab inferno, si sic vitam agit, ut se inferno indies magis dignum reddat. Ah auditores dilectissimi! *Constituamur Deo, quod non in mediis peccatis nos abstulerit.* Nam multi sine poenitentia e vivis sublati & æternum damnati sunt: *Multi enim subito perierunt.* Itaque de tanto beneficio agamus grates, laudemus & sine fine benedicamus Dominum, idem decernentes, quod de Gedeone populus Israeliticus decrevit.

Hoc quid fuerit, coronidis loco aperiam: Vexabatur itentidem per annorum septem spatia a Madianitarum regibus populus Israelis & in eas redigebatur angustias, ut habitare in speluncis ac cavernis terræ cogere-tur, ne rebus suis (uti sæpius evenerat) omnibus spoliaretur. Commotus tandem

miser cordia Dominus ducem elegit Gedeonem, qui populum Judæorum ab Madianitarum excursionibus liberaret. Id quod adversus hostes vir ille maximus variis stratagematis præstitit, adeo ut isti Israellem vexare amplius ausi non sint. Videns igitur populus se ab hostium vexationibus & continuis periculis liberatum esse, communi consensu Gedeonem adiit, dicens: *Dominare tu nostri (p) quia liberaisti nos de manu Madian.* O mei! Sunt tituli indispensabiles, quibus adigimur, ut Deum pro Domino agnoscamus; nam ab ipso & creati, & redempti sumus & plurima dona accepimus: At si hæc omnia non essent; an non hoc ipsum (quod nos toties, quoties mortaliter peccavimus, ab æternitate inferni liberavit) ad hanc agnitionem quam vehementissime commovere debet? Ita profecto, O Deus meus! Ita: primum de tam magna misericordia, quam in nos quidem, contra in multos alios non adhibuisti, immensas tibi grates agimus: scilicet quod nos non præcipitaveris in infernum impo-nitentes & nos a tanto nostri ipsorum interitu benignissime servaveris: Sumus subditi tui; idque necessario, quia a te creati: Sed & nostra sponte subditi tui esse volumus, ut incomprehendendo huic beneficio respondeamus deque eo nos gratos præbeamus: *Dominare; Ita dominare tu nostri, quia liberaisti nos de manu inferni.* Quare si quisquam est hos auditores meos inter, qui culpa mortali gravatam conscientiam habet atque ob id infernalibus pœnis dignus est, tua, O Deus meus! gratia effice, ut statim ex animo delect: ut quamprimum per contritionis plenam Confessionem se tibi reconciliatum eat & magnum sibi collatum beneficium mente recogitet; scilicet quod adhuc poenitendi tempus habeat, nec jam infernali in carcere ardeat. Hinc etiam ipse statim corde contrito dicat: *Dominare tu mei, quia liberaisti me de manu inferni,* nec differat, quia (uti a Chrysofomo audivisti) *periculum est in differendo; salus autem, si nulla sit dilatio.*

P A R S

(P) Jud. 6. v. 6.

P A R S S E C U N D A

D E

S A C R A M E N T I S.

Post Symboli explicationem Catechismus Concilii Tridentini quam convenientissime ad Sacramentorum interpretationem progreditur; nam cum in Symbolo mysteria, quæ credenda sunt, præcipue mysterium redemptionis humanæ explanetur, & hujus redemptionis valor ac fructus per Sacramenta animabus nostris applicetur (Etenim per Sacramenta gratia sanctificans vel confertur vel augetur, qua sola ceu remedio indispensabili salus æterna, scopus redemptionis, obtinetur) ob id rerum ordo atque convenientia postulabat, ut Symboli explicationem explicatio Sacramentorum exciperet.

S E R M O X X X I.

Explicantur ea omnia, quæ ad Sacramenta in **GENERE** pertinent.

NE miremini, O mei! si primum id agò, ut, quid Ecclesia voce *Sacramentum* velit, intelligatis; nam, ut S. Augustinus (a) monet, *liberis verbis loquuntur Philosophi nec in rebus ad intelligendum difficillimis offensionem religiosorum aurium pertimescunt: Nobis autem ad certam regulam loqui fas est, ne verborum licentia etiam de rebus, quæ his significantur, impiam gignat opinionem.*

Vox *Sacramentum* vetustissima est semperque in honore habita fuit etiam ante adventum Christi; quippe qua & a Gentilibus semper actio aut symbolum aliquod respectu rei alicujus sacræ significatum fuit, uti in Varrone (b) in Cicerone (c) in Vegetio (d) aliisque scriptoribus videre est. Hac eadem voce pariter Scriptura sacra ad rem

aliquam sacram, arcanam, occultam, & quandoque etiam malam, dummodo occultam, denotandam utitur; prout ex Apocalypsi (e) liquet, in qua habita a Joanne meretricis & bestię eam vehentis visio *Sacramentum* appellatur. Verum ut reliquis vocis hujus significationes omnes prætermittam, per verbum *Sacramentum* Ecclesia, quam post SS. Augustinum & Thomam Theologi omnes sequuntur, intendit significare rem sensibilem, gratiæ qua anima sanctificatur, indicem: Hinc S. Augustinus: *Signa, cum ad res divinas pertinent, Sacramentum* (f) *appellatur, & de Cornelio centurione, qui utut justificatus Baptismum accepit, loquens: Non ideo Sacramentum contemnitur, quod gratiam Dei jam accepit; sed multo certior baptizatus est, ut etiam ipsa sancta signacula,*

A a 2

(a) Lib. 10. de Civit. Dei. c. 23.

(b) Lib. 8. de ling. Lat.

(c) Lib. 11. de officiis

(d) Lib. 11. de re milit.

(e) cap. 17.

(f) S. Aug. Epist. 127. & expos. inposita.

Epist. ad Roman.

quorum res (scilicet gratia) jam in ipso præcesserat, percipere non moraretur. Et S. Thomas (g) ait: *Sacramentum est signum rei sacrae, in quantum sanctificat animam*. Sic e. g. in Baptismo aqua signum sensibile est, quæ modo præscripto adhibita lotionem animæ a peccatis (quæ lotio per gratiam efficitur) significat.

Et quoniam nobis de Sacramentis novæ legis sermo est (Nam Sacramenta quædam, ex quo primus mortalium peccavit, semper fuerunt) ob id cum S. Thoma observare debemus, quod nostra Sacramenta tria significant: rem præteritam, scilicet Passionem Christi: rem præsentem, scilicet Gratiâ, si digne suscipiuntur: rem futuram, scilicet Gloriam: *Sacramentum est signum rememorativum ejus, quod præcessit, scilicet Passionis Christi; & demonstrativum ejus, quod in nobis efficitur per Christi passionem, scilicet Gratiâ; & prognosticum, id est prænuntiativum futuræ Gloriæ (h)*

Sacramenta sunt signa (uti diximus) gratiam, quæ nobis in digno eorum usu conferunt, indicantia; at signa non jam naturalia aut necessaria gratiæ, sed ex Dei beneplacito instituta: quod ut intelligatis, cum S. Thoma (qui suam de his doctrinam a S. Augustino sibi accepit) observare debetis, esse signa, quæ naturaliter aliquid significant: Ita fumus ignem, vestigium bovis pulveri impressum bovem repræsentant; & hæc signa a S. Augustino (i) vocantur *signa naturalia, quæ sine voluntate atque ullo appetitu significandi, præter se, aliquid aliud ex se cognosci faciunt*. Sunt præterea alia signa, quæ eatenus significant, quatenus alterius beneplacito determinavit, ut hoc vel illud significant. Sic e. g. talis classici cavendi modus significat, eundem in certamen: alius modus, pedem referendum: iterum alius, quietem capiendam esse &c. Et hæc signa a S. Augustino appellantur *signa data, quæ sibi quæque viventia invicem dant ad demonstrandos, quantum possunt, motus animi sui vel sensa aut intellecta qualibet*: Uti si amicorum itinerantium societas in id condice-

ret, ut hostile recta in aerem elevatum significet, paululum subsistendum esse; aut in terram transverse actum prandii tempus, aliaque denotet: S. Augustino consentit S. Thomas. Jam Sacramenta sunt signa data, nimirum instituta ex beneplacito Christi; nam cum signa gratiæ sint, uti monui: gratia autem a nullo, nisi ab ipso qua Deo conferri possit; hinc nulla res est, quæ signum gratiæ naturaliter esse queat. Ob id oportuit a Christo ejusmodi res institui, ad quarum usum gratia ab ipso concederetur.

Ex hoc apparet, Sacramenta esse signa non solum speculativa (scilicet re verâ ad cognoscendam gratiam ducentia) sed esse signa practica & operantia id, quod significant; nam præterquam quod gratiam, quæ a Deo (ut causâ principali) infunditur, nobis manifestent, eandem etiam efficiunt seu causant tanquam instrumenta omnipotentiae Dei, quibus ille ad gratiam nobis infundendam utitur. Hinc S. Augustinus (k) de Sacramentis nostris loquens & eadem cum Sacramentis veteris Testamenti comparans, *Sacramenta non eadem, ait, quæ alia sunt Sacramenta danti salutem, alia promittenti Salvatorem: Sacramenta novi Testamenti dant salutem, Sacramenta veteris Testamenti promiserunt Salvatorem*.

Convenientissimum fuit, Sacramenta a Christo in rebus sub sensu cadentibus institui; cujus rei egregiam hanc causam S. Thomas (l) assert: *Sapientia divina unicuique rei providet secundum suum modum. . . Est autem homini connaturale, ut per sensibilia perveniat in cognitionem intelligibilem: Signum autem est, per quod aliquis pervenit in cognitionem alterius. Unde cum res sacrae, quæ per Sacramenta significantur, sint quadam spiritus & intelligibilia bona, quibus homo sanctificatur; consequens est, ut per aliquas res sensibiles significatio Sacramenti impleatur*.

Res sensibiles, ex quibus Sacramenta consistunt, sunt tum res seu actiones sensibiles quæ adhibentur, tum verba quæ in Sacramentorum administratione proferuntur. Res seu actio sensibilibus vocatur *Materia*: Verba, quæ proferuntur, vocatur *Forma*. In bapti-

(g) 3. Part. qu. 60. art. 2. (h) 3. Part. qu. 60. art. 3. (i) Libr. 2. de Doctr. christ. c. 2.
(k) In Psalm. 33. (l) 3. Part. qu. 60. art. 4.

baptismo e. g. aqua naturalis est materia remota: actio lavandi illa corpus est materia proxima. Verba prolata: *Ego te baptizo in nomine Patris & Filii & Spiritus sancti*, sunt forma. Et sic in reliquis Sacramentis omnibus, prout suo loco videbimus. Materia dividitur in remotam & proximam: Remota materia est res, quæ adhibetur, e. g. aqua in baptismo; proxima materia est usus ipse rei e. g. ablutio, scilicet actio, qua corpus baptizandi lavatur.

Nefas est, alias materias aut alia verba seu formas, quam ab Ecclesia præscriptas, adhibere. Omnis hæc in re advertenter facta mutatio peccati noxam habet: Et si mutatio substantialis foret, scilicet materiæ (uti si in baptismo loco aquæ vinum sumeretur) aut formæ, adeo ut sensus verborum corrumperetur; præterquam quod talis mutatio graviter peccaminosa est, insuper Sacramentum irritum atque invalidum facit. Atque ob id attendi oppido debet, ut Sacramenta modis ab Ecclesia constitutis administrantur. Sed neque materiis aut formis probabilibus uti licet, sed solæ ab Ecclesia determinatæ adhibendæ sunt: Unde Innocentius XI. contrariam doctrinam in sequenti propositione condemnavit: *Non est illicitum in Sacramentis conferendis sequi opinionem probabilem de valore Sacramenti, relicta tutiore &c.*

Quo loco sciendum, Jesum Christum omnium Sacramentorum nostrorum institutorem fuisse, uti Concilium (m) Tridentinum dogmaticè definitivè: *Si quis dixerit, Sacramenta novæ legis non fuisse omnia a Jesu Christo Domino nostro instituta . . . anathema sit.* Observandum tamen, nullorum Sacramentorum (uti Baptismi, & Eucharistiæ) materiam ac formam (scilicet rem, quæ adhiberi: & verba, quæ proferri debent) Christum ipsum determinasse; aliorum deinde Sacramentorum materiam ac formam Apostolis & Ecclesiæ determinandam reliquisse, dummodo materia & forma eorundem essent signum sensibile, significans gratiam conferendam: id quod monebo, ubi de quovis Sacramento sermo specialis erit.

(m) *sess. 7. can. 1.* (n) *Loc. cit.*

(q) *Lib. 19. contra Faust. c. 11.*

(o) *Loc. cit. c. 3.*

(r) *3. p. qu. 62. a. 2.*

(p) *Sess. 13. c. 2.*

(s) *Sess. 7. can. 6.*

Sacramenta a Christo instituta septem numero sunt, nec plura nec pauciora; id quod denuo laudatum Concilium (n) dogmaticè definitivè: *Si quis dixerit, Sacramenta novæ legis . . . esse plura vel pauciora, quam septem (videlicet Baptismum, Confirmationem, Eucharistiam, Penitentiam, Extremam-Unionem, Ordinem & Matrimonium Fidelium) aut etiam, horum septem aliquod non esse vere ac proprie Sacramentum, anathema sit.*

Ex hoc ipso Sacramentorum tum dignitas tum vis atque efficacia derivatur. Dignitas Sacramentorum fuit ab auctore & institutore eorundem, qui fuit Jesus Christus Deus - homo: Notandum quod, tametsi omnia Sacramenta coli ac æstimari summo-pere debeant, horum nihilominus aliud alio dignius sit; ob eam rem idem Concilium (o) dogmaticè definitivè: *Si quis dixerit, hæc septem Sacramenta ita esse inter se paria, ut nulla ratione aliud sit alio dignius, anathema sit.* Et quis est, qui Eucharistiam pro Sacramento omnium excellentissimo non habeat; quippe quæ non solum vim producendi gratiam, sed ipsum gratiæ auctorem continet. Unde laudatum Concilium (p) ait, *in ea excellens ac singulare reperiri, quod reliqua Sacramenta tunc primum sanctificandi vim habent, cum quis illis utitur; at in Eucharistia ipse sanctitatis auctor, ante usum, est.* Vis deinde & efficacia Sacramentorum ex eo apparet, quod gratiam, quam significant, contineant & eandem utentibus cunctis, in quibus impedimentum non est, conferant. Hinc, uti ab Augustino didicistis, *Sacramenta novi Testamenti dant salutem; Sacramenta veteris Testamenti tantum promiserunt Salvatorem:* Et alibi (q) ait: *Sacramentorum vis inerrabiliter valet plurimum.* Et S. Thomas affirmat: *Ex multis Sanctorum auctoritatibus certum habetur, Sacramenta novæ legis non solum significare sed causare gratiam.* Et iterum (r) *Per Sacramenta novæ legis homo Christo incorporatur.* Hinc sæpius citatum Concilium (s) sequentem Fidei canonem condidit: *Si quis dixerit, Sacramenta novæ legis non continere gratiam, quam significant, aut gratiam ipsam*

Aa 3

non

Cum multo verissimum sit, per omnia Sacramenta gratiam digne susipientibus dari; notandum, duo Sacramenta (scilicet Baptismum & Pœnitentiam) a Christo instituta fuisse, ut peccatorem iustum reddant: Hinc duo hæc Sacramenta conferunt gratiam, quæ animam ream primitus iustificat ac sanctificat; quam gratiam Theologi primam gratiam vocant. Reliqua deinde quinque Sacramenta eo instituta sunt, ut primæ gratiæ incrementum asserant: Et hæc Sacramenta sibi volunt, ut anima in gratiæ statu jam sit; atque ob id hæc gratia a Theologis gratia secunda appellatur. Hinc priora duo Sacramenta Sacramenta mortuorum, scilicet mortuorum gratiæ: posteriora quinque Sacramenta vivorum, nimirum animarum per gratiam viventium, nominari solent. Contingere tamen per accidens potest, quenquam ad horum quinque Sacramentorum aliquid suscipiendum accedentem, dum se in gratia Dei esse credit (quoniam, quam potuit, diligentiam adhibuit) tamen reipsa in gratia Dei non esse: In hoc casu, ait S. Thomas, quem reliqui Theologi sequuntur, Sacramentum illud vivorum per accidens primam & animæ sanctificatricem gratiam collaturum est; quia non reperit voluntarium obstaculum: quod solum, secundum laudati Concilii doctrinam, gratiæ effectum impedit. Sic contra contingere potest, ut duo Sacramenta mortuorum per accidens gratiam secundam causent, si suscipiens cum perfecta contritione accedit; quandoquidem contritioni perfectæ Deus gratiam suam promittit. Quis est in peccato mortali, cujus effectum & conscientiam non habet (Forse enim primo non fuit sufficienter contritus) sed devote & reverenter accedens consequitur per hoc Sacramentum (Eucharistiæ) gratiam charitatis, quæ contritionem perficit & remissionem peccati. Sic & de reliquis Sacramentis sentiendum.

Alius insuper effectus a nonnullis Sacramentis (Baptismo nimirum, Confirmatione & Ordine) in anima producitur, scilicet Character, qui est signum seu nota animæ

impressa ac indelebilis, & qui ob id ipsum facit, ut memorata Sacramenta iterari haud liceat. De hoc Characterē inter alios Patres sanctos disertis verbis S. Basiliius, *Homil. 13. de Exhort. ad B. t. fin.* S. Cyrillus Hierosolymitanus, in *præfat. ad Catech. & Catech. 17.* S. Augustinus in pluribus locis, in *Epist. 98. ad Bonif. Episc. in E. i. p. 158. ad Bonif. comitem, in Libr. 6. de Baptism. c. 1. in Libr. 1. contra Crescent. c. 30. in Serm. ad Casar. Eccles. plebem, in Libr. 2. contra epist. Parm. c. 13. & in Libr. 2. contra litteras Petil. c. 4. meminerunt. Unde Concilium Tridentinum sequentem Fidei canonem condidit: *Si quis dixerit, in tribus Sacramentis (Baptismo scilicet, Confirmatione & Ordine) non imprimi Characterem in anima, hoc est: signum quoddam spirituale & indelebile, unde ea iterari non possunt; anathema sit.**

Memoratorum septem Sacramentorum alia necessaria sunt necessitate absoluta seu (ut dicunt) necessitate mediæ simul ac necessitate præcepti; alia dein solum necessitate præcepti; alia denique unicuique in particulari necessaria nullo modo sunt: Quod ut intelligatis, primum quid sit necessitas mediæ, quid necessitas præcepti, ostendendum. Necessitas mediæ in eo consistit, quod res aliqua adhiberi adeo certe ac plane debeat, ut, si non adhibeatur, salus obtineri æterna non possit, tametsi rei illius usus haud ex malitia omittatur: Tali modo Baptismus omnibus necessarius est, quippe sine quo (vel recepto ab infantibus vel desiderato ab adultis) nulla salus: Tali modo Pœnitentia post Baptismum in peccatum mortale lapsis necessaria, quippe sine quo Sacramento (vel suscepto, si fieri potest vel saltem, si fieri non potest, vera cum contritione desiderato) nulla eis salus. Inter reliqua quinque Sacramenta, alia necessaria sunt necessitate præcepti (quæ necessitas edito desuper præcepto nititur) respectu adultorum & cujusvis horum in particulari: Hæc sunt Confirmatio, Eucharistia (de qua suo loco dicetur) Extrema Unctio. Reliqua duo, nimirum Ordo & Matrimonium, Ecclesiæ generationi necessaria-

cessaria sunt: primum quidem ad consecrandos ministros, necessarios, secundum vero ad populum fidelem in militante Ecclesia propagandum; nullo modo tamen cuius Fidelium privatim necessaria sunt. Unde quam sapientissime laudatum Concilium sequenti canonem statuit: Si quis dixerit, Sacramenta novæ legis non esse ad salutem necessaria sed superflua, & sine eis aut eorum voto per solam Fidem homines a Deo gratiam justificationis adipsi, &cet omnia singulis necessaria non sint, anathema sit.

Qui Sacramenta characterem imprimentia indigne suscipit committens sacrilegium, si postea dolet ac confitetur, accipit gratiam Sacramenti male suscepti: quippe quod se in suo effectu, qui est character, virtualiter conservavit; id quod de iis Sacramentis dici non potest, quæ in nullo suorum effectuum remanent; nam non remanent in gratia, quam non contulerunt utpote indigne suscepta: non in characterem, quem non imprimunt. Non est ergo, cur dicatur: ea, sublesto per seriam poenitentiam obstaculo, gratiam postliminio producere. Hinc S. Thomas (u) Quando aliquis baptizatur, accipit characterem quasi formam, & consequitur proprium effectum, qui est gratia remittens omnia peccata: impeditur autem quandoque per fictionem; unde oportet, quod, remota ea per poenitentiam, Baptismus statim consequitur suum effectum.

Restat, ut de Ministris Sacramentorum generatim dicamus; nam de Ministris Sacramentorum in particulari agetur, ubi de quovis singulatum Sacramento sermo occurret. Habemus canonem Fidei a Concilio Tridentino definitum: Non omnes Christianos quorumvis Sacramentorum Ministros esse, sed illos solum, qui in hunc finem ab Ecclesia consecrati vel destinati sunt: Si quis dixerit, Christianos omnes in verbo & in omnibus Sacramentis administrandis habere potestatem, anathema sit. Et fuit hæc semper concors SS. Patrum sententia nixa Scripturis sacris, uti ex Actibus Apostolorum & ex variis Epistolarum S. Pauli locis colligere, atque in

libris vetustissimorum Patrum ac Scriptorum videre est: quos inter S. Ignatius Episcopus & Martyr, primi seculi Scriptor, in suis genuinis Epistolis ad Magnesianos, Trullianos, Philadelphios, Smirnaeos, Polycarum; Tertullianus, Scriptor secundi seculi, in libro de Prescriptionibus hæreticorum, cap. 41. S. Cyprianus Episcopus & Martyr, Scriptor tertii seculi, in Epistolis 34. 35. & 52. itemque in libro de lapsis consulantur; quibus reliqui omnes adfuerunt.

Ad valorem dein Sacramenti nec fidem nec pietatem Ministri necessariam esse (dummodo is characterem, hoc est: potestatem habeat faciendi illud Sacramentum, & rebus debitis utatur) veritas est, quæ juxta cum priore communi Patrum Traditione nititur: Patrum olim in duobus antiquis Conciliis congregatorum, videlicet *Arelaten- si* l. can. 8. & *Nicano* generalis l. can. 8. & 9. Rei hujus rationem assertit S. Thomas (x) dicens: Potestas ministrandi Sacramenta pertinet ad spirituales characterem, qui indelebilis est; & ideo per hoc, quod aliquis ab Ecclesia suspenditur vel excommunicatur vel etiam degradatur, non amittit potestatem conferendi Sacramentum sed licentiam utendi hæc potestate: Et ideo Sacramentum quidem confert, sed tamen peccat conferendo; & similiter ille, qui ab eo accipit Sacramentum & sic non percipit rem (gratiam) Sacramenti, nisi forte per ignorantiam excusetur. Quid igitur ad valorem Sacramenti requiritur? Requiritur potestas, seu character in Ministro in iis Sacramentis, quæ hunc sibi postulant: materia: forma: intentio faciendi id, quod facit Ecclesia. Hæc omnia ad validitatem Sacramenti exiguntur.

De intentione Ministri interrogabit aliquis in quæstionibus theologicis exercitatus, qualis illa esse debeat? Respondeo, intentionem Ministri hanc ipsam paulo ante memoratam esse debere, videlicet faciendi id, quod facit Ecclesiæ: Ita Concilium Tridentinum (y) dogmaticè pronuntiavit: Si quis dixerit, in Ministris, dum Sacramenta conficiunt, non requiri intentionem saltem faciendi,

(u) 3. part. qu. 69. a. 10.

(x) 3. Part. qu. 64. a. 9.

(y) Sess. 7. can. 11.

di; quod facit Ecclesia; anathema sit. Jam cum sit intentio Ecclesiæ conficiendi Sacramentum, talis esse & ministri intentio debet. Hinc in *praxi* neutquam admittenda opinio contraria affirmantium: ministrum, dummodo exterius serie agat & externas requisitas actiones omnes faciat, etsi intentionem contrariam non conficiendi Sacramentum habeat, tamen Sacramentum conficere; Nam, aiunt, habet intentionem faciendi actiones externas ab Ecclesia præscriptas. Sed hæc assertio abhorre a vero videtur; nam objectum intentionis ministri, quam Ecclesia exigit, non sunt actiones externæ serio factæ, sed hujus intentionis objectum est confectio Sacramenti & non sola materialis actio exteriorum patratio; nam minister, dum Sacramentum conficit, est minister Christi & minister humanus, qui cum intellectu ac voluntate operatur. Præterea Christus vult, ut Sacramentum conficiatur, & non solum ut ritus externi adhibeantur cum voluntate contraria non conficiendi Sacramentum. Igitur intentio seu voluntas conficiendi Sacramentum intercedere debet: Hæc deinde voluntas triplex est; *habitualis*, quæ in facilitate rem aliquam ex consuetudine seu habitu sine ulla reflexione vel recollectione faciendi consistit; *actualis*, quando actu cogitamus & attendimus velle nos facere id, quod facimus; *v. r. malis*, quæ post factam intentionem actualem, nullo vel contrario actu vel notabili temporis intervallo interruptam, perseverat: unde operamur ex impulsu intentionis actualis remanentis in determinatione voluntatis. Intentio habitualis non sufficit; nam actio, quæ cum hac intentione fit, a nullo actu voluntatis procedit: id quod ex omnibus actionibus, quas ex mera assuetudine vel habitu sine ulla consideratione facimus, apparet. Intentio actualis optima est & in actione tanti momenti, qualis est confectio Sacramenti, omnino procuranda: at non est necessaria: cum Intentio virtualis sufficiat, quippe quæ actionem sufficienter voluntariam elicit.

Ut autem minister non *valide* solum sed etiam *licite* conficiat & ministret Sacramenta, in statu gratiæ esse debet; secus peccat mortaliter admittens sacrilegium contra virtutem religionis postulantis, ut res tam sacræ, ac sunt Sacramenta, a personis iustis & non inimicis Deo conficiantur atque administrantur. Hinc S. Augustinus (2) ait: *Ministros tanti iudicis iustos oportet esse, per quos baptizatur; Ego autem dico & omnes dicimus, quia iustos oportet esse tanti iudicis ministros.* Et S. Thomas (aa) *Non est dubium, quin mali, exhibentes se ministros Dei & Ecclesiæ in dispensatione Sacramentorum, peccent; & quia hoc peccatum pertinet ad irreverentiam Dei & contaminationem Sacramentorum, quantum est ex parte ipsius peccatoris (licet Sacramenta secundum se ipsa incontinentia sunt) consequens est: quod tale peccatum ex genere suo sit mortale.* De hoc suo loco sermo recurret.

Ex hoc conficitur, quod administrationem alicujus Sacramenti a ministro, qui culpæ mortalis reus dignoscitur, petere absque necessitate non liceat. Dixi: *Absque necessitate*; Nam, si necessitas adsit & haberi alius nequeat, licet; quia quivis habet jus necessitatibus suis spiritualibus prospiciendi, & ob id non cooperatur indignæ administrationi ejus, cui facultas est se a peccatis si nulla alia via, certe actu perfectæ contritionis mandandi. Debet itaque minister peccati mortalis utut occulti sibi conscius, priusquam Sacramentum aliquod conficiat aut dispense, ad minimum elicere actum perfectæ contritionis junctum firmo proposito mox consistendi, ut hac ratione dignum se faciat Christi & Ecclesiæ ministrum (Excipite hoc loco Sacramentum Eucharistiæ, quod præviam Confessionem sibi vult; uti suo loco dicetur) Idem de ministris altaris ministerio suo publice ac solenniter fungentibus tenete, prout (bb) S. Thomas cum reliquis Theologis cunctis monet: *Lex præcipit, ut homo iuste ea, quæ sunt iusta, exequatur; & ideo quicumque homo, quod sibi competit ex Ordine, facit indignè, quod iustum est.*

B b

P. Cunctis Catechista.

(2) Tract. 5. in Joan.

(aa) 3. Part. qu. 64. a. 6.

(bb) In Tract. dist. 28. q. 1. a. 3.

injusse exequitur & contra præceptum legis facit ac per hoc mortaliter peccat. Quicunque autem cum peccato mortali aliquod sacramentum perfecerit, non est dubium, quin indigne illud faciat: unde patet, quod mortaliter peccat.

Quod ad ceremonias & ritus in Sacramentorum administratione ab Ecclesia præscriptos attinet, nemini privato fas est eosdem omittere, & qui hac in re notabiliter immergeretur se præbet, mortaliter peccat. Etiam hoc Concilium Tridentinum (cc) canone Fidei definivit: *Si quis dixerit, receptos & approbatos Ecclesiæ ritus in solenni Sacramentorum administratione adhiberi consuetos aut contemni aut sine peccato a ministris pro libitu omitti aut in novos alios per quemcunque Ecclesiarum pastorem mutari posse, anathema sit.*

Per ea, quæ hæcenus a me dicta sunt, O suavissimi! animos nostros ad præclaros gratitudinis erga charissimum Salvatorem nostrum Jesum Christum sensus excitare debemus: Christum, qui, tot salutis auxilia benedicta sua Passione nobis comparasse non contentus, ejusdem Passione suæ efficaciam ac vim concludere Sacramentis voluit, ut devoto eorum usu divinam suam gratiam vel amissam recuperaremus vel inhabitantem in nobis augeremus; idque multo magis præstandum a nobis, si, quam facilis sit Sacramentorum usus, cogitaverimus: quam rem S. Augustinus in pluribus suorum operum locis annotavit: *Nec . . . operatione gravi onerati sumus (dd) sed quædam pauca pro*

multis eodemque sacro facillima . . . ipse Dominus & apostolica tradidit disciplina. Et alibi, in comparatione veterum Sacramentorum pergens, ait (ee) Alia sunt instituta virtute majora, utilitate meliora, actu faciliora, numero pauciora. Et iterum (ff) Dominum nostrum Jesum Christum levi nos iugo subdidisse, affirmat, & sarcinæ levi: unde Sacramentis numero paucissimis, observatione facillimis, significatione præstantissimis societatem novi populi colligavit. Quod si Dominus pro obtinenda gratia justificante instituisset Sacramenta, copiosas elemosynas aut multa severaque jejunia aut longas multasque preces aut alias graves corporis macerationes sibi postulantis; vel tunc his omnibus pro obtinenda ejus gratia, sine qua nulla salus, se subijcere necessarium foret. Sed nequaquam sic Dominus egit; nihil ille petit, quam quæ a me dicta & in hac secunda parte dicenda sunt, ut ne agendorum magnitudo ac gravitas ab Sacramentis summa nostra cum utilitate frequentandis nos absterret. Igitur ingentem hanc in nos charitatem gratis animis agnoscamus & de illa sæpe gratias Domino ex totis præcordiis agamus nostramque gratitudinem ipso opere manifestemus, Sacramenta pie frequentando, pro eo ut a sapientibus conscientiæ arbitris nobis permitatur. Ne unquam ingratis illis nos jungamus, qui menses atque adeo annos præterire sinunt, quin illa suscipiant; quo fatali signo animæ in damnationem ruituræ sese maxime prodere solent.

(cc) Sess. 7. can. 13. (dd) Lib. 3. de Doctr. christ. c. 9. (ee) Lib. 19. contra Faust. c. 13. (ff) Epist. 34. ad Januar.

SERMO XXXII.

De Sacramento Baptismi.

Postquam, O mei! de Sacramentis generatim dixi, cum Catechismo Tridentini Concilii de iisdem singillatim, & primum quidem de sancto Baptismo, qui re-

liquorum Sacramentorum quædam (ut sic dicam) janua est, agere pergo: Vox Baptismus, e Græca lingua desumpta, significat lotionem seu ablutionem. Sacramento huic multæ

multæ in veteri Testamento figuræ præcesserunt, etiam ab ipsa mundi creatione: in qua dicitur (a) quod Spiritus Dei super aquas ferebatur; Ita Tertullianus (b) Præterea aquarum diluvium temporibus Noe teste Petro Apostolo (c) quem multi Patres sequuntur: item transitus populi Israelitici per mare rubrum, testibus SS. Cypriano (d) & Hieronymo (e) item aquæ Jordanis Naamanum sanantes teste S. Ambrosio (f) multaque alia Sacramentum hoc præfiguraverunt.

Christum Baptismi institutorem esse nulus, etiam hæreticorum, dubitat; De tempore vero, quo Christus hoc Sacramentum instituit, non una est omnium sententia: Alii Patrum Christum hoc Sacramentum instituisse affirmant, quando ob suam humilitatem ipse in Jordanem a Joanne Baptista Baptismum poenitentiae recepturus descendit (g) Et hæc est communior ac pervulgior opinio: Etenim tunc reliquæ duæ personæ divinæ sensibus etiam humanis percipiendas se dederunt, Pater quidem per vocem sensibilem, qua dixit: *Hic est Filius meus dilectus*; Spiritus sanctus vero in specie columbæ supra Christum in aere pendentis apparens. Alii Patrum & gravissimorum Doctorum contendunt, Christum instituisse Baptismi Sacramentum, quando Nodemo dixit: Nisi quis ex aqua & Spiritu sancto renatus fuerit, non poterit intrare in regnum Dei; Tum namque Apostoli Baptismo a Christo instituto baptizare incepterunt, uti S. Joannes (h) narrat; qua re discipuli Joannis Baptistæ offensi fuerunt: id quod (si Apostoli Baptismo Baptistæ baptizassent) adeo factum non fuisset, ut potius inde gloriati fuissent. Nihilominus lex ad Baptismum nostrum, scilicet a Christo institutum, obligans stringere non nisi post resurrectionem Christi & sufficientem Evangelii promulgationem (nimirum post diem Pentecostes) capit, quippe qua Apostoli pleni Spiritu sancto, divino plane impetu acti, ad Evangelii publicationem accesserunt.

Cum Christus dixerit, necesse esse, ut gratiæ per aquam renascamur; en specificè determinatam materiam remotam hujus Sacramenti & (quod sequitur) etiam proximam, scilicet usum aquæ, qui, personam baptizandi ipsa lavando aut abluendo, fit: Et quoniam per vocem aqua nil aliud intelligitur quam aqua naturalis, ob id hæc sola est materia valida Sacramenti, sive dulcis sive marina sit. Dixi: *valida*; nam ut etiam *sicite* adhibeatur, benedicta esse debet (quod in solenni benedictione fontis baptismalis fit) nisi necessitas aliud jussit; Nam in casu necessitatis aqua dulcis, si præsto sit: sin minus, aqua marina; cum & ipsa sit aqua naturalis: aqua balnearum sulphureorum aut alia mineralis: aqua lixivia &, his omnibus deficientibus, aqua decoctionis herbarum & aliarum rerum (dummodo non tantam succi vim res elixæ reliquerint, ut jam species aquæ non remaneat) adhiberi potest. Artificiales vero aquæ (uti aquæ e rosæ, e cedris aut aliis rebus arte chymica extractæ) non sunt idonea materia, multoque minus cerevisia aut vinum aut alius liquor. Ita Concilium Tridentinum (i) dogmatice definivit: *Si quis dixerit, aquam veram & naturalem non esse de necessitate Baptismi; atque adeo verba illa D. N. Jesu Christi: Nisi quis renatus fuerit ex aqua & Spiritu sancto, ad metaphoram detorserit, anathema sit.* Unde si quis responsum Stephani II. pontificis Romani cap. 2. datum ad Monachos Britannici monasterii objeceret: *Si in vino quis, propterea quod aquam non inveniebat, omnino periclitantem infantem baptizavit, nulla ei exinde culpa adscribitur, infans si permanserit in Baptismo,* huic respondeo primo: Textus hujus constructionem vitiosam esse, legendumque: *Nulla si adscribitur culpa, si infans si permanserit in Baptismo, atque ideo subjungitur: Nam ei præsens adsuit aqua, ille Presbyter excommunicatur & poenitentiam submititur; quia contra canonice sententiam aggreßus fuit.* Hinc a vero alienum est, Stephanum tale Baptisma pro valido habuisse; non enim de valore hujus Baptismi, quippe cujus nullitas

Bb 2

tas

(a) Genes. 1. (b) Libr. de Baptismo, c. 8. (c) 1. Petr. 3. (d) Epiß. 76. (e) Epiß. 83.
(f) Libr. 4 in Luc. (g) Matth. 3. (h) Cap. 3. & 4. (i) Sess. 7. can. 2.

(a) Genes. 1. (b) Libr. de Baptismo, c. 8. (c) 1. Petr. 3. (d) Epiß. 76. (e) Epiß. 83.
(f) Libr. 4 in Luc. (g) Matth. 3. (h) Cap. 3. & 4. (i) Sess. 7. can. 2.

tas ignota esse nepini potuit, sed de culpa tali modo baptizantis deque pœna eidem insligenda consultus fuit: Reposuitque, quod tali modo baptizans, si qua adluit, memoratæ pœnæ subdatur: si autem aqua non adfuit, & ille ex simplicitate, aliud quid præsto non habens, vino usus sit, pietati ejus (utut stolidæ) misericordia adhibeatur. Respondeo secundo: hanc Stephani responsonem oppido dubiam atque incertissimam esse; quippe, quæ authenticis monumentis destituatur.

Jam ut de modis aquam baptizando applicandi dicam, vetustissimus fuit modus *immersiois*, quo baptizandus ter aquæ immergebatur; sed post aliquot secula communior obtinuit *ablutionis* modus, quo aqua in caput baptizandi effunditur; quamquam Baptismus etiam per modum *asperersionis* conferri possit, dum baptizandus aqua aspergitur; quod tamen fieri non debet. Curandum, ut aqua cutem baptizandi Immediata seu proxime tangat, & aquæ quantitas tam sufficiens adhibeatur, ut lavatus dici possit, quo hac ratione actio cum verbis consentiat significatibus: *Ego te lavo*. Dixi: aquam in caput baptizandi effundendam esse, quod omnium sensuum sedes est; Nihilominus si metus esset, ne inde grave baptizando damnum accedat, sufficit, illam in humeros aut pectus, immo etiam in quodvis aliud membrum, pedem, brachium &c. effundi. Dixi: si aliter fieri non potest & si de vita baptizandi timetur (uti quandoque in partu accidit) effundatur aqua in tale membrum; sed postea, si foetus ex utero prodierit ac vivat, majoris securitatis gratia sub conditione denuo baptizetur. Audiamus de hac re SS. Thomam & Carolum Borromæum; Prior ait: *Expectanda est totalis egressio pueri ex utero ad Baptismum, nisi mors imminet; si tamen primo caput egreditur, in quo fundantur omnes sensus, debet baptizari periculo imminente; quia in nulla exteriorum partium integritas vitæ ita consistit sicut in capite. Videtur quibusdam, quod propter dubium, quacunq; alia corporis parte abluta,*

puer post perfectam natiuitatem sit baptizandus sub hac forma: Si non es baptizatus, ego te baptizo (k) Et S. Carolus Borromæus (l) monet: Si factus ex utero matris, quæ in partu periculose laborat, vel manu vel pede vel alia aliqua parte exiens ob necessitatem in ea ipsa parte ab obstrictrice baptizatus est; cum superstes erit, sub conditione baptizetur adhibitis ceteris Baptismi ceremoniis. Si vero in capite, quod primum ex utero prodit, baptizatus est forma rite servata, quando supervixerit, ad Ecclesiam deferatur: cui tantum reliquæ ceremoniæ adhibeantur, quæ ad solennitatem Baptismi attinent.

Cum quodvis Sacramentum ex materia & forma (scilicet ex usu alicujus rei sub sensu cadentis & ex prolatione verborum) constet; postquam de materia & ejus usu in Baptismo intellexistis, restat ut videatis, quæ verba seu qualis forma applicari debeat? Hanc Christus ipse docuit dicens: *Baptizantes eos in nomine Patris & Filii & Spiritus sancti*. Hinc verba, dum aqua affunditur, proferenda hæc sunt: *Ego te baptizo in nomine Patris & Filii & Spiritus sancti, Amen*. Vox *Nomine* denotat unitatem essentiae & virtutis divinæ, reliquæ Trinitatem realem distinctarum Personarum divinarum significant. Notandum, particulam copulativam *Et* interponi dicique debere *Et Filii Et Spiritus sancti*, ut realis Personarum distinctio indicetur; nam hæretici Sabelliani, qui in Deo non tres Personas, sed solum tres titulos seu tria nomina in una sola essentia esse profitebantur, dicebant: *In nomine Patris, Filii, Spiritus sancti*. Hinc attendendum, ut particula copulativa *Et* interseratur.

Sunt nonnulli, qui tenent, temporibus Apostolorum per specialem dispensationem eos in solo nomine Christi baptizasse: *In nomine D. N. Jesu Christi*. At hoc in nomine *Jesu Christi* nil aliud quam baptismum Christi denotasse, & Apostolos æque ac nos verba Trinitatis protulisse, vero consentiens est eruiturque ex *Actis Apostolorum cap. 19*. in quo narratur, quod Paulo Ephesi Fide-
lium

(k) 3. p. qu. 66. art. 11.

(l) Instr. de Baptismi administr.

lium quosdam, an Spiritum sanctum acceperissent, interrogante illi responderint: nescire se, quid sit Spiritus sanctus; quod miratus Paulus subdidit: *In quo ergo Baptizanti igitur?* Et respondentibus illis: *In Joannis Baptismo* (qui fuit Baptismus poenitentiae, nequaquam Baptismus noster) confestim iussit, ut illi instituti Fidei elementis nostro Baptismo abluerentur. Ex hoc quis est, qui non intelligat, hanc Pauli interrogationem ad eos, qui nescire se de Spiritu sancto dicebant, directam: In quo nimirum baptizati essent, clare ostendere, etiam in Baptismo, quem Apostoli consecrabant, Spiritus sancti mentionem factam & verba, quibus nos utimur, prolata fuisse; Secus sermo Pauli ad rem propositam minime quadrasset. Sic illud: *In nomine Christi*, accipit S. Cyprianus *Epist.* 63. S. Basilii M. *Libr. de Spiritu sancto, cap. 12.* S. Augustinus *Libr. 2. contra Maximinum Arian. cap. 27.* alique.

Debet etiam Ministri actio proferri, dicendo: *Ego te baptizo in nomine &c.* & verborum pronuntiationi aquae effusio conjungitur, ut materiae cum forma uno comprobetur: Et quamvis pronomen *Ego* pro valore Sacramenti non requiratur, tamen sine gravis peccati noxa non omittitur: Hinc si unus affunderet aquam, alter verba proferret, non conficeretur Sacramentum; quia verba (ut liquet) falsa essent. Possunt equidem gravi necessitate interveniente plures (nimirum duo aut tres) simul baptizari, sed tunc dicendum: *Ego vos baptizo*; neque per hoc forma mutatur, quia verbum *Vos* (ut ait S. Thomas) idem sibi vult ac *te* & *te* & *te* (m) At irritus esset Baptismus, si duo aut plures unam solam personam baptizarent dicentes: *Nos te baptizamus*; nam teste S. Thoma his verbis exprimitur intentio, quod plures ad conficiendum Sacramentum conveniant: quod naturae sacri ministerii adversatur; Etenim in illo operatur homo tanquam vices Christi gerens, & quemadmodum Christus unus est, ita unus esse debet Minister Christum representans: Hinc ista

intentio excludit Sacramentum. Quod si quis horum duorum aut trium baptizantium solita verba proferret: *Ego te baptizo &c.* tunc in Sacramentum conficeret, qui prior verba illa praenuntiaret: Unde reliqui, ut rebaptizantes, severis coerceri poenis deberent. Si denique omnes simul verba finirent, pariter severe in eos animadvertendum esset, atque conficeretur unum solum Sacramentum; cum quilibet eorum (quantum in se est) baptizaret, & Christus, qui interior baptizatur, per hos duos vel tres unum solum Sacramentum conferret. Ita S. Thomas. Ex quibus apparet, omnes hos baptizandi modos sacrilegos & illicitos esse, quamvis nonnulli eorum valide adhibeantur. Atque (ut paucis dicam) semper nefas quavis deum ratione mutare vel modum vel verba consueta: quae si ita immutarentur, ut jam non idem sensus exiret, Sacramentum nullum & invalidum esset; prout superiori sermone monui.

Cum per hujus sermonis decursum mentionem de Joannis praecursoris Baptismo injecerimus, monitos vos velim: hunc Baptismus fuisse lotionem corporalem, quae in signum poenitentiae recipiebatur; de reliquo nullam contulisse gratiam, uti Baptismus noster confert. Dogma hoc est Fidei ab Concilio Tridentino definitum: *Si quis dixerit, Baptismum Joannis habere eandem vim cum Baptismo Christi, anathema sit.* Eandem sententiam tenent Patres cuncti nixam verbis ipsius S. Joannis diserte pronuntiantis: se quidem baptizare in aqua, venturum vero post se eum, qui in Spiritu sancto baptizaturus esset. Duos solum SS. Patrum citemus, S. Hieronymum dicentem (n) *Si autem Joannes, ut confessus est ipse, non baptizavit in Spiritu, consequenter neque peccata dimisit; quia nulli hominum sine Spiritu sancto peccata dimittuntur.* Et S. Augustinum (o) *Si Baptismo Joannis peccata dimittentur, quid amplius praestare potuit Baptismus Christi eis, quos Apostolus Paulus post Baptismum Joannis Christi Baptismo voluit baptizari?*

Bb 3

Prus-

(m) g. p. q. 69. a. s.
tj. c. 10.

(n) Dial. contra Lucifer.

(o) Libr. 5. de Bapt. cont. a Donat.

Priusquam de Baptismi necessitate, quæ ad omnes universim mortales pertinet, dicam; necesse est monere, triplicem esse Baptismum, videlicet Baptismum *fluminis*: Baptismum *fluminis*, Baptismum *sanguinis*. Baptismum fluminis (qui solus est Sacramentum nostrum) definitur ablutio exterior corporis verbis, scilicet formæ a Christo præscriptæ & ab Ecclesia propositæ, unita: Baptismus, ait S. Thomas, est ablutio corporis sub præscripta verborum forma. Baptismus fluminis consistit in perfecto dolore seu contritione de peccatis admittis aut in actu perfectæ charitatis erga Deum: quibus cum effectæ omnibus præceptis divinis obediendi propositum comprehendatur, simul etiam suscipiendi (ut primum licuerit) Baptismi voluntas continetur. Baptismus sanguinis martyrium est Christi & Fidei ejus causa toleratum. His præmissis (ut de Baptismo fluminis, scilicet de Sacramento, dicam) hic post Evangelii promulgationem omnibus Adami posteris necessitate mediis (Hæc quid sit, superiori sermone exposui) necessarius est; Sic Concilium Tridentinum definit: *Si quis dixerit (p) Baptismum liberum esse, hoc est: non necessarium ad salutem, anathema sit.* Qua tamen in re hoc discriminis intercedit, quod infantes, si sine Baptismo decedant, non salventur: in adultis vero, si Baptismum fluminis accipere non possunt, defectus hic per Baptismum sanguinis suppleri possit. Primam hujus propositionis meæ partem, quam Catholici omnes teneant, Christus docuit dicens: *Nisi quis renatus fuerit ex aqua & Spiritu sancto (q) non potest introire in regnum Dei.* Igitur si infantes Baptismum non recipiunt, cum supplere defectum hunc desiderio illius non possint, sequitur, quod salutem consequi non possint. Nihilominus si pro Fide Christi occiderentur, Baptismus fluminis sanguinis Baptismo suppleretur: Hinc videmus, infantes ab Herode ex odio in Christum trucidatos ab Ecclesia inter sanctos Martyres numerari ac

coli. Præterea infantes, utut a catholicis parentibus natos, baptizandos esse, constans ac perpetua est Ecclesiæ & Patrum sententia, nixa verbis Christi. Origenem, scriptorem longe antiquissimum & doctissimum, audisse sufficit (r) Ecclesia ab Apostolis Traditionem suscepit, etiam parvulis Baptismum dare. Hinc Concilium Tridentinum dogma sequens condidit: *Si quis dixerit, parvulus, eoquod actum credendi non habent, suscepto Baptismo inter Fideles computandos non esse, ac propterea cum ad annos discretionis pervenerint, esse rebaptizandos: aut præstare, omitti eorum Baptisma quam eos, non actu proprio credentes, baptizari in sola fide Ecclesiæ, anathema sit.* Secunda pars propositionis meæ (nimirum Baptismum fluminis Baptismo sanguinis, qui in perfecta contritione seu charitate consistit, in adultis suppleri posse) juxta cum priori perpetua fuit Ecclesiæ & Patrum sententia, nixa Scripturis sanctis; in cujus pluribus locis cordi vere contrito Deumque amanti venia peccatorum promittitur, maxime in illo loco (s) *Cor contritum & humiliatum Deus non despicies.* Inter Patres vero, ut ne omnes laudem, duos produxisse sufficiat, videlicet S. Ambrosium (t) de Valentiniano ante Baptismi susceptionem morte defuncto & adhuc dum catechumeno in hæc verba dicentem: *Quod si Martyres suo abluuntur sanguine; & hunc sua pietas abluit & volunt.* Et Augustinum (u) *Invenio, non tantum passionem pro nomine Christi id, quod ex Baptismo deerat, posse supplere, sed etiam fidem conversionemque cordis: si forte ad celebrandum mysterium Baptismi in angustiis temporum succurri non potest.* Idem in multis aliis locis memoratus Augustinus & Patres reliqui teneant. Tertiam denique propositionis meæ partem (scilicet Baptismo sanguinis fluminis Baptismum suppleri) Ecclesia sancta & Patres perpetuo docuerunt. Percepistis jam verba duorum eximiorum Doctorum, quos citavi; unde sufficiet Augustinum de novo audisse, Evangelii quoque textus id ipsum con-

(p) *Señ. 7. can. 5.*(q) *Joan. 3.*(r) *Libr. 5. in cap. 6. Epist. ad Rom. de Bapt.*(s) *1. J. m. 50.*(t) *Orat. de obitu Valentin.*(u) *Libr. 4. de Bapt. contra Donatistas.*

confirmantes allegantem (x) *Quicumque etiam non percepto regenerationis lavacro pro Christi confessione moriuntur, tantum eis valet ad dimittenda peccata, quantum si abluerentur sacro fonte Baptismatis; Quis enim dixit: Si quis non renatus fuerit ex aqua & Spiritu sancto, non intrabit in regnum celorum, alia sententia istos facit exceptos, ubi non minus generaliter dixit: Qui me confessus fuerit coram hominibus, confitebor & ego eum coram Patre meo, qui in calis est: & alio loco: Qui perdidit animam suam propter me, inveniet eam.*

Et hoc in loco prius, quam sermonem meum prosequar, cohibere me nequeo, quin ad absolutam & insuppleibilem Baptismi in infantibus necessitatem attendens nonnullorum parentum negligentiam coarguam, qui ob humanum respectum, aut ut Paternos exspectent, aut usque dum propinquos congregaverint, aut ob alias res natæ a se proli plurium hebdomadam spatio Baptismum procrastinant. An nescimus, quot periculis vita infantum obnoxia sit; tum quod ipsi mala sua interiora exponere nequeant, tum quod exterioris res mille accidere possint, quibus vita priventur. Si de ampla hæreditate eis in tuto collocanda ageretur, profecto ne unius quidem diei mora interponeretur; & dum de eo agitur, ut vita æterna eis cautior sit, integrarum hebdomadam moræ neccuntur. Nunquid quoddam spiritualis ferociæ & inhumanitatis genus erit, nihil curare, ut illis gloria æterna (quantum fieri potest) certa ac secunda sit, & ut illi paradisi ac visionis divinæ in omnem æternitatem amittendæ periculis subducantur? Ob eam rem gravissimi Theologi affirmant, mortali omissionis culpa charitati soboli debitæ contraria se eos obstringere, qui sine iusta & rationabili causa Baptismum infantibus in octavam diem differunt, obligantque illos, ut (quam fieri potest) celerime baptizari infantes curent. Audite antiquissimum & doctissimum Martyrem atque Episcopum S. Cyprianum (y) profitentem: neque se neque Concilii Patres persuadere sibi potuisse, ut Fidi Episcopi opinionem

probarent contententis, infantes non nisi secundo aut tertio post nativitatem suam die sacro fonte tingendos esse: Quantum vero ad causam infantum pertinet, quos dixisti in tra secundum vel tertium diem, quo nati sunt, constitutos baptizari non oportere . . . longe aliud in Concilio nostro omnibus visum est; in hoc enim, quod tu putabas esse faciendum, nemo consentit, sed universi potius iudicavimus, nulli hominum nato misericordiam Dei & gratiam denegandam . . . Et idcirco, Frater charissime! hæc fuit in Concilio nostro sententia: *A Baptismo atque a gratia Dei, qui omnibus misericors & benignus & pius est, neminem per nos debere prohiberi: quod cum circa universos observandum sit atque retinendum, magis circa infantes ipsos recens natos observandum putamus, qui hoc ipso de ope nostræ & de divina misericordia plus merentur; quod in primo statim nativitatis suæ ortu plorantes ac stentes nihil aliud faciunt, quam deprecantur.* Quid jam de memorata cunctatione sanctus hic Vir statuisset? Curate igitur, O parentes! ut infantes, quamprimum fieri potuerit, undis salutaribus abluantur, ne eos tanti damni (quanta est amissio paradisi) periculo exponatis.

Jam de Ministro Baptismi. Quod si solum valorem Sacramenti spectemus, quivis Baptismi Minister esse potest; dummodo præscripta materia ac forma utatur cum intentione faciendi id, quod facit Ecclesia: Immo in casu necessitatis licet cuivis demum, Baptismum sine ulla solennitate conferre; si nulla alia magis idonea persona adsit. Hinc S. Thomas (z) quem Catechismus Concilii Tridentini sequitur, ait: In casu necessitatis (Et si Baptismi administrandi ratio ac modus scitur) sæminas viris, viros clericis, clericos sacerdotibus cedere debere. Ex hoc manifestum sit, quam conveniens sit (si necessitatis Baptismi ratio habetur) ut Fideles omnes materiam ac formam huius Sacramenti sciant; præcipue vero hæc scire obstetrices strictissime obligantur, quippe quibus sæpe Baptismi administrandi necessitas imponitur, ne prodians in lacernam

partus

(x) Libr. 13. de Civit. Dei, c. 7.

(y) Epist. 59. ad Fidum.

(z) 3. p. qu. 66. a. 4.

partus pereat: Atque ob id illæ aliquibus diocesibus ad obstetricia munia exercenda non admittuntur, nisi prius a parochis de administratione hujus Sacramenti interrogatæ fuerint & scientiæ requisitæ testimonia habeant. Ordinarius autem Baptismi solennis (scilicet ejus, qui in Ecclesiâ ritu præscripto ministratur) Minister est Sacerdos, qui si parochus una est jurisdictionem ipse habet: si non est, labere licentiam a parochio debet, in cujus Ecclesiâ functionem peragit: quæ functio fieri in Ecclesiis parochialibus consuevit, pro eo ut multa concilia provincialia sanxerunt & consuetudo firmavit. Hinc parochus quoque ipse prius certum se facere debet, an baptizandus e sua parochia sit: & si non est, remittere eundem ad proprium parochum debet. Alius solennis Baptismi Minister est Diaconus; sed requiritur, ut ei hoc negotium ab Episcopo vel parochio diserte demandetur, uti SS. Canones jubent; Et si Diaconus sine hac demandatione solennem Baptismi functionem sibi usurparet, mortali se peccato obstringeret: namque irregularitatis incurreret. Sed concedi potestas hæc Diaconis non consuevit.

Quandoquidem de Ministris Sacramenti hujus diximus; jam de Patrinis differemus, qui quidam Baptismi comministri sunt & in solenni ejusdem administratione ex Ecclesiæ præcepto requiruntur. Patrinorum adhibendorum ritus longe vetustissimus est, quippe de quo & Tertullianus (aa) & Auctor operum S. Dionysii Areopagitæ adscriptorum (bb) & Auctor *questionum ad Orthodoxos*: Justino Martyri attribui solitarum, *quæst.* 56. & alii meminerunt. Officium seu obligatio Patrinorum est, baptizatum Fidei dogmatibus & catholicæ Religionis elementis ac consuetudinibus imbuere, si parentes vel alii propinqui qui hoc faciunt, desint. Hinc S. Theod. assait (cc) *Sed ubi nutriuntur inter Catholicos Christianos, satis possunt ab hac cura excusari Patrimi; præsumendo, quod a suis parentibus diligenter instruantur. Si tamen quocunque modo sentirent contrarium, teneantur*

secundum suum modum salutis spirituali filiorum curam impendere.

Alius Compaternitatis effectus est cognatio spiritualis, cui concilium Tridentinum ætiores fines posuit (cum ante hujus Concilii tempora latius patuerit) atque ob id districte imperavit (dd) ut una sola vel ad summum duæ personæ, vir ac femina, baptizandum sacro e fonte suscipiant; inter quos & ipsum susceptum, uti etiam inter ipsos suscipientes & parentes suscepti, itemque inter baptizantem & baptizatum ejusque genitores memorata cognatio spiritualis oritur. Facit cognatio hæc, ut istæ personæ matrimonio sibi invicem jungi non possint; & si sine debita S. Sedis dispensatione seu venia jungantur, matrimonium eorum irritum sit suoque valore careat; & si ab his personis peccatum grave carnale admittatur, illud præter malitiam, quam ex sua specie habet, insuper sacrilegii malitiam habeat ob injuriam hujus spiritualis cognationis, quæ circumstantia exponi in Confessione debet. Ah cognatio sancta! quoties a nonnullis profanaris, qui tuo maxime prætextu ad scelera longe maxime execrabilia faciliorem sibi viam pandunt! . . . Ob has causas Concilium Tridentinum parochis imperavit: Curarent, ut sibi Patrimi offenderentur eorumque nomina dictarentur, ut hac ratione unus solus aut ad summum duo, unus & una, baptizandum e sacro fonte susciperent, qui eundem & tangere & pro eo respondere deberent.

Quod ad hoc caput attinet, notandum, quod si quis in Patrum electus alium mitteret tanquam procuratorem, cognationem spirituales non contrahat is, qui Patrimi vices subit; sed ille, qui in Patrum electus fuit, cujus nomine baptizandum procurator ille seu vices gerens suscipit. Similiter hæc cognatio spiritualis a Patrinis in privato etiam & domi collato Baptismo contrahitur, dummodo baptizandum tanquam Patrimi suscipiant; non contrahitur autem ab illis, qui in Ecclesiâ soli solennitati Baptismi, in qua Sacramentum non conficitur, interfunt, te-

flan-

(aa) *Libr. de Bapt. c. 18.*

(bb) *de Eccles. Hierarch. c. 7.*

(cc) *3. p. qu. 77. a. 3.*

(dd) *Sess. 24. de Reform. matrim.*

stante S. Thoma (ee) quod spiritualis cognatio non contrahitur nisi per aliquod Sacramentum. Quod si non tanquam Patrini sed tanquam in illa necessitate succurrentes adessent, memoratam cognationem non contraherent: Hinc neque pater in casu necessitatis & non presentibus aliis, qui baptizare sciant, suam prolem baptizans hanc cognationem cum uxore contrahit: neque hæc cum viro, si ipsa in tali casu baptizaret. Si autem hoc nulla necessitate cogente facerent, contraherent memoratam cognationem: quam ob rem pars rea exigere debuit conjugale non posset, donec ab eo, penes quem potestas est, dispensationem accipiat: reddere autem parti innocenti deberet. Quod si ambæ in hoc conspirassent, ambæ jus debiti vel petendi vel reddendi amitterent, donec dispensebatur. Ita multi Canones & secundum hos S. Thomas loco citato statuerunt. Juvat huic argumento admonitionem S. Caroli Borromæi, in Concilio provinciali I. ab ipso habito & in Instru. de Baptismo perscriptam, tanquam coronidem imponere: Non simul virum & uxorem ut Paternos adhibebit parochus: Ne excommunicatos, interdictos, publice criminosos infamesve (uti sunt concubinarij, usurarii, ebriosi, inimicitias dediti (pueros natu minores quatuordecim annis & puellas natu minores duodecim annis: nec præterea, qui sana mente non sunt: neque eos, qui in Pascha Communionem non sumiserint, ad infantem de Baptismo suscipiendum adhiberi sinat: nec præterea illos, quos putet ignorare Symbolum Orationemque dominicam, Salutationem angelicam rudimenta que Fidei christianæ: neque item eos, qui nondum Confirmationis Sacramentum susceperint. Eam quoque rationem sobortando habebit, ut ne peregrini, ho-

spites, ignoti & ii denique compadres adhibeantur, quorum domicilium cum longe absit, verisimile non est, consuetudinem inter baptizatos eosque ita futuram, ut suscepti numeris functionem in eo instruendo præstare possint. Præmonet autem accurate parentes paulo ante Baptismi ministrationem, ut compadres tales eligant, quales eos esse oportet, qui & vita exemplis & christiana disciplina castisque moribus alios instruere debent: Itaque in hoc delectu non nobilitatis aut divitiarum, non potentia, non austeritatis, non potestatis, non amicitia, non cuiusvis alterius commodi emolumentive rationem habebunt; sed eos potius seligent, qui filiorum animæ magis consulere, quam qui inopia subvenire possint. Hucusque S. Calosus: Quod si monita hæc saluberrima ac sanctissima servarentur, heus! quot peccata, quot abusus præcluderentur?

Restat, priusquam finem hujus orationis faciam (nam reliqua in sequentem sermonem dissero) nonnihil de sacris solennibus Baptismi ceremoniis dicere. Harum aliæ Baptismum præcedunt, aliæ comitantur, aliæ subsequuntur: Nobis scire sufficiat, omnes mysteriis plenas, omnes a primis usque Ecclesiæ seculis adhibitæ, omnes a SS. Patribus (Hos pro eo, ut ritus occurrentis ratiopostulat, eruditissimus P. Natalis Alexander in sua Theologia morali (ff) citat) memoratas & quod sequitur, omnes veneratione dignas atque in solenni Baptismi administratione omnino observandas esse; de qua re editum ab Ecclesia canonem superiori sermone attulimus. Quis vero ad suscipiendum Baptismi Sacramentum idoneus sit, & ejusdem prodigiosi effectus quinam sint, sequenti sermone videbimus.



P. Cunctiati Catechista.

(ee) Suppl. quest. 56. a. 2.

Cc

(ff) Tract. de Baptismo, c. 100.

SER-

SERMO XXXIII.

Agitur denuo de Baptismo.

Cum superiori sermone multa de sancto Baptismi Sacramento ex ordine dixerim, restat de personis illum recipientibus deque effectibus recepti Baptismi differere: quippe quæ duo capita in hunc sermonem servavi, cum illis variæ magni ponderis res accuratius expendendæ contineantur.

Ac primo quidem Ecclesia catholica certum habet, omnem humanam creaturam (si absolute loqui volumus) Baptismi capacem esse exceptis casibus nonnullis, de quibus paulo inferius dicitur: Verum ob id neutiquam licet baptizare prolem, quæ tota adhuc matris utero clauditur; id quod S. Augustinus (a) ipsis Christi verbis comprobabat, Baptismum vocantis novam seu secundam nativitatem, quæ priorem (naturalem illam scilicet) præsupponit: *Dominus cum sic loqueretur: Nisi quis renatus, inquit &c. eam scilicet computans primam nativitatem, quæ fit matre pariente, non concipiente neque prægnante: quæ sit ex ea, non quæ in ea: Neque enim renatum dicimus, quem mater peperit, tanquam natus sit, qui jam semel natus fuerat in utero; sed illa nativitate non computata, quæ gravidam facit, notus dicitur homo partu, ut possit renasci ex aqua & Spiritu sancto. Si igitur homo regenerari per gratiam Spiritus in utero potest, quoniam restat illi adhuc nasci, renascitur ergo, antequam nascitur; quod fieri nullo modo potest. In eandem sententiam loquitur S. Thomas (b) Nullo modo infantes in maternis uteris baptizari possunt. Si tamen mater mortua fuerit, vivente prole in utero, debet aperiri, ut puer baptizetur; id quod S. Raymundo, Nonnato dicto, accidit.*

Contingit quandoque partus monstrosos in lucem edi: De his S. Carolus Borromeus (c) sequentia monet: Si quando

monstrum humanum Baptismo offertur, videndum est, antequam baptizetur, an una persona sit an vero duæ: tum masculus ne sit an femina? Sique re perspecta dubium est, an sint duo, utpote quia duo capita non habet nec pectora bene distincta, unus intentione certa, neque vaga, simpliciter baptizetur; alter vero seu alii sub conditione: Si non es baptizatus &c. Si vero quia duo capita, pectora duo aut corpora etiam distincta in monstro apparent, homines duos esse perspicuum est, singuli simpliciter baptizentur. Quod si mortis periculum in mora erit, numero plurali baptizentur: Ego vos baptizo &c. Si autem una persona est, utpote unum tantum caput habens, tanquam unus baptizetur, etiamsi alia membra plura geminatave habeat. At vero monstrum, quod hominis speciem non præfert, non baptizetur, nisi primum Episcopus consulatur: de cuius etiam consilio ogetur, quod supra de monstro humano dictum est, si tempus dabitur. His addendum, quod, si dubium est, an homo sit nec ne? sub conditione baptizetur, dicendo: Si homo es, ego te baptizo &c.

De insanis & furiosis, si qui baptizandi offeruntur, monet S. Thomas: Respondeo dicendum, quod circa amentes & furiosos est distinguendum: Quidam enim sunt a navitate tales nulla habentes lucida intervalla; in quibus etiam nullus usus rationis apparet: Et de talibus (quantum ad Baptismi susceptionem) videtur esse idem iudicium, ac de pueris, qui baptizantur in fide Ecclesiæ. Alii vero sunt amentes, qui ex sana mente, quam habuerunt prius, in amentiam inciderunt: Et tales sunt iudicandi secundum voluntatem, quam habuerunt, dum sane mentis existerent. Et ideo, si tunc apparuit in eis voluntas suscipiendi Baptismum, debet eis exhiberi in furia & amentia constitutis, etiamsi tunc actu contradicant: alioquin,

(a) Epist. 187. ad Dardanum.

(b) 3. p. qu. 68. a. 11.

(c) Instruck. de Bapt.

quin, si nulla voluntas suscipiendi Baptismum in eis apparuit, dum sanæ mentis essent, non sunt baptizandi. Quidam vero sunt, qui etsi a natiuitate fuerint furiosi vel amentes, habent tamen aliqua lucida intervalla, in quibus recta ratione uti possunt: Unde si tunc baptizari voluerint, baptizari possunt etiam in amentia constituti, & debet eis tunc Sacramentum conferri, si periculum timeatur: alioquin melius est, ut tempus expedietur, in quo sint sanæ mentis, ad hoc quod deuotius sciſciant Sacramentum; Si autem tempore lucidi intervalli non appareat in eis voluntas suscipiendi Baptismum, baptizari non debent in amentia constituti. Quidam vero sunt, qui etsi non omnino sanæ mentis existant, in tantum tamen ratione utuntur, quod possunt de sua salute cogitare & intelligere Sacramenti virtutem: Et de talibus idem est iudicium, sicut de his, qui sanæ mentis existunt, qui baptizantur volentes, non autem invitati. Dormientes (seu lethargo affectu) non sunt baptizandi, nisi periculum mortis imminet, in quo casu baptizari possent, si prius in eis voluntas apparuit suscipiendi Baptismum. Hucusque S. Doctor (d).

Baptismum, cuiusque demum infanti collatum, validum esse nemo Catholicorum negat. Quod autem hoc etiam licite fiat, alii Theologorum affirmant, quin ullum personarum discrimen faciant: alii multi cum S. Thoma infantes Infidelium (hoc est non baptizatorum; uti Mahometanorum, Judæorum aliorumque similium) excipiunt, si parentes contradicant. Gravissima Doctoris angelici argumenta triplici fundamento firmantur: Primum consuetudine Ecclesiæ nititur, quæ nunquam talem violentiam in Infideles adhibuit, utut potentissimos principes habuerit, qui eam adhibere facile potuissent, si hac de re a SS. Pastoribus implorati fuissent; Hinc infert S. Doctor: Si hæc nunquam fuit consuetudo Ecclesiæ, neque nunc illa per nonnullorum Theologorum, quorum sententiæ vim suam ac pondus a sola Ecclesiæ auctoritate accipiant, opinionem induci debet; nam cum Ecclesia hoc facere per tot secula noluerit, satis certo in-

dicio prodidit, sibi memoratorum Theologorum doctrinam, tanquam rationi contrariam, non probari: Maximam habet auctoritatem Ecclesiæ consuetudo, quæ semper in omnibus est æmulanda; quia & ipsa doctrina catholicorum Doctorum ab Ecclesia auctoritatem habet: unde magis standum est auctoritati Ecclesiæ quam auctoritati Augustini vel Hieronymi vel cuiuscunque alterius Doctoris. Hoc autem Ecclesiæ usus nunquam habuit, quod Judæorum filii invitati parentibus baptizentur, quamvis fuerint retroactis temporibus multi catholici principes potentissimi (ut Constantinus & Theodosius) quibus familiares fuerunt sanctissimi Episcopi, ut Constantino Sylveſter & Ambrosius Theodosio, qui nullo modo prætermisissent ab eis impetrare, si hoc esset consonum rationi. Eo ideo periculosum videtur, hanc assertionem de novo inducere, ut præter consuetudinem in Ecclesiâ hætenus observatam Judæorum filii invitati parentibus baptizentur (e). Rationem mente angelica S. Thomæ dignam! Deinde quis non videt periculum subversionis & apostasiæ a fide, cui tales infantes non sine magno Religionis detrimento exponuntur? Nam aut violenter rapi parentibus (Hoc juri naturali repugnat) aut eorum curæ relinqui tales infantes deberent: Et ecce! hoc modo exit gravissimum, de quo meminimus, malum. Est hæc secunda ratio Doctoris angelici: Neque hoc in loco opponatur, iussisse Christum, ut baptizarentur omnes gentes; Frustra hæc sunt; nam Christus Baptismi omnibus conferendi legem, salvis juribus naturalibus, promulgavit. Et quemadmodum adultum, renitentem & invitum, baptizare non licet; quia jus naturale offenderet: ita & infantem baptizare nefas, qui jure naturale parentum est, quibus eripi baptizatus deberet, ne Religio sancta memoratæ injuriæ discrimen subiret: Atque ob id videmus, sic Ecclesiam semper Christi de Baptismo præceptum intellexisse.

Itaque ex his deduci primo debet, quod (Suppono factum illicitum, nimirum quod memoratis infantibus Baptismus conferatur) illi curæ parentum suorum subtrahendi sint;

C c 2

cum

(d) 3. p. qu. 68. a. 12. (e) 3. 2. qu. 10. a. 12. & p. 3. qu. 67. a. 10.

cum in hoc casu injuria ad Religionem sanctam ex illorum moraliter certa apostasia reductura prævaleat injuriæ, quam parentes ex eo accipiunt, quod nati dominio suo subtrahantur. Deduci secundo debet, quod filii eorum Infidelium, qui Baptismum receperunt ac postea a Fide defecerunt, & baptizari & rapi parentibus possint, quippe qui ob receptum Baptisma subditi Ecclesiæ sunt, quæ adversus eos in vindictam apostasiæ hunc justitiæ actum exercere potest: sed prius ratio & modus salvandi filios baptizatos certa rataque esse debet. Deduci tertio debet, quod filii Infidelium, qui vera mancipia sunt vereque servitutem servant, baptizari & rapi parentibus possint; quibus quemadmodum dominus filios rapere potest, ut vendat: ita multo magis, ut faciat christianos. Deduci quarto debet, quod filii Infidelium morti proximi baptizari possint; quia hac ratione vita æterna eis certa ac securus redditur, quin parentibus rapiantur, quibus illos mors naturalis eripit. Quinto denique deduci debet, quod, si pars una parentum infidelium Baptismo nati consentiat, baptizari ille possit, quin partis alterius assensus expectetur; quoniam in hac animorum dissensione Religionem favendum est. Ita Episcopo Argentinenfi Gregorius IX. respondit (f).

Postquam tum in præcedenti tum in hoc præsentī sermone de eo, quod ad infantes attinet, satis sufficienterque dixerim; jam quid de adultis, baptizari & militiæ christianæ nomen dare volentibus, sentiendum sit, videamus. In adultis igitur primo sinceram Fidem christianam amplectendi voluntas requiritur, idque ut valide Baptismum accipiant: secundo, ut licite eundem recipiant, exigitur fides mysteriorum Religionis christianæ; Atque ob id maxime prius illi multorum dierum spatium doctrina sancta imbuuntur; cum de Fide sit, quod *sine fide impossibile est placere Deo* (g) Et ex Actibus Apostolorum (h) novimus, Philippum Diaconum postquam Eunuchus Reginæ Æthiopie Fidei mysteria exposuisset & ille

baptizari se peteret, reposuisse: *Si credis ex toto corde, licet; Et respondens ait: Credo firmiter Deum esse Jesum Christum, & sic Baptismum accipit.* Requiritur tertio in adultis, ut licite Baptismi Sacramentum suscipiant, verus dolor de admisis peccatis eorumque sincera detestatio: qui dolor oriatur ex consideratione Dei offensis; unde concipiant saltem aliquem amorem erga infinitam Dei bonitatem: amorem, qui bonitatem divinam rebus quibusvis anteferat & firmo ac stabili Deum nunquam amplius adjuvante ejus gratia, saltem mortaliter, offendendi proposito jungatur.

Hæc omnia, a S. Concilio Tridentino secundum SS. Scripturarum & SS. Patrum mentem, postulatur, quod de dispositionibus in adultis ad Baptismum requisitis inter alia hæc monet (i) *Illumque, tanquam omnis justitiæ fontem, diligere incipiunt, & propterea moventur adversus peccata per odium aliquod & detestationem, hoc est: per tam penitentiam, quam ante Baptismum agi oportet.* Id quod etiam fortiori argumento ex Canone 3. ejusdem Concilii colligitur, in quo definitur, quod homo sine speciali Spiritus sancti auxilio credere, sperare, amare aut poenitere (ut par est) ad obtinendam justificationis gratiam non possit: *Si quis dixerit, sine præveniente Spiritus sancti inspiratione atque adjutorio hominem credere, sperare, diligere aut poenitere posse, sicut oportet, ut ei justificationis gratia conferatur; anathema sit.* Quæ verba etsi eo maxime spectent, ut divini auxilii ad memoratos actus eliciendos necessitas definiatur; tamen etiam ostendunt, quinam actus gratiæ justificationis, quæ in Sacramento confertur, præmitti debeant: Et hos inter etiam amor connumeratur: *Diligere... ut ei justificationis gratia conferatur.* Debet itaque adultus fide, dolore de peccatis suis, spe veniæ, amore erga Deum ad Baptismi susceptionem sese præparare.

Jam ad explicandos Baptismi digne suscepti prodigiosos effectus transire tempus jubet. Horum effectuum primus ac princeps est non originalis solum sed omnium reliquorum, quæ adultus Sacramento recipiens

(f) In cap. Ex Litt. extra de convers. Infidel.
(i) Sess. 6. c. 6.

(g) Hebr. 11. (h) cap. 8.

piens admittit, peccatorum remissio simulque gratiæ sanctificantis regenerantis infusio. Hoc de Fide est, atque a Conciliis sanctis, & his postremis temporibus a concilio Tridentino secundum SS. Scripturarum doctrinam & unanimum SS. Patrum consensum definitum. Effectum hunc Propheta Ezechiel (k) prænuñciavit dicens: *Effundam super vos aquam mundam, & mundabimini ab omnibus iniquitamentis vestris: & ab universis idolis vestris mundabo vos, & dabo vobis cor novum, & spiritum novum ponam in medio vestri*. Idem alii veteris Testamenti loci confirmant: In novo dein Testamento quamplurimi idipsum comprobantes occurrunt. Hos inter citantur, tanquam maxime insignes, duo loci *Actuum Apostolorum*, in quorum uno Petrus conversis: *Baptizetur unusquisque vestrum in remissionem peccatorum*, & in altero Ananias Saulo resipiscenti dixit: *Baptizare & ablue peccata tua*. Qui ipse Saulus, postea Paulus dictus, in multis divinarum epistolarum suarum locis maximum hunc Baptismi effectum commendavit: uti post hunc SS. Patres omnes commendarunt. Hinc generale Concilium Florentinum definivit, „Omnium baptizatorum animas, si post susceptum Baptisma nullum amplius peccatum „admittunt, ex hac vita migrantes statim in „coelum ad visionem Dei trini & unius pervenire „Quam declarationem Concilium Tridentinum (l) renovavit dicens: *Si quis per Jesu Christi Domini nostri gratiam, quæ in Baptismate confertur, reatum originalis peccati remitti negat: aut etiam asserit, non tolli totum id, quod veram & propriam peccati rationem habet, . . . anathema sit*.

Secundus Baptismi effectus est (Uti ex Concilio Florentino, Traditione certa & secure nixo, colligitur) quod per illum baptizatus adultus omnium poenarum, alioquin divinæ justitiæ vel in hac vita vel in Purgatorio debitum, remissionem accipiat; unde adultus, si sine peccato novo, post Baptismum admissio, moritur, recta via in paradisum abit. Sic Ecclesia una cum SS. Patribus docet, quorum omnia loco solum S. Augusti-

num (m) citasse sufficiat: *Si posset? But sinum continuo consequatur ab hac vita migratio, non erit omnino, quod obnoxium hominem teneat solutus omnibus, qua tenebant. Dicit aliquis: Si Deus ob infinitam bonitatem suam tales ac tantas misericordias hominibus per Baptismi virtutem impertire dignatus est, quomodo nos non etiam a fomite concupiscentiæ immoderatisque affectionibus & innumeris aliis miseriis, quibus persepe affligimur, liberavit? Ponunt, O mei! hoc nonnulli magnæ calamitatis loco: Et tamen hoc ipsum ratio quædam supernæ providentiæ amore plenissima fuit, qua uti Deus optimus voluit: Hinc S. Thomas secundum Patrum omnium doctrinam affirmat, tribus maxime de causis Domini has in nobis miseriis relinquere voluisse „Primo quidem, „quia per Baptismum homo incorporatur „Christo & membrum ejus elicatur; cum „autem hic corpus passibile habere voluerit, quippe qui tot passionibus defunctus „sit (non iis, quæ effectus sunt peccati „originalis, quod ille nec contraxit nec „etiam contrahere potuit) conveniens fuit, „etiam baptizatos corpus habere passibile, „ut Christo amantissimo Servatori nostro conformetur: Secundo concupiscentiæ fomitem & affectionum motus interim in „nobis reliquit; ut haberemus, quibuscum „depugnemus & suffulti auxilio suo, petenti cuius promisso, magna nobis merita „multosque gloriæ in cælo gradus pararemus, in illud non ex solo hæreditatis „titulo (uti infantes) sed tanquam probi „ac generosi milites ingressuri „Et hoc argumentum ab angelico Doctore Concilium Tridentinum *sess. 5. mutuatum est „Tertio, ne homines ad Baptismum propter „impassibilitatem hujus vitæ (seu ut poenalitates vitæ præsentis evitarent) & non „propter gratiam divinam ac gloriam vitæ æternæ accederent „Ita S. Thomas (n)* „Igitur cum paterna Dei providentia sic res ordinavit, ut essent nobis hostes, quibuscum confligeremus; num ob id cadere animis debebimus? Nequaquam, ait S. Augusti-*

C c 3

(k) cap. 36.

(l) *Sess. 5. Can. 5.*

(m) *Libr. 2. de Peccat. meritis, c. 28.*

(n) 3. p. qu. 69. a. 3.

gustinus (o) Nequaquam: Quid? Ergo putas desuturum tibi auxiliatorem in via Eum, qui te eruit de vetusta captivitate? Novos tuos hostes non commisit, qui te a vetustis hostibus liberavit? Tantum intrepidus transi, intrepidus ambula, obediens esto. Fator, non desunt hostes . . . Noli timere! Adest in itinere auxiliator, qui non desuit liberator: Noli timere, aggredere viam, præsume securus! Nunquid Deus ille, qui nos ad sacros fontes mera sua misericordia admisit, in conspectu cum hostibus animarum nostrarum positos sui, quod maxime necessarium nobis esse novit, auxilii exfortes relinquet? Neutiquam. Confugiamus itaque cum fiducia ad eum, & nullo non tempore eundem a dextris habebimus, teste David: *Quoniam a dextris est mihi, ne commovear. Propter hoc latatum est cor meum & exultavit lingua mea: insuper & caro mea requiescet in spe* (p).

Alius itemque præcipuus Baptismi effectus est Character, de quo sermone XXXI. dixi. Hic Character baptismalis baptizatum facit membrum Christi & Ecclesiæ: constituit hæredem paradisi, dummodo baptizatus gratiam acceptam conservet aut amissam seria denuo pœnitentia recuperet: reddit habilem ad Sacramenta reliqua valide ac licite suscipienda, quippe quæ sine Baptismo invalide, illicite ac sacrilege recipiuntur: facit subditum Ecclesiæ, eumque ad naturalia decalogi & Ecclesiæ præcepta omnia implenda magis magisque obstringit. Omnia hæc de Fide sunt. Gratia igitur Baptismi, pro eo ut sermone XXXI. monui, confert baptizato jus recipiendi specialia gratiæ auxilia quibus innocentiam conservet: Christo, cujus membrum effectus est, se conformet: opera pietatis Christiano digna faciat; Hæc omnia Doctor angelicus (q) duobus verbis complexus est, dicens, quod per gratiam sacramentalem Baptismi baptizatus moritur vitiiis & fit membrum Christi, adeo ut ad dimittenda opera diaboli & facienda opera, membrum Christi decentia, speciali vinculo obligetur. Hoc pluribus in locis S. Evangelium inculcat, maxime in descriptio-

ne iudicii finalis a Christo ipso facta, in quo reprobos non solum, quod in se non crediderint; sed etiam, quod opera Fidei sanctæ respondentia (Hæc inter sunt opera charitatis erga Proximum) non patnaverint, condemnaturus est. Hoc pariter S. Jacobus Apostolus in sua epistola canonica monet; cujus epistolæ vis maxima in eo est, ut fidem sine operibus nihil prodesse ostendat. Hoc Paulus quoque in multis suarum epistolarum locis & Patres sancti omnes docuerunt.

Quæ cum ita sint, O suavissimi! quantum perturbare animos nostros debet, quod tot baptizatos sic vivere videamus, ut se jam non membra Christi, sed enim membra flagitiorum omnium probent: Membra avaritiæ; dum, & mercedem miseris operariis (eam nec petere audentibus, quod vereantur, ne pecuniæ loco contumelias & plagas accipiant) retinendo & serinum cor erga egenos sub pectore nutriendi & pia legata non exhibendo & indebitas ac cogitatas exactiones agendo & contractus illicitos faciundo & æs alienum non solvendo & manifesta adeo furta patrando, rem familiarem augere tam acriter student: Membra luxuriæ; dum sermones obscenos pro more ferunt, dum in tam periculoso argumento facetiis operam dant, dum phantasiam ac mentem immunditiis pascunt, dum quibusvis se obscenis voluptatibus demergunt; quod maxime vitium Paulus, hanc materiam tractans nominatim expressit: *Nescitis (r) quod corpora vestra membra sint Christi? Tollens ergo membra Christi, faciam membra meretricis? Membra iræ, ad vindictas utut occultas minusque tumultuosas pronissima; dum se offendentes de gradu dimovent, aut eisdem eniti ad gloriam volentibus obstitunt, dum male eis dicunt, detrahunt, infamant, facta eorum divulgant vel male interpretantur aut eos re ipsa lædunt atque male excipiunt, usque dum prava affectio exsaturata fuerit: Membra gulæ; dum aut aperta præceptorum ecclesiasticorum violatione aut emendicatis prætextibus utentes absque ulla rerum*

(o) Serm. 252.

(p) Psalm. 118.

(q) 2. p. qu. 62, a. 2.

(r) 1. Corinth. 6.

respe-

respectu ventrem explent: Membra invidiæ; dum aliena calamitate gaudent, felicitate dolent varios Proximo nocendi modos excogitantes: Membra acediæ; dum res divinas, opera pietatis, preces, præscriptum Sacramentorum usum ex mero tædio intermittunt: Membra denique impietatis; dum Deum ac Christum blasphemis impetunt, dum nominibus Dei, Christi, Mariæ, ac crucis &c. ad quævis juramenta abutuntur; adeo ut qui cum illis agunt, qui eos vident atque audiunt, non solum non imaginem Christiani aut membri Christi aut Catholici, sed ne quidem imaginem Judæi aut Gentilis, immo nec viri honesti mereque philosophice viventis agnoscere in illis queant. . . . Nunquid in hunc deplorabilem statum pars Catholicorum magna redacta cernitur? . . .

Percipite factum quoddam e S. Scriptura, quod memoriæ meæ opportune occurrit: quo ipso & audiendi fastidium vobis levabitur & ea, quæ hucusque dixi, confirmabuntur. Adorabat Rex Babyloniæ Deorum loco idolum (*Bel* vocatum) & draconem; hos quoque Daniel, ut coheret, provocatus constanter reposuit, adorare se unicum verum ac vivum Deum, nequaquam idolum manibus humanis factum aut bestiam ab ipso illo vero Deo creatam: Quare concitus gravi ira Rex permovere Danielelem ad idololatriam voluit, cui Daniel etiam cum vitæ dispendio promissit, facturum se, ut Rex manibus quasi palpare posset, *Bel* mutum ac sensibus carens simulacrum esse; quippe quod comestibilia sibi oblata non consumeret, sed enim sacerdotes illius cum suis per noctem. Successit Prophetæ, istud modo evidenti patefacere; nam, postquam in pavimento cinerem subtilissimum sparsisset, templum regio annulo signavit comestibilia idolo oblata in medio relinquens, quæ deceptus Rex noctu a *Bel* vorari credebatur; cum interim ea Sacerdotes per occultos aditus irreperentes cum suis absumerent. Mane facto & sigillo refixo Rex omnia devorata esse videns, en! exclamavit, en *Bel* Deus vi-

vens est! Cui Daniel: Subsiste nonnihil, O Rex! neque ascende prius, quam, quæ hic impressa vides vestigia, cujus sint, observaveris. Rex oculis in terram demissis, *Vide*, inquit *vestigi: virorum, mulierum & infantium*. Tum Daniel: En! quæ dixi, videlicet sacerdotes hæc omnia cum suis vorare; Iratus Rex in unum convocare sacerdotes iussit, qui ipso facto nequitiae suæ convicti portas secretas, quibus templum subire consueverant, ostenderunt: *Occidit ergo illos rex & tradidit Bel in potestatem Danielis, qui subvertit eum & templum ejus*. At non sic cum dracone agetur, inquiebat rex; Quin immo sic agetur, reposuit Daniel, permittite, ut placentras coquam & ei offeram: Accepta facultate costas misit draconi & ille disruptus mox crepuit: *Et dedit in os draconis, & disruptus est draco*. Quæ cum comperissent Babylonii congregati adversus regem dixerunt: *Judæus factus est Rex* (En! quod ad propositum meum facit) *Judæus factus est*. Quare? Ecce causas! *Bel destruxit, draconem interfecit, sacerdos occidit* (s) Etcum causas hæc tumultuanti populo longe gravissimæ viderentur, spoliare regem vita & exterminare familiam universam minitabantur, nisi eis Rex traderet Danielelem; quod & fecit.

Quod si nos quoque, O suavissimi! ex baptizatorum actibus de Religione eorum statueremus, heu! de quam multis dici posset: *Judæus est, Idololatra est*, immo *Animal brutum est*. Aut quomodo pro baptizatis & membris Christi haberi poterunt, qui ad juramenta dicenda sacratissimo ejus nomine abutuntur: qui sanctissimo corpori & sanguini ejus pretiosissimo convicia dicunt: qui nihil minus quam præcepta ejusdem servant? Quomodo pro christianis reputari poterunt, qui in Ecclesiis, in quibus Christus sacramentaliter residet, eo inspectante procurant, obscæna loquuntur & quandoque de horis ac temporibus, quibus cupiditates suas explant, concidunt; æque ac si fide omni careret & coram rusticola quodam adstarent? Nunquid de his dici potest: *Judæus factus est*; cum Christum re vera tam parum curent, ac vi-

lif.

lissimum rusticum? Quomodo inter Christianos computari poterit scœmina, quæ suæ sibi ipse indignitatis conscia suscipit Sacramenta: quæ, ut impudicis amoribus, quibus ardet, potitur; vel ut odium, quo exeditur, satiet, & nomine & re Sacramentorum ad maleficia, veneficia & alias diabolicas artes abutitur? *Judæa facta est*, immo peius quid; nam ne Judæi quidem cum dæmoniis conspirant. Verbo: Non vivit ut baptizatus, non vivit ut membrum Christi, quisquis eum quotidie offendit, male tractat, jubentem contemnit & crucifigere denuo (quantum in se est) nihil curat, ut immoderatæ affectioni suæ faciat satis. Finire igitur cum Apostolo Jacobo, dicereque omnibus juvat:

(t) Jac. 2.

Quid proderit, Fratres mei! si fidem quis dicat se habere; opera autem non habet. Nunquid poterit fides sola salvare eum? Fides, si non habet opera, mortua est in semetipsa. Tu fidem habes, & ego opera habeo. Oslende mihi fidem tuam sine operibus; & ego ostendam tibi ex operibus fidem meam. Et quemadmodum corpus aliquod esse vivum & habere animam ex eo cognoscitur, quod se moveat atque operetur; ita & fides vivam se operibus christianis ostendit: Sicut enim corpus sine spiritu mortuum est, ita & fides sine operibus mortua est (t) Opera, O mei! opera requiruntur, ut fides nobis prosit; secus inde nil nisi majorem in Judicio metum & atrociores in inferno dolores percipiemus.

SERMO XXXIV.

Agitur de Sacramento Confirmationis; & ii, quibus humanus respectus dominatur, animantur.

QUanquam Jesus per Baptismi Sacramentum nos ab omnibus peccatis ante Baptismum commissis itemque a pœnis eorum temporalibus vel in hac vita vel post mortem in Purgatorio luendis liberarit; tamen nequaquam ab effectibus peccati originalis (scilicet a malis corporis, a pravarnm affectionum insultibus & concupiscentiæ infestationibus) eripere nos voluit eum unice in finem, ut adjuti illius gratia nos quoque pro virili parte in obtinenda salute æterna elaboraremus; quippe quæ ab adultis, veluti quædam corona, acquiri debet. Neque tamen ob id auxilio nudos reliquit, nam præter gratiæ actualis (quam *auxilientem* vocant) adjumenta sanctum quoque Confirmationis Sacramentum instituit, quo maxime id agitur, ut baptizatus ad generosum cum suæ salutis hostibus conflictum & legis christianæ, quam observatum se in Baptismo pollicitus est, defensio-

nem animetur viresque accipiat; uti paulo post dicemus. Et quoniam in aliquibus ad hoc Sacramentum spectantibus articulis, non in dogmate ipso, Theologi haud levibus controversiis inter se mutuo dividuntur (maxime circa ministrum extraordinarium hujus Sacramenti) nos litibus his eo, quo pertinent, remissis illa solum proponemus atque explicabimus, quorum scientia requiritur, ut Fideles de hoc Sacramento satis edocti esse videantur.

Sacramentum, de quo agimus, variis nominibus a SS. Patribus appellatur; prout in libris polemicis nostrorum Theologorum videre est: Horum nominum usitatissimum vox *Confirmatio* sive *Chri. ma*. Confirmatio verum Sacramentum est; uti Concilium Tridentinum in præmissis sermonibus sæpius laudatum definiivit, dum in *Canone, de 7. Sacrament.* etiam hoc in numerum Sacramentorum reposuit: quæ doctrina SS. Scripturis

pturis & Traditione nititur. Quod ad SS. Scripturas attinet; manifestum in *Actibus Apostolorum* (a) factum occurrit; quippe in quibus legimus, Apostolos certiores factos, quod Philippus diaconus multos in Samaria ad Fidem Christi adduxisset, eo Petrum & Joannem misisse, ut conversos Chrismate sancto inungerent; quod facere non Philippi (quippe meri diaconi) sed enim Apostolorum fuit, qui tum Soli in Ecclesia Episcopi erant. Quod ad Traditionem attinet; Patres sancti omnes uno ore & communi consensu dogma istud comprobant: Horum unum longe celeberrimum, vetustissimum, Episcopum juxta ac Martyrem audisse sufficiat, S. Cyprianum de allato facto scripturistico in hæc verba differentem (b) *Quia legitimum & ecclesiasticum Baptismum consecuti fuerant Samaritani, baptizari eos ultra non oportebat; sed tantummodo, quod deerat, id a Petro & Joanne factum est, ut oratione pro eis habita & manu impositione invocaretur & insunderetur super eos Spiritus sanctus: Quod nunc quoque ad nos geritur, ut, qui in Ecclesia baptizantur, Præpositis Ecclesiæ offerantur & per nostram orationem & manuum impositionem consequantur & sig. aculo dominico consummentur.*

Manet igitur, Confirmationem verum Sacramentum esse a Christo in ultima Cæna institutum, quando se plenitudinem Spiritus sancti post suam ad celos ascensionem in Apostolos emissurum esse promissit, eosque de modo administrandi hujus Sacramenti edocuit: Hinc Sacramentum istud non nisi post adventum Spiritus sancti ministratum fuit; cujus plane angelicam hanc causam S. Thomas (c) reddidit: *Christus instituit hoc Sacramentum non exhibendo sed promittendo secundum illud Joan. c. p. 14. Si non abiero, Paracletus non venit ad vos: si autem abiero, mittam eum ad vos: Et hoc ideo, quia in hoc Sacramento datur plenitudo Spiritus sancti, quæ non erat danda ante Christi resurrectionem & ascensionem secundum illud Joan. cap. 7. Nondum erat Spiritus datus, quia Jesus nondum fuerat glorificatus.*

Materia remota hujus Sacramenti est oleum balsamo mixtum, ex quibus duobus Chrima exit; uti Eugenius IV. in *Decreto ad Armenos* docet. Hinc sequitur, quod manuum Episcopi impositio (videlicet unctio manu Episcopi facta) materia proxima sit Sacramenti: Et, ut memoratum Chrima sit materia idonea hujus Sacramenti, ab Episcopo benedictum ac consecratum esse necessario debet. Unde S. Basilii Cæsareensis Episcopus (d) *Consecramus . . . oleum unctionis &c.* Idemque Patres reliqui affirmant, hosque inter S. Augustinus diserte dicens (e) *Quod sanctum signum (Crucis) nisi adhibeatur . . . oleo, quo Chrimate unguntur . . . nihil omnino rite pericitur.* Quorum rerum omnium rationes longe præstantissimas pro more suo S. Thomas 3. part. quæst. 72. per totam quæstionem exhibet, quo & lectorem remitto, quod in his longior esse non debeat; cum non quæstiones theologicas cum Theologis tractem, sed populo Fidelium Fidei veritates simplici modo exponam. Ob id paucis monitos vos volo, ex præfata consuetudine Chrima in Ecclesia seria quinta hebdomadis sanctæ consecrari; cujus rei testimonium Bonifacius Archiepiscopus Moguntinus (f) Sacramentarium S. Gregorii M. aliaque vetustatis monumenta perhibent: & causas etiam citato loco S. Thomas exprimit. Forma deinde Sacramenti Confirmationis consistit in verbis, quæ Episcopus pronunciat, dum frontem Confirmandi in formam crucis inungit, quæ variis quidem temporibus immutata fuerunt (Uti ex Sacramentario S. Gregorii, ex Ordine Romano in Ecclesia occidentali, ex Eucharistiis Græcorum patet) quippe a Christo non determinata, dummodo effectum Sacramenti significent; sed Ecclesiæ arbitrio ad determinandum relicta: Nunc autem verba hæc sequentia sunt ab Eugenio IV. in memorato *Decreto* expressa: *Signo te signo crucis & eo firmo te Chrimate salvus, in nomine Patris & Filii & Spiritus sancti.*

Suscipi Sacramentum hoc ab omnibus baptizatis debet, monentibus id graviter SS.

P. Cuniliati Catechista.

(a) Cap. 8. (b) Epist. 72. ad Subianum. Spiritu S. c. 27. (c) Tract. 18. in Joan.

(d) 3. p. qu. 72. a. 1. (e) Libr. de Epist. 12.

SS. Patribus, quos inter antiquissimus S. Cyprianus ait (g) *Ungi quoque necesse est cum, qui baptizatus sit, ut accepto Chrismate (id est, unctione) esse unctus Dei & habere in se gratiam Christi possit.* Unde S. Thomas (h) *Ommino periculo sum esset, si ab hac vita sine Confirmatione migrare contingeret.* Hinc curandum a parentibus, ut nati confirmentur: Et si in hoc vel genitores ipsi vel filii adulti notabilem negligentiam admitterent, ob tacitum Sacramenti contemptum graviter peccarent; id quod ex poenitentia colligitur, quam veteres Canones in ejusmodi genitores statuerunt, & quæ annorum trium fuit; quod ipsum poenitentiae genus non nisi pro gravi culpa imponi consueverat. Ita testatur S. Carolus Borromæus (i) *Parentes, quorum negligentia id factum est, ex libro poenitentiali poenitentiam olim egisse annos tres, apparet.*

Requiritur, ut Confirmandus in statu gratiæ sit. Hinc si in statu peccati mortalis esset, prius confiteri, si potest; & si non potest, actum perfectæ contritionis elicere debet. Requiritur præterea, ut Confirmandus de valore deque effectibus Sacramenti edoctus sit; Unde hæc omnia vel parrocho vel parentibus vel patrino instructante discere prius debet.

Effectus autem hujus Sacramenti sunt, primo gratia habitualis sanctificans: videlicet ejusdem augmentum (Nam vult sibi, uti dixi, Sacramentum hoc, ut recipiens in statu gratiæ sit) Hæc gratia corroborat animam, eandem magis magisque perficit & hominem omnibus hominis christiani partibus ac numeris perfectum atque absolutum reddit; qui effectus non nisi animæ, jam in statu gratiæ viventi, conveniunt. Hæc gratia Confirmatio jus, tanquam specialem suum effectum, affert recipiendi a Deo auxilia, quibus adjunctis data occasione Religionem catholicam legemque christianam profiteatur; de quo inferius dicetur. Alius Sacramenti hujus effectus est Character, quem illud animæ indelebiter imprimit; de quo Sermone XXXI. egimus: Hinc Sa-

cramentum Confirmationis in numero est trium illorum Sacramentorum, quæ iterari non possunt; nam, uti observat S. Augustinus (k) omnia Sacramenta, in quibus per manuum impositionem homines ad aliquem gradum consecrantur, atque eisdem hac ratione Character imprimitur, iterabilia sunt. Et quoniam tam in Baptismo quam in Confirmatione ac Ordine manus imponuntur & personæ consecrantur (Dum per primum Sacramentum membris Christi & ovibus Ecclesiæ aggregantur: per secundum tanquam milites Christi, Fidem ejus legemque tuituri, constituuntur: per tertium ministratio[n]i Sacramentorum destinantur & ministri Christi efficiuntur) ob id animabus Character horum trium graduum imprimitur atque ista Sacramenta iterabilia redduntur: *Utrumque*, de Baptismo & Ordine loquens ait (Idipsum de Confirmatione tenete) *Utrumque Sacramentum est, & quadam consecratione homini datur; illud, cum baptizatur; istud, cum ordinatur. Et ideo in Catholica utrumque non licet iterari.* Hoc ipsum sequenti ratione S. Thomas (l) probat: Character est potestas spiritualis (Uti loco citato monui) Et quemadmodum in Baptismo potestas agendi in ordine ad propriam salutem & recipiendi cetera Sacramenta: in Ordine, deinde potestas agendi circa sacra ministeria & Sacramenta conceditur; ita in Confirmatione datur potestas Fidem ac legem Christi publice adversus hostes non solum invisibiles sed maxime visibiles Religionis catholicæ inimicos prositendi: Atque ob id necesse est etiam hoc Sacramento imprimi Characterem, qui nil aliud est quam potestas spiritualis: *Et ideo manifestum est, quod in Sacramento Confirmationis imprimitur Character.*

De ritibus seu ceremoniis in administratione hujus Sacramenti: Hos inter, qui ad vos, O mei! spectet, est ritus Patris, qui unus esse debet & quidem (Ut observat S. Carolus Borromæus) viris vir, foeminis foemina; quod hoc decori ratio & honestas naturalis postulet. Patrinus non idem sit, qui in Baptismo; sed alius ab illo annos saltem

(g) Epist. 70.

(h) 3. p. q. 72. a. 2.

(i) Instruct. de Sacram.

(k) Lib. 2. contra

Epist. Parmen. c. 12.

(l) 3. p. q. 73. a. 1.

quatuordecim habens, qui Confirmandum, dum Sacramento initiatur, tangat. Compateritas ista parit cognationem spirituales eodem modo, quo de Baptismo sermone XXXII. dixi. Caussam, ob quam etiam in hoc Sacramento adhiberi Patrum Ecclesia jubet, hanc subdit S. Thomas (m) Si quis militiæ nomen dans belli artes nescit, habet opus aliquo, a quo bellica præcepta discat: ita etiam in nostro casu, cum baptizatus per Confirmationis Sacramentum in militem Christi consecratur, merito ei Ecclesia præceptorem, instructorem, assistentem assignat, a quo militiæ spiritualis elementa & hostes visibiles, Fidei legisque christianæ impugnatores, vincendi modum doceatur.

Est itaque sanctissimi hujus Sacramenti scopus, ut recipiens in Fide ac lege Christi, neglectis contumeliis & vexationibus doloribusque ac morte ipsa, prosistenda stabilis ac animi constans reddatur. Sed quoniam jam non sanguinolenta persecutionum a Romanis olim Imperatoribus, excitatarum tempora vivimus, nec etiam terras cruentis pro Fide certaminibus inclytas habitamus, cogitabitur forsitan, deesse Confirmatis locum & occasionem, gratiam per Confirmationis Sacramentum acceptam & potestatem a Characteris animæ impressu impertitam exercendi? At longe aliud, O mei! bellum, fors etiam perniciosius, nostris hisce temporibus Ecclesia Dei sancta sustinet. Non jam a Neronibus aut Domitianis aut Hadrianis aut Diocletianis impetitur, sed ab ipsis suis filiis (solum filiorum nomen gerentibus, re autem vera capitales se hostes præbentibus) bellum longe perniciosissimum patitur: nam dum persecutiones gentilium, Romæ Imperatorum, in gentes Martyrum strages dando, Ecclesiam novis filiis fecundarunt, (Unde acute Tertullianus: *Sanguis Martyrum semen Christianorum*) hoc contra bellum, quod illa a scandalosis filiis patitur, qui vitam ad Christianissimi regulas conformatam irrisui habendo & facientibus ea, quæ facere oportet, illudendo Proximum debilem

atque infirmum captant, ut abjectis probis moribus licentiosam, quæ ipsi pessimi utuntur, vivendi rationem sectetur & pederentim in mille offensiones Numinis incurrat: hoc (inquam) bellum, quo minus cruentum, eo crudelius est; quia filios & in Matrem & in Deum rebellare facit: quin illa aliud quid, quam multarum animarum eadem, accipere inde possit. Quapropter ego ad hosce infirmi animi homines animandum sermonis hujus mei reliquum destinandum esse duxi, servans metus præfatis seductoribus incutiendi argumentum in alium locum, in quo de scandalo, inter peccata charitati Proximo debitæ contraria præcipuo, agetur.

Ac primum quidem infirmos illos, qui a dissolutis hominibus captari se & nescio in quam servitutem redigi sinunt, vitam bene coeptam aut intermittentes aut vitam licentiosorem sectantes, ut probra nequissimorum effugiant, monitos velim, hanc servitutem præter omnem rationem ac sine causa ab eis suscipi. Quis enim est, qui ignoret, quam fallacia sint mortalium sensa, quam futilis humanæ opiniones? Quoties illi, & ut plurimum non approbant ea, quæ laude digna? Quoties etiam improbant ea, quæ omnino probanda sunt? His accedit sententiarum humanarum instabilitas & inconstantia. Quoties nos ipsi nostris auribus improbari ea audivimus, quæ paucis antè diebus probantur ab iisdemmet, qui illa modo improbant? Immo nunquid contraria indoles, levis suspicio, offensa pro tali credita & res quævis minutissima sufficit, ut mortales dignas laudibus actiones, quas de iis, erga quos minus bene affecti sunt, audierunt atque viderunt, derideant ac improbent? Et posthac a ratione haud alienum sit, actiones suas ad humanum (tam debile, tam inconstans, tam præoccupatum) judicium exigere? Ob hoc S. Paulus (n) dixit: *At hi autem pro minimo est, ut a vobis judicer aut a humano die.* Denique quinam sunt hi, quorum irrisiones timentur? Haud dubie Viri probi, sapientes, boni, prudentes:

D d 2 .

tes:

(m) Loc. cit. a. 10.

(n) 1. Corinth. 4.

tes: Ah! nequaquam; nam hi mirantur; commendant, deprædicant & in exemplum pietatis sibi assumunt eos, qui probe agunt: Quinam ergo sunt? Inimici scilicet Dei, homines profligati, homines indomiti & effroenes, qui Libertinissimum novis accessionibus augere atque amplificare contendunt; ut si nulla alia re, saltem numero assecutorum, improbitatum suarum excusationem sibi parent. Et hi tales digni vobis videntur, quibus concedatis, quibus serviat? Quin potius neglectui & contemptui habendi illi sunt; quippe quorum mores sequi nil aliud est, quam justam & rationi consonam Virorum sapientum offensionem suscipere: adeo ut, quo stultorum, malorum & inimicorum Deo hominum ludibria evitetis, necesse vobis fiat in Virorum sapientum offensionem incurrere; quæ sola viro honesto & rationem ducem sectandi froeni loco esse debet. Jam olim pronuntiavit Spiritus sanctus (o) *Contra malum bonum est & contra mortem vita, sic & contra virum justum peccator; & sic intueri in omnia opera Altissimi: duo & duo, & unum contra unum.* Quæ cum ita sint nec fieri possit, ut mortalium omnium, quippe tam inter se dissentientium sibi que mille de causis mutuo contrariorum, existimatio obtineatur; quid vobis præstabilis videtur, sapientumne an licentioforum hominum existimatione ac laudibus frui? . . Heus! quis non videt, quod (si laus humana appeti debet) multo satius sit, a sapientibus quam male viventibus prædicari? Abeat itaque in malam crucem servitus ista, quæ nos in diaboli partes trahere tentat. Perge tu, O Christiane! pie vivere: perge frequentare Sacramenta: perge te theatris, promiscuis conversationibus ac lusu periculosis subducere: perge vitare usum ac consuetudinem dissolutorum; Et si te pauci malorum desiderabunt, contra sapientum ac proborum Virorum laudes feres. Perge tu, O Christiana! modesto uti vestitu: perge esse sola & in secessu: perge repudiare omnia virorum obsequia & ancillationem: perge exhorrere detestabilem conversandi licenti-

am, quacum nostris temporibus vivitur. Et a sapientibus Deumque timentibus laudaberis; quidquid contra discoloræ & scandalosæ amicæ tuæ obganniant. Quod si vos secus agitis, non solum rationi, qua ornami; sed etiam Religioni catholicæ, quam profitemini, injurias facitis: Atque hæc causa (videlicet injuria Religionis) eam, quam modo attuli, sua gravitate ac pondere multum superat.

Profecto quantum animi atque roboris accedere nobis debet ex eo, quod sciamus, nos ad normam legis christianæ & ex præscripto officiorum ordinis nostri vivendo gaudium ac voluptatem Deo asserre, in cuius comparatione, heus! quam parvi non solum paucorum aliquot male viventium sed etiam mortalium cunctorum judicium pendi ac æstimari debet? Fingite vos in Gallia esse, & una ex parte omnes regni illius pueros ex altera solum Regem statuiste: Ponite post hæc, videre vos subditum aliquem ex regno illo cunctis viribus studentem, ut sua agendi ratio omnibus illis pueris octo vel decem annos natis probetur, nihili contrarientem, ut eadem Regi suo summo probetur. Nunquid subditum hunc pro stulto haberetis? Nunquid diceretis: Hem! quid est illius turmæ puerorum universæ judicium, si Regis tui judicio comparetur, cuius ex arbitrio totus pendes: Quamobrem non sic actiones tuas componis, ut placere Monarchæ tuo possint, quin vel cogites, quid pueri de te dicturi sint? Ita vos diceretis: Ita ego quoque dico, & mecum omnes, quibus sana mens est. Jam ex vobis quæro, in qua comparatione majus discrimen majoremque inæqualitatem interesse putetis, anne in comparatione regis Galliarum cum pueris regni cunctis, an vero in comparatione Dei cum mortalibus orbis terrarum universis? Sin minus omne & Fidei & rationis lumen amisistis, dicere (credo) debetis, in comparatione Dei cum hominibus cunctis infinito majorem inæqualitatem inesse, præ comparatione regis Galliarum cum pueris regni universis; nam hæc posterior com-

para-

paratio circa duas res finitas: illa prior circa ens infinitum & rem finitam versatur; unde unum inter atque alterum Extremum infinita quædam disparitas ac distantia intercedere debet. Jam si secundum mortaliū omnium sententiam insaniret is, qui neglecta regis gratia favorem auramque puerilem studiose caparet; certe illos Christianorum omni plane ratione desitutos esse oportet, qui posthabito beneplacito Dei paucis malorum, pessime viventium & inimicorum Numini divino, probari se student: Erunt ergo in numero stultissimorum Christiani & Christianæ illæ, qui dissolutorum & perditio seculi more viventium ludibris exterriti probum vitæ tenorem, vestiendi verecundiam, circumspectionem in loquendo, in agendo modestiam, verbo: mores Christiano dignos (quibus omnibus Deo placeant) deferunt, ut paucis reproborum placeant eorumque sese disteriis subducant.

Hæc cogitans David ludibria uxoris suæ Michol nihil fecit: Percipite factum istud egregium & ad materiam, de qua agimus, appositissimum (p) Indixerat Rex hic multo religiosissimus, Arcam Domini ex domo Aminadab in suam transferens civitatem, solennem supplicationem plus quam triginta mille hominum accita insuper permagna variis musicis instrumentis ludentium multitudinem, ut hac ratione ad majorem devotionem plebs compuncta excitaretur: Atque ut ipse erat citharizandi & saltandi peritissimus, depositio regio chlamyde canere fidibus & saltare ante Arcam coepit, externis hisce signis devotionem suam juxta ac religiosi animi gaudium ostendens. Subeunte urbem supplicatione Michol per fenestras prospiciens vidit Regem maritum (ut dixi) canentem ac tripudiantem, & superbia muliebri elata indignum hoc rege esse & ad se quoque, utpote uxorem regiam, creditæ indignitatis partem redire arbitrata est. Hinc ad Regem peracta functione in palatium revertentem conversa indignante vultu: *Quam gloriosus fuit hodie, ait, Rex Israel discomperiens se ante ancillas servorum suorum, & nu-*

datus est, quasi si nudetur unus de furiis. Ad quem mordacissimum jocum Rex sapientissimus: Ante Dominum (cujus majestas in illa Arca repræsentabatur) *qui elegi me potius quam patrem tuum . . . ut eum dux super populum Domini in Israel, & lulan & ulor fam, plus quam factus sum, & ero humilis in oculis tuis & cum ancillis, de quibus locuta es, gloriosior apparebo. Ecce, O mei! sic vera Religio animum Davidis ad spernenda ludibria commovit: Ah! Utinam similes sensus vestris indere animis, O suavissimi! possem. Deum, O chari! Deum respicere, ut adversus diaboli assecras fortes stemus, dicereque oportet: Ante Dominum, qui me summo beneficio Christianorum in numerum aggregavit, vilis factus sum & vilior fam. Dicant improbi, quidquid velint, contemnant, spernant, irrideant: Ob id illa, quæ muneris mei sunt, implere non intermittam. Deus, Deus spectetur; hujus favor quærat, non paacorum malorum suas in partes trahere nos volentium plausus & beneplacitum. Væ, ait S. Augustinus (q) Væ huic servituti, quæ in diaboli laqueos cadere nos facit! Insultatur homini, quia Christianus est . . . & ab aspero verbo incidit in nupscipulam diaboli. Insultatur homini, quia inter multos Christianos melius vivit, & timens spera verba insultatorum incidit in laqueos diaboli.*

Es Christianus? Sum: Gloriaris tanta Fide? Glorior: Erige itaque oculos Fidei, monet S. Paulus (r) & respice caput tuum Christum Jesum: Cogita, eum contradictionum omnium metam fuisse: Considerate eum, qui talem sustinuit a peccatoribus adversus semetipsum contradictionem. Nunquid ludibria, derisiones, insultus a te tolerandi tanti unquam ac tales erunt, quales Christus sustinuit? Hos cogita; & non pigeat, non tædeat te tam levia perferre: *Ut ne defatigemini animis vestris deficientes.* Adde igitur tibi animos, O chari! dic animo tuo: Jesus tot contumelias, tot irrisiones, tot gravissimas insultationes, quas in Evangelio legitimus, Jesus & calumnias & infamiam

D d 3

(p) 2. Reg. 6.

(q) In Psal. 90.

(r) Hebr. 12.

&

& alapas & ludibria &c. tulit: Et ego Christi in gratiam, ut me legi ejus fidelem conservem, mordax verbum, dicerium, agnomen non feram? Ego, qui sum vermis, qui per admissa peccata inferni poenas commerui, ego qui miseris perpetuo circumundique cingor, non feram; cum tamen ille, qui verus Deus, creator, conservator, redemptor, Dominus univerforum est, tot tantaque tolerarit? . . . Hæc cogitantes & auxilium ejus implorantes *non deficietis animis vestris.*

Quod si scommata malorum ipsius rationis itemque Religionis gratia: tum maxime nostræ salutis æternæ causa nobis devoranda sunt; cum jam olim Iulius pronuntiavit: *Omnes, qui pie volunt vivere in Christo Jesu, persecutionem patientur* (s) Erunt itaque persecutiones pie in Christo viventibus: His autem vel cedimus; & ecce perivimus! vel resistimus; & ecce ad salutem emerisimus! Equidem non omnia illa sarcasmata proxime atque immediate eo spectant, ut nos primo impetu in peccatum grave impellant, neque omnia pium Christianum aut Christianam ad mortalia facinora seducunt (quamvis hujus pellimi & execrandi generis multa invenire sit) attamen ad extremum cuncta in hunc finem spectant; Nam dum id agunt, ut de vitæ christianæ tenore, de Sacramentorum frequentatione, de oratione, de morum verecundia deque fuga periculorum conversationum remittamus: Ecce utique illis præfidiis, illis adjumentis, illis armis spoliare nos tentant, sine quibus moraliter fieri non potest, ut gratia Dei conservetur: quæ ipsa ab iis, qui humani respectus servitutem servant, cito ac facile perditur, qua amissa quis non videt, nos in præfenti damnationis æternæ periculo versari? Resistere itaque, contemnere atque negligere oportet lanas illas atque illusiones; nam, ut ait S. Cyprianus, *quomodo potest esse in æternum cum Christo, qui ad Christum pertinere aut crucifiscit aut metuit* Christiana igitur magnanimitate sanctaque adversus irrisores hos & diaboli fautores audacia opus est.

Mementote, O mei! Josephi ab Arimathia discipuli Christi, utut teste S. Joanne (r) occulti, eumque post ignominiosissimam Christi crucifixionem in palatio Pilati stantem mentis oculis intueamini; quærite ex illo, quid petitorum a præside adsit? Respondebit: se sanctissimum Christi corpus petere, terræ decenti funere a se mandandum. Quid agis Vir nobilis, decurio! Occultum hactenus Dei hujus crucifixi discipulum egisti, & nunc ejus asilem te paupem proficere cogitas? Idque tam periculoso rerum statu, sæviante adhucdum in Christum plebe Judæica, Præside post intentatam Cæsaris iram ignaviter cedente, fenatu universo in Jesum pessime affecto. . . Nonne vides, quod præter Ludibria, quæ feres: præter libilos, quibuste conscindunt: præter contemptum, in quem incurres, insuper decurionatum, generis nobilitatem, fortunas, fors & vitam ipsam amittendi discrimen præsentissimum subbeas? . . . Frustra sum, O mei! non audit ejusmodi consilia Joseph, & jam S. Evangelista Marcus monet (u) quod *audacter introivit ad Pilatum & petiit corpus Jesu.* Neque credatis velim, Josephum obtenta licentia corpus Christi clavi sepelivisse: Nequaquam. Sed, postquam centum libras aromatum & sindonem aptum coemisset, cadaver sacratissimum balsamo illinivit, sindone involvit & novo suo sepulchro condidit; quorum omnium testes SS. Evangelistas habemus. Miram generositatem! Magnum animi robur! At unde tantæ Josepho vires? primum ab auxilio Numinis, dein a salutis æternæ studio. En verba Evangelii: *Qui & ipse erat expectans regnum Dei*, ait Marcus (x) & S. Lucas (y) *Qui expectabat & ipse regnum Dei.* Hoc salutis obtinendæ studium effecit in Josepho, ut *audacter ad Pilatum introverit*: ut respectum hominum omnem abiecerit: ut tam gravi ac periculoso rerum statu discipulum esse se Jesu absque ullo metu offenderit. Sic & nos agere debemus, quibus nequaquam tam gravia impendent, ac Josepho decurionis: Irreverentes esse debemus; nam, ut ait S. Au-

gusti-

(s) 2. Timoth. 3.

(t) Cap. 19.

(u) Cap. 15.

(x) Cap. 15.

(y) Cap. 23.

gustinus (2) *Quid est irreverentia! Est non confundi. Oportet ut habeat Christianus istam irreverentiam, quando venerit inter homines, quibus displicet Christus. . . . Si erubueris, mortuus es; Sententiam quippe ipse vide, qui neminem fallit: Qui me erubuerit coram hominibus, & ego erubescam illum coram Angelis Dei. Frontosus esto, quando audis opprobrium de Christo: prorsus frontosus esto. Quid times fronti tuæ, quam signo crucis Christi (Alludit ad Sacramentum nostrum) armasti. Mañti igitur virtute, O mei! simus, neque ob insultuum & irrisum a dissolutis sustinendarum formidinem vitæ sanctæ*

rationem operaque pia & Christiano digna intermittamus! Cogitemus potius, nos in sancto Confirmationis Sacramento per signum sanctæ crucis Characterem militum Christi accepisse impressum ab Episcopo frontibus nostris: &, dum erubescere debemus, si legi Christi repugnanter vivimus, contra gloriari nos debere, si sub vexillo crucis militamus & fidos nos Christi milites, omne erga improbos subjectionis genus contemnendo, probamus. Nam aliter qui egerit; contra rationem, contra Religionem, contra suam salutem agit: Si erubueris, mortuus es.

(2) In Psalm. 68.

SERMO XXXV.

De Augustissimo Eucharistiæ Sacramento, & de amore Christi, quem in hoc Sacramento ostendit.

Cum de Sacramentis nostris differenti mihi auscultare gratum vobis, O mei! omni tempore (ut spero) accidat; tum certe de augustissimo Eucharistiæ Sacramento dicentem audire quam jucundissimum evenire vobis deberet, si tantus mihi dicendi ardor ac facundia tantaque pietas adesset, quanta ad illud scite exponendum mentibusque vestris penitus imprimendum desideratur. In hoc etenim mysterio, ceu quodam reliquorum Sacramentorum scopo ac centro, divini amoris sui magnitudinem perfectionemque Dominus Jesus ostendit; quippe in quo & abundantior gratiam animabus bene paratis confert, & nobis semper atque ad finem seculi usque personaliter adest, ut secum pro libitu nostro conversemur & ad se nostris in necessitatibus confugientes omnis generis auxilia reportemus. Quapropter si divino præsidio ad bene dicendum semper egui; tum maxime in omnibus de hoc Sacramento habendis sermonibus

coelesti me ope plurimum indigere agnosco atque profiteor, eumque in finem vestrarum, O suavissimi! orationum suffragiis sublevari oro atque obtestor, quibus mihi necessaria ad dicendum adjumenta a Jesu exorare & jam incipite & pergite, quo ad vos sic dicam, ut longe piissimi singularis erga hoc augustissimum Sacramentum devotionis sensus vestris cordibus insilluntur: Quod gratiæ genus si nobis Dominus concesserit, & vos & me quam beatissimos prædicavero.

Atque ut ab ipso hujus Sacramenti nomine sermonis initia ducam, sciatis velim, multis illud nominibus a SS. Patribus appellatum fuisse. A nonnullis *Eulogia d vina* seu (quod idem) *Benedictio divina* dicebatur; unde etiam ab aliis *Sacramentum benedictionis, sanctificationis, consolationis* vocatum fuit: A quibusdam *Convivium celeste*: a nonnullis *Mensa Domini, Mensa spiritalis*: ab aliis *Cena Domini*: ab aliis *Panis vitæ* vel *Panis Angelorum: Panis supersubstantialis: Panis*

Panis in Bethlehem natus: Panis Dominus: Panis concordia: Fractio panis: item Sacramentum Eucharistiae: Mysterium Fidei: Religio christiana: Arcanum aut Communio appellatur: Ab aliis idque frequentius Corpus Domini: ab aliis Sancta & Sanctum Domini: ab aliis Gratia: ab aliis Esca spiritualis: Sacramentum: Pretium nostrum: Sacramentum Sacramentorum: Pax: Vaticum: ab aliis denique idque communius etiam a vetustissimis Eucharistia seu (quod idem) Gratiarum actio dicebatur. Veneranda hæc nomina cuncta SS. Scripturis nituntur, & vel actionibus Christi vel verbis Christi vel promissis Christi vel effectibus Sacramenti vel illius administrandi modo vel eo, quod hoc Sacramento continetur, firmantur. Utatissimum tamen hujus Sacramenti nomen est (quod monui) Eucharistia: uti in vetustissimis & doctissimis Patribus S. Justino Martyre (a) S. Irenæo Episcopo & Martyre (b) Tertulliano (c) S. Cypriano Episcopo & Martyre (d) & in Concilio I. Nicæno (e) videre est.

Sacramentum Eucharistiae, cum sit omnium summum, & Sacramentum simul ac Sacrificium, præ aliis omnibus in veteri Testamento figuratum fuit, affirmarique poterit, omnia prisca Sacrificia hujus sacrificii figuræ extitisse: Inter vetera illa sacrificia eminent sacrificium Melchisedech, quod Eucharistiam, ut nunc Sacramentum præfiguravit: Manna, quod Eucharistiam quoad effectus præostendit: Sacrificia expiatoria & propitiatoria, quæ Eucharistiam, quasi rem corpus & sanguinem Christi continentem, indicarant: Agnus paschalis, qui Eucharistiam repræsentavit, ut Sacramentum & Sacrificium; de quo particulatim suo loco agatur.

Jesum Christum in Coena ultima cum Apostolis habita Sacramentum Eucharistiae instituisse, claris verbis Evangelistæ prodiderunt; nam cum se carnem suam in cibum & sanguinem suum in potum daturum esse teste S. Joanne (f) spondidit, promissa sua implevit instituendo venerabile hoc Sacra-

mentum, quando porrigens panem discipulis: *Hoc est corpus meum* & postea calicem exhibens dixit: *Bibite ex hoc omnes; Hic est calix sanguinis mei;* Quorum verborum omnipotenti virtute panem in corpus, vinum in sanguinem suum commutavit: uti Fides & Patres sancti omnes docent.

Ex his colligitur, materiam hujus Sacramenti, panem ex frumento confectum & vinum e vite expressum, esse. Dixi: *Panem ex frumento confectum*, qui solus absolute appellatur *Panis*; cum ceteræ panis species nequaquam absolute *Panis* dicantur, sed panis ex secali, panis ex hordeo: & sic de aliis frugibus; Unde ubi panis ex frumento confectus adeit, simpliciter *Panis* dicitur. Jam, cum Evangelistæ narrent, Christum panem accepisse, nulla alia voce addita, ut eum in corpus suum converteret: *Accipit panem*; ob id tum orientalis tum occidentalis Ecclesia semper tenuit, solum ex frumento panem esse materiam idoneam, quæ in corpus Christi convertatur; siue dein azymus siue fermentatus sit: Quo in loco Theologis discutiendum relinquimus, azymone an fermentato pane Christum usus sit; cum verosimilius videatur, Servatorem pane azymo usum esse, ob id ab Ecclesia occidentali præscripto. Ex quibus consequitur, Sacerdotes Ecclesiæ Latinæ azymum, & sacerdotes Græcæ fermentatum adhibere debere, & nos (secus si faciant) graviter peccare; cum ad Ecclesiarum suarum ritum conformare se quisve debeat, excepto casu, quod iter faciant Latini inter Græcos, ubi non est Ecclesia Latina: & Græcos inter Latinos, ubi non est Ecclesia Græca; nam tum licebit eis adhibere panem ab illis Ecclesiis adhiberi solitum vel etiam retinere ritum suum, dummodo nullum scandali periculum interveniat. Panis aqua naturali commixtus esse debet; hinc omnis alia aqua eundem materiam dubiam & illicitam redderet. Dixi præterea: *Vinum ex vite*: cujus asserti eadem ratio est, quæ in pane; nam vox vinum absolute posita vinum ex vite significat: cum alia potus genera dicantur *vinum*

(a) *Apol. 1. ad Imperat.*(b) *Libr. 1. contra Hæres. c. 2.*(c) *Libr. de Coron. c. 3.*(d) *Lib. de Laps.*(e) *Can. 18.*(f) *Cap. 6.*

num vel ex pyris vel ex pomis vel ex malis Punicis vel aliis denique frugibus. Unde; cum Evangelium simpliciter testetur, Christum in vino consecrasse; immo illud vocet *genimen vitis*, sequitur: solum ex vite vinum materiam calicis & pretiosissimi Sanguinis dominici esse. Atque hoc in loco (Ut ne centum a Theologis moralibus proponi solitis casibus vos obtundam) dixisse sufficiat, solum vinum ex vite & solum panem ex frumento materiam Eucharistiæ esse, ut quis valide ac licite confecret: Quod si solius validitatis ratio habeatur; satis est, si materia adhibita verum vinum ex vite & verus panis ex frumento esse comprobetur, ita ut mixturæ genus ut incipiens corruptio panem & vinum haud ex toto vitiarint, sed species panis & vini adhuc remanere comprobentur: Attamen si quis meditare panem ac vino sic alteratis uteretur, illicite ageret & peccati gravis noxam non effugeret.

Notandum, vino pauxillum aquæ permisceri debere, non quidem pro valore consecrationis sed tamen sub gravi peccato; id quod Patres etiam vetustissimi communi doctrina prodiderunt, nimirum S. Justinus Martyr (g) S. Irenæus Episcopus & Martyr (h) S. Cyprianus Episcopus & Martyr (i) & sic, qui postea secuti sunt, Patres: Immo Concilium Trullanum (k) affirmat, hanc permissionem ab Apostolis traditam esse; cujus causas has asserit S. Thomas (l) *Primo propter institutionem; probabiliter enim creditur, quod Dominus hoc Sacramentum instituerit in vino aqua permixto secundum morem illius terræ . . . Secundo quia hoc convenit reparationi dominicæ passionis* (in qua in cruce ex latere mortui Servatoris sanguinem & aquam profluxisse legimus) *Tertio quia hoc convenit ad significandum effectum hujus Sacramenti, qui est unio populi christiani ad Christum. Quarto quia hoc competit ad ultimum effectum hujus Sacramenti, qui est introitus ad vitam æternam: Unde Ambrosius* (seu alius eidem coævus Pater) *dicit: Redundat aqua in calicem & solit in vitam æternam.* Hinc hujus permissionis omnium culpa gravis est.

P. Censurati Catechista.

set (Ut monet Catechismus Concilii Tridentini) quamvis Sacramento valor ob id non decederet. Modicum autem aquæ admiscendum est; quia hæc primo in vinum, vinum deinde in sanguinem transire debet, monente S. Thoma, *aquam converti in vinum & vinum in sanguinem; hoc autem fieri non potest, nisi adeo modicum apponeretur de aqua, quod converteretur in vinum. Et ideo semper tutius est, parum de aqua addere, & præcipue si vinum sit debile; quia si tanta fieret appositio aquæ, ut solveretur species vini, non posset perfici Sacramentum.* Neque tamen infundere aquam calici sacerdos post Consecrationem debet, si prius non infudit; quæ inadvertentia teste Doctore angelico graves pœnas committeretur. Præterea prohibetur, *ne mustum statim expressum de uva in calice offeratur; quia hoc est indecens propter impuritatem musti: Potest tamen in necessitate fieri; quia verum vinum est.*

Forma hujus Sacramenti consistit in verbis Consecrationis. Verba, quibus materia corporis consecratur, sunt: *Hoc est enim Corpus meum, & quibus materia sanguinis consecratur: Hic est enim calix Sanguinis mei &c.* Certissimum est, omnia omnino verba hæc a Sacerdote proferri debere: Disputent, quantum velint, inter se Theologi, utrum forma sanguinis omnia omnino dici solita verba indispensabiliter sibi postulet; cum nos (Ut sæpius monui) non questionibus theologicis aut controversas tractemus. Itaque proferri verba hæc omnia debent, nec horum aliquod sine sacrilegio omitti potest; cum illa ex S. Evangelio & Traditione apostolica (secundum communem SS. Patrum sententiam) fluxerint. Vox Enim, etsi necessaria haud dignoscatur, tamen sub gravi peccato proferri debet, ut sensus aptior exeat.

Igitur quod credere firmiter omnes tenentur, est: quod statim post finita Consecrationis verba in Hostia panis substantia haud amplius adsit; quippe quæ incomprehendendo omnipotentis divini miraculo in substantiam totius veri ac realis corporis D.

E e

N.

(g) Apol. 2. ad Imperat.

(h) Libr. 5. contra Hæres. c. 2.

(i) Epist. 63. ad Cæsar.

(k) Can. 32.

(l) 3. p. qu. 24. a. 6.

N. Jesu Christi convertitur: Et quoniam hoc divinum Corpus sanguini suo, animæ suæ & divinitati suæ conjunctum est, consequenter & *per concomitantiam* omnia hæc adfunt: Corpus quidem vi verborum a Sacerdote prolatorum, reliqua vero (uti Sanguis, Anima, Divinitas) ob unionem, qua Corpori coherent. Simili modo post prolata verba Consecrationis calicis credendum est, haud amplius ibi esse substantiam vini; utpote quod in totam substantiam pretiosissimi sanguinis Jesu Christi transit: qui sanguis cum corpori, animæ & divinitati Christi conjunctus sit, ob id etiam hæc omnia realiter vereque adfunt: sanguis quidem vi verborum a sacerdote prolatorum, corpus vero & anima ac divinitas ob unionem, qua divino sanguini conjunguntur. Ex quo fit, ut totus Christus vivus ac gloriosus vere, realiter ac substantialiter, tam in hostia quam in calice, adfit: Et quoniam, ubi Divinitas est, ibi omnes tres divinæ Personæ sunt (Est enim tota in omnibus tribus, & omnes tres in ipsa) ob id per conjunctionem, quæ a Theologis *Circumfessio* dicitur, realiter etiam tota SS. Trinitas adest. Sic & Evangelicis effatis & Traditione apostolica-divina & communi SS. Patrum doctrina nixa Fides docet, & pluribus canonibus Concilium Tridentinum per totam *sessionem XVII.* defini- vit: non quod hæc omnia prius credita non fuerint, sed ut hæreses de hoc divino Sacramento a falsis Doctoribus quasi e cineribus suscitatae confutarentur. Dixi: *quasi e cineribus suscitatae*; nam aliquibus ante seculis eas Joannes Scotus Erigena primus exco- gitavit, sed vix exortas Ecclesia suffocavit: Erigenam Berengarius quidam secutus est Archidiaconus Andegavensis Ecclesiæ, qui post plures recantationes & novos relapsus tandem errores suos ex animo detestatus in gremio catholicae Ecclesiæ obiit, cuius rei fidem Necrologium memoratæ Ecclesiæ facit, eum inter suos defunctos sub titulo Archidiaconi annumerans: quod utique non fecisset, si ille in hæresi mortuus fuisset. Conitemur præterea ex Fide, totum Chri-

stum Deum-hominem in quavis particula hostiæ divisæ, & in quavis particula speci- ei vini consecrati contineri (Uti idem Con- ciliium Tridentinum pronunciavit) quin de cetero vel corpus vel sanguis dividatur, sed, enim solæ species dividantur Christo toto, in quavis particula remanente.

Ex his apparet, Sacramentum Eucharis- tiæ non in sumptione seu usu consistere, uti reliqua sex Sacramenta; quæ ipsa admini- strando conficiuntur & finita administratio- ne cessant: Eucharistia contra & ante usum & post administrationem subsistit; nam cum in speciebus consecratis, totum Christum Deum-hominem continentibus, consistat; tamdiu in illis speciebus Christus permanet, donec species corrumpantur: uti Ecclesia ex Fide docet. Atque ob id Sacramentum hoc in sanctis tabernaculis servamus, ut a personis debitis Fidelibus tum sanis tum ægro- tis administretur, & ut ad illud confugere in omnibus nostris necessitatibus possimus.

Habemus igitur, O mei! hic inferius in terris semper nobiscum amantissimum Ser- vatorem nostrum personaliter, vere, realiter ac substantialiter; id quod ipse ante suam in cælos adfensionem de se his verbis testa- tus est: *Et ecce! Ego vobiscum sum omnibus diebus usque ad consummationem seculi* (m) Ah permittite, obsecro, O suavissimi! ut in his Servatoris verbis longius immerer, quæ SS. Patres ferme omnes etiam de ipso, in hoc venerabili Sacramento nobiscum manen- te, interpretantur: mihi que hanc veniam date, ut vobis ardentissimam charitatem in hoc Sacramento ab illo nobis manifestatam considerandam proponam.

Ac primum quidem sic existimate: Po- tuisset Christus nobiscum realiter ac perso- naliter permanere cogitans, potuisset (in- quam) & quam convenientissime potuisset modum præscribere, quo coli & haberi se a nobis, quo deserviri sibi vellet. Quo in lo- co persuasissimum vobis habeatis oro, quod, quas demumcunque condiciones ille tulisset, hæ infinita personæ suæ dignitate semper infinitum inferiores extitissent. Potuisset ita-

que

que præcipere, ut in solis metropolitanis Urbibus templum longe augustissimum sibi ex optimo marmore, auro & argento inter optimos obducto, conderetur: ut altare unicuique, in quo reponeretur, gemmis pretiosissimis omni ex parte coruscans ædificaretur: ut altare hoc innumeris continuo laminibus, sive ex lampadibus aureis sive ex ingentis ponderis cereis, resurgentibus illustraretur: ut continuo tot & tot sacerdotum centuriæ coram se servatis stationum vicibus adessent, humi in faciem prostrati, profundæ & demississimæ adorationis actum exercentes. Potuisset prohibere, ne Laici se visitatum ingredi auderent, nisi paucis per annum vicibus, nec nisi prius sive per severa jejunia sive per largas (si possent) elemosynas sive per longas orationes aut alia pænalia & corpus macerantia opera animos suos convenienter præparassent: Quod si quis tantæ temeritatis foret, ut mortali culpa gravatus introire in templum illud sibi sumeret, is igne æthereo mox corripendum se & in cineres redigendum esse sciret. Jam, O charissimi! si Jesus Deus & Redemptor noster, ex mero amore apud nos manens, has condiciones omnes proposuisset; nunquid accipere omnes quam maxime debuissimus, ut præsentia ejus solatium, voluptatem honoremque habere potuissemus? Nunquid has condiciones omnes, in comparatione majestatis infinitæ Dei hominis nobiscum manere non dedignantis, pro levissimis ac minimis reputare debuissimus? Nunquid eas ambabus etiam arripere manibus atque ut suavissimas exosculari debuissimus, quo præsentia ipsius frui & nostras ei necessitates per paucas, quæ nobis statuisset, temporum vices exponere potuissemus? Nunquid nihilominus exclamare: O Jesu, amator benevolentissime! O Jesu, in nos ardentissime! O Jesu, nobis indignis verbis beneficentissime! . . . & majori jure, quam Salomon post extruccionem templi, dicere debuissimus: *Ergo credibile est, ut habitet Deus cum hominibus super terram* (1) *Si cælum & cæli cælorum non te capiunt,*

quanto magis domus ista, quam ædificavi. Certe, O Deus! certe omnia in comparatione tuæ infinitæ majestatis tantique beneficii parva, omnia nihilum sunt.

Jam hujus, quo Jesus nobiscum personaliter ac realiter permanere voluit, beneficii & amoris, quem in illo nobis ostendit, magnitudinem animis nostris altissime infixam tenentes cogitemus ulterius, Dominum dicentem: *Ecce! Ego vobiscum sum omnibus diebus usque ad consummationem sæculi*; horum; quæ memoravi, plane nihil imperavisse & (quantum ad ipsum spectat) nullam omnino obligationem nobis imposuisse, nisi ut ad se sumendum in statu gratiæ (uti suo loco dicetur) accederemus, adeo ut apparatus & cultus exterior, qui eidem exhibetur, omnis a pietate Ecclesiæ ac Fidelium introductus sit. Ob eam rem esse nobiscum Dominum non in sola metropoli regni aut provinciæ alicujus, sed in omnibus urbibus ac villis dignatus est: Immo primis Ecclesiæ temporibus (uti SS. Cyprianus, Basiliius M. Gregorius Nazianzenus & alii fidem certissimam faciunt) etiam in domos proprias eum deferre & decenti capsula inclusum retinere Fidelibus licuit; quam tamen consuetudinem ob consequentia incommoda Ecclesia provide abolevit: severis poenis in violatores constitutis. Sed ut ad propositum revertar, non solum in splendidis templis; sed in quovis egeno, nudo, ruinoso sacello: non solum in marmoreis & gemmatibus tabernaculis; sed in quolibet artariolo ex satiscenti & a vermibus exsulo ligno: non solum inter innumerarum lampadum aut cereorum ignes; sed ad simplex aliquot obolorum lumen: non solum inter Sacerdotum turmas sibi continuo succedentes; sed ut plurimum solus nullo adorante adesse dignatur. Non solum non jussit, ut se visitaturi atque adoraturi magnas & penitenciales præparaciones adhiberemus; sed quovis tempore, quavis hora, quavis habitu accedentes excipit, permittens, ut secum (quamdiu velimus) converseremur: Et quavis in aliquibus locis integri dies abeant, quin a quo-

E e 2

quam

quam salutetur; tamen ob id non discedit sed manere ibi pergit, quoscunque ad se accedentes semper benigne amanterque excipiens. O ingentem Christi in nos amorem! Quod si, O Jesu! ritus ac caeremonias & ea, quæ de Arca Manna (quod nostri Sacramenti simplex symbolum merique figura ac umbra quædam fuit) continente præcepisti, omnia mecum recogito: & post hæc animum meum eo converto, ut modum considerem, quo nobiscum personaliter esse, & quo nos ad te adorandum admittere dignaris, tanta profecto admiratione afficior, ut allata Salomonis verba repetere cogar: *Ergone credibile est, ut habitet Deus cum hominibus super terram, tam humiliter, tam demisse, immo (sic dicam) tam viliter habitus: Ah! tot tantaque postulasti, O Domine! ut populus israeliticus Arcam, quæ umbra erat tui, secum haberet: Et tibi ipsi, in Eucharistia personaliter residenti, nihil postulas, realiterque ac personaliter nobiscum es modis memoratis, quibus ostenditur, potius alia omnia, quam æternum ac verum Deum, & Redemptorem nostrum, apud nos servari! Ergone credibile est &c.* Profecto! non credibile solum est, sed omnino credendum. Et tamen hi ipsi, qui istud firmiter credunt, adorare, visitare atque implorare te parum curant. O ingratos! O immemores animos! O desendam cæcitatem!

Prædicatis, O mei! tanquam beatos (credo) quin & tanquam beatissimos Magos illos, qui ex Persiæ regno, ubi morabantur, profecti diuturnum ac molestum iter Bethlehemum usque fecerunt, ut nati novi Regis, secundum editum a Balaamo & in illa gente Traditione obstetricante conservatum vaticinium stellæ indicio sibi manifestati, visitandi honore fruerentur; quin tamen sciverint, hunc ipsum esse Deum maximum: uti postea, quo tetenderant, impulsu ab ejus genetrice Virgine Maria didicerunt. Dicitis, & merito: Heus! quanto majori studio atque ardore Magi illi ad iter sese accinxturi fuissent, si scivissent, eum, quem ado-

raturum ibant, Deum summum esse? At quid dixissetis, si illi scientes ex Traditione, stellam illam non regis solum sed Dei incarnati redemptorisque mundi nativitatem portendere, si hoc (inquam) edocti nihilominus visitare eundem aut parum curassent aut distulissent aut omnino omisissent? Nunquid illos insaniam, ingratitude ac cæcitate postulassetis, quod Dei sui adorandi, colendi, visitandi & destinati a se muneribus honorandi occasionem optatissimam elabi sivilissent? Dixissetis, puto: Deus scit, si ipsis tanti solatii (quale est adorare, revereri ac remunerare creatorem suum nostra carne nostræ redemptionis causa vestitum) habendi occasio unquam reditura est? At justas cohibete iras, easque in vosmetipsos convertite, O mei! monente S. Joanne Chrysostomo (o) cui hanc totam validissimam considerationem in acceptis referre debet: *Quid enim excusabimus aut quam victionem obtinebimus, si, cum ipse nostri causa descendit de caelis, nos ad illum vel ex adibus ire gravemur; cum alienigenæ barbarique Magi ex Perside occurrant, ut illum videant in præsepio jacentem? Si quidem hæc mensa vicem explet præsepi; Nam & hic ponitur Corpus dominicum non quidem fasciis involutum sed undique Spiritu sancto vestitum.* Profecto, O mei! quam excusatione nostram Servatori optimo negligentiam purgabimus, si eum tantum, quantus revera est, credentes ac profitentes tamen ad eundem adorandum, visitandum, implorandum, & ut nosmetipsos ei devoteamus, ex ingrata levissimi incommodi per egressum & domo subeunt li ignavia vel (quod peius) ex ingratisima tam insignis beneficii tanræque charitatis oblivione, aut perraro aut serine nunquam accedimus: *Quid enim excusabimus, si nos ad illum vel ex adibus ire gravemur? Quid, quæso! eundem coegit, ut, postquam in caelos ascendit & illam immensam gloriæ ac magnitudinis sedem occupavit amplissimi Beatorum regni Dominus effectus & supremus creaturarum omnium Judex constitutus, hic in terris nobiscum personaliter maneret? Nunquid alia*

(o) Homil. in S. Philogen. n. 3.

alia Sacramenta providit, quibus spirituales necessitates nostræ levarentur: Quid opus erat, ut personaliter nobiscum maneret? Igitur si hoc fecit, certe ex mera & nimia erga nos charitate fecit, O mei! ut etiam personali sua societate uti possemus. Jam huic tantæ charitati quisquis visitando eundem & quovis loco, quovis facello, quovis angulo contentum adorando ac collaudando gratum sese minus præbet; nunquid ingratitudinem, quam ipsi dæmones exhorrescant, admittit?

Sed progrediamur ulterius Fidem, quam profitemur, ceu ducem continuo sequentes. Voluit nobiscum Dominus in venerabili Eucharistia his nostris in terris remanere, non solum ut nobis, quando & quoties vellemus, adesset; sed etiam (O superi! Date mihi, ut digne loquar.) sed etiam ut cibum se animarum nostrarum faceret: ut a nobis exciperetur: At ubi? At quomodo? Nostris scilicet pectoribus: In cibi modum, ita ut eundem ipsis adeo visceribus nostris constringere nobis liceat. ... Quod si, O mei! ut verum fatear, charitas Dei nostri in omnibus Fidei veritatibus miris modis elucet; in hac certe ita mentium nostrarum oculos nimia sua luce perstringit, ut nullum aliud amoris adeo vehementis mysterium inveniri posse videatur. Ita est, O mei! Mansit nobiscum Dominus, ut in corda nostra personaliter intret; qua unione arctior in hac vita cogitari non potest: Et si amor honestus ex sua natura eo tendit, ut amantes modis, quibus fieri potest, decentissimis & arctissimis uniantur; reputet; qui potest, utrum unio arctior excogitari ea possit, qua Dominus in pectora nostra, ibi habitaturus, per cumulata miracula toties venit, quoties id nos arbitrio confessarii volumus. O prodigiosissimum amore! O amantissimum prodigium Christi!

Amorem hunc ut auditoribus suis cognoscendum pro virili daret S. Joannes Chrysostomus, solitæ eloquentiæ nervos intendens sic (p) peroravit: *Ut ostendat nobis, quanto erga nos serveat amore, se nobis commiscuit & in unum corpus totum constituit, ut unum si-*

mus, quasi corpus conjunctum Cariti; nam ardentis amoris hoc est indicium: Hoc subindicant Job de servis suis dicebat, a quibus sic amabatur, ut ejus carnibus permisceri peroptarent; Ut enim ardentem amorem ostenderent, dicebant: Quis det nobis de carnibus ejus, ut saturemur? Quod & Christus fecit ad majorem nos amicitiam inducens & suum nobis demonstrans amorem: neque se concupiscentibus videndum modo præbuit; sed tangendum, commendandum, dentibus terendum, commiscendum: desideriumque implevit omne. Et Jesum loquentem inducens sic concludit: Parentes sæpe liberos suos aliis alentos tradunt; Ego econtra illos carnibus meis alo, me i. sum appono. Et hoc in loco quid aliud, O mei! quam præ pudoris, admirationis ac stuporis magnitudine exclamare possumus: O amor! O amor! O amor Jesu in nos miseris non comprehendendus!

At cogitatis nolim, in solas hujus generis exclamationes desinere hunc sermonem meum debere: Nequaquam; sed enim hoc volo, etiam in sequenti sermone de incomparabili ista charitate dicturus, ut eidem quodammodo respondere decernatis. At quomodo istud? Percipite historicum e S. Scriptura factum, & tum statuite: Proficiscebatur Jacob in Mesopotamiam vidensque se victu in illis incultis viis indigere votum vovit dicens: *Si fuerit Deus mecum & custodierit me in via, per quam ego ambulo, & dederit mihi panem ad vescendum. . . . reversusque fuero prospere ad domum patris mei, erit mihi Dominus in Deum* (q) Ecce, O mei! casum nostrum figurate expressum! Quodnam periculosius aut molestius iter, quam nostra ad patriam cœlestem peregrinatio? In hac adesse nobis Jesus non solum gratiæ auxiliis sed etiam vera ac reali præsentia sua in Eucharistiæ Sacramento dignatus est: Ipse non solum quævis tum corporalia tum spiritalia alimenta nobis providet, sed etiam se ipsum totum in cibum nobis dat. Quid ergo agendum nobis, ut tanto beneficio respondeamus? Nonne & nobis omnibus cum Jacobo dicendum: *Erit mihi Dominus in Deum.* Est

Et 3

in

(p) Homil. 46. in Joam.

(q) Genes. 28.

in via ista, per quam ambulamus, ipse personaliter nobiscum: Dat nobis panem ad vescendum; at panem, qui solam panis speciem refert, re vera autem ille ipse totus est. Et post haec dicere non debeamus: Erit mihi Dominus in Deum; Volo eum pro Deo meo constanter agnoscere: At hæc agnitio in quo consistere debet? . . . Qui personam aliquam nobilem, seu amantissimam benefactricem, agnoscere voluerit: primum eam nunquam offendant; deinde eidem serviat, eidem obsequatur eidemque oblationi in omnibus, in quibus honeste fieri potest, sit necesse est. Firmiter itaque & nos Servator amantissimi! statuimus: Eris ex hoc nobis in Deum:

Agnoscemus te ut Deum nostrum tum ob alios innumerabiles titulos tum maxime ob hunc, quod te in nostra peregrinatione panem vitæ nobis feceris: Hinc divino tuo auxilio confisi primum quidem nunquam amplius te offendemus; deinde vero te, amore nostri in tabernaculis inclusum, visitatum atque adoratum ibimus sæpiusque nostris te pectoribus excipiemus (qua actione maxime delectaris) præmittentes, qualem & novimus & possumus, animi præparationem, ut a te (divino cibo nostro) roborati feliciter perveniamus ad domum Patris nostri, scilicet paradysum, æternum te ibi laudaturi, benedicturi ac prædicaturi. Amen.



SERMO XXXVI.

De Eucharistia, quatenus Sacrificium est; & de amore Christi per illud manifestato.

Pergens, O mei! de augustissimo Eucharistiæ mysterio, de quo plura dicuntur, eo plura dicenda restant, ad vos dicere; priusquam de illius usu, de affectibus animique præparatione ante ejus usum & de actione gratiarum post usum (De his omnibus disserendum mihi) agam: hodie de divino isto mysterio eatenus agere decrevi, quatenus illud est sacrificium unicum in nova lege a Christo ipso institutum, prædictum a Prophetis veteris Testamenti, ejusdemque fœderis sacrificiis omnibus præfiguratum: quod, cum veterum sacrificiorum significationem omnem impleverit, illa etiam omnia antiquavit, solumque & unicum sacrificium ad finem seculi usque manet, quo ipso divina Majestas non solum multo prolixius honoratur, sed multo quoque efficacius a Superis cujusvis generis beneficia ac gratia obtinentur. Et quoniam in hoc summo sacrificio infinitus Servatoris erga nos amor, in quo exponendo immorari maxime debeo, plus quam credi potest, elu-

cet; ob id primo, in quo sacrificium generatim consideratum maxime consistat, explicandum vobis esse videtur.

Cum quodvis sacrificium actus si virtutis Religionis & ad cultum divinæ Majestatis, tanquam summæ dominatricis omnium entium creatorum consideratæ, pertineat; ut hujus divini domini profectio fiat, victimæ, quæ offertur (si viva est) in sacrificium occidatur necesse est: quo hac occasione manifesta absoluti, quod Deus habet, in vitam & mortem viventium quorumvis domini profectio fiat. Ob eam rem in omnibus Mosaiæ legis sacrificiis, in quibus victimæ vivæ offerebantur, illæ supra aram mactabantur eum in finem, ut summum Dei in omnes creaturas dominium contestaretur. Potuisset Dominus (si voluisset) imperare, ut sibi etiam homines in sacrificium offerrentur; quod iis mortalium magno honori futurum fuisset, qui in victimas electi fuissent: At noluit hoc magna Dei in nos pietas. Unde & Abrahamum, a quo filium unigenitum Isaac

Iſaac in ſacrificium ſibi poſtularat, juſſa exſequi jam jam parantem voce angelica colubuit & in ſola humili ac religioſa Patriarchæ obedientia acquievit. Verum charitate, quam Dominus in mortales adhibuit, non itidem in Jeſum (ut unigenitum ſuum pater omnibus dilectum) uſus eſt; nam ut genus humanum in libertatem aſſereretur (cui rei ſimplex adorationis actus ab illa divina Perſona in carne humana elicitus ſufficiſſet, utpote actus valoris infiniti) voluerunt tum Pater tum ipſe Filius tum etiam Spiritus ſanctus, ut Redemptor vitam ſuam humanam in ſacrificium daret & qua homo, occideretur, idque modis illis crudeliſſimis, acerbisſimis, ignominioſiſſimis atrocisſimis, quos Evangelisſtæ referunt, & Deus permisit. Quod ſi amoris quam vehementiſſimi ſignum majus apertiusque eſſe non poteſt, quam ſi quis vitam in gratiam amatæ perſonæ profundit: multo magis ex hoc, quod Perſona divina humana carne induta vitam profudit, & modis (quos dixi) atrocisſimis profudit, quam evidentisſime appareat, ſacrificium, quo Chriſtus in cruce vitam ſuam immolavit, eximium eſſe amoris in nos (quippe quorum cauſa mori voluit) tum tenerrimi tum maximi pignus indiciumque.

Cogitaſſemus nos poſtecto, O mei! immo ipſi adeo Angeli nobiſcum cogitaſſent, Chriſto quidem poſt vitam proſuam non ſuperuiſſe modum, quo ſuum nobis amorem ultra oſtenderet: nobis vero (poſtquam ille ab inferis redux magno redemptionis opere perfectus ac conſummato triumphans in cœlum aſcendit, atque obid fieri nec debeat, nec deceat, ut ille denuo moriatur) nobis, inquam, ſolam ſacrificii in monte Calvariæ ab ipſo pro nobis præſtiti memoriam maximo incitamento, illum ſemper ardentem atque inviolabiliter diligendi, eſſe debuiſſe: & hoc ſolum cruentum ſacrificium a nobis auguſtiſſimæ Trinitati offerendum fuiſſe, ut iratam placaremus, ſaventem precibus inclinaremus & ab ipſa cujuſvis generis gratias ac beneficia obtineremus. Nunquid nos, im-

mo & Angeli iſta cogitaſſent? . . . Et tamen, & tamen: Audite, O ſuauiſſimi! quæ dicturus ſum ac Fides, quam proſitemur, dictat.

Quid, quæſo! diceretis de eo amatore, qui, cum pro perſonis amatis nec pati nec mori nec immolari amplius debeat, tamen modum excogitaret, quo in ſe ipſo mortes millenis per diem vicibus multiplicaret, & de novo totidem vicibus vero ſui ipſius (ut incruento) ſacrificio immolaretur? Reponetis: Fieri hoc plane non poteſt. Verum ne tam præpropere judicetis, O mei! nam Jeſus hujus rei efficiendæ viam reperit: Jeſus modum invenit, quo ſe ipſum immolaret ſequæ pro nobis veram, realem ac perſonalem victimam auguſtiſſimæ Trinitati exhiberet; qua ipſa re ſacrificium ab ipſo in monte Calvariæ oblatum millenis per diem vicibus renovatur. . . . Eſt inventum hoc ejuſmodi, quod ab alia mente, præterquam omnipotentis juxta ac infinite amantis Dei, proficiſci non potuit; Nam ſi vitam in ſacrificium profundiſſe ſemel ſummum eſt, ſecundum eſſatum Dei, amoris documentum: *Majorem hac dilectionem* (a) *nemo habet, quam ut ponat quis animam ſuam pro amicis ſuis*, quam ingens amoris argumentum reputandum eſt, invenire modum, quo quis millenis in ſingulos dies vicibus ad finem mundi uſque re vera immoletur ac modo incruento occidatur. . . . Et dum Chriſtus valorem præſtiti in Calvariæ monte ſacrificii (qui nobis per ſolam hujus cruenti ſacrificii oblationem & commemorationem applicari potuiſſet) jam per incruentum hujus ejuſdem ſacrificii inſtaurationem, per realem ejuſdem divinæ victimæ oblationem & ejuſdem hoſtiæ ſacramentalem innumeris per diem vicibus occiſionem applicare voluit: heus! quanti amoris pignus atque indicium hoc putandum eſt! Edicite, O mei! edicite!

Et a! quæ hucque dixi, Fides ſancta nos docet. Etenim quid eſt Miſſæ ſacrificium? Eſt oblatio SS. Trinitati facta: At cujuſ? Perſonæ veræ & reali Jeſu Chriſti, qui ipſe eſt victima hujus ſacrificii: At quomodo

(a) *JOHN. 15.*

non occiditur hæc víctima? Occiditur (advertite, O mei! animos) occiditur in consecratione duarum specierum: At quomodo istud? Eo, quo aliæ victimæ omnes maculatæ fuerunt, & quo ipse in monte Calvariae occisus fuit, modo: Occiditur autem víctima omnis, dum jugulatur & sanguis a corpore separatur, quo fuso víctima mortua jacet; Sic quoque Christus e cruce pendens in monte Calvariae divinum suum sanguinem omnem effudit, atque ita mortuus est. Id ipsum vero (Attendite!) in sancto Missæ sacrificio agitur per hostiæ consecrationem, & dum in persona Christi dicitur: *Hoc est Corpus meum* (quorum verborum vi significatur, ibi realiter solum Christi Corpus esse) & per calicis consecrationem, ac dum dicitur: *Hic est calix Sanguinis mei &c.* (quorum verborum vi significatur, ibi realiter solum Christi sanguinem esse) Et ecce! sic vi memoratorum verborum Christus sacramentaliter occisus in altari est; quia corpus a sanguine separatum significatur: Quæ res tam certa est, ut, si Apostoli, jam tum Sacerdotes constituti, triduo mortis Christi ante illius resurrectionem Missam celebrassent (per consecrationem hostiæ) in illa realiter solum Corpus Christi una cum divinitate absque anima ac sanguine & (per consecrationem calicis) in illo realiter solus sanguis cum divinitate absque anima ac corpore fuissent; quoniam illo triduo Christus vere mortuus & sanguis ejus a corpore re ipsa separatus extitit. Hinc videtis, quod in Missis, quæ in præsentiarum celebrantur, per consecrationes Corpus Christi a sanguine, & sanguis a corpore separata significantur; quod est significare eundem gladio verborum occisum: uti ait S. Cyrillus. Unde advertatis velim, quod in tantum, tam in hostia quam in calice, jam nunc sit Christus totus vivens ac gloriosus, in quantum is jam nunc talis est eritque semper: at talis non fuit triduo illo, quod ab ejus morte ad resurrectionem usque interfluxit. Itaque vi actionis, quæ a Sacerdotibus celebrantibus fit, Christus occisus per verba

significatur; quia in hostia solum Corpus, in calice vero solus Sanguis significatur; cum de cetero in hostia etiam sanguis, anima ac divinitas: & in calice corpus, anima ac divinitas addit; quia Christus haud amplius moritur, sed æternum vivit ac gloria perfruitur sempiterna. Et ecce! qua ratione in qualibet Missa sacrificium in monte Calvariae peractum exacte renovetur; nam eadem víctima (scilicet vera & realis persona Christi Jesu Dei-hominis) offertur & offertur ita, ut occisus significetur; quia cum sanguine a corpore separato (in quo victimæ oblatæ occisio consistit) vi verborum significatur: quamvis & in hostia & in calice totus Christus Deus-homo vivens adsit. Et hoc, O mei! quot millenis vicibus per diem fit? Quot Missæ quotidie per orbem catholicum celebrantur, quibus comprobatur, quod idem Christus, qui se cruento modo in monte Calvariae obtulit, innumeris per diem vicibus in sacrificio incurrentum super aras sese nostras offerat; quandoquidem ipse primus Offerens est. Jam colligamus: Si majorem charitatem nemo habet, quam ut quis vitam in gratiam amatae personæ profundat: & Jesus innumeris per diem vicibus nostri causæ eandem in verum & reale sacrificium dandi modum excogitavit; statuatur, qui potest, de hujus amoris magnitudine, quem (quippe infinitum) totum comprehendere mens creata nulla poterit.

O Jesu amator infinite, & amore infinito amans animas nostras! O Jesu, qui propter nimiam charitatem tuam invenisti modum, te nostri in gratiam quotidie millies immolandi! Quin jure meritissimo cum proavo tuo Davide exclamare possumus: *Multa fecisti tu, Domine! mirabilia tua, & cogitationibus tuis non est, qui similis sit tibi* (b) quæ lingua charitatem hanc dignis exprimere modis poterit? . . . Quodnam cor iis, quæ hactenus dixi & Fides sancta docet, si dem adhibens piis amoris in amatorem tam benevolum sensibus commoveri sese minus sentiat? . . .

Si

(b) Psalm. 39.

Si amicorum vestrorum aliquis, ut vobis in necessitate positis opem ferret, brachium dextrum amputare sibi aut ambos eruere oculos lubens sineret, anne impetrare a vobis possitis, ut eundem non diligeretis: ut eundem nihil vos lædentem molestiis & injuriis afficeretis? . . . Quid ais, Pater! reponere mihi videmini: Faciant hoc tigrides & feroces pantheræ. At homo ratione præditus, homo honestatis vel parum amans, homo decori vel pauxillum studiosus quomodo hunc animum inducat? . . . Repeto dicta: Quod si amicus ille, ut amoris sui constantiam atque perennitatem vobis testatam faceret, factum hoc in dies singulos perpetuaret (Ponite, hoc eum efficere posse) scilicet ut re vera modo arcano ac mystico quotidie vestri in gratiam brachium aut oculos amitteret; nunquid præ charitate in amicum tam benevolum, tam ferventem, tam erga vos accensum rapi corda vestra ac differri sentiretis? . . . Certe huic tali non solum vel minimam offerre molestiam non auderetis, sed vestram ei gratitudinem mutuamque benevolentiam modis ostendere omnibus satageretis. Ita profecto (credo) diceretis omnes, nec aliter loqui poterit, nisi qui suo sub pectore cor belluinum gesserit.

Et tu solus, O Jesu! qui Deus maximus ac summus universorum Dominator es: qui non solum brachium de corpore tuo recidi aut oculos e vultu erui, sed etiam post crudelissima supplicia mira cum charitate tolerata agi te in crucem permisisti &, ut nos ab infernalibus tormentis eriperes ac paradisi portas referares, temet in monte Calvarie in sacrificium obtulisti: qui post hæc omnia hoc ipsum in monte Golgotha præstitum sacrificium modo, quem sola tua infinita sapientia & omnipotentia excogitare potuit, maxime mirando millies in singulos dies super nostra altaria perpetuare voluisti infinitam tuam charitatem magis magisque nobis manifestaturus: Tu solus, O Jesu! cum gratitudinem mutuosque amores referre a nobis, libertis tuis, deberes: Tu solus

P. Cumiliati Catechista.

(c) Jerem. 2. & 18. (d) Malach. 1.

iniqua adeo fortuna uteris, ut ingratitude, molestias offensasque etiam graves metas! Et quæ nec proletario atque infimæ plebis homini vel millesimam partem eorum, quæ tu, pro nobis passio facinus, tibi eheu! sunt. Quis hæc credat, O dilectissimi, si minus viva ejus rei testimonia nostris nosmetipsi actionibus præberemus? Confitemini. O mei! confitemini corde contrito oraque lacrymis perfusi, confitemini! Quot heu! peccatis mortalibus eundem offendistis? quot gravibus peccatis eundem quotidie multi multique offendunt? . . . Hæc cine sunt mutuae charitatis documenta? Hæc cine gratitudinis nostræ pignora, quod ille semel cruento sese modo in monte Calvarie immolarit, & modo incruento millies per diem pro nobis sese imolet? Heu! quæ in rusticolam, in clitellarium, in carnificem ne millesima parte eorum laborum, quibus Jesus, pro nobis desanctum non audemus, hæc tam sæpe in Jesum audemus! *Obstupescite cali super hoc, & porta ejus desolamini vehementer* (c) *Interrogate gentes; quis audivit talia horribilia?* Immo interrogate gentes quaslibet serocissimas omnique humanitatis sensu carentes, si unquam benefactor talis ac tantus, qualis Jesus verus nos exstitit, nulla data causa tam male habitus fuerit, ac Jesus a nobis habetur? *Interrogate gentes; quis audivit talia horribilia?*

An vero, O mei! sacrificia hæc omnia, quibus se ipsum Jesus immolat, eo unice spectant, ut ille ingentem suam charitatem nobis ostendat atque confirmet? Neutquam: Etenim hunc insuper amoris plenum finem propositum illa habent, ut nos eorundem sacrificiorum vim atque effectus consequamur. Quinam sunt hi effectus? Attendite animis! Primus effectus est, ut per hoc incruentum sacrificium quodam ineffabili cultus & adorationis genere Dei majestatem honoremus; cum hoc maxime sacrificium sit, quod Malachias Propheta (d) prænuñciavit: quod, tanquam verum & postremum sacrificium ad finem mundi usque duraturum, reliquis præcedentium ætatum sacrificiis

F f

ficiis

ficiis omnibus significatum fuit; unde illa priora, hoc exoriente, cuncta evanuerunt finemque suum acceperunt. Hoc magnificus illis verbis Propheta indicavit dicens: *Manus non suscipiam de manu vestra; Ab ortu enim solis usque ad occasum magnum est nomen meum in gentibus, & in omni loco sacrificatur & offertur nomini meo Oblatio minima; quia magnum est nomen meum in gentibus, dicit Dominus exercituum.* Ecce egregium de anteriorum oblationum reprobatione & de nova Oblatione munda per totum terrarum orbem offerenda vaticinium, quod de nostro sacrificio, Patres omnes (ne vetustissimis quidem exceptis) interpretantur. Quo se singulariter honorari Dominus gloriatur. Et in hoc sensu sacrificium nostrum dicitur *Latreuticum*; Sed quoniam simul holocaustum est, in quo victima non solum occiditur sed etiam tota in honorem Dei consumitur: ob id etiam in nostro sacrificio victima, videlicet Christus, per consecrationem modo prædicto occisa consumitur, dum a Sacerdote & ab iis, qui cum Sacerdote communicant, accipitur: Ex quo fluit, quod consecratio, in qua victima occiditur, dirigatur ad consummationem tanquam partem integram sacrificii. Hinc egregie S. Augustinus (e) *Id sacrificium successit omnibus illis sacrificiis veteris Testamenti, quæ immolabantur in umbra futuri. . . . Pro illis omnibus sacrificiis & oblationibus corpus ejus offertur & participantibus ministratur.*

Secundus sacrificii nostri effectus est, ut per illud gratias Deo agamus; Atque ob id *Eucharisticum* dicitur, quo solennes Deo gratias primum quidem de omnibus beneficiis & mysteriis, quæ æternæ salutis nostræ causa operari voluit: deinde vero de gratiis, quibus animas nostras continuo impertitur, omnibus: denique de reliquis cujusvis generis beneficiis, quæ quotidie ab ejus infinita misericordia accipimus, agimus. Ob eam rem sacerdos prius, quam *Præstationem* inchoet alta voce (quod haud dubie observatis) dicit: *Gratias agamus Domino Deo nostro; & respondetur: Dignum & iustum*

est. Unde apposite S. Joannes Chrysostomus (f) monet *In tremendis mysteriis ut sacerdos pro plebe, ita plebs pro sacerdote vota facit; Neque enim ipse solus gratias agit sed etiam plebs universa: nam prius illorum vocem sumpsit, atque illi assenserunt id iuste ac digne fieri; tum demum gratiarum actionem auspicatur.*

Tertius Sacrificii nostri effectus est, ut Deum nobis ob peccata nostra inensum placeat & eorum nobis remissionem obtineat; dum divina nobis ad poenitendum & mores emendandum auxilia impetrat: Atque ob id *Propitiatorium* nuncupatur. Jam quantam placandi Deum vim sacrificium hocce habere debet; cum Deo illa ipsa victima, quæ Christus est, de quo S. Joannes (g) *Ipse est,* ait, *propitiatio pro peccatis nostris, non pro nostris autem tantum sed etiam pro totius mundi,* offeratur? Quomodo fieri potest, ut, quodam hoc sacrificium pro consequenda peccatorum suorum venia vel offerente vel offerri curante, ad divinæ hujus victimæ super aram in hunc maxime effectum sibi oblatae conspectum Dominus ad concedenda valida gratiæ auxilia non commoveatur, quibus reus de peccatis suis delectat & optatam eorum remissionem adipiscatur; cum hæc victima eadem ipsa sit, quæ olim pro peccatis universi generis humani in ara crucis oblata fuit.

Quartus sacrificii nostri effectus est, ut divinæ justitiæ satisfaciatur, hoc est: poenas peccatis remissis debitas, sive in hac vita sive in Purgatorio luendas, deleat; Hinc *Satisfactorium* appellatur. Docet hoc Concilium Tridentinum (h) sequentibus verbis: *Pro Fidelium . . . peccatis, poenis & satisfactoriis offertur.* Atque hunc effectum Missæ sacrificium immediate ex se ipso producere, manifestum est; nam si se Jesus in cruce obtulit, ut pro poenis peccatis nostris debitis satisficeret: & si fructus sacrificii a Servatore in cruce oblato per Missæ celebrationem applicatur, patet, per hanc pro poenis peccatis nostris debitis satisfieri; nam etiam in Missæ sacrificio primus Offe-

(e) Lib. 17. de Civit. Dei, c. 20.

(h) Sess. 22. c. 2.

(f) Homil. 18. in 2. ad Corinth.

(g) Epist. 1. c. 2.

rans est Christus ipse, monente laudato Concilio: *Idem nunc Offerens sacerdotum ministerio, qui se ipsum tunc in cruce obtulit.* Observandum tamen, quod, ut vivi ex Missis, quas in satisfactionem poenarum peccatis suis debitarum celebrari curant, fructum optatum consequantur, illi in statu gratiæ esse debeant; nam, si sunt in statu inimicitiae Dei, uti nihil promerentur, ita nec pro memoratis poenis satisfacere per actiones suas bonas immo ne per Missas quidem possunt, quas in hunc finem celebrari curant. Etenim ut quis Deo satisfaciatur, amicus sit & acceptus Deo necesse est: Ast talis cum non sit; quisquis in statu disgratiæ est; ob id satisfacere non potest, nisi prius in gratiam cum Deo redierit. Hoc in causa est, cur Missarum celebratio poenas animarum purgantium levet ac deleat; nam cum istæ gratia Dei ac favore fruantur, oblationes & eleemosynæ, Missæ, preces alique pia opera in poenarum, quas sustinent, imminutionem Deo oblata effectum suum habent; quia pro personis Deo charis offeruntur.

Quintus sacrificii nostri effectus seu fructus est, ut divina cujusvis generis beneficiatum supernaturalia tum naturalia, tum spiritualia tum corporalia (dummodo illa salutis nostræ æternæ non officiant) nobis impetret; uti memoratum Concilium docet: *Pro aliis necessitatibus Fidelium.* Hinc *Impetretorium* dicitur, Deoque offerri poterit, ut rebus contra tentationes: ut virtutum quarumvis consequendarum adjumenta: ut sanitas corporis: ut temporalia statui nostro congrua bona, & quæ sunt alia honesta nobisque necessaria, obtineantur. Sunt facta plurima historiæ ecclesiasticæ commentariis posterorum memorie tradita, quibus beneficia a Deo per Missarum celebrationem obtenta ostenduntur: Ex multis, quæ asserre in medium possem, duo solum eligo, quæ nemo, nisi infans sit, inficias iverit; quippe quæ a testibus omni exceptione majoribus perscripta sunt, & ipsis (ut sic dicam) inspectantibus eveniunt. Primum S. Augustinus (i) refert: *Vir tribunus Hesperius apud nos est habens*

in territorio *Fusulensi fundum Zubedi appellatum, ubi, cum afflictione animalium & servorum suorum domum suam spirituum malignorum vim noxiam perpeti comperisset, rogavit nostros me absente presbyteros, ut aliquis eorum illo pergeret, cujus orationibus crederent.* Perrexit unus, obtulit ibi sacrificium corporis Christi orans, quantum potuit, ut cessaret illa vexatio: Deo protinus miserante cessavit. Alterum narrat S. Gregorius M. Pontifex Romanus, dicens (k) *Non longe a nostris fertur temporibus factum, quod quidam ab hostibus captus longe transductus est; cumque diu teneretur in vinculis, cum uxor sua, cum ex eadem captivitate non reciperet, extinctum putavit: Pro quo jam veluti mortuo hostias hebdomadibus singulis curabat offerre, cujus toties vincula solvebantur in ea civitate, quoties ab ejus conjugis oblata fuissent hostiæ pro animæ ejus absolutione.* Nam longa post tempora reversus admirans valde sue indidit uxori, quod diebus certis, hebdomadibus singulis, ejus vincula solvebantur: Quos videlicet dies ejus uxor atque horas disciens tunc eum recognovit absolutum, cum rogo sacrificium meminerat oblatum. Et concludit in hæc verba S. Doctor: *Hinc ergo, fratres carissimi! hinc certa consideratione colligite, oblata a nobis hostia sacra quantum in nobis solvere valent ligaturam cordis, si oblata ab altero potuit in altero solvere vincula corporis.*

Jam, O suavissimi! tam sublimi, tam divino sacrificio, quo Patri æterno Filius ejus unigenitus offertur, tam nobis per omnia proficuo sacrificio qua cum reverentia multi Christianorum assistunt? Dicite quæso! O mei! dicite: Neque enim me multa asserre opus, cum oculis usurpare quotidie ea liceat, quæ Fideles hæc in re faciunt. Assistunt quo corporis situ, qui hæreticorum, sacrificium hoc imple negantium, incredulitatem roboret atque confirmet: Assistunt, prohi dolor! quam incompositissimi, huc illic circumferentes lumina, garrientes, subridentes, sæpe arriori ac blandiori operantur dantes & iniqua serentes colloquia. Heu quot viri, quot sceminae se modis inverecun-

Ff 2

dis

(i) Lib. 22. de Civit. Dei, c. 8.

(k) Homil. 37. in Evang. n. 8.

dis comunt, ut se, tanquam idola, aliis conspiciendos dent, furantes hac ratione tremendo altaris sacrificio praesentium attentionem, quippe quam ad suae pulchritudinis, ad elegantiae ac magnificentiae suae contemplationem transferri optant. Nos miseros! Quanto nos aliquando pudore idololatras & reliqui falsarum Religionum affectu confudent, qui, dum profanis & sacrilegis sacrificiis suis inter sunt, vel exspuere in terram, emungere nares, caput in pavementum usque depresso erigere nefas sibi esse ducunt; uti bene illi norunt, qui ex Historicis mores horum populorum didicerunt: Quod si Mahometanos in *Moscheis* seu templis suis Mahometis pessimi institutoris sui cultui operam dantes conspiceretis, videretis certe, ex quo efficiendi nimio eheu! pudore essetis. Jam vero si exterior corporis habitus, quid intus in animo lateat, docet: & si multi Christianorum exterior incompolite adeo agunt; qualis, quæso! mentis praesentia & interior devotio eorum (In his maxime actus Religionis consistunt) tam tremendo mysterio adstantium erit? Heu quæ cogitationes de liberato admittat mentem: qui affectus voluntatem in diversa trahent? . . . Ah Deus! Cogitationes de negotiis temporalibus, de nugis, de ineptiis, de rebus multum alienis & (Utinam falleret!) de rebus obscenis, licentiosis, offendentibus Deum illum, qui se in altari in peccatorum nostrorum propitiationem offert. Siccine, bone Deus! sacrificio a Jesu nostri in gratiam instituto assistitur, cui si devote interessemus (Qua re Sacerdoti corde tenus uniti ejusdem divinae victimæ oblatores efficeremur) in partem sublimium fructuum ejusdem sacrificii venire possemus; dum contra irreligiose, ut dixi, assistentes Deum ultro provocamus, ut severissimis in nos poenis animadvertat. Nonne illius recordari ultionis deberemus, quam de Bethsamitis Dominus sumpsit quinquaginta eorum millia percutiens, quod Arcam Manna continentem irreverentius aspexissent: *Percussit autem Dominus, eo quod viderent Arcam Domini . . . quinquaginta millia plebis.*

Aut cogitatis forsitan, Deum irreverentiarum summo altarium nostrorum mysterio exhibitarum poenis suo tempore exacturum non esse: Deum, qui irreverentiam, quæ haud tanta fuisse videtur, in Arcam (solum mysterii nostri umbram figuramque) admissam severe adeo castigavit?

Hoc in loco aliquos, ut irreligionem, quacum divinis assistunt, purgent, objicientes mihi audire videor: Videmus, Pater! haud paucos Sacerdotum, qui sacra facientes ita se gerunt, ut si qua etiam esset Fidelibus devotio, eam extinguerent. His respondeo, primo: eum, qui ad audiendum Missæ sacrificium accedit, causas devotionis ex Fide, quam profitetur, petere debere: scilicet, quod hoc sit summum & unicum sacrificium, omnium aliorum olim divinae Majestati oblatorum sacrificiorum complemen- tum: quod in illo Jesus verus Deus-homo offeratur: quod per ipsum Deus placetur & nobis miseris conciliatur; quod per ipsum Majestas divina ad necessarias salutis nostræ gratias concedendas & præstanda nobis in quacunque nostra necessitate auxilia flectatur: quod per ipsam (positis debitis a me supra memoratis conditionibus) pro poenis peccatis nostris debitis, itemque pro poenis animarum purgantium satisfiat. Hæ igitur causæ solerti animo expensæ, utcumque Sacerdotis celebrantis agendi ratio ineptissima sit, nos continere in officio debent: videlicet ut mente collecta, corde compuncto; animo devotionis pleno, modesto ac composito corporis habitu tantis mysteriis assistamus. Neque tamen, dum vos hæc moneo, aut excusare aut defendere exteriorem illam irreverentiam contendo, quacum non pauci Sacerdotum tremendum & altissimum Missæ sacrificium peragunt masticando, truncando immo & glutiendo verba, quæ legenda sunt; dimidiando genuflexiones: sacras ceremonias torquendo atque ita omnia deproperando, ut paucorum minutorum spatii peragant actionem, qua sanctior augustiorve peragi in hoc mundo non potest: ita leviter, incompolite, irreverenter, festinanter

nanter agendo, ut alia potius omnia agere, quam consecrare corpus ac sanguinem Jesu Christi Dei-hominis &, eundem victimam Patri æterno offerendo, renovare sacrificium ab ipso met in monte Calvarie oblatum videantur. Profecto hos tales non tam incondite ac negligenter aut prætextos eleganti superpelliceo denticulos aut biretum, quo caput tegunt, contrectaturos ac versaturos puto; Unde piis Christianis offendiculo, minus probis Christianorum tentationi contra fidem, hæreticis Sacramentariis firmamento errorum sunt. Et (quod pejus) sunt nonnulli huic negligentie vocumque ac ceremoniarum abbreviationi tantopere assuesciti, ut se non solum non emendent sed ne in Confessione acculent quidem; cum tamen, ex Theologorum omnium sententia, sola notabili festinationi, irreverentie, irreligiositati & scandalo affinis sacri faciendi ratio eos culpe mortales reos faciat. Adverte hoc profecto miseri, cum serali mortis in hora tot sacrificiorum modo descripto celebratorum & irreverentiarum mille, ad quas sic Missam celebrando Fideles adstantes induxerunt, & quas hi ipsi postea erga divinissimum corpus ac sanguinem admiserunt, rationem tristissimam reddituri ibunt. Exterere hujuscemodi Sacerdotes formidabilis Ozæ casus deberet notus omnibus SS. Scripturarum non omnino ignaris: quem rudiorum in gratiam memorare juvat. Cum Arca Domini plausro imposita ex domo Obedom in civitatem David solenni supplicatione & ab ipso Rege Davide deducebatur, cumque boves, plausrum trahentes, illud calcitrando declinassent: Oza, qui Levita tantum non Sacerdos (His solis tangere

Arcam fas fuit) haud procul stans accursisset extendissetque manum suam, ut tene- ret Arcam; ecce! Rem terribilem! confestim percussus a Domino ad Arcæ latus mortuus in terram cecidit: *Extensit Oza manum ad Arcam (1) Dei & tenuit eam; quoniam calcitrabant boves & declinaverunt eam: iratusque est indignatione Dominus contra Ozam & percussit eum super temeritate, qui mortuus est ibi juxta Arcam Dei.* Quod si hæc in Arcam temeritas adeo formidabili poena digna habita a Deo est: in Arcam, quæ figura solum & umbra mysterii nostri fuit; nunquid fulminibus flammisque æthereis digna temeritas erit, verax mysterium nostrum, per Arcam significatum, adeo scandalosa cum irreverentia contrectare ac celebrare? *Vos appello*, totus quantus zelo accensus S. Pacianus (m) vetustissimus juxta ac doctissimus Barcellonæ Episcopus increpans ex funesti hujus casus consideratione irreverentios sacerdotes, *Vos appello*, agebat, *qui . . . Dei sancta contingitis & altare Domini non timeatis.* Vos & ego appello, si qui adsunt (quod non crediderim) hujus farinæ sacerdotes: In Levita a Deo *super temeritate* occiso mentis vestræ oculos defigatis velim, ut perpenis tum vestris tum illius circumstantis omnibus decidatis, vestram in tam irreverenti mysterii, per Arcam figurati, celebratione temeritatem multo graviores esse: quo hac ratione convicti, vestram temeritatem temeritati Ozæ longe antecellere, irreligiositati modum ponatis, Secus illa vobis supplicia expectate, quæ, quo diutius differuntur, eo graviora esse consueverunt.



Ff 3

SER-

(1) 1. Reg. vi. (m) In Pomerio.

SERMO XXXVII.

De dispositionibus ad dignam Eucharistiæ sumptionem requisitis.

Postquam, O mei! non quidem pro dignitate attamen pro ingenii mei viribus de sublimitate atque altitudine mysterii nostri disserui; officii mei ratio postulare videtur, ut ad explicandas animi dispositiones pro licito Eucharistiæ usu, tum in facientibus tum in sumentibus Sacra, requisitas progrediar. Dixi: *pro licito usu*; quibus verbis hoc volo, esse nonnullas dispositiones, quæ necessario requiruntur, ut quis Eucharistiam sine peccato recipiat: De his primo loco dicemus. Sunt deinde aliæ dispositiones, quæ requiruntur, ut quis magno cum fructu sacram. Dapem sumat; quæ quidem necessariae non sunt sed oppido convenientes, adeo ut qui illas accedens ad Eucharistiam præmittere possit & intermittit, dignus omnino reprehensione sit: De his secundo loco agemus. Cum autem istarum dispositionum aliæ ad corpus, aliæ ad animam pertineant (quod ad corpus attinet)

Prima dispositio necessaria (absolute loquendo) ad licitum Eucharistiæ usum requisita hæc est, ut persona a media nocte usque ad tempus, quo sacro Cibo reficitur, jejuna sit. Hæc conditio ex antiquissima Ecclesiæ institutione ad nos usque permansit, uti in vetustissimis Scriptoribus videre est Tertulliano (a) nimirum, S. Cypriano (b) S. Joanne Chrysostomo (c) & S. Augustino (d) dicente: *Est universæ Ecclesiæ mos, ut a jejunis semper accipiatur*. Igitur, quisquis hoc præceptum ecclesiasticum violaverit (absolute loquendo) peccatum mortale committit.

Dixi *absolute loquendo*; nam sunt casus varii, in quibus etiam non jejuno accipere Communionem licet: Primo si quis Eucharistiam lethali morbo decumbens tanquam viaticum recipit; nam tunc si infirmus jeju-

nium sine valetudinis damno servare non potest, etsi non jejunus licite sacram. Dapem accipit: Dixi: *Si sine damno valetudinis, non potest*; nam si infirmus, absque ullo incommodo jejunus recipere Eucharistiam potest, id omnino facere debet: Et hoc eo maxime dico, ut e multorum animis errorem, quem personis etiam non vulgaribus communem esse experientia didici, evellam, credentium quod ad Communionem pro Viatico sumendam persona non jejuna esse debeat: unde infirmo, etsi haud opus habeat quidquam ore sumere, tamen quædam offerunt, dicentes, quod Viatico, rescindendus sit: Et hoc moneo, quia nullam et ipsi sæpius falsissimam hoc axionem, audire contigit, Et enim conceditur ab Ecclesiâ infirmo, ut non jejunus communicet, supposito quod ille jejunum se servare siue incommodo non possit: Unde si jejunum se servare, siue incommodo potest, etiam ipsi vetustissimam ac sanctissimam hanc Ecclesiæ legem impleat oportet.

Est & alius casus, in quo aliquis non jejunus licite Eucharistiam sumit: Hunc S. Thomas indicat dicens, (e) „ Si Sacerdos „ post inchoatam Consecrationem recorderetur se non esse jejunum, debet complere sacrificium. „ Si autem ante Consecrationem recorderetur, tutius est desistere a Missa jam coepta dummodo non sit periculum gravis scandalii „ Est item alius casus, nimirum si quis sacrificium, quod alius coepit & post Consecrationem mortuus imperfectum reliquit, perficere debet: posito quod non adsint alii sacerdotes jejuni. Sed ista ad sacerdotes maxime spectant.

Si quis prudenter dubitaret, utrum non noctis mediæ terminos comedendo aut bibendo transgressus sit, debet secundum communionem

(a) Lib. 2. ad Uxorem, c. 5.

(b) Epist. 63.

(c) Homil. 27. in 1. ad Corinth.

(d) Epist. 54.

(e) 3. p. qu. 23. a. 6.

muniorē & rationabiliorem sententiam a Communionē abstinere, nam præceptum manet in possessione suæ auctoritatis & obligationis, nec debet in libertatis favore periculo violationis exponi: Est hoc regulæ a S. Thoma datæ oppido consentaneum, dicente: *Ubi difficultas occurrat, semper est accipiendum illud, quod habet minus de periculo.* Hinc non admittit S. Doctor regulam nonnullorum dicentium, quod in tali casu in favorem libertatis agere liceat: *Illud accipiendum est, quod habet minus de periculo.* Ex hoc sequitur, quod si quis comedens audiat horologii mediæ noctis indicem, ad primum sonitum desistere debeat, quoniam hi sonitus initium novæ horæ & præcedentis finem atque exitum indicant: Atque ob id, si plura successive horologia sonent, ex allata S. Thomæ regula primum sequi debemus, ne nos violandi præcepti periculo exponamus.

Notandum: Per cibum & potum, jejunii naturalis ad licitam Eucharistiæ assumptionem requisiti violativum, non solum quævis alimenta sed medicamenta quoque & res alias cibi quidem rationem non habentes (uti nuclei fructuum alioque ore sumpta & in stomachum transmissa) intelligi; nam non solum cibi, uti provide notat S. Doctor angelicus, sed etiam ea omnia, quæ per modum cibi sumuntur: scilicet quæ ore sumuntur & in stomachum transmittuntur, prohibita sunt: *Non refert, utrum aliquid hujusmodi nutriat aut per se aut cum aliis, dummodo sumatur per modum cibi vel potus* (f) Ob id nec saliva nec sanguis aut alius e capite deluens humor nec ciborum reliquiæ intra dentes, si post median noctem per modum salivæ sumuntur, jejunium naturale frangunt; quippe non in modum cibi sumpta. Ita idem S. Thomas: *Quæ interior gerantur sine exterioris cibi sumptione, non videntur solvere jejunium naturæ nec impedire Eucharistiæ perceptionem, sicut deglutio salivæ: Et similiter de his videtur, quæ intra dentes remanent, Et etiam de cruationibus* (g) Idipsum de tabaco seu de pulvere nicotiano naribus ac-

cepto dicere licet, qui clare patet quod non per modum cibi sumatur, quippe qui non ore sed naribus accipitur; unde si deglutitur, id per modum salivæ fit. Hæc sunt, quæ de dispositionibus corporis, ut quis sine gravi peccato Eucharistiā accipiat, requisitis dicere habui, alios leviores casus Theologis discutiendos relinquens.

Est insuper alia non quidem necessaria sed multum conveniens corporis dispositio, ad conjugatos pertinens: a quibus multi SS. Patres & gravissimi Theologi exigunt, ut ab opere conjugali abstineant; cum multum indecens sit, ut quis ad sacram Synaxin accedat, qui nocte præcedente debitum petiit conjugale; Dico: *Petit*; nam reddere illud petenti tolerandum esse videtur. Ejusmodi tam parum continentiae studiosis S. Hieronymus (h) illa objicit, quæ Davidem inter & Achimelechum sacerdotem gesta legimus; nam cum ab isto sacerdote David cibos postularet, quibus socii sui præ fame languelcentes rescicerentur: & sacerdos non nisi panes propositionis Deo dicatos haberet, exquirivit a Davide: *Si mundi sunt pueri, maxime a mulieribus?* Et postquam eos mundos esse certo cognovisset: *Continuimus nos ab heri & nudius tertius* (i) sic tandem panes benedictos Davidi in necessarium famis subsidium concessit: Quo superfacto ita S. Doctor: *Diximus, panes propositionis ex lege non potuisse comedere David & socii ejus, nisi se triduo mundos a mulieribus resonsissent, non utique meretricibus . . . sed uxoris, quibus licite jangebantur: Populum quoque, quando accepturus erat legem in monte Sinai, tribus diebus jussim esse abstinere ab uxoris.* Scio Romæ hinc esse consuetudinem, ut Fideles semper Christi corpus accipiant, quod nec reprehendo nec probō; sed ipsorum conscientiam convenio, qui eodem die post coitum communicant. . . . Durum est & non ferendum. Quis hoc secularium sustinere potest? Qui potest sustinere, sustinent: qui non potest, ipse viderit. Igitur si tanta mundities ab iis exigebatur, qui panibus propositionis, Eucharistiā adumbrantibus, cibandi erant; nunquid indecentissimum

() 3. p. qu. 81. a. 2.

(g) In 4. Sent. dist. 3. qu. 1. c.

(h) Epist. 1. (i) 1. Rg.

munum erit, carne Agni immaculati, carne Dei-hominis ex purissima Virgine nati saturandis conjugalem adhuc voluptatem spirare? . . . Ob eam rem Concilium Tridentinum (k) hanc Communioni præmittendam continentiam conjugatis graviter his verbis innotuat: *Postulat etiam tanti Sacramenti dignitas, ut qui matrimonio juncti sunt, aliquot dies a concubitu uxorum abstineant Davidis exemplo admitti, qui cum pones propositionis a Sacramente accepturus esset, juvum se & pueros suos ab uxorum consuetudine tres ipsos dies professus est.*

Superest alia dispositio corporis, de qua sæminas monitas velim: scilicet ut ad suscipiendam Eucharistiam non nisi decenter coopertæ accedant. Oppido certe inconvenientis, illas eodem vestitu, quo aliis in locis, coram ipsis adeo altaribus purissimum Agnum illum sumpturas apparere: Et si nudasse petus res est ejusmodi, quam SS. Patres omni tempore improbarunt Theologice morales graviter reprehendunt; certe illæ sæminæ immanis irreverentiæ reas se faciunt, quæ male coopertæ Christi corpore vescuntur. Hinc Innocentius XI. eos sacerdotes censuris gravibus subiecit, qui sacram Communionem sæminis turpiter nudatis ministrant.

Et profecto si S. Paulus indecens esse judicavit, sæminas, ad publicas in Ecclesiis preces accedentes, non velatas accedere: *Vos ipsi judicavitis: Decet mulierem non velatam orare?* Si (inquam) Apostolus voluit, sæminas ad adorandum accedentes velatas & decenter coopertas, puta circa pectus, accedere; quid, quæso! dicturus esset, si videret sæminas non jam ad orandum sed ad ipsam Eucharistiam nudatas accedere, & hæpe ita nudatas, ut etiam extra illam sublimem actionem aspicientibus offensioni sint? Quid, quæso! Doctor ille Gentium dicturus: quæ verborum jacula pro zeli sui ardore in eas vibraturus esset? Atque hoc in loco cum S. Hieronymo quærere juvat: *Quid est nuncius, orare an Corpus Christi accipere? Utique accipere Corpus Christi.* Cogi-

tent itaque sæminæ, quod, si quando communicant, non amicas salutatam, non re-creatum se, non in ædes prophanas eant; sed enim ad Ecclesias, sed enim Agnum illum castissimum, Filium Matris purissimæ, maximum puritatis & modestiæ anatorem susceptum pergant. Hinc omni studio atque diligentia se tegant, ne purissimum, quem suscipiant, Jesu displiceant. Sic S. Carolus Borromæus, magnum illud disciplinæ ecclesiasticæ lumen ac ornamentum, in suis *Instructionibus* jussit: *Mulieres non sumptuosas, non caudatis vestibus, non crinibus inani-ter intortis aut vultu pigmentis illito, non pedore nudo aut tenui velo oblecto; sed ita vestitæ appareant, ut ne præter faciem quidquam nudum cernatur, velo denso bene supra faciem demisso.*

Pergamus modo ad condiciones seu dispositiones animi pro licito Eucharistiæ usu requisitas. Harum prima, necessaria & indispensable est, ut animam a peccatis mortalibus prævia eorumdem doloris plena Confessione purgemus. Hanc præmittendæ Confessionis conditionem, quæ ab Ecclesia diserte injungitur, etiam in Scripturis novi fœderis per illa verba imperatam fuisse gravissimi auctores contendunt, quibus S. Paulus monet, quod ad S. Eucharistiam accedens prius se excutere, probare ac mundare debeat; nam vox *Probet hæc omnia sibi petit: Probet autem se ipsum homo, & sic de pane illo edat &c. de calice bibat* (l). Additque: *Qui enim manducat & bibit indigne, scilicet reus culpæ mortalis, judicium sibi manducat & bibit.* Itaque si quis omnem adhibere diligentiam debet, ut in statu gratiæ accedat; quando adhibere præcipuam, quæ in peccatorum exomologesi consistit, diligentiam potest: erit haud dubie præcepto S. Pauli, quod ipsum est præceptum Dei, ad confitendum (si peccatis mortalibus gravatur) obligatus. Excipiunt Theologi casum, in quo revera sequentes duæ condiciones conveniant: prima, quod sit necessitas inevitabilis communicandi aut sacrificandi: secunda, quod Confessarius haberi

BOD

(k) part. 2. c. 4. n. 38.

(l) 1. Corinth. c. 11.

non possit. Atque hoc in casu post elicitum omni (qua fieri potest) diligentia perfectæ contritionis actum non illicitum est sumere Eucharistiam. Remanet tamen oblatio, ut is, qui sic sanctissimum Sacramentum percipit, quamprimum confiteatur, hoc est: confessarium (quamprimum fieri moraliter potest) exquirat, cui rem totam exponat: Quæ obligatio cum sacerdotibus sic celebrantibus sub gravi præcepto a Concilio Tridentino imposita fuerit, laicis quoque sic communicantibus injuncta a multis Theologorum perhibetur; cum etiam ad laicos hujus præcepti causa principalis, scilicet reverentia augustissimo Sacramento debita, pertineat. Dicit aliquis: Anne etiam alii sunt casus, in quibus culpæ mortalis reo accedere ad S. Eucharistiam contrito tantum licet; eoquod vera communicandi aut sacrificandi necessitas instet, & labori confessarii nequeat? Repono: Omnes isti casus eo redeunt, scilicet si Communio aut Celebratio omitti non potest sine gravi periculo vitæ aut famæ aut gravi eorum scandalo, qui talem personam non communicare aut non celebrare vident; nam tunc jus divinum positivum præmittendi Confessionem cedit jori divino naturali non amittendi vitam vel famam aut non præbendi grave scandalum. Sed in hoc rei cardo omnis vertitur, ne talis necessitas aut dicta habendi confessarii impotentia aut infamia illa aut grave scandalum cito ac leviter præsumantur; cum varii modi suppetant se Communioni vel Celebrationi subtrahendi: prout ego quoque sæpius in iis personis reprehendere debui, qui certe nimis ex inconsulto ac levi talia præsumpserunt.

Querit fortasse aliquis: An poenitens, si post præmissam mortaliū peccatorum a se admissorum Confessionem & acceptam Absolutionem alterius peccati mortalis, quod sibi prius exciderat, recorderetur: an de novo sistere se confessario & accusare de peccato illo debeat; cum quippe (ut spes est) gratiæ statui redditus accedere ad sacramentum Mensam posse videatur, quin confitea-

P. Cusiliani Catechista.

(m) *Deff. 12. can. 11.*

(n) *In Parenthesi.*

tur, differens de cetero hujus peccati manifestationem in primam secuturam Confessionem? Ah! Novi, esse nonnullos, qui istud saltem verbotenus docent; ast ego errare illos oppido credo & pertendo: hunc talem, priusquam communicet aut sacrificet, denuo accedere ad Confessarium debere, ut etiam a peccato mortali prius obli- to absolvatur. Ratio est, non quod in statu gratiæ non sit; sed quod præceptum Concilii Tridentini stricte obligans implere debeat, volentis, ut nemo peccati mortalis nondum confessi reus ad S. Eucharistiam accedat; dum ad Confessionem eos omnes, quos scientia peccati mortalis gravat (m) obligat. Jam qui peccati mortalis prius obli- ti & non confessi recordatur, habet utique scientiam peccati mortalis non confessi; Ergo si, priusquam illud confiteatur, ad sacramentum Mensam accedit, legem hanc graviter obligantem infringit: Non poterit igitur habens hanc peccati mortalis conscientiam communicare, nisi prius confessus fuerit. Atque ob id hanc esse Fidelium consuetudinem videmus, ut ad sacrum tribunal se accusaturi revertantur: Cui igitur bono doctrina tam periculosa tam legi Tridentinæ (ut videtur) repugnans inducitur?

Ex his, quæ hactenus dixi, omnibus colligatis, O mei! velin, quam horrenda res sacrilegium sit, nimirum si quis culpæ mortalis sibi conscius ad sumendam divinam Dapem accedat. In hoc immanis nequitiae scelus certatim Patres sancti omnes invehuntur, & dum quisque pro virili sacrilegis tum magnitudinem flagitii tum injuriæ, quam Christo inferunt, gravitatem ob oculos ponere contendit, alii textus S. Scripturæ, alii similitudines, alii argumenta a ratione petita, ut nefarios exterream & ab hac impietate avertant, adducunt. S. Pacianus (n) priscus Barcinonensis Episcopus & seculi IV. scriptor hæc eos increpat: *Clamant Dominus & dicit Levit. 7.* Omnis mundus manducabit carnem, & anima, quæcunque contigerit de carne sacrificii salutaris, & immunditia super illam est, pereat anima illa

G g

de

de populo suo. *Quid ergo? Desit Deus præcepta sua & facta nostra curare. Bene tu, peccator! intellige; Spectaris a Domino. Juvat hoc in loco sic argumentari: Si Deus carnibus animalium sibi immolatorum ream cum conscientia vesci ausum hominem perire omnino voluit; quid de illo fiet, qui carnibus divini Filii ejus reus culpæ mortalis vesci ausus fuerit? Quid erant carnes bovem, ovium & reliquorum animalium Deo mactatorum nisi umbra solum & figura sacrificii nostri corporisque ac sanguinis Jesu, quæ super altaria eidem Deo immolantur? Jam vero si perire debuit quivis illas veteris Testamenti carnes indigne contrectans ac sumens; nunquid non peribit, O mei! qui carnem Jesu Christi indigne sumperit atque tractarit? Humanæ animæ reus, subdit laudatus S. Pacianus, non potest absolvi: Domini corporis violator evadit? Qui manducat & bibit indigne, judicium sibi manducat & bibit: Evigila peccator! Time in visceribus tuis prærens judicium, si quid tale fecisti. . . . Intellige, quantum sceleris admittat, qui ad altare venit indignus, cui pro remedio computatur, cum aut morbis laborat aut morte dissolvitur: Alludit postremis his verbis S. Episcopus ad ea, quæ Paulus dicit: *Et ideo* (ob indignas Communiones) *inter vos multi infirmi & imbecilles, & dormiunt multi* (o).*

Et profecto quomodo fieri potest, ut homo fidelis tanti sacrilegii committendi animum inducat? Nos omnes quotiescunque vel legimus vel audimus ea, quæ Judas in horto adversus Jesum ausus est, temperare nobis non possumus, quin animis ad iracundiam commoveamur, cogitantes indignum hunc atque scelestissimum discipulum osculo, intimæ amicitiae signo, Magistrum tradidisse. Heus! exclamat S. Joannes Chrysostomus (p) in execrabilem illum traditorem mirum quantum concitatur, & illi ipsi concitantur, qui Dominum indigne suscipere nihil verentur. At nunquid sacrilegi hi sincerissimi & flagrantissimi amoris signo, videlicet pectoribus eum suis excipiendo, traditores se & reos corporis ac sanguinis domi-

nici faciunt: *Cogita, quantum contra proditorem indignaris?* . . . *Cave ergo, ne tu ipse reus sis corporis & sanguinis Domini.* Est hoc profecto portentosissimæ temeritatis! Nam aut non credis, O sacrilege! mysteriorum veritatem; & (si ita est) omitte accedere: aut credis te recipere Deum tuum, Redemptoriam tuam, Judicem tuum; & quomodo sic credens poenas longe severissimas evitabis? Nescis, O temerarie! te tuomet in pectore tribunal, coram quo inferni supplicii addicendus es, statueris? *Idcirco sibi manducat & bibit;* nam (Percipite gravissimum S. Augustini (q) ratiocinium) *si corripitur, qui non judicatur, hoc est: non discernit a ceteris cibis corpus domini;* quomodo non damnatur, qui ad ejus mensam, fingens amicum, accedit inimicus? Si reprehensione tangitur negligentia convivantis; quæ pena percipitur venditor, traditor *invianis?* Quapropter si quis vos inter adeisset (quod non crediderim) immanis adeo flagitii reus, confestim is doctum, sapientem, pium confessorium adeat, a quo adjuvetur, ut animam suam expurgat eamque dignam reddat, quæ Deum suum licite sumat.

Postquam vobis, quæ sit animi dispositio ad licitum Eucharistiæ usum requisita, exposui; jam ad eas dispositiones explanandas progrediar, quæ exiguntur, ut quam maximo (quo fieri potest) cum fructu divinum cibum capiamus. Has inter prima est satagere pro virili, ut mentem a peccatis etiam venialibus, iisque maxime deliberatis, puram asseramus; nam cum peccatum veniale (uti cum S. Thoma Theologi omnes docent) ex sua natura fervorem charitatis erga Deum minuat; ob id, quo plura quis admittit, eo magis ille amoris fervor decrescit: Et cum de cetero amor in Deum sit (quod infra dicemus) dispositio omnium aptissima, ut magnum ex sacra Communionem fructum capiamus; ecce! quam conveniens sit, ut a peccatis venialibus pro viribus nos contineamus. Audite, quæ ad propositum nostrum S. Gregorius M. monet (r) qui, postquam de necessaria munditia a peccatis mor-

(o) 1. Corinth. 11.
2. in 1. Reg. c. 1. n. 14.

(p) Homil. 82. in Math.

(q) Tract. 62. in Joan.

(r) Lib.

mortalibus egerat, hæc subdit: *Et quia sine peccato electi etiam viri esse non possunt, quid restet, nisi ut a peccatis, quibus eos humana fragilitas maculare non desinit, evacuare quoti-
dianè vacentur? Nam qui quotidie non exha-
rit, quod delinquit, etsi mitiora sint peccata
quæ delinquit, paulatim anima repletur, & ei
merito auferunt fructum internæ saturitatis,
quæ (ut in sequenti sermone dicitur) ef-
fectus est augustissimo altaris Sacramento
maximè proprius. Studeamus itaque huic
munditiæ omnes; præsertim illi, qui quo-
tidie (uti nos sacerdotes) aut frequenter
admodum ad sacram Communionem acce-
dunt.*

Post explanatas dispositiones, quas ne-
gativè appellare placet, scilicet quæ Eu-
charistiæ effectum plus minusve impediunt;
restat, ut de dispositionibus positivis dicam,
de iis nimirum, quæ animam ad hoc Sa-
cramentum positive præparant eamque ad
optatissimos Sacramenti effectus percipien-
dos aptiorem reddunt, adeo ut quo excel-
sorem hæ dispositiones intentionis gradum
nactæ fuerint, eo major minorve fructus
ex sacris Communionibus ad animam redire
soleat. Prima harum est viva sublimis hu-
jus mysterii fides; dum actus fidei de illo
eliciamus, mente vel etiam ore hæc aut si-
milia dicentes: „Credo mi Jesu! te in hoc
„Sacramento realiter, personaliter adesse,
„te ipsum, verum Deum-hominem, vivum
„ac gloriosum: & hoc credo, quia tu dixi-
„sti & Ecclesia sancta docet „Hanc disposi-
tionem primis Christianissimi temporibus sa-
cri ministri, dum Cibum sacrum Commu-
nicantibus porrigebant, requirebant; uti ve-
ustus ac gravis *Constitutionum apostolicarum*
(s) Auctor, qui tertio certe seculo (si non
prius) floruit, testatur affirmans: Episco-
pum particulam sacram Communicanti ex-
hibentem dixisse: *Hoc est Corpus Domini:*
& Communicantem respondisse: *Est.* En
ipsa verba: *Episcopus quidem tribuit Oblatam*
dicens: Corpus Christi; & qui recipit, respon-
det: Amen. Diaconus tenet calicem & tra-

dendo dicit: Sanguis Christi, calix vitæ: &
qui bibit, respondet. Amen. Verum ca-
licis usus succedente tempore ab Ec-
clesia iustis de causis prohibitus fuit abs-
que damno tamen Communicantis, qui in
particula sola æque totum Christum recipit,
uti sermone XXXIII. monui. Ex hac fidei
declaratione, quæ a Communicantibus exige-
batur, apparet, Ecclesiam insinuare Commu-
nicaturis voluisse, ut hos fidei actus eli-
ciant.

Secunda dispositio positiva est spes vi-
va (virtus altera theologica) qua omnes,
quibus indigemus, gratias nos obtenturos
fore confidimus. Spes hæc infinita Dei,
personaliter suscipiendi, potentia atque mi-
sericordia niti & suavi illa, quam S. Joanes
Chrysostomus nobis suggerit, conside-
ratione excitari debet (t) *Qui enim sangui-*
nem suum pro nobis omnibus effundere non re-
cusavit, & carnem suam & rursus in sam-
guinem nobis communicavit, quid pro salute no-
stra sacre recusabit? Ac si diceret: Dedit se
mibi & dat se totum mihi non supplicanti
ex mera sua generosissima ac infinita mise-
ricordia: Et posthæc verear, ne de rebus
multo minoribus supplicans repellar? Qui
mibi non supplicanti semetipsum totum de-
dit, charitatem, victoriam tentationum, ac-
quisitionem sanctarum, quibus destituor, vir-
tutum supplicanti negabit scilicet? Qui mi-
hi non supplicanti thesaurum immensum de-
dit, supplicanti obulum non dabit? Hanc
itaque infinitæ misericordiæ dominicæ fidu-
ciam accedentes ad S. Communionem in
nobis, O mei! excitare non ommittamus.

Tertia & præcipua dispositio positiva est
ardens erga Deum in Sacramento altaris re-
sidentem charitas. Hanc, O mei! ut ex-
citare in vobis valeamus, primum humili-
bus a Deo precibus exorare, cum sit do-
num illius: Deinde vero recogitare debemus,
Jesum in sacra Communionem summam divi-
nissimi amoris in nos sui perfectionem osten-
dere, quam in duobus præcedentibus ser-
monibus exposui. Et quemadmodum alic-

G g 2

ni

(s) Lib. 2. c. 13.

(t) Homil. 2. ad Populum. n. 5.

ni amoris cogitatio animos nostros ad mutuum amorem provocat; ita ardentissimi amoris, quem nobis Dominus ad nos veniens ostendit, consideratio ad mutui amoris in eum actus eliciendos nos inflammabit. Edicite, obsecro O mei! Nunquid Dominus singularem erga Mariam charitatem prodidit, quando ipsam elegit, ut ejus castissimo utero novem mensium spatio habitaret? Quis hoc dubium habeat? Jam nonne idem ipse Deus-homo, qui in utero Mariæ moratus est, in nostra descendit pectora? Et quamvis Maria hoc singulare ac incomprehendendum privilegium habeat, quod in purissimo sanguine suo materiam, ex qua divinum Corpus formaretur, subministrat; tamen verissimum manet, nos nostris pectoribus eum ipsum concludere, quem illi virginali gremio suo clausit. Atque ob id omnes Theologi post S. Thomam Communionem sacram vocant *Extensionem quandam incarnationis*; quatenus infinitus ille amor, qui summum universorum Dominum commovit, ut novem menses in utero Mariæ habitaret, idem (inquam) amor eundem moveat, ut in nostris pectoribus toties habitet, quoties communicamus. Hæc itaque Servatoris erga nos charitas bene expensa atque ponderata quanto amore animos nostros in illum accendere debet? Ob id S. Joannes Chrysostomus (u) dignis zelo suo phrasibus nos omnes exstimulat, ut magno cum fervore ardentique charitate accedamus: *Accedamus igitur cum fervore ad illum & cum ardeni charitate*, aliamque considerationem mente sua sublimi dignam subdit S. Doctor dicens: Nam Jesus pectora nostra verum cælestem paradisum constituit; Etenim quid paradisum facit? An muri magnæ Civitatis Dei? An splendens ornatus illius? An Angeli & amplissimi regni illius Cives cuncti? Nequaquam; sed enim præsentia Regis gloriæ: In hac paradisi nobilitas maxima posita est. Jam cum pectora nostra verum habitaculum Dei-hominis fiant, ecce! verus quoque paradisus eliciuntur: Sicut enim in rega, quod omnium ma-

gnificentissimum est, non muri, non tectum aureum, sed regium corpus in solio sedens; sic & in calis regium Corpus. Sed hoc nunc tibi licet in terra videre; non enim Angelos, non Archangelos & calos calorum sed ipsum tibi horum Dominum ostendo. Vidisti, quomodo id, quod omnium præstantissimum est, in terra perspicias: neque vides tantum, sed tangis: nec tangis tantum, sed etiam comedis. Præpara igitur mentem ad horum mysteriorum perceptionem. Præparemus nos cum ardeni charitate, sincerique amoris & ardentis eum recipiendi desiderii actus iteremus, cum omni (ut Gaudentiis (x) sanctus ille doctusque Briseasium Episcopus monet) animi aviditate.

Flagranti huic charitati jungi quarta dispositio, videlicet sincera humilitas, debet. Hæc in eo consistit, ut nos imærentes & indignos, qui tantum Majestatem nostris pectoribus excipiamus, esse ex animo confiteamur, adeo ut, quamvis præparationes longe serventillimas præmissemus, tamen nos usque haud dignos esse judicemus: *Tanta autem, ait Cassianus (y) cor nostrum humilitatis debemus vulture custodia, ut hanc dispositionem perpetua sensuum stabilitate teneamus, nequaquam nos posse ad tantum purificationis meritum pervenire, ut licet hæc, quæ supra dixi, per Dei gratiam omnia fecerimus, tamen nos indignos communione sacri Corporis credamus.* Hos autem veræ humilitatis sensus is concipere multo magis debet, qui se omnem (quam potuisset) diligentiam, ut se ad percipiendam sacram Eucharistiam magis magisque præpareret, non adhibuisse novit.

Coronidis loco aliud præparationis genus subungere placet, scilicet ut Jesu Christo eas præparationes offeramus, quas præmittere Virgo maxima ac sanctissima Mater Maria consuevit, quando post Filii in cælos ascensionem spatio annorum ferme viginti trium, quibus in hoc mundo Filio superites fuit, ad S. Communionem accessit. Quibus quamque servidis actibus incomparabilis hæc Anima ad Dei-hominis veri Filii sui, quem novem mensium spatio utero fu-

com-


(u) 1^a 2^a in 1^a ad Corinth. n. 5.

(x) Sermon. 2.

(y) Collat. 22. c. 4.

complexa est suaeque carne vestiverat, susceptionem sese praepararit, quis mortalium est, qui mente comprehendere possit? Jam si has valoris inestimabilis praeparationes Christo offerimus, quis dubitet, nos ipsi thesaurum longe gratissimum offerre, quo nostrarum praeparationum exilitas suppleatur. Hinc priusquam sacram Dapem sumamus, converti ad hanc piissimam Matrem nostram, eam ex toto corde obtestemur: Dignetur nobis hoc beneficii praestare, ut memoratis

suis praeparationibus uti nobis liceat; Immo dignetur, easdem ipsa amatissimo Filio suo in supplementum exiguarum praeparationum nostrarum offerre. Subin conversi ad Christum supplicemus, ut non nostram indignitatem atque miseriam, sed has sublimes praeparationes spectare: & has spectans illas gratias effectusque nobis impertiri dignetur, quos animabus bene prae paratis concedere consuevit; de quibus paulo post dicetur.



SERMO XXXVIII.

Quid post susceptam Eucharistiam agendum sit, & quam vitae rationem servare debeat is, qui quoti.e aut saepius per hebdomadam communicat.

Priusquam mirabiles effectus, quos Jesus Christus dignis modis susceptus in anima relinquere solet, explicare aggrediar; conveniens esse judicavi, O mei! duo alia capita tractare: Primum quidem quid post sumptam Eucharistiam Christiano cuilibet agendum sit; deinde vero, quam vitae rationem sequi debeant ii, qui singulis diebus aut saepius per hebdomadam ad Mensam divinam accedunt.

Quod ad primum caput attinet; Fidelis quisque post acceptum sacrum Cibus intus in animo ad pedes Dei-hominis, quem in petus suum transmisit, se totum colligat excitans vivam denuo fidem, ac si suis oculis coramque Servatorem suum cerneret: & ante infinitam Dei Majestatem prostratus credere se firmissime declaret, quod suis visceribus Deum suum, Redemptorem suum, Omnia sua complectatur. Posthæc cum omni (qua fieri potest) reverentia intimoque cordis affectu amplectatur pedes Salvatoris sui, & eidem continuatis sinceri amoris actibus declaret, quod ipsum ex tota anima, ex toto corde, ex omnibus viribus suis super alia omnia amet propter infinitam bonitatem, quam sibi in admirabili hoc Sa-

cramento, & ad se divertendo manifestavit: Hinc in intimæ fiduciæ affectus prorumpere non vereatur (vocans eum *vitam suam, amorem suum, cor suum, omnia sua*) in his immoretur, hos repetat, usque dum satiatum se sentiat. Petat posthæc, quanta potest, cordis cum contritione peccatorum suorum veniam: & quævis se potius supplicia subiturum, quam Deum se suum denuo offensurum, promittat. Subjiciat præterea se totum & quæ in hac vita habet, omnia divinæ voluntati, ac declaret: se (si fieri per impossibile posset, ut ipse de se deque rebus suis independentem a Deo statuatur) tamen se potius Deum tanquam despoticum, qualis re vera est, Dominum rerum suarum sibi electurum esse; desideretque, ut sibi haud alia, quam Deo, vel voluntas vel noluntas sit. Erumpat deinde in ferventes gratiarum actiones de tam insigni beneficio, quod Dominus in cor suum intrare seque tam benevole atque intime visitare dignatus sit. Denique spem firmissimam animo concipiat, se omnes gratias in animæ emolumentum a se petendas, immo alias quasvis, dummodo salutis suæ non obstant, certe obtenturum esse. Ob id inter alia augmentum &

exercitium virtutum theologicarum, Fidei, Spei, Charitatis: gratiam, Deum nulla re amplius offendendi: robur ac vires ad repellendas eas tentationes, quibus maxime impugnatur: paucis; subsidia omnium spirituum necessitatum tam in genere quam in specie petat, nominis has omnes; non quod Jesus illas non noverit, sed quod delectetur, si sibi hæc exponantur. Idipsum etiam (quod ad temporales necessitates spectat) faciat; in quibus semper christianam illam debitamque conditionem addat: Si ad majorem Dei gloriam & animæ meæ emolumentum proficit.

Quo loco hoc quoque monuisse velim, ut post Communionem, uti ante Communionem, patrocinium Virginis Matris sacratissimæ imploretis, supplicantes: Permittat vobis, ut altissimis actibus, quos ad Filii sui mensam accedens elicit, utamini sensus vestros cum sensibus illius sanctissimis in sumptione sacrae Hostiæ uniendo & supra allatos a me actus in unione actuum illius exercendo; quod certum habeatis, hanc unionem vestris miseris actibus magnum apud divinum suum Filium pondus allaturam esse; supplicantes eidem: Velit preces vestras protectione sua & summorum meritorum suorum oblatione secundare, ut Jesum ad largiendas, quas ab ipso oratis, gratias faciliorem vobisque magis propitium reddat.

Et quemadmodum optimum præparationis ad S. Communionem genus est, saltem proxime præcedenti deiectionibus, a lusibus, a recreationibus aliisque deliciis ex amore illius, quem suscipere decrevimus, Dei abstinere: ita optimus grates agendi modus erit, die, quo S. Communionem sumpsimus, toto se ab istis humanis & secularibus delectamentis continere, ut Christo, memores nos esse accepti insignis adeo beneficii illudque magni pendere, ostendamus; contra diem illum totum cum ipso transigere sive in Ecclesia (si fieri potest) sive domi in secessu orando aut libros sacros legendo, vel (si labori opera danda est) linguam custodien-

do & illius, quem suscepimus, memoriam amanter recolendo: foventes hac ratione ac confirmantes bona, quæ concepimus, proposita & dignos nos reddentes, qui ad illa opere complenda gratiæ auxilia necessaria consequamur. Percipite super hoc proposito verba S. Joannis Chrysostomi (a) *Tu pane vitæ accepto facis rem mortis, & non exhorrescis? Nescis, quam multa mala proficiantur a deliciis? Rursus intempestivus, verba insolentia & incompota, urbanitas & faciliæ vitio plenæ, nugæ inutiles, ea quæ ne sis quidem est dicere: Et hæc facis Christi mensa exceptus, eo die quo dignus es habui, qui ejus carnes lingua tangeres? Quicunque sis ergo, ne hæc fiant, manum tuam expurge & costringe linguam & labia, quæ ingressui Christi suere vestibula, & apposita mensa sensibili aut mensam illum merenti extende. . . . Vigilemus ergo cum Domino, conungamur cum discipulis; precationis tempus est. Itaque, O mei! cum nos servare immunes a quibusvis vitiis semper debeamus, idipsum facere maxime sancto Communionis die curemus; eritque hoc optimum actionis gratiarum genus.*

Alium item agendarum gratiarum modum suggerit idem S. Joannes Chrysostomus (b) iis, quibus hoc modo uti licet: *Et est dispensatio eleemosynæ; quam sanctus Doctor iis, quibus per facultatem affluentiam licet, tantopere inculcat, ut, in negligentes sancta ira incensus, sic eos increpet: Si tu accedas propter Eucharistiam, id est gratiarum actionem; tu quoque nihil facias indignum Eucharistia seu gratiarum actione, neque fratrem pudore afficias, neque esurientem desicias. . . . Christus omnibus corpus ex æquo dedit; tu autem ne quidem panem communem das ex æquo: Christi facis commemorationem; & pauperes despicis: & non exhorrescis? Sed si filii quidem aut fratris defuncti memoriam ageres, pangeris a conscientia, si non morem implevisset & pauperes vocasset; tu autem Domini tui faciens memoriam ne mensam quidem solum impertis: . . . Gustavisti sanguinem dominicum; & ne sic quidem fratrem agnoscis: & quamquam mereberis veniam? Non*

in

(a) Homil. 27, in 1. ad Corinth.

(b) Loc. citato.

in memoriam revocas, quod hoc paupere in pecuniis longe eras egentior in bonis operationibus; cum essis plenus peccatis? Sed tamen ab his omnibus te liberavit Deus; tu autem ne sic quidem factus es benignior & magis misericors. Nihil ergo restat, nisi ut tradaris tortoribus. Heus! ita inconveniens judicat S. Joannes Chrysostomus, eo die, quo Jesus ex infinita liberalitate seipsum in cibum Communiantibus dedit, illos eleemosynas largiores non esse, ut hanc paritatem omni carere excusatione gravibusque poenis dignam esse pronunciet. Largiatur itaque, qui opibus pollet, eleemosynas & Christo, in seipsum dando infinitum misericordii, solito largiores in gratiarum actionem pro incomprehendendo suscepti corporis ac sanguinis dominici beneficio eleemosynas distribuendo delectationem creet.

Jam de secundo hujus sermonis capite (nimirum de iis, qui satis frequenter ad sacram Synaxin accedunt) dicamus. Equidem frequens, immo quotidiana Communio (Ut absolute loquar) multum a Patribus etiam vetustissimis prædicatur. Sufficit hoc super argumento S. Cyprianum (c) S. Basilium (d) S. Joannem Chrysostomum (e) S. Ambrosium aut aliam Patrum Ambrosio æqualem (f) S. Augustinum (g) legisse: Simili modo reliqui Patres frequentem, quin etiam quotidianam Communionem commendant & ad illam hortantur. Et cum hæc fuerit venerabilium Patrum sententia, eandem sibi S. Thomas adoptavit, cujus scripta præstantissimum SS. Patrum compendium ac summa dici possunt: Expendit is tum causam ad quotidianam Communionem excitantem tum causam ab illa retrahentem. Causa excitans amor est: Causa retrahens reverentia, quæ est amoris filialis actus. Has duas causas inter se comparans ait, amorem timori prævalere debere: Hinc dumodo persona amorem & reverentiam erga hoc Sacramentum non minui in animo suo sed augeri potius sentiat, ad Communionem etiam singulis diebus accedat; Percipite ipsa illius verba: In hoc

Sacramento duo requiruntur ex parte recipientis, scilicet desiderium conjunctionis ad Christum, quod facit amor: & reverentia Sacramenti, quæ ad donum timoris pertinet; primum autem incitat ad frequentationem hujus Sacramenti quotidianam, sed secundum retrahit. Ita S. Doctor in 4. Sent. dist. 12. q. 2. a. 1. quæst. 1. & in quæstiuncula 3. subjungit: Si autem hæc duo invicem comparentur, adhuc invenitur prævalere sumptio Sacramenti abstinentiæ a Sacramento . . . quia sumere videtur esse charitatis . . . abstinerere autem timoris; amor autem timori prævalet. Ob id memoratam quæstiunculam primam in hæc verba concludit: Unde si aliquis experimentaliter cognosceret, ex quotidiana sumptione fervorem amoris augeri & reverentiam non minui, talis deberet quotidie communicare. Si autem sentiret, per quotidianam frequentationem reverentiam minui & fervorem non multum augeri, talis deberet interdum abstinere, ut majori reverentia & devotione postmodum accedat. Totius ergo rei summa hæc est, ita animam custoditam habere, ut sic vivat, unde ad quotidianam Corporis dominici sumptionem sufficienter disposita existat.

De hac dispositione non sine solita sua angelica claritate atque accurate in hæc verba loquitur S. Thomas (h) Circa usum hujus Sacramenti duo possunt considerari: Unum quidem ex parte i. sui Sacramenti, cujus virtus est omnibus salutaria; & ideo utile est quotidie ipsum sumere, ut homo quotidie ejus fructum percipiat; Unde S. Ambrosius lib. 5. de Sacram. . . c. 4. dicit " Si quotiescunque effunditur sanguis Christi, in remissionem peccatorum effunditur; debeat semper accipere, ut semper mihi peccata dimittantur. Qui semper pecco, debeat semper habere medicinam. " Alio modo potest considerari ex parte sumentis, in quo requiritur, ut cum magna devotione & reverentia ad hoc Sacramentum accedat; & ideo si aliquis se quotidie ad hoc paratum inveniat, laudabile est, quod quotidie sumat. . . Sed quia multoties in pluribus hominum multa impedimenta hujus devotionis occurrunt propter corporis infirmitatem

(c) 1. br. de Orat. domin.

(f) Libr. 1. de Sacram. c. 4.

(d) Epist. 289.

(g) Epist. 54.

(e) Homil. 5. in 1. ad Corin. h.

(h) 3. p. q. 80. a. 10.

nem vel animam, non est utile omnibus hominibus quoties ad hoc Sacramentum accedere; sed quotiescumque se ad illud homo invenerit præparatum.

Probe adverte, O mei! vos omnes primoribus labris veritare interrogationem: Quenam videlicet sint illæ corporis & animæ indispositiones, quibus usum quotidianum SS. Eucharistiæ præpediri S. Thomas affirmat; Et quæ sit magna illa devotio ac reverentia, quæ ad tam frequentem ejusdem usum requiratur? Explicare vobis has indispositiones juvat; quo loco statim initio vos monito velim, hic jam non de mortalibus impedimentis agi; quippe quibus frequentem impediri communionem nemo est qui ignoret, nisi forte ab una Communionem ad aliam tanta morum emendatio sentiatur, ut haud temere sperandum sit, animam juvante hoc potentissimo Sacramento brevi temporis spatio a relapsu in graves culpas liberatum iri. De venialibus igitur impedimentis sermo est; Horum autem duo genera cum doctissimo & piissimo sacrae Familiae meæ Theologo Joanne Taulero (i), distinguenda nobis sunt: unum peccatorum venialium, quæ *fluxa* seu accidentalia; alterum, quæ *perseverantia* & *inhærentia* seu fixa, habitualia & amata vocat. *Fluxa* sunt, quæ nullas adhuc in animo radices egerunt: uti impatientia accidentalis, sermo otiosus, levis ira, officiosum aut jocosum mendacium, levis inobedientia aut inimicatio, verbum odiosum, exigua in orando negligentia, levis in laude de se audita complacentia, aliaque similia, quibus homo non affluere & quæ ei excidunt, quin illis affectu quodam adhærescat, & de quibus confessum dolens corrigere se in melius ex animo statuit. Jam qui talia delinquit aut qui modo hanc modo illam harum aut similium iniquitatum contrahit, a quotidiana vel frequentiori Communionem abstinere non debet; dummodo emendare se satagat. Peccata dein venialia inhærentia, radicata, habitualia, quibus (quod sequitur) homo quodam affectu adhærescit, Communioni quotidianæ immo &

frequentiori obstant. Talia sunt bonorum temporalium amor: consuetudo alicujus personæ, utut non inhonesta, tamen mere ex genio proficiens: studium aliorum existimationem captandi aut magnum sibi nomen faciendi: amor gulæ vel operis conjugalis, commodorum suorum, deliciarum, ludorum & oblectamentorum superfluatorum: antipathia in Proximum: amor æsuæ securitatis: studium vane se vestimenti: habitualis in orando negligentia: habitualis rerum Deo gratiarum incuria: indoles aspera, rabiosa, impatiens, mendax, risosa, contendens, curiosa maxime quo ad oculos & in quasvis facies: alique similes venialitates parum aut nihil curatæ, quæ faciunt, ut homo (sic dicam) in stabili & fixo quodam statu culpæ venialis sit, a qua non solum corrigere se non studet; sed eandem etiam fovet, alit; proficitur atque secundat. Affectio, inquam, ad unam ex his vel similibus rebus certe hominem quotidianam immo & frequentiori Communionem indignum efficiunt; cum fieri non possit, ut habitualis & stabilis harum venialitatum admittit multoque magis affectio erga illas devotionem, amorem ac reverentiam altissimo Eucharistiæ Sacramento debitam non imminuant. Atque ob id melius videtur frequentiore S. Communionis usum temperare; qua in re multum invigilare arbitri conscientiarum debent. Quod si vero persona aliqua aut uni aut multis memoratarum habitualium & stabilium venialitatum dedita, divino confissa auxilio, ex animo statuatur, se illas e mente evulsuras moresque correctionem esse: & in hunc finem obtenta debita licentia SS. Eucharistiæ frequentius uteretur fructumque inde perciperet, adeo ut corrigi se ad frugem ipsa sentiat, & eandem lucris spiritualibus augeri confessarius cognoscat; tum persona illa juxta arbitrium confessorii etiam singulis diebus accedere ad sacramentum Mensam poterit; quoniam Sacramenti fructus comprobatur, dum peccati venialis amor extirpatur: unde lapsus talis personæ mere accidentales evadunt; quandoquidem

illa

(i) *Sap. 4. in Fests Ven. Sacramenti.*

illa ab omnibus peccatis magis magisque abhorret multumque sibi cavet, ne plena cum deliberatione cadat.

Postquam de iis, quæ animam ad Communionem, non quidem absolute, sed enim ad Communionem quotidianam ac frequentiore inaptam reddunt, dixi; restat disquirere, quænam dispositiones positivæ, quæ actiones & virtutes, quæ vitæ tenor quotidie aut frequenter sacrum Cibus sumentibus conveniant? Quo super argumento, O mei! ut nihil de meo asseram, ea exponam, quæ sapientissimus meus ac doctissimus S. Antoninus Archiepiscopus Florentinus, prudens juxta atque exercitatus animarum quarumvis moderator, scripta reliquit (k) Ait is de frequenter communicantibus, quos *Proficienter* appellat; quia ad perfectionem christianam ascendere conantur: *Proficienti vero non sufficiunt hæc prædicta; sed tota vita ejus debet esse præparatio ad sumptionem tantæ rei; pergitque, præcipue in mortificando vitia: in fugiendo vanitates & occasiones peccatorum etiam levium & venialium, occupationes non necessarias, in quibus potest homo averti a serioâ custodia cordis sui: se excedendo in virtutibus & excitando se per meditationem ad immensum timorem profundæ humilitatis, ad amorem ardentem, ad fervens desiderium supernorum: inferendo se vulneribus Jesu Christi: compatiendo peccatoribus: commendando se sanctæ Matri Ecclesiæ: in nullo de se aut suis meritis sed de ejus pietate vehementer confidendo. Per quodcumque ergo exercitum homo ad ista amplius promovetur (sive sit lectio, meditatio, oratio, prædicatio, opus misericordiæ spirituale & corporale) per illud magis ad Communionem disponitur.*

Et statim subdit: *Ex hoc patet error plurimorum, qui multum affligunt se, jejunt, orant aut vigilant etiam in tantum, quod sensus obruitur & ab omni devotione impeditur potius quam promoveatur; & habent aliqua vitia in se vel affectiones mundanas, quæ non curant mortificare; utpote alquam naturam vel scandalosam consuetudinem, amorem vel rancorem ad homines, complacentiam ad laudes.*

P. Cumiliati Catechista.

(k) s. p. tit. 13. c. 6. §. 14. ad finem.

aut alias consolationes, aut concupiscentiam ad divitias, quæ si dimitunt ad tempus, nullatenus tamen renunciare proponunt; sed promptissime redeunt & quandoque servantur quam antea. Horum autem contemptus detestatio & mortificatio plus valeret eis & eos magis disponderet, quam istis retentis cantatio mille psalmorum. Ita S. Doctor; non quod opera poenitentiae, jejunia, macerationes, cilicia, vigiliæ & similes externas austeritates improbet; sed ut illos corrigat, qui his confisi negligunt internam mortificationem memoratarum venialium affectionum, ob quas abstinere a frequentiori Communione deberent; quippe quam fructu suo carere, affectiones illæ non impugnatae sed potius nutritæ faciunt: Qua in re multum attendere moderatores talium animarum atque invigilare debent, utrum illæ mortificare se in his omnibus & venialitatum amorem atque affectum exterminare re vera studeant? Et si in illis hoc verum ac sincerum studium & hunc animi in expugnandis vitiis ardorem non advertunt, permittere haud debent, ut vel quotidie vel sæpius per hebdomadam ad sacram synaxin accedant; nam dum hunc fructum e S. Communionem non capiunt, patet, eas ad frequentem illius usum haud dispositas esse: eo fere modo, quo medicamentum sæpius sine fructu sumptum malam infirmi dispositionem ostendit & si sæpius in vanum hauritur, morbum non tam tollit quam aggravat. Ita ferme de casu nostro Jeremias (l) in sensu allegorico affirmat: Frustra multiplicas medicamina; sanitas non erit tibi.

Hoc loco unum solum casum excipio, qui, utut raro, tamen accidere solet, & quem accidisse egomet novi: Est hic (Advertite animos) Est hic, si aliqua persona non tam ex malitia voluntatis peccatum amantis, quam ex personali fragilitate (sive quod talem corporis complexionem nacta sive quod vehementi phantasia prædita sive quod violenta occasione, e qua expedire se moraliter non potest, oppressa sit) aut alia de causa frequenter in peccatum etiam grave

H h

laba-

(l) cap. 46.

labatur, de quo sincere dolet, ex quo se emendare efficacissime proponit documentaque (Notate bene) ac regulas omnes a sapienter conscientiae arbitrio praescriptas opere complet; & tamen in illud peccatum relabatur, observetque confessarius, eam in diebus, in quibus sacra Dape reficitur, nunquam delinquere. In hoc casu potest confessarius experiri, utrum per Communionis frequentationem persona illa in bono stare pergat, ita ut diebus sacrae Communionis nunquam cecidisse inveniantur: Et si ita fuerit, scilicet si illa persona diebus S. Communionis in illud grave peccatum, multoque minus in alia mortalia peccata non labitur, frequentior immo & quotidiana Communio bene collocata videtur. Rei huius ratio clara atque evidens; nam tunc Eucharistia producit unum praecipuum suorum effectuum, qui est (Uti sermone sequenti videbimus) quod animam a peccatis mortalibus immunem servet. Et hoc in casu non incassum, sed summo cum fructu medicamina multiplicantur; nam quae major esse utilitas potest, quam si anima, quae Deum prius identidem graviter offendit ejusque gratiam misera amisit, jam per S. Communionem in eum statum redigatur, ut Dominum graviter amplius non laedat inque sancta ejus gratia magis magisque se confirmet. Erga hos, vereri haud debet confessarius, ne nimium largus sit in danda licentia accedendi ad sacram Mensam, cum notabilem adeo fructum referant; immo continuare hanc liberalitatem debet, donec eos a peccatis mortalibus stabiliter alienatos advertat: Quod ubi effectum fuerit, poterit pro ratione status eorum, quotidianae huic ad sacram Mensam accessioni modum statuere, imponens tamen moderatam frequentationem, ut hoc medicamen, quod eos spiritalis sanitatis statui reddidit, in illo ipsos quoque conservet & a pristina infirmitate defendat, qua fortassis denuo corripiendi essent, nisi confessarius eis moderatam praesentis adeo remedii frequentationem concederet. Immo si confessarius in his perso-

nis animum promptum & profectus in via Domini avidum deprehendit, adeo ut etiam a peccatis venialibus deliberatis & affectione illorum immunes se servant & hanc spiritalis profectus viam multa cum cura terant, pergat illis permittere, ut quotidie Deo illo se cibent, qui eas ex informibus, quae prius erant, faxis in filias Abrahæ convertit, ut idem Deus eas magis magisque perfectas reddat & ex mulieribus peccatrici- bus, quae erant, in Magdalenas transmutet.

Repetamus summatim, quae hucusque diximus: Cum quotidiana aut etiam frequentior Communio iis personis permitti non debeat, qui amorem erga venialitates (sive multae sive paucae illae sint) evellere ex animo non satagunt, tametsi de cetero varios praenitentiae exterioris actus exerceant longisque orationibus vacent; quoniam hae actiones, utut laudabiles, tamen ad Communionem sive quotidianam seu ferme quotidianam remote nimis disponunt: debet personas tales confessarius probe edocere, dispositionem frequentiori ad S. Eucharistiam accessioni convenientem hanc esse, impedire pravis animi affectibus & belligerare cum peccatis venialibus deliberatis, maxime cum affectione erga unum vel plura hominum; quod belli genus eo feliciorem exitum habiturum est, si illae personae & poenalitatum corporalium longarumque precum subsidii utuntur: Atque ob id si confessarius personam, quam dirigit, confligere cum passiuiculis suis: mortificare sensus, maxime visum: frænare linguam: per jaculatorias amoris plenas preces praesentiae divinae memoriam recolere (verbo) theologicas ac morales virtutes exercere & castitatem statui congruam excolere deprehenderit; cuncti personae in permittendo accessum ad sacram Mensam oppido liberalis sit, ut illa se magis magisque perficiat. Quod si talis persona in via spiritali subsisteret vel potius (quod sequitur) retrocederet, privet illam confessarius ad breve tempus S. Communionem, ut sic exiguum ejus fidelitatem erga

Chri-

Christum paterne puniat, illaque solido amore ac sincero desiderio Servatoris denuo accendatur; unde emendata pristinam frequentationem resumat, novosque inde vitæ magis magisque ad virtutem compositæ atque exactæ fructus legat.

quentationem resumat, novosque inde vitæ magis magisque ad virtutem compositæ atque exactæ fructus legat.

SERMO XXXIX.

De mirandis augustissimi Eucharistiæ Sacramenti fructibus.

HAud mirandum, O mei! Patres sanctos & Ecclesiam universam in ea esse sententia: Ex augustissimo Eucharistiæ Sacramento digne suscepto ad animas Fidelium multo copiosiores fructus redire, quam ex omnibus reliquis Sacramentis. Etenim reliqua Sacramenta continent quidem, dum recipiuntur, virtutem a Christo sibi infusam: contra Eucharistia continet realiter ac personaliter Jesum Christum gratiæ omnis fontem atque principium. Hinc idem Servator pronuntiavit: *Qui manducat me (a) & ipse vivet propter me.* Reliqua Sacramenta eo sunt instituta, ut aliquem determinatum effectum passionis dominicæ consequantur, in quantum meritum ejusdem passionis hunc effectum in illa infundit & in quantum ejusdem passionis memoria aliquo modo per illa renovatur: contra Eucharistiæ Sacramentum eo est constitutum, ut in illius celebratione passio, in monte Calvariæ cruento modo gesta, modo in cruento quam maxime proprie exhibeatur immo quam gravissime renovetur. Unde Eucharistia omnem effectum ejusdem passionis plenitudinem comprehendit; cum eandem victimam, nimirum Christum causam principalem eorumdem effectuum omnium, contineat. Ob id merito S. Paulus dixit (b) *Quotiescunque manducabitis panem hunc & calicem bibetis, mortem Domini annuntiabitis.* Reliqua Sacramenta per actiones externas (scilicet per unctiones, lotiones, verba prolata & audita aliosque materiarum exteriorum apparatus) administrantur recipiunturque: contra Eucharistia, quæ in modum

cibi ac potus instituta, nostris visceribus accipitur & Jesum personaliter in nostris pectoribus præsentem facit. Hinc Eucharistia (Uti post S. Thomam Concilium Tridentinum observat) in nobis spirituali modo idem operatur, quod corporali modo cibus & alimenta naturalia in nobis operantur: Hæc in nobis vitam corporalem sustentant, corpori incrementum dant, amissos vitales spiritus reparant &, dum sumuntur, delectationem afferunt. Idipsum modo spirituali Eucharistia digne suscepta facit; sustentat vitam gratiæ: eam plus reliquis Sacramentis augeat: reparat damna, quæ anima per humanas miseras patitur: illamque interiori voluptate, dulcedine ac suavitate perfundit, quæ a suscipientibus percipi mente potius quam explicari dicendo potest; Atque ob id Christus verbis quam significantissimis dixit: *Caro mea vere est cibus (c) & sanguis meus vere est potus.* Reliqua denique Sacramenta nos Christo uniunt solum per medium gratiæ ejus sanctæ: contra Eucharistia nos cum Christo, & per medium gratiæ & proxime seu immediate cum ipsa illius persona, conjungit (adeo ut membra viventia, capiti nostro Christo re vera unita, evadamus) &, ut sic dicam, quodammodo unum cum ipso nos esse facit. Unde S. Paulus (d) *Qui adhæret Domino, unus spiritus est.* Et alibi: *Membra sumus corporis ejus, de carne ejus & ossibus ejus;* ac si diceret: Manducantes divinam ejus carnem cum ossibus ejus hac conjunctione membra divini corporis ejus modo præstantiori efficitur, ea sere ratione, qua cibus acceptus

Hh 2

unum

(a) Joan. 6.

(b) 1. Corinth. 11.

(c) Joan. 6.

(d) 1. Corinth. 6.

unum cum accipiente sit; Hoc tamen discriminis (Uti S. Leo M. notat) intercedit, quod cibus corporalis unum cum accipiente fiat; dum in personam accipientis transit: contra in Eucharistia cibus acceptus non in personam accipientis, sed accipiens in cibum acceptum modo spiritali commutetur: *Non a iud ogis partici atio corporis Et sang- inis Christi, quam ut in id, quod sumimus, transeamus* (e) Id quod Christus in spiritu S. Augustino dixit: *Cresce Et manducabis me; nec ego mutabor in te sicut cibus carnis tuae, sed tu mutaberis in me.* Hæc sunt, quæ de fructibus Cibi eucharistici animæ modis, quibus in superiori sermone monui, bene præparatæ conferri solitis generatim cum S. Thoma dici possunt: fructibus (inquam) qui longo post se intervallo reliquorum Sacramentorum omnium fructus relinquunt.

Sed jam de præcipuis horum fructuum particulatim agamus: Atque ut Sancto, securo & illuminato duce utamur, quem generale & celeberrimum Concilium Tridentinum maxime secutum est (Uti tum ex historia tum ex ipsis verbis ejusdem Concilii apparet) ea asserre in medium pergamus, quæ de hoc argumento Doctor angelicus S. Thomas scripta reliquit, cujus doctrina maxime circa hoc caput a Christo his verbis comprobata fuit: *Bene scripsisti de me, Thoma!* Primus horum fructuum est ille reliquis Sacramentis omnibus communis, scilicet quod conferat gratiam; Verum quia Eucharistia Sacramentorum aliorum omnium præstantissimum est, quippe quod personam Christi, auctoris gratiæ, continet; hinc gratiam multo abundantius cæteris omnibus confert.

Circa quod sciendum vobis. O mei! quod omnia Sacramenta, multoque magis hoc Sacramentum, gratiam *ex opere operato* (Ut verba S. Concilii interponam) scilicet ex se & per virtutem a Christo sibi infusam causent; quam ut conferant, sufficit, si nullum in anima impedimentum sit: quod quidem est peccatum; cum nunc de Sacramentis vivorum, scilicet de iis, quæ ani-

mam a peccatis mortalibus puram sibi volunt, sermo sit (Quodnam autem discrimen Sacramenta vivorum inter æc. Sacramenta mortuorum intercedat, & quas dispositiones habita generis ratione postulent, vobis sermone XXXI. exposuisse me nemini; quin aliquid horum hoc loco repetere juvet (Jam quisnam sit determinatus gradus gratiæ, quam tum hoc tum reliqua Sacramenta conferunt, certo sciri non potest; Exploratum tamen, per Eucharistiam gratiam abundantiorē ob memoratas causas conferri. Præter gratiam *ex opere operato* fluentem, aliam quoque gratiam accedentis ad S. Communionem præparationi respondentem (quam Theologi *ex opere operantis* nuncupant) Eucharistia confert, adeo ut, si e. g. Eucharistia omnibus sine peccati gravis obstaculo accedentibus *ex opere operato* & per suam virtutem decem gradus gratiæ conferret: & duæ personæ accederent, una habens sex gradus præparationis, altera habens duodecim; hæc posterior viginti duo, illa prior sedecim gradus gratiæ accipiat (hoc est: decem gradus ambæ, quia nullum impedimentum ad sacram Mensam attulerunt) & prior sex alios gradus præparationi respondentes, posterior alios duodecim insuper gradus respondentes præparationi *ex opere operantis*. Hinc colligite, O mei! quam ampla gratiæ & (quod sequitur) gloriæ lucra faciant ii, qui frequenter multaque cum præparatione, scilicet magna cum fide, spe ac charitate erga Deum tam magnum amorem in hoc Sacramento manifestantem: qui cum magna humilitate, projecti in demeritorum & nihili sui abyssum, avidi conjungi cum Christo, a peccatis etiam venialibus multa cura expurgati, post multos mortificationis sensuum corporalium actus, post passionum exercitatione contrariæ virtutis domatas ad sacram Synaxin accedunt: Proh! quantos gratiæ gradus hi tales non acquirunt? Quin igitur, O mei! bene animos vestros ad sumendum divinum Cibum præparate, merita etiam ac intercessionem Mariæ & reliquorum Sanctorum (Uti Sermone XXXVII. monui)

(e) *Serm. 14. de Pass. Domini.*

nui) vobis applicantes. Audiamus S. Thomam (f) *Per hoc Sacramentum gratia augetur, & perficitur, si spiritualis vita ad hoc, quod homo in se ipso perfectus exijlat per conjunctionem ad Deum.*

Monendum hoc loco esset, fieri quandoque posse, ut Sacramentum hoc per acciden-
tes primam gratiam & non solum augmentum gratie efficiat; sed cum caput istud Ser-
mone XXXI. exposuerim, illo vos remit-
to, quin hic a me dicta repetere velim.

Secundus Eucharistiæ effectus est, quod peccata venialia remittat; cujus rationem S. Thomas asserit dicens (g) *Consideratur ipsum Sacramentum, quod sumitur sub specie cibi nutriendi: nutrimentum autem cibi est necessarium corpori ad vivendum id, quod quotidie deperditur per actionem caloris naturali. Spiritualliter autem quotidie aliquid in nobis deperditur ex calore concupiscentiæ per peccata venialia, quæ diminuant fervorem charitatis; & ideo competit huic Sacramento, ut remittat peccata venialia. . . Consideratur item res Sacramenti, quæ est charitas non solum quantum ad habitum sed etiam quantum ad actum, qui excitatur in hoc Sacramento, per quod peccata venialia solvantur.*

Alius Eucharistiæ effectus teste S. Thoma (h) est, quod partem poenæ peccatis nostris in vita altera debitæ debeat; qui tamen effectus haud directe ab ipso Sacramen-
to, sed ex charitate in Deum, quam Sacramentum hoc in suscipientibus excitat & per quam pro memoratis poenis satisfieri potest, provenit. Hinc, quo major est suscipien-
tis devotio ac charitas, eo plus poenæ pro peccatis luendæ eidem condonatur: Quia-
modo ad Christum sit per charitatem, ex cujus fervore aliquis consequitur remissionem non solum cal-
æ sed etiam poenæ; Inde est, quod ex consequenti, per quandam concomitantiam ad principalem effectum, homo consequitur remis-
sionem poenæ non quidem totius sed secundum modum suæ devotionis & fervoris. Ex quo colligatis, O mei! velim, quanta cum sol-
licitudine animos nostros ad devotionem atque fervorem accessuri ad Mensam sacram

excitare debeamus; primum quidem, quia hoc de nobis meretur Deus ille, qui se in hoc Sacramento longe amantissimum ostendit, cui (quod sequitur) omni, quo fieri a nobis potest, amore ac fervore respondere debemus: deinde vero, quia, quo magis exercere actus amoris studemus, eo magis nobis ipsis laboramus; cum pro modulo nostræ devotionis debitum poenæ pro peccatis nostris pendendæ expungamus, ita volente incomprehendenda Dei nostri in nos charitate, ut quo plura sui in gratiam & ex sui amore facimus, eo plura nostrum ipsum in commodum faciamus; dum Dominus ea, quæ sibi jure strictissimo a nobis debeant, nobis ipsis in meritum cedere permittit. O amorem infinitum! O vere divinam benignitatem!

Alius iterum effectus SS. Eucharistiæ est, quod animam a peccatis futuris defendat, atque immunem servet; quem effectum sequenti modo exponit S. Thomas. Primum ex ipsis Christi verbis, qui de se dicens pronuntiavit: *Hic est panis de calo descendens* (i) Et si quis ex ipso manducaverit, non morietur, concludit S. Doctor: hoc, cum de morte corporali, quæ omnibus subeunda, intelligi non possit; accipi oppido de morte spiritali, quam animæ peccatum mortale infert, debere: Quod quidem manifestum est, non intelligi de morte corporali: ergo intelligitur, quod hoc Sacramentum præservet a morte spiritali, quæ est per peccatum (k) Deinde vero prosequitur: Dicendum, quod peccatum est quædam spiritalis mors animæ; Unde hoc modo præservatur aliquis a peccato futuro, quo præservatur corpus a morte futura; quod quidem fit dupliciter: Uno modo in quantum natura hominis interior roboratur contra interiora corruptiva, & sic præservatur a morte per cibum & medicinam; alio modo per hoc quod munitur contra exteriores impugnationes, & sic præservatur per arma, quibus munitur corpus. Utroque autem modo hoc Sacramentum præservat a peccato; nam primo quidem per hoc, quod Christo coniungit per gratiam, roborat spiri-
tualem vitam hominis tanquam spiritalis cibus

H h 3

(f) 3. p. qu. 75. a. 1.
(k) 3. p. qu. 75. a. 6.

(g) Loc. cit. a. 4.

(h) Loc. cit. a. 5.

(i) Joan. 6.

Et spiritualis medicina secundum illud Psalm. 103. Panis cor hominis confirmat & Auguſt. dicit ſuper Joannem Tract. 29. Securus accedit; panis eſt, non venenum. Alio modo in quantum eſt quoddam ſignum poſſionis Chriſti, per quam viſi ſunt dæmones, repellit omnem dæmonum impugnacionem; unde Chryſoſt. dicit ſuper Joan. Homil. 45. Ut leones flammam ſpirantes ſic ab illa Menſa diſcedimus, terribiles effecti diabolo. Ita S. Thomas, ſubjungens: Licet hoc Sacramentum non directe ordinetur ad diminutionem ſomitis, diminuit tamen ſomitem ex quadam conſequentia, in quantum auget charitatem; quia ſicut Auguſt. dicit in Libr. 83. Quaſt. quaſt. 36. Augmentum charitatis eſt diminutio cupiditatis. Directe autem confirmat cor hominis in bono, per quod etiam præſervatur homo a peccato.

Habetis, O mei! quam clariffime expoſitum a Doctore angelico maximum hunc Euchariftiæ effectum in eo conſiſtentem, quod animam a peccatis mortalibus defendat: primo per robur ac vires, quas, cum alimentum & medicamen ſpirituale, ſuſcipienti interius addit; deinde quia eſt quoddam armorum genus diabolo externo hoſti noſtro maxime formidatum: unde is impetere nos tentationibus ſuis aut deſiſſit aut minori cum temeritate aggreditur. Et quamvis pro ſua impudentia nos infeſtet, nos tamen ſat virum eſſe nobis deprehendimus, quibus nos defendamus, illum ſternamus ac ſuperemus: Et proſecto! quantas vires ex frequenti ac digna SS. Euchariftiæ perceptione adverſus execrables illos inimicos animæ piæ accipiant, nos optime conſeſſarii novimus: Mirabile effectum hunc aſſatus S. Spiritu David prænuſciavit dicens: *Paraſti in conſpectu meo menſam adverſus eos, qui tribulant me* (1) quæ divina verba de quam alia, præterquam euchariftica, Menſa accipi poſſunt? Ita, O mei! hæc nos maxime Menſa diabolo formidabiles reddit: Audite S. Joannem Chryſoſtomum (m) *Ab illa menſa tanquam leones ignem ſpirantes ſurgamus, terribiles effecti dia-*

bolo. . . Hic myſticus ſanguis dæmones procul pellit. . . Dæmones enim, cum dominicum ſanguinem in nobis vident, in fugam vertuntur. Facit præterea egregie ad propoſitum Prophetæ Iſaie (n) oraculum: Pone menſam, contemplare in ſpecula comedentes & bibentes; ſurgite principes, arripite clypeum. In quæ verba S. Hieronymus (o) Hæc dicit Dominus ſignificaturus, quod comedentes & bibentes corpus ac ſanguinem Domini vertantur in principes Eccleſiæ, arripiantque cum Apoſtoliſ clypeum fidei, in quo poſſint ignita diaboli jacula extinguere.

Hujus item effectus figuram oppido inſignem SS. Literæ nobis exhibent: Percipite illam; & erit ea vobis pæ avocamenti loco. Cum Gedeon cum paucis militum centuriis in acie ſtaret contra innumerabilem Madianitarum & gentium ſociatarum multitudinem pugnaturus: nocte quadam hoſtium uni per ſomnum panis in caſtra Madianitarum devolvi, eaque cum tentorio primario proſternere viſus: Narravit is ſomnium ſodalibus rei admiratione ſuſpenſis indeque inſignis, gladio Gedeonis ex innumerabili illo exercitu reportandæ, victoriæ omen captantibus: *Videbatur mihi quaſi ſubcinericius panis ex hordeo volvi & in caſtra Madianitarum deſcendere; cumque perveniſſet ad tabernaculum, percuiſit illud atque ſubverſit* (p) Quotquot hæc audierant, conciti S. Spiritu dicebant: Quid aliud panis hic ſignificat quam gladium Gedeonis ducis noſtri: *Non eſt hoc aliud, niſi gladius Gedeonis; tradidit enim Dominus in manu ejus Madian & omnia caſtra ejus. Atque ita evenit; nam cum trecentis ſolum militum non ſine ſtragemate irruente in caſtra Gedeone vociferabantur milites: Gladius Domini & Gedeonis; quo clamore conſuſi ac perturbati Madianitæ verſis in ſemet armis mutua ſe cæde maſſabant, adeo ut Gedeon cohorte ſua ne quidem gladios ſtringente plenam victoriam retulerit: Clamaveruntque: Gladius Domini & Gedeonis. . . Omnia itaque caſtra turbata ſunt, & vociferantes uſuantesque ſugerunt. . . Immiſitque Dominus gla-*

dium

(1) *Psalm. 22.*

(p) *Judic. 7.*

(m) *Homil. 45. in Joan.*

(n) *cap. 21.*

(o) *In Psalm. 5. v. 13.*

dium in omnibus castris & mutua se cæde truncabant. Et quisnam alius panis, O mei! est gladius divini Gedeonis & Ducis nostri, quam panis Eucharisticus? Hic, hic castra inimicorum evertit: hic diabolicos hostes omnes conturbat; cum sit *gladius Domini & Gedeonis*. Nil aliud divinus hic panis quam *gladius Gedeonis*, gladius victorialis Jesu, quo dæmones in fugam præcipites aguntur: Hic panis, hic gladius ubi adfuerit, *turbantur castra ululantesque fugiunt*. In vestris itaque tentationibus, O mei! divino hoc gladio utamini, suscipientes divinum hunc panem: Quin suscipite illum spe firma freti, quod hic tentatores vestros omnes perturbaturus sit, & vel dissipaturus tentationes omnes, vel (si eas, ut plura paretis merita, non sublaturus est) ita tamen vos roboraturus sit, ut facilis atque expedita victoriæ ratio vobis futura sit; si divino hoc gladio utimini: scilicet si Jesum devote a vobis susceptum ex animis in sanctissimò altaris Sacramento invocaveritis.

Alius denique cælestis hujus Panis effectus est, quod animæ magnum ad possessionem æternæ gloriæ perveniendi robur asserat. Effectum hunc S. Thomas primo verbis & promisso Christi dicentis: *Si quis manducaverit (q) ex hoc pane, vivet in æternum* (quod utique non de hac præsentia, sed enim de futura vita accipi debet) deinde vero sic probat: *Dicendum, quod in hoc Sacramento potest considerari & id, ex quo habet effectum, scilicet ipse Christus contentus & passio ejus repræsentata: & id, per quod habet effectum, scilicet usus Sacramenti & species ejus. Et quantum ad utrumque competit huic Sacramento, quod causet adjectionem vitæ æternæ; Nam ipse Christus per suam passionem aperuit nobis aditum vitæ æternæ secundum illud Hebr. 9. Novi Testamenti mediator est, ut morte intercedente, qui vocati sunt, accipiant re-promissionem æternæ hæreditatis: Unde & in forma hujus Sacramenti dicitur: Hic est calix sanguinis mei novi & æterni Testamenti. Similiter etiam refectio cibi spiritualis & unitas significata per species panis & vini ha-*

bentur quidem in præsentia sed imperfecte, perfecte autem in statu gloriæ. Unde Augustinus in Tract. 6. in Joan. super illud Joannis 6. Caro mea vere est Cibus, dicit: Cum cibo & potu id appetant homines, ut non esuriant neque sitiant; hoc veraciter non præstat nisi cibus iste & potus, qui eos, a quibus sumitur, immortales & incorruptibiles facit in societate Sanctorum, ubi pax erit & unitas plena atque perfecta. Hucusque S. Thomas (r)

Et profecto, O mei! quam alia re ad obtinendam beatam æternamque conjunctionem cum Christo aptius atque efficacius præparari possumus, quam unione cum Christo personaliter accepto in SS. Sacramento? Cetera Sacramenta, quæ quidem consequendæ gloriæ æternæ adjumenta certe sunt, disponunt utique ad illam sed modo multum diverso atque inferiori; nam conferunt gratiam, at nequaquam conjunctionem cum Christo in persona: Contra Sacramentum Eucharistiæ & gratiam confert abundantiorē quam reliqua Sacramenta & præterea nos cum Christo in hoc Sacramento realiter residenti in persona conjungit. Atque ob id ab Ecclesia verbis S. Thomæ *Pignus gloriæ* appellatur, quod prædicatum nulli reliquorum Sacramentorum tribuitur; nam, quamvis ob gratiam, quam conferunt, & ipsa sint pignora gloriæ: tamen id non sunt eo modo, quo est venerabile Sacramentum; etenim hoc Christum Deum-hominem velatum continet, qui clare visus atque possessus beatitudinem nostram constituet: Atque ob id huic soli Sacramento specialiter ac maxime proprie convenit, quod sit pignus gloriæ. Jam nostis, O mei! pignus gemmæ alicujus æquivalere debere gemmæ ipsi: At quæ est gemma gloriæ æternæ? Haud alia, quam Christus Deus-homo clare visus atque possessus; nam hic (tanquam Deus) habet eandem cum reliquis duabus Personis, quippe a quibus dividi ac separari divina ipsius Persona non potest, substantiam atque essentiam: Hunc videre, ut Deum, beatitudinem nostram essentiale u-

vide-

(q) Joan. 6. (r) 3. p. qu. 79. a. 2.

videre, ut hominem, beatitudinem nostram accidentalem constituit (de quo sermone XXVII. & XXXVIII. dixi) Jam quid æquivalere beatitudini huic potest, nisi Christus ipse Deus-homo? At cum in Eucharistiæ Sacramento Christus Deus-homo recipiatur, utique hoc solum Sacramentum verum ac proprium gloriæ pignus est; cum idem Christus velatus in Sacramento pignus sit sui ipsius in gloria revelati ac clare visi. Præterea quæ major gemmæ suo tempore obtinendæ securitas reperiri potest, quam quod pignus, gemmæ æquivalens, in manibus habeamus? Jam vero cum post dignam Communionem pignus beatitudini æquivalens (scilicet ipsum Deum-hominem velatum, qui clare visus beatitudinis obiectum est) pectoribus nostris conclusum teneamus; heus! quam firmam ac securam spem concipere nos oportet, fore, ut ad illius beatitudinis, cuius pignus æquivalens immo etiam ipsum beatitudinem nostram constituens obiectum tenemus, possessionem perveniamus?

Opponentem aliquem audio: Hem! quot sunt, qui, utut digne communicent, tamen ad peccata gravia revertentes æternum perirent? Quid tibi, O chære! hac objectione vis? Equidem idipsum ego facile concesserim; Ast quæro ex te: Si quis, pignus gemmæ possidens, ea patraret, ob quæ jus possidendi pignoris illius amitteret; nunquid hic talis jus gemmæ amplius haberet? Dices: Nequaquam. Quæro ulterius: Num ob istud pignori pretium suum decederet, scilicet num cessaret pignus esse gemmæ æquivalens? Neque hoc, dices, sed enim pignori pretium maneret suum; At indignus ille, quod jus pignoris amisit, & jus gemmæ amisit. Bene dicis, At sic maxime se res nostra habet: Non desinit Eucharistia esse pignus gloriæ, tametsi suscipiens illam, quod in peccatis vivat, & jus gloriæ & jus pignoris (scilicet Eucharistiæ) amittat: Cesset itaque iterare peccata gravia, ad quod multum ipsi conferet Eucharistia (Uti suæ priori sermone monui) & habebit

una cum jure pignoris etiam jus gloriæ; Percipite S. Thomam: *Hoc Sacramentum non statim nos in gloriam introducit, sed dat nobis virtutem perveniendi ad gloriam.*

Verum non credatis velim, nobis Eucharistiam, solum quoad animam, utilem esse: Eripit nos illa aut præservat etiam a corporalibus malis, si in necessitatibus positi in ipsa periculum quaerimus. Percipite duo facta omni exceptione majora, quippe quorum auctores, viros duos & sanctitatis & doctrinæ laude celeberrimos omniæ censura superiorum, habemus: Primum S. Gregorius Nazianzenus (s) de sorore sua Gorgonia narrat; En ipsa illius verba: *Adversa corporis valetudine tentabatur graviterque laborabat. . . Nec vero medicorum . . . artes pro:ulsando dolori pariter esse poterant. . . Quid igitur magna illa maximeque rebus digna anima facit? . . . Desperatis omnibus aliis auxiliis ad mortalium omnium medicum confugit atque intempesta nocte capta, cum morbus non nihil remigisset, ad altare cum fide procumbit eumque, qui super ipso honoratur, cum ingenti clamore invocans omnibusque nominibus appellans atque omnia ea, quæ unquam mirifice gesserat, velut in memoriam ei revocans. . . tandem pia & præclara quadam impudentia effertur: Eam, quæ Christi fimbria sanguinis profusum compresserat, imitatur: quidque fecerit, audite. Cum caput suum pari cum clamore lacrimisque, quibus abundabat (mulierculæ illius instar, quæ olim Christi pedes rigavit) altari admovisset nec se prius illud dimissurum esse denuntiasset, quam sanitatem obtinisset, ac deinde hoc suo pharmaco corpus totum persudisset. . . O rem admirandam! statim liberatam se morbo sentit. . . pro spe mercede id, quod speraverat, consecuta. Jam si Gorgonias solo fiduciæ pleno ad Jesum in Sacramento latitantem recursum & externa sua devotione tantum obtinuit; quid non obtenturum esse putatis eum, qui Dominum peccatore suo excipiens similem fiduciam foverit?*

Secundum factum refert de fratre suo Satyro S. Ambrosius (t) En hujus quoque ipsissima verba: *Qui priusquam peccatoribus*

esset

(s) Orat. 22. in Laud. Gorgon.

(t) Lib. 1. de Vir. Satyri, n. 49.

esset initiatus mysteriis (Baptismo) in naufragio constitutus, cum ea, qua veheretur, navis scopulo illisa vado & urgentibus hinc atque inde fluctibus solveretur, non mortem metuens sed ne vacuus mysterii exiret e vita, quos initiatos esse cognoverat, ab his divinum illud Fidelium Sacramentum poposkit. . . Etenim ligari fecit in orario & orarium involvit collo atque ita se deiecit in mare non requirens de navis compage resolutam tabulam, cui supernatans juvaretur; quoniam fidei solius arma quaesierat. . . Nec deseruit spes nec sefellit opinio; denique primus servatus ex undis & in portum terræ stationis evectus præfulem suum, cui se crediderat, recognovit statimque, ubi etiam ceteros servulos suos vel ipse liberavit vel liberatos comperit. . . Dei Ecclesiam requisivit, ut ageret gratias liberatus. . . Reserebat igitur gratiam, deserebat fidem; nam qui tantum mysterii celestis involuti in orario præsidium fuisset expertus; quantum arbitrabatur, si ore sumeret & toto pectoris hauriret arcano? Quam majus putabat solum in viscera, quod tantum sibi tectum orario profuisset? Hucusque S. Ambrosius.

Quid jam, O mei! de auxiliis quoque corporalibus, quæ Jesus in Sacramento altaris delitescens nobis præstat, sentitis? Digna profecto consideratione sententia ma-

gai illius Doctoris, scilicet quanta præstiturus sit Christus devoto exceptus pectore, si tanta orario involutus præstitit? Quod si aut una spinarum, quæ Servatoris caput foderunt, aut uno clavorum, quibus corpus illius transfixum fuit, signari vos curatis, ut agente salutari hoc signo morborum vestrorum sanationem obtineatis: hem! quanta illud cum fiducia, quam certa cum spe boni exitus facitis? . . Et parem immo majorem fiduciam non afferetis, si Christum vestris cordibus excepturi acceditis? Et si vobis illud summere haud licet, cur non ad tabernacula ejus properatis, ut illius opem cum Gorgonia imploretis. Ah Fides! cara Fides! Nonne in necessitatibus nostris ad alia omnia, præterquam ad Jesum in Eucharistia morantem, confugimus? Confugimus ad remedia humana, forsitan & ad Sanctos (ista quidem intermitteri haud debent) verum etiam ad Jesum confugiamus, sine quo nec remedia humana nec Sancti quidquam juvant. Ad hunc itaque ex hoc temporis articulo pro animæ necessitatibus: ad hunc pariter pro bonis corporalibus corde humili; poenitenti, confidenti confugiamus & etiam in corporis malis, nisi animarum commodo obstant, levamentum capiemus.

SERMO XL.

De Sacramento Pœnitentiæ; & quid Pœnitens facere debeat, ut illud digne suscipiat.

CUm infinita Dei misericordia propter merita Christi Sacramentum Baptismi, quo gratiæ renascamur: Sacramentum Confirmationis, quo robur viresque ad fidem nostram adversus inimicos, eandem per apostasiam aut actiones Religionis christiæ contrarias rapere nobis tenturos, defendendam accipiamus: Sacramentum Eucharistiæ, quo spiritualiter nutriamur, crescamus inque gratia & quibus-

P, Cunctiati Catechista.

vis virtutibus (maxime theologicis) confirmemur, instituitur; voluit insuper eadem Dei misericordia probe conscia, nos in bono inconstantes, ad malum pronos esse & (quod sequitur) gratiam divinam facile admodum perdere posse; voluit, inquam, aliud Sacramentum instituere, cujus ope amissam gratiam facili recuperare negotio possemus: Hoc Sacramentum Pœnitentiæ est, O mei! de quo dicere aggredior.

11

No-

Nolim tamen persuadeatis vobis: Peccatoribus, priusquam Christus Sacramentum Pœnitentiæ instituit, in lege naturali aut scripta nullum omnino recuperandæ gratiæ divini remedium fuisse. Fuit hoc semper, quo ante Sacramenti Pœnitentiæ institutionem gratia Dei hominibus reddebatur, videlicet actus perfectæ contritionis (De hac suo loco dicitur) quo actu peccator scelera admissa detestans deque iis ob injuriam Deo, propter infinitam suam bonitatem super alia omnia amato, illatam dolens ampliusque non peccare firmiter proponens peccatorum suorum remissionem & gratiam Dei denuo consequabatur; prout etiam nunc fit: Qua tamen in re hoc discriminis intercedit, quod ante Sacramenti Pœnitentiæ institutionem actui contritionis desiderium Sacramenti, quippe nondum instituti, conjungi haud debuit: nunc autem post institutionem Sacramenti conjungi debeat sive formaliter vel explicite, si id memoriæ occurrat: sive virtualiter vel implicite, si non occurrat; cum hoc desiderium virtuale vel implicitum, ipsa contritione comprehensum, sufficiat: quippe quæ contritio, cum firmiter divinis præceptis omnibus sub gravi peccato obligantibus obediendi propositum complectatur, una suscipiendi Pœnitentiæ Sacramenti propositum complectitur; uti cum S. Thoma (a) Theologi omnes docent. Verum quoniam hic perfectæ contritionis actus, præsertim a peccatoribus raro illum exercentibus, haud ita facile elicitor, ob id infinita Christi misericordia Sacramentum Pœnitentiæ instituit uti voluit, cujus usu etiam sine hac perfecta contritione (Uti videbimus) gratia amissa obtineri denuo a peccatoribus posset.

Priusquam Christus hoc Sacramentum ipso facto instituit, institutionem illius promissit, quando Petro dixit: *Tibi dabo claves regni calorum: Quodcumque ligaveris super terram, erit ligatum & in calis; & quodcumque solveris super terram, erit solutum & in calis* (b) Item quando Apostolis cunctis dixit: *Quæcumque alligaveritis super terram, erunt*

ligata & in calo; & quæcumque solveritis super terram, erunt soluta & in calo (c) Promissa hæc vita implevit Dominus, quando ab inferis ad vitam gloriosam reversus in una suarum apparitionum & colloquiorum cum Apostolis habitorum in usavit & dixit eis: *Accipite Spiritum sanctum; quorum remiseritis peccata, remittuntur eis; & quorum retinueritis, retenta sunt* (d). Hæc communis est SS. Patrum sententia: hæc doctrina S. Concilii Tridentini, quod ut regulam Fidei venerari oportet (e) *Hoc Sacramentum tunc præcipue instituit, cum a mortuis excitatus ingressus in Discipulos dicens: Accipite Spiritum sanctum, quorum remiseritis peccata, remittuntur eis; & quorum retinueritis, retenta sunt.*

Jam cum hoc in loco non præcepta theologica tradere, sed simpliciter edocere Fideles, quæ ipsorum officia sint, debeam; neglectis tum controversiis adversus hæreticos, qui hoc Sacramentum, quod a Baptismo distinguatur, impugnant: tum etiam questionibus inter Theologos ventilari solitis omis- sis ea solum exponam, quæ & Fidelibus, ut Sacramentum hoc digne suscipiant: & Confessariis, ut illud bene administrent, scitu necessaria sunt.

Est Sacramentum hoc omnibus post Baptismum in mortale peccatum lapsis necessarium; uti laudatum Concilium his verbis docet: *Est Sacramentum Pœnitentiæ lapsis post Baptismum ad salutem necessarium, sicut nondum regeneratis ipse Baptismus.* Hinc si peccator habere confessarium, cui confiteatur, potest; necessitate & mediis & præceptis (Hæc quid sint, Sermone XXXII. explanavi) ad peragendam Confessionem obligatur: Si autem confessarium habere aut confiteri non potest, sufficit efficax Confessionis votum, saltem virtuale & implicitum (quod superius explicavi) comprehensum actu contritionis perfectæ; de qua paulo post agemus.

Habet Sacramentum hoc, uti reliqua, suam & materiam & formam: Materia remota sunt peccata admissa, scilicet peccata tum mortalia, quæ materia necessaria dicuntur; quia exponi in Confessione necessaria de-

(a) 3. p. qu. 84. a. 7.

(b) Math. 16.

(c) Math. 18.

(d) Joan. 20.

(e) Sess. 14. c. 1.

debent: tum venialia, quæ *materia sufficiens* dicuntur; quia (si lubet) cum debito dolore atque proposito, uti suo loco dicitur, exponi possunt. Materia proxima vero est Confessio cum dolore de Deo offenso & firmo proposito eundem amplius non offendendi conjuncta: Hinc actus Pœnitentis, scilicet hi a me memorati, dicuntur materia proxima. Forma Sacramenti est Absolutio prolata a sacerdote. Hæc omnia de Fide sunt, quippe tradita a cunctis SS. Patribus & a Concilio Tridentino definita.

Equidem rerum ordo postulare videtur, ut primo de materia remota, videlicet de peccatis exponendis, dicam: At fieri hoc opportunius poterit, quando de secundo actu a Pœnitente præstando, nimirum de Confessione, ageinus. Itaque sciatis velim, esse nonnullos actus Pœnitentis, qui a Concilio Tridentino ad peccatorum veniam consequendam necessarij dicuntur (f) scilicet dolor de peccatis, confessio eorundem, satisfactio pro iisdem. Verum quia moraliter impossibile est, ut quis integram Confessionem peragat non excussa prius conscientia; ob id primo præmitti examen conscientie debet. Hinc Pœnitens Deum in auxilium vocet, ut peccatorum mortalium a se admisorum notitiam accipiat; quo facto conscientiam suam diligenter excutiat: Adhiberi in hac discussione ea diligentia debet, quæ a viris prudentibus in negotio gravis momenti adhiberi solet; atque ob hanc causam examen Confessioni præmittendum a Theologis omnibus post S. Thomam (g) *diligens inquisitio* vocatur. Ex his apparet, examen conscientie temporis, quod ab ultima Confessione interfluxit, respondere debere; nam ei, qui frequenter sacro se tribunali sifit & peccatis mortalibus non assuevit, breve examen sufficet. Debet præterea discussio conscientie accomodari statui Pœnitentis, pro eo ut is plus minusve officis aut muneribus aut opificiis, varias peccatorum mortalium occasiones plus minusve habentibus, implicitus vivit: Hinc uni Pœnitentium tum ob rationem temporis, quod

sine Confessione fluere permist, tum ob rationem status sui pluribus horis ad conscientiam examinandam opus erit: alteri pauculæ horæ: uni hora dimidia: alteri pauca minuta sufficient, pro ratione nimirum (quod dixi) temporis ab ultima Confessione lapsi: pro eo ut quis facile peccat: pro circumstantiis officiorum & occasionum, quibus quis implicitus vivit.

Dicit aliquis: Pater! Excutiens excutito conscientiam; & tamen nihil, plane nihil mali occurrit. Percipite, quæ Deus Prophetæ Ezechieli, populi Israelitici flagitia secum reputanti, dixit: Putasne, O Vates! te omnia videre; *Putasne, vider tu, quid isti faciunt abominationes magnas? Jam atrociores videbis: Et adhuc conversus videbis abominationes majores* (h) Et profecto, perductus ad ostium atrij vidit foramen: *Et introduxit me ad ostium atrii & vidi, & ecce! foramen unum in pariete . . . & dixit . . . Fode parietem . . . & ingressus vidi: & ecce! omnis similitudo reptilium & animalium . . . & universa idola.* Dicis, O chare! tua te peccata haud reperire. *Fode parietem, quæso!* & ingressus vide: Ingredere in illa loca, quæ frequentare consuevisti: Ingredere in illas conversationes, quibus uteris; & invenies internas de rebus lascivis delectationes, impura desideria, libidinosos obtutus absque numero. *Fode parietem & ingressus in illos, quibus frequenter intereras, conventus videbis sermones obscenos, verba ambigua idem cum pessimis significantia, detractiones, gravia & occulta Proximi peccata detecta, juramenta nulla veritatis habita ratione dicta.* *Fode parietem & ingressus in loca ministerii tui, in officinam tuam quot, eheu! fraudes, quot damna Proximo illata, quot perjuria, quot creditores pecuniæ mutuo datæ retentione suspensos, quot in metiendo vitia, quot alias injustitias videbis.* Postremo *fode parietem, ingredere in omnia loca, in omnes cœtus, in omnia theatra, in omnia conventicula; & heu! quot sollicitationes ad malum, seductiones aliorum, actiones pravæ ac scandala non adverteres.* Hoc, hoc est excutere conscientiam:

I i 2.

(f) *Seff. 14. c. 3.*

(g) *3. p. qn. 57. a. 1.*

(h) *Ezech. 8.*

tiam:

tiam: hoc, facere illam *diligentem inquisitionem*, quæ ab iis maxime exigitur, qui semel in anno aut non multo sæpius animum sacra exomologesi expurgant, multoque magis ab illis, qui id facere longiori tempore differunt.

Post peractum conveniens examen elici dolor de peccatis mortalibus, tum quæ memoriæ occurrerunt tum quæ non occurrerunt, debet. Dolor hic bifarius est: Alius contritio perfecta, alius contritio imperfecta dicitur; quæ posterior ut plurimum sub nomine attritionis venit. Contritio perfecta est magna & interna displicentia sincerusque dolor de Deo offenso ob infinitam illius bonitatem (quæ propter se ipsam &, quia ita amari maxime digna est, super alia omnia diligitur) detestaturque peccata mortalia super per omnia alia mala & efficaciter decernit, divinam infinitam bonitatem graviter nunquam amplius offendere. Ecce vobis summum descriptum actum contritionis perfectæ: prout ex SS. Scripturis, SS. Patribus & Concilii Tridentini doctrina eruitur. Hunc perfectæ contritionis actum in praxi procurare res est maxime laudabilis, utilissima, oppido confulenda: veruntamen in præparationem ad Sacramentum Pœnitentiæ haud necessaria; cum actus attritionis sufficiat, prout explicare paro. Dixi: Actum contritionis perfectæ necessarium non esse; nam cum dolor contritionis ex efficaci erga Deum, ob solam suam infinitam bonitatem ex toto corde amatum, charitate proveniat, peccatorem immediate iustum reddit: Jam cum Sacramentum Pœnitentiæ eo fit institutum, ut peccatori iustitiam reddat; si actus contritionis in ejus præparationem requireretur, utique requireretur, ut persona Sacramentum nostrum suscipiens jam in statu iustitiæ esset; id quod institutioni & naturæ hujus Sacramenti repugnare videtur. Atque ob eam rem, utut oppido laudabile sit, actum contritionis in praxi procurare; tamen eo haud necessarium est, ut quis valide ac fructuose Sacramentum Pœnitentiæ suscipiat. Sufficiet itaque actum attritionis præmississe, quæ in praxi (Ut lites, quibus scholæ Theolo-

gorum inter se dividantur, missas faciam) esse debet actus detestationis & doloris sinceri de admisis peccatis mortalibus, tanquam offensis Dei, proveniens ex benevolentia erga illum, tum propter bona, quæ obedientibus sibi promittit tum propter mala, quæ lædentibus se minuitur, conjunctus cum firmo ac efficaci peccata amplius non iterandi proposito & veniæ consequendæ spe.

Dixi semper: *De peccatis mortalibus* (id quod vosmet observavisse credo) quia hæc sunt materia Sacramenti necessaria; cum omnia mortalia peccata, investigata & cognita, exponi necessario debeant: venialia peccata contra, quippe materia Sacramenti sufficiens, exponi (si lubet) possint at non debeant; cum illorum veniam etiam absque Confessione consequendi varii modi sint, si ve si illa admisisse ex animo dolemus si ve si actus charitatis erga Deum elicimus si ve si aqua lustrali devote utimur &c. Ex hoc autem deduci minime debet, quod si quis venialia solum peccata confiteri habeat & illa confiteri velit, nullum horum duorum actuum (scilicet contritionis vel attritionis) præmittere debeat, eoquod nulla peccata mortalia habeat; nam si Sacramentum facere vult, ex parte sua necessario unum ex articulis ad Sacramentum requisitis ponere debet, puta Confessionem dolorosam, scilicet Confessionem per unum memoratorum doloris actuum & per propositionem se ab iis, quæ confitentur, peccatis vel omnibus vel aliquibus vel etiam uno solo horum corrigendi qualificatam. Ex his inferatis velim, materiam remotam hujus Sacramenti esse peccata admissa, necessariam illam, si sunt mortalia, sufficientem, si venialia sunt: proximam vero materiam esse eorundem confessionem dolorosam scilicet dolore, si ve per contritionis si ve attritionis actum Confessionem ipsi præmisso, qualificatam.

Restant de dolore duo, quæ moneam; Primo, illum sensibilem haud esse debere sed sufficere, si appetitativus sit. Dolor sensibilis in lacrymas, in teneros gemitus, in sensu-

sensibiles affectus resolvitur atque erumpit; qui, quanquam (si a Deo provenit) bonus sit, tamen necessarius non est. Dixi: *si a Deo provenit*; nam per sepe a tenera indole & nonnunquam a mentis ex vino perturbatione provenit: id quod sæpe confessorii experiuntur, quibus quandoque Pœnitentes occurrunt ingenti lacrymarum imbre orarigantes, qui specie externa Magdalenam referunt, re autem vera homines vino dediti sunt. Dolor appetitativus est dolor præsentis, nimirum qui Deum rebus amabilibus cunctis, & offensam Dei malis omnibus antefert: Præsentia hæc tum in mente tum in voluntate residet; in mente, quæ per Fidem illustrata persuasissimum habet, hanc præsentiam Deo debere: in voluntate, quæ Dei gratia juvante eundem nunquam amplius rei alicui postponere certissime destinatur atque decernit, & ob id peccato mortali eundem postposuisse dolet. Secundo monendi estis: in quibusdam libellis precatorii præparationes ad Confessionem proponi, quæ formalis doloris & propositi actu expresso omni carent, sine quibus actibus tamen nulla sufficiens præparatio est: Hujus generis libros exiit usu ipso didici, cum Pœnitentes mihi tales libellos ultro ostenderint. Unde iterum moneo: necesse esse, ut quis de peccatis admisit eo, quo dixi, modo vel per contritionis vel per attritionis actum debeat.

Ex his inferri pariter debet, quod, quamvis multi credant sufficere, ut dolor supradictus ante Absolutionem eliciatur; tamen securius sit & (Ut dicam, quod sentio) etiam oporteat præmittere Confessioni ipsi memoratos actus præparativos. Prima ratio est; quod hæc sententia securior sit, quæ ipsa teneri in praxi debet, ubi de valore Sacramentorum agitur: cum sancta Sedes Romana doctrinam oppositam reprobari dicentem: sufficere sequi in hoc opinionem probabilem. Secunda ratio est; quod, etsi dolor (de quo dixi) post peractam Confessionem & ante Absolutionem eliciatur, tamen affirmari haud posse videatur, quod Con-

fessio dolorosa fuerit, sed potius historica peccatorum admissorum narratio. Tertia ratio est; quod contingere facile possit, Sacerdotem formam Absolutionis ita depropere, ut illam prius proferat, quam memorati doloris actus a Pœnitente eliciatur: atque hac ratione Confessio nulla, fors & ob præparationis negligentiam sacrilega reddatur. Ne igitur, O mei! ne ad sacrum tribunal prius accedatis, quam modis supradictis ad suscipiendum Sacramentum animos vestros præparaveritis.

Jam de secundo actu Pœnitentis, qui peccatorum admissorum confessio est. Itaque post convenientem conscientie excusationem, post elicitum actum doloris (prout supra exposui) debet Pœnitens accedere ad confessarium humili & devoto corporis habitu tanquam reus, qui se Christo sistat, cujus vicem & personam sacerdos gerit: Huic, nihil vel augendo vel minuendo, omnia peccata mortalia, quæ in conscientia sua deprehendit (nullo omisso) tam externa quam interna, secundum speciem suam & cum omnibus circumstantiis novam speciem addentibus pro ingenii sui capacitate, quæ opportunis interrogationibus a confessario adjuvanda, item numerum peccatorum mortalium (quantum fieri potest) exponere debet. Omnia hæc de Fide sunt, tradita a Concilio Tridentino (i) a SS. Patribus & Theologis universis, eruta ex verbis Christi, qui discipulis suis harumque successoribus dare se potestatem pronuntiavit, solvendi & retinendi peccata; non quomodo scire possent, quæ peccata solvenda quæve retinenda sint, nisi Pœnitens illa & quantum ad speciem & quantum ad circumstantias speciem mutantes & quantum ad numerum exponere teneretur. Aut enim confessarios omnes prophetico quodam spiritu agi oportet; id quod velle intolerandæ temeritatis fuerit: aut hæc peccatorum expositio necessaria est, ut confessarii sciant, quæ peccata dimittenda quæve retinenda sint. Quod autem etiam circumstantiæ eandem speciem notabiliter aggravantes exponi debeant, dedu-

(i) S. J. 14. can. 7.

citur ex doctrina ejusdem Concilii dicentis: ut iudex confessorius congruam injungere pœnitentiam, & justum atque accuratum iudicium de statu pœnitentis ferre possit. Jam quis non videt, aliud iudicium ferri aliamque pœnitentiam imponi debere illi, qui per diem unicum odium in Proximum fovit; & illi, qui mensem integrum fovit: illi qui decem ducatos abstulit; & illi, qui centum furatus est: illi, qui in re lasciva aut vindicativa &c. per horam dimidium oblectavit; & illi, qui se per diem dimidium oblectavit: illi, qui conjugatus cum sit, cum conjugata adulterium patravit: illi, qui cum persona conjugata, in secundo aut tertio aut quarto gradu sanguine sibi juncta, carnaliter peccavit &c. &c. Sic certe Catechismus, qui doctrinam Concilii compendio quodam exponit, docet (k) *Furtum etiam in peccatis numerandum est: Verum si quis aureum nummum furatur, levius omnino peccat, quam qui centum vel ducentos . . . præsertim vero qui sacram pecuniam abstulit; quæ etiam ratio ad locum & tempus pertinet. Hæc igitur . . . enumeranda sunt: Quæ vero gravitatem rei magnopere non arguit, sine crimine omitti possunt.* Idem S. Carolus Borromeus in suis *Instructionibus ad Confessarios*, in Concilio provinciali Mediolanensi II. confirmatis monet, dicens: *Circumstantias speciem mutantes & augentes exponendas esse; nam hæc duæ circumstantiarum species debent necessario explicari.* Ita Sanctus ac doctus Cardinalis ille spiritu Concilii plenus; unde dubitari non potest, quin hæc sit sententia probabilior & in praxi tenenda.

Exponenda præterea sunt peccata mortalia, quorum quis in præcedentibus Confessionibus recordatus non fuit; cum doctrina contraria a Sede Romana proscripta fuerit (l) Et si peccata hæc memoriæ ante Communionem occurrunt, prius ad sacram tribunal redeundum est, quam ad sacram Mensam accedatur. Debent præterea in Confessione exponi peccata prudenter dubia: scilicet ea, de quibus prudenter dubitatur, an mortalis assensus datus sit vel non,

& an illa in Confessione exposita fuerint vel non? Nam, uti S. Thomas, cui Theologi ferme omnes assentiunt, ait (m) *Peccato se committit; quia de hoc, quod dubitat esse mortale, negligit confiteri.* Similiter si quis peccatum mortale sub dubio confessus fuit, & postea illud pro certo agnoscat, debet illud denuo pro certo confiteri; Etenim patet, etiam in foro seculari longe aliud iudicium de reo certo ferri, quam de reo dubio, cui poena, quam *extraordinarium* dicunt, infligitur. Debet insuper consuetudo mortaliter in hac vel illa peccati specie peccandi exponi; nisi ex ipsa peccatorum multitudine atque iteratione consuetudo hæc ita appareat, ut dignoscere illam confessorius queat. Fieri etenim potest, ut quis statim post peractam Confessionem in assuetum peccatum una vice denuo labatur: Hinc si unicum peccatum hoc illa vice commissum confiteri vult, debet adjungere, se hujus peccati consuetudinem habere, ut confessorius apta remedia adhibere possit; Atque ob id Pœnitens eo obligatur, ut de consuetudine interrogatus respondeat, utrum illa implicitus sit vel non; quandoquidem contrariam doctrinam Sedes Romana condemnavit (n).

Contingit quandoque, maxime in peccatis carnis, ut, dum peccatum exponitur, aliqua persona sceleris confors, Confessorio alioquin nota, manifestari debeat; utut nomen illius silentio prematur: unde complicitas fama bonaque existimatio apud confessorium detrimentum aliquod accipit: uti in peccato carnali admisso cum persona consanguinea aut affini in primo, secundo aliove gradu, cognita a confessorio; quippe qui familiam universam, consanguineos & affines novit. Quid in hoc casu Pœnitens faciat? Reponunt Theologi omnes cum S. Thoma (o) Pœnitentem hunc (si moraliter potest) alium confessorium, cui persona complex ignota est, accedere debere, ne famam complicitis apud priorem Confessorium lædat: Quod si accedere alium Confessorium moraliter non potest & disserre brevi temporis spatio Confessio-

(k) Part. 2. de Pœnit. §. 47.

(n) Innot. XI. thes. 38.

(l) Alex. VII. in thesi 11.

(o) In 4. Sent. dist. 16. q. 3. a. 2. quæst. 5. & Opusc. 12. q. 6.

(m) 3. p. qu. 24. a. 4.

sessionem potest, donec alium confessarium nanciscatur, debet differre Confessionem & interea actu perfectæ contritionis animæ suæ prospicere. Quod si autem diutius differre Confessionem deberet, & tempus confitendi aut communicandi immineret, potest (Ita tenent S. Thomas, S. Bonaventura, S. Bernardinus, S. Antoninus, Alenfis, Gerson, Vasquez, Suarez, Auctores longe gravissimi, aliique) talis persona confiteri peccatum suum, etsi inde complicitis confessario noti infamatio indirecte sequatur; idque tum quia integritas Confessionis bonum est pertinens ad Sacramentum & a Christo inunctum teste Concilio Tridentino: quod bonum bono famæ personæ complicitis (de cetero reæ & quæ prævidere debuisset, illam personam moraliter alium confessarium habere non posse) præferri debet; tum quia hæc infamatio in comparatione integritatis dictæ haud magni momenti est, quoniam complex apud unum solum hominem, qui perpetui silentii lege obstringitur, diffamatur; tum etiam ut persona pœnitens edoceri de necessariis cautelis possit, quibus a peccati iteratione fervetur. Addendum hoc loco, fieri vix posse, ut hæc alium confessarium; cui persona complex ignota sit, inveniendi impossibilitas viris, & in nostris oris occurrat, uti nec sæminis, quibus liberrimum est, in quamcunque voluerint, Ecclesiam se conferre: Et hæ personæ sub peccato mortali tenentur inquirere confessarium, qui personam complicitam non novit. Illis autem personis, qui aliorum curæ commissæ sunt, impossibilitas hæc facile occurrere potest; unde non peccant ex dictis causis, complicitam manifestando.

De peccatorum numero illud certum manet, quod Pœnitens omnem, quam moraliter potest, adhibere diligentiam debeat, ut illum investiget; & si determinatum numerum indagare non potest, dicat *toties nunc circa, cum tot circiter personis &c. aut toties per hebdomadam in circa, toties circiter per mensem*; nam sic positive numerum certum, & quod forsitan excurrit, confitetur. Quæ-

ret aliquis: Si quis e. g. *duodecies in circa* dixisset & postea certo cognosceret, se tredecim aut quatuordecim vicibus peccasse; quid huic agendum? Ego quidem, quidquid multi Theologorum contra asserant, sic existimo: hunc talem duas illas a se ut certas agnitas vices, quas prius ut dubias confessus fuit, in Confessione exponere debere: Rei hujus ratio mea quidem sententia inexpugnabilis est; nam, quemadmodum secundum communem Theologorum opinionem peccatum mortale sub dubio expositum, si posthæc pro certo agnoscitur, etiam pro certo exponi de novo debet: ita & in hoc casu fieri oportet; Etenim qui dicit: *Duodecies in circa*, sub dubio relinquit, utrum non pluries factum sit. Jam si duas illas vices tanquam certas agnoscit, cur illas exponere non debeat? Est ratio, hæc ejusmodi, quam consutari haud posse quis præceptorum moralium peritus videt; cum adæquata & clara disparitas reperiri nequeat. Dicit aliquis: Ergo & is, qui pro certo agnoscit, quod non duodecies sed decies tantum peccarit, hunc quoque minorem numerum confiteri de novo debet. Nequaquam istud; nam multum interest inter errorem numeri in præjudicium integritatis Sacramenti, qui facit, ut Pœnitens minus reus esse videatur: & inter errorem, qui eundem potius gravat absque præjudicio Sacramenti; prout cujus patet.

Hujus ad Confessionem sacramentalem requisitæ claritatis ac perspicuitatis egregiam allegoriam Liber *Leviticus* (p) nobis exhibet, in quo ritus sanandi leprosum statuitur his verbis: *Quicunque macularius fuerit lepra . . . habebit vestimenta sua diffusa, caput nudum, os veste convertum: con anima um si clamabit.* Ecce tibi, O chare peccator! Tu, qui leprosum refers, ecce! modum, quo accedere ad confessarium a tuorum peccatorum lepra sanandus debes. Habeas vestimenta ex omni parte diffusa, hoc est: manifestes omnia peccata mortalia, quæ te admisisse scis aut dubitas: aperiatis omnes circumstantias eorum speciem tam mutantes tam notabiliter

liter aggravantes: pandas omnes animi tui recessus confessorio: *Vestimenta difflata*. Habeas caput nudum, hoc est: reveles pravas cogitationes abstrusissimas, complacentias occultissimas, desideria intima: *Caput nudum*. Habeas os tectum; quod inviolabile in hoc Sacramento intercedens secretum denotat: *Os veste contectum*. Clames cum humilitate & ingenuitate te horum atque horum peccatorum reum: *Contaminatum ac sordidum se clamabit*. Audisti, O chare! documentum scripturificum; audi & paraphrasin! *Vestimenta difflata*. Non sufficit dicere: Male dixi de Proximo; Addendum, an, quæ dixisti, vera vel falsa fuerint: & si vera fuerint, an occulta vel nota fuerint: & si occulta, quot hominibus ea revelaveris. Non sufficit dicere: Patravi hanc impudicitiam; Addendum, an tu illam prior promoveris: quanto temporis spatio illius patrandæ consilium mente versaveris: quoties invitationem & provocationem iteraveris: an luxuriæ sequestros adhibueris &c. Non sufficit dicere: Vindictam sumpsi de Proximo; Addendum, quanto tempore illam machinatus sis: quoties illius fumendæ propositum renovaveris: quoties in illa tibi placueris. Non sufficit dicere: Obscœna locutus sum; Addendum, an sermones hos prior ferueris: an ut alios seduceres: quot & quibus personis adstantibus. Non sufficit dicere: *As alienum non dissolvi*; Addendum quoties, memor tuorum debitorum & illis vel ex toto vel ex parte solvendis par, id non feceris: quæ damna creditores tui, quod tempore debito a te suum non receperint, subierint: num miseros illos solutionem urgentes contumeliis ac minis repuleris, adeo ut ii suum repetere jam ne audeant quidem. Hoc est asserre *Vestimenta difflata*. Sequitur: *Caput nudum*. Non sufficit dicere: Aspexi objecta periculosa; Addendum, utrum prava complacentia accesserit: utrum personæ, quam aspexisti, scandalum intuendo præbueris. Non sufficit dicere: Admisi pravas cogitationes: Addendum, de qua materia: utrum consenseris tunc per delectationem spontaneam sive per

desideria: cujus generis fuerit actio, qua te delectasti aut quam desiderasti. Non sufficit dicere: Vanum in modum me compsi; Addendum, utrum ornatus nimium inverecondus & contuentes ad impuras complacentias excitando par fuerit: quam intentionem in te comenda habueris, an ut, quibus non debebas, carnaliter placeres, vel an prævideris, esse ibi, quo tendebas, personas, quas ad consensus praves & impuros te adducturam esse moraliter certa eras: utrum nimius ornatu familiam notabiliter gravet aut immodicæ, quas facis, expensæ creditoribus noceant. Hoc est asserre *Caput nudum*. Sequitur: *Contaminatum & sordidum se clamabit*. Hinc non sufficit exponere peccata, adjiciendo posthæc ex vili verecundia & humano respectu ejusmodi excusationes, quibus peccatorum commissorum horror tollitur: dum illa aut quasi non plene deliberata aut dubia aut quasi per vim patrata offenduntur; cum tamen nequaquam talia sed plane deliberata ac voluta fuerint. Hoc est, *sordidum se & contaminatum clamare*. Neque ea, quæ hoc loco dico, O mei! aut scrupuli sunt mentis religiosæ aut subtilia rigidioris Theologiæ inventa sed enim communi assensu recepta axiomata: ad quorum habendam notitiam haud multa scientia opus sed enim satis erit, probioris Theologiæ limina salutasse.

Audire obloquentem mihi video: de talibus rebus, de talibus circumstantiis a nullo confessoriorum interrogati fuimus, quas utique candide confessi fuissimus. Respondeo primo: Istud ideo a confessorii intermissum fuisse; quia illi jure ac merito crediderunt, vos hæc doctos esse, si non omnia saltem multa horum, utpote res solo rationis a Fide collustratæ lumine facile indagandas; nam quamvis aliquæ memoratarum circumstantiarum imperitissimo Pœnitentum fors absque culpa excidere possint, attamen omnes excidere nequeunt; quippe quas nosse Fideles cumcti debent. Respondeo secundo: Id factum esse; quia nonnulli Pœnitentum eos maxime confessorios inquirunt, qui rem cito conficiunt,

ciunt, qui nihil aut fere nihil interrogant: & quia de industria vitant eos confessoriorum, qui altius peccata in dagaunt fuumque officium faciunt (De hoc sermo a sequenti primus ager) quos etiam pro hominibus sompnicis, nimium religiosis, feveris & imprudentibus habent. Jam de hujus generis Poenitentibus nunc dici unquam poterit, eos veritatem querere & studere, ut bonam Confessionem peragant? Percipite factum historicum e S. Scriptura, quod opportune memoriae occurrat.

Achabus Rex Israelis bello contendere cum Rege Syriae destinarat atque eum in finem foedus cum Josaphato Rege Judae pepigerat: Jam ut rescirent, quem belli exitum habituri essent, Aclabus quater centum prophetarum suorum coegerat, qui omnes, propeum bello finem fore, una voce praedixerunt. Non contentus hoc vaticinio Josaphat, fors quod illos prophetas haud magis fecerit, quaesivit ex Achabo, utrum non alius etiam vir Dei, a quo consilium peterent? Nunquid non (q) est hic propheta Domini, ut ab illo etiam requiramus. Est, reposuit Achabus, est vir unus, a quo possumus querere Domini voluntatem; sed ego odi eum, quia non prophetat mihi bonum sed malum omni tempore: Est autem Michaeas: Nihilominus eundem ad se accessitum adjuravit, ut, quod Dei asslatu didicisset, exponeret: Respondit ille, belli exitum pessimum fore: Iterum atque iterum te adjuro, ut mihi non loquaris, nisi quod verum est in nomine Domini; at ille ait: Vidi universum Israel dispersum in montibus sicut oves sine pastore. Tunc conversus ad Josaphatum Achabus: Nonne dixi tibi, quod non prophetaret iste mihi quidquam boni sed ea, quae mala sunt? Itaque cum Aclab suorum prophetarum consilio praehabito praelium commisisset, universus exercitus internecone deietus ipseque Rex sagittam in i. certum jaceret & reculeret Regem Israel inter cervicem & scapulas . . . & mortuus est. Jam sciscitari ex vobis, O mei! libet, veritatemne, an potius adulatorem ge-

nio suo obsequentes Achabum quaesivisse existimetis? Confitetur ille, adesse Michaeam: Confitetur hunc se iniquis contueri oculis; quoniam sibi mala praedicere solitus erat: Audit insaufum vaticinium: Et tamen, quae destinarat, exequitur. Jam, dam perit, quem illius miserecat? . . . At sic profecto, O mei! res se nostrae ac multorum habent: Queruntur ministri Confessionis, qui nobis jucunda loquantur, qui Confessionem accelerent, atque ob id nihil interrogant, nihil inculcent, nihil doceant, nihil admoneant & (quod sequitur) officio suo desint. Sunt alii, non unus Michaeas solus sed multi, ex quorum ore percipi voluntas Dei posset: At hos averfamur, quia Absolutionem merito & pro officii sui religione disserunt, quia interrogant & rimantur, quia monent atque inculcant. Et tamen his postpositis, quia pro muneris ratione prophetant malum, illos volumus, qui omni tempore prophetant bonum. Jam si posthac in culpabili officiorum nostrorum ignorantia vivimus: si a malo nos nunquam corrigimus: denique si perimus, quid cheu! in causa est? Quid aliud, quam quod prophetas Dei, quod Michaeas averfati sumus & ad eos cucurrerimus, qui nos in peccatis nostris & culpabilibus ignorantibus computrescere siverunt? Non sic, ubi de corporis sanitate: non sic, ubi de fortunae bonis agitur, agimus; nam & in morbo medicum, si haberi potest, omnium peritissimum & in lite advocatum longe praestantissimum exquirimus. Verum ubi de morbis animae, de bonis gloriae aeternae agitur, qui primus occurrit, placet. O lacrymis dignam Fidelium incuriam! Non sic nos agamus, O mei! Si vir fuerit, a quo dicere veritatem possumus, hunc adeamus neque aversemur ob id, quia munus suum facit, neque eum in numero rigidorum & inconsideratorum habeamus sed disciplinæ illius & ductui nos humili animo permittamus. Hac ratione inculari non poterimus, quod in investigando virum a quo possumus querere Domini voluntatem, remissiores extiterimus.

P. Coniliati Catechista.

(q) 2. Paral. 2.

K k

SER-

SERMO XLI.

Agitur denuo de obligationibus Pœnitentis.

Quid vobis, O suavissimi! de infinita Dei nostri optimi clementia videtur? An recogitastis vobiscum ea, quæ præcedenti sermone dixi? An observastis, quam pauca Dominus eo postulat, ut nos, per peccata mortalia post Baptismum commissâ hostes sibi effectos, in primæva gratiæ, in filieitatis atque amicitiae divinæ statum restituat & (quod sequitur) jus nobis hæreditatis æternæ reddat? Scilicet gravissimum hoc, unicum ac summum opus Dominus angustissimis istis conditionibus conclusit: ut offendisse se ex animo doléamus & culpas nostras homini nobis simili candide exponamus, qui eas postquam auribus hausit, inviolabili ac perpetuo silentio, etiam posthabitis vitæ periculis, premere debet. Num remedium facilius excogitari a mente creata quacunque potuisset? Si nobis Dominus, post graves injurias majestati suæ illatas in gratiam & amicitiam secum redire volentibus, injunxisset, ut omnia nostra peccata ad tubæ cantum alta voce in medio foro, hora qua maximus populi concursus fieri solet, panderemus: Si postulasset, ut tenebris vinculisque æternis nos mandaremus aut vitæ reliquum solo pane & aqua toleraremus: Si postulasset, ut corpora nostra quotidianis flagellationibus, ciliciis, vigiliis, humicubationibus & similibus austeritatibus vexaremus: Si (inquam) hæc tanta & majora etiam postulasset, nunquid his omnibus subicere nos debuissemus, ut ne inferni poenis additi æternum arsissemus. Haud dubium, quin, quamcunque satisfactionem Dominus exegisset, illa, quippe vel unius peccati mortalis & injuriæ infinitæ Majestati illatæ enorinitate semper minor, permagnæ felicitatis loco reponi debuisset; dummodo nobis poenæ sempiternæ, in culpam mortalem

statutæ, evitandæ via patuisset. Jam cum haud alia, quam quæ memoravi, postularit: nimirum ut ex corde de peccatis nostris doleamus eaque modis supradictis clam uni soli homini inviolabilis sigilli lege obstricto confiteamur; nonne hic consequendæ veniæ confiteamur; modus pro facillimo, pro levissimo ac benignissimo reputari debet? Et tamen quot sunt, qui remedio tam suavi, quod corrupta phantasia & amore sui, a sana ratione alienissimo, seducti pro intollerando habent, abutuntur atque peccata illa, quæ quo facilius factò committuntur, eo major lingua revelare pudor est, reticentes mancas Confessiones peragunt; quibus, cum execranda sacrilegia sint, adeo non exonerantur conscientiae, ut potius aggraventur. Hunc errorem infelicissimis istis animabus detracturus, de perniciosissimo fatalique pudore in sacro tribunali initia præsentis sermonis ducam: tum ut eos, si qui meos auditores inter (quod haud crediderim) hac verecundia affecti existunt, in viam salutis reducam: tum ut universim omnes commoveam, ne huic exitiali pudori locum dent; Quod ubi perfecero, ad reliqua pauca Pœnitentis officia exponenda progrediar. Ac primum quidem, O peccator! O peccatrix! nunquid advertitis, hanc verecundiam vestram omni fructu carere? Nunquid illa sic occulere peccata vestra unquam poterit, ut hæc Dei scientiam atque oculos lingiant? Nequaquam. Fide sancta testimonium perhibente: quod omnia nuda & aperta sunt oculis ejus (a) Immo ipsa peccata vestra clamant adversus vos ad Deum; Sic contra Cainum sparsus fratris cruor: *Vox sanguinis fratris tui clamat ad me de terra* (b) Sic contra Pentapolim infanda civium facinora: *Clamor Sodomorum & Gomorraha multiplicatus est . . . qui venit*

(a) Hebr. 4. (b) Genes. 4.

venit ad me (c) Sic defraudata operariorum merces ad Dominum clamavit: *Ecce merces operariorum . . . quæ fraudata est a vobis, clamat, & clamor eorum in aures Domini Sabaoth introiit* (d) Eodem fere modo peccata omnia, admissa quidem at voluntarie non confessa, clamant. Quid ergo puduisse juvat, si jam nota sunt Deo, a quo judicabuntur? Accepi considerationem hanc a Tertulliano, dicente (e) *Si quid humanæ notitiæ subdaxerimus, proinde & Deum celabimus? Adone existimatio hominum & Dei conscientia comparantur, ut hæc negligatur, quo illa servetur? Miserum est secari & cauterio exuri & pulveris alicuius mordacitate cruciari; tamen quæ per insuavitatem medentur, ea & emolumento curationis offensam sui excusant & præsentem injuriam superventuræ utilitatis gratia commendant*: Sicutiam amaritudo, quam in confitendo gustamus, ad morbi spiritualis curationem facit, & dolor inde perceptus gratiæ divinæ recuperatione pensatur. Igitur, O! quicumque stulto pudore ageris (si quis hic ades) considera, te, si exiguum in aperiendis morbis tuis spiritualibus verecundiam devoras, animæ tuæ salutem esse relaturum certe æternum perituræ, nisi illos manifestes. Etenim aut manifestare illos tandem cogitas aut æternum tacere: Si æternum tacere; en! sempiternum supplicium non effugies, postquam prius incomprehendendum dedecus subieris, ut in conspecta totius universitatis sacrilegus fuisse appareas: Si autem manifestare tandem cogitas; nonne advertis, O miser! te hoc posterius verecundiæ genus multo difficilius superaturum, quandoquidem omnes Confessiones mala fide ac conscientia peractas repetere & præter culpas, quas siluisti, de tot insuper sacrilegiis, quot Confessiones & Communiones in hoc statu peregisti, admissis accusare tete debebis? Quod si nunc filum rumpere non audes, quomodo tunc laqueum rumpere audebis? Quia pro anima tua, ita verbis S. Spiritus cohortari te libet, ne confundaris dicere verum (f) Expelle in malam crucem hanc a ratione alienissimam, stultam,

exitialem verecundiam, quæ, dum te sacrilegum reddit, æternæ damnationis discrimini obijcit! Exonera quantocyus ad pedes docti ac probi confessorii ream conscientiam! Ne vetera sacrilegia novis accumula!

Dixi, pudorem hunc tuum irrationalem esse: Monui, ut ad pedes sapientis & pii Confessorii nocentem conscientiam exonerer. Dixi, irrationalem pudorem tuum esse; nam tu quidem credis, confessorium peccaminosas actiones, quæ te veluti elinguem reddunt, audientem nescio qua admiratione asficiendum fore: Stultam & fallacem sententiam! Scias omnino velim, confessorium has culpas centies, millies ab aliis audivisse: non esse peccatum, quod illi novum accidat: illum non solum narratione tua non offendendum, non solum bonam de te existimationem non amissurum; sed etiam sinceritate, humiliatione atque dolore tuo ædificandum & si peccata tua exponendi difficultate alligi te sentiet, benevole te adiuturum & ad illa exponenda concitaturum esse. Irrationalis ergo est pudor tuus: Monui præterea, ut doctum ac pium confessorium accedas, quo is maxime tuum pusillum animum erigat, te ad totam conscientiam exonerandam excitet & verba (ut sic dicam) ultro ori tuo imponat, quibus statum animi tui totum candide ei aperias: deinde vero ita te erudiat, ut, quid tibi in posterum agendum sit, scias. His addere juvat: Aut conscius sibi earundem infirmitatum confessorius est aut non est: Si est; habet, quamobrem tui misereatur, cum & ipsius ante misertum fuerit. Si non est; nonne habebit, ob quod se extollat, tui non misereatur aut te confundat? Nequaquam, O chare! sed enim, nisi insanus sit, habet, unde misericordias a Deo sibi factas suspiciat cognoscatque, se mera Dei misericordia immunem servatum esse ab illis peccatis, quæ divina providentia ob occultas suas vias in te permisit. Hinc grates easque permagas agere Deo, humiliare se, de propria infirmitate timere sibi & cavere magis ac magis debet, ne & ipse corruat; cum sit Fidei

K k 2

arti-

(c) Genes. 18. (d) Jac. 5. (e) Lib. de Pæni. c. 10. (f) Eccl. 9.

articulus, nulli esse causam, ob quam se aliis præferat aut eximium se ob ea, quæ ex se habet, sed tantum ob ea, quæ ab infinita Dei misericordia accepit, puter: Unde Paulus sancto afflatus Spiritu omnibus (g) Dixit: *O homo! quis te discernit? Quid habes, quod non accepisti? Est ergo impius pudor hic tuus, quia Deo injuriosus animæque tuæ, quam in dubiam æterni interitus aleam adducit, damnosus: Est itidem ob causas, quas attuli, omnes irrationalis. Concludamus igitur, laudatum S. Spiritus monitum repetentes: Pro anima tua ne confundaris dicere verum . . . Non confundaris confiteri peccata tua (h)*

Hoc tamen in loco illud monendum restat, quod, si quis peccata sua præ pudore tacuit, eas solum Confessiones repetere obstringatur, in quibus peccata illa deliberato tacuit. Latius animi sensa pando: Ponamus juvenem aut puellam plura gravia luxuriæ peccata, quæ ipsa ut plurimum Pœnitentes obmutescere faciunt & irrationalem pudorem illum incutere solent, admittere: hos duas aut tres Confessiones peragere, in quibus memorata peccata deliberato silentio premere pergunt, quo Confessiones illæ sacrilegæ redduntur: post has vero Confessiones eos dictorum peccatorum penitus oblivisci suasque Confessiones per decem continuos annos debita cum diligentia & præparatione tum congrui examinis tum sinceri doloris tum efficacis propositi facere, adeo ut toto illo decennio tum peccatorum, quæ siluerunt, tum trium priorum sacrilegarum Confessionum non recorderentur: exacto autem illo decennio sive ex lectione libri sacri sive ex concionis alicujus auditione peccatorum suorum silentio prætermisissorum & trium sacrilegarum Confessionum denuo reminisci. In hoc casu illi solummodo totam primam Confessionem, in qua peccata memorata siluerunt, & tres subsequentes Confessiones (non reliquis dicto decennio factas) repetere tenentur; cum illæ quatuor solæ sacrilegæ fuerint, utpote peractæ cum cognitione, ea peccata, quæ subticuerunt,

confitenda sibi esse: e contra reliquæ, dicti decennii spatio peractæ, bonæ ac validæ fuerint, quippe integre & cum inculpanda peccatorum prius celatorum & quatuor sacrilegarum Confessionum oblivione factæ: quoniam hæc, si menti occurrissent, confessi fuissent. Hinc Theologi adstruunt, illa tanquam peccata inexcusabiliter oblita reputari debere.

Restant aliæ insuper conditiones ad bonam & prudentem Confessionem requisitæ, quas exponere debeo. Inter illas etiam hæc est, ut Confessio simplex sit, hoc est: non ingeniosa aut callida, qualem facere nonnulli consueverunt, qui Confessioni haud opportunas totius rei gestæ narrationes interferunt; qua re Confessionem & inepte producant & sacros ministros fatigant & persepce peccatorum venialium quandoque etiam mortalis complacentiæ admittendæ causâ sibi metipsi sunt. Asserta explico: Vulneravit e. g. aliquis rixa oborta adversarium suum; Jam rei seriem omnem narrat, & quia forsitan vulnerantis (Pœnitentis) strenuitas atque animi ingenuitas virtus ex percussione inimici apparet, id nescio qua interiori cum complacentia narrat: quod se a confessario in virorum acrium & animosorum numero habendum putet. Ecce hic talis primum veniale ostentationis & jactantiæ peccatum peccat; deinde, si complacentia a vanitate ad ipsam percussione transit, gravem etiam mortalemque Pœnitens complacentiam justitiæ contrariam admittit. Alius se accusat, quod sermones notabiliter obscenos in conventu quodam seruerit, & quoniam per verba ambigua, per facetias utut notabiliter scandalosas attamen acutas atque ingeniosas, animis præsentium oblata offensio est, illas ex ordine confessario exponit, ut acris ingenii esse videatur. En vanitatem venialem! Quod si autem complacentia etiam ad inhonestam, utut ingeniosam, narrationem extenditur, ecce peccatum mortale adversus castitatem! Hoc ipsum sentite, O mei! de satyra aliqua stylo graviter mordenti scripta, de seductione machinata, ut

fæmi-

(g) 1. Corinth. 4. (h) Eccli. 4.

fœmina aliqua obfistens in casses trahere ur, & similibus rebus. Observavit ista S Bernardus dicens (i) Nonnulli talia q apud eundem & penitentem rememorant, sed gloriam intentione copantes commissa sua non dicunt sed se ipsos illudunt . . . Non proditur aut projicitur vetus secretum illa Confessione sed flatuitur. Hoc Confessionis vitium a rudibus per stupiditatem, ab intelligentioribus vero per vanitatem admittitur, potestque in rudibus, qui Confessionem peragere non sciunt, quin omnia narrent, excusationem habere; Cavendum tamen confessario magnopere, ne memoratæ complacentiæ in animum Poenitentis subreant: Intelligentiores vero, qui peccata sua & necessarias circumstantias exponere norunt, quin rei totam seriem narrent, circumcidere superfluas relationes & peccatum suum simpliciter humiliterque exponere debent.

Dixi: Humiliter; nam & humilitas inter condiciones ad perfectam Confessionem requisitas numeratur, scilicet ad Confessionem, qua reus accusetur, non excusetur. Latius, quæ dixi, aperire juvat: Sunt nonnulli, qui, non quidem animo circumveniendo confessarium, ut ille, quod exponunt, vel non esse peccatum, quale re vera est, vel non esse grave peccatum, quod est, reputet (Nam hoc velle sacrilegium esset, & Confessionem sacrilegium faceret) sed enim ut sui misericordiam excitent & peccata sua, quantum fieri potest, extenuent, fortunam, fatum, diabolum, ætatem, impetum ac vim occasionis inculcant; unde minus nocentes esse videantur. Non sic agas, acute monet S. Augustinus (k) Neminem quæras accusare, ne accusatorem invenias, a quo te non possis defendere; nam & ipse inimicus noster diabolus, quando accusatur, gaudet & vult omnino, ut accusetur illum: vult ipse, ut a te ferat, qualem volueris, criminationem; cum tu perdas confessionem. Et alio in loco ait (l) Cum vis esse excusator tuus, triumphat de te accusator tuus. Vis ergo facere, quod doluit & gemat accusator tuus; id est diabolus, dic Deo: Ego dixi, Domine! miserere mei . . .

quoniam peccavi tibi; non fortuna, n. n. fatum, non diabolus: Ego dixi, non me excuso sed accuso; Ego dixi . . . Sana animam meam; Unde enim ægrotat? Quoniam peccavi tibi.

Hæc præter bona Confessio sibi vult, ut confitens promptus sit deferere ea, quæ deferere illi confessarius imperat, & paratus accipere atque implere injunctam satisfactionem. Quod ut bene intelligatis, cum S. Antonino (m) distinguere debetis: Confessarium Poenitenti alia injungere per modum consilii, e. g. ut se Matri Dei commendat offendendo quotidie aliquas preces pro impetrando auxilio hanc vel illam pravam animi affectionem vincendi: Hoc confessarii consilium etsi animo parum stabili accipiat, dummodo dolor de peccatis firmumque illa denuo non admittendi propositum, habeatur, graviter haud peccatur nec confessioni valor detrahatur. Alia injungit confessarius tanquam conditiones ad recipiendam absolutionem requisitas, adeo ut, nisi Poenitens hanc conditionem acceptet & implere illam sincere polliceatur, confessarius ei denunciet, quod absolutionem impertire non possit; aut etiam si hanc denunciationem non faciat, tamen toto sermonis contextu prodatur, se illam conditionem omnino exigere, e. g. si alicui per lulum chartarum in blasphemias erumpere assuetus dicat: Volo, ut tanto temporis spatio lulum illum non ludas; si impudico adolescenti aut lascivæ adolescentulæ ex colloquio cum hac illave persona in complacentias & desideria impura labi solitæ dicat: Volo, ut huic personæ, non interveniente mera & omnimoda necessitate, non loquaris; si alicui certam domum frequentanti & ibi cum persona quadam turpi scelere se obstringere assuetus dicat: Non frequentabis citra absolutæ necessitatis casum domum istam; hoc casu vero interveniente auxilium Dei invoca & te, quam fieri potest, citissime expedi. Hæc aliaque similia acceptare Poenitens debet, non solum verbis sed corde & animo ea implendi: Quod si firmum hunc animum non habet, sacrilegam Confessionem facit, quæ repeti

K k 3

tota

(i) Serm. 16. in Cons. §. 29.

(k) Serm. 20.

(l) Serm. 29.

(m) p. 2. tit. 14. c. 19.

tota debet. Alia denique imponit confessarius in specialem satisfactionem peccatorum, quæ quis constituitur; uti si dicat: Jejunabis diem unum in pane & aqua; aut: Recitabis devote duo Rosaria &c. Et hæc acceptare Pœnitens debet animo sincero ea, quamprimum licuerit, implendi. Quod ad hunc postremum articulum spectat, observandum cum S. Antonino, quod Pœnitenti, si prævidet, se hanc vel illam pœnitentiam nimis difficulter impleturum (sive quod corporis temperationi nimium gravis ac molesta accidat sive ne domesticis observandi se factaque sua causam det, aut ob aliam rationabilem causam) liceat hanc difficultatem confessario exponere, qui ei aliam pœnitentiam injungere debet, ut illam Pœnitens cum sincera voluntate implendi accipiat. Hanc vero pœnitentiam Pœnitens tempore opportunum implere, hoc est: non differre illam sine rationabili causa debet; nam longior ex mero fastidio dilatio culpa notabilis irreverentiæ non caret: Omittere autem pœnitentiam, certe grave peccatum est.

Quæret aliquis: Quid facere debet ille, qui tamdiu pœnitentiam sibi impositam distulit, ut illius omnino oblitus sit? Respondet: Debet hic talis in prima, quam facit Confessione de ista omissione & gravi admissa negligentia sese accusare petereque a confessario, ut sibi etiam pro antepæfacta Confessione pœnitentiam injungat; quo hac ratione anterior Confessio partem suam integram, quæ Satisfactio est, accipiat. Quæret alius ulterius: Num & anteriorem Confessionem repetere totam debet? Repono: Repeti illam omnino debere; quia novus Confessarius in obscuro & quasi per nebulam prudenter imponere pœnitentiam non potest, nisi prius cognoverit, in quo statu Pœnitens, quando anteriorem Confessionem fecit, fuerit. Hinc si status Pœnitentis in præsentiarum idem ferme est, ac prius fuit; haud opus esse existimo, ut anterior Confessio repetatur (utut oppido sit, cur de sinceritate doloris in tali Pœnitente dubitetur)

sed sufficere puto, si dicat, statum suum præsentem eundem fere esse, cum præterito: Quod si se in melius (ut debuit) correxit, necesse est, ut peccatorum in anteriori Confessione expositorum rationem saltem sumariam reddat; quo hac ratione confessarius congruam pœnitentiam injungere possit.

Debet igitur Pœnitens pœnitentiam, quæ sibi imponitur, & acceptare & quantocyus implere: nam illam sine gravi causa longius differre secundum idoneorum doctorum sententiam peccatum lethale est; cum sit quoddam debiti genus, quod exsolvi debet: uti alia debita, quæ stricte debentur, a debitore dissolvi quantocyus debent, quin ipsi liberum sit, satisfactionem pro libitu procrastinare: Et deinde quia hoc in gravem Sacramenti injuriam cedit, dum illud tamdiu imperfectum, & parte integrali mancum relinquitur.

Non est fas Pœnitenti, pœnitentiam sibi impositam in aliud opus (utut perfectius) sua auctoritate mutare; nam pœnitentia imposita est actus ex judicio sacro & potestate clavium procedens; id quod dici de nullo alio opere, tametsi perfectiori, potest.

Monendi hoc in loco rudiores Pœnitentes, quod, etsi pœnitentia injuncta & opere perfecta vim habeat pro pœnis, quæ admittis peccatis debentur, satisfaciendi; tamen illa, si in statu peccati mortalis peragatur, hanc vim satisfaciendi amittat; cum homo gratia Dei destitutus nec mereri quidquam nec satisfacere Deo, cujus hostis est, possit. Hinc ut pœnitentia vim suam habeat, debet illam pœnitens in statu gratiæ peragere aut saltem, priusquam eam peragat, curare, ut per actum contritionis perfectæ statui gratiæ se restituat; quo hac ratione pœnitentia ad satisfactionem fructuosa reddatur. De cetero semper obligatur Pœnitens implere pœnitentiam, sive in statu gratiæ sit sive non sit, & quamdiu illam etiam differat.

Supereft alia conditio Confessionis, scilicet ut post relapsam in gravem culpam
non

non nimis longo tempore differatur: Hanc conditionem Theologi per vocem *Accelerata* exprimunt. Neque vero hoc in loco de iis dico, qui usque in feralem mortis horam differre Confessionem destinarunt; quos ipsos prædicatores quadragesimales suis de finali impoenitentia sermonibus petunt ostendere soliti, illo temporis articulo poenitentiam longe difficillime agi; sive ad peccatorem sive ad Deum respectus habeatur. Si ad peccatorem; quia oppido incertum, utrum tempus poenitentiae habiturus & non potius morte repentina corripiendus sit: deinde quia voluntatem ad eorum, quæ hæctenus amavit, odium & eorum, quæ hæctenus odio aut saltem curæ non habuit, amorem longe difficillime traducturus est. Si vero ad Deum respectus habetur; quia talis peccator indies se indigniorem reddit, qui auxilia veræ poenitentiae a Deo accipiat, quippe omnibus damnationis æternæ notis insignitus. Legi hac de re S. Cyprianus *epist.* 52. S. Augustinus *serm.* 393. S. Cæsarius Arelaten-
sis *serm.* 57. Salvianus in *Libr.* 1. possunt. Ego hæc concionatoribus quadragesimalibus inculcanda relinquens, exponere aggredior, quam periculosum sit, ne is, qui post relapsum in gravem culpam Confessionem procraftinat, impoenitens moriatur.

Ac primo quidem cum Scripturibus ecclesiasticis omnibus istud monuisse velim, fieri posse, ut talis moriatur prius, quam Confessione animum expurget. Haud opus hoc loco multis vos argumentis fatigare, cum possibilitas ista ex se evidens sit & vix non quotidiana experientia comprobetur: nimirum si mortes improvisas quovis ferme die contingere solitas attendamus. Jam cum Deus unicuique homini & tempus & modum mortis immutabili consilio constituerit, quis unquam divinare poterit, si non & sibi mors repentina statuta sit: Quod si ita esset, vae illi, quem in statu peccati mortalis ea corripere! Nunquid Fides nos docet, hunc talem æterna damnatione involvendum esse? Nunquid, O mei! quenquam peccato mortali gravatum (si hoc unum cre-

dat) dies suos læte exigere aut dormire leniter posse putatis, quin per doloris plenam Confessionem securitatem sibi parare quantocyus studeat? *Quis*, ait piissimus & doctissimus Parisiorum Episcopus Guilielmus (n) *vestimento suo vel calceamento faciat, ut non, quam cito inquinatum fuerit, illud abluat vel abstergi faciat? . . . Quis non equum suum, statim et vulnervs fuerit, curandum mittat? . . . Si autem tantopere inquinamenta & detritiones vestimentorum & calceamentorum curantur a nobis; qua studiositate & vigilantia curandæ sunt detritiones & inquinamenta vestimentorum spiritualium? Si tanta sollicitudine occurrere festinamus morbis equorum nostrorum, ne crescant aut invalescant; quanto fortius accelerandum est nobis, ne morbi aut læsiones animarum nostrarum crescant, & medicamentum Confessionis statim adhibere? Pergit subin: Si serpentes & colubros ab agro nostro, si venenum de corpore expellere, si hostem vel latronem de domo nostra tantis studiis atque conatibus ejicere properamus & moram illud faciendi tam acriter & in nobis & in aliis culamus . . . quid nobis de spiritualibus serpentibus & veneno, de diabolo hoste & latrone faciendum putamus? Quid, O mei! reponi argumentis his potest? Nunquid his ii, qui post admissum peccatum grave Confessionem procraftinant, manifestæ & impiæ in animam suam stupiditatis convincuntur?*

Dicit aliquis: Ergone is, qui post peccatum mortale confiteri dissent, novo se lethali peccato obstringit? Respondeo: toties illum, qui se in statu culpæ mortalis esse advertit nec confiteri quantocyus aut saltem perfectæ contritionis actu gratiam Dei recuperare curat, novum mortale peccatum peccare. Ita sentiunt S. Thomas (o) & S. Antoninus (p) Alexander Aletensis, Guilielmus Parisiensis, Paludanus, Abulensis, Masor, Marsilius, Cajetanus, Victoria, Petrus de Soto & Sylvester, longe gravissimi Auctores citati a P. Suarez (q) Argumenta illorum hæc sunt: primum est titulus charitatis, qua homo amare se ipsum tenetur: nimirum ne longiori tempore æternæ damnationis

(n) *Tract. de Sacram. Penit. c.* 19.
j. tit. 14. c. 18. §. 2.

(o) *Suppl. q.* 3. a. 5. & 2. 2. q. 62. a. 8.
(q) *Tom. 4. in 3. p. diff. 15. sect. 5. n. 1. & 2.*

(p) 3.

nis periculo se exponat, si forte morte repentina, quæ mille modis accidere potest, confitendi copia ei tollatur. Secundum argumentum nova eaque gravis est injuria, quam talis peccator Dei majestati infert, dum ad poenitentiam misericorditer invitatus dolere deliberato recusat; nam quis est nostrum, qui gravem principi injuste læso injuriam non accedere ab eo subito putet, qui ad reconciliandam gratiam vocatus pacem ultro a principe oblatam ingratus detestaret. At hoc ipsum peccator facit, dum Deo monente per conscientiam dicentem: *Ecce! es in statu peccati & inimicitia cum Deo: abi, pœte veniam, confitere*, id fastidita invitatione omittit. Tertium argumentum a S. Thoma alio in loco allatum, idque fortissimum hoc est; quod homo in statu peccati mortalis hærens, cum jam a Deo vero sine suo habitualiter averfus & ad finem falsum Deoque contrarium conversus existat, haud diu stare possit, quin actum ad falsum finem, cui habitualiter adhæret, spectantem ponat eaque ratione nova peccata mortalia admittat. Apparet hoc in illis omnibus, qui rei aut creaturæ alicui habitualiter adhærent: Ita e. g. qui musicæ arti habitualiter adhæret, haud diu esse (moraliter loquendo) poterit, quin eandem exerceat: Ita & in studiis & aliis similibus rebus fieri consuevit. Jam cum homo peccato mortali obnoxius creaturæ habitualiter adhærescat (scilicet ei rei, qua in peccatum agitur, qua contra legem Dei animo suo satisfacit) moraliter fieri haud potest, ut diu sit, quin

agente habituali ejus rei affectu in alia peccata mortalia labatur. Hinc concludit Doctor angelicus: *Antequam hominis ratio, in qua est peccatum mortale, reparetur per gratiam justificantem, potest singula peccata mortalia vitare & secundum aliquod tempus . . . sed quod diu maneat absque peccato mortali, esse non potest: & post hæc subdit allatam rationem.*

Concludamus igitur & nos: Si homo in statu peccati mortalis positus quovis momento æternæ damnationis periculo patet, quia quovis momento mori ex improvviso potest: si conversionis dilatio poenitentiam magis magisque difficilem reddit: si talis homo in continuo nova peccata mortalia admittendi periculo versatur, adeo ut teste S. Thoma, *quod diu maneat absque peccato mortali, esse non possit*: Si ita res se habent, utique verissimum erit, quod homo, si in peccatum mortale labitur, ob charitatem, quam sibi ipsi stricte debet, disserere haud debeat, quin perfectæ saltem contritionis actum eliciat. Hinc quoties periculosum statum suum recogitat & confiteri aut actum perfectæ contritionis exercere omittit, toties mortaliter peccat. Sic sermonem hunc meum magnus sacræ Familiæ meæ Archiepiscopus Antoninus finit, dicens: *Quantum ad peccata mortalia, de quibus nondum quis habuit contritionem, videtur, quod semper teneatur, quando peccatum menti occurrit, ad actum odiendum & detestandum peccatum: alias peccat mortaliter peccato omissionis, quousque contratur.*

SERMO XLII.

De officiis Confessarii.

Cum liber hic meus eo præcipue spectet, ut fideles officiorum suorum minus ignari erudiantur sententiaque capiat; haud opportunitum videbitur, sermo-

nem ex proposito ad eos convertere, qui muneris sui ratione eo obligantur, ut non ipsi solum eruditi sint sed alios quoque erudiant (quorum maxime in numero Confessarii,

farii, ministri hujus Sacramenti & conscientiarum arbitri, sunt) Tales, O mei! tales certe esse hi deberent; sed quoniam, qui hæc-
tenuit ut indignus quadraginta &, quod ex-
currit, annorum spatio Confessarii munus
sustinui, manibus quasi palpavi, esse Con-
fessarios, qui muneris fore inagno opere desunt;
ob id haud abs re judicavi, si & ipsos
uno sermone alloquerer, ut illi, si quidem
omissiones eæque graves, a me experiundo
detectæ, ab ipsis in hujus Sacramenti ad-
ministratiõe admittæ ex ignorantia prove-
nerunt, ministerii sui officia discant; si vero
ex Sacramenti, ut par est, administrandi
vel negligentia vel malitia profectæ fuerunt,
exterreamur ac perturbentur, quo partes
suas implere constituant, eoque modo tum
aliorum, qui se illis sistant, animæ misere
non tradantur tum propriæ eorum damna-
tionis æternæ aleam devitent.

Mittis igitur questionibus tum dogma-
ticis, quas Theologis polemicis: tum mora-
libus, quas Theologis moralibus ventilandas
relinquo, dotes digni & prudentis Confes-
sarii explanare aggredior. Prima harum,
quæ ad præcipua Confessarii officia spectat
(Qualia sunt, ut sit Judex, Doctor, Medi-
cus) est scientia & proba matricularum theo-
logicarum, præprimis moralium, sacrorum-
que Canonum cognitio; nam quomodo bene
ac recte judicabit iudex, qui materiarum ad
forum suum pertinentium sufficientem noti-
tiam non habet? quomodo alios docebit,
qui sufficienti scientia ipse destituitur? quo-
modo cum fructu medicamenta adhibebit
medicus, qui ea eorumque vim ignorat?
Nulla ars, ait S. Gregorius M. doceri præsu-
mitur, nisi in eam prius meditatione discerna-
tur (a) Ab imperitis ergo pastorale in gisse-
rium qua ténerrime suscipitur, quando ars est
artium, regiminis omniperum? Subdit deinde:
Quis autem cogitationum vulnera occultiora es-
se nesciat vulneribus viscerum? Et tamen sape,
qui nequaquam in se spiritualia præcepta cogno-
verunt, cordis se si nec cor profiteri non metuant;
dum qui pigmentorum vim nesciunt, videri mi-
dici carnis erubescunt.

P. Cunctis in Ca. chisla.

(a) I. libr. pastor. p. 1. c. 1. in cap. Textus.

Quæret aliquis: Qualis ac quanta esse
debet Confessarii scientia? Respondet sum-
mus Pontifex Innocentius IV. duos esse scien-
tiæ gradus, unum eminentem, alterum me-
diocrem: Scientiam reputamus eminentem, quæ
subtiles quæstiones discutere & definire novit &
in promptu responsiones habet; Ille habet me-
diocrem, qui scit aliquo modo examinare nego-
tia, quævis ad omnia nesciat respondere, &
qui in libris veritatem eorum, quæ scire tene-
tur, scit quærere, etsi in promptu omnia non
habeat (b) In eandem sententiam ait S. Tho-
mas (c) Hæc scientia, etsi non sit major, ta-
men tanta debet esse, ut sciat distinguere inter
peccatum & non peccatum, vel inter peccatum
mortale & peccatum veniale; quod si in aliquo
esset dubitatio, posset ad discretiores recurrere.

Ex his colligite, quemlibet Confessarium
communes & unanimi Theologorum voce
receptas de peccatis sententias, item regu-
las & principales claves omnium tractatum
nosse debere, ut (siquis casus occurrat,
cujus solutionem nec ex libris petere nec a
doctoribus accipere potest) ipse ex memo-
ratis generalibus regulis & earundem cohæ-
rentia ac combinatione conficere possit, quid
statuendum sit. Et quoniam innumera sunt,
de quibus contenditur, utrum hoc vel illud
grave peccatum sit vel non sit; ob id secun-
dum laudatum canonem Innocentii IV. non
quid commodius sed quid verius quærere
in libris debet: In libris veritatem quærere.
Unde si de eo agitur, ut dicat, hoc vel il-
lud peccatum grave esse vel non esse, debet
eam partem sectari, quam ad verum pro-
pius accedere videt & in conscientia cogno-
scit; nam hoc quidem certum manet, ve-
rum clare agnatum a nullo omnino morta-
lium rejici posse: quemadmodum etiam cer-
tum, quod omnis iudex, maxime rerum ad
animam spectantium, quærere verum in iis
rebus omni studio debet, in quibus illud ma-
nifeste non apparet. Dicit itaque non pote-
rit, quod sine verum quærat ille Con-
fessarius, qui e. g. videns, opinionem, asser-
mantem hoc vel illud esse peccatum mora-
le, graviore habere rationes & veritas pro-
ximio-

L 1

ximio-

(b) In Cap. Cum in cunctis &c.

(c) In 4. Sent. dist. 17.

ximiorum esse, quam eam opinionem, quæ istud negat & a vero alienior est: qui (dico) ista videns tamen hanc posteriorem præ priori eligit. De tali, inquam, Confessario dici nunquam poterit, quod veritatem quærat; quia opinionem suam conscientia teste veritati magis consentaneam posthabet, ut aliam sectetur, quam veritati minus consentientem cognoscit: Quemadmodum nec dici potest, quod ille modestiam vere diligat atque sectetur, qui (Ubi de actione secundum nonnullos auctores modestiæ contraria secundum alios non contraria agitur) eam opinionem eligit, quæ memoratam actionem modestiæ non contrariam esse affirmat; utut illa opinio levioribus argumentis nitatur: & postponit opinionem, quæ dictam actionem modestiæ contrariam esse affirmat; tametsi hæc posterior opinio gravioribus rationibus nitatur. Itaque Confessarius in dubio aliquo versans, nisi erroris haud excusandi aleam subire velit, eas sententias sibi adoptet, quas in conscientia sua ad veritatem propius accedere cognoscit: si a Deo pro sincero veritatis cultore atque indagatore haberi voluerit; nam si eo fere modo gerere se iudex in causis bonorum fortunæ temporalibus ex definitione sanctæ Sedis (d) debet, multo magis id facere iudex animæ & vitæ æternæ, Confessarius nimirum, debebit.

Dicit aliquis habens Confessarium, quem omnia alia potius quam Theologiæ moralis & Canonum studium frequentare novit: Ergone Confessarius, quamdiu sacrum hoc ministerium exercet, scientiarum canonicarum & moralium studium nunquam intermittat? Nunquid sufficit, ipsum in examine episcopali approbatum esse? Est hic maxime, O chare! error multorum, qui non considerantes, utrum ad se regendos quivis Confessarius aptus sit, primo occurrenti (dummodo approbatus sit) adhærent. Respondeo itaque & dico: Si approbationi episcopali virtus tam prodigiosa inesset, ut scientiam debitam daret, hanc approbationem sufficere utique ipse contenderem; Sed virtutem istam approbatio episcopalis non ha-

bet & paucarum questionum in examine propositarum solutio, etiam sufficiens documentum det, eo ut quis approbetur, nequaquam tamen ad formandum doctum Confessarium sufficit. Hinc Episcopus approbens Approbatum ab officio vacandi studiis nequaquam immunem facit, sed ad colenda studia etiam hortatur & a multis examinatoribus Examinando proponi quæstio solet: Utrum approbatus post approbationem ad studia stricte obligetur? Et respondet Approbandus: hanc obligationem remanere; cuius rei ratio evidentissima est, multis ex titulis orta: primo quod materiæ morales quæ longissime pateant: secundo quod ea, quæ leguntur, facile ex animo effluant: tertio & maxime quod casus innumeri a principio libero & ad malum prono (voluntate scilicet, quæ per peccatum originale in malum inclinata remansit) produci possint. Hinc cum sint innumerabiles cogitationes atque deliberationes, quas intellectus ac voluntas libera facere, & innumera combinationes, quas formare possunt; ob id animæ iudex a studendi officio liberum ac solum credere se fere nunquam debet; quamdiu quidem sacro pro tribunali fedet: Et quamvis sacerdoti approbatio sufficiat, ut valide sacrum ministerium exerceat; tamen ob id nequaquam sufficit, ut illud licite etiam exerceat, nisi inter alias condiciones memoratam quoque scientiæ dotem habeat. Hinc Deus de sacris novæ legis ministris per Jeremiam vaticinans ait, eos scientiæ & doctrinæ subsidiis instructos fore: *Et dabo vobis pastores juxta cor meum, & pascent vos scientia & doctrina* (e)

Quæ cum ita sint, nonne desendi sunt tot Sacramenti Pœnitentiæ ministri, qui scientiarum moralium studio alius hoc, alius illud occupationis genus antefuerunt; quæ occupationes quamvis ex natura sua laudem habeant, tamen Deo in sacris ministris displicent; siquando ipsis tempus, quod requirito ad sacrum ministerium studio dicare deberent, rapiunt. Sic alius canendi arti musicæ, alius eruditionis profanæ studio,

alii

(d) Prop. 1. ex damnatis ab Innocent. XI.

(e) Jerem. 5.

alius scientiis mathematicis, alius artibus liberalibus, alius artibus jucundis atque oblectantibus, immo (Avertant Superi!) lufibus per sacros adeo canones prohibitis se adducunt. Equidem artes hæc omnes (Potestatem si excipitis) ab animarum rectoribus ut accessorie considerari & mere virtuosæ oblectationis loco reponi; nequaquam primum & præcipuum Confessarii studium esse debent, monente Catechismo Concilii Tridentini (f) *In primis opus est, ut hujus Sacramenti minister tum scientia & eruditione tum prudentia præditus sit; Judicis enim & medici simul personam gerit: de quod ad primum atinet. satis constat, non vulgarem scientiam necessariam esse.* Itaque Confessarius, ut de iis, quæ in sacro ministerio facile delinquere potest, Deum sibi propitium habere queat, memoratis se studiis occupet feligens opiniones, quas veritati propiores in conscientia sua credit.

Ast quoniam doctrina sine prudentia non solum parum juvat, sed quandoque etiam nocet; hinc secunda Confessarii dos esse prudentia reputatur, cujus potissimum adminiculo medici officium facit, monente denuo Catechismo: *Ut autem medicus est, summa quoque prudentia indiget; etenim diligenter providendum est, ut & remedia ægroto adhibeantur, quæ ad illius animam sanandam & in posterum contra morbi vim muniendam aptiora esse videantur.* De hac Confessarii prudentia ita enucleatus S. Thomas (g) *Sacerdos debet perferutare conscientiam peccatoris, quasi medicus vulnus; quia frequenter, quæ præ confessione consensu taceret, interrogatus revelat.* Sed, pergit S. Doctor, tamen in interrogationibus faciendis tria sunt attendenda: primo ut quilibet peccator interrogetur de peccatis, quæ consueverunt in hominibus illius conditionis abundare. . . . Secundo ut non fiat explicita interrogatio de peccatis, nisi de illis quæ omnibus manifesta sunt: de aliis autem ad inventionibus peccatorum ita debet a longinquo fieri interrogatio, ut si commisit, dicat, & si non admisit, non nidiſcat. Tercio ut de peccatis præcipue carnalibus non descendat nimis ad particu-

lares circumstantias, præprimis in certis personis, postquam speciem & numerum eorum addidit.

Vellem hoc loco a quibusdam Confessariis rescire, quibus demum argumentis sententiam, quam profitentur, aut nihil aut perpauca interrogandi fulciant. Neque credatis, O mei! ultro me reos, quos increpem, hoc loco quasi fingendo mihi proponere: Nequaquam istud; Sed enim, quæ dico, experientia plurima doctus dico. Incidit namque in innumeros poenitentes, qui a me interrogati de iis, de quibus interrogare illos omnino oportuit, primum quidem id, ut rem insolitam sibi quæ novam, mirabantur: postea vero gratias agebant: Deponebant etenim ad pedes meos multas circumstantias mortales speciem mutantem, multa peccata mortalia nunquam indicata, quia de illis nunquam interrogati fuerunt: Et tamen erant peccata hæc ex eorum numero, quæ ab hominibus illorum ordinem atque ætatem fieri consueverunt (Uti ait S. Thomas) Et erant eorum ex numero, de quibus, injecta de longinquo mentione, me intellexerunt poenitentes mihi quæ manifestarunt. Inveni multos nimis, qui, dum se de mortalibus luxuriæ operibus accusabant, nihil de imaginationibus impuris deliberata cum complacentia admisissis, nihil de desiderii deliberatis opere non completis, nihil de sermonibus impurissimis ab actione lasciva sejunctis (De quibus vel nunquam vel semel tantum interrogati fuerant.) meminere: Inveni alios reos gravium vindictarum, quas de Proximo sumperant, quin interrogati fuerint, quamdiu illam animis machinarent, illius sumendæ propositum sexcenties renovando. Inveni alios reos innumerabilium obtutuum complacentiis impuris junctorum, quas nunquam confessi fuerant, quippe nunquam de istis interrogati, quando de aliis impudicitis sese accusabant. Inveni reos debitorum non solutorum & (quod sequitur) reos multarum gravium omissionum adversus justitiam; quia, cum sæpius creditoribus suis live ex toto live ex parte satisfacere

L 1 2

re

(f) p. 2. de Sac. Pœnit. l. 16. (g) Ita 4. Seni. dist. 19. in expl. Textus.

re potuissent, satisfacere non voluerunt, ut cupiditatibus suis satisfacerent, facultates suas rebus aliis haud necessariis infunderent; quamobrem & damna emergentia & lucra cessantia egenis creditoribus suis resarcire tenebantur. Sic, opportunas interrogationes interponendo, & temeraria judicia & rerum verarum at occultarum Proximi famam atterentium manifestationes & alia peccata sum expiscatus, quæ poenitentes multis annis siluerant; quia nunquam de iis interrogati fuerant. Jam posthæc, O mei! num illos Confessarios, qui, quæ sibi exponuntur, auscultant, quin parum aut nihil interrogent, num vere iudices, medici, doctores (His characteribus veri Confessarii internoscuntur) appellari posse: num illos in iudicio Christi de pernicioso, quod coluerunt, silentio non arguendos esse putatis; unde & ipsi dicere cogantur: *Væ mihi, quia tacui* (h) Nunquid illis vel concurrentium ad sacrum tribunal multitudo vel verba Pauli: *Nihil interrogantes propter conscientiam* (i) longe alio sensu & in occasione omnino contraria ab Apostolo prolata excusationem defensionemque præstare poterunt?

Alia huius Confessarii dos morum probitas & vitæ exemplaris integritas est, quæ Dei & sancti huius Sacramenti ministrum decet; Nam illa *Vox*, teste S. Gregorio Papa (k) *libentius Auditorum cor penetrat, quam dicentis vita commendat; quia quod loquendo imperat, ostendendo ajuvat, ut fiat*. Profecto quo haberi loco minister Poenitentiae potest, de cuius vita ac moribus deterior fama vagatur. Si lufor: si verbosus: si lurco: si iocosus: si genio indulgens: si suis commodis serviens: si parum devotus, paucorum niunorum spatio Missam debilaterans: si lingue effrenis, parum pudicæ & ad verborum ambiguitates pronæ: si confortii faminarum nimis amans: si facilis ad iuramenta dicenda (Et quæ sunt alia similia) audit? Quo animo, inquam, poenitentes monita excipiant, quæ præbere ille pro rerum ratione debet? Contra si minister Poenitentiae decantatæ probitatis, si pius, si solitudinis

amans, si a cætibz hominum & promiscuis conversationibus averfus (paucis) si moribus exempli optimi fuerit; huius vox quanto libentius & auditur & excipitur? Ob eam rem statuit jus canonum (l) *Sacerdos, cui omnis offertur peccator, ante quem statuitur omnis languet, in nullo eorum sit iudicandus, quæ in alio iudicare est promptus*: Quia enim ratione aliquis (Addiderim ego) aliis fugam eorum peccatorum efficaciter persuadere poterit, quibus ipse subjacet? Quia ratione fugam e. g. iuramenti fortiter inculcare poterit is, qui jurare ipse amat? Quod si vitium hoc in aliis vere execraretur, utique in se ipso prior abominaretur: si iurandi facilitatem animæ periculosa esse crederet, utique eam suæ primum animæ, subinde aliorum animabus periculosa esse sibi persuaderet. Sic de reliquis vitiis sentite, quæ quis admittere solet: Non poterit hic eorum fugam persuadere; sed enim ille, qui eorumdem immunis est.

Ex hoc fit, quod multi Christianorum jure ac merito mirentur, quomodo fieri possit, quod inter catholicæ Ecclesiæ membra tot peccatores sint; cum tamen tot Confessarii sint, & in multis peccatoribus usus Confessionis non adeo rarus sit. Rei hujus rationem attuli in medium, O mei! quia nimirum ab aliquibus, fors etiam a multis Confessariis, quæ fieri certe deberent, non sunt nec peccati mortalis fuga debita cern efficacia inculcatur; sed enim trivialis illa hortatione: *Pete veniam a Deo*, poenitentes in pace dimituntur. Hoc jam olim Jeremias quasi per vaticinium miratus est, dum filiam populi sui (scilicet Jerusalem, solitam illam Ecclesiæ nostræ & animarum eandem constituentium figuram) plagis consecram atque attritam vidit: *Super contritione filia populi mei contritus sum & contristatus; super obtinuit me* (m) Et pergit: *Nunquid resina non est in Galaad aut medicus non est ibi? Quare igitur non est obducta cicatrix filia populi mei?* Sunt, O Propheta! sunt in Ecclesia & balsamum Sacramenti Poenitentiae & medici multi, qui illius ope vulnera anima-

(h) *Isaie 6.*
dist. 6. de Penit.

(i) *1. Corinth. 10.*
(m) *Jerom. 8.*

(k) *Reg. pastor. p. 2, c. 3.*

(l) *Can. Qui vult.*

rum sanent. Verum non sanari illas ex eo contingit, quod medicorum officium perperam administraretur, & remedia sive importune sive debito modo non applicentur. Sint itaque medici & docti & prudentes & pii: applicent medicamenta fortissima & cui, & quando, & quæ applicari debent, opportuna cum admonitione, hortatione atque institutione, & cessabit admiratio, quod frusus non exeat.

Neque tamen ob id asper, durus & severus sit Confessarius: Debet ille nec asper totus nec totus suavis esse; sed enim suavitatem asperitate pro ratione rerum & poenitentis conditione temperare debet, quamvis vincere asperitatem suavitatem & austeritatem misericordia semper debeat. Hoc S. Ambrosius (n) a Deo sibi petit, ut se ad excipiendos peccatorum confessiones bene præpararet: *Ac primum ut condolere norim peccatoribus affectu intimo & quotiescunque peccatum alicujus lapsi exponitur, compatiar nec superbe increpem, sed lugeam & desileam, ut dum alium fleo, me ipsum desileam*: Et subdit: *Quomodo se tibi curandum præbent, quem fastidio habes, qui contemptui se non compassioni medico suo pueret esse futurum*. Jesus nos ad se mansuetudine traxit: venit non ut exterreret, sed ut invitaret: Unde liquet eos inter Christi discipulos non esse habendos, qui dura pro militibus . . . sequenda esse opinantur & cum ipsi quærent Domini misericordiam, alii denegant. Sit itaque Confessarius accessu facilis, benignus, mansuetus: Ea, quæ audit, non miretur vel quasi attonitus stupeat; sed misero peccatori morborum suorum spiritualium omnium manifestationem modis optimis facilem reddat &, quo gravius illi olent, eo magis ad exponendum hortetur. Ah! quanta mala interpellationes poenitentis, intempestivæ illæ increpationes, ille affectatus stupor efficere consueverunt: Persæpe is obmutescere miserum & pudore confusum poenitentem facit, ut ille alias gravioribus culpas taceat & bonæ Confessionis loco sacrilegium cum multis subsequenter faciat. Novi hoc optime ego, cui sæpius accidit, multas Confessiones

dura hac agendi ratione, qua illæ interpolatæ fuerunt, vitiatas cum poenitentibus repe ere.

Neque tamen benignitas ac suavitas ista vel tanta vel tam late patens esse debet, ut in omnes promiscue & quovis in casu adhibeatur. Nequaquam istud; Sunt enim nonnulli protervi, audaces & (Ut sic dicam) nullius frontis homines, in quos gravitate, moderata increpatione, & asperitate temperata uti opus est eum solum in finem, ut a proterva & irreverenti agendi ratione abducantur: Condiri tamen omnia lenitate debent, ut illi, quicquid oculi latet, prodant. Neque etiam hæc in suavi agendi ratione requisita benignitas degenerare in nimiam indulgentiam debet, ita ut concedantur, quæ concedi non deberent: Hinc Confessarius ex stulto timore, ne forte austerus reputetur, concedere id poenitenti minime debet, quod in conscientia sua bene formata non concedendum esse judicat; sed negare id constanter, attamen suaviter ac benigne, debet. Quisquis fecus fecerit & poenitentibus in iis obsequentem se præbuerit, quæ negare deberet, falsis illis ministris sese aggregat, quos Propheta Ezechiel & prævidit & coarguit, dicens de illis sensu allegorico: *Væ qui consuunt pulvillus sub omni cubitu manus & facient cervicalia sub capite universæ ætatis ad capiendos animas* (o) Quid sibi oraculum hoc velit, exponit S. Gregorius Papa (p) *Pulvillus quippe sub omni cubitu manus ponere est cedentes a sua rectitudine animas atque in hujus mundi se delectatione reclinantes blanda adulatione resovere; quasi enim pulvillus cubitus vel cervicalibus caput facientis excipitur, cum correctionis duritia peccatori subrahatur eique mollioribus favoris adhibetur, ut in errore molliter jaceat, quem nulla asperitas contradictionis pulsaret*. Corrigit itaque Confessarius, quando corrigendum: neget, quando negandum: dilatat Absolutionem, quando differenda, cum omni constantia & animi libertate iis tamen modis semper, ut non offendant, ut miserationem ostendat prodaturque, ægre se ferre, quod sic agere debeat, reddens etiam (Si opus fuerit)

L1 3

(n) Lib. 2. de Panit. c. 8. & Lib. 1. c. 1.

(o) Ezech. 13.

(p) Lib. pastor. p. 2. c. 9.

rit) rationes, cur sic agere debeat. His iactantiae & perniciosae benignitatis laqueis ne impediuntur, ii Confessariorum cavere debent, qui multos ad sua confessionalia accurrentes habere: qui personas spectatas regere amant. Hac etenim re fit, ut (Ubi sepe occasio dederit, virum aliquem nobilem aut illustrem foeminam aut personam ecclesiasticam graduatam pro tuenda veritate & iuribus legis divinae defendendis eorum, quae ipsi sibi petunt & quae secundum sententias vel communes vel rationi & veritati magis consentientes permitti haud possunt, denegatione offendendi) tales Confessarii suae ipsorum conscientiae vim inferant & dictamina quodammodo torqueant, ut poenitentibus obsequantur: Hac re fit, ut (Ubi necesse fuerit, personis poenitentibus, sive quod in gravia peccata relabantur sive quod mortalibus vitiis assuetae sint sive quod in occasione proxima non necessaria sed libera & ultro volita vivant, post multas Confessiones non apparente prudenti sinceræ dispositionis spe differre Absolutionem, donec certa emendationis indicia habeantur; ne sententiae damnatae incurrant) talibus Confessariis metus hunc illumve poenitentem; hanc illamve poenitentem amittendi varia suggerat remedia, varios modos proponat, conscientiam in transversum abripiat, ut illi tremente adeo manu Absolutionem impertiantur. Huius generis Confessarii, grave periculum est, ne Confessionum loco sacrilegia & faciant & fieri ab aliis faciant, ministrisque ab Ezechiele memoratis annumerentur, qui consuunt pulvillos sub omni cubitu manus & cervicalia sub capite omnis aetatis: Unde per salsam hanc & exitiosam benignitatem evadunt pastores oves Domini sui jugulantes, medici agrotos populi sui occidentes, iudices turpiter adstantes, censores flagitia foventes, caeci gregem Domini dirigentes: Tales illos vidit exhorrescens nimium & prae dolore cordis veciferans Propheta Jeremias (q) *Heu! heu! Ventrem meum doleo, ventrem meum doleo! In domo Domini horrendum vidi! Pastores*

Domini sui oves jugulantes: melcos populi sui agrotos occidentes: iudices turpiter adstantes: censores flagitia foventes: caecos gregem Domini dirigentes. Num, O mei! oraculum expressius esse posset?

Reitat ultima dos Confessario omnino necessaria, nimirum Secretum sive Sigillum sacramentale. Nullum Confessarium latet, se ad perpetuum peccatorum in Confessione auditorum silentium & naturali & divino positivo & ecclesiastico praecepto obstringi, adeo ut nec directe nec indirecte in nullo plane casu violare illud, personam indicando, liceat; etiam si vita ipsa in discrimen veniat. Quod ad praeceptum naturale attinet; illud per se patet: Quod ad praeceptum divinum attinet; ejus rationem hanc avertit S. Thomas (r) *Praeceptum de Confessione celanda consequitur ipsum Sacramentum: Et ideo sicut praeceptum de Confessione sacramentali facienda est de jure divino, Et non potest aliqua dispensatione vel justificatione humano homini absolvi ab eo: ita nullus ad revelationem Confessionis, etsi ab homine cogi vel fieri auri.* Quod ad praeceptum Ecclesiasticum spectat; illud pluribus Canonibus proditur, quos hoc loco adducere haud opus.

Persuasissimum habeo, non esse Confessarium tam imprudentem, qui Sigillum Confessionis consulto violare unquam audeat; nisi aut summe impius aut infidelis aut stultus sit. Attamen fieri potest, ut Confessario quandoque indirecte ex inconsiderantia aut oblivione aut ob exiguam cautelam vel, quod de gestis nonnullis sermo fieri posse videatur, signum aliquod aut verbum memorato Sigillo nocivum excidat; qua in re multum sibi attendere Confessarii debent, praesertim dum de occurrentibus spinosis casibus alios consulunt: Curent igitur ab iis theologis consilium sibi petere, qui nulla ratione notitiam reorum accipere posse videntur; circa quod in locis angustis, in quibus omnes propemodum personae, earum artes, cognationes conditionesque noscuntur, majori cautione opus; cum ex illis is, qui consulitur, facile reas personas dignoscere possit. Unde si hoc Confessarius veretur nec

dis-

differre possit, donec alios consulat, adeat libros ac præcipue Deum, petens ab eo lumen, ut, quid sibi agendum sit, discat: Deum (inquam) qui humiliter invocantibus &, ut Sigillum inviolatum servant, aliter agere moraliter non valentibus deesse non solet.

Et quoniam inter alias causas, ob quas involabile hoc silentium Confessariis imponitur, etiam hæc numeratur, ut omnis difficultas ac molestia Confessioni detrahatur, eaque facilius ac levior reddatur: ob id cavere sibi Confessarius debet, ne vel ea revelet, quæ, quamvis peccata non sint, tamen aliquid dedecoris asserre poenitentibus eorumque exitimationem atterere possunt. Hinc Theologi communiter affirmant: peccare mortaliter eos Confessarios, qui naturalia vitia solius Confessionis ope cognita manifestant, e. g. hanc illamve personam parvi ingenii aut phantasie perversæ, timidam, tædiosam, scrupulosam, haud legitimo thoro natam esse. Similiter Sigillum Confessionis labefactatur, si quis de quodam Collegio, Nofodochio, Monasterio & similibus locis dicit: ibi regnare Venerem, discordias, vanitatem, inconvenientes amores aliaque. Si quis de urbecula aut alio augusto loco dicit: dominari ibi adulterii & furti aliaque vitia. Si quis post auditas eodem die Confessiones dicit: se nullum ferme absolvisse. Si quis post auditas paucarum foeminarum aut virorum Confessiones dicit: sibi hodie hunc vel illum casum occurrisse; quoniam fieri facile potest, ut aliquis, qui personas illas vidit, de persona rea conjecturam faciat. Infringunt præterea sacrum Sigillum ii Confessarii, qui aliis inspectantibus per corporis gestus aut nescio quem affectatum stuporem aut per certos in poenitentem impetus significant, se enormia audire: qui voce adeo alta utuntur, ut audi-

ri a circumstantibus possint. Omnes hæc & agendi & loquendi rationes Sigillo suo modo officiant & Confessionem odiosam reddunt. Unde qui sic se gerunt, nisi inconsiderantia mere accidentaliter excusentur, secundum communem Theologorum sententiam mortaliter peccant.

Post allatas & expositas boni Confessarii dotes sermonem hunc verbis Catechismi (§) Concilii Tridentini claudere juvat. Si percepistis, O mei! quibus dotibus præditus esse Confessarius debeat, ut muneri suo digne præsit: Si percepistis, quantum ad bonum summi salutis æternæ negotii exitum consequendum talem Confessarium invenisse conducatur: Si percepistis e contrario, unicuique hoc & momenti maximi negotium, si Confessarius officio suo deest, pro poenitente multis modis intricatum atque implicitum remanere: Si hæc (inquam) percepistis, conficite, quæso! quanto studio curare debeatis, ut Confessarium inveniat, in quo sive per experientiam sive ex vera aliorum relatione memoratas dotes inesse sciatis. Hinc nequaquam cuivis primum obvio Confessario vos committatis (præsertim si ex longo tempore confelli non estis, aut ejusmodi casibus gravamini, quæ sapientiam ac prudentiam sibi volunt, aut consuetudine peccati mortalis tenemini, aut occasione quadam impliciti vivilis, in qua Deum sæpe offenditis) Sed enim eum vobis Confessarium adoptate, qui memoratis dotibus, quantum fieri potest, ornatus sit: *Ex quo poterunt Fideles intelligere, cuius magno studio curandum esse, ut eum sibi sacerdotem deligat, quem vitæ integritas, doctrina, prudens judicium commendat; qui & quantum in eo officio, cui præest, ponderis ac momenti sit, quæ cuique scelerei poenæ conveniat, & qui vel solvendi vel ligandi sint, optime noverit.*



SER.

SERMO XLIII.

De fructibus bonæ Confessionis.

Quemadmodum quodvis Sacramentum, præter communes, suos speciales effectus habet; ita quoque hoc tam necessarium Pœnitentiæ Sacramentum animabus digne recipientibus effectus suos eosque meritum insignes affert. Jam sæpius vos, O mei! monui, Sacramentum hoc dici *Sacramentum mortuorum*, hoc est: institutum fuisse a Christo in gratiam animarum modo spiritali mortuorum per peccata mortalia, per quæ illæ supernaturalem gratiæ vitam amiserunt: quibus tamen, si debitis cum dispositionibus Sacramentum hoc suscipiunt, peccata omnia a Deo condonantur. Ecce vobis, O charissimi! primum Pœnitentiæ effectum, peccatorum scilicet mortalium omnium unaque poenarum infernalium illis debitaram remissionem Dixi *Peccatorum omnium*; nam Dominus peccatori non solum ea peccata, de quibus se accusavit, sed illa etiam omnia, quæ talia esse inculpabiliter ignorat aut etiam si norit, absque sua culpa non recordatur, dimittit, hoc solum obligationis imponens pœnitenti, ut, quando illa cognoverit aut eorum recordatus fuerit, se debito cum dolore de illis accuset. Jam quid vos, O mei! de primo hoc maximoque Sacramenti nostri effectu sentitis? Hunc ut aliquatenus comprehendatis, fingite subditi aliquem multis gravibusque injuriis Principis sui personam læsisse eaque re promeruisse, cur infami in theatridio poenis longe atrocissimis vivorum & numero expellatur: qui ob id ipsum per totum imperium profugus nullibi locorum securus lateat. Jam si graver læsus Princeps denunciaret: se perducti huic (si is humiliatus ac pœnitens, ad pedes alicujus ministri aulici provolutus, eidem omnia criminina adversus Principem commissa sincere dolenterque cum

firma illa amplius non iterandi protestatione confiteretur) se, inquam, perfido gratiam plenissimam facturum; nunquid miserum hunc istud denunciationis genus summi beneficii loco habiturum: nunquid illum humilis & dolentis confessionis hujus bonum effectum inter maximos reputaturum esse putatis? At hic, O mei! est casus noster, immo sine comparatione major & Fidei oraculis certus. Peccatores sunt miseri illi, qui æternum Principem nostrum, scilicet Deum nostrum, sæpius graviter offenderunt: digni sunt ob id æternis inferni suppliciis: ita perfidi isti Principis hujus summi dominio, quod in totam rerum universitatem patet, subjacent, ut angulus non sit, qui eosdem omnipotentis brachio ejus subtrahat, atque ob id infelices inferni in faucibus continuo hærent: instituit Princeps hic sanctum Pœnitentiæ Sacramentum, addito promisso, cuius ad sacrum tribunal animo dolenti & peccare amplius nolenti accessuro delictaque sua, ut ut maxime enormia, uni approbatorum ministrorum confessori remissionem peccatorum impertiendam, & sic consistentem hujus remissionis ope ab æterna insuper damnatione, peccando commerita, liberandum fore. Omnia hæc de Fide & omnino indubia sunt. Igitur si ille, quem finximus, reus confessionem suam per injuriarum Principi suo illatarum & suppliciorum iis promeritorum remissionem egregia quadam utilitate compensatam crederet; quanto magis reus fructum bonæ Confessionis sacramentalis pro inestimabili habere debemus, quanquidem illa pœnitenti peccatorum in Deum admissorum & poenarum infernalium illis meritaram veniam affert?

Neque vero credatis, O mei! Deum injurias sibi factas eo modo condonare, quo homi-

homines injurias sibi illatas condonare assueverunt: Nequaquam istud. Homines remittere injurias solent simpliciter declarando, se lædentibus ignoscere, eosque in pristinam amicitiam recipiendo; quin dans veniam boni quidquam animo ejus, cui ignoscit, asserat: Contra Deus peccatori peccata sua remittit infundendo animæ illius donum omnibus, quæ cogitari possunt, majus, scilicet gratiam suam, quæ est vera *Esse* divini participatio, hoc est: entitas supernaturalis animæ, quæ per remissionem peccatorum justificatur, infundi solita. Ita Fides per essatum S. Concilii Tridentini docet, in hæc verba statuentis: Quæ (gratia & charitas) in cordibus eorum per Spiritum sanctum diffunditur atque illis inhæret (a) Jam, O mei! nunquid vel me vel alium quenquam mortalium facundia tanta prædium esse putatis, ut magni hujus doni, per quod peccata a Deo dimittuntur, pretium atque magnitudinem explicare possimus? Absit, ut hoc vobis persuadeatis, O mei! nam quemadmodum nullus mortalis est, qui essentiam naturamque Dei Auctoris supernaturalis dicendo digne explanare possit; ita nullus existit, qui divinæ gratiæ pretium verbis complecti pro dignitate queat, quæ (Ut S. Thomas & Theologi omnes asserunt) *formalis est participatio naturæ divinæ*. Nihilominus aliqualem illius notitiam per argumenta *ab extrinseco* præbere vobis paro: quibus juvantibus quandam illius etiam haud dignam ideam animis formare possitis, ut eandem magis magisque aestimetis.

Ac primum quidem duo gratiæ genera distinguere debetis: unam *sanctificantem habitualem*; & hæc peccata remittit, animamque justam & facit & servat, quamdiu anima mortaliter peccando eam non expellit: aliam *auxiliantem actualem*, quæ animam ad susceptionem gratiæ sanctificantis præparat & in animam non inhæret sed transit, excitando animam ad actus bonos e. g. in hoc casu nostro, ad dolorem inmo (Ut minor dicam) ad solum desiderium doloris vel ad orationem pro obtinendo dolore &c. Et

P. Cunilia: Catechista.

(a) *Niss. 6. de justif. can. 11.*
11. can. 9. & 20.

(b) *Rom. 11.*

(c) *1. cap. 1.*

hæc gratia vulgo dicitur auxilium Dei. Ex his, O mei! duplicis hujus gratiæ discrimen & quanto major, præ gratia actuali & auxiliante, gratia habitualis ac sanctificans sit, dignoscite: Jam postquam discrimen hoc & quanto majoris dignitatis, præ gratia auxiliante, gratia sanctificans sit, didicistis; ulterius animos ad ea, quæ dicturus sum, advertite! Sciat is insuper velim, Fidei esse articulum, quod, quidquid boni, pulchri honestive in universo ordine mere naturali invenitur, illud omne ad unum solum horum supernaturalium auxiliorum (scilicet ad unam solum harum gratiarum actualium gratiæ habitualis sanctificantis præparatarum) promerendam haud utile esse possit: Hinc si quis omnibus moralibus veterum Philosophorum virtutibus aut bonis dotibus naturalibus, quæ in hominem cadere possunt, cunctis eluceat; tamen hoc omni perfectionum cumulo ornatus nullum meritum recipiendi minimam memoratarum gratiarum actualium auxiliantium, sive minimum auxilium supernaturale Dei, haberet; nam, ait S. Paulus, si auxilium istud Dei est gratia, utique præmium meriti alicujus esse non potest: Si gratia, jam non ex operibus; alioquin gratia jam non est gratia (b) Idem post Paulum S. Augustinus cum Patribus cunctis (c) nimirum gratiam Dei secundum merita nostra non dari, & post Paulum atque Augustinum Concilia (d) affirmant. Ex his consicite, O mei! quam magna res dici gratia habitualis & justificans debeat; cum non solum illius sed vel alicujus ex gratiis auxiliantibus, quæ ad illam priorem præparant, obtinendæ meritum nullum esse unquam possit: Unde & S. Petrus (e) Apostolus de gratia habituali mentionem faciens eam summi ac pretiosissimi doni vocabulo appellat: Per quem (Christum) maxima & pretiosa nobis promissa donavit, ut per hæc efficiamini divinæ consortes naturæ. Jam si gratia justificans primus est Sacramenti Penitentiae effectus, nunquid ille oppido dignus erit, qui & bene explicetur & maximi faciat?

M m

Jun-

(c) *Epist. 217.*

(d) *Conc. Arausic.*

Jungitur huic primo alius effectus Sacramenti Pœnitentiæ, nimirum quod illud nos filios adoptivos Dei constituit: Hoc ut bene intelligaris, O mei! sciendum est, quod ad adoptionem requiratur, ut adoptandus ejusdem cum adoptante essentia & naturæ sit. Sic nullus homo adoptat vel adoptavit unquam in filium suum bestiam aut animal: Quare istud? qui bestia, quoad essentiam & naturam, cum homine non convenit: Neque etiam Angelum homo adoptare sibi poterit, idque ob allatam causam; nimirum quia natura humana & angelica inter se non conveniunt: Hinc homo non nisi hominem adoptare poterit. Jam nos homines, secundum *Esse* nostrum vere naturæ spectati, sumus naturæ a natura Dei plane diversæ; hinc ex isto spectati sumus inhabiles adoptari in filios Dei. Quid igitur, putatis, requiritur, ut fiamus idonei ad sublimem hanc adoptionem? Requiritur, ut aliquo modo participes ipsius adeo divinæ naturæ efficiamur: At hoc maxime in justificatione, quæ bonam Confessionem consequitur, fit; nam dum per Confessionem gratia habitualis & justificans (quæ, uti dixi, participatio est naturæ divinæ: *Ut per hæc efficiamini divinæ consortes naturæ*) conceditur, ecce! evehimur ad excelsum filiorum Dei adoptivorum gradum. Unde S. Joannes Apostolus (f) obstupefcens, hominem justificationem ad tantam extolli dignitatem, exclamat: *Videte, qualem charitatem dedit nobis Pater, ut filii Dei nominemur & simus*. Quid ad ista vos, O mei! Quid ad ista sentitis? Nunquid oppido sublimis est bonæ Confessionis effectus hic, quo per gratiam, quam illa animæ assert, vere adoptivi filii Dei efficimur? Immo si ad sacrum tribunal accedens haud reus sit culparum mortalium, sed ex sola devotione illud frequentet, se Deo magis ac magis conjungit & novis vinculis optatissimam hanc maximique inomenti filicitatem adstringit.

Quo in loco factum Davidis, O mei! recogitemus, quod vobis magnum hunc bonæ Confessionis effectum tum evidentior

reddet tum nonni! il sancti oblectamenti afferebat. Nostis omnes (Credo) quomodo David ex simplici pastore ovium, Deo juvante, post victum ac decollatum gigantem Goliath inter servos & armatos Regis Saul cooptatus fuerit; quo in ordine ita fortiter se gessit, ut tribunus & præfectus mille hastatorum constitutus sit. addita conditione, ut, si continuatis victoriis Philistæorum, imperii Israelitici hostium, gentem atterere pergeret, filiam Regis primogenitam sponsam ferret: Tanta conditione stupefactus &, quanta esset generi Regis dignitas; contra pauperis pastoris, qualis paullo ante fuerat, indignitas, recogitans David respondit Sauli: *Quis ego sum, O Rex! aut quæ est vita mea aut cognatio patris mei in Israel, ut sàm gener Regis* (g) At quoniam Saul hæc omnia invidia stimulante fecerat, ut infontem præsentissimis vitæ periculis objiceret, promissis non stetit &, quam Davidi sponponderat, primogenitam alteri dedit: Nihilominus natu minorem filiam se ei in matrimonium concessurum esse promissit, si in alia expeditione bellica superior evaderet. Hinc aulici Regis ista Davidi referentes atque cohortantes dicebant: *Ecce places Regi & omnes servi ejus diligunt te; ergo esto gener Regis*. Quod non sine novo stupore audiens David ait: *Nunquid parum vobis videtur generum esse Regis? Ego autem sum vir pauper & tenuis*. Nihilominus sulciens expeditionem abiit, conflixit, vicit: unde Saulis filia in uxorem ducta gener ejus factus est.

Intelligitis ex hoc facto, O mei! quanta res esse in hoc seculo videatur, si quis de plebe homo ita sese paucorum annorum spatium extollat, ut ad ipsam regiam necessitudinem usque grassetur; adeo ut fortuna hæc tanta onnes in admirationem rapiat & neque incredibilis videatur; ille autem, cui ista fors contigerit, inter beatissimos computetur. Ah Fides! chara Fides! Nunquid vobis! O mei! duo hæc comparari inter se posse videntur? (*Esse generum Regis, & esse verum adoptivum Dei filium*) *ut filii Dei nominemur & simus*. Nequaquam profecto: Et si quis,

(f) 1. cap. 2.

(g) 1. Reg. 12.

quis, ut ad regiam propinquitatem evehat, labori nullo parceret (si eo pertingendi spem certam haberet) nec eis vitæ periculis, qualia & David subiit, sese subduceret; heus! quid non suscipiendum erit, ubi spes certa superat ad filieitatem divinam evadendi? . . . Et tamen, quam exiguo labore emi a nobis hæc dignitas potest? . . . Bona certe Confessione & recuperari filieitas hæc divina ab eo qui amittit, & adstringi fortius ab eo, qui retinuit, potest: *Nunquid parum vobis videtur, Filium esse Dei?* Quod si hoc non levis sed summa fors est omnium, quæ accidere homini possunt, quare illius obtinendæ remedium (bonam scilicet Confessionem) & tantæ fortunæ exortes tam diu differunt & tantæ fortunæ participes tam raro adhibent, ut eandem sibi certiores reddant.

Etenim sublimis hæc filieitas non sterile nomen est, sed enim eas utilitates affert, quas adoptio, inter homines fieri solita, affert: nimirum tribuit jus in bona patris adoptantis succedendi. Hinc a jurisperitis adoptio definitur *assumptio legalis personæ in filium &c. & hæredem*. Eodem modo divina hæc adoptio jus tribuit habendæ hæreditatis Patris cœlestis, scilicet beatitudinis æternæ; unde S. Paulus audacter pronuntiavit: *Si filii, & hæredes; hæredes quidem Dei, co-hæredes autem Christi* (h). Jam quæso, O mei! quid non in hoc seculo pro pingui hæreditate consequenda faciant ii, quibus illius obtinendæ spes adest? Quanta cum patientia sustinentur illi, penes quos est hæredis scribendi arbitrium atque facultas? Devoratur omnis molestia: dissimulatur omnis morositas: comprimuntur omnia animi studia: omnia incommoda tolerantur. Labores non fatigant, convicia non pungunt, aspera non mordent. Omnia adeundæ opimæ hæreditatis cogitatione levia, facilia immo & suavia redduntur: hæreditatis (inquam) quæ semper in ancipiti est, quando fieri (quod sæpius fit) potest, ut vel hæreditatem captans ante testator in morte occumbat vel licet sententiam mutet: nam ut barbaro quidem ad significanti vocabulo Le-

ges monent) *voluntas humana est ambulatoria*, in propositis etiam quam maxime firmis. Hæc tanta igitur, O mei! multorum annorum spatio & geruntur & tolerantur, ut tandem aliquot mille scutatorum hæreditas, eaque tam in fluxu & ancipiti posita, capiat. Non tanti jus hæreditatis æternæ venditur: Non tanta servitute, non tot laboribus atque angustiis; sed una bona Confessione opus, ut jus istud non habens accipiat, & habens sibi confirmet.

Sed non in hoc desinunt fructus bonæ Confessionis. Est alius præterea, qui animabus, postquam longo tempore in statu gratiæ ante peccatum mortale vixerunt, lapsis magnum asserre solatium debet: nimirum quod ope bonæ Confessionis merita, in statu gratiæ parata, recuperent & ad nova paranda idonea fiant. Quod ut bene intelligatis, animos vestros ad dicenda advertite. Ponite, Catholicorum quendam e. g. annorum spatio in gratia Dei ab omni peccato mortali liberum vivere: Hic si bona immo & indifferenter opera sua ad Dei gloriam amoreque refert, in omnibus illis actionibus novos meritorum, novosque gloriæ cœlestis gradus in Dei conspectu sibi acquirit: Fugite jam, hunc elapso isto decennio in peccatum mortale labi & (Quin vel perfecta contritione doleat vel bonam Confessionem peragat) in statu peccati mortalis unum annum ducere. Quid sit? Ecce! primum illa tota decennii spatio parata merita per subsequens peccatum lethale mortificata manent nihilque peccanti profunt, usquedum is vel actum perfectæ contritionis eliciat vel bonam Confessionem faciat: Et hinc si actum istum elicit aut bene constitetur, merita illa reviviscunt & jus præmii cœlestis recuperant. Secundo omnia opera bona, quæ facit illo anno, quo in peccato mortali permanet, pereunt, ita ut non habeant meritum vel jus præmii cœlestis, & ob eam rem dicuntur mortua, adeo ut, tamen si peccans per contritionem vel Confessionem statui gratiæ se restituat, opera illius anni nunquam reviviscant nec meritum vel jus præ-

M m 2

mii

(h) Rom. 8.

mii coelestis habere unquam possint: Et quanquam opera hæc bona peccatori eo prosint, ut a misericordia divina conversionis auxilia aut etiam bona temporalia ei impetrent, tamen nunquam habent meritum aut jus præmii coelestis: Atque ob hanc causam opera ista (Uti monui) *mortua* dicuntur, ut hac ratione distinguantur ab operibus spatio decem annorum factis, quæ non mortua sed enim *mo-tificata* dicuntur, hoc est: idonea, quæ reviviscant, si peccator gratiæ reviviscit: id quod de operibus anno, quo peccatum mortale in anima peccantis obtinuit, peractis dici nequit: quæ cum nunquam viva fuerint, utique reviviscere non possunt; nam, quod reviviscat, id prius vixisse supponitur: quod de operibus illo culpæ mortalis anno factis affirmari nequit. Hæc omnia, O mei! de Fide sunt, tradita in Scripturis sacris, a SS. Patribus & catholicis Theologis omnibus: Itaque si per bene factam Confessionem poenitens idoneus sit, ut & bonis, quæ facit, operibus mereatur & præteriti temporis merita, per peccatum subsequens mortificata, denuo recuperet; nunquid hoc pro insigni Confessionis fructu reputandum esse videtur?

Immo fieri quandoque potest, ut peccator animo dolenti confitens non solum merita prius parta omnia recuperet; sed & meritis ditior resurgat, scilicet ob intensiorem contritionis & vitæ, quam in posterum ducere statuit, serventioris rationem. Ita sentit S. Thomas (i) *Recuperat quandoque aliquid majus*: Explanat hoc mire S. Gregorius magnus (k) dicens: *Nonnunquam hi, qui se aliqua illicita egisse meminerunt, ex ipso suo dolore compuncti, nascuntur in anorem Dei seseque in magnis virtutibus exercent; cuncta desideria sancti certaminis appetunt; omnia mundi derelinquunt, honores fugiunt; acceptis contumeliis latantur; flagrant desiderio; ad caelestem patriam anhelant &, quia se errasse a Deo considerant, damna præcedentia lucris sequentibus compensant.* Hinc majus, pergit idem S. Doctor, de peccatore converso, *quam de stante iusto gaudium sit in celo; quia & dux in prælio*

eum militem plus diligit, qui post fugam reversus hostem fortiter premit, quam illum, qui nunquam terga præbuit & nunquam aliquid fortiter gressit: Sic agricola illam amplius terram amat, quæ post spinas uberes fruges profert, quam eam, quæ nunquam spinas & nunquam fertilem messem producit.

At hujus veritatis quodnam haberi evidentius argumentum poterit, quam parabola filii prodigi a Christo in Evangelio (l) allatam: Equidem (Ut verum fatear) nescio, si quæ alia cogitatio, inveniri queat, quæ ad profundendas lacrymas cor fidele vehementius commoveatur. Liceat ergo mihi parabolam illam saltem paucis commemorare: Nostis certe, indignum illum minorem natu Filium, immoderatis cupiditatibus suis satisfactorum, tam duro fuisse corde, ut se potestati patris amantissimi subtrahens in longinquas regiones abierit animi certus, domum paternam nunquam revisere, atque ibi facultates suas abigiriverit. Et disfluxit brevi opima portio, quam acceperat, per evitæ, quæ præ aliis rem, sanitatem, famam quin & vitam consumere solent: Hinc in extremam adactus necessitatem ne glandium quidem, quæ custoditæ a se porcorum gregi dabantur, ad famem malefam depellendam satis habuit. Unde ne omnino interiret, ædes paternas humili, sincero & compuncto corde repetere statuit, vocaturus se filium tam bono patre indignum atque ob id petiturus, ut tantum inter mercenarios illius annumeraretur. Et ecce! Vidit illum Deus noster) sensus filii poenitentis jam innotuerant, moræque impatiens per scalas obviam ei currens audita filii poenitentis, humiliati ac dolentis confessione: *Pater! peccavi in celum & coram te: non sum dignus vocari filius tuus: fac me sicut unum de mercenariis tuis, his (inquam) auditis Pater amantissimus apertis ulnis in amplexus respicientis ruit, pectori eum suo adstringit, dulciaque figens oscula vestem pretiosam, qua indueretur, & annulum miri fulgoris digito ejus inferendum asserri lautumque*

con-

(i) 3. q. 4. 29. & 31.

(k) Homil. 21. in Evang.

(l) Luc. 15.

convivium, cui nec suaves symphoniae nec lætorum carminum sonus deesset, instrui jubet, adeo ut superveniens primogenitus in admirationem traheretur; Unde causam tantæ lætitiæ inquirens responsum accepit, hæc omnia a Patre amantissimo ob dilecti filii, qui perierat, reditum decreta fuisse. Ecce! quomodo Deus, Pater noster amantissimus, sincere de peccatis suis dolentes excipiat? Neque hoc, O mei! aut inventum nostrum aut ficta a nobis hypothesis, sed enim documentum est ex ipso Christi ore profectum, qui optime novit, quibus modis a se Patreque suo æterno peccatores recipiunt. Ecce! quomodo redeunti Nato non solum amissum jus filii, non solum priora merita reddita; sed & nova insolita atque extraordinaria dona addita sint, ut nos intelligeremus, sic Deum agere cum poenitentibus, qui per doloris sui intentionem quandoque plura recuperant, quam perdidierunt.

Transeamus, si lubet, ad postremum bonæ Confessionis effectum, qui ipse pax conscientiae & animi tranquillitas est. *Nemo est, ait S. Augustinus (m) qui non vult pacem. . . Interroga omnes homines: Vultis pacem? Uno ore tibi respondet totum genus humanum: Opto, cupio, volo, amo.* Verum, quoniam peccatores in expletionem suarum cupiditatum eam quaerunt, ob id illam non tam inveniunt, quam a se multo longissime removeant: Ad rei hujus confirmationem vos tantum vestramque ipsorum experientiam antestari opus. Edicite, O mei! quas turbas, quas animi angustias non sensitis positi in statu peccati mortalis? quoties conscientiae exprobandis vocem audistis, dicentis: Potes ex improviso mori; & si hoc tibi accidat, æternum peristi. Hæc audiebatis & operantes & comedentes & euntes cubitum & nonnunquam etiam peccantes. Et quomodo pacem habere poteratis, cum ad latera vestra carnificem, qui vos torqueret, jugiter habueritis? Neque dicatis mihi: vos talibus conscientiae stimulis aut raro aut nunquam exagitatos fuisse; nam si istud ex ve-

ro dicitis, multum salutis vestrae metuo. Igitur quando invenistis pacem & tranquillitatem animi? Nonne tunc, quando bonam Confessionem peregistis? Nonne tunc, quando animo vere contrito & dolenti ad pedes sacri ministri peccata vestra deposuistis certissimum vobis habentes, illa amplius non renovare: Hinc & vos cum Propheta dicere poteratis, ex verbis labiorum vestrorum pulcherrimum pacis fructum ad mentes vestras rediisse: *Et creavi fructum labiorum, pacem (n)* Quod si hunc fructum vestris ex Confessionibus non percepistis, magnopere (Ut dicam quod sentio) vereor, ne illas requisitis & sermone XL. ac XLI. expositis conditionibus fuerint destitutæ; cum fieri moraliter loquendo non possit, ut Confessionem, quæ debito modo peragitur & bonitatem de statu peccati ad statum justitiæ reducit, hic pacis internæ fructus non consequatur.

Opportune hoc in loco se denuo ingerit S. Augustinus, dicens: *Audistis illud Psalmi LXXXIV. Justitia & pax osculatæ sunt? Amant enim se duo ista, Justitia & Pax, & osculantur se, ut qui fecerit justitiam, inveniat pacem osculantem justitiam. Tu forte unam vis, & alteram non facis. . . Si amicam pacis non amaveris, non te amabit ipsa pax nec veniet ad te. . . Quivis malus desiderat pacem; bona enim res est pax: sed fac justitiam, quia justitia & pax se osculantur, non litigant. . . Tu quare litigas cum justitia? Ecce! justitia dicit tibi: Ne furaris, ne adultereris; & non vis audire. Non facias alteri, quod tu pati non vis; non dicas alteri, quod & tibi dici non vis. Inimicus et amica mea, dicit tibi pax, quid me quaeris? Amica sum justitiæ, quemcumque invenero inimicum amica mea, non ad illum accedo. Vis ergo venire ad pacem, fac justitiam. Tam itaque verum est, pacem esse effectum status justitiæ, ut sine hoc nunquam, nunquam plane vera animi pax haberi possit: Non solum S. Augustinus & cum illo Patres sancti omnes istud tenent, sed & literaliter oraculo Propheta (o) Isaïas declaravit: *Et erit opus justitiæ, pax.**

M m 3

At

(m) In Psal. 8.

(n) Isai. 57.


(o) cap. 32.

At si bona Confessio hominem statui iustitiæ & gratiæ restituit, utique simul animam statui tranquillitatis reddit: Et hic est optatissimus Confessionis fructus.

Verum, ut pax hæc in animabus nostris perduret, una per annum Confessio laud præstabit: Nimis multis tum exterioribus tum interioribus insidiis exposita est, eheu! fragilitas humana, quibus capta e statu iustitiæ, unaque e statu tranquillitatis rursum excidat! Itaque quisquis servare incolumem pacem illam internam voluerit, sæpius sacro Pœnitentiæ Sacramento utatur. Ne Confessionem tamdiu differatis, O mei! donec de statu hoc beatissimo defeceritis: prævenite illius amittendi pericula; id quod fieri meliori atque efficaciori remedio, quam frequenti bona Confessione, non potest; hoc enim remedio anima in statu iustitiæ & gratiæ magis ac magis confirmatur: quæ duo, nimirum iustitia & gratia, cum per Sacramentum semper augeantur, una simul homo vires ac robur accipit, quibus tentationes occurrentes repellat, occasiones peccati sugiat, inimicos de felicissimo gratiæ statu de-

turbare se conantes devincat. Ipsi nostis, O mei! quod a peccatis mortalibus & pacis illius internæ amissione vos tum maxime servaveritis, cum bonæ Confessionis remedium sæpius adhibuistis: Nostis item, quod a gratia Dei & pace illa citius seriusve aberraveritis pro eo, ut Confessionem longius breviusve distulistis. Itaque, O charè! ut te verbis S. Spiritus adhorter, *ante languorem adhibe medicinam* (p) Quid? dices; Medicina non nisi ab ægrotante sumitur. Recte ais, O suavissime! si medicina ejus tantum generis sit, quæ corpus purget & malum tollat. At si ita quoque comparata est, ut etiam a morbo præservet & mala longe arceat, moderate etiam a sanis hauritur. Itaque replicare juvat: Sacramentum Pœnitentiæ debito modo susceptum & sanata mala præsentia & moderate, quantum sapiens confessorius iusserit, adhibitum absentia repellit. *Ante languorem adhibe medicinam*, & una cum confirmatione pacis internæ reliquos a me explicatos fructus omnes percipies.

(p) *Ecli. 18.*



SERMO XLIV.

De Sacramentis Unctionis extremæ & Ordinis.

Merito post Sacramentum Pœnitentiæ in Sacramentorum serie Sacramentum Unctionis extremæ ponitur; quoniam & ipsum eo spectat, ut anima a peccatis purgetur: id quod modo videbimus.

Fuit Sacramentum hoc teste S. Concilio Tridentino (a) a Christo præmonstratum, quando Apostoli eo iubente, uti refert S. Marcus (b) *multos infirmos ungebant oleo & sanabunt*: iustitutum vero post resurrectionem

illo quadraginta dierum, quibus ante ascensum ad cælos cum Discipulis suis Dominus commemoratus est, spatio: Primus subin illud promulgavit S. Jacobus Apostolus in sua canonica epistola (c) uti sapientissime monet laudatum Concilium, in qua ait: *Infirmatur quis in vobis, inducat presbyteros Ecclesiæ & orent super eum unguens eum oleo in nomine Domini: Et oratio fidei salvabit infirmum, & si in peccatis sit, remittentur ei*. Quibus verbis omnes conditiones ad verum Sacra-

mentum

(a) *Scilicet*: 4. c. 1.

(b) *cap. 6.*

(c) *cap. 5.*

mentum requisitas ab Apostolo indicatas fuisse, idem Concilium observat; nimirum signum sensibile, scilicet Unctionem sacram: dein promissionem gratiæ, siquidem digne recipitur: *E si in peccatis sit, remittentur ei;* quod fieri nisi per infusionem gratiæ non potest: denique institutionem a Christo factam; quia solus Deus-homo instituire signa, ad quorum usum gratia conferatur (Uti Sermone XXXI. monui) potest. Hinc Unctio extrema perpetua quadam Traditione ex consensu SS. Patrum omnium, quos adversus Hæreticos Sacramentum hoc negantes Theologi adducere consueverunt, pro vero Sacramento agnita fuit; quam veritatem Concilium quoque Tridentinum his verbis definivit (d) *Si quis dixerit: Unctionem extremam non esse vere & proprie Sacramentum a Christo Domino nostro institutum & a B. Jacobo Apostolo promulgatum sed ritum acceptum a Patribus aut signum humanum, anathema sit.*

Ex his omnibus conficitur, materiam remotam hujus Sacramenti esse oleum olivæ, quo effectus in anima per hoc Sacramentum produci soliti (De his paulo post dicemus) denotantur: materiam proximam vero esse unctionem ipsam. Forma Sacramenti sunt paucae illæ preces, quas sacerdos, dum inungit, recitat. Oleum non ex necessitate Sacramenti, sed solum ex præcepto catholicæ Ecclesiæ esse benedictum, & quidem pro consuetudine Ecclesiæ occidentalis ab Episcopo benedictum esse debet. Dixi: pro consuetudine Ecclesiæ occidentalis; nam in Ecclesia orientali a sacerdote in administratione oleum benedicitur, qui ritus a Pontifice Clemente VIII. approbatus fuit (e) Unctio sacra in Ecclesia occidentali fit in quinque sensibus corporis secundum Sacramentale S. Gregorii Magni. Secundum varia Ritualia additur & pedum unctio, nec non renum in viris; quam tamen in foeminis honestas christiana prohibet: Hinc quilibet Ecclesiæ suæ morem servare debet. Monet tamen S. Thomas, unctionem quinque sensuum ab omnibus observari quasi de

necessitate Sacramenti; quia quinque sensus prima omnium peccatorum origo sunt: *Ideo illa unctio ab omnibus observatur, quæ fit ad quinque sensus, quasi de necessitate Sacramenti* (f) quod tamen accipi de illis casibus debet, in quibus sat temporis adest, & istud heri moraliter potest; nam si metus est, ne tempus deficiat, aut ob allam gravem causam istud fieri moraliter non potest, sufficit frontem aut sensum corporis magis obvium inungere addendo formam, quæ in unctione cujuslibet sensus adhibetur: Exempli gratia, cum forma consueta sit: *Per istam sanctam Unctionem & suam piissimam misericordiam indulgeat tibi Deus quidquid per visum* (Et sic de reliquis sensibus dicitur) *deliquisti:* In tali casu dici poterit: *quidquid per visum, odoratum, auditum &c.*

Jam de effectibus hujus Sacramenti agamus, quorum, ut (g) Catechismus Concilii Tridentini notat, quinque sunt: Primus est remissio peccatorum venialium: *Inprimis quidem leviora &, ut communi nomine appellantur, venialia remittit.* Secundo liberat animam a spirituali illo languore erga bonum, quem in ea peccata præterita reliquerunt; nam cum homo nihil plus morte metuat, & Sacramentum hoc eo tempore, quo mors hominem aut jam invasit aut invasura creditur, conferri soleat; sit, ut anima peccatorum admisorum recordatione non parum turbetur, quippe videns se in eo esse, ut Deo rationem vitæ actæ agat: Hinc metu quandoque superfluo & aliis peccatorum præteritorum reliquiis haud parum debilitari se sentit. Jam vero Sacramentum hoc animam a languore & infirmitate, quam ex peccatis contraxit, & a ceteris omnibus reliquiis liberat pique ac sancta lætitia perfundit; qua timores illi ac perturbationes sopiantur: *Ut igitur hac sollicitudine Fidelium mentes liberentur, animusque pio & sancto gaudio repleatur, Unctionis extrema efficit Sacramentum.* Tertia animæ vires addit, ut morbi incommoda animose sustineat: *Incommoda morbi levius ferat.* Quarto animam adversus temptationes & insidias diaboli, siquidem Deus

(d) Sess. 14. can. 7.

(e) Instr. ad Episc. Latin.

(f) 2. Sent. dist. 23. a. 3. q. 2.

(g) Part. 2. a. 6. n. 14.

ei hominem in illis angustiis adoriri permittat, roborat singularem divinæ misericordiæ fiduciam excitando: *Alluvatur & erigitur animus divinæ bonitatis spe, etque confirmatur... ipsius demonis, calcaneo insipientis, artes & cellitatem facilius eludit.* Unde observandum, hoc Sacramentum a SS. Patribus appellari *Sacramentum spei*. Quinto etiam corpori sanitatem, si animæ expedierit, refert: *Sanitas interduum corporis, ubi saluti anima expedierit, consequitur.*

Minister hujus Sacramenti est sacerdos, prout diserte S. Jacobus in memorata Epistola sua monet; verum ex præscripto Ecclesiæ nullus licite illud administrat, nisi parochus aut a paroco destinatus sacerdos: Ita citatus Catechismus (h). Et quamquam laudabile sit, si ægrotum plures sacerdotes hic in uno, ille in alio corporis sensu inungant; tamen hoc nec pro licita nec pro valida Sacramenti administratione necessarium est, cum unus sacerdos sufficiat inonente S. Thoma (i) *Si tamen unus solus presbyter adfit, intelligitur hoc Sacramentum perficere in virtute totius Ecclesiæ, cujus minister existit & cujus personam gerit.*

Subjectus hujus Sacramenti, cui Unctio extrema confertur, est infirmus gravior decumbens aut mortis periculo allinis; uti docet Concilium Tridentinum (k) *Esse hanc Unctionem infirmis adhibendam, illis profectim, qui tam periculose decumbunt, ut in exitu vita consilium videantur, observans præterea, hanc Unctionem a multis Patribus Sacramentum extremum appellari.* Atque hoc in loco silentio præteriri haud debet salus aior, quo moti propinqui ægrotantium, ut ne illos tacita vicinæ mortis annuntiatione contristerent, omnibus modis satagunt, ut parochus infirmis Unctionem extremam disserat; qua re quandoque efficitur, ut illi absque hoc Sacramento decedant. Fit istud ex defectu cognitionis, pietatis & veri in cognatum amoris: Ex defectu cognitionis; quia tales nesciunt, inter alios hujus Sacramenti effectus etiam sanitatis corporalis restitutionem (quod monui) annumerari: *Oratio si-*

det salvabit infirmum; Non mortem, O mei! non mortem sanctum hoc Sacramentum sed sanitatem (nisi animæ salus aliter jussit) accelerat. Novi quid respondere consueverint? Ajunt, ob id differri, quantum fieri potest, Sacramentum, ne infirmi tristitia augeatur; At nunquid audistis, infirmum per illud allevari? Et allevabit eum Dominus. Equidem non volo, Sacramentum hoc nullo imminente vitæ periculo conferri debere (quamvis primis temporibus statim initio morbi conferri consueverit eum maxime in finem, ut illius ope amissa valetudo recuperaretur) at nec tandiu expectandum esse affirmo, donec periculum ita crescat, ut infirmus in discrimen absque hoc Sacramento decedendi adducatur. Immo sunt quandoque propinqui parum adeo pii, ut infirmum Unctionem extremam ultro sibi petentem a sancto proposito abducant dicendo: Non tam gravem esse morbi vim. Opponent hi tales: Pater! hoc ut dicamus, noster in propinquum amor facit. Ah! quis iste, quem jactatis, amor? Huncine, O mei! verum amorem dicitis? Verus amor primo loco spiritualia bona amato optat & hæc ei certa reddere studet. Hinc nunquam, O charissimi! nunquam obstitite paroco, administrare Sacramentum hoc volenti, multoque minus infirmo devote sibi illud administrari postulanti. Quin potius curate, ut infirmus, dum adhuc sana mente est, illud recipiat, quo hac ratione ad illud fructuose suscipiendum præparare sese & peccatorum per abutum quinque sensuum commissorum veniam perere a Deo possit; Namque si illud mente alienata suscipit (Si in gratiæ statu est) effectum quidem Sacramenti accipit; at multo majori cum fructu illud reciperet, si veri de peccatis suis doloris actu sese eo præpararet & sacras unctiones piis affectibus prosequeretur. Multa provincialia Concilia & S. Carolus Borromæus quoque in suis *Instructionibus* istud præceperunt: *Ministrabit autem, dum ager integris sensibus est.* Percipite factum historicum oppido insigne, quod de hoc argumento duo graves Scriptores re-

fe-

(h) Loc. cit. n. 27.

(i) Lib. 4. contra Gensil. l. 73.

(k) Sess. 14. c. 2.

ferunt (1) Incidit in gravem morbum miles quidem ceteroquin sat christiane sentiens, & receptis multa cum pietate Pœnitentiæ atque Eucharistiæ Sacramentis volebat etiam Unctionis extremæ Sacramentum suscipere. At uxor illius verita, ne vir nimium contristaretur, omnibus modis fategit, ut hæc moribundo disserretur; verum in agoniam adducto & usu sensuum carenti tandem administrata est: Jacuit exin ægrotus mortui ad miliar sex horarum spatio; quibus elapsis recuperato sensuum usu conversus ad uxorem dixit: O ingrata! multum mihi officisti impediens, ne, dum sana mente fui, sacro oleo inungerer; nam si illud integris sensibus accepissem, ob bonos, quos elicissem, actus, 30. tantum dies Purgatorii flammis addictus fuisset; nunc autem, quod inficiens Sacramentum susceperim, septem annos ibi manere debeo, & nisi Religiosorum horum virorum, qui me multo cum devotione Deo commendarunt, precibus adjutus fuisset, 30. annos ibi morari debuissem: Atque ob eam rem tu in pœnam dilationis, a te electæ, toto vitæ reliquo tempore paralytica jacebis; quibus dictis animam Deo reddidit, uxore paulo post resolutione nervorum labore incipiente; ex qua decumbere non cessavit, donec & ipsa vitam pia morte clausit. Intelligitis ex hoc, O suavissimi! quantum & displiceat Deo & officiat animabus hujus Sacramenti sensibus non integris recepto, si mente sana recipi posset: & quam exitiosus sit falsus propinquorum amor, Sacramenti hujus susceptionem tandiu retardantium, donec ab infirmo, nihil eorum quæ secum geruntur, scientie suscipi debet. Curate itaque, O mei! ut infirmi Sacramentum hoc tempestive recipiant.

Ex sententia S. Thomæ, cui multi Theologorum subscriperunt, iterari potest Unctio extrema, si morbus decreverit, adeo ut relapsus novi mali speciem habeat (2) Quædam ergo infirmitates non sunt diuturnæ; unde si in eis datur hoc Sacramentum, tunc cum homo ad illum statum perveniat, ut sit in periculo

P. Cunctiati Crutchfield.

(1) Jo. Herold & Nic. Dionysius in GERMANIA PRÆDICANTUM tract. 2. p. 2.

(2) 2. 2. 2. 4. 2.

(3) Ant. de Gouss in VITA S. JOHANNIS DE URSO c. 42.

mortis, non recedit a statu illo, nisi infirmitate curata: & iterum non debet inungi; sed si recidivum patiar, erit alia infirmitas, & poterit fieri alia inunctio. Quædam vero sunt ægritudines diuturnæ, ut hellica & hydropisis & hujusmodi; & in talibus non debet fieri inunctio, nisi quando videntur perducere ad periculum mortis; & si homo illum articulum evadat, eadem infirmitate durante & iterum ad similem statum per illam infirmitatem reducatur, iterum potest inungi; quia jam est quasi alius infirmitatis status, quamvis non sit alia infirmitas simpliciter.

Dicit aliquis: At certum est, Pater! Sacramentum hoc, secundum S. Thomæ & Theologorum opinionem, ad salutem necessarium non esse; unde sine vitæ æternæ jactura omitti potest. Novi equidem, O charè! Sacramentum hoc ad salutem necessarium non esse; verum etiam illud novi, quod, quisquis hoc Sacramentum suscipere consulto omittit, is illud parvi facere videatur, animumque male dispositum, & tacitum seu implicitum contemptum prodat: Hinc tum ægrotus tum is, qui ægroto adfuit, graviter peccant, si sacram Unctionem de industria prætermittunt: tum ob scandalum, quod inde Fidelibus datur, tum ob ipsius Sacramenti neglectum. Ita Theologi communiter tenent, nec alius, quam in materiis theologicis omnino peregrinus, absolvere potest ægrotum, qui cum plena deliberatione Oleo sancto inungi noluerit. Percipite aliud factum insigne, quod S. Joanni de Deo accidit, & a gravi vitæ ejus scriptore narratur (3). Nofodochii sui curam peramanter gerens S. Joannes de Deo dederat in mandatis, ut cuidam ex infirmis suis Unctio extrema administraretur; quod morbus mortem haud longe abesse ostenderet. At æger credens mali vim tantam haud esse monuit eos, qui administrationem Sacramenti urgebant: Ne adeo festinarent; nondum se in eum, quem crederent, statum redactum esse; quod si res jam eo rediisset, utique se ultro sacram Unctionem sibi petitorum fuisse. Accepiverunt illi in sententia ægrotantis &

N n

quo-

quoniam vir Sanctus, cui forsitan Dei instinctu vicina infirmi mors innotuerat, a Noso-
dochio aberat, Unctionem extremam distu-
lerunt. At æger paulo post, non recepto
Sacramento, obiit: Redux domum S. Joannes
de Deo atque infirmum sine Unctione
extrema, quam nosocomi tempore magis
opportuno eidem dandam speraverant, e vi-
vis abiisse comperiens indoluit & haud du-
bie mortuum Deo commendavit: Postea Vi-
ro sancto cum fratribus iusta defuncto ex
consuetudine sanctæ Ecclesiæ persolvante,
erigens se mortuus & de seretro ad Joannem
conversus alta ac omnibus audita voce di-
xit: Pater pauperum! quia Unctionem ex-
tremam, uti iusseras, suscipere neglexi, si-
ne illa ad vitam alterius seculi pergens a di-
vina iustitia Purgatorii pœnis in annos 120.
addictus fui; quo dicto se denuo in loculum
reclinavit. Cogitate, O mei! quis pavor
ad verba ista omnes cepit, & quantum vir
Sanctus omnes, maxime fratres suos, co-
hortatus fuerit: Curarent sollicite, ne quis
suorum infirmorum sine Unctione extrema
decederet. Quod si vero is, qui recipere
volens Sacramentum hoc illius solum susce-
ptionem distulit, quod se morti tam propin-
quum haud esse sibi persuaserit, Dei offen-
sionem tantam incurrit, ut in tam diuturna
supplicia damnatus sit; cogitate, O mei!
quibus pœnis dignum se reddat is, qui Sa-
cramentum hoc recipere ultro noluerit? Ita-
que, O mei! primum de nobis ipsis solliciti
sumus, ut, sicubi nobis Deus ejusmodi vi-
tæ exitum benigne concesserit, in quo susci-
piendæ Unctionis extremæ tempus habituri
sumus, ut (inquam) illam integris adhuc-
dum sensibus recipiamus; cum ob memora-
tas causas major semper in præveniendi
quam differendo utilitas sit. Deinde etiam
de propinquis nostris solliciti sumus &, ut il-
lo quoque Sacramentum hoc accipiant, cure-
mus, quin insulis illis rationibus, quibus
multi agi se sinunt, aures præbeamus: &
ea animæ præsidia omnia tum nobis tum
nostris providere studeamus, quæ cum sem-

per utilia, tum illo maxime tempore neces-
saria sunt.

Post Sacramentum Unctionis extremæ
recensetur Sacramentum Ordinis. Verum
quoniam tum catechetici hi sermones mei
eo maxime spectant, ut minus docti & lai-
ci erudiantur: tum ea, quæ de hoc Sacra-
mento dicenda sunt, ad solos viros ecclesia-
sticos (quorum non tam legere quam com-
ponere Catechismos est) pertinent, ob id
ipsis ultro relinquens, ut libros theologicos
ac morales adeant, ex quibus, quid mu-
neris sui sit, intelligant, hic in epilogo non-
nulla de hoc Sacramento dicam: subin ve-
ro nonnulla lectori erudiendo magis apta &
his, qui ad sacros Ordines vel aspirant vel
iisdem initati sunt, utilia in medium addu-
cam.

Ordinem verum esse novæ legis Sacra-
mentum a Christo institutum, Fidei est ar-
ticulus definitus a sacro Concilio Tridentino
(o) *Si quis dixerit: Ordinem sive sacram
ordinationem non esse vere & proprie Sacra-
mentum a Christo Domino institutum . . . an-
athema sit.* Ordo dividitur quasi in septem
membra, quorum priora tria (scilicet Pres-
byteratus sive Sacerdotium, Diaconatus &
Subdiaconatus) majores Ordines: quatuor
reliqua (nimirum Acolythatus, Exorcizatus,
Lectoratus & Ostiariatus) minores Ordines
dicuntur: Qui Ordines pro eo digniores sunt,
ut propius ad ultimum Ordinem, videlicet
Sacerdotium, accedunt; nam quoniam omnes
suis quasi gradibus distinguuntur, pro eo ut
plus minusve ad formationem & sacrificium
Eucharistiæ attingunt; ob id, cum a Sacer-
dotio tanquam supremo Ordine deriventur,
gradatim in minus vergunt: ut illos supe-
rius suo ordine recensui. Et quamvis sep-
tem Ordines sint, ob id non septem Sacra-
menta sed unum solum Sacramentum con-
stituunt; cum omnes ordines, quasi partes
quædam unum totum componentes, sint,
cujus cumulus & meta Sacerdotium existit:
cui ceu termino suo reliqui ex sua natura
subordinantur. Unde S. Thomas (p) *Tota
pleni-*

(o) *Seff. 23. can. 3.* (p) *4. Sent. dist. 24. q. 2. a. 1. q. 1.*

plenitudo hujus Sacramenti est in uno Ordine scilicet Sacerdotio, sed in aliis est quædam participatio Ordinis . . . & ideo omnes Ordines sunt unum Sacramentum.

Quatuor Minores non esse Ordines sacros, attamen res sacras certum est & a Theologis omnibus receptum: Quod autem etiam ipsi sint Sacramenta, communis fuit Theologorum veterum doctrina, quam S. Thomas & post hunc multi alii adnuerunt; quibus tamen haud pauci graves & doctissimi temporum posteriorum Theologi post Cajetanum & Sotum aliosque plures contradicunt, qui illos pro gradibus ecclesiasticis cana vetustate consecratis agnoscunt quidem (utpote quorum diversa mentio in *Epist. S. Cornelii Papæ & Martyris ad Felicem Antiochenum* sit) veruntamen vera Sacramenta esse pernegant; cum Tridentinum Concilium hac de re nihil deciderit. Subdiaconatus post seculum VI. sacris Ordinibus annumerari coepit propter solenne votum castitatis, quod eidem ab Ecclesia annexum fuit; cum prius inter Minores computatus fuerit: Nonnihil tamen temporis interfluxit, donec inter Ordines sacros universaliter adscriptus fuit. Diaconatus semper pro Ordine sacro habitus fuit, uti ex *Actibus Apostolorum* colligitur: Diaconis dispensatio sanguinis Christi calice contenti (q) usque adeo a temporibus a nostra memoria remotissimis commissa esse reperitur. Sacerdotium denique & Ordinem sacrum & Sacramentum Ordinis esse, negari haud potest; nam si Sacramentum Ordinis datur, id dici ad minimum de Sacerdotio debet, quamvis & de Diaconatu dubitandum haud sit; quippe in cujus collatione manus imponi solent, quod si quædam sacramentale est; & Concilium Charaginense IV. cap. 4. affirmat: *Diaconum consecrari per impositionem manus Episcopi*. Huic Concilio S. Augustinus quoque interfuit, & illud sæpe a Concilio Tridentino laudatur: Præterea in ordinatione Diaconorum ait Episcopus: *Accipe Spiritum sanctum &c.* quibus verbis gratiam S. Spiritus conferri ostenditur.

Sacramentum Ordinis recipi in statu gratiæ debet, ne sacrilegium admittatur; quia Sacramentum vivorum est.

Quod ad materias, ad formas & ad ministrum Sacramenti Ordinis pertinet; Ordinantes & Ordinandi ex libris hoc argumentum tractantibus intelligant, quæ suæ partes sint; cum ista a proposito meo nimis abhorreant, quippe qui non docere Examinandos, sed populo Fidelium officia sua ostendere decrevi. Hinc magis ad rem fore existimo, nonnulla monere illos, qui statum clericalem amplecti temere ac casu statuerunt, & eisdem conditiones exponere eo requisitas, ut quis bonus clericus evadat ac permaneat.

Prima conditio, quæ forsitan minimum attenditur, utut omnium prima ac præcipua sit, quippe e qua ut plurimum reliqua omnia fluunt, est divina ad hunc statum Vocatio: Hoc caput ac summa magni illius operis, quale est electio status vitæ perpetuo ducendæ, ut quis, ait S. Zeno vetulissimus & doctissimus Episcopus (r) *ejus noverit voluntatem, sine qua ei nec legitime servire poterit nec placere*. Quis, O mei! Quis, obsecro! non vocatus a Rege Viris se aulicis commiscere & ministerium quoddam sibi ultro sumere audet? An temerarium hunc benigne a Rege excipiendum, & non potius ob prævidentiam atque audaciam suam severe castigandum vel ad minimum acri objurigatione fastidioso expellendum fore putatis? Hoc ipsum, O mei! de iis fœntatis velim, quotquot in aulam Regis cœlestis hic in terris manentem, scilicet in Ecclesiam, ingerere sese atque intrudere audent. Eo ut quis legitime intret, vocatus esse a Deo debet; quæ vocatio momente Catechismo Concilii Tridentini (s) sive ex invitatione ministrorum Dei, nimirum Episcoporum & Parochorum eos, quos ad statum ecclesiasticum idoneos esse in conscientia credunt, vocantium (*Vocari autem a Deo dicuntur, qui a legitimis Ecclesiæ ministris vocantur*) sive ex interno stabili instinctu, cum doctis, piis

N n 2

ac

(q) Morinus p. 1. de SS. Ordinib. exerc. 12. & Card. Bona l. 1. Rer. Liturg. c. 25.

(r) Serm. 2. de Nativ. Christi,

(s) p. 2. c. 7. n. 3.

ac sapientibus Viris accurata penſitatione explorato, colligitur.

Hæc origo, O mei! hic maxime ſons eſt omnium malorum ac ſcandalorum, quæ identidem jam de hoc, jam de illo clerico audiuntur: nimirum quia in Eccleſiam intrarunt, non a Deo ſed ab inopia, ut haberent quo vitam tolerarent: ſive a vanitate, ut nomen ſibi facerent: ſive a neceſſitate, qua tenebantur, familiæ ſuæ ſuccurrendi eamque dconerandi: ſive ab ambitione, qua acti ſublimiores dignitates affectarunt: ſive ſtudio, quo ducebantur, vitæ commodius agenda: aut aliis temporalibus ſinibus vocati. Et novi ego nonnullos, qui ordinem clericalem amplectendo in ſpectabant, ut immoderatas animorum ſuorum affectiones tutius explere poſſent. Ah fines indignos! fines, qui non vocationem Dei ſed inſpirationem diaboli produnt! fines, quos illa vitæ improbitas & morum diſſolutio conſequi ſolent, quibus non Catholici ſolum ſed & inimici Eccleſiæ offenduntur!

Profecto, ait S. Bernardus (t) vel certe Gaufridus Abbas Clarævalleſis, hic parvulo adhuc aut forſitan necdum nato eccleſiaſtica jam beneficia provida ſane parentum ſollicitudo paravit: Dicebant: Hanc nos illi vel illi trademus Epifcopo, apud quoniam habemus gratiæ locum, aut cui forte ſervivimus, ut dicitur de bonis Domini, nec in tot liberos noſtra dividatur hæreditas. Pergit: Illum Præpoſitus, ut ſibi ſuccederet, plus quam materne educavit affectu in deliciis emetriens & delictis. Alius, ceteris deſtitutus ſubſidiis, undique circuit ſedulus explorator, blanditur, obſequitur, ſimulat & diſſimulat, miſeraque ſibi ſuſſragia mendicare non erubeſcit manibus & pedibus repens, ſi quo modo tandem aliquando ſeſe ingerere queat in patrimonium Crucifixi & in bona Domini, quæ ſola ex omnibus hodie inveniuntur expoſita. Subdit: Si eo quarit animo eoque intuitu, ut huius vitæ habeat neceſſaria, evangelizant, ut manducet: & perverſionis ordine celeſtibus terræ mercetur. Tandem reprehentionis ſuæ hunc finem facit Vir Dei zelantiſſimus: Quid iſtud temeritatis, immo quid inſanitiæ eſt?

Ubi timor Dei? Ubi mortis memoria? Ubi gehennæ metus & terribilis expectatio illa iudicii? Hæc itaque ad clericatum aſpirantibus præter vocationem divinam incitamentum eſto, ut ſe Deo & cultui illius conſecrent: ut eidem inter miniſtros ejus ſerviant & hoc modo ſeſe chriſtianis virtutibus perfectos atque abſolutos faciant: ut Proximi ſalutem promoveant, ſibiſque aditum vitæ æternæ facilitorem atque expeditiorem reddant.

Debet præterea conſiderare Candidatus SS. Ordinum onus, quod ſuſcipit, ut, quæ vitæ ratio ſibi tenenda ſit, intelligat: Cogitet itaque, vitam probam ac devotam & poſt actus religionis ac pietatis, ſtudiis viro eccleſiaſtico convenientibus deditam: vitam a ſaltationibus, a ſpectaculis mandanis, a luſibus chartarum & fortunæ (Hos voce Alcarum SS. Canones denotant) atque a veſtium luxu alienam: vitam linguæ moderatione, oculorum modieſtia, ſermonis temperatione commendabilem: vitam ſolitariam & a diſſolutis converſationibus ac coetibus abhorrentem, cultusque divini actibus crebris adſictam (paucis) vitam ſibi ducendam eſſe, qualem SS. Canones & Concilium Tridentinum præſcripſerunt: vitam, in qua morum, quibus clerici a ſecularibus diſtingui debent, diſcrimen appareat; nam quemadmodum ſtatus eccleſiaſticus a ſeculari multum diſſert, ita & mores diſſerre debent. Sed quod præ aliis omnibus a SS. Canonibus & Patribus ſanctis commendatum, imperatum, inculcatumque ſemper fuit, eſt fuga perſonarum alterius ſexus; ad quem ſcopulum naves optime inſtructæ, niſi caute admodum regantur, illiſque & perierunt & quotidie pereunt: imo id in Perſonis eccleſiaſticis ceteræ vanitates & indecentes vitæ rationes omnes agere videntur, ut ad hoc naufragii genus vel præparent vel inducant vel illud gravius reddant. Hunc in finem inter multos, quos laudare poſſem, Patres trium ſolum teſtimonia adducam, Primus eſt S. Hieronymus, ad Nepotianum clericum (u) in hæc verba ſcribens: Hoſpitium

(t) Deſcmaſ, in *Evang.* Ecce nos reliquimus &c. ſ. 13.

(u) *Epist.* 2.

tiolum tuum aut nunquam aut raro mulierum pedes terant; Omnes puellas & virgines Christi aut æqualiter ignora aut æqualiter dilige. Ne sub eodem tecto mansites, neque in præterita castitate confidas; Nec sicutior Davide, nec Samsone fortior, nec Salomone potes esse sapientior. Memento semper, quod paratissimi colomum de possessione sua mulier eieceri: Et sic sexus alterius personarum fugam docere Nepotianum pergit. Secundus est S. Ambrosius (x) qui postquam Ecclesiasticis viris a consortio mulierum & puellarum abstinendum esse monuerat, sic ait: Quid necesse est, ut demus secularibus obtrahendi locum? Quid si aliqua illarum labatur? Cur alieni lapsus subeat invidiam? Quam multos, etiam fortes, illecebra decipit. Quanti non dederunt errori locum, & dederunt suspicioni? Cur non illa tempora, quibus ab Ecclesia vacas, lectioni impendis? Cur non Christum revisas, Christum alloquaris, Christum audias? Illum alloquimur, cum oramus; illum audimus, cum divina legimus oracula. Quid nobis cum alienis domibus? Tertius est S. Cyprianus, qui de eodem argumento differens inquit (y) Unusquisque, qui securus est, quia necdum tentatur, timeat: Quia nihil de illo dicitur, prospiciat, ne dicatur. Homines sumus, fragilitatem nostram carne portamus. Accipimus quidem per Sacramenta fortitudinem spiritualem, per quam substantia nostra fragilitas roboratur; sed ita nobis spiritualis fortitudo collata est, ut providos, non ut præcipientes, tueatur. Custos nobis datus est Spiritus, sed ut contraria declinantibus assistendo subveniat, non ut contraria eligentibus favet; nec ut voluntarios & pronos in adversa confortet, sed ut ab aversis nitentes separari confirmet. Nam quicumque perniciosos conatibus audet exercere virtutem, juvenem non habet Spiritus sancti, qui neminem vult ultroneum virum fortem ad fraudulentas viatorias coartari; nec protegit eum, quin immo deserit, quem periculis irruentem per illicitos eventus exquirere triumphos cognoverit. Jam quid Patres hosce sanctos, & cum his reliquos omnes dicturos fore putatis, qui

SS. Conciliorum Canones condiderunt, in quibus commercium, consortium, visitationes hæminarum severissime prohibuerunt? Quid, inquam, dicturos illos putatis, si viderent, quam faciles & frequentes & familiares nostris temporibus, in agendo cum fœminis, viri Ecclesiastici sint? Vetuerunt illi fœminas, nisi artissimo sanguinis vinculo conjunctæ essent, tecto excipere: Et si alicui cognata non esset, voluerunt, ut is viri cujusdam obsequio ac famulatu contentus esset. Et nostra ætate, eheu! quid sit? . . . Illi intentatis poësis atque censuris omnino volebant, ut personæ Ecclesiasticæ ab omni hæminarum consuetudine quam longissime abhorrerent: Non colloquia, non visitationes, non conversationes, non mutua officia, non munera & (quantum fieri posset) ne obtutus quidem admittebant. Et nunc, heu! Et nunc . . . Qui legit, intelligat secumque recogitet, an vera dicam nec ne? Et posthæc nemo miretur, si identidem facta dissenda atque horribiles casus audiuntur. Flens itaque vociferabor: Procul este! Procul este! in sola fuga Deus salutem constituit: Sic mille S. Scripturæ loca, sic Patres sancti omnes, sic Concilia cuncta, sic Theologi omnes, sic experientia ipsa clamat: Qui fugam non capit, quamvis fortissimus sibi videatur, cadet; Atque, ut cum S. Cypriano finiam, rogo vos, hæc sint studia omnium Clericorum, ut singularitatis inaccessabilis secessione fungantur, ne aut ipsi per fœminas aut fœmina per illos ad ignominiosa ludibria provocentur. . . Cum Clerico fœmina nulli commaneat; non desceat, non vetula sine affinitate peculiariter suscipienda ad domesticum obsequium, quia magis illicito delinquitur, ubi sine suspitione securum potest esse delictum: maxime quia cupidini nulla deformitas, nulla despectio fastidii vel vilis exiit; sed diabolus pingens speciosum efficit, quidquid sædum vel horridum fuerit.

N 3

SER-

(x) Lib. 1. de Offic. c. 20.

(y) Lib. de Singul. Cleric.

SERMO XLV.

De Sacramento Matrimonii.

Septimum novæ legis Sacramentum est Matrimonium; Sed quoniam hoc & contractus naturalis & simul Sacramentum est, ratio exigit, ut illud vobis ex duplici hoc respectu considerandum præbeam. Ac primo quidem spectemus Matrimonium, quatenus est contractus naturalis, per quem vir & femina pro honesta speciei humanæ propagatione mutuum in corpora potestatem sibi tribuunt: Hinc Catechismus Concilii Tridentini (a) Matrimonium, qua contractum naturalem, sic definit: *Matrimonium est viri & mulieris maritalis conjunctio, inter legitimos personas individuum vitæ consuetudinem retinens*. Explicemus verba hæc omnia: Dicitur *Conjunctio* sive nexus & vinculum; quod ex diserto consensu oritur, se mutuo in virum & uxorem accipiendi. Dicitur *Maritalis*; quia vinculum hoc non pertinet ad alias obligationes, quas vir & uxor sibi imponere possunt, uti laboris vel alterius rei; sed est vinculum se mutuo pro marito & uxore agnoscendi. Dicitur *Inter legitimas personas*, hoc est: eas, quæ nullo vel naturalis vel positivi juris impedimento tenentur (Juris naturalis; quales sunt infantes sexus utriusque, aut qui ad sobolis procreationem perpetuo impotentes sunt, item consanguinei primi gradus. Juris positivi; quales sunt, qui impedimentis Matrimonium, ut aiunt, dirimentibus vel annullantibus per leges positivas, ad quas servandas subditi Ecclesiæ obstringuntur, definitis tenentur) Dicitur *Vir & mulieris*, ut, conjugum pluralitatem excludi, significetur; cum unus solus cum una sola esse debeat: Et quamquam in veteri lege illi duræ cervicis populo polygania simultaneæ permixta fuerit, tamen Christus Deus-homo & Dominus totius universitatis Matrimonium ad primæ-

vam suam institutionem quasi postliminio reduxit, ut unus solus cum una sola conviveret; quandoquidem Deus primo homini unam solum, non plures, uxorem dedit. Dicitur *Individuum vitæ societatem*, quibus verbis, vinculum hujus contractus non dissolubile esse, denotatur.

Matrimonium tripliciter consideratur, primo ut legitimum seu legibus respondens: secundo ut ratum seu ratihabitum atque approbatum ab iis, ad quos attinet illud approbare, & (quod ad nos Fideles spectat) comprobatum ab Ecclesia, tanquam celebratum ex præscripto legum illius: tertio ut consummatum, scilicet quando per legitimum congressum completur.

Verum ne cogitatis, Oanei! eo, ut Matrimonium aliquod verum & essentiale dici possit, illius consummationem necessariam esse; Nequaquam: Cum verum & essentiale Matrimonium tunc vere dicatur (etsi illud non consummetur) si sponsus & sponsa mutuo assensu ad servandam perpetuam castitatem conspirant. Hujus generis fuit incomparabile illud Matrimonium Mariam Virginem sanctissimam inter & S. Josephum: Hujus generis Matrimonium fuit multorum aliorum sanctorum & sanctarum Conjugum, qui Matris divinæ & Josephi exemplum imitantes ex mutuo consensu Virgines permanere voluerunt, quorum frequens memoria in Historiæ ecclesiasticæ commentariis occurrit. Hinc Canon: *Cum initiatur, caus. 27. q. 2. desumptus ex S. Ambrosii de Virginis Institutione libro sequentia habet: Cum initiatur conjugium, tunc conjugii nomen accipitur; non enim desoratio Virginitatis facit conjugium sed pactio conjugalitatis: Denique cum jungitur puella, conjugium est; non cum viri admixtione cognoscitur.*

Fuit

(a) P. 2. c. 2. n. 3.

Fuit igitur Matrimonium, etiam quæ contractus naturalis, a Deo per formationem Evæ Adamo in uxorem datæ institutum & adstringit vinculo insolubili, prout jam olim etiam Christus declaravit dicens (b) *Quod ergo Deus conjunxit, homo non separet.*

Jam naturalis hic contractus in novo Testamento a Christo ad dignitatem effectus est Sacramenti, ita illud vocante Paulo & perpetua Ecclesiæ Traditione suffragante. Unde Concilium Tridentinum (c) definivit: *Si quis dixerit, Matrimonium non esse vere & proprie unum ex septem legis evangelicæ Sacramentis a Christo Domino institutum; sed ab hominibus in Ecclesia inventum, neque gratiam conferre, anathema sit.* Igitur, cum Matrimonium gratiam asserat, debent contrahentes in statu gratiæ ad illud celebrandum accedere, hoc est immunes a peccatis mortalibus; nam cum non institutum sit, ut iustitiam tribuat, sed ut gratiæ incrementum det; ob id in statu gratiæ suscipi debet. Hinc qui peccati mortalis sibi conscius est, prius confiteri aut saltem elicere actum perfectæ contritionis debet; Sed quoniam hunc certæ personæ non tam facile eliciunt, hinc melius fuerit confiteri, & laudabile oppido, etiam sacrum Cibum sumere.

Sunt innumeræ de hoc Sacramento haud ad rem appositæ quæstiones: ob eam causam ad alia, quæ auditoribus utiliora & captui eorum magis accommodata sunt, sermonem cogam. Ac primum de sponsalibus dicam: Sunt hæc mutuum virum inter & fœminam de matrimonio ineundo promissum. Jam quid hoc in loco de filiis ac filiabus dicam, O mei! qui deserto sese promisso despendunt; quin de hoc quidquam Majoribus, quorum curæ commissi sunt, proponant? Peccant isti graviter adversus reverentiam Majoribus suis dabitam; nam cum hoc modo Matrimonii ineundi obligationem subeant, consequi tandem Matrimonium ipsum debet: quod si cum ejusmodi persona contrahendum erit, adversus quam Majores iustas & rationabiles exceptiones interponere possunt; quis, obsecro! non videt,

ingentem discordiarum, scandalorum; turbarum, inimicitiarum ac peccatorum voraginem aperiiri. Et profecto quæ gravior in Majores cogitari irreverentia potest, quam consilio eorum atque auctoritate neglecta ultro sibi arbitrium ac potestatem sumere obligandi se ad ducendum domum personam, ad contrahendum affinitatem cum persona, quæ quo loco apud Majores sit, ignoratur? . . . Nunquid hoc est illos cogere, ut in aedes, quam non volunt, personam admittant: ut contrahere affinitatem, quacum nolunt, persona debeant? Et hæc injuria Majoribus facta levis atque exigui ponderis esse videatur. . . . Sciatis, O filii ac filię! hujusmodi sponsonem peccati mortalis culpa nequaquam carere. Audio opponentem aliquem: Non istud facinus animo Genitores & Majores nostros offendendi, sed quod vereamur, ne nobis personam præ aliis omnibus adamatam negent. Ecce! Hoc ipsum vos gravis irreverentiæ tam reos facit, ut nulla vobis exculatio superesse videatur. Ecce! Quam mala fide agatis. Quod si istud veremini, prius Majoribus, cujus personæ amore ducamini, aut exponite aut si pars altera sponsonem urgeat, facite illam sub conditione, scilicet si nuptiæ vestræ etiam vestris Majoribus probentur: Atque in hoc casu curate, ut illi quam lenissime, vel parochio vel alio viro sapienti sequestrum agente, in partes vestras & ad dandum consensum pertrahantur. Etenim vel jure ac ratione nuptiis vestris ob multas, quæ accidere possunt, causas vel immerito & ex mera morositate obstitunt? Si merito obstitunt, utique manifesto apparet gravis injuria, quam eis insertis; dum eos ad nuptias cum persona, quam jure rejiciunt, constituendas cogitis: Si autem immerito obstitunt, utique patet vobis via efficacium remedium, quibus eos ad consensum inducat, quem rationabiliter negare non possunt; siquidem persona, quam illis proponitis, nullam justam exceptionem contra se admittit. Immo si ea, quæ ex consilio docti confessarii erga Majores vestros præstanda didicistis,

re

(b) *Matth. 19.* (c) *Seff. 24. can. 1.*

re præstiteritis (Sicubi in sententia semel suscipita, vos despondendi, persistere vultis) officium vestrum fecistis & omnium misericordiam vobis, tum quod in proponendo multa ratione tum quod erga Majores reverentia debita usi sitis, conciliastis: In Majores autem vestros imprudentiæ dedecus recidet; cum notum sit omnibus, quod, quando rationabiles exceptiones nullæ adduci possunt, sponsus & sponsa sese mutuo ex honesto & sincero amore, non ob viles & a sordido lucro haud alienos fines, eligere debeant. Concludamus itaque & dicamus: Priusquam vos expresso nuptiarum promissum obligetis, studete, ut Majores consensum præbeant, ut ne peccetis: Hunc ubi petieritis, & illi merito negant, acquiescite; secus, si vos despondetis, reverentiam illis debitam graviter infringitis. Si vero consensum immerito negant, vel tunc consulo, ut acquiescat: Non desunt puellæ, non desunt juvenes. Quod si hoc meum concilium sequi detrectatis, culpam gravem non admittitis; si, postquam omnia, quæ decebant, pro captando Majorum assensu adhibuistis, & illi negare tamen perseverant, si (inquam) propositum vestrum tenetis, vos despondeatis & Matrimonium celebretis; Neque enim Majorum vestrorum imprudens & inconsiderata agendi ratio justæ petitioni vestræ notam culpæ inurere potest. Sed de hoc in Sermone LV. denuo agetur.

Dicentem aliquem audire mihi videor: Quæso! Pater! num post contracta sponsalia, scilicet post ultro citroque datum promissum, aliqua lascivia familiaritas (Non de congressu aut alio actu notabiliter impudico; sed de amplexibus, de contactibus pectoris, de osculis impuro affectui junctis loquor) licita esse potest? Quid petis, O charè! quid petis? . . . Nullus lascivus actus vel affectus licitus esse desponsatis potest, priusquam Matrimonium contrahant. Repones: At confessorius etiam Scriptoris ejusdæ auctoritate nixus has familiaritates mihi permisit. Ad hæc ego libere respondeo: Confessorium tibi illas perperam

permisisse & Scriptores licentiam hanc dantes toto cælo errare. Quin adverte animum: Aliud est habere *jus in re*, & aliud habere *jus ad rem*; hoc est: Aliud est habere jus in re cum possessione illius; & Aliud, habere solum jus illam suo tempore habendi & possidendi: *Jus in re* habens est is, qui eam possidet & suam jam fecit: Habere autem jus illam suo tempore possidendi facit, ut quis illam nondum possideat sed tantum eam suo tempore possidendi jus habeat. Qui habet jus actualis possessionis, potest re illa pro libitu suo modis licitis uti: Is, qui habet solum jus illius possidendæ, nulla ratione uti illa potest; quantum illam non habet ac possidet. Sponsalia non dant jus ullum actuale seu possessionem personæ desponsatæ, sed dant solum jus illam suo tempore habendi & possidendi; hinc non dant jus ullum, illa ullo modo utendi. Claro & manifesto exemplo rem explico. Quidam post elapsum anni spatium agrum tibi daturum se pollicetur: Hæc promissio nil aliud facit, quam ut post annum ager ille tuus sit, quo tunc uti inodis licitis (pro eo ut libet) poteris; nullo modo jus tibi ante annum elapsum fruges ex illo colligendi tribuit. Quare id? Quia nondum tuus est: Erit equidem post annum tuus ejusque frugibus & illis, quæ procreant, universis uti poteris; verum priusquam in possessionem tuam transeat & tuus esse incipiat, haud licet tibi quidquam ex illo auferre. Sic & in re nostra (Nam idem ipsissimum contractus genus est) quamdiu persona tibi desponsata per Matrimonium in tuam potestatem non devenit, debetur quidem illa tibi e. g. post annum ex hoc momento; sed intra hunc annum nefas tibi est ex illa oblectationem aliquam lascivam aut (etiam mentalem) impuram complacentiam, utut levissima videatur, percipere; quia nondum tua est. Debetur quidem tibi, sed nondum a te possidetur: Et ob hoc maxime, quia illam nondum habes & illa in tuam potestatem nondum venit, haud licet tibi aliquod delectamentum vel osculi unius lascive dati aut mentalis complacentiæ ex illa

illa capere: quæ omnia tunc primum licere tibi poterunt, cum in illius possessionem veneris. Cognoscitis ex his, O mei! errorem apertissimum, aliter sive verbo sive scripto docentium: male aliter docentium & peccata mortalia nullo modo permittenda absque ulla ratione, & quia duplex jus (*in re & ad rem*) distinguere invicem haud norant, permittentium: jus (inquam) ipsam personæ possessionem confrens, & jus collatum a sola ratione illam suo tempore possidendi: quod posterius personam quidem obligat, ut hujus vel illius suo tempore sit; nullo modo jus tribuit, illa ullo modo utendi: Uti nec illi, cui suo tempore ager debetur, intra annum ex agro quidquam colligere fas est. Hinc speciosæ ratiunculæ omnes, quas asserre contrarium sentientes solent, frustra sunt; quia duplicis hujus juris confusione & sinistra illius idea vituntur. Dant ergo vobis, O mei! Sponsalia jus personam suo tempore habendi, nil ultra: minime jus ex illa impuram voluptatem, utut leviozem, captandi, donec per Matrimonium vestra facta fuerit; quamvis de cetero illam interea temporis amore honesto & christiano, haud alio, diligere debeat.

Atque ut personis desponsatis (Quæ est humana fragilitas) omnis in actus peccaminosus habendi via præcludatur, moneant atque inculcant scriptores omnes, ut illæ solæ una non relinquatur; ne forte in firmos minus decentes erumpant, hos autem actiones indecoræ sequantur. Immo Deum timentes & vere christiani sponsi hanc cautionem ultro adhibent, ut sibi semper gravis persona quædam addit, cæsus severitas humanam infirmitatem continere intra limites fortius possit. Deinde si omni tempore cogitatio præsentis divinæ ad nos a peccatis immunes servandos efficax est, tum maxime sponsis invicem conversantibus necessaria atque utilis est. Curent illi præterea, ne visitationes vel justo crebrius fiant vel longius, quin par est, producantur. Placent hujus generis pie curæ Deo & vos ad

P. Conciliati Cat. chila.

(d) p. 2. c. 8, n. 13. & 14.

illius benedictiones post celebratum matrimonium recipiendas præparant; dum contra, Oh Deus! tot personæ sexus utriusque, quod desponsatæ hanc sui custodiam neglexerint, post multa peccata mortalia interius exteriusque invicem commissa ad celebrandum Matrimonium accedunt: unde bonos effectus suos (De his paulo post dicemus) producere Sacramentum non potest, cui tot impudiciæ & graves culpæ præcesserunt. Dicit aliquis: Pater! Expiabo conscientiam sacra illarum confessione, priusquam Matrimonium contraham. Hoc quidem crediderim, O chare! nam si illas non confiteris, gravissimum sacrilegium admitteres Sacramentum in statu peccati mortalis suscipiens: Veruntamen ob id haud sequitur, illa peccata a te non patrata fuisse: haud sequitur, illa peccata indignum te non reddidisse divinarum gratiarum, quas accepisses, ut in pace conjugali viveres, si illa non perpetrasses?

Igitur, ubi tempus præfinitum advenit, post factas debitas denunciationes aut earum dispensationem gravi de causâ obtentam contrahitur Matrimonium, quod (Ut casus, ob quos sponsalia dissolvi possunt, Theologis discutendos relinquam; quandoquidem hic non præcepta theologica trado) utpote Sacramentum vivorum & ad augmentandam gratiam institutum recipi (Uti dixi) in statu gratiæ, hoc est: cum conscientia a peccato mortali pura debet: At quo animo, quoque consilio illud recipiendum? Ob justos, O mei! ob rectos & honestos fines, in quos a Deo institutum & a Christo Deo homine ad sublimem veri Sacramenti dignitatem evectum fuit. Fines hi tres sunt, indicati a Catechismo Concilii Tridentini (d) *Prima igitur ratio est hæc: ipsa diversi sexus natura instans ex ista societas, mutui auxilii spe conciliata, ut alter, alterius ope adjuvetur, vitæ incommoda facilis ferre & sustentare possint. Altera est procreantis appetitus, non tam quidem ob eam rem, ut honorum & divitiarum heredes relinquantur, quam ut veræ Fidei & Religionis*

O o

culto.

cultores educuntur. Tertia est, quæ post primi parentis lapsum ad alias causas accessit, cum propter iustitiam, in qua homo conditus erat, amissionem appetitus rectæ rationi repugnare cepit, ut scilicet qui sibi imbecillitatis conscius est nec carnis pugnam vult ferre, matrimonii remedio ad vitandam libidinis peccata utatur. Ecce, O mei! finem triplicem, quo Matrimonii celebratio honesta ac religiosa efficitur: primo quidem desiderium habendæ insolubilis, fidæ, benevolæ & sinceræ societatis, qua ad præsentis vitæ molestias & senectutis incommoda ferenda juvemur: deinde vero desiderium sobolis procreandæ, ut cultorum veri Numinis numerus crescat: tertio denique desiderium se a libidinis peccatis & impuritibus, sexto Decalogi præcepto vetitis, securum reddendi. Hinc concludit laudatus Catechismus: *Hæ igitur sunt causas, quarum aliquam sibi proponere quisque debet, qui pie & religiose, ut Sanctorum filios deest, nuptias velit contrahere.*

Adjungit tamen citatus Catechismus: *Quod si ad eas causas aliae etiam accedant, quibus homines inducuntur Matrimonium ineant, atque in habendo uxoris defectu hanc illi proponant, ut hæredis relinquendi desiderium, divitiæ, forma, generis splendor, morum similitudo; cujusmodi sane rationes damnanda non sunt, cum matrimonii sanctitati non repugnent, nec ab antiquis Ecclesiæ Patribus improbentur.* Quod si autem quis Matrimonium contrahens nil aliud mente recogitat, quam ut libidinem suam in illa persona expleat & cum eadem carnalibus sese voluptatibus pro libitu suo demergat, huic maxime accidere potest, quod septem viris, quas sacra Raguellis filia successive habuit, accidit: quos omnes dæmonium occidit ob hoc præcipue; quod Matrimonium eo solum animo iniverint, ut libidinem suam jumentorum instar expleant: Unde pro Matrimonii consummatione cubile vixdum ingressos dæmonium successive omnes septem enecuit. Percipite clarum S. Scripturæ locum, in quo Archangelus Raphael refert: hoc in causa fuisse, cur miseri illi tam propudiosa morte sublati fue-

runt: *Ostendam tibi (e) qui sunt, quibus prævalere potest dæmonium: Si namque, qui conjugium ita suscipiunt, ut Deum a se & a sua mente excludant, & suæ libidini ita vacent sicut equus & mulus, quibus non est intellectus, habet potestatem dæmonium super eos.* Jam sic argumentari libet: Si Matrimonium eo tempore, quo illi nondum Sacramenti dignitas accesserat, ex solo satiadæ libidinis fine contractum tam grave supplicium septem illis viris conciliavit, ut a diabolo suffocati perierint; utique culpa gravis fuit. At si culpa gravis fuit contrahere ex hoc solo fine Matrimonium, quando nondum Sacramentum fuit; nonne culpa erit gravis id nunc facere, quando verum inter Fideles Sacramentum est? Quisquis igitur (Quod non crediderim) ex hoc solo abominabili fine Matrimonium contraxit, se in Confessione accuset doleatque ex animo: Quisquis autem Matrimonium contrahere cogitat, aut memoratos fines omnes aut saltem horum unum sibi propositum habeat, ut hac ratione dignum se reddat effectibus gratiæ, quæ ab iis recipitur, qui Matrimonium culpæ mortalis immunes & in statu amicorum Dei celebrant.

Effectus hujus gratiæ, præterquam quod ipsa in neo-nuptis novis gradibus augeatur, hi sunt, quod jus asserat conjugatis obtinendi auxilium Dei, primo ut se reciproco amore virtuose, scilicet in ordine ad salutem æternam, amore vero amicitiae sinceræ & intimæ diligant: secundo ut fidem conjugalem sibi mutuo inviolatam servant, quin animum ad ullam alienam personam adjiciant aut ex illa voluptatem quærant: tertio ut prolem a Deo obtineant eamque christiane educant: quarto ut immodicum concupiscentiam frænent: quinto ut Matrimonii onera & incommoda tolerant, quæ regimen familiæ sibi conjuncta perspicere habet, tum ut soboles pro ratione status nutriantur, educetur &c. tum ob varias incidentes calamitates aut morborum aut immorigerorum filiorum aut zelotypiæ gravibus argumentis nixæ aut timoris de morte conjugis vel natorum & aliis

fun-

(e) Tob. 6.

funestis casibus, quæ evenire haud raro solent: Quæ omnia cum sine auxilio divino utiliter ac convenienter vel fieri vel sustineri nequeant: ob id per gratiam, quæ bene Sacramentum recipientibus conceditur, conferuntur auxilia divina ad hæc omnia virtuosè vel præstanda vel ferenda necessaria, dummodo conjugati sese illorum non indignos parum christiana vivendi ratione reddant.

Percurramus modo, O suavissimi! obiter paululum conjugatorum mores, qui nostra ætate per Christianitatem palam ac publice videntur; & tum cogitemus nobiscum, num in maxima conjugum parte vel levia effectuum hujus gratiæ vestigia deprehendere sit? Quis unquam credat, hanc gratiam cum memoratis auxiliis inesse in illis viris, qui, cum uxores suas amore sincero, intimo, simili amoris Christi erga Ecclesiam (Uti jubet Paulus (f) *Pari! diligite uxores vestras, sicut Christus dilexit Ecclesiam*) diligere debent, eas tota die conviciis ac maledictis onerant, male tractant & quandoque etiam verberibus excipiunt? qui uxoris necessaria alimenta non suppeditant aut tam difficiles se ac fastidiosos in hoc præbent, ac si cani os devorandum projicerent? Et hæc, quia amorem erga illas amiserunt, quem vel alii personæ vel lusu vel ebrietati vel aliis christiano homine indignis vitiis addixerunt? . . . Quis credat, hunc erga viros amorem inesse in illis uxoribus, quæ, cum ex præcepto Dei a S. Paulo relato obedire viris, *Mulieres viris suis subditæ sint* (g) deberent, dominationem sibi usurpant aut quidquid vanitas dicitur, sibi volunt, atque ob id nulla re satiari possunt: Aut quæ, quo magis sui amantem esse virum deprehendunt, eo magis illum postulatis irrationabilibus & modis indignantibus fatigant, si is ea non facit, quæ facere nequit, quin rem familiarem labefactet? . . . Hicne est amor ille christianus, amor honestus, amor veræ amicitiae, quem in conjugatis Sacramentum Matrimonii bene susceptum alere debet? Hic amor faciat ne-

cesse est, ut se conjuges mutuo sustineant; cum quivis habeat, quod in altero toleret; ut se mutuo adjuvent, solentur sibi quæ invicem succurrant: Nequaquam ut offensam offensa, fastidium fastidio, contemptum contemptu rependant; qua re fit, ut concordia omnis ad solum Matrimonii usum restringatur, concordia brutis animalibus potius quam christianis digna.

Secundum gratiæ sacramentalis Matrimonii effectum statuimus, esse fidem conjugalem; qua in re attendere sibi maxime conjuges debent, ne tranquillitatem animi sui hoc super argumento ulla ratione turbent, abstinendo summa cura ab omni verbo, dicto, amicitia, officiorum vicissitudine, immo (ut sic dicam) omni oculorum conpectu, qui parti alteri suspecti in alienam personam amoris indicio esse potest. Hæc fidelitas utrum inter Catholicos nostris temporibus, quibus pro more sæculi ac pro consuetudine ex orco profecta tum scæminæ in amasiorum, qui ipsis magis arident, manibus relinquuntur tum viri alienis scæminis, quæ sibi magis placuerint (Ut ipsi quidem aiunt) inserviant, & sic totos annos vivitur: an, inquam, sic vivendo fides conjugalis salva esse possit . . . novit Deus ille, qui mille S. Scripturæ locis viris aliarum uxorum, uxoris aliorum virorum fugam inculcavit additis minis: secus si faciant, in mille eos peccata ruituros esse. Deus (inquam) novit, quæ morem tam periculosum, tam scandalosum, tam fidei conjugali exitiosum consequi debeant; Sed & ii ipsi norunt, qui hoc licentiæ genus sectantur, exerceant & detestabili exemplo suo magis magisque confirmant: Hi, inquam, ipsi norunt, utrum minæ a Deo intentatæ eventu ipso confirmantur nec ne. Norunt hoc præterea & nosse omnino debent confessarii (Si tamen sacro tribunali hujus generis viri ac scæminæ sese sistunt) verum quia sacros hos ministros loqui nec decet nec licet, ob id illos quietos esse sinamus. Interea vos, O clarissimi! oro atque obtestor, ut ne perniciosissima hac consuetudine, quamvis vulga-

tissima maximeque nobilitata esse videatur, abripi vos permittatis; si minus reos vos omnium peccatorum facere velitis, quæ si ve maritus siue uxor, siue utriusque, horrendæ licentiæ hujus genus sibi mutuo concedentes facile admittere possunt: Cum de cetero quilibet vir in uxore, & vice versa quælibet uxor in viro hæc perfidiæ pericula impedire, quantum moraliter fieri potest, sub gravi peccato tenentur; qua in re si notabiliter negligentes & remissi sunt, omissionis mortaliter peccaminosæ rei evadunt. Neque (Quod ad hoc attinet) sunt solidæ in partem contrariam sententiæ; Et quemadmodum pater aliquis mortalis omissionis reum se facit, si manifesta stupri pericula in filia e medio non tollit: ita & conjux mortalis omissionis culpam contrahit, si manifesta adulterii & aliarum impudicitiarum, ad hoc scelus accedentium, pericula in consorte pro viribus non tollit: Et deprehendunt aliquando tales conjuges coram tribunali divino, quot peccatorum reos sese hac sua indulgentia fecerint, & utrum apud tremendum iudicem prava consuetudine ac more seculi defendi queant.

Pergamus ulterius: Tertius gratiæ sacramentalis effectus est procreatio atque educatio liberorum ad legis christianæ præcepta. Et hoc loco quam amplius dicendi campus sese mihi aperit! Sed dicenda in illud tempus refero, quo quartum Decalogi præceptum explicabo. Nunc hoc dixisse sufficiat: Effectum hujus gratiæ certe non habere eos parentes, qui proli sive de necessario victu & convenienti institutione non prospiciunt; non quod prospicere re vera nequeant; sed quod id non possint ob vitia, quibus constringuntur: ob vitia vel præter statum sui rationem se vestiendi ac ornandi vel saltandi ac tripudiandi vel immode ludendi vel alendi personas, quibus thoros conjugalis magis magisque foedatur. Hac re fit, ut filii, omnis officii exsortes, in quævis vitia præcipites ruant: & filia, dote carentes, plus offerenti pudicitiaæ florem vendant; Ex hoc deinde fit, ut improbis hominibus, ut

prostitulis, ut aliis personis, quæ non probis Catholicis tantum sed & Religionis catholicæ hostibus offendiculo sunt, urbes repleantur. Quod si vero educationem, quatenus illa ad animam pertinet, quæ ipsa pars officii patrii præcipua est, spectemus; certe res sanguineis dæmonda lacrymis sese oculis offert: Videre scilicet innumeros parentes, quibus hoc educationis caput postremæ curæ est & qui, dum curant, ut nati artes aut scientias discant, quarum ope vitam commode ducant: contra parum aut nihil satagunt, ut nati veritatibus Fidei catholicæ imbuantur, multoque minus ut præcepta divina opere complere & Sacramentis pie uti fiant: quibus tamen rebus aditus illis ad vitam æternam tutior atque expeditior redderetur. Sed de hoc, ut monui, alio loco dicam.

Quartus memoratæ gratiæ effectus est essuæ libidinis moderatio. Nunquid effectus hic apparere, O mei! in illis poterit, qui se personarum maxime gentium servitio consecrant & soli cum solis, quantum libuerit, libere conversantur nullo præsentē, qui eas custodire debent? Hoc tam fieri non potest, quam fieri nequit, ut ignem, paleam & sarmenta aquæ loco adiciens, resingas. Quo modo concupiscentiæ moderaberis conversans cum personis, quæ sola sua præsentia fixis spectata oculis accendentes eandem quam aptissime valent? Et quanto minus eidem temperabis, si & molles ac teneri sermones, si affectus demonstrationes quam maxime obstringentes, si amoris contestationes longe suavissimæ accesserint? . . . Hoc velle idem est ac si quis velit, ut ignis in glaciem coeat: contra unda glacialis ardeat. Hunc gratiæ effectum etiam ii conjugum non habent, qui ruptis modestiæ & honestatis repagulis omnibus ita inter se agunt, ut impudentissimæ libidinis impetus omnes explere videantur, petentes mutuo ea voluptatis genera, quæ vel ipsa lupanaria detestantur: Crimina, quæ in Christianis ne quidem tinenda esse videntur, nisi illa hos inter re vera obtinere, experi-

experientia quandoque monstraret. Sed quoniam hi sermones mei in quarumvis, fors & castissimarum atque claustrallium, personarum manus incidere possunt; hinc millis iis, quæ ad hoc caput attinent & ex sapientibus doctisque confessariis intelligi queunt, ad quintum gratiæ sacramentalis effectum pergamus.

Hic in eo consistit, ut conjuges cum patientiâ mutuaque miseratione onera status conjugalis superius exposita, quæ tam in gubernatione familiæ, tum in liberorum educatione tum variis infortuniis atque angustiis sentiuntur, ferant: hoc est, mutuo se adjuvent, consolentur & unitis viribus Dei maiestatem exorent, quo illius ope adjuvi omnes suas actiones ad legis christianæ præcepta conforment. Quod si nunc multas aedes, maxime opificum tabernas & abjectæ plebis toguria ingrederer, heu! quid viderem, quid audirem? Ah Deus! Omnia potius viderem quam mutuum succurrendi studium; Omnia potius audirem quam verba pia mutuo solantia ac confirmantia. At vero viderem atque audirem mutua convitia, clamores, rixas, maledicta & sæpe nescio quod odii, aversionis atque intestini belli genus, quo & liberi & propinqui & vicini offenduntur.

Nostisne autem, O mei! quonam e fonte gravillime hæc inter conjuges turbæ fluant, quæ Dei auxilium impediunt, ne gratia in Matrimonii celebratione accepta effectus suos procreet. Dicam hoc vobis, O mei! Atque utinam! bene intelligat & omnino persuadeam. Malorum istorum omnium origo hæc, quod priusquam sponsalia & post hæc Matrimonium contrahatur, dotes personæ thalamo iungendæ non attendantur: scilicet utrum Dei timore plena, utrum honestis & Christiano dignis moribus, utrum saltem sufficienti regendæ, sustinendæ, adjuvandæ familiæ scientia prædita sit; Sed enim quod his possiditis, vel quia exterior oris species rapit vel quia ampla dos al-

licit vel quia habendæ illustralis cognationis studium urget vel quia aliæ carnales, terrenæ & fallaces causæ inducant, Matrimonium promittatur atque contrahatur. Hinc eo vixdum celebrato, si in una vel altera parte vel in ambabus quædam prævæ animi qualitates (Uti sunt dura & aspera agendi ratio, obstinatio, ambitio, alia prius haud cognita vitia, levitas mentis, nimia ira, cor alieno amore divisum) aliaque, quæ intimitæ concordiæ in conjugibus requisitæ repugnant, deprehenduntur: ecce! confisum initi connubii poenitentia animum subit: ecce! nescio quæ antipathia oritur: ecce! memoratis a tue gravissimis turbis aditus ingens panditur. Itaque vos, O mei! qui connubium nondum iniistis, at inire cogitatis, vos (inquam) hoc primum satagite, ut quas animi dotes persona a vobis ducenda habeat, certo intelligatis: utrum videlicet paulo ante memoratas habeat, quas & repetere juvat, nimirum indolem bonam, mores probos, conscientiam timoratam: utrum sit amatrix Sacramentorum: utrum sit prudens, sapiens sufficienter apta. Non vos oris venustas, non agendi elegantia, non dotis amplitudo, non alia sordida & temporalia incitamenta abripiant, quo minus cogitetis, vobis postea toto vitæ tempore decertandum fore cum uxore vel cum marito, qui vitam vestram mille amaritudinibus, mille turbis, mille calamitatibus repléturus: qui vos in innumera cujusvis generis peccata non sine præsentissimo salutis æternæ periculo conjecturas sit. Atque ob id priusquam nuptias alicui spondetis, Deum continuis precibus per Mariæ intercessionem exorate, ut vos doceat, utrum illa persona vobis in confortem pro vitæ spatio universo destinata sit: & si non sit, ut ipse passionem omnem destruat, usquequid eam personam inveniat, quam prævidet salutem vestram æternam (Hanc omnibus vobis opto) adiuturam esse.



PARS TERTIA

DE

PRÆCEPTIS DECALOGI.

Post Sacramentorum expositionem Catechismus Concilii Tridentini ad Decalogum explanandum transit: Hoc ipsum nos quoque faciemus. Decalogus, O mei! significat decem verba sive decem præcepta legis divinæ: Hæc præcepta omni tempore ab ipso adeo mundi exortu homines obligarunt; cum sint præcepta juris naturalis & eas res imperent, contra quas agere malum est, idque essentialiter tale; ob quam causam etiam indispensabilia appellantur. Verum quia malitia hominum, agere adversus præcepta hæc continuando, eadem culpanda oblivione vix non penitus deleverat, ob id Deus noster misericordissimus illa in duabus lapideis tabulis sua manu perscripta Moyse tradere constituit, ne humana nequitia eorundem ullo in posterum tempore oblivisceretur: Hæc eadem præcepta a Jesu Christo confirmata fuerunt, obligantque omnes mortales atque obligabunt omnes ad mundi interitum usque; cum sint præcepta de rebus/ejusmodi, contra quas facere essentialiter malum & peccaminosum est (Ut superius monui) atque ob eam rem non obligare non possint. Et quamvis multa alia legis Mosaicæ præcepta amplius haud obligent, hæc tamen (quod dixi) obligant atque obligabunt: Quocirca scire debetis, O mei! in lege Mosaica tria præceptorum genera fuisse: unum moralium, alterum judicialium, tertium ceremonialium. Moralia præcepta sunt ipsa præcepta Decalogi, de quibus agimus, quæ hominem ad rectæ vitæ rationem & morum honestatem inducunt. Judicialia rectam causarum cognitionem & populi Israelitici, qui tunc populus Dei erat, gubernationem docebant. Ceremonialia denique hominem ad certos ritus & ceremonias sacras cultum divinum spectantes, quibus legis nostræ christianæ mysteria significabantur, observandas dirigebant. Præcepta primi generis, nimirum moralia, retinentur & a Christo confirmata fuerunt, qui eadem omnibus legem christianam profitentibus inunxit. Præcepta judicialia a Christo arbitrio Ecclesiæ relicta fuerunt, ut hæc, pro eo ut opportunum judicaret, illa vel rejiceret vel adoptaret: Horum nonnulla Ecclesia retinuit, uti legem decimarum; plura alia abolevit. Præcepta denique ceremonialia plane omnia antiquata fuerunt; nam cum nil aliud, quam adventus Christi & mysteriorum ab illo operandorum significationem, continuerint, quandoquidem Christus in hunc mundum venit atque mysteria significata operatus est, ex sua natura cessarunt & abrogata fuerunt, adeo ut, illa observare, peccato ac superstitioni assine esset. Nos igitur de moralibus (scilicet iis, quæ Decalogo comprehenduntur) & post hæc de præceptis, quæ catholica christiana Ecclesia Fidelibus imposuit, agemus.

SER-

SERMO XLVI.

De primo præcepto Decalogi: EGO SUM DOMINUS DEUS TUUS &c. De obligatione actuum Fidei, Spei, & Charitatis.



Ut a primo Decalogi præcepto sermonis initia ducam, sciatis velim, O mei! hoc præceptum sibi velle, ut unus solus verus Deus agnoscatur eidemque debitus religionis cultus præstetur. Quis sit Deus hic, unus in essentia & trius in personis, & quam dignus amore atque servitio sit, vobis sermone III. IV. & sequentibus exposui: Quo autem in maxime modo honoretur, docet S. Augustinus (a) dicens: *Deum Fide, Spe & Charitate colendum.* Atque ut his actibus eundem, prout decet, honoretis, primo loco vos docebo, quomodo actus isti (scilicet actus virtutum theologiarum) eliciri debeant. Neque vos audire hæc tædeat; Etenim certi sitis velim, me non in populares solum sed & cultiores personas incidisse, quæ, quamvis rudem & indigestam quandam harum trium virtutum notitiam habuerint, tamen revera, quid illæ sibi vellent, ignorarunt; cum tamen hæc virtutes verum Christianum constituant. Fides itaque (Ut vos sermone I. monui) est virtus misericordiae Dei animabus nostris per Baptismum infusa, qua adjuvante veritates a Deo Ecclesiæ revelatæ & ab Ecclesia nobis propositas ob id maxime credimus; quia a Deo revelatæ fuerunt, qui mentiri nescit sed verum semper dicit. Hinc Fidei actus elicitor, quando e. g. dicitur: *Credo SS. Trinitatem personarum in una sola essentia, & hoc credo; quia Deus revelavit & Ecclesia docet.* Unde si modo sciatis, hanc esse credulitatis causam (scilicet revelationem Dei & doctrinam Ecclesiæ) etsi semper hæc omnia

non recitetis, nihil refert; cum sufficiat dixisse: *Credo mysterium SS. Trinitatis &c.*

Spes quoque est virtus a Deo animabus nostris per sanctum Baptismum infusa, qua adjuvante nos vitam æternam in gloria cælesti obtenturos esse speramus, idque ob omnipotentiam Dei, qui nos juvare potest, & ob misericordiam Dei, qui nos propter merita Jesu Christi juvare vult, ut salutem per bona opera, ad quæ operandi illis nobis auxilium præstabit, consequamur. Hinc Spes, quam Fideles in patrocinio Mariæ & Sanctorum reponunt, omnis hac Dei omnipotentia & misericordia atque meritis Jesu Christi nititur, quarum rerum vi Maria & Sancti impetrant & impetrandi meritum habent. Hinc erit actus Spei, si dicas: *Spero in potentia & misericordia Dei, fore, ut per merita Christi salutem consequar: & hinc, ut non amplius peccem sed legem divinam servem.*

Charitas similiter virtus est a Deo animabus nostris per Baptismum infusa, qua adjuvante Deum super omnia diligimus ob infinitam illius bonitatem, quam nobis tot modis ostendit, & distincte in tribus mysteriis, Incarnationis scilicet, qua se Fratrem nostrum: Passionis, qua se Salvatorem nostrum: Eucharistiæ, qua se Cibum animarum nostrarum fecit; quorum mysteriorum quodlibet (Uti præteritis sermonibus exposui) infinitam quandam bonitatem atque amabilitatem in Deo nostro optimo maximo inesse prodit. Itaque Charitas diligit super omnia Deum hunc, quia sic amari ob infinitam suam bonitatem dignus est; &c.

(a) Enchirid. c. 1.

& dicit: Deus meus! ob tuam infinitam bonitatem ex toto corde meo super omnia te amo.

Jam ab obligationibus circa Fidem exordiamur; ac primum quidem ab articulis, quos credere adultus quilibet obligatur. Ante alia omnia duplex obligatio distingui debet, quam etiam alio loco explicavi, scilicet obligatio *Medii* & obligatio *Præcepti*: Obligatio *Medii* est, quæ sic obligat, ut, si non impletur, nec gratiæ divinæ nec salutis æternæ obtinendæ via ulla sit; unde non datur ignorantia, quæ defendere vel excusare apud Deum possit, utpote qui sic constituit. Obligatio *Præcepti* est, quæ sic obligat, ut, etsi non impleatur, fieri tamen quandoque possit, ut ignorantia (quippe non culpabilis) excuset. Igitur ut hanc distinctionem ad propositum argumentum traducamus; res explorata certaque omnibus est, quælibet adultum sub peccato mortali & necessitate *Medii* scire ac credere: quod sit unus solus Deus auctor gratiæ & gloriæ, remunerans obediētes sibi, puniens offendentes se; Hinc, talis cum sit Deus ille, credi (Ut consequens est) debet, quod sit justus iudex, præmiā cultores legis suæ & ejusdem violatores castigans: Unde sequitur, & præmia æterna paradisi & pœnas æternas inferni credi debere. Sic docuit Paulus affirmans (b) *Sine Fide impossibile est placere Deo; Credere enim oportet accedentem per Fidem ad Deum, quia est auctor supernaturalis & inquiruntis se ex animo remunerator sit.* Dixi: Credi debere, quod Deus sit auctor supernaturalis; nam, ut auctor naturalis, rationis naturalis ope cognoscitur, nec alius Fide ad id opus habet, quam is, qui argumenta, quibus Deus auctor etie naturalis demonstratur, ignorat: Contra ut auctor supernaturalis (nimirum ut auctor gratiæ & gloriæ) agnosci a lumine mortalium, nisi solius Fidei ope ac lumine, potest; cum lumen rationis naturalis naturæ limites transgredi & ad veritates se superiores (Uti sunt veritates supernaturales & a Deo revelatæ omnes) pertingere

nunquam possit. Hæc ergo, quæ dixi, credi necessitate *Medii* debent, & sine hac Fide nullus adultus vel gratiam vel gloriam habere poterit; cum doctrinas contrarias sancta Sedes (*Innocentius XI. propof. 22.*) reprobavit.

Debet præterea quivis adultus distinge & formaliter credere eadem necessitate *Medii* duo præcipua legis christianæ mysteria: Primum, quod hic Deus, auctor & remunerator supernaturalis, unus sit in essentia & trinus in personis, quæ Pater, Filius, Spiritus sanctus dicuntur: quod mysterium Sermone IV. prolixè exposui: unde de illo quicquam hoc loco repetere supervacaneum dabo. Secundum, quod Filius, secunda Trinitatis persona, humanitatem nostram (hoc est: animam & corpus virtute Spiritus sancti ex sanguine purissimo Mariæ Virginis formatum) assumpserit, ut in illa humanitate pateretur ac moreretur pro nobis in Paradisum, e quo æternum ejecti fueramus, reducendis. Hoc quoque mysterium Sermone XI. multis explicavi, atque ob id ulteriori illius explanatione superfedeo. Hæc duo mysteria teste S. Thoma, cui permulti alii Theologi consentiunt, credi ab adultis singulis necessitate *Medii* debent, adeo ut nec habere gratiam divinam nec pervenire ad gloriam possint, nisi hæc mysteria sciant & credant. Sic docuisti Christus dicens: Qui non credit; jam judicatus est; quia non credit in nomine unigeniti Filii Dei (c) At non solum ille non credit, qui credere detestat, sed & is non credit, qui ignorat; cum credi distiuncte non possit, quod nescitur. Sic etiam Paulus affirmavit: Non justificatur homo... nisi per fidem Jesu Christi (d) Debet itaque homo cum fide Jesu Christi & consequenter cognoscere mysterium SS. Trinitatis, sine cujus cognitione mysterium Incarnationis bene credi non potest; uti omnibus patet: Hinc apposite S. Thomas (e) *Mysterium Incarnationis Christi explicite credi non potest, nisi fide Trinitatis; quia in mysterio Incarnationis Christi hoc continetur, quod Filius Dei carnem assumpserit & quod per gratiam*

(b) *Hebr. 11.*(c) *Joan. 3.*(d) *Galat. 2.*(e) *2. 2. 9. 2. 8. 7.*

tiam Spiritus sancti mundum renovaverit & quod de Spiritu sancto conceptus fuerit. Et in eodem loco concludit: *Post tempus gratiae revelatae tam majores quam minores tenentur habere fidem explicitam de mysteriis Christi, praeceptis quantum ad ea, quae communiter in Ecclesia solemnizantur & publice proponuntur, sicut sunt articuli Incarnationis.* Immo majus quid pertendit (f) magnus S. Augustinus (si eidem fidem habere voluerimus, uti habenda oppido est) atque affirmat: *Esse Fidei dogma, etiam iustos legis antiquae non nisi per fidem in Christum justificationem & gratiam Dei esse consecutos: Sine fide Incarnationis & Mortis & Resurrectionis Christi nec antiquos iustos, ut justis essent, a peccatis potuisse mundari & Dei gratia justificari, veritas christiana non dubitat.* Jam si Augustinus contendit: sine cognitione & fide Incarnationis, Mortis ac Resurrectionis Christi venturi ne quidem in lege Moisaica peccatorum remissionem & gratiam Dei obtineri potuisse; quanto magis istud in lege christiana affirmari debet, postquam Christus mysteria illa omnia implevit ac consummavit: Ob eam rem Jobus ille praestans legis naturae Sanctus (g) multo ante legem scriptam tempore belle confessus est: *Scio quod Redemptor meus vivit, & in novissimo die de terra surrecturus sum, & in carne mea videbo Deum salvatorem meum.*

Ex his sequitur, omnes adultos sub peccato mortali obligari, ut fiant & credant omnes Symboli apostolici articulos prima praesentis Operis parte a me explanatos. Non hoc ego, sed magnus Thomas magister ille meus affirmat (h) *Quantum ad prima credibilia, quae sunt articuli Fidei, tenetur homo explicite credere, sicut & tenetur habere fidem.* At hi Fidei articuli sunt ipsi articuli Symboli Apostolorum; atque ob eam causam is, qui illos saltem quoad rem & substantiam ignorat, in statu peccati mortalis versatur. Debent praeterea sciri saltem ex necessitate Praecepti praecipuae obligationes hominis Fidelis, nimirum praepcepta Decalogi, praepcepta Ecclesiae & principalia status

P. Cuncti si Catholici.

(f) Lib. de pecc. orig. c. 24.

(g) Cap. 19.

proprii officia. Rei hujus ratio evidens est; nam quemadmodum in statu peccati mortalis versatur, quisquis gravis momenti munus sibi arrogat, quin illius regulas seu praecipuas veritates calleat: ita etiam, cum veritates articulis Symboli comprehensae & aliae paulo ante memoratae sint regulae & veritates principales ad sectatorem christianae legis pertinentes, ob id illas ignorans coram Deo gravis omissionis reatum contrahit, maxime in nostris oris, in quibus disci illas persacile est, adeo ut illarum ignorantia ex nullo alio fonte, quam ex detestabili segnitie & omnimoda eorum, quae Christianum constituere debent, officiorum negligentia fluere possit.

Debet praeterea quivis adultus Catholicus nosse atque credere veritates ad septem Sacramenta & eorum efficaciam spectantes, saltem ad illa Sacramenta spectantes quae pro aetatis suae ratione recipere obligatur, & distinctius atque clarius Sacramenta Baptismi, Poenitentiae, Eucharistiae suo a me loco exposita. Debet insuper scire & credere veritates ad invocationem Virginis sacratissimae & Sanctorum, ad cultum reliquiarum & imaginum sacrarum, ad purgatorium ac suffragia, quibus, uti etiam maxime Missae sacrificio, animae ibi detentae adjuvari possunt, spectantes. Similiter scire debet, uti S. Thomas superius affirmavit, mysteria Christi, quae communiter in Ecclesia solemnizantur & publice proponuntur.

Utinam nunc, O mei! ardor, spiritus & lacrymae Officis (i) Prophetiae mihi adestent, quibus defectum hujus scientiae remus divinarum atque Fidei in permultis Catholicorum plangam! *Non enim est veritas . . . & non est scientia Dei in terra.* O charissimi Auditores! Quot, eleu! quot maxime de plebe homines reperire est, qui res a me allatas scitu necessarias penitus ignorant? Testes hujus rei appello Confessarios sacri officii sui diligentes: Hi dicant, in quot personas incidant, quae non solum mysteria praecipuis solennitatibus ab Ecclesia celebrari solita, non solum veritates ad Sacramenta,

P p

(h) 2. 2. q. 1. a. 5.

(i) Cap. 4.

quae

quæ recipiunt, spectantes, non solum Symboli capita nonnulla non norunt; sed nequidem primores duos SS. Trinitatis, & Incarnationis, Passionis, Mortis ac Resurrectionis Christi articulos sciunt, adeo ut interrogatæ nesciant, quid reponant; quin prius cum animo suo multa recogitent, respondentes subinde tantum ex parte, aut pro veritatibus revelatis omnino falsa referentes? Heu! quot harum sunt? . . . Et cum ad omnem fraudem, ad omne scelus, ad omnem dolum atque omnem iniquitatem doctæ existant; eorum, quæ credenda atque speranda sunt, aut nihil aut minimum callent!

Testes vocavi *Confessarios sacri officii sui diligentes*, non eos, qui nil aliud, quam confitentibus auscultare & Absolutionem impertire norunt; quin unquam vel raro admonere ora resolvant, ut opportunas interrogationes interponant, summo tum suarum tum alienarum animarum damno. Non hos ego, sed illos Confessariorum antestor, qui, si circumstantiæ crudi, ignorantis, dissoluti & pietate destituti Pœnitentis prudentem dubitationem asserunt, utrum is tum Medii tum Præcepti necessitate scienda sciât, eundem amanter interrogant &, si illum a debita scientia vel omnino non vel parum bene instructum deprehenderint, aut confestim (si possunt) erudiunt aut in aliud magis commodum tempus erudiendum sibi servant. Hos, inquam, hos testes voco deplorandæ rerum divinarum ignorantiae, quæ in multis Catholicorum ad omnem ceteroquin nequitiam doctis obtinet: Ex quo malitiosa discendi omisso & execrabilis remedia, quibus æternum salventur, scienti negligentia videtur atque apparet. Hos (repeto) hos Confessariorum socios mihi advoco, ut cum Propheta Osea plangamus: *Non enim est veritas . . . & non est scientia Dei in terra!*

Et postquam illos in planctus societatem vocari, insuper obsecro atque obtestor, ut serio mecum admovent eos, qui non supponenda (scilicet scienda, præsertim memoratos duos articulos, ab omnibus sciri) temere supponentes, quin alia ratione se

de hoc certos reddant, cuius conscientia, utut eam rudem, ignarâ, perplexam, dissolutam deprehendant, Absolutionem libere impertiuntur. Scire isti oppido debent: quemcumque duo mysteria hæc (nimirum SS. Trinitatis & Incarnationis) ignorantem Absolutionis incapacem esse, uti Innocentius XI. fancivit, reprobans doctrinam, quæ asserbat: *Absolutionis capax est homo, quantumvis labores ignorantia mysteriorum Fidei, & etiam per negligentiam etiam culpabilem nesciat mysterium SS. Trinitatis & Incarnationis D. N. Jesu Christi*; itemque doctrinam, quæ affirmabat: *Sufficit illa mysteria semel credidisse* (k) Quæ cum ita sint, cur Confessarii isti, si ob qualitates Pœnitentis justam dubitandi causam habent, rem actius non investigant? Avertant Superi! ut ne hac investigatione, quam propria ipsis conscientia dicat, eo consilio superfedeat, ut rudis personæ institucndæ laborem divitent! aut expectabant tales Confessarii forsitan, ut impolitissimi & dissoluti semetipsos accusent ac dicant: Nescio ista mysteria. Absit, ut hoc fore credam! nam a talibus Pœnitentibus expectari istud moraliter nequit: Confessariorum ergo erit sciscitare ab illis, an hæc sciant.

Quod si forte Pœnitentem interrogant & eundem laborare gravi hæc ignorantia inveniunt, num brevis explicatio in flagranti facta sufficiet, ut valide ac licite absolvatur? Ut dicam, quod sentio, cum multis Theologorum (quidquid contra alii asserant) affirmo, teneri confessarium, qui talem ignorantiam in Pœnitente arimadvertit, ut non solum eundem Absolutione non impertiat, nisi prius eruderit (Quod fieri post oraculum Innocentii XI. a me supra laudatum omnino debet) sed ulterius ab illo quærat, utrum præbet confessiones cum eadem ignorantia peregerit: Et si Pœnitens affirmet, quem hoc affirmaturum moraliter certum est, tunc debet Confessarius eidem Absolutionem non impertire sed omnium Confessionum cum hac ignorantia peractarum repetitionem persuadere; atque ob eam causam debet Pœnitenti spatium & otium dare, ut

con-

(k) Propos. 64. & 65.

conscientiam suam excutiat & Confessionem generalem suo tempore faciat. Sic cum multis gravissimis Theologis ego sentio inductus a ratione quadam, cui quæ digna responso reddi queat, ignorantiam meam invenire nunquam potuisse profiteor. Ratio autem hæc est: Poenitens, qui memorata mysteria ignorat ex oraculo Pontificio nunc in præsentem incapax Absolutionis est: & quare? quia laudata mysteria ignorat: nec absolvi valide potest, quia incapax est, nisi illa prius discat. Igitur ^{id} nescire hæc mysteria facit hominem incapacem Absolutionis. Jam autem certum: hæc mysteria eundem etiam tunc ignorasse (uti fatetur) quando anteriores Confessiones peregit: Itaque & in illis Confessionibus incapax fuit Absolutionis; cum eadem ignorantia laboravit.

Illud autem exploratum: Absolutionem supra Subiectum incapax prolatam effectum suum non fortiri. Tenetur ergo repetere præteritas Confessiones; cum in illis tam incapax Absolutionis fuerit, quam modo est. Ratiocinium hoc clarum, perspicuum, manifestum, decretorium est, quod, quamvis illad contradicentes variis solutionibus labefactare conentur, nulla tamen harum elidi apud animum meum potuisse assevero. Concludamus itaque & dicta repetentes in unum colligamus: Debent omnes adulti necessitate *Medii* duo mysteria, SS. Trinitatis & Incarnationis &c. Christi scire: Debent præterea saltem necessitate *Præcepti* nosse reliquos omnes articulos Symboli, Sacramenta, præcepta Dei & Ecclesiæ, mysteria Christi, quorum solennis memoria in Ecclesia agitur. Quisquis sine harum rerum scientia Sacramenta suscipit, illicite suscipit a peccat: Et quisquis sine cognitione duorum principalium mysteriorum confitetur, male atque invalide confitetur, quia Absolutionis capax non est, teneturque omnes Confessiones, quas hac ignorantia laborans fecit, repetere.

Jam de obligatione, qua quisvis Christianus ad actus Fidei, Spei & Charitatis erga Deum eliciendos obstringitur. Atque, ut

opiniones de hoc argumento a sancta Sede damnatas missas faciam & ne verbo quidem attingam, distinguere, O mei! duplicem causam debetis, a qua eliciendorum horum actuum obligatio gignitur: Una est præceptum Dei, & hæc est causa directa sive *per se*; secunda est casus aliquis, & hic dicitur causa indirecta sive (ut Theologi aiunt) *per accidens*. Præceptum Dei directe ad hos actus, quippe Deum spectantes, obligat, quando homo discretionis seu rationis usum habere incipit; cum oppido conveniens sit, ut is primos suos affectus ad Creatorem, Redemptorem, principium suum & finem ultimum dirigat; Per verba autem: *Rationis usum habere incipit*, non temporis articulus: mathematicæ acceptus sed enim moraliter consideratus, significatur. Præceptum Dei obligat insuper in fine vitæ, & hoc ob eandem, quam attuli, rationem; cum hoc tempus exigere maxime videatur, ut homo semper magis magisque agnoscat Deum & per hos actus ad illum se convertat. Consentiunt præterea multi graves auctores, esse obligationem divinam, ut homo saltem semel per annum memoratos actus eliciat, adeo ut mortalis adversus divinum præceptum omissionis culpam contrahat, si annum abire sinat, quin hos actus exerceat; id quod nonnullis argumentis confirmant. Nos vero, O mei! sequentes aliorum gravissimorum Theologorum opinionem, absit! ut nobis persuadeamus, quod parum Dei interfit elici hos actus, adeo ut illi satisfieri credamus, si una per annum vice eos exerceamus: Absit, ut cum Deo optimo & maximo tam parce atque jejune agamus: Dicamus potius, adest Fidei, Spei & Charitatis sæpius per anni spatia elici debere. Atque (Ut omnes tum veteris tum novi Testamenti, harum virtutum exercitium summo opere inculcantes, textus: ut SS. Patrum continuum horum actuum usum injungentes sententias præteream) satis habeo docere vos, quæ potissimum meo iudicio causæ & Scripturas sacras & SS. Patres ad exerci-

tium hoc tantopere inculcandum permoverit: Advertite animos, & eandem vobis, quam fieri potest, clarissime proponim.

Nunquid, O mei! quivis Fidelis præcepto divino obligatur, ut a culpis mortalibus quam alienissimus vivat & gratiam Dei in anima servet? Quis de hoc dubitet; cum in hunc scopum omnia legis divinæ præcepta tendant. Jam ad finem hunc assequendum trium virtutum theologiarum exercitium principale remedium esse quis dubitet; quandoquidem hæ solæ Deum proxime seu immediate spectant, atque ob eam causam theologice appellantur. Quomodo fieri poterit, ut Fidelis aliquis bona æterna digne æstimet, ne caducis miseræ hujus vitæ bonis nimio studio inhærescat: ut tot peccatorum occasiones incidentes devitet: ut seculi hujus pompam atque amplitudinem aspernetur: ut carnis voluptates odio habeat: ut ad veram magnitudinem, quæ in coelis possidetur, aspires & suavissimas atque innocentissimas paradisi delicias concupiscat? quomodo (inquam) fieri poterit, ut sic homo Fidelis se gerat, sin minus sæpius per annum Fidem suam excuscat: Et tamen sine his Fidelis sensibus fieri moraliter nequit, ut se homo immunem a peccatis mortalibus & in amicitia Dei conservet. Quomodo fieri poterit, ut Fidelis a divina potentia & misericordia obtineat illa gratiæ subsidia, quibus ad vincendas innumeras tum propriæ carnis tum secularium hominum, tum diaboli undique jugiter irruentes tentationes necessario opus habet, si illa a Deo una solum per annum vice sperat; cum Deus gratiæ suæ præsidia cum spe consequendi illa, quam nos habituri essemus, connexerit teste Propheta Rege: *Fiat misericordia tua Domine! super nos, quemadmodum speravimus in te* (1) Quomodo fieri poterit, ut Fidelis Deum rebus ceteris omnibus constanter anteferat & generose repellat occasiones omnes, quæ sibi offeruntur & quibus inducitur, ut Deo neglecto suo animo obsequatur (Occasiones, inquam, vel bona temporalia illegitime acquirendi, vel ad honores & digni-

tates viis injustis grassandi, vel vetitas delicias & indignas voluptates captandi) si Deum una solum per anni decursum vice amat? . . . Aut creditis, O mei! illum unum unicuique per annum Fidei, Spei & Charitatis actum tam efficacem tamque ardentem fore, ut nobis ad repellendos tot assultus, ad tot pugnas viriliter sustinendas, ad tot difficultates superandas satis virium ac virtutis daturus sit, ne forte humana fragilitas succumbat, ne humana cedat malitia, gratiaque Dei peccato mortali amittatur? Ex his apparet: quod, si quis divinum de virtutibus theologis præceptum ad unum solum per anni spatia actum restrinxerit, is illud ita enervet, ut effectum, ejus gratia impossibile fuit, moraliter loquendo nunquam habiturum sit; cum fieri moraliter nequeat, ut una sola per annum vice credens, una sola per annum vice sperans, una sola per annum vice amans vel Fidei veritates menti imprimat, vel auxilia gratiæ obtineat, vel finis sui ultimi amorem animo concipiat; quibus rebus sese inter innumerabiles occasiones, tentationes, difficultates cultorem legis divinæ & in statu gratiæ illæsum conservet. Itaque si est præceptum divinum, ut homo a peccatis mortalibus abstineat & gratiam divinam factam testamque conservet: dicendum omnino: præceptum divinum quoque esse, ut homo memoratus actus sæpius per annum eliciat; cum sint remedia maxime necessaria, ut mortaliter non peccemus & in gratia Dei permaneamus.

His addo: Anne putatis, O mei! multam curam inesse in patre, qui, filium suum egregium pictorem facere volens, satis haberet, dummodo natus una per annum vice penicillum arripere, eumque per telam duceret. Quid diceretis puto: Nisi ad crebrius exercitium pater filium adigat, solitudinem quam ore jactat, re ostendere haud videtur. Sciatis, O mei! non esse quidquam, quod Deus in Scripturis sacris plus commendavit, quam memoratum virtutum præcipue Charitatis (quod) *maximum* (m) & *primum maudatum* dicitur) exercitium atque

(1) *Psal.* 32.(m) *Math.* 22.

atque usum, ut hac ratione filii sui (scilicet nos Fideles) egregii earundem virtutum, maxime charitatis, professores evaderent. At quomodo affirmari ex vero poterit, Deo cordi esse, ut nos memoratis virtutibus excellamus, si nos ad illarum exercitium non nisi una sola per annum vice obligat? Hæ sunt rationes, quibus quid responderem, me invenire nunquam potuisse confiteor.

Nihil hoc loco opponere juvat: Ecclesia semel in anno ad Confessionem obligat; hinc neque Deus sæpius ad memoratos actus obligat. Concesserim, Ecclesiam circa Confessionem sapienter nihil porro imperare; at Deum ad memoratos actus non porro obligare negarim: Sacramentum Confessionis intra annum per memoratos actus, maxime Charitatis in Deum, suppleri potest, qua homo gratiam, si amisit recuperet & si possidet, confirmet. At memorati actus qua alia re suppleri possunt? Nulla omnino, nisi bene peracta Confessione. Ecce! itaque existeret anima vi præcepti divini iis destituta remediis, sine quibus fieri moraliter nequit, ut intra anni unius spatium non peccetur. Eliciamus itaque O mei! & sæpius eliciamus actus virtutum theologicarum saltem in solennitatibus atque præcipuis festis diebus: Et si, qui animæ suæ curam gerant, illos quotidie eliciunt; vos saltem eo tempore elicite, quo sacro Missæ sacrificio interestis. Hoc, hoc tempus opportunissimum illos exercendi; cum augustissimum hoc sacrificium efficacia argumenta & graves causas illos eliciendi præbeat. Etenim in illo habet Fides, quo se exerceat cogitans, quanta pro nobis Filius Dei passus sit; cum Missa ipsissimum sit in Calvaria peractum sacrificium solo immolandi modo diversum, & Eucharistia per antonomasiam Mysterium *Fidei* appelletur. Habet & Spes, quo se exerceat offerendo Patri æterno in hoc sacrificio Filium pro cujusvis generis gratiis & beneficiis obtinendis. Habet denique Charitas, quo se exerceat erga Deum tanto amore flagrantem, ut millies & millies

quovis die immolandum se præbeat, quo amorem nobis testatum faciat, quocum pro nobis passus est, ferique insuper Cibus noster voluit, ut nobiscum in imis pectorum nostrorum recessibus sit.

At quanquam, O mei! divini præcepti reverentiæ quidquam derogatum nolum, optarim tamen, ut ad frequens horum actuum exercitium potius filialis vos amor, quem tantopere Deo nostro debemus, inducat. Ah! Ipsa ratione dictante assatis viri gravis, docti, sapientis fidem adhibere solemus, eademque animo lubenti sæpe commemoramus, idque eo impensius si horum repetitione voluptatem auctori creati intelligimus. Ah! In negotiis, quæ nobis magni momenti esse videntur, si a potentia, bonitate & fide gravis viri alicujus, qui suum nobis præsidium pollicitus est, pendemus, sæpius eidem fiduciam, quam in illius patrocinio reponimus, significamus, ut eundem ad opem præstandam magis obstringamus. Ah! si quis insignia nobis beneficia contulit, novisque in singulas horas argumentis charitatem suam demonstrare non cessat, eidem amoris sinceri actibus respondemus, novisque indies modis benevolentiam nostram significare studemus. Jam si cum hominibus, ipsa ratione & humanitate instigante, sic agimus: si fidem earum, quæ asserunt, rerum, si fiduciam protectionis illorum, si amorem erga illos (pro eo ut in gravibus negotiis bene de nobis meriti sunt) frequenter innovamus; nunquid convenientissimum putatis, saltem tantundem nos versus Deum facere in negotio omnium, quæ nobis occurrere possunt, summo, salutis nimirum æternæ? . . . Nunquid hanc esse causam urgentissimam existimatis, ut sæpe actus eliciatis Fidei veritatem a Deo manifestatarum, quibus summa nostra felicitas nititur & quarum ductu in via salutis secure incedimus; ut sæpe actus eliciatis Spei in Deum, qui est omnipotens, misericordissimus & in promissis suis constantissimus protector: ut sæpe eliciatis actus Charitatis in Deum

amentissimum, a cujus beneficentissima manu, quidquid in ordine sive nature sive gratiæ habemus ac possidemus, omne accepimus & a quo æternam beatitudinem nostram expectamus. Credamus itaque, O mei! in Deum firmiter, speremus in illo fortiter, amemus eundem efficaciter, & hauriri virtutum actus, quantum fieri potest, quam sapissime exerceamus: Nullum actus illi incommodum, nullam molestiam, dispendium nullum nobis asserunt, immo solatium ac robur præstant & animum in ipso vero atque unico boni omnis centro conquietescere faciunt.

Alia ad memoratos actus obligans causa est indirecta, quam & superius attuli & Theologi *per accidens* vocant: nimirum quando gravi nos tentatione invadii ventimus, & nos, si dictos actus elicimus, victoriam reportaturos; contra, si illos omittimus, in periculo pravi assensus esse cognoscimus. Hoc in casu ex S. Thomæ & Theologorum omnium sententia tenetur homo vel omnes vel unum horum actuum elicere, ut se a lapsu servet. Duo itaque gravium tentationum genera distinguamus, scilicet tentationes contra Fidem aut Spem aut Charitatem, & tentationes adversus aliquam virtutem v. g. castitatem. Primum genus tentationum actibus Fidei, Spei & Charitatis erga Deum repellitur, hisque actibus proprium est, eas repellere; & si periculum imminet adversus memoratas virtutes theologicas peccandi, elici actus earundem pro tentationum irruentium ratione debent: Hinc si quis graviter ad non credendum vel ad dubitandum de Fidei veritatibus tentatur, debet elicere actum Fidei de his veritatibus, circa quas graviter tentatur: Et si quis in periculo desperationis versatur, debet elicere actus Spei: Et simili modo qui ad malevolentiam in Deum tentatur, tenetur elicere actus Charitatis erga eundem; Hoc enim (scilicet repellere directos suos inimicos) proprium est memoratarum virtutum. Intrecte autem ad eliciendos hos actus obligari dicimus, quando illos eo opportuno

fore judicamus, ut ne in gravia peccata adversus alias virtutes morales labamur; e. g. quando quis graviter ad libidinem, ad vindictam aut aliud peccatum impellitur, & consensus periculum ingruere advertens deprehendit, se, si actus Fidei aut Spei aut Charitatis in Deum elicit, facilius a tentatione expediendum fore; talis ad hos actus exercendos obligatur. Immo hos actus cuius tentato utilissimos esse ego adjecerim; quodnam enim tam durum ac forte adversus venenatam tentationum tela scutum esse poterit, quam veritates de pœnis inferni cuilibet graviter peccanti intentatis, de paradiso cuius viriliter certanti promisso, de ærumnis Christi ab ipso exantlatis, ut peccatum prosterneret, atque nos ad similes consiliis animaret, & quæ sunt alia hujus generis, animo proponere? . . . Obid Paulus *Ephes. 6.* hortatur, ut confestim scutum Fidei arripiamus: *In omnibus sumentes scutum Fidei, in quo possitis omnia tela nequissimi ignea extinguere* (m). Quas præterea vires in omni tentatione Spes non avertit, reducens menti promissa Dei, quibus fidem suam obstrinxit, se cuius ob sui amorem decertanti & cedere nolenti invocatum præsto fore? *Invoca me*, ait per Prophetam (n) *in die tribulationis, eruiam te & honorificabis me.* Atque similibus promissis tum vetus tum novum Testamentum scatet; Inter omnia vero illud Prophetæ Isaïæ (o) maxime elucet: *Noli timere! . . . Meus es tu; cum transieris per aquas tribulationum, tecum ero & flumina non operient te; cum ambulaveris in igne, non combureris & flamma non ardebit in te; quia ego Dominus, Deus tuus, Sanctus Israel, Salvator tuus.* Jam quid longius a peccati consensu nos removet quam actualis Dei illud vetantis amor? Aut quis actus majori terrori esse daemonis potest, quam ille, quo homo se suum Deum ex toto corde diligere profretur? Quis actus animam ad recipienda a Deo victoriæ adjumenta præparare melius poterit, quam ille, quo homo Deum ex animo super omnia alia amat? Paucis, ait Augustinus (p) quan-

(m) *Ephes. 6.* (n) *Psalms. 49.* (o) *Isa. 43.* (p) *Conc. 27. in Psalm. 118.*

to magis regnat in unoquoque Dei Caritas, tanto minus ei dominatur iniquitas. Hinc homo, Deum super omnis diligere se professens, cum Apostolo Paulo mentis ardore abreptus libere pronuntiabit: *Quis nos separabit a charitate Christi? Tribulatio, an angustia, an fames, an nuditas, an periculum, an persecutio, an gladius? Certus sum enim, quod neque mors, neque vita . . . neque creatura alia poterit nos separare a Charitate Dei, quæ est in Christo Jesu Domino nostro* (q)

1

(q) Rom. 8.

Concludens igitur vos exhortor, O mei! Afuercite, inliguium trium virtutum harum (virtutum, quæ solis Christianis propriæ ac singulares sunt) actus quam id fieri potest, sæpissime elicere, saltem (Ut monui) dum Missæ sacrificio adfatis, uti etiam in omnibus adversis, angustis, laboribus ac tentationibus in hujus miseræ vitæ curriculo irruentibus; & hoc modo præceptum exipientes divinum mirabiles auxilii Superum & victoriarum de orco universo effectus refferetis.

SERMO XLVII.

De Charitate Proximo debita generatim, & speciatim de operibus misericordiæ spiritalis.

CUm Jesus Christus præceptum amandi Deum semper cum præcepto diligendi Proximum copulaverit, convenientissimum fore judico, ut, postquam de præcepto dilectionis Dei ad vos dixi, confestim ad præceptum amoris Proximi explanandum pergam; præcipue cum teste S. Thoma virtus Charitatis theologicæ, quæ Deum amat, eadem & Proximum amet, Deum quidem tanquam *objectum primum*, Proximum vero tanquam *objectum secundarium*. Quæret aliquis a me, quod a Christo scriba ille quæsit: *Et quis est meus Proximus* (a) Forsthan soli propinqui? Soli amici? Soli noti? Soli concives? Soli conterranei? Soli Christiani? . . . Ita, O mei! hos omnes & insuper omnes humanas creaturas, quas hic terrarum orbis habet, & Turcas & Judæos & Aethiopes & quidquid est uspiam hominum, cujuscunque Fidei aut Religionis sint, nomine Proximi Deus comprehendit, idque merito; Nunquid enim pro omnibus in universum mortalibus Filius Dei sanguinem suum longe pretiosissimum fudit ac mortuus est? Ita ex oraculo Pauli

Fides testatur: *Pro omnibus mortuus est Christus* (b) Jam si Christum amor induxit, ut pro omnibus, (plane nullo excepto) sanguinem fuderit ac mortuus sit, nonne deuit velle eundem, ut amaremus omnes homines & ab omnibus omnes homines pro Proximis haberentur? Sunt ergo omnes creaturæ humanæ Proximus noster.

At qualem amorem habere erga Proximum debemus, ut huic præcepto faciamus satis? Respondeo, damnatam esse ab Innocentio XI. sententiam, quæ contendebat: Non esse necessarium, ut Proximus amore formali (hoc est: actibus internæ & cordialis benevolentiae) diligatur, sed satisfieri præcepto huic, si solis signis exterioribus Proximo actus extrinsecæ benevolentiae ostendantur: *Non tenemur diligere Proximum actu interno & formali. . . Præcepto Proximum diligendi satisfacere possumus per solus actus externos* (c) Hæ sententiæ jure merito reprobatae & indignæ sunt, quæ ab auctoribus Christianis vulgatæ sint. Itaque ex præcepto divino diligere Proximum internis benevolentiae actibus debemus, significando eidem

(a) Luc. 10.

(b) 2. Corinth. 5.

(c) Propos. 10. & 11.

eidem hos etiam externis actibus pro temporum, locorum & personarum ratione. Hæc ob eam causam dico, quod præceptum istud duos actus complectatur, quorum unum prohibet, alterum imperat: Actus, quem præceptum vetat, semper omni tenore, omni in loco, erga quicumque personam prohibitus est consistitque in eo, ut nullo unquam tempore malum cuicumque Proximorum velimus: Actus, quem imperat, in eo consistit, ut Proximo bene velimus; & hic ad faciendos memoratos internos amoris actus & etiam externos, quibus amorem hunc suo tempore ac loco ostendamus, obligat; prout in hoc & sequenti sermone opportune explicare pergam, uti etiam quando de quinto Decalogi præcepto agetur.

Quomodo igitur amare Proximum debemus? Facilis & quam expeditissimè ad hanc questionem responsio est: Docuit nos Christus Servator optimus diligendi Proximi modum, quando dixit: *Hoc est præceptum meum, ut diligatis invicem, sicut dilexi vos* (d) Jam videamus, quomodo nos Christus dilexerit? Diligens nos Christus non istud spectavit, ut fluxas seculi hujus delicias aut amplas vitæ præsentis divitias haberemus: non ut mundi hujus dignitates atque honores possideremus: minime vero ut sensuum ac corporis voluptatibus fruere-mur. Non hæc (inquam) Christus nos diligens spectavit; sed enim ut nos ad gratiam divinam & gloriam sempiternam comparandam aptos efficeret. Dilexit ergo nos in ordine ad virtutes sanctas, quibus inordinatos animi affectus compesceremus, domaremus concupiscentias, cum hostibus nostris spiritualibus decertaremus &, gratia divina auxiliante debitas ex illis victorias reportando, ad æternæ demum felicitatis portum appelleremus: Hæc doctrina illius & prædicatio omnis, huc labores & ærum-næ omnes, huc vita illius omnis & mors ipsa spectavit. Idipsum ergo & nos in Proximum an or spectare debet monente S. Augustino (e) Diligendus a nobis Proxi-

mus, aut quia jam est in Deo aut, si non est, ut sit in illo & illi arctius constringatur: *Ille veraciter amat amicum, qui Deum amat in amico, aut quia est in illo, aut ut sit in illo.*

Hinc Doctor angelicus S. Thomas agens de ratione diligendi Proximi, ut amor nos-ter sit actus charitatis erga illum, cum reliquis Theologis tres conditiones assignat: Sunt hæ, advertite animos! sequentes; Amor in Proximum debet esse sanctus, justus, verus. Debet esse sanctus ex parte finis: *Ut scilicet aliquis diligat Proximum propter Deum, sicut se ipsum propter Deum debet diligere; ut sit dilectio Proximi sancta* (f) Debet esse justus ex parte regulæ dilectionis: *Ut scilicet aliquis non condescendat Proximo in aliquo malo sed solum in bonis, sicut & sua voluntati sitis facere homo debet solum in bonis; ut sit dilectio Proximi justa.* Debet esse verus ex parte rationis dilectionis: *Ut scilicet non diligat aliquis Proximum propter propriam utilitatem vel delectationem, sed ea ratione, quod velit Proximo bonum, sicut vult bonum sibi; ut sit dilectio Proximi vera.* Ecce! quæ sit vera vis ac significatio præcepti divini, quo Proximum sicut nos ipsos diligere obstringimur: *Diliges Proximum tuum sicut te ipsum* (g) primo quidem bene illi volendo in ordine ad Deum & salutem animæ ejus; secundo vero obsecundando eidem in bonis solum rebus, nunquam in malis: tertio denique volendo illi bene propter illum ipsum, scilicet propter illius commodum & utilitatem, non propter tuum emolumentum, lucrum aut delectationem. At ecce! una lapidem Lydium, quo explorare licet, quam pauci sint, qui Proximum hoc per præceptum divinum imperato amore ament? Quin omnes hominum ordines ac status animis vestris percurrite; Ah! quam paucos reperietis, quorum amor in Proximum ad memoratas tres conditiones exatus sit, quæ tamen adesse omnino debent, eo ut Proximum amore charitatis ametur & præceptum imp'etur? Heus! ille genitor amat filios suos creditur, quoniam illis litterarum præceptis bene imbui, ad omnimodam morum humani-

tatem

(d) Joan. 13.

(e) Serm. 335. 1. 2.

(f) 2. 2. 2. 44. a. 7.

(g) Matth. 19.

tatem & officia ordini suo congrua erudiri curat : quoniam filias in honesta collocare matrimonia, simpla ornare dote & tum eruditione varia tum laboribus sexum muliebrem decentibus spectabiles reddere studet; dum contra aut parum aut nihil aut postremo loco curat, ut Fidei catholicæ scientia instruantur, ut Dei timor sanctus eorum in mentibus radices agat & in hunc finem illi sanctissima Sacramenta sub arbitrio pii doctique confessorii frequentent, ut a vitiis suis se corrigant (verbo) ut veri & bonæ frugis Christiani sint. Hujus farinae genitores non amant amore charitatis, quia non propter Deum (ut S. Thomas) nec ut Deus sit in illis (ut S. Augustinus innotet) amant: Multo minus, vero dici hoc de parentibus poterit, si perniciosâ quadam indulgentia pravos natorum affectus, lascivos amores, gaudia, plenas omnis licentiæ amicitias vitæque solvent. Alus amare amicum dicitur; at si causam amoris ex illo quæras, prompte respondebit: quia amicus meus urbanus, quia affabilis, quia officiosus, quia in omnibus morigerus & obsequiosus est: Hinc etiam ego operam illi meam, quantum possum, dico. Verum, O bone! nunquid & pro illo oras; ut malam per nomen Dei, per nomen Christi, per sacrosancta Evangelia de re quavis levissima, immo & de nihilo jurandi consuetudinem dimittat? Nunquid eum a mala familiaritate, ab illa scandalosa servitute, a gaudiis illis, quibus in interitum se ipsum agit, retrahere conaris? Num eundem diligeres, si non tam urbanus, non tam officiosus, non tam ad obsecundandum in iis, quæ tibi petis, promptus esset? . . . Nequaquam! Erit itaque amor tuus amor naturalis, sensibilis, suis commodis serviens; at non erit amor ille, quem Deus imperat; quia non est propter Deum, nec ut Deus sit in illo, sed propter propriam utilitatem. Dicuntur invicem amare se & medullitus quidem duæ personæ, quæ carnali ac lascivo amore actæ mutuum sibi auxilium præstant, ut se in divina inimicitia conservent. ut Nummen supremum offendant, ut thalami con-

P. Cunctis Catechista.

(h) Galat. 6.

(i) Liber. 20. quest. 9. pr.

jugalibus jura violent, ut in infernum æterno præcipites eant. Est hic amor certe etiam bestiarum communis, non tamen hoc sine discrimine, quod bestiarum determinatis temporibus, at mortales sua continuo libidine agantur: Est hic amor vero odio omnium, quæ cogitari possunt, pestilentissimo similis; quoniam animæ insidias struit, ut eandem una cum corpore infernalis carceris flammis æternum involvat: non jam amor charitatis, immo ne quidem amor cum humana ratione consentiens.

Diligendus itaque Proximus sancte, juste, vere: scilicet in ordine ad Deum, ut sit in gratia Dei, si nondum est; aut si est, ut in illa magis confirmetur: Diligendus (quod consequens est) Proximus sine præpoltera obsequendi studio, scilicet quin eidem in rebus legi divinæ repugnantibus mos geratur: Diligendus denique non nostræ utilitatis causa, sed propter se ipsum ac propter suum meritum. Quod si meritum ille non habet, habet certe Christus, qui sic eum diligere jubet: habet, quo ille emptus est, sanguis Christi. Et hic amor, quem *generalem* appellare placet, omnibus (nullo excepto) debetur: Exercetur autem orando pro omnibus, ut Infideles quidem ad Deum convertantur, Fideles autem (si peccatores sint) ad frugem se recipiant (si justi) magis magisque perficere se sanctis virtutibus studeant.

Aliud generalis hujus in omnes charitatis exercendæ remedium ac documentum nobis S. Augustinus præbet, desumptum ex verbis Pauli monentis (h) *Alter alterius onera portate; & sic adimplebitis legem Christi: quæ verba S. Doctor (i) latius sic exponit: Hujus dilectionis officium est, invicem onera portare; Id autem sit secundum diversa tempora & diversa genera infirmitatum. Verbi gratia: Iræ fratris tui non portas, cum adversus eum non irascaris; ut rursus eodem tempore, quo in te ira præoccupaverit; ille te lenitate sua supportet: loquacitatem tuam ille portat, tu illius pertinaciam charitate portare debes, donec illud in te & ipsum in illo vitium*

Q q

san-

janetur. Pergit: *Accedit alia cogitatio . . .* Nos homines sumus, & considerare debemus, quod ægritudinem siue corporis siue animi, quam in alio homine videmus, etiam nos habere potuimus & possumus; Hoc ergo exhibeamus illi, cuius infirmitatem portare volumus, quod ab illo nobis exhibere vellemus, si forte nos in ea essemus, & ipse non esset. Prosequitur: Deinde etiam illud cogitandum, nullum esse hominem, qui non possit habere aliquod bonum, quod tu nondum habes, etiam si lateat, in quo possit te esse superior; quæ cogitatio ad contundendam edomandamque superbiam valet, ne arbitreris, quoniam tua quædam bona eminent & apparent, ideo alterum nulla habere, quæ lateant, & fortassis maioris ponderis bona, quibus te superat nescientem. Ecce, O mei! causas a S. Augustino allatas, quibus inducamini, ut Proximorum misereamini eisdemque promissæ bene velitis: ut alter alterius onera, pro lege dilectionis Proximi a Christo data implenda, portetis. Hinc concludit S. Doctor: *Istæ cogitationes depri- mentes superbiam & acuentes charitatem faciunt onera fraternæ invicem non solum æquo animo sed etiam libentissime sustineri.*

Ex his omnibus inferri debet, O mei! adversus præceptum de Proximo diligendo plus minusve peccare non solum eos, qui Proximum facto vel verbo offendunt, non solum eos, qui Proximo male volunt & eundem odio habent; sed etiam illos, qui de malo, quod Proximo accidit, *tanquam de malo Proximi* gaudent, Dixi: *tanquam de malo Proximi*; nam potest e. g. accidere, ut aliquis fatis profligatus peccator gravi morbo corripitur, quo eundem convertendum & a vitæ, quam duxit, pessimæ ratione avocandum fore speratur: Et sic morbus illius, non tanquam malum ipsius, sed tanquam opportunum animæ ejus remedium concipitur: In hoc casu gaudere de morbo Proximi ex solo fine futuræ ejus emendationis, non est gaudere de malo illius, sed de remedio ægrotantis animæ: Hinc non est peccatum, nec est gaudium de malo Proximi, sed potius de bono Proximi, quod inde eventu-

rum speratur. Sic & de aliis similibus casibus sentite. Unde S. Gregorius M. ait (k) *Evenire plerumque solet, ut, non amissa charitate, & inimici nos ruina lætificet & rursum ejus gloria sine invidia culpa contristet; cum & ruente eo quoddam bene erigi credimus & proficiente illo ple- roisque injuste opprimi formidamus.* Peccat præterea adversus præceptum dilectionis Proximi, qui de morte vel alio gravi malo Proximi ob utilitates ex his casibus ad se re- dituras lætatur. Sic e. g. hic de morte propin- qui sui, quæ re ipsa accidit, vel quam ingruere videt aut quam etiam mere cogitat, ob hæreditatem, cui imminet, lætatur: Sic alius gaudet, hunc de illo fastigio deci- disse; quod jam ad id accensus sibi pateat: Sic alius lætatur, hunc amisisse fautorem suum, cecidisse causâ suâ aut munere suo, incœptum non peregisse; quod jam sibi rei illius occupandæ via pateat &c. Omnes hi graviter contra præceptum de diligendo Proximo delinquant; nam quamvis de malo Proximi haud *absolute*, sed tantum quatenus id utilitatem siue realem siue speratam assert, lætentur: tamen de malo hoc gaudent, in quantum est remedium propriæ utilitatis: Hinc gaudium & in eo, quod Proximo accidit, malo & in utilitate consequenti vel expectata terminatur. Aliud esset de solo effectu, qui etiam aliis viis vel obtineri vel sperari potest, lætari, ceterum displicentiam habere in causâ; nimirum si quis lætatur, quod hæreditatem adipisci queat, quam etiam ex munere donatoris viventis adipisci potest: quod aditus ad illam dignitatem, officium vel via ad lucrum illud &c. pateat, qui aditus etiam pandi per liberam renunciationem possidentis potest: Tale gaudium non repugnat charitati; sed solum ob allatam rationem peccatur, si de his rebus tanquam de effectibus dictarum calamitatum gaudetur.

Verum, quoniam amor (si verus est) operatur, & (si quidem potest) bonum; quod Proximo efficaciter vult, hoc eidem & facit; ob id, quisquis Proximum vere diligit, dilectionem re ostendit, Proximum

pro

(k) Libr. 2. Moral. c. 11.

pro ratione necessitatum ejus in iis, in quibus potest, adjuvando. In hunc finem numerantur opera tum spiritualis tum corporalis misericordiae erga Proximum: Opera misericordiae spiritualis ad Proximi animam, opera misericordiae corporalis ad corpus illius proxime attingent, quamvis & haec posteriora ultimatō ad bonum animae Proximi spectent; quoniam corporalibus illius necessitatibus eo solum succurritur, ne iis inductus indigens Proximus peccare contra animam suam ac Deum, sibi sumat.

Et quanquam persuasum habere plane debeam, sciri a vobis, O charissimi! memorata duplicis hujus misericordiae opera, quippe quae ex doctrinae christianae libellis docti estis; nihilominus Catechistae munus esse quis videt, eadem recensere. Ac primo quidem de spiritualibus agemus. Horum primum est, rudes & rerum ad animam ejusque salutem pertinentium ignaros docere; Est hoc actus charitatis, ad quem etiam ex iustitia tenentur il omnes, qui praesunt sive animabus, uti parochi: sive familiis, uti parentes respectu prolis: item heri respectu servorum, & rectores alique collegiis, seminariis, scholis praefecti &c. respectu subditorum suorum. Ex charitate autem ad hunc actum tenentur Fideles omnes respectu eorum & Proximis, quos Fidei veritatum ignaros esse norunt, & qui aegre nancisci rerum istarum magistros possunt; adeo ut institutionis hujus omisso pro circumstantiis personarum, temporum & locorum plus minusve gravis evadere possit: Hinc ait S. Ambrosius (l) *Ut dives, qui pecuniam suam non impartit pauperibus; ita etiam qui doctrinae suae gratiam non dividit imperitis, haud mediocris reus est culpa.*

Secundum est corrigere peccantes (m) Notandum hoc in loco, duplicem esse correctionem: unam, quae ad emendationem Proximi spectat; & haec est actus charitatis, de qua agimus diciturque *Admonitio*: alteram, quae ad boni communis defensionem pertinet, atque ob id etiam poenarum vi utitur; & haec est actus iustitiae attingens ad

solos Superiores respectu Inferiorum. Dicamus de primo correctionis genere, ad quam non solum Christi praeccepto: *Vade & corripe eum* (n) sed etiam naturali jure obligamur; nam si lege naturali eleemosyna corporalis (Uti suo loco videbimus) imperatur, multo magis haec spiritualis eleemosyna imperatur; cum haec ad finem multo altiorem (scilicet animae salutem) propositum sibi habeat, illa vero solum ad salutem corporis pertineat. Nihilominus quemadmodum eleemosyna corporalis non semper, sed pro ratione circumstantiarum & ut res postulant, obligat; ita & eleemosyna spiritualis solum pro locorum, temporum & modi ratione obligat: *Ubi debet, quando debet & secundum quod debet*, ait Doctor angelicus (o) Igitur si quando haec se circumstantiae dederint (scilicet si potest, si debet corrigi Proximus, & si spes non vana emendationis assulget) omitti correctio sine gravi culpa non potest. Difficultas omnis in eo vertitur, ut videamus, quando sub gravi peccato admonitio haec fieri debeat? Non jam de superioribus & praesidentibus, sed de omnibus Fidelibus dico atque respondeo: Eo, ut sit obligatio Proximum sub gravi peccato admonendi, requiritur primo, ut culpa personae corrigendae gravis ac mortalis sit. Secundo, ut sit moraliter certum, Proximum peccasse vel peccaturum. Tertio, ut prudens & probabilis spes appareat securae emendationis aut fructus alicujus, pro ut notat S. Thomas. Quarto obligat praecceptum correctionis fraternae, etsi spes non sit, fructum statim secuturum, dummodo post iteratas admonitiones secuturus speretur. Hinc S. Augustinus (p) *Solet evenire & frequenter accidit, ut ad horam contristetur, cum reprehenditur. & resstat & contendat; & tamen postea secum consideret in silentio . . . & deinceps non faciat illud, in quo juxta reprehensus est.* Consentit S. Thomas dicens (q) Non intelligendum est, quod Proximus semel corripitur sed bis aut ter & etiam pluries, quamdiu probabiliter spes remanet, quod secretius corripī possit. Quinto obli-

Q q 2

gat,

(l) Libr. 2. in Luc.

(m) S. Thomas, 22. q. 33. a. 3.

(n) Matth. 18.

(o) 22. q. 33. a. 2.

(p) Epist. 210.

(q) Quaest. 3. de Pecc. a. 2. ad 24.

gat, quando Proximus haud alia via, quam si corrigatur, emendandus, aut non relapsurus, si admonetur, creditur. Sexto obligat, si alii non adsint, qui hanc admonitionem faciant aut, quamvis adsint, tamen facere illam detestantur; quia tunc tu solus es obnoxius præcepto, cum reliqui reputentur, ac si non essent: qui tamen peccant, si ipsum potius quam tuum munus fuerit Proximum corrigere. Septimo obligat præceptum hoc etiam in dubio, utrum admonitio quidquam profutura sit: dummodo credi prudenter possit, quod nihil obfutura sit; nam in hoc casu præceptum vim obligandi retinet. Hi sunt ut plurimum casus, in quibus Fideles, qui aliis non præsunt, obligantur, ut Proximum (suum in Christo fratrem) admoneant. At vero Superiores, qui quovis modo aliis præsunt, arctius ad hoc obstringuntur tum ex charitate tum etiam ex iustitia, respectu boni communis sive diocesis sive civitatis sive parochiæ sive collegii sive familiæ sive alterius communitatis, cujus præfecturam gerunt. Horum enim munus esse (r) S. Thomas & Theologi contendunt, non solum corrigere peccata ultro occurrentia, sed etiam inquirere in vitam & actiones sibi subditorum: *Illud quod debetur alicui determinatæ personæ, sive bonum spirituale sit sive corporale, oportet quod ei impendamus* (Notate bene) *non expellentes, quod nobis occurrat, sed debitam sollicitudinem habentes, ut cum inquiramus . . . Unde qui habet specialiter curam alicujus, debet eum quærere, ad hoc ut eum corrigat de peccato.* Immo si admonendo nil promovet Superior, debet ob bonum communitatis vel familiæ, cui præsidet, vim & poenas addere: *Correctio pertinet ad Prælatos, quæ ordinatur ad bonum commune & habet vim coactivam, non est dimittenda propter turbationem ejus, qui corripitur; tum quia, si propria sponte emendari nolit, cogendus est per vias, ut peccare desinat: tum etiam quia, si incorrigibilis sit, bono communi per hoc providetur; dum servatur ordo iustitiæ, & unius exemplo alii deservunt.* Jam hoc in loco

heus! quantum est, quod secum recogitent, ii, qui alios curæ suæ commissos habent! nam isti tenentur, ut & in mores subditorum suorum inquirent, & ut eos, si delinquant, admoneant, & in resistentes vim adhibeant, & in contumaces poenis advertant ea tamen cum moderatione, quam & prudentia & jus statui eorum conveniens postulat; secus violant hoc Christi de amore in Proximos præceptum.

Tertius misericordiæ spiritualis actus est bene consulere petentibus: Exercentur autem hic actus, dum consulimus, quæ animæ magis conducunt, & quæ ad veritatem, si illa evidenter non apparet, propius accedere videntur. Hic misericordiæ actus, et si exerceri ab omnibus pro ratione talentorum & secundum regulas pietatis christianæ possit, non tamen temere exerceri a quocunque debet, maxime in materiis ad conscientiam spectantibus & exigentibus eam scientiam atque cognitionem, quæ plebi & personis indoctis haud propria esse solet. Hinc actus iste in materiis memoratis ad sacratas personas maxime attinet, Deo per Prophetam Malachiam (s) dicente: *Labia sacerdotis custodient scientiam & legem requirunt ex ore ejus.* Et profecto tales deberent esse ministri altaris omnes; verum quoniam & in his multi sunt, qui scientia necessaria, qua dubia proposita solide dissolvant & consilia spiritualia petentis necessitatibus accommodata dare queant, desituuntur; ob id consilium a doctis & piis confessariis petendum est. Dixi: *doctis & piis*; nam ad danda salubria consilia parum sine doctrina pietas, multoque minus doctrina sine pietate facit: de qua re sermone XLI. & XLII. satis sufficienterque dixi. Hinc in præsentiarum solis sancti Spiritus verbis monuisse vos volo: *Multi pacifici (amici) sint tibi; consiliarius autem sit tibi unus de mille* (t).

Quartus charitatis Proximo manifestandæ modus est solari afflictos & tribulatos. Sunt, O mei! afflictiones animæ & sunt afflictiones corporis: Priores sunt, quæ humanam fragilitatem ad Deum offendendam quo-

(r) 2. 2. q. 33. a. 2.

(s) Cap. 2.

(t) Eccli. 6.

quodam modo impellunt atque urgent, uti tentationes graviores: angustiae spiritus ex variis adversis casibus, quibus remedium aut nullum aut difficulter reperitur, ortae: aliae aegritudines animi, quas personae, quae se Deo ex toto jam consecrarunt, sentire solent, uti ariditates, derelictiones, desolationes terroresque molestissimi & multa alia (Ut paucis dicam) quae animam ita opprimunt, ut illa stimulari sese ac plane trudi videatur, ut in varia prava consilia erumpat sive abijciendi spem in Deum, sive murmurandi contra Deum, sive ceptam virtutis viam deferendi, sive aliquid solatii actionibus illicitis sibi parandi &c. &c. Et hi sunt Afflicti illi, quos memorato charitatis actu consolari oportet; nam Proximum ab infirmitatibus inere corporalibus & alis sinistris casibus allevare pertinet (Uti videbimus) ad opera misericordiae corporalis. Quanquam autem hic solandi actus a quolibet Fideli pro ratione talenti accepti & ingenii capacitate (Uti superius de Consilio dixi) exerceri possit; non tamen omnibus datum, quavis afflictione pressis solamen adhibere; nam pro genere (Ut sic loquar) afflictionis apta quoque consolatio interponenda. Et quamvis generale afflictis omnibus allevamentum sit proponere poenas, quas Christus Servator noster nostri causa pertulit: fuscitare fiduciam in Deum qui vere Pater noster est & cuius sine consilio nulla nos invadere molestia potest; sunt tamen afflictiones ejusmodi, quibus opportunum solatium asserre qui voluerit, multo rerum usu exercitatus multaque doctrina instructus sit oportet: quibus dotibus nativa quaedam gravitas accedere debet, at illa suavis, efficax, facilis, hilaris & quae pios ac fortis sensus secundum personae afflictæ necessitatem instillare possit; quæ dona cum in permittis reperire non sit (Uti experientia docet) ob id afflicti optatum solatium ex personis memoratas dotes habentibus & praefertim doctis, piis atque affabilibus (si fieri potest) sibi quaerant.

Quintus misericordiae spiritualis actus est, illatas injurias patienter tolerare; cui & sextus jungitur, qui est, injuste offendentibus ex animo ignoscere. Non est, O mei! neque loci hujus neque temporis de dilectione inimicorum agere; cum omnes perbene sciatis, de dilectione disertum Christi supremi Domini nostri praeceptum extare, qui suo id exemplo in antecessum confirmavit ignoscendo illis semper, quotquot majestatem suam vel offenderant vel calumniati fuerant vel male tractarant vel in crucem egerant, dignatus insuper pro illis alta voce de cruce exorare & facinora contra se admissa, quantum potuerat, excusare: Praeceptum rationi ipsi maxime consentaneum, quippe quod etiam a multis ex gentilibus Philosophiæ moralis professoribus exercitum fuisse legimus, qui iis, a quibus laesi fuerant, heroum in in modum ignoverunt eosque beneficiis cumularent. Ob eam causam non est, cur hoc in loco praeceptum istud latius exponam. Explicandus solummodo actus charitatis, quem exercetis, & bonum spirituale, quod iis, qui quocunque modo injuste vos lædunt injuriisque & malis afficiunt, confertis, si illis offensas remittitis & vos dare illarum veniam, eis aliquo modo significetis. Statim opponet aliquis: Quomodo fieri poterit, ut, injurias mihi factas condonando, animæ offensantis bene faciam? . . . Istud vobis clare explico: An dubitare licet, O mei! quin magnum charitatis spiritualis genus foret, siquis exasperatos inimicorum vestrorum animos ad pacem conciliare conaretur, adeo ut illi omnem vindictæ sensum deponerent, de injuriis vobis factis dolerent, vosque inposterum diligere statuerent? Foret hoc, dicetis puto, charitatis florentissimæ indicium; nam liberaret talis animas eorum a lethali affectione & eis in gratiam cum Deo redeundi viam sterneret. Jam cui rei putatis vim majorem adfuturam, anne conatibus hujus viri boni, qui animos vos offendendum vel offendere parantium sedaret, an vero si vos ipsi

ipsi lædentibus vos cognoscendum detis, quod illis omnes molestias & injurias factas ex animo remittatis? Quis dubitet (si vosmetipsi hanc veniam detis & dare vos manifestis) hoc fore remedium omnium inter mortales, quæ cogitari possunt, longe efficacissimum? Quin hoc non solum eo proderit, ut in animis inimicorum vestrorum omne adversus vos conceptum odium resingatur: ut ex illorum mentibus omnis vestræ recipiendæ iracundiæ metus, qui offendentis animum necessario exagitat & eundem mille interius suspicionibus, cautelis ac tumultibus differt, depellatur; sed eo etiam quam maxime valebit, ut inimici vestri compungantur: ut de malis illatis doleant videntes, vos tam prompta tam sincera acceptarum injuriarum condonatione legem Christi exactissime implere; Hinc dicere illi sibi cum animis suis cogentur: En! quam iste pio corde est: quam christiane sentit; dum a me læsus, offensus, vexatus ultro mihi ostendit, se nihil adversus me habere, se iræ meæ misericordiam adhibere, se suam mecum amicitiam prosequi velle: O animum vere christianum! Certe nollem pro cunctis mundi thesauris, illum offendisse! . . . Ecce! O mei! misericordiam spiritualem, quam injuriarum condonatio offendentis significata præstat! Ecce actum charitatis & quidem permagnæ, quæ est condonatio injuriarum! nam & charitatem in animo offendentis extinctam denuo accendit, & menti ejusdem tranquillitatem affert, dum omnem sinistram suspicionem tollit. Percipite, quam apposite ad ea, quæ dico, Spiritus sanctus Salomoni scribendum dictaverit (u) *Si iruerit inimicus tuus, esca illum: si sitierit, da ei aquam bibere; prunas enim congregabis super caput ejus: Dominus reddet tibi.* In quæ verba S. Augustinus (x) *Nam cum cæperit penitentiam agere, sensus rationalis, hoc est caput ignis, incipit charitatis igne succendi: Et qui prius quasi frigidus & phreneticus contra te consurverat iracundiam retinere, spirituali calore de tua bonitate succensus incipit toto corde diligere.*

Certe hoc Davidi a Saule vexato & ad mortem perquisito evenit: Davidi, qui, quamvis Regem Saul inscium secunda adeo vice in manus suas incidisse vidisset (primo quidem in spelunca Engaddi, in qua occidere eum tuto potuisset, at occidere noluit contentus, ei non advertenti oram chlamydis abscondisse: secundo vero, quando in tentorio dormienti lanceam adllectum ejus hærentem & scyphum aquæ in tabula repositum abstulisse satis habuit) tamen charitatem in parcendo a se adhibitam Sauli ambabus vicibus manifestare voluit, ostendens procul oram rescissam vestis & lanceam unicum scypho: documenta sat certa eorum, quæ dicebat, scilicet quod Regem in manu sua habuerit & tamen eidem pepercerit. At ambabus quoque vicibus commotus atque compunctus Saul extitit, & ut primum casum audivit, Davidi dixit (y) *Insulor tu es quam ego; tu enim tribuisti mihi bona, ego autem reddidi tibi mala . . . sed Dominus reddat tibi vicissitudinem hanc pro eo, quod hodie oratus es in me.* Ecce effectum pietatis cum hoste habitæ, scilicet quod ille placeatur, commoveatur, compungatur! Similiter in secundo casu, quando David lanceam & scyphum, invicta factæ vitæ veniæ documenta, Sauli exhibuisset, dixit: *Peccavi! revertere, fili mi David! nequaquam ultra male tibi faciam . . . apparet enim, quod stulte egerim.* Videte iterum, O mei! effectum remissionis injuriarum ab aliis acceptarum, & pro certo habete, hunc misericordiæ actum eorum, quæ facere potestis, præcipuum ac præstantissimum esse: quo ipso legem a Christo tantopere commendatam revera implebitis.

Neque ob id credatis velim, obligari vos hac remissione eo, ut justam damnorum ab iis, qui vos sive quoad famam sive quoad res sive quoad honorem læserunt, acceptorum reparationem non petatis. Nequaquam istud: Optime enim cum remissione injuriarum prætentio vestra convenit. Unde remittentes offensam injuriamve & hanc vos remittere læsori ostendentes, de cetero jus habetis.

(u) Prov. 25.

(x) Serm. 163.

(y) 1. Reg. 24, 26.

habetis eundem monendi aut curandi ut moneatur, quo damnum vobis illatum compenset: Imo postquam modis convenientibus quibusvis usi fueritis, facultatem habetis etiam viis juris utendi, nunquam id tamen mala mente, ut Proximo molestiam faciatis, sed iusto tantum consilio damna vestra reparandi: Ita cum S. Thoma Theologi omnes sentiunt. Sed quoniam de hoc argumento accuratius dicendum, ubi de primo Decalogi præcepto sermo occurret; ob id ad septimum misericordiae spiritualis opus, quod est orare pro vivis & defunctis, brevibus explicandum pergo.

Videtur utique, opus hoc, cum spirituale sit, ad bonum Proximi vivens spirituale, tanquam ad scopum suum præcipuum, spectare. Exercetur autem orando divinam Majestatem, ut Infidelibus non baptizatis lumen sanctae Fidei; haereticis reditum ad sanctam Ecclesiam catholicam, a qua defecerunt; peccatoribus verum & sincerum dolorem; iustis profectum in virtutibus christianis concedat. Nihilominus etiam oratio pro bono temporali Proximi (ut si ve sanatus a morbis si ve liberatus ab angustiis si ve facultatibus statui suo congruis instructus majori mentis cum quiete salutis animae suae

studeat) misericordiae spiritualis terminus non transgreditur; cum finis hujus orationis & scopus præcipuus sit gloria Dei & profectus animarum. Jam hic misericordiae spiritualis erga Proximum actus omnibus, divitibus aequè ac pauperibus, exercitu facilis, fors & principalis est respectu Proximi in genere sumpti: Hinc, quisquis spiritu Christianismi agitur, omittere illum suis in orationibus non debet: scilicet ut, postquam suam animam Deo commendavit, etiam animas Proximorum suorum omnium modis dictis eidem commendet. Quod vero ad Proximos defunctos attinet; nostris probe modis, illis tum per celebrationem Missarum tum per eleemosynas tum per preces Deo in suffragium oblatas succurrendi omnes: Jam ab hoc orationum suffragio nemo est, qui se subtrahere possit; cum per illas liceat applicare defunctis omnes applicabiles Indulgentias; uti sunt omnes Indulgentiae Confraternitatis SS. Rosarii, & aliae. Studete itaque, O mei, pro ratione talentorum & facultatum vestrarum memoratis misericordiae operibus, quibus Deo verum in Proximos amorem, a Christo tantopere commendatum, testatum facietis.

SERMO XLVIII.

De charitate Proximi per opera misericordiae corporalis manifestata.

Superant adhuc explicanda, O mei! opera misericordiae corporalis, scilicet ea, quae ad sublevandum corpus & vitam temporalem Proximi spectant. Sunt illa, esurientes pascere: potum dare sitientibus: recipere peregrinos hospitio: visitare aegrotos: nudos operire: redimere captivos: mortuos sepelire. Nos haec omnia uno eleemosynae corporalis nomine complectemur; cum

actiones hae omnes vere corporalis eleemosyna, Proximo tum viventi tum defuncto facta, sint.

Atque ut statim initio cognoscatis, quanti referat, hoc eleemosynarum corporallium genus Proximo impendere, ea in memoriam reducat velim, quae Christus ipse in sancto suo Evangelio dixit; quando de suprema mundi die & sermone a se tunc tam cum electis quam

quam cum rebrohis habendo loquens iudicium omne in sola disquisitione de harum corporalium eleemosynarum distributione constituit, illas ex ordine recensens tandemque concludens: se malos condemnaturum; quod illi hæc misericordiæ opera (cum potuissent) non fecerint; bonos autem æternis sedibus recepturum; quod illi hæc, exacte & ut par erat, exercuerint: eleemosynas has Proximo factas ut sibi factas, & Proximo non factas ut sibi non factas reputans. Magna profecto res, O mei! Haud dubium, quin in iudicio extremo non solum de his corporalibus eleemosynis, uti Fides & Evangelium ipsum dicit, sed etiam de omni peccato immo & de otioso verbo uno (*Dico vobis, quoniam* (a) *omne verbum otiosum, quod locuti fuerint homines, reddent rationem de eo in die iudicii*) uti etiam de omnibus operibus bonis discussio instituenda sit. Nihilominus Christus hoc Evangelii S. Matthæi (a) ite instituendam in finali iudicio discussionem ad hæc misericordiæ erga Proximum opera restrinxit.

Etenim quid dicit in Evangelio suo? *Qued uni ex minimis* (b) *meis fecistis, mihi fecistis.* Magnam quid certe, ait S. Cyprianus (c) Doctor, Episcopus & Martyr: Eleemosyna proneretur *Christum iudicem, Deum computat debitorem.* Immo, pergit (d) S. Augustinus, faciens eleemosynam scenerari Domino: *Damus in usuram, sed Deo non homini; ei damus, qui dedit, quod demus; & pro modicis rebus, pro frivolis, pro mortalibus, pro vutribus, pro terrenis incorruptibilibus, æterno, sine fine manentia rependit. Quid plura dicturus sum? Se promittit, qui promittit. . . Ene illum ab illo, se sic vendente.*

In eandem sententiam ante S. Augustinum S. Ambrosius (e) scripsit: Discimus, ait, ex Scripturis sacris, eum, qui pauperibus misericordiam adhibet, Domino scenerari testante Salomone (f) *Fæneratur Domino, qui miseretur pauperis.* In quæ verba S. Doctor: *Ecce usura laudabilis! Putatis, quod hominem subrahā vobis debitorem? Deum provideo; Christum subrogo; illum de-*

monstro, qui vos fraudare non possit: Fænerate ergo Domino pecuniā vestram in manu pauperis; ille adstringitur & tenetur; ille scribit, quidquid egenus acceperit: Evangelium ejus cauio est; ille promittit pro omnibus ingentibus; ille dicit fidem: Quid dubitas dare? Si quis vobis, pergit idem, dives hujus sæculi offeratur, qui scire promittat pro aliquo debitorē, stat in numerat pecuniā. Præter est vobis Dominus calī & conditor mundi hujus; & adhuc delibera is: Quem ditiorē quæris fidejussorem? Non video, qui argumentari solidius possit! Nam si viro alicui præditi, quem & debitis solvendis parem & exactæ in solvendo diligentia: esse novimus, pecuniā in pingue scænus quam libentissime damus; quanto magis scenerari Domino debemus, qui se in suis Scripturis eorum, quæ pauperibus dantur, debitorem facit?

Fortassis dicet aliquis, nec male: Vera sunt, Pater! quæ memoras, cuncta in illis nimirum hominibus, qui eleemosynam in statu gratiæ faciunt: quorum opera bona, cum accepta sint Deo, etiam æternis præmiis ab ipso eleemosynam facienti promissis idonea sunt. At qui eleemosynam in statu peccati mortalis facit, ejus opera Fide testante opera mortua, nec unquam aliquod meritum coram Deo habitura sunt, quid præmii hic sibi expectet? . . . Nihil præpropere dicamus, O chare! Sunt vera, quæ dicis & concedere, ea, quæ assers omnino tibi debeo. At repono: Ob eam causam peccatore ad faciendi eleemosyna abstinere nullo modo debere; Nam et si Theologi omnes sancta Fide docti consentiant, bona opera peccatoris, mortalis culpæ rei, jus meriti coram divina iustitia nec habere nec habitura esse: tamen illi ipsi Theologi eadem sancta Fide docti memoratis operibus concedunt vim impetrandi a divina misericordia gratiam conversionis: gratiam omnium, quæ peccator expectet, summam. Quod si vero hanc vim & impetrandi a Deo beneficia efficaciam omne opus bonum a peccatore peractum certe habet; eandem profecto eleemosyna quam certissimo habebit, de qua

(a) Matth. 12.

(b) Matth. 25.

(c) Lib. de Oper. & Eleemos.

(d) Serm. 42.

(e) Lib. de Tobia c. 16.

(f) Prov. 19.

qua tam diferte SS. Scripturæ meminerunt. Aliquot solum loca, clara illa & evidētia, in medium adducam: Primo occurrit testimonium Raphaelis Archangeli ad Tobiam, ut eundem ad hunc misericordiæ actum magis magisque extimularet, dicentis: *Eleemosyna a morte liberat, & ipsa est quæ purgat peccata, & facit invenire misericordiam & vitam æternam* (g) Ac si diceret (Ut locum hunc omnes probe intelligatis) *Eleemosyna a morte liberat.* Hoc cum accipi de morte temporali, cui omnes subjacemus, non possit; accipi utique de morte æternæ debet. *Et ipsa est, quæ purgat peccata;* Hoc cum formaliter & proprie intelligi non possit; quoniam sola habitualis sanctificans gratia istud teste Fide præstat, sequitur intelligi dispositivè debere, quatenus eleemosyna impedimenta tollit ab anima, ut illa impetret a misericordiæ pleno Domino auxilia, quibus se a peccatis purget. *Et facit invenire misericordiam & vitam æternam,* quatenus Deus misericordia in pauperes adhibita commotus etiam ipse misericordiam impendere eleemosynam facienti decernit, ut de peccatis suis doleat & sic contritus salutem æternam consequatur. Idem, quod Raphael, Tobias quoque (h) senior filium suum Tobiam juniorem docuit: *Eleemosyna ab omni peccato & a morte liberat,* quatenus nobis auxilia imperrat, quibus ab omni peccato expediamur, & non patietur animam ire in tenebras; quia peccatori gratiam poenitentiae obtinebit. Num firmiora verbi divini testimonia, quibus eleemosynæ bene factæ pro impetranda conversionis gratia & salute æternæ virtus manifestior, adduci in medium poterunt? . . . Alius se offert S. Scripturæ locus, in quo Spiritus sanctus ait: Sicut ignem ardentem extinguit aqua, sic & eleemosyna resistit peccatis: & Deus prosperior est ejus, qui reddit gratiam: meministis ejus in posuerum, & in tempore confus fuit (mortis) inveniet firmamentum: Et alibi ait: Conclude eleemosynam in corde pauperis, & hæc pro te exorabit, ut ab omni malo serveris. At nulum sermonis finem invenirem si omnia S.

P. Cuniliati Catechista.

(g) Tob. 12.

(h) Cap. 4.

(i) Luc. 12.

Scripturæ loca, ex quibus eleemosynæ bene factæ pro depellendo peccato vis atque efficacia apparet, recensere vellem. Audiamus judicem nostrum Christum: *Date eleemosynam & ecce! omnia munda sunt vobis* (i) ac si diceret: facite eleemosynam eo, quo par est, modo; & si peccatorum venialium rei estis, mundabimini; si vero peccatis mortalibus gravati estis, faciet eleemosyna modo, quo par est, facta, ut auxilia agendæ poenitentiae obtineatis.

Quæret aliquis: Pater! quare dicis: *Eleemosyna facta eo, quo par est, modo?* Respondo: Eo ut eleemosyna peccatori gratiam emendationis a peccatis mortalibus & doloris impetret, fieri illa a peccatore in hunc ipsum finem debet. Clarius me explico: Attendite! Peccator in statu peccati mortalis constitutus, dum eleemosynam facit, varios fines sibi propósitos habere potest. Alius eleemosynam solius ostentationis gratia facere potest, ut largus in pauperes esse videatur: Et hanc quisque videt esse vanitatem vel philosopho, nedum Christiano, indignam. Alius eleemosynam facere potest, ut egenum ab angustiis suis recreet (Hunc maxime finem virtus misericordiæ spectat) motus innata quadam miseratione & indole ad misericordiam prona: Est hic actus bonus & honestus, qui etsi quandam beneficii alicujus a Deo impetrandi virtutem habeat, tamen non habet vim illam omnem, de qua diximus. Alius eleemosynam facere potest, ut Deus sibi concedat auxilia se a peccatis suis bonæ & dolorosæ Confessionis ope liberandi, abrumpendi illam peccaminosam servitutem, ab illa lascivæ amicitia recedendi, deferendi illud peccaminosum lusus genus aut pravam jurandi per Dei nomen consuetudinem &c. Et hi sunt peccatores illi, de quibus Scripturæ laudata testimonia agunt: quibus eleemosyna, si illam hoc pio consilio facere pergunt, doloris & conversionis gratiam impetrabit. Est præterea alius finis, quem vereor, ne multi peccatorum respiciant: quem, etsi nonnulli malitiam ejus non ita

R r

per

perspiciant, tamen actu propositum sibi tenent, ii nimirum, qui perscripta in S. Scripturis eleemosynæ encomia sceintentes eandem faciunt, ut se poenis peccatorum suorum subducant, tacitum Consilium animo versantes prosequendi criminosas suas voluptates, freti misericordia, qua erga miseros utuntur, volentes quodammodo cohibere divinam iustitiam, ne ab illa aut morte improvisa tollantur aut alia gravi poena corripiantur: Hinc maturare conversionem suam cessant, dicentes sibi cum animis suis: Est nobis scutum eleemosynarum nostrarum, hæ nos a furore iræ divinæ defendent: Et sic cumulare peccata pergunt. In hos fluminis instar *Serm. 39.* invchitur S. Augustinus: *Eleemosynæ illis profunt, qui vitam mutant; das enim Christo agenti, ut peccata tua redimas præterita; nam si ideo das, ut liceat tibi semper impune peccare, non pascis Christum, sed iudicem corrumpere conaris.* Intelligite hoc, O voluptuosi! qui de eleemosynis consiliis libidinibus vos vestris contaminare, animo tranquillo pergitis: *Judicem corrumpere conamini.* Intelligite hoc, Vos! qui mercedem operatorum defraudatis: qui, ut cupiditates vestras expleatis, creditores expectando languescere facitis; si Eleemosynam datis, ut veliras injustitias prosequamini, *iudicem corrumpere conamini.* Intelligite hoc & dedocemini errorem vestrum, O facinoræ! quæ mentem mille amoribus & amicitias distractam habetis: quæ omnium vos intuitum animos turpi flamma accendere studetis: quæ fidem conjugalem procul ab animo expulsiſtis: quæ propter Eleemosynam, quam facitis, in pessimis consiliis vestris tutas vos atque securas creditis: *Judicem corrumpere conamini.* Intelligat hoc omnis peccator, qui fraudulentò isto animo Eleemosynam distribuit: *Christum non pascitis in pauperibus suis, sed iudicem corrumpere conamini;* Ergo, monet idem S. Doctor, *ad hoc facite eleemosynas, ut vestra orationes exaudiantur, & adjuvet vos Deus ad vitam in melius commutandam . . . ut per eleemosynas*

deleantur peccata vestra præterita & futura bona veniant sempiterna.

Hucusque, O mei! de eleemosyna faciendi quasi exhortando dixi: jam subdere debeo, Eleemosynam etiam imperari a Deo sub gravi peccato illis, quibus ad eam faciendam facultates adſunt. Hoc probatur primo increpationibus, quas Christus in damnandos se adhibiturum (k) *Eſurivi & non dedistis mihi manducare: Sitiivi & non dedistis mihi &c.* seque ob hoc reprobus æternis suppliciis addicturum fore prædixit. Jam certum manet, non mitti quenquam in gehennam nisi propter violationem præcepti graviter obligantis: Eleemosynæ ergo præceptum sub peccato mortali obligat. Aliam rationem asserit S. Thomas (l) cui omnes Theologi concinunt: Certum est, præceptum dilectionis Proximi præceptum grave esse; debet ergo cadere sub hoc præceptum id, sine quo amor Proximi subsistere non potest. Certum insuper, non sufficere, ut Proximo bene velimus, sed & facere eidem bene, si possumus, debemus: *Ad hoc autem quod velimus & operemur bonum alicuius, requiritur, quod ejus necessitati subveniatur; quod fit per eleemosynarum largitionem: & ideo eleemosynarum largitio est in præcepto.*

Notandum tamen primo, hoc præcepto non omnes ex æquo obligari, nec præceptum hoc ad bona nostra temporalia omnia extendi. Atque ob istud dixi: *Si dari eleemosyna potest.* Notandum secundo, præceptum hoc non in quavis Proximi necessitate sub gravi peccato obligare. Hinc opus est, ut in faciente Eleemosynam tria bonorum temporalium genera, & in accipiente Eleemosynam triplex necessitatis genus distinguamus. Bona in faciente Eleemosynam vel sunt necessaria (Doctrina hæc omnis e S. Thoma (m) desumpta est) ad ipsius & eorum, quos sustentare debet, alituram; & de his bonis (regulariter loquendo) Eleemosynam facere non tenetur: *Et de tali necessario omnino eleemosyna dari non debet, nisi in quodam rarissimo casu, quem adducere super-*

(k) *Math. 25.*(l) *2. 2. q. 32. a. 5.*(m) *2. 2. q. 32. a. 6.*

supervacuum arbitror. Vel sunt necessaria ad illius &, qui illius sunt, statum jure acquisitum tuendum, ita ut sine illis in hoc statu decenter se conservare non possit, quamvis haud talis præcise bonorum quantitas exigatur; cum status iste pro incidentibus circumstantiis plus minusve sibi postulet: Et de hujusmodi Eleemosynam dare est bonum, & non cadit sub præcepto sed sub consilio. Vel sunt superflua ad præsentem statum illius &, qui illius sunt: atque ad ista bona præceptum eleemosynæ obligans pertinet, dicente Christo (n) Quod superest, date Eleemosynam. Dixi: superflua ad statum præsentem; nam si cupiditas se extollendi atque crescendi & ad præstantiorem vitæ conditionem transeundi auditur; novi optime, nunquam fore, ut quidquam superfluum reputetur. Atque ob eam rem Innocentius XI. reprobavit sententiam (o) dicentium: vix inveniri quenquam, cui bona superflua sint. Intelligi itaque præceptum eleemosynæ de bonis ad statum præsentem superfluis debet, minime vero de superfluis ad eas conditiones & fortunas, ad quas aliquis vel ambitione vel avaritia vel alia animi affectione actus aspirat.

Triplex pariter est necessitas Proximi: Prima dicitur extrema, in qua e. g. Proximus de vita sua aut alio bono, quod cum vita æque valet, nimirum (Ut gravissimos Theologos sequar) de fama irreparabiliter perdenda, de libertate in æternum amittenda, de ambobus oculis dependendis &c. periclitatur. In his necessitatibus quilibet sub gravi peccato ad eleemosynam non solum ex bonis superfluis sed etiam ex bonis ad statum suum integre & decenter sustinendum necessariis obligatur; nam illa status proprii decens & integra conservatio bonum vita Proximi, extrema necessitate oppressi, inferius est; uti omnibus patet. Teneatur itaque quilibet, ut Proximo in tali necessitate constituto etiam cum dispendio eorum, quæ statum proprium decent, subveniat. Secunda necessitas dicitur gravis, facitque, ut homo non siue magna difficultate vitam toleret aut

cadere de statu suo iuste acquisito debeat, quo vitam servet: aut quando longa Proximo infirmitas toleranda vel diuturna fames sustinenda est. Verbo: Necessitas gravis est illa, quæ facit, ut homo, nisi ei subveniatur, vitam multum molestanti ac gravem ducere debeat. In tali necessitate obligatur quivis sub gravi peccato, ut eleemosynam ex bonis ad statum præsentem superfluis faciat; Percipite verba S. Thomæ, cum quo multi Theologorum consentiunt: Est (p) aliquod tempus, in quo mortaliter peccat, qui Eleemosynam dare omittit; Ex parte quidem accipiens, cum apparet evidens & urgens necessitas (Non dicit: extrema, sed urgens; scilicet gravis) nec apparet in promptu, qui ei subveniat; Ex parte vero dantis, cum habet superflua, quæ secundum statum præsentem non sunt necessaria. Nec oportet considerare omnes casus, qui possunt contingere in infinitum . . . sed debet considerari suus casus & necessarium secundum ea, quæ probabiliter & in pluribus occurrunt. Secundo obligatur quivis, ut huic gravi necessitati Proximi succurrat etiam ex bonis ad integrum status sui conservationem necessariis, scilicet circumcidendo aliquantum solitum splendorem; nam qui nihil consueti splendoris recidere vult, ut Proximo in urgenti necessitate posito & non habenti, qui ei succurrant, succurat, se charitate a Christo nobis commendata careere ostendit; etenim quomodo coram tribunali Christi reus non sit, qui, cum magno & famulorum & sonipedum & aliarum rerum comitatu incedat, nihil horum dimittere vult, & Proximum graves inter angustias elanguescere crudelis finit? Quomodo charitas Dei manet in illo, ait S. Joannes (q) Et quid juvant omnes ambitionis prætextus, inquit S. Thomas (r) Tota decencia non consistit in indivisibilibus; quia multis additis homo non excedit status sui conditionem, multis etiam subtrahitis conditio sui status decenter conservatur. Tertia necessitas dicitur communis, assertque in rebus ad victum necessariis, & statui personæ aliquod incommodum; sed tamen vitam nec satis mole-

R r 2

stam

(n) Luc. 11.

(o) Propos. 12.

(p) 2. 2. q. 32. a. 5.

(b) 1. Joan. 3.

(r), in

4. Dist. 15. q. 2. a. 4.

Itam nec fatis miseram respectu personæ indigentis efficit, ex quo illa de statu suo decidat; adeo ut laborando aut mendicando prospicere sibi de victu sufficienti possit: Hæc est necessitas eorum, quibus vel multum laborandi vel mendicandi onus impositum est. In tali necessitate debet quisvis sub gravi peccato per eleemosynam subvenire Proximo ex bonis ad statum proprium & illius decentem conservationem superfluis; uti post S. Thomam Theologi docent: *Illud autem quod necessarium reputatur ad aliquid, quod est ultra decentiam status, debet in eleemosynam dispensari, & hoc cadit sub præcepto.* Ratio est manifesta; nam, ait idem S. Doctor, divisio bonorum facta, postquam genus mortalium multiplicari coepit (ut sit divisio iusta & accepta Deo) sine damno vel præiudicio pauperum facta fuit; secus esset iniusta. Fuit ergo facta cum hac tacita conditione, ut pauperibus ea saltem bona erogari deberent, quæ personis illa possidentibus & statui earum superflua essent. Atque ob eam rem non solum vi præcepti divini sed etiam vi juris naturalis pauperibus debentur bona statui superflua: Quo loco doctrinam S. Thomæ bene mentibus infixam vestris habeatis velim, nimirum Superfluum intelligi secundum statum præsentem debere, non secundum alios status, quos vanitas & ambitio dicere possunt.

Quod si hæc ita sunt, quod putatis reos esse omissionis eleemosynæ stricte debitæ? Quid, O mei! sentiendum de iis, qui facultates & pecunias accumulare non cessant futili illo errore seducti: Post mortem curabo, ut eleemosynæ dispensemur; post mortem hæc, illa pia opera fieri faciam: Interim in vita eleemosynas aut nullas aut obligationi, quam habent, non respondentes erogant. Vivunt hi, ut Theologi jure docent, in statu culpæ mortalis; quia violant præceptum in vita graviter obligans: Et sic Patres sancti omnes sentiunt, quorum quisque in inculcanda eleemosyna priores sibi ferre velle videtur. Duos solos multis pares audite, O mei! Prior est Ambro-

sus (s) magnus ille S. Augustini pater spiritualis. Hunc audite & contremiscite: *Grandis culpa est, si te sciente Fidelis egat; si scias, cum fame laborare, ærumnam perpeti, præsertim si mendicare erubescit; & non adjuves.* Gravis ergo culpa erit non facere (si possis) in vita eleemosynam, non subvenire famelicis, non allevare afflictos, præsertim eos, quos a mendicando pudor retrahit, qui vulgo *pauperes verecundi* dici solent. Audite & sancti hujus viri filium spirituales S. Augustinum (t) *Esurit frater tuus, in necessitate positus a creditore angustatur eos, non habet ipse, habes tu . . . Quid ad me pertinet, forte dicis; Ego daturus sum pecuniam meam, ne ille molestiam patiar?* Si hoc tibi responderit cor tuum, dilectio Patris in eo non est. Erit itaque culpa mortalis non curare (si potes) in vita, ut Proximus ab angustiis relevetur. Jam quot sunt, eheu! huic peccato affines, quibus sat nota fames, angustia & calamitas ingens Proximi, præsertim certarum familiarum, quas mendicare haud fas: quæ dum una ex parte miserando pudore anguntur ex altera vero omnimoda rerum inopia premuntur, vitam omnium tum animi tum corporis miseriarum plenam trahunt: Et duri isti subvenire hisce personis plane negligentes, immo & eos, qui pro his egenis supplicatum accedunt, fastidioso supercilio repellentes omnia convivendo, saltando, munuscula lenonia præbendo, ludendo & ejusmodi personas, a quibus cum divite epulone in infernum æternum præcipites agantur, alendo effundunt. Quid prodest infelicibus hisce, ubi ad vitæ finem pervenerint, pauperum, quos vivi nihil curarunt, in gratiam pia scribere legata? . . . Relinquo illi pio loco: Relinquo, ut pauperibus parochiæ dispensemur, has & has pecunias &c. Relinquas: non relinquis; Velis: nolis; Omnia relinquenda. *Quoniam si interieris, non sumes omnia* (u) Non improbas hæc dico; Etenim valde probro, ea, quæ durante vita non fecisti, a te saltem in vitæ exitu fieri. Illud solum volo: te, ut piæ istæ dispositiones te juvent, illis

since-

(s) Libr. 1. de Offic. c. 3.

(t) Tract. 5. in Joan. (u) Psalm. 49.

sincerum dolorem de præteritis in pauperes duritia & firmum, si Deus vitæ gratiam fecerit, debitas elemosynas ante mortem faciendi propositum addere debere.

Audiamus modo illos, qui elemosynam bene faciunt, ut iidem animos addamus. Pater! inquit, omnibus elemosynam facere non possumus: Vellemus itaque rescire, quæ Deo gratio detur. Huic quæstioni respondet S. Augustinus (x) Cum non possis omnibus prodesse, his potissimum consulendum est, qui pro locorum & temporum & quarumlibet rerum opportunitatibus consuetius tibi quasi quadam sorte junguntur. Et S. Thomas ait (y) Parentes in recompensandis beneficiis sunt omnibus aliis præferendi . . . In aliis autem est æstimatio habenda & conjunctionis & beneficii suscepti; quæ similiter non potest communis regula determinari . . . Non potest universali regula determinari, cui sit magis subveniendum; quia sunt diversi gradus & indigentia & propinquitatis: sed hoc requirit prudens iudicium. Respice ergo, O mei! ad gradus consanguinitatis vel affinitatis, ad gradus indigentia & beneficiorum acceptorum. Post hos (Ut de egenis vobis sanguine non coherærentibus dicam) sagitate iis pauperum bene facere, quos amici Dei esse prudenter creditis. Monuit hoc Spiritus sanctus dicens: Benefac iusto & invenies retributionem magnam (z) Hujus generis sunt illæ pauperes puellæ, illæ egenæ viduæ, quæ, ut ne Deum offendant & offendi faciant, mille inter angustias languescere amant: O sanctam, o Deo gratissimam elemosynam, quæ his impenditur! Quidni? Etenim per hanc & offensæ majestatis divinæ præpediuntur & saluti optimarum nec levibus ærumnis pressarum animarum consulitur. Itaque si prodesse omnibus non potestis, primo loco iis prospicite (Repeto) quos amici Numinis creditis, & iis, qui, ut ne Deum offendant, variis miseris tabescunt. Secundo loco illis succurrite, quos superius pauperes verecundos vocavi, qui præ pudore stipem rogare publi-

ce non audent: Præsertim qui mendicare erubescat; quod ipsum S. Augustinus inculcat (aa) de hujusmodi egenis dicens: Tanto magis tibi vigilandum est, ut præoccupes petiturum. Ita etiam S. Leo Magnus monet (bb) sollicita benignitate vigilandum est, ut, quem modestia tegit & verecundia præpedit, invenire possimus. Sunt enim, qui palam poscere ea, quibus indigent, erubescunt & malunt miseria tacita egestatis affligi, quam publica petitione confundi. Intelligendi ergo isti sunt & ab occulta necessitate sublevandi, ut hoc ipso amplius gaudeant; cum & paupertati eorum consultum fuerit & pudori.

Quæret alius: Quantum de facultatibus meis erogare pauperibus debeo? Primum respondeo id, quod superius ex sententia Theologorum omnium dixi: Erogare debes, quidquid statui tuo præsentis & ei decenter tenendo superfluum est; Et hoc de præcepto. Quod si superflui nihil, quod des habes; sed ex massa totius substantiæ tuæ portionem pauperibus Christi assignare vis (Semper in hoc loco casus extremæ & urgentis necessitatis excipio) cum S. Augustino (cc) moneo, ut aliquid fixum sive ex annuis sive ex mensuris sive ex quotidianis redditibus tuis destines: Præcidite ergo aliquid, & deputate aliquid fixum vel ex annuis fructibus vel ex quotidianis quasi sibus vestris. Secundo, quod ad quantitatem attinet, docet idem S. Augustinus: Cogita, quod Ecclesiæ decimas dare consueveris; Ergo saltem & decimas de substantiis tuis in elemosynas dispensa: Decimas viri; Decimas exime; quamvis cogitare debes, & Phariseum decimas prompto animo dedisse: Decimas do omnium quæ possideo. Repeto ergo cum S. Augustino: Decimas exime! quamquam parum sit. Phariseus, super quem debet abundare iustitia tua (dd) decimas dat: tu autem nec mille simam das; Quomodo superabis eum, cui non æquaris? Hactenus verba S. Augustini, ex quibus colligere poteris, quantum erogare in elemosynam debeatis; cum in hoc puncto nulla determina-

R r 3 ta

(x) Libr. 1. de Doctr. christ. c. 8.

(y) 22. q. 32. a. 5.

(z) Eccl. 12. (aa) In

Psalm. 103. vers. 3.

(bb) Serm. 8. de Coll. Et. & Elemos. c. 3.

(cc) In Psalm. 148.

(dd) Matth. 23.

ta regula præscribi possit: quoniam & ad multas eleemosynam dantis circumstantias & ad variam accipientium indigentiam & ad multitudinem pauperum & ad magnitudinem miseriæ eorum haberi respectus debet. Hinc christiana prudentia opus, quæ se nec propria decipi utilitate nec excæcari avaritia patiatur: satius erit te in dando nimium ac quasi prodigum, quam modicum & parcum esse. Concludam itaque sermonem hunc documento spiritus sancti per os Tobiae tradito hac de re filium sic cohortantis (ee) *Ex substantia tua s.c. eleemosynam . . . Quomodo poteris, ita esomi-*

sericors; si multum tibi fuerit, abundanter tribue; si exiguum tibi fuerit, etiam exiguum imvertiri stude. Sic & vos, o mei! exercete opera misericordiæ: facite eleemosynam pro ratione facultatum vestrarum: Multa date, si Deus multum dedit; parum date, si Deus parum dedit: Quod si quis nec multum nec parum habet, adeo ut ipse familiam suam ægre sustentet, offerat Deo ex monito S. Augustini bonum & sincerum desiderium dandi (ff) si possit: Si potes dare, da: si non potes, affabilem te præsta. Coronat Deus intus voluntatem, ubi non invenerit facultatem.

(ee) Tob. 4. (ff) In Psalm. 103.

SERMO XLIX.

De Oratione.

Post actus virtutum theologicarum primo Decalogi præcepto imperatos, quibus cultus Deo debitus (uti cum S. Augustino vidimus) exercetur, interque reliquos Religionis actus ad Dei cultum spectantes occurrit actus orationis, quæ Deo offertur, ut divina auxilia ad adipiscendam salutem æternam necessaria & quidquid ad hanc facere potest, obtineamus. Quamvis autem Catechismus Concilii Tridentini de Oratione in postrema parte agat: ego tamen de illa (tanquam actu Religionis ad primum præceptum pertinentem) hoc loco disserere decrevi.

Itaque quid est Oratio? *Oratio est, teste S. Basilio (a) boni cuiuspiam petitio; quæ ad Deum a iis effunditur. Jam primum omnium sciatis velim, o charissimi! quod facere orationem (hoc est: Deum pro necessitatibus animæ exorare, ut illa beatitudine æterna potiatur) res plane atque omnino necessaria sit; nam (uti observat S. Thomas) quanquam Deus multa nobis auxilia*

*non exoratus concedere soleat, quæ inter etiam hoc est, quod nos ad preces fundendas excitet: tamen multa alia auxilia concedere non vult nisi exoratus. Hinc quemadmodum voluit, ut per bona opera salutem æternam consequamur, sine quibus nullus salvabitur; ita multas gratias ad salutem sempiternam necessarias largiri nobis constituit ea conditione: si illa petamus; & quemadmodum si bona opera non facimus, salutem non consequimur; ita si ista salutis adjumenta non exposcimus, nec hæc nec illam obtinemus (b) *Opportet homines agere aliqua - - - ut per actus suos impleant quosdam effectus secundum ordinem a Deo dispositum - - - Et propter hoc oramus, ut id impetremus, quod Deus disposuit per orationes esse implendum.**

Quis non videt, o mei! quantopere necessaria nobis divinæ gratiæ auxilia in hac misera vita, quam Jobus quandam perpetuam militiam nuncupavit, sint; siquidem bellum continuum, quod nobis trias spiritualium inimicorum nostro-

rum

(a) Homil. in S. Julit.

(b) 2. 2. q. 23. a 2.

rum (Diabolus, caro, mundus) faciunt: si pravarum affectionum, quæ nos pro sua in malum pronitate modo ad hoc, modo ad illud facinus trahere conantur, tumultus ac perturbationes. si rerum contrarias vicissitudines, quibus vita nostra omnis jugiter obnoxia est; spectentur. Hinc incessanter confugere ad Deum nostrum per orationem debemus, ne a recto tramite desectamus, ne irruentibus temptationibus cedamus, ne nostra nos infirmitate supplantari in damnum animarum nostrarum sinamus. *Orandum est*, ait S. Augustinus (c) *ne succumbat infirmitas*: hinc amantissimus Servator ipse monere nos voluit: *oportet semper orare & non deficere* (d). In eandem sententiam S. Paulus loquitur: *Sine intermissione orate* (e). Et alio in loco dicit: *Volo viros orare in omni loco, similiter & mulieres*. (f)

Neque dicere juvat: inter tot difficultates: tentationes atque occasiones medii consistimus; ut moraliter, impossibile sit non labi. Nihil, o mei! hæc dixisse juvat: equidem do: multas esse occasiones, tentationes ac casus superatu difficiles multos, imo & superiores viribus nostris naturalibus, at nequaquam illis viribus ac robore illo, quod Deus nobis per gratiæ suæ auxilia addit: quod ipsum impertiri nobis ille & paratissimus est & ex fide nobis in id data obstrictus, si a nobis invocatur; cum sit fidei articulus, Deum nunquam permittere, ut tentationes, occasiones &c. (Ultero volitas & eas, quibus sponte nostra nos implicamus, excipio) vires nobis a se concessas superent: *Fidelis Deus, qui non patietur vos tentari supra id, quod potestis*. (g) Hinc subdit S. Augustinus: *Non igitur Deus impossibilia jubet; sed jubendo admonet, & facere quod possis & petere quod non possis*. (h) Quamobrem ubi difficultatem aliquam sentitis, fidelissimis & perseverantissimis precibus & misericordiæ operibus facilitatem a Domino intrare perflatis. (i)

Opponentem aliquem audire mihi videor: dixisti, Pater! verbis Christi: *oportet semper orare*, item verbis S. Pauli: *Sine*

intermissione orate; at quis est, qui hoc facere queat? Respondet S. Augustinus (k) *Ipsum desiderium tuum placendi Deo, Deum glorificandi, animam tuam salvandi, oratio tua est: Et si continuum desiderium, continua oratio - - - si non vis intermittere orare, noli intermittere desiderare: continuum desiderium continua vox tua est*. Nemo est, qui nesciat hominem pro varia conditionum & officiorum ratione vacare orationi semper laud posse; sed enim, postquam tempus conveniens orationi dicavit, ænimum ad munus suum, ad domesticas curas, ad alias res mille convertere debere: quomodo ergo semper & sine intermissione orare poterit? Audistis ab Augustino. Repete sæpius desiderium placendi Deo, eum nunquam amplius offendendi, salvandi animam tuam, similibusque rerum; & ecce! ait Augustinus, semper oras, qui semper desideras; quoniam desiderium tuum quædam virtualiter continuata oratio est: *continuum desiderium tuum, continua vox tua est*. Hinc idem S. Augustinus meminit optimæ consuetudinis veterum Patrum; quæ labores inter & externas occupationes crebris brevibus invocationibus utebantur easque, ceu totidem plenas amoris sagittas, in cælum evibrabant; quibus verum fieret, eos semper orare, & quibus preces per longas temporis moras prius fusas quodammodo innovarent (l) *Orationes habere sed eas tamen brevissimas & raptim quodammodo jaculatas, ne illa vigilantia, quæ oranti plurimum necessaria est, per productiones moras evanescat atque hebetetur intentio*. Imo Cassianus magnus ille vitæ spiritualis Magister, quem continua lectione S. Thomas in sui ædificationem trivit, affirmat: sanctos rexi sui Monachos his crebris jaculatoriis precibus majorem quam longæ orationi utilitatem adscripsisse; tum quod mentem cum Deo conjunctam servarent, tum quod eandem adversus diabolicas tentationes munirent: *Utilius censet, breves quidem sed creberrimas orationes fieri; illud quidem ut frequentius Dominum deprecantes jugiter eidem coherere possimus, hoc vero ut in-*

(c) *Tract. 53. in Joan.*

(d) *Luc. 12.*

Corinth. 10. (h) *Labr. de Nat. & Grat. c. 43.*

(e) *1. Thessal. 5.*

(f) *1. Timoth. 2.*

(i) *Ibid. c. 62.* (k) *Enarr. in Psalm. 37.* (l) *Epist. 130*

fidiantis diaboli jacula succincta brevitate vitemus (m) Ecce vobis, o mei! modum semper & frequenter orandi?

Jam, o mei! quid mirum, si populum christianum tam prosligatam vitæ rationem sequi & legem divinam infringere in modum scelestissimum cernimus? Cum inter Fideles, qui ab oratione maxime abhorrent; quæ tamen nobis omnino necessaria est, ut nos a peccatis immunes & in gratia Dei conservemus. Hoc tantæ calamitatis causa præcipua: non exorant Dominum, non invocant, in postremis habent supplicare Domino, ut conscientias eorum a peccatis præteritis liberet, a futuris immunes conservet. Hinc sit, ut ex malis pejores fiant & continuo inferni in faucibus hæreant æterna perniciæ involvendi.

Audite obloquentem: Oramus, Pater! nec dies præterit, quin has illasve preces fundamus; at nullum inde fructum colligimus. Quid tibi hac objectione vis, O chare! Num forsitan Deum duri ad exaudiendum cordis tacite insimulare cogitas? Foret hoc profecto blasphemia præ reliquis cunctis tum misericordiæ tum fidelitati divinæ maxime injuriosa: misericordiæ quidem, utpote quæ ad beneficiendum nobis paratissima est; cujus rei jugia & evidèntia argumenta habemus, si vel solas injurias cogitemus, quas Deus in singulos dies a creaturis suis accipit, quin tamen eas conservare, eis prospicere ac benefacere, eas tolerare unquam destinat: fidelitati vero, cum mille S. Scripturæ in locis suam nobis fidem obstrinxerit, se nos exauditorum præsertim in rebus ad bonum animæ spectantibus; *Invoca me in die tribulationis: eruam te (n) Antequam clament, ego exaudiam; adhuc illis loquentibus ego audiam. (o) cum invocarem, ait David (p) exaudivit me Deus. Et iterum: Prope est Dominus omnibus invocantibus eum. (q) Et quid Jesus ait: Petite & dabitur vobis; querite & invenietis: pulsate & aperietur vobis: omnis enim, qui petit, accipit; & qui querit, invenit; & pulsanti aperietur. (r) Certe finem dicendi*

nullum facerem, si omnia Dei nostri optimi de exaudiendis supplicantibus promissa asserere vellem. Igitur si non accipitis; o mei! in vobis situs est error: *Petitis & non accipitis (En! quid per os S. Jacobi Apostoli (s) Spiritus sanctus vobis respondeat (e) quod male petatis, ut in concupiscentiis vestris insinuat. Tria igitur expendamus: quis oret? de quibus oret? quomodo oret? Et videbimus eum non accipere; quia male petit.*

Quis orat? Peccator onustus peccatis, qui nihil suam indignitatem cogitans, nihil de admisis sceleribus dolens accedit ad Deum, petiturus bona temporalia: videlicet sanitatem, sobolem, litis victoriam, bonum inceptorum eventum familiarique: Et cum primo loco veniam suarum culparum auxiliaque conversionis petere deberet, jam gratias & beneficia sibi temerarius poscit. Nunquid putatis, O mei! hujus preces exaudiri debere a Domino? . . . *Qui declinat aures suas, ne audiat legem, oratio ejus erit execrabilis, ait Spiritus sanctus (t) Hujus oratio non solum non audietur sed & execrabitur. Attendite animis, O suavissimi! respondete mihi. Si quis subditus multarum & gravium adversus regem suum injuriarum reus in eam necessitatem deveniret, ut magni momenti beneficium acci, rei sibi ab illo deberet: atque ob eam rem se regi sisteret illud petiturus, quin prius gratum & de injuriis illatis dolentem animum laud dubiis signis ostenderet, sed continuo diceret: Rex! Egeo in hac illave re, quæ multum me sollicitum habet, gratia & favore tuo. Quo vultu hunc talem a rege toties graviter læso excipiendum putatis? Quid? Regem dicturum ac merito dicturum existimo, Quid? Subire conspectum meum temerarius audes, ut gratias tibi petas; cum te justæ indignationi meæ & pœnis, quas criminibus tuis meruisti, obnoxium esse scias? Veniam delictorum ne verbulo postulas; & gratias tibi expostes: ac si subditorum fidelissimus optimeque de me meritis esses. Apage hinc! Indignus es, qui coram me adites, Num levius quid Rex optimus*

(m) Libr. 2. de Instit. canoh. c. 10.

(q) Psalm. 145.

(r) Luc. 11.

(n) Psalm. 49.

(s) Cap. 4.

(o) Isai. 65.

(t) Prov. 20.

(p) Psalm. 9.

faciat. O mei! Nunquid inter mansuetudinis miracula computari deberet, Regem perdocti huius capite supplicium distulisse? Quidni? Reus eni hic multorum gravium criminum adversus Regem suum admissorum; & jam beneficia ac gratias petit, quin vel verbo prodatur, se suorum scelerum poenitentia agi . . . Audite hoc in loco S. Augustinum, qui fortissimam hanc considerationem mihi suggessit: *Cum quis odio dignus sit, qua fronte gratiam requirit? Cuiusna debitor, qui temeritate gratiam deposcit? Lacescit iudicem, qui postposita satisfactione delicti querit praeiis honorari; cum teste S. Scriptura odio sint Deo impius & impietas ejus* (u) *Huc spectat documentum Spiritus sancti* (x) *Ante orationem praepara animam tuam, & noli esse quasi homo, qui tentat Deum.* In quem melius verba haec quadrant, quam in hostem Dei: qualis maxime est peccator sistens se conspectui Dei, ut gratias petat, qui prius se, injuriarum illatarum veniam poscendo, praearet? Nunquid hoc est, tentare Dominum & post tot graves injurias eidem dicere: Domine! fac mihi hanc gratiam; Domine! oro hoc, illud beneficium. Apage! *Lacescit iudicem, qui postposita satisfactione delicti querit praeiis honorari.* Conficiamus itaque & dicamus: Qui in peccati mortalis statu est, prius, quam Deum oret, veniam ex animo petat & tunc preces suas offerat, ut exaudiatur; cum Deus ipse pronuntiaverit, se aliter nos non exauditurum: *Cum multiplicaveritis orationem, non exaudiam: quare? Manus enim vestrae sanguine plae sunt* (y) Per manus intelliguntur opera humana: Et qui has sordidatas habet non solum sanguine exvincta, mercede fraudata, creditoribus expectando suspensis & violentiis variis; sed etiam ex impudiciis, scandalosis amicitis, amoribus adulterinis, obscenis sermonibus, continuis per sancta Dei, Christi, Evangeliorum & Mariae nomina juramentis sine ulla consideratione, verane a fana confirmantur, prolatis: Qui manus sic sordidatas habet, nunquid hic exaudietur, nisi prius poe-

nitens veniam rogarit? . . . Negat id Dominus: *Non exaudiam, ait, non exaudiam.* Igitur, qui peccati mortalis reus est, priusquam alias sibi gratias petat, gratiam veram poenitentiae poscat ac doleat: Et tunc reliqua sibi postulet; nam quamvis fieri possit, ut etiam sine praevia poenitentia exaudietur, istud tamen fieri ut plurimum haud solet.

Quod ut melius recteque intelligamus, noteris velim: Duplex pretium in Oratione considerari posse, unum pretium Meriti, alterum pretium Impetrationis. Pretium Impetrationis nititur misericordia Dei & supplicantis de eadem misericordia fiducia. Peccator, qui caret gratia quippe peccato mortali obnoxius, non habet pretium iustitiae, quia nullum habet meritum in oratione sua inmo potius demeritum; cum sit hostis Dei: nihilominus habet aliquid pretium impetrationis, quod (Ut dixi) infinita Dei misericordia nititur, quae etiam hostibus suis bene facere solet & hos ipsa ultro excitat, ut sibi in necessitatibus supplicent. Hinc peccator confugere ad Dei misericordiam pro impetrando auxilio non omittat etiam in necessitatibus temporalibus, in quibus ab illa infinita misericordia, a qua memoratum auxilium impetrare potest, movetur; quamvis (Ut Scriptorum auctoritates & allatae rationes monstrant) multo facilius impetratur sit, quae optat; si poenitens aut gratiae statui restitutus petit, quam si in alio statu est, quo indignus redditur, qui exaudiatur. Haec doctrina omnis S. Thome est: Hoc totum, quod adductis argumentis comprobare volui.

Jam expendamus, de quibus oret; quod alterum caput est, cur preces non exaudiantur (Semper de peccatore gravium culpae reo loquor) Quid is sibi petit? Petit ut plurimum beneficia temporalia, uti superius monui; nunquam aut rarissime petit gratiam se emendandi, de peccatis suis acerbè dolendi, mutandi vitam, Deum amplius non offendendi? Jam qui placere Deo oratio ista possit? Orare de sanitate recuperanda, de lucro, de hereditate, de dignitate, de

S s

soho-

(u) Sap. 14. (x) Eccl. 12. (y) Isai. 1.

folebo procreanda similibusque rebus; & cum plenus sis peccatis, raro aut nunquam orare, ut ab his libereris: Qui, repeto, Deo esse grata oratio hæc possit? Si Deum, ait S. Augustinus (z) propterea invocas, ut veniat ad te pecunia, ut veniat ad te hæreditas, ut veniat ad te secularis dignitas; illa invocas, quæ vis, ut veniant ad te: Sed Deum tibi adiutorem ponis cupiditatum, non exauditorem bonorum desideriorum. Heus! multi clamant ad Dominum pro divitiis acquirendis damnisque evitandis, pro suorum salute (aa) pro felicitate domus suæ, pro felicitate temporali, pro dignitate seculi, postremo pro ipsa etiam salute corporis, quæ patrimonium est pauperis: Pro his atque pro huiusmodi rebus multi clamant ad Dominum, vix quisquam propter ipsum Dominum. Hoc in causa est, cur non exaudiantur; nam cum Dei gratia, quippe peccatis gravati mortalibus, indigeant & Deum ejusque gratiam nihil curent, sed solis rebus temporariis toti inhærescant, ob id Dominus preces eorum furda repellit aure: Vere, ait S. Augustinus, vere tunc tibi attendi, quando ipsum quæris, non quando per ipsum aliud quæris. Igitur qui in peccato est, primo loco Deum ipsum, gratiam mores emendandi, de peccatis dolendi, Deum non amplius offendendi quærat: Sic Deum primo loco quæret; Et tunc reliqua petat. Neque credatis, hoc peccatoribus solum faciendum esse; Illi quoque hoc facere debent, qui se Dei gratiæ compotes esse sperant: Præcipuum, quod sibi etiam hi orent, sit ipse Deus, scilicet continuatio misericordiarum ejus (ut illum nunquam offendant) & profectus animarum: Ob eam causam omnes, quas posthæc petent, res temporales in hunc finem petent; nimirum ad majorem gloriam Dei & meliorem animarum suarum profectum, ut in statu suo tranquille vivant & laqueos, quibus ad offendendum Deum trahantur, evadant.

Neque ex iis, quæ hucusque dicta sunt, quisquam colligat, non nisi spiritalia posci a Deo debere. Nequaquam istud: Hoc colligatis velim, primo loco & absolute gratias

ad animæ bonum facientes petendas esse; cum Deus velit, ut has nobis a se petamus: secundo vero loco gratias & beneficia temporalia postulanda esse; Sed quia haud scimus, utrum illa bona temporalia ad salutem animarum nostrarum conducat necne? ob id illa petentes subjungere debemus: Deus! hoc, illud peto, si ad gloriam tuam, ad animæ meæ salutem facit. Audite, quam apte ea, quæ dixi, S. Augustinus confirmet (bb) Ipse Salvator est, non solum quando facit quod petimus, verum etiam quando non facit; quoniam, quod vidit peti contra salutem non faciendo, potius se exhibet Salvatorem. Novit medicus, quid pro sua, quid contra suam salutem poscat agrotus; & ideo contraria poscentis non facit voluntatem, ut faciat sanitatem. In his ergo, concludit S. Doctor, temporalibus, Fratres! non petatis aliquid quasi fixum, sed quod vobis Deus (cc) expedire scit: Quid enim vobis expediat, omnino nescitis: Aliquando quod putatis pro teste, obest: Et quod putatis obesse, hoc pro teste. Aegri enim estis: Nolite medico discurrere, quæ vobis velit, medicamenta apponere. . . Non recedat agrotus a manibus medicæ, non det consilium medico; La sunt omnia ista temporalia. Petamus ergo, O mei! bona temporalia, at ea conditione petamus, si nobis expediunt, haud alia.

Pergamus ad tertium caput, nimirum ad modum orandi. Et in hoc, O mei! in hoc quam a multis erratur: Atque ob id illi, etsi sint in statu gratiæ, orando nihil promoveant. Modus fructuose orandi primum exigit mentis attentionem sive ad ea quæ dicuntur, sive ad Deum præsentem, cum ubique sit, sive ad gratiam, quæ petitur, ita ut nulla distractio advertenter admittatur; nam oratio distractioadvertenter & deliberato admissis maculata Deum non solum non ad misericordiam impendendam sed etiam ad pœnam infligendam provocat; cum distractiones istæ totidem peccata venialia, & quidem e gravioribus, sint. Atque ut irreverentiæ magnitudinem cognoscatis, quam, qui animo sponte aut ex magna negligentia distracto orat, in Deum admittit, ad frequentem considerationem S. Augustini (dd) attendi-

(z) Enarrat. in Psalm. 85.

(aa) Enarrat. in Psalm. 79.

(bb) Tract. 73. in Jo. ap.

(cc) Enarr. in Psalm. 55.

(dd) Enarr. in Psalm. 85.

tendite : *Quis enim est homo, cum quo si cœperit amicus ejus colloqui & voluerit ille respondere colloquutioni ejus, & viderit eum averti a se & aliud loqui ad alium (Addam ego : circumferre hinc inde per cubile oculos : jam hanc picturam, jam illam statuam aut armarium accuratius intueri nihil recogitantem, quid adstanti loquatur) quis hoc ferat? Aut si forte interpellas judicem vel Regem quendam pro impetranda gratia, & constituas eum loco, ut te audiat; Et subito cum ad eum loqueris, dimittas eum & incipias subulsiari cum amico tuo; quando te tolerat? Sic ferunt agunt Fideles; qui animo distracto Deum orant, mentem aliorum & ad res haud oportunas deflectentes: Colloquentes cum Deo tergum ei vertunt, scilicet cogitationes suas avertunt & eandem (Ut sic dicam) alienis rebus demergunt. Hunc in modum orantes non solum nullas a Deo obtinent gratias, sed novis eundem injuriis lædunt: Vis Deum esse memorem tui, cum rogas, ait S. Cyprianus (ee) quando tu ipse memor tui non sis? Hoc est, quando oras Deum, majestatem Dei negligentia orationis offendere. Aliud foret, si inadverteat & præter intentionem (Ut aiunt) mens ex humana fragilitate alio dilabatur; In hoc casu dummodo quis ad orandum eo animo accessit, velle se Orationem attente facere, & ut primum distrahi se in diversa sentit, mentem confestim revocet; talis non volita, non animadversa distractio orationi nihil officit, sed enim Deus humanæ infirmitatis, orationem (quam fieri potest) attentissime facere curantis miseretur. Audite iterum Augustinum (ff) Desperandumne est de genere humano & dicendum, ad damnationem pertinere omnem hominem, cui subreperit aliqua cogitatio oranti & interruperit orationem ipsius? Nequaquam. Magna est misericordia Domini; Dicamus ergo: Latifica animam tuam, quoniam ad te animam meam levavi; Et quomodo eam levavi? Quomodo potui; quomodo tu vires dedisti; Quomodo eam fugientem apprehendere volui. Non id volumus, O mei! ut nullæ vobis distradiones veniant; Sed enim hoc postula-*

mus, ut eas expellatis, & si præter voluntatem attentio mentis vos relinquit, eandem (ut primum animadvertitis) revocetis; cum Deus involuntariis distractionibus istis indulget pro sua misericordia consueverit.

Alia bene orandi conditio est perseverantia in orando, hoc est: ut non fastidiat repetere preces vestras etiam sæpius per diem aut quovis saltem die. Perseverantiæ hujus necessitatem duabus parabolis Christus manifestavit: Una est parabola viduæ, quæ volens a iudice jus in adversarium dici & a duro illo nec timente Deum iudice repulsa; tamen, quod illius opem sibi multum necessariam esse dignosceret, orare non destitit, donec exaudita fuit: Et subiecit Christus: Si sic iudex iniquus contra viduam adversarium fecit, nunquid magis sic suis Deus faciet die ac nocte clamantibus ad se: *Audite, quid iudex iniquitatis dicit; Deus autem non faciet vindictam electorum suorum clamantium ad se die ac nocte* (gg) Altera parabola est amici, qui, cum cibo indigeret, quem hospiti supervenienti apponeret, nocte amicum suum accessit, ut tres panes ab eo acciperet; at illo, quod jam in lectum sese recepisset, negante pulsare fores non cessavit, donec eundem commovit, ut e lecto surgeret petitisque annueret: Idem faciet, subiecit Christus, vobis Deus: Si ille perseveravit pulsans, dico vobis . . . dabit illi, quotquot habet necessarios; Idcirco ego dico vobis . . . Omnis qui petit accipit, & qui quærit invenit, & pulsanti aperietur (hh) Et profecto, O mei! num multum anxius de obtinendo beneficio aliquo dici is potest, qui si statim non auditur, orare cessat? Neutiquam: obtinendi sollicitudo iteratis precibus proditur. Ita & nos, O mei! si vero hujus vel illius gratiæ obtinendæ, hujus vel illius tentationis superandæ, hujus vel illius praviæ affectionis subjugandæ, hujus vel illius peccati exuendi desiderio agimur; replicare, instare, pulsare continenter debemus: Et aperietur nobis. Hinc apposite David ait: Benedictus Deus, qui non permisit me ab oratione cessare; unde fa-

S s 2

stium,

(ee) Libr. de Orat. Domini.

(ff) Enarr. in Psalm. 85.

(gg) Luc. 18.

(hh) Luc. 11.

atum, ut optatam mihi misericordiam suam impenderit: *Benedictus Deus, qui non amovit orationem meam & misericordiam suam a me* (ii) Ergo, concludit S. Augustinus (kk) *non deficiamus ab oratione; Ille, quod concessurus est, etsi differt, non aufert: Cum videris non amotam deprecationem tuam, securus esto, quia non est amota a te misericordia ejus.*

Sunt alia tria, quæ vos moneant, O mei! ut oratio vestra efficax sit. Primum, ut orationis vestræ partem gratis Deo pro innumerabilibus donis, quæ jugiter ab illo accipitis, agendis impendatis; tum quia hac ratione gratos vos erga insignem adeo benefactorem ostenditis, tum quia animos vestros ad recipienda nova beneficia præparabitis: Ob id observetis velim, in celebratione Missæ (magni illius sacrificii, quod Deo inter alios fines pro beneficiis tum omnibus in universum Fidelibus tum cuivis privatum, pro quo applicatur, necessariis obtinendis immolatur) plebem Fidelium ad agendas Deo gratias his verbis invitari: *Gratias agamus Domino Deo nostro; Et populus per ministrum respondet: Dignum & justum est.* Subditque omnium nomine Sacerdos: *Vere dignum & justum est, æquum & salutare, nos tibi semper & ubique gratias agere Domine sancte, Pater omnipotens, æterne Deus &c.* Et post finitam solenni hac gratiarum actione Præfationem in *Memento* tum sibi tum aliis gratias & beneficia a Deo submissa voce orat. Jam hoc ipsam nos ad exemplum S. Matris Ecclesiæ facere &, priusquam Deo postulata ac vota nostra exponimus, aut priusquam preces sinimus, gratias eidem de innumerabilibus acceptis beneficiis agere debemus; tum ut gratos & memores nos esse misericordiarum ejus ostendamus, tum ut eundem ad nos adjuvandos inclinatiorem reddamus. Et profecto quis est, qui insignibus a principe quodam beneficiis affectus, antequam nova sibi petit, vivam præteritorum memoriam eidem non significet atque eum ad novas, quas optat, gratias concedendas repetita gratiarum actione non inducat? Nemo aliter fecerit,

qui prudenter & debitis modis petere voluerit. Hic certe modus petendi est a viris sanctis in S. Scriptura observatus; prout multis in locis videre licet, in quibus Moyses pro populo curæ suæ commissæ exoravit: Semper is Dominum de præteritis populo Israelitico concessis beneficiis admonere studuit: & hunc morem illius in populi memorati regimine successores ad ultima usque tempora, scilicet usque ad Machabæorum imperium, sibi retinuerunt; id quod facile cognoscere poterit, qui in S. Scripturis non nihil versatus fuerit: Semper illi suæ de novis beneficiis accipiendis orationi gratam præteritarum gratiarum memoriam conjunxerunt. Hinc S. Bernardus: *Felix, qui ad singula dona gratiæ* (ll) *redit ad eum, in quo est plenitudo omnium gratiarum; cui dum pro acceptis nos non ingratos exhibemus, locum in nobis facimus gratiæ; ut majora accipere mereamur: Ommino enim nos a profectu conversationis sola impedit ingratiitudo nostra, dum quodammodo amissum reputans dator, quod ingratus accepit, cavet sibi de cetero, ne tanto plura amitteret, quanto plura conferret ingrato.*

Alterum, quod moneam, est, ut gratias, quas vobis optatis, per infinita Jesu Christi merita petatis. Ipse Servator generis, quantum pondus precibus nostris accedat, si Deo per sua merita offerantur, in pluribus S. Evangelii locis monuit, ut peteremus in nomine ejus: *In nomine meo*, quod idem sonat ac *per merita mea*: Hinc in quodam loco diserte pronuntiavit, quin preces nostras ad aliquam vel inateria vel temporis vel loci circumstantiam restrinxerit: *Si quid petieritis Patrem in nomine meo, dabit vobis* (mm) Et alibi ait: *Quocumque petieritis Patrem in nomine meo, hoc faciam* (nn) Hinc Ecclesia sancta Dei a Spiritu sancto docta suas ad Patrem æternum orationes hac obsecrationis formula perpetuo concludit: *Per Dominum nostrum Jesum Christum Filium tuum*, vel: *Per Christum Dominum nostrum*. Sic nos quoque, O mei! faciamus Deoque dicamus: Deus meus! humiliter hoc, illud a te peto per Jesum Christum, per illius infini-

(ii) Psalm. 65.

(mm) Joan. 16.

(kk) Enarr. in Psalm. 66.


(nn) Joan. 14.

(ll) Sermon. 27. de Diversis.

finita merita &c. Huic orandi formulæ tempus, O mei! longe accommodatissimum esse videtur, quando Missæ interestis, post Consecrationem, & dum in altari ipse idem Christus pro nobis omnibus immolatus adest: Hoc maxime tempus opportunum est, quo Patri æterno dicatis: Deus meus! peto hanc, illam gratiam per merita victimæ modo pro me mactatæ, per hunc Jesum, qui in altari pro anima mea incruento modo immolatus adest: Miserere, Deus meus! miserere egentis animæ meæ propter corpus, sanguinem, merita hujus Filii tui in animæ meæ miseræ salutem immolati. Et post hæc petite animæ vestræ, O mei! quasvis memoriæ occurrentes gratias, maxime gratiam Deum nunquam offendendi sed potius ex toto corde amandi.

Postremum, quod moneam, est, ut in orationibus vestris intercessionem Sanctorum interponatis, maxime virginis deiparæ Mariæ & S. Angeli tutelar: Mariæ, quippe quæ, nobis in Matrem a Christo data, omnes tanquam filios suos adoptivos excipit; S. Angeli Custodis, utpote cujus curæ animas vestras Dominus tradidit; ex quo ex utero Matris egressæ sunt usque ad tem-

pus, quo illæ ab eodem ad tribunal judicis reducentur. Hac duplici, Mariæ & post hanc Angeli Custodis, intercessione uti vos plurimum juvat, quemadmodum & reliquorum Sanctorum, ut suis orationibus, quæ multum apud Deum valent, quippe a personis Deo certe acceptis protectæ, infirmitatem sublevent vestram. Proh! quanta animi cum fiducia preces nostras regi terreno dirigimus, si illas vir aulicus principi gratiosus, multoque magis si Mater principis amatissima sua auctoritate secundet? Certe inanibus jam tenere, quæ petimus, nobis videmur. De invocatione Mariæ Sermone XIII, quo vos remitto, dixi; unde hic longiori sermone vos tenere haud opus. Consuecitate itaque invocare Sanctos, præsertim Mariam & S. Angelum Custodem vestrum, ut pro sua misericordia, charitate ac humilitate levidentes preces vestras Deo oblatas suis intercessionibus fulcire dignentur, quo ille, uti Ecclesia in festo omnium Sanctorum precatur, desideratam vobis suæ propitiationis abundantiam multiplicatis tam dignis & bene meritis intercessoribus largiatur, Amen.



S E R M O L.

De Oratione Dominica.

Cum Oratio Dominica a Christo condita nobisque tradita sit, ut orare volentes eandem recitaremus: Cum oratis, dicite: Pater noster &c. (a) mox intelligitis, puto, O mei! quam excellens illa esse, & quanti fieri a nobis debeat; nimirum si auctor illius spectetur, quo sanctior, doctior, nostrorum commodorum studiosior cogitari haud potest. Jam prædixerat, ait S. Cyprianus vetustus Martyr & Episcopus (b) *hæc enim veritas* (Venit hora & (c) nunc est) quando veri adoratores adorabunt

Patrem in spiritu & veritate, & implevit, quod ante promisit condens Orationem hanc & usum illius injungens: Sic ergo vos orabit, Pater noster &c. (d) Quæ enim potest esse magis spiritualis Oratio, quam quæ vere a Christo nobis data est, a quo nobis & Spiritus sanctus missus est? Quæ vera magis apud Patrem precatio, quam quæ a Filio, qui est Veritas, de ejus ore prolata est? Oremus itaque, Fratres dilectissimi! sicut magister Deus docuit. Accepta, amica & familiaris Oratio, Deum de suo rogare, ad aures ejus ascendere
S s 3

(a) Luc. 11. (b) Libr. de Orat. Dom.

(c) Joan. 4. (d) Matth. 6.

Orationem Christi! Recognoscat Pater Filii sui verba, cum precem facimus, & cum ipsum habemus apud Patrem advocatum pro peccatis nostris, quando peccatores pro delictis nostris petimus, advocati nostri verba promanant; nam cum dicat, quodcumque petierimus a Patre in nomine ejus, dabit nobis: quanto efficacius impetramus, quod petimus in Christi nomine, si petamus in ipsius oratione?

Nunquid ex hac firmissima argumentatione tanti Doctoris, Episcopi, Martyris & Sancti vis atque efficacia permagna evidenter apparet, quæ apud Deum nostrum hæc Dominica oratio pollet vel ob id solum, quod Christum autorem habeat; qua tum ipsi tum augustissimæ Trinitati supplicamus? Edicite quæso, O mei! si nobis principis nostri, ceteroquin ad tribuenda beneficia proni, perpetua beneficentia indigentibus ille diceret: si quam vobis optatis gratiam, sequens memoriale mihi offeratis velim; & subinde illud verbotenus dictaret: quanta cum fiducia, quam firmo animo gratiam nobis necessariam data occasione petaturi essemus, dictatum ab ipso memoriale exhibentes? At sic vere in casu nostro res se habet; nam dum ad Christum recitantes Orationem Dominicam accedimus, offerimus illi eam ipsam Orationem, quam nobis, ut a se exaudiremur, dictavit: Quanta ergo obtinendi beneficii cum fiducia, quanta cum devotione hanc illi offerre debemus? Nequeo mihi hoc in loco temperare, quin exiguum multorum christianorum in recitanda hac sancta Oratione devotionem, magnamque negligentiam incusem; cum sint quidam, qui vix una per diem vice illam recitent: alii rarius etiam eadem utantur: plurimi mente distractissima planeque indevota eandem faciant; cum tamen Oratio hæc quoddam perfulgii genus nobis esse deberet, quo uti in omnibus nostris tum corporis tum spiritus necessitatibus debemus. Quod si eandem, quando & quomodo oportet: recitaremus: scilicet, hanc esse orationem dictatam a Christo ut exaudiamur, recogitantes & viva fide tenentes,

hanc esse Servatori gratissimam quippe factum divinæ mentis suæ & oris sui sacrificii partum; utique eandem ea, qua fieri debet, ratione recitaremus, Quid opus, ait S. Augustinus, multum in excoGITANDIS aliis precationum formulis laborare; cum hæc Oratio norma sit omnium, quæ haberi queunt, desideriorum & rerum; quæjungere possunt, omnium complimentum, adeo ut vix liceat aliud quidquam, quam quod hac oratione continetur, orare. (e) *Verba, quæ Dominus noster JESUS Christus in hac oratione docuit, forma est desideriorum: Non tibi licet petere aliud, quam quod tibi scriptum est. Quisquis autem, pergit (f) id dicit, quod ad ipsam evangelicam precem pertinere non possit, etiamsi non illicite orat, carnaliter orat; quod, nescio, quemadmodum non dicatur illicite, quandoquidem spiritus renator non nisi spiritaliter debet orare. Quod ut ita esse cognoscatis, agite! divinam hanc Orationem brevi expositione illustrare aggrediamur.*

Incipit Oratio hæc ab invocatione, ah! quam mirabili, quam amoris plena! *Pater noster, qui es in celis.* Nunquid, O mei! desuerunt JESU tituli, quos Deo imponeret, quibus illum in hac Oratione invocaremus? Potuisset utique exordium a titulo Creatoris, Monarchæ, Conservatoris, Gubernatoris, Judicis inappellabilis, Benefactoris egregii, Domini supremi, & similibus, qui omnes Deo & verissime & maxime conveniunt, ducere. At noluit; elegit ex omnibus titulum teneritudinis, amoris, fiduciæ, suavitatis & jucunditatis plenissimum, titulum videlicet Patris: *Quanta*, ait S. Cyprianus (g) *Domini indulgentia, quanta circa nos dignationis ejus & bonitatis ubertas! qui sic nos voluerit Orationem celebrare in conspectu Dei, ut Deum Patrem vocemus; ut Christus Dei Filius, sic & nos Dei filii nuncupemus: quod nemo nostrum in Oratione auderet attingere, nisi ipse nos sic permisset orare.*

Jam, O mei! inchoans JESUS Orationem Dominicam suavi Patris titulo quid, putatis, sibi voluit? Voluit profecto amorem atque fiduciam in nobis excitare; at

(c) *Serm. 16.* (f) *Libr. de Pers. justit. c. 2.*

(g) *Libr. de Orat. Domin.*

simul voluit, ait S. Cyprianus, ut nos veros Dei filios præberemus : *Meminisse itaque, Fratres dilectissimi ! & scire debemus, quia, quando Patrem Deum dicimus, quasi filii Dei agere debemus, ut quomodo nos nobis placemus de Deo Patre, sic sibi placeat & ille de nobis.* Jam quæ sunt filii erga patrem officia : Tria horum Theologia moralis recenset, officium amoris, officium reverentiæ, officium obedientiæ. Et circa hæc officia quomodo multi Christianorum erga Deum sese gerunt ? Num dici ex vero poterit, eos Deum amare, qui per peccatum mortale partem vitæ maximam in statu capitalium hostium Dei vivunt, qui gravia scelera modis innummeris (tum per impudicitias, turpia vel agendo vel cogitando vel loquendo ; tum per injustitias erga Proximum, hunc vel calumniando vel graviter adversus eundem murmurando vel occulta ejus delicta manifestando vel creditoribus dure respondendo & solutionem æris alieni protrahendo : tum per mille alia similia) committere pro nihilo habent ? . . . Hicne amor erga tam bonum, tam dignum Patrem ! Jam quæ reverentia erga eundem adhibetur, dum sanctum & trementum nomen ilius ad singula quasi verba : dum nomen Christi Evangelii : Crucis in juramentis & blasphemis execrabilibus usurpatur ? Hæccine reverentia erga divinum, quem invocamus, Patrem ! . . . Obedientia autem sanctæ legi ejus præstanda quot modis in singulos dies & quam graviter violatur ? Tot certe modis quot peccata mortalia committuntur. Sic agere, O mei ! filiorum, & non potius implacabilem atque fœvorum hostium sit ? Nunquid ille nobis, *Patris nostri* nomine se compellantibus, exprobare jure meritisimo poterit ; Mentiris indignum, falso me Patrem vocas ; cum mecum ut esseris hostis non ut filius, agas ! Quisquis igitur in tam infelici statu versatur, ut facilius exaudiatur, priusquam Deo se sistat dicturus *Pater noster*, dolere de peccatis suis studeat & pœnitens cum filio prodigo clamet : *Pater ! peccavi*

in cælum & coram te, jam non sum dignus vocari filius tuus (h)

Subditur : *Qui es in cælis.* Non hoc dicimus, ac si Deus per suam essentiam, præsentiam & potentiam (Quod sermone IV. docui) ubique locorum non esset ; sed quia Deus iis maxime præsens est, qui in sancte vivunt. & hi præcipue sunt, qui in cælis conversantur : Apposite S. Augustinus (i) *Deo* dicimus, inquit, *Pater noster, qui es in cælis ! non quia ibi est & hic non est, qui præsentia incorporea ubique est totus ; sed quia in eis habitare dicitur, quorum pietati adest : & hi maxime in cælis sunt : ubi etiam nostra Conversatio est, si nos os nostrum veraciter sursum cor habere respondeat.* Vult ergo Dominus a nobis tanquam Pater in cælis existens invocari, in quibus magnificentiæ suæ splendorem iis ostendit, qui se quasi veros filios gesserunt, ut nos quoque ad beatam hanc & æternam mansionem aspirantes cogitemus, nos, ut illo peringamus, quasi filios non quasi hostes vivere debere.

Invocationem excipit prima petitio, quæ est : *Sanctificetur nomen tuum ;* in quæ verba S. Augustinus (k) *Primum omnium, quæ petuntur, hoc est : sanctificetur nomen tuum ; quod non sic petitur, quasi non sit sanctum nomen D. i, sed ut sanctum habeatur ab hominibus, id est : ita illis innotescat Deus, ut non exstiment aliquid sanctius, quod magis offendere timeant.* Oramus itaque, ut Deus primo a nobis, qui eum invocamus, cognoscatur per exactam voluntatis suæ sanctissimæ obedientiam : deinde ut agnoscatur idem a paganis, qui eum non continentur ; ab heterodoxis, qui blasphemis suis hæreticis illius nomen proscrindunt ; a peccatoribus fidem habentibus, qui tot illum modis offendunt : denique ut a justis, qui fideliter eidem deserviant, indies magis ac magis glorificetur. Hinc omnes nos, O mei ! pro istatus ratione satagere & vitæ nostræ & moribus & conversatione & muneribus nostris debeamus, ut Majestas divina per bonam, quod præbemus, exemplum glorificetur &

bo-

(h) Luc. 15.

(i) Epist. 120.

(k) Libr. 2. de Sermonibus Domini in monte c. 5.

boni ad se magis perficiendum, peccatores ad resipiscendum, hæretici ad redeundum in Ecclesiæ sanctæ gremium, pagani ad amplectendam fidem catholicam inducantur. In uno sensum petitionem hanc Cateci istius Romani (l) paucis interpretatur, verbis Christi finiens: *Sic luceat lux vestra coram hominibus, ut videant opera vestra bona & glorificent Patrem vestrum, qui in caelis est*, (m) itemque S. Petri (n) *Conversatorem vestram inter gentes habentes bonam, . . . ut et boni operibus vos considerantes glorificent Deum*.

Jam, O mei! Num petitionem hanc in ore multorum ætatis nostræ Christianorum bene sonare existimatis: Christianorum (inquam) qui scandalose vivendo non solum Dei gloriam non promoveant, sed etiam eos, a quibus videntur, noscuntur aut familiarius adhibentur, provocant atque inducunt, ut (quod ipsi faciunt) etiam hi Deum graviter lædant? Qua fronte dicere poterit: *Sanctificetur nomen tuum*, ille, qui & invitando & munuscula dando & aliis modis alieno pudori insidiatur? Qui blasphemias in sacrum Dei nomen & execrationes ore scelerato vomit? Qui si rimonibus obscænis & verbis ambiguis in aliorum animis abominabiles complacentias excitat? qui certas ædes ingrediens & egrediens... qui certas personas alens... qui cum certis faminis conversans videri nihil erubescit? qui detestabilem, quæ per universam propemodum Europam catholicam increbrescit, consuetudinem sequendo omnia conjugalis fidei repagula e medio tollit, uxorem in moralem violandæ fidelitatis necessitatem adducens? qui pauperes mercenarios, suum petentes, modis severissimis expellere consuevit? qui (Paucis dicam) ita vivit, ut non solum non Catholicus, sed ne quidem civilis honestas studiosus esse comprobetur? Hinc pessimorum horum morum, per totam jam Christianitatem invalescentium, fama non solum ad finitimas regiones, sed etiam incredulorum & paganorum terras dimanante hi in veritates catholicas quasi triumphando insurgunt, deridentes illas tanquam spretas & conculcatas ab iis ipsis, qui has

profiteri se jactant: id quod sermone XXII. vobis ostendi. Merito de his Paulus (o) dixit: *Nomen Dei propter vos blasphematur inter gentes*. Ah, O suavissimi! si & nos aliquando horum in numero fuimus, doleamus ex animo modisque omnibus in posterum satagamus, ut nostro, per petitionem primam monitrato, desiderio (scilicet ut sanctum nomen Dei sanctificetur & glorificetur) opera nostra respondeant, opera boni exempli, opera ædificantia, opera, qualia a vero Catholico postulantur.

Secunda petitio est: *Adveniat regnum tuum*. Hac petitione id præcipue oramus, ut nos Deus dignos faciat, qui cum ipso in æterno ejus regno regnemus. *In eo, quod dicimus: Adveniat regnum tuum*, ait S. Augustinus (p) *desiderium nostrum ad illud regnum excitamus, ut nobis veniat, atque in eo regnare mereamur*. Non solum itaque oramus, ut paradisi nobis adveniat, sed etiam ut hoc digni efficiamur; quippe qui non nisi dignis dandus est: Hinc alio in loco S. Augustinus (q) *Optare & orare, ut veniat regnum ejus, nihil aliud est, quam optare ab illo, ut dignos nos faciat regno suo*. . . . *Hoc enim rogamus, ut bonos nos faciat; tunc enim veniet nobis regnum ejus*. Unde ex sententia S. Augustini & reliquorum Patrum duplex Dei regnum nobis petimus, videlicet regnum sanctæ ejus gratiæ in hac vita, siue quo opera paradisi meritoria effici non possunt: & regnum paradisi post hanc vitam, quod per dictam gratiam & bona opera ab illa profluentia meruimus.

Jam discipiat unusquisque nostrum, O mei! utrum sic vivat, ut regnum hoc, quod secunda petitione a Deo orat, consequi possit? Audiamus Paulum & tum videbimus, quot horum, qui petitionem hanc profecerunt, illius effectum nunquam obtenturi sint: *An nescitis, quia iniqui regnum Dei non possidebunt?* Nolite errare, *Neque fornicari, neque idolis servire, neque adulteri, neque molles, neque masculorum concubitores, neque fures, neque avari, neque ebriosi, neque maledici, neque rapaces regnum Dei possidebunt*. Ita Paulus ad Corinthios (r) Et in eadem epistola re-

(l) part. 4. c. 10.

(m) Math. 5.

(n) 1. cap. 2.

(o) Roman. 2.

plicitat:

(p) Epist. 130.

(q) Serm. 18.

(r) 2. cap. 6. & 15.

plicat: *Hoc autem dico, Fratres! quia caro & sanguis regnum Dei possidere non possunt. Dicetis: quæ sunt opera carnis & sanguinis? Ecce idem Apostolus in alia epistola (s) illa pandit: Manifesta autem sunt opera carnis, quæ sunt fornicatio, immunditia, impudicitia, luxuria, idolorum servitus, veneficia, inimicitia, contentiones, amulationes, ira, rixa, dissensiones, sectæ, invidia, homicidia, ebrietates, commissiones & his similia, quæ prædicant vobis, sicut prædixi, quoniam, qui talia agunt, regnum Dei non consequuntur. Jam compute vobiscum; O mei! quot sint, qui alicui ex his peccaminosis operibus affines, maximamque vitæ partem peccatorum mortalium rei non existant; & hinc colligite, quot dicentium: *Adveniat regnum tuum*, eo intraturi non sint? Etenim aliud est, quenquam casu fortuito in peccatum mortale labi, atque illico talis status horrore percipit veniam a Deo humiliter petentem confiteri (Hunc ad petitum regnum pervenire non tam arduum atque difficile) iterum aliud est, vivere quenquam majorem anni & vitæ partem in statu unius vel plurium mortalium peccatorum: De hoc verum fiet, quod *regnum Dei non possedit*; nam, dum & regni gratiæ divinæ in se ipso & operum regnum cæleste promeritum vacuum existit, in præsentissimo æterni interitus discrimine versatur.*

Tertia petitio est: *Fiat voluntas tua sicut in calo & in terra*; In quæ verba S. Cyprianus (t) Oramus, non ut Deus faciat quod vult; sed ut faciamus, quod Deus vult: *nam Deo quis resistit, quominus, quod velit, faciat? Sed quia vobis a diabolo obstitit, quo minus per omnia noster animus atque actus Deo obsequatur, oramus & petimus, ut fiat in vobis voluntas Dei.*

Sed ut melius intelligatis, quomodo fieri in nobis voluntas Dei & voluntas nostra cum voluntate divina conformari debeat, necesse est. O mei! ut doctrinam S. Thomæ vobis exponam, cujus ope Deo volente subjectionem, quam nos divinæ voluntati debemus, & integrum hujus tertie petitionis sensum penitus cognoscetis. Considerat S. Do-

P. Censurati Catechista.

(s) Galat. s.

(t) Libr. de Orat. Domin.

Et orationem & simplicissimam Dei voluntatem dupliciter; primam, quatenus significat quod vult; alteram, quatenus sibi complacet de eo, quod, quæ vult, fiant: Priorem vocat *Voluntatem signi*, posteriorem *Voluntatem beneplaciti*: *Voluntas significans seu signi manifestatur per præcepta*, per quæ Deus hæc, illa fieri jubet vel fieri prohibet, uti & dum nonnulla per modum consilii suggerit. Hinc quædam absolute imperat Dominus, quædam absolute vetat, quædam solum consulit. Quæ absolute imperat, sunt præcepta hoc vel illud faciendi e. g. se amandi, sibi credendi, in se sperandi, se invocandi & similia. Quæ absolute prohibet, sunt quævis peccata. Hæc voluntas significata sive signi impletur in nobis per obedientiam faciendo id, quod nobis imperatum: & non faciendo, quod prohibitum. *Voluntas beneplaciti* apparet in iis rebus, quæ eveniunt; cum nulla res in tota hac rerum universitate accidere possit, quæ non sit a divina voluntate vel volita vel permissa, ut ait S. Augustinus. Res volitæ sunt omnia bona, immo etiam mala omnia meræ poenæ: bona sunt e. g. conversio hujus illiusve peccatoris, sanitas hujus vel illius infirmi & similia: mala meræ poenæ volita sunt infirmitas hujus illiusve hominis, grando, siccitas & similia. Res autem mere permixtæ ex occultis sanctissimis juxta ac justissimis finibus sola sunt peccata, quæ Deus non semper impedit ob causas, quas adorare potius quam temere scrutari præstat: Hæc voluntas beneplaciti in nobis impletur, dum nobis de rebus bonis complacemus: in rebus meræ poenæ humiliter nos Deo permitimus: in peccatis mere permixtis illius consilia reveremur. Hæc doctrina omnis e S. Thomæ, quem Theologi communiter sequuntur, desumpta est.

Jam videte, O mei! quid hac tertia petitione: *Fiat voluntas tua sicut in calo & in terra*, velimus. Petimus gratiam, qua juvante legi sanctæ Domini pareamus (faciendo omnia, quæ ille, ut a nobis fierent, velle se per eandem significavit) videlicet

T t

gratiam

gratiam faciendi cuncta, quæ fieri a nobis vult; & nullo unquam tempore faciendi ea, quæ fieri a nobis prohibet; insuper faciendi ea, ad quæ nos non obligat, attamen quæ consulit, ut faciamus; uti sunt opera bona de consilio & supererogatoria. Atque hac ratione petimus, ut in nobis voluntas Domini significata seu voluntas signi impleatur. Petimus præterea gratiam accommodandi voluntatem nostram ad divinam voluntatem beneplaciti & præsertim in rebus pœnalibus in nobis a Deo volitis, quas ille semper in majus nostrum commodum & emolumentum vult; petimus nimirum gratiam ad divinam voluntatem nos conformandi in infirmitatibus, in casibus adversis & aliis rebus, quæ naturæ humanæ injucundæ accidunt; non quidem quod nobis haud liceat modis honestis ea mala depellere: Nequaquam; Immo placet Domino, si expellere nos ab iis licitis modis satagimus: sed enim ut, si videmus velle ipsum, ut illa curas nostras eludentia molestare nos pergant, divinis nos consiliis subjiciamus & patienter eas pœnalitates in nobis admittamus, quas ipse in nobis in nostram utilitatem esse vult. Petimus denique gratiam adorandi corde trementi & humiliato consilia Domini in permittendo tot mortales culpas, non quod omnibus nervis impedire illas non contendamus: Nequaquam; Immo placent Domino zelus noster nostrique conatus in impediendo, ne ille vel a nobis vel ab aliis offendatur: sed enim ut, si curas & preces nostras Deo in hunc sanctum finem oblatas optato eventu carere advertimus, non indignemur, non contristemur, non desperemus; immo immensum judiciorum ejus sacratissimorum & justissimorum abyssum adoremus; quin de memorata sollicitudine remittamus, & orando & agendo, ne Deus vel a nobis vel ab aliis lædatur: quæ oratio si continuabitur, certe in bonum supplicantis & etiam aliorum propter infinitam Dei misericordiam audietur. Hæc sunt quæ tertia petitione oramus; quam cum Beati in cœlis modo perfectissimo impleant, ob id

petimus, ut eodem modo illa a nobis & aliis in hac terra impleatur.

Petitio quarta habet: *Panem nostrum quotidianum da nobis hodie*. Nomine panis intelligi secundum SS. Patrum interpretationem tum panis & victus naturalis tum panis supernaturalis (scilicet Christus in SS. Eucharistia) potest. Primo de pane & victu naturali dicamus, verbaque singula accurate expendamus; cum non sine gravi ratione a Christo ita posita fuerint. Petimus itaque *panem nostrum*, quippe nostrum ex dono Dei effectum: Petimus *panem* scilicet alimenta necessaria & panem statui cuiusque convenientem, non superfluum, non voluptati servientem &c: Petimus *panem quotidianum*; quia etiam temporali divinæ misericordiæ sustentatione jugiter indigemus, & cum vita nostra fluxa atque incerta sit, petimus illum pro presenti die, in quam nobis Dominus vitam concessit: *Da hodie*, quin eundem in longius tempus petere audeamus, prompti & in crastinam diem illum denno poscere, si supersites fuerimus. Hæc est significatio quartæ petitionis ex mente Catechismi (u) Romani & sensu SS. Patrum, in quantum illa de pane naturali accipitur. Ex his colligitur, quam alieni sint a spirita hujus petitionis a Christo nobis tradite ii mortaliū. qui prædia prædiis, immobilia immobilibus cumulando satiari nunquam possunt (His sequentes minas Isaias (x) Propheta intonat: *Vae! qui conjungitis domum ad domum & agrum agro copulatis usque ad terminum loci? Nunquid habitabitis vos soli in medio terræ?*) multoque magis ii, qui panem non suum sed alienum comedunt, scilicet quem per mercedes retentas aut alienas facultates modis aliis illicitis raptas sibi paraverunt: His minatur Dominus (y) *Divitias, quas devoravit, evomet & de ventre illius extrahet eas Deus*.

Nomine panis intelligitur insuper SS. Eucharistia: Sic docet S. Cyprianus, cui alii Patres consentiunt, idque ob vim verbi: *superfluentialem*, quod in Evangelio S. Matthæi (z) additum legitur: *Panem nostrum super-*

(u) part. 4. c. 13.

(x) cap. 5.

(y) Job. 20.

(z) cap. 6.

superfubstantialiẽm da nobis hodie; Epithetum, quod nulli alteri cibo aptius congruit, quam Christo, qui de se ipso dixit: *Ego sum panis vitę, & de carne sua pronuntiavit: Panis, quem ego dabo, caro mea est.* Hinc prior S. Cyprianus dixit (aa) *Sic panem nostrum vocamus, quia Christus . . . noster panis est:* Et post hunc S. Hieronymus scripsit (bb) *Possimus superfubstantialiẽm panem: & aliter intelligere, qui super omnes substantias sit & universas superet creaturas.* Quod si omnia creata superat, alius esse non potest quam panis ille, qui est Deus-homo, scilicet Iesus Christus. Petimus itaque unicum pane naturali supernaturalem, videlicet ut nobis Dominus recipere SS. Eucharistiam concedat. Hinc S. Cyprianus: *Hunc autem panem dari nobis quotidie posulamur, ne, qui in Christo sumus & Eucharistiam quotidie ad cibum sacris accipimus, in vercedente aliquo graviore delicto, auri absculsi & non communicantes a caelesti pane prohibemur, a Christi corpore separemur.* Idem distinctius affirmat S. Augustinus (cc) *Panem nostrum quotidianum da nobis hodie, Eucharistiam tuam, quotidianum cibum; Norunt enim Fideles, quod accipiant, & bonum est eis accipere panem quotidianum huic tempori necessarium.* Pro se rogant, ut boni fiant, ut in bonitate & fide & vita bona perseverent: *Hoc optant, hoc orant; quia si non perseveraverint in vita bona, separabuntur ab illa Pace.* Ergo, panem nostrum quotidianum da nobis hodie, quod est? Sic vivamus, ut ad aliam tuam non separemur. Petamus igitur propter panem naturalem etiam divinum, ut nunquam ab amore & conjunctione amatissimi Resurrectoris nostri separemur. Petitio quinta est: *Et dimitte nobis debita nostra, sicut & nos dimittimus debitoribus nostris.* Hoc loco nomine debitorum veniunt offensę, injurię, peccata adversus Deum commissa; uti clare S. Lucas (dd) dicit: *Et dimitte nobis peccata nostra, siquidem & ipsi dimittimus tibi debita nostra.* Jam nostis, O mei! peccata, quę adversus Deum committimus, alia graviora & mortalia, alia leviora & venialia esse. Peccata venialia de-

vota recitatione hujus petitionis delentur: *Delet omnino,* ait S. Augustinus (ee) *hęc Oratio minima & quotidiana peccata.* Peccata gravia vero hac Oratione non delentur; cum ad eorum veniam obtinendam vel contritionis perfectus actus vel actus verę attritionis cum Confessione Sacramentali conjunctę requiratur (Uti sermonibus XL. & XLI. exposui) Quamvis autem Oratio hęc culpas mortales non delet, tamen est remedium (si debita cum devotione recitatur) efficacissimum ad obtinenda gratię auxilia, quibus adjuti de peccatis lethalibus ex animo doleamus, & pręsertim (Uti subiungit S. Augustinus) si ex amore Dei offensas & injurias nobis factas vere dimittimus: *Delet & illa, a quibus vita Fidelium, etiam scelerate gesta sed pariendo in melius mutata, discedit; si quemadmodum veraciter dicitur: Dimitte nobis debita nostra . . . ita veraciter dicatur: Sicut & nos dimittimus debitoribus nostris, id est: si fiet, quod dicitur.*

Multum igitur nobis, O dilectissimi! hęc conditio, hoc pactum a Jesu Christo huic maximi momenti petitioni insertum attendendum est: dixi: *maximi momenti petitioni;* quia veniam peccatorum petimus, & insuper, ut sic nobis dimittat Dominus peccata nostra, quemadmodum nos peccata ab aliis contra nos admissa condonamus. Ex quo sequitur, nosmetipsos legem ferre, secundum quam nobis peccata nostra a Deo remittantur, vel non: *Sponsionem facimus,* ait S. Augustinus (ff) *cum Deo, pactum & placitum. Hoc tibi dicit Dominus: Dimitte & dimitto. . . Non dimissisti; tu contra te tenes, non ego. . . Nullo modo tibi nocere potest serviens inimicus, quantum tibi nocet, si non diligis inimicum.* Et ecce hujus assertionis causam! Ille (inimicus) enim, pergit idem S. Doctor, *nocere potest aut vitę tuę aut pccori tuo aut servo tuo aut filio tuo aut coniugi tuę aut, ut multum, si illi data fuerit potestas, carni tuę, Nunquid, quomodo tu? Animę tuę.* Itaque tibi petenti, ut dimittatur tibi sicut tu dimittis, non dimittetur, nisi dimiseris.

T t 2

Dicit

(aa) *Libr. de Orat. Drum.* (bb) *In Cap. 6. Matth.* (cc) *Serm. 58.* (dd) *Cap. 11.* (ee) *Euchir. c. 71.* (ff) *Serm. 66.*

Dicit aliquis: Nolo dimittere; Ergone ob id omittere debeo hanc Orationem, ut ne Deum ad non dandam veniam obstringam? Huic quæstioni cum eodem S. Augustino (gg) respondeo: *Nescio, quid faciam: nescio, quid dicam. Dicturus enim vobis sum: si non diligitis inimicos vestros, nolite orare? Non audeo; Immo, ut diligatis, orate! Sed nunquid vobis dicturus sum: si non diligitis inimicos vestros, nolite in Oratione Dominica dicere: Dimitte nobis debita nostra, sicut & nos dimittimus debitoribus nostris? Puta quod dico: Nolite dicere. Si non dixeritis, non dimittuntur: Si dixeritis & non feceritis, non dimittuntur. Ergo dicendum est & faciendum, ut dimittantur.* Sic igitur facite: Orate, dicite petitionem hanc simulque implete; & hac ratione ex amore Dei injurias dimittentibus vobis quoque dimittetur.

Sexta petitio sic sonat: *Et ne nos inducas in tentationem.* Post exoratum peccatorum admisorum veniam in hac petitione rogamus, ut a peccatis futuris incolumes servemur. Non hoc intelligi debet, ac si Deus tentationes excitet vel promoveat. Nequaquam, O mei! Nemo, ex oraculo Fidei a S. Jacobo edito (hh) Nemo, cum tentatur, dicat, quoniam a Deo tentatur; Deus enim intensor malorum est. (Nunquam tentat ad malum) ipse autem neminem tentat. Petimus igitur his verbis, ne permittat Deus, ut tentemur: & (si tentari nos in nostram utilitatem, quæ est hujus suæ permissionis scopus, permiserit) ut nobis sua gratia adsit, ne tentationibus cedamus sed illas superemus. Sic petitionem hanc SS. Patres cuncti explicant, quorum omnium nomine S. Augustinus (ii) ait: *Ne deserat ergo nos, ideo dicimus: Et ne nos inducas in tentationem.*

Opponet aliquis: Quare Deus tentationes, prout posset, non impedit sed permittit? Permittit, O suavissimi! Deus tentationes ob fines plane sanctissimos: Primo, ut superbia nostra deprimatur, dum nostram miseriam in tentationibus cognoscimus, quibus succumberemus, nisi misericorditer juvaremur a Deo, qui fideliter omnibus se in

tentatione invocantibus succurrit nec permittit, ut tentatio vires nobis a gratia sua subministratas excedat; uti Paulus dogmatice pronuntiavit (kk) *Fidelis Deus, qui non patietur vos tentari supra id, quod possitis.* Apposite ad rem S. Cyprianus (ll) ait: *Admonemur infirmitatis & imbecillitatis nostræ, dum se rogamus; ne quis se insolenter extollat.* Secundo, ut Regnum cælorum quasi certo acquiramus; nam cum Dominus adultis gloriam, veluti coronam, dare decreverit: *Reposita est mihi corona justitiæ* (mm) Corona autem prælia bene gesta & prævias ex hostibus victorias supponat; nisi tentaremur, nec victoriæ, quas reportaremus, essent, nec gloriam tanquam coronam, obtineremus. Neque est, cur hostium nostrorum viribus exterreamur; quippe quas ipsi in nos non pro modo odii, quo nos perfectiuntur, nec pro suo arbitrio exercent, sed enim solummodo pro eo, ut ipsi a Domino qui summum rerum omnium imperium habet, concessum fuerit. Hinc S. Augustinus (nn) *Nullus metualur hostis extrinsecus. . . Quid tibi facturus est tentator extraneus. siue diabolus siue minister diaboli? . . . Pagna, pagna! Qui te regeneravit, iudex est, proposuit luctum, parat coronam; sed qua sine dubio vinceris, si illum adiutorem non habueris. . . ideo ponis in oratione: Ne nos inferas in tentationem.* Repetite itaque, O dilectissimi! petitionem hanc, ubi tentationibus infestamini; dicite Christo: Domine! tuis te verbis exoro: Ah! *Ne nos inducas in tentationem:* Longe a me tentationes averte & si illis invadi me in meam utilitatem permittis, assiste, ut vincam.

Dixi: Permittere Deum, ut tentationes nos invadant siue a diabolo siue a concupiscentia excitatæ, quas de cetero non volumus, nec quærimus, immo & fugimus. Verum quid de illis tentationibus dicam, quibus se permulti sponte ac ultro exponunt, quibus absque ulla formidine pro sua voluntate occurrunt? De hujusmodi hominibus aliter sentiendum; cum de his & Scripturæ sacre & SS. Patres aliter sentiant. Nonne, O mei!

(gg) Serm. 5.
de Orat. Dom.

(hh) Cap. 1.
(mm) 2. Timoth. 4.

(ii) Serm. 37.
(nn) Serm. 57.

(kk) 1. Corinth. 10.

(ll) Libr.

mei ! distinguitis inter illum, qui cum persona quadam aut necessitatis aut decori gratia agens erga illam accendi se sentit paratus ceteroquin, si posset, confestim ab illa secedere : & inter illum, qui voluntatis professione erga aliquam personam inclinari se advertens, nulla aut necessitatis aut decori urgente ratione ultro ad eam visitandam, contemplandam, variis sermonibus detinendam &c. accedit : Nonne hos duos tentantes invicem distinguitis ? Pater ! dicentes vos laudire mihi videor, quis non videt, multum hos duos inter discriminis intercedere : De priori dici ex vero potest, quod contra voluntatem suam tentetur ; dum posterior tentationem sponte exquirat, & de hoc dici potest, quod tentari ultro velit ; cum absque ulla necessitate tentationis obiectum inquirat. Egregie respondistis, O mei ! Jam insuper quæro ex vobis ? Anne cogitatis, Deum auxilia sua his duobus tentatis æqualiter largiturum esse ? O Pater ! dicetis, prior omni culpa caret, nullo modo tentationem adjuvat ; cum sive status sive muneris sui ratione adigatur, ut cum illa persona agat, quacum, si aliter posset, acturas non esset : Hinc vero simile est, Deum, in auxilium vocatum, pro sua infinita misericordia ei adfuturum. At ille alter, quia tentari ultro vult & absque ulla ratione seipsam occasionem ac tentationi sponte obicit, haud dignus ope divina esse videtur ; cum Deus in tot S. Scripturæ locis prohibeat, ne quis se in occasione peccandi ultro inferat. Respondistis, O mei ! pro eo ut homines rationis & Fidei lumine illustratos decet. Itaque speret in Domino nec formidet diabolum, qui incidentes tentationes, occasiones & pericula peccandi ex animo abhorret easque pro viribus declinat. At timeat certe casumque sibi expectet, qui tentationibus, obiectis illas excitantibus, occasionebus illas promovenibus sese ultro offert ; nam his, tantum abest, ut Dominus opem suam promiserit, ut potius casum eisdem denunciavit. Ita inter alia S. Scripturæ loca dico illa notissima oracula Spiri-

tus sancti monent : *Qui amat periculum, in illo peribit* (oo) Et : *Inmisit in rete pedes suos, tenebitur planta illius laqueo* (pp).

Postrema petitio est : *Sed libera nos a malo*. Videtis, O mei ! hanc petitionem quoddam quasi complementum anteceden-
tis esse ; nam, postquam liberari a tentationibus & adjuvari in illis divino auxilio postulavimus, petitio completur, dum oramus, ut liberemur a malo. Cum autem malorum omnium maximum sit peccatum, ob id primo loco oramus liberari ab hoc, secundo dein loco ab omnibus reliquis malis, contra quæ defendere nos Deus ut velit, rogamus : *Libera nos a malo*, ait S. Cyprianus, *Nihil remanet, quod ultra adhuc debeat postulari ; quando semel protectionem Dei adversus malum petamus : qua impetrata contra omnia, quæ diabolus & mundus operantur, securi sumus ac tuti*. Verum quemadmodum Deus teste S. Thoma semper annuit precibus modo debito, scilicet devote & perseveranter, exorantis pro liberatione a peccatis ; ita non semper exaudit preces liberari a malis corporalibus vel temporalibus poscentis : Atque ob id maxime non exaudit, quia si exaudiret, salus nostra æterna & major utilitas impediretur (Id quod sermone superiori ostendi) Hinc in levioribus non exaudiens Dominus in gravioribus nos audit. Concludamus cum S. Augustino (qq) *Novit, quando det, cui det : quando auferat, cui auferat ; Pete tu in hoc tempore, quod tibi profit in posterum ; Pete, quod te adjuvet in æternum*. Petamus itaque, O mei ! viva cum fide & firma spe, liberari a malo culpæ seu peccati : Petamus etiam liberari a reliquis malis temporariis & corporalibus ; verum addamus debitam & Christiano dignam conditionem, si ita gloriæ divinæ atque salutis animarum nostrarum proficuum sit : Et hac ratione commovebimus Dominum, ut nobis etiam liberationem a malis corporalibus lubentibus concedat ; prout pollicitus est, dicens : *Quærite primum Regnum Dei salutem vestram* & *iustitiam ejus* (ut juste vivatis) & *hæc omnia* (rr) *adijciuntur vobis*.

Tt 3

ORATIO

(oo) *Ecclesi. 5.* (pp) *Job. 15.* (qq) *Enarr. in Psalm. 53.* (rr) *Matth. 6.*

ORATIO DOMINICA

Meditatione digesta.

Pater noster. Oh miram atque ineffabilem divinx Majestatis suavitatem! Quis unquam, Domine Jesu! suis Deo preces oblaturus hac exordii invocatione ausus fuisset: *Pater noster*? Significaverat ipse quoque in Prophetarum eloquiis, se nostrum esse Patrem, qui possedit, fecit & creavit nos: significaverat, nos gestari ab ejus utero, atque portari ab ejus sinu, immo ad ejus ubera pendentes ulnis illius insinuari, ut nedum patris eximiam dilectionem, verum etiam tenerissime matris viscera erga nos se habere manifestaret. Tu quoque, Domine Jesu! Deum ita nostrum esse Patrem declarasti, ut ipsius comparatione interdixeris quenquam a nobis patrem super terram vocari. Veruntamen nemo unquam nostrum preces efflaturus ita exordii ausus fuisset: *Pater noster*, ne vocem, quam aliquando ex ineffabili dignatione sibi divina Majestas adscribere complacuit, arroganter nos usurpare videremur, & ne, quod ex illius ore auditum infinitæ charitatis indicium præsentat, a nobis sponte prolatum temerarii ausus nos condemnaret. Quot namque voces eademque divina Majestatis dignæ nobis scilicet supererant, quibus illam invocaremus? Dei, Domini, Conditoris, Gubernatoris & Judicis, ut, ceteras, quæ ineffabilibus ejus attributis respondent, omittam? Nihilominus, Domine Jesu! ut etiam in hoc cogitationes nostras a cogitationibus tuis longe diversas esse probares, preces nostras ita esse inchoandas docuisti: *Pater noster*. Oh invocationem, quæ vel ex lapideo corde amorem, spem, silentium eliciat! Ad Patrem eumque omnipotentem quis scilicet non accedat? Omnipotenti nullum est impossibile verbum: Patri omne iustum filii desiderium est acceptabile: in omnipotente securus sum de potestate tribuendi: In Patre de voluntate largiendi: Omnipotentem potestas impellit: Patrem amor trahit.

Vernum Pater est non quocunque modo sed noster, videlicet pro nobis vigil, qui non dormitabit neque dormiet, qui custodit nos: pro nobis sollicitus, qui ad salvandum nos festinat, immo cujus aures etiam desideria cordis audiunt: Vere igitur Pater noster. At suavitissime Deus! qui Pater noster appellari voluisti, nos quoque esse filios ut recogitemus, admones: Omnia proinde, quæ a filiis patri debentur, officia ut tibi reddantur exposcis: amor, reverentia, obedientia. Heu dulcissime Pater! vere confusio faciei meæ cooperuit me hæc filiorum

debita recensentem. Tu erga me patris officia amantissimi diligendo, instruendo, pascendo cumulatissime explevisti: Quam magni dilectione es me persecutus, Pater piissime! ex nihilo me traxisti creatione, de nihilo educum servasti conservatione, conditum & servatum ad salutem eternam rescicisti redemptione. Insignia quidem sunt hæc & ceterorum tales beneficiorum; at omnibus communia sunt: Magis peculiariter recolam; In gremio veræ Ecclesiæ nasci me voluisti, Baptismatis lavacro expiari, incorrupta doctrina Fidei imbui, a te non semel aversum misericorditer expectasti, adoptione tuæ (ut spero) iterum atque iterum donasti. Verum & hæc præstantissima beneficia, licet non omnium, sunt tamen plurimorum. Superiunt adhuc vere specialissima, quibus me locupletare dignatus es: Vix pubertatem ingressum atque a pietate devinam ad te revocasti, religiosi insinanti posui omnino aversatam me repente ad illud amplectendum accendisti, insinuto vere sancto tuæque Genitricis acceptissimo adscripti, plena statui assumpti voluptate donasti, innumerabilibus beneficiis cumulasti, ad sacrosanctum altaris ministerium evexisti, dispensatorum denique Sacramentorum tuorum effecisti. O Pater amantissime! nonne sunt hæc certissima specialis paternæ dilectionis insignia, nonne providentiæ erga me tux clarissima pignora? Venite igitur, venite, audite (& narrabo) omnes, qui timetis Deum, quanta fecit anime meæ, quantæque munificentia erga me amantissimi patris officia Deus noster expleverit. Non sic ego, Deus meus! debita filiorum officia persolvi: Heu! tu nos, quoties in seculo degens pro reverentia tibi irrogavi injurias, pro amore tibi debito quot offensas intulerim, pro obedientia tibi præstanda quot peccata commiserim! Ita prævaricator legis effectus te Patrem amantissimum Denique meum inhonoravi. Religionis deinde adscriptus tu nosci, quomodo beneficiis a te mihi collatis abusum sim, multis te offensis affecerim, neque donis tuis eximiis (prout tenebar) usus fuero. Quod itaque mihi superest, nisi illud præstare, quod in prodigi filii suavitissime parabola mihi agendum significasti, nempe surgere atque ad te venire Patrem meum, oculisque lacrymantibus & facie in terram demissa devotentique corde proferre: *Pater! Huius, Pater mi amantissime! peccavi in conspectu & coram te, jam non sum dignus vocari filius tuus, immo neque ac-*
cuseri

eenferi mercenariis tuis : Itaque non secundum peccata mea facias mihi neque secundum iniquitates meas mihi retribuas ! Domine, ne memineris iniquitatum mearum antiquarum ! Cito anticipent me misericordie tue, quia pauper factus sum nimis ! Adjuxit me Deus salutaris noster & propter gloriam nominis tui libera me & propitius esto peccatis meis propter nomen tuum suavissimum Patris !

Qui es in caelis, immo es ubique ; si enim descendis in infernum, ades : & si habitaveris in extremis maris, manus tua deducet me & tenebit me dextera tua. Cum igitur per immensitatem tuam ubique adis, cur potius te in caelis existentem ut invocemus, mandasti ? Ut iterum paternam tuam dilectionem significares ; Cum enim in caelis inaxime thesaurus tuus bonitatis effundas ibique dilectis tuis paratas servas aeternas beatasque mansiones, ibi te absque velamine clare intendendum exhibeas, ibi tandem Beatorum spiritus perenni felicitate repleas : ideoque in caelis potius quam alibi te residere significas ; in caelis (inquam) ut in nobis filiis tuis ardens desiderium veniendi ad te excites, & ut more impatientis cupiamus dissolvi & esse tecum : ut nobis a te Patre amantissimo hereditatem constitutam esse sciamus, atque coheredes Christi omnium primogeniti quamprimum effici optemus. Cum autem eo perveniendi nulla alia sit via prater Jesum, nemo illic ascendet, qui a via ista declinaverit : In ea progredi nil aliud est, quam mores nostros (quoad fieri potest) Christo conformare. Heu ! Pater pietissime, tu scis, quantum inde aberraverim ? Et vere sicut ovis qui perit perditionis lubricum in seculo degens pluries intravi, a quo infinita pietas tua me propius in vere sanctam B.P. Domini familiam cooptatum ad salutis semitam misericorditer reduxit : An autem in hac via (prout opus est) gradiar, si cuique vel serventissimo incertum, mihi te modice diligenti incertissimum. Id conjicere possem, si in me Christi imaginem utcumque expressam viderem ; quos namque praedestinati, conformes fieri voluisti imaginis filii tui : Verum, Pater sancte ! imaginem Jesu vel in me non invenio vel adeo deformatam, ut vix discerni queat ! Ipse summus sanctitatis exemplar, omnium perfectionum cumulus clarissimumque virtutum centrum, singulae ejus actiones perfectissimae rectitudinis regula. Ego peccatorum sentina, tepiditatis imago & omnium cumulus miseriarum, ego ille a Joanne indicatus miser, miserabilis, pauper, cecus & mutus, indignus proinde, qui in regnum celorum admittar. Fac igitur, Pater pietissime ! ut in viam sanctitatis regressus ferventer ac constanter incedam viamque mandatorum tuorum inoffenso pede percurram, Christi imitationi indefinenter incumbam, sique, mi Pater ! ad te valcam pervenire, atque in caelis, ubi singulari effluatque beneficentia regnas, in aeternum collocari promerear, ut ibi a me incessanter,

Sanctificetur nomen tuum, quod est laudabile & gloriosum & superexaltatum in secula : Nomen tuum, Deus ! qui es omnium alpha & omega, principium & finis, ex quo omnia, per quem omnia, in quo omnia. Sanctificetur itaque nomen tuum : sanctificetur ab omnibus rationis usu donatis : sanctificetur attenta mente & puro corde, opere & lingua, corpore & spiritu. Eja, Pater sanctissime ! sanctificetur nomen tuum praecipue a me, qui toties illud inhonoravi, qui ejus gloriam (prout tenebar) non quaesivi, qui debitam eidem reverentiam non rependi. Sanctificetur a me per inviolabilem mandatorum tuorum obedientiam, per sollicitam institutioni mei obervantiam, per rectitudinem cordis mei intentionem affectuumque meorum ad te semper tendentium perfectam conversionem. Et cur nomen tuum glorificare negligam, si infinita misericordia disposuisti, ut quidquid ad gloriam tui nominis agerem, in meam quoque gloriam redundaret aeternam, & quo magis ad tuam promovendam inardescerem, meam pariter magis augerem ? Itaque voluisti, ut rem tuam gerentes aequae nostram ageremus, immo nonnisi nostram agentes tuam perlicere valeamus, & quo magis terrenam gloriam contemnerem niteremur, eo magis gloriam tuam, quae vera gloria est, locupletaremur. Oh miram Patris nostri benignitatem ! Nonne tua sunt omnia, & quae de manu tua accepimus, reddimus tibi ? Si ergo tua tibi innumerabilibus titulis debita ; cur ea tam large remuneraris ? O bonitatem ! O clementiam ! O dilectionem ! Recordatus es, quoriam pulvis sumus atque in bonum nostrum maxime propensi : Ne igitur a procuranda gloria tua & debito nostro adimplendo averteremur, infinita charitas tua ita utrumque composuit, ut non nisi tuam quaerendo gloriam salutem nostram consequeremur, & quanto magis ob tui nominis gloriam despiceremus hominum famam, tanto magis gloriam tua cumulari mereamur, & ita sanctificando nomini tuo totum addiceremur, ut inde nobis

Adveniat regnum tuum. Ita, Pater ! nobis adveniat regnum tuum quod est regnum omnium seculorum ; regnum, in quo cuncta quae optare possumus, reperitur ; regnum omnium bonorum aggregatione perfectum ; regnum Electis tuis ab aeterno constitutum, ubi te infinitum lumen absque velamine manifestas, ubi te fruendum absque interruptione concedis ; regnum, in quo Jesu Christi amabilius praesentia pervenit jucundabimur, ubi Matris suavissimi aspectu perfruemur, ubi cum Electorum aeterna conversatione letabimur ; regnum, de quo gloriosa dicta sunt, quae tamen in cor hominis victoris ascendere non possunt. Cum autem ut tuum in me regnum adveniat, necesse sit ut alterum regnum tuum hic interim quaeram, regnum scilicet gratiae tuae, quae mei penitus dominetur, da, quolo Pater dilectissime ! ut hoc mihi regnum adveniat, si forte mihi deest : illudque immobi.

immobiliter confirmā & adauge, si mihi iam insit. Et cum utriusque acquisitioni regni vim pariat & violenti rapiant illud, fac, Pater sancte! ut mihi metipsum vim inferam in coercendis, adiacendis relictisque omnibus: quæ quovis modo regni tui affectionem prohibere possent, omnemque sollicitudinem & studium impendam in acquirendis virtutibus, quas postulat status institutio: a me assumpti perfectio. Hinc gratia tuæ regnum inexpugnabilibus augeatur prædiis regnumque gloriæ tuæ celeriter & exuberantius adveniat; quod utique adveniet, si a me

Fiat voluntas tua sicut in celo & in terra: Et quemadmodum in cælis integre, letanter & iugiter voluntas tua sanctissima impletur; ita ad amissimam a me impletur in terra. Integre; ut nihil eorum, quæ tibi displicent, admittam: quæ autem tibi placita sunt, incontinentanter amplectar eoque avidius, quo tibi gratiora esse compererim. Letanter; *hælem enim datorem diligit:* Præsta igitur, sancte Pater! ut mente firma, spiritu prompto animoque volente tibi gratificer. Iugiter demum; ut nulla oblatione nullaque vi a beneplacito tuo perficiendo dimovear: *Neque mors, neque vita, neque Angeli, neque principatus, neque virtutes, neque instantia, neque futura, neque fortitudo, neque altitudo, neque profundum, neque creatura alia* separare me valeat vel modicum retardare a voluntate tua sanctissima adimplenda. Quid enim iustus, quam in omnibus & per omnia voluntati meæ conformare, quæ omnipotens est in virtute, infallibilis in efficacia, sapientissima in dispositione, iustissima in fine, quem respicit, suavisissima in modo, quem adhibet? Cum igitur nemo sit, qui possit resistere voluntati tuæ ipsæque non nisi quod sanctum est, noverit velle; cur insipiens ego irritò plane conatū magnæque animæ perniciem declinare tertabo, quæ tu, Pater! circa me fieri voluisti; & cur aquo animo ex non amplectar, quæ etiam reluctantem me infallibiliter sunt eventura? Cur filiali promptitudinē tibi non obsecrā in omnibus istis, quæ sanctissima voluntate tua mihi agenda proponis & quæ (nisi deficiam in via) tibi Deo me clarum, Sanctis tuis acceptum, hominibus venerandum, damnoibus formidolosum, immaculatum in via, beatum in patria sunt redditura. Fiat igitur, Pater sanctissime! fiat in me iugiter, amanter, letanter, integre voluntas tua, sicut in celo sit a Cælibus.

Pancem nostrum quotidianum da nobis hodie; primo superbubstantialē, videlicet carnem Servatoris mei Iesu Christi, quam mihi quotidie sumendam ineffabili charitate tribuisti: *Da mihi, Pater!* panem istum vere divinum & superbubstantialē in comedere, ut spiritualiter reficiar & cunctarum atque in fortitudine cibi istius perveniam ad montem Dei: Quomobrem fac, Pater piissime! ut ipse semper adhaream per ardentissimum charitatis

affectum, semper in eo maneam & ipse in me, illi unice vivam & in syne in illum transmuter, denum per ipsum ad vitam perveniam sempiternam. Da quoque, dulcissime Pater! panem quotidianum victui meo necessarium, remove superbub & quæcumque tepelescent in amore tuo aditum aperire quoquo modo possunt, necessarius autem ut ita utar tanquam non utens; *præterea enim figura huius mundi, nulla illorum sollicitudine tangar, immo omnibus abrenuntiem, si ita sit placitum ante te:* *Quid enim volui super terram, Deus cordis mei & pars mea Deus in æternum?* Da igitur, si tibi placet, mihi hodie necessaria: Et si omnibus perinades, ne de crastino cogitent; nonne maxime dedeceret me solenni paupertatis voto obstrictum atque aliorum curis alendum pro crastino esse victu sollicitum? Quandoquidem si das *esam omni carni & aperiendo manam tuam imple omne animal benedictione,* & ne unus quidem *passer* est in oblivione coram te! deriunt providentia tua filio in te confidenti, quique omnibus renuntiavit le totum tibi devovit? Da igitur panem hodie & quantitate & qualitate, quæ ceteri aluntur pauperes, nec quidquam peculiare requirant; immo eorum, quæ mihi dantur, pauperes participes faciam: Et utinam a supidiore abstinere!

Et dimitte nobis debita nostra, sicut & nos dimittimus debitoribus nostris. Si in multis offendimus omnes, certe ego in plurimis: si omnibus supplicandum est, ut eorum peccata dimittas, mihi profecto de profundis elatandum, ut deas iniquitates meas. Dinatte igitur, Pater mihi debita mea, de quibus doleo ex toto corde propter te super omnia dilectum, quæque super mala omnia detestor; nam tibi soli peccavi summo bene, Patri dulcissimo, Deoque optimo maximo, & malum coram te feci. Hen! cur non potius ante consumptus & morte vel accerbissima abreptus sum, quam talia pepetram! Cum autem sanctissime statueris, neminem esse delictorum suorum veniam impetraturum, nisi de corde suo remiserit debita detrahitis suis; tamen nihil mihi in hoc conficiū sim, profiteor, me omnes ut vere fratres amplecti, eundemque animum & dilectionem erga eos, me habere exopto, qualem ut tu, Deus meus! erga me habeas, elagito. Et tum in ceteris tum in hoc omnium gravissimum claritatis præcepto

Nē nos inducas in tentationem: Jam certus sum, fidelissime Pater! quod nunquam permittas nos tui supra id, quod possumus; immo quod facias cum tentatione proventum. Concede itaque, ut ego, declinans mortem animæ ascendenti per fenestras, sentus meos ita coerceram, ut sedula vigilantia a quacunque peccanti occasione eodem avertam. Et si aliqua tentatione me vexari permiseris, non ego sed gratia tua mecum victrix evadat; ut & ego canere possim: *Dextera Domini fecit virtutem, dextera Domini exaltavit me, dextera*

Domini

Dominus fecit virtutem, & usque ad mortem pro iustitia certando coronari mereat in sempiternum.

Libera igitur nos a malo, primo quidem cuiuslibet culpæ mortalis, deinde & omnium venialium (quoad humanæ fragilitati permittitur) proindeque a malo tum æternorum suppliciorum tum etiam po-

narum in altera vita purgantium, quas (si tibi placet) in alias commuta auxilio gratiæ tuæ in hac vita sustinendas; ut in hora exitus mei magis expeditus inveniar ad æternam gloriam consequendam, ubi laudes una cum omnibus Electis tuis tibi persolvam in secula seculorum, Amen.



SERMO LI.

De secundo Decalogi præcepto: NON ASSUMES NOMEN DOMINI TUI IN VANUM.
De non jurando in vanum.

Post primum præceptum, in quo injungitur, ut Deum honoremus, quam convenientissime secundum ponitur, in quo prohibetur, ne eundem inhonoremus, maxime abutendo in vanum sanctissimo & adorandissimo illius nomine: *Non assumes nomen Dei tui in vanum; nec enim insontem habebit Dominus eum, qui assumpsit nomen Domini Dei sui frustra: quibus verbis poena indicatur a Deo nomine suo, maxime per perjuriam, abuti ausuris insigenda.*

Est itaque juramentum invocatio Dei in testem rei alicujus gestæ vel gerendæ. At magis placet definitio S. Antonini, quippe quæ solitos jurandi modos omnes tacite complectitur: Ait ergo (a) *Juramentum est assertio vel negatio de aliquo, scilicet de facto vel faciendo, sacra rei allegatione firmata.* His verbis primo S. Doctor cum Theologis omnibus duplex denotat juramentum, assertorium & promissorium. Assertorium est, quod assertit, hoc se ita habere vel non habere, v. g. Juro, hoc mihi deberi vel non deberi. Promissorium est, quod promittit, hoc fore vel non fore, v. g. Juro, me hoc soluturum vel non soluturum. Oportet præterea S. Doctor, juramentum fieri non solum invocando sanctum nomen Dei aut Christi, sed etiam invocando quævis aliam rem, in qua Majestas divina distincte apparet, aut invocando rem aliquam creatam, at hanc tanquam creaturam Dei. Ecce!

P. Cunctilati Cunctilati.

Exemplâ juramentorum, in quibus Deus testis appellatur: *Per Deum, per Christum, per SS. Evangelia, per Crucem & alias res spectantes ad Deum sive Christum: ita etiam per Baptismum aut aliud Sacramentum, per veritatem Dei, per vitam Dei, videlicet Vivat Deus, Quam verax est Deus, Deum testor, coram Deo dico &c.* Res creatæ deinde, in quibus Majestas divina peculiariter resplendet, sunt Virgo sacratissima & Sancti Dei omnes, in quibus tacite Deus invocatur: Et si juramentum falsum editur, præter injuriam quæ Deo fit, etiam Virgo sanctissima aut Sanctus ille gravi injuria læditur; dum testis falsi vocatur, habetque perjurium tale duplicem malitiæ speciem: unam contra Deum, alteram contra Virginem Deiparam aut Sanctum: unam adversus virtutem latriæ, quæ ad Deum pertinet, alteram adversus virtutem hyperduliæ, quæ ad Virginem, aut dulciæ, quæ ad Sanctos spectat. Reliquæ creaturæ, in quibus Majestas Dei maxime apparet, sunt Anima, Cæli, Elementa: Hinc si quis dicit: *per animam meam, per hoc cælum Dei, per hanc aquam Dei, per hunc ignem Dei, &c.* (paucis) si quis alia creatura ad juramentum utitur, maxime si addit vocem: *Dei, v. g. per hunc panem Dei, per hoc vinum Dei, per hunc vel illum rem Dei, jurat; cum Deum in illa re, tanquam re a Deo condita, invocet.* Ait quid de illa nostris in oris ma-

U u

xine

(a) P. 2. tit. 10. c. 5.

me usitata loquendi formula sentiendum videlicet: *In animam meam*? Num ista formula juramentum constituit, nec ne? Repono: illam, si trutina theologica pensitetur, constituere juramentum; quod idem sonare videatur ac *per Animam meam*: verum si quis hanc formulam proferens nil aliud intendit quam dicere: *quantum in anima mea sentio*, quod idem est ac dicere: *quantum in conscientia mea sentio*, talis mea sententia non facit juramentum, quod tamen facit dicens: *per Animam meam*. In hoc sensu Apostolus dixit (b) *Deum in voco in animam meam*: atque isto in loco monere vos debeo, quod si quis juramentum facere intendit, quocunque modo aut quacunque formula id faciat, semper juramentum sit; cum ubi facere juramentum semel intenderit, in ejus arbitrio sit, illud, quomodo vult, facere.

Est & aliud juramenti genus, quod execratorium seu imprecatorium dicitur, quo (uti ait S. Thomas) Deum testem simul ac judicem invocamus, ita ut ille, si verum non sit, quod affirmamus, aut si non facimus, quæ facturos nos affirmamus, gravi pœna sive in nos sive in alios animadvertat, v. g. si quis dicat: *Deus vita me privet, Deus me puniat, Deus non me adjuvet! Deus non faciat percipere me gaudium ex liberis! si res ita non est, aut si hoc non fecero, & similia*, quibus malum sive nobis sive aliis imprecatur: atque in his juramentis mentiri non solum debitam Deo reverentiam graviter lædit virtutisque religionis adversatur, sed etiam charitatis christianæ nobis & aliis, quibus male precamur, debitæ vehementer repugnat: *Deus manifestat verum*, ait S. Thomas (c) . . . alio modo per panam mentientis, & tunc est iudex simul & testis . . . Et ideo . . . alius est jurandi modus per execrationem, dum scilicet aliquis se vel aliquem ad se pertinetes ad panam obligat, nisi sit verum, quod dicit.

Quid igitur requiritur eo, ut jurare non sit peccatum? Requiritur tria: videlicet, ut juramentum fiat in veritate, in iustitia & iudicio. Singula ex ordine pandamus.

Ad juramentum inevitabiliter requiritur veritas, scilicet ut verum sit, quod affirmatur, vel negatur, aut (si aliquid faciendum promittitur (ut quis habeat veram illud faciendi voluntatem: nam si juramento veritas defuerit, semper est peccatum mortale. Qua in re perimulti se ipsos decipiunt cogitantes, juramentum falso factum, si veritas exigui aut nullius momenti sit, non esse peccatum mortale. Falluntur hi magnopere; cum tale juramentum semper sit peccatum mortale, tametsi falsum juramentum firmitatem nullius ponderis sit. Hinc si quis dicat, v. g. se merendam sumpsisse: quæ non sumpsit: aut vidisse se volantem per aera quandam volucrum, quæ non vidit, peccat mortaliter; cum semper gravis Deo injuria accedat, si falsæ rei testis invocatur, utut illa res exiguisima sit. Ob eam causam doctrina contrarium affirmans & contendens: falsum in materia levi non esse peccatum mortale; ab Ecclesia proscripta fuit. (d) Peccat præterea mortaliter non solum, qui falsum scienter juramento confirmat, sed etiam qui sine debita consideratione jurat credens, verum esse, quod jurejurando comprobatur; cum falsum sit: aut falsum credens, quod verum est. Etenim nunquam jurandum est, nisi certitudo firmandæ juramento rei habeatur; nec sufficit eam sine gravibus causis pro certâ credere. Ita S. Augustinus, cui Theologi omnes concinunt (e) *Homines falsum jurant, vel cum fallunt vel cum falluntur: Aut enim putat homo, verum esse quod falsum est, & temere jurat: Aut scit aut putat falsum esse, & tamen pro vero jurat, & nihilominus cum scelere jurat*: Nunquam itaque juramento assertorio utendum, nisi prudens & moralis certitudo adsit, rem sic esse, uti juratur. Simi iter nefas jurare cum restrictione mentali, e. g. si ex aliquo quæras, utrum hoc habeat, & ille juret, se id non habere, cogitans secum, se id non habere in tergo, cum tamen domi habeat. Hoc verum mendacium est, & qui sic jurat, perjurii se reum facit: Ita definit S. Sedes, Innocentio XI. *propositiones 26. 27. &*

(b) 2. Corinth. 1. (c) 2. 2. q. 89. a. 1. ad 2.

(d) Prop. 24. damn. ab Innoc. IX. (e) Serm. 180.

& 28. contrariam sententiam propugnantes condemnante. Sed nec verbis ambiguis, in sensu minus usitato intellectis, jurare licet, e. g. si quis interrogatus, utrum habeat canes, juraret se nullos habere, intelligens non de canibus quadrupedibus, sed de canibus marinis. Hic talis perjurium admittit, cum animus fallendi & non respondendi ad mentem interrogantis in eo manifeste appareat. Hinc S. Augustinus ait (f) *Non secundum verba jurantis, sed secundum expectationem illius, cui juratur, quam movit ille, qui jurat, fidem jurationis impleri.* Et S. Thomas (g) *Quando non est eadem jurantis intentio & ejus, cui jurat; si hoc proveniat ex dolo jurantis, debet juramentum servari secundum sanum intellectum ejus, cui juramentum praestatur; si autem jurans dolum non adhibeat, obligatur secundum intentionem jurantis; Unde S. Gregor. libr. 21. Moral. c. 7. ait: Humanae aures verba nostra talia judicant, qualia foris sonant: divina vero iudicia talia & audiunt, qualia ex intimis proferuntur. Apud homines cor ex verbis, apud Deum vero verba veniunt ex corde.*

Est aliud juramenti genus, quod promissorium dicitur, quo quis jurat, velle se facere hanc vel illam rem. In hoc juramenti genere variis modis mortaliter peccatur; primo si quis jurans, velle se hoc facere, non habet voluntatem faciendi, & in hoc consistit perjurium assertorium: secundum si quis jurat se facturum aliquid, quod non est in sua potestate, & hinc probabiliter futurum non est, v. g. Juro me tibi soluturum debitam pecuniam omnem crastina die; cum sciam me non habiturum, unde exsolvam; aut etiam, si habens non exsolvo: Aliud esset, si habenti, unde solverem, pecunia inopinato furto auferretur; & tunc perjurium non admitterem. Ita S. Thomas: *Quicumque jurat aliquid se facturum, obligatur ad id faciendum, ad hoc quod veritas impletur . . . si est talis res, quae in ejus potestate non fuit, deest juramento discretionis iudicium, nisi forte quod erat ei possibile, quando juravit, reddatur ei impossibile*

per aliquem eventum: puta cum aliquis jurat, se pecuniam soluturum, quae ei postmodum vi vel furto subtrahitur; tunc enim videtur excusatus a faciendo, quod juravit, licet teneatur facere, quod in se est.

Dicit aliquis: Pater! si talis non solveret omne debitum, sed exiguum illius partem insolutum relinqueret, an reus perjurii foret? Ego cum multis Theologis sic existimo: hunc non quidem grave attamen veniale perjurium admittere; Ratio hæc est: Veritas promissa est veritas exequibilis & divisibilis; nam veritas hujus juramenti promissorii vertitur in executione solutionis, quæ solutio in plures partes divisibilis est: unde si solum exiguum partem insolutam relinquit, non videtur esse materia perjurii gravis; cum talis jam quasi totum residuum impleverit. Aliter sentiendum, si materia levis tota juramenti materia est, v. g. Debeo tibi dare tres solidos: & juro me tibi illos cras daturum: si possum dare, nec do, ex multorum Theologorum sententia graviter perjurus sum; quia tunc juramento assertorio omnis veritas, quæ ceteroquin ad juramentum requiritur, decedit. Et ad hanc sententiam accedere propius videtur S. Thomas, qui constanter affirmat, esse peccatum mortale, quando juramento promissorio veritas deest. (h) At in hoc posteriori casu veritas ex toto deesset; dum contra in priori tantum ex parte levissima deesse videtur.

Secunda, ad quodvis juramentum requisita conditio, est iustitia: scilicet ut de rebus bonis, nunquam de illicitis juretur. Et quoniam hoc utplurimum in juramento promissorio accidere solet; ob id mortaliter perjurat, qui jurat se facturum rem graviter peccaminosam, v. g. *Juro per Deum, me hunc fuisse soluturum: Mortuus, si ei solvero, & quæ sunt res similes illicitæ. Ratio est; quia Deus in testem vocatur rei alicujus, qua graviter læditur. Utrum vero mortaliter quoque peccet is, qui jurat facturum se rem venialiter peccaminosam, non consentiunt Theo-*

U u 2

legi

(f) Epsl. 125. (g) 2. 2. q. 89. a. 7. (h) 2. 2. q. 89. a. 7.

logi: Permulti cum Card. Cajetano id negant affirmantes, juramentum hujusmodi tantum veniale esse; quia Deo haud gravis iniuria accedit, si testis faciendæ actionis venialiter peccaminosæ appellatur: Quisquis igitur hoc persuasum sibi habet, venialiter tantum peccat. At illi, qui cum aliis Doctoribus aliter sentiunt, graviter peccant, cum persuadere sibi nequeant, haud grave esse erga divinam Majestatem irreverentiæ genus Deum vocare testem faciendæ rei alicujus, qua ille (utut venialiter) offendatur: nec etiam credant, levem Regi injuriam a subdito fieri, qui eundem testem appellaret faciendæ rei alicujus: qua lex Principis vel imperans vel prohibens leviter violaretur.

Jurans se admissurum peccatum aliquod sive grave sive leve, abstinet! ut credat se ad illud parandum obligari, immo abstinere ab illo debet; quia juramentum nunquam obligat ad patranda ea, quæ Deo displicent: Et si juramentum suum implet, novum peccatum sive mortale sive veniale addit peccato illi, quod jurando de malo patrando commisit. Igitur juramentum, quando ex illius impletionem malum aliquod oriturum est, non observandum est, nec ob id perjurus eris: *Si aliquid forte* (i) *incartius nos jurasse contigerit, quod observatum peiorum vergat in exitum, illud consilio salubriore mutandum noverimus.* Hinc non solum, qui facturum se aliquod peccatum vel mortale vel veniale juravit; sed etiam iis, qui se pium aut aliud de consilio opus non facturum (v. g. non se stipe adjuturum hanc vel illam inopem familiam) juravit, juramentum suum exsequi non debet, nisi forte ob alias circumstantias magis expediat stipe illam familiam non juvare, quam juvare. Qui se statum religiosum non amplexurum juravit, potest illum amplecti, si se vere eo a Deo vocari sentit, ut ad religionem disciplinæ regularis observantia morumque integritate in Fidelium ædificationem bene constitutam nomen det: sic etiam in aliis similibus casibus. Unde S.

Thomas (k) *Juramentum non est servandum in eo casu, quo est peccatum vel boni impedimentum.* Et iterum: *Ille qui jurat, se non intraturum Religionem vel non daturum elemosynam vel aliquid hujusmodi, jurando perjurium incurrit propter defectum judicii: Et ideo, quando facit, quod melius est, non est perjurium sed perjurio contrarium; contrarium enim ejus, quod facit, sub juramento cadere non poterat.*

Hinc advertite tertiam ad juramentum necessariam conditionem, quæ est judicium: videlicet prudentia & circumspectio, ut juratur ob necessitatem jurandi. Quid ergo erit de illo, qui absque ulla necessitate jurat? Respondeo cum Theologis omnibus; eum, si in veritate aut de faciendâ re honesta jurat, mortaliter non peccare: Id quod tamen ex vero solum de illo dicitur, qui jurandi consuetudinem non habet & qui sine necessitate raro jurat, attamen in veritate aut de re non mala. Ast qui habet consuetudinem sæpius per diem jurandi (Uti permultos non sine gravi piorum Christianorum horrore atque offensione tota die audire est, qui continuo sine ulla recogitatione per Deum, per Christum, per sancta Evangelia, per Cracem, per Mariam, per Sanctos & modis aliis superius allatis, etiam imprecatoriis, jurant) quoties jurat, toties mortaliter peccat. Ex quo sequitur, multos Christianorum unius diei spatio facile centies in hac materia peccare; quia facile centies una die jurant. Ratio evidens est; quia jurant, quin prius recogitent, verane an falsa jurent, an de licitis vel illicitis rebus jurent, Et ecce! quoties sine prævia hac recogitatione jurant, toties perjurant; quia jurant, quin considerent, verane an falsa, licitane an illicita jurent. At, inquires, Pater! Ob hoc ipsum, quia ex mera consuetudine & non advertentes jurant, excusari a peccato mortali videntur. Veram ego sententiam S. Thomæ sequens affirmo: Ob hoc ipsum, quia ex consuetudine & non advertentes jurant, eos gravius peccare; nam cum sub gravi peccato ad exuendam hanc peccaminosam

(i) Can. Si aliquid, caus. 22. q. 4. (k) 2. 2. q. 89. a. 7.

nosam consuetudinem teneantur, & ipsi hanc exuere nihil studeant, en! omnia eorum iuramenta voluntaria sunt in causa volita, videlicet in consuetudine; quia non solum hanc destruere non satagunt, sed etiam magis ac magis confirmant atque corroborant. Hinc S. Thomas (1) *Quando homo peccat ex habitu vitioso, necesse est quod ex certa malitia peccet; quia cuique, habenti habitum, est per se diligibile id, quod est ei conveniens secundum proprium habitum; quia sic fit ei quodammodo naturale, secundum quod consuetudo & habitus vertitur in naturam: Hoc autem quod est alicui conveniens secundum habitum vitiosum, est id, quod excludit bonum spirituale, ut adipiscatur bonum, quod est ei secundum habitum conveniens, & hoc est ex certa malitia peccare: Unde manifestum est, quod, quicumque peccat ex habitu, peccet ex certa malitia.*

Atque ex his apparet, quam longe a mente S. Doctoris aberrant ii confessoriorum, qui vel ex toto vel ex parte peccatores, absque ulla reflexione perjurando, peccantes excusant propter vim pravi habitus vitiose contracti; nam cum habitum hunc multis actibus vitiosis voluntarie positis contraxerint, voluntarie generantur causam huius, in jurando sine reflexione ulla, facilitatis; atque ob id omnia illa non advertenter facta iuramenta non possunt non esse voluntaria & peccaminosa in causa voluntarie generata. Apparet hoc manifeste ex argumento firmissimo a contrario seu (Ut dici solet) *ab opposito* sumpto. Attendite! Ponamus, Christianum aliquem per continuum exercitium sic sibi familiarem reddidisse virtutem charitatis theologicæ erga Deum, ut in actus amoris etiam non cogitans prorumpat; hem! quis est, qui dicat: hunc Christianum multis illis amoris actibus, quos non advertens exercet, nihil promereri, nec actus illos esse veros actus charitatis? Cur veri non sint, respondebitis? Quin immo sunt fructus arboris, quam talis per continuum voluntarium charitatis exercitium plantavit atque excoluit, manifestantes, charitatem animæ illius penitus potitam esse:

Hinc opus est dicere, quod actus isti maxime voluntarii sint in radice sua voluntarie exculti, & quod talis his actibus magnam voluptatem Deo creet multaque sibi merita paret, & quod verum sit dogma S. Thomæ: operantem ex habitu operari ex plena voluntate; quippe quæ in causa voluntarie posita remanet. Quod si autem hoc vere dicitur de eo, qui ex habitu bene & pie operatur, cur non idem vere dicatur de eo, qui ex habitu male operatur? Manet ergo firmissimum, quod, qui peccat ex habitu, peccet ex certa malitia.

Aliter sentiendum, O mei! de peccatore habituato, qui de vitioso habitu ex animo dolens & emendare se paratus iis, quibus potest & quos doctus ac pius confessorius suggerit, modis eradicare malam consuetudinem re vera studet; & tamen in actus pravi habitus v. g. in falsum iuramentum quandoque erumpit. Tunc etenim asseri potest, iuramenta ista materialia esse & non peccaminosa; quia non voluntaria sunt. Quare hoc? Quia, dum pravam consuetudinem ex animo detestatus est & ad illam exterminandam omnibus, quibus potest, remediis utitur, ecce! habitus non jam tanquam voluntarius remanet, quippe (Ut par est) retractatus: Verum quoniam habitus ut plurimum non statim ex toto destruitur, quandoque inadvertenter in suos malos actus erumpit; qui tamen actus cum per diligentiam ab Habituato ad consuetudinem depellendam adhiheri solitam indies pauciores sunt, hinc is brevi temporis spatio consequitur, ut in falsa iuramenta haud amplius erumpat. Unde falsa iuramenta, quæ huic tali post feriam detestationem & adhibitam diligentiam casu excidunt, iure merito non-voluntaria dicuntur; quippe jam non-voluntaria in causa sua, quæ est malus habitus, quem homo serio est execratus & quem destruere efficaciter studet.

Dicit aliquis Habituatorum, qui tota die iuramenta vomunt: Ego falsum consulto nunquam iuro &, quamvis centies per diem iurem, semper tamen verum iuro. Hæc obiectio tua, O chare! aequè falsa est,

U u 3

ac

(1) 1. 2. q. 78. a. 2.

ac falsum est, te semper verum jurare. Oh! quomodo moraliter possibile est, hominem tota die jurare assuetum semper recitare, ut verum juret? . . . Jam supra te monui, non sufficere, ut aliquomodo credas vera esse, quæ jures; sed enim certum te esse debere de veritate dictorum tuorum. Et quomodo fieri poterit, ut hanc certitudinem centum & mille vicibus habeas, quibus juras & confabulans & nugans agens & promittens & contrahens & alia faciens, in quibus jugiter ore versas vel *per Deum* vel *per SS. Evangelia* &c. ? An cogitatis, O mei! quod in homine, qui mortaliter peccare parum aut nihil curat, talis attentio inesse possit: attentio, quæ utique longe aliam, & a peccato gravi quovis abhorrentem conscientiam proderet: quam inesse homini hujus generis ex vero affirmari nequit. Hinc Auctores communiter asserunt, talem semper tanquam perjurum peccare ob occasionem proximam perjurandi, in qua continuo versatur. Sed ponamus vera esse, quæ impossibilia ante videbantur: scilicet talem Habituarum certum esse, quod semper verum dicat. Nunquid fieri poterit, ut gravis in infinitam Dei majestatem injuria non sit, hunc talem tremendum Dei nomen in quovis loco, quovis tempore, in actione quavis ac qualibet vice usurpare & vendentem & ementem & confabulantem, adeo ut *per Deum*, *per Christum*, *per SS. Evangelia* aliasque similes formulas continuo effutiat & in officina & domi & in compitis & ludens & narrans, jugiterque ex ore ejus illæ voces resonent: *Per Deum* sic est; *Per Deum* non sic; *Per Deum* hoc; *Per Deum* illud. Fierine poterit, inquam, ut hæc jurandi ratio divinæ Majestati magnopere injuriosa non sit? Respondete, si quid habetis, huic argumento! Quod si lubet, ponite quenquam vestrum per nomen serenissimi Ducis nostri tam frequenter jurare consuevere, ac per Dei sanctissimum nomen jurari solet, ita ut talis ad singula verba, ad singulas actiones & privatim & publice nil aliud diceret, quam *per Ducem* ita: *per Ducem* non, & sic

serenissimi Ducis nomen per modum juramenti ubivis locorum personaret: Creditisne, O mei! zelum publicum tanto sacrati nominis abufui non obstiturum esse? Creditisne, juratorem hunc, Ducis dignitatem & domi & in taberna & contrahendo & vendendo & affirmando & negando & confabulando usurpantem perpetuoque vociferantem: *Per Ducem* ita: *Per Ducem* non: *Per Ducem* hoc: *Per Ducem* illud, impunitum abiturum fore? Quid? supremam Ducis serenissimi personam sic deprimere, sic dignitatem omnium, quibus respublica Veneta gloriatur, summam extenuare? Merito nos omnes & nobiscum Viros prudentes omnes dicturos puto, hunc talem ob adeo enormem Principis sui contemptum oppido severas penas mereri. Jam vero, O mei! etsi persona ac nomen Ducis nostri serenissimi & cujusvis alterius principis æstimari permagni debeat, tamen facile vos concessuros esse arbitror, infinito majorem majestatis immensæ Dei nostri existimationem haberi debere; Quod si autem modis memoratis abuti ducis nomine pro notabili despectu ac detestanda majestatis ducalis extenuatione, idque jure meritissimo, habuistis; nunquid enormis quidam contemptus & gravis infinitæ Majestatis divinæ extenuatio erit, modis dictis venerando illius nomine uti? At ponite, hunc talem insolentiam suam purgare dicendo: Semper in veritate iuro. Parum hoc refert, diceremus puto; Quamvis oppido in veritate jures, ob id dignitatis ducalis contemptus atque neglectio esse non desinit, si ex impudenti ore tuo nomen illius in quovis angulo, quovis tempore ac loco quovis audiat. Et diceremus bene: At cur non idipsum de tremendo & sacrosancto Dei nomine dicamus, dum formulæ illæ *Per Deum* ita, *per Deum* non, *per Deum* hoc, *per Deum* illud, *per Deum*, *per Christum*, *per SS. Evangelia*, *per Crucem*, *per Mariam*, *per Sanctos*, *per creaturas Dei* &c. ad singula verba, quovis tempore ac loco proferuntur? Hoc itaque quidam enormis abusus & indignissima agendi ratio versus divi-

divinam Majestatem esse planissime debet; adeo, ut, quamvis semper (Quod moraliter impossibile esse, superius monui) in veritate juretur, tamen abusus hinc culpa gravis & gravis erga infinitam majestatem Dei injuria non esse non possit, tum ob contumeliam, quæ Deo asseritur: tum ob manifestum perjurandi periculum: tum ob contemptum, qui ostenditur, ipsius juramenti. Hinc Sylvius scriptor doctissimus ait (m) *Peccant bisariam, & ob irreverentiam divina Majestatis, & quia se conjiciunt in manifestum periculum tum perjuri tum contemptus religionis jurisjurandi.* Ante alios omnes autem dicta a me Spiritus sanctus: Doctor doctorum, isque falli nescius confirmat: *Jurationi non assuecit os tuum; multi enim casus in illa* (n) Et iterum: *Nominatio Dei non sit assidue in ore tuo, & nominibus Sanctorum non admisceris; quoniam non eris immunis ab eis.* Denique concludit: *Vir multum jurans implebitur iniquitate, & non discedet a domo ejus plaga.*

Restat alius, quem pandam, error nonnullorum, etiam confessoriariorum, qui non erubescunt dicere: formulam *per Deum* esse modum loquendi, non juramentum; qui error tanto perniciosior, quanto a vero alienior est quantoque magis jurandi promovet facilitatem. Et sunt nonnulli, qui huic licentiæ pravo suo exemplo auctoritatem conciliant in erroris sui defensionem inorem adducentes, qui in Sicilia regno viget, ubi hæc verba non per modum juramenti sed per modum exclamationis, admirationis &c. proferri solent. Quidquid, O mei! in oris Siculis fieri soleat (Quod nescire me profiteor) hoc certum manet, verba ista nostris in oris non per modum exclamationis vel admirationis, sed per modum veri juramenti usurpari; cum nos exclamationem interponere volentes non *per Deum*, sed enim *O Deus! O Jesu &c.* dicamus: Et quando dicimus *per Deum*, semper hoc dicimus ad testificandum ea, quæ affirmamus vel negamus vel promittimus; Hinc dicimus: *Per Deum sic est, per Deum non sic est, per Deum hoc juro,*

per Deum hoc facere nequeo &c. prout quilibet videt, audit, scit. At hoc ipsum est verus & realis jurandi modus, non mera exclamatio: Unde re vera errat, qui contrarium dixerit, & istud docens eum se facit, qui Deo de sententia, sancto ejus nomini multum injuriosa, aliquando respondeat.

Dicit aliquis: Quid autem sentiendum de eo, qui vel hoc vel aliud juramentum solo ore pronunciat sine animo juramentum faciendi vel voluntate jurandi; Talis, etiam si falsum & in mendacio juraret, cum solo ore non animo juret, haudquaquam perjurus esse videtur. Repono: sententiæ huic jam nullum locum esse, quippe quæ a S. Sede proscripta fuit; uti ex propositione 25. inter damnatas ab Innocentio XI. liquet, quæ habuit: *Cum causa licitum est jurare sine animo jurandi.* Semper enim mendacium erit dicere: *Ego juro*, si animum jurandi non habeo, uti evidens est; quod si hoc facere nefas est accedente causa honesta, multo magis nefas erit facere sine ulla causa. Ex hoc consequitur, quod jurare sine animo faciendi juramentum, si falsum juratur, ex sententia omnium Theologorum peccatum mortale sit; cum gravis Deo accedere injuria ex eo debeat, quod etsi exterius solum, tamen falsi testis invocetur. Si autem quæras, utrum gravis quoque culpa sit jurare verum sine animo faciendi juramentum, repono: communiorum esse & rationi magis consentaneam opinionem, hunc non mortaliter sed tantum venialiter peccare; cum tali juramento nec Deo nec Proximo gravis injuria inferatur (Non hic de casibus contractuum & judicii legalis, quos excipi oportet, dico) Non Deo, qui quavis exterior testis invocetur sine animo eum invocandi, tamen non in falsi sed in veri testem appellatur: Non Proximo, quippe de cujus damno hic non agitur. Concludamus ergo, nec istud perflugi genus (jurare videlicet sine animo faciendi juramentum) pessimam jurandi consuetudinem excusabilem reddere posse: consuetudinem, ex qua tot peccata oriuntur, & quæ innumeras pro-

DDB

(m) 2. 2. q. 89. a. 3. n. 2. (n) Eccl. 23.

nas familiis perpetuas esse facit; cum fallere oraculum Spiritus sancti non possit: *Vir multum jurans implebitur iniquitate & non discedet a domo ejus plaga.*

Gravem hanc divini Numinis in juratores indignationem S. Joannes Chrysostomus, qui præ aliis SS. Patribus acerbis in hoc vitium invehitur, textu Prophetæ Zachariæ ostendit, desumpto ex versione LXX. Interpretum, quæ quantæ auctoritatis sit, omnis non plane rudis ex eo colligere poterit, quod eadem primis temporibus Ecclesiæ usæ sit. Textus hic est (o) *Vidi & ecce! saix volens . . . & dixi: Vade scilicet volantem longitudo cubitorum viginti & latitudo cubitorum decem. . . . Et dixit ad me: Hæc est maledictio, quæ egrediatur super faciem omnis terræ; quia omnis . . . perjurus ex hoc cruciabitur, & educam illud, dicit Dominus Deus omnipotens, & ingreditur in domum . . . jurans in nomine meo super mendacio, & requiescet in medio domus ejus, & consummabit eam & ligna ejus & lapides ejus. Formidandum vaticinium! Falx horribilis! His lætis, ait Chrysostomus (p) quærebat, quare non juratum solum sed etiam ipse domum dissolvit? Et hanc causam esse dicebat; quoniam gravissimorum pænarum peccatorum vult Deus continuas permanere, ut omnes post hæc corrigantur. Quoniam autem perjurum necesse est mortuum sepeliri, ob id ne cum ipso corpore & iniquitas conspeliatur, domum mactem fecit, ut prætereuntes cuncti ipsam cernentes & suffragionis causam discentes peccati*

imitationem fugiant. Ego autem demonstro non unam aut duas aut tres domos jurantis destructas sed civitatem totam. . . Etenim Jerusalem . . . innumeris nocentibus bellis & multis ipsam incurstantibus Barbaris, sic omnes illos derisit, & regione tota deleta nihil grave passa est. Veruntamen civitas Deo chara, tot clajsa periculis, in multis peccatis veniam affecta, & quæ sola ex omnibus aliis captivitatem effugere potuit, semel, his & saepius solo juramento prostrata est. Si autem, pergit, tanta propter unum juramentum a regibus Hierosolymitanis violatum ira, tantum excidium, tanta captivitas fuit; quid congruum est nunc passuros jurantes post legem hoc facere prohibentem? Nec mihi jam aliquis consuetudinem prætendat; propter hoc enim indignor & irascor; quoniam consuetudinem vincere non possumus. Quam difficultatem in juramentis vitandis prætereundum possumus, quem sudorem, quam artem, quod periculum? Exiguo tantum studio nobis opus est, & brevi nobis totum expeditum fuerit. Exurgens igitur & læto & domum egrediens hanc legem repete: Ego autem dico vobis non omnino jurare (q) & erit idonea tibi disciplina verbum illud; nec enim multo labore opus est sed modica attentione. Secus comprobabitur infallibile oraculum Spiritus sancti: Vir multum jurans replebitur iniquitate & non discedet a domo ejus plaga. Etenim, sic Chrysostomus & ego cum illo finio, implacabilis est Deus contemptis juramentis.



SER-

(o) Zach. 5.

(p) Rom. 19. ad Pop. Antioch. n. 20

(q) Matth. 5.

SERMO LII.

De tertio Decalogi præcepto : MEMENTO , UT DIEM SABBATHI &c. De sanctificatione Sabbathi.

Cum Deus tria priora Decalogi præcepta, quibus istud vult, ut a nobis agnoscat, miro ordine collocarit; post primum, quo præcipue cultum internum per actus Fidei, Spei ac Charitatis mente atque animo sibi exhibendum imponit, & post secundum præceptum, quo, quomodo loqui de divina Majestate debeamus sancto ejus nomine non nisi debita cum reverentia & circumspectione utentes, docet: jam per tertium præceptum cultum externum a nobis sibi præstandum injungere pergit. Et quoniam (Quod alio in loco monui) præcepta Decalogi omnia ipso jure naturali nituntur; ob id certum manet, eodem jure maturæ injungi, ut destinetur aliquod certum tempus, quo sub gravi obligatione etiam exterior cultus infinitæ Majestatis Dei maximi per actiones nostras reddatur: Non quod hoc modo tollatur e medio obligatio Deum etiam aliis temporibus colendi; cum nimis æcta sint vincula, quibus Deo utpote creatori & conservatori nostro adstringimur, nimisque evidens sit necessitas, qua ex causis innumeris ad ipsum confugere, ipsum venerari atque invocare adigimur: sed enim ut hac ratione Fideles cuncti illis determinatis temporibus in id conveniant atque conspirent, ut publicis cultus actibus Deum honorent, eidemque imperatum iis diebus speciale homagium dicant.

Hoc determinatum tempus erat in lege veteri dies hebdomadæ septimus sive sabbatum ob causas in sacro textu allatas, quibus illi d. ræ cervicis populo insignia beneficia a divina liberalitate concessa ostendebantur & in memoriam revocabantur. Hoc præce, tum quippe (Quantum ad ipsam

diei destinationem attinet) cæremoniale, uti S. Thomas pro angelico docendi modo suo notat (a) in lege nova Christianorum una cum reliquis præceptis cæremonialibus auctoritate Christi Apostolis & eorum successoribus collata antiquatum fuit, utpote qui loco diei septimæ primam hebdomadæ diem, quam *Dominicam* scilicet *diem Domini* dicimus, destinarunt ob mysteria in illa die a Christo operata: tum gloriosissimæ resurrectionis a mortuis, tum solennis adventus Spiritus sancti in Apostolos & Ecclesiam universam in cænaculo Hierosolymitano tunc temporis congregatam, tum potestatis solvendi & alligandi peccata Apostolis datæ, tum denique, ut omnis Christianissimum inter & Judaissimum cæremoniaram concordia atque convenientia tolleretur; nam cum teste S. Thoma omnia præcepta cæremonialia legis antiquæ figuræ quædam ac Symbola fuerint mysteriorum legis christianæ: hæc figuræ per ipsam rerum figuratum gestionem atque impietionem abolitæ fuerunt. Ecce vobis causas, ob quas hæc diei mutatio facta, allatas paucis a S. Leone Magno, qui harum primam assignat, quod in die Dominica mundi creatio inchoata fuerit (b) *Dominica dies tantis divinarum dispositionum mysteriis est consecrata, ut quicquid est a Domino insignis constitutum, in hujus diei dignitate sit gestum: In hac mundus sumptus exordium: in hac per resurrectionem Christi & mors interitum & vita accepit initium: in hac Apostoli a Domino prædicandi omnibus gentibus Evangelii tubum sumunt & inferendum mendo universo Sacramentum regenerationis accipiunt: in hac, sicut B. Joannes Evangelista testatur, congregatis in unum discipulis jamis*

X x

clam-

(a) 2. 2. q. 122. a. 9. (b) Epist. 11. ad Dioscor. Alexandr.

clausis, cum ad eos Dominus introisset, insusflavit & dixit: Accipite Spiritum sanctum; quorum remisistis peccata, remittuntur eis, & quorum retinueritis, retenta sunt: in hac denique promissus a Domino Apostolis Spiritus sanctus advenit.

Jam hæc Sabbathi in Dominicam translatio, teste S. Augustino (c) ab Apostolis introducta, una cum reliquis festis de præcepto a successoribus S. Petri, in quibus hujus Apostoli auctoritas (quod ad legislativam in universam Ecclesiam spectat potestatem) continua residet, institutis Christianos omnes obligat & duplex præceptum imponit: Prius præceptum prohibet opera servilia, posterius opera pietatis iungit; Ambo cultum divinum, tanquam finem, propositum sibi habent, Prohibitio operum servilium eo spectat, ut & animo otium & corpori levamentum detur, quo ad res divinas expeditiora & paratiora sint: Injunctio piorum operum eo pertinet, ut anima per eorundem exercitium cum Deo conjungatur. Et hæ obligationes sub peccato gravi stringunt; uti ex eo apparet, quod contraria doctrina in *propositione* 52. ab Innocentio XI. condemnata sit.

Primo itaque explicandum venit, quid per opera servilia, a quibus abstinere oportet, intelligatur? *Dicendum*, ait S. Thomas (d) quod opera servilia mystice intelliguntur peccata. Sed ad litteram opera servilia dicuntur, ad quorum exercitium servos deputator habemus: in quibus debent artes mechanicæ dirigere, quæ a liberalibus distinguuntur. Hæc est notio generalis, tradita a Doctore angelico, operum servilium per præceptum prohibitorum, videlicet quod sint opera propria artibus mechanicis. Et secundum hanc doctrinam Card. Cajetanus ait „ Sciendum „ alia esse opera servilia ex sua natura & „ hæc sunt propria servis, uti opera artium „ mechanicarum, agrestia, futoria, fabrilia „ &c. Alia sunt ex sua natura liberalia „ & hæc pertinent ad artes, quas liberales „ dicimus: uti instrumenta musica pulsare, „ canere, disputare, scribere &c. Alia

„ sunt liberis & servis communia, uti iter „ facere, movere se variis modis &c. Hæc „ inter solum priora diebus festis prohibita, „ reliqua licita sunt, atque ita licita sunt, „ ut etiam opera servilia, si servis & liberis communia evadunt, licita evadant; „ Evadunt autem communia duplici modo, „ primo ex causa necessitatis, scilicet si ad „ salutem animi vel corporis proprii aut „ Proximi necessaria sunt; uti miscere „ medicamina, inservire ægris &c. Secundo ex causa vitandi notabile damnum „ sive proprium sive alienum; uti fruges „ collectas in tuto reponere, ne grandine „ corrumpantur, aut imminenti hostium „ invasioni facultates suas subtrahere &c. „ quia quivis, sive servus sit sive liber, „ sui aliorumque incolumitati prospicere, „ & tum sua tum aliorum notabilia damna impedire debet. „ Hucusque doctissimus Cajetanus. Inter opera servilia vi specialis legis positivæ numerantur quoque 1. actiones judiciales fori; uti citare reos, examinare testes, instituere lites, exigere juramenta, producere instrumenta, exequi sententias &c. 2. Contractus venditionis, emptionis, locationis, permutationis, nisi vel consuetudo vel necessitas eis excusationem præstet. 3. Nundinæ & publicæ mercaturæ, nisi illas tolerata a Prælati consuetudo innocuas reddat.

Observandum tamen, quinque causas esse, ob quas opera servilia, ceteroquin prohibita, diebus festis facere licet: sunt hæc Necessitas, Pietas, Charitas, Consuetudo, Dispensatio. Discutiamus illas accuratius & exemplis illustremus. De necessitate ait (e) S. Antoninus consentiens S. Thomæ, „ Notandum, quod quædam sunt opera servilia, in quibus se exercendo diebus festis . . . non violat festum . . . Et primo pro conservando personas; vel res suas, „ puta faciendo foveas vel machinas & hujusmodi, vel portando res suas ad loca „ secuta imminente bello, vel portando necessaria ad defensionem & hujusmodi: „ Item si jacentibus segetibus in agro vel

(c) *Epist. 54. ad Jan.*(d) *2. 2. Sm. 37. q. 2. a. 5. ad 2.*(e) *Part. 2. tit. 9. c. 7. §. 5.*

„ fœnis in pratis vel uvis in vineis immi-
 „ neat tempestas vel aliud periculum amif-
 „ fionis illarum rerum, liceret talia colli-
 „ gere & contutare: Idem de alia re, quæ
 „ destruitur, si in die festo circa eam ma-
 „ nualiter non operatur, ut extensio la-
 „ næ ad radios solis, quum hyeme appa-
 „ rent, vel profectio succensionis fornacis
 „ in lateribus, calce vel vitreis & hujus-
 „ modi: Item si carnifices & pincernæ præ-
 „ parantes victualia in Festis, ut in sequen-
 „ ti die vendant, si non poterant prius
 „ præparari vel præparata conservari, vi-
 „ dentur excusari a mortali: Item vectores
 „ mercium aut alimentorum aut persona-
 „ rum ad loca remota; cum alias non possent
 „ sine gravi incommodo transigere, cre-
 „ dentur excusari, si disserre non possunt:
 „ Item qui compelluntur a Dominis iusto
 „ metu ad laborandum . . . , quæ si non
 „ facerent, notabiliter damnificarentur in
 „ persona vel rebus: Excusari præterea vi-
 „ dentur parresfamilias tenuioris ordinis,
 „ qui nisi laborent, alere suos nequeunt;
 „ dummodo hoc sine scandalo & privatu
 „ & pro modo necessitatis fiat: Et hi om-
 „ nes Missam audire non omittant. Huc-
 „ usque S. Antoninus ex sententia S. Tho-
 „ mæ. Quibus addiderim: etiam illos ser-
 „ vos excusari, qui, cum per dies seriales
 „ dominis suis laborare debeant, quia aliter
 „ non habent, quo se suosque alerent; aliud
 „ tempus refarciendi vestimenta sua nancisci
 „ nequeunt, quam dies festos: Excusari hi
 „ (inquam) videntur, dummodo id sine
 „ scandalo faciant. Ita etiam uxor si viro ad
 „ laborem adigenti, quoniam si obfisteret,
 „ graves discordiæ, execrationes & blasphemie
 „ sequerentur, si (inquam) ut tot peccata
 „ præpediantur, obedit & laborat, excu-
 „ sari videtur: Idipsum de natis sentiendum.
 „ Nonnulli etiam Theologi factores excusant,
 „ qui, nisi diebus festis laborent, perficere
 „ vestes ad præstitutum tempus vel nuptiarum
 „ vel exequiarum &c. non possunt: Et hoc
 „ ego quoque excusati habere voluerim, si
 „ raro & (ut sic dicam) casu fiat: At jain

non excusandum videtur, si hujus generis
 homines soleant promittere se vestes per-
 fecturos in hanc vel illam diem, & perfec-
 re nequeant, nisi diebus Festis laborent;
 cavere enim sibi, ne in hæc fidem suam
 dent, attendereque ad incidentia festa, &
 sic prospicere sibi, neque se in necessitatem
 laborandi diebus festis cæce & temere con-
 jicere debent. Atque ut de hac prima excu-
 sante causa scilicet necessitatis, quæ laborem
 diebus festis susceptum purgat, finiam, brevi-
 bus dixerò: Quod necessitas aut propria
 aut aliena, aut spiritualis aut corporalis ex-
 cuset, quando opus sine gravi damno omi-
 ti vel dilferri nequit. Verum necessitas hæc
 certa esse debet; nam si solum necessitas
 dubia esset, peti licentia a Superiore ec-
 clesiastico, saltem a Parocho, debet. Immo
 etiam si necessitas certa fuerit, tamen si opus
 servile fieri publice debet, ad evitanda scan-
 dala & murmurationes eadem licentia pe-
 tendenda est.

Secunda causa, quæ laborem excusat,
 est Pietas, scilicet ut opus ad Dei cultum
 fiat: Talia opera sunt ornare Ecclesias,
 vasa sacra ac candelabra portare, & quæ sunt
 similes laboriosæ actiones, quæ ad cultum
 Dei proxime spectant, nec præveniri com-
 mode possunt. Ita sentit S. Thomas (†)
Sabbathis Sacerdotes Sabbathum violant (id
 est corporaliter operantur) *& sine crimine;*
& sic etiam sacerdotes in Sabbatho conferentes
arcam, non transgrediebantur præceptum de
Sabbathi violatione. Dixi: si præveniri non
 possunt; nam si opera hæc præveniri die-
 bus serialibus possunt, eadem facere in die
 festo a culpa saltem veniali minime abest.
 Dixi præterea: Si Dei cultum immediate vel
 proxime spectant; nam ea opera, quæ ad
 Dei cultum remote solum attinent, facere
 diebus festis non licet (uti lapides in alta-
 ris constructionem advehere, eosdem cæ-
 dere &c.) etiam mere ad cultum Dei & sine
 lucro fierent.

Tertia causa est Charitas sive erga se
 ipsum sive erga Proximum. Audiamus hac
 de re documentum (g) S. Thomæ „ Qui-

X x 2

li-

(†) 2. 2. q. 122. a. 4.

(g) 2. 2. q. 122. a. 4.

„libet, sive servus, sive liber sit, tenetur
 „in casu necessitatis non solum sibi sed
 „etiam Proximo consulere, maxime in iis,
 „quæ spectant ad salutem corporalem, &
 „deinde etiam in iis, quæ ad damnum
 „temporalium vitationem attinent: Hinc
 „opus corporale, quod ad conservationem
 „proprii vel alieni corporis spectat, non ob-
 „stat observantiæ dierum festorum, sicut
 „nec labor ordinarius ad vitandum dam-
 „num notabile bonorum externorum &
 „temporalium.„ Unde quid facere pro
 „felicit, idem pro Proximo nostræ opis indi-
 „go facere licet. Queritur circa hoc, utrum
 „liceat cuidam laborare, e. g. consuere
 „vestimenta vel aliud quid ex sola charitate
 „(scilicet animo faciendi eleemosynam per
 „hujusmodi labores) & sine ullo lucro face-
 „re? Reponit S. Antoninus: *Diebus festis*
non tamen Dominicis vel solemnioribus, licitum
videtur laborare pro pauperibus, cum his tamen
conditionibus, ut non dimittantur divina, id
est: auditio Missæ; quod fiat eleemosynaliter
Et non propter lucrum: quod illi, pro quibus
laboratur, indigeant.

Quarta excusans causa est Consuetudo;
 non abusus introductus sed Consuetudo tole-
 rata ab Episcopis & sine reprehensione per-
 missa. Unde si Consuetudo obtinuit, & nota
 est Prælati atque ab ipsis permessa, facit
 illa, ut liceat hoc vel illud diebus festis fa-
 cere. Percipite, quid de hac Consuetudinis
 causa piissimus & doctissimus Gerson dicat:
Observatio Sabbathi (dierum festorum) quo-
ad circumstantias temporis Et modi Et loci pro
maxima parte relicta est determinationi Præla-
torum, quæ cognoscitur tum ex eorum instituti-
one tum ex consuetudinibus per eos legitime to-
leratis. Et subdit: De operibus servilibus non
exercendis diebus Dominicis Et festis plus Et
trequentius determinat consuetudo loci Et perso-
narum a Prælati tolerata, quam alia lex scrip-
ta. Denique ait: Consuetudo exercendi opera
servilia (hæc ab istis, hæc ab illis) in diebus
festis tunc maxime dicenda esset corruptela,
quando totaliter a servitio Dei Et a cultu fe-
storum Et maxime ab auditu Missæ revocaretur.

quando præterea hæc servilia magis ex cupiditate, quam pia necessitate rei publicæ perpetrantur. Hucusque celeberrimus Joannes Gerson.

Itaque Consuetudo facit, ut quædam opera servilia (a Prælati & iis, quorum esset illa impedire, si vellent, silentio dissimulata) peccaminosa non sint. Verum quoniam in aliquibus locis nonnulla permessa sunt, quæ in aliis prohibita sunt: & contra quæ in aliis permessa sunt, in aliis locis prohibita sunt; ob id cavere sibi quis debet, ne permissionis limites excedat, sive quoad speciem actionum sive quoad tempus; nam alia solo mane, alia tota die licent ea tamen cum lege semper, ut ne auditio Missæ intermittatur, nec novæ novarum actionum non permissarum consuetudines inducantur: Etenim qui has introduceret, graviter peccaret.

Postrema causa est dispensatio. Hæc respectu totius Christianitatis a Pontifice, respectu Diæcesium ab Episcopis, & (si adiri Episcopus non potest) respectu parochianorum a Parocho conceditur: Et hi Dispensantes omnes respicere ad æquitatem petitionis, rerumque circumstantias, uti par est, considerare debent.

Interrogabit aliquis: Ergone laborare diebus festis extra causas a te, Pater! expositas semper est peccatum mortale? Respondeo: semper esse peccatum mortale, si labor excedit tempus, per quod ex veniali in mortale peccatum mutatur. At quantum temporis statuis, Pater! Opinio cum ratione magis congruens hæc esse mihi videtur: quod, siquis plus una hora & sine ulla memoratarum legitimarum causarum labore; mortaliter peccet: si vero laborando horam non expleat, venialiter tantum delinquat. Etenim notabilis temporis non residuis horarum reliquarum spatiis metiri, sed in se ipsa considerari debet, utrum nimirum res notabilis sit necne? At vero spatium unius horæ, negari non potest, quin tempus notabile sit, & notabilem præcepti labores inhihentis violationem efficiat.

Jam

Jam cum talis sit Fidelium circa observationem dierum festorum (Quantum quidem ad omissionem operum servilium attinet) obligatio, heus! quid dicamus de illis, qui ut vel propriæ superbîæ vel nocentis fœminæ vanitati satisfaciant, opifices (maxime factores) etiam minis adigunt, ut diebus festivis plurium horarum spatio, quandoque totam adeo diem, laboribus vacent: Certe hi rei sunt omnium profanationum harum, quamvis opifices præceptum non violent, qui aliena violentia adacti, & quod sibi grave damnum, verbera & similia haud temere metuant, inviti ad laborandum accedunt? Quid de iis dicamus, qui diebus festis plures horas præparandis in diem sequentem instrumentis consecrant obtendentes, hunc esse artis vel officii morem? Peccant haud dubie, si faciunt tum ipsi, tum alios facere ejusmodi apparatus jubent. Neque hæc sunt consuetudines illæ ab Ecclesia & ejus præsidibus toleratæ, quippe nec illis notæ: Et si forte non peccat miser tyro, qui metuens ne dimittatur vel quod alium sibi herum invenire nequeat, facere talia coactus sibi sumit, certe herus illum adigens peccat. Hoc ipsum, O mei! de aliis permultis statuatis velim, qui similibus modis alios ad faciendum ea cogunt, quæ facere nolunt & ex solo gravis damni subeundi metu faciunt.

Quisquis igitur a gravi dierum festorum per opera servilia profanatione immunis esse cupit, ea tum ipse non faciat, tum ne alios quidem facere cogat: Quod si de aliquibus operibus dubium oboriatur, utrum facere ea liceat vel non, prius a docto & pio confessario consilium exquirat, ne se periculo exponat Deum per præcepti hujus violationem graviter offendendi.

Præter omissionem operum servilium, etiam modum sanctificandi dies festos docet Ecclesia actionem positivam illis diebus exercendam imponens. Est actio hæc assistere devote sancto Missæ sacrificio, nisi moralis impossibilitas & gravis necessitas, quæ solæ causam non audiendi Sacrum dant;

obstant. Debet audiri Missa integra; cum sit peccatum veniale partem illius sine causa omittere, quemadmodum peccatum mortale est, partem illius notabilem omisisse. At quæ est ista pars notabilis? Partem notabilem omittit is, qui Missam audire post Evangelium incipit, quamvis residuum omne ad finem usque audiret: item is, qui post lectam Epistolam veniens, audito Evangelio cum reliquis ad consummationem usque, post consummationem abit, quin finem expectet: prout pars Doctorum major non sine ratione pertendit; quia ex hoc, quod a principio ad Evangelium usque, & ex hoc, quod post consummationem omisit, pars notabilis omisa esse colligitur. Similiter partem notabilem omittit, qui vel soli consecrationi non adest; quia non adest parti hujus sacrificii essentiali, quæ est consecratio, uti suo loco diximus & multo ante S. Thomam tempore S. Cæsarii Arelatenis (h) *Tunc sunt Missæ, quando munera offeruntur, & corpus vel sanguis Domini consecratur.* Hinc partem quoque notabilem omittit, qui non adest consummationi, quæ pars integrativa sacrificii & essentialis est, in quantum est holocaustum, cui proprium est totam victimam consumere. Proh rem lacrymis dignam, quod, cum aliud opus pium, præter auditionem Missæ, ex præcepti rigore non imponatur, tamen sint, qui eandem audire, cum possint, negligunt! . . . Consequitur præterea, quod, qui toto mane inevitabili necessitate aut quodam impedimento detineretur, & quamprimum ex illa necessitate emerit, curreret auditurus Missam ultimam, nec aliam, quam audiat, habere posset, & ad partem dimidiam aut etiam postremas partes Missæ veniret: vel hoc, quidquid est residui, audire teneatur, ut verum fiat, eum (quantum potest) parere præcepto Ecclesiæ. Verum, quisquis animæ suæ curam Christiano dignam gerit, ante alia omnia aedes sacras adire Missam auditurus studeat.

Non satisfacit præcepto is, qui Missam dimidiam in hoc altari & iterum dimidiam

X x 3

in

(h) *Homil. 12. in app. Opp. S. August.*

In alio altari v. g. unam dimidiam a consecratione ad finem & alteram dimidiam ab initio ad consecrationem simul audit; quia doctrinam hoc asserentem Papa Innocentius XI. condemnavit (1) Ex quo insuper conficitur, nec cum satisfacere præcepto, qui per vices audiret Missam, v. g. unam a consecratione ad finem, & aliam ab initio ad consecrationem usque; quoniam hoc non est audire Missam secundum præscriptum ab Ecclesia celebrandi modum, quæ audiri Missam imperans vult, ut audiat secundum ritum & modum, quo illa celebratur, & non invertendo ordinem illius; uti fit in casu secundo, aut primo: si quis scilicet duas dimidias Missas a duobus Sacerdotibus simul audiret.

Ut præcepto satisfiat, non sufficit, Missæ corpore tenus interesse: Nequaquam; sed necesse est, eidem præcipue animo tenus adesse, nimirum attente & devote. Jam hoc in loco quam multa dicenda essent? Quam verec, ne pars magna Fidelium, etsi Missæ adfuerint, tamen præceptum non impleant? Devote audire Missam (propt. præceptum sibi vult) significat, adesse eidem primum quoad corpus genibus, si fieri potest, flexis: oculis demissis in terram aut in altari & sacerdote tantorum mysteriorum ministro fixis: auribus ad omne alloquium surdis, ore ad omnem sermonem elingui: decenter composito corporis habitu toto; deinde quoad animum, significat, adesse mente ad Deum (sive per piæ meditationes sive per cogitationes sanctas sive per considerationem eorum, quæ in Missa fiunt & sacris actionibus indicantur, sive saltem per attentam & devotam orationum vocalium recitationem) converso: voluntate humiliata & in conspectu Dei de peccatis admissis compuncta, cupida frui gratia Dei, parata eundem non amplius offendere; & hac ratione offerre divinæ Majestati victimam sacratissimam, Jesum Christum, qui se in altari immolat, ut nobis tum auxilia & gratias (quibus adjuti de peccatis admissis doleamus: nunquam in

posterum peccemus: tentationes nos infestantes vincamus: in melius proficiamus & in observanda lege sancta fortiores reddamur) tum alia cujusvis generis beneficia salutis nostræ non obstantia impetret. Sed (Ut superius monui) qui ingenio minor est, saltem ad actiones sacerdotis attendat, orationes vocales attente recitet, de suis tum corporalibus tum spiritualibus necessitatibus Deum exoret. Hinc ut Missa non sine aliquo piorum horum exercitiorum audiat, juverit, nos accedentes ad Ecclesiam & portæ templi proximos, extra valvas Ecclesiæ rerum temporalium cogitationes ac studia mundana omnia relinquere, ædesque sacras ingredi anitio ad attendendum Deo divinisque rebus obscuratissimo. Atque in hunc finem & signo S. Crucis frontem munimus & aqua benedicta nos aspergimus, ut tum purificemur tum ad distractiones, quas in nobis excitare hostes nostri spirituales volunt, depellendas armemur.

Itaque cum hic maxime sit audiendæ Missæ modus, quo præcepto satisfiat, edicite, O mei! An non de permultis metui possit, ne præcepto satisficiant, etsi se in Ecclesiam Missam auditum conferant? Nunquid dici poterit, eum modo, quo par est, audire Missam, qui ingressus in templum signo crucis per frontem luride ac male ducto, postquam Missa incepit, aut continuo aut quam sæpissime huc atque illuc oculos circumfert jam admirans structuram, jam explorans opera tum picta tum sculpta, jam instrumenta & ornamenta considerans, jam ingredientes & egredientes & vestimentorum varias formas specians: qui, quamvis corollam precatoriam aut Officium B. Virginis manu teneat ac recitet, tamen mente distracta & ad memoratas res observandas atque considerandas intenta recitat, atque ob eam rem vix pectus ad consecrationem percutit, vix ad benedictionem cruce se signat? Talis, secundum omnes Theologos, præcepto non satisfacit; quia cum distractione mentis vix non continua & (aut formaliter aut virtualiter) deliberato volita

cor-

(1) Propos. 53.

corpore tenus Missæ interest, parum aut omnino non mente & moraliter præfens. Nunquid dici poterit, audire Missam & præcepto satisfacere eum vel eam, qui postquam oculis undequaque circumlatis exploravit, an adsit persona illa, cujus cogitatione & mentem & voluntatem ceu solito objecto pascere consuevit, versus eam se movet interque Missæ solennia id studet, ut quivis gestus, quævis inflexio & totus corporis habitus personæ videnti gratus appareat: qui obtutus itentidem repetit observatque, an sibi mutuis obtutibus respondeatur; qua re mens & cor jam non ad meditandum de Christo in altari pro peccatis cujusque nostrum immolato, sed enim ad computanda amicitiae ardentem optatæ indicia desecit: Neque hi vel hæ præceptum Ecclesiæ impleant; quin immo alia divinæ legis præcepta violent. Nunquid dici poterit, Missam audire eum, qui cum amico quodam templum ingressus aut amico in templo occurrens multa, quandoque etiam indecora ac turpia, vario sermone cum illo garrit; & quamvis aliquot *Pater noster* quasi obmurmurans recitet, tamen Missæ partem magnam ineptis sermonibus, sumendo & præbendo tabacum, aliisque inopportunis actionibus absumit? Neque hi præcepto faciunt satis. Sed quid jam dicamus de iis personis, quæ omnibus (quos seculi nostri mos fert) numeris cultæ atque ornatae in Ecclesiam intrant animo quidem audiendi Missam, at simul animo ad se adstantium oculos trahendi, ut illi vestium lulum, ut ornatus magnificentiam, ut formæ decorem obstupescant: nec hujusmodi distractiones in aliis excitare contentæ, easdem in se ipsis cient nudata facie quasi ex specula observantes, utrum intuentes admirationis, voluptatis, applausus indicia, aliaque signa dent respondentia consiliis vanitatis, ambitionis, fastus & persæpe etiam immodestiae, quæ posthabitis christianæ verecundiae regulis corpora nudat & tum in proprio tum aliorum animis distractiones movet, at quæ simul sapientibus ac probis vi-

ris offensionem est & in hominibus minus religiosiis atque dissolutis ideas honestati contrarias excitat: quibus rebus sit, ut pars magna Missæ aut Missa tota hujusmodi activis & passivis observationibus transfigatur. Neque hæ præcepto faciunt satis. Nonne præterea, o mei! Date veniam, ut libere dicam (vera namque & cunctis nota loquor) nonne persæpe accidit, ut filia aliqua nubilus quasi in spectaculum exponere sese debeat, ut ab amasio suo videatur atque spectetur, dum ille renunciari eidem jussit: se proxima Dominica hac illave hora Missæ audiendæ gratia in templum venturum esse: ibi sibi corculi sui videndi copiam fore. Hinc persuadeat sibi, qui potest, in personis hac mente spectantibus & spectatis debitam attentionem inesse.

Ah, O mei! Non sic Missa, sic nunquam & multo minus diebus præscriptis sic bene auditur. Sic audire Missam est, & tremendum sacrificium & sanctum, in quo illud æternæ Majestati offertur, locum profanare. Hinc fit, ut tales personæ, cum ecclesiam intrare Missam eum in finem audituri deberent, ut poenitentiam peccatorum suorum agendi gratiam impetrent; contra novis culpis gravatæ redeant; tum quod præcepto non satisfecerint; tum quod variis modis scandalo præsentibus fuerint; tum quod piarum ædium sanctitatem contaminarint: Et post hæc, o mei! divinam in nos iram omni ex parte erumpere, mirabimur; si eo tempore, eoque in loco, quæ nobis ad obtinendam peccatorum veniam data sunt, nova peccata & admittimus ipsi & admittere alios facimus? Ah! si Deus, violari summam suam Majestatem, nunquam patitur; num, fieri idem in loco & tempore adeo importunis, patietur. Neutiquam: ob eam causam totus iris exæstians per (k) Prophetam Jeremiam verbis terribilibus intonat: *Protulit Dominus justitias nostras; actiones pias, quorum e numero esse perpendimus eas, quas maxime in Ecclesiis & Missam audientes facimus*) *Venite & narrantur in Sion opus Domini Dei nostri: quod illud*

illud? *Acuite sagittas, implete pharetras . . . quoniam ultio Domini est, ultio templi sui.* Hæc scilicet prænuntia Deus religiosis actionibus nostris in templo suo (præsertim tempore maxime illustri, quo tremendum sacrificium immolatur) factis parat, nimirum fulmina, pharetras, sagittas. *Protulit Dominus iustitias nostras: & quia eas tam contaminatas, tam profanatas, tam injurias Majestati suæ, tam indignas invenit, ob id acuite sagittas, implete pharetras, quoniam ultio Domini est, ultio templi sui.* Ah! Absit, O suavissimi! ut nos e numero horum, iram Dei in se provocantium, simus: Eamus in Ecclesiam Missam audituri eo totius corporis habitu, qui Christianos decet, ut ibi Deum nostrum adoremus, utque devota & attenta Sacri omnium summi auditione ab illius infinita misericordia primum animabimur, deinde & corporibus ac rebus nostris reliquis auxilia deposcamus. Et quoniam vi præcepti ecclesiastici ad rem tam levem, ac est unius Missæ auditio, obligamur, debita cum pietate atque devotione eidem adfistamus.

Dixi Ecclesiam (si stricte & ex vi præcepti loqui velimus (nil aliud, quam auditionem Missæ; sub gravi peccato imperare, nam si finem præcepti spectare velimus, quis non videt, nos etiam aliis divini cultus operibus concurrendo seu ad sermonem sacrum seu ad Vesperas seu ad institutiones catecheticas seu ad recitationem SS. Rosarii seu adorationem SS. Sacramenti publice expositi, aut legendo libros asceticos, aut visitando miseros & ægros, aut alia similia agendo) dies festos sanctificare, neque sic gerere nos debere, prout multi Christianorum se gerunt, qui eosdem suis servire sce-

leribus cogunt: *Nonne tota, Magnus ait Florentinorum Archiepiscopus S. Antoninus: Nonne tota occupatio hominum in festis est circa corpus? Et post hæc enumerat S. Doctor peccata, quæ, cum diebus ferialibus fieri nequeant, in dies festos servantur: videlicet lusus, crapulæ, amores, saltationes, vagatio per civitatem videndi & visum iri, satisfaciendi sibi & aliis causa, alique peccata, quæ ne commemorare quidem velim.* Hæc est sanctificandi dies festos ratio multis Christianorum usitata, quam multo ante S. Antonium tempore S. Bernardus (1) de die Resurrectionis loquens deservit, cuius verba ego omnibus Festis, cum omnia æque profanentur, accomodo: *Proh dolor! Peccandi tempus, terminus residendi facta est resurrectio Salva oris; ex hoc nempe commestationes & ebrietates redeunt, cubilia & impudicitia revertantur, & laxantur concupiscentiis frana* Execremur, O mei! indignam hanc dierum festorum violationem, & siqui sunt, qui, quod aliis diebus eis haud liceat honestum & Christiano dignum levamentum dare sibi diebus festis volunt; dent (Nihil obsto) at peccata non admisceant; dent, at Missam audire & aliud religiosum opus facere non intermittant, ne in nobis quoque oraculum (in Malachiæ Prophetæ comprobetur, quo Deus denunciavit: *Si nolueritis audire, & si nolueritis ponere super cor, ut detis gloriam nomini meo diebus sacris, mittam in vos egestatem & maledicam benedictionibus vestris* Ecce! ego projiciam vobis brachium, & projiciam super vultum vestrum sternus solennitatem vestrarum; id quod Deus pro sua misericordia avertere dignetur.



SERMO LIII.

De quarto Decalogi præcepto : HONORA PATREM &c. De obligationibus parentum erga filios.

POST præcepta ad Deum spectantia scripta in tabula prima sequuntur præcepta ad Proximum attentia in tabula secunda descripta. Horum primum Parentes respicit imponens filiis obligationem eos honorandi, amandi eisque obediendi; Quo in præcepto id mihi semper admirationem movit, quod in illo non similiter parentibus imperetur, ut filios suos diligant modisque omnibus juvent: quandoquidem parentes suis erga filios officiis, æque ac hi suis erga parentes, deesse solent. Verum (si non male conjicio) hoc præcepti genus a divina sapientia superfluum judicatum fuisse existimo; quoniam, cum natura ipsa ad gerendam propriæ sobolis curam tantopere feratur (Uti in animantibus ferocissimis appareret) non relinqui locus dubio videbatur, quin multo magis ratione præditi homines vehementissima voluntatis inclinatione eo rapiendi, summamque prolis suæ curam habituri essent; cum tam magna vel tigribus atque pantheris inesse deprehendatur. Hinc, quemadmodum Deus præceptum diligendi & curandi nos ipsos exprimere disertis verbis noluit; quia cuius mortalium amor sui nimis ingenuus esse dignoscitur, atque ob id abesse ulli hominum haud posse videtur; ita etiam supervacuum fuisset, parentibus amorem filiorum imperare, quippe cum hi pars parentum sint; videbaturque dilectio sobolis, utpote homini a natura penitus insita atque ingenerata in numero rerum scripto haud injungendarum computari debere. Ob eam rem præceptum filios respectu parentum obligans scripto tradens Dominus; nullam de parentum in filiis

P. Cunitiati Catechista.

liis officiis mentionem fecit, quippe re ejusmodi, quæ præcepto non indigeret.

At heu! Ad eam pravitatem in multis mortalium non humana solum sed fides quoque descivit atque degeneravit, ut difficile dictu esse videatur: majorne sit parentum debitam filiorum curam omittentium, an filiorum debitam parentibus reverentiam non exhibentium copia? Nihil exaggero, O mei! vel quæ dico, experientia comprobatur, & vestris ipsimet oculis usurpare poteritis: publicas oppidorum Christianis habitatorum vias inspexisse suffecerit, ut cognoscatur an problema meum cum veritate consentiat. Detegetis, O mei! adulescentes omnis ætatis ita parentum ope atque institutione destitutos, ut pessimis cuiusvis generis consuetudinibus impliciti atque demersi tum suis tum vicinis locis offensionis sint. Detegetis puellas eum in modum derelictas, ut tum propria nequitia stimulatæ, tum a corruptoribus inductæ, tum ipsa victus penuria adaptæ vili aut nullo pretio pudorem prostituant: eaque re, non solum parentibus, sed etiam oppidis, quæ inhabitant; probro ac dedecori sint, & aptissimum quoddam laqueorum genus evadant, quibus animæ in perniciem trahantur. Unde malum tam defendendum? Dicam: quamvis illud ab filiorum pessima indole, nec silesti parentum monitis nec compesci potuit, quandoque oriatur; tamen ut plurimum parentum negligentia nasci consuevit: parentum, qui natis bene educandis vel nullam vel eam curam non adhibuerunt, quam prava illorum indoles postulabat. Ob eam rationem hunc primum de quarto Decalogi

- Y y

calogi præcepto sermonein ad parentes dirigere, & eosdem admonere officiorum, quæ proli suæ sub gravi peccato debent, mecum constitui, tum ut a præterita negligentia se emendent, deque ea se sacro in tribunali accusent, si rei sint; tum ut in futurum resciant, quid sibi agendum sit, ne in posterum peccent tum ipsi tum participes se faciant peccatorum a filiis admissorum, si illa ex parentum in implendis partibus suis negligentia profluxerint.

Jam ut a minori ordiar subin quasi per gradus ad majora transiturus, obligantur sub peccato gravi parentes, ut primo corporum filiorum suorum curam gerant, scilicet ut eos alant, usque dum ipsi idonei evadant, qui necessarium sibi victum suo Marte parent; & hoc pro ratione status atque conditionis. Obligationem istam natura ipsa animantia cujuslibet generis, etiam crudelissima, docuit; hinc appositè S. Ambrosius (a) *Discant homines amare filios ex usu & pietate cornicum, quæ etiam volantes filios comitatu sedulo prosequuntur & sollicitæ, ne teneri sorte deficiant, cibum suggerunt ac plurima temporis nutriendi officia non relinquunt.*

Huic primo officio, ad exemplum bestiarum cunctarum alendi filios suos, quot parentum magnopere defunt? Quot, eheu! patrum non jam ex irruentibus improvisis malis (quibus quandoque divina providentia infidelibus suis augere meritum resignationis cogitat) alendæ familiæ impares effecti sed, quod cum amicis suis cauponas frequentando, ludendo, perpotando, moechando, concubinatus agendo aliisque vitiiis quæstum) toto hebdomadæ spatio partum abliguriverint, uxorem ac natos domi famelanguescere & omnimoda victus, vestitus ceterarumque rerum (titulo alimentis eisdem debiturum) inopia afflictari sinunt? Quot matrum, splendide comparere in foro ambientium, emungunt visorum suorum marsupia, ut in vestes, in pectoralia acu picta aliaque ornamenta impensas faciant; quin de cetero curent, ut ne nati necessariis subsidii careant? Quoties

familias, easque numerosa sobole, ob id redactas ad incitas nostris ipsi oculis videamus, five quod genitores mille vitiis five quod matres luxu statum suum haud decenti, five denique ambo rem certatim dilapidarint, jam non habentibus natis, quo molestant famem depellant. Hinc fit, ut & filii ad furandum animos adiciant, & filiaæ amasium, a quo alantur, clam sibi parent. Nunquid hoc est, fobolem necessario victu scelestum in modum spoliare? Heu! penitus stuporis loco citato exclamat laudatus S. Ambrosius, quod animalium genus aut quæ species docuit negligere teneros, eosque sine victu relinquere? Quis, nisi homo? *Quis docuit, nisi homo, abdicare filios?* Et dum reliqua animantia cuncta pullis ac catulis suis de vitæ necessariis prospiciunt, solus homo, utut compos rationis, hujusce negligentia culpam in se admittit: *Quis docuit, nisi homo, abdicare filios?*

Et quantam, O mei! offensarum Dei voraginem fames atque inedia humanæ fragilitati aperit! Tam amplam profecto & certam, ut diabolo remedium longe fortissimum visum sit, quo Christum ipsum, qui an Deus esset, nondum scivit, in casum impelleret. Etenim quid fecit? Videns Servatorem in deserto quadraginta dierum continuato jejuni maceratum & fame premi (*Ejuriit teste Evangelio*) accessit ad eum exhibens lapides, quos, si Deus esset, in panem converteret cibum opportunum pendendæ, qua affligebatur, fami: *Dic, ut lapides isti panes fiant* (b) Observe, ait Theodoretus scriptor gravissimus, tempus a tentatore captum: *Vidit hostis famem & victoriam speravit.* Ast hoc ipsum etiam nunc facit inimicus noster & fieri a ministris suis, sceleratis nimirum hominibus, curat. Videt adolescentem famelicum & suggerit eidem, ut furetur vel alia a Deo vetita patret: Adhibet ministros suos, ut eundem invitent seducantque ad ea peccata committenda, quibus fami consulatur: *Vident famem & victoriam sperant.* Verum major iisdem de vincen-

(a) *Libr. 5. in Hexaem. c. 18.*(b) *Matth. 4.*

vincendis miseriis, quæ fame premuntur, puellis spes est: has alliciunt, harum animos ferendæ opis, victas providenti promissis oppugnant, verbis etiam dona addentes. Et quas de Christo diabolus non reportavit victorias, has & ipse & crebro nimis nequissimi ministri ejus heu! fame urgente reportant: *Vident semem* & non solum sperant victoriam sed etiam consequuntur & pudicitiam & animam misellis egentibus eripientes. Quæ tantorum malorum causa? Negligentia parentum ex facultatum dissipatione orta.

Sed quid jam de illis parentibus dicam; qui, ut alendi suos molestiam non sentiant, sobolem omnino a se remouent, deferentes in orphanotrophia, ubi talia extant, aut ubi non extant, ad portas Ecclesiæ vel monasteriorum deponentes (Quod evenisse in regionibus, in quibus commoratus sum, meis ipse oculis sæpius vidi) aut, quod omnium pessimum est attamen sæpius gestum esse certo novi, domo etiam tempore nocturno excludentes & dimittentes, dicendo: *Abi, disce artem aliquam*. Explicemus singillatim has tres defendendæ prolis rationes. Prima est deferre sobolem in orphanotrophia; Quod si hoc parentes sine certa & evidenti necessitate vitæ filiorum servandæ, quam illi inter angustias ex morali certitudine amissuri essent, faciunt; peccant mortaliter peccato impietatis versus foetus suos: & (si possunt) tenentur in conscientia compensare sumptus, quos orphanotrophium facere debet; utpote quod eo conditum nequaquam fuit, ut expeditior & facilius esset carnales voluptates captandi via, sed ut veris miserorum infantium necessitatibus succurreretur, ne mortis præda fiant: Quod si idem vera necessitate adacti, aut ut parturientem imminenti infamiæ periculo eripiant, faciunt; excusantur quidem, attamen dicta compensationis obligatione non exsolvuntur. Secunda est deponere prolem in via publica aut ad portas Ecclesiæ vel monasterii aliqujus, & aliquoties ad januam ædium parochi aut alterius sacerdotis; Hoc utpluri-

um peccati mortalis culpa non caret, tum ob discrimen, ne forte nati occidantur vel a cane aut alia prætereunte bestia devorentur) Hinc eloquentissimus Lactantius sequentibus verborum aculeis (c) hoc genus parentum perstringit: *Quid illi quos falsa pietas cogit exponere? Non possunt innocentem existimari, qui viscera sua in prædam canibus obiciunt &, quantum in ipsis est, crudelius necant, quam si strangulassent*) tum ob infamiam, quam creant personis illis, ad quarum sedes foetus deponunt, excitantes suspicionem, si forte impudens mater prolem redire ad patrem suum faciat; tum ob incommoda & molestias graves, quas personis illis creant; utpote quæ pietate christiana adiguntur, ut innocuis hisce creaturis prospiciant. Hinc si parentes alere suos nequeunt, sunt aliæ (Quin in humanum adeo in modum exponantur) eisdem consulendi viæ per interventionem parochiorum, qui in tali casu strictissime obligantur, ut teneri illi & innocentes in piis, per omnes christianas provincias erectis, locis in tuto collocentur atque curentur. Tertia est sobolem aut in omne tempus aut identidem deferre, dicendo: *Abi, disce aliquid*; qua ratione crudelius magisque impia esse haud potest. Hujus generis parentibus, si qui hic adessent, dicerem: Iniqui! quo modo vultis, ut discant? . . . Quid aliud, quo discant, datis illis quam manus & corpus? . . . Nunquid hoc idem ac dicere, si pueri sunt: *abi, furare*; si puellæ: *abi corpus prostituere*? At unde tam desperata consilia? Inde certe, quia parentes filios suos ad ea officia, artes & opificia, quorum capaces erant & quibus vitæ necessaria sibi aliquo modo parare potuissent, tempestive applicare omiserunt: Unde hæc omisso? Ex profusione facultatum peccaminosis, quos attuli, modis absumptarum. Itaque, O parentes! abstinete ab iis vitiis, quæ, præterquam quod animas vestras miseras reddunt, etiam familiam vestram ad paupertatem redigunt, vos non solum peccatores, quos ipsi patris, sed etiam eorum scelem

Y y 2

rum

(c) *Instit.* l. 6. c. 20.

rum reos efficientia, quæ liberi vestri necessitatibus suis adacti patrant atque patrabunt; quoniam hæc necessitates vestris ex vitiliis oriuntur, quibus tenuem rem vestram dilapidatis, cui si christiana parsimonia accessisset, tot tamque gravia mala certe impedirentur.

Hujus generis parentibus ex toto adversantur illi patresfamilias, qui aliud Extremum sectantur: scilicet, qui nimum curant, ut liberis res ampla sit, & nihil aut parum de necessitatibus spiritualibus proliis suæ solliciti (De hoc paulo post dicetur) aliud non agunt, quam ut natorum patrimonium augeatur, multoties non sine læsione justitiæ & charitatis: Hinc tales parentes duos se creditoribus & morosos ad solvendum præbent: hinc eleemosynas statui suo congruas dispensare omittunt, & in id unice attenti, ut pingue patrimonium liberis relinquant, curare eorum animas, officiaque charitatis & justitiæ implere prætermittunt. Heu errorem acerbissimis descendum lacrymis! Non vetamus, ne liberis opes statui eorum convenientes provideatis: immo affirmamus, obligari vos, ut & filiabus congruam dorem & filiis patrimonium amplum potius, quam tenue, comparare studeatis: solam carpiamus insatiabilem opulentandæ familiæ postpositis, quæ in patrem christianum cadunt, officiis sitim: Quid ergo, ait Salvianus (d) *quid ergo astuas paterna pietas? quid adquirenda pro natis terrena & peritura dispendis? Non necesse, . . . ut filio tuos terrenos thesauros recondas: nulla re eum facies ditiores, quam si ipsum filium tuum, thesaurum Dei, feceris.* Idcirco fit, ut, Deo avaram horum parentum sollicitudinem detestante, in consequenti hæredum prodigalitate infelix curarum patriarum exitus multoties spectetur: hæredum, qui, opima hæreditate explendarum cupiditatum opportunitatem suppeditante, in quævis execranda vitia prolabantur, quibus & famam & sanitatem & vitam & animæ salutem æternam amittunt. Nunquid, O mei! ignota vobis, nunquid

ea loquor, quæ in Æthiopum regno aut alia remotissima orbis parte geruntur? Nequaquam, O suavissimi! Ante oculos nostros hæc singulos in dies geri videmus. Nonne, O mei! nostris cum animalis modo hunc modo illum deslemus, quem pinguis hæreditas ex pio, morigero & devoto, qualis antea fuerat, post captam a morte patris possessionem, subito in lusorem acerrimum ac desperatione plenum, in concubinarium exempli pessimi, in tyrannum omni insolentia nimum convertit: quo factum, ut post paucorum annorum spatia ad nuditatem, infamiam squalloremque redactus omnibus odio atque execrationi fuerit? Hæc sunt, quæ spectare nos quotidie licet: Ob eam rem S. Cyprianus sic concludit (e) *Qui studeas terreno magis quam celesti patrimonio filios tuos diabolo magis commendare quam Christo, bis delinquis & geminum crimen admittis; & quod non præparas filiis tuis Dei auxilium: & quod doces filios patrimonium plus amare quam Christum.*

Concludamus itaque etiam nos hoc primum de educatione, quam parentes liberis debent, caput spectans ad corpus, ob hoc a nobis temporale dictum. Educate, O mei! custodite & prospicite filiis vestris in ætate tenera diligenter, maxime non retinendo illos in lecto vestro, dum infantes sunt, ne forte suffocentur; cum hoc sit peccatum mortale, non tunc solum cum re ipsa suffocantur, sed semper ob periculum suffocationis. E pueris egressos pro ratione status & ingenii educate, ut sive literarum studiis sive arti alicui sive decenti opificio vacando apti evadant, qui se ipsos alant & familiæ succurrant. Ubi autem in eam ætatem adoleverint, ut alicujus vitæ status amplectendi (scilicet autineundi matrimonii, aut se Deo in ordine claustrali vel ecclesiastico confelandi, aut in cœlibatu in hoc sæculo vivendi) consilium capere queant, ne cito ac temere eis assentite sed confugere eos ad Deum facite, ut hic illos doceat, quid gloriæ suæ & saluti eorum magis expediat: Quod si in proposito semel arrepto

(d) Libr. 1. de Eccl. cathol.

(e) Libr. de Oper. & Eccl. mor.

arrepto maneant, ne diutius optioni eorum sine legitima causa obstitit. Verum ob id, postquam statum suum amplexi fuerint, nec illi esse filii vestri desinant, nec vos esse parentes eorum desinatis: & si vel ex adversis casibus vel aliis ex causis vestra ope indiguerint, vos pro vestris & familiæ vestræ facultatibus deesse illis haud debetis: quæ in re nimios & quasi prodigos esse vos præstat, quam modicos & quasi parcos.

Jam de parentum (Quod ad naturæ educationem spirituales attinet) officiis. *Erudiendi sunt filii*, ait S. Thomas (f) ignorantia depulsione & morum informatione. Depellenda ergo ab animis liberorum ignorantia rerum spiritualium; id quod fit, tradendo illis veritates & præcepta christianæ catholicæ Religionis. Hinc debent parentes, ait Catechismus Concilii Tridentini, filios suos christianæ Fidei elementis & rerum ad legem divinam spectantium cognitione imbueri, quo illi sic vitam instituunt, ut Deum nunquam offendant sed (prout strictissime obligantur) colant atque observent: Multoque ante hunc Catechismum tempore gloriosus Martyr & excellens Charthaginensis Episcopus ac Doctor S. Cyprianus (g) parentes universos monuit: *Esse libris tuis pater talis, qualis Tobias exstitit; Da utilia & salutaria præcepta pignoribus, quæ ille filio dedit; Manda filiis tuis, quod & ille filio mandavit.* Atque hoc in loco vestrum omnium animi sanctæ & laudabili curiositate occupari mihi videntur cognoscendi documenta, quæ insignis hic pater filio suo dedit; quoniam ad illum S. Cyprianus genitores omnes remittit, ut filios suos iisdem præceptis erudiant. Ecce! Impleo vota vestra, & exarata a Spiritu sancto monita sancti hujus parentis (h) in medium profero, filium suum, quando vitam brevi sibi finiendam putarat, ad se accersitum sic alloquitur: *Audi, fili mi! verba oris mei & ea in corde tuo quasi fundamentum construe . . . Omnibus . . . diebus vitæ tuæ in mente habeto Deum & cave, ne aliquando peccato consentias & prætermittas præcepta*

Domini Dei nostri. Ex substantia tua fac elemosynam & noli avertere faciem tuam ab illo paupere; ita enim fiet, ut nec a te avertaur facies Domini: Quomodo poteris, ita esto misericors; Si multum tibi fuerit, abundanter tribue; si exiguum tibi fuerit, etiam exiguum libenter impertiri sude; Præmium enim bonum thesaurizas tibi in die necessitatis: quoniam elemosyna (bene facta) ab omni peccato & a morte liberat & non patietur animum ire in tenebras: Fiducia magna erit coram summo Deo elemosynæ omnibus facientibus eam. Attende tibi, fili mi! ab omni fornicatione & præter uxorem tuam nunquam patiaris crimen scire. Superbiam nunquam in tuo sensu aut in tuo verbo dominari permittas; in ipsa enim initium sumpsit omnis perditio. Quicumque tibi aliquid operatus fuerit, statim ei mercedem restitue & merces mercenarii tui apud te omnino non remaneat. Quod ab alio oderis fieri tibi, vide ne tu aliquando alteri facias. Panem tuum cum esurientibus & egentibus comede, & de vestimentis tuis nudos tege: Panem tuum & vinum tuum super sepulchrum iusti constitue, & noli . . . manducare & bibere cum peccatoriis. Consilium semper a sapiente perquire. Omni tempore benedic Deum & pete ab eo, ut vias tuas dirigat, & omnia consilia tua in ipso permaneant. Iudico etiam tibi, fili mi! dedisse me decem talenta argenti, dum adhuc infantulus esses, Gabelo . . . & chiographum ejus apud me habeo: Et ideo perquire, quomodo ad eum pervenias, & recipias ab eo supra memoratum pondus argenti, & restituis ei chiographum suum. Noli timere, fili mi! pauperem quidem vitam gerimus sed multa bona habebimus, si timuerimus Deum & receperimus ab omni peccato & fecerimus bene. Hucusque S. Tobias parentibus cunctis a S. Cypriano (Quod ad monita & præcepta filius danda spectat) in exemplum propositus.

Debent itaque curare parentes, ut liberi sui rebus ad Deum pertinentibus erudiantur: Omnibus diebus vitæ tuæ in mente habeto Deum. Fit istud in lege nostra christiana, si nati sanctæ Fidei mysteria (præcipue ea, quæ Symbolo apostolico comprehenduntur)

Y y 3

ficient,

(f) *Opus. de Er. Pr. p. 3. c. 5. n. 21.*

(g) *Libr. de Oper. & Elemos.*

(h) *Tob. p. 4.*

sciant, at sic sciant, ut ea non solum picarum ac phittacorum ad instar ex memoria recitare valeant, sed etiam intelligant: Hinc explicari illa liberis debent, ut ab iisdem capiantur ac comprehendantur, maximeque cohortandi nati, ut Deum super alia omnia diligant. Debent præterea divinæ legis præceptis erudiri & ad peccatorum, quibus illa violantur, odium magis ac magis excitari: *Cave ne aliquando peccato consentias & prætermittas præcepta Domini Dei nostri.* Debent erudiri charitate Proximo debita, quæ in eo maxime apparet, si Proximo indigenti modis, quibus fieri potest, subvenitur: *Quomodo poteris, ita esse misericors.* Debent moneri, ut præcipue fornicationis vitium & occasiones ad eam ducentes fugiant, *Attende tibi, fili mi! ab omni fornicatione:* hinc maribus sollicita personarum sexus alterius omnium, puellis masculorum omnium fuga persuadenda. Debent denique (Ut brevibus dicam & Tobiae verba ad compendium conferam) erudiri, ut malos socios fugiant; ut mercenariis & creditoribus accurate solvant; ut, quæ sibi fieri nolunt, aliis non faciant ipsi; ut sæpe ad Deum confugiant, quo precibus suis & lumina ad cognoscendum, quæ recta sunt, & opem ad implenda ea, quæ cognoverunt, sibi obtineant; ut de rebus, quas nesciunt, utrum licitæ vel illicitæ sint, doctorum & piorum confessoriorum consilium exquirant; ut se totos consiliis divinæ providentiæ permittant, omnia bona a Deo sibi expectent, & præferant, ut ne se illis per injurias, quæ ex peccatis ad divinam Majestatem redeunt, indignos efficiant. Hæc fere sunt documenta illa, quibus ad exemplum Tobiae teneræ infantum mentes instituendæ: Et si parentes hoc non faciunt ipsi (sive quia ingenii ruditate impediuntur, sive quia verentur, ne hac in re officii sui partes examussum non impleant) obligantur satagere, ut filii hæc documenta a viris ad id aptis præbeantur: quod si hoc prætermittunt, gravissimæ omissionis mortalis peccato se obstringunt.

Jam quot parentum, O mei! esse putatis, qui in re tam gravi ac necessaria officium suum omnibus numeris faciunt? Ah! Vereor, ne permulti sint, qui in hoc delinquant; Etenim multi altioris ordinis parentes, filios suos custodi alicui tradidisse satis habentes, interrogando nunquam explorant, an nati mysteria creditu necessaria sciant; an probe teneant ea, quæ ad SS. Sacramenta fructuose ac digne recipienda requiruntur; an animum a peccato magnopere abhorrentem & sancto Dei timore præditum gerant? Hæc, O mei! hæc multi parentum nunquam interrogant: At contra sollicitè investigant, utrum liberi in artibus, quas discunt, liberalibus aut generosis aut in scientiis, quibus mundanorum hominum existimationem sibi parent, profectum faciant? Nunquid hujus generis parentes anxiam, quam deberent, sobolis necessariis ad animam cognitionibus instruendæ curam gerere putatis? Mea sententia non gerunt. Parentes vero inferioris ordinis satis habent, ad summum liberos in Ecclesiam doctrinæ christianæ percipiendæ gratia mittere (sive illi eo vadant sive non) quin de reliquo vel verbulo timorem Dei, odium peccati, salutis æternæ æstimationem animis tenerorum instillare unquam studeant, curas suas eo solum intendentes, ut natis munus aliquod vel artem provideant, qua illi alimenta corporalia sibi comparent & numerosam familiam allevant. Hinc si ejusmodi parentes interrogas: Certine sint nec ne, sciri a liberis suis mysteria fidei: sciri necessaria ad bonam Confessionem: sciri, quis in SS. Eucharistiæ Sacramento adoretur: sciri, quæ pro conservanda Dei gratia vitari debent; respondebunt tibi: Sic equidem opinamur; misimus illos ad audiendas Fidei christianæ institutiones; Nil præterea novimus. Et hos facere officium suum creditis? Non faciunt. Equidem sollicitè attentione inquirunt, utrum filius vel filia bene consuere, bene pingere acu, bene hoc vel illud opificium aut artificium exercere discant; immo si hi in discendo negligentes sunt,

sunt, eos increpant; at vero, utrum sciant filii, quæ ad vitam christiane degendam necessaria sent, nihil interrogant, nihil querunt, nihil anguntur: Hujuscemodi parentes mortalis peccati reos se faciunt ob gravem officii sui de curanda sobolis institutione neglectum. Quot quæso, O mei! existunt parentes, quibus filii filii octodecim, viginti & plures annos nati; quin accedere ad S. Synaxin sciant? Quot existunt parentes, qui filios aut nunquam aut raro admodum ad sacrum tribunal mittunt? Quot existunt parentes, qui cum filiis suis pia ac sancta tradere præcepta deberent, illis e diverso præcepta mundum ac carnem spirantia, præcepta diabolica tradunt? Dicitur e. g. filio: Haud patere, ut te quisquam deprimat; Fac, ut omnes te colant ac æstiment; Unius injuriæ dissimulatio alias post se trahit; Quid prodest tanta pietas; Opus mihi, ut nummos domum referas: Et quæ sunt alia Deo execrabilia monita. Quot Matrum totæ in eo sunt, ut filia elegans, venusta, ingeniosa, compta appareat, & quæ in hunc finem tota die modos, quibus filia se, ut talem, sp. etandam præbeat, ingerunt atque inculcant nihil de cetero aut parum sollicitæ, ut nata pietatis solidæ jaciatur fundamenta: ut saltationes, virorum consortium, prospectiones de fenestra & similia, quibus & corporis & cordis pudor in varia discrimina adducitur, vere abhorreat. Hæ omissiones omnes graves sunt, & ex illis reduntur parentes rei omnium peccatorum, quæ a liberis committuntur.

Sed quoniam ex sententia S. Thomæ, ad morum incontinentiam pertinet coercitio a malo, ob id non satisfaciunt officio suo gravissimi parentes, si liberis suis bona solum præcepta tradunt atque inculcant; sed debent insuper delinquentes corrigere & contumaces castigare. Debent (inquam) delinquentes corrigere; in quem finem non sufficit, ut parentes tum primum corrigant, quando filiorum vitia ad eos deferuntur; sed debent sub gravi conscientia obligatione ipsi inquirere, indagare, cognoscere, u-

trum nati bene ac christiane vivant; ne forte accidat, quod suo ævo S. Hieronymus (i) luit: *Solenus mala domus nostras scire navissimi & liberorum vitia, vicinis canentibus, ignorare.* Igitur post compertum delictum, multoque magis post detectam pravam filii aut filia consuetudinem moneantur &, si admonitio nil promovet, pro delicti admisi ratione lenius acriusve reprehendantur; quod si nec reprehensio profuerit, pro ratione ætatis & delicti castigentur. Quæ in re multi parentum varie peccant, alii per excessum, alii per defectum. Primo per excessum; Sunt namque parentes, qui filios suos inconsideratum in modum affligunt, vexant ac cadunt non pro ratione admittarum delictorum nec pro ratione Charitatis, quæ castigationem adhibere debent; sed pro impetu iræ immodicæ & bruti furoris, quo aguntur & quem in liberos erumpere solent; quæ re, emendationis loco proleam ad iram adversus se provocant, inconsultaque ac essera ratione, quæ in eam invehuntur, ad gravia peccata committenda irritant: & meriti, quod sibi parentem, si solem non pravo animi motu sed vero zelo, emendandi illam studio, asti castigarent, loco ut plurimum gravia etiam peccata obduram ac inhumanam, quæ in poenis infligendis utuntur, rationem admittunt. Hujus farinae parentibus, qui ut plurimum pusillo ingenio & obscure originis sunt, his (inquam) Paulus verba illa direxit (k) *Patres! nolite ad iracundiam provocare filios vestros, sed educate illos in disciplina & correptione Domini*; nam crudo isto, inhumano & irarum pleno liberos multandi modo sit, ut ii aut perditam desperatamque vivendi rationem amplectantur, aut timidi, nulli rei idonei, stupidi ac bardi evadant: Ob eam rem S. Paulus alio in loco dixit (l) *Patres! nolite ad indignationem provocare filios vestros, ut non pusillo animo fiant.* Intellexistis? Debet esse correctio Dei, videlicet castigatio ad veri zeli regulas accomodata, ut nati a peccatis emeantur: non correctio & castigatio diaboli, scilicet adhibita ex insinuat

bratae

(i) *Eph. 15.*

(k) *Eph. 6.*

(l) *Coloss. 3.*

brutæ iracundiæ aut furoris diabolici id quærentis, non ut ad frugem se recipiant liberi, sed ut male eis sit & ira in eos collecta effundatur; id quod sine gravi peccato haud fieri, monui. Hinc, O parentes, si quando castigandam esse sobolem judicatis, nunquam id, dum mens æstuat, facite; sed exspectate, donec ira refederit, & castigationem in diem crastinam diserte, ut sic jam nullam punitionis partem iracundia habeat; sed totam severitas ratione temperata, non furiosa sed charitatis paternæ modum servans sibi vendicat,

Alii peccant per defectum, dum natos monere, coarguere & opportunas eis castigationes adhibere, negligunt. Hi se purgant dicentes: Vereri se, ne liberos contristent & affligant; sibi quæ excusationem in tenero amore, quo erga illos feruntur, quærunr; quippe qui haud permittat, ut soboli castigationem decernant. At hoc eos apud Deum non excusat sed amoris plane carnalis reos efficit. Advertite animos, O mei! Notum ac manifestum omnibus est indignum, violentum atque incæstuosum stuprum ab Ammone primogenito Regis Davidis filio cum sorore Thamare admissum: facinus, quod aulæ universæ scandalo fuit. Equidem putatis credo, O mei! tantum scelus, ad genitoris Davidis aures allatum, sanctam iracundiam in regia mente suscitare debuisset; qua stimulatus parens scelestum Ammonem non reprehenderet solum, sed in eo etiam ad communem subditorum universorum ædificationem exemplum publice statueret. Quidni, dicetis, puto? Exigebat scelus tam atrox, tam turpe, tam Deo, Patri: sorori, aulæ toti injuriosum, exigebat ejusmodi poenam, qua etsi vita reo non adimeretur (hanc adimi debuisset Tostatus Abulensis, pertendit) tamen reo facinoris patrati enormitas cognoscenda daretur. Utunque sit (percipite indignam rege Davidem socordiam) tacet ad tantum scelus pater ex amore insano, ne filium suum primogenitum contristaret; uti S. Scriptura affirmat: *Noluit contristare spiritum Ammon*

filii sui, quoniam diligebat eum, quia primogenitus erat ei (m) At quid inde secutum? Punivit Deus hanc Davidis negligentiam, quam gravem ac capitalem fuisse Interpretes tenent, severe admodum, adeo ut Ammonem per insidias occidi a fratre Absalone, & Davidem, ad extremum regno ferme universo spoliatum, gravissimis calamitatibus longa serie sibi mutuo succedentibus constitari permiserit. Novi equidem, non semper de violento & incæstuofo stupro coarguendo ac castigando agi; ast illud quoque scio, persæpe de eo agi, ut animæ filii vel filiæ, gratia Dei haud fruenter, medeatur: Et tamen *noluit contristare spiritum eorum*: Tacent, procrastinant, dissimulant. Norunt filium fovere amicitiam, quæ illum in æternam perniciem trahit; tum quia lascivatum quia conscis omnibus offensiculo est: & tacent aut ita mullitant, ut eorum sermo effectu omni carere debeat. Norunt, filium ludendo rem dilapidare, nimios sumptus facere, ut conjugatæ personæ illi, cui ancilatur, placeat: sumptus, quibus offensio atque ira Dei caro nimis emittit: & non audent seriam, vehementem, firmam admonitionem, cui (Ubi opus fuerit) etiam rationabiles ac justæ minæ addantur, interponere. Quare? *Noluit contristare spiritum eorum*. Graviter peccant ejusmodi parentes, qui delicta natorum aut silentio prætermittunt, aut minus, quam suffecerit, obloquuntur. Cernitur filia vanitati, vestium luxui, amoribus, familiaritatibus & jocationibus cum personis alterius sexus ac suspecto literarum commercio nimium dedita: & non audet mater sive ob ignaviam sive ob lucrum, sive ob aliam haud aptam causam, non audet (inquam) increpare & castigare natam: Hinc tacet, dissimulat, gravis negligentia noxam contrahit, & Dei iram in severas poenas exacuit. Videte denuo, an vere dicam?

Erant summo Judæorum Pontifici Heli duo filii sacerdotes, vitam eo ministerio indignam agentes. Cognoscit senex alioquin bonus scandala natorum, hos ad se vocat & dicit: *Quare facitis res hujusmodi, quas ego au-*

dio,

*dio, res pessimas ab omni populo? Et pergit inculcans eis, ut hanc viam rationem desistant, denunciants: hæc esse peccata, quorum venia a Deo ægre obtineatur. At Deus hac corfectione non contentus revelavit Samueli, se Heli cum filiis totaque posteritate severe punivisse: Et profecto ambo filii una eademque die interfecti in acie perierunt, Heli vero audito mortis eorum nuncio cadens de sella retrorsum vitam finit: Duo quoque filii Heli mortui sunt. . . Heli cecidit de sella retrorsum & fractis cervicibus mortuus est (n) Dicit aliquis: Nunquid Heli filios suos graviter admonuit? Quid facere ultra pro legis illius consuetudine potuisset in filios adultos & jam sua sobole auctos? Nunquid & decrepita patris senectus & maturatione filiorum ætas vetuit vi uti atque istius ingerere? Quid ergo senex potuit ultra facere, quod omittendo graviter peccavit & tam severas poenas meruit? . . . Quæris, quid ultra facere Heli potuerit? Norunt optime SS. Joannes Chrysostomus & Hieronymus, quid facere Heli ultra & potuisset & debuisset; Prior ait (o) *Heli propter filios periit; illos quippe cum acris coercere delinisset, verbis tantum levibus monuit: quapropter . . . illos & se ipsum una perdidit.* Posterior affirmat (p) *Heli corripuit filios & punitus est; quia non corripere solum sed abigere debuit ab officio sacerdotis.* Intellexistis? Debet nimirum parentes, si admonendo & reprehendendo nihil promovent, vim abhibere & ætati & statui filiorum respondentem atque accommodatam: Si ætas verbera admittit, verberare illos non ex impetu iræ (Uti plurimi consueverunt) sed ex amore eis debito, atque ob eam causam verberare illos modice, includere cubiculo, cibos moderate subtrahere & similibus asperis modis uti, ut exterreamur & ab delictis suis corrigantur. Quod si ætas & status natorum talia non admittit, aliis rationibus, quas vel Deus in auxilium vocatus vel pii & docti confessarii in consilium adhibiti suggerent, uti debent nunquam intermittentes repetere objurgationes, ostendere magnam animi sui ægri-*

P. Cunctiati Catechista.

Z z

- (u) 1. Reg. 4. (o) Homil. 19, in 1. ad Timoth.
(q) Libr. 3. adversus Vitiuperat. vitæ monast. n. 18.

tudinem, intentare minas privandi eos bonis, quæ expectant &c. Verbo: Adhibenda ab eis vera sollicitudo omnis, omnis attentio, ars omnis, ut animæ natorum a peccato mortali & æterni interitus periculo longe remotæ serventur. Sunt innumera S. Scripturæ loca, quibus hoc institutionis caput-erga filios, præsertim ad hucdum tene-ros, parentibus Spiritus sanctus inculcat, quæ, ut ne plus iusto excurrat oratio, indicasse satis habeo: Legantur itaque Proverbiorum, caput 12. & 23. item Ecclesiastici, caput 7. & 30.

Quid jam de tot patribus ac matribus dicam, qui peccata filiorum & filiarum suarum non solum non reprehendunt ac puniunt; sed etiam excusant, defendunt atque offendentur, si vitia natorum sibi ab aliis referuntur. Quoties fit, ut pater de dissolutis filii moribus certior factus reputat: Junior est filius: dandum aliquid ætati: sunt sua calido sanguini privilegia? Quoties fit, ut Matres de filiarum levitate in agendo, inverecondia in vestiendo, furtivis amoribus, periculosis familiaritatibus, licentiosa vita edoctæ respondeant: sensu prædita est filia: non comprimenda illius vivacitas: nuptias aspirat; & quæ sunt aliæ responsiones matre christiana indignæ. Quam nos, ait S. Joannes Chrysostomus laudans Jobi pro (q) occultis filiorum & filiarum suarum peccatis sacrificia offerentis exemplum, *Quam nos, sic inertissimos hoscæ patres ac matres increpat S. Doctor, jam excusabit ratio, qui cum sinu sub gratia, cum tantis & tam insignibus magistris potiamur, cum ejusmodi exemplis abundemus totque monitis erudiamur; non modo pro oculis incertisque filiorum peccatis non metuimus, verum aperta quoque & manifesta contemnimus? Nec ista saltem perniciæ contenti, si qui eos emendare voluerint, eos undique rejicimus, exagitantur, affligimus? Hæc origo, hæc causa, pergit idem, tot tantorumque malorum, quibus populus christianus affligitur, negligentia parentum in filiis educandis, qui dum pessimis præceptis imbuuntur & mores pravif-*

linos

- (p) Libr. contra Jovin.

simos sibi proprios & quodammodo naturales reddunt, vitiis pro propagatores efficiuntur, iniquitatem a generatione in generationem transmittentes. Unde acerba & intempestiva mortes? Unde morbi perpetui atque gravissimi plerumque nobis & liberis nostris inferuntur? Unde casus variis, calumnias, mala innumera persequimur? Nonne quod filios nostros malos aspicimus & eos emendare negligimus? . . .

Quapropter, ut sermonem hunc meum conficiam, cum eodem S. Doctore vos moneo atque exhortor (r) Nihil eos agere permittamus ex his, quæ noxie inunda sunt, neque illis ut pueris indulgeamus; atque ante omnia illos in pudore & sobrietate servemus, quippe huic inimica libido omnium maxime hujusmodi perturbat aetatem: Ad hoc ergo vitium compescendum magnis nobis sudoribus magnaque intentione opus est. . . Admoneamus igitur illos, corripiamus, coerceamus minarque intensemur, & modo istud modo illud faciamus. Exerceamus ad virtutem atque pietatem molles

(r) Homil. 9. in 1. Timoth.

filiis animos, cetera omnia secunda loco quaeramus; nam si quidem illi improbi fuerint, nihil eis pecunia proderunt: fin autem probi, nihil ex paupertate ludentur. . . Filii non rite institutis præstat pauperes esse quam divites; paupertas enim vel invidios coerces atque intra virtutis limites continet: opes vero ne volentes quidem pudice temperanterque vivere sinunt. Vos vero, Matres! filiarum vobis curam assumite. . . Curate sollicitæ, ut domi iugiter sint: ante omnia pias esse religio/asque docete, aspernari pecunias exteriorisque ornatus contemptrices esse. . . Eas si ita institueritis, non ipsas modo servabitis verum & viros, qui illas ducaturi sunt, neque viros tantum sed etiam filios atque nepotes; quippe ex radice optima furculi prodeunt firmiores ac semper in meliora proficiunt; horumque omnium merces vobis reddenda est. Ante alia omnia vero liberis bono exemplo præluce; de quo agere in sequentem sermonem servo.

SERMO LIV.

De bono Exemplo, quod præbere parentes proli suæ debent.

Quamta alios ad imitationem inducendi vim etiam in arduis & corruptæ naturæ repugnantibus actionibus exemplum habeat, tam notum est atque manifestum, ut illud: *Verba movent, Exempla trahunt*, jam diu in proverbium cesserit. Hoc tamen discriminis bonum inter ac pravam exemplum intercedit, ut bonum, quippe cui animorum a piis actionibus averso in nobis per peccatum originale relicta obstat, difficilior imitatores inveniat: pravam contra, quippe quod animorum ad malum propensionem adjuvat, nullumque sibi obstaculum in depravata natura nostra reperit, immo vitii illius patrocinatur,

multos imitatores facillime nanciscatur, citiusque & personas & familias & civitates & provincias universas post se trahat; id quod singulos in dies ipsa experientia comprobat. Jam vero pravam exemplum multo majores vires accipere consuevit, si duæ aliæ circumstantiæ accesserint, nimirum auctoritas dantis & crebritas in dando, scilicet si persona in auctoritate constituta illud crebro det. Vis malo exemplo ex personæ auctoritate accedens tam magna ac vehemens est, ut homines quodammodo cogere ad mali imitationem videatur, nimirum si congenita nobis (Ut dixi) ad malum pronitas spectetur: Quod si deinde cum auctoritate pravi

pravi exempli ipsius etiam crebritas jungatur ac copuletur, quis dubitare poterit, quin illud homines vehementius commoturum & ad malum, quod continuo vident, fortius tracturum sit, adeo ut ii malum & agant & agere nihil vereantur.

Jam vero pravum exemplum filii a parentibus præbitum ambas has circumstantias habet, quibus nati ad imitandum trahantur. Neque enim gravius quidquam aut majoris apud filios auctoritatis, quam parentes; quippe quibus post Deum Esse suum: quibus præ cunctis aliis hominibus amorem, obedientiam reverentiamque debent: Hinc pravum exemplum in parentibus visum natos ad imitandum quam vehementissime impellit. Quod vero ad crebritatem mali exempli attinet; haud fieri posse videtur, ut malum exemplum a quoquam mortalium frequentius, quam a parentibus, detur; quippe quibus nati ab ipso ortu suo conviunt, ulque dum vel moriantur vel per statum sui amplexionem ab iis separantur. Ob eam rem (Quod ad auctoritatem pravi exempli patrii attinet) sic judicavit (a) S. Thomas: *Parentes filios ad peccatum, quantum in eis est, obligant.* De crebritate vero pravi exempli patrii (b) sic ait: *Filii majorum assuescunt malo a principio; & ei, ad quod assuescunt in juventute, fortius adhærent; & ideo magis sunt proclives ad peccandum.*

Jam, O mei! mecum (si lubet) expendite, mirandumne admodum sit, quod nostra ætate tam pravi, tam dissoluti ac immorigeri filii & filiae videantur; quandoquidem tot patrum sunt, qui eos, tales esse, pessimis suis exemplis docent, quin etiam tales esse quodammodo obligant? Et quoniam nobis horum parentum cogitationes, utpote soli Deo notas, perscrutari haud licet, agite! primo sermones eorum, deinde etiam actiones accuratius pensitemus, Verba multorum de plebe patrum nunquid omnia aut ferme omnia offensæ sunt Numinis? Verba parum pudica, obscœna & his similia. Verba juramentorum continua, *per Deum; in conspectu Dei; per Christum; per sancta Evangelia; per Crucem; per SS. Vir-*

ginem; per aquam, ignem, terram Dei, in veritate Dei, & similes aliæ phrasæ, quibus impii isti Dei sacramtum nomen admiscunt; idque tam assidue, ut si ratio iniretur, quoties per unius folius diei spatia ex ore multorum patrum talia juramenta audirentur, facile sexcentæ vices exirent; quandoquid illi cuilibet verbulo illud: per Deum &c. addunt. Verba juramentorum dira imprecantium, Moriar morte subitanea; Non Deus me adjuvet; Miser sim omni ævo; Nulla mihi ex sobole lætitia obtingat; Deus me fulmine percutiat &c. quæ juramenta omnia multi patrum ex habitu, ex consuetudine proferrunt, quin attendant, verane an falsa illis firmit; Atque hæc jurandi ratio peccati gravitatem non solum non imminuit sed etiam auget, ut cum S. Thoma fermone LI. docui. Hinc vel omnia vel multa vel aliqua saltem horum juramentorum, quæ cuncta gravia sunt, excidunt illorum ori, quin id animadvertant; ulque adeo maledicta hæc & exempli pessimi consuetudo eos occupavit. Verba, quibus certas res gestas, easque parum honestas, etiam oblationis causâ & phrasibus familia christiana indiguus narrat. Verba, quibus persæpe bonam famam modo hujus modo illius personæ vel familiæ lædunt, quin attendant, verane, an falsa, manifestane an occulta dicant ex eo, quod talia auditione acceperint, licentiam sibi arrogantes, eadem suis renarrandi; quin de cetero attendant, an illa veritate nitantur necne: immo quandoque ex prurigne loquendi dubia tanquam certa, & occulta tanquam manifesta, falsa & frivola tanquam verosimilia affirmantes. Verba, quibus timeraria judicia produnt, quæ modo de hac modo de illa persona ferunt; De quot virginibus & mulieribus honestis ob levissimum aliquod dictum vel factum mox ad domesticos dicunt: Ah! Ista fieri mater vult, quin virum habeat: Hæc filii legitimis haud contenta est, etiam spurius vult: Illi, fieri haud potest, ut quæstus, quem facit, ad ea, quæ præstat, præstanda sufficiat; Necesse, ut vel lance ini-

Z z 2

qua

(a) In Psalm. 16. (b) In Matth. c. 23. & Quodlib. q. 2. 23.

qua vel mensura parca aut similibus rebus bona aliena accidat: Hic ludendo rem sibi amplam fecit. At nil mirum; Circulatoris ad instar manu dexter ac promptus est; Deus scit, quot fraudarit: Illa nimis splendide se vestit; nimirum quæstus occultus ei exhibet, quo hoc faciat; miror, maritum ista non adorari: Hæc muneribus alecta fuit; at foeminis munera gratis venire haud solum &c. . . Silentio prætereo verba injuriosa & probra, quæ modo in hunc modo in illum effundunt; verba, quæ adversus uxores suas atque natos ipsos indies vomunt, fæpe etiam blasphemis commixta. Silentio prætereo execrationes & maledicta, quæ ore suo continuo versant; Ast tacere haud debeo verba pravorum documentorum, repugnantium legi divinæ & præceptis Ecclesiæ, quandoque etiam Fidei sanctæ veritatibus adversantium, quæ ore temerario filii adstantibus promunt: Quoties dicendo in certis circumstantiis: *An nescis, quæ tibi agenda*, docent natos decipere, fraudare, adhibere pondera & mensuras haud æquas? Quoties dicendo: *Si suum cuique tribuere vellemus, nihil reliquum nobis foret*, docent filios retinere rem male partam? Quoties dicendo oblata occasione: *Oportet fortem erectumque animum gerere, non pati injurias, lingua adorientem manu repellere &c.* docent natos vindicare probra? Quoties dicendo natis pium aliquod opus (sive Missam audiendo sive frequentando Sacramenta, sive jejunando) exercere volentibus: *Haud mihi tanta sanctitas cordi est; Sunt multa nimis Ecclesiæ jejunia; Cui bono tot Sacramenta; Non nisi una per annum vice hæc percipiendi obligatio manet*, &c. (Et quæ sunt alia his familia dogmata) tum sibi exiguam aut nullam æternæ salutis curam inesse ostendunt, tum simul produunt, se eandem in filiis ægre ac moleste ferre. Hi sunt sermones, qui ut plurimum ex multorum de plebe, immo & spectatorum patrum ore audiuntur.

In eandem sententiam multæ hujus ordinis matres loquuntur: Et quanquam juramentis *per Dei nomen &c.* aut etiam ver-

bis immodestis ac turpibus deditæ esse haud soleant, tamen in aliis supra memoratis sermonibus habendis æque cum viris faciles aut etiam faciliores esse deprehenduntur. Sunt autem, de quibus dico, verba execrationum & maledictionum; verba detractio- num & murmurationum; verba temerarium de Proximo judiciorum; verba, quibus natas extingunt, ut hæc splendide se gerere, ut conciliare sibi amores, ut videre & videri, ut non tam morosas ac difficiles, tam ab amariis abhorrentes; sed enim in illos se comes atque urbanas præbere & quas in æqualibus vident, gratias, concinnitates atque elegantias addiscere studeant. Quot præterea matrum sunt, quæ de nulla re sermonem frequentius cum filiabus miscunt, quam de pulchritudine hujus puellæ, de elegantibus alterius fæminæ moribus, de amatoribus hujus, de vivacitate aut de matrimonio illius adolescentulæ &c. de alacritate hujus vel illius juvenis, de quæstu alterius, de hujus egregia collocacone, de bona illius fortuna; denique de modis novis, de vestimentis deque mundo muliebri: qua re præceptis, cogitationibus & ideis (unice mundum, vanitatem, lucrum, voluptus spirantibus) nataram cerebrum totum complent. Et quandoque etiam, si filia Christi spiritu concita de rebus divinis, de anima, de vita futura verba facere voluerit, a matre tanquam melancholica, hypochondriaca, stulta objurgatur, adeo ut filia, non torvis spectetur oculis, ad recinendos maternos sermones adactam se sentiat.

Jam de verbis ad actiones multorum patrum ac matrum considerandas transeamus. Vident filii ac sciunt inconditos patris mores: sciunt, eum lusorem esse & in diversoriis cum combonibus suis rem prodigere: experiuntur, ob id vitæ necessaria sibi a patre non suppeditari; sed eum domum redeuntem, cum asserre, quo reficerentur, deberet, strepere, vociferari ac furere: quod non inveniat, quæ inanducet; ac si familiæ esset, patrem alere, & non potius patri, alere familiam: sciunt filii patris rixas, ini-

micitias

micitias & ferociam: sciunt & amicitias patris, quæ afflictæ matri lacrymas sæpius extorquent. Paucis: Vident filii non patrem familias sed lupum devastatorem: sciunt aut saltem prudenter suspicantur, eum per plures annos non confessum, & plurimum non observatarum paschaliū solennitatum, violatorum jejuniorum (Quamvis opificium illius haud tale sit, quod jejunandi obligationem tollat) reum esse: vident (Ut uno verbo dicam) in patre habitualement legum divinarum & ecclesiasticarum violatorem. Vident filiae matrem omni christianæ devotionis sensu carentem: rarissime accedentem ad SS. Sacramenta; contra nil nisi mundum spirantem: avidam se jactandi: assiduam prospectando per fenestras & januas domus: pertaxam laboris: amantem circumvagatorem: promptam respondere occurrentibus viris mutuis familiaritatis officiis, admittere eos in aedes ad læta atque ambigua colloquia, & sæpe etiam manere cum illis secreto ac sine arbitro: frequentantem infcio marito personas altioris ordinis: adeo ut filias alia omnia potius, quam probe christianas esse, doceat. Hæc est ut plurimum vivendi ratio multis de plebe matribus usitata.

Quod si ad patres & matres paulo sublimioris conditionis ascendere libet; fieri equidem potest, quod in aliquibus horum certi abjecti ac viles loquendi & agendi modi non deprehendantur, at certe alii non minus mali & subtiliores deprehendantur. Est (Ut de verbis dicam) invenire patres juramentis assuetos, & qui saltem illud: *Per Deum*, ore continuo jactant, quomodo-cunque demum id cadat. Est invenire multos ea quidem verba non proferentes, quæ sine nausea vel ex plebeiorum ore audiri non possunt & personas civiles minus decent; verum, quoniam acutioris ingenii sunt, amantes ambiguis & obscuris verbis uti, quæ audientium animis eo magis nocent, quo majorem meditandi materiam humanæ fragilitati præbent. Est invenire alios, qui verba irarum plena, indignantia,

contumeliosa sæpissime jam in famulos, jam in artifices, jam in alios se inferiores jaciunt: Et quoniam personæ istæ raro una simul sunt præterquam ad mensam, ob id fit, ut harum ad mensam accubatio, quædam quasi tribunalis consensio, sit, in quo modo hujus, modo illius facta, agendique & cogitandi ratio carpitur, suo nomine notatur, expenditur, damnatur: in quo, quæ de Proximo in foro audita fuerunt, referuntur, sive dein fama illius lædatur sive non. Ibi jam hujus, jam illius turpis servitus, & sæminæ, cui servitur, reciproca urbanitatis officia panduntur: Ibi sæpe etiam sanctæ Fidei capita in sermonem trahuntur & post lectum malæ notæ librum eorum e numero, qui mentes solidæ doctrinæ præceptis haud satis imbutas ad dubitationes veritatumque catholicarum vilipensionem traducere solent, acris ingenii laudem captandi & eruditionis affectandæ gratia variæ difficultates proponuntur, quas dum pro sua ignorantia solvere & expedire nequeunt, ecce! filiorum talia audientium fides graviter concutitur ac labefactatur. Multoties etiam de dignitatibus, de muneribus, de ministeriis aut honorificis aut lucrosis, de variis negotiationibus & mercaturis, deque modis ac viis eo perveniendi & opes comparandi sermo insertur, quin attendatur, modine liciti an illiciti proponantur; dummodo propositum obtineatur. Quo fit, ut, dum animi natorum fumo, ventis, vanitate divitiarumque cupidine implentur, sæpe prava, conscientiæ & justitiæ calculo damnata istarum rerum obtinendarum remedia adierantur. Hæc sunt verba, quæ memoratæ conditionis filii ex ore multorum patrum audiunt.

Verba matrum hujus ordinis pauca sunt, quæ filiae audiant; nam cum matres easdem adhuc teneras monasterio cuidam custodiendas tradiderint, eas visitatum ad cancellos claustrum accedunt. Jam ibi verba faciunt

ciunt pro ratione consiliorum, quæ de filiarum futura collocatione cum animis suis ceperunt; nam si natam (Vel ut familia allevetur, vel alterius fordidi lucri causa) monacham fieri optant, verba promunt mire conditæ pietatis, docentes equidem felicem eorum fortem, qui se Deo dedicant: at simul addentes, fieri hanc dedicationem posse, quin commodis suis renunciatur: promittentes & crebras visitationes & pensionem opimam & munera & nescio quæ alia, adeo ut postremum locum motivum se ex animo Deo addicendi te eat. Quod si mater nuptias cogitat filiam, desert ad cancellos sermonem de novis modis, de inventis, de pannis sericis, de margaritis in hac, illave semina visis atque observatis: desert imagines variorum sponzorum jam deprædicans venustatem hujus juvenis, quem illa nacta est: jam magnificentiam illius adolescentis, quo hæc ut viro potita est: jam ludos & oblectamenta novæ sponse a sponso præbita exponens: quibus omnibus regressæ in cubiculum filiae ampla materia datur, meditandi & reputandi ejusmodi res, quæ faciant, ut miseræ illi horæ suæ in monasterii mansionis septimanæ, septimanæ anni, anni secula esse videantur.

Verum ad actiones patrum hujus conditionis progrediar. Vident filii sæpius patris imprudentem rationem agendi cum creditoribus, qui pecuniarum suarum indigentes easdem (& toties ad domum accedendo & tantum temporis perdendo & persæpe innumeras repulsas severis minis atque acerbis objurgationibus junctas ferendo) quasi bis lucrari coguntur. Et sic pater filios justitiam docet! Vident filii patrem redire domum jam luce exoriente; quod nocte tota vigiliis, spectaculis, computationibus & personatis choreis familiæ facultates varie absumperit. Et sic pater filios pietatem docet! Vident filii patrem ornando corpus vestitumque luxu immodicum; & posthac quotquot petendæ eleemosynæ causa fores pulsan, mendicos in pace missos fieri cerunt. Quod si parochus accedat periclitanti puel-

læ aut alii familiæ præ pudore & verecundia vix non fame pereunti opem oraturus, comibus quidem at meris verbis onustus dimittitur. Et sic pater filios charitatem Proximi docet! Vident filii patrem mature electo confurgere, ut paratum se teneat vestimenta inducere illustri alicui feminæ, cui ancillatur: quam, ubicunque jerit, manu ducit; quin a latere illius discedat, nisi forte ut iussa illius capebat illicque hoc vel illud provideat, quavis hora diu ac noctu nutus illius feminæ omnes observans: Quæ deinde merces tam fidam servitutem sequatur, Deus &, qui vices ejus gerunt, foli norunt. Et sic pater filios honestatem amoremque conjugalem docet! In alias actiones, ceu in speculum quoddam, inspiciunt filia; nam aut vident (si domi sunt) aut sciunt (si inclusæ monasteriis vivunt) matris luxum, cui sustinendo res familiæ impar: vident illam vestimentis, novis modis & omni genera magnificentia inexplabilem: vident eam excepto nocturno tempore parum domi esse, sed pro libitu per urbem vagari non quidem solam sed stipatam ab illo præelecto afflecta; quoniam maritus eam deducere nequit: sive quia ipse alterius feminæ servitutem servit, sive quia cum alia persona, etiam veluti connubio eidem junctus, saltem per diem manet: vident illam raro accedere ad SS. Sacramenta; contra theatra, quosvis promiscue conventus & vigiliæ, abacos luforios omniaque oblectationum genera assidue frequentare.

Postquam in hac proluxa vitæ multorum parentum christianorum descriptione tota pessimum exemplum a genitoribus dari liberis solitum ex parte cognovistis (Nam multa adhuc dicenda essent) quærere modo ex vobis libet, utrum non ad pravorum morum imitationem nati quodammodo cogantur? Jam superius de pessima, in nobis per peccatum originarium relicta, ad malum propensione memini; quæ si pernicioso parentum exemplo fovetur, illudque filii continuo ante oculos habent, nunquid miseri in morali quadam mali discendi & imitandi necesse-

cessitate versantur? Si, ex quo usum rationis acceperunt, nil aliud audiunt, quam verba Deum offensentia, nil aliud vident quam actiones Deum offendentes; quid, quæso! aliud discant quam Deum quam liberius offendere? Ob hanc causam S. Thomas pronuntiavit (c) *Filii liberius imitantur peccata parentum utpote a pueritia in eis nutriti*. Profecto dum inter mala exempla nutriuntur, dum mala inter exempla educantur, sit, ut illis aliter agere quasi impossibile reddatur: Hinc malo parentum exemplo obligantur aliquo modo (Ut sic dicam) ad male operandum: *Eos ad peccatum, replicat S. Thomas, quantum in eis est, obligant, adeo ut raro accidat, quin filius imitetur malitiam eorum; & ratio est, quia filii malorum assuescunt malo a principio: & ei, ad quod assuescunt in juventute, fortius adherent; & ideo sunt magis proclives ad peccandum*. Ea de causa prodigio simile videri debet, si soboles malo exemplo incitata mores parentum imitando non exprimat.

Percipite egregium e SS. Libris factum, quod opportune menti occurrit! Omnes vos scire tremendam poenam existimo, quam Core, Dathan & Abiron Deo dederunt, adversus Moysen & Deum murmurantes: Erat autem hæc; Terra dehiscens hanc pessimorum hominum triadem vivos una cum uxoribus & filiis ingenti voragine hausit; Addit tamen facer textus: præter hoc horribile divinæ iustitiæ miraculum aliud quoque divinæ clementiæ prodigium illa die-visum fuisse; scilicet quod, cum Core cum substantia sua & sceleratis sociis terra absorbebantur, filii Core salvi perstiterint: *Et factum est grande miraculum, ut pereunte Core filii ejus non perirent* (d) Fuit autem (Uti Interpreter observant) miraculum hoc, quod terra sub pedibus eorum dehiscente & Core cum reliquis in barathrum ruente filii ejus divinæ potentiæ opæ quasi suspensi in aere, quin deciderint, steterint, donec terra denovo in unum coivit. Ast quare non una cum patre filii perierunt? Ratio rei hujus secundum Expositorum sententiam evidens

est (e) *Quia rebellionis patris non consenserunt & malum illius, in detrahendo Deo & Moysi, exemplum secuti non sunt*. Ecce vobis casum longe rarissimum, cui etiam prodigii nomen adscripsero; scilicet quod filii Core a pessimo patris exemplo abhorruerint: *Factum est grande miraculum*. Tale etiam nostra ætate erit, si filius, si filia sceleratos parentum mores non æmulerunt; Hoc namque postulat sibi ejusmodi gratiæ auxilium, quod ad miraculi rationem ferme accedat. Nunquid colligunt de spinis uvas aut de tribulis ficus (f) pronuntiavit olim Christus indicans, fieri istud modo naturali haud posse. Idem ego dico: Nunquid liberi de spinis & tribulis malorum exemplorum, quæ in parentibus vident, colligent uvas, quibus in se ipsis operum christianorum & piæ devotionis fructus expriment? . . . Quod si hoc quandoque fit, inter gratiæ divinæ miracula annumerari debet: *Factum est grande miraculum, ut pereunte patre aut matre per culpas suas filii ejus non perirent & non imitarentur rebellionem patris*.

Ex hoc aliud grave malum consequitur: nimirum quod hujus generis parentes, mala exempla præbendo, sibi ipsis facultatem adjungant implendi partem officii sui principalem, quæ est *Correctio*. Equidem hoc correctionis munus Christus Fidelibus cuiusvis respectu Proximi injunxit, veruntamen ab illo certæ quandoque circumstantiæ absolvere possunt; At in genitoribus respectu liberorum obligatio hæc ex ipso r. *Esse patrem* fluit, nimirum jure naturali strictissimo imperatur, adeo ut illi ab adhibenda filiis correctione (Ubi opus fuerit) dispensari nequeant, seque semper vel venialis vel mortalis (pro ratione materiæ & concurrentis necessitatis) omissionis reos reddant. Jam parentes mali exempli ob vitam suam scandalosam inhabiles fieri ad adhibendam nativæ correctionem, ecce! manifesto & ipsa experientia nitente argumento comprobatur. Ponamus, patrem tota die juramenta illa iurissima: *per Deum, per Evangelia &c.* vomere: ponamus filium hæc audire, & duodecim vel

(c) Ad Annibald. 2. dist. 34. q. 1. a. 2.
(f) Luc. 6.

(d) Num. 26.

(e) Corn. a LAPIDE.

vel tredecim annos natum identidem in domino essutire talia: *per Deum ita, per Deum non, per Evangelia ita, per Evangelia non.* Quomodo jam pater, quem posuimus, corrigere (prout debet) & dicere filio poterit: Obmutescite! Cave, sic in vanum assumas nomen venerandum Dei & SS. Evangeliorum &c. Quomodo (inquam) pater hanc correctionem adhibere poterit, quandoquidem filius, etsi præter jus, cum animo suo dicere potest: Facio, quod pater die tota facit & quod suo me exemplo continue docet? Quomodo, repeto, adhibere hanc correctionem pater poterit, quin se ipsum coarguat & rubore confundat? *In quo enim alterum judicat, seipsum condemnat* (g) Attamen obligatio naturalis stringit parentem, ut corrigat filium, & peccat si non corrigit: Et si corrigit, quid aliud corrigendo promovere poterit, quam quod filium irritet ac provocet, ut illam irreverentiæ plenam (de qua paulo ante mentionem feci) increpationem patri reddat ac dicat: Quid? Tu me corrigere ea aliquot vicibus proferentem, quæ tu totius diei spatium proferre me doces! Hoc ipsum sentite, O mei! de quovis alio patris vitio filiis noto; itemque de peccatis & vitiis matris, filios ac filias non latentibus.

Quid ergo faciant hujus farinae parentes? Omittantne corrigere? Nequaquam; Ad id namque jure naturali obstringuntur: Corriganne? . . . At si rei sunt eorundem delictorum, filiis cognitorum, qui ex correctione scandalum referre possunt; nam teste S. Thoma (h) *redditur indebita correctio propter scandalum, quod sequitur ex correctione, si peccatum corrigentis sit manifestum; quia videtur, quod illi, qui corrigit, non corrigit ex charitate sed magis ad ostentationem*: Atque ob id, qui vi officii sui ad corrigendum alios non obligatur, corrigere haud debet Proximum de peccato, a quo ipse immunis non est, & immunis non esse a Proximo scitur. At ista correctionis omisio non cadit in eum, qui vi officii sui ad corrigendum alios obstringitur; quod præ ceteris personis

cunctis ad parentes maxime spectat. Igitur quid faciat pater advertens in filio eadem peccata, quæ filius vicissim tota die in patre advertit? Quid faciat, obsecro, O mei! edicite. Ecce! quibus angustiiis, quibus tricis suas ipsorum conscientias hujusmodi parentes impendant, adeo ut, correctionem sive adhibendo sive omittendo, peccent. Ast malo huic remedium sublimi & angelico ingenio suo reperit S. Thomas (i) monens Prælatos & (quod sequitur) omnes illos, qui vi officii sui ad corrigendum alios tenentur, quod, quando corrigere alios de peccatis debent, quorum ipsi rei sunt & rei esse a corrigendis dignoscuntur, tunc eos non corrigere, ne se ridiculos faciant & scandalum dent, sed enim rogare sibi subditos (Dicam ego: filios ac filias) debere, ne malum sibi exemplum capiant, nec faciant, quæ fieri vident: *Prælati* (S. Doctor loquitur de iis, quorum peccata comperta habent corrigendi) *potest eum admonere non per modum corrigentis sed per modum rogantis, ut exemplo suo non incitetur ad malum.* Ecce, O mei! in quem statum parentes, malum exemplum præbentes, semetipsos conjiciant, si voluerint gravi officio suo, corrigendi filios eorundem secum peccatorum reos, non deesse? Debent obsecrare liberos, ne mala sua exempla sequantur. Quid vobis videtur, O mei! Anne deprimi altius auctoritas patria potest? . . . Nunquid illa plane evilescit, veniam suorum peccatorum petere a natis eosque obtestari coacta, ut ne exempla pessima æmulentur; cum e diverso parentes esse familiæ ceu quoddam operum piorum & christianorum prototypum, & tunc libere dicere natis deberent: Sic ego facio; sic & vos faciatis volo.

Verum quid allatum a S. Thoma remedium parentes juvat? Quid juvat eos, ut debitam correctionem non omnino intermittant, filios orare, ne sua exempla imitentur, si in vitiis perseverant? Certe haud alio hoc eos juvat, quam ut viliores, despectiores magisque scandalosi fiant. Hinc,

(g) Rom. 2.

(h) In 4. Sent. dist. 19. q. 1. a. 2. q. 2.

(i) In 4. Sent. dist. 19.

si filios admonere volunt, addant: Quem admodum desidero, ut tu, O fili! O filia! respicias; ita etiam ego divina auxiliante gratia respiciam, nec me audies imposterum aut videbis talia vel dicentem vel facientem. Ejusmodi correctio & admonitio bonum fortiri exitum poterit, si parentum a malo exemplo emendatio sequatur: Secus omnia in casum cadent nec alio proderunt, quam ut parentes deridiculo sint, quin emendatio filii aut filiae expectari vel sperari queat.

Ex iis; quæ in duobus hisce sermonibus hucusque dixi, colligatis velim; O mei! bonum parentum exemplum basin esse ac fundamentum, quo reliqua omnia educationis filiorum officia nitantur. Bonum exemplum pondus institutionibus, vim admonitionibus, auctoritatem correctionibus, efficaciam castigationibus addit: Hoc deficiente reliqua omnia frustra sunt, nimirum si filii in parentibus bonum, quod docetur, non vident & malum; quod interdicitur, cernunt. Ea itaque vobis, O mei! dicere juvat, quæ duo sanctissimi & gravissimi Doctores dixerunt S. Hieronymus (k) & Augustinus (l) Prior, scribens optimarum matrum cuidam, sic ait: *Nihil in te aut in patre suo videat, quod si fecerit, peccet; Memento, vos parentes virginis magis eam exemplo docere posse quam voce.* Posterior populum suum sic est cohortatus: *Quemadmodum ad nos (Episcopos) pertinet, in Ecclesia vobis loqui; ita ad vos pertinet in domibus vestris agere, ut bonam rationem reddatis de his, qui vobis sunt subditi.* Bono Exemplo, O mei! Exemplo opus est, omniaque bene succedent. Et quæ hucusque de parentibus respectu filiorum dixi, eadem de heris respectu servorum & domesticorum dicta intelligatis volo, quin hic denuo quidquam repetam.

Date veniam, O mei! si in proposito argumento explicando solito prolixiori oratione utor: Postulat id ejusdem gravitas ac magnitudo; Etenim nonnulla de electione status dicenda restant; qua in re, utut gravissima, parentes duo Extrema sectari videntur: Alii nimis sollicite curant, ut nati statum reli-

giosum amplectantur; Alii contra huic pio filiorum consilio modis omnibus obstant, omniaque moluntur, ut eos a proposito avertant. Causa utriusque Extremi una est, fordidum lucrum; nam parentes, qui hac in re sapienter & ex Fidei præceptis agunt, in neutram partem inclinatos sese atque indifferentes ostendunt, cum probe fiant, vocationem ad statum religiosum venire a Deo debere, & ubi venerit, patrii officii esse illam pensare, periclitari, consultando cognoscere: Et postquam eam, ut desuper venientem cognoverint, parendum Deo; secus natorum proposito sapienter obstandum esse.

Itaque illi parentes, qui in hac re errant & lucro domestico ducti modis omnibus student, ut in filiis vocatio ad statum religiosum exeat; id spectant maxime, ut familia alioquin sat numerosa allevetur & minori, qua fieri potest, cum incommoditate administraretur: Aut etiam si familia numerosa non sit, si natorum quandam nulla aut exigua ingenii acritate præditum deprehendant, hunc cum animis suis monasterio destinant: Similiter filiam dotibus naturæ, quæ in foemineis magni fieri solent, vel ex toto vel ex parte destitutam clauistro addiunt; Quod (Ut paucis dicam) idem est, ac Deo familiæ purgamenta destinare, & pessimum de grege agnum vel ovem offerre. Contra hos parentes Dominus maledictionem per os Prophetæ Malachiæ intonat, adducta a me gregis allegoria utens (m) *Maledictus dolosus, qui habet in grege suo masculum. . . Et tamen immolat debile Domino; quia Rex magnus ego, dicit Dominus Deus exercituum, Et nomen meum horribile in gentibus; ac si diceret: Mihi, Regi maximo, Deo summo, formidando omni creaturæ audentis offerre quisquillas & abjecta gregis. Hic cine honor, quo me efficere simulatis? Ob id maledicta erit hæc fraudulenta vestra agendi ratio: Maledictus dolosus.*

Omnibus itaque modis, omnibus viis tales parentes pro familia filia invisa aut inepto filio liberando utuntur, ut hi amplectendi status religiosi cogitationem suscipiant.

P. Cuniliati Catechista.

(k) Epist. 7. ad Letam.

(l) Enarr. in Psalm. 50.

(m) Malach. 1.

plant. Et si piæ incitantes causæ, nimirum Deo serviendi, animæ in tuto collocandæ &c. non sufficiunt, adduntur promissæ innumera & visitationum & pensionum & commodorum & aliarum rerum mille, quibus nati ad longe alia, quam quæ spectari ab sacram Religionem ingredientibus debent, spectanda induci queunt. Ex hoc præterea fit, ut ejus Religionis vel monasterii, in quo tum per bonam disciplinam tum per sancta morum exempla tum per vitæ communionem salus æterna filii vel filiæ vera re in tuto collocaretur, eligendi ratio & cura nulla habeatur; sed cum iis monasteriis statim transigatur, quæ primo occurrerint, & quæ sine ulla talentorum, capacitatis atque aliarum in persona suscipienda requisitarum dotum discretionem omnes promiscue admittunt sive propter beneficia, quibus afficiuntur, sive propter personæ aliqujus auctoritate præditæ patrocinium, sive propter pecuniam, quæ numeratur: Atque hac ratione, cum salus æterna filiorum in tuto poni deberet, contra multis facillioris interitus periculis obijcitur.

Iisdem viis incedunt parentes, qui, non quidem ob capacitatem sed ob numerum liberorum, familiam similis domestici lucri causâ iisdem liberare student. Satagunt illi natorum (semper tamen minus capacium) menti vocationem ad statum religiosum ingerere atque inculcare: Et postquam illos iisdem promissis & eadem (respectu monasterii ac Religionis) indifferentera domo patria exterminarunt, se Deo litavisse credunt, cum tamen porrio commodo litarent: Et quod peius est, ex istiusmodi ingestis & animo prolis inculcatis vocationibus gravissima ut plurimum incommoda sequuntur: scilicet, quod nati in statu, quem amplexi sunt, nunquam tranquilli, male contenti, spiritus Religionum, ad quas nomen dederunt, exortes & sub Religionis insignibus ut homines seculares vivant. *Vocavit nos*, ait Paulus (n) *vocatione sua sancta*; Intellexistis? Vocatio ad statum divini cultus duplici conditione ornari

debet; debet nimirum a Deo indi personæ vocatæ, & sancta esse (hoc est) spectare finem sanctum, qui est salus animæ, debet: *Vocatione sua sancta*. Atque ob id vocatio nec politia humana regi, nec instillari animis lucri causâ multoque minus temporale familiæ allevamentum propositum habere debet: Quod si hujus generis fuerit, non erit vocatio *Dei & sancta*, sed vocatio humana & mala.

Quod si vero vocatio filiorum esse *Dei & sancta* videtur, tum sapienti modo fieri periculum, utrum re vera talis sit, & postquam talis esse deprehenditur, secundari a parentibus debet, utpote cui ut plurimum effectus prædestinationis charorum pignorum cohæret atque connectitur. Atque hoc in loco ad eos parentes orationem converto, qui sive immoderato carnali in natos amore sive opportuni matrimonii sordido consilio sive hæreditatis spe aut alia simili causâ ducti omnibus nervis impedire conantur, ut ne filius aut filia, a Deo vocati, statum religiosum amplectantur, æternam quodammodo sobolis suæ fortunam impugnantes. Non prohibeo, immo moneo, ut parentes bene discipiant, utrum Ordo religiosus, quem nati eligunt, re vera talis sit, ut per hujus ingressum illi salutem suam certam faciant & non potius in majora, quam si in seculo remanerent, discrimina adducant, hoc est: ut parentes certiores se reddere studeant, utrum in illo sit vitæ communis ratio, regularum observantia, probitas morum & aliæ conditiones ad Religionem, in qua Deo servitur Proximoque bona exempla dantur, requisitæ. Quod si Ordo religiosus a liberis electus haud talis esset, sed in illo severior morum disciplina laxata fluxisset, adeo ut alumni ejus lusu operam dent, oblectamenta sibi fumant, genio indulgeant, pecunias privatim teneant, per urbem etiam personati vagentur: Atque ob id ille Ordo religiosus bonis exemplis haud terax immo quandoque scandalis sæcundus existeret, repugnent (Volo) parentes, contradicant, immo omnibus modis huic electioni obstant:

stant: Jure meritissimo id fecerint; aut caveant, ne ob sua commoda sed ex vero zelo relutentur: Zelo non exponendi sobolem iis periculis, a quibus in seculo remanens immunis est: seculo, in quo alia denique obligatio non viget quam præceptorum Dei & Ecclesiæ; dum contra in Ordinibus religiosis gravis tendendi ad perfectionem, vitiis nullum locum dandi & in aliquibus etiam aliorum præceptorum, in omnibus vero tria vota solennia servandi obligatio obtinet: quæ vota ægere admodum salva consistunt, nisi vitæ communis & observantiæ regularis propugnaculo defendantur; prout post S. Thomam SS. Canones innumeris in locis affirmant. Hinc si filius aut filia Religionem aut monasterium bonis moribus ac regulari observantia laud bene constitutum sibi eligunt, licentiam illud ingrediendi parentes denegeant.

Ubi vero Religio, ad quam liberos Deus vocatione sua, sancta vocat, primi (de quo memini) generis fuerit, graviter delinquant parentes, si eis obstitunt ac relutantur: Et in hujusmodi parentes alia non dico, quam quæ S. Bernardus in Epistola (o) nomine Eliæ monachi nondum professi ad parentes omnia molientes, ut is in ædes patrias reverteretur, exarata scripsit. In hac Epistola, postquam S. Doctor ostendit, omnem creaturam humanam Deo potius quam genitoribus (quippe qui, dum filiis esse dant, eosdem in mundum hunc ceu certaminis locum jugiter non sine perpetuo cladis periculum pugnatos introducant) tandem his verbis parentes objurgat: *O durum patrem! O favam matrem! O parentes crudeles & impios; immo non parentes sed peremptores, quorum dolor solus pignoris, quorum consolatio mors filii est; qui me malunt perire cum eis quam re-*

gnare sine eis; qui me rursus ad naufragium, unde tandem nudus evasi: rursus ad ignem, unde vix semiustus exivi: rursus ad latrones, a quibus seminivus relictus sum . . . revocare conantur, & militem Christi prope jam rapto calo triumphantem . . . ab ipso jam introitu gloriæ tanquam canem ad vomitum, tanquam suam ad lutum & seculum reducere moliantur. Mira abusio! Domus ardet, ignis instat a tergo: & fugienti prohibetur egredi, evadenti suadetur regredi; & hoc ab his, qui in incendio positi sunt, & obstinatissima dementia & demetissima obstinatione fugere periculum nolunt. Proh furor! Si vos contemnitis mortem vestram, cur etiam appetitis meam? Si negligitis salutem vestram, quid juvat etiam persequi meam? Quare vos non potius me sequimini fugientem, ut non ardeatis? An hoc est vestri cruciatus levamen, si me etiam perimatis? Ardens ardentibus quod solatium præstare poterit? Quæ, inquam, consolatio damnatis, fortior habere suæ damnationis? Quodve remedium morientibus, alios videre morientes? . . . Desinete igitur, parentes mei! desinite & vos frustra plorando affligere & me gratis revocando inquietare. . . Pro meis atque vestris peccatis jugiter orabo: assiduis precibus, quod & vos cupitis, impetrabo (si potero) ut qui ejus amore hoc modico tempore ab invicem separamur, in alio seculo simul felici & inseparabili societate in ejus amore vivamus per omnia secula seculorum; Amen. Atque ut & ego sermonis hujus finem faciam, sic vos exhortor: Qui habet filios, omni die & pro se & pro illis Deum ex animo imploret: pro se, ut officia patris & matris vere catholicæ cuncta adimpleat; pro filiis, ut vitam ducant ab omni peccato alienam & in christianis virtutibus acquirendis intentam, Amen.

(SERMO)

AAA 2

SER-

(o) Epist. lxxx.

SERMO LV.

De obligationibus filiorum erga parentes.

Postquam, O mei! parentum in filios officia intelleximus, restat pandere, quæ sint vicissim filiorum in parentes obsequia; hæc enim quarto Decalogi præcepto, maxime imperantur, quod sic sonat: *Honora patrem tuum & matrem tuam, ut sis longævus super terram, quam Dominus Deus tuus dabit tibi* (a)

Verbo: *Honora*, triplex officium, quod filii erga parentes exercent, comprehenditur (Uti post SS. Patres Theologi omnes observant) videlicet Amor, Reverentia, Obedientia. Debent itaque filii amare, & revereri parentes eisque obedire. Obligatio amandi parentes adstringit filios, ut eis bene velint; cum amare nil aliud sit quam bene velle: Bonum autem qui Proximo ex animo vult, hoc ei & confert si potest; quod si non confert, cum tamen possit, chimerice, verbo solum non re & facto, amat. Ob id S. Joannes Apostolus amorem & benevolentiam meris verbis nixam reprobatur affirmans eum, qui re vera amat, benevolentiam factis comprobare debere: *Non diligamus verbo neque lingua* (b) *sed opere & veritate.*

Itaque, ut filii hanc primam memorati præcepti partem impleant, debent conferre parentibus ea bona, quæ possunt: & quoniam, usque dum in certam ætatem adoleverint, haud alia bona conferre parentibus possunt quam spiritalia, precibus suis a Deo genitoribus exorata; ob eam rem obligantur filii, ut pro suis parentibus quotidie Deum deprecantur, quo hic illis primo auxilia divinæ suæ gratiæ impertiantur, ne unquam peccent sed congruam parentibus catholicis morum & vitæ probitatem ad aliorum exemplum sectentur: secundo, ut Deus illis bonam valetudinem concedat,

qua fruentes & suæ salutis & familiæ sustentationi laborare possint: tertio ut Dominus negotiationes eorum; ministeria, officia, opera & labores vitæ honeste tolerandæ causa susceptos prosperare dignetur, eosque colli & honorari ab aliis faciat. Paucis: Debent filii Deo parentes commendare in omnibus, quibus sive quoad animam sive quoad corpus sive quoad bona temporalia statul congrua ipsis opus est. Ita Catechismus Concilii Tridentini (c) *Nam eos etiam tum honoramus, cum, d' Deo suppliciter petimus, ut eisdem bene & feliciter omnia eveniant, ut in maxima gratia & honore sint apud homines, & ut ipsi Deo ac Sanctis commendatissimi sint.* Huic officio desunt ii liberi, qui nunquam aut raro admodum pro genitoribus orare student; & si quandoque illos commendent, id mere temporalis lucris causa faciunt, boni & emolumentum parentum spiritualis curam nullam habentes; cum tamen ad hoc bonorum genus quemadmodum parentes respectu filiorum (ceu omnium, quæ illis velle possunt, bonorum summum) ita & filii respectu parentum respicere deberent.

Amorem hunc, quem modo spiritualement & præcipuum appellare juvat, alia sollicitudo comitatur, quam filii, maxime ætatis provectoris, de animabus parentum suorum gerere debent; scilicet ut si patrem aut matrem peccato alicui mortali vel turpis amicitiae vel illiciti lucris vel perjuriorum per Dei nomen vel omissionis Sacramentorum temporibus constitutus vel alio quovis vicio implicitos esse advertunt, illos Deo prolixius commendent, & posthæc reverenter, demisse amanterque rogent, ut ab hac vel illa re, qua in statu inimicitiae divinæ cum offensione familiæ suæ retinentur, desistant.

Nec

(a) Exod. 20.

(b) 1. Joann. 3.

(c) part. 3. c. 5. n. 10.

Nec est causa rationabilis, quæ filios præsertim adulescentes impediatur, ne hanc petitionem parentibus drigant; cum illa male accipi a patre vel matre nequeat, si modis memoratis (scilicet placide, demisse & pia cum anxietate) sit; quandoquidem illa verum in parentes amorem prodit & præ reliquis omnium aliorum admonitionibus vim majorem ob circumstantias personarum atque statum earundem habet: Et tamen illa haud statim fontem respicere faciat, tamen certam quandam verecundiam ei incutit, qua motus tandem pravam consuetudinem deseret.

Post amorem & benevolentiam erga parentes in rebus spiritualibus obstringuntur liberi, ut iisdem etiam temporalia bona velint, & ipsa re (quibus licet modis) conferant. Ob id tenentur filii & filiae, ut pro ratione circumstantiarum eas scientias, eas artes vel liberales vel mechanicas addiscant, quibus tum ad prospiciendum sibi ipsis tum ad allevandam ac sustentandam familiam apti reddantur. Et quamquam multis paradoxum videatur, vera tamen isto de argumento sententia hæc est: quod si liberi crescente ætate ex notabili negligentia, & omissione se ineptos ad illa lucra & quæstus reddant, quos facere potuissent, si illas scientias & artes, quibus a parentibus admoti fuerunt, dedissent, adeo ut familiæ onus, non levamentum evadant, graviter peccent omissione mortali adversus virtutem pietatis in parentes: quæ virtus plusquam virtus justitiæ stringit; cum reddere, quantum debet, nunquam possit. Et hoc non solum parentes sed etiam confessarii multum inculcare liberis debent, aggravantes eorum conscientiam, si ea non addiscunt, ad quæ addiscenda applicantur. Nam ex hoc, quod nati (pro talentorum & conditionum suarum ratione) ad officia & munera sibi congrua habiles se reddere negligunt, fit, ut vitam otio deditam ducant; Unde, si amplioris fortunæ sunt, cujusvis generis voluptatibus se demergunt; si vero tenuioris, eum in statum semet redigunt, ut prom-

ti evadant exercere quævis scelera, quo vitam tolerant: Hac deinde re civitates & vicini integri hominibus male viventibus, scandalosis, publicæ tranquillitatis perturbatoribus replentur, adeo ut vix carcerum & triumphantium satis sit, quo ab horum latrociniiis, sycophantiis ac violentiis regiones tutæ præstentur. Ecce! quo destinata gravis hæc negligentia, quam tamen multi parum videntes pro quadam incogitantis & incuriosæ juventutis levitate habent. Obligantur itaque filii & filiae stricta obligatione discendi ea, quæ docentur, seriamque studii vel artibus operam navare; idque ex titulo amoris itemque obedientiæ parentibus debitæ: pro ut inferius dicetur.

Hic vero temporalis filiorum, parentibus debitus, amor ea se re maxime ostendere debet, ut liberi genitoribus open temporalem ferant, si hi forte temporali filiorum aut filiarum suarum auxilio indigeant; quacunque demum causa agente in eam necessitatem devenerint. Hac de re nervosè admodum & eleganter disserens S. Ambrosius (d) ait: *Pasce patrem tuum, pasce matrem tuam! Et si paveris matrem, adhuc non reddidisti dolores; non reddidisti cruciatus, quos pro te passa est: non reddidisti obsequia, quibus te illa gestavit: non reddidisti alimenta, quæ tribuit tenero pietatis affectu, inmulgens labris tuis ubera: non reddidisti famem, quam pro te illa toleravit, ne quid, quod tibi noxium esset, ederet; ne quid, quod lacti noceret, hauriret. Tibi illa jejuna vitæ: tibi manducavit; tibi illa, quem voluit, cibum non accepit; tibi, quem noluit, cibum sumpsit; tibi vigilavit; tibi flevit: Et tu illam egere pateris? O fili! quantum tibi sanis iudicium, si non pascas parentem! Illi debes, quod habes, cui debes, quod es: Quantum iudicium, si præter Ecclesiæ (Dicam ego: Confraternitas pia) quos tu nolis pascere! Et prosequitur argumentationem Sanctus dicens: Nonne audistis, quia dives ille epulo panis cruciatur æternis, quia pauper & famelicus Lazaro non impertivit alimenta? Si non donare extraneis grave est, quanto gravius excludere parentes? Sed dicit te,*

A a a 3

quod

(4) Libr. 9. in Luc.

quod eras parentibus collaturus, Ecclesiæ male conferre; Non querit donum Deus de fame parentum: Unde reprehendentibus Judæis, quia Discipuli Domini manus non lavarent, respondit Iesus, Quicumque dixerit, munus, quodcumque est ex me, tibi proderit, non honorificabit patrem aut matrem . . . Id est, cum petit aliquid ad sumptum egens pater aut mater a filio, quia legem timens Judæus excusationem dandi requirit, dicens: Munus, quod est ex me, tibi proderit, ut dicatam a filiis Deo pecuniam pater religiosus accipere reformidet; sed hæc traditio hominum est, excusationes obtinentium avaritiæ suæ . . . Ceterum Dei traditio est, ut prius pascas parentes; nam si juxta divinum oraculum contumelia patris morte luitur, quanto magis famem, quæ morte gravior est? Hucusque S. Ambrosius: Jam ad propositum nostrum.

Audivistis ex sancto & egregio Doctore, liberos amore, parentibus ob causas ab ipso allatas & a me relatas debito, obstringi ad victum temporalem eisdem suppeditandum, si forte illo destituantur; idque tam arcte, ut auxilio parentibus debito etiam oblationes Deo faciendæ cedere debeant, quippe a Superis haud gratæ habendæ, si ex ærumnis parentum fiunt. Quantæ igitur crudelitatis noxam contrahunt ii filii ac filiæ, qui, cum egentium parentum necessitatibus subvenire deberent, quæstus suos luxu, oblectamentis, conviviis amicorum & (quod deterius) ludendo, munuscula certis personis dando variisque peccatis consumunt? Heu! Quoties accidit, ut egeno patre vel matre, a filio aut emancipato aut uxori juncto, petente una ex parte, quo se contra hyemis inclementiam defendat atque amictum necessarium sibi provideat: & parte ex altera postulante uxore vestem, qua utique abstinere posset; quoties (inquam) accidit, ut fratribus obrigescere aut indecore vestiti vagari parentes permittantur, ut imprudentibus uxoris & quandoque (Utinam non sic esset) meretriculæ desideriis satisfiat? Quoties accidit, ut parentibus (quod, quo vi-

tam sustentent, non habeant) totos dies nullo aut exiguo victu transigentibus & poscentibus opem a filio, hic eam frivolas asserens causas neget, aut ita duris, inhumanis ac fastidiosis modis præbeat, ut famelicos parentes, ne fame intereant, confugere ad Fraternitates parochiales cogat; dum ipse contra cum combibonibus suis rem in diversoriis, ludendo aliusque peccaminosis modis absomit? O fili! O fili! quantum tibi sumis iudicium, si non pascas parentem? Si non dare extraneis grave est; quanto gravius excludere parentes? Hicne amor a te iis, qui Esse tibi dederunt, adeo stricte debitus!

Proh feri atque crudeles! Revocate in memoriam ea, quæ Spiritus sanctus Paulo dictavit, qui vos non solum e numero Christianorum sed & hominum expungit, infidelibus peiores reputans: Si quis suorum & maxime domesticorum curam non habet, fidem negavit & est infideli deterior (e) Quod si qui debitam domesticorum solum in rebus temporalibus curam non gerit, a fide atque adeo a ratione alienus declarari meretur; quanto magis, qui suos parentes negligit? Etenim, uti S. Augustinus (f) observat, quid tam cuique domesticum, quam parentes filiis aut parentibus filii? Verum ego majus quid assero, & hunc talem cum laudato S. Ambrosio etiam animalium ac belluarum numero excludo, quippe quæ solo naturæ instinctu egentium majorum suorum, sicubi eos noverunt, curam vehementissimam gerant. Assert in medium sanctus Vir, ut hunc talem (& qua hominem & qua Christianum) pudore confundat, exemplum ciconiarum, egregiaque sua ac vivacissima (Ut solet) eloquentia pietatis officia, quæ in majores suos seniolaborantes hæ exercent, describit: Quam vero rationabilium non excedat pietatem ac prudentiam hujus avis clementia? . . . Nam depositi patris artus per longævum senectutis plumarum tegmine alarumque remigio nudatos circumflans soboles pennis propriis fovet, & quid dicam? collatitio cibo pascit, quando etiam ipsa reparat naturæ dispendia, ut hinc atque inde sublevantes senem fulcro alarum suarum ad volan-

(e) 1. Timoth. 5.

(f) Tract. 119. in Joan.

*volandum exercent, & in pristinos usus defueta jam revocat pii patris membra. Et subdit: Quis nostrum levare ægrum non fastidiat patrem? Quis festum senem suis humeris imponat, quod in ipsa historia vix credibile habetur? Quis, ut pius sit, non hoc servulis mandet obsequium? At vero avibus non est grave, quod pietatis est plenum; non est onerosum, quod solvitur naturæ debito: Non recusant aves pacere patrem, quod etiam præscripta necessitate sub terrore pœnarum plerique homines recusant: Aves non scripta sed nata lex stringit: Aves ad hoc munus nulla præcepta conveniunt sed gratiæ naturalis officia. Itaque ne nos christiano, ne nos humano nomine indignos & peiores bestiis reddamus, diligamus, O mei! quondam animam parentes nostras, prout dictum est: diligamus eosdem etiam quoad corpus modis memoratis, eorumque necessitates & ærumnas intus cum animis nostris sentiamus, contententes omnibus viribus subvenire eisdem, non solum pro levanda eorum necessitate quibusdam nos commodis privantes, sed etiam nonnullis incommodis subsicientes & pia (quantum fieri prudenter potest) nobis onera imponentes. Concludam itaque hoc primum officiorum parentibus a liberis debitorum, nimirum amoris eis debiti, caput præcepto Spiritus sancti (g) *Fili! suscipe senectutem patris tui & non contemseris eum in vita ipsius: & si deseruerit senem, veniam da & ne spernas eum in virtute sua: elemosyna enim patris non erit in oblivione.**

Alterum officium filiorum in parentes est reverentia; notarique debet, divinum Decalogi præceptum reverentiam honoremque parentum diserte imperare, dicendo: *Honora patrem & matrem tuam*, & ex hac deinde reverentia fluere duas reliquas obligationes, amoris videlicet atque obedientiæ. Hinc cum reverentia parentum claris verbis exprimitur, quodammodo plus ceteris commendari videtur: quippe quæ (Ut sic dicam) maxime sub sensu cadit, & parentum vota complere plenius potest. Honor iste sive reverentia duplicem actum comple-

ctitur, interiorum & exteriorum: Interiorum exercemus, si genitores (ut par est) magni facimus, tanquam eos, a quibus Esse accepimus; a quibus nutriti atque educati fuimus; quos Deus, ut rectores vitæ nostræ tum naturalis tum moralis, constituit. Ex hoc procedunt actus externi reverentiæ in loquendo & agendo; In loquendo: dum a verbis parum reverentibus abstinemus, modeste illis respondentes; Et si fors immodice nos quandoque objurgent, ob id ex ore nostro nullum verbum contumeliosum, injuriosum, probrosum excidere debet: Multo minus fas est de illis male dicere, eorum vitia aliis narrare, eorum consilia deridere, verbis mordacibus eos pun gere, eisdem præterita delicta exprobrare; paucis: ea dicere, quæ audiendo in ruborem dentur, irritentur, affligantur, urantur. Hos loquendi modos omnes reverentia parentibus debita quam longissime arceat: qua in re animadvertere debetis, verbum aliquod mordax, irridens, pungens, asperum (quod alteri personæ dictum culpam venialem non excederet) si patri aut matri dicitur, ob circumstantiam Subiecti, cui dicitur, ex levi grave peccatum evadere posse. Ostendimus præterea hanc in parentes reverentiam, si eorum bonis consiliis consentimus; & si, quando illa ad rem propositam minus opportuna videntur, modeste eos de errore admonemus ab irrisionibus & illis contemptus plenis phrasibus, quas proferre nonnullorum liberorum protervum os nimis amat excipiens parentes ut ineptos, insensatos, stupidos, & quandoque etiam stultos appellans; id quod ut plurimum peccati mortalis culpa non caret, si ira instigante dicitur. Hucusque de reverentia verborum.

Reverentia, a filiis re & facto manifestanda, prohibet omnem actionem & corporis motum exiguæ æstimationis indicem: nimirum adstrictionem humerorum, agitationes capitis, torvos contuitus, collisionem dentium, pedum suppositionem, minas. Multo magis prohibet omnem percussione: utut

utut levissimam, immo etiam omnem elevationem manus tale quid significantem: quæ omnia ut plurimum peccata mortalia sunt. Ob eam rem Spiritus sanctus gravibus admodum verbis monet: *In opere & sermone & in omni patientia honora patrem tuum* (h) Ecce! imperat reverentiam in actionibus, in verbis & in omni patientia, ut significet, filios jam maturos & ætate graves parentum suorum, senectute confectorum, infirmitates, ineptias, nugas, vefanas iras patienter ferre debere, donantes omnia hæc Deo, cogitantes permagnum debitum, quo erga genitores tenentur, cui digne compensando semper impares manent.

Multi e vobis, O mei! has filiorum obligationes, a reverentia parentium debita necessario fluentes, audiendo inhorrescere mihi videmini recogitantes vobiscum permultos filiorum vobis bene notos, qui sic agunt atque loquuntur, ut neminem aut paucos minoris, quam parentes, facere videantur: qui parentes non solum derident & ludibrio habent; sed etiam probra, contumelias, injurias eisdem inferunt, minas intendant, & quandoque etiam ictus ingerant, hac ratione facientes, ut parentes vitam tristitiæ, afflictionis, ægritudinis ducant plenam, & ante tempus (Ut sic dicam) morte occumbant. Verum prius, quam poenas hujusmodi liberis a Deo præparatas vobis exponam, permittite, ut de tertio filiorum in parentes officio, videlicet obedientia, dicam.

Obedientia virtus est, quæ subditum ad legitimorum Superiorum jussa acceptanda & implenda adstringit, adeo ut, si imperata non faciat, gravis vel levis peccati (pro ratione rei imperatæ) culpam subeat. Superiores magis legitimos habere filii præparentibus suis haud possunt: quippe quos liberis superiores ipsa natura fecit, tanquam causas secundas rō Esse filiorum. Ex hoc sequitur, quod jussa parentum, serio animo & de re aliqua gravi data, filios sub peccato mortali obligent. Res graves deinde filijs a parentibus injungi solitæ triplicis ge-

neris sunt: Aliæ ad regimen animæ, aliæ ad redimen corpus liberorum, aliæ ad regimen familiæ spectant. Hinc quotiescunque parentes notabile quid e triplici hoc rerum genere, quod vel peccatum mortale sit, vel gravis peccati periculum adjunctum habeat, liberis prohibent, & liberi prohibitum non devitant; toties (præter speciem peccati, quod patrata mala actio involvit) etiam peccato inobedientiæ graviter peccant. Prohibet e. g. pater aut mater filiæ, ut a colloquiis & conversationibus cum hac vel illa persona absteineat, egrediensque domo ad illam invisendam non accedat; filia dicto non audiens labitur in aliquod peccatum vel cogitationis vel actionis inhonestæ, dum agit cum illa persona. In hoc casu non sufficit, si filia ad sacrum postea tribunal accedens dicat: Admissi cogitationem impuram colloquens cum quadam persona &c. sed addere debet: Et in hoc inobediens fui matri, quæ imperarat, ne cum illa persona agerem; hinc graviter violavi & castitatis & obedientiæ, ad quam præstandam magnopere tenebar, præceptum. Idem sentiendum, O mei! si liberi alias imperatas res non exequuntur, quando illæ ad bonum animæ vel corporis natorum vel familiæ notabiliter conducunt.

Postquam vobis, O mei! hoc postremum filiorum officium exposui & idem in tria capita, in quæ cadere paternum vel maternum graviter obligans præceptum potest, distinxi; jam legitimas aliquot consequentias in medium asserere juvat, ut intelligatis, sæpe liberos ex inobedientia graviter peccare, quamvis se in sacro tribunali fors nunquam de illa accusent. Ac primo quidem, quod ad caput regiminis animarum spectat, peccat mortaliter filius ac filia, qui parentibus imperantibus, ut quotidie preces suas, tam ad vitam christiane ducendam necessarias, ad Deum fundant, illas ex negligentia multorum dierum spatio omittunt: si parentibus jubentibus, ut in præcipuis Festis & etiam quovis mense SS. Sacramenta percipiant, illa percipere negligunt: si paren-

(h) Eccli. 3.

parentibus injungentibus, ut diebus sacris sermoni sacro, doctrinæ christianæ institutionibus, publicæ SS. Rosarii recitationi intersint, hæc sæpius non frequentant: si parentibus præcipientibus, ut filius ab illius pravi socii consortio se avellat; ut filia illarum licentiosarum puellarum conversationem devitet, hæc facere intermittunt: si parentibus imperantibus, ut filius, etiam adultior factus, hora constituta domi sit; ut arma non gestet; ut noctu per urbem non vagetur; ut ad cauponas, hospitia, aleatoria non divertat, ille non obedit: si parentibus jubentibus, ut filia modestius se tegat; ut ab amoribus abstineat; ut longe se ab illa fenestra, quæ alteri e regione respondet, removeat; ut in ostio domus non aditet; ut salutationes hujus vel illius adolescententis declinet; ut urbanitati vel potius illecebris hujus juvenis non respondeat; multoque magis ut ne literas vel munera ab alio clam accipiat, illa non paret. His & aliis similibus inobedientiis graviter peccant liberi; cum hæc omnia vel peccatum contineant, vel ad peccatum accedant. Gravis autem hæc obedientiæ obligatio multo acutius natos stringit, si eis parentes præcipiunt, ut aliquam in se peccaminosam consuetudinem (e. g. jurandi, famæ alienæ detrahendi, dira Proximo imprecandi se mutuo vexandi aut credendi, alendi scandalosas amicitias &c.) deferant. Quod si in his non obediunt, peccant mortaliter peccato duplicis speciei: uno facti, altero inobedientiæ erga parentes.

Sed jam de obligatione obediendi parentibus in iis, quæ ad regimen corporis attinent; quod caput paucis expediam, cum ex solum res complectatur, quæ sive ob infirmam corporis temperationem, sive ob immodicum usum, sive ipsa experientia graviter officere liberorum sanitati dignoscuntur: Hinc si adversus serium parentum mandatum liberi talia faciunt, præterquam quod contra charitatem sibi metipsis debitam graviter peccant, graviter quoque contra obedientiam paren-

P. Camiliati Catechista.

tibus debitam peccant. Didicit e. g. experientia filius aut filia, se quotiescunque his vel illis frugibus vescitur, acerbissimis viscerum doloribus corripit, quibus in vitæ ipsius aut gravis morbi periculum adducitur: prohibet itaque pater aut mater, ne illis frugibus vescatur; Quod si, natus vel nata non pareret, duplex peccatum admittit; prout exposui. Idem sentiendum, O mei! de quavis alia re, quam grave sanitatis incommodum secuturum esse morali certitudine patet. Omnia hæc quam certissima sunt, quippe principiis unanimi Theologorum consensu probatis nixa.

Denique, ut de obedientia, quam filii in rebus ad familiæ administrationem pertinentibus debent, agam; tenentur liberi obedire parentibus in iis omnibus, quæ ad familiæ sustentationem, conservationem & decorem (pro ratione a Deo concessi in hoc seculo ordinis) conducunt. Ob eam rem obligantur liberi sub gravi peccato, ut (Quod superius monui) in studiis, opificiis, muneribus, officiis, ad quæ a parentibus destinati sunt, vel quæ cum bona eorundem venia sibi ultro capessiverunt, addiscendis elaborant, quo se aptos reddant, qui pro virili sua parte conservationem & decorem familiæ, status rationi convenientem, adjuvent; Quod si præcepta hac de re a parentibus jure ac merito data non servant, tum contra charitatem debitam familiæ, cuius grave onus evadunt, tum contra obedientiam parentibus debitam peccant.

Atque hoc in loco opportuna se dat occasio de status electione dicendi; qua in re (Si absolute loqui velimus) Deus natis liberæ optionis potestatem relinquit. Dixi: *Si absolute loqui velimus*; nam possunt occurrere casus, in quibus liberi obligantur, ut hoc suo jure cedant. Status vitæ personarum in hoc mundo viventium (generaliter loquendo) tres sunt; Status ecclesiasticus, vel secularis vel regularis: Status matrimonii: Status coelibatus. Quemlibet horum licite eligendi potestatem liberi habent,

B b b

&

& debent parentes, nisi graves circumstantiæ obstant, optioni natorum consentire. Electioni status ecclesiastici secularis, videlicet si filius ad sacerdotium a Deo vocatur, haud video, quid opponi jure a parentibus possit, uti opponi electioni status ecclesiastici regularis potest. Etenim status ecclesiasticus secularis, quippe votum paupertatis adjunctum non habens & familiæ per convictum cohærens, poterit eandem proventibus studiorum, laborum & ministerii adjuvare: quod unicum opponi posse videtur. Dicit aliquis: At si filius unicus est, nunquid ad uxorem ducendam cogi a parentibus potest? Respondeo: non omnes filios regia aut principe familia oriundos esse, a cujus propagatione tranquillitas ac pax populorum & bonum commune pender; quæ causæ solæ sunt, ob quas electioni status ecclesiastici secularis, multoque magis regularis, jure obstititur: Præter has causas aliæ nullæ apparent, ob quas memoratæ electioni, et si filius unicus sit, merito obstitatur. His addiderim: quod parentes, si filius unicus aut solus habilis (eligens statum claustralem) ita ad conservationem genitorum necessarius sit, ut sine illo hi ad magnas angustias redigendi essent: quod (inquam) parentes jure eundem ad ingressu monasterii prohibere possint, & quod nec filius statum religiosum tuto amplecti possit nec Ordo religiosus eum suscipere debeat: Ita S. Thomas (i) pluribus in locis & post hunc Theologi omnes: *Ille, qui nondum intravit Religionem, si videat patrem suum in magna necessitate, cui per alium subveniri non possit, non debet Religionem intrare; sed tenetur ministrare parentibus. . . . Parentibus in necessitate existentibus, ita quod eis aliter commode quam per filiorum obsequium subveniri non possit, non licet filiis, prætermisso parentum obsequio, Religionem intrare.* Id quod verum haud manet, si filius statum cœlibatus sibi eligit; cum tunc sortus etiam juvare parentes possit: hinc illis tali electioni ob stare haud licet, dummodo filius statum hunc recto con-

filio, quo eligi debet, eligat: scilicet ut plus Deo, & a mundi triciis expeditior vivere possit; nam si eundem eligeret, ut magis pro libitu suo vivat & cistrenatas cupiditates suas liberius expleat (Prout a multis hic maxime status eligitur) debent parentes eum ad nuptias adigere, & ipse tum propter suam ipsius conscientiam tum propter obedientiam inire connubium debet, ut e luto tantæ carnalitatæ emergat.

Postremo de electione status matrimonialis dicam, cui se parentes jure opponere haud possant, monente S. Thoma (k) *Non tenentur filii parentibus obedire de matrimonio contrahendo vel virginitate servanda aut aliquo alio hujusmodi.* Verum, etsi parentibus electioni hujus status efficaciter se opponere haud licet, neutiquam tamen ob id filius & filiabus fas erit solo suo libitu eligere sibi sponsum aut sponfam, quæcunque placeverit: se eidem obstringere: eandem domum ducere aut ei nubere sine parentum consensu. Vah! quanta mala & peccata ex hujusmodi sponsalibus ac matrimoniis, inficiis parentibus contractis & celebratis, oriri consueverunt. Ob id necesse esse videtur, hoc maximi momenti caput bene explicare. Attendite! Sæpius accidit, haud tantas esse familiæ vires, ut omnes filias nuptiis inhiantes collocare in matrimonium queat, quin eadem de status sui honestate decidens ad ordinem oppido inferiorem redigatur: Quid in hoc casu, qui quam frequentissime se dat, consilii? Debent tum parentes tum natæ non exigua sed enim permagna christiana prudentia & circumspectione uti: Debent parentes filiabus candidè aperire impotentiam, qua premuntur, dotem congruam omnibus impertiendi, eisque clare offendere, hanc impotentiam veram & realem, non avaritiæ tegumentum esse, atque ob id monere illas, ut inter sese decendant, quot dotari possint, ascendendo in medium iustas & rationabiles causas, quibus aliquæ ex illis ad deponendas nuptiarum cogitationes inducantur, affirmando patria cum ingenuitate,

(i) Quod. lib. 6. a. 2. & 2. q. 129. a. 6.

(k) 2. 2. q. 114. a. 5.

tate, quod, etiamſi ad vitam monialem nomen non dent, tamen in ædibus paternis æquis oculis reſpiciendæ, amandæ, juvandæ, & (ſi per facultates familiæ licuerit) ſemper, etiam poſt parentum obitum, curandæ ac ſuſtentandæ ſint. Et huic ſinceræ veræque parentum expoſitioni filiæ cum Chriſtiana charitate atque ob ſenſum æquitatis naturalis concedere, petereque lumen a Deo debent eligendi, ſi ita Superis placeat, alium ſtatum : Quod ſi mente vere Chriſtiana ſe ſuave commendare Deo non deſiſtent, obtinebunt certe ab illo vel vocationem ad aliquod bene moratum clauſtrum vel tranquillam in ſtatu cœlibe & virginali vitam. Atque ad hoc moderata SS. Sacramentorum maxime S. Eucharitiæ ſub docti, pii & ſapientis conſeſſarii arbitrio frequentatio multum conferet. Quæ de filiabus monui, eadem de filiis ſervata proportionem ſentiat ſi velim; Dixi: *Servata proportione*; nam cum viri ad vitæ neceſſaria ſibi comparanda ſceminis aptiores ſint, ſi familia alendis tot uxoribus, quot alere deberet, ſi fratrum quilibet uxori jungeretur, impar eſt: & nihilo minus, filii, ut conſcientiæ ſuæ conſulant, nubere decernunt, fieri poteſt, ut, cum moriente S. Hieronymo *virginitatem ſervare* non poſſint, dicant parentibus, ſemper tamen paciſice & ſine vociferationibus: Neceſſe habeo uxorem ducere; ero contentus portione hæreditatis, quæ me manet; de cetero artificio meo, officio, ingenio quæram vitæ meæ neceſſaria. In hoc caſu poterunt quidem parentes offendere, moleſtum ſibi accidere, ut familiæ bona dividantur, eumque in finem filios ad cœlibatum moderate adhortari, ſi tamen conſcientia hoc illis permittit; nullo autem modo poterunt filiis ineundi matrimonii veniam conſtanter negare, aut in eum finem exhæredationis nūnas eis intentare &c. Nam hoc eſſet impugnare jus naturale, quod filii ad hunc ſtatum habent, qui eundem, ut conſcientiam ſuam in tuto collocent, volendo nihil poenarum promerentur. Hinc

ſi filii poſt adhibitas omnes, quas humana & Chriſtiana prudentia ſuggerit, admonitiones in contrahendi matrimonii propoſito permanent, cedere parentes nec nuptias per vim impedire debent.

Neque tamen ob id filiis aut filiabus ſas eſt, cuiſcunque, qui magis placuerit, promiſſis ſe obſtringere; quin id genitoribus prius ſignificet: Nequaquam hoc illis licet; nam ſic fidem ſuam obligare peccatum eſt adverſus reverentiam & ſubjectionem parentibus debitam; prout etiam Sermone XLV. monui. Rei huius evidens ratio eſt; nam quid ſunt ſponſalia? Sunt reciprocum matrimonii ſuo tempore contrahendi promiſſum: quod promiſſum, ultro citroque datum & acceptum, ambas partes ad impletionem rei promiſſæ obligat. Iam vero an levis in parentes injuria vobis eſſe videtur, obligare ſe illis inſcientibus ad hanc vel illam perſonam in uxorem aut in virum ducendam? Certe hoc eſt obligare ſe vel ad uxorem domum ducendam vel ad linquendas ædes patrias cum viro aliquo, ſive id dein velint ſive nolint parentes, qui habere poſſunt, quod contra illam ſæminam vel illum adoleſcentem jure & merito objiciant. Hinc ſic ſe obligare, eſt cogere eo parentes, vel ut in domum admittant ſæminam ſecum perpetuo manſuram, quam jure noluiffent: vel ut filiam permittant viro, quem certe reprobaſſent. Hinc ſic ſe obligare, eſt parentes ad aſſinitatem cum perſonis, ſæpe familiæ ignominioſis, contrahendam adigere; ex quo deinde mala innumera fluunt, adeo ut manifeſte pateat: talem parentibus neceſſitatem injicere, gravem eſſe violentiam a filiis & filiabus (ſine parentum conſcientia ſe, cui voluerint, deſpondentibus) præter jus & ſas illatam, neque illam a mortalis irreverentiæ & inobedientiæ crimine immunem eſſe poſſe. Dicit aliquis: Certum habeo, Vir bone! parentes de electione mea non conqueſturos eſſe; cum perſona, cui me deſpondeo, & æqualis mihi ſit & omni exceptione major. Repono: Ob hoc proſecto
B b b 2
ipſum

ipsum non est causa, cur cogitata sponsalia eos celes, priusquam illa facias: & ea facere illis insciis semper, etiam in hoc casu, est quoddam independentiæ genus graviter violans reverentiam & obedientiam parentibus debitam. Itaque, O filii & filiae! si personæ alicui, quæ vobis honeste & jure placet, despondere vos cogitatis, nisi mortaliter peccare velitis, cum parentibus aut iis, qui parentum defunctorum loco vobis præpositi sunt, consilium vestrum participate: Et tunc hi illud vel probabunt vel improbabunt; Si probant, bona conscientia despondere vos potestis: si improbant, debent vobis exponere causas, quibus ad improbandum ducuntur: Hæc deinde vel cum ratione consentiunt vel non; Si consentiunt, cur victas dare manus recusatis? Aut quomodo benedictionem Dei sperare vobis potestis in promisso contrahendi matrimonii & in matrimonio ipso: in promisso dato; in matrimonio contracto adversus rationabilem majorum vestrorum voluntatem? Temere quidem præcipere benedictionem hanc animis at prudenter expectare eandem non potestis: Et si posthabita rationabili majorum vestrorum improbatione sponsalia facitis, ac subin matrimonium contrahitis, graviter & faciendo sponsalia & contrahendo matrimonium peccatis. Quod si causas a majoribus vestris in contrarium adductæ cum ratione non consentiunt, & non consentire ab aliis sapientibus personis judicantur; nihilominus statim sponsalia faciatis nolim, sed prius per idoneas personas tentare mentes parentum studeatis velim, ut rationalibus desideris vestris concedant: Et sic postquam omnes subjectionis a filiis ac filiabus parentibus debitæ partes impleveritis, falsique fueritis, dolere vos, quod eos ad vestra consilia adducere non possitis, tunc vos contrahendo matrimonium non peccare affirmarim. Ob eam rem parentes denuo moneo, quod, quemadmodum filii aut filiæ, absque debita subjectione faciendo sponsalia & matrimonium contrahendo, peccant: ita etiam ipsi graviter peccant, si immerito & sine causa

obstant, ne filius aut filia animo suo satisfaciatur; cum probe scient, hoc maxime, quod liberis in personæ ducendæ optione animi sui studium propensionemque sequendi facultas detur, pacem, concordiam & fidem conjugalem contineri; nam si matrimonia sine hac integra animi voluptate ac satisfactione celebrantur, heu! quot quantisque malis secunda esse consueverunt: Novi, quæ dico, O mei!

Restat memorare præmia filiorum explicata a me hucusque erga parentes officia implementum, uti & poenæ ratorum eadem notabilem in modum omittentium. Præmium bonorum filiorum, in ipsa præcepti injunctioe a Deo expressum, vitæ in hac terra longævitas est: *Ut sit longævus super terram.* Præmium temporale, accommodatum carnalibus populi Israelitici animis, cui ob ruditatem suam præmia supernaturalia raro a Deo proposita leguntur. Quamvis autem etiam in sancta ac nova Christianorum lege hæc vitæ longævitas in multis comprobetur, tamen in aliis multis non comprobatur, qui, etiam si parentes suos amarint ac reveriti dictisque illorum audientes fuerint, tamen prius naturæ debitum solvunt, quam consenscant; id quod teste S. Thoma ob id maxime Deus sic ordinat, quia bona hujus seculi, inter quæ etiam vitæ longævitas numeratur, pro bonorum operum præmio non reputantur, nisi quatenus ad obtinenda præmia eterna conducunt: *Quia præsentia bona vel mala non cadunt sub merito, nisi in quantum ordinantur ad futuram remunerationem; Ideo quandoque secundum oculum rationem divinatorum judiciorum, quæ maxime futuram remunerationem respiciunt, aliqui qui sunt pii in parentes, citius vita privantur: alii vero, qui sunt impij in parentes, diutius vivunt* (1) Hinc Catechismus Concilii Tridentini ob tres causas fieri affirmat, quod quandoque boni filii cito ex hoc seculo avocentur, videlicet sive ut non amittant, quam habent, inorum probitatem, quæ vita longiori marcesceret: sive ut non videant imminentes publicas calamitates,

(1) c. 2. q. 122. d. 2.

tates, quas inter ipsorum quoque conscientia periclitatura esset: sive ut subducantur doloribus & aegritudinibus animi, quas percepturi essent, si viderent graves amicorum & propinquorum suorum ærumnas. His malis omnibus in præmium pietatis, erga parentes adhibitæ, eorum divina subtrahit providentia, de cetero æternam eis vitam certam reddens.

Jam, O mei! si reverentiæ parentibus præstitæ præmia alia nulla essent præter vitæ longævitatē, quæ bonorum temporalium omnium summum est; nunquid vel hæc sola inducere filios deberet, ut exacta in parentes reverentia utantur? Præmium hoc a Deo disertis verbis promissum fuit, adeo ut illud solum tum non concedatur, cum vitæ æternæ adeptiōem impedit: ex quo solidissime infertur, filios morigeros in præmium obedientiæ suæ vitam quoque æternam obtenturos esse, quæ potissima est, & pro qua consequenda quandoque opus sit vitam eorum temporalem brevare, optatissimam permutationem faciente providentia divina, dum vitam temporalem eis admittit, ut citius in vitæ æternæ possessionem proficiantur. Ratiocinium hoc omni exceptione superius est: Promittit Deus filiis obedientibus vitæ temporalis longævitatē; igitur, si in aliquibus hoc promissum non implet, ob id non implet, ne æternam vitam amittant; uti S. Thomas & post eum Catechismus Concilii Tridentini observavit: Indicio ergo hoc erit, vitam æternam filiis morigeris destinari, quæ ut illis certa sit, vitæ temporalis spatia contrahuntur Deo temporalem, quam promittit, non dante, ut æternam det.

Huic æterno præmio (quod unum summum est) & huic vitæ longævitati (si illa salutis æternæ non obstat) multa alia bona adduntur, promissa illis Deuteronomii (m) verbis: *Ut hene sit tibi in terra*, quibus vita tranquilla ac fortunata significatur. Præter hæc Spiritus sanctus probis filiis paternas benedictiones, ad finem vitæ cum illis manfuras, annunciat: *Ut superveniat*

tibi benedictio ab eo, & benedictio illius in novissimo maneant (n) Subditur: *Benedictio, a tris firmat donos filiorum*. Denique dicitur: *Sicut qui thesaurizat ita & qui honorificat patrem suum: Qui honorat patrem suum, jucundabitur in filiis, & in die orationis suæ exaudietur*. Ecce vobis, O mei! præmia in Verbo Dei filiis & filiabus parentes diligentibus atque colentibus promissa.

Jam etiam poenas percipite, quas Deus immorigeris liberis minitatur. Primo vitam eis brevem fore denunciat; unde ad ipsos nequaquam pertinent verba illa: *Ut sis longævus super terram*. In alio loco ait: *Qui affligit patrem & fugat matrem, ignominiosus erit & infelix* (o) Atque iterum: *Qui maledixerit patri suo & matri, extinguetur lucerna ejus in mediis tenebris* (p) hoc est (Ut exponunt Interpretes) recedat ab eo omne bonum hujus sæculi: videlicet vita, fama, pax, sobol., facultates, sanitas, diguitates. Et jam olim in lege veteri divino sancitum præcepto legimus: *Qui percusserit patrem suum aut matrem, morte moriatur: Qui maledixerit patri suo vel matri, morte moriatur* (q) Verum factum horribile percipite omni exceptione majus, quo sermonem hunc, pro eo ut rei magnitudo postulabat, protractionem finiam.

Refert factum istud S. Augustinus, quod sua ætate accidit, libro XXII. de Civit. Dei, cap. 8. & ad mores Auditorum suorum informandos tradidit sermone CCCXXIII. Est autem sequens „ Morabatur in urbe „ Cæsarea Cappadociæ familia nobilis com- „ posita ex decem liberis tum maribus tum „ feminis, quæ communem matrem gravibus „ & intolerandis affliciebatur injuriis, adeo ut „ frater natu major ei etiam manus non du- „ bitavit inferre; quod omnes filii pariter „ congregati patienter tulerunt, ut ne ver- „ bum quidem fratri suo pro matre, cur „ hoc faceret, dixerint. Illa autem fami- „ nei doloris stimulis incitata & viperis io- „ flammata consiliis hoc a Deo potissimum „ postulavit, ut extorres patria & circum- „ euntes alienas terras omne hominum ge- „ nus

(m) cap. 5.

(n) Eccl. 3.

(o) Prov. 29.

(p) Prov. 20.

(q) Exod. 21.

„ nus suo terrenter exemplo. Mox mater-
 „ nas preces efficax viudicta prosequuta est,
 „ eundemque continuo fratrem ætate cul-
 „ paque majorem tremor membrorum in-
 „ valit: Servato autem ordine, quo nati
 „ erant, intra unum annum eadem omnes
 „ poena corripuit. Videns vero mater ma-
 „ ledictiones suas ad tantam efficaciam per-
 „ venisse, impietatis suæ conscientiam &
 „ opprobrium hominum diutius ferre non
 „ potuit, sed laqueo guttur adstringens lu-
 „ ctuosam vitam termino funestiore conclu-
 „ sit. Egressi ergo omnes, opprobrium suum
 „ non ferentes & communem patriam re-
 „ linquentes, passim sunt per varia dispersi:
 „ quos inter, qui nascendi ordine primum
 „ sequebatur, frater ad gloriosi Martyris Lau-
 „ rentii Memoriam, quæ apud Ravennam
 „ collocata est, meruit sanitatem: Ille au-
 „ tem, qui ordine nascendi sextus erat,
 „ Paulus vocatus, cum sorore sua Hippo-
 „ nem veniens & a S. Augustino admoni-
 „ tus, ut reliquias S. Stephani Protomarty-

„ ris visitaret, Anconæ sanitati restitutus
 „ fuit; Miserabilis soror vero ad eruditio-
 „ nem omnium, ait S. Augustinus, adhuc
 „ communis mali tremore paralytico præbet
 „ exemplum „ Omnia hæc habet libellus
 „ ab ipso sanato Paulo scriptus & S. Augu-
 „ stino traditus. Jam post narratum factum
 „ sic pergit S. Doctor: *Discent ex terribili ca-*
su hoc, Discent filii obsequi, timeant paren-
tes præter modum irasci . . . Discite, filii!
reddere honorem parentibus debitum; sed &
vos, parentes! quando offendimini, parentes
vos esse recordamini. Corrigite illos &, si
tenera adhuc ætate sunt, etiam castigate;
at nunquam dira a Deo eis imprecemini:
Vos autem, filii! nunquam ad iracundiam
provocate parentes vestros, ne execratio-
nes in vos effundant; nam benedictio patris
confirmat domos filiorum, maledictio autem ma-
tris eradicat fundamenta (r) Ita Spiritus san-
ctus; cujus gratiam omnibus tum parenti-
bus tum filiis ex animo precor.

(r) Eccli. 3.



SERMO LVI.

De quinto Decalogi præcepto: NON OCCIDES. De occisione vitæ naturalis Proximi, & aliis pravis affectibus adversus eandem.

Cum Deus præceptis secundæ Tabulæ actiones ad Proximum spectantes complexus sit (Uti alibi monui) quas inter primum sibi locum actiones erga parentes vendicant; jam post has quinto præcepto actiones Proximo injurias prohibere pergit. Et quoniam inter bona hominis naturalia summum est bonum vitæ, ob id præcipit Dominus, ne privatus quisquam vitam Proximo adimere unquam audeat.

Verum cum hoc præcepto divino multa prohibeantur pro variarum, quarum Pro-

ximus capax est, vitarum ratione; ob id præceptum hoc in plura capita dividere eaque subin latius exponere necessarium esse videtur. Triplicis vitæ capax est homo in hoc mundo constitutus: nimirum vitæ naturalis, vitæ civilis, vitæ supernaturalis. Vita naturalis est, quæ communi vitæ nomine venit, & hominem ad actiones naturales (manducandum, bibendum, laborandum, studiis vacandum, quæstum faciendum) habilem reddit. Vita civilis est, quæ facit, ut homo aliorum bona de se existimatio-

matione vivat, consistitque in bona fama, quam apud alios habet & qua inter cives suos acceptus ac spectatus efficitur. Vita supernaturalis denique est, quæ præstat, ut homo Deo acceptus vivat, consistitque in eo, quod homo in anima sua habeat gratiam divinam, qua filius Dei adoptivus & hæres gloriæ æternæ constituitur. Igitur cum homo trium harum vitarum capax sit, illis per aliorum insidias variis privari modis potest. Vita naturali privari ab humana malitia potest modis sat notis: Vita civili spoliatur per linguam maledicam, quæ aut gravem calumniam Proximo imponit aut de eodem actionem aliquam nefandam, quæ latuerat, manifestat: Vita denique supernaturali exiit per scandalum ab aliis datum; dum se ad peccati consensum aliorum instigatione abduci sinit, aut sponte sua ad mali exempli imitationem prolabitur.

Omnes hæ occasione, de quarum unaquaque singulatim dicendum, divino præcepto prohibita a Theologis dignoscuntur. Atque ut ordine agam, in hoc sermone de prima, videlicet naturali, vita disseram. Itaque quintum Decalogi præceptum prohibet, non solum ut ne Proximo vitam corporalem injuste eripiamus, sed etiam ut ne ullam actionem corpori Proximi noxiam ponamus, feriendo illum, percutiendo, includendo aut alia quavis violentia in eam utendo. Neque solum prohibetur, ut huiusmodi res propriis manibus non faciamus, sed etiam ut ne talia consulamus, promoveamus & ad talia facienda aliis animos addamus. Omnia hæc severe prohibita sunt. Neque cogitent, se ab huius violatione præcepti immunes esse ii, qui Proximum ex accepta injuria conturbatum videntes his aut similibus verbis sese expriment: Si mihi hæc injuria facta esset, certe illum sentire dolorem meum facerem, cæderem, vulnerarem &c. quibus dictis Proximus audiens ad talia facienda inducitur: Hi profecto reos se faciunt omnium eorum, quæ læsus adversus corpus lædenti moliri animum eorum inducit. Uti etiam illi, qui illatam injuriam

non ulcisci alium videntes, eundem ut hominem ignavam, vecordem, meticulosum derisui habent; quo fit, ut alter in offendentem se postliminio accendatur & vindictam sibi petat: Etiam hi rei sunt talis vindictæ. Similiter & illi, qui arma aut noxia instrumenta alteri, quem talia ad vindictam inquirere cognoscunt, subministrant, eandem, quam se ulciscens, culpam contrahunt. Immo si paterfamilias aut herus aut alius personas sibi subditas habens advertunt, filium, servum, inferiorem Proximo malum meditari & perficiendi consilii rationes inire, si tacent & pro virili sua eundem avertere, retrahere a proposito, cogitantque vindictam omnibus viribus impedire non contendunt, damni Proximo facti reos se reddunt; nam non solum contra charitatem peccant (prout omnis peccat negligens impedire, quantum potest, damnum alterius) sed etiam contra iustitiam peccant; nam, quia personarum sibi subditarum curam gerere debent, tenentur mala, quæ hæc facere decernunt, & monitis & præceptis & minis immo etiam pœnis, si illas congrue adhiberi posse prudentia distaverit, præpedire.

Itaque si quæ læsio corporis Proximi sequitur, dum is aut vita exiit aut membrum aliquod amittit aut vulneratur aut aliud malum accipit, ex quo damnum emergens sumptuum in medicamina faciendorum &c. aut lucrum cessans (dum Proximus vel in omnem vitam vel ad certum tempus quæstui, quem facere consueverat, faciendo ineptus efficitur) oritur; ecce vobis! succedunt ingentia conscientiae incommoda & onera, quæ (post peccatum grave per illam læsionem corporis admissum) compensare obligantur, primum ille, qui talem actionem prava sua voluntate posuit, & in huius defectu illi, qui eidem aut consuluerunt aut alio modo persuaserunt aut animos addiderunt, ut talia faceret. Sed ut gravissimæ hæc obligationes melius elucescant atque appareant, agite! casus aliquot proponamus.

Poni-

Ponite, Sempronium ab Horatio occidi: Sempronium qui labore suo, officio aut munere familiam suam alebat; nimirum uxorem, quatuor liberos (duos mares totidemque feminas) patrem ac matrem suam ambos senio gravatos, videlicet personas, quas sustentari ab illo jus naturale postulabat. Jam ecce! homicida Horatius debet primo loco cum prudenti ac docto confessorio reputare, quamdiu Sempronius occisus pro corporis temperamento & aliis personæ circumstantiis superstes esse potuisset: debet subin computare, quantum circiter laboribus suis lucratus fuisset. Ex quo conficitur, Horatium obligari, ut v. g. quindecim annorum spatio viduatæ familiæ e. g. quater centum aureos nummos in singulos annos subministraret, computando & detrahendo certum pro incerto: Aut teneri memoratum Horatium, ut in omnibus & per omnia dictam familiam alaret; liberis eam educationem provideat, qua ad quæstum faciendum apti reddantur; filias dotet; parentibus occisi ad victum necessaria suppeditet (Verbo) omnia onera ferat, quæ Sempronius tulisset, si vita ei mansisset. Idem sentiendum, O mei! si Horatius ita multasset verberibus aut vulnerasset Sempronium, ut is ad quæstum faciendum ineptus effectus sit: Immo in hoc casu alia obligatio accedit, videlicet obligatio solvendi pretium medicaminum & ipsum male tractatum Sempronium alendi. Quod si Sempronius v. g. in unius anni spatium ad suum officium præstandum inhabilis redditus esset, debet Horatius exsolvere pretium medicamentorum & omnia damna illo anno, quo quæstum facere alternon potuit, facta compensare. Neque me hoc loco singulares & severas nimis sententias asserre putetis velim: Communi Theologorum consensu receptæ immo etiam benignæ opiniones hæc sunt; cum existant nonnulli Theologi, qui percussorem aut vulneratorem non solum ad eas personas, quas occisus aut vulneratus ex præscripto juris naturalis aluit, sed etiam ad eas nutriendas adstringunt, quas is ex

mera charitate & per modum eleemosynæ sustentavit. Ratio patet, quia nefarius ille horum damnorum omnium causam atque originem præbuit.

Dicit aliquis: At familia occisi, ubi reconciliatio animorum facta est, nihil sibi postulavit; Aut: Vulneratus nullam compensationem dammorum petit. Reporro: Ob id debitorem obligatione damna illata refaciendi non exsolvi, idque ob plures causas. Primo quia debitoris est, satisfacere creditori, etsi creditor suum non repetat; cum sit commune in hac re axioma: Eum, qui alteri damnum attulit, *ratione injustæ acceptionis* (Ut Theologi dicunt) illud rependere debere, quin expectet, donec repetatur: Secus, si creditor nunquam repeteret, nunquam obligatio restituendi nasceretur. Secundo quia hoc, scilicet, quod damnorum compensatio ab occisore aut vulneratore non exigatur, fieri ex ignorantia personarum damno affectarum potest, non advertentium, jus sibi petendæ compensationis esse. Hinc illarum silentium nequaquam interpretari in eam partem potest, ac si illæ jure suo cederent aut debitori debitum remittant; nam si hoc jus suum adverterent, certe compensationem postulerent: Ob id Theologi dicunt, quod *ignorantia antecedens causat involuntarium simpliciter*. Tercio quia, quod compensatio non petatur, fieri ex timiditate & nescio quo servitutis genere potest, cui personæ læsæ subjacent, quæ compensationem sibi quam certissime peterent; verum quoniam cum damnificatore facinoroso ac fero agere habent, ne novas sibi calamitates accersant, silent remque procrastinant; quod nequaquam est de jure suo cedere: Hinc in nullo horum casuum damnificator a damni reparandi debito liberum sese putet. Paucis: Occisor aut vulnerator &c. nunquam obligatione compensandi memorata damna solvitur, nisi quando ab hoc onere cum personæ damno affectæ omnes, *una animo, plena & libera voluntate spontaneaue remissione absolventur*. Dixi: Omnes, uno animo; namque opus est, ut quævis persona speciali, quod

quod habere potest, jure suo cedat, v. g. Uxor illa Sempronii (Ut casum superius positum revocem) quæ per Horatii nefandum scelus vidua facta est cum duabus filiabus, potest quidem Horatio redintegrationem damni ad se spectantis remittere, at nequaquam damni ad filias pertinentis. Hinc si uxor memorata renunciari Horatio curaret: *Remitto tibi compensationem damnorum, quam familiæ debet; & filiae non consentirent, quod desit illis, quo se alant & nubant, quod illis non defuisset, si Sempronio patri vita superstes fuisset: remissio hæc a matre facta vim quidem suam haberet respectu portionis ad matrem spectantis, nequaquam respectu portionis ad filias pertinentis; quæ quoniam yas habent victus & dotis accipiendæ, prout a patre (occiso Sempronio) accepissent: ob id occisori Horatio onus easdem alendi & dotandi incumbit. Id ipsum sentiendum de filiis junioribus & parentibus Sempronii, si pro se quisquæ non consentirent: Ob id dixi: Remissionem integram fieri debere cum omnibus uno animo. Statui præterea: Eo ut talis remissio valida sit, fieri debere cum plena libera voluntate, hoc est: sine ulla circumstantia plenitudinem liberi arbitrii ullo modo imminuente; nam cum hæc remissio sit donatio liberalis debiti strictissimi, quod Horatius debet: & cum donationi liberali proprium sit, ut plenissima cum libertate fiat, si libertas hæc abest, remissio valore carebit. Hinc si miseri damno lesi ad condonandum damnorum reparationem inducantur (sive per officia nobilis ac potentis personæ, cujus auctoritas quandam cogendi vim habere videtur: sive per minas additas: sive per falsas allatas excusationes, videlicet occisorem non posse neque ex toto neque ex parte satisfacere, tametsi saltem ex parte satisfacere posset; aut eundem, dum facinus scelestum patravit, ebrium fuisse, cum tamen hoc falsum sit; aut Sempronium primum manus intulisse, cum tamen hoc a veritate alienum sit, aut similes res falsas prætexendo) omnes istæ artes, cum*

sint circumstantiæ liberi arbitrii plenitudinem labefactantes, nullam atque irritam efficiunt debiti remissionem; nam interventio nobilis personæ auctoritate pollentis nescio quam vim allert; minæ metum incutiunt; mendacia decipiunt: quibus omnibus (Ut Theologi omnes post S. Thomam affirmant) plena illa libertas minuitur, quæ ad memoratam donationem desideratur. Nunquid, O mei! si Christiani, priusquam sanguinem fundunt: vulnera aut ictus insilunt, gravissimum hoc damnum compensandorum onus, quod sibi ultro imponunt, secum perpendere; nunquid eos tam præcipiti consilio in vindictam ruituros esse putatis? Dicit aliquis: At qui non habet, unde damna illata resarciat, hic certe liber erit ab isto onere; etenim quod quis præstare non potest, hoc nec præstare tenetur. Falleris, eheu! miser & nimium falleris, qui hæc in medium allers. Equidem verum manet, quod, qui actu non potest, non teneatur actu dare, quod non habet: At tenetur sub peccato mortali adhibere omnem diligentiam, ut se ad compensandum habilem reddat. Et hoc quam ingens onus homini, qui æternam ellugere perniciem velit? . . . Attendite, si lubet: Qui post admissum delictum de damno illato satisfacere conestim nequit, quia non habet, quo illud reparet; tenetur in conscientia sub peccato mortali omni diligentia uti, ut ideam, quantum efficere potest, reparet. Hinc tenetur ventrem suum defraudando comparcere, quidquid licuerit: impensas non facere nisi in rebus mere necessariis: vacare labori, quantum potuerit, ut colligat pecuniæ summam, quam personis læsis per vices solvat: Eum in finem tenetur privare se omnibus oblectationibus, & (Paucis dicam) iis rebus cunctis, quæ ad vitam tolerandam necessaria non sunt, ut sic damna illata, quantum effici potest, resarciat. Quod si hac diligentia uti negligit, vivit in statu peccati mortalis quippe reus gravis omissionis, qualis est, se pro virili habilem non reddere ad solvenda ea, quæ quis ex debito strictissimæ justitiæ

P. Cuniliati Catechista.

C c c

sol-

solvere debet. Jam hoc onere gravatam jugiter conscientiam circumferre, hanc adhibendam omnifaræ diligentie obligationem continuo impositam sibi videre, nullos nisi in rebus necessariis sumptus facere posse, nonne quoddam genus angustie est, quæ vitam omnis generis molestiis respergat. Hinc cum paucissimi hos ceteroquin strictissime debitæ diligentie modos adhibeant, paucissimi item post læsum memoratis modis Proximum officio suo faciunt satis atque salutem consequuntur.

Quinto Decalogi præcepto non solum actio omnis externa Proximum re & factio, sed etiam verbis atque affectibus, lædens prohibetur: Ob eam rem Christus præceptum hoc a se adductum exposuit addendo: *Audistis, quia dictum est antiquis, Non occides; Qui autem occiderit, reus erit judicio. Ego autem dico vobis, quia omnis, qui irascitur fratri suo, reus erit judicio, qui autem dixerit fratri suo: Racca, reus erit concilio; qui autem dixerit: Fatue! reus erit gehennæ ignis.* (a) Itaque teste Christo omne peccatum, tum verborum tum motuum, tum affectuum Proximum offensivum, prohibetur; Verum ut clare ac distincte disseram, & hæc Christi verba sublata omni ambiguitate exponam; primo iram sola mente conceptam, deinde iram motu aliquo externo manifestatam, denique iram verbis injuriosis conjunctam (Nam iram factis, nimirum homicidio, vulnerationi, verberationi sociatam jam expendimus) inter se mutuo distinguamus.

Ira adversus Proximum sola mente concepta (de qua Christus ait, quod eam advertenter admittens, reus sit judicio) ea est, quam affectus vindictæ gravis in proximum comitatur; quæ ob id ipsum peccatum mortale est. Ita S. Thomas (b) Dominum, cum dixit: Omnis, qui irascitur fratri suo, reus erit judicio, loqui de motu iræ, quo quis appetit Proximi occisionem aut quamcunque gravem læsionem, cui appetitui si consensus rationis superveniat, absque dubio erit peccatum mortale. Hinc ira solo animo concepta, si nullum vindictæ appetitum aut

solum levis vindictæ appetitum adjunctum habet, non erit peccatum grave; cujus rei exemplum nobis S. Doctor affert dicens: *Putat, si aliquis verum trahat per capillos vel aliquid hujusmodi.* Idem, secundum Interpretum expositionem, de secundo actu, scilicet motibus iræ adversus Proximum exterius, sentiendum, qui tum erunt peccata gravia, si gravis vindictæ aut gravis læsionis Proximi appetitus accesserit. Sic & de tertio actu, qui est erumpere animo irato in verba contumeliosa, statuat is velim; quæ, si vel in se graviter injuriosa fuerint, vel quavis non sint, tamen animus graviter injuriandi accesserit, peccata mortalia sunt. Hæc sunt regulæ a S. Thoma traditæ & a Theologis omnibus receptæ: *Verba, ait S. Doctor (c) in quantum sunt soni quidam, non sunt in nocumentum aliorum, sed in quantum significant aliquid, quæ significatio ex interiori affectu procedit: Et ideo in peccatis verborum maxime considerandum videtur, ex quo affectu aliqui verba proferant.* Cum ergo convicium vel contumelia de sui ratione importet quandam dehonorationem (si intentio proferentis ad hoc feratur, ut per verba, quæ proferunt, honorem alterius auferat) hoc proprie & per se est dicere convicium vel contumeliam, & hoc est peccatum mortale, non minus quam furtum vel rapina; non enim minus homo amittit suum honorem quam rem possessionem.

Ex hac doctrina inferri debet, quod, si magna cum ira, præsertim inter homines plebejos, illa verba injuriosa in Proximum (videlicet dum fur, latro vocatur) aut in læminas solitæ illæ voculæ (dum nullius frugis, aut striges appellantur) & ut paucis dicam, verba honorem personæ, si ve vir sive femina sit, adimentia proferuntur; semper sint (si animo irato dicantur) peccata mortalia; quia semper maxime probabile manet, gravi iracundia stimulante fieri, ut illa convicia animo personam dehonestandi, injuriandi ejusque famam attenuandi proferantur.

Immo S. Joanni Chrysostomo (d) sic argumentari placuit: *Quod si quis cum magna*

(a) Matth. 5.
de Conjunct. cordis.

(b) 2. 2. q. 158. a. 3.

(c) 2. 2. q. 72. a. 2.

(d) Libr. 1.

gna adversus Proximum ira & animo illi conviciandi *fatum dixerit fratrem suum, extremo dignus est supplicio; qui maleficum, invidum, levem, inanis gloriae cupidum* (Addiderim ego : malignum, raptozem, virum impudicæ mulieris &c.) *appellavit, idque in eum finem, ut Proximum vexet, affligat, contristetur, aut alia innumera in eum maledicta congererit, quantis se gehennæ flammis obnoxium reddat?*

Dicet rudior aliquis: Nemini convicium primus dico; Ast contumeliis affectus, ira animum occupante contumelias reddo: Tu-
eor me ac defendo; hinc non pecco. Fal-
leris, chare! Peccat iratus ille, si te male-
dictus atque probris impetit: Et tu peccas,
idem faciens. Si, quas ille in te magna
cum ira jactit, contumelie peccata gravia
sunt; nonne gravia quoque peccata erunt
contumeliæ, quas tu vicissim ira gravi suc-
centus in eum vomis? Ob id per S. Petrum
Spiritus innotuit sanctus: *Non reddentes ma-
lum pro malo nec maledictum pro maledicto*
(e) nam hoc non est te defendere, sed enim
adversarium lingua impetere. Modum te
defendendi suggerit idem S. Petrus his ver-
bis: *Sed e contrario benedicentes.* Aut, si
tamen responderé opus sit, serio ac vere
dicito: Falsa mihi objicis: Deus tibi igno-
scat. Aut omnino modeste tace nihil repo-
nens; nam, ait S. Joannes Chrysostomus
(f) *quando convicia regetis, vincetis, non ab
homine sed (quod turpius est) a passione at-
que impetu ira. Si vero taceris, vinctis &
innumeros acquiris, qui te corepent, quique
convicium ijs: m mendecei condempnent.* Nota-
te, provide me dixisse: *Vinces modeste ta-
cendo;* nam si taces eo animo, ut iratum
fratrem in majorem contempcionem addu-
cas, eumque magis fremere & immanibus
accedi iris facias, genus quoddam vindi-
ctæ exerceas & peccas: Si aliquis, ait S.
Thomas, *hoc animo taceret, ut tacendo con-
tumeliam ad iracundiam provocaret, pertine-
ret hoc ad vindictam.*

Hujus moderationis memorabile exem-
plum nobis David Rex Israelis reliquit, quod

tametsi multis notum esse possit, tamen aliis
multis librum hunc meum lectoris forsitan
incognitum erit. Ibat per civitatem Bahu-
rim Rex David stipatus ab aliquibus suorum
ducum & multis militum turmis; cum
prosilens in viam publicam Semei homo
nauci, iræ impetu in Monarcham suum ab-
reptus elata voce eundem injuriis longe atro-
cissimis onerare occæpit, vocans hominem
sanguinarium, impium, injustum regni,
quod possidebat, usurpatorem, atque ob id
a Deo filii Absalonis defectione punitum:
Neque verbis contentus ad facta descendit,
lapides in Regem vibrando. Omnia hæc
alto silentio dissimulante Davide unus ducum
Abisai nomine in tam publica & ignominio-
sa Regis sui infestatione iræ haud tempe-
rans petiit facultatem eundi in sceleratum
eique caput rescacandi, hac ratione dignam
insolentissimæ audaciæ poenam accepturo.
Cohibuit David Rex dicens: Sineret hæc
dux permittente Deo fieri, quæ ipse expian-
dis peccatis suis perferret: *Dimittite eum, ut
maledicat . . . si forte respiciat Dominus as-
sersionem meam* (g) Neque cessavit a ja-
ciendis & convitiis & saxis impius ille, per
viam Regem sequens. Quid vobis, O mei!
de hoc mansuetudinis actu vere egregio at-
que heroico in Rege, cui quippe Monar-
chæ fas erat statim capitali supplicio in sce-
lestum animadvertere, videtur? Considera-
te, obscuro! atque expendite omnes circum-
stantias tum personarum, tum injuriarum,
tum publice atque in omnium oculis patra-
ti facinoris: Et, si quidem potestis, admi-
rari omittite! Jam ad nos redeamus: ad
nos, qui *jus gladii*, hoc est jus puniendi
quenquam male nos excipientem non ha-
bemus, & subin deducamus, utrum licere
nobis queat injurias vel verbo vel facto illas
rependere. Igitur si injuste nobiscum agi-
tur, utamur hoc pio & licito defensionis
genere, non reddentes malum pro malo nec ma-
ledictum pro maledicto.

Notandum præterea cum Theologis
omnibus: convicium, quod in se, aut vili
personæ dictum, grave non est, grave eva-
dere

(e) 1. Petr. 3.

(f) Homil. 22. in Epist. ad Roman.

(g) 2. Reg. 16.

dere posse ob rationem personæ, cui dicitur: aut ob affectum vindictæ, quocum dicitur, videlicet Proximum magnopere assiligi. Hinc aliquod turpe ac sordidum verbum, in humilem ac vilem personam iactatum, veniale esse potest, quod (si viro nobili aut sacerdoti aut alii simili personæ dicitur) mortale evadit. Ita etiam illud ipsum verbum, si vili personæ cum affectu magnæ iracundiæ & animo eam graviter alligendi dicitur, ob malignum hunc affectum mortale evadit. Hæc quoque communis ac per-vulgata Theologorum sententia est.

Quod si quinto Decalogi præcepto adeo stricte gravis iu Proximum ira (utut transiens nec longo durans tempore) interdicitur; quanto magis ira continuata, radicata, inveterata prohibebitur, quæ alio nomine *Odium* dicitur? Etenim quid est, ait S. Augustinus (h) *odium? Ira inveterata.* Ira inveterata si facta est, jam *odium* dicitur. *Odium* est habitualis maligna erga Proximum affectio: At quomodo vitium hoc tam exosum Deo, quippe charitati fraternæ maxime repugnans, exoritur? In eum fere modum, ait S. Augustinus, ira in *odium* transit, quo festuca aut ramusculus in trabem vel arborem excrescere solet. Quomodo ramusculus in arborem crescit? Primo terræ immittitur, deinde rigatur, rigatus auge-tur, crassescit eaque ratione trabes ellici-tur. Sic ira in *odium* crescit. Ira, sin minus cito repellitur sed in animo retinetur, rigatur variis cogitationibus variisque considerationibus: Ruminatur, excutitur molestia, injuria accepta (Hoc estu rigatio) indagantur, exquiruntur varii vindictæ repetendæ modi: Recogitantur funesti diversi generis casus, qui personæ offensæ accide-re possunt: Ex cogitatis adversis casibus voluptas multoties captatur: Voluptas cap-tata in desiderium transit: Non sine gravi ran-core de exosa persona disleritur: Malum ei-dem optatur: Si ei funesti quid accidit, gaudetur: Et sic multis actibus internis & quandoque etiam externis ac verbo (non sine scandalo audientium) expressis ingeus

peccatorum mortalium actualium series ne-stitur, præter peccatum habituali iræ reten-tæ atque his pessimis affectibus irrigatæ: Et ecce, ait S. Augustinus, quod erat ira, cum esset nova, *odium factum est.* . . Ira festuca est, *odium trabes est.* . . *Unde crevit festuca, ut trabes fieret? Quia non statim evulsa est.* . . *Fecisti illum veterem: attraxisti moles suspicio-nes & rigasti festucam: rigando utrivis: nu-triendo iram fecisti.* Miserum te & infeli-cem! Expavisce, vel quando dicitur: Qui odit fratrem suum, homicida est. *Gladium non eduxisti, non vulnus in carne fecisti, non corpus plaga aliqua crucidisti: Cogitatio sola odii in corde tuo est, & teneris homicida; reus es ante oculos Dei. Ille vivit, & tu occidisti; Quantum ad te pertinet, occidisti, quem odisti. Itaque emenda te, corrige te. Si in domibus vestris scorpiones essent aut asides, quantum laboraretis, ut domos vestros purgaretis, ut se-curi habitare possitis? Irascimini & inveteran-tur iræ in cordibus vestris: sunt tot odia tot trabes, tot scorpiones, tot serpentes: Et domum Dei, cor vestrum, purgare non vultis. Igitur attendite vobis, O mei! ut iram in Proxi-mum compescatis: Si illa quandoque vos tentat atque accendit, attendite, ne quis vindictæ appetitus subrepat: Satagite, ut sol non occida: super iracundiam vestram (i) nam si manserit, brevi in trabem, in *odium* convertetur. Et tum quot peccata interna! quot aspides! quot serpentes! & (quod vestra plurimum refert) quanta veniam pec-catorum vestrorum a Deo serali in hora ac-cipiendæ & salutis æternæ consequendæ dif-ficultas! Percipite factum tum horrois plenum tum lacrymis dignum, factum certissi-mum, relatum a Scriptoribus omni excep-tione maioribus & a doctis viris cunctis ad-missum.*

Erant in quadam celebri Orientis urbe, quæ Antiochia fuisse creditur, amici duo summa familiaritate conjuncti, unus Sapri-cius nomine sacerdos, alter Nicephorus lai-cus, sancto sese invicem & flagrantissimo amore complectentes. Accidit autem, ut Nicephorus Sapricium ostenderet; qua re

amox

(h) Serm. 58.

(i) Ephes. 4.

amor ardentissimus, qui hos duos inter vi-
guerat, in odium & malevolentiam diabolo
non indignam ita est conversus, ut publice
ne mutuum quidem salutem sibi dicerent.
Post aliquod tempus Nicephorus laicus re-
dire in gratiam cum Sappicio decrevit, eum-
que in finem sequestris usus est, qui nomi-
ne suo Sappicium de admitti delicti dolore
& humilatione certum redderent. At sur-
da aure Sappicius omnia repulit. Institit
novis obsequiis placare Sappicium Nicepho-
rus; at frustra: Tam in trabem pestilens
odium excreverat; uti S. Augustinus ait.
Ad extremum Nicephorus adire ipse Sappi-
cium & ad illius pedes provolvere sese con-
stituit supplicaturus, ut in pristinam amici-
tiam reciperetur: At ille saxo durior pium
bonumque Nicephorum denuo repulit. Sed
jam, O mei! alta Dei judicia percipite, di-
sciteque, quam severe Deus retinentes odium
in Proximum puniat, & quam amplis præ-
miis eos afficiat, qui amore Superum odium
deponunt animorumque conciliationem
optant! Emanarat illis temporibus edictum
Imperatorum Valeriani & Gallieni, quo
strocissimis cruciatibus interfici ii jobeban-
tur omnes, qui nomen Christi confiterentur
cultumque idolorum repudiarent. Ea de
caussa Sappicius sacerdos quoque in custo-
diam datus & præfidi provinciae oblatus
fuit; a quo interrogatus, quomodo vocare-
tur, reposuit: *Vocor Sappicius*: Denuo in-
terrogatus, cujus generis esset, intrepide re-
spondit: *Christianus sum*. Et rogatus, ut-
rum clericus esset, responsum reddidit: *Lo-
cum tenes presbyterii*. Posthæc præfes ei de-
nunciavit: præcepisse imperatores, ut idola
veneraretur, nisi inter acerbissimum tormen-
ta vitam amittere vellet. Ad quæ mira ani-
mi cum constantia Sappicius: *Nos Christiani
Christum Deum habemus Regem; quoniam ipse
est solus verus Deus, & creator cali & terra
& maris & omnium, quæ sunt in eis: Omnes
vero odii gentium dæmonia, & perant a facie
universæ terra*. Proh gloriosam confessio-
nem! Proh fortem Sappicium! His auditis
præfes Sappicium catastæ imponi jubet

(Erat instrumentum, in quo corpora Mar-
tyrum non sine acerrimo cruciatus circum-
agitabantur) Promptum se supplicio Sappi-
cius exhibet, & dum inhumanum in mo-
dum excarnificatur, conversus ad præfidentem
ait: *Carnis meæ potestatem non habes, sed Dominus
Jesus Christus, qui eam creavit*. Proh sensus
heroe Fidei dignos! Quid vobis vide-
tur, O mei! Nunquid Sappicium jam in ipso
paradisi vestibulo consistere putatis? Falli-
mini! Eundem inferni in faucibus hæren-
tem paulo post videbitis. Videns miram
Sappicii in longo hoc & aerbissimo suppli-
cio constantiam præfes sententiam tulit, ut
is capite plecteretur.

Hoc conspecto bonus Nicephorus occur-
rere Sappicio in via, per quam ad locum
supplicii capite minuendus ducebatur, stu-
duit denuoque prostratus in genua petiit ab
illo, ut secum in gratiam rediret: At Sap-
picius nihil reponit. Rursus Nicephorus in
alia viæ parte sese Sappicio offerre & reno-
vare preces curat: At odio excecatus Sap-
picius denuo non ignoscit, denuo verbum
non reddit: *Ille autem odio cor habens excecatus
neque ei dedit veniam, neque ei verbum
voluit respondere*. Heu judicia Dei! Perve-
nit tandem Sappicius ad locum, in quo se-
rali ictu excipiendus erat; sed & ibi adest
Nicephorus supplicans, ut pacem secum fa-
ceret: At Sappicius durior magis etiam,
quam ante fuerat, ne tunc quidem audit.
Quid sit? Permittit Deus, Deus ille longe
veracissimus, qui dixit: se non dimissurum
peccata adversus se admilla, nisi nos pecca-
ta in nos admilla dimitteremus, permittit
(inquam) Deus, ut Sappicius commonitus
a tortoribus fleteret genua, & serali ferro
collum offerret, ad hos conversus clama-
rit: *Nolite me ferire; facio enim, quæ iusse-
runt Imperatores & Diis sacrificio*. Usque
adeo miser, ait Historicus, excecatus odio
fuit, quod ipsum gratiam Dei longe ab eo
removerat, & cum prius in acerbissimis cruci-
atibus Christum confessus esset, eundem
jam in mortis limine constitutus jam jam

que gloriæ coronam captans negavit, turpis apostata factus. Quod videns bonus, qui aderat, Nicephorus Cave, ait, Sapienti! Christum neges: Cave celesti te corona prives, quam fœvis toleratis tormentis promeruisti. At vel tunc monentem audire perfidus noluit in apostasia perseverans. Heu judicia Dei! Tum Nicephorus conversus ad tortores inquit: *Ego Christianus sum, & credo in nomen Domini nostri Jesu Christi, quem iste negavit; me ergo jam pro isto ferite: Christianus sum & Diis vestris non sacrifico* (k). Quo auditio unus tortorum cuncta, quæ gesta erant, præsidii referens mandatum accepit, ut Nicephoro, si Diis non sacrificaret, caput rescinderetur; quod & factum est. Sic in cœlos abiit Nicephorus ferens Marty-

ris palmam, qua se indignum odio suo Sapientius effecerat. Quid, O mei! de facto hoc longe certissimo & ecclesiasticis Historicis cunctis explorato sentitis? Ecce! quo desinat odium erga Proximum: nimirum eo, ut animæ illo occupatæ pereant, etiam Martyrum doloribus perfunctæ. Ecce præterea! quanta præmia sibi commereatur, qui pacem & animorum concordiam ex animo quærit. Quapropter & ego sermonem hunc meum concludam iis verbis, quibus Historicus ille finem terribilis narrationis suæ fecit: *Quamobrem, O dilectissimi! nos quoque diligenter cavemus ab hac diabolica operatione odii & injuriæ acceptæ recordatione, ut nostrorum quoque peccatorum delictis nobis remissio a Domino Jesu Christo.*

(k) Ruinart. *Acta Martyr.* p. 209.



SERMO LVII.

De occisione vitæ civilis Proximi, quæ est fama.

Postquam, O mei! de peccatis adversus naturalem Proximi vitam committi solitis eorumque consecutionibus dixi; jam de peccatis, quæ adversus vitam illius civilis admitti consueverunt, differendum venit. Vita hæc civilis est, qua homo in aliorum opinione per bonam, quam sibi apud alios peperit, famam seu existimationem vivit. Hinc vita civilis sui is dicitur, qui bona existimatione floret: Et contra ille vitæ civilis mortuus asseritur, qui bonam famam amisit. Bonam famam Sapientes omni tempore tanti fecerunt, ut eandem etiam vitæ naturali præhabuerint, adeo ut satius duxerint, morte naturali (si hæc ipsis a Deo venisset) perire quam bonæ famæ exfortes in hoc seculo vivere: Hinc in multorum multarumque vitis legere est, eos (illicite quidem nec sine gravi peccato) confiscere sibi ipsis mortem, quam infamiae vel immi-

nenti vel præsentis superstites esse maluisse. Jam quemadmodum duplici remedio fama bona acquiritur (uno, quod nos, altero quod alii in hoc conferunt) nimirum per mores honestos publice a nobis exercitos: & per linguam aliorum, quæ vitæ nostræ probitatem nescientibus innotescere facit; sic etiam duplici contrario remedio amittitur, nimirum per malos mores publice exercitos: & per linguam aliorum, quæ hos infamiae manifestat. Quisquis infamibus suis moribus bonam famam apud eos, qui illum vident aut norunt, perdit, infamiae & mortis suæ civilis causam sibi metipsum adscribere debet: At quisquis eandem per linguam alterius, actionem nefandam non scientibus revelantis, amittit, is a talibus divulgaticibus linguis civili modo occiditur respectu illorum, qui delicti scientiam non habuerunt: Et hoc est peccatum illud, quod com-

communi vocabulo *Detrahitio* appellatur. Ecce, O mei! in hos civiles Proximi homicidas præfenti oratione invehor.

Igitur ut rem ordine agam, primo necessarium videtur recensere modos, quibus grave hoc peccatum admittitur, & fama aliena aut graviter labefactatur aut omnino evertitur. S. Thomas septem modos numerat dicens (a) *Aliquis diminuit famam Proximi quandoque directe quandoque indirecte: Directe quidem quadrupliciter; uno modo quando falsum imponit alteri: secundo quando peccatum adauget suis verbis: tertio quando oculum revolat: quarto quando id, quod est bonum, dicit mala intentione factum. Indirecte autem; vel negando bonum alterius: vel malitiose retinendo: vel minuendo.* His septem modis nonnulli octavum addunt, qui est frigide laudare id, quod præstanti laude dignum; qui tamen modus cum illo *Minutionis* convenire videtur. Ego hunc modum reliquis adjunctum fuisse existimo, ut duorum hexametrorum, peccaminosos detrahendi modos complectentium, numeri expleantur:

*Imponens, augens, manifestans, in mala vertens,
Qui negat, aut minuit, tacuit, laudatque remissus.*

Priusquam hoc modos, quibus tota detractionis malitia continetur; exponam, sciat velim: res seu dotes nonnullas, quæ ad bonam personæ alicujus famam ita pertinent, ut si illis eadem persona careret, suo in ordine fama caderet, respectu alterius personæ haud graves esse posse. E. g. Si de concionatore vel alio salutis animarum ministro dicas: eum indoctum esse: conciones quas habet, illius non esse: nec scire illum artem eas componendi; Aut si de confessorio dicas: omni illum doctrinarum moralium cognitione carere &c. gravem detractionem admittis; quia bona harum personarum fama in istis ministeriis posituram in eo consistit, quod aptas ad illa fungenda dotes habeant: Et his eas destitutas dicere, est eas in suo gradu infamare; Quod non fiet, si memorata de vili paucorum annorum sacer-

dote aut de viro ecclesiastico talia ministeria nec proficiente nec profiteri volente, & qui cum libros evolvere deberet, horum loco chartas luforias amat, dicas. Similiter si de milite, eum singulari certamine cum alio conflixisse: si de ganeone, eum cinædologum esse: si alia similia de hujusmodi personis dicis, hoc non est famam earum violare; tum quia ipsæ sæpe his rebus gloriantur, tum quia ista dicere famæ personarum hujus status parum ollicit; dum contra multum officeret famæ hominis magnæ pietatis exultatione florentis aut viri claustralis. Igitur tum graviter adversus famam Proximi delinquitur, quando ob circumstantias personæ, de qua dicitur, id, quod dicitur, bonæ famæ illius notabilem in modum nocet; Et hoc octo memoratis modis fit, quos jam ex ordine practice explicabimus.

Primus est, falsum crimen seu calumniam Proximo imponere. Hoc quomodo fieri possit, facile intelligitis, videlicet si e. g. de femina maritata dicitur: eam impuros alere amores, aut de viro quodam honesto: eum esse fraudatorem &c. Evidens utique est & manifestum, quod hoc sit Proximum graviter infamare. Falsum præterea imponit, qui homini uno delicti genere publice infami aliud insuper scelus attingit, v. g. si de homine furti publice infami falso dicatur: quod etiam blasphemator, adulter aut alteri scelerei affinis sit, a quo tamen immunis est.

Secundus est, facinus alioquin verum verbis augere. Nimirum si de femina nupta, jam plus justo vana & in conversando levi, additur: eam in amassos suos liberalem esse: levi negotio ab illa obtineri, quæ quis optat, posse. Si de viro ecclesiastico, qui aliquoties ad abacum luforium visus est, additur: ei mensam luforiam accessus ad Missam & recessus loco esse; Aut si, quia forte una aut altera vice plus, quam par erat, vini hausit, adjungitur: eum mero deditum esse &c. Si de puella clam parentibus amori operam dante adjicitur: brevi eam matrem fore, quin tamen virum habeat.

(a) 2. 2. q. 73. a. 1.

beat &c. Si de aliquo, qui aliquoties tardus ad solvendum fuit, additur: eum avarum, debitorem haud probum, Judæis deteriorē esse &c. Si de aliqua unius adulterii dedecore notata adjungitur: istud scēpius factum esse. Paucis: quando id, quod vero adjicitur, notabilem in modum delictum admissum auget, & personam notabiliter magis abominabilem reddit, mortaliter peccatur peccato detractionis.

Tertius est divulgare delictum Proximi verum, at occultum: Et hic detrahendi modus maxime viget atque in usu est; cum homines existunt, dummodo factum verum sit, id prodi cuiuslibet licere. At errant & graviter peccant nescientibus id pandentes, quamdiu occultum est: nimirum paucis cognitum. Nam tamen persona rea famam suam apud illos paucos amiserit, nihilominus eandem apud plarimos retinet: Atque ob eam causam, qui illud delictum nescienti revelat, Proximi famam apud eundem graviter lædit. Immo hac maxime re fit, ut tandem bona fama Proximi apud omnes emoriatur, non sine gravissimo peccato, quo se tum ille qui delictum vulgare capit, tum ille qui vulgare pergit, obstringit: Quo super capite dubia quæstio, a Theologis moralibus proponi solita, solvenda occurrit: nimirum utrum sine peccati mortalis culpa factum Proximi occultum viro gravi ac sapienti narrari possit addita obligatione, illud sub secreto naturali silentio premendi? Quidquid nonnulli Scriptores in contrarium sentiant, fieri hoc sine peccato mortali non potest: Sic docet S. Thomas dicens (b) *Etiansi uni soli aliquis de absente malum dicat, corrumpit famam ejus, non in toto sed in parte.* Neque juvat dicere: Persona, cui delictum revelo, gravis est, sapiens est, taciturna est; Ob hoc ipsum fama magis maculatur; cum constet, quod multo majoris damni loco habeatur, apud unum virum sapientem ac gravem (quisquis ille sit) infamari quam apud decem alias personas nullius nominis & pretii. Hæc præter S. Joannes Chrysostomus (c) in

hujus, quam defendo, veræ opinionis confirmationem rifu dignam judicat cautionem, quam adhibere isti Referendarii (Hoc eos nomine vocari libet) & scelerrum delatores solent: dum altum silentium iis, quibus Proximi delictum patefecerunt, imponunt: Hoc vero ridiculum magis est . . . cum aliquid arcantum dixerint, rogant audientem & adjurant, ne cuiquam amplius alteri dicat, hinc declarantes, quod rem reprehensione dignam commiserunt. Si enim illum, ut nemini dicat, rogas, multo magis te priorem huic dicere non oportebat: In tuto sermonem habebas; postquam ipsius prodidisti, tunc salutem ipsius curas? Si non vis esse ferri, neque alteri ipse dicas; postquam vero alteri prodidisti sermonis custodiam, superflua facis & inuisita, admonens & obtestans de proditorum custodia. Itaque nefas, Proximi delictum ad alquem, utut sapientissimum, deserre; nisi causæ urgentes, inferius adducendæ, accesserint.

Quartus modus est rem laude ac commendatione dignam, quasi malo animo maloque consilio gestam, traducere. Qui sic agit, duplex grave peccatum admittit, videlicet peccatum iudicii temerarii & peccatum detractionis: Iudicii temerarii; quia sine gravi causâ male de Proximo judicat: Detractionis; quia iudicium suum in detrimentum famæ illius, de quo judicat, alius manifestat. Heu! quot audiuntur, qui cum actionem Proximi rodere nequeunt, illius intentionem maledicentiæ veneno corrumpere tentant? Sic e. g. dicunt: Vir ille ecclesiasticus pietatem simulat; quia ad parochiæ administrationem aspirat, quia hanc, illam dignitatem: hoc illud, Beneficium ambit. Vir ille nobilis eleemosynam facit, ut nomen sibi pariat, & ad illud honoris fastigium, ad illam dignitatem promoveatur. Hic SS. Sacramenta crebro recipit, ut viro faminæ illius, quam frequenter invisit, omnem de se mali suspensionem tollat. Illa multis se laboribus occupari simulat, ut quæsum, quem secreto facit, quasi quodam specioso velamento tegat: luxui illius lucrum labore partum, sine occulto quæstu, haud

fulsi-

(b) 2. 2. q. 73. a. 1.

(c) Homil. 3. ad Pop. Antioch.

fufficere poteft. Ifta puella pie vivit, ut genitoribus fuis imponat & majorem cum illo juvene, ædes patrias frequentante, agendi libertatem fibi paret. Illius confeffarii in juvandis poenitentibus affiduitas haud omnis ex charitate; fed ex fordido commodorum propriorum ftudio fluit, ut famam fibi comparet, ut in illo concurfu fuffragia certa ferat, ut ex pinguibus donis laute vivat. His & fimilibus modis temere de Proximo judicantes bonam illius famam piis operibus promeritam commaculant.

Succedunt alii tres vel quatuor modi, quibus fama Proximi indirecte atterritur. Primus eft, factam negare actionem aliquam, qua facienti bona fama conciliatur. Sic nonnulli, ubi fermo incidit, illum vel illam a præteritis facinoribus refpuiffe, hoc verum effe negant. Sic negant, alium hanc infignem pietatis actionem perpetrafle; virum illum doctum publici actus literarii optatum exitum habuiffe; illam pudicam fæminam cum generofitate Chriftiano digna munus remiffiffe ei, qui illud mittere haud debuiffet; iftam perfonam ecclefiafticam in examine non omnia puncta tuliffe, cum tamen tulerit &c. Secundus eft minuire actionem Proximi: Sunt nonnulli, qui etfi actiones Proximi non negent, tamen illas extenuant. Sic dicunt: Ille quidem probus eft, fed probiorem eum vellem: melius faceret, fi pauciores Miffas audiret: minus illi vacaret; Et debuit mihi (Ecce rem occultam & nemini notam) foolvere. Illa ufitatas noftro ævo virorum ancillationes declinat quidem; at ifti domino nimium favet: Omnes fugitat, huic ultro occurrit. Ille vir ecclefiafticus e fuffeßu bene & zelofe perorat; ac credo, quod non proferat de thefauro fuo; dimidiam ejus orationem in quodam libro inveni: Urget eleemofynam, quæ ad ipfam reddit; de ea, quæ ad alios pertinet, multum frigido hortationis genere uti videtur; Hinc apparet, eum haud per omnia Dei & Proximi charitate ad dicendum agi. Vir ille nobilis magna cum liberalitate pauperes, præfertim eos quos a mendicando pu-

P. Cuniliati Catechifta.

dor retrahit, traftat; at etiam in certam dominam nimis liberalem fe præbet. Hicce & fimilibus formulis actiones bonæ ita negantur & extenuantur, ut non folum bona fama Proximi non augeatur; fed etiam obfcuretur & quandoque penitus extinguitur.

Tertius & quartus detrahendi modus eft, tacere vel frigide ac remiffe laudare. Ad hunc modum reducuntur certa afuti atque artificiofi fientii genera: Senfa animi explico. Adeft quidam alicui cœtui, in quo fama Proximi ex fupposito scelere quodam laceratur; Ille, qui præfens effe a me ponitur, & alioquin fcit, hanc actionem Proximo falfo imponi, interrogatur ab adftantium nonnullis: Heus, chare! Quid tu ad ifta? Nofti optime familiam illam univerfam, tibi que melius, quam nobis, fcire licet, quomodo ifta maxime res fe habeat? Dic, fodes! Ille contra tacet aut forfitan fubridens reponit: Quid vultis, ut dicam; cum tamen dicere graviter negando poffet: Hoc verum non eft, & verum non effe; certo fcio. Talis fîlento graviter peccat & infamiam conceptam magis confirmat, peccans contra charitatem & contra juftitiam; nam in his circumftantiis tenetur fciſcitantibus reponere id, quod verum effe novit: nimirum falſam effe illam imputationem: Immo, etiam non interrogatus, tenetur gravi charitatis obligatione, ut dicat: fcire fe, falfo imputari Proximo hoc scelus; & fic illius famæ apud præſentes periclitanti fuccurrere. Ex hoc exemplo colligite, quidnam de multis fimilibus cafibus ftatui oporteat? Ad iftud fîlentii genus referri debet alius detrahendi modus longe uſitatiffimus per reticentiam, figuram omnium, quas delatorum mentibus diabolus fuffeßit, peſſimam atque ſignificantiffimam. Utuntur autem illa his & fimilibus modis. Audiunt e. g. aliquem proba in alium jeciſſe; & dicunt: Si fic male mihi dixiſſet, ſciuiſſem probe, quo os illi obtuſiſſem: objeciſſem illi hoc, quod de illo novi at dicere in præſentiarum nolo. Accidit, virum viro aut

D d d

fæmi-

fœminam fœminæ aliquid minus gratum dicere; & respondent: Tu ista mihi? Nescis, optimum consilium in silentio tibi esse? Ignoras, quid ego de te dicere in opprobrium tuum possem. Audiunt male loqui de hac illave persona; & dicunt: Oh si vos, quæ ego, de illa nossetis, comæ vobis præ horrore arrigerentur. Audiunt laudare hunc vel illam; & taciti auscultant; & iactant humeros, & eos corporis gestus agunt, qui bonæ existimationis, quam de Proximo reliqui habent, contemptum atque derisum produunt; & addunt: Si sciretis omnia, non tantis laudibus eum esseretur. At quærunt reliqui: Hem! quid vos deum de illo scitis? Et reponunt: Ah! nec licet nec libet dicere: Væ nobis! si hoc panderemus. Aut dicunt: Ob hoc quidem laudem meretur; at . . . quam optarem, ut mihi per omnia eum laudare liceret! latet nescio quid, quod multum obest; Hæc satis sunt. Dicunt amicorum alicui aut pluribus mæsto & severo oris habitu: Ah! si sciretis, quantam ægritudinem ego sentiam! Reponunt amici: Cur illam? Quia de hoc vel illa magnum scelus comperi: Quodnam voluit? Avertat Deus, ut prodam; si omnes mundi thesauri mihi offerrentur, non dixerim. Omnes hæ figuræ diabolicæ sunt & modi reticentiæ, qui faciunt, ut audientes multo graviora, quam quæ tacentur, gesta fuisse putent. Audiunt in quodam conventu vulgari factum infame alicujus personæ meris relationibus comperitum nec omnino certum; & silentium rumpentes subdunt: Novi & ego istud, sed nunquam prodere ausus essem; At quoniam illud referri ab aliis audio, negare non possum; nimis eheu! verum est; dolens dico: Grave delictum est; & ægre me habet, quod delinquens negare illud haud queat. Percipite, quomodo omnes has eloquentiæ diabolicæ figuras S. Bernardus (d) describat, qui postquam in vitium detractionis graviter invecus esset, tanquam subtilem modis memoratis sese expellendi artem, quæ male de Proximo vel auditis vel dictis

fides major conciliatur, nobis his verbis detegit. Alii autem quodam simulata vereturia suo conceptam malitiam, quam retinere non possunt, adumbrare conantur. Videas alta præmitti suspiria, seque quædam cum gravitate & tarditate, vultu mæsto, demissis superciliis & voce plangentis egredi maledictionem, & qui tem tanto persuasibiliorem, quanto creditur ab his, qui audiunt, corde invito & magis condolentis affectu quam malitiose proferri: Doleo (inquit) vehementer pro eo; quod diligo eum satis, & nunquam potui de hac re corrigere eum. Et alius: Mihi quidem, ait, bene comperitum fuerat de illo istud, sed per me nunquam innotuisset; at quoniam per alterum patefacta est res, veritatem negare non possum; dolens dico, reversa ita est, & addit: Grande damnum; nam alias quidem in pluribus valet, ceterum in hac parte, ut verum fateamur; excusari non potest. Ecce vobis minutissime descriptas varias figuras, quibus detractores utuntur, qui, dum cordis sui malignitatem pietatis coloribus insulant, dirum linguæ venenum spargere solent!

Postquam, O mei! varios famam Proximi plus minusve obscurandi aut penitus extinguendi modos didicistis; jam perniciosissimos detractionis effectus percipite! Hos verbis significantissimis exprimere Spiritus sanctus voluit. In quodam loco dicit: *Os lubricum operatur ruinas* (e) in quo textu & vox (ruina) & numeri pluralitas (ruinas) observanda est. Alio in loco linguam vocat ignem, magnam sylvam succendentem: *Ecce quantus ignis! quam magnam sylvam incendit? Et lingua ignis est, universitas iniquitatis* . . . *inflammata rotam natiuitatis nostræ* (Versio Syriaca habet: *Seriem genealogiarum*) *inflammata a gehenna* (f) Quibus verbis omnibus linguæ detractricis crudelitas manifestatur; nam hæc igne suo non solum famam ejus, cui detrahit, accendit sed ad illius quoque posteros incendium suum transmittit, [quippe qui ex personæ principalis crematione toti adusti remanent: quo fit, ut nec ad dignitatum fastigia nec ad honorificas nuptias nec ad illa lucrosa officia

grassa-

(d) *Serm. 24. in Cant.*

(e) *Prov. 26.*

(f) *Jac. 3.*

graffari queant, ad quæ pervenissent, fin minus eos excitatus per incendium, quod famam principalis personæ consumpsit, fumus infuscalet.

Et quoniam nobis has linguas, tanquam incendiarias, Spiritus sanctus exhibuit; ut quas clades illæ edant, melius explicem, pulchra figura utar, quam Propheta Jeremias cap. 11. offert. Viditis bonam gentis aut familiæ a Deo benedictæ famam olivæ pulchræ, frondosæ, fructiferæ immo multis furculis septæ imagine expressam: *Olivam uberem; pulchram, fructiferam speciosam vocavit Dominus nomen tuum.* At ecce! *ad vocem loquelæ grandis exarsit ignis in ea, & combusta sunt fruteta ejus.* En sub memorata ignis allegoria ad vivum descripta damna ingentia, quæ lingua maledica creat! Est e. g. familia nobilis ab omnibus magni habita: *Olivam uberem, speciosam vocavit Dominus nomen tuum.* Loquitur lingua maledica, imponit falsum crimen ante præteritam infamiam actionem manifestat, & ecce! *ad vocem loquelæ grandis exarsit ignis in ea?* Quid deinde? Ecce! furculis illius familiæ, fratribus jam præclusa via ad eos gradus atque illa munera, ad quæ jure aspirabant: *Et combusta sunt fruteta ejus.* Est vir ecclesiasticus optima omnium existimatione florens: *Olivam uberem nomen tuum.* Prodit in medium maledicus divulgans occultum illius delictum, præteritis temporibus admissum, jam emendatum: Et ecce! *ad vocem loquelæ grandis exarsit ignis in eo.* Quid deinde? Ecce! jam non licet ei ambire Beneficium illud, ex quo & ad pauperem ejus familiam & ad alios opis ejus indigos vitæ subsidia redissent: *Et combusta sunt fruteta ejus.* Est filia viro matura, jam honorificis & opportunis destinata nuptiis, ab omnibus ut pudicitiae exemplar habita: *Olivam uberem nomen tuum.* Comparat obtrectator, & assert delictum nemini ulli unquam cognitum: Et ecce! *ad vocem loquelæ grandis exarsit ignis in ea;* Quid deinde? Ecce! Omnis pactio nuptialis resolvitur; congruæ collocationis ratio omnis præscinditur; sperata evane-

scunt commoda; familia universa turbatur: *Et combusta sunt fruteta ejus.* Sic de ceteris personis statuite omnibus, quarum infamia ad familiam, ad posteros saltem per plurimum lustrorum spatia transit, unaque omnem commodorum, honorum & quæstuum, quos jure illi expectare poterant, spem rapit: *Ad vocem loquelæ grandis exarsit ignis in ea & combusta sunt fruteta ejus.* Nonne igitur merito S. Jacobus pronunciavit, quod lingua *inflammata rotam nativitatis nostræ, seriem genealogiarum, & quod sit universitas iniquitatis.*

Dicit aliquis: Ergone nunquam licet revelare factum aliquod ceteroquin verum, si infamatorium est? Respondeo: licere hoc equidem posse, at solum si (Adverte animos) si debitæ circumstantiæ observantur, videlicet 1º si revelare illud sive bonum commune sive notabile vel proprium vel Proximi commodum plane postulat: 2º si illis solum personis, quæ omnino necessariæ sunt, revelatur: 3º si his personis revelatur addita obligatione, ut illud aliis haud manifestent, sed necessarium remedium asserant, quo malum, quod oriturum non sine ratione creditur, aut non oriatur aut, si ortum sit, latius haud serpat. Hæ circumstantiæ omnes si servantur, non solum illicitum sed etiam licitum immo & laudabile erit, delictum Proximi prodere; nam hoc non est infamiam inurere Proximo, sed vel communitatem vel seipsum vel alios jaste defendere: Et hac ratione sceleris manifestationem sequitur fontis infamia præter intentionem manifestantis. Ita S. Thomas: *Ille qui malitiam aliqujus manifestat ei, qui habet corrigere; vel etiam (si sit incorrigibilis) in conspectu Ecclesiæ, ut confusus a peccato desistat; vel saltem ut alii ab ejus consortio corruptivo discedant, servato ordine fraternæ charitatis, non injuste famam aufert; unde non tenetur ad famæ restitutionem (g)* Duo adducere exempla juvat, quæ vobis in aliis similibus casibus normæ instar sint. Ponite aliquem optimam nominis famam gerentem, immo etiam in honore constitutum per speciem honestæ amicitie familiam quandam frequenter invisere:

D d d 2

in

(g) In 4. Dist. 14. q. 2. a. 5. q. 2. ad 1.

in hac esse filiam aut uxorem, quam ille in oculis fert, cui insidias fruit omnem lapidem movens, ut eam impuræ cupiditati suæ concedere faciat: Resistit filia aut uxor; ast sibi ipsi ultro metuit, ne vel cadat vel præsentissimum casus periculum subeat: Nescit, quomodo se extricet, cum puta ut filia & non hera aut uxor subdita viro, qui hunc talem sæpius in domo sua esse vult, scelcratum pudoris & animæ aucupem ædibus interdiceret non possit: cui, quod ab familia universa tum ob mores, quos palam ostendit, tum ob gradus, quem tenet, dignitatem, tum ob officia, quæ administrat, pro homine fide maxima digno habeatur, vagari per omnia cubilia & soli cum solis, quibuscum voluerit, loqui licet. Filia vel uxor conscientia agitata stimulis & a docto admonita confessorio sæpius eidem servera facie dixit, ne introiret, ubi ipsa sola esset; Ille contra suis sisus cogitationibus non desistit, eamque aut vincit aut oppugnat non sine periculo, ne vincatur. Quid faciat uxor vel filia? Debet insidiatori libere dicere: Si me mihi non relinquas, dicam patri aut viro meo, ut te longe domo arceat: Quod si tunc apud illum infamiam subjeris, tua erit culpa. Impudens nihilominus non desistit, sed tentare eam pergit. Ecce tenetis rem: Debet in hoc casu filia aut uxor patrem aut virum alto silentio imposito commonefacere, ut scelestum hunc, quin tamen nefandos illius ausus divulgat, coarguat, increpet, domo ejiciat. Hæc via unica, hæc necessaria, qua illæ ad justam animarum suarum defensionem uti debent: Et si alter exinde apud patrem vel virum infamatur, infamiam sibi habeat; cum eam in se ultro accersiverit.

Similiter si quis in quadam materia gravi consilio indigens alium consiliarium nancisci non potest, quam eum solum, cui cognita est persona necessario manifesta; postquam prius altum silentium rei patefaciendæ ab illo sibi postulavit & assensum obtinuit, potest prodere personam; si hoc eo necessarium sit, ut opportuno consilio juvetur; nam necessitas excusat illum a reatu

detractionis. Extra hos aut similes casus nunquam licet sua sponte culpam Proximi infamatoriam cuicunque demum revelare. Dixi: *sua sponte*; nam in judicio legali vocatus testis in conscientia dicere veritatem, qualis est, debet de iis, quæ vel vidit ipsus vel ab aliis accepit.

Quisquis igitur Proximum sine ratione & gravi causa infamat; cum non solum contra charitatem sed etiam contra justitiam peccet, incurrit obligationem restitutionis. Ast hoc opus, hic labor est; nam restitutio pro varia ratione modorum, quibus famam Proximi atteri vel plane conteri superius monui, fieri debet. Certum manet, eum, qui calumniando seu falsum crimen imponendo alium in infamiam adduxit, teneri, ut declaret (etiam jurejurando, si opus sit) se falsum dixisse; Et hoc non solum apud eos, coram quibus falsum dixit, sed etiam apud illos, ad quos ii, qui audiverunt, falsum crimen detulerunt, facere debet; si, qui primitus audiverunt, id facere detrectant; Et si in publicum emanavit calumnia, publica retractatione, quæ ad omnium notitiam perveniat, diluere eam debet justitia, quæ graviter læsa fuit, hoc sibi postulante; prout quilibet videt. Proh gravia linguæ maledicæ onera! Quam difficulter deponimini! Quam facile econtra in interitum trahitis! Qui vero crimen verum, at occultum, de Proximo divulgavit, tenetur coram eis, ad quos illius notitia pervenit, declarare: se erravisse & male dixisse; cum verissimum sit, quod erraverit & mala dixerit dicendo, quæ dicere haud oportuit: Debet præterea modis (quibus potest) curare omnibus, ut personam læsam pristinae bonæ famæ restituat, & de eadem, quidquid potest, boni dicere; Quod si fieri morali modo adæquata famæ compensatio non potest, debet facere compensationem in alio bonorum genere, sive per nummos sive per alia. Ita per omnia sentit S. Thomas; Percipite verba illius (h) Aliquis potest alicui famam tripliciter auferre; uno modo verum dicendo & jure (de hoc superius dixi) puta cum aliquis

crimen alicujus prodit ordine debito servato, & tunc non tenetur ad restitutionem famæ; alio modo falsum dicendo & injuste, & tunc tenetur restituere famam, constituendo se falsum dixisse; tertio modo dicendo verum sed injuste, puta cum aliquis prodit crimen alterius contra ordinem debitum, & tunc tenetur ad restitutionem famæ, quantum potest, sine mendacio tamen: utpote quod dicat, se male dixisse vel quod injuste diffamaverit: vel si non potest famam restitueri, debet ei aliter recompenfare.

Sed quid jam de damnis realibus dicam, quæ consequi detractioes injuste factas solent, dum sive falsum Proximo imponitur: sive delictum illius verum quidem, at occultum, proditor: sive verum & vulgatum notabiliter augetur? Affirmant uno ore Theologi omnes: teneri detractorem ad compensationem horum damnorum omnium; nam cum sua injusta actione causam præbuerit horum damnorum, eadem refarcire obligatur; pro eo ut sapiens ac doctus confessorius perpensis rei circumstantiis judicaverit. Hinc qui injuste detrahendo in causa fuit, quod vir ecclesiasticus hoc, illud Beneficium consecutus non sit: quod alius hoc, illud lucrosus minus non obtinuerit: quod illa familia hæreditatem adepta non sit: quod hæc, illa puella matrimonio tum sibi tum familiæ ejus multum proficuo exciderit: quod operarius hoc, illove quæstus genere privatus sit &c. Debet damna hæc omnia compensare pro ratione certitudinis, quam hæ personæ de istis commodis obtinendis habuerunt, sinminus lingua maledica obstacula posuisset: Idque facere tam strictè obligatur, ut, si forte ipse sinistro casu ante præstitam hanc compensationem moreretur, compensationis hujus obligatio ad hæredes illius transeat; nam cum ista obligatio realis sit, nimirum in facultate mortui cadat; ob id ad eos transmittitur, quibus illæ facultates hæreditate obtingunt: Et cum obligatio hæc ex jure naturali oriatur, ob id non est mortalium quisquam, qui illius remittendæ potestatem habeat, nisi persona læsa. quæ liberrime declarare debet: Remitto

tibi ultro omnem compensationem, quam debes. Omnis doctrina hæc unanimi scriptorum cunctorum calculo receptis tum juribus naturalis tum Theologiæ moralis principiis nititur; Sed vos, O mei! quid jam de tot tantisque oneribus sentitis, quæ lingua maledica imponit? Nunquid putatis, male de Proximo loqui quonquam facile ausurum, si gravissimæ detractiois consecutiones probe expenderentur, nimirum vel recantandum vel poenas inferni subeundas esse: vel reparanda esse pro viribus damna illata vel æternum pereundum.

Ita est, O mei! Statui: maledicum in præsentissimo amittendæ salutis æternæ periculo versari non solum ob difficultates, quas superare debet, ut debito suo faciat satis; sed etiam ob minas, quas in hoc hominum genus Deus in S. Scriptura intendat. Detractoribus Verbum Dei mortem repentinam denunciatur: *Fili mi . . . cum detractoribus ne commiscearis, quoniam repentinè consurget perditio eorum* (i) Alibi dicitur: *Huic exemplo venit perditio sua & conteretur, nec habebit ultra medicinam* (k).

Et ecce! si lubet, facta a Deo revelata, quibus horum vaticiniorum veritas confirmatur. Nostis aliunde, Core Dathan & Abiron Moyfi detraxisse: Ast quomodo perierunt? *Separamini, Deus ipsi Moyfi dixit, de medio congregationis hujus (detractorum horum) ut eos repente disperdam.* Et re vera sic evenit; Recedentibus namque ceteris, ecce! *disrupta est terra sub pedibus eorum . . . descenderuntque vivi in infernum aperti humo, & perierunt de medio multitudinis* (l) Eadem ferme fors alios Israelitas in Moysem maledictos sustulit, qui volatilia faciendæ ingluviæ suæ postularant & obtinuerant: *Adhuc enim carni erant in dentibus eorum, nec desceverat hujusmodi cibus; & ecce! furor Domini concitatus in populum percussit eum plaga magna nimis* (m) Et David addit: *Occidit pingues eorum* (n) Simili modo simillique de causa, videlicet quod Moyfi detraxerint, plurimi Hebræorum venenatorum serpentum subito a Deo immisorum ictibus ceciderunt.

Ddd 3

(i) Prov. 24.

(k) Prov. 6.

(l) Num. 16.

(m) Num. 11.

(n) Psalm. 77.

ceciderunt : *Quamobrem* (o) *misit Dominus in populum ignitor serpentes, ad quorum plagas & mortes plurimorum reliqui venerunt ad Moysen, atque dixerunt : Peccavimus &c.* Ecce! O mei! qua morte detractores inte-
reant.

Quod autem exterrere nos maxime debet, æterna est e paradiso proscriptio in ipso Dei Verbo maledicis prænuntiata: *Detrañtores*, ait Paulus, *Deo odibiles* (p) Et alibi: *Maledici Regnum Dei non obtinebunt.* Dicit aliquis: Ergone nullum superat remedium in detractiois peccatum lapsus? Superat, Chare! uti aliis, ita etiam huic vitio; & est serius ac verus dolor: At si serius & verus est, conjunctam quoque habere debet veram ac firmam voluntatem reparandi damnum famæ & etiam bonorum, si quod ex infamia natum est. Verum quo-

niam hæc reparatio (pro eo ut opus est, & ego superius exposui) non nisi difficillime præstatur maxime ab his, qui multarum infamationum & respectu multarum personarum rei sunt, ob id facillime fit, ut damnatio detractores sequatur & comprobetur illud: *Maledici Regnum Dei non possidebunt.* Quisquis igitur detractiois & damnorum per illam Proximo illatorum sibi conscius est, cum sapienti & docto confessario obligationes suas expendat, & studiose impleat ea, quæ sibi pro personarum læsarum in integrum restitutione imponuntur, statimque decernat, omnibus cavere modis, ne amplius male de Proximo loquatur. Secus metuat, & magnopere metuat salutis suæ; cum inevitabilis inter hæc duo optio sit: Recantare aut dampnari; Restituere aut perire.

(o) Num. 21.

(p) Rom. 1.

SERMO LVIII.

De occisione vitæ supernaturalis, videlicet de Scandalo; & primo de Scandalo verborum.

SI magnæ crudelitatis est, O mei! Proximum vita naturali & civili injuste privare; certe maximæ sævitæ erit, eundem vita supernaturali spoliare. Vita naturali Proximus privatur, dum anima e corpore expellitur: Vita civili exiit, dum bona fama privatur: Vita supernaturali spoliatur, dum divina ei gratia rapitur. Vita naturali per ferrum aut simile instrumentum: Vita civili per detractioem: Vita supernaturali per scandalum privatur. Ex hoc statim intelligitis, quod, quantum gratia divina vitam ac famam dignitate sua superat, tantum scandalum reatu suo homicidium ac detractioem vincat. Et si in homicidas ac maledicos duos priores sermones direxi, jam ratio postulare videtur, ut similiter in

scandalosos duobus sermonibus (hoc nimirum præsentī & sequenti) invehar.

Itaque quid est scandalum? *Scandalum est*, teste S. Thoma, cui Theologi omnes consentiunt, *dictum vel factum minus rectum præbens alteri occasionem ruinæ* (a) Hoc dictum vel factum malum ac scandalosum potest esse (Uti omnibus liquet) solum veniale solumque ad veniale peccatum inducens; & tunc (regulariter loquendo) scandalum est solum veniale. At si scandalosum dictum vel factum est peccatum mortale: aut quamvis solum leve sit, tamen animo ad mortaliter peccandum inducendi ponatur: aut si Proximus ad peccatum veniale per actionem mortalem trahitur, tum scandalum est peccatum grave. Ita idem S. Thomas

(b) Si

(a) 2. 2. q. 43. a. 1.

(b) *Si intendat inducere Proximum in peccatum mortale, mortaliter peccat; si autem intendat inducere ad aliquod veniale, peccat venialiter, quantum pertinet ad rationem scandali; quia si intenderet ducere in peccatum veniale per actum mortalis peccati, peccaret mortaliter, sed hoc occideret scandalum.* Nos in hoc sermone solum de scandalo, quod verbis (& quidem graviter scandalosis) præbetur, dicemus.

Scandalum Theologi omnes una cum S. Thoma in *actiivum* & *passivum* dividunt: Scandalum *actiivum* est actio scandalosa, quæ fit; Scandalum *passivum* est ipse lapsus illius, qui accipit scandalum, v. g. Aliquis sollicitat alium ad peccandum; actio sollicitantis dicitur scandalum *actiivum*: Et si persona sollicitata cedit atque peccato consentit, dicitur scandalum *passivum*. Nos solum de scandalo *actiivo*, scilicet de personis scandalum impiis sermonibus suis dantibus, agemus.

Quo in loco quatuor errores de scandalo *actiivo* mihi detegendi occurrunt. Sunt multi, qui credunt, tum demum se scandalum dare, quando res malas in ore & auribus personarum bonæ frugis, & quæ non ita facile in malum ducuntur, faciunt vel dicunt: contra se scandali reos haud fieri, si memorata apud personas licentiosas & profligatas, quales ipsi sunt, dicunt aut faciunt. Hic primus est & oppido gravis error; nam tum profecto verius est scandalum *actiivum*. Asserti mei causam hanc reddo: Est scandalum (Uti monui) dictum vel factum malum alteri occasione peccandi præbens; Itaque eo magis comprobatur, actionem aliquam esse scandalosam, quo efficacior illa est ad producendum in aliis peccatum; Jam facillime fit, ut pravi homines, male facere aut loqui alium videntes vel audientes, illud ipsum malum faciant vel dicant: Erit ergo tum profecto verius scandalum, quando dictum vel factum malum coram personis ad peccandum pronis effertur vel geritur; quam si effertur aut geritur coram personis, ad peccandum tardis. Hinc si mihi

dicatis: personas bonæ frugis in actionibus aut verbis scandalosis magis stupere quam personas malæ frugis, hoc vobis ut verissimum concesserim: At scandalum non in eo consistit, quod stupor moveatur, sed quod peccandi incitamentum præbeatur; hinc tanto verius scandalum est, quanto facilius succedere incitamento lapsus potest; quod ipsum in personis pravis potius quam in bonis fit. Itaque si coram alio malum vel geritur vel dicitur (Utut ille longe dissolutissimus sit) semper scandalum manet; quia semper habet vim in peccatum & animæ perniciem trahendi.

Alter error est eorum, qui putant se scandalum haud dare, si illud lapsus Proximi non sequatur; hinc si scandalosa faciunt aut dicunt coram personis in vitæ probitate stabilibus ac confirmatis, ita ut vereri haud liceat, eas inde damnum aliquod accepturas esse, scandalum non fuisse asserunt. Etiam hic juxta cum præcedenti valde gravis error est; nam scandalum non est illud solum dictum aut factum malum, cui ruina spiritualis alterius ipsa re succedit; sed quod præbet occasionem ruinæ: Hinc quamvis personæ rem scandalosam videntes vel audientes firmissima & labefactari plane nescia probitate sint, tamen scandalum datur; quoniam illa res scandalosa ex sua natura ansam ruinæ præbet, & mero casu fit, quod ruina non sequatur, ob stabilem præsentis personæ pietatem: *Quandoque scandalum actiivum est sine passivo, ait loco citato cum Theologis omnibus S. Thomas, puta cum aliquis inducit verbo vel facto alium ad peccandum; & ille non consentit.*

Tertius error est eorum, qui scandalosa faciunt aut dicunt non quidem eo animo, ut alios seducant, immo nolunt quemquam cadere; attamen scandalosa illa dicunt & faciunt, credentes ob id se scandalum haud dare. Verum etiam hoc, ait cum Theologis omnibus S. Thomas loco sæpius laudato, vere scandalum *actiivum* est; cum intentio non scandalizandi quenquam nihil juvet, si dictum vel factum ex sua natura scandalosum

(b) *Et 4. Sent. dist. 38. q. 2. a. 2. q. 3.*

iosum sit: *Per se quidem est occasio peccandi, quando aliquis suo malo verbo vel facto intendit alium ad peccatum inducere; vel etiam (Notate bene) si ipse hoc non intendat, ipsum factum est tale, quod de sui ratione habet, quod sit induktivum ad peccandum; puta cum aliquis publice facit peccatum vel quod habet similitudinem peccati: Et tunc ille, qui hujusmodi actum facit, proprie dat occasionem ruinæ; unde vocatur scandalum activum.*

Bene observetis velim verba S. Doctoris, quibus affirmat: verum scandalum activum dari non solum ab eo, qui facit publice peccatum; sed etiam ab eo, qui facit, quod habet similitudinem peccati: *Cum aliquis facit publice peccatum vel quod habet similitudinem peccati proprie dat occasionem ruinæ & scandalum activum.* Hæc (inquam) bene observetis velim, ut quartus error tollatur eorum, qui aliqua non malo animo faciunt, v. g. Agunt certas visitationes, certas alunt amicitias, certa frequentant loca, munera & literas certis personis mittunt &c. quæ res mali speciem præferunt. Etiam hi, ait cum Theologis omnibus S. Thomas, dant scandalum & abstinere ab his actionibus debent, ne aliis offensionem sint. Sed hæc isto in loco satis sit commemorasse, quippe de quibus sequenti sermone prolixius agetur; cum in hoc præsentis solum de scandalo verborum differere statuerim.

Atque ut propositum argumentum ordine suo inajorique cum fructu tractem, ad ea pravorum & scandalorum verborum genera, quæ inagis in usu sunt gravioremque animabus perniciem afferunt, sermonem meum cogam.

Primum verborum genus, in quod invehor, sunt verba ad Religionem Fideinque respectu veritatum tum credendarum tum exercendarum, pertinentia. Atque ut verum fatear, O mei! quam sacrilega de Religionis sanctæ capitibus (maxime iis, quæ humanam concupiscentiam a brutorum affectuum expletione cohibere plurimum va-

lent) loquendi licentia paucis abhinc lustris obtinere coæcepit? Heu! quæ propositiones de animæ immortalitate, de pœnis inferni, de mundi gubernatrice providentia audiuntur? Heu! quæ propositiones jactantur, ut licita videantur ea, ad quæ naturæ corruptæ pravitatis inclinat: ut peccato luxuriæ sædillimo omnis horror ac turpitudine detrahatur: ut lascivix impetus viam faciliorem invenient & culpæ immunitate donentur? In hæc, heu! quæ dogmata sparguntur? Nonne sunt, qui ut castæ puellæ alicujus, virilem in modum resistentis, animum expugnent, eidem dicunt: Atque utinam non etiam linguæ consecratæ proferrent! Levia hæc esse: Tactus, oscula &c. aut omnino mala non esse aut facile aqua lustrali abstergi? Nonne hæc & similia docent impii illi ac scandalosi, ut vel animas ob timorem offendendi Deum reluctantes vincant, vel ob metum justitiæ divinæ a peccato admisso consurgere volentes in malo retineant? Jam hi tales, cum gravissimum scandali peccatum admittant, strictissime obligantur, ut prolatas falsitates retrahant, estli scandalum ab eis datum ruina Proximi secuta non sit; idque vel maxime si is, qui talia protulit, respectu personæ, cui hæc dicta sunt, sit alicujus nominis atque auctoritatis. Præterea persona, quæ has aut similes falsitates proferri audit, sub peccato gravi tenetur, ut Superiori suo id referat. Vobis itaque, O puellæ, O fœminæ honestatis amantes! ab hujusmodi basiliscis ipso halitu venenum afflantibus cavete, nec capi vos finite, quamvis summx doctrinæ, nominis & auctoritatis sint ii, qui vobis talia loquuntur; cum hæc omnia nil nisi artes diabolicæ sint, ut tales a vobis ex Fide, quam prosternimini, & horrore naturali, quem conscientia inspirat, cognitæ atque ab illis seductoris adhibite, ut vos in peccatum trahant. Sunt istius modi homines quidam quasi diaboli, cujus etiam vices gerunt, ut vos sternant. Hinc sorti animo eis dicite: quod ipsos ad S. Inquisitionis tribunal deferre

ferre velitis; pront tenemini. Utrum autem ego illos totidem in carne diabolos ex vero nuncuparim, percipite!

Diabolum caput & antesignanum esse scandalorum omnium, maxime illorum, qui etiam falsis doctrinis alios ad obsequendum effrænatæ cupiditatis suis inducere tentant, jam olim S. Joannes Apostolus (c) pronuntiavit: *Diabolus & Satanar, qui seducit univèrsam orbem.* Hinc magnam Angelorum partem in cælo seduxit, totidem diabolos cum ipso effectos: Hic homines in hoc mundo seducit, ut Deum offendant. Nihil miror, Judam a Jesu diabolum appellatum esse; cum scandalum omnium maxime enormè dederit, prodendo & vendendo magistrum suum: *Ex vobis unus diabolus est.* At quod idem Servator eodem diaboli nomine S. Petrum in quadam occasione compellavit, hoc capi difficulter posse videtur. Occasio autem fuit hæc: Narrabat Jesus Apostolis suis, quomodo ascendere Hierosolymam, ibique illas longo ex ordine contumelias, opprobria, ignominiam, pœnas, ac denique mortem perferre deberet; Hæc audiens Petrus, quasi improbus istud Servatoris propositum, dixit: *Abstine a te Domine! non erit tibi sic* (d) Ad quæ Christus non-nihil indignatus: *Vade post me, Satana! scandalo mihi es.* Heus, charè Servator! cur nomen tam ignominiosum, videlicet diaboli, Petro imponis? Scis utique, eum hæc tibi ob amore, quo in te fertur, dicere: Scis utique, eum verbis suis non id agere, ut Deus contemnatur multoque minus ut tu pecces; cum peccatum in te cadere nequeat: Poteras haud dubie errorem illi suum suavi & dulci, quo uti consueveras, verborum genere eximere, quin tam dura in eum diceres, diabolum appellans. Ah! nequam hac in occasione, O mei! modum Jesus excessit, qui excedere in re nulla potuit: Non peccavit Petrus, quia innocuo amore dictante hæc dixit; Verum quoniam officium faciebat diaboli, cujus est scandalizare, ob id diabolos appellatus est: *Satanar*, ait Theophylactus (e) *vocabat, quod*

P. Cuniati Catechista.

(c) *Apost. 12.*

(d) *Matth. 16.*

(e) *In hunc locum.*

(f) *Matth. 12.*

Christus non moreretur, ut non redimeretur genus humanum: hoc autem Petrus suadebat licet diversa intentione; ideo satanas dictus ex similitudine operum. Jam si qui non advertens, immo bono animo suas sequens ideas, diaboli partes sustinet; nonne vices illius re vera geret qui modis supra dictis animabus Dei offensionem persuadet? Nonne, quæso! erit diabolus *ex similitudine operum*? Si scandalum ejus, qui male agere præter intentionem cernitur, grave malum est; nonne gravius erit animas ad malum & ad peccatum positive seducere? Nonne longe pessimum erit, id facere etiam suggerendo falsa dogmata v. g. hoc vel illud tale non esse, quale tamen re vera est? Nonne hujusmodi seductores præ aliis cunctis totidem diaboli *ex similitudine operum* erant? Certe hoc seductionis genus, si æqua lance perpenditur, scandalorum omnium summum judicari debet; nam si malum, non alienis fucatum coloribus sed suæ turpitudini relictum, cuiquam persuadetur, ille quidem ad peccandum inducitur; attamen eidem haud obstruit revertendi a malo via, quippe cum illi & cognitio & conscientia peccati relinquatur. Verum is, qui ad peccatum inducit unaque suggerit, (hoc non esse peccatum, peccati conscientiam adinere seducto studens, hic profecto viam conversionis seducto occcludit, tollens mali conscientiam: immo ingentem abyssum aperit, in quam ruat seductus committendo iterum iterumque id, quod jam pro peccato non habet. Proh diabolos in carne *ex similitudine operum*, quotquot similibus verbis peccatum persuadent, fucatum illud & quadam ceu larva testum! Repeto: Proh diabolos in carne! Ne cogitetis, aditum posthæc vobis paradisi cælestis patere, nisi diabolica hæc ac pessima dogmata revocetis; Et si Christus *Væ* denunciavit homini scandaloso cuivis: *Væ homini illi, per quem scandalum venit* (f) illud certe vobis, O pessimi! irremissibiliter & multipliciter innotatum credere debetis; Neque enim satis habetis Proximo Dei offensionem persuasisse, ejusque voluntatem, dum eum contra Deum

E e e

rebel-

rebellare facitis, corrupisse, sed intellectum quoque illius inficitis & ceu veneno pessimo necatis, ut non agnoscat peccatum, quale est: Unde sit, ut illud ex ignorantia in his materiis nullo modo excusanda pro peccato non habeat; Et hac ratione vos animas seductas eo adigitis, ut vel nunquam vel summa cum difficultate (pro eo ut par est) respiscant, quippe tot tantisque luxuriæ peccatis demersæ. Novi probe, quæ dico & fidenti animo loquor ob multos casus, quos mihi confessarii pro sua benignitate proposuerunt; ex quibus præceptis & ruinæ proxima apparuit miseria personarum modo memorato perversarum, quibus seductores contestando persuadeant: saltem gravem malitiam non inesse voluptatibus a se concupitis.

Neque juvat, hos incarnatos diabolos opponere: personas a se seductas fidem non adhibere falsitatis, quæ ipsis dicuntur: videlicet illas vel illas impuras voluptates, quas impii isti ex miseris colligunt, non gravia esse peccata sed solum levia quædam. Mentiantur; quin immo mentiantur. Ecce! quomodo assertum meum confirmo. Edicite (Sic eos compellarem, si qui hic adessent) edicite! Nunquid innocentes illæ animæ, & de Deo offendendo & de subeundo æternæ damnationis periculo multum sollicitæ, vestris semper tentationibus resistunt? Nunquid illæ, quando asserere ausi essitis: in hoc illove vel nullam vel ad summum levem malitiam inesse, primitus vobis responderunt: videri vos ludos se facere velle, & hæc eo tantum dicere, ut se ad consensum adducatis: Atque ob id etiam tunc resistunt? Nunquid vos, O pessimi! ut eas in vestras partes pertraheretis, sæpius atque omnino serie replicastis: certe, quod petebatis, id grave malum non esse? Nunquid denique illæ tum demum cessarent, cum (infernali eloquentia vestra optatum exitum fortiente) vobis succcessit, persuadere illis, rei, quam petebatis, gravem malitiam non inesse; & cum illæ, priusquam vobis obsequutæ sunt, dixissent: Con-

fido in scientia tua; Quod si peccatum non est, ecce me! Nonne vero ex his omnibus apparet, scandalum vestrum etiam ad intellectum earum pertransisse, cui erepto veritatis lumine errorem insevestis, qui eas vestræ cedere nequitie fecit? Aut quod certius argumentum inveniri poterit? Hinc miserræ illæ, quando vel alicujus boni libri lectione aut concionis alicujus auditione illustratæ aut conscientie itentidem oblatrantis stimulis actæ in animum inducunt aperire probo cuidem confessario mentis suæ anxietates, atque ab illo discunt, actiones patratas omnes esse peccata mortalia, respondent: se auctoritate (Proh! auctoritatis maledictæ genus) illius, qui secum locutus est, & iterato (quandoque etiam jurejurando) affirmavit, peccatum haud grave esse, inductas esse ad faciendum ea, quæ fecerunt: alioquin se certo assensuras nunquam fuisse. Hæ sunt, intelligite, O iniqui! hæ sunt responsiones, quæ confessariis dantur, quæ & excusationis vestræ utilitatem & scandalorum verborum ac persuasionum vestrarum effectum clarissime ostendunt! *Væ* igitur millies, *Væ* vobis, Infelicissimi! *per quos tale scandalum venit!* Experiemini hoc, O pessimi! in extremo Christi iudicio, quando vos omnium peccatorum reos cernetis, quorum causam vestris assertionibus: haud malum in hoc illove inesse, præbuitis: Et nisi haic malo temporis remedium omnibus viribus asseratis, eheu! periistis. Date veniam, O mei! si hoc super argumento solito vehementius exarisi; Etenim eorum, quæ dixi, omnium experientia me adegit, ut in puellarum ac sceminarum honestatis studiosarum commodum sic longius excurrerem.

Aliud verborum scandalorum genus multo nostra ætate usitatissimum ac frequentissimum sunt verba impudica. Usu atque experientia vos, O mei! melius, quam ego ex relatu, nostis obscænos loquendi modos in variis, qui tum conversandi tum animum relaxandi tum colloquendi gratia sunt, conventibus adhiberi solitos. Nunquid sermonibus,

nibus, qui ibi seruntur, argumentum ut plurimum præbet factum aliquod impudicum aut a narrante facto aut ab aliis admissum, descriptum phrasibus pessimis, omnibus pravas animi affectiones maxime cientibus circumstantiis & hypotyposi longe accuratissima, quasi vivis coloribus, ante oculos audientium depictum? Quare primo fit, ut, qui illud narrat tanquam a se factum, gloriari & nescio quam laudem sibi quaerat (Quod ipsum novum peccatum mortale est; cum omnis de admissio peccato mortali iactantia novum peccatum lethale sit) deinde ut in sua narratione & facto narrato ipso sibi placeat: quod idem novum peccatum actualis impuræ complacentiæ est, simulque novum peccatum scandalum dati audientibus; cum his quoque occasione præbeat admittendæ complacentiæ de facto illo, tam vivis coloribus omnibusque suis partibus descripto. Jam hoc sermonum genus quam frequens est; & (quod deterrimum) quam pauci se de illo accusant, mere jocorum in numero ista reputantes; cum tamen sint peccata mortalia, & complacentiæ impuræ & gloriationis de malo patrato & certe scandalum in iis, qui audientes adsunt? Quod si S. Joannes Chrysostomus (g) ob aيلات causas de hujusmodi omnino taceri & ne periodum quidem hujus generis proferri vult, quid (putatis) dicturus fuisset de iis, qui sermones impuros protrahunt & alium alii per multa horarum spatia connectunt? Si turpe prolaturus sis verbum, tace; nam & hic maius est sermo, quo & is qui dicit, & is qui audit, lasciviores redduntur, & in unoquoque præva libidines inflammantur; nam ut ignis alimentum signa sunt & samenta, ita iræ cogitationes verba flunt. Et alio in loco (h) ait: Apposere Psalmista os horum sepulchrum patens appellavit; Non aberraverit quisquam, si dicat, etiam eorum qui obscena verba loquuntur, ora patens sepulchrum appellari; ille enim factor est sibi sibi multo gravior, qui quidem ex anima utredine oritur. Et non dixit absolute & simpliciter sepulchrum, sed patens, ut etiam significet majorem esse abominationem;

cum enim oporteret eos hujusmodi verba celare, illi etiam proferunt, ut suum magis morbum ostendant. Pergit: In mortuis quidem corporibus contrarium facientes terræ tradimus; hi autem in his verbis faciunt contrarium, & quod in imo corde celare oporteret & suffocare, proferentes & multos offendentes & omnibus videnda proponentes ostendunt, ora sua esse sepulchra patentia: Hujusmodi enim ora sunt communis civitatis perniciæ. Quisquis igitur impudicæ hujus loquelæ conficius sibi est, tenetur, ut ab illa omni attentione desistat studeatque, per sermones tum suæ tum aliorum animæ proficiuos scandalis auditoribus a se oblati mederi & damna spiritalia, obscena lingua sua creata, piorum ac christianorum sermonum utilitate pensare.

Aliud verborum scandalorum genus sunt non jam verba & narrationes impuræ, sed turpes æquivocationes, quibus pudendæ vel partes vel actiones significantur. Nostis hunc quoque jocandi modum, O mei! quippe qui omnium maxime viget: Adhibetur autem quam creberrime in conversationibus ac promiscuis virorum & foeminarum conventibus, tantamque gratiam ibi obtinuit, ut ingeniosior ille habeatur, qui quo tectioribus eo significantioribus uti æquivocationibus novit; sicque nostro ævo fit, quod ætate sua Minutus Felix (i) execratus est: *Apud quos tota impudicitia vocatur urbanitas.* Hinc verbis istiusmodi ambiguis utentes ac jocantes ut animatores conversationum, ut promotores lætitiæ, ut condimentarii coronarum, quæ sine his salibus insipidæ evasuræ essent, reputantur; Et tamen cum his æquivocationibus ac jocos (si non semper) saltem ut plurimum peccatum mortale conjungitur; sive ob qualitatem personæ æquivoca dicentis, quando hoc eam multum dedecet, e. g. personam consecratam, quæ quotidie sacro e calice sanguinem divinum haurit; sive ob ipsam naturam æquivocationum, rem seu actionem impuram nimis clare significantium & ad cogitationes atque affectiones impuras longe vehementissimas excitandas idonearum; sive ob conditione-

E e e 2

ditio-

(g) Homil. de Verb. Apost. Propter fornicationem &c.

(h) Homil. in Psalm. s. n. s.

(i) in OCTAVIO.

ditionem personarum audientium, quæ vel ad complacentiam in rebus per æquivocationes indicatis captandam nimis faciles (Et en! scandalum passivum) vel multum honestatis amantes sunt, adeo ut, dum hujusmodi jocos graviter affliguntur, una multum mirantur, hoc loquendi genus inter Christianos urbanitatis & vivacitatis laudem ferre; cum tamen sit teste S. Hieronymo (k) *dulcis libidinum pompa*. Hæ sunt causæ, ob quas æquivocationes istæ persæpe peccati mortalis culpam adjunctam habent; nam verbum ex ambiguo dictum, quod ad mentem audientis penetrat, ut tale (scilicet ambiguum) sit, duplicem significationem habet: unam obviam, naturalem, indifferenter; alteram tectam; reconditam, obscenam. Jam quis nescit, quod *sensus & cogitatio cordis humani post peccatum originale in malum prona sunt ab adolescentia sua* (l) ex quo fit, ut homo pro congenita mentis pravitate æquivocationem confestim sensu obsceno accipiat: Et ecce! sic proponit animo suo eam partem vel actionem, quæ a loquente arcanis verbis indicatur. Ob id ait S. Basilus: *Æquivocationes viam esse quandam ad rem ipsum*. Et S. Joannes Chrysostomus: *Tota per æquivocationes carnis negotia suscitantur, dum complacentiæ in parte seu actiones, tectis verbis significatæ, & præterea etiam desideria videndi ac faciendi ea, quæ arcanis dictis indicantur, ciuntur*. Et hoc non fit grave scandalum maxime in ore illius, qui in his æquivocationibus assiduus est? . . . Et hoc inter verba mere otiosa, risus excitandi gratia prolata, nec potius inter verba multum noxia ac criminosa computandum sit? Percipite decretorium S. Hieronymi (m) sententiam: *Qui scurrilia replicat & cachinnis ora dissolvit & aliquid turpitudinis proferi, hic non otiosi verbi sed criminosi tenebitur reus*.

Rationibus hucusque allatis ego postremum adversus has æquivocationes argumentum, ex communi omnium Theologorum post S. Thomam doctrina petitum, ceu colophonem addo. Tenent theologicorum

præceptorum periti omnes cum S. Thoma (n) *Si in spiritualibus bonis, quæ non sunt de necessitate salutis, oritur scandalum pusillorum, sunt spiritualia bona vel occultanda vel interdum differenda, ubi periculum non imminet, quousque reddita ratione hujusmodi scandalum cesset*. Hoc ipsum idem S. Doctor de bonis temporalibus majori jure affirmat: *Tunc vel totaliter dimittenda sunt temporalia, vel aliter scandalum pusillorum est sedandum per aliquam admonitionem*. Jam memoratas æquivocationes scandalosas esse, modo comprobavi; tum quia pravos & male paratos ad impuras complacentias pertrahunt; tum quia bonæ frugis hominibus, quibus haud similis infirmitas sed enim multum sapientiæ adest, ut sermonibus istis (quippe vetitis a Deo & a SS. Patribus abominatis) seduci se non sinant, horrorem incutiant. His positis sic argumentari juvat: Si bonorum temporalium iusta acquisitio, si spiritualium etiam actionum non necessariarum exercitium (interveniente debili ac pusillorum scandalo) intermittere & differri debet; nunquid æquivocationes impuras, in se malas & apud sapientes certe scandalosas, intermittere earum assuetus strictissime tenebitur? Nunquid culpæ ut plurimum gravis reum se faciet, qui easdem proferendo tum malorum mentibus materiam pravaram complacentiarum tum bonis ac sapientibus argumentum haud levium tentationum (Omnis namque tentatio venerea tentatio non levis est) offert? Quid, quæso! solidi reponi huic ratiocinio potest? . . . Dicetis forsitan: non tam malo consilio sed solum oblectationis causa istas æquivocationes in medium præferri? At hæc intentio patrocinari nequit actioni in se male, cogitationes & ideas impuras excitanti. Dicetis forsitan: Proferri has æquivocationes in auribus personarum (Sint etiam feminæ) sapientum, in quibus, multum adest, ut harum labes remaneat. At nunquid vos scitis, quid in aliorum mente geratur? nunquid vos scitis, quam vim illa ambigue dicta verba in audientium sexus utriusque animis habe-

(k) *Libr. 1. contra Valent. c. 1.*
(n) *2. 2. q. 13. a. 8.*

(l) *Genes. 8.*

(m) *Libr. 2. in Cap. 11. S. Math.*

re queunt? Certe æquivocatio pestifera est; Et quis hoc in dubium revocet? Igitur qui illam profert, audientium & aures & mentes quodam quasi veneno (quantum in se situm est) imbuat, præbetque materiam cogitandi ac recogitandi: Quis præstare poterit, venenum hoc nulli exitiosum esse? At nemini exitiosum sit; Quid tum? Negari profecto non poterit, dicentem ambigua, (quantum in ipso est) venenum mortiferum porrigere eo melius mixtum, quo acutius est ambigue dictum & quo altius idem ob hoc ipsum in mentem descendit. Et hoc non admodum peccaminosum sit? Hinc Psal-ticen ait: *Venenum aspidum sub labiis eorum;* Et hoc animabus offerre, mere in joco &

non potius in vitio ponatur? *Non otiosi,* repetit S. Hieronymus, *verbi sed criminosi tenebitur reus.* Igitur, O mei! si quis vestrum forte scandaloso huic jocandi generi consuetus adesset, illud, obsecro! deferat nec unquam refumat: *Omnis immunditia*, ut cum S. Paulo concludam, *omnis immunditia nec nominetur in vobis aut turpitudinem* (o) Immo fugite conversari cum iis, quos ad promendas hujusmodi æquivocationes promptos esse nostis; nam ut ait Tertullianus (p) *Si nobis omnis impudicitia execranda est, cur liceat audire, quod loqui non licet?* Itaque omit-tite istiusmodi dicere, ut ne scandalizetis; fugite istiusmodi audire, ut ne scandalize-mini.

(o) Ephes. 5. (p) Libr. de Spect. c. 17.

SERMO LIX.

De Scandalo actionum: præsertim de Scandalo spectaculorum, vestium & an-cillationum, quas viri sæminis præstant.

QUandoquidem ex S. Thoma intelleximus, scandalum esse dictum *aut factum minus rectum*, præteritoque sermone de scandalo verborum diximus; jam in hoc præsentis de scandalo actionum differendum superat. Intelleximus præterea ex S. Thoma, scandaloso excusationem peccati non dari ex eo, quod non habeat animum præbendi scandalum, quando facit malam actionem coram alio; cum sufficiat, actionem esse scandalosam: Et quamvis illi maxime displiceret, quod actio sit talis; & quamvis maxime cuperet, ut nemo ullus inde offendantur, tamen scandalum dat & vere scandali culpam contrahit; dum malam actionem aliis inspectantibus ponit. *Per se est occasio peccandi . . . etiamsi ipse hoc non intendat; Ipsum factum est tale, quod de sui ratione habet, quod sit induktivum ad peccandum; puta cum aliquis publice facit peccatum*

vel quod habet similitudinem peccati: Et tunc ille, qui hujusmodi actum facit, proprie dat occasionem ruinæ, & vocatur scandalum acti-vum (a)

Ex his confestim cognoscitis, O mei! quot scandalorum per diem sese reos faciant ii, qui & domi coram domesticis suis & in officinis & in compitis, & vendentes & ementes & conversantes & sermoneantes, manifestis irreverentiis sacrosancta Dei, Evangeliorum, Crucis, Mariæ, Sanctorum nomina lacerant, mille modis & præsertim usitatissima illa formula: *per Deum*, jurando (quam in nostris oris veri juramenti rationem habere sermone Ll. monui) addentes tum malæ suæ farinae hominibus animos ad hanc formulam imitandam tum non-dum imitantes exemplo suo imitationem do-centes & evadentes hac ratione occasio ruinae utrisque; idque multo magis, si etiam in

E e e 3

(a) 1. 2. 4. 13. 4. 1.

in blasphemias erumpunt. Heu! quam facile innumera vel ex hoc solo capite scandala iis dederunt omnibus, in quorum auribus venerandum Dei & Evangeliorum nomen male adeo tractantur? Jam quid dicam, si juramenta (præsertim illud: *per Deum*) etiam ex ore sacerdotum & viro- rum ecclesiasticorum, neque adeo raro audiuntur? Nunquid hoc scandali genus vim multo maiorem habebit facietque, ut summo isto nomine personæ laicæ, ipsis auscultantes, abutantur? Norunt hoc probe confessarii, qui si pro eo, ut debent, Poenitentibus sæcularibus ab sacro hoc nomine sine maxima necessitate assumendo abstinere imperant, promptum ab iisdem responsum accipiunt: se nihil dubitare talia juramenta proferre; quippe quæ ex ore sacerdotum, nec tam raro, audivissent: quo fit, ut confessarii non sine dolore Poenitentes monere cogantur, ne illos imitentur; cum etiam ipsi hunc in modum jurando & laicos offendendo male agant.

Videtis secundo loco, quot scandalorum reos se faciant tum ii, qui concubinas alunt, tum eæ, quæ infami hoc questus genere victum sibi parant: tertio ii, qui usuras faciunt, & absque ullo iusto titulo in pecuniis mutuo datis lucrantur: quarto illi, qui inimicitias aliis notas sœvent aut reconciliandæ gratiæ conditiones, vel ab offendentibus vel horum sequestris oblatas, accipere detrectant: quinto lufores illi, ut immodicam ludendi libidinem expleant, familiam suam mille inter necessitates languescere sinunt: sexto patres & matres, qui utut solis liberis suis ostendunt, quod parum christiano vitæ genere utantur & educationem ac custodiam eorumdem quasi penitus negligant (De his sermone LIII. & LIV. dixi) septimo heri & heræ, qui utut solis servis peccaminosa consilia sua innotescere sinunt. Paucis: Videtis, quot scandala præbeant ii omnes, qui actiones suas malas & graviter peccaminosas aliis in notitiam quovis modo venire permittunt; cum de istis omnibus confirmetur, quod (quantum in ipsis est)

malis moribus suis Proximo occasionem ruina dent.

Sed ut minori aurium cum fastidio majorique animarum vestrarum utilitate dicam, in tribus potissimum modis per facta scandalizandi maxime utistis & periculosis immorabor. Primus est scandalum spectaculorum, quæ in theatris cernuntur. Quantopere adversus scenarum actus SS. Patres & alii scriptores ecclesiastici declamitarint, ex operibus Tertulliani, Cypriani, Joannis Chrysostomi, Ambrosii ac reliquorum hujus ordinis auctorum facile colligere est. Et quanquam, O mei! me melius sciatis, quod quinquaginta trium annorum spatio, ex quo sacræ militiæ nomen dedi, spectaculis nullis interfuerim; tamen, quantum me in seculo commorantem & adhuc in pueritia constitutum illa spectasse recordor, novi probe, quas in animo meo ideas res ibi visæ auditæque reliquerint; adeo ut (Sic me Deus amet) illas mihi nunquam vel visas vel auditas optarem. Et tamen personæ seculares, tum prudentia tum ætate graves, quæ sæpe colloqui mihi dignantur, testantur: ex illo tempore nova quedam inducta fuisse, præsertim quoddam gesticulatiæ saltationis genus, quo cujuscunque demum innocentia subverti queat, maxime si & amores, qui ibi exhibentur: & tenera verborum lenocinia, quæ ibi audiuntur: & optatas voluptates assequendi variæ rationes, quæ ibi exprimuntur: & objecta, quæ ibi videntur, attendantur; quæ omnia eo maxime valent, ut ignis concupiscentiæ accendatur, ut peccaminosæ complacentiæ cieantur, ut desideria sexto & nono Decalogi præcepto vetita excitentur. Audite verba S. Joannis Chrysostomi (b) & videte, utrum ille, quæ dico, coram vidisse non videatur: *Hoc, qui in scena & orchestris diem (Dicam ego noctem) transigitis, ibi ubi simile vitæ voluptates scaturire videntur, ubi sexcenta tela mittuntur amarissima, ubi saltantis immo & vetecundum in modum gesticulantis puellæ amore cor inflammatur, quid erit de anima? Omnia malitia duriores feret cruciatu*

(b) *Hæmil. 34. in S. Math. n. 5.*

ciatur pejorque statu, quam uris obfesa, erit. Et alio in loco ait (c) *Quandoniam vir probus esse poteris sic paulatim diffuens in . . . cantibus & verbis obfcenis: Nam si vix anima, quæ ab his omnibus se puram servat, potest esse honesta & casta: quanto minus poterit, quæ hæc audire solet?* Et talia loca non dicantur loca scandalii? loca, in quibus ad spectantium animos pernicies mille modis transit; Unde peccati noxa non carent, quotquot eo conferunt, ut loca ista subsistant ac perdurent? Quod si, qui factum obfcœnum verbis licentioribus & inverecundis effert, immo qui in materia venerea verbis ambiguis uti affolet, gravis scandalii reus est (Uti sermone superiori monui) nonne reus scandalii erit, qui vel ipse exhibet vel confert, ut alii exhibeant amores arctissimos atque ardentissimos (etiam illegitimos) expressos modis tenerimis & animos maxime moventibus, junctis & suspiriis & (nescio) quibus languoribus & symptomatis, quæ videntium oculis vehementissima internæ libidinis incendia repræsentant? Quomodo laqueo viris spectantibus non erit sæmina compta, exornata, nuda, quæ suavissimis carminibus languere se sponsi amore ostendit, corporis gestus maxime miserandos vocibus addens? Aut quomodo laqueo sæminis spectantibus non erit adolescens ornatus atque politus, edoctus artem cantandi, præ amore languescendi similibusque modis personæ, quam in theatro sustinet, sensa exprimendi? . . . Et qui ista faciunt aut, ut fiant, opem ferunt, scandalii atque ruinæ animarum rei non sint? Si librum aliquem, eum utique inanimen, solis literarum notis lascivos vobis amores narrantem legitis, quos quæso! animi & quandoque etiam corporis motus sentitis? Et non paribus flammis mentes vestras accendant amores viva de voce auditi, ex personis alterius sexus, cultis, ornatis, blandis, supra modum illecebrosi? Quidquid in contrarium dicatis, certe illud negari nunquam potest, quod talia non præbent ruinæ occasionem, & quod ob id vera scandala activa (data tum ab iis,

qui talia exhibent: tum ab iis qui, ut exhibeantur, conferunt) sint. Quod si hæc omnia scandalii rationem habent; multo magis scandalosæ judicari debent istæ gesticulatoriæ saltationes, per quas & oculis & menti spectantium ejusmodi actiones proponuntur atque distantur, quibus vel cogitando inhærescere nunquam licet.

Dicit aliquis: Ergone publicæ recreationis causa nulla canora theatra sint? Chære! Quis hoc unquam voluit? Sint certe; At sint ad christianæ modestiæ regulas exacta; At exhibeantur ibi gesta vel heroica vel indifferentia, quæ rerum gestarum commentarii magno numero offerunt, non facta castitati insidias struentia, facta libidinem accedentia, facta artem amandi docentia, facta impuras cogitationes excitantia animarumque perniciem molientia. Ast, Pater! si facta omni amatorio negotio carent, fabula plausum non feret, & concidet theatri gratia. Siccine, Chære! Ecce ut concupiscentiæ incitamenta quærantur, non indifferens honestæ recreationis voluptas! Ecce ut delectatio venerea, non honesta animi relaxatio captetur! Ecce ut genus oblectamenti vetitum, non innocuum inquiratur! Ecce denique ut periculum ametur. Et qui periculum amat, ex infallibili Spiritus sancti oraculo in illo peribit.

Idem, O mei! de spectaculis ridiculis (Comædias vocant) sentiatis velim. Horum, ut instituta fuerunt, scopus fuit in ludibrium & abominationem adducere vitium: uti spectaculorum (quæ Operas vocant) propositum est, virtutis heroicæ extollere. At quemadmodum has, ita & illas corrumpere humana malitia coepit. Quot, maxime in comœdiis, præter ridiculum, castitati contrariæ res inmiscentur; multoque id liberius, quam in Operis (ut ajunt) quarum gravitas in personis, quæ inducuntur, nec certam gestuum dissolutionem nec certam verborum turpitudinem admittit; dum contra in comœdiis personæ scurriles, quæ ibi exhiberi solent, majoris in diceo & gesticulando licentiæ usurpandæ occasi-

nem

(c) Homil. 37. in Matth. n. 5.

nem præbere videntur. Percipite, quid de his S. Joannes Chrysostomus moneat (d) *Qui satanici clamores & diabolici habitus? . . . Alius cum sit, . . . formam teneræ puellæ offestat: Alius vero quispiam senex vestibus succinctus stat ad alaxas accipiendas, & ad omnia dicenda faciendaque paratur. Mulieres autem . . . omni niso rubore sunt populum alloquentes . . . omnemque petulantiam & lasciviam in populum insudantes. Illud autem studium habent, ut consuetudinem omnium radiciter evellant. Et pergit: Nam hic verba obscena, habitus ridiculi, incessus, vestitus, vox, membrorum molities . . . dramaticæ, argumenta, omniaque denique extrema lascivia plena sunt. Quandonam, quæso! resistas; cum tantum tibi fornicationis poculum infundat diabolus, totque intemperantiæ celices misceat? Ecce denovo de scandali peccato convicta theatra & spectacula, in quibus aut exhibentur Subiecta, aut proferuntur verba, aut sunt actiones, aut proponuntur personæ vel vestimenta, aut aguntur gesticulationes, quibus libido accenditur: de scandali peccato, inquam, convicta; quia sunt dicta & facta præbentia occasionem ruinæ. Unde rei scandali sunt ii omnes, qui operam suam eo conferunt, ut illa subsistant.*

Neque decipi vos ab iis sinite, qui dicunt: illa esse peccandi occasiones & incitamenta solum remota ac longinqua, non proxima & urgentia; nam si spectacula talia sunt, qualia illa Chrysostomus modo descripsit, videlicet, si amores lascivi ibi exhibentur, & quidem a personis, quibus tum ob florem ætatis tum ob animi vivacitatem tum ob vocis suavitatem tum ob vestitus rationem tum ob sexus diversitatem tum ob ipsos corporis gestus vis maxima adest pravos affectus erga res exhibitas & personas exhibentes suscitandi: quomodo inter occasiones peccandi remotas ac longinquas, & non potius inter vehementissimas atque efficacissimas numerari queant, haud video. Quod si sola auditio aut simplex intuitus sæpe vim tantam habet, ut animum pervertat; quid de auditione atque contuitu simul junctis,

& de auditione ac intuitu rerum atque personarum mentem omnino noventium atque attrahentium statuendum putatis? Quod si neque his id, quod volo, comprobatum satis conceditis, experientiam & cujusque vestrum conscientiam appello: Næ, si effectus, quos hujus generis spectacula in vobis reliquerunt, accurate expendere volueritis, invenietis impuras vel in persona viâ vel in re audita vel in gesticulatione acta complacentias: invenietis desideria earundem rerum: invenietis proposita potiundi illa persona: invenietis ad minimum graves tentationes, quibus anima in præsentissimum casus periculum adducta fuit. Et has occasiones remotas vocatis? . . . Concludamus itaque hoc primum orationis caput, & repetamus: quod, quando spectacula memorati generis sunt, tum illi, qui in ea operam suam conferunt, scandalizent; tum ii, qui illa adeunt, scandalizentur, hoc est: vel cadant vel casui proximi fiant.

Altera factio scandalizandi ratio, quam exponendam servavi, est vestiendi luxus ac modus. Statim dicit aliquis: Si tibi solum vis, Pater! per modum vestiendi dari scandalum posse, assentior; At vestiendi luxu, qui in vestibus, plus quam alicujus conditioni convenit, sumptuosius comparandis consistit, quoddam dari scandalum poterit? Quæris, Charissime! quoddam dari scandalum vestium luxu possit? Ecce primum scandalum! Probetur occasio murmurandi & male judicandi; nam si spectantes personæ vestium luxui deditæ quæstum, officium, facultates pensitant & cognoscunt, opes illius tantæ lautitiæ certe non sufficere; ecce! si vir est, dicunt & judicant (Male quidem semper, at tamen sit) illum splendide se gerere ex re aliena, sive per dolos sive per lucra illicita sive mutuum sumendo, parta: Quod si femina est, judicant & dicunt: illam ex stipendiis, quæ facilitate sua atque obsequendo studio mereatur, & cum dispendio pudoris talia præstare. Hoc primum scandalum. Secundum est creditorum & aliorum, qui jus habent

pro

(d) Homil. 37. in Matth. n. 6.

pro status sui ratione victum a tali, vestium splendorem nimium affectante, obtinendi; qui si debitorem suum vestium luxum sectari vident, jure dicunt: Oporteret illum primo loco curare, quæ ratione debitum dissolvat, & non multiplicare vestes ex mercedibus, ex laboribus nostris, ex credita a nobis pecunia; Aut: Oporteret illum alio modo tractare familiam, quæ in vestes, in ornamenta, in denticulorum prætexturas impendi ea videt, quibus panis & reliquis victus parari deberent. Ecce! secundum scandalum. Accedit & tertium, quod scilicet mos hic pessimus magis magisque obtineat ac confirmetur: mos, qui familiarum, regnorum & animarum ruinam post se trahit; nam ob immoderatam splendide in foro comparendi cupiditatem iustitia, charitas ac pudicitia violantur; cum propriæ facultates satiandæ inmodicæ jactandi se libidini haud sufficiant. Ecce, O mei! quæ scandala luxus vestium ex ea parte pariat, quæ christianæ moderationis præcepta & status cujusvis personæ circumstantias excedit. Quid ad ista reponitis? Leviane hæc vobis & nugæ videntur? Gravia admodum in hanc luxum pompam SS. Patres dixerunt, illam opprobriolis varii generis nominibus pro sua quavis parte profluentes, in hoc vero unanimiter convenientes, quod eam effectum & fomentum mentis luxuriosæ appellarint. Solum Tertullianus (e) scriptoris ecclesiastici inter Latinos vetustissimi, cujus Opera extant, sententiam in medium proferam, cui reliqui omnes conciunt: *Hæc pompa quam de proximo curet luxuria negotium & obsequet pudiciæ discipulus, dignare in facili est.* Et tamen scandalosa hæc lautities tantopere invaluit, ut damna plurima laicis intulisse haud contenta tyrannidem suam (quantum potuit) etiam in personas ecclesiasticas extenderit, quarum pernicie vestibus coloris prohibiti, ita succensis & ad novi modi regulas exactis, ita omni summarum ineptiarum genere ornatis utuntur, ut dicecæsum pastoribus necessitas imposita sit censure *in so facto* incurrendas in illos, qui his

P. Camilli Catechista.

(e) Libr. de Pudicit. seu Cultu famin.

publice uterentur, vibrandi eumque ob finem publicam pietatem in auxilium vocandi. Quod si luxus in personis secularibus tantam scandalum causam dat, quanto major in personis ecclesiasticis dabit? Hac potissimum consideratione S. Bernardus (f) Eugenium III. Pontificem summum impulit, ut canones a se hoc super argumento in Concilio Rhemensis conditos executioni manderet: *Præcipimus, sic adoritur summum Antistitem, Præcipimus, dixisti, ut clerici neque in superfluitate seu inhonestâ varietate colorum aut fissura vestium neque in tonsura . . . intuentium offendant aspectum. Quod si moniti ab Episcopis suis infra quadraginta dies non obtemperaverint, ecclesiasticis Beneficiis . . . priventur. Verba tua hæc sunt, ait vir sanctus, Tu sanxisti. Jam quid effectui mancipium? Quod ad primum capitulum attinet, luxus vestium interdicitur, sed non restritus; yana didata, sed nimis sicuti est. Pergit. Et nunc leva oculos tuos & vide, si non aque, ut prius, pellicula discolor sacrum Oratorem decorat: si non aque, ut prius, fissura enormis pene inguina nudat? Jam & cor, quæso! S. Bernardus tam instat Pontifici? Scilicet ob scandalum, quod ex hoc personarum ecclesiasticarum se vestiendi modo ad laicos redit: At ecce! obiectionem, quæ personæ illæ ecclesiasticæ uti consueverant, unaque responsionem viri sancti; *Solent dicere: Num de vestibus cura est Deo & non magis de moribus?* Responsum saluum! *Forma hæc vestium deformitatis mentium & morum indicium est: Quid sibi vult, quod clerici aliud esse aliud videri volunt? Id quidem minus castum minusque sincerum.* Intellexistis? Exprobrat Eugenio S. Bernardus, quod scandalum a viris ecclesiasticis datum castigare non videretur: Et scandalum hoc erat, quod viri ecclesiastici causam præbebant. propter quam a laicis mali & minus casti haberentur. Ob eam rem concludit S. Doctor, egoque cum illo: *O miserandam si, osam, Ecclesiam Dei sanctam, talibus conceditam paranympht!* . . .*

Scandalum vestium in luxum distincti & in modum vestiendi immodestum, de quo

F f f

post-

(f) Libr. 3. de Consid. c. 5.

posteriori dicere restat. Et quanquam hoc scandalum peccatum cadere potissimum in sexum foemineum videatur, tamen ab illo vel masculinus immunis haud est; nam quemadmodum immodesta vestitus ratio in foeminis visa viris, ita eadem in viris visa foeminis scandalum & occasionem ruinæ præbet. Hinc vestes virorum ita amplæ ex una parte, ex altera ita arctæ, obliqua vestimentorum fissura (Inventa diabolica) quæ corpus ita membratim distinguit, ut intuentibus mere ea tecta appareant, quæ modestia & dicere & cogitare prohibet . . . quantum scandalum oculis foemineis creat? Væ illi, qui hos novos modos excogitat, & qui illos in civitates Catholicorum introducit! Væ illis saltem sartoribus, qui hos primi producant! Similiter vestes foeminarum ita inferius curtæ ita super ne apertæ & ad dimidiam fere corporis superioris partem depressæ, ut ea nudentur ac spectanda exponantur, quæ maxima cum verecundia tegere oporteret: ficticia illa velamenta transennas referentia & spectantes acris ad fixos obtutus commoventia: illa succinctæ gradiendi ratio certe eo solum conducunt, ut humanæ malitiæ proponantur ea, quorum spectandorum nec cogitatio quidem animum subiret, si vestes promissæ & decenter clausæ adhiberentur. Quod si vestimenta superius nimis aperta fuerint (secundum Theologorum omnium, etiam benigniorum, sententiam) mortaliter peccaminosa sunt, peccantque ex sententia omnium Theologorum graviter certe illæ foeminae, quæ hos modos introducunt, & ex Theologorum graviorum sententia etiam illæ, quæ hos modos jam introductos prosequuntur atque confirmant. Etenim est peccatum mortale, modum vestiendi scandalosum nimis apertum & peccandi occasionem plurimis dantem invehere; nam (Ut horum Theologorum verbis utar ornatus est valde provocativus ad lasciviam, ait Cajetanus; Et Laymannus dicit: *Multi ex eo passuri sunt scandalum, nimirum in peccatum lapsuri*; Et Sporerus affirmat: *Est ex se nimis turpis Et ad lasci-*

viam provocans. Atque ob id talem modum inducere, est secundum omnes Theologos peccatum mortale scandalum. Jam autem quærere juvat? Modus semel introductus num ob id minus turpis, nimis ad lasciviam provocans, nimis spectantes offendens esse cessat? Neutiquam profecto; nam actionis scandalosæ continuatio nequaquam eidem propriam malitiam detrahit, sed eandem magis propagat ac latius serpere facit; quoniam quo magis talis modus ad plures immo & omnes diffunditur, tanto major provocatio ad lasciviam oritur, tanto plures lapsus & complacentiæ intuentium sequuntur; cum eo facilius sit multos incurrere in cafes, quo major exiit foeminarum eas tendentium numerus. Quod si secundum omnes Theologos peccatum mortale est talem modum inducere, cur non peccatum mortale sit, eundem prosequi & dilatare? Quid huic ratiocinio opponi poterit? Dicet aliqua: Pater! Ergone modum semel inventum sequi nefas? Distinguo: Si modus ex se scandalosus, & laqueo animabus est, non licet illum sequi; nec eo, quod jam indutus sit, insita eidem scandalum ratio ac vis minuitur sed potius augetur. Quod si scandalosus non est nec laqueo animabus, sequi eum licet sine gravi peccato; uti sine gravi peccato introducitur. Obijciat alia: Pater! Non sunt ista animo quemquam in peccatum trahendi, sed solum vana ostentandæ suæ pulchritudinis libidine. Nunquid sermone superiori cum S. Thoma vos monui: hanc excusationem frustra esse, si actio in se scandalosa sit; qualem esse hunc nudato pectore incedendi modum, comprobavi. Accedit, quod teste Tertulliano (g) *non de integra conscientia venit studium placendi per decorem*; Atque ob id memoratus scriptor hunc vestiendi modum *naturaliter invitato-rem libidinis* appellat: Et si S. Zeno (h) vetulus Veronensium Episcopus pronuntiavit, mulierem vel floribus redimitam *spirare lasciviam*; quanto magis eam spirabit foemina pectus plus justo nudatum ostentans? Ob eam rationem Innocentius XI. Pontifex sum-
mus

(g) Libr. 1. de Cultu semina. c. 2.

(h) Serm. de Pudicit.

mus speciali *Decreto* anno 1683. 30. Novembris edito sanxit, ut fœminæ in publicum non prodirent nisi collum denso velo tectæ, injungens insuper confessariis sub pœna excommunicationis, ut illis Absolutionem non impertirent, si minus ita tectæ comparent. Tam certum atque exploratum est, hanc vestitus rationem innumeris animabus perniciem asserre: Et ego, dum junior fui, nullas in Urbe memorato Pontifice satis jam sancto fœminas, nisi sic tectas, in foro visas fuisse recorder. Quisquis igitur mul-tarum animarum, impudica vestitus ratio-ne in peccatum tractarum reus esse non vult, modelte & ut personas pudicas honestas-que decet, se vestiat.

Tertia factio scandalizandi ratio, non multis abhinc lustris invecta, sunt virorum fœminis inservientium ancillationes, quas vulgo *Servitutes* appellant. Consistunt hæc in eo, quod viri se servitio alicujus conjugatæ fœminæ totos addicant, officium sibi sumentes eam, quocunque jerit, prosequen-di: deducendi ad quemvis nutum, quo voluerit: prospiciendi eidem de omnibus, quæ genus dictaverit; in obsequiorum mercedem hoc privilegii serentes, ut ad eam si-ne ullius rei respectu, quam liberrime nul-laque lege servata invisant: ut soli cum so-la, etiam in lecto recumbente, quamdiu li-buerit, agant: immo ut eam vestibus in-duant, exornent & aliis modis in summae fiduciæ, in intimæ familiaritatis ac gra-tiæ partem veniant. Ergo huic eunri ser-vi a brachiis, stanti servi a latere, assidu-que per omnia comites sunt: Cum hæc ad spectacula pergunt: Cum hac in theatro, in rieda, in cymba, in alio quovis loco si-ne arbitrio morandi jus habent: Tamque arcto ac forti vinculo hoc amicitiaæ genus adstringitur, ut fœmina multo plus cum hoc suo affecta quam cum marito sit; quin hic conqueratur, immo quandoque etiam se ab hoc servitutis genere liberatum & se uxorem suam alteri credidisse ætetur, qui ejus ingenium, pulchritudinem, vivacita-tem, formam, urbanitates & alias, quibus

fœminæ commendantur, dotes deprædicet atque extollat. Hæc ferme est servitutum memoratarum natura ac ratio, quæ utrum scandalosæ & tum animæ ejus qui servit, tum illius cui servitur, tum civitatibus ac locis, in quibus illæ vigent, ob malum exem-plum perniciosæ dici possint, videamus.

Ac primum quidem, quid sacri codices de virorum fœminarumque conversationibus in universum dicant, exponere; deinde ve-ro formidandas & insolubiles consequentias circa reatum istarum servitutum deducere debemus. Dixit itaque Deus: *Mulier viri pretiosam animam capit* (i) pergit: *Nunquid potest homo abscondere ignem in sinu suo, ut vestimenta ejus non ardeant? Aut ambulare super prunas, ut non comburantur plantæ ejus? Sic qui ingreditur ad mulierem Proximi sui, non erit mundus, cum tetigerit eam.* Pergit (k) *Non des mulieri potestatem animæ tuæ, ne ingrediar in virtutem tuam & confundaris.* Pergit: *Ne respicias mulierem multivolum, ne forte incidat in laqueos illius.* Pergit: *Virginem ne conspicias, ne forte scandalizeris in decore illius.* Pergit: *Averte faciem tuam a muliere compta, & ne circumspicias speciem alienam.* Pergit: *Propter speciem mulieris multi perierunt & ex hoc concupiscentia quasi ignis exardescit.* Pergit: *Speciem mulieris alienæ multi admirati reprobi facti sunt; colloquium enim illius quasi ignis exardescit.* Pergit: *Cum aliena muliere ne sedas omnino, neque accubas cum ea super cubitum.* Pergit (l) *Ne respicias mulierem alieni viri . . . neque steteris ad lectum ejus.* Ecce hæc omnia sunt verba S. Scripturæ (Ut alia multa omit-tam) quibus Dominus, uti liquet, serio prohibet, ne oculos desigamus, ne acce-damus, ne colloquamur, ne assideamus mu-lieri aut ad lectum ejus stemus; & quæ sunt alia, quibus mens mulieris erga virum, viri erga mulierem affici potest; cum mu-tuo sibi laquei sint: Quod autem Deus his verbis suis viro respectu mulieris, hoc & mulieri respectu viri prohibet. Prohibet ita-que Deus omnem accessionem, omne collo-quium, omnem familiaritatem, omne com-mercium

F f f 2

(i) Prov. c. 6. v. 26. 27. 28. 29.

(l) Eccl. 41.

(k) Eccl. c. 9. v. 2. 3. 5. 8. 9. 11. 12.

mercium, omnem contuitum, denuncians: lapsus, peccati consensum, incendia lasciva, gravia peccata secutura fore. Atque ob id nequaquam mirandum, SS. Patres omnes, tum verbo divino doctos tum ipsa rerum gestarum experientia convictos, idem plane asserere. Jam argumentari libet: Si Deus, cujus verba fallere nequeunt, prædixit, supra memoratis actionibus cum his peccata & lapsus cujuscunque viri respectu cujuscunque mulieris, & cujuscunque mulieris respectu cujuscunque viri successuros esse; quanto magis vaticinium hoc comprobabitur, quando sexus diversitati & ætas florida, & ardens vicissim animorum studium, & magna mutuae voluntatis propensio, & quotidiana ac longa colloquia, & vehemens continuatis urbanitatis officii nutritus amor accesserit? Verat Deus unicuique: Ne obtutum defigas, ne loquaris, ne assideas, ne appropinquas fratri mulieris, ne cum illa familiariter agas; Dico enim tibi: Cades certe, consenties, peccabis, turpi ardebis amore. Et nos, ubi omnes supra memoratæ circumstantiæ (Ætas, species, mutuum studium, propensa voluntas, assidua colloquia, fultio brachii, visitatio cubantis in lecto, opera in vestibus inducendis navata, & commoratio solius cum sola; idque quamdiu libuerit) accesserint, dicimus: Haud malum inest; Casus non sequetur. . . Nunquid vaticiniorum divinorum, utut his circumstantiis omnibus confirmentur, veritas concidet, ut frivolum illud dictum nostrum stet: Haud malum inest; Casus non sequetur? . . . Hoc quidem talpis & lapidibus persuaderi poterit, non hominibus vel parum Fidei, prudentiæ ac rationis possidentibus, qui jure merito timere omnes debent, ne scandalum hac in re reciprocum evadat Deique vaticinia comprobentur potius, quam id quod nimia sui fiducia præter rationem dicat.

Profecto (Est hoc postremum argumentum) quis inficias ibit, eo, ut quis in modo descriptis circumstantiis graviter non delinquat, opus esse admodum singulari gra-

tiae divinae auxilio? Negari hoc nequit, cum de Fide sit: Auxilium hoc necessarium esse; Et dogma Pelagii hæretici is sectaretur, qui contrarium assereret. Jam vero putatis, O mei! Deum singulare hoc gratiæ suæ auxilium ei concessurum esse, qui dedita opera & sine ulla necessitate immo solius oblationis, solius genii aut sensibilibus affectus gratia in memorata sese pericula infert? Ipse Dominus se concessurum hoc auxilium in allatis Scripturæ locis negavit; nam cum is illud alicui peccandi periculum, quod vitare nequit, ex necessitate subeunti misericorditer largiatur; & e contra declarat, eum, qui tale periculum sua sponte, cogitato, & mere genio suo obsequendi causa adierit, lapsurum esse; implice ac tacite declaravit, se huic tali præfatum auxilium non daturum esse, quippe quo is se sua temeritate nimique sui fiducia indignum facit. Sequetur ergo casus; quia gratiæ auxilium ob indignitatem talis hominis deerit. Hinc fit, ut ista prava consuetudo, cum gravis mali omnimodam similitudinem habeat, mortaliter scandalosa evadat civibus, & quotquot de illa notitiam habent: Unde etiam ex hoc capite talis vita activi scandalum mortalis culpa minime caret; quippe qua execrabilis libertas, mille tum internis tum externis peccatis aditum pandens, fovetur; Atque ob eam rem etiam ex hoc capite incapax Absolutionis est, qui hoc vitæ genus in perpetuum deserere, & scandala a se data vitæ probæ exemplis reparare noluert.

Jam quæ erunt scandalizantium poenæ? Quis cogitare & computare illas queat? Nunquid sola exclamatio Jesu Christi eas magnopere metuendas esse ostendit: *Vae homini illi, per quem scandalum venit* (m) Nam si quis peccator, suorum solum scelorum reus, habet, unde sibi metuatur; quanto magis ille, qui etiam alienorum peccatorum reus est? Et si subditus in regem suum rebellans capitali supplicio dignum se facit; quanto magis, qui (quantum in ipso est) ad imitandum rebellionis

suæ

suæ exemplum alios provocat atque impellit? At tale profecto est scandalosi facinus, qui pro virili sua alios ad æmulandam suæ in Deum rebellionis nequitiam invitat; dum eos ad mortalia peccata impellit. Scandalosus malo, quod præbet, exemplo passionis Christi reddere inutiles tentat: Quem in finem, obsecro! Servator passus est? Ut animæ perditæ fervarentur; At scandalo-

sus eas perdere studet; dum eas sive verbo sive facto sive ambobus modis ad mortaliter peccandum inducit. Heu! quæ supplicia talis sibi accersit? Heu! quam atroces poenas in inferno luet, nisi se emendet atque ita emendet, ut bonis exemplis extruat, quod malis evertit: *Væ homini illi, per quem scandalum venit.*



SERMO LX.

De sexto Decalogi præcepto: NON MÆCHABERIS. De peccato luxuriæ.

Sexto Decalogi præcepto omnis impura castitæque contraria actio prohibetur. Non est vitium aliud ullum, O mei! quod graviore insidias æternæ baptizatorum salutis ponat, quam luxuriæ peccatum; adeo ut pauci sint, qui speciali gratiæ privilegio donati nullos concupiscentiæ carnalis motus sentiunt, quibus resistant, ne vincantur. Quemadmodum autem plurimi, imo fere omnes hoc peccato tenentur; ita pauci sunt ab omni omnino lapsu liberi: Et quoniam lapsum horum variæ species sunt plus minusve turpes (quamvis cunctæ graves, si modo deliberatæ) ob id illas omnes convenienti explicatione aperire oporteret. At hæc ipsa explicatio utrum omnibus, præsens meum opus lectoris, utilis futura esset, haud satis scio; nam cum brutum hoc vitium in corpore nostro, ceu regno suo, residet (Ob quod ipsum *peccatum carnis* appellatur) & unum sit ex tribus nostris capitalibus hostibus spiritualibus, sit, ut vel ad ipsam naturæ ejus explanationem & ad ipsa detestabilium specierum ejus nomina tam turpes confestim ideæ mentibus humanis objiciantur, motus tum interni tum externi tam molesti tamque humanæ malitiæ blandientes exci-

tentur, ut non raro accidat, multos, dum se hoc de argumento erudiendi gratia libros volvunt, inquinari & dum vincendi artem discere cupiunt, gravi vulnere confectos cadere. Quapropter, cum hic meus Catholiscus in innocuarum personarum, puellarum, monialium, adolescentum, sæminarumque honestarum (quæ omnes non sine magno fastidio magnaque perturbatione res simplicitati ac innocentiae suæ nequaquam convenientes lecturæ, & forsitan tentationes ex earum lectione reportaturæ variasque animi turbas sensuræ essent) manus incidere possit; ob id hujus execrandi vitii naturam ac species explicare superfedeo, & omnia generico minusque aures castas offendente vocabulo Impuritatis, peccata vero eo pertinentia nomine actuum impiorum comprehendam.

Primo vitium hoc radix & principium est multorum aliorum peccatorum; nam lascivus, ut libidinem suam expleat, obviis quibusvis remediis utitur & multa alia peccata committit, ut ad peccatum luxuriæ perveniat. Ob hanc causam ait S. Joannes Chrysostomus (a) *Voluptas impura fornax scelus, fodina nequitiae, alveus vitiorum, phyltrum improbitatis.* Nimis comperta at-

Fff 3

que

(a) Homil. 15. ad Pop. Antioch.

que usu cognita sunt scelera, in quæ homines hinc vitio subditi prorumpunt: quod ut pro libitu nutrant, ad quævis alia peccata committenda animum adjuvant. Testis rei hujus Salomon, qui hoc vitio agente de sanctitatis fastidio deturbatus eo infantiæ profectus, ut idolorum cultum exterius professus sit non sine crimine omnium longe gravissimo; idque ob impuros, quibus constagrabat, ignes. Hinc habuit causam, ob quam de se confiteretur: se, quando impuri illi ardores animum suum occupatum tenebant, *pene in omni vitio fuisse* (b) Atque ob eam ipsam rem in eodem, quo hæc de se profitetur, capite aliis hujus vitii fugam multo gravissimis sententis commendat.

Et profecto, O mei! Omni tempore ac die quovis funestos casus præ oculis habemus, qua ipsa se comprobant, quod ego verbis assero. Ex luxuria quot inimicitiae, quot injustitiae, quot rixae, quot odia, quot homicidia non oriuntur, & orta continuo adiuntur? Quot sacrilegia personalia & realia committuntur? Quot veneficia adhibentur? Quoties diabolus apertis verbis invocatur, & peræpe etiam anima orco devovetur, ut persona, quæ execrabili amore deperitur, obtineatur? Norunt hoc perbene confessarii; neque vobis inrimum videbitur, si rationem a S. Thoma allatam expendere accuratius volueritis (c) Cum natura humana post peccatum originale ad Bona delectabilia maxima inclinatione feratur, ob id, quo delectabilius est (utut turpe & brutis proprium) Bonum, eo vehementiori impetu natura in illud rapitur. Jam vero sæpius evenit, ut pro illo Bono obtinendo multæ difficultates superandæ occurrant, quæ ipsæ sine multorum aliorum variae speciei peccatorum patratiōne superari nequeunt: Ob eam rationem fit, ut, cum maledictum luxuriæ peccatum inter maxime delectabilia, utut omnibus bestis communia, Bona numeretur, persona, quæ se semel ab illo fascinari permisit, ut optatam delectationem consequatur, omnes obstantes difficultates superare decernat, quomo-

docunque demum res cadat: Et ecce sic parata stat persona illa ad omnes leges omniaque præcepta infringenda! *Vitium capitale est, quod habet finem multum appetibilem, ita quod ejus appetitus homo procedat ad multa peccata perpetranda, quæ omnia ex illo vitio tanquam ex principali oriri dicuntur. Finis autem luxuriæ est delectatio venererorum, quæ est maxima; unde hujusmodi delectatio est maxime appetibilis tum propter vehementiam delectationis tum etiam propter connaturalitatem hujusmodi concupiscentiæ.* Atque hac re fit, quod luxuriæ vitium tot alia peccata post se trahat.

Hoc autem ipsum (scilicet quod luxuria multa alia peccata post se trahat) commune est omnibus peccatis capitalibus; adeo ut, quamvis istud de luxuriæ peccato ob allatam rationem ut plurimum & quam maxime comprobetur, non tamen peccato huic proprium aut singulare sit. Ob hanc causam eorum effectuum, qui luxuriæ vitio proprii sunt, & in illis, qui huic vitio dediti sunt, subsequi plane debent, explanationi immorandum videtur. Horum octo sunt recensiti a S. Gregorio Magno (d) a quo illos S. Thomas accepit: Quatuor pertinent ad intellectum, & alii quatuor ad voluntatem hominis impuri; eoque impura delectatio his duabus potentiis (quoad actus earum) magnopere noceat: cujus rei causam hanc S. Thomas adducit (e) *Quando inferiores potentia vehementer afficiuntur ad sua Objecta, consequens est, quod superiores vires impediuntur & deordinantur in suis actibus. Per vitium autem luxuriæ maxime appetitus inferior, scilicet concupiscentia, vehementer intendit suo Objecto delectabili propter vehementiam passionis & delectationis; Et ideo consequens est, quod per luxuriam maxime superiores vires deordinantur, scilicet intellectus & voluntas.*

Primum damnum, quod ex luxuriæ vitio ad intellectum redit, est cæcitas mentis, quæ facit, ut homo in magni boni loco id habeat, quod grave malum est; dum adduci se excors finit, ut toto animo lasciviae vitio

(b) Prov. 5.

(c) 2. 2. q. 153. a. 4.

(d) Libr. 3. Moral. (e) 2. 2. q. 153. a. 5.

vitio inhærescat. *Primo quidem simplex intelligentia, quæ apprehendit aliquem finem ut bonum; & hic altus impeditur per luxuriam. . . . & quantum ad hoc ponitur cæcitas mentis.* Et profecto quæ major excogitari cæcitas potest, quam pro fine sibi proponere voluptatem cunctis bestiis communem, & quæ nos illis similes efficit, immo etiam magis execrables; nam concupiscentia in bestiis iutra instinctus naturalis limites continetur, quos tamen illa in hominibus ratione præditis, ob eorundum malitiam, sæpe transcendit. Percipite, in quantam cæcitate luxuria homines adducat?

Scire quidem vos omnes, O mei! Samsonis historiam haud temere arbitror; nihilominus eam hoc loco in consensu vestro narrando repetere, certe vobis utilissimum fore existimo. Samson ingressus in regionem Philistæorum, conspecta in valle Sorec scæmina, cui Dalila nomen, turpi in eam amore vehementissime inardescere cepit. Ecce primum cæcitatatis, in quam Samsonem lascivia adduxit, gradum! Videlicet quod semet ob impuri amoris ardores improbæ scæminæ, e gente sibi inimica, & in ipsa hostium, ad mortem eum inquirentium, regione in servitutem addixerit. Hoc comperto Philistæi accesserunt ad Dalilam, magnam pecunie vim pollicentes, si persuaderet Samsoni, ut prodigiosæ fortitudinis, quæ insuperabilis reddebatur, causam panderet, eaque a Dalila e medio sublata ipse faciliori negotio superatus trucidaretur. Consensit perfida mulier (Ut personæ hujus generis venialia omnia habere solent) & amatorem suum perditissimum fraudulente tradendi consilium cepit. Itaque Samsonem domum revertentem interrogavit, in quo esset illius maxima fortitudo; cui ille, fors quæstionem suspectam habens: *Si septem nervicis funibus nondum fecis & adhuc humentibus ligatus fuero, infirmus ero.* Hoc Dalila referente Philistæi statim attulerunt ei septem funes, quos dixerat, ut ligaretur: Ipsi vero in alio cubiculo se absconderunt, ut, ubi Samson ligatus esset, eum in servi-

tutem abducturi erumperent. Et profecto ligavit eum dormientem perfida, cumque hostes exire latibulo suo cerneret, solita veruscia & simulatione utens exclamavit: *Philistim super te, Samson!* At ille disruptis ad instar tenuis filii vinculis hostes in fugam coniecit. Nunquid, O mei! hæc prima proditio plusquam sufficere Samsoni debuisset, ut sceleratam Dalilam nullo in posterum obtutu dignari statueret? Debuisset certe. Verum ita eum amor impurus excæcaverat, ut his rebus posthabitis vetitas ex perfida muliere voluptates captare perrexerit; quæ multum de pecunia a Philistæis sibi promissa sollicita denuo Samsonem quaerendo aggredditur, qua ratione spoliari sua fortitudine posset; cui ille: *Si ligatus fuero novis funibus, qui nunquam fuerunt in opere, infirmus ero.* Et ligavit illum scelestæ novis funibus latentibusque hostibus e cubiculo erumpentibus denuo exclamavit: *Philistim super te, Samson!* At ille ruptis vinculis, quasi filii telarum, hostes denuo fugavit. Nunquid putatis, O mei! quod saltem hac vice miser amore cæcatus statuerit deferere hanc proditricem? Non deseruit. Itaque tertia vice interrogat impia, quo vinciri deberet: cui Samson illudens aliud vinculorum genus dictavit. Etiam hoc illa jam tertia vice dormientem ligat, & prodeuntibus e latebra Philistæis iterum clamat: *Philistim super te, Samson!* At ille rupto vinculo hostes denuo in fugam dat. Proh cæcitate stupendam! Proh Samsonem vere excæcatum! Nunquid cogitari homo excæcator poterit? Tertio ab illa infami scæmina non sine præsentissimo libertatis ac vitæ amittendæ periculo proditus, tamen morari cum illa satius ducit, quam execrandas, quas ex illa captabat, voluptates dimittere. Ad extremum crudelis mulier, perfidiæ suæ promissam pecuniam obtinendi avida, fuminas artes, quibus hujus generis scæminæ uti solent, adhibere: iracundiam simulare: continuo amoris mediocritatem obijcere: oppugnare: instare viro, ut, qua re privari fortitudine sua posset, indicare vellet; adeo ut Samson tum ob

ob increpationes tum ob preces, quibus iniqua aures miseri continuo tundebat, quasi animi deliquium passus sit, teste Sacro textu: *Cumque ei molesta esset, & per multos dies jugiter adhaereret squalum ad quietem non tribuens, defecit enim ejus ad mortem usque lassata est* (f). Hinc, cum pessimæ meretrici perfidiam, prodiones, ingratiudinem ac crudelitatem obicere neque eam amplius respicere debuisset, contra impuro se amore vinci permisit rei que veritatem perfidæ aperuit: nimirum virtutem suam maximam in capillis capitis sitam esse; his recisis fortitudine se sua privandum & similem ceteris hominibus suturem esse. Quo audito Dalila Philistæos denuo monuit, ut venirent; qui assentes secum constitutum pecuniæ summam, se in insidiis collocarunt: Dalila vero expectans, donec Samson somno caperetur, capillos ejus abscidit, irruentesque Philistæi comprehensum mox oculis privarunt aliisque injuriis pro libitu asscescerunt, donec ille tandem miserranda morte occubuit. Quid vobis, O mei! de hoc facto videtur? Quis unquam hominem sapientem atque sortem per luxuriam ad tantam insaniam ac æcietatem adactum fuisse crederet, nisi factum hoc de Fide esset, expressum sacris lu codicibus eo, quo illud retuli, modo? . . . intelligite itaque, O mei! proprium esse huic abominabili vitio excæcasse mentem, ut felicitatis loco hoc reponat, quod malorum omnium cumulus est. Et profecto densissimis tenebris circumfusum animum gerat oportet, qui se ei vitio addicit, quod homines sibi subditos gratia Dei, honore, bona aliorum existimatione, fama, opibus, ratione, persæque etiam sanitate ac vita privat! . . .

Secundum speciale damnum, quod luxuriosis luxuria creat, est præcipitatio mentis, quæ teste S. Thoma lumen animi (respectu electionis remedium pro fine obtinendo adhibendum) obscurat. Hinc luxuria, postquam animum sic corruptit, ut is finem & scopum a ratione sana alienissimum, qualis est voluptas bestialis, sibi pro-

ponat; eundem insuper ita depravat, ut in electione remedium obtinendi illum finem præceptis & inconsultus sit. Ob eam causam nefando huic vitio deditos miros inire modos & insolita capeffere consilia, ut optatum finem obtineant, videmus: *Secundus adhuc est consilium de his, quæ sunt agenda propter finem; & hic etiam impeditur per concupiscentiam luxuriæ . . . & quantum ad hoc ponitur præcipitatio, quæ importat subtractionem consilii.*

Hujus ex lascivia ortæ præcipitationis egregium exemplum juxta cam priori de Fide certum (quippe in S. Evangelio relatum) habemus; quod, tametsi vobis notum sit, tamen hoc loco repetere æque proficuum erit. Nostis horribile & scandalosum facinus Regis Herodis Antipæ, qui impuro Herodiadis cognatæ suæ & uxoris fratris sui Philippi (adhuc dum viventis, uti Interpretes communiter tenent) amore accensus eandem rapuit triplici se commaculans scelerem, videlicet Raptus, Incestus & Adulterii non sine scandalo totius Orientis. Accidit autem, ut Herodes in diei sui natalis honorem sumptuosum convivium faceret, ad quod viros optimates provinciæ vocaverat. At ecce! recumbentibus adhuc dum conviviis omnibus comparet in triclinio filia Herodiadis adulteræ ad mensam accumbentis, & saltat & placet Herodi, qui ut adulteræ suæ impurum amorem sibi magis magisque conciliaret, filiæ ejus saltatione summo opere affici se ostendit, & quoniam (Repeto) omnibus modis studebat, ut execrabilis sceminæ voluntatem erga se inclinaret, impudenti saltatrici (haud recogitans, quid diceret) proposuit: *Peteret, quidquid vellet, in præmium saltationis; daturum se, etsi dimidium regni partem postulare.* Ecce, O mei! præcipitationem ex luxuria ortam, quæ menti humanæ consilium subtrahit. Num ineptius quid proponi potuisset? Hem! remunerandæ saltationis gratia proponere puellæ, addito quoque jurejurando: daturum se omnia, quæ petitura esset, etiam regni partem dimidiam! *Et juravit illi, quia, quid-*

(f) Jud. 16.

quid petieris, dabo tibi, licet dimidium regni mei (g) At filia astutissima consilium cum matre iniit, quæ ei persuasit, ut caput viri maximi Joannis Baptistæ in disco asserri peteret; Oderat enim eum mater adultera, quod Herodem de scandalo arguerat, & ut scelestam a se dimitteret, monuerat. Stupuit initio in petitione Rex; verum, quamvis Joannem multum veneraretur, tamen juramenti editi (quod in hoc casu nullum atque illicitum fuit) religione teneri se vel credens vel credere simulans, ut tum suo impuro amoris tum nefandæ adulteræ votis satisfaceret, Virum sanctum nulla mora interposita securi percute ejusque caput impudicæ saltatrici in disco asserri jussit. Ecce! quo mentem humanam luxuria præcipitet. Quod si Herodes, antequam præproperam hanc atque inconsultam propositionem ore protulit, paulo rem secum recogitasset; quis unquam credat, quod ille fidem suam tam dura lege obstricturus fuisset? Verum impurus amor, quo abreptus præ rebus aliis cunctis placere adulteræ studuit, haud sivit, ut considerate ageret: Hinc remedium explendæ lasciviæ tam ineptum, quale est stultissima illa propositio, præcepti ac temerario consilio elegit. O mei! si temporum nostrorum gesta repetere memoria velimus, quot Herodi similes inveniemus? Quot paucorum annorum spatio opulentissima patrimonialia dissiparunt, levique aut nullo pretio immobilia maximi momenti bona alienarunt? Quot ob hanc, ex vehementi satandæ libidinis impetu natam, præcipationem in vitæ & rerum omnium periculum se conjecerunt? Quot denique conjugatæ personæ occulta homicidia, tremita mente premunt; unde illa in numero impedimentorum dirimentium ab Ecclesia computantur?

Tertius mentis humanæ actus est judicium de iis, quæ agenda sunt: Verum etiam hoc teste S. Thoma per luxuriam impeditur, quippe quæ judicium de rebus agendis per inconsiderationem, cui persona lasciva obnoxia est, tollit: *Tertius est judicium de agendis; & hic etiam impeditur per luxuriam*.

P. Censurati Catechista.

(g) Marc. 6. (h) 1. Reg. 11.

riam . . . & quantum ad hoc ponitur inconsideratio. Observate quæso! Davidem hunc primitus sanctum, postea adulterum Israelitarum Regem, amoribus Bethsabææ irretitum, cujus sublimem intellectum jam pestis illa teterrima infecerat. Ecce! hic, ut nequissimæ erga uxorem alienam voluntatis suæ notitiam viro illius subtraheret & novis voluptatibus eandem pessimam voluntatem nutrire ac confirmare tuto pergeret, occidere innocentem Uriam factu optimum judicat. Scribit itaque Joabo summo copiarum præfecto: Virum illum bonum tam præsentis periculo objiceret, ut vivus non evaderet; Ponite Uriam ex adverso belli, ubi fortissimum est prælium, & derelinqute eum, ut percussus intreat (h) Miram inconsiderationem! Num Regi tam potenti ac circumspecto, uti David erat, aliæ deesse rationes poterant, quibus Bethsabæam suam faceret & virum illius removeret; quin eundem vita exueret? Centum facile ac mille modos, si ante captum propositum deliberare secum paululum voluisset, invenisset. Verum tenebræ, quas ater libidinis fumus menti Regis offuderat, essece runt, ut aptissimum remedium id esse deputarit, quod turpissimum maximeque execrabile fuit. Est nimirum ea miserorum Lascivorum conditio, ut nesciant quidquam opportunum judicare, nisi quatenus illud ad alendam, conservandam & explendam immodicam lasciviam suam conducit: Sit hoc deinde vel deterrimum, negligunt; dummodo libidini suæ serviat.

Quartus mentis humanæ actus est præceptum rationis de agendo (ut scilicet constanter agantur, quæ utilia judicata fuerunt) qui actus etiam impeditur per luxuriam, in quantum scilicet homo impeditur ex impetu concupiscentiæ, ne exequatur id, quod decrevit esse faciendum. Nequaquam opus hoc in loco facta in S. Scripturis tradita adducere; cum quilibet luxuriæ vitio addictus indicio ac testimonio de se suæque inconstantia in hujus vitii deserendi propositis ipse esse possit. Norunt hoc etiam confessarii miseratione certe digni, quibus adversus nul-

G g g

lum

lum aliud vitium major quam adversus luxuriam lucta est ob recidivos lascivorum lapsus, quippe quorum proposita, utut sæpe lacrymis, singultibus quandoque etiam iuramentis de non amplius cadendo (Ponderari hæc, priusquam permittantur, multum debent) ornata facile dissuunt. Labuntur enim miseri & relabuntur & relabendi vix est finis propter inconstantiam, quam in eis execrabile hoc vitium peperit, adeo ut ferme nunquam constantes & in propositis suis firmi evadant, nisi extrinsecam relapsus occasionem penitus deserant. Quod si occasio extrinseca non est; sed intrinseca, habensque sedem in propria hominis malitia (Intelligi me, quantum satis est, a fontibus & una infontibus satis me occultasse infame scelus credo) tunc inconstantia mentis quam difficillime confanatur, cui curandæ haud alia remedia esse diuturna docuit experientia: quam 1º humilem, servidam atque perpetuam orationem: 2º devotam Sacramentorum frequentationem: 3º poenitentiam medicinalem atque idoneam in casu relapsus. Hæc nisi adhibeantur remedia, vitium istud esse ejusmodi, ut sibi obnoxius non nisi in morte deserat. Ah Deus! . . . Ah confessarii! . . . Væ illis, nisi statim initio insent, Absolutionem disserant & piis artibus cunctis utantur, ne vitium hoc in consuetudinem transeat! Certe eorum conniventia ac dissimulatio innumerabilium longa serie lapsuum, immo (Deus avertat) damnationis tum aliorum tum propriæ causa moralis evadit.

Audivisti de damnis, quæ vitium luxuriæ intellectui infert: jam de damnis, quæ in voluntate creat. Horum quatuor sunt, ita ut duo priora damna iterumque duo posteriora ad se mutuo referantur; Ecce! verba S. Thomæ: *Ex parte autem voluntatis sequitur duplex actus inordinatus, quorum unus est appetitus finis: Et quantum ad hoc ponitur amor sui, quantum scilicet ad delectationem, quam ex corpore suo inordinate appetit; & per oppositum ponitur odium Dei, in quantum scilicet prohibet delectationem concupitam. Alius autem est appetitus eorum*

quæ sunt seu ducunt ad finem: Et quantum ad hoc ponitur affectus præsentis seculi, in quo scilicet aliquis vult frui voluntate; & per oppositum ponitur desperatio futuri seculi, quia dum nimis detinetur carnalibus delectationibus, non curat pervenire ad spirituales sed sæsistit.

Vivis coloribus lascivos nobis in libro Sapientiæ (1) Spiritus sanctus depinxit, damnis memoratis omnibus a luxuria (quod ad voluntatem) infectos; Etenim vitæ præsentis brevitate ac temporis velocitatem advertentes, quasi in cœtum congregati, dixerunt: *Umbra transitur est tempus nostrum, & non est reversio finis nostri; quoniam congnata est & nemo revertitur. Venite ergo & fruamur bonis, quæ sunt, & utamur creatura tanquam in juventute celeriter! . . . Coronemus nos roseis, antequam marcescant! Nullum sit pratum, quod non pertranseat luxuria nostra! Nemo nostrum exors sit luxuria nostra! Ubique relinquamus signa lætitiæ; quoniam hæc est pars nostra, & hæc est fors! Nonne in his verbis, O mei! amor proprius & propriarum voluptatum ardentissimus: nonne abominatio majestatis divinæ: nonne voluptatum hujus seculi studium vehementissimum: nonne sat aperta bonorum alterius vitæ desperatio apparet? Et profecto (si verum fateri velimus) ex quorum, nisi voluptuosorum hominum, ore audiuntur illæ propositiones, quæ animam peccatis carnalibus ceu sordidis ulceribus jam confectam, bona æterna penitus negligentem, immo de earum possessione desperantem, conspultam nefandis voluptatibus, in Fidei veritatibus nutantem ostendunt. Quis voluptuosis pronior ad Atheismum: voluptuosis, qui ut liberi animo libidinem expleant, ex libris longe pestilentissimis omnia sophismata, omnia effugia corradunt, quibus conscientia obstrepentis motus compescant, & eidem reluctanti persuadeant: morte cuncta finiri; atque ob id nec judicium, quod formidetur: nec infernum qui metuetur: nec paradisum, qui speretur, esse? Ita profecto est; Nemo alius ullus præter voluptuosum tam pronus ad hujusmodi sibi persuaden-*

dum,

(1) cap. 2.

dum, cujus rei confessoriorum quotidiana experientia testis est (Si quis tamen horum lascivorum sacro sese tribunali sistere quandoque decernit) qui veritates Fidei vel advertenter in dubio habitas vel omnino negatas fuisse ab ipsis audiunt, & qui, cum miseri illi vel privatim vel publice sæpe talia disseruerint, licentiam sibi providere debent eos ab excommunicatione reservata, quam incurrerunt, absolvendi. Dixi: Si quis tamen lascivorum sacro se tribunali sistere decernit; Nam hujus generis homines difficillime ad frugem animum applicant ob catenas, quibus vinciuntur. Atque ob id verbis profecto tremendis Osee Prophetæ (k) Dominus affirmavit: *Non dabant cogitationes suas, ut revertantur ad Deum suum; Quare? quia spiritus fornicationum in medio eorum, Et Dominum non cognoverunt.* Formidabile vaticinium!

Dicet aliquis: Ergone peccatis carnalibus demerso nulla emergendi via aut remedium superat? Superat, Chare! cum nulum aut peccatum aut peccati status sit, qui omni omnino remedio caret. At difficultas omnis in eo vertitur, ut remedium velis: Remedium hujus vitii (uti & reliquorum) est integra affectus & voluntatis conversio ac commutatio; scilicet ut odio habeat & detesteris id, quod prius adeo vehementer amavisti. Amavisti brutam voluptatem: hanc prae aliis rebus cunctis odio persequere! Amavisti personam illam, adeo ut eam vel corporaliter vel mentaliter præsentem tibi usque habueris: hanc execrare ac vita, ut & ab oculis & a mente tua longe absit! Ista autem affectus conversio, quæ plane necessaria, quam difficilis est: videlicet quam ægre mens avertitur a peccato, quod ob voluptatem, quam creat, maximæ adherentiæ est & difficulter deserit teste S. Thoma (l) *Peccatum luxuriæ est maximæ adherentiæ, & diffici- le e- b- ea homo potest eripi.* Est igitur remedium super; At in hoc res omnis vertitur, ut illud velis. Dices: Pater! Quid faciam, ut illud velim? Adverte animum! Cum ex Fide certum sit, ab au-

xilio gratiæ divini provenire debere, ut illud velis; ob id, ut illud ex animo & re vera velis, exoranda tibi misericordia Dei, quo tibi concedere gratiam illud volendi dignetur: Et si sic cum humilitate, fiducia ac perseverantia Deum orare non cessaveris, consequeris gratiam volendi memoratum remedium. Tum ad sacrum tribunal accede cum vero præteritæ vitæ dolore ac detestatione, unaque cum firmo & solido proposito eam in posterum non resumendi & præcipue fugiendi pro virili omnes eas occasiones, quibus ad peccandum inductus fuisti. Peracta apud pium doctumque confessorium peccatorum tuorum confessione remedia a relapso servantia ea tibi sunt, quæ doctus confessorius injunget: Injunget autem, si quidem partes ministerii sui implere voluerit, 1º ut Objecta, loca, conventus, libros, socios & laqueos illos omnes fugias, quæ vitæ tuæ lascivæ initium progressumque dederunt, 2º ut per certi temporis interval- la SS. Sacramenta frequentes; atque id tanquam partem poenitentiae injunctæ, 3º ut per certi temporis spatia quotidie ad regnam puritatis, Virginem sanctissimam Mariam confugas; & hoc quoque ceu partem poenitentiae injunctæ. Omnia hæc injungere confessorius oppido debet & bene faciet, si miserum Poenitentem (si quidem is voluerit) curandum ac sanandum suscipiat: Injunget præterea per modum consilii 1º sugam otii; cum Spiritus sanctus pronunciarit, quod *multam malitiam docuit (m) otiositas.* 2º Custodiam sensuum, maxime oculorum in aspiciendis sexus alterius personis; cum idem Spiritus sanctus dicitur, quod *mors ascendit per fenestras nostras;* quo in loco secundum omnium SS. Patrum sententiam per fenestras intelligi sensus corporis, maxime oculi, debent; Ita S. Basilus (n) Hieronymus (o) Gregorius Magnus (p) & reliqui. 3º Gulæ mortificationem aliquam; Egregie ad hoc tertium remedium facit textus allegoricus Prophetæ Jeremiæ dicentis (q) *Princeps coquorum destruxit mu-*

Ggg 2

ros

(k) Cap. 5.

(l) 1. 2. q. 73. a. 5.

(m) Eccli. 33.

(n) Libr. de Virginit.

(o) Libr. 2. contra Jovin.

(p) Libr. 21. Moral. c. 2.

(q) Cap. 39.

ros *Jerusalem*. In quæ verba S. Gregorius Magnus (r) *Coquorum ergo Princeps muros Jerusalem deiecit; quia dum venter ingluvie distenditur, virtutes animæ per luxuriam destruntur.* His modis si peccatores luxuriæ vitio obnoxii ad frugem reformati fuerint, & con-

vertentur & conversio eorum stabilis erit. Secus non dabunt cogitationes suas, ut revertantur ad Deum suum; quia spiritus fornicationum in medio eorum, & Dominum non cognoverunt. Magnum profecto essatum Dei, absolutum illud & universale!

(r) *Libr. pastor. curæ, p. 3. admon. 20.*



SERMO LXI.

De septimo Decalogi præcepto : FURTUM NON FACIES. De non furando.

Postquam Deus præcedentibus tribus præceptis, ne Proximum (quoad vitam & pudorem) læderemus, prohibuit; jam in hoc septimo, ad quod explanandum aggredimur, vetat, ne eidem (quoad facultates suas) noceamus. Verum ego (tum ut in rebus, quæ omnibus notæ ac spectatæ sunt, explicandis tempus frustra non conteram: tum ut alium furandi modum usitatissimum, de quo tamen pauci sese sacro in tribunali accusant, vobis cognoscendum dem) hoc loco cum S. Thoma istud solum monebo, quod *furtum est acceptio rei alienæ occultæ invito domino* (a) Dicitur: *Occulta*, ut a rapina distinguatur, per quam Proximo res sua præsentī rapitur; uti latrones publici seu prædones faciunt: quod peccati genus malitia sua furtum superat; nam præter rei ablationem Proximo etiam quædam injuria inferitur: *Per rapinam non solum inferitur alicui damnum in rebus, sed etiam vergit in quandam personæ ignominiam sive injuriam*, ait S. Thomas. Et quemadmodum furtum ad restitutionem rei ablatæ obligat, ita rapina tum ad restitutionem rei ablatæ tum ad congruam injuriæ Proximo illatæ compensationem obstringit. Itaque cum furtum sit occultæ rei alienæ ablatio, sequitur: omnes eos, qui Proximum occulte rebus suis præter fas privant, reos esse hujus peccati. Hinc non solum auferre

Proximo, quod possidet; sed etiam retinere, id quod Proximo debetur, furti reatus erit. Ob id qui justis ponderibus aut mensuris non utuntur; qui plurius quam justo pretio vendunt: qui minus quam infimum justum pretium solvunt, hi omnes furantur & restitutionis lege obstringuntur. Fures præterea sunt, qui modis illicitis lucrum faciunt: videlicet ii, qui mero mutui dati titulo tot & tot ex moneta vel ex centum lucrantur; quod manifestæ usuræ genus est: ii, qui vi sui ministerii hanc vel illam summam ex ærario aut ob aliam gravem procuracionem solvere obligati, moras de industria nectant, creditores fatigant, ad iterato redeundum adigunt, ut sic eos ad dandam strenam obstringant, quam dare non tenentur & quam coacti dant, ut se extricent & sum recipiant: ii denique omnes, qui fraudibus, fallaciis, mendaciis & aliis injustis viis acquirunt, quæ sibi non debentur nec darentur, si doli, fraudes & mendacia eorum scirentur. Omnes hi fures sunt & furti rei. Similiter illi omnes, qui ex justitia (quippe mercedem & redditus suos habentes) ministerium, officium opificium suum ea cum diligentia, quæ adhiberi ab aliis in horum ministeriorum exercitio diligentissimis solet, exercere obligantur (si hanc diligentiam omittunt) rei sunt damnorum negligentiam suam subsequendum; quæ nisi reparent, fures sunt stipendia

(a) 2. 2. 7. 66. 4. 3.

dia ab aliis injuste accipientes. Hinc Medici, Advocati, sollicitatores, magistri officiorum & alii omnes, quibus solvitur pecunia, ut debita diligentia ægroto, clienti, tyroni &c. assistant (si hanc diligentiam prætermittunt; unde gravia damna ad personas, quibus adfistere deberent, redeunt) rei furti sunt, obliganturque ad horum damnorum reparationem modis possibilibus faciendam. Omnes hæc sententiæ claræ sunt & acceptæ ab omnibus Theologis, quin eas ullus impugnet aut in controversiam adducat.

Dicetis: Quinam igitur sunt fures illi, in quos dicere constituiti, Pater! cum hic summatim modos usitatissimos omnes Proximo in rebus suis nocendi exposueris? Haud moror, O mei! fures istos vobis indicare: Sunt autem illi, qui, cum ære alieno premantur, quod vel statim dissolvere vel eidem dissolvendo pares se debitam parsimoniam adhibendo facere possent, hoc parum aut nihil curant. Isti sunt fures illi, quibus civitates scatent; quin multi eorum de hoc se vel aculent, persuasi, securam sibi esse conscientiam, quia habitualement ac inutilem debita solvendi voluntatem gerunt: Et tamen vivunt miseri isti in statu peccati mortalis, si (cum possint) aut statim non solvant aut (cum statim non possint) debitas diligentias non adhibent, ut se solvendo pares reddant. Horum, debita non solvendum, injustitiam præsentem impetere sermo- nem & eorum crudelem, infamein atque saluti animæ exitiosissimam agendi rationem vobis ostendere paro.

Spiritus sanctus, qui quodvis vitium suis maxime characteribus atque notis sacra in Scriptura exprefsit, etiam hujus injustitiæ imaginem adeo horrendam nobis reliquit, ut haud sciam, utrum eidem probe explicandæ par futurus sim. Est generatio, ait, quæ pro dentibus gladios habet & committit molaribus suis, ut comedat inopes de terra & pauperes ex hominibus (b) An effigies adumbrari crudeliter potest, quam pro dentibus totidem habere gladios & ciborum loco carnes hu-

manas? At fors hæc hyperbole quædam est? Nequaquam. Quid aliud enim est, illas vel illas summas pro libitu, posthabitis justis creditorum rationibus, e debitorum schedis expungere: Quid aliud est, nulla habita justitiæ ratione factas ab operario jussu ejus, qui præsidebat, impensas detrudere; quam habere *gladios pro dentibus*? Quid aliud est,olvere nolle nisi in hoc illudve tempus (cum solvi statim possit) utut inde damnum pauperi mercenario accedat: Quid aliud est,olvere nolle numerata pecunia (prout suppositum aut pactum fuit) sed mercibus, quibus aut creditor opus non habet, aut quæ deterioris conditionis sunt, vel ad breve tempus durant, vel etiam ex dimidia parte vitiatæ sunt; quam *commandere inopis molaribus suis*? Quid aliud est, vexare opprobriis artificem, operarium, venditorem fores debitoris urgente necessitate pulsantem & sua repetentem: Quid aliud, eosdem imprecationibus & quandoque minis, præcipitandi de fenestra aut scala, abigere; quam satiare se lacrymis eorum, devorare carnes eorum, exfugere sanguinem eorum & *comedere pauperes ex hominibus*? Veniunt illi petitum ea, quæ dari ipsis ultro atque mitti deberent; & quoniam veniunt ea demisse petentes, cum solvi eis, quæ petunt, adhibita commiseratione nec sine solutionis procraftinata excusatione deberent: contra illi ita crudis modis excipiuntur, ac si totidem latrones essent. Num major crudelitas cogitari potest? Quæ est toto orbe terrarum bestia, quæ feram sui generis devoret? Nulla certe: Mutuis quidem in se iris insurgent, leo in leonem, ursus in ursum, lupus in lupum, immo & se mutuo lacerabunt; at unum vorari ab alio haud continget, utut fævilissimæ speciei existant. Solus homo, qui solus & materialiter & moraliter comedere potest, solus homo per injustitiam in monstrum quavis bestia crudelius commutatur, isque efficitur, ut a Deo pro carnium voratore & sanguinis humani potatore habeatur: *Ut comedat inopes de terra & pauperes ex hominibus.*

Ggg 3

(b) Prov. 30.

bus. Profecto generationem execrandam, Hyrcaniæ tigris & Libycis leonibus ferociorem!

Tanti sceleris noxam subiturum sese quidam in occasione, quæ multum opportuna occurrit, & quam nescientibus releram, David existimavit. Stabat ille in acie, cum militibus suis ex adverso hostilis Philistæorum exercitus cumque siti ninia arderet, desiderium bibendi aquam de cisterna Bethlehem, ubi inimici castra posuerant, per casum verbis prodidit. *O! si quis daret mihi potum aquæ de cisterna, quæ est in Bethlehem juxta portam* (c) Hoc regis desiderio audito tres ducum fortissimi neglecto vitæ periculo omni per hostiles turmas ad cisternam penetrare & vas aquæ ex illa haurire decreverunt: Facile intelligitis, O mei! quanto discrimini se tres illi viri soli objecerint? Clam profecti virtute sua per hostium cohortes sibi viam straverunt, eademque cum virtute revertentes vas aquæ optatæ Davidi obtulerunt. Ille ducum adventu attonitus rem somno quam facto similiorem credidit, cogitansque præsentissimum vitæ, quod virorum illa trias adierat, discrimen & vas illud, non tam aqua quam sanguine fortium ducum plenum, reputans bibere noluit: *Propterea sit mihi Dominus, ne faciam hoc; num sanguinem virorum istorum bibam? Et libavit eam Domino.*

Jam ad nos redeamus. Nunquid simili horrore sudores operatorum, pericula mercatorum, lacrymæ artificum, sanguis creditorum nonnullorum debitorum crudelitatem exterrēt? Nonnullorum (inquam) debitorum, qui solvere exacte nolunt aut, disferunt. Qui sit, ut, dum nondum solutas vestes induunt, dum nondum soluto cultu se ornant, sanguinem mercatoris eam vendentis, artificis eamificentis non videant & ipsi quoque dicant: *Num sanguinem virorum istorum ego bibam?* Qui sit, ut ingredientiæ cubilia illa eorumque suppellectilem contuentes sanguinem non videant cæmentariorum, lapidarum, fabrorum lignariorum & aliorum operatorum, quibus nondum satisfactum?

Qui sit, ut aperientes scrinia & has vel illas summas expromentes sanguinem non videant plurimorum, qui mercedem laborum, sudorum operumque suorum, pretium mercium suarum anxie expectant, dicantque sibi: *Num sanguinem virorum istorum ego bibam?*

Neque credatis, hanc esse acutam quandam paraphrasin meo solum e cerebro enatam: Immo nititur illa verbis Dei a Prophetâ Jeremia, cap. 2. prolatis, quando animam divinorum præceptorum violatricem sic objurgat: *In olis tuis* (hoc est: *in oris vestium tuarum*, ut interpretes volunt, vel, ut septuaginta-viralis Versio habet, *in manibus tuis*) *inventus est sanguis animarum pauperum*, . . . Ita, sanguis pauperum creditorum in vestibus non solutis: Ita sanguis in manibus illis crudelibus, quæ tractant res aut opera aut mobilia non soluta: Ita, sanguis in pecunia, quæ in usus non necessarios expenditur, & pendi expectantibus creditoribus deberet: *In alis* (*in vestibus tuis*, *in manibus tuis*) *inventus est sanguis animarum pauperum*. Proh crudelitatem non dicam Christiano, sed vel homine rationis compote indignam! Sed crudeles isti credant nolum, quod per injustitiam suam in solos creditores sæviant; immo injustitia illorum in ipsosmet sævit, dum facit, ut pro hominibus infamibus habeantur.

Etenim quanquam omne peccatum mortale reddat eum, qui illud admittit, infamem in oculis Dei; non tamen eundem infamem in oculis hominum facit. Immo sunt multa peccata, malitia sua aliis multis superiora; quæ tamen sibi obnoxium (Utut ab omnibus ut talis noscatur) infamem haud efficiunt: cujus rei causa hæc est; quod homines, cum delicta pro eo, ut cum societate & commercio civili pugnant, pendant: illa potissimum vitia infamia notent, quæ hanc hominum societatem atque commercium tollunt ac destruant. Quid quod de multis vitiis quæstio esse possit, utrum annumerari insanantibus debeant; circa quod variae opiniones extitisse essent, adeo

adeo ut nonnulla vitia ab aliquibus infamia, contra ab aliis haud infamia iudicanda fore putem. At furtum infamis vitii genus esse nemo dubitat; adeo ut, quamprimum quis fur esse deprehenditur, confestim ab omnibus pro infami habeatur.

His, tanquam certis, in antecessum positivis videamus modo, utrum hanc furibus propriam infamiam incurrant illi, qui, debita sua non solvunt, cum solve aliquo modo possint; idque videamus sequentes sententiam S. Thomae, cui Theologi omnes consentiunt. Quid est furtum: quid est, esse furem? Furtum, ait Doctor angelicus, nil aliud est quam rei alienae ablatio invito domino; & pergit: Num aliud est illam invito retinere domino, quam invito domino auferre? Nequaquam, ait; Idem plane est auferre injuste, & injuste retinere; & hinc falsi infusta ablatione etiam infusta retentio comprehenditur: Erit ergo fur & ille, qui injuste aufert, & ille, qui injuste retinet. Jam qui non solvit creditoribus, cum tamen aliquo modo solvere posset, retinet illis invitis pecuniis illorum; ergo est fur: *Detinere id, quod alteri debetur, eandem rationem nocuenti habet cum acceptione infusta; & ideo sub infusta acceptione intelligitur & infusta detentio.* Argumentum hoc demonstrativum est: Erit igitur fur infamis, qui, cum posset, creditoribus suis non solvit.

Dicit aliquis, cui nigrum hoc theta displicet: Ego non solvo, quia creditores sua petita non veniunt; si venirent, satisfacerem illis. Heus! quot rationibus frivolum hoc responsum enervatur. Primo tu quidem sic affirmas; at ego nescio, utrum tu, etiam si venirent, illis facturus satis esses? Sed do tibi hoc; verum dic fodes! An debitorem adire creditorum est, & non potius debitoris adire creditores aut hos ad se accersere? Quo unquam jure sancitum legitur, ut creditor etiam investigandi debitoris incommodum subeat, & non potius debitor ad creditorem accedat aut hunc advocet, ut sua receptum veniat? Præterea, ais, non veniunt sua petitura: Nosti, qua-

re non veniant? Quia solutionis loco probra, contumelias, increpationes, minas reserunt: Nosti, quare non veniant? Quia (Et hoc maxime in causa esse solet) quia verentur, ne molesti sint: quia metuunt, ne modis memoratis excipiantur; non quia fieri sibi solutionem haud ardentius optant, præsertim si sunt operarii, artifices, mercenarii, qui manuum suarum labore ex die in diem vitam tolerant. Hinc illis statim non solvere, cum possis, est retinere rem alienam, & verum infame furtum: *Detinere id, quod alteri debetur, eandem rationem nocuenti habet cum acceptione infusta* (d)

Dicit alius: Fur aufert, ut non amplius restituat; Ego disero solutionem, ut suo tempore solvam. Responsum indignam homine, cui vel parum rationis superest! Ergone is, qui alteri aliquod mobile bonum auferret, illud sex mensium spatium retenturus & post hoc temporis redditurus, fur non esset? Quis unquam Theologus moralis hanc sententiam tenuit? Dicite mihi & advertite animos: Præceptum non auferendi & retinendi res alienas, an positivum an vero negativum præceptum est? Quid hac quaestione tibi vis, Pater! dicetis. Sensa animi cum S. Thoma & omnibus post hunc Theologis pando: Sunt duo præceptorum genera. Alia dicuntur positiva, fieri actionem aliquam constituto certo tempore imperant, & his satisficit faciundo illam actionem, v. g. Præceptum exercendi actus amoris in Deum impletur, si constitutis temporibus actus amoris in Deum eliciuntur: Et hæc præcepta non semper, sed præfinitis temporibus obligant. Alia dicuntur negativa, quæ prohibent facere actionem aliquam, v. g. non perjurabis, non machaberis &c. Et his præceptis satisficit abstinendo a vetitis actionibus: Ista vero præcepta obligant semper & ad semper, adeo ut nullum tempus sit, in quo facere dictas prohibitas actiones liceat: Hinc nullo unquam tempore fas erit perjurare, machari &c. sed hæc semper omitti debent. Jam quæro denuo ex vobis: Præceptum non

(d) 2. 2. q. 66. a. 3.

non furandi & retinendi rem vel pecuniam alienam positivumne an negativum præceptum est? Negativum esse omnes Theologi cum S. Thoma asserunt: *Retentio rei alienæ contrariatur præcepto negativo, quod obligat semper & ad semper*, atque ob id *tinetur statim ad reddendum* (e) Bene hoc attendatis velim. Qui statim non solvit, cum posset, retinet rem alienam: & retentio rei alienæ, etiam ad breve tempus, pugnat cum præcepto negativo, quod semper & ad semper obligat. Hinc si solutio exiguo temporis spatio (a mane ad vespertum) differatur, erit peccatum veniale: si vero moraliter & notabiliter longius extrahatur, peccatur peccato furti eo omni, quo extrahitur, tempore. Percipite, O mei! quid lex vetus moralis Dei, quæ etiam nos Christianos obligat, imperet: *Non morabitur opus mercenarii tui apud te usque mane* (f) Intellexistis? *Usque mane*. Et in Deuteronomio (g) repetit: *Non negabis mercedem indigentis pauperis fratris tui sive advenæ . . . sed eadem die reddes ei pretium laboris sui ante solis occasum*. Intellexistis? *Eadem die: Ante solis occasum*.

Dicet alius: Optime dixisti, Pater! faciendam esse statim solutionem, *si fieri potest*; nam sæpe fieri non potest nisi cum multo incommodo: Unde differtur, donec tempus commodum advenerit. Quisquis sic ais, male admodum intellexisti *si fieri potest*; illud *si fieri potest*, de quo ego loquor, in eam partem accipere debes (Adverte animum) quod vel statim fiat solutio, vel quamprimum fieri potest; adeo ut hac in re nulla alia impotentia quam physica (hoc est: si re vera non habes, quo solvas) aut moralis (hoc est: si solvere non potes nisi cum incommodo admodum gravi, & quod majus sit incommodo illo, cui creditor ob solutionis defectum subiacet) exculationem dare possit. Igitur *si fieri potest* significat (Et ecce! ad gravia animæ pericula, in quæ non solvens creditoribus incurrit, devenit oratio nostra) significat, inquam, quod, si solvere non nisi cum incommodo

admodum gravi possis, tum habito cum creditore colloquio & obtento illius consensu usque ad tempus cum illo constitutum solutionem differre queas. At si creditor ex eo, quod illi non satisfit, incommodo ferme æquali aut majori, quam incommodum debitoris est, obnoxius futurus esset: tum debitor non obstante omni incommodo solvere creditori debet; quoniam justum haud est (Hoc Theologi omnes asserunt) ut, cum alteruter gravi subjacere incommodo debeat, huic innocens subiaceat, & reus sese ab illo liberet: aut quod debitor ex re & pecunia creditoris impediatur damna sua, quæ omnia hoc modo in creditorem reciderent. His addo: Si nosti, te statim solvendo imparem esse, cur non monuisti venditorem, artificem, operarium, priusquam embas, opus fieri curabas, laborem imponebas? Ecce! ut prævisam impotentiam tuam tacendo eos decepisti, reumque te facias dilationis ab his operariis nec scito nec concessæ. Si vero solvendo te parem nosti, & tamen differre solutionem decrevistis; ecce! ut similiter astutus fraudator & insamis fur es. Præterea significat *si fieri potest*, quod, qui actu non potest (Si creditor simili necessitate non premitur) omni diligentia curare debeat, ut quamprimum solvendo par evadat: Et hic maxime scopulus est, ad quem multorum navigia alliduntur altaque mortalium peccatorum voragine hauriuntur; nam qui statim solvere nequit, quamvis creditor in simili necessitate haud versetur, obligatur, ut se solvendo parem faciat, primum quidem sumptus superfluos & meræ voluptati servientes circumcidendo; scilicet eos, qui in res nec personæ nec statui necessarias: qui in oblectamenta, in varios vestimentorum modos, in ludos, in choreas & alia similia fieri solent. Hos omnes refecandi gravi obligatione debitor tenetur, ut pecuniam in his rebus impendendam colligat, eaque debitum vel ex toto vel minutatim dissolvat. Deinde vero si eo, ut se debitor solvendo parem reddat, necessarium fuerit, etiam ea, quæ ad

(e) 2. 2. q. 66. a. 2.

(f) Levit. 19.

(g) exp. 24.

ad consuetum status splendorem spectant recidere, v. g. minuere famulorum numerum, equorum multitudinem, epularum lautitiam, conversationes sumptuosas & similia; hoc facere debitor sub mortali tenetur. Ita cum reliquis Theologis omnibus unus ex benignioribus & indulgentioribus, videlicet P. Sporer (h) affirmat: *Si solum deberet minuire statum suum, v. g. remittere de splendore apparatus, conviviorum, famulorum, equorum, lutorum &c. quæ non ad statum simpliciter sed ad solum splendorem & pompam necessaria sunt; sic debitor omnium consensu tenetur diminuire statum ad restitutionem faciendam.* Intellexistis? O mei! Hic est sensus, hæc vis illius: *Si fieri potest; minime vero ut expectetur, donec debitori commodum fuerit solvere.* Jam quotusquisque est inter Catholicos debitores, qui hinc parsimoniam modis utut sub mortali injunctis utatur, & non utens se sacro in tribunali accuset? . . .

Percipite factum pulcherrimum sacris literis traditum, multum proposito argumento aptum! Accessit die quadam ad Elisæum Prophetam pauper vidua, uxor defuncti Prophetæ, quam mortui viri creditor de solutione relictæ debiti urgebat, dicens Elisæo: Nosti, Vir Dei! virum meum semper pie vixisse; reliquit autem debitum, quod vivus solvere haud potuit; jam venit creditor solutionemque exigit; & quoniam solvendo non sum, vult tollere duos filios meos, ut missi in servitutem debitum dealeant, quæ res me admodum cruciat. Reposuit Prophetæ: *Quid vis, ut faciam tibi? Dic mihi, quid habes in domo tua* (i) Respondit illa: *Non habeo ancilla tua quidquam in domo mea nisi parum olei, quo ungor.* Bene habet, retulit Elisæus, *Vade! pete mutuo ab omnibus vicinis tuis vasa vacua non pauca, & ingredere & claudes ostium tuum, cum intrinsecus fueris tu & filii tui, & mitte inde in omnia vasa.* Paruit vidua, & stupendo divinæ potentiam miraculo paucillum illud olei ita crevit atque multiplicatum fuit, ut mutuo accepta vasa omnia illo redundarint. Videns hæc mulier venit . . . & indicavit homini Dei; Et

P. Cuviliati Catechista.

(h) Tom. 2. (i) 4. Reg. 4.

ille: *Vade, inquit, & vende oleum & redde creditori tuo; tu autem & filii tui vivite de reliquo.* Ecce! hæc est facti series. Jam ad nos revertamur & observemus primo, Elisæum in bonæ mulieris assertionem, dicentis: solvendo se haud parem esse, neutiquam acquiescisse; quin prius resciverit, num illa in domo haberet, quo solveret: *Dic mihi, quid habes in domo tua?* Hoc ipsum ego dicam debitori similiter dicenti: Solvendo non sum. *Dic mihi, frater! quid habes in domo tua?* At ut te recogitandarum rerum tuarum molestia levem, da veniam, ut in domum tuam ipse ingrediar. Ecce (Ut a victus tui ratione initium ducam) Ecce! video in mensa tua lautitiam & abundantiam, quæ haud decet eum, qui ære alieno premitur: Quod si mobilia & ornamenta domus lustrare pergo, ecce! video egregiam suppellectilem status tui ratione superiorem: In ornatu uxoris & filiarum ecce! video plura in singulas anni tempestates vestimenta, eaque ex panno nimis dispendioso; adeo ut si illa partem maximam divenderentur, tamen remaneret, quo pro status ratione honeste cultæ in foro comparere possent: Ecce! video monilia & gemmas nimis pretiosas, quarum ex pretio & solvi creditoribus posset, & remaneret tamen, quo monilia ordinem tuum magis decencia parari possent. In tuo autem scrinio ecce! video vestes innumeras, omnes magni pretii, omnes qualitatis statu tuo superioris: Ecce! video repositoria potuum *Casse & Cioccolata* (Ut vulgari vocabulo utar) video liquores varii generis, multaque alia & pоторia & cibaria; pro eo ut talia luxus scandalosi, qui nostris temporibus viget, animasque & familias evertit, regulæ volunt: Quod si ædes prædii tui lustro, ecce! video omnia esse superflua, ne ædibus quidem ipsis exceptis; nam quoniam tum illæ, tum quæ illis continentur, ad solam voluptatem faciunt, omnia ista sub gravi obligatione refecanda sunt, ut æs alienum dissolvas. Ecce, O frater! ut in facultatibus tuis mille res non necessarias invenio, quæ vel non emptæ vel venditæ

H h h

necef-

necessitatem miraculorum Elisæi tollerent; quoniam ad debita tua vel ex toto vel ex parte delenda sufficient. Itaque, O chare! non jam oleum prodigiose multiplicatum, sed quæ injuste comparasti, & quæ, mercedem operarii vel creditum vendentis defraudans, retines, *vade & vende & redde creditori tuo.* Novi ego quoque, quod, si inter hæc comoda omnia, inter hæc opportunitates omnes, inter hæc ornamenta omnia & ingenti hoc luxu omni vivitur, reddi creditoribus nec possit, nec unquam poterit: Atque ob id vivitur ex aliena substantia, & in statu peccati mortalis; quia non adhibetur debita se solvendo parem facienti diligentia, circumcidendo impensas non necessarias & comparcendo. Languescit interea creditoris ut plurimum egens familia; quia suum obtinere non potest, quod ipsum debitor tripudiando effundit, cujus anima quam in continuo æterni interitus periculo versetur, quis facile intelligit. Observemus secundo, Elisæum haud primo loco pauperis viduæ familiæ prospexisse; sed jussisse prius, ut oleum confestim venderetur & creditori solveretur: quod si quid reliqui foret, hoc in usum egenæ familiæ esset: *Vade & vende & redde creditori tuo, tu autem & filii tui vivite de reliquo.* Nequaquam hanc regulam nos sequimur, O mei! Nos primo loco corpus bene saginatum, splendidis ornatum vestibus, mille modis milleque gulæ illicebrius permutatum: domum ad novissimum seculi morem instructam ac decoratam volumus: Quod si posthæc aliquid residui exit, hoc demum creditoris erit: Proh inquam distributionem! Proh furem immo & raptorem; quia rem alienam sciente domino, creditore nimirum, retinet! Jam quotusquisque est, qui de hisce injustitiis, utut omnes mortalis peccati noxam habeant, sese accuset? . . . Dicet aliquis: Non confitemur ista, quia propositum solvendi animo versamus. Ah propositum fallax, quod animam peccatis & damnationis periculo magis magisque demergit! Nihil te sterile hoc & fraudulentum propositum juvat; Opus est, ut

habeas propositum solvendi non tam morosum atque abstractum, sed enim propositum adhibendi debitam diligentiam, qua te solvendo parem efficias, illudque opere exequi: Debes habere propositum factis rem aggrediendi, deferendi immanem rerum & vestimentorum luxum, rescandendi impensas non necessarias, immo & necessarias circumcidendi. Secus tuum solvendi propositum te magis magisque inhabilem ad satisfaciendum reddet facietque, ut densum contra te lutum (Verbis utitur Prophetæ Habacuc) congregetur, per quod jam non penetrare veritatis lumen poterit, dum damnis Proximo illatis magis magisque gravaris: *Væ ei, qui multiplicat non sua! Usquequo & aggravat contra se densum lutum* (k) Hinc S. Thomas jure pronuntiavit: *Quia nullum peccatum est ita periculosum; de omnibus cito pœnitent quis, de hoc autem peccato licet aliquando pœnitent quis, non tamen de facili satisfacit; Ideo dicitur Habacuc c. 2. Væ ei! qui multiplicat non sua.*

Audivistis verba Prophetæ: *Væ ei, qui multiplicat non sua! Usquequo & aggravat contra se densum lutum.* At quid vult sibi hæc allegoria? Quid significat illud: *Aggravat contra se densum lutum?* Vult sibi hoc, O mei! quod is, qui debita non solvit &olvere illa sua culpa disset, non solum quam debet summamolvere; sed etiam damna reparare, quæ creditor ob solutionis dilationem passus est, & lucra, quæ idem fecisset, si suum obtinisset, supplere teneatur. Sic una omnes Theologi voce cum S. Thoma docent, vocantes duplicem hunc titulum: *Dammum emergens & Lucrum cessans.* Sensa animi, ut ab omnibus intelligar, exemplo facillimo explicare juvat: Est creditor aliquis, qui centum aureorum summam a Petro recipere habet: Hic creditor summam istam sibi nondum solutam sciens & videns annuam levi pretio vendi, repetit a Petro centum aureos, illis familiæ suæ de necessario victu, dum annuæ vilitas manet, prospexiturus: Petrus, cui consilium suum creditor aperit, dare illos centum aureos renuit; quod

(k) Habac. 2.

quod istud ei parum libeat, & solutionem culpabiliter differt respondens, se post seminare soluturum. Interea temporis ingravescit annona, adeo ut modius duabus libris pluris vaneat, miserque creditor (cui haud alia pecunia suppetebat, qua sibi, dum annonæ vilitas fuit, prospiceret) damnum duarum librarum in quolibet modio patiatur. Jam quis in causa damni est, quod creditor facit? Quis alius nisi Petrus, qui debito tempore solutionem facere distulit? Ecce titulum damni emergentis! Ecce illud: *Aggravat contra se densum lutum!* Jam alium casum fingamus: Idem creditor illis centum aureis, si eos habuisset, negotiatus fuisset (quod Petro indicavit) & ex illis consueto lucrum florenorum decem ex centum fecisset; At quoniam eosdem non habuit, negotiari haud potuit: Et sic ex culpanda dilatione Petri amittit lucrum memoratum. Quis amissi hujus lucri causa, nisi Petrus? Ecce titulum *lucri cessantis!* Ecce illud: *Aggravat contra se densum lutum;* adeo ut Petrus secundum sententiam S. Thomæ (1) & Theologorum omnium reus sit aut damni ex annona graviore pretio empta enascentis aut lucri a creditore suum non habente amissi, hoc tamen cum discrimine, ut teste eodem Doctore angelico & Theologis omnibus damnum ex annonæ emptione, ortum a Petro debitore sarciri totum (quippe quod revera secutum est) debeat; dum contra lucrum cessans, utpote quodam modo incertum, suppleri haud ex toto debet, sed solum pro ratione periculorum: Hinc sufficit, si Petrus loco ducatorum decem rependat octo, vel septem, vel sex secundum judicium (Ut dixi) Virorum prudentium & hujus negotiationis peritorum. Neque hæ sententiæ graves, severæ, crudæ; sed omnibus, quotquot vel scripserunt vel scribent, Theologis communes sunt; cum jure naturali (Quod monui) nitantur. Atque ex his concludite, utrum non indies magis magisque ingravescat periculum animæ in hujusmodi debitoribus; quia dissimillimum est tum damna, quæ creditores

fecerunt, ex toto reparare: tum lucra, quibus iidem creditores ob defectum pecuniæ illis debitæ injuste privati fuerunt, penitus compensare. Ea de causa Zacchæus, celeberrimus ille publicanus, ob multa, quæ fecerat, negotia & rerum administrationem plurimam veritus, ne forte quenquam suorum creditorum defraudasset, conversus a Jesu, ut damna illa debita compensatione deleteret, dixit: *Ecce dimidium bonorum meorum, Domine! do pauperibus &c.* siquid aliquem defraudavi, reddo quadruplum (m) Quibus auditis Christus: *Hodie huic domui salus a Deo facta est.* Cognoscite, O mei! cognoscite ex verbis istis & difficultatem ex toto satisfaciendi, ut salus æterna obtineatur, vel modum certam reddendi salutem suam. Solvenda, solvenda sunt, quæ debentur: compensanda, compensanda sunt damna illata: *Reddo quadruplum.*

Percipere egregium exemplum datum hac in re a modam excelli ordinis Patrio Veneto, quem ego novi & qui ante sex ferme lustra ad Deum migravit: Narravit factum creditor ipse, qui, cum viro huic nobili merces aliquot mille aureorum summam constituentes credidisset, is tum quod publici ministerii causa magnas impensas facere debuit, tum quod domesticis infortuniis aliquot succubuit, statim solvere debitum haud potuit. Stupuit in hac dilatione, quippe quam viri nobilis sollicita in solvendo diligenter haud admittere videbatur, mercator: Tacuit, nec debitori occurrere suum repetendi causa ausus est. At vir ille nobilis mox, ut solvendo parem se sensit, moneri mercatorem fecit: Veniret, afferret debiti schedam. Hic schedam (Ut consuetudo est) pretiis gravioribus oneravit; quod solventes aliquid detrahere ut plurimum soleant, venit, exhibuit; Ea inspecta vir nobilis mercatori postulatam pecuniam omnem solvit, quin vel obulum detraxerit. Hoc videns mercator, Vir excellentissime! ait, attuli schedam, quæ hinc inde corrigi possit: Dicas ergo, quantum detractum velis? Cui vir nobilis, ut erat sapiens-

H h b 2

(1) 2. 2. q. 27. a. 2. & 2. 2. q. 62. a. 2. B. 4. (m) Luc. 19.

ſapientiſſimus ac probiſſimus: Biennii ferme ſpatio expectaſti pecuniam tuam, quam ſi habuiſſes, in ſœnus collocaſſes; ob id nihil detraho lucrum, quod amiſiſti, compenſaturus. Immo ſi, quod ſcheda indicat, omne ſolviſſe non ſuſcicit, dicito, quid inſuper deſit, & ego reddam. O animum chriſtianum ac juſtum! Miræ probitatis ſenſibus ſermo hic animum mercatoris aſſecit, qui reverentiæ plenus reſpondit: Vir excellentiſſime! Miror accuratam adeo diligentiam; habeo grates humanitati tuæ; nolo alias ſubducere rationes: Et ſic abiit actione hac, excelſo viri nobilis animo & illibata ejusdem conſcientia (qualis revera fuit) ſumme digna, in ruborem datuſ. Ecce vobis modum damna per ſolutionis dilationem illata compenſandi! Verum quot ſunt, qui ſic agunt, quamvis ſic agere deberent? Immo poſtquam ſolutionem non ſine culpa diſtulerunt, inſuper cum creditoribus expoſtulant, eos probris & convitiis onerant ac tandem, quæ voſcunt, illis exhibent; adeo ut, dum actum rigorosæ juſtitiæ implent, quaſi eleemoſynam quandam facere videantur. At ſilent, inquires, miſeri creditores. Non ſilent, O chare, tanquam contenti ſint; Nequaquam: Silent, ne majus quid patiantur. At ſilentibus illis non ſilet truncata, manca, ſaſtidioſe data laboris merces; immo clamat adverſus

ejusmodi ſolventes ad Deum. Audiri clamorem hunc a S. Jacobo, fecit Spiritus ſanctus: *Ecce! merces operariorum . . . qua fraudata eſt a vobis clamat, & clamor eorum in aures Domini Sabaoth introivit* (n) Ita profeſto auditur a Deo clamor defraudatarum ſolutionum; atque ob id idem ſanctus Apoſtolus ait: *Plorate ululantes in miſeriis, quæ adveniant vobis Deo crudelitatis hujus veſtræ poenas exigente.* Ita accedam, replicat Deus per Prophetam Malachiam (o) *ad vos in judicio & ero teſtis velox . . . iis, qui calumniantur mercedem mercenarii.* Omnia hæc pericula ut evitemus, O mei! ſequamur documentum S. Ambroſii (p) attendentes conſiderationem, quam eidem documento vir ſanctus adjunxit: *Redde mercenario mercedem ſuam nec eum laboris ſui mercede defraudes; quia & tu mercenarius Chriſti es, & te conduxit ad vineam ſuam, & tibi merces reſpoſita eſt caeleſtis.* Non ergo ladas ſervum operantem in veritate neque mercenarium dantem animam ſuam: Non deſpicias inopem qui vitam ſuam exercet labore manuum ſuarum; Hoc eſt enim interficere hominem, vitam ſuam ei debita ſubſidia denegare: *Et tu mercenarius es in hac terra: Da mercedem mercenario, ut tu poſſis dicere Domino, cum precaris: Da mercedem, Domine! ſuſtinentibus te* (q)

(n) Jacob. 5.

(o) cap. 3.

(p) Libr. de Tobia, c. 24.

(q) Eccli. 36.

SERMO LXII.

De octavo Decalogi præcepto: NON LOQUERIS FALSUM &c. De duobus modis per hoc præcepto prohibitis Proximo nocendi: nimirum per mendacia, & per adulationes.

TEstimonium falſum, hoc octavo præcepto prohibitum, proprie acceptum eſt testimonium illud, quod quis reddit, dum a legitima poteſtate in jus voca-

tur, ut de quadam perſona id teſtetur, quod de illa novit: ſeu bonum, ſeu malum. Et tenetur reſpondere verum legitime interroganti, ſive in utilitatem ſive in damnum ejus,

ejus, de quo interrogatur, cedat. Ob id hujusmodi interrogationibus juramentum requisitum, dicendi puram putamque veritatem, præmitti solet; ex quo sequitur, quod S. Thomas (a) observat: *In testimonio ferendo non debet homo pro certo asserere quasi sciens id, de quo certus non est: sed dubium debet sub dubio proferre, & id, de quo certus est, pro certo asserere.*

Neceffe est hoc loco errorem detegere, in quem nonnullos sub specie falsæ pietatis labi experientia cognovi. Vocatur e. g. aliquis ad tribunal, ut facti cujusdam testimonium reddat, e quo vel comprehensio, vel datio ad remum, vel ipsa mors amici sui pendet; adeo ut si vocatus in testimonium puram putamque veritatem, de qua certus est, confiteatur, amicus vel libertatem vel vitam amissurus sit. In hoc casu nonnulli amore amici affecti aut negant scire se quidquam, aut, quod sciunt, ita implicent atque involvant, ut ferri in fontem sententia haud possint. Hoc peccatum mortale est longe gravissimum duplici de causa; primo ob perjurium, dum juramentum editum dicendi puram veritatem violatur; secundo ob inobedientiam in materia gravi, dum obedientia judici in his casibus debita læditur, & adversus justitiam legalem delinquitur. Neque, quod ad primam causam attinet, dixisse juvat: Non habui animum jurandi, Nihil hoc juvat; nam primo gravis jurandi obligatio tibi incubuit, dum te eo publica potestas obstrinxit, quæ habet potestatem eo obligandi: Hinc primo graviter peccasti peccato inobedientiae. Secundo perjurasti tamen proferens in testificatione falsitatem, utut hoc solo corporis gestu aut verbo externo factum sit. Atque ob id damnata fuit ab Innocentio XI. doctrina affirmans (b) licere ob gravem causam exterius jurare sine animo jurandi. Dicenda itaque semper in judicio legali veritas, quidquid de amico fiat; cum Dei offensio quavis alia re potior semper sit. Hinc Innocentius III. pronunciavit (c) *Nec pro vita quidem defendenda licitum est mentiri:*

Quare si vel simpliciter mentiri non licet, multo minus licebit mentiri cum perjurio, post editum juramentum dicendi veritatem. Ita quoque multo ante Innocentium III. tempore docuit S. Augustinus (d) causas, de quibus quærebatur, utrum ob eas mentiri liceret, octeno numero concludens: *Sextum, quod & nulli obest & prodest alicui? . . . Non est mentiendum sexto genere; neque enim recte etiam testimonii veritas pro cuiusquam temporali commodo & salute corrumpitur: ad sempiternam vero salutem nullus ducendus est opitulante mendacio; Et alio in loco ait (e) Quid quod vita hujus tales amatores, ut eam non dubitent præponere veritati; ne homo moriatur; immo ut homo quandoque moriturus aliquanto serius moriatur, non tantum mentiri sed etiam pejorare nos volunt? . . . O! Ubi estis fontes lacrymarum? Et quid faciemus? quo ibimus? uli nos occultabimus ab ira veritatis, si non solum negligimus cavere mendacia, sed audent insuper docere perjuriam. Semper ergo legali in judicio veritas dicatur, quidquid exinde accidere Proximo queat, unaque bene notetur, hac ipsa veri dicendi religione vi hujus præcepti teneri (Ut Theologi observant) & accusatorem, & advocatum, & fiscalem, & notarium, & cancellarium, & alios, qui ad tribunal pertinent & quovis modo ad iudicium operam suam conferunt, ministros omnes.*

Ignitur cum hoc octavo præcepto mendacium, præsertim in judicio, prohibeatur, sequitur (Uti notat Catechismus multoties laudatus) etiam alia mendacia omnia vitata esse, quamvis haud omnia æqualem malitiam adjunctam habeant: Ob id cum omnibus post S. Thomam Theologis tria genera mendaciorum distinguenda sunt: Alia dicuntur *jocosa*, alia *officiosa*, alia *perniciosa*. In mendacio *jocoso* intenditur aliqua levis delectatio: In mendacio *officioso* intenditur utilitas Proximi sine gravibus tamen dolis aut damno alterius: Hujus duplicis generis mendacia, uti in se sunt & sublati omnibus aliis circumstantiis accepta, sunt peccata venialia.

H h h 3

(a) 2. 2. q. 70. a. 4. (b) Propos. 35.
de Mend. c. 14. (c) Libr. contra Mend. c. 18.

(d) In cap. Super. de Usur.

(e) Libr.

nialia. De perniciosis mendaciis vero, nimirum iis, quæ damnum afferunt, & quæ (si damnum grave sequitur) peccata mortalia sunt, paucis accipite doctrinam S. Thomæ, quorum reliqui Theologi omnes concordant: Damnum mendacium causatum vel reddit ad Deum, v. g. si quis diceret, falsam esse hanc vel illam veritatem spectantem ad mysteria, quæ credi, vel ad ea, quæ fieri debent (Et in hoc casu mendacium semper est peccatum mortale) si quis diceret, v. g. non esse approbatum ab Ecclesia pium SS. Imaginum cultum, aut licitum esse pejorare magnæ utilitatis causa, & quæ sunt similia falsa: Hæc mendacia (Ut patet) sunt perniciofa mendacia, in cultus divini grave damnum redundantia. Vel reddit damnum grave ad Proximum, si ve dum ei falsa doctrina in materia morum infillatur v. g. hoc vel illud facere non esse peccatum mortale; cum tamen sit (De hoc pluribus in sermone LVIII. egimus) si ve dum decipitur in ordine ad eas veritates, quas ipse scire desiderat; quippe res, in quibus addiscendis versatur, v. g. si ei falso dicas, hanc illam sententiam in materia morum veram esse; cum tamen falsa sit, aut eam solis duobus argumentis nixam magisque probabilem esse; cum tamen debilioribus nitatur rationibus minusque probabilis sit: si ve dum in rebus philosophicis veri loco falsum decetur. Omnia ista mendacia mortalia sunt; quia notabile damnum menti, & pro ratione circumstantiarum etiam conscientie Proximi inferunt. Est etiam grave Proximo perniciosum mendacium illud, per quod ei notabile damnum in bonis corporis ac vitæ, in bonis famæ ac fortune inferitur; prout omnibus evidens est atque apertum. Omnia mendacia, quæ ex se ad producenda ista damna idonea sunt, mortaliter perniciofa sunt: Illa vero quæ nullum ex his damnis important (uti jocosa & officiosa) sunt venialia: quavis etiam hæc, teste Doctore angelico, prout ratione circumstantiarum, maxime ob circumstantiam scandali, mortalia evadere possint, v. g. si

Prælati quidam gravis & apud omnes vitæ sanctæ existimatione florens de industria mendacium diceret, ut tale ab omnibus audientibus cognitum; hic scandalum grave præberet.

Præcellens in rem propositam Firmi Thagastensis antistitis exemplum narrat S. Augustinus (f) „ apud quem Firminus cum „ quæreretur homo iussu imperatoris ido- „ lolatræ per apparitores ab eo missos, „ quem ad se confugientem diligentia „ (quanta poterat) occultabat, respondit „ quærentibus: nec mentiri se posse nec ho- „ minem prodere. Indignantem responsum „ apparitores male eundem exceperunt; at „ ille, utut multa corporis tormenta passus „ in sua permansit sententia: *Nec prodam „ nec mentiar.* Deinde a carnificibus, fru- „ stra viri constantiam oppugnare se videnti- „ bus, ductus ad imperatorem usque adeo „ mirabilis apparuit, ut ipsi homini, quem „ servabat, indulgentiam sine ulla difficul- „ tate impetrarit. Prævidit nimirum vir sanctus scandalum, quod dedisset dicendo mendacium, utut in se leve; hinc ut non mentiretur nec tantum præberet scandalum, pertulit tormenta, probitatem illius ea re remunerante Domino, quod innocuo illi homini vitæ gratiam haud ægre obtinuerit. Odio itaque habeamus omne mendacium; perniciosum, quia illo Deus & Proximus graviter læditur: jocosum & officiosum, quia sunt peccata venialia, a quibus abhorere magnopere debet, qui Deum ex animo diligere cupit. De mendaciis autem Proximo perniciosis ob damna, quæ illi quoad vitam, famam ac facultates inferuntur, sermonibus LVI. LVII. & LXI. disserui.

Dicit aliquis: Pater! saltem prohibita non erit simulatio? Quin immo, O chare! prohibita est; cum simulare & alium, quam qualis es, te fingere sit mentiri teste S. Thoma (g) *Peccatum mendacii principaliter consistit in intentione fallendi. unde cum eadem intentio fallendi sit in eo, qui mentitur verbo, & in eo qui mentitur facio, uterque æqua-*

(f) Libr. contra Mendac. c. 23.

(g) Quæst. 6. q. 9. a. 9. & 2. 2. q. 111. a. 1.

æqualiter peccat; Et alibi ait: Simulatio propria est mendacium, in exteriorum signis factorum consistens. Hinc etiam simulatio, si perniciosa est (hoc est: vergit in notabile præjudicium Religionis aut Proximi) erit peccatum mortale: Quod si solum ex joco aut officiositate provenit, erit peccatum veniale. Ex his inferitur, quod simulatio in materia Religionis (hoc est: velle videri Judæus, Turca, Hæreticus &c. vel ad breve tempus) semper peccatum mortale sit; quia simulatio hæc Religioni præjudicium infert. Similiter fingere patronum causarum, procuratorem vel ministrum alterius, ut sive arcana partium cognoscas, sive alia, quæ ad te non attinent, expisceris &c. est peccatum mortale; quia simulatio hæc Proximo perniciosa est: Et quamadmodum mendacium in se leve, si proferatur animo fallendi in re notabili, peccatum grave evadit; sic etiam simulatio in se levis, si dirigatur ad finem malum (scilicet peccatum mortale) evadit mortalis. Atque ob id qui se Theologum fingit, ut conscientiæ alienæ secreta discat, qui medicum simulat, ut de veritate facti gravis multo occultissimi, de quo suspicio orta, certum se reddat, vel ut aditum habeat ad lectum alicujus infirmæ . . . qui se hujus vel illius artis peritum fingit, cum tamen non sit, omnes hi peccant graviter peccato simulationis Proximo perniciosa. Aliud vero est, ait S. Augustinus (h) occultare veritatem non simulando sed tacendo, ubi necessitas nulla est eam dicendi, aut periculum prudens eam ludibrio exponendi: Hoc non est, ait vir sanctus, simulare & fingere sed occultare id, quod laudabiliter occultandum: *Quamvis enim omnis, qui mentitur, velit celare, quod verum est; non tamen omnis, qui vult, quod verum est, celare, mentitur. Plerumque enim verum non mentiendo oculimus sed tacendo. . . Non est ergo mendacium, cum silendo absconditur verum; sed cum loquendo promittitur falsum.* Hoc occultationis genus quotidie laudatissime exercetur ab illis Missionariis, qui cum debita Romanæ sedis licentia

sub seculari habitu sese Infidelium in regionibus abscondunt, non animo fallendi; sed solum occultandi, quinam sint, ut hac ratione in Fide Neophytorum conservanda majori cum fructu elaborare & horum numero in ejusdem Fidei professionem alios aggregare possint. Hic animus haud fuit juniori illi Diacono, de quo Rufinus (i) meminit, qui omnia ordinis sui insignia, ne Diaconus haberetur, per speciem humilitatis & ut ne a S. Joanne anachoreta, quem cum aliis invisurus pergebat, honoraretur, occultuit: At vir sanctus illis ad tugurium venientibus revelatione divina Diaconum cognoscens & digito ostendens eum: *hic, dixit, Diaconus est: Et cum ille negare tentaret (En animus non mere occultandi veritatem sed fallendi) apprehendens eum manu sua osculatur & dixit: Noli, fili! negare gratiam Dei, ne incurras pro bono malum, pro humilitate mendacium.* Hinc illa simulationis plena & animi demissi speciem solum, non rem & virtutem habentia humiliationis verba cuncta sunt mendacia. Illud: dicere se magnum peccatorem, sceleratam, miserabilem, omni virtute nudum, & quæ sunt aliæ similes phrasæ, quæ ex ore personarum etiam piarum ac vitæ spirituali deditarum audiuntur, mendacia sunt; simulamenta & execrandæ hypocrisis effectus; nisi hæ personæ sibi revera persuasum habeant, se tales esse & sincere desiderent, se pro talibus haberi. Hoc autem sincerum desiderium, hanc internam persuasionem habere non tam facile est.

Quod si omne mendacium contra Proximum prolatum hoc octavo præcepto prohibetur; dubitari nequit, ait Catechismus Concilii Tridentini, quin etiam perniciosissimum adulationis mendacium prohibitum sit. Adulatio in eo consistit, quod Proximum astute laudes, ejus in te voluntatem ac studium conciliandi gratia, ut subin fines quosdam indirectos & peccaminosos obtineas. Quam gravia in hanc animorum duplicitatem Patres sancti dixerint, credi non potest? Solum Hieronymum audiamus (k) *Semper insidiosa, callida, blanda est adulatio.*

(h) Libr. contra Mend. c. 10.

(i) Libr. 1. de Vit. Patr.

(k) Libr. 1. contra Pelag.

pulchreque apud philosophos definitur: Blandus imitatur.

Sed ut propositum argumentum breviter ac diserte illustrem, pro more verba S. Thomæ adducam monentis, adulationem quandoque veniale, quandoque mortale peccatum esse posse: *Peccatum mortale est quod charitati Dei & Proximi contrariatur: Adulatio autem quandoque quidem charitati contrariatur, quandoque autem non. Contrariatur siquidem charitati tripliciter: Uno modo ratione ipsius materiæ; puta cum aliquis laudat alicujus peccatum; hoc enim contrariatur dilectioni Dei, contra cujus iustitiam homo loquitur, & contra dilectionem Proximi, quem in peccato sovet: Unde est peccatum mortale secundum illud Ipsi 5. Væ! qui dicitis malum bonum. Alio modo ratione intentionis, puta cum quis alicui adulatur ad hoc, quod fraudulenter ei noceat vel corporaliter vel spiritualiter; & hoc etiam est peccatum mortale: Et de hoc habetur Prov. 27. Meliora sunt vulnera diligentis, quam fraudulenta odientis oscula. Ter. io modo per occasionem, sicut cum laus adulatores alteri sit occasio peccandi, etiam præter adulatores intentionem. Et in hoc casu considerare oportet, utrum sit occasio data vel accepta & qualis ruina subsequatur (si gravis, grave erit peccatum; si levis, leve) Si autem aliquis ex sola aviditate delectandi alios vel etiam ad evitandum aliquod malum vel consequendum aliquid in necessitate, honestum illud tamen, alicui adulatus fuerit, non est contra charitatem; Unde non est peccatum mortale sed veniale. Hucusque S. Thomas (1).*

Ex hac unanimi Theologorum consensu recepta doctrina sequitur (Ut primo de ratione materiæ dicam) permulta peccata mortalia admitti a plurimis, qui ut personarum potentium favorem cupient, earum ultionibus & violentiis laudem egregii facinoris: earum profusioni laudem generositatis: earum arrogantiae laudem studii de conservando honore: earum temerariæ de capitibus sanctæ Religionis loquacitati laudem acuti ingenii & miræ eruditionis adtribuunt. Sequitur, peccata plurima admitti ab iis,

qui foeminarum perditos mores, scandalo- samque vivendi & conversandi rationem, magnæ indolis & insolitæ urbanitatis laude mactant. Sequitur denique, peccata plurima admitti ab iis, qui modo hujus viri, modo illius foeminae vitia vivacitatis, affabilitatis, humanitatis, teneritudinis & suavis obsequientiae larva contegunt. Sic nimirum res geruntur, ait S. Cæsarius Arelatensis (m) *Aliquis diffusi; latus vocatur: avarus est; & de eo dicitur, quia servat rem suam: Vindicat se de inimico; . . . & fortis vocatur: Sic considera cetera, quemadmodum adulatores habeant verba fallacia, habeant nomina laudis. Jam in has adulatrices linguas invehuntur Prophetæ annunciantes: Væ! qui dicitis malum, bonum, ponentes tenebras lucem . . . ponentes amarum in dulce. Sic Isaias (n) Væ! qui consunt pulvillo sub omni cubito manus, & faciunt cervicalia sub capite univerſæ ætatis ad capiendas animas. Sic allegorice Ezechiel (o) In quæ verba S. Gregorius Magnus (p) Quirquis male agentibus adulatur, pulvillum sub capite vel cubito jacentis ponit, ut qui corripit ex culpa debuerat, in ea sultus laudibus molliter quiescat. Hinc, subdit S. Augustinus primumque hunc adulationis modum concludit (q) adulantium linguæ alligant animas in peccatis; delectat enim ea facere, in quibus non solum non metuitur reprehensor sed etiam laudator auditur.*

Pergamus ad secundum a S. Thoma memoratum modum graviter per adulationem, peccandi, nimirum ad intentionem Proximo sive quoad spiritualia sive quoad temporalia nocendi. Statim hoc in loco intelligitis, gravi adulationis peccato peccare eos, qui, ut personam aliquam ad impudicas voluptates, quibus inhiant, trahant, illam laudant in iis rebus, quas illi personæ gratas accidere credunt: sive raram ejus pulchritudinem, sive animi vivacitatem, sive mirum ingenium, sive singularem alacritatem, quandoque etiam virtutem probitatemque deprædicantes, ut conciliata sibi illius personæ voluntate seductio faciliior & efficacior

eva-

(1) 2. 2. q. 115. a. 2. (m) Serm. 153. 15. Moral. c. 4. (q) In Psal. 5.

(n) Cap. 5. (o) Cap. 12. (p) Libr.

evadat; de qua re sermone LVIII. egi. Similiter graviter peccant illi ministri aulici, qui per nimias adulationes ac blandimenta Principis aut alterius personæ summi ordinis investigare secreta nituntur, ut ea deinde prodant, aut hisce notiitiis suum in commodum non sine gravi viri alterius bene meriti aut apud Principem gratiosi damno utantur. Gravier etiam peccantii, qui Principes, Reges, Magistratus (quoad nimia vestigalia subditis imposita & manifesto injusta) adulando confirmant, ut ipsi quoque lucrum vi extortum & illicitum referant, aut aliud emolumentum consiliis suis aptum inde percipiant. Ita etiam gravior delinquunt, qui virtutem atque animositatem alicujus laudibus extollunt, ut is, in pericula audacter se inferens, aut cadat aut male affectus redeat, & ipsi gradum illius his a se insidiis petitum occupent, vel ut e medio tollatur persona, quæ illorum ambitioni obstabat. Ii denique omnes, qui aliis similibus adulationis & blanditiarum modis perversa consilia sua tegunt.

Percipite in rem propositam factum sacris literis traditum, cujus etiam Catechismus Concilii Tridentini (r) meminit, quod ipsum alio in loco & in alium sensum adduxisse me recorder. Leniet illud, ut spero, auscultandi fastidia. Studebat tacitis modis omnibus Saul Rex Israelitarum, ut David vita exueretur; quod eidem ob virtutem animi meritaque bellica magnopere liveret. Constituit itaque efficere, ut David in manus Philistæorum (hostium suorum) incideret, eumque in finem exigens ei copias destinavit, ut Davidi confosso necessarie intereundum fuisset; Verum ut illius animum ad tanti discriminis incaptum accenderet, magnam se virtutis ejus exultationem habere finxit addito promisso, se filiam suam natu maximam eidem connubio juncturam esse: *Ece filia mea major Merob ! i. sam tibi dabo uxorem; tantummodo esto vir fortis & praeliare bella D. mini* (s) Ast sacræ nos literæ docent, pessimum Saulis consilium fuisse, ut David periret: *Saul eum repu-*

P. Cunctiati Catechista.

(r) p. 3. 4. 9. 12.

(s) 1. Reg. 18.

tabat dicens, non fit manus mea in eum, sed fit super eum manus Philistinorum. At fessellit Regem consilium; etenim David expeditione accepta abiit, conflixit, vicit: Quamvis autem Saul primogenitum suum Merob alteri cuidam in matrimonium collocasset, tamen tenax propositi sui, (Davidem in perniciem adducendi) denuo eum in generum adoptarum se fingens filiam natu minorem promisit renunciarique ei jussit, sibi centum Philisthæorum capita pactionum nuptialium loco fore. Ast etiam hac vice movent SS. Literæ: *Porro Saul cogitabat tradere istis adulationibus David in manus Philistinorum.* Ille vero divino munitus auxilio etiam in hac secunda expeditione insignem ex hostibus victoriam retulit. Sic Saul, ait Catechismus laudatus, cum Davidem furori & ferro Philistinorum objicere cuperet, ut occideretur, illi blandiebatur his verbis: *Ece filia mea Merob &c.* Saullem imitantur etiam supra memorati, laudant, blandiuntur, adulantur, ut tametsi cum damno, periculo & detrimento ejus, cui adulantur, optatum consiliorum suorum exitum nanciantur. Bene de his dixit Spiritus sanctus: *In labiis suis induleat inimicus & in corde suo insidiatur, ut subvertat te in foveam* (t)

Occurrit hoc in loco, ait Catechismus Concilii Tridentini, alius adulandi modus, eo perniciosior Proximo quo ulitatur, inaxime inter viros optimates, divites & hujus seculi felicitate fruentes. Est autem eorum, qui optimatum aut divitum aliquem in gravi vitæ periculo positum vident, & cum ejus salutem æternam in tuto collocare deberent, persuadendo eidem ut tempore opportuno Confessionem peragat; contra veriti, ne talia intimando molestiam ei creent & gratia ejusdem excidant, quasi ipsi adulando dicunt: Malum non tam grave esse, quale illud n. edici describant, utpote quos ad illud exaggerandum vel vanitas vel lucrum impellat: Abigat ergo ex animo mortis metum; læta cogitet; brevi sanitatem reddituram esse. Unde infelices illi his se-

l i i

ducti

(t) Eccl. 12.

ducti blandimentis tamdiu differunt recipere SS. Sacramenta, donec illa vel recipere amplius nequeunt, vel adeo male recipiunt, ut melius esset illa omnino non recipere; eoque præteritis delictis novum sacrilegium addant: *Longe autem verniciosa est oratio amicorum, asinium & cognatorum; quæ ad eos interdum utuntur assentatorie, qui mortifero morbo affecti jam sint extremo spiritu: dum affirmant, nullum esse tum ei a morte periculum; dum lætum & hilarem esse jubent, cumque a peccatorum confessione tanquam a tristissima cogitatione deterrent.* Jam summi hujus mali (quale est aut sine Confessione aut mala cum Confessione mori) quæ est causa, nisi adulatio amicorum, famulorum sæpe etiam propinquorum sanguinis vinculo arctissimo conjutorum, qui omnes (pro virili sua quisque) blandiendo animam ægrotantis præsentissimo damnationis periculo ob fœdioris, quos spectant, fines exponunt? . . . O adulationem omnium pessimam! Nunquid adulari ægrotò in tanti momenti negotio ob metum, ne forte ei displiceas aut gratiam ejus amittas, manifesta proditio est? At Pater! objiciet medicus: Certus sum, me, si minus sic loquor, torve aspicendum, & cubili & domo tota ejiciendum esse. At Pater! opponet legatarius: Partem non habeo in testamento. At Pater! dicet alius muneris cuidam inhians: Patronus meus esse desinet. Omnia hæc vobis concedo; at nunquid ob id adulare eidem debetis, adeo ut discrimen adeat Confessionem vel nullam vel malam peragendi? . . . O maledictum adulationis genus, quod tot animas in perniciem trahit atque trahit! Næ hujusmodi homines imitantur miseros illos prophetas, qui cum genio Regis Achab obtemperare vellent, interrogati ab eodem exitum belli optatissimum prædixerunt; quem tamen infortunatissimum fore Michæas verus Propheta prænuñciarat, qualis vera re etiam fuit; eoque hic Propheta non impii Regis genio obsecundandi gratia sed ex lumine cœlitus menti illapso locutus fuerat.

Sic in nostro quoque casu persæpe fit: Ut voluntati parum piæ ægroti statim confiteri dubitantis obtemperetur, si ille de morbi eventu sciscitatur, dicitur: Malum leve esse; haud graves illius consecutiones fore; bono animo sit; ne mentem tristibus cogitationibus turbet; utcunque res cadat, usque tempus superfore. At ecce! subito præcipitat in pejus infirmitas, turbat cerebrum, mentem atque memoriam obfuscat. Tum clamant: Confessarium! cito Confessarium! Ah! hæc Confessio qualis esse possit, ille Deus novit, sine cujus speciali auxilio peragi bona Confessio nequit; ille Deus, qui auxilium hoc pro sua misericordia iis largitur, qui eodem sese indignos non reddiderunt. Utrum vero tamdiu differre Confessionem, non sit indignum se facere auxilio illo divino, sanctis Patribus dijudicandum relinquo, qui hac de re oppido terribilia scripserunt.

His duobus adulationis graviter peccaminosæ & charitati contrariæ modis tertium subiungit S. Thomas; scilicet in quantum adulator ei, cui adulatur, variis modis peccandi animum præbet, etiam præter suam intentionem. Hinc potest adulator pro ratione materiæ, in qua adulatur, & personæ, cui adulatur, vel graviter vel venialiter peccare; nam si prævidere potest ac debet, quod, quamvis blanditiæ, encomia & adulationes suæ leves sint v. g. solum aptæ ad excitandam vanam gloriam; tamen ob infirmitatem personæ queant in illa alium graviorem affectum vel complacentiam ciere, adulatio evadat mortalis. Atque hoc in loco legentium utilitatis causa observavero, hoc in duobus personarum generibus & duabus in materiis, utpote frequentissime occurrentibus, fieri facile posse. Primum est laudare in materia animositatis & virtutis certas personas ceteroquin ad ostentationem & ad gloriandum in peccatis a se admissis pronas, quæ si tanquam sortes, strenuæ, animosæ prædicantur, confestim facinora sua fortia Proximo graviter injuriosa narrare aggrediuntur (v. g. se hunc vulne-

vulnerasse, illum provocasse, istum sustibus credendum curasse &c.) idque cum vana gloria, complacentia, ostentatione: quæ omnia peccati mortalis malitiam adjunctam habent; quia sunt complacentiæ de actionibus mortaliter peccaminosis. Ob id adulator, qui harum causam & incitamenta, laudem virtutis atque animositatis tali personæ tribuendo, præbuit (si hoc prævidere potuit ac debuit) reum se & complacentiis istis cum mortali peccato cooperantem facit. Ast ex quo prævidere hoc potuit? Ex eo, quod hunc talem iactare se aliis vicibus audivit, & eundem ad ostentationem pronum novit. Hoc ipsum, O mei! de quovis alio rerum & de quovis alio gloriationum genere (sive illæ circa præteritas peccaminosas familiaritates, sive circa ipsos amores lascivos, sive circa dolos ingeniose machinatos & alia similia versantur) statuit.

Secundum genus personarum, respectu quarum adulatio (in se vana solum ac venialis) evadere graviter peccaminosa potest, sunt femine; quas adulando laudare de dotibus sexui huic propriis, de venustate

formæ, de vivacitate, de ingenii acumine &c. facile peccatum mortale erit; nam quamvis laus naturalium dotum solum levem vanitatem excitare debeat, tamen haud raro in femineis mentibus ideas & cogitationes indecentes gravesque futilibus argumentis nixas suspiciones, immo etiam in cordibus earum affectus parum honestos suscitât; adeo ut nos hac in re oppido cautos ac sobrios esse oporteat. Dicentem aliquem audire mihi videor: Pater! quid facto opus, ut me illæsum atque a peccato immunem servem; quandoquidem vitium hoc latissime patet, & singulos in dies adulationes, blandimenta atque encomia audire est. Respondeo concludens cum S. Augustino: *Dici mihi (u) Patior adulatorem, non cessant resstrepere, laudant in me, quæ volo. . . Non inde impinget caput tuum oleum peccatoris, a Rege psalte memoratum, id est: Noli gaudere ad talia, noli annuere, noli consentire, noli inde gratulari: Etsi ille attulit oleum adulationis; sed caput tuum integrum mansit, non inflatum est, non tumuit; si enim inflatum fuerit & tumuerit, facit pondus & præcipitat te.*

(u) In Isah. 140.

SERMO LXIII.

De nono Decalogi præcepto: NON CONCUSPISCES UXOREM &c. De expellendis cogitationibus & affectibus impuris, itemque de oculis custodiendis a concitu Objectorum & lectione librorum perniciosorum.

CUm nonum Decalogi præceptum prohibeat, ne in lascivum finem alienam uxorem aut virum alienum concupiscamus, nonnullis supervacuum videri mandatum hoc poterit; quod, dum Deus in sexto præcepto omnem immodicam actionem vetuit (Uti suo loco vidimus) consequens sit omnem in tali actione complacentiam deliberatè & advertenter admissam, multoque magis omne illius desiderium illicitum esse;

tamet si actio ipsa non subsequatur. Verissima hæc sunt, O mei! neque tamen ob id præceptum hoc nonum superfluum iudicabitur, ubi ea perceperitis, quæ allaturus sum, quamvis incredibilia esse videantur. Novit Deus per infinitam sapientiam suam, plurimos ex Hebræorum gente, immo ipsos gentis hujus magistros (quales erant Pharisei) horribilem errorem propugnatos fore; Non puniri a Deo peccata tantum interna prava-

rum complacentiarum & pravorum desideriorum, quæ opere externo non complerentur; & (quod consequitur) ista a Deo non prohiberi. Errore memorato se quoque occupatum prodidit Iosephus Flavius Phariseus ævi sui doctissimus, qui Polybium rerum Persicarum scriptorem reprehendit, quod Antiochum Epiphanem intempestiva morte ob id correptum tradat; quia is templa Dianæ, in Perside extantia, solo æquare cogitavit; etsi consilium hoc suum perficere eidem non licuerit: *Voluisse sed non pericisse sacrilegium*, ait (a) *non videtur res digna supplicio*. Quis sibi persuadeat, fieri potuisse, ut apud homines non ratione solum sed & veræ Religionis luce præditos (puta Hebræos) etiam post acceptum divinum præceptum: *Non concupisces uxorem Proximi*, error tam gravis inter ipsos adeo magistros invaluerit. At quæ ratio, dicitis, inducere ad ista docendum magistros illos potuit; cum ante oculos memorata Dei verba habuerint. Ecce rationem illorum! Nulla lex humana, dicebant, peccata interna prohibet: & tamen iustæ hæ sunt; Erit ergo iusta pariter lex divina, etsi peccata interna non prohibeat: Quod si non prohibet, peccatum non erit illa admittente. Rem profecto stupendam! Heu in quantam mentis cæcitatem itur, si sine gratia Dei vivitur! Etenim quis est, qui non statim videat, magnum esse Deum inter & homines, magnum leges divinas inter & humanas discrimen? Homines legesque humanæ non prohibent peccata interna, quia de illis (ut probe plane occultis) nec judicare nec eadem punire possunt; At nunquid & Deum, legislatorem summum, peccata latent interna, quæ a creaturis ejusdem admittuntur? Nequaquam; Sic testantur Scripturæ sacræ: *Deus intuetur cor* (b) *Scrutanti corda & renes Deus* (c) *Ego Dominus scrutans cor* (d) *Cordis scrutator* (e) & (Ut multo alios locos prætermittam) *Oculi Domini multo plus lucidiores sunt super solem, & circumspicientes vias hominum & profundum abyssi, & hominum corda intuentes in absconditis partes* (f)

Scimus itaque ex Fide, Deo nota esse peccata interna: At hoc ipsum Ratio quoque confirmat; nam quomodo Deus esset infinitæ cognitionis Deus, si minus humanas cogitationes & voluntates omnes nosset: Quod si autem illas evidenter cognoscit, iuste etiam prohibet ac punit, si malæ; remuneratque, si bonæ fuerint. Jam hoc quomodo ignorari potuit, nisi ex quadam ignorantia plane malitiosa & ultro volita ab Hebræorum populo, multoque magis a Phariseis legis magistris? Legebant certe in Scripturis sacris allata a me verba: legebant præterea (g) quod *cogitationes perversæ separant a Deo*: legebant præceptum Domini (h) *Averte malum cogitationum vestrarum*: legebant preces iusti (i) *In cogitatu maligno ne derelinquas me*: legebant has & his similes Scripturas claras, literales, manifestissimas; & tamen errorem præstatum tuebantur atque docebant. Sed reliquamus Judæos cæcitati suæ, proque eorum illuminatione Deum exoremus, & quidquid admirationis suscepimus, in nos ipsos convertamus: utpote quos inter, utut Judæis majora lumina acceperimus, & tanquam luce abundantiori circumfusi plura sciendi obligatione teneamur, nihilominus multi existunt, qui in peccatis internis solum cogitationum & desideriorum ita cæcutiunt, ut variis modis hac in re errent. Nonnulli, maxime rudis plebeculæ, dicunt: nescire se, quid sit peccatum cogitationum. Plurimorum quidem, prava desideria deliberato admittit esse peccata; at ignorant, complacentias in rebus malis advertenter admittas peccata esse, quando desiderium deliberatum non accesserit. Multi utrumque confundunt atque miscent. Alii credunt, cogitationem menti solummodo currentem, utut repudiatam & non admittam, peccatum esse. Certe quamplurimi neque de complacentiis neque de desiderijs se accusant, nisi eos desuper diligens confessorius, monuerit atque interrogarit: Hinc contenti dixisse (Et hoc quoque admodum confuse ac indistincte) *Feci: Dixi hoc vel illud*, de cetero

(a) Libr. 12. Antiquit. c. 13.

(b) 1. Reg. 16.

(c) Psalm. 7.

(d) Jerem. 17.

(e) Sapient. 1.

(f) Eccl. 23.

(g) Sap. 1.

(h) Mai. 1.

(i) Eccl. 23.

cetero non curant addere: *Desideravi multo-
que minus: Habui complacentiam &c.* Unde,
nisi eos accuratus ac diligens confessor
interroget, abeunt sacro e tribunali in-
numeris peccatis mortalibus (per cogita-
tiones & desideria admissis) onerati; quin
sefe de illis accusent. Et vellem profecto
(Quoniam, quæ dico, longa multorum an-
norum experientia didici) scire, quibus ar-
gumentis culpam a se amovere possit confes-
sarius hac super materia non interrogans
Pœnitentem, qui per ea, quæ in Confessione
exponit, justam gravemque causam præbet,
ob quam etiam de cogitationibus interrogetur?
Sentient hoc certe in iudicio divino
confessarii; cum inter hos existere certo
sciam nonnullos, qui ea, quæ Pœnitens
exponit (qui post multas actiones v. g. im-
pudicas manifestatas nihil de cogitationibus
& desideris deliberato, quin actio subsecuta
sit, admissis addit) audientes tacent &
Pœnitentem desuper non interrogant. Prohi-
silem tum integritati Confessionis, tum
utilitati pœnitentis tum animæ ipsius confes-
sarii, qui se Deo de illo nunquam purgare
poterit, maxime perniciosum! Dicta hæc
quasi per digressionem sunt; quia opportu-
ne inciderunt, & rei, utut deplorandæ ve-
ritas patet.

Sed præstat ad propositum argumentum
redire & erudire Fideles in materia practica,
quotidiana ac necessaria: quam, utut non-
nihil asperam ac salebrosam, ita tamen divi-
na juvante gratia expeditam, ut & innocen-
tium animos non offendam, & tamen ab
omnibus intelligar.

Primum itaque in solatium multarum sim-
plicium animarum dicam, quam nulla mala
cogitatio, nulla mala inclinatio cujuscun-
que demum generis in mente aut in volun-
tate exoriens animæ noceat, nisi adverten-
ter & voluntarie admittatur: Et quod ob
hoc ipsum prævaræ cogitationes, phantasie
maxime brutæ & inclinationes voluntatis ve-
hementissimæ, quamdiu repudiantur, exe-
crantur, repelluntur, animæ plane nihil no-
ceant; immo sic repudiata & repulsæ meri-

ta nostra apud Deum magnopere augeant.
Quod si forte, qui easdem repellit, se istud
haud vere facere & grata quodammodo se
habere talia sibiipso videatur, ne ob id per-
timefcat; cum hæc sit tentatio diaboli omnia
molientis, ut tentatus animo cadat & fidu-
ciam amittat: Pergat tantum deprecari Do-
minum, pergat talia detestari & dicere:
Plane ista nolo, curans de cetero (quoad
ejus fieri potest) ut mentem alio avocet;
nec timeat sibi, quia non peccat; quin po-
tius ex his conflictibus multum meretur.
Sed jam ad rem!

Peccata interna (quæ ut plurimum pec-
cata cogitationum vocantur) sunt duplicis
generis: Alia sunt solius complacentiæ;
alia desiderii. Peccatum mortale solius de-
lectationis seu complacentiæ admittit is; qui
in aliquo Objecto seu actione mortaliter pec-
caminosa animum deliberato desigens inter-
ius delectatur & in illa sibi complacet. At-
que ut hujus rei exemplum, quod phanta-
siam vestram quam minime coinquinet (Nam
quod de uno peccati genere dicitur, de reli-
quis omnibus peccatorum generibus acci-
pi debet) vobis dem, ponite sequentem ca-
sum: Aliquis ira in Proximum ardens vel
sua sponte vel diabolica suggestionem fingit,
videre se, cædi fustibus aut conjici in vin-
cula aut dari ad remum hominem sibi exo-
sum: In hac cogitatione advertenter cum
delectatione interna immoratur gaudens de
gravi malo, quod adversario suo evenisse
cogitat; Et quamvis non desideret, ut hoc
inimico eveniat, tamen in illo sibi compla-
cet, ac si Proximo re vera evenisset. Ecce!
hic talis peccat peccato delectationis inter-
næ: cui si adjiciat advertenter desiderium
seu votum, ut hoc malum Proximo acci-
dat, insuper peccat peccato mortali deside-
rii: quæ ambo peccata (complacentiæ ni-
mirum & desiderii) charitati Proximo de-
bitæ graviter adversantur. Hoc ipsum de
quavis alia re graviter a Deo prohibita sen-
tatis velim, & (Ut paradigma præcepto,
de quo ago, conveniens dem) ponite sequen-
tem casum. Aliquis fingit sibi personam,

ac si cum ea actionem impuram patraret, aut vero ac si eam solummodo impure videret: Advertit hoc; nihilominus interius delectare se ea cogitatione pergit: Ecce! peccat mortali peccato delectationis seu complacentiæ lascivæ, quamvis non desideret patrare id, quod cogitat: Quod si desiderium istud adverterent addit, peccat insuper mortali peccato desiderii impuri. Sciendum præterea, quod tum delectatio tum desiderium pro varia Objecti, ex quo delectatio capitur aut quod concupiscitur, ratione variam peccati speciem contrahant, speciem scilicet vel stupri, si persona est virgo: sive adulterii, si persona est conjugata: sive sacrilegii, si persona est sacra Deo: sive fornicationis, si libera est: Taceo hoc loco alias peccati magis execrabiles species, si Objectum seu actio, ex qua delectatio capitur aut quæ desideratur, alterius generis, & contra ordinem naturæ fuerit. Hinc nequaquam nimis curiose aut nimis religiose agunt confessarii illi, qui Peripitentes se de malis cogitationibus, affectibus & desideriis sponte admissis accusantes interrogant: Istane in virgine an vero conjugata &c. admissa fuerint? Debent illi hæc interrogare, ut species peccati appareat; quod SS. Concilium Tridentinum & una Theologi omnes voce post S. Thomam volunt (k) Vidimus, O mei! quid sint peccata delectationis & desiderii impuri; jam quæ horum causæ ac principia sint, investigemus.

Peccatorum delectationis & desiderii impuri duæ potissimum causæ esse solent. Prima est negligentia custodiæ oculorum: Sunt tum virorum tum sæminarum plurimi, qui oculos in alterius sexus venustis atque formosis personis figere: qui elegantias earundem minutatim considerare: qui versus nudas corporum partes lumina iterato dirigere amant. Heu! quam facile impuræ delectationis & persæpe obscœna quoque desideria istiusmodi obtutus sequuntur? Quod si huic periculo omnis homo, certe ii, quibus luxuria dominatur, maxime patent. Hi profecto obtutus sunt quidam quasi la-

trones animæ; quia eandem ad complacentias graviter prohibitas inducunt: Ob id Propheta Jeremias in suis *Lamentationibus* (l) in persona horum infelicium curiosorum spectatorum exclamavit: *Oculus meus deprædatus est animam meam in cunctis filiabus urbis meæ.* Ipsum in sæminis, quæ virorum personas spectare amant, comprobatur; cum par periculum, & mentis ad lasciviam pronitas (in omnibus mortalibus per peccatum originale relicta) æqualis, immo in sæminis major sit, si SS. Joanni Chrysostomo & Thomæ fidem adhibere voluerimus; quorum posterior ait (m) *Dicit Chrysostomus, quod propria passio mulieris luxuria est.* Ob eam rationem Job de se testatur (n) *Pepigi scdus cum oculis meis, ut ne cogitarem quidem de virgine.* Notate, O mei! phrasin hanc significantissimam; Ait: pepigisse se scdus cum oculis suis, ne aspiceret, ut non cogitaret; Etenim tam scitis vinculis mens & oculi, obtutus & cogitatus inter se coherent atque copulantur, ut necesse sit non aspicere, ut non cogites. Ob eam causam ad sententiam de non videnda malo cum animo uxore alineæ, ut ne adulterium corde patretur, a Christo editam S. Joannes Chrysostomus (o) etiam considerationem venustatis & formæ personarum sexus alterius redigit: *Propter quod ait: Qui viderit mulierem ad concupiscendam eam, jam mœchatus est eam in corde suo? Hoc est dicere, qui dat operam in venusta corpora curiosus intueri, & decoras aucupari facies, talique animam spectaculo pascere; & obsecro pulchrit etiam vultibus oculis affigere.* His nimirum viis & ceu quibusdam præparationibus itur ad concupiscendum & ad machinandum in corde suo; Qui enim studet, pergit idem S. Doctor, *eleganties facies inspicere, ipse præcipue fornacem sibi istius passionis accendit, & captivum faciens animam ad opus quoque celeriter abducit.* Quod si stuprum flammarum fornacem vere accendit, qui elegantes solum facies aspicere studet; quid de illo statuere nos oportet, O mei! qui eleganties pectora & ubera inspicere studet? . . .

Si

(k) 1. 2. q. 72. a. 1.

(l) cap. 3.

(m) In 4. Sent. dist. 35. q. 2. a. 6.

(n) Job. 31.

(o) Homil. 17. in Matth.

.. Si vero talis dicat, ait idem Vir sanctus, quid autem & si inspiciam, non tamen capiar? Nam semel quidem & secundo & tertio sic videns possis fortasse animum continere; si vero frequenter id feceris, fornacemque istam sponte succendas, profecto capieris: Neque enim extra naturam aleamque humanam consistis. Sicut enim nos, cum gladium teneri videmus a puero, etiamsi eum nondum vulneratum inde esse cernamus, verberamus tamen ac saepe minantes denunciamus, ne quando illum rursus attingat: ita etiam Deus inverecundum coercet aspectum eumque ante opus tollit, ne quandoque in ipsam quoque irinat actionem. Qui enim in se flammam cupiditatis accenderit, etiam absente muliere, quem vidit, jugiter apud semetipsum turpium rerum simulacra depingit. & necesse est hujusmodi nonnunquam ad flagitium ipsum opere pervenire; siquidem post hujusmodi aspectum multo jam difficilius certamen efficitur; cum & jam viderit aliquis, & tamen ea, quam viderit, non fruatur: Nec tantam de contemplatione ipsi capimus voluptatem, quantum patimur de augmento ipsius cupiditatis dolorem, fortiolem contra nos facientes hostem & amplio-rem locum diabolo dantes, ut nequaquam illum ulterius propulsare valeamus; postquam semel in intima cordis admisimus, etque tenere mentis nostrae claustra referavimus. Idcirco præcipit: Ne forniceris oculis, ne per hoc scilicet animo forniceris.

Jam quidquid hactenus de contuitu personarum diversi sexus, immodeste curiositati conjuncto, S. Joannes Chrysostomus affirmavit, (esse eundem videlicet malarum cogitationum & desideriorum fontem atque originem) id ipsum de aspectu turpium imaginum, sive pictoria sive sculptoria arte effictarum, statuendum est, quibus haud minor sordidorum affectuum phantasiarum & cogitationum turpium excitandarum vis adest. Nudis hujusmodi simulacris, ait alio in loco S. Joannes Chrysostomus (p) affideat diabolus: Quid sunt aliud simulacra ista, quam variarum nefandarum turpitudinum signa? Omni gestu libidinem spirant, ex omni parte impuros spargunt amores: Da-

mon nudæ quoque figuræ affidet; & nunc quidem statuae sunt imagines fornicationis, nunc insani in masculos amoris: Quid enim sibi vult Aquila? quid vero Ganymedes? quid Apollo, qui virginem persequitur? quid aliæ execranda figuræ? ubique libido, ubique lascivia, ubique nefandorum cubitum & insanorum amorum sunt figuræ. Ita Doctor zelosissimus ad obscœnas Poetarum fabulas alludens: Hem! nonne vobis videtur Vir sanctus multos nostri ævi nostrarumque orarum hortos atque atria multa vidisse?

Atque eorum, quæ S. Joannes Chrysostomus de aspectu tum personarum viventium tum imaginum earundem asseruit, haud aliam confirmationem peto, quam ingenuum curiosorum horum modestiæ minus studentium spectatorum confessionem: qui, quo venustiores formæ se offerunt, eo magis illas inspeçant &, quo nudiora vident corpora, eo studiosius oculos defigunt: qui festis præsertim diebus se ambulatum ire verbis quidem asserunt; at re ipsa non tam ambulationem faciunt; quam personas occurrentes spectant, earundem subin formam ac veneres aut cum animo suo aut cum sociis minutatim expendentes; Haud aliam (inquam) dictorum confirmationem, quam horum spectatorum ingenuam confessionem, peto: Edicite, quæso! quot complacentias, quot affectus, quot desideria in cordibus & mentibus vestris Objecta visa, accuratius spectata, minutatim quasi perpenfa excitant? Edicite, quot turpes ideas animus vester conceperit, quæ domum vobiscum redeuntes, cum soli essetis, quasi enascentes accensis cordibus vestris duram castitati certamen obtulerunt? Edicite, quoties eorum, quæ vidistis; memoria, (non ea, qua par est, celeritate abjecta) in novas complacentias, in nova desideria, immo etiam ad nefandas actiones vos præcipientes dedit? Verane an falsa dico? Quod si vera dico, est profecto, cur superius memoratos Jeremiæ Prophetæ gemitus repetatis: *Oculus meus deprædatur est animam meam in cunctis filiabus urbis meæ?* At id ipsum sæmiosis (Quod

(P) In Psalm. 112.

(Quod ad aspectum virorum & masculorum attinet) dixerō. Intelligitis, credo, quam necessarium sit custodire oculos, ut mens ab huiusmodi lapsibus immunis fervetur: quam necessarium sit pangere fœdus cum oculis, quod Jobus pepigit, de non aspiendo, ut non cogitetis, ut non delectemini, ut non desideretis? Secus si feceritis, vobis cum S. Augustino obijecero (q) *Aec dicatis mihi, vos habere animos iudicos, si habeatis oculos impudicos; quia impudicus oculus impudici cordis est nuncius.*

Secunda complacentiarum & desideriorum turpium causa est lectio librorum, obscœna tractantium: Horum librorum duplex genus est; Alii obscœna argumenta ex inituto tractant, uti certi dialogi, certæ novellæ, certæ historiæ seu (Ut melius dicam) fabulosæ narrationes, quas *Romanenses* vocant, certa poemata & quæ sunt similia scripta. Alii non quidem argumenta in se turpia, impudica, obscœna tractant; attamen amoribus, veneris negotiis, patheticis calibus, amanitibus insidiis, dolis, iris, studiis, languoribus atque deliquis mire scatent; quæ omnia eo maxime valent, ut menti imagines eæ imprimantur, quæ inhonestas cogitationes cieant, & ad teneros minusque puros affectus animum inclinent: Talia sunt certæ historiæ, certæ narrationes, certæ collectiones epistolarum, certa carmina, & maxime certa dramata, quæ, dum styli venustatem, versuum suavitatem & hypotyposos admodum vivas cum argumento per se lubrico copulant, legentem in præsentissimum periculum (admittendi complacentias, desideria, proposita & sæpe etiam facinorosa turpia) adducunt. Lectio librorum primi generis ex sententia Theologorum omnium peccato mortali non caret; cum hoc sit ultro ac sponte proximæ peccandi occasione ob Objectum ex se ad libidinem vehementer provocans sese offerre. Lectio librorum secundi generis, quamvis fieri possit, ut respectu alicujus personæ culpam venialem non excedat (quod persona illa hos libros cum magna & sollicita sui suo-

rumque affectuum custodia legat) tamen ob magnum, quod subest, periculum & quod rerum lectarum voluptas mira cum suavitate ac subtilitate in animum irrepit, præsertim si lectio protrahatur & lecta expendantur, raro absque mortali complacentia fiet.

Percipite, quid celebris ac doctissimus Hispalensium Episcopus S. Leander scriptor sexti sæculi (r) relerat, atque stupefice! Narrat itaque, personis vitæ spiritali haud multum deditis lectionem priorum septem librorum S. Scripturæ (scilicet Pentateuchi Moisaici, Josue & Judicium) ob historias & facta lubrica in his relata, itemque Cantici Salomonis a vetustis Patribus ob affectus inibi expressos prohibitam fuisse; quæ omnia, cum tanquam legis Evangelicæ in rebus, quas significabant, figuræ ac symbola legi debeant, a personis sensum voluptatibus deditis facile carnali sensu accipi, & sic utilitatis loco scandala atque libidinis incitamenta reportari potuissent: *Merito a veteribus isti libri prohibiti sunt legere carnalibus, ne dum eos spiritaliter nesciunt, in libidinis ac voluptatum incitamenta solvantur.* Jam istud certum manet, O mei! hos libros esse partem sacrarum Scripturarum: videlicet libros continentes verbum Dei, & a primis scriptoribus non sine speciali auxilio & asslatu Spiritus sancti exaratos volentes, ut facta illa narrarentur, & expressiones illæ mysticæ in utilitatem Ecclesiæ scriberentur. Nihilominus, quia istis libris facta nonnulla venerea & libidinis peccata referuntur; phrasæ autem Cantici canticorum satis sensibilia symbola complectuntur, ob id antiqui Patres veriti, ne animæ in virtute minus confirmatæ & laici de plebe incitamenta peccatorum inde colligerent, lectionem horum librorum, utut sacrarum, prohibuerunt: *Ne in libidinis ac voluptatum incitamenta solvantur.* Quod si prisca sapientes Patres hominibus carnalibus a lectione horum librorum, utut a Spiritu sancto dictatorum, ob ipsum eorum argumentum tantopere timerunt; quanto magis nos nobis a lectione librorum memorati generis timere debemus,

(q) Epist. 211. (r) Libr. de Insul. Virg. ad Florentiam sororem. c. 7.

mus, tum ob materiam quavis pagina turpes sargentem ignes & amoris laicivi sagittas vibrantem, factaque & casus aphroditios mentibus exhibentem: tum ob ipsam scriptionis genus & stylum; stylum nimirum, quo mentes amore fauciae & tales etiam videri volentes se exprimant, qui tanto vehementius animum lectoris concutit, quo suavius eundem aggreditur. Nunquid S. Augustinus de se ipse testatur, se, ante conversionem suam (s) Didonem ob Aeneae amorem mortem sibi conscivisse in Virgilio legentem, ita amore emollitum fuisse, ut ipse quoque ingentem Didonis infaniam atque furororem fleverit, & fugientem amatum quasi vestigiis prosecutus sit: *Tenere coegebat Aeneae, nescio cujus, errores . . . Et flere Didonem mortuam; quia se occidit ob amorem.* Ecce! quantum animos afficiant libri & poemata amatoria? Ecce! ut iure carmina poetarum S. Hieronymus (t) *demonum cibum* vocarit; *quia dum aures versibus dulci modulatione currentibus capiunt, animam quoque penetrant Et pedoris interna devincunt.* Fateantur, quaeso! verum ii, qui horum librorum lectionem frequentant, dicantque, quoties in obscenis, quos legerunt, eventibus sibi complacuerint & imaginibus, quas hi menti obtulerunt, delectati sint, consenserintque desiderijs in similes occasiones deveniendi? . . . Fateantur, quoties, postquam se de praeteritis consensibus ac complacitiis accusarunt, ad hujusmodi libros legendos denuo a diabolo impulsus & novis se iterum tentari complacitiis sentientes, projicere illos e manibus coacti fuerint, ne novis se peccatis implicarent? . . . Atque hoc nonne manifeste comprobatur ea, quae hucusque diximus? Cur ergo retinentur libri hujus farinae, & (quod pejus est) cur in abscis relinquuntur, ut eorum legendorum & a filiis & a filiabus & domesticis & cuivis in cubili forte consistenti copia atque libertas sit?

Pater! Non leguntur hujusmodi libri, ut turpis inde voluptas caperetur; sed ob proprietatem & puritatem sermonis, ob ele-

gantiam styli, ut ratio ac modus addiscatur bene scribendi variis scriptionum generibus (paucis) ut ingenium alatur, non ut mores corrumpantur. Est hoc omni ex parte labascens responsio & illecebra, cujus adminiculo diabolo personarum cultiorum, non omnino dissolutarum, perversio feliciter succedere solet. Ac primo quidem quot sunt alii libri tum soluta tum ligata oratione, tum latino tum vernaculo sermone conscripti, qui vel pias, vel medias seu indifferentes materias tractant, quorum nonnulli certe aequant, alii etiam multum in quovis scriptionis genere superant elegantiam, nitorem, artem & quidquid est venustatis horum periculorum librorum? Non est hujus loci texere catalogum librorum, de quibus meminimus: Adite, si lubet, historiae literariae peritos, & videte, si verum dixi! Deinde concesserim, turpius librorum lectionem saepius haud malo animo inchoari; verum rebus, quae in illis leguntur, novum fomiti concupiscentiae pabulum suppeditantibus primo quidem obliquitur, deinde nonnihil remissius certatur, subsequitur repugnandi at non legendi nausea, tandemque a lectione abitur cum conscientia aut peccaminosarum complacentiarum rea aut multum turbata atque haesitante, ne qua forte ratione peccatum sit. Itaque inficiari non potest, in librorum istorum lectione semper periculum esse: Et si eos legendo periculum ametis, quid aliud expectari poterit, quam tristis casus, teste Spiritu sancto? Discamus itaque. O mei! discamus (Quae nostra turpitudine est) a sapientibus paganis fugere haec fordidarum complacentiarum incitamenta: a paganis (inquam) videlicet a Lacedaemonibus, qui honestatem animi eruditioni mentis in filiis multum praepponentes teste Valerio Maximo (u) vetuerunt, ne Archilochii poetae alioquin celebratissimi, at nonnihil in poematibus suis dissoluti, scripta legerentur: *Archilochii libro noluerunt liberorum suorum animos imbui, ne plus moribus noceret, quam ingeniis prodesset.* Equidem inconueniens esse videtur, Christianis atque adeo Catholicis Gen-

K k k

tilium

P. Camiliati Catechista.

(s) Confess. l. 1. c. 13.

(t) Epist. 46. ad Demas.

(u) Libr. 6. c. 3.

tilium exempla proponere; attamen laudabilia horum gesta ob id ipsum majus habere pondus debent; quod a paganis profecta sint, quibus congenitæ rationis lumen eas veritates & earundem exercitium dictavit, quas intelligere Fideles nolunt, multoque minus exercere; cum tamen ingenita ratio in illis per Fidei lumen altius evecta multo majores vires acceperit. Qua de re cum virtus, in quocumque demum eleuceat, semper æmulatione digna sit, nos quoque simili dili-

gentia prius utamur, quam suspectum aliquem librum emamus: Percontemur ex viris doctis ac piis, si illius lectio periculum habere queat? Aut si eundem jam nostrum fecimus, coram Deo pensitemus, *an plus moribus noceat, quam ingenio proficit?* Quod si eum talem esse conscientia dictaverit, tunc nos ab illius lectione tum ipsi abstineamus, tum ab eadem domesticos arceamus; ne nos tam nostrorum quam alienorum delictorum & periculorum reos constituamus.

SERMO LXIV.

De decimo Decalogi præcepto: NON DOMUM, NON AGRUM &c. De non de-
siderando bona aliena cum damno Proximi.

Quemadmodum Deus noster optimus maximus, postquam sexto præcepto actiones impudicas prohibuit, subin nono præcepto deliberata desideria & complacentias earundem vetuit: ita, postquam septimo præcepto damna actualia Proximi vetuit, hoc præsentī decimo præcepto deliberata desideria & complacentias eadem Proximo inferendi prohibet; idque ob allatam sermone superiori causam, nimirum (Ut Interpretes affirmant) ob vitiosam populi Hebraici ruditatem reputantis, solas malas actiones, non actus internos desiderii & complacentiæ in malis actibus a Deo prohiberi: Qui actus interni, quamvis memoratis (sexto & septimo) præceptis factis comprehendantur, tamen Deus illos ut graviter peccaminosos (Si complacentia seu desiderium deliberato admittitur & circa rem notabilem versatur) majoris claritatis gratia, & ut omnibus populi istius pessimi excusationibus viam præcluderet,

cum de cetero ratio mere naturalis fatis superque dicteat, quod nefas sit complacere sibi in aliqua re aut desiderare aliquam rem, quæ sua natura mala &, quia talis est, prohibita est: quam veritatem omnes Gentilitatis sapientes agnoverunt. Ob id non jam poterat excusari ille duræ cervicis populus, etiam ante duplicis hujus diserti præcepti promulgationem; si conscientiam complacentiis & desiderii inquinavit: Neque ignorantia purgare peccatum ejusdem gentis potuit, quia fuit ignorantia ex malitia (Ut sic dicam) in causa sua volita; cum nimis evidens ac manifestum sit quod (Uti monui) id, quod sua natura malum est, non solum committere; sed vel desiderare aut sibi in eo complacere nullo modo liceat: De quo axiomaticè, tanquam rationalium hominum mentibus insito penitusque inhærente, in hæc verba Poeta gentilis, Ovidius, cecinit:

Quæ, quia non licuit, non facit; ille facit.

Prohibentur igitur hoc decimo præcepto omnia deliberata desideria & complacentiæ in damnis Proximi. Verum priusquam personas, ad quas maxime præceptum hoc pertinet,

tinet, pandam &c, quæ sit violationum hujus præcepti radix atque origo, patefaciam; necessariam arbitror certum errorem quandam multorum simplicium animis detrahere id pro peccato adversus hanc legem habentium, quod nequaquam peccatum est. Accidit idque per sepe, ut aliquis pauperie pressus (audiens huic vel illi opimam hæreditatem, magnum lucrum ex negotiatione, aut lucrosam artis, quam proficitur, opus obtigisse) dicat: O si hæc fors mihi contigisset! O si legatum istud aut hæreditas ad me redisset! O si lucrum istud in manus meas pervenisset! O si opera mea conducta fuisset! Et quæ sunt alia hujusmodi verba, quibus desiderium habendi bonum alteri concessum, vel prospera alterius fortuna utendi proditur. Credunt simplices isti talia desideria præcepto huic repugnare, seque graviter peccare sic desiderando, ut bona ista fors sibi obtigisset, vel sibi in eo placendo, si vera re obtigisset. Verum hoc dicere, hoc desiderare (Nisi alius malus animi sensus accesserit) non est graviter peccare contra decimum præceptum; Neque enim aliud est, quam desiderare, ut nobis quoque, quæ aliis, bona fortuna assurgat: quod quamquam peccatum esse veniale (sive ob otiositatem, sive ob nimium rerum temporalium studium, sive ob vanam gloriam, sive ob alia similia) possit; tamen non est desiderium illud, quod hoc præsentii præcepto prohibetur. Nam præceptum hoc prohibet desiderare bona aliena cum damno Proximi: scilicet cum affectu videndi illum his bonis spoliatum; aut cum desiderio obtinendi bona illa, quocumque demum modo obtineri queant, sive licito sive illicito; aut si, quamvis viis licitis res aliena desideretur, tamen in finem graviter peccaminosum desideratur, v. g. ut quis effrenatus suas cupiditates exatiet. Igitur desiderare rem Proximi sine læsione vel charitatis, vel justitiæ, neque ob fines Dei beneplacito repugnantes; sed in subsidium necessitatum suarum aut familiæ, non est illud, quod graviter hoc præcepto prohibetur; sed enim aut veniale

peccatum, si (Ut dixi) nimia rerum temporalium sollicitudo admiscetur: aut nulum, si debita moderatio & voluntatis cum divinæ providentiæ consilii consensio servatur.

Jam postquam exposui, in quo gravis decimi præcepti violatio consistat (nimium si cum læsione charitatis aut justitiæ bonum temporale Proximi qualecunque desideres, vel deliberato tibi complaceas, quasi Proximus eodem spoliatus esset) jam cum Catechismo Romano (a) ad personas illas, quæ præ aliis ad violandum hoc præceptum induci facilius possunt, manifestandas pergo: Qui autem præ ceteris hoc cupiditatis vitio laborant . . . illi sunt, qui lusionibus non honestis delectantur, aut qui ludis immoderate abutuntur. Itaque illi, qui in ludo Proximum decipiunt ex cupiditate lucrandi expostum, aut qui immoderate ludunt utut sine dolo, attamen cum aviditate vincendi Proximum, etsi prævideant vel prævidere debeant gravia damna, vel ipse victus vel ejus familia passura est; hi ex vera & certa Catechismi memorati sententia reos se faciunt culpabilis desiderii rei alienæ; Nam quamvis fraude nulla utantur (Quod ipsam justitiæ repugnaret) tamen si prævident, quod persecutio ludi Proximo damnum notabile inferat, & nihilominus ex aviditate lucri ludum cum damno æmuli prosequuntur, peccant peccato contra charitatem violativo hujus præcepti. Similiter ii, qui cum personis dominium eorum, quæ in lufum exponunt, non habentibus (Ut sunt filii familias, ætate minores, & sub tutela positi &c.) cum aviditate lucrandi & lucrata retinendi ludunt, peccant contra decimum præceptum; etsi in ludo ipsi periant. Similiter contra hoc præceptum peccant ii, qui ex mero fine, quantum lucrandi licuerit, ludunt nulla habita ratione damnorum, quæ inde redire ad devictum possunt; sive illa gravia, sive levia sint: Quo in casu auctoritati gravissimæ Catechismi Romani testimonium S. Thomæ accedit (b) *Videtur esse aliquid illicitum ex*

K k k 2

jure

(a) Part. 3. c. 10. n. 23.

(b) 2. 2. q. 32, a. 7.

jure divino; scilicet quod aliquis lucretur ab his, qui rem suam alienare non possunt, sicut sunt minores, furiosi & hujusmodi: Et quod aliquis trahat alium ex cupiditate lucrandi ad ludum. Dicit aliquis: Ergone lucri gratia non ludendum? Respondeo: Lusus ex solo fine lucrandi (Uti exposui) semper malus est; cum hic nequaquam finis esse ludendum debeat (quod a S. Thoma acceptis) sed potius moderata relaxatio animi gravibus seriisque negotiis occupati & defatigati. Hinc si finis ludentis ad solum rei expositæ lucrum dirigitur, semper malus est; leviter quidem malus, si res exposita ejus valoris sit, ut illam amittere nulli parti colludentium notabile damnum afferat: graviter vero malus, si res exposita notabile damnum importet: Ipsæ operationes ludi non ordinantur secundum suam speciem ad aliquem finem, sed delectatio quæ in talibus actibus habetur, ordinatur ad aliquam animi recreationem & quietem: Et secundum hoc, si fiat moderate, licet uti ludo; Unde Tullius dicit in 1. de officiis: *Ludo & joco uti quidem licet sed sicut somno & quietibus ceteris tum, cum gravibus seriisque rebus satisfecerimus.* Ita S. Thomas (c) Dicit obganniens aliquis: Ergone nihil exponendum, ut hoc modo lusus peccato veniali careat? Respondeo & distinguo: Si parum quid exponitur, ut ad lulum melius attendatur, quæ re animi relaxatio utilior efficiatur; istud haud pro malo deputarim; cum mentes a lusus fine honesto, qui est in animi recreatione positus, non avertat. Quod si vero aliquid in eum finem exponitur, ut cupiditas ad illius rei lucrum trahatur; adeo ut ludens ad lucrum ceu finem respiciat; ecce! invertitur finis honestus lusionis, comittiturque peccatum veniale; si quidem gravis damni periculum non intervenerit: mortale vero, si tale periculum intervenerit.

Pergit Catechismus Romanus memorare alias personas contra hoc præceptum graviter delinquentes, dicens: *Mercatores item, qui rerum penuriam annonæque caritatem expectant, atque id agere serunt, ut alii præter ipsos*

sint, qui vendant aut emant; quo carius vendere aut vilius emere ipsi possint. Haud explanatione opus habent ista, cum grave peccatum adversum decimum præceptum nimium appareat: *Qua in re, addit idem Catechismus, item peccant, qui alias egere cupiunt, ut aut vendendo aut emendo ipsi lucrentur.*

Peccant item milites qui bellum exoptant, ut furari ipsis liceat: *Medici item, qui morbos desiderant: Jurisconsulti, qui causarum litiumque vim ac copiam concupiscunt: Tum artifices, qui quæstus avidi omnium, quæ ad vitam pertinent, penuriam exoptant; ut inde plurimum lucrifaciant.* Neque hæc explicare opus est; cum talium votorum Proximo variis notabilibus modis damnosorum iniquitas manifeste pateat. In hoc præterea genere graviter peccant ii, qui alienæ laudis gloriæque avidi atque appetentes sunt non sine aliqua famæ alterius obtredatione; idque præsertim si, qui illam appetunt, ignavi nulliusque pretii homines sunt. Peccant itaque contra hoc præceptum, qui præter rationem honores, famam, laudem cum damno Proximi sibi optant, præsertim si hæc re vera non mementur: Hinc sibi sumunt, obscurare splendorem præstantium facinorum Proximi, improbare aut tantum frigide probare eadem, & omnibus linguæ maledicæ propriis artibus (quas Sermone LVII. descripsi atque exposui) uti, facientes hæc omnia; ut suam famam augeant; cum fama, maxime post vitam, bonorum temporalium summum sit.

Postquam actiones hoc decimo præcepto prohibitas & personas, quæ implicari illis facillime possunt, commemoravi; jam radicem & causam, ex qua mala bonorum alienorum desideria oriuntur, indicare restat; ut eandem Fidelium e mentibus penitus evellam. Radix hæc est immoderatus bonorum temporalium amor & eorum augendorum sacræ famæ; ex quibus subin desideria decimo præcepto prohibita (accumulandi facultates, redditus, opes & reliqua præsentis seculi bona) enascuntur. Hinc mali istius remedium in eo positum est,

ut

ut amorem memoratorum bonorum intra christianæ moderationis limites contineamus : Et quoniam amor non nisi per ea, quæ intellectus dicitur, accendi solet; ob id necessarium esse videtur, ut futilitatem caducorum hujus seculi bonorum probe intelligamus, utpote plane indignorum, quæ nostrum amorem, ita uti dictum est, præter modum ad se trahant.

Ac primum quidem quantis angustiis animus hominis, bona temporalia avide appetentis, dissecitur? quantis angoribus, ægri- tudinibus, timoribus vexatur? quantis tur- bis & ardentioribus indies rei augendæ vo- tis agitur? Ecce! quanta hæc cum sacun- dia S. Cyprianus Donato amico suo descri- pserit (d) *Quor divites opinaris. . . hos etiam inter divitias suas trepidior cogitationis incerta sollicitudo dissecrat, ne prædo vaslet: ne per- cussor inaspetet: ne inimica cujusque locupletio- ris invidia calumniosis litibus inquietet. Non cibis securo somnive contingit: suspirat ille in convivio, bibat licet gemmas: & cum epulis marcidum corpus torus mollior alto sinu condi- derit, vigilat in pluma, nec intelligit miser, speciosa sibi esse supplicia, auro se alligatum te- neri, & possideri magis quam possidere divitias atque opes. O detestabilis cæcitas mentium & cupiditatis insana profunda caligo! Cum exo- nerare se possit & levare ponderibus, pergit ma- gis fortunis augentibus incubare, pergit pœna- libus cunctis pertinaciter adhærere. Nulla in- de in clientes largitio est, cum indigentibus nul- la portio; & pecuniam suam dicunt, quam vel- ut alienam domi clausam sollicito labore cus-odi- unt, ex qua non amicis, non liberis, non sibi debent impertiri: Possident ad hoc tantum, ne possidere alteri liceat. Jam si bonorum temporalium affluentia hominem ad hoc ser- vitutis & miseris genus redigit, num, quæ- so! desideranda esse videtur? . . .*

Aequè vivis coloribus at nervosiori for- sitan oratione hoc ipsum describit S. Augu- stinus (e) *Injustum est eas putare divitias, quæ non auferunt egestatem; tanto enim magis quisque ardebit egestate, quanto magis, eas di- ligens, minus habuerit. Quomodo ergo sunt*

divitiæ, quibus crescentibus crescit inopia, quæ amatoribus suis, quando fuerint ampliores, non afferunt satietatem sed inflammant cupiditatem? Divitem tu putas, qui minus egeret, si minus haberet? . . . Major pecunia avaritiæ sauces non claudit sed extendit: non irrigat sed accen- dit: poculum respuunt, qui fluvium sitiunt. Utrum ergo ditior an egentior dicendus est, qui, cum ideo aliquid voluit habere, ne indigeret, ideo plus habet, ne minus indigeat?

Quancumque autem tantis oneribus atque incommodis bona temporalia avidos amato- res depriment, ob quæ aut contemni peni- tas aut debita cum moderatione statui cu- jusque conveniente quæri deberent; tamen damna deslere cogimur, quæ insatiabiles habendi cupiditas Proximo jugiter infert. Nabothi historia, ait S. Ambrosius (f) *tem- pore vetus est, usu quotidiana: Crediderim, O mei! vos illam scire; tamen eam, si qui forte adesset illius ignari, memorabo, ut omnes magni hujus Doctoris querelam intel- ligant. Erat Naboth pauper Judæus, habens vineam contiguum palatio Achabi Regis Samariæ: hanc concupiscere idem Rex cæ- pit eam in hortum conversurus: Accersito itaque Nabotho proposuit, se vineam hanc aut pecunia redempturum aut cum alia vi- nea permutaturum: Naboth cedere vineam recusavit ob eam solum causam, quod hæc esset avita hæreditas patrum suorum; quæ negatio Regis animum tantopere afflixit, ut (g) *projiciens se præ nimia tristitia in le- stulum suum averterit faciem suam ad parietem, & non comederit panem. (Ecce! ut compro- bentur ea, quæ de angoribus, quos avidi- tas post se trahit, hucusque dixi! Recusa- tio, heus! vineæ coronatum Regem ejus habendæ cupidum, in talem statum redigit) His auditis uxor Regis, Jezabel nomine, scemina longe scelestissima: Bene est, ait, Habebis vineam, Rex! ego illius tibi acqui- rendæ viam inveniam. Scripsit itaque clau- literas ex nomine Achab, ut Naboth injustis accusationibus proditus lapidaretur, atque hac ratione raptam vineam Achabo dedit, qui impiæ uxoris, quando vineam se datu-**

Kkk 3

ram

(d) *Epist. 1. ad Donatum.* (e) *Serm. 1.*

(f) *Libr. de Naboth.*

(g) *3. Reg. 21.*

ram dixit, consilii resistere debuisset. Jam hoc super facto S. Ambrosius flens ait: *Nabothi historia tempore vetus est, usu quotidianam: Quis enim divitum non quotidie concupiscit aliena? Quis opulentissimorum non exturbare contendit agellulo suo pauperem, atque inopem aviti ruris eliminare finibus, qui contentus est suo? Cujus non inflammant divitis animum vicina possessio? Non igitur unus Achab natur est, sed (quod pejus est) quotidie Achab nascitur & nunquam huic seculo moritur: Si unus occidit, assurgunt plurimi: plures qui rorant, quam qui amittant. Non unus Naboth occisus est: quotidie Naboth stermitur, quotidie pauper occiditur.*

Videte igitur, O suavissimi! si bona hujus seculi digna sunt, quæ tanta cum aviditate petantur; quandoquidem fames auri satiari haud potest, tantosque animo angores ac curas conciliat, atque ad eam duritiam cor adigit tantamque ad inhumanitatem inistituit, ut homo omnem misericordiam tum in alios tum in semet sensum amittat?

Diximus hucusque, O mei! quæ lumen rationis dicat, & quæ dicere homines rationis usu præditos decet: Jam residuo hujus sermonis contextu dicamus, quæ lumen Fidei dicat, & quæ dicere Christianos decet. Heu quantum nos, obsecro! ab hac bonorum temporalium & divitiarum cupiditate alenda detertere ea debent, quæ ex Scriptura sacra audimus? S. Paulus ait: *Qui volunt divites fieri, incidunt in tentationem, & in laqueum diaboli, & desideria multa inutilia & nociva, quæ mergunt homines in interitum & perditionem; Radix enim omnium malorum est cupiditas, quam quidam appetentes erraverunt a Fide & infererunt se doloribus multis (h)* Sed ut alia S. Scripturæ loca omnia silentio prætermittam, audiamus, quid Christus, Veritas æterna & totius generis humani iudex, dicat? Testatur itaque: *Non potestis Deo servire & mammonæ (i)* Quis autem servit divitiis, nisi qui illas inquirat, ut augeat & servet? Qui divitiarum servus est, inquit S. Hieronymus, custodit eas ut servat. Jam qui huic servituti se addicit, Deo

servire nequit: At sine servitio Dei salus nulla. Et convenienter huic suo asserto Christus alio in loco pronuntiavit: *Amen dico vobis, quia dives difficile intrabit in regnum cælorum; & iterum dico vobis: facilius est camelum intrare per foramen acus, quam divitem intrare in regnum Dei (k)* Jam quis unquam Christianorum huic oraculis a Deo, Regni cælestis Domino, prolatis ceu tonitribus quibusdam attonitis divitias non horrescat? Quis eum, qui in hanc sententiam loquitur, Deum verum esse credens & salvari desiderans divitiarum cumulandarum aviditatem unquam in pectus suum admittat? Quomodo appetere id poterit, quod animam in moralem salutis assequendam impossibilitatem adducit? Quid, O mei! facultates, agros, opima lucra appetitis? . . . Itaque habentes, O mei! aut si non habemus, honestis modis providentes, quæ ad status nostri rationem tuendam & ad familiam nostram sustentandam sufficiant; de cetero omnibus viribus pessimam divitiarum accumulandarum & augendæ rei familiaris famem compescamus, infixa atque impressa penitus animis tenentes allata infallibilia, clara, manifesta, cunctis intelligibilia Christi oracula.

Dicit aliquis: Pater! si res ita se habet, actum de divitibus est. Nequaquam, O mei! Immo sunt divitiæ donum temporale a Deo datum (Nisi male partæ sint) & sine animi adhæssione possessæ ac probe adhibitæ, conducere ad æternam salutem assequendam possunt. Dixi: *Possessæ sine adhæssione animi & probe adhibitæ.* Atque ob hanc ipsam rem Spiritus sanctus divites per os Davidis (l) monuit: *Divitiæ, si affluant, nolite cor apponere; nam, ut vere & acute observat S. Augustinus (m) Ille habet aurum, qui novit uti auro; qui autem auro uti non novit, habetur, non habet: possidetur, non possidet: Esote domini auri, & non servi auri. Hos posteriores Spiritus sanctus per os Davidis viros divitiarum appellavit, non divitiarum virorum,* ait S. Ambrosius (n) *ut ostenderet, eos non possessores divitiarum esse sed a suis divitiis possideri; possessio enim possessoris*

(h) 2. Timoth. 6.
in Psalm. 123.

(i) Luc. 16.
(n) Libr. de Naboth. c. 15.

(k) Matth. 19.

(l) Psalm. 61.

(m) Enarr.

foris debet esse, non possessor possessionis. Quicunque igitur patrimonio suo tanquam possessione non utitur; qui largire pauperi & dispensare non novit, is suarum servulus est, non dominus facultatum, qui alienas custodit ut famulus, non tanquam dominus ut suis utitur. In huiusmodi ergo affectu, concludit, dicimus, quod vir divitiarum sit, non divitiarum virorum. Per spicue, O mei! ex his duobus magnis Doctoribus & viris sanctissimis intellexistis, haud verum esse, quod de divitibus actum sit. Quin immo divitiarum, facultates, bona temporalia sunt beneficia Dei ab ipso data, ut conducant ad salutem eorum, qui easdem juste possident; dummodo in praesatis bonis suae voluntatis propensione non inhærescant, & ab iisdem non possideantur ut servi, sed potius ipsi illas tanquam domini possideant, hoc est: dummodo divitiis utantur iis modis, quos dicti Viri sancti memorarunt, videlicet distribuendo illas pauperibus: adjuvando illis Proximum, praesertim miseros, quos pudor retrahit, quo minus stipem petant (qui ob id pauperes pudibundi appellantur) & distribuendo illas non parce ac restricte, sed pro iusta status & circumstantiarum ejus, qui possidet, ratione: qui, si hæc mentis ad divitias propensio ei non adjuverit, dando & utendo potius largus quam parvus erit (quandoquidem periculum omne in hac mentis propensione & in eo consistit, quod quis servum se, non

dominum suarum faciat facultatum) & cum sua in pietatis & misericordiae operibus infumat, multo minus ad aliena rapienda tentabitur. Ob eam rem Paulus Timotheo (o) tantopere inculcavit illud: Divitibus huius seculi præcipe . . . non sperare in incerto divitiarum . . . divites fieri in operibus bonis, facile tribuere, communicare. In quæ verba S. Augustinus (p) Expone, Apostole! Multi enim, quod nolunt facere, nolunt intelligere; Expone, Apostole! . . . Dic, quid dixeris: Divites sint in operibus bonis? Audiant, intelligant. . . Dic tu: quid est, divites sint in operibus bonis? Facile tribuant. Quid est, facile tribuant? Nunquid & hoc non intelligitur? Facile tribuant, communicent. Habes tu, non habet alius; communica, ut communicetur tibi; communica hic, & communicabis ibi; communica hic panem, & accipies ibi panem: Quem panem? Qui dixit: Ego sum panis vivus, qui de coelo descendi. Dives es hic, sed pauper ibi: habes aurum, sed nondum tenes praesentem Christum. Eroga quod habes, & accipies, quod non habes: Divites sint in operibus bonis, facile tribuant, communicent. Sic agere nos oportet, ne divitiarum & facultates fores paradisi nobis obturent: Secus oraculum divinissimi iudicis nostri comprobabitur: Et iterum dico vobis; facilius est camelum per foramen acus intrare, quam divitem intrare in regnum calorum.



P A R S

(o) 1. Timoth. 6.

(p) Serm. 85. de Verb. Evangel. n. 2. & 4.



PARS QUARTA

DE

PRÆCEPTIS ECCLESIAE

S A N C T Æ.

Quamquam Catechismus Romanus de præceptis Ecclesiæ ex instituto non agat, tamen meo officio defuturum crediderim, sin minus etiam de istis opportuna vobis documenta darem, ut actiones tum eas, quibus illa violantur, intermittatis: tum eas, quibus illa implentur, præstetis.

Primum Ecclesiæ præceptum est: Missam festis diebus reverenter audire. Verum cum de hoc Christianorum officio superiori sermone LII. disseruerim, nihil ultra eodem super argumento hoc in loco dicam; sed ad secundum Ecclesiæ præceptum explanandum transeam.

SERMO LXV.

De Præcepto Jejunii.



VEL sola vox: *Jejunium*, tantum, O mei! naturæ humanæ peccatis deditæ horrorem incutit, ut eandem modos (quos poetæ) omnes excogitare faciat, quibus se ab hoc præcepto eximat. Hinc sæpe fit, ut qui nullam excusationem odio, quo jejunium persequuntur, inveniunt, audaci cum petulantia præceptum jejunii (tanquam sanitati ac vitæ periculosum) violent: Et tamen, etiam ex vetustissimorum ac celeberrimorum medicorum sententia, haud est ad

morbos tum pellendos tum arcendos jejunio aut magis generale aut efficacius remedium. Verum nos, cum ad personas Fidei lumine illustratas, & Scripturarum divinarum sanctorumque Patrum doctrina institutas dicamus, ex istis maxime fontibus jejunii assumendi causas haurire debemus: nequaquam ex eo solum, quod illud ad sanitatem vitamque conservandam conducatur. Quid ergo est jejunium? Respondet S. Ambrosius (a) *Quid est jejunium, nisi substantia & imago celestis? Jejunium refectio animæ,*

ma, cibus mentis, vita Angelorum, culpa mors, excidium delictorum, remedium salutis, radix gratiae, fundamentum est castitatis. Eadem ferme reliqui Patres SS. Basilii, Johannes Chrysostomus, Augustinus, Hieronymus &c. habent.

Quamobrem si jejunium animæ tam proficuum est; quid mirum, illud una cum vera Religione enatum atque exortum fuisse: prout ex historia sacra universa constat. Jejunavit Moyses quadraginta diebus ac noctibus, ut se ad recipiendas Legis tabulas præpararet (b) Et in libro Numerorum (c) idem Sanctus de jejunio, tanquam re longo jam usu firmata ac constituta, loquitur. Jejunaverunt Israelitæ, ut Benjaminitas, qui (d) plura prælia vicerant, sub jugum mitterent. Jejunaverunt (e) iidem alia vice, ut Philistæos superarent. Jejunaverunt iterum (f) septem continuos dies mortemque Saelis luserunt. Jejunavit David (g) a peccato suo resipiscens. Jejunavit Achab (h) ab Elia correptus. Jejunaverunt Israelitæ (i) ut e Babylone prosperum iter Hierosolimam versum haberent. Jejunavit Esdras (k) ut memoratæ civitatis restaurationem a Deo obtineret. Jejunavit Judith (l) longisque macerationibus urbis Bethulie liberationem impetravit. Jejunavit cum populo universo tres dies continuos Esther (m) nihil alimenti sumens, & populi sui intereptione occidendi salutem obtinuit. Denique (Ut multos alios S. Scripturæ locos, in quibus pius jejuniis usus memoratur, intermittam) Deus ipse per os Prophetarum peccatoribus, ad resipiscendum a se vocatis, jejunium imponit: Convertimini ad me in toto corde vestro, in jejunio &c. (n) Et per os Zachariæ (o) idem Dominus populo suo, conservandæ divinæ amicitie leges præscribens, ait: Jejunium quartum & jejunium quintum & jejunium septimum & jejunium decimum erit domui Judæ in gaudium & lætitiā & solennitatem. In nova vero P. Cunctiati Catchafa.

lege habemus insigne divini Legislatoris nostri Jesu Christi exemplum, qui, priusquam se ad prædicandum Evangelium suum accingeret, mirandum jejunium servavit, omni cibi genere toto quadraginta dierum & noctium spatio abstinens: Cum jejunasset quadraginta diebus & quadraginta noctibus (p). Hinc Apostolos ipsos jejunii observatione usos legimus; quippe qui, dum jejunabant, a Spiritu sancto monitum acceperunt, ut Paulum ac Barnabam mitterent (q) & de novo jejunantes eosdem episcopatus ordine initiatos dimiserunt, Evangelium prædicaturos: Jejunantibus autem illis Domino dixit illis Spiritus sanctus &c. Tunc jejunantes & orantes imponentesque eis manus dimiserunt illos. Immo quadagesimale jejunium ab Apostolis institutum & (quod consequitur) etiam ab ipsis, exemplum Magistri sui divinissimi æmulantibus, observatum fuit: Ita monet ingens Doctor S. Hieronymus (r). Hos unam Quadragesimam secundum Traditionem Apostolorum toto anno, tempore nobis congruo, jejunamus. Ob id sanctus quoque Augustinus asseruit (s) In evangelicis & apostolicis literis totaque instrumento, quod appellatur Testamentum novum, animo id revolvens video, præceptum esse jejunium. Similiter jejunia quatuor Temporum, quæ ex vetustissimo usu in Ecclesia vigent, ex doctrina S. Spiritus & (quod consequens est) ab Apostolorum temporibus ad nos derivata sunt teste S. Leone Magno (t) ut hac ratione ad superius a Zacharia Propheta memorata jejunia alludatur: Hujus observantia, quatuor Temporum, utilitas in ecclesiasticis præcipue est constituta jejunis, quæ ex doctrina S. Spiritus ita per totum anni circulum distributa sunt, ut lex absentia omnibus sit adscripta temporibus: si quidem jejunium vernum in Quadragesima, æstivum in Pentecoste, autumnale in mense septimo, hyemale in eo, qui est decimus, celebramus. Ita magnus hic seculo quinto Ecclesiæ universæ Antistes.

L I I

Jam

- (b) Deut. 9. (c) cap. 30. (d) Jud. 20. (e) 1. Reg. 7. (f) 1. Reg. 31.
(g) 2. Reg. 12. (h) 3. Reg. 21. (i) 1. Esdr. 2. (k) 2. Esdr. 1. (l) Judith. 2.
(m) Esth. 4. (n) Joël. 2. (o) cap. 2. (p) Matth. 4. (q) Act. 13.
(r) Epist. 54. ad Marcellam, (s) Epist. 26. ad Casulanam, (t) Serm. 2. de Jejunis mensis decimi.

Jam postquam, O mei! documenta hæc omnia consulto a me allata percepistis, in quibus permagna, quam jejunium tum ad placandam offensam majestatem divinam tum ad eandem ad beneficiorum & cujusvis generis gratiarum largitionem permovendam habet, vis ac meritum apparet, & in quibus usus jejunii longe frequentissimus tum in scripta lege tum in lege gratiæ (nostra scilicet) ostenditur: postquam hæc omnia percepistis, nunquid plane intolerandum videbitur audire nonnullos non minus improbos, quam ignaros atque imperitos, qui jejunia (tanquam paradoxas Pontificum inventiones & pia Episcoporum desideria) traducunt? Nunquid plane intolerandum videbitur audire eosdem de omni abstinencia deque omni vigilia ita conquerentes, ac si onus haud ferendum ipsis impositum fuisset? Auscultent rudes isti gravissimo & antiquissimo scriptori Tertulliano (u) *Bene autem, ait, quod & Episcopi universa plebs mandari jejunia assolent; non dico de industria stitium conferendarum* (Erat olim hic mos ex doctrina S. Scripturæ invehctus) *ut vestra captura est*, hoc est: ut vos creditis, sed interdum & ex aliqua sollicitudinis ecclesiasticæ causa, quæ pastores ad indicenda jejunia excitat. Jam si temporibus Tertulliani, qui exeunte seculo secundo floruit, consuetudo fuit Episcopis, jejunia suis in diocesis suis sub præcepto injungere; hoc indicio erit, morem istum non tum primum exortum esse; sed primo etiam seculo, quod est seculum Apostolorum & primorum Patrum apostolica institutione formatum, extitisse. Quod si indicendi jejunii potestatem ex causis memoratis Episcopi habuerunt, nunquid Pontifices supremi universæ catholicæ Ecclesiæ pastores eandem jejuniorum sub præcepto ex iisdem causis (scilicet sive ut majestas divina placetur; sive ut gravis a Deo immissa poena cesset; sive ut Fideles ad dignam præcipuarum solennitatum, quibus maxima legis evangelicæ mysteria recoluntur, celebrationem præparentur; sive ut Maria ad nos protegendos per jejunium festo assump-

tionis ejus præmissio devincatur; sive ut eodem remedio Apostoli aut alii magni Sancti ad intercedendum pro nobis commoveantur) imponendorum facultatem non habebunt? . . . Poterintne ergo (Repeto) tolerari libertinorum, sic de jejniis ab Ecclesia imperatis loquentium, audacia? Sed postquam horum temerariam ignorantiam consulavi (omissis, quæ addi possent, plurimis) jam parum proborum Catholicorum, jejunantium quidem ad luvio adeo animo jejunantium, ut ipsis jejunium nescio quid intolerabile videatur, informes ideas convellere aggrediar: Edicite, quæso! quid demum magni atque ardui habet jejunium, nostris temporibus usitatum? Dixi: *Nostris temporibus usitatum*; nam primitivis Ecclesiæ temporibus longe alia abstinencia, longe alia ciborum limitatio; longe alia refectiois hora fuit; quod probe norunt historiae ecclesiasticæ nonnihil periti, & quod hoc loco referre haud juvat, ne forte longior sim. Quid demum magni atque ardui, repeto, jejunia nostra habent? . . . Ecce! Quid præceptum sibi postulet: primo abstinenciam a carnibus ex toto; abstinenciam etiam a lacticiis, ubi contraria consuetudo non obtinet, aut Indultum dispensans non existit: His scilicet, quod ad qualitatem ciborum, a quibus abstinendum, spectat, omne abfolvitur, relicta plena libertate quovis piscium, olerum, frugum & aliarum rerum etiam delectabilium & dulcium &c. genere vescendi. Secundo vult sibi præceptum, ut una sola refectio sumatur aut (si mavultis) unum solum plenum prandium, relicta de cetero libertate comedendi, quanto vobis opus est; adeo ut tamen in prandio plus justo comedatis, peccetis quidem contra virtutem temperantiæ, sed non contra præceptum jejunii: nisi hoc in fraudem legis faciatis, scilicet nisi ventrem eum in finem cibis infarciatis, ut menti Ecclesiæ, jejunium imponentis, vos non accommode- tis. Tertio sibi petit præceptum, ut hæc refectio seu prandium in meridiem aut post sumatur; cum horam hanc sine necessitate notabi-

(u) *Libr. de Jejun.*

notabiliter antevertere absque gravi peccato haud liceat. In his rebus aliquot abhinc seculis præcepti de jejunio obedientia consistit: At humana infirmitas, accedente mortalium gulositate atque malitia, exiguum insuper Collationem seu cœnulam (Hæc in quo consistere debeat, post suo loco videbimus) hora vespertina introducere occæpit; tantumque mos hic invaluit ac propogatus est, ut jam in consuetudinem abiierit. Jam posthæc quæro ex vobis, num magnum quid ac grave sit bona valetudine fruenti, hac victus ratione per Quadragesimæ tempus spatio dierum quadraginta & aliis per annum efurialibus diebus uti? Atque uti eum in finem, ut de gravissimis injuriis Deo illatis ex parte satisfaciatur: ut peccatorum dolorem veniamque impetret: ut pœnas peccatis suis promeritas avertat: ut Dei necessaria beneficia obtineat? . . . Num tam magnum, num tanto horrore dignum vobis videtur posse comedere, quæ ad depellendam famem occurrunt, media die, piscium genera quævis, etiam exquisitissima; posse & vespere sumere nonnihil alimentis? . . . Certe rubere pudore debemus, quod tristes adeo querelas promamus, si quando jejunandum nobis, ac si martyrii cruciatus nobis perferendi essent.

Nunquid vestra corpora, O mei! pro inimicis salutis vestræ æternæ longe acerbissimis habetis? Profecto nisi & Evangelio & communi Patrum doctrinæ & experientiæ ipsi contradicere velitis, corpora vestra non solum præcipuis tribus hostibus (Sunt hi mundus: caro, scilicet corpus: diabolus) annuere, sed pro hoste pessimo omniumque maxime insidioso putare debetis. Corpus est hostis ille, sine quo diabolus & mundus parum aut nihil promoverent; nam cum hoc (corpus) omnium affectionum sedes atque receptaculum sit, sine quarum inordinata commotione peccari haud solet, tum mundi illecebræ in vanum casuræ, tum inutilis futuræ essent diaboli suggestiones, nisi eorundem impetus a corpore adjuvantur. Corpus est hostis ille, qui perniciem asserre

animabus nostris per appetitus sensitivi commotiones continuo studet: qui, dum animam ad res maxime delectabiles inclinat, quam difficillime a nobis comprimitur. Corpus est hostis ille, qui nos quietos esse nunquam sinit, sed diu ac noctu, & vigilantes & dormientes, oppugnat. Corpus est hostis ille, quem expellere non possumus; cum pars nostri ipsorum sit: quo fit, ut in armis stare jugiter debeamus lethales, quibus is animam nostram continuo laceffit, ictus propulsuri. Jam cum adversus hunc tam implacabilem, tam molestum, tam periculosum, tam validum hostem nullum fortius post orationem remedium secundum Patrum omnium sententiam sit, quam jejunium; nos, si illum nonnihil domare per jejunia ab Ecclesia in hunc finem imposita debemus, conquerimur, obstrepimus, gravamur. Si deberes, ait S. Augustinus (x) vehi jumento aut pullo equino, cujus ardor nimique ferocia continuo dejectionem tibi minaretur; nonne cibos & avenam eidem subtraheres, ut illum domares, mansuetumque & usui tuo sine ullius periculi metu utilem redderes? Non est dubium, quin, incidente eo utendi necessitate, sic compescere ferocem ejus petulantiam studeres: Si jumento forte insideres, qui te gestando posset precipitare, nonne, ut securus iter ageres, cibaria ferocienti subtraheres & fame domares, quem frango non posset? Et subdit idem S. Doctor: Caro mea jumentum est; iter ago in Jerusalem; plerumque me rapit & de via conatur excedere: Via autem mea est Christus. Ita exultantem non cohæsit jejunio? Loquitur hic de jejunio indefinite S. Augustinus, nimirum de jejunii ultro ac sponte ad carnis petulantias comprimendas assumptis: de jejunii aperiis, austeris, corporis emacerandi vim habentibus, quibus omnes Deum timentes communiter ac frequentissime usi fuerunt atque utuntur, ut carnem suam in servitute contineant; non de niolibus, de parum severis ac mitibus jejuniiis, quæ observantur, ut præcepto satisfiat. Hinc (Ut designatam a S. Augustino viam sequar)

LII 2 .

quæ-

(x) Serm. de Utilit. jejun. c. 1.

quæro ex vobis: Nonne experti estis carnis vestrae petulantiam &, qua vos illa diu ac noctu, vigilantes ac dormientes, impugnat, insolentiam? Ah! utinam experti non essetis. Quoties illa vos a via, qua ad paradysum itur, non abduxit solum, sed etiam abripuit spolians vos gratia Christi? Ah! Quoties hoc factum, Nunquid hoc ferociae insolentissimæ animal dimittere potestis? Nequaquam; cum sit pars vestri ipsorum. Quod si igitur vos illud tam ferox, tam perniciosum, tam sternax ac rapidum experimini, domate illud, castigatè illud victuque defraudate! Quod si haud tanta virtute estis, ut illud spontaneis, severis, frequentibus & re vera macerantibus jejuniis dometis; saltem ea, quæ Ecclesia imperat, servare ne gravemini: quæ jejunia in eo, quod ad præcepti impletionem sufficit, tam levia, tam rara ac moderata sunt; nam quam magna demum (Repeto) poena est, post sumptum, quo venter satiatur, prandium cæna abstineri & exigua Collatione contentum esse? Nunquid hoc jejunii genus comparari unquam poterit cum illo, de quo S. Augustinus meminit, severo, frequenti, aspero jejunio; quod omnes illi servaverunt, quotquot corpus saltem eousque edomatum, ut excutere rationis fræna nequeat præcipiti impetu, quo immoderatæ cupiditates tulerint, ruiturum, habere studuerunt atque student?

Dicent quidam: Næ, Pater! qui ad jejunandum obligati & jejunando pares sunt, de providis immo etiam suavis Ecclesiæ (Quod ad pauca hac super re intimata præcepta specto) sanctionibus injuste conqueruntur: Ast nos, ob corporis infirmitatem ab horum præceptorum observatione dispensati, liberi sumus a dubiis, quæ personis ad jejunium obligatis haud raro occurrere solent. Quotquot sic dicitis, haud male dicitis; dummodo legitima sit, quam iactatis, dispensatio. Quid autem requiritur, Pater! ut dispensatio legitima sit: Nonne sufficit testimonium medici jurejurando firmatum, parochi subscriptione munitum? Immo:

Sufficit, O mei! eo, ut pro hæreticis aut contumacibus non reputemini: At sæpe non sufficit, ut in conscientia & coram Deo excusati sitis. Et (Quoniam me ad loquendum de jejunio quadragesimali, ob quod solum concedi ejusmodi subscriptæ licentiæ solent, induxistis) primum de hoc jejunio & de licentia vescendi carnibus aut lacticiiniis (ciborum genere in nonnullis regionibus prohibito) agam. Nunquid, O mei! legitimam dicetis eam licentiam, quæ conceditur post factam medico expositionem talem, qualem non pura putaque veritas sed intoleranda molities, aut nutritus a passione hypochondriaca vanus timor, aut mere carnalis comparendi absque solita oris venustate metus, aut nescio quæ gulæ adversus cibos esuriales antipathia, aut avara rei domesticæ administratio (ne in variis cibariis impensæ majores fieri debeant) aut alia similis causa vera & realis, attamen infirmi & in aliis cibis concoquendis impotentis stomachi integumento larvata, dictaverunt? Talis licentia in conscientia & in oculis Dei legitima non erit. Nunquid, O mei! legitimam dicetis licentiam, concessam ob infirmitates, quas quis ex immodicis per Bacchanalium dierum spatia corporis lassationibus, aut ex intemperantia in conviviis, saltationibus, vigiliis etiam tota nocte protractis, & mille aliis Christiano indignis modis contraxit? Ego cum S. Thoma sic existimo: Si persona, quæ ita inordinate vixit & se imparem jejunio servando fecit, non prævidit nec prævidere debuit, se jejunando imparem se facere; quod istud prima vice gestum sit: non peccat utens carnibus in tali necessitate; nam adeest necessitas, & hæc necessitas non fuit interpretative volita in sua causa, scilicet in intemperantiis per Bacchanaliorum dies exercitiis. Ast si persona, quæ ultro inordinate vixit, aliis vicibus experiundo didicit, & scivit scireque debuit, per ejusmodi intemperantias sibi necessitatem solvendi jejunii quadragesimalis imponi: hæc rea erit violatæ Quadragesimæ; quia nulla necessitate sed solo immo-

inmoderatarum affectionum impetu acta voluit causam, quæ violandæ Quadragesimæ necessitatem intulit: Hinc etsi non peccet vescendo carnis in actuali necessitate, qua premitur; tamen peccavit contra præceptum tum, cum intemperantias illas ultro continuavit, ex quibus prævidere debuit, necessitatem solvendi jejunii nascituram esse.

Novi equidem, multis Theologorum nostræ ætatis displicere hanc meam doctrinam, utpote qui ex male accepto illo axiomate: *Utitur jure suo*, in contrarium decidunt, & memoratum: *Uti jure suo*, ita extendunt, ut asserere haud dubitent, eum contra legem jejunii non peccare, qui prævidens (Notate bene) se jejuniis servando impar esse fore, si inquirendæ, Proh Deum immortalem! inquirendæ concubinæ suæ gratia longum ac molestum iter suscipiat; hunc (inquam) non peccare contra legem jejunii, fatigantem corpus indigno adeo itinere, quod jejuniis impediturum fore prævidet; ob id maxime, quia *utitur jure suo*. Quid vos ad ista, O mei! Nonne doctrina hæc piis mentibus horrorem incutit? Verum fors persuadere vobis haud potestis, esse aliquos, talia qui doceant. At ecce! ipsa illorum verba non soli legi jejunii, sed & aliis Ecclesiæ præceptis accommodata: Audite & horrescite! *Non peccat contra præceptum jejunii, auditionis Sacri, recitationis Officii divini, qui sua culpa incidit in infirmitatem* (Notate bene) *etiam si prævideret per eam impediri a tali obligatione*. . . *Similiter non peccat contra præceptum jejunii, qui de jejuniis pedestris iter agit, vel si multum laboret, vel id faceret ex utilitate vel etiam ex vitio, aut si in pileo ludo aut venatione multum se exercent vel etiam* (Jam egregia horum Theologorum contraria sententia occurrit) *si iter assumat ad invensendam amasiam aliove pravo fine, si vere defessus sit sufficienter ad eum eximendum ab obligatione jejunii*. Horrendam profecto doctrinam! . . . Ego cum S. Thoma & convenienter responsioni superius a me datæ plane oppositum demonstra-

re aggredior. Agens Doctor angelicus de operariis & artificibus, quorum graves labores jejunium excludere solent, sequentia distinguendo docet: Ecce verba illius (y) *Distinguendum videtur: quia si, jejunando, possunt competenti victu pro sua persona habere & pro familia, cujus cura eis incumbit (sive quia alias divites sunt sive quia de eo, quod minori labore, qui secum jejunium compatiatur, lucrari sufficientia possunt) a jejuniis non excusantur*.

. . . *Ex quo patet, quod intentio majoris lucris non necessarii eos a peccato non excusat*. Jam sic argumentor: Si ex sententia S. Thomæ a jejuniis non eximitur ille operarius, qui nulla victus vel familiæ ratione urgente labores, jejunium haud patientes, majoris quæstus gratia suscipit; quomodo eximetur a jejuniis & a peccato immunis erit ille, qui absque ulla necessitate sed sua sponte ac libera voluntate ea facit, quibus jejunio impar redditur: qui vitii gratia, ob intemperantiam vel ut scelus admissum eat, fatigationes ad jejunium haud quadrantes suscipit? . . . Si S. Thomas non excusat artificem, qui ex solo fine augendi rem familiæ absque necessitate laboriosa opera, ad solvendum jejunium cogentia, facit; utut finis hic de cetero honestus sit: *Intentio majoris lucris non necessarii eos a peccato non excusat*; nunquid excusatus erit ille, qui non solum sine necessitate sed sceleris gratia, ut Deum offendant, ut effrænatas cupiditates satiet, ob intemperantias, quas jejunium impedituras prævidet, jejunium solvit? . . . Quid vobis videtur? An superior responsio mea hujus Theologorum omnium facile principis auctoritate confirmata satis, necne? Ob eam causam negamus ac pernegamus, quod utatur suo jure is, qui sponte sua, nulla interveniente necessitate; sed solius vitii gratia actiones ejus generis facit, quas observationem præceptorum Ecclesiæ impedituras prævidet: immo asserimus, hunc talium abuii jure suo. Quod si minus hoc verus juris sui abusus est; ecce! omnis jam legislativa potestas evanuit; nam in arbitrio cujusvis subditi esset ea sine ulla necessitate

LII 3

face-

(y) In 4. Sent. Dist. 15. q. 3. a. 2. q. 4.

facere, quibus ab observantia legis impeditur. Ob id legislator, iubens hoc vel illud, una simul & implicite jubet, ut non ponantur abſque neceſſitate impedimenta, maxime peccaminosa, obſtantia obſervationi legis. Atque hoc non ſolum reſpectu carnis ſed etiam reſpectu cœnæ ſeu reſectionis ſecundæ ex vero dicitur; videlicet quod non ponendæ ſint mero ex libitu ejusmodi actiones, quæ obſervationi jejunii (tam quoad carnes tam quoad ſecundam reſectionem) obſtant.

Sunt nihilominus perſonæ legitime a jejuni lege exemptæ, ſive ex titulo opificii ſatis laborioſi, quocum copulari ex virorum prudentum judicio jejunium haud poteſt: ſive ob ætatem; quia nondum annum vigimum primum abſolverunt: ſive ob corporis conditionem, nimirum dæm vel uterum gerunt vel prolem lactant: ſive ob infirmitatem, vel quod recens convaluerint: ſive ob pietatem, nimirum ſi vel proprii officii ratio vel Proximi vel noſtra ipſorum neceſſitas exigit labores ad jejunium non quadrantes. In his caſibus licita eſt diſpenſatio quoad plures reſectiones.

Interrogabit aliquis: Si quis die eſuriali non ſolum carnes, ſed etiam alios cibos in ſufficienti quantitate manducat, num toties mortaliter peccat, quoties comestionem repetit? Conſentiunt in hoc Theologi omnes, O rei! hunc talem, ſi carnis veſcitur, totidem vicibus mortale peccatum committere; quia agit contra præceptum negativum: ſcilicet præceptum prohibens, ne carnes comedantur. Quod ſi pluribus per unam diem vicibus aliis cibis veſcitur, tenent nonnulli: eundem prima ſolum vice, non reliquis, mortaliter peccare; quia hoc præceptum poſitivum eſſe credunt. Sed graviter iſti errant, dicendumque omnino eſt: hunc talem toties peccare, quoties hoc per unius diei ſpatia facit; cum præceptum quoque maxime negativum ſit, ne plures reſectiones fiant. Ecce! ſenſa animi clare explico & manifeſte comprobo, etiam hoc præceptum maxime negativum

eſſe. Præceptum poſitivum eſt, quod obligat ad aliquam actionem faciendam: uti apparet ex præcepto Confeſſionis, audienti Sacrum, Communionis annuæ &c. Jam quaero: ſi quis die quodam eſuriali plane nihil comedere vellet, num violaret præceptum? Neutiquam certe: Non eſt ergo præceptum hoc poſitivum; cum non ſit actio, ad quam obliget: Erit itaque præceptum negativum, quod, dum unam reſectionem permittit, comedere ſæpius prohibet: Igitur qui per diem ſæpius tantum comederit, quantum quidem ad mortale peccatum ſufficit, omnibus vicibus graviter peccat adverſus prohibitionem non multiplicandi reſectiones. Ratio hæc tam evidens atque aperta eſt, ut opinioni contrariæ, eſſi a multis falſo adoptatæ, meo quidem judicio omnem probabilitatis rationem detrudere videatur.

Qui legitime diſpenſatus eſt, ut carnis veſci poſſit, vi ejus diſpenſationis non diſpenſatur a jejunio vespertino, prout deſiſſit ſ. m. Pontifex Benedictus XIV. Utrum vero eidem diſpenſato in quantitate, Collationi conveniente, carnis vel juſculis veſci liceat, interrogatus idem Pontifex hac ſuper re ab Archiepiſcopo Compoſellæ, reſpondit (z) Non licere; ſed hunc diſpenſatum uti debere eò cibo & ea quantitate, qua ii, qui timorata cum conſcientia jejunant, utuntur. Quænam igitur erit quantitas in Collatione ſumenda? Nimirum concedere meo (infirmo quidem) judicio videntur, qui quantitatem octo unciarum generatim permittunt. Ego ſic exiſtimo: Meſuram ſex unciarum non excedi debere: Qui pauciori contentus eſſe poteſt, ſit; & tranquillitatis conſcientiæ cauſa conſilium pii doctique Confeſſarii exquiratur. Hæc ſunt, quæ ſuper propoſito argumento vobis exponenda eſſe duxi multas alias quaſtiones, quibus præſens ſermo nimis protraheretur, miſſas faciens.

Quæ quanquam eo ſufficiant, ut Eccleſiæ voluntati ſatiſſiat & præceptum ejus graviter non violetur; tamen haud eſſe ſufficiunt

ficiunt, O charissimi! ut Deo nostro plane placeamus. Vult hic, ut jejuniio gulæ aliorum membrorum & mentis ipsius jejunium adjungamus, hoc est: ut membra reliqua a peccaminosis actionibus, quas admittere confuevimus, custodiamus, & anima a vitiis atque peccatis, quibus adhæret, jejUNET (verbo) ut ab injuriis majestati divinæ inferri solitis jejunemus. Hoc maxime Dominus nobis per os Prophetæ Isaiæ (aa) intimavit: *Nonne hoc est magis jejunium, quod elegi? Dissolve colligationes iniquitatis, solve fasciculos deprimentes . . . Et omne onus dirumue.* Hoc est, ait Dominus, jejunium mihi acceptum, junctum jejuniio corporali, solvere compedes iniquitatis: delere debita, quibus pauperes creditores angustantur (paucis) excutere onera animam aggravantia. Ob eam rem S. Bernardus, cui istam considerationem debeo, in hæc verba loquitur (bb) *Si sola gula peccavit, sola quoque jejUNET; Et sufficit: Si vero peccaverunt & membra cetera, cur non jejunent & ipsa?* *JejUNET ergo oculus, qui deprædator est animam; jejUNET auris; jejUNET lingua; jejUNET manus; jejUNET anima ipsa. JejUNET oculus a curiosis lascivis aspectibus & omni petulantia, ut bene humiliatur corceatur in pænitentia, qui male liber vagabatur in culpa; JejUNET auris*

*nequiter pruriens a fabulis & rumoribus, & quæcunque otiosa (Addam ego: impudica, obscæna, famam Proximi lædencia) sunt atque ad salutem minime pertinentia; JejUNET lingua a detractione, a murmuratione, ab inutilibus, vanis atque scurrilibus verbis) Addam ego: a sermonibus obscænis, a turpibus æquivocationibus, a juramentis) & interdum quoque ob gravitatem silentii & ab ipsis, quæ videri poterant necessariis; JejUNET manus ab otiosis signis & ab operibus Proximo damnosis, impuris & ab omnibus, quæcunque non sunt imperata; JejUNET (Hæc addere libet) pes ab itione in illa lusus exitiosi loca, a frequentatione conventuum, in quibus toties & obtutibus & cogitationibus & verbis & desideriis & persæpe actionibus Christiano indignis Dei majestas offensa fuit: JejUNET denique anima a vitiis & a propria voluntate sua. Hoc generali totius corporis atque animæ a pravis affectionibus jejuniio, cum jejuniio gulæ conjuncto, Deo nos omnino gratos atque acceptos faciemus; Etenim sine hoc jejuniio, concludit idem S. Doctor, hæc cetera reprobantur. Id quod Deus ipse per os Prophetæ Isaiæ (cc) significavit: *Jejunavimus & non aspexisti; humiliavimus animas nostras & nescisti; Ecce! in die jejunii vestri invenitur voluntas vestra.**

(aa) cap. 58.

(bb) Serm. 3. in Quadrag. n. 4.

(cc) cap. 58.

SERMO LXVI.

De tertio Ecclesiæ præcepto, scilicet de Confessione annua.

ANimam christianam, quæ peccati mortalis reatu premitur, iniricam Deo: exfortem gratiæ divinæ: incapacem promerendi aliquid in oculis Dei: privatam jure actuali in merita operibus bonis in statu gratiæ factis, acquisitis: adoptionis divinæ & hæreditatis cœlestis expertem esse inque jugi damnationis periculo (si forte re-

pentina corporali morte ex hac vita in statu peccari migret) versari: omnia hæc articuli Fidei sanctæ sunt in SS. Scripturis perscripti, a Patribus sanctis omnibus promulgati & ab Ecclesia Dei sancta traditi.

Jam animam illam infelicitissimam per bonam Confessionem, debitis modis factam, incomprehendenda damna hæc rescificare:

una

una cum gratia divina divinam amicitiam atque filieitatem sibi denuo conciliare: recuperare merita per superveniens peccatum mortale mortificata: novis meritis acquirendis aptam se reddere: restituere se in integrum jus coelestis hereditatis obtinendæ (si morte intercipiatur) & quod consequens est, a jugi damnationis æternæ periculo se redimere posse; hæc itidem omnia articuli Fidei sanctæ sunt perscripti in Scripturis sacris, promulgati a SS. Patribus, traditi ab Ecclesia Dei.

Itaque cum tam gravia sint animæ in peccato mortali constitutæ damna ac pericula: contraque tam magna illi sint commoda, si bonæ Confessionis ope gratiam sibi denuo acquirit; res omnium maxime stupenda videtur, tantam his non obstantibus Confessionis negligentiam inter Christianos obtinere, ut Ecclesiæ disertis verbis imperandæ unius saltem per anni decursum Confessionis necessitas imposita fuerit.

Ah! quomodo, dicebam mihi sæpius cum animo meo, quomodo fieri potest, ut tanta Confessionis negligentia in anima sit; cum tamen illa per bonam Confessionem subducere sese memoratis gravissimis malis atque periculis, & omnia memorata incomprehensibilia bona parare sibi possit: Tanta (inquam) Confessionis negligentia, ut Ecclesiæ mater filiorum suorum amantissima, quo malo huic luctuosissimo remedium afferret, coacta sit, eos ad peragendam semel saltem in anno Confessionem obstringere. Oriri hæc negligentia, ni mea me fallit opinio, pluribus ex causis potest; videlicet ex fidei languescens & propemodum emortuæ defectu: vel ex cæcitate, quæ in anima generatur, si in statu peccati mortalis diutius permanemus: vel quod memorata pericula (maxime periculum mortis aut improvisæ aut causatæ a morbo furor, qui bonæ Confessionis peragendæ copiam tollat) non expenduntur: vel quod ejus, qui in gratia Dei vivit, felicitas non cogitatur. Hinc ob ea, quæ hucusque attuli, de dictis animæ in peccato positæ ma-

lis, deque memoratis animæ gratia fruentis bonis dicendum mihi esse videtur: Verum quoniam hoc ipsum argumentum sermonibus XL. XLII. XLIII. sufficienter excussum; hodie satis duco Ecclesiæ sanctæ mentem ac vota secundare. Atque ut propositam materiam plene ac solide tractem, primo obligationem Confitendi divino JESU Christi præcepto nobis impositam; deinde eandem obligationem præcepto Ecclesiæ confirmatam; denique varias quæstiones, quæ hac super re injici queunt, expediam atque explicabo.

Nemo Catholicorum dobitat, quin Christus, Pœnitentiæ Sacramentum instituens, discipulis & horum in personis successoribus eorundem dixerit (a) *Accipite Spiritum sanctum: Quorum remiseritis peccata, remittuntur eis & quorum retinueritis, retenta sunt.* Ex his verbis obligatio Confitendi, a Christo injuncta, aperte colligitur; nam si sunt in peccatoribus peccata statim post Confessionem per Absolutionem remittenda & alia retinenda illis peccatoribus, quibus disserre Absolutionem necessarium videtur: quomodo, obsecro! hæc peccatorum differentia cognosci a ministro sacro poterit, nisi illa ipsi per Confessionem exponantur? Vel quomodo poterit minister sacratus discernere, quænam peccata statim dimittenda sint, & quæ non; nisi illa ipsi manifestentur? Itaque aut debet pollere dono prophetiæ Confessarius, ut internum animarum statum cognoscat (Quod dicere insanissimæ temeritatis & blasphemia est) aut manifestari eisdem & aperiri peccata debent. Atque ex hoc evidens sit, quod in institutione Sacramenti Pœnitentiæ imposita fuerit Fidelibus a Christo confitendi peccata sua obligatio, & quod hæc peccatorum confessio (si quidem Confitendi copia ac facultas adest) ex præcepto divino Jesu Christi omnibus, post Baptisma in peccatum mortale lapsis, necessaria sit. Ita Concilium Tridentinum (b) *Cum constet eos non posse iudicium hoc exercere incognita causa neque aequitatem servare posse, si in genere duntaxat, & non potius in specie*

(a) *Joan. 20.*(b) *Seff. 14. c. 2. & 5.*

Et sigillatim, peccatores eis sua peccata declarant; ob id (pergit alio in loco) universa Ecclesia semper intellexit, institutam etiam esse a Domino integram peccatorum confessionem, & omnibus post Baptismum lapsis jure divino necessariam existere.

Itaque cum Confessio divino Christi præcepto injecta sit; quandonam fieri illa vi hujus præcepti debet? Respondeo: Cum Confessio a Christo imperata sit, ut gratia in Baptismo accepta at postea amissa recuperetur, consequitur, non obligari hoc præcepto Christi eam, qui post Baptisma se culpæ mortalis reum vel certo vel sub dubio non agnoscit. Eum deinde, qui reum se culpæ mortalis agnoscit; quis sibi unquam persuadeat, quod Christus ad Confessionem non nisi ferali in hora obligare voluerit? Quod si hoc ita esset, & si præceptum Christi ad solum casum mortis pertineret, O mei! num is magnam salutis nostræ curam, quam semper gessit, magnopere ostendisset? Aut putatis, O mei! magnam esse ei domesticorum suorum a servitute, si forte in illam inciderent, liberandorum curam: ei (inquam) qui modum, quo se illi in libertatem asserent, instituisse quidem, at una eisdem isto redemptionis modo primum in morte, haud citius, utendi obligationem imposuisset? Jure dicetis, credo! quod talis usum remedii a se instituti hoc modo imperans nullam curam, immo quandam liberandi suos negligentiam prodidisset. Igitur, nisi hanc ipsam negligentiam (Christi amoris &, quod gessit, studio salutis nostræ adeo injuriosam) blasphemiam asserere velimus, dicere nos oportet: Christum Fideles suos in peccati mortalis & diaboli servitutem delapsos ad Confessionem non solum ferali in hora, sed etiam aliis temporibus obligasse. At quænam sunt tempora illa? Hæc statui a quocunque demum, non nisi generatim, possum: Ob id proposita super quæstione sic argumentari & convenire iis, quæ sermone XLI. monui sic disserere juvat. Nonne Fidei articulus est, Christum hoc Sacramentum instituisse, ut Christiani divinam,

P. Cum illati Catechisti.

per peccata mortalia post Baptismum admissa perditam, gratiam recuperent? Certe. Nonne itidem Fidei articulus est, hominem peccati mortalis reum in continuo æternæ damnationis periculo versari? Certe. Nonne tum rationis naturalis lumen tum quotidiana dicat experientia, hominem innumeris mortis repentinae generibus obnoxium esse tum ob mille externe accidentia & pericula (Ne forte igne æthereo in cineres redigatur, aut ab hoste suo occidatur, aut saxo opprimatur, aut casu aliisque modis pereat) tum ob mille interna occultaque mala, quæ ex improviso irruunt; quibus sit, ut vel suffocetur, vel stupore percellatur, vel aliis modis vita derepente privetur? Certe: Indies hoc cernere licet. Itaque si Christus Sacramentum Confessionis instituit, ut omnibus hisce tum internis tum externis peccatoris periculis occurreret, dicendum: hoc Christum velle & ob id eo peccatorem obligare, ut ne in statu peccati mortalis longius perseveret; nam hæc perseverantia in malo facit, ut peccator in continuo damnationis æternæ periculo versetur; prout ex hucusque a me dictis apparet. Repugnabit ergo consiliis & voluntati Christi ille, qui longiori temporis spatio restituere se statui gratiæ ope Confessionis differt, & saltem toties peccabit, quoties cogitans de statu suo & Christo interius moneante, ut ad sacrum tribunal Confitendi gratia pergat, hoc intermittit aut saltem actum perfectæ contritionis non elicit. Ita docet S. Thomas, citatus a S. Antonino, una cum aliis gravissimis auctoribus Antonino anterioribus; quibus alii, quos inferius citabo, consentiunt: Cum propositum Confitendi sit annexum contritioni, tunc tenetur aliquis ad hoc propositum, quando ad contritionem tenetur; scilicet quando peccata memoriæ occurrunt (c). Et alio in loco: Manifestum est, quod nec per modicum tempus licet in peccato morari; sed qui libet tenetur statim deservire (d) Hucusque S. Thomas. Jam S. Antoninum audiamus (e) Quantum ad peccata mortalia, de quibus nondum quis habuit contritionem, vi-

M m m

detur

(c) S. Thom. 2. 2. Suppl. a. 5.

(d) 2. 2. q. 62. a. 2.

(e) 3. p. 1. 14. c. 18. §. 2.

detur quod semper teneatur, quando peccatum menti occurrit, ad actum eliciendum & detestandum peccatum; alias peccat mortaliter peccato omissionis, quousque conteratur. Dicit enim B. Thomas, Petrus de Palude, Bonaventura & Durandus: quod post peccatum mortale, et si non teneatur quis ad statim Confitendum, teneatur tamen ex necessitate ad statim Conterendum; nec enim per momentum licet stare in peccato; . . . Imminet enim tunc maximum periculum . . . si moriatur ante contritionem. Ita doctissimus & sanctissimus Florentinorum Archiepiscopus S. Antoninus; Et præter citatos ab hoc Paludanum, Bonaventuram, Durandum in eandem sententiam insuper ab eruditissimo Suarezio Guiljelmus Parisiensis, Alexander Alenis, Thomas de Argentina, Abulensis, Major, Marsilius, Cajetanus, de Victoria, Petrus Sotus & Sylvester primi subseclii scriptores laudantur. Dicendum igitur: divinum Christi præceptum de Confessione tunc obligare Fideles, quando sunt in statu peccati mortalis, ut Confessionem longius non differant; si quidem amantissimis, quæ Christus Sacramentum hoc instituens de salute nostra habuit, consiliis convenienter decidere velimus: ut alias rationes a me sermone XLI. in quo argumentum hoc respectu Fidelium tractavi, allatas hoc loco prætermittam.

Jam ad præcepti ecclesiastici, de Confessione semel in anno faciendi, explicationem transeamus. Accipi præceptum hoc in eum sensum debet, ut ab una Confessione ad aliam annus integer non effluat: Hinc non intelligimus, fieri Confessionem tempore determinato debere, uti Communio fieri tempore Paschali debet: Ob id si quis e. g. jejunii quadragesimalis tempore, dimidia sui parte exacto, Confessionem suam faceret, & incidente Paschate certum haberet, se non admisisse peccata mortalia, non obligatur ad Confessionem; quam tamen facere debet, si peccata mortalia admisit, non quidem ut satisfaciatur præcepto annuæ Confessionis, cui jam satisfecit; sed ut satisfaciatur alii præcepto prohibenti accessum ad S. Com-

munionem, nisi prius per Confessionem conscientia a peccatis mortalibus, post ultimam Confessionem admissis, expurgata sit; prout sequenti sermone dicemus. Igitur ut huic præcepto satisfiat, non permittendum, ut ab ultima Confessione facta ad aliam faciendam annus integer abeat; v. g. si quis hoc anno corrente facit Confessionem suam 25. Martii, die Annuntiationis B. V. Mariæ, & quoniam hæc dies Paschati propior est, nec ille peccatis mortalibus gravatur, celebrat etiam Pascha, quin denovo Confiteatur: huic non licet Confessionem suam annuam usque ad Pascham sequentis anni e. g. 1. Aprilis primum revolvendam differre; sed debet talis vi hujus præcepti ecclesiastici Confiteri prius, quam in anno veniente dies Annuntiationis Mariæ transeat.

Hoc præcepto quivis Fidelis obligatur, utprimum ad usum rationis & ad annos discretionis pervenerit; qui anni a septimo circiter ætatis anno (in aliis citius, in aliis serius) computari utplurimum solent.

Ex hucusque dictis colligitur, eum, qui vel sua culpa vel ob impedimentum interveniens Confiteri ante anni exitum non potuit (quamprimum ei licet) Confiteri & præcepto satisfacere debere; cum præceptum hoc, dum Confessionem *saltem semel in anno* diserte ac positive imperat, una significet, ut Confessio ultra annum non differatur: atque ob eam rem ut, qui intra annum Confessus non est, Confiteatur, quamprimum potest: & quod per Confessionem, quam pro anno elapso facit, non satisfaciatur pro anno inchoato, sed intra hunc annum aliam insuper Confessionem peragere debeat. Quemadmodum enim quis in singulos menses solvere aureos decem obligatus (si id uno mense intermittit) sequenti mense & decem aureos mensis elapsi & alios decem aureos mensis currentis exsolvere debet: ita qui annum abire sine Confessione sivit, quamprimum licuerit, & Confessionem anni elapsi supplere & aliam Confessionem pro anno corrente peragere tenetur.

Ex

Ex hoc deducitur, quod aliquis qui annum abiisse sibi sine Confessione & novum annum advenisse videt, sentiens conscientiam hac omissione turbari & interius ad Confitendum se moveri, toties mortaliter peccet, quoties huic pio instinctui non pareat, peccato gravis omissionis. Sicut enim debitor, creditori solutionem sibi summae satis notabilis expectanti satisfacere potens, toties graviter peccat, quoties immisiam a Deo per conscientiae motus solvendi cogitationem expellit; quia injustitiam suam novo continuare actu vult: ita etiam in presenti casu Fidelis, utpote obligatus ne tributum hoc Religionis Deo & Ecclesiae solvendum longius uno anno differat, toties peccat, quoties memor officii sui innovat inobedientiam suam, instinctum implendae obligationis repudians.

Quid ergo faciat, qui praevidet v. g. se ob longam, quam parat navigationem intra annum Confiteri non posse? An rejicere Confessionem potest, donec in portum, quem perit, appulerit: an vero praevinire anni finem & Confessionem facere, priusquam se navigationi committat, debet? Obligatur talis, O mei! ut anni exitum antevertat & Confessionem faciat & priusquam undis se tradat. Ratio est, quia praecipuum (Ut monui) obligat eo tempore, in quo impleri potest; Hinc debet navigaturus exitum anni antevertere, quia ipsi haud aliud tempus ad Confitendum relinquitur, quin annus sine Confessione abeat. Nihilominus si bona fide haberet animum Confitendi, post excensionem e navi & in anno inchoato, non peccaret; dummodo statim (pro eo, ut moraliter licet) & pro anno finito & iterum pro anno inchoato Confiteretur.

At si quis toto anni spatio nullum mortale peccatum, nec certum nec dubium, admisisset; nuquid etiam hic ad Confessionem teneretur? Priusquam huic quaestioni respondeam, monere me in antecessum oportet: hypothesin istam supponere aliquid, quod prodigio non absurdum est; scilicet personam,

a Sacramento Pœnitentiae tam alienam, ut annum totum sine illius susceptione fluere permitrat, nihilominus moraliter sibi certam esse posse de nullo peccato mortali admissio, vel certo vel dubio; Hoc etenim quoddam quasi auxiliantis insolitae gratiae prodigium deputavero. Equidem non dico: esse non posse personas, quae non solum unius sed multorum annorum spatio a peccatis mortalibus vacuae atque immunes permaneant Sacramento Pœnitentiae congrue frequentando: immo harum permultas esse affirmo. At eandem peccatorum mortalium vacationem atque immunitatem dari animae a Sacramento Reconciliationis adeo alienae, hoc in prodigio loco repono. Isto autem prodigio admisso duplex succedit sententia, utraque memorata a S. Thoma. Prior sententia docet: personam istam, quamvis vi Sacramenti, scilicet ex praeepto Christi, qui Sacramentum hoc eo (Quod dixi) instituit, ut gratia post Baptismum amissa animae restituatur, ad confitenda omnia vel nonnulla peccata venialia, quorum se ream novit, non teneatur; tamen eo ex praeepto Ecclesiae teneri volentis, ut Pœnitentiae Sacramentum solum semel in anno recipiatur. Opinionem hanc gravissimi sustinent Doctores: Alexander Alensis, S. Bonaventura, Sylvester alique, atque post hos eruditissimi Prosper Fagnanus & Natalis Alexander citantes S. Thomam, dicentem (f) *Dicendum quod ex vi Sacramenti non tenetur aliquis venialia confiteri, sed ex institutione Ecclesiae; quando non habet alia, quae confiteatur.* Posterior sententia affirmat: talem personam non solum non vi Sacramenti sed ne quidem ex praeepto Ecclesiae ad confitenda peccata venialia teneri. Et haec opinio communior est, meoque iudicio etiam rationi magis consentanea, cui S. Thomas quoque patrocinatur, allatis verbis haec addens: *Vel potest dici secundum quorundam, quod ex decretali praedicta non obligantur nisi illi, qui habent peccata mortalia; quod patet ex hoc quod dicit: Debent omnia peccata confiteri; quod de venialibus intelligi non potest; quia nul-*

M m m 2

lus

(f) Suppl. q. 6. a. 3. ad 3.

lur omnia confiteri potest, & secundum hoc ille, qui non habet mortalia, non tenetur ad confessionem venialium; sed sufficit ad præceptum Ecclesiae implendum, ut se sacerdoti repræsentet & se ostendat absque conscientia mortalis esse; & hoc ei pro Confessione reputatur. Quo locutionis modo ostendit S. Thomas, hanc posteriorem sententiam esse suam, & se eatenus tantum retulisse sententiam priorem, ut auctoribus eandem docentibus, contemporaneis & amicis suis, (puta Alexandro Alensi & S. Bonaventuræ) deferret; nam dum illa verba: *Vel potest dici &c.* adjecto argumento & modo satisfaciendi præcepto Ecclesiae (non per Confessionem, sed per manifestationem obedientiae suae & immunitatis a peccatis mortalibus) animata subicit, significat hanc se opinionem adoptare; quæ, ut dixi, rationi magis consentiens videtur. Etenim secundum verba præcepti ecclesiastici debent omnia peccata confiteri. Jam hoc: debent, cadere non potest in peccata solum venialia, quæ quoniam nec gratia nec gloria, ut Fides, privant (quandoquidem etiam in Purgatorio remittuntur) ob id nulla est ea confitendi obligatio: Hinc vox, debent de venialibus peccatis verificari non potest; sed neque sequens verbum, omnia verificari potest; nam (Ut notat Doctor angelicus) possibile non est, ut peccata venialia omnia confiteamur, tum quod multa notitia & memoriam nostram fugiant: tum quod ii, qui de illis solis laudabiliter se accusant, non habeant obligationem confitendi omnia, nimirum cujusque speciei; etenim sufficit, si se de una specie cum vero dolore & proposito accusant. Igitur cum verba præcepti ecclesiastici de venialibus proprie verificari nequeant, deducimus: personam illam prodigiosam, quam posuimus, & quæ annum integrum sine Confessione, ad etiam sine peccato mortali ullo (vel certo vel dubio) transiit, ad Confitendum non obligari; sed tamen eo, ut se subjectionis demonstrandæ gratia ministro Ecclesiae pro accipiendâ sanctâ Benedictione sistat indicans, se speciali gratiæ divinæ pro-

digio nulla habere peccata mortalia (vel certa vel dubia) quæ confiteatur.

Quo in loco multa cum ratione subjungo: eos qui una sola per annum vice Confiteri solent, non solum a culpis mortalibus non immunes fore; sed difficulter admodum eo perventuros, ut christiane vivant; quin potius eos semper peccatis lethalibus primæ classis obstrictos fore. Quia in re utrum verum dicam necne, ipsi edisserant. Per quot continue annos hi tales sese de iisdem peccaminosis consuetudinibus (jurandi per sanctum nomen Dei, per Christum, per Crucem, per Evangelia, per Mariam &c.) accusant? Per quot continue annos sese de iisdem cogitationibus, affectibus & sermonibus impudicis, de iisdem verbis scandalosis, de iisdem conviciis in Proximum jactatis, de iisdem impuris equivocationibus, de iisdem gravibus murmurationibus, de iisdem impudicitis admissionibus, de iisdem fraudibus in munere, in officio suo adhibitis & reliquis sceleribus accusant? Nonne anni & anni abierunt, ex quo eandem semper vitæ rationem ducunt; quin in melius redeant, immo in pejus ruant? At quod maximi momenti est (cum anno vertente ad Sacramentum accedere deberent, ad novum accedunt sacrilegium; quod fructus sperati defectus solidæ & prudentis suspicionis causam præbeat, ne omnes illæ annuæ Confessiones vero dolore stabilique amplius graviter non peccandi proposito destitutæ, & ob hoc ipsum omnes sacrilegæ fuerint. Ex quo fonte tanta malorum coluvies oritur. O mei! Ex eo, quod Confiteri non nisi una sola per annum vice velint: Et si sapiens doctusque confessarius advertens, hanc conscientiae eorum perniciem ex rara ad sacrum tribunal accessione nasci, per modum poenitentiae illis injungit, ut per aliquod temporis spatium semel aut bis in menses singulos Confessionem peragant; hi imperata facere negligunt: poenitentiam impositam, quæ sola eos ex tot scelerum luto eripere posset, non implent: & ecce! sic peccatis anni præteriti novum addunt; scilicet

licet quod injunctam poenitentiam, semel aut bis in mense Confitendi, non observent: dumque sic facere pergunt, omnem fere vitam in iisdem peccatis transigunt; qua re fit, ut morte imminente non ipsi peccata (Ut SS. Patres aiunt) sed peccata ipsos deserant non sine evidenti nullius poenitentiae agenda & aeternae damnationis incurrendae periculo. Dicit aliquis: Hem! quid ais, Pater! *Non sine evidenti nullius poenitentiae agenda periculo.* Ita est, O chare! Repeto! *Non sine evidenti periculo.* Ecce asserti mei apertissimam & inexpugnabilem confirmationem! Nunquid, O chare! in tali homine dolorem praeteritarum anni cujusvis Confessionum sincerum fuisse deputas? Nunquid illas Confessiones bene factas credis? Quia ratione hoc credas, si nulla unquam subsecuta est morum emendatio? . . . Edicite, obsecro! si ex animo doletis vos per illam vel illam viam transivisse, vos illud vel illud negotium suscepisse, vos illam vel illam mercium speciem emisse &c.: nunquid denuo per viam illam transitis, nunquid illud negotium denuo suscipitis, nunquid illam mercium speciem denuo emitis? Nequaquam, Pater! Quare istud? Quia serio & ex animo dixistis: Nolo amplius per viam istam transire, nolo amplius negotium istud facere, nolo amplius istam mercium speciem emere. Quod si per eadem transire viam, idemet suscipere negotium, eandem mercium speciem emere magis magisque pergeretis, nunquid omnes & vos ipsimet dicturi essetis, vos haud ex animo locutos fuisse? . . . Et posthac vobis persuadebitis, vos in annuis Confessionibus vestris ex animo locutos esse, quando dicebatis: Doleo de istis peccatis; & verum eadem amplius non committendi propositum habuisse: quandoquidem paucis post diebus & forsitan paucis post horis ad pristina peccata rediistis, & quolibet anno horum innumera denuo committere perrexistis; adeo ut dolor ille & propositum illud vestrum nequaquam verum a legitimum haberi possit, quoniam illud nunquam implevistis, immo longe alia ab illo ac diversa

facere perrexistis? Jam constituti in limine aeternitatis Confitebimini vos quidem (Facile hoc do) si vobis tempus ad Confitendum Deus concesserit; sed Confitebimini eo modo, quo ex multorum annorum spatio consuevistis; sed Confitebimini cum solito illo superficiali ac proletario dolore atque proposito, quæ (utpote nulli morum subsequenti emendationi junctæ) praeteritis temporibus nihil valuerunt. Sic etiam postrema vice, O mei! Confitebimini; & ecce vobis! evidens ac manifestum periculum pereundi cum tota Confessione vestra, quippe peracta cum dolore simili illis doloribus, quos annis praeteritis elicere solebatis: qui, quemadmodum Confessiones vestras praeteritas de Sacrilegio haud temere suspectas facit; ita postremam quoque Confessionem suspectam faciet; nam cum tota vita vestra bene dolere & (pro eo, ut par est) poenitere non didiceritis, multo minus istud in vitae exitu addiscetis: quando & mens perturbatur & voluntas tum morbo ipso: tum maerore, quem instans propinquos deferendi necessitas parit: tum testamenti confessione: tum multis, quæ fors solvenda restant, debitis: tum centum aliis rebus fractior erit; quæ omnia etiam viros doloris actus bene elicere assuetos conturbare atque abstrahere valent, at certe eos ad hos actus bene eliciendos non promoveant, qui eosdem semper, aut male aut parum bene, elicuerunt. Intellexistis, O mei! in quam altam malorum voraginem desideriosissima hæc una sola per annum vice confitendi, consuetudo animam detrudat? Ecce! hæc mala cuncta summam perstricta dabo. Nunquam sequitur vitæ criminosa emendatio: Assuefcitur inefficacibus doloris & propositi actibus: His rebus omnes annuæ Confessiones de sacrilegio merito suspectæ redduntur: Deducitur exercitium actuum veri doloris firmique propositi: Et sic ad summam calamitatem itur, scilicet ut postrema Confessio similis praeteritis (Ut moralis certitudo adest) exeat; quia moribundus alios doloris & propositi actus elicere nesciet, quam quos annis pre-

M m m 3

teri-

teritis elicit: quos ipsos vim & efficaciam, quæ ceteroquin ad bonam Confessionem, necessaria est, nullam habuisse, experientia comprobavit.

Ex hoc colligit, O mei! quam immeritas querelas isti annuales Pœnitentes edant, si quando illis a sapienti confessario Absolutio dissertur, donec per morum emendationem sinceri doloris firmiterque propositi indicia præbeant; Nam dum illi eadem semper peccata asserunt & ob id de sinceritate doloris eorum prudens suspicio est, cogitur confessarius, ut definitionibus S. Sædis deferat vetant's, ne recidivi ejusmodi peccatores Absolutione impertiantur, nisi ea emendationis documenta dent, ex quibus prudens de vero illorum dolore spes concipi potest.

Ex his præterea cognoscite, quam rationabilis, perbenigna & utilis sit ejusmodi animabus pœnitentia, illis injungi solita: scilicet per certa temporis intervalla semel aut bis in mense Confitendi; nam (moraliter loquendo non est aliud remedium ullum, quo vitiosæ mortalium peccatorum consuetudines ex anima eliminantur. Quisquis igitur hoc sibi injunctum habet, impleat: & qui non habet, ultro sibi assumat; cum Sacramentum Pœnitentiæ bene susceptum vim mirandam habet animæ corroborandæ, ut in peccata mortalia non relabatur. Secus si feceritis, iterum dico vobis: Eum, qui non nisi una per annum vice Confiteri vult, ægre salvandum fore.

SERMO LXVII.

De Præcepto Communionis Paschalis.

Certe quilibet historiæ ecclesiasticæ non-nihil gnarus rapti in admirationem debet, si (Quod ad usum & susceptionem augustissimi Eucharistiæ Sacramenti attinet) spiritum Christianorum primarum ætatum cum spiritu Christianorum nostri ævi comparaverit. Etenim illi non solum primoribus Apostolicis temporibus, sed etiam ad tertium & quartum usque seculum (in quibus SS. Cyprianus, Basilius Magnus, Hieronymus, Ambrosius & Augustinus floruerunt) ita S. Communionem frequentarunt, ut (Quod ex memoratorum Patrum scriptis colligitur) quamplurimi singulis diebus, permulti sæpius per hebdomadam ad sacram mensam accesserint. S. Cyprianus ait (a) *Hunc panem dari nobis quotidie postulamus, ut qui in Christo sumus & Eucharistiam quot die in cibum solutis accipimus, incedente graviore aliquo delicto . . . a Christi corpore non separemur.* S. Basilius Magnus

affirmat (b) *Singulis certe diebus Communicare & participem esse sancti Corporis & Sanguinis Christi bonum & fructuosum est . . . Quater igitur nos singulis septimanis Communicamus, dominico die, feria quarta, in parasceve & in sabbatho, sed & per dies alios, si Martyris alicujus memoria celebretur.* S. Hieronymus optat (c) *Utinam omni tempore jejunare possimus, Eucharistiam quoque absque condemnatione nostri & pungente conscientia semper accipere . . . Scio Romæ hæc esse consuetudinem, ut Fideles semper Christi corpus accipiant; quod nec reprehendo nec probō: Unusquisque enim in suo sensu abundet.* S. Ambrosius aut alius scriptor eidem ætate æqualis inquit (d) *Si quotidianus est panis, cur post annum illum sumis? . . . Accipe quotidie, quod quotidie tibi proficit: Sic vive, ut quotidie merearis accipere.* Denique (Ut alios prætermittam) S. Augustinus monet: *Alii quotidie communicant Corpori & Sanguini Domini*

(a) *Libr. de Orat. dom.*

(b) *Epist. 289. ad Cesar. Patri.*

(c) *Epist. 12. & 50.*

(d) *Libr. 5. de Sacerd. c. 4.*

mini: alii certis diebus accipiunt: alibi nullus dies prætermittitur, quo non offeratur: alibi sabbatho tantum & dominico: alibi tantum dominico . . . Nec disciplina ulla est in his melior gravi prudentique Christiano, quam ut eo modo agat, quo agere viderit Ecclesiam, ad quam forte devenit.

Apparet itaque, ad seculum IV. usque, in quo S. Augustinus floruit, multas Ecclesias S. Communionem quotidie, multas alias sæpius per hebdomadam usas esse, nullam mensam totum sine S. Communionem fluere sivilisse. Hic fuit Christianorum primorum quatuor aut quinque seculorum spiritus. Quod si quis illis temporibus prædixisset: fore aliquando tempora, in quibus tanta cibi hujus divini satietas Fideles occupatura esset, ut & præceptis & censuris intentatis eosdem adigere necesse futurum esset (Ad quid demum? . . . Ad semel in anno Communicandum) num, putatis, fidem hic invenisset?

At unde tanta in Fidelibus memoratarum ætatum S. Communionis aviditas, & quibus rebus illa languere tantopere cœpit, ut Ecclesiæ necessitas imposita sit, eandem dissertis verbis præcipiendi? Ego quidem sic mecum reputo: hanc Fidelium famem primo natam esse ex præcepto Christi, quod his verbis S. Lucas refert: *Hoc facite in meam commemorationem* (e) quæ verba SS. Patres omnes & cum S. Thoma Theologici cuncti præcepti vim habere credunt: quæ cum eo accipi minimo debeant, ut solum mortis in hora sed etiam per vitæ hujus decursum impleantur; ob id tam frequenter S. Communionem Fideles usi fuerunt. Noverunt illi præterea promissa a Christo facta iis, qui se in hoc Sacramento digne suscepturi essent: scilicet *qui manducat me, vivet propter me* (f) *Et iterum qui manducat meam carnem & bibit meum sanguinem, in me manet & ego in eo: Et denuo qui manducat hunc panem, vivet in æternum.* His allecti promissionibus mensam cælestem dictis modis frequentabant: ad quam frequentandam eos insuper impellebant verba quartæ petitionis Oratio-

nis dominicæ traditæ a Christo Jesu, in qua panem quotidianum petimus: quem multi Interpretum SS. Eucharistiam esse docent; & hoc maxime ob epithetum in Evangelio S. Matthæi (g) additum, *Panem nostrum supersubstantialem*, quod epithetum, cum pani naturali non conveniat (Ut alibi monui) apte admodum pani Eucharistico congruit; qui, quod a S. Luca *quotidianus* dicatur, ob id ad quotidianam illius functionem induci sese Fideles sentiebant. Accesserunt denique minæ terribiles a Christo intimatæ iis, qui cibum hunc divinum accipere negligenter, dum edixit (h) *Nisi manducaveritis carnem Filii hominis & biberitis ejus sanguinem, non habebitis vitam* (nec gratiæ nec gloriæ) *in vobis.* His causis omnibus veteres, O mei! Christiani ad crebram S. Communionis susceptionem incitabantur.

Quod autem de hoc frequentandæ mensæ divinæ ardore sensum remiserint Fideles, iisdem causis factum est, quibus omnis pravus mos introduci consuevit; videlicet quod ea, quæ hucusque memoravi, secum parum expenderint: quod vivendi licentiam sectati sint: quod esræpnatas cupiditates satiare amarint: quod permanere in statu peccati mortalis, maxime in peccatis carnis, voluerint. Hæ sunt causæ, ob quas sacræ mensæ frequentatio magis magisque exolevit & SS. Eucharistiæ suscipiendæ negligentia invaluit.

Abusum hunc advertentes, & S. Communionis susceptionem obsolescere videntes Pastores atque Episcopi particularium Ecclesiarum Conciliis tum diocesanis tum provincialibus tam perniciosæ rei asserere medellam studuerunt. Ita Theodulfus Episcopus Aurelianensis teste S. Ivone Carnotensi (i) post annum 794. statuit: *Singulis diebus dominicis in Quatragesima . . . Sacramenta corporis & sanguinis Christi sumenda sunt; ut in Cena Domini, in vigilia Paschæ & in die Resurrectionis penitus ab omnibus Communicandum.* Ita Concilium Aquigranense II. anno 836. sancivit (k) *Sane communicatio corporis Domini omni die dominica debuit celebrari*

(e) Luc. 24.
(k) Can. 22.

(f) Joan. 6.

(g) cap. 6.

(h) Joan. 6.

(i) p. 2. Decret. c. 29.

brari; ideoque necesse est, ut moderna corrigatur consuetudo. Ita Concilium Agathense memoratis multo antierus, quippe anno 506. habitum, iussit, ut (1) *seculares, qui Natali Domini, Pascha, Pentecoste non Communicaverint, Catholici non credantur nec inter Catholicos habeantur.* Ita in Capitularibus Caroli M. circa annum 800. invenitur Canon quidam, ordine undecimus, attributus Concilio Antiocheno, in quo dicitur: *Si quis intrat in Ecclesiam Dei & pro luxuria sua (Ecce peccatum, a me supra memoratum, a S. Communionem maxime retrahens) avertit se a communione Sacramenti & in observandis mysteriis declinat constitutam regulam disciplinae, illum talem projiciendum de Ecclesia catholica esse decernimus; donec penitentiam agat & ostendat fructus penitentiae suae, ut possit Communionem præcepta indulgentiae promereri.*

Sic Praelati in suis diocesis variis modis negligentiae S. Communionis obicem ponere curaverunt, quæ tamen peccatis & morum dissolutione invalescentibus ita crevit atque diffusa est, ut anni integri abierint; quin sacra mensa adiretur. Igitur postremo Concilium generale Lateranense IV. sub magno Pontifice Innocentio III. anno. 1215. habitum, *canone 21. omnibus Fidelibus injunxit, ut Omnis utriusque sexus Fidelis, postquam ad annos discretionis pervenerit, omnia sua solus peccata confiteatur fideliter saltem semel in anno . . . suscipiat reverenter ad minus in Pascha Eucharistia Sacramentum, nisi forte de consilio proprii sacerdotis ob aliquam rationabilem causam ad tempus ab ejus perceptione duxerit abstinendum: Alioquin & vivens ab Ecclesia ingressa creatur, & moriens christiana caret sepultura.* Ecce originem hujus præcepti ecclesiastici ad omnes Fideles pertinentis! Unde illud confirmans Tridentinum Concilium (m) decrevit: *Si quis negaverit omnes & singulos Fideles utriusque sexus, cum ad annos discretionis pervenerint, teneri singulis annis, saltem in Paschate, ad Communicandum juxta præceptum S. Matris Ecclesiae, anathema sit.*

Itaque cum Ecclesia velit, ut, ubi quis ad annos discretionis pervenerit, hoc præcepto teneatur; quæritur, quinam sint anni illi discretionis: *Cum ad annos discretionis pervenerit?* Aetas discretionis (Quod quidem ad præceptum Communionis attinet) utplurimum ab anno decimo ad annum decimum quartum computatur, pro majori minorive capacitate cognoscendi sublimitatem hujus mysterii & modum, quo illud suscipi debet. Unde qui sufficientem hujus mysterii intelligendi capacitatem habet, & post annum decimum quartum Communicare differt, peccat mortaliter gravi peccato omissionis: Neque dispicio, quid meæ hac in re sententiæ opponi possit; nam præceptum certe grave, & de re gravi est: certe ætatem discretionis consecutus obligat ad impletionem. Quare qui hanc ætatem assecutus illud non servat, violatorem gravis præcepti se facit: At quamquam (Ut verum dicam) hujus præcepti implendi sollicitudo ad juniores maxime pertineat, haud dubie tamen etiam ad parentes & his deficientibus ad propinquos curam juniorum gerentes attinet. Quapropter quid de illis parentibus dicam, qui gravem adeo obligationem nihil curant & sine tanto salutis subsidio filios filiasque suas relinquunt, hosque longiori temporis spatio tam gravis præcepti violatores esse permittunt; adeo ut annum decimum sextum, decimum octavum & quandoque etiam vigesimum impleant, quin tamen sacratæ mensæ participes facti sint; quod ego sæpius accidisse novi, adeo ut nisi confessarius ductu placæ divino eosdem hac super re interrogaret, nescio quanto insuper tempore S. Communionem recipere tardarent. Juniores hi, multoque magis parentes illorum culpæ mortalis rei, & omni illo, quod ab annis discretionis effluxit, tempore in statu peccati mortalis (scilicet gravis omissionis) sunt. Neque hoc loco eos dixisse sufficit: Nunquam cogitavisti; nunquam hujus obligationis recordatus sum. Quid? Nunquam recordatus es hujus obligationis? Attamen recorda-

(1) Can. 19. (m) Sess. 19. can. 9.

recordatus es applicare filium (quamprimum licuit) ad quæstum ex aliquo officio: Attamen recordatus es curare corporalia prolis tuæ commoda. Et non es recordatus facere, ut liberi præceptis Ecclesiæ, immo præcepto Christi, obsecundarent: Et non es recordatus, ut liberos tantæ defensionis (Christi videlicet Sacramentati) præsidio munires? Certe malum hoc ex deploranda tum propriæ tum natorum salutis negligentia oritur: tum etiam quod talparum instar mentem in bonis hujus seculi defixam habeatis, nimirum quod sola bona hujus mundi attendatis, nihil autem bona sempiterna curetis. Neque istud valde miror; nam parentes hujusmodi, Sacramentis parum amici & multis mortalibus peccatis assueti, cum suam salutem plane negligant, quomodo alienam (prolis nimirum suæ) curabunt?

Neque tamen soli parentes sed etiam parochi, in quorum parochiis vivunt personæ adultæ, quin communicent, gravis hujus omissionis rei sunt. Etenim vel verum est vel non, quod munus parochiale assumens simul se Deo sponsores de animabus curæ suæ tradendis faciat? Istud tam certum, quam certum, quod is sit pastor, custos & pater spiritualis omnium parochianorum suorum. Jam quomodo se talis ad Dei tribunal defendet, Dei jubentis per os Sapientis: *Diligenter agnosce vultum pecoris tui tuosque greges considera* (n) quomodo se defendet, inquam, aut quid respondebit judici interrogaturo ea, quæ per Jeremiam Prophetam sciscitatus est: *Ubi est grex, qui datur est tibi, pecus inclytum tuum? Quid dices* (o) *cum viderit te?* Dicit forsitan: Multa sibi negotia fuisse. At replicabit Deus: magnum quoque fuisse commodum, quod quæsit, magnamque fugam onerum utut curæ pastoralis essentialiter annexorum: At statuet contra illum Deus tot alios parochos, qui familiis prole præditas per singulos annos vistarunt, ut viderent, si illa Sacramentorum susceptioni matura esset, eumque in finem istam accuratis in tabulis perscriptam tenuerunt, ut ne tempus opportu-

P. Cunctisq. Catechista.

num effluere sinerent. O quot salventur, O mei! si parochi non fierent; qui maxime, quia tales sunt, peribunt! Tam metuenda res est salutis alienæ cura. Audiant isti (Placet finire brevem hanc digressionem de cetero necessariam) audiant famosum Prophetæ Ezechielis (p) locum in quo Deus hos tales, una cum omnibus aliorum curæ præpositis, sic alloquitur: *Fili hominis! speculatorem dedi te. . . Si non annuntiaveris impio, neque locutus fueris, ut avertatur a via sua impia & vivat, ipse impius in iniquitate sua morietur; sanguinem autem ejus de manu tua requiram; Et iterum: Si conversus justus a justitia sua fuerit & fecerit iniquitatem. . . ipse morietur; quia non annuntiasti ei. . . Sanguinem vero ejus de manu tua requiram. Ex quibus magnus ille pastor S. Gregorius Magnus insert (q) In quibus utrique pensandum est, quanto sibi connexa sunt peccata subditorum & præpositorum; quia, ubi subiectus ex sua culpa moritur, ibi is, qui præest, quoniam tacuit, reus mortis tenetur. . . In qua voce nos convenimus, nos constringimur, nos rei esse offendimus, qui sacerdotes vocamur, qui super ea mala, quæ propria habemus, alienas quoque mortes addimus. . . Sanguis ergo morientis de manu speculatoris requiritur; quia peccatum subditi culpa præpositi, si tacuerit, reputatur.*

Sub nomine Paschæ, in qua S. Communio sumenda est, venit spatium quindecim dierum (r) a Dominia Palmarum usque ad Dominicam in Albis; quamvis etiam differri longius pro Pœnitentis necessitate a confessario possit; prout citatus canon monet. Hinc sequitur, quod, qui in Sabbatho Dominicam Palmarum proxime præcedenti etiam in sua parochia Communicat, præcepto non satisfaciatur, si intra memoratos quindecim dies denuo cibum sacrum non sumit; nam lex Ecclesiæ non solum Communionem injungit, sed etiam illius tempus (paschale scilicet) constituit ac præsinivit.

Fieri Communio paschalis in propria parochia debet; Hinc qui alibi eam non obtenta parochi licentia facit, præcepto non satisfacit. Dixi: *Non obtenta licentia*; nam non

fuffi-

(n) Prov. 27. (o) Jerem. 13. (p) Cap. 3. (q) Homil. 11. in Ezech.

nam, temporis paschalis spatium pro varia diœcesum consuetudine variare.

(r) Notan-

sufficit hanc petiisse; sed obtineri etiam debet, scilicet ut parochus eam libere concedat. Quod si Parochus, concedens hanc licentiam, eandem non ad aliam determinatam Ecclesiam limitat, impletur præceptum, in quacunque Ecclesia Communio sacra peragatur: Sacerdotes, volentes per celebrationem Missæ satisfacere præcepto huic, satisfaciunt, si Sacrum in Ecclesia, cui aggregati sunt, faciunt. Hæc omnia consuetudo dicitur, interpretans in hunc modum citatum Concilii Lateranensis canonem.

Interrogabit aliquis: Quid faciat, cui ante paschale tempus longum maritimum iter instat, & qui moraliter certum habet, se non nisi elapso paschali tempore in aridam evasurum? Num prævenire tempus paschale & Communionem suam paschalem peragere, antequam iter navale aggreditur, debet? Respondeo: hunc talem prius convenire parochum debere, ut is licentiam det faciendi Pascha, ubi itineranti licuerit; posito quod parochus ei consulat facere Pascha, postquam in terris, quas petit, appulerit: Quod si parochus contrarium consulit, pareat & in sua parochia Pascha celebret. Qua in re parochus quoque attendere debet, utrum tempori paschali propius sit, S. Communionem fieri, antequam proficiscatur, an postquam itinere defunctus fuerit; nam cum a lege maxime tempus paschale ob ipsam illius solennitatem præscribatur, convenit facere S. Communionem (quantum fieri moraliter potest) quam proxime huic tempori. Quod si vero hic talis iter terrestre & per regiones catholicas facere habet, sufficit petiisse licentiam a paracho celebrandi Pascha in quodam eorum locorum, in quibus tempore paschali morabitur.

Quid agat, qui sive mala voluntate sive ex inculpanda necessitate Pascha non celebravit? Respondeo: eum, qui mala voluntate Pascha non celebravit, peccasse graviter; contra non peccasse eum, qui Pascha ex necessario impedimento dissentus non fecit: Utrique vero incumbit obligatio illud, quantumvis fieri moraliter potest, atque in

propria parochia celebrandi; & secundum gravium Doctorum sententiam, eumque magis probabilem, toties mortaliter peccant, quoties reminiscens se Pascha non egisse, & ejus agendi copiam ac facultatem habentes, illud tamen non agunt. Neque sufficit, eos habere animum celebrandi Pascha suum intra anni currentis spatia, priusquam novum Pascha incidat; nam duæ causæ, ob quas Ecclesia hoc præceptum condidit, fortiter comprobant obligationem celebrandi Pascha, quamprimum licuerit. Causæ hæc sunt: solennitas longe maxima Resurrectionis dominicæ, & animæ utilitas; ne ob illa ob longiorem a cibo eucharistico abstinentiam gravioribus in peccata mortalia casibus subdatur, sed potius corroboretur. Prior causa in laudato canone exprimitur: posterior a Concilio Tridentino allegatur, quando de institutione Eucharistiæ loquens, eam *spiritualem animæ cibum, quo alantur & confortantur* (s) appellat. Ex his rationi magis consentaneum esse videtur, dicere: quod, qui Communionem paschalem non fecit, eandem facere teneatur, quamprimum moraliter ei licuerit: nec illi liberum esse disserre Pascha, quamdiu voluerit; etiam si illud ante Pascha supervenias celebret; atque istud, tum ut Pascha suum (quantum fieri potest) quam proxime præteritæ solennitati faciat: tum ut magnum illud animæ suæ præsidium accipere diutius non differat; Unde (quod sequitur) toties graviter peccat, quoties Pascha, cum possit, non celebrat.

At nunquid, O mei! nunquid res oppido stupenda videtur (Permitte, ut ad ea, quæ initio hujus sermonis monui, revertar) nunquid oppido stupenda res, ejus Sacramenti, quod sæpius per diem desiderari a Christianis deberet, jam tantum fastidium Fidelium animis subisse, ut præceptis poenarum ecclesiasticarum minitatione armatis opus sit, quo illud semel in anno recipiatur? Nunquid oppido stupendum, a personis firmiter credentibus, contineri in illo vere, realiter ac substantialiter totum Christum Deum

(s) *Seff. 13. c. 2.*

Deum hominem, fontem omnium gratiarum, amatorem intimum ac profundissimum animarum nostrarum (qui per quandam mirandorum prodigiorum congeriem cibum se nostrum facere dignatus est, modo longe benevolentissimo atque intimo eum solum in finem nobiscum habitaturus, ut nos sanctos redderet (hunc, inquam tantopere a nobis negligi immo etiam deferi a nobis hæc omnia ex Fide proflitentibus, atque adeo deferi, ut innumeri eundem nunquam ex charitate, ex mutuo amore, ex gratitudine suscepturi essent, nisi eo præceptis cogerentur & poenis ecclesiasticis terrentur? Quod nisi hæc sit omnium, quæ cogitari possunt, portentosissima & atrocissima ingratitudo; quæ demum alia, O mei! erit? . . .

Dicit aliquis credens quidem mysterium, at non capiens; Ego si non quotidie, saltem sæpius per mensem aut etiam septimanam accedere ad mensam sacram haud dubitarem; at ministri Christi hoc mihi interdiciunt. Si ministri docti, sapientes, pii interdiciunt, istud indicio certo est, velle te Christum ita suscipere, uti suscipi ille nec vult nec debet: Putasne, O clare! quod Rex, mero amore & eum in finem solum, ut omnibus te gratis cum salute tua aeterna non pugnantibus cumulet, divertere in domum tuam sæpius optans a te vel excipi velit vel debeat in sterquilino aut loco culinae infimo, ubi sordes, ubi ollæ, ubi cacabi & reliqua calinae suppellex projecta recubat? . . . Et si director tuus, hoc te loco Regem excipere, nollet; nonne id merito & cum ratione nollet? Jam scias velim, multo immo infinito minus conscientiam impuram Christo, quam Regi illi locum memoratum convenire. Hinc si ministri Christi a sacra mensa te prohibent, id faciunt; quia conscientia tua tali cibo indigna est, ut ne cum voluptatem asserre Christo deberes, nova eum gravissima injuria afficias. Præpara itaque prius mentem tuam ad tanti hospitii susceptionem, & quo paratiorem te confessorii invenies, eo facilius votis tuis, Christum etiam quotidie recipiendi, obsequentur.

Omnis itaque frequentandæ SS. Communionis licentia ex eo pendet, ut fructus, inde perceptus, appareat: & hunc spectare attente doctus, pius, sapiens minister aliorum conscientias regens debet. Qui autem fructus seu effectus SS. Eucharistiæ sint, sermone XXXIX. exposui, & insuper de personis crebro ad illam accedentibus multa sermone XXXVIII. dixi: Legantur ergo duo sermones isti, in quibus invenientur, quæ hoc loco repeti non debent. Istud solum iis, quæ sermone XXXVIII. monui, addidero: quod prudens confessorius, si videt Pœnitentem vi S. Communionis abstinere a peccatis mortalibus, haud morosus & pervicax ad concedendam frequentandæ S. Eucharistiæ licentiam esse debeat; cum hæc ipsa a peccatis mortalibus sanatio & preservatio inter fructus Sacramenti præcipuos connumeretur.

Faciât itaque huic sermoni meo finem causus quidam super proposita materia egregius, quem mihi vir quidam Religiosus (gravis, pius, doctus & præstans orator) retulit, qui quamvis oculorum usum natus annos ferme triginta tres amiserit, tamen cæcus etiam plus quam quadraginta Quadragesimas (Ut de sermonibus ab illo per anni decursum habitis sileam) fructu plane stupendo per Italiæ civitates præcipuas dixit. Facti autem series hæc: Erat in quadam harum civitatum persona nobilis, quæ peccato alicui carnali ita assueverat, ut emendationem plane desponderit. Etenim nihil remedia a ministris Dei ipsi præscripta: nihil dilatio absolutionis: nihil orationes: nihil eleemosynæ: nihil frequentatio Sacramentorum: nihil penitentia sub conditione, si relapsus sequatur, impositæ & alia similia promoverant; sed enim miser pro sua fragilitate, tum male consuetudinis viribus tum vili pusillanimitate fractus, semper idem erat: plorabat ad pedes Confessorii: proposita concipiebat: immo etiam implebat res sibi injunctas: verum die postero nova tentatione irruente turbabatur, confundebatur, trepidabat & crescente tentatione

N O T A

cade-

cadebat. At en! forte Deus confessorio hanc cogitationem ingerit: Quæreret miserum si unquam illis diebus, quibus S. Communionem susceperat, cecidisset; Ille candide respondit: se istis optatissimis diebus nunquam lapsum esse. Quid ad hæc confessorius? Absolvit Pœnitentem etiam illo mane motus pœnitentiæ signis, quæ is dabat, eidemque in pœnitentiam injungit, ut tum præsentis tum sequenti mane Communicaret, postquam prius ad sacrum tribunal rediisset: Obedit Pœnitens; Communicat illo mane; mane altero revertitur, & jam non in consuetum scelus relapsus confessorius de levioribus peccatis admisis reconciliat; præterita scelera novo cum dolore indicare jubet, & ante Absolutionem denuo in pœnitentiam injungit, ut etiam sequenti mane Communicet. Paret etiam hac vice Pœnitens, quem non relapsus esse cognoscens confessorius per multas septimanas & menses nonnullos simili modo cum eo agit, in quibus omnibus miser non cecidit: Et sic feliciter successit confessorio per prodigiosam

augustissimi Sacramenti virtutem sanare Pœnitentem hunc; cui, postquam ita convaleuit, ut amplius non caderet, statu illius jam non quotidianam S. Eucharistiæ frequentationem exigente imperavit, ut aliquoties per mensem sacrum epulum sumeret: Et perrexit alter caste ac christiane vivere. Igitur pro conscientiarum circumstantiis S. Eucharistiæ frequentatio moderanda est, & hac super re sermonem XXXVIII. adire non pigeat. Ex iis vero, quæ hucusque dicta sunt, colligite: de eorum, qui Sacramentum Eucharistiæ quotidie recipiunt (Uti sacerdotes quotidie recipiunt) & a gravibus peccatis se nunquam emendant; cum hoc manifesto indicio sit, a Sacramento effectus debitos non produci & non produci ob impedimenta, quæ Sacramentum in anima reperit: de horum (inquam) relabentium salute æterna metuendum, & verendum esse, ne *judicium sibi manducent & bibant*; quod Deus propter infinitam misericordiam suam avertere dignetur.

SERMO LXVIII.

De quinto præcepto Ecclesiæ, nimirum de solvendis Decimis.

Personis rudibus, imperitis & (Ut voce amplius patente utar) secularibus, quæ parum intelligentes sunt, Decimas suarum substantiarum solvere obligatis, hæc forsitan obligatio onus videbitur imprudenter impositum, conferendi scilicet ad congruam sustentationem ministrorum sacrorum, qui nulla re ad ipsos pertinent, nulla ipsis propinquitate junguntur & quandoque se parum ipsis amicos ostendunt. Hinc præcepti hujus implendi molestiam atque incommodum sentientes (insurgentibus in animo turbis, murmurationibus, impatientiis) persæpe etiam phrasas parum dignas contra hoc præceptum ore promuant, idem

extorsionis pulchris coloribus fucatæ aut lurci parum justi nomine arguentes: & eos, qui decimas neglecta earum solutione coacti vi exigunt, pro avaris ac suorum commodorum studiosis habentes. Neque tamen sic se res habet; cum præceptum Decimarum ex jure naturali, divino, denique etiam positivo ecclesiastico fluat.

Quod ut sine ulla ambiguitate & quam clarissime intelligatur, æquitatemque & vim hujus præcepti unusquisque cognoscat, observare debetis cum S. Thoma: jus naturale exigere, ut ii, qui pro animabus Proximorum laborant, sudant & vitam suam spirituali aliorum servitio consecrant, eumque in

in finem alia lucrosa officia relinquunt, vicissim Proximorum labore juventur; ita ut postquam opificiis & aliis ministeriis, quibus se congrue alere potuissent, valedicerent, a Proximis, quorum gratia laborant, sustententur. Atque hoc ipsum ad illud contractus naturalis innominati genus reducit, qui est: *Facio ut facias*: scilicet *Facio*, adjuvabo animam tuam & sacris operando & orando & ministrando tibi Sacramenta, & prædicando tibi verbum divinum &c. Ut facias tu vicissim, quod potes, pro mei sustentatione; cum omnia hæc ministeria sacra, & in commodum tuum spirituale exercitata non solum lucrum nullum asferant; sed etiam omni lucro nigrum & sacrilegum simoniæ juris divini naturalis, horrendis præterea censuris puniri solitæ theta præfigant.

Quare sicut jus naturæ postulat, ut qui bono alterius (utut in rebus corporalibus) laborat, mercedem accipiat; adeo ut iuste & sine ulla admiratione medicis, advocatis, artificibus &c. solvi, quod par est, consueverit: ita etiam exigit teste S. Thoma, & post hunc, Theologis omnibus, ut qui relictis lucris aliis cunctis pro animabus Proximorum laborat, a Proximis, quos adjuvat, stipendium sibi accipiat. Hinc citatus Doctor angelicus de decimis in lege veteri solvi solitis loquens ait: *Præceptum de Decimis . . . est inditum naturali ratione* Quod enim eis, qui divino cultui ministrabant ad salutem populi totius, populus necessaria victus ministraret, ratio naturalis dicitur; sicut & iis, qui communi utilitati invigilant (scilicet principibus, militibus & aliis huiusmodi) stipendia victus debentur a populo. Neutiquam ergo conquerendum est de præcepto Decimarum, quatenus illæ stipendium sunt debitum iis, qui in populi fideliscommodum laborant respectu utilitatis inter alias omnes summæ, quæ est salus æterna. Hac ratione motus S. Augustinus (a) libere pronunciavit: *Decimæ ex debito requiruntur; & qui eas dare noluerint, res alienas invadunt.*

Nemo hac super re succinctius simul ac nervosius locutus est, quam Paulus in 1. ad Corinthios epistola c. 9. jus naturale, quod animarum ministri habent, ut a Proximis sustententur, ostendens: *Quis militat alteri suis stipendiis unquam? Quis plantat vineam & de fructu ejus non edit? Quis pascit gregem & de lacte gregis non manducat? Pergit: Nunquid secundum hominem (Ut naturæ humanæ obsequar) hæc dico? An & lex hæc non dicit? Scriptum est enim in lege Moysis: Non alligabis os bovi trituranti: Nunquid de bobus cura est Deo? An propter nos hoc maxime dicit? Nam propter nos scripta sunt; nam debet in spe, qui arat, arare, & qui triturat, in spe fructus percipiendi. Et si nos vobis spiritualia seminavimus, num magnum est, si nos carnalia vestra metamus? Si alii potestatis (substantiæ) vestræ participes sunt, quare non potius nos? . . . Nescitis, quoniam qui in sacrario operantur, quæ de sacrario sunt, edunt, & qui altari deseruiunt, cum altari participant? Ita & Dominus ordinavit iis, qui Evangelium annunciant, de Evangelio vivere. Ecce vobis, O mei! causam decimarum a magno gentium Apostolo loquentis ex eo Spiritus sancti voce defensam & tum ratione naturali, tum divinæ legis Moisaicæ testimonio, tum auctoritate Jesu Christi inexpugnabilem in modum firmatam! Est ergo juris divini naturalis & divini positivi, subministrare ministris, animarum servitio & auxilio destinatis, congrua victus: Nec jam licet Fidem habenti hac de re conqueri.*

Hanc autem sustentationem, ministris sacris præbendam, decimam substantiarum partem esse debere, est juris positivi ecclesiastici; uti S. Thomas & alii Theologi movent: Hinc quemadmodum Ecclesia hanc determinatam decimæ partis quotam esse congruam judicavit; ita, si opus esset, eam iustis de causis alterare posset, sive minuendo sive augendo; prout videlicet ad congruam personarum, animas curantium & sublimi altaris ministerio consecratarum, sustentationem necessarium judicaret. Ob eam rem

N a n 3

S. Tho-

(a) Decretal. 16. q. 1.

S. Thomas ait: *Determinatio certæ partis exhibendæ ministris cultus divini non est de jure naturalis; sed est introducta institutione divina, secundum conditionem illius populi, cui lex datur . . . Unde quantum ad determinationem decimæ partis erat judiciale . . . Est autem hæc differentia inter cærimonialia & judicialia præcepta legis, quod cærimonialia (quippe quorum, cum fuerint mere futurorum symbola, observatio superstitionem redoleret) illicitum est observare tempore legis novæ; judicialia vero, quævis non obigent tempore gratiæ, tamen possunt observari absque peccato, & ad eorum observationem aliqui obigentur, si statuuntur auctoritate eo vi, quorum est condere legem . . . Ita enim determinatio decimæ partis solvenda est auctoritate Ecclesiæ tempore novæ legis instituta . . . Sic ergo patet, quod ad solutionem Decimarum homines teneantur, partim quidem ex naturali partim ex institutione Ecclesiæ; quæ tamen penitus opportunitatibus temporum & personarum possit aliam partem determinare solvendam.*

Itaque cum Decimæ solvi debeant; cuius est illas recipere aut cui pendii illæ debent? Respondet S. Thomas, Decimas non nisi personis ecclesiasticis deberi, quæ curam animarum habent, & vi muneris sui ad officia pastoralia (ministrandi Sacramenta, prædicandi, Fidei elementa tradendi, & reliquos curæ pastoralis annexos labores subeundi) tenentur. Hujusmodi vero sunt Episcopi, Parochi, Rectores Ecclesiarum & alii fungentes quodam ministerio cum cura animarum conjuncto: *Jus accipiendi Decimas est spirituale; consequitur enim illud debitum, quo ministris altaris debentur sumptus de ministerio, & quo ministrantibus spiritualia debentur tempora in; quod ad solus clericos pertinet habentes curam animarum: & ideo eis solum competit hoc jus habere.* Ob id S. Sedes Romana in cap. *Cum contingat* &c. definivit: Decimas, secundum jus commune, non nisi ad Ecclesias parochiales pertinere. Neque tamen hoc obstat, quin aliis quoque personis ecclesiasticis parochum in spirituali munere suo adjuvantibus solvi Decimæ pro

quota determinata solita debeant in iis locis, in quibus hac super re vel privilegium pontificium extat vel consuetudo viget. Hinc Concilium Tridentinum de obligatione pendendi Decimas loquens etiam aliarum personarum neminit, quibus pendendæ sunt, si forte ita mos vigeat: *Præcipit omnibus, cujuscunque gradus & conditionis sint, ad quos Decimarum solutio spectat, ut eas ad quas de jure tenentur in cathedrali aut quibuscunque aliis Ecclesiis vel personis, quibus legitima debentur, integre persolvant.*

Dicit aliquis: Quemadmodum consuetudine inveterata sit, ut Decimæ aliis quoque personis præter parochum solvantur, ita consuetudo inveterata non solvendi Decimas eximere homines ab onere hoc poterit. Huic quæstioni cum S. Thoma, S. Antonino, Sylvestro, Cajetano &, qui post hos secuti sunt, aliis gravissimis Doctoris angelici Discipulis repono: consuetudinem inveteratam homines ab onere solvendi Decimas eximere posse; dummodo personis, quibus Decimæ deberentur, aliunde stabilem in modum prospectum sit. Hinc S. Thomas affirmat: eos, qui in terris, in quibus Decimæ pendii non solent, eas exigent, id perperam facturos esse (b) *In terris, in quibus non est consuetudo communis, quod Decimæ dentur, & Ecclesia (scilicet Romana, caput reliquarum) non petit, videtur Ecclesia remittere, dum dissimulat; Unde non bene faciunt Rectores Ecclesiarum, si in terris illis Decimas exigent, in quibus non est consuetudo dare; si probabiliter crederent, quod ex hoc scandalum oriretur.* Ex quibus postremis verbis apparet, quod Decimæ, si illarum exactio scandalum non pareret, nihilominus exigi possent. Sed quoniam ut exactio hæc recte heret, facultas Ecclesiæ Romanæ (scilicet S. Sedis) requiritur, simulque ut probetur, parochio congruam sustentationem non esse; ob id in hoc casu, necessitate Decimarum exigendarum omnibus manifeste patente, scandali causa cessaret.

Ingeret aliquis: Si Decimæ iusto sustentationis parochi & aliorum, grave onus curæ

(b) *Quæst. 2. a. 2.*

curæ pastoralis gerentium, titulo ex debito solvuntur; evidenter patet, jam non esse obligationem Decimas pendendi parochio, qui multa bona patria habet, & propria re abundanter munitus est. Difficultas hæc primo obtutu in gratiam parochianorum solvenda, & dicendum esse fors multis videbitur: in tali casu non obtinere Decimarum pendendarum obligationem. Nihilominus S. Thomas, quem hæcenus audivimus, & qui ab omnibus audire semper meretur, cum omnibus Theologis istud negat affirmans: non obstantibus patriis bonis & temporalibus sacri ministri substantiis eidem Decimas suas etiam a pauperibus subditis debere; Quod suum assertum S. Doctor duobus in locis, in quibus materiam Decimarum tractat, repetit: In uno ait, (c) convellens argumentum contraria sententiam: *In nova lege Decimæ dantur clericis non solum propter sui sustentationem sed etiam ut hi eis sustentant pauperibus; Et id eo non superfluum, sed adhuc necessaria sunt possessiones ecclesiasticæ & oblationes & primitiæ simul cum Decimis.* Et alio in loco causam Decimarum potissimum a legatis ait: *Cum sacerdotibus Decimæ debentur jure naturali . . . quamvis sacerdos dives sit, nihilominus pauper tenetur ei Decimasolvere* (d) Nunquid duci, qui principi suo militat, utut dives ipse sit, stipendia debentur? Nunquid pastor gregem viri nobilis custodiens, utut locuples sit, mercedis laborum suorum recipiendæ jus habet? Sic in nostro quoque casu statuite! Recordamini eorum, quæ ex S. Paulo superius audivistis, & responsionis a S. Thoma datæ æquitatem intelligetis.

Attamen istud verum manet: laudabiliter oppido facturum eum parochum, & egregium exemplum præbitorum esse, qui suis ac propriis opibus præditus cum sit, pauperibus parochianis suis Decimas in eleemosynam remittit; quandoquidem par esse videtur, ut, cum bona post congruam sustentationem superantia in stipem erogare sub peccato mortali teneatur, eleemosynam hanc pauperibus parochianis suis faciat, quibus

olvere Decimas molestissimum accidit, quarum ipse tamen haud indiget. Sed ne beneficium hoc, pauperibus parochianis collatum, in præscriptionem & consuetudinem abeat, curet, ut sibi parochiani illi Decimarum remissionem, tanquam eleemosynam, annuis schedis inter accepta referant, ne jus lædat parochorum vices suas subituroorum, qui (quippe facultatibus propriis carentes) Decimis, etiam a pauperibus parochianis, indigent.

Quod si Decimæ stipendium sunt personis ecclesiasticis debitum, dicet harum aliqua, non tenebuntur personæ ecclesiasticæ ad Decimarum solutionem. Nihil præcipita, charum Caput! Sunt, monente S. Thoma & Theologis, duo bonorum genera, quæ Clerici habere possunt, distinguenda: scilicet bona ecclesiastica ad ipsos, ut ecclesiasticos, pertinentia (Hæc possessiones vere ecclesiasticæ appellantur, deque his Decimasolvere non tenentur) & bona ab ipsis non ex titulo ecclesiastico, sed titulo successionis, hæreditatis, legati, donationis &c. possessa (De his & similibus Decimasolvere tenentur, etsi Ecclesiæ ipsi, cui Decimasolvere debent, aggregati sint) Possessiones autem ecclesiasticæ ad Decimas non obligantur, etsi intra fines alterius parochiæ sitæ sint. Clerici, in quantum clerici sunt, id est in quantum habent (e) ecclesiasticas possessiones, Decimasolvere non tenentur: ex alia vero causa propter hoc, quod possident proprio jure, vel ex successione parentum vel ex emptione vel quocunque hujusmodi modo, sunt ad Decimas solvendas obligati; Unde clerici de propriis prædiis tenenturolvere Decimas parochiali Ecclesiæ sicut & alii, etiam si ipsi sint ejusdem Ecclesiæ clerici; quia aliud est habere aliquid ut proprium, aliud ut commune. Prædia vero Ecclesiæ non sunt ad Decimas solvendas obligata, etiam si sint inter terminos alterius parochiæ.

Observat tamen circa hæc S. Thomæ verba Cardinalis Cajetanus in suo Commentario in eundem locum: hanc Ecclesiarum exemptionem a Decimis pendendis de illis solu-

(c) Quodlib. 2. q. 2.

(d) Quodlib. 4. q. 10. (e) 2. 2. q. 87. a. 4.

lum bonis intelligi debere, quæ ob ministeria parochialia & quasi per modum dotis in fundatione ipsius tituli parochialis data fuerunt; non de illis bonis, quæ Ecclesiæ parochiali (dotem jam habenti & congruam paracho subministranti (ex dono, ex legato &c. obtigerunt, si talia bona in districtu alterius parochiæ sint; nam tunc bona illa ab una Ecclesia ad aliam transirent cum onere solvendi decimas ei Ecclesiæ, in cujus finibus sita sunt. Ratio evidens est; fieri enim posset, ait Cajetanus, ut dominus omnium possessionum in quadam parochia extantium, eadem alii parochiæ legaret: Quod si jam hæc Decimas pendere ex prædiis ab illo domino sibi relictis non deberet, altera parochia Decimis & (quod sequitur) congrua, qua parochus alatur, penitus spoliaretur: id quod gravissimum incommodum fore quivis videt; dum *Unus esuriret & alter ebrius esset*. Intelligitur itaque exemptio a Decimarum solutione non de bonis, quæ Ecclesiæ alicui superveniunt, sed de bonis dotalibus Ecclesiæ in ipsa illius fundatione assignatis; utut hæc deinde in alia parochia sita sint.

Neque credatis velim: in illis dominiis in quibus principes de congrua sustentatione paracho aliis modis prospiciunt, eumque in finem Decimas ipsi per idoneos ministros colligunt, non tam strictam esse Decimas solvendis obligationem. Falso istud vobis persuadetis; nam obtinet eadem strictissima obligatio: quemadmodum si creditori a vade aut alio quovis pro debitore, satisfactum est, debitor vadi aut alii pro se satisfaciendi ita strictæ, uti prius, obligatus remanet.

His itaque finem huic meo Catechismo prædicabili impono, gratias agens infinitæ misericordiæ Dei, quod mihi eum finire concesserit, supplicansque eidem: Facere dignetur, ut quisquis hoc opus legerit, eum referat fructum, quem post gloriam Dei scriptor miserabilis spectavit: qui non solum S. Matris Ecclesiæ Romano-catholicæ sed etiam cujusvis se doctioris & prudentioris viri censuræ (Uti statim initio operis protestatus est)

tum hoc tum reliqua scripta sua humiliter
subdit.

Quapropter cum tam gravis ac stricta sit Decimas solvendi obligatio; nunquid oppido dolendum, videre in Catholicis tantam eas pendendi negligentiam, ut annos integros abire sinant, quin easdem exsolvant, reputantes obligationem hanc indignam, quæ curetur: immo dignam, quæ modis omnibus devitetur. Et tamen sicut omnis debitor, solvendo par qui est aut parem solvendo se facere qui potest, si non solvit, in statu peccati mortalis vivit; ita etiam in statu peccati mortalis vivit, qui Decimas, cum solvere eas possit aut parem se facere illis solvendis debitam diligentiam adhibendo queat, non solvit. Verum audiant infelices hi S. Thomam (Etenim huic sermonem hunc omnem debeo) audiant, inquam, ad quam altum obligationis gradum Decimarum solutionem extollat; Vult namque hanc debitis aliis cunctis, immo & mercedi operariorum anteponi: *Decimæ non cadunt sub tributo, nec etiam obnoxia sunt mercedi operariorum: & ideo non debent prius deduci tributis & pretium operariorum, quam solvantur Decimæ; sed ante omnia debent decimæ solvi ex integris fructibus*. Num loqui apertius S. Doctor posset? Igitur qui Decimas debet, debita diligentia eas pendat: & qui in eis solvendis tardus ac negligens est, curet, ne culpam incurrat, & ut se poenis subtrahat, quas immittere Deus ejusmodi hominibus consuevit, & quarum causa curiosius quandoque explorari solet; cum tamen hæc sit, quod Decimas non solverint.

INDEX

INDEX

RERUM MEMORABILUM.

A.

- A**chab Rex Israelis negligit vaticinium Micheæ, & falsis Prophetis auscultat. 257.
Actus Contritionis 61. Fidei. 60.
Adulatio quando peccaminosa? 431. 432.
Æternitas. Ejus notio. 180.
Affectus bene ordinati quam utiles sint? 101.
Alexander M. inhumatus relinquatur. 144.
Ammon non reprehensus a Davide & cur? 360.
Amor Dei in Incarnatione. 26. In Eucharistia. 27. 218. 219. In Remissione peccatorum. 151. 152.
Amor Proximi est actus ejusdem charitatis, qua Deus diligitur. 303. Qualis esse debeat? 303. Manifestatur per opera misericordie. 307. Vid. Proximus, Eleemosyna.
Anima est immortalis. 181. Ejus in gratia statu positæ pulchritudo. 28. Vid. Purgatorium, Beatitude.
S. Anselmus. Ejus orationes ad Jesum Christum. 104.
Apostoli magnam Christo afflictionem, eum deferendo, intulerunt. 83. Rorum lætitia in Ascensione Christi. 100.
Asa Rex Israel finitæ fortune suæ modis injustis occurrat. 57.
Ave Maria. Vid. Salutatio angelicæ.

B.

- B**aptismus. Figure illius. 195. Nunquam in solo Christi nomine collatus fuit. 196. Parentes illum infantibus differentes peccant. 199.
Beatitude. Quantum bonum sit? 27. 28. Quæ futura sit corporum? 162. diffunditur illa per quinque sensus. 165. Animæ quam magna sit? 167. Esse æterna debet. 182.
Beisamita a Deo puniti. 228.
Bona temporalia triplicis generis sunt. 314.
Bonitas Dei quantum in Incarnatione & Eucharistia resplendet? 26. 27.

C.

- C**almus. Ejus impostura. 10.
Canonizatio Sanctorum quanto cum rigore fiat. 132.
Catholici quantum injuriam male vivendo Christo & Ecclesiæ inferant? 133.
Chananei filios suos idolo immolabant. 143.
Charitas. Vid. Amor. Proximus.
Christus in suis passionibus nobis pro exemplo datus. 53. 91. Ingratitudo, quam a peccatoribus refert. 63. Quæ cogitationes passionem ejus acerbissimum reddiderunt? 82. Fructus passionum ejus respectu Dei. 83. Qualem nos ex illis reserere debemus? 88. Cogitatio passionum Christi efficacissimum est remedium ad coercendas pravæ cupiditatis. 89. Cui post Resurrectionem suam primum apparuerit? 95.
P. Cunctis Catechista.

Cicero. Vid. Tullius.

Clerici. Vid. Ecclesiastici.

Communio sacramentalis. Vid. Eucharistia.

Communio Sanctorum in quo consistat? 135. Mortui gratiæ non participant de meritis Communione Sanctorum. 136. Possunt tamen participare bona a justis impetrata. 137. Communio hæc habetur cum Ecclesia triumphante, & purgante. 147.
Confessarii quando juste peccatoribus Absolutionem differant aut negent? 149. 150. Dotes in illis requiruntur, ut ministerio suo bene præstent. 264. Debent curare, ut Penitentes de veritatibus Fidei bene eruditi sint. 293. Non possunt absolvere ignaros præceptorum mysteriorum Fidei, immo facere debent a certis excusant peccatis. 241. 243. Debent inculcare adolescentibus, ut se ad sua munera applicant. 273. Quid injungere personis luxuriæ vitio alluctis debeat? 419.

Confessio. Quales sint ut plurimum Confessiones peccatorum? 168. Necessitas Confessionis 148. 250. Obligatio ad eandem. 455. Qui eam ex verecundia differt, inexcusabilis. 153. Quando præmitti Communioni sacra debeat. 232. Requisita ad bonam Confessionem. 251. Regulæ bonæ Confessionis. 253. 254. Effectus bonæ Confessionis. 272.
Confirmatio. Hoc Sacramentum filiis procurari a parentibus debet. 210. Requisita ad bonam hujus Sacramenti susceptionem. 210.

Contritio perfecta etiam ante peccatam Confessionem justificat, includit tamen desiderium saltem implicitum confitendi. 250. Erat in lege Naturæ & Mosaicæ unicum remedium obtinendi veniam peccatorum. 250.

Core cum sociis vivus terræ hiatu absorberetur, quin filii ejus perierint, & cur? 367.

Correctio fraterna est præceptum juris etiam naturalis. 307. Quando graviter obliget? 307. Quomodo eam exercere erga filios debeant parentes? 359. 368. Quomodo filii erga parentes? 372.

D.

Damnati quanta passuri sint in corpore suo? 173. Quanto majora in anima? 177. Æternitas in patiendi præis inferni cumulum addit. Ibid.
Daniel Prophetæ Regi Babylonie ostendit vanos esse Deos illius. 207.
David micam in injuriis sibi factis mansuetudinem ostendit. 61. 310. Contemnit irrisiones Michol. 212. Filium Saulis sibi sponsam meretur. 274. Ex impuro amore in Bethsabee nimium inconfusito agit. 417. Non vult bibere aquam ex cisterna tantopere a se concupitam. 422.

O o o

De

Debita. Vid. Solutio.

Decalogus continet precepta naturalia. 294. Obligarunt homines ulque adeo a principio mundi. 294.

Decime. Harum obligatio &c. 458.

Detrahitio. Vid. Murruratio.

Devotio Fidelium sepe inordinata. 103.

Deus, ut auctor supernaturalis, sola Fide cognosci potest. 13. 296. Necessario unus unicus est. 14. Radices Polytheismi. 15. Ejus immensitas. 20. Ejus eternitas. *Ibid.* Ejus Immutabilitas. 21. Ejus Bonitas. *Vid. Pulchritudo.* Ejus misericordia. *Vid. Misericordia.* Ejus Providentia. *Vid. Providentia.* Ejus promissa ad peccatores, si se convertunt. 35. Ejus Iustitia. 37. Non deserit non deserentes se. 54. Succurrit nobis, quin invocetur. 54. Ab ipso proveniunt omnia bona. 56. Quam facile sit illi placere? 111. Non protegit temerarios, se peccandi periculo ultro offerentes. 185. 333. Non permittit tentationes viribus nostris superiores, nec imperat impossibilia. 319. Ob quos fines permittat nos tentari? 332.

Diabolus deridet exorcismos Lutheri. 9. Quomodo vexarit Jobum? 173.

Divites eorumque magnum periculum. 445. 446. *Docrine* laxæ quantum contumeliam Ecclesiæ afferant? 130.

Dolor de peccatis. Vid. Confessio.

Dona Spiritus Sancti alia intellectui, alia voluntati infunduntur. 117. Horum notio datur. 117. Dispositiones requirit ad illa suscipienda. 120.

E.

Ecclesia quid significet? 123. Vera Ecclesia a Christo instituta est sola Catholica Romana. 124. Quinam ab illa separati sint? 124. Fraus modernorum hæreticorum, duo articulorum Fidei genera distinguunt. 125. Quomodo visibilis dicatur? 128. Quomodo ejus sanctitas cognoscatur? 129. Militans & Triumphans non tuat dux Ecclesiæ. 132. Quatenus Militans est, peccatoribus & reprobandis permixta est. 133. Habet potestatem omnia peccata remittendi. 149. Hanc non habuit neque in lege naturæ neque in lege scripta. 148. Ecclesiæ profanata & vindicata. 350. 351.

Ecclesiastici quomodo vivere debeant? 284. Peccata eorum magnam scandalum præbent. 121. Regula, quibus tales se servant, quales esse debent. 285.

Elenchus. Animi ejus fortitudo. 46.

Electio. Ejus prærogativa, obligatio & alia. 31.

Ejusque patrat miraculum, ut creditoris satisfiat. 425.

Ethai Regi Davidi fidelissimus. 92.

Eucharistia. Ejus figura. 216. Quid circa illam credendum sit? 217. 214. Immetus Christi amoris illa elucet, 218. In hac Christi militie ac millicies sese immolat. 124. Quomodo nos tanto amoris Sacramento respondere debeamus? 225. Fructus illius. 225. Dispositiones ad illam suscipiendam. 230. Quantum sacrilegium sit illam indignè tu-

mere? 233. Actus eliciendi post sumptam Eucharistiam. 237. De frequenti ejusdem usu. 239. Peccata venialia impediunt fructum illius & qualia? 240. Quando obligatio illam recipiendi obtineat? 462.

Examen pro Confessione. *Vid. Confessio.*

Exemplum & ejusvis. 352. Quantum personæ dantis auctoritas vim ejus augeat? 362.

Extrema-Unctio. 278.

F.

Fama quando graviter lædatur? 397.

Fames multis peccatis occasione & diabolo tentandi ansam præbet. 354.

Festinare quare & quomodo instituta? 345. Quas obligationes imponant? 345. Quam pauci illa servant? 350.

Fides quid sit & quantum donum? 1. Mereri non potest. 3. Quomodo Deum & Ecclesiam spectet? 3. Quantum Deo ob hoc donum obstringamur, & quam horribilis sit ingratitude hoc donum parum curantium? 4. Catholica est evidenter credibilis. 7. Ejus admirabilis propagatio. 10. Ejus mysteria scrutari curiosi haud debent. 13. Perditur ex affectu ad vitia, maxime luxuriam. 15. Mortua est sine operibus bonis. 208. Mysteriorum ejus deploranda ignorantia. 297. Exercitium actuum Fidei. 235. 237.

Fili. Quæ sint eorum erga parentes officia? 572. Non possunt spondere aut contrahere matrimonium sine scientia & licentia parentum. 379. Pœnæ eorum, qui parentes suos non colunt. 381.

Femine quando adorando se, & novis vestimentorum modis graviter peccent? 410.

Fructus Spiritus sancti quid sint? 119. Dispositiones ad illos recipiendos requirit. 120.

Furti genus aliquod maxime usitatum, at non pro tali habitum. 144. 421.

G.

Gedeon quibus armis munitus hostes vicerit? 245.

Gloria celestis. *Vid. Beatitude.*

Gratia quonplex? 273. Media illius conservanda. 22. Est principium omnium meritorum. 136. Collata per Sacramenta habet suos speciales effectus. 190. Mereri non potest. 273. Gratiæ auxilium sibi non expectet, qui voluntarie se in peccandi periculum conjicit. 285. 333.

H.

Habitus vitiosus non retractatus nequaquam a peccato mortali excusat. 341. Peccare ex habitu est peccare cum plena voluntate & malitia. 341.

Heli summus sacerdos cum filiis suis severas pœnas daret. 361.

Hæmogenes. Ejus error de creatione refellitur. 44.

Herodes amore impuro excecatus. 416.

Homo quomodo ad Religionem christianam vixerit? 10. Est liber in suis operationibus, utatur Dei dominio subiaceat. 45. Taurus est, quatenus a Deo habetur, nihil majus. 111.

Humi-

Humilis. Quam difficile sit eam exercere, prout patet? 97.

I.

Iacob votum vovet Deo. 221.

Idolatria quantum mundo ante legem Evangelicam dominata sit? 10.

Ieiunium & ejus obligatio. 448.

Impetratio nititur misericordia Dei. 137. Etiam peccatores possunt impetrare. 137. 321.

Impuritas plus ceteris vitiis ad Atheismum ducit. 15. 403. Remedia hoc a vitio se liberandi. 17. 18. sectus illius. 413. *Impuri* æge se convertunt. 419.

Incarnatio explicatur. 59.

Infernus. Quid hoc nomen in S. Scripturis significet? 93. Vid. *Dammati*.

Ingratitudo erga Deum vitium horribile. 5. 29.

Inimici quando & quomodo amandi? 309. 331.

Salvo præcepto dilectionis pollicari & exigi potest præceptio damnorum ab illis illatorum. 310.

Job exemplum patientiæ. 173. 174.

Joseph ab Arimathea exemplum christianæ fortitudinis. 214.

Ira quando sit peccatum mortale? 386.

Judas Machabeus videt in visione Oniam & prophetam Jeremiam satis sanctos pro populo Israelitico orare. 138.

Judicium finale describitur. 112.

Judicium particulare describitur. 104.

Juramentum quid sit & quodplex, ejus conditiones, formula, abusus. 337.

Iusti nunquam dissident providentiæ divinæ. 53. Peccata, de quibus penitentiam egerunt, nullum pudorem eisdem in judicio incurrunt. 114.

L.

Lex Moisaica tria genera præceptorum continebat. 294. Quenam horum abolita & quæ retenta fuerint? 294.

Libri Scripturales seu Canonici ut tales habendi ex solo judicio Ecclesiæ catholicæ. 2.

Limbus Infantum quis? 93.

Limbus SS. Patrum quis fuerit? 93.

Lusores quando graviter peccent? 443.

Lutherus a diabolo exterritus & delusus. 9.

Luxuria. Vid. *Impuritas*.

M.

Maria semper Virgo & vera Mater Dei extitit. 65. Ejus gratia, & quantum in illa creverit? 66. Ejus excelsa dignitas & potentia. 71. Utitur potentia sua in nostrum emolumentum. 73. Est Regina nostra. 73. Est Advocata nostra, quin hoc obstat Mediationi Christi. 74. 75. Quinam peccatores in illa prolecerit sperare possint, & qui non? 76. Ejus summa afflictio in passione Christi. 84. Prima vidit Christum a mortuis redeuntem, quin hoc Evangelio advertitur. 95. Quivis probus Fidelis se illi devotum profiteri debet. 139.

Martyres gerent in corporibus suis summa cum gloria vulnere cicatrices. 98. 159.

Matrimonium est contractus & qualis? 286. Est verum Sacramentum inter Fideles. 287. Ejus effectus. 290. Quam pauci conjugatorum hos effectus participant & cur? 291. Quid statendum sit de liberis, qui se infestis parentibus aut tutoribus suis despondent? 287. Personis desponsatis post contracta sponsalia omnis lasciva complacentia prohibita. 288.

Maxentius tyrannus quomodo Christianos necaverit? 159.

Mendacium triplex est. 429. Simulare est mentiri. 430.

Missa verum Sacrificium est. 23. Effectus ejusdem. 225. Modus indignus, quocumque multi Fidelium eidem assistunt. 227. 351. Item modus indignus, quocumque illam multi sacerdotum celebrant. 228. Tempus, in quo Missa auditur, est opportunissimum ad exercendos actus virtutum theologicarum. 301. Quenam pars notabilis Missæ omittit impediat, quo minus præcepto satisfiat? 349.

Mors amicorum & charorum cur nobis nimiam afflictionem afferre non debeat? 160.

Murmuratio sive *Detractio* septem modis fit. 397.

Quando sit mortalis? 391. Ejus perniciosissimi effectus. 394. Sæpe imponit obligationem reparandi damna sua. 396. Perlepe etiam damna realia. 397. Quanam obligatio transeat usque adeo ad heredes detractoris? 397.

N.

Naaman mundatus a lepra. 159.

Naboth iniuste occisus. 445.

Necessitas extrema, gravis, communis (respectu eleemosynæ) explicatur. 315.

Necessitas mediæ & præcepti exponitur. 191. 296.

Nero ad summas angustias reductus quid biberit? 179.

O.

Obedientia explicatur. 376.

Occasiones peccandi quotuplicis generis sint? 107. Qui illis temerarius obviat, Dei auxilium non speret. 285. 332.

Ochozias Rex Israelis quare a Deo ad diem supremam obeundam damnatus? 57.

Oculi non custoditi quantum noceant animæ? 438.

Odium quid sit, & quomodo generetur? 383.

Omnipotentia Dei explicatur. 42. Cur tribuatur Patri? 42. Resplendet potissimum in creatione, & dominio humani arbitrii. 43. 45. Magnam nobis orantibus fiduciam affert. 46. Magnum item metum peccantibus. 46.

Onias summus sacerdos orat, ut desinens, pro populo Hebræo. 138.

Opera misericordie tum spiritualis tum corporalis quomodo, & quando exercenda? 306. 311. 314.

Opera servilia. Vid. *Festa*.

Oratio quid sit? 318. Ejus necessitas & utilitas. 318. Qua ratione esse continua possit? 319.

Ejus efficacia. 333. Quid petendum sit? 321.

O o o s

Quo-

Quomodo petendum sit? 322.
Oratio Dominica, . Eius excellentia & efficacia. 325.
 Paraphrasis in eandem. 324.
Ordo. Explicatur hoc Sacramentum. 282. Quibus
 ex causis recipi debeat? 283. 284.
Oza repentine moritur, & quare? 229.

P.

Parentes quando, & quomodo obligati sint ad edu-
 candos liberos? 353. Quomodo se erga filios
 gerere debeant circa electionem status? 369.

Passiones. Vid. *Affectus*.

Pater noster. Vid. *Oratio Dominica*.

Pax ab omnibus queritur, a multis non invenitur,
 & quare? 171.

Peccator quanto odio a Deo persequatur? 32. 60.
 178. Verecundia eius in confessionali irrationa-
 bilis. 259. Quibus uti remediis & diligentis
 debeat? 251. 254. 255. 256. 271. Quam con-
 veniens sit, eum a Deo puniri? 40. Si huius
 vite felicitate fruatur, pessimum omnem est. 41.
 53. Contemnit sanguinem, quo emprus est. 86.
 Est non mereatur, impetrare tamen potest. 137.
 312. 321. *Habituatus*. Vid. *Habitus*.

Peccatum. Gravitatis & damna peccati mortalis. 60.
 Nullum est, quod remitti non possit. 149. In-
 terna peccata sunt vera peccata. 436. Eorum
 distinctio unde sumatur? 437.

S. Petrus a Christo *Sathanas* vocatur, & cur? 401.
Penitentiae Sacramentum explicatur. 249. 259. 264.

272.

Præsentia Dei. Vid. *Deus*.

Prophetia. Explicatur, quid sit? 7.

Providentia Dei exponitur. 47. Mire apparet in eo,
 quod in vita mali prosperentur, boni affligan-
 tur. 51. Respondetur querelis multorum tribu-
 latorum. 50. 51. 52.

Proximus noster quis sit? 303. Necessitas, cui ille
 subiacere potest, & obligatio eidem succurrendi.
 315. Capax est triplicis vite. 382. Quid pro-
 hibetur quinto præcepto? 383. Non lædatur
 verbis. 36. V. *Murmuratio*.

Pulchritudo utrum a bonitate distinguatur, & quo-
 modo? 23.

Pulchritudo Dei explicatur. 25.

Purgatorio & eius pœne exponuntur. 141. Qui-
 vis sublevare animas purgantes facile potest. *ibid*.
 Quanta crudelitatis reos se faciant ii, qui obli-
 gantur ad illis succurrendum, & non succurrunt?
 142.

R.

Remissio peccatorum explicatur. 147.

Respectus humanus sperni debet. 211.

Resurrectio universalis explicatur. 154.

Reverentia Ecclesiis debita. 350. 351.

S.

Salomon fit idolorum cultor, & quare? 16.

Salve Regina. Paraphrasis huius orationis. 79.

Sadus æterna nunquam, nisi per fidem in Christum,
 obtenta fuit. 297.

Salutatio angelica. Eius paraphrasis. 77.

Samson in vitio luxurie mire cæcus & stupidus. 415.

Sancti in cælo intercedunt pro nobis. 128.

Saul duabus vicibus Davidis innocentia testimonium
 perhibet. 310.

Scandalum quid sit & quotuplex? 398. 399. Varii
 modi, quibus illud datur. 400. 405. Datum i
 viris ecclesiasticis summe perniciosum est. 121.

409. Scandalum speciale gravissimum quam-
 dam personarum in auctoritate constitutarum. 459.

Scriptores laxarum doctrinarum quam damnosii sint? 156.

Secle hæreticorum esse vera Ecclesia nequeunt. 124.

Sedecias Babylonem in servitutem abducitur. 105.

Semei Davidi audacissime insultat. 61.

Sermones & Aquivocationes impure quam pernicio-
 se? 402. 403.

Solutio debitorum dilata quantum noceat animæ? 429.

424. Consequentia illi exitiosa. 424. 425.

Spiritus sanctus est verus Deus. 116.

Superiores tenentur corrigere subditos etiam ex ju-
 stitia, immo in actiones & vitam eorundem in-
 quirere. 307. 359.

Symbolum Apostolorum viva primum voce vulgatum,
 subin literis mandatum fuit, & quare? 12.

T.

Tentationes. Harum vincendarum modi & reme-
 dia panduntur. 302.

Testes, in testimonium vocati, quomodo sese gere-
 re debeant? 429.

Theatra obscena quam perniciofa sint? 405. 407.

Timor Dei triplex. Vid. *Dona Spiritus sancti*.

Transitio quid sit & quotuplex? Et quæ veritates ex
 Traditione credantur? 1. 97.

Tribulationes sunt signa certissima divini erga nos
 amoris. 55. Magnus error eorum, qui, ut se
 ab his liberent, ad remedia peccaminosa descen-
 dunt. 56. Quid faciendum, si nobis Deus tri-
 bulationes immittit, & accidere sinit? 97. Aliæ
 ad animam, aliæ ad corpus spectant. 308.

Trinitas. Mysterium Trinitatis explicatur. 18.

Tullius Cicero agnoscit immortalitatem animæ. 156.

Servat vitam Pupilio, a quo postea occiditur. 63.

V.

Verba Dei verbata & scripta. 1.

Verba inhonesta & aquivocationes quam pernicio-
 sia? 402. 403.

Vestitus immodestus. Vid. *Famine*. *Scandalum*.

Virtutes theologice cur sic dicantur? 299. Quando
 actus earundem exercentur? 285. 287.

Vita præsens non est locus, in quo humanarum actio-
 num vel premia vel pœne accipiuntur. 51. *Inf*
soluta Catholicorum quantam infamiam Religioni
 Catholicæ accersat? 133. 207. Est via quædam,
 ad æternitatem vel felicem vel infelicem duccens.
 161.

Vocatio ad statum ecclesiasticum vel regularem. Vid.
Parentes.

Voluntas Dei alia est Signi, alia *Beneplicitatis*. 329.

Quomodo manifestetur? 329.

